

四庫全書存目叢書編纂委員會編

齊魯書社

四庫全書存目叢書

集部

第二七六冊



責任編輯：孫言誠 賀 偉

ISBN 7-5333-0615-5



EB41/06

四庫全書存目叢書·集部二七六

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 51.25 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第二七六冊目次

集部·別集類

弢甫集詩十四卷文三十卷弢甫五嶽集二十卷弢甫續集二十卷(二)

〔清〕桑調元撰

吉林大學圖書館藏清乾隆刻本

柳漁詩鈔十二卷

〔清〕張湄撰

中國人民大學圖書館藏清乾隆刻本

秋水齋詩十五卷

〔清〕張映斗撰

上海圖書館藏清乾隆張守約等刻本

一

六〇二

七三六

弢甫集詩十四卷文三十卷

弢甫五嶽集二十卷弢甫

續集二十卷(二)

〔清〕桑調元撰

吉林大學圖書館藏清乾隆刻本

附《四庫全書總目·桑弢甫集

八十四卷》提要

壬戌之秋門人請定予詩十四卷文六卷詩先鏤板成尋宅憂無心及文字門人不敢請仍委敝篋中積日月踰十年所作又多于前數倍兒子請合編之授梓憂散失也嗚呼是無能之辭烏足貴惜惟是平生涉歷友朋誣諉之跡具見于是文雖不合清規顧弱毫所摭紀不可遽就湮沈曩亡友朱子齋因拙草藁中有傳序其尊甫誄其母夫人之辭遠自平泉寄剗剗之貲懲予竟其事于以見孝子之用心欲表揚先德潛光雖以予之不文謬有誤述不聽沒諸覆瓿冀藉以彰于世其纏綿悃欵使人怛怛難忍諸懷況吾倫紀之因依事境之振觸有攄其鬱結尤耿耿不忍灰棄者乎然則姑板此勿論其言之不能文與句然不足行遠亦無辭剗藤之天閱爾矣昔朱子躬承道系其各體著述俱遠有師承散行效董江都會而豐尤能根極性命用真氣排募大昌厥辭有擅名作家不敢方擬焉者調元忝出餘山先生門下既燭理不明履道不熟而于斯事又實無分毫工夫第率胸臆爲之漫浪傾吐而已然知者鑒予清夜之懣惓固不在是也爰釐爲三十卷書一語弁諸首乾隆二十八年癸未中秋日桑調元自序

序

蘭陔草堂

張甫集目錄

卷一論

卷二序

卷三序

卷四序

卷五序

卷六序

卷七序

卷八傳

卷九傳

卷十傳

目錄

卷十一碑

卷十二碑

卷十三對記

卷十四書後

卷十五書

卷十六雜著

卷十七學規

卷十八誌銘

卷十九誌銘

卷二十墓表

卷二十一行狀

蘭溪草堂

卷二十二行狀

卷二十三誄

卷二十四哀辭

卷二十五行述

卷二十六祭文

卷二十七祭文

卷二十八賦

卷二十九四六

卷三十四六

目錄

蘭溪草堂

論

辨君子小人論

治天下之要莫急於用人用人之要莫急於辨君子小人君子小人未易知之而辨之也以帝堯如神之智成湯天錫之智宜於人無不燭其隱而觀其深矣而於伯鯀尹諧猶幾幾乎失之故虞書曰知人則哲惟帝其難之商書曰其難其慎蓋深慮乎人之難知而所以覈品於心術之微程材於事爲之著姑以試其可久而得其真者如此乎其詳以審也故鯀殛諸

張甫集卷一

一

蘭陵草堂

誅元德升而十六相隨舉於巖廊之上百工以釐庶績以熙三宅三俊與咸有一德之氣類相感敷求哲人旁招俊乂近則協於厥邑遠則丕式見德堯與湯卒不損其知人之明而成帝王之上理其要在克辨乎君子小人任勿貳去勿疑惟和惟一以有此美也君子小人道消道長其乘除出於陰陽之氣運其扶抑由於神聖之事功事功所以持氣運而氣運即隨之轉故神聖不委諸氣運也神聖之事功辨君子小人而已矣君子小人克辨則小往大來賢人出而氣運昌君子小人失辨則大往小來賢人隱而氣運至於極壞予竊稽大易觀否泰二卦之象相對相反慄

張甫集卷一

二

蘭陵草堂

乎毛骨爲之竦而心神爲之怵以悖也泰之象曰天地交而萬物通也上下交而其志同也內陽而外陰內健而外順內君子而外小人君子道長小人道消也此克辨君子小人之所以者其休也否之象曰天地不交而萬物不通也上下不交而天下无邦也內陰而外陽內柔而外剛內小人而外君子小人道長君子道消也此失辨君子小人之所以形其咎也勢之成也如冰炭白黑薰蕕涇渭之相懸開通閉塞關繫乎天下萬物之數而內外消長其初祇肇判於一幾然則小大往來之間辨之不可不早辨矣一君子進而衆君子由之以進正與正相合其道德性命根乎稟受成乎學問者本並出一原故同升諸公衆正翊贊師師凝績勢之所必至也一小人進而衆小人由之以進邪與邪相引其權謀術數逞乎嗜欲熟乎營求者亦並出一途故朋比爲姦衆邪黨附師師非度亦勢之所必至也泰之初九曰拔茅茹否之初六亦曰拔茅茹君子小人之相連並進各從其類三陽在下與三陰在下其乘時用事之勢已各不可遏然一則幸其征惟恐其不征也慶之也一則最其貞難乎其爲貞也危之也君子之素爲君子非一朝一夕之操持小人之變爲君子豈革面革心之神速默覘氣運者於泰初之彙欣欣然喜於否初之彙惻惻然

憂之矣君子之得時則駕也所設施皆中行之道寬裕有容苛察之能弗矜也果敢有爲振作之氣倍厲也思深慮遠經綸必極周計秉道嫉邪投契不容昵比故擴包荒之度鼓馮河之勇絕遐遺之愆著朋亡之正泰九二之光大豈小人曖昧狹隘之所可同年而語哉從來君子不依藉乎小人而小人間親附乎君子故泰之二則曰朋亡否之二則曰包承小人而順承乎君子亦小人之有意向者也而君子之氣類固殊焉進以禮退以義據理而答不惡而嚴固獄獄懷方以處之不然否何以云亨而羣之未必不終亂也夫平陂往復者運也艱貞勿恤者道也九三處泰

○波甫集卷一

三

蘭陵草堂

極之時而君子憂盛危明之心正於斯見之不敢任乎氣數之自然而動色相戒持盈守滿制治保邦之謨謀出焉使不以道力持平天地之際其何福之能食君子之明於憂患而不使其心之一息放逸也安以是保危以是持亦何時而不用其兢兢也乎泰之三固以其處於極盛而思其艱否之三不以其無能肆害而忘其懼小人志於傷善而蓄而未發其蓄焉者故在也否六三之包羞豈其志不欲騁哉有識者能無爲君子寒心哉君子非懼其禍之將及己也君子以身任天下之安危則護善類而防邪慝固不容於不深長思也至泰之六四而小人羣然得志矣同

惡相濟合謀害正印疊疊綬若若翩翩下集睢盱之態尙忍言哉天運之可挽也是否六四之有命也人事之當盡也是否六四之離祉也君子志願得行之時卽君子疇類獲福之時也觀於泰四之不可復爲與否四之堪與更始而知泰之難恃一跌而遂至斯極否之可回一振而咸與維新然則泰未卽爲休而否未卽爲咎也其故只爭乎君子小人進退之機而休咎倚伏之勢如圍之轉可畏也懿矣哉君臣同德上下交修之朝之予人欽慕也柔中虛已保泰下賢惟與碩德感孚不爲讒邪所間願伸於大君祉遍於萬類是泰九五之象也且夫王業未有不致其憂勤

○波甫集卷一

四

蘭陵草堂

惕厲而能久安長治者也其亡何其危苟柔何其固撥亂而反之正思患而爲之防否九五之休否夫固有以致之戒天祿之永終休天命之難謫無疆惟休無疆惟恤陽剛中正之君與弼直謨明之臣其交相應而互相警多在於此故其盛也萬幾有兢業之思其壞也天子有無惑之曲君子之匡贊其君則必陳四方水旱盜賊以聳惕乎屬精圖治之心小人之蠱惑其君則必致多端聲色狗馬以恣行其執迷不悟之事此其大相逕庭者也夫泰之終爲否與否之轉爲泰也氣化盛衰人事得失反覆相尋固理之常而無足怪故有城復於隍之嗟有否終則傾之喜然所

重者在人事則不可聽其將然而莫爲之所命亂而猶必告命則不付之於無可如何否傾而出於先否則非安然而得其攸濟夫陰陽之消長君子之消長也其來有萌動之幾故其乘而起也日盛而莫之止其轉有旋撥之紐故其隨而返也終變而不久處於盈作易者於陽之復君子之升則迎而喜之於是乎有大烹之養有好爵之廣有晝接之榮有觀國賓王之美於陰之生小人之進則退而絕之於是乎有公餽之覆有輦帶之禡有勿用之戒有負乘致寇之譏泰卦於君子多危悚之辭懼泰之難終保也故三則惕之以無往不復六則傷之以城復於隍否卦於小

張甫集卷一

五

蘭陔草堂

人多戒勉之辭冀否之猶可支也故二則許其包承三則幸其包羞然君子難進而易退守十年不字之貞秉舍車而徒之義此素履獲吉不亂於小人之羣而國家事遂不可言矣小人易進而難退受不足敬之服蒙非據而據之醜此比匪有傷竟成不戒以孚之謀而衆正人斥逐殆盡矣予嘗觀上下千載君子小人進退之際而知否泰之所由生雖曰天運豈非人事哉唐虞時八元八愷中惟庭堅與五臣之列矣斯伯與朱虎熊羆名見於四岳九官十二牧之外四岳十二牧同亮天工者其名且失傳魯論專舉五臣爲言以謂舉其大者數人爲前後代之所莫能匹則

固已彰其勢之極盛而其次而降焉者數之不勝數亦不必悉數之也當時天之生才固極其多且美而聚其多且美於朝者何無一之遺也是其氣類足以感而召之一君子進而衆君子俱進一大君子進而六德三德之君子無不進則小人無所容其身以售其姦故曰何憂乎驩兜何遷乎有苗何畏乎巧言令色孔壬也三代皆籲俊掄材而孟子獨稱湯之立賢無方是豈無故哉有商用人之法不拘族系不採虛聲自耕築起爲大臣而不之疑懋官懋賞惟其賢惟其人稟上帝之簡在謹衣裳之在笥汝鳩汝方尚書雖列其篇目而其文既逸然伊訓說命諸篇可考也

張甫集卷一

六

蘭陔草堂

其時之賢路開通官常整飭收之也博覈之也精商六百祀爲精明強固之天下周祚雖過八百弗及也周道親親世卿稍覺倚重周公仰思而未合其殆爲是與故吐握致勤辨論致審綴衣虎賁趣馬小尹皆庶常吉士僕御侍從罔匪正人賢才之氣脈盛故國家之氣脈如之賢才之氣脈長故國家之氣脈亦如之漢治最爲近古求賢之詔屢下責郡國以名聞河南守吳公治平爲天下第一而所薦者爲貢誼舉者賢則所舉必賢君子與君子爲類不信然歟韋彪貢舉議曰士宜以才行爲先不可純以閥閱然其要歸在於選二千石二千石賢則貢舉皆得其人矣其亦

知此意也乎何武辟鮑宣史高辟匡衡周景辟陳蕃王渙辟仇覽辨於其類也蕭何薦曹參丙吉薦西河太守杜延年廷尉于定國太僕陳萬年大臣以人事君猶有克知灼見之遺風焉則其類先正也唐魏徵王珪之徒在太宗左右事之大小無不議論諫諍當時邪人庸人相參者少雖有如封倫李義甫輩太宗又能識而疎之故能成貞觀之治宋曾鞏嘗欣慕而樂道之矣而魏徵上十漸之疏猶懇懇以昵小人遠君子爲戒斯辨之不容以不瞭然者也元宗用宋璟姚崇張九齡韓休輩而治用楊國忠李林甫等而敗憲宗用杜黃裳李藩李絳裴度等而大業振舉用皇

張甫集卷一

七

蘭陵草堂

甫轉程异而隳之裴度耻與轉异同列上疏曰臣若不退天下謂臣無耻臣若不言天下謂臣負恩而帝不悟也是何其明於始而暗於終哉則克辨之難在有意中興之主且猶然也中間若德宗用崔祐甫陸贄等而安用盧杞裴延齡而危曦光乍開重靈疊閉嘗與李泌論卽位以來宰相曰盧杞忠清彊介人言杞姦邪朕殊不覺其然泌曰此乃杞之所以爲姦邪也倘陛下覺之豈有建中之亂乎帝猶謂亂爲天命非杞所致贄奏人主擇輔臣輔臣擇庶長庶長擇僚佐得人爲易帝不聽又謂延齡誕妄小人不可用帝又不聽其後若穆宗時牛李分朋更相傾軋敬宗時

李逢吉用事所親厚者八關十六子其暗而莫辨更不足言矣宋李沆咸平間爲相帝問治道何先對曰不用浮薄新進喜事人最爲先其辨之固已明矣王旦寇準不知君子小人之必不容並立故卒爲王欽若丁謂所傾眞宗不知君子小人之必不可雜進故治卒未純婺州呂本中謂知漢唐小人易而宋難知熙寧後小人易而前難知之者惟王旦李沆耳然旦固不可謂之眞知也蓋辨之明若斯之難也仁宗時杜衍富弼韓琦范仲淹在廷執政歐陽修余靖王素蔡襄爲諫官退夏竦以從清議舉措得宜此石介聖德詩之所爲作也其詩曰衆賢之進如茅斯拔大姦

張甫集卷一

八

蘭陵草堂

之去如距斯脫蔡襄亦言於帝曰一邪退則其類退一賢進則其類進衆邪並退衆賢並進海內有不泰乎至和間趙卞上言務欲朝廷別白君子小人帝納之斯可謂之休風矣神宗亦勇於有爲之主誤信王安石更有傳法之韓絳護法之呂惠卿而國紀已大壞至哲宗元祐間司馬光爲相呂公著范純仁輩同心輔政宇內復治安而其後妨臣誤爲調停之計致使楊畏章惇李清臣鄧潤甫邢恕蔡京等諸姦橫發至有詆司馬光姦邪當先辨者顛倒是非一至於此徽宗建中靖國間邪正雜進權給事中任伯雨曰君子小人並用終於君子去小人留不聽由是蔡京童

賈之毒氛熾播刻立黨碑而北宋已墟矣則全無辨別之故也理宗時梁成大等附史彌遠正人盡遭擯斥朱瑞常既劾魏了翁真德秀落職成大貽書所親曰真德秀乃真小人魏了翁乃偽君子此舉大快公論小人之無忌憚有不顧人齒冷者以程伊川之賢而指之爲姦者出自蘇軾且引以爲己功其他則又何說由是觀之其克辨也若此其失辨也若彼而否泰之運迭爲倚伏於其間且一朝之事一君之身而克辨與失辨前後或殊則泰否亦從之而異應不可以不慎也夫人固不易知知人亦不易小人之中有其言辯其行堅其見聞之博足以出人之所不能其

張甫集卷一

九

蘭陵草堂

情貌之深足以欺人之所不見其智術之巧足以移人之所好而不悟其才藝之美足以行人之所難而不憚誠有如明鄭曉之所云者則其爲小人尤不易知所宜辨之又辨者也漢武帝知霍光之忠而不能知上官桀之詐此固有難燭其姦者矣或有慮人之難知而欲以術鉤取之則又不可唐太宗時有上書請去佞臣者帝問佞臣爲誰對曰願陛下與羣臣言或陽怒以試之彼執理不屈者直臣也畏威順旨者佞臣也太宗曰君源也臣流也濁其源而求其流之清不可得矣君自爲詐何以責臣下之直乎太宗此言可謂深知治本矣又嘗謂魏徵曰爲官擇人不可

造次用一君子則君子皆至用一小人則小人競進矣徵對曰然天下未定則專取其才不考其行喪亂既平則非才行兼備不可用也夫太宗之言是也魏徵之言非也易曰開國承家小人勿用豈謂草昧雲雷之日布經綸者可不必期於君子而爲苟且之計耶後世之治不古若者率由此也夫開國之始卽宜專用君子矧其在承平也予嘗謂獨智小數之夫一長可取或一言之合概以爲才而置之要地則氣類相引輕薄猥巧之徒雜然並進而官方大壞矣善乎張橫渠之言曰弓調而後求勁焉馬服而後求良焉士必慤而後智能焉士不慤而多能譬猶豺狼不可

張甫集卷一

十

蘭陵草堂

近此辨人才者之所當先審也崔與之上疏理宗曰天生人才自足供一代之用惟辨其君子小人而已忠實而有才者上也才不高而忠實有守者次也用人之法無踰於此斯言得之矣若夫辨君子小人之方古亦有之臯陶曰亦行有九德亦言其人有德乃言曰載采采亦既核其實矣而必觀之彰厥有常而乃定李克曰居視所親富視所予達視所舉窮視所不爲貧視所不取五者足定之矣五者不能遍觀而熟察之則視所舉而舉者之品定視爲所舉而所舉之品亦定總不離乎類聚羣分之說而已李德裕言於武宗曰致理之要在於辨羣臣之邪正夫邪正二

者勢不相容正人指邪人爲邪邪人亦指正人爲邪人主辨之甚難予以爲正人如松柏特立不倚邪人如藤蔓非附他物不能自起夫特立者君子之以義理爲身之幹小人之所不得而假借者也張浚曰不私其身慨然以天下百姓爲心此君子也謀求之計甚密而天下百姓之利害我不顧焉此小人也其言之剛正不撓無所阿嚮此君子也辭氣柔佞切切然伺候人主之意於眉目顏色之間此小人也樂道人之善惡稱人之惡此君子也人之有善必攻其所未至而掩之人之有過則欣喜自得如獲至寶旁引曲借必欲開陳於人主之前此小人也君子小人無時

張甫集卷一

十二

蘭陔草堂

無處而不相反此亦言其入朝之概爲然魯論所言周比和同驕泰之類不一而足究其處心積慮於公私義利間盡之視所以觀所由察所安聽其言觀其眸子人焉廋哉抑蕙荃化爲茅百鍊剛化爲繞指柔君子之失足爲小人一須臾頃耳陽和布煖鷹化爲鳩識者猶憎其眼則小人之純變爲君子誠難也此則流品雖難猝辨而卒無不可辨焉者也顧君子嚴氣正性未見其可欺焉而輔成君德其益無窮小人則能先意承志以悅人主之心乘間候隙以中人主之欲雖覺其舉動之非端亮而應而不能割其害亦無窮朱子曰君子小人迭爲消長直諫多聞之士遠

則讒諂面諛之人至蓋人臣之賢不肖關國家之興亡而實有天意存乎其間若人君果能遠小人親君子則讒諂面諛之人亦無不遠直諫多聞之士亦無不至之理則本源之澄澈在君心矣記曰王中心無爲以守至正夫惟一正而後可以合衆正一正而後可以却衆邪所謂取人以身者此也

張甫集卷一

十三

蘭陔草堂

序

儀禮集編序

禮古經篇五十六漢出孔壁爲完書劉歆欲列諸學官諸博士荒固莫置對唐時猶存後亡之所存十七篇尙賴明經學究專科經注並習未度閣也王氏新經眩亂設科專小戴而禮古經益否晦然禮古經爲經而禮記訓故之特重於他禮經學者抱守殘缺十七篇中獨軍禮亡耳吉凶賓嘉小大於是焉稽通辨而推行之有周盛時之閎典斌斌如矣且所存原不

張甫集卷二

蘭陰草堂

止十二禮融貫精腴可上下行於世呂柟嘗偕其餘合公侯伯及士子習行於太學人識是經之寶貴其行於今蓋寡特不之行耳予曷友教南屏山禾之盛生來從事是經不輟寒暑昏曉生精敏送難鉤元暗與古合多杼特見發前箋之所未嘗經輿之抉疏訛之糾衷中理解刃之游且恢恢然既數年生用功益勤而專倣何晏范甯臚先說而衷之己意裊然成編分卷如經之舊前卷綱領標其凡後卷附錄勘正監本石本補顧炎武張爾岐之缺鄭賈楊氏之圖之失胥正之高識炯炯辨經與記之參錯熊朋來目儀禮經後卽記惟士相見諸篇無之敖繼公疑有之而逸生

則謂士冠禮舊自記冠義以下爲記然此乃戴記郊特牲文耳準諸例自若不醴則醮用酒已下卽記矣士相見禮舊無記準諸例自士見于大夫以下卽記矣其注或連傳經爲傳隔之類悉與更定諒哉言乎庶乎經之功臣已昔范祖禹奏陳祥道注解儀禮乞下兩制看詳備禮官討論詔從之今上崇右經術世豈無范祖禹其人而生爲陳祥道詎忝乎抑此自論實獲固百世之業也韓子曰獨抱遺經究終始歐陽子曰學者當師經生其務篤於經是師求意得心定道純而充實盡終始之究得聖人之意次第釐訂羣經而周官大小戴本是經表裏當先就緒予老矣

張甫集卷二

二

蘭陰草堂

猶及爲生續序之生名世佐字庸三

毛詩明辨錄序

昔文中子以春秋尚書與詩同目爲三史上下千餘年朝野之得失存焉也而詩之微婉善感人心有過於書法之謹嚴告誡之沉懇者姦人之雄悍夫之蠢愚示之袞鉞之寄渾噩聲牙之編載或怙弗之恤而下里清謳無心之唱歎入乎其耳觸乎愴焉有痛之真輒涕泗迸流怛惻不自禁故興之善物歸焉顧人代荒遠其采貢存刪之故通儒莫能究晰史遷謂古逸三千餘篇歐陽推詩譜圖又當不啻乎是然季札所觀雖次序與今異而全詩亦止此數故朱子亦謂夫子固未曾刪特刊定而已舊自齊之下卽歌幽歌

《張甫集卷二

三

蘭陔草堂

秦然後歌魏而今以幽爲風殿退秦於唐後論者探夫子之微意言人人殊而鄭氏詩譜則且檜先於鄭依邛邛先衛之例王在幽後與雅頌接雖未爲無所見然經自聖人定後議論所不敢到也王魯齋直欲去淫風三十五篇陳少南要廢魯頌噫其甚矣學者生古人之後其疑之不可通闕之斯已耳沈君良思學贍而思勤於經史並有著撰而毛詩明辨錄先板行屬序於予予受而讀之見其貫穿諸經左右咸逢又身歷邊地攷古風土之遺辨晰名物致爲精覈卽音韻亦細與折中而大旨發明朱子之集傳特詳意思名通不執一見朱子雖不主大小序而菁英要靡

不舉掇是錄亦羅其元要罔有缺訛其洵不爲毛鄭佞臣而多於前功矣乎夫前人志有所觸發之於聲詩明者能於千百載下善以意逆之而知其在高山在流水是三百篇留牙生之操得君起而爲其子期泠泠絃軫軫識聽其真以之拈說匡稚圭之所不是過而興觀羣怨之蘊奧益抽闡發皇而不可以已是四始六義之一快也其羣經之纍如珠貫史論之靡靡可聽殆弗可測量已君名青崖大興人

《張甫集卷二

四

蘭陔草堂

春秋三傳明辨錄序

古子沈子邃於春秋學其後裔良思君起而昌其緒
覃精研思積有年月著三傳明辨錄爬疏晦塞探闡
元微通三家之郵啓全經之奧於聖人筆削之義若
隨素臣面承音旨於緇帷也若引高赤之儔以難以
解重席之間斷斷如也若與杜何范氏專門討尋泝
董劉沿啖趙滙百十名家下上其議論也夫不通羣
經不足以治一經不知史法不足與談經術不博研
象緯山川方名器數之宏蹟不足窮遐極幽俾微言
大義之可考而彰也君條貫羣經詩易並有撰述又
史論縱橫誅姦發潛旁羅衆妙叢書無所不究於古

張甫集卷二

五

蘭陔草堂

今輿地特詳繪列國圖瞭如指掌著書富而用心勤
如此自來箋疏三傳不乏恢奇而劉原父之權衡程
積齋之本義爲最善王子思通易與春秋更擅史論
張元德作地里沿革志說經鏗鏗君兼之矣前後以
例論春秋者林立幾成聚訟至窒礙輒多流通或厭
苦之則徑欲破除獨抱遺而究終始二者皆偏也魯
論序言志先顏淵重德也問將伐顓臾首冉有責與
謀也於晝寢則名予於聚斂則名求蓋重貶斥之孔
門弟子親見聖人華袞爲斧之用遂爾倣仿謂名字
進退無關係可乎其他記事直書見義二十篇中亦
不屑屑一例此可知書法所自矣然則聖筆神明變

化詎可窺以一成之見哉正例變例衆說紛綸而出
名通之見彙同異而折其衷如飲上池水洞見臟腑
癥結故治之也中後有好學深思之士不且於是耽
之成癖與

張甫集卷二

六

蘭陔草堂

擬明史列傳序

劉君芳草以史氏家居撰擬明史列傳五十篇其所傳類皆文章忠義志業魁閎之侶有明三百年日星河嶽鍾聚之奇已撮其標而氣運興衰朝常國是終始之由亦畧見於是不必覽全史而具知其體要蓋卓乎紀載之良也夫人者國之紀也洪武開創之初劉青田章龍泉輩應運而興如人氣體強固精神折衝宜乎黜陳殲張代元而有天下撥亂世反之正比踪於漢唐宋之隆功業如此其煌煌也中間扶柱鰲極代不乏人而金川門破駢闐善類摧殘雖一時威勢咄張而疹瘁之機已伏沿及瑞福橫流膏殷礎鎖

破甫集卷二

七

蘭陵草堂

糜爛沸湯英魂毅魄悲嘯於覆盆昏瞶之天其慘酷有不忍言者而明社已屋矣吾嘗論其邦家元氣之傷不傷於靖難奪門而傷於屠戮方鐵景于諸公恒幹之亡不亡於流賊縱橫而亡於鎮撫司慘毒繆周楊左諸君子如疋羸垂盡外潰內訌又安能苟延旦夕殘喘哉此一代人才或榮或悴邦祚之炎熄因之皆所謂磊磊軒天地不可磨滅者與而其間文柄獨持壇墀迭起噓喻其生氣於爛煤破楮之餘非惟文雅風騷之結習不忘其國係於朝家之運會甚大昔歐陽子愛司馬遷善傳偉烈奇節欲學作而怪無可書及得一壯其事者次第之又自謂未知其文能如

遷書使人讀而喜否今有明一代之人之偉烈奇節較歐陽子之所謂壯其事者且百之而君手提袞斧觸事激昂歌哭淋漓罄摠其胸中如是鬱蟠不可柔馴之物一寓之龍門排纂之體則人之喜讀其文爲之叫呼起舞更宜何如也君辭榮最早年近耄矣而好學不倦以承以啓孜孜述作豈獨其文可傳哉君名青芝襄城人

破甫集卷二

八

蘭陵草堂

萬子迂談序

勝朝江州萬淺原先生起家進士爲西曹歷外臺官至左布政以執禮不阿拂衣歸優游林下三十年年躋耄餘著萬子迂談舊刻淪于兵燹其孫朝紀重鐫之屬予訂其亥豕乞弁一言予攷先生居比部却嚴分宜子請託治滇楚閩汴紆籌兵食慮懋而識周凡三蒞閩值寇倭交訖全莆城者再閩倚爲長城然則先生夙蘊已略見諸行事所談絕不迂顧志氣犖犖于世不爲桔槔一時權嬖莫之逞終始淬厲一節甘以泉石老卽謂之迂也宜當隆萬時早潦洊臻流寇已蠹大厦乃有一木復撤之身退不用矣猶以力所

張甫集卷二

五

蘭陔草堂

克爲築堤興學德在鄉邦家訓女誡見于篇具可爲法六經皆有劄記而于樂尤摠特見謂聲依永乃樂器之聲不從蔡氏之注確指四清聲糾宋陳氏疑爲無用欲去之謬謂黃鍾管九寸寸皆九分若以十則三分損益不可行蔡西山謂大呂夾鍾仲呂當用倍數此惑于律管候氣之說夫用倍旣非三分損益之法播之五音仍止用半律非自然之數候氣止可用之冬至寅月陽氣已出地上午月且自上降下安有飛灰之理著論萬言卓乎可傳曾與李于鱗全曹司韵語亦琅琅可誦蓋先王實抱有爲之才遭時孔棘而爲崑瑣所尼故其題築廬詩云心懸魏闕三千里

身在匡廬第一峯知人論世誦讀其詩書者咸嗟惋之予爲濂溪書院山長與其廬隣近嘗步屨過之見堂中楹帖猶鐫其先大夫句裒衷聽瀑之軒諮訪軼事輒焉興仰止之思其子姓多從予遊而朝紀獨流傳先集誦厥清芬俾光烈播海宇微特祀于其鄉見先正之言立也先生名衣字章甫淺原其號

張甫集卷二

十

蘭陔草堂

性理粹言錄序

開封司訓某君甫臨學解輒出其夙所輯性理粹言錄以教弟子員而問序於予予惟宋五子性理之書追配論孟學庸如日月江河之經行於天地萬類之所資以生成者也新安施氏復取有明薛胡羅高四先生之粹言以類相從系諸後其條目一準近思錄規模大而節目詳不煩經營而成建章千門萬戶之體勢可謂詳之詳矣君以其書浩繁窮鄉僻壤不能悉購且瓊林瑤圃盈目皆寶入者不知所取也乃約爲是錄庶幾擇之精焉居恒以此教於其鄉今司訓是邦梓而行之以廣其傳其汲汲於昌明正學不負

張甫集卷二

上

蘭陔草堂

厥職有迥異於衆者夫天下之人才出於學校學校之陶冶繇於師儒正學不明師儒之勤者亦祇以科舉時文課弟子夫科舉時文未嘗非正學之所統貫而祈嚮一差苟焉富貴利達之是徇幾忘其所有事朱子有言學校之政不患法制之不立而患理義之不足以悅其心用慨然於設官之徒費廩祿思得一當職者教之理義今此條具在錄中誠千古陶冶人才之大關鍵也嗚呼理義原具於人人之心教者一實心提唱學者必蒸蒸向風翕然丕變況中州道脈承伊洛之淵源湯耿諸先生講學之流風未遠省會之學校又爲各州縣之倡吾知手是錄以鼓勵羣才

振興絕學俾凡爲士子者端其祈嚮進而抽闡諸儒先之大全以力求實踐將漸至於聖賢之域不難吾於茲有厚望焉

張甫集卷二

上

蘭陔草堂

序

李穆堂先生別稿序

傳稱不朽者三自來殊尤魁碩之士隨其才性成就各有所立其實事業文章不本乎道德則驚謀詭詐之所經營不足謂之功洗洋無實妖淫阿曲之辭不足謂之言也古之大賢本元深固雖跼伏窮巷黜業不得施無著述之流播亦煒然有聲光於穹壤不可得而湮滅其出而光濟於時肩任區宇勳庸紀乎太常德澤流乎蒼生又以其所淳蓄之菁英溢爲文辭

張甫集卷三

蘭陔草堂

大者婉謏訓並雅頌次亦足發揮萬有之性情彙括百代之蘊奧咸有資於實用而不爲無益之撰述自三代以來曠數百年而一觀猶傾蓋然若穆堂先生三不朽之盛以身兼之則豈非 皇朝之名世應休運而篤生者乎先生中年始達敷歷中外勇以天下爲己任屢折復起終始一節凡所建覽在人耳目七十懸車從容進退身名並泰休有烈光其本深實茂盤礴鬱積於中抑自有不容己於言者炳烺班布海內學者翕然師尊之惟恐望門牆而不得入也先生初藁行世已久續有別稿之刻其瓌璋大篇包絡川岳崢嶸霄漢奇出乎無窮而昔年所謂三應之作亦

列焉蓋先生率爾操觚必歸於正鴻鑪鑄物小大受範有非人工之繪畫雕鏤所得而倫比焉者其中殷殷利物之恩發乎至誠滂沛乎毫牘足爲經世之計謨天下後世必有用其所指陳以溥厚澤而垂永久豈與迂生小儒蟲篆蟬蛻之技屑屑較工於字句乎哉夫理道性生而有之熟研諸心疏觀諸事明白不惑沖融有餘足乎內流乎外不必比擬古人而盎然發舒自各如其所得之淺深所養之氣之大小臨川文獻甚盛鄉先正之振聲接武傳世而行遠者後先相望先生代興超然獨驚以視昔賢誠所謂同歸而殊塗一致而百慮者也調元固陋以蠡管之見跂先

張甫集卷三

二

蘭陔草堂

生爲人因讀先生之文而妄爲測之如此

空同詩鈔序

詩本陶冶性靈而性靈觸撥一時或橫溢莫可制聖人欲授之範也故曰發情止義若干古偉人之生心胸皎若雪日根元忠孝世俗鬼瑣之見不入乎其中一有感於倫理世故纏綿苑結若有物焉蓬勃不可按抑宣爲聲詩滂然蒸浮如山川出雲瀾漫碧落自然回薄萬狀古今作者淺深各有所得而統宗籠蓋萬舌同聲首推少陵杜氏蓋醞釀深厚忠義形見忽不自知傾注所至其妙躋巔輿何嘗不由才雄學瞻顧原本發皇自性情之正爲之所由與雕蟲篆刻羞壯夫之顏者異矣有明卯正間李空同先生立起詞

改甫集卷三

三

蘭陵草堂

壇奮袂大呼寰宇響應同時以明秀逸健狎主齊盟者究莫之敵後稍稍異議至錢牧齋昌排不已夫崇擁之者專詫其雄深絕特而嫉其名聲又以尋瑯剝割爲誚讓皆未究其根柢所自未可爲知先生者也孟子之誦古人詩也主乎知人論世先生發跡在孝宗時早直言敢諫戚宦切齒出力欲擠之死幸不玉碎主明臣直青史至今以爲美談洎至武宗顛覆典刑權璫肆毒明社岌岌先生憂時愛主厲志士仁人之大節忠憤激奮筆代韓文草疏身家頂踵毫不之顧憾者之凶燄百倍壽寧及身之火頻撲頻燎其謹而獲免天也而先生拳拳忠愛獄中竄所荒閑困

蹟之區攄懷咏物贈答往還罔不繫心廟堂悲吟時局變風變雅繚繞其憂傷哀憫之思嗚呼何其摯也林貞恒詆鄭少谷仿杜謂時非天寶地遠拾遺比之無病呻吟牧齋阿之可謂能知人論世矣而卒不知先生先生之於杜身世魄力悉與脗合徒摘其一句一字之沿襲謂爲北地雲霧豈通論乎彼無其性情而才與學又遠不逮漫爲優孟予亦病之矣先生之八世孫辛耀從予遊道其父欲刻先集之詩以廣厥傳因檢行笈鈔本授之釐爲一十六卷夫豈謂持擇之精善庶不沒先生之真俾學者知世有少陵自有少陵之詩先生其許我乎

改甫集卷三

四

蘭陵草堂

鶴洲殘稿序

詩無真可寫做做焉以雕繪爲事雖卷軸塞穹壤其中固無詩也匪微無詩抑無人先生生大家性孝友豪於結友中年薄宦奇貧見於詩辭有甚於拾橡栗自給者其孤清介立不於人俯仰風概可想見予嘗謂士貧賤不可得而衣食則士貴詩寫其貧賤不可得而衣食之情則詩清先生天質超妙存詩不多幽憂獨出閑倚聲爲小詞亦婉麗入人心其胸中之所有灑於楮墨終古不漸減也先生之子嵩齡出先生詩詞殘稿屬予訂而序之予掇其菁英各釐爲一卷先生行似薛包困似袁安早年似郭泰予特於其平生之清味有挹焉古云執鞭所忻慕者其在先生與

張甫集卷三

五

蘭陔草堂

拗堂詩集序

先生之詩絕空依傍直吐性靈潛居蝸廬獨吟自豪絕不與人競名抱知希我貴之意歿後二十有三年厲樊榭過調元所雜誦之目其五言出屈翁山上瞻慕風節以平生不識景丈爲恨嗚呼先生歿不多年已得一揚子雲矣後世之揚子雲豈少哉然先生俯仰寄意吾寫吾真今後世之子雲有無固弗之計矣原藁分菊公拗堂醉翁三集今統標曰拗堂嗟先生之志也集故富先畧爲撰次八卷

張甫集卷三

六

蘭陔草堂

香草齋詩集序

客春予應道山書院之聘別雷學使翠庭學使閩人
手條列其鄉之儒哲姓名盛推黃君莘田予心異焉
汪徵士槐塘夙遊閩亦向予津津齒君爲是中之鉅
才長德而詩之駿駸及古匪今所多有予至之日卽
訪君廬怪石欹蹲老藤蟠蔭烏九尊敦斑斑然蕉葉
之研墨氣未乾君古須眉啜茗吟其中兀然山澤
之屨也促席論詩一見卽成衿契予出戶必詰君情
味相得如昆弟君善病予亦中海嶠嵐瘴右臂幾不
仁急辭歸別君帷榻間依依不忍捨予酷愛君詩惜
無善人繕錄君輒舉平生所著香草齋集授予屬訂

張甫集卷三

七

蘭陔草堂

定予歸事箴砭病良已秋走南岳歲暮抵舍今年來
江右至濂溪書院携君詩行笈中至是乃得卒業閩
詩派導自二藍林膳部高翰籍與王皆山輩號十才
子力仿唐音鄭少谷以矯峭變之而高霞居傳前邱
與屬和其後曹石倉謝小草仍操其土風君才思滔
滔多師爲師清麗綿芊而風骨凝然獨超衆嫫其纒
抒性靈自溢其清真于灑落之餘不撫陶韋而合蓋
如其標格以爲聲詩杰然足振南中風雅之緒蓋有
以見吾翠庭槐塘之不輕推許而名下士之無虛若
是也君掇皮皆真相對俱見肺腑自爲孝廉頻上公
車不肯趨徑途卒踣蹙不得志其時長安要津莫不

傾倒君而持節嶄嶄如是牽絲出粵東強項倦折腰
敝屣一官固宜而爲粥食餓者不敢出嗟來之聲舊
愛至今在人口集中惻惻時艱彷彿元道州春陵之
作吾有以知君之爲政不負夙昔之志也旣歸田窮
且老生事益微風雨獨吟不問戶外事而名公之知
君者擁節至是邦必式廬鄭重邀吟唱陳蕃昌黎以
欸接孺子玉川爲華而二三老成皆兒時釣遊之侶
琴歌酒賦相與徜徉于山椒湖潏之間信足以破岑
寂之孤踪洽衰遲之清興已予獨悵不得常與君數
晨夕共賞析數千里外聊寫此素心序而歸之

張甫集卷三

八

蘭陔草堂

盛氏詩序

人足跡僅出入里閭無高山大川灝瀚磅礴之觀以拓其心胸無重闢壞壘故宮荒陵之墟址以發其悲涼憑弔崢嶸感慨之思無羈愁落拓況瘁不自聊之境地以推激其抑鬱磊何之志氣則才亦掩遏不盡攄而作爲詩歌末由沈雄疎宕以罄露其精光故動忍增益微特道德功業然也公生於禾少涉桂陽間關歸自楚輿領鄉薦數試春官不得志往返齊魯燕趙水陸之涂復遊甌粵出函谷西絳間所在弔古悲歌閭涉益深詩益縱寸益以騁其奇晚爲學正於湖之安吉州意致故蕭涼矣中間過吾郡之西湖瀟灑吟嘯光映泉石而硤山訪孫公洞詩序彷彿淵明桃花源記遊方之內渺然有塵囂外想重憶孫公洞詩清絕似天隨子殆厭薄世俗有超搖高舉之志歟予與公子交屬訂遺稿而序之詩若干卷然則公之轉徙崎嶇少壯東西遊走抑塞以終老固未爲不幸也公名楓字丹山

張甫集卷三

九

蘭陔草堂

刑鑒序

聖人不得已而用刑非欲傷殘之固生全是務斲其同歸於善以成平明之治而末造深刻之吏巧鉤距密文網逞其鑿空之能以草菅無辜下多寃人上成繆聽法令滋彰民氣慘痛於是有水旱癘疫兵燹之災而國亦隨之壞嗚呼是曷可鑒也按察使嚴君先是作刑鑒一書首列王言見我朝仁厚積而德教成太和洋溢於宇宙者固有所自上述經訓次述仁言駢羅法戒一本正史信而有徵使柔良之心油然而殘酷亦盡然有所懲猶恐其未之怵也取古今濫刑之受奇禍者臚陳之天道好還不寒而慄以附錄終焉此非惑於因果報應之說福善禍淫聖人明訓外氏竊之以恣其繆悠之談其實本之吾儒昭昭不爽庶尤之報天罰之極甫刑已書之策聖人固有取焉彼不畏天罰而叢庶尤者亦可以少悟矣夫人身有瘡痍疾痛呼吸關通呻吟朝夕食不甘味轉側牀褥神魂慘淒况完好肢體鮮潤肌膚生加鉗鎖重予箠楚斷莫屬死莫生此其至痛言之傷心長民者奚忍不欽恤之哀矜之也哉昔朱子奏劄請詔儒臣博採經史暨今古賢哲議論及於教化刑罰之意者聚爲一書以教士與官事未及行此書固足畢前賢之遺志標百代之良規以佐洽好生之德君今方

張甫集卷三

十

蘭陔草堂

外臺長準人用心平恕以素所自得施諸官且使天下讀是書者釀仁心而重民命溥衍厚澤於無窮也

張甫集卷三

十二

蘭陔草堂

淫鑒序

記曰男女人之大欲存焉欲橫而不可止雖刑法之峻曾莫之制聖人有憂之躬修內行以厚示之別復以禮防之於未然使習知所守而不敢驟焉以決其閑故內外多貞慤之行而俗以大淳上古之民樸儷皮爲聘婚姻正而風氣麗犯淫慝者無聞后夔娶元妻而不祀自是以降色荒之戒作始有無別無義者敗壞其間妹喜禍先亡國而褒姒接踵下之淫風流行士女之耽至不可說春秋所紀淫亂之蹟益奇而穢至叔季遂莫可究詰有心世道者所爲慙惻也君先作刑鑒既屬予序之又作淫鑒述經徵史列格言終之以貞淫之報其思悲而慮深其言森竦而可怖聖賢禮教備極詳明古今事跡具載人禍天譴毛豎魂驚所以消人邪心納之禮義者在平素懇苦無乎不至今身秉常憲流播此書使民知廉耻而重犯法誠協中之一助也先君子有言人罹重辟十之七八禍由女戎其一二犯他罪名窮其根元尙多暗起於是甚可畏也嗚呼詎不信乎顧尤物移人申公巫臣雖明知其不祥而卒溺桑中之喜殺族隨之愚者忽經訓忘史鑒與之言及身與子孫之慘禍則惕然色變故修吉悖凶百殃百祥咸由自作言之確鑿庶可寒淫人之心而挽其覆轍是著書者之苦心固有所

張甫集卷三

三

蘭陔草堂

不得已也若君子愛其身如瑛璫不忍玷缺循理塞
欲固有本原昔程子以忘生徇欲爲深耻陳臥子不
肯鑠精神於粉黛三立是務孳孳不遑又遑論溫柔
有鄉且重冒帷薄不修之耻乎哉然則君之爲此書
重垂鑒戒以云救也

跋甫集卷三

士

蘭陔草堂

跋甫集卷四

錢塘桑調元

序

湯文正公家書序

言之垂世而行遠者期於旨遠辭文顧君子道義蘊
於胸直據其所見而卒爲凡立言者之所莫能及蓋
操觚率爾惟正之歸自足以法天下而傳後世故又
曰言不貴文貴於當而已當則文睢州湯文正公德
業彪炳海內其遺書歸然與有宋諸大儒並世既傳
而習之矣而公之孫滌齋復刻公官京師所遞家書
一冊調元受而讀之見公之肫誠上受 國恩惟懼
不克報稱而特以讎和謙謹飭後昆凡師友親賓誼
從其厚下至臧獲亦罔不曲引之就範微獨可爲家
訓座銘而官箴士誠胥於是乎在雖恒言俗語不必
綴緝章句如執筆學爲文之所爲而理精意摯粹然
儒者之言嗚呼足以傳矣周元公謂治天下有本有
則端本善則之道在誠心充溢而灌注以和親公家
有雍熙之軌而出撫江服入侍禁闈裨補於國是民
瘼順乎其至之心漸濡朝野尋常家郵所及一字之
濃漬乎楮墨其根源之所從來者深且沃也吾嘗讀
周元公全編其家書具載不遺語卽米鹽悉與圖說
通書相表裏吾於公家書亦云

紅崖草堂詩集序

吾嘗讀人之詩詩類多曹蜎李志則以作詩之人多曹蜎李志之人吾安從責其詩之爲廉蘭哉兩間扶輿清淑之氣積厚乃毓廉蘭艱難而希有故論交千載一代之人之廉蘭可指而數也一代之詩之廉蘭亦落落布立於古今壇坫之間蓋天地之心之所最珍而吝予實則氣力克辦亦止此故絕不多覲萬君西田志堅而才雄平生萃精力於詩年近五十始領鄉薦既老一對大科終不遇浮沈史館出爲莘縣令僅三月卒於官卒後十年吾始來大梁書院君之子圃持君紅崖草堂詩集乞序於予予受而讀之見其

張甫集卷四

蘭陵草堂

奇氣鬱勃如雷崩濤立震蕩天地而清微窈眇則又若冷風吹空孤月在水飄然氛埃之外渺不可卽蓋其人固慷慨恢奇思有所建豎於時而稟坎不得志故勁絃無懦響其視人世蠅營狗苟之爲不值一唾故持身特峻潔而介立清音之孤發有由然也君既晚不達得一同之地思爲古循卓以大據其所欲爲不幸三月死矣其治諸粗見莘之人至今能道之自少爲諸生目擊昏墊流離沈痛惻怛以歌詩代監門之圖欲陳閭閻無由吾有以信君之爲政不苟同於流俗也弔古咏史誅姦發潛時出獨見君夙蘊之根氏畧見於此信乎詩之廉蘭非廉蘭之人弗克爲之

矣今古廉蘭不多有並吾世而有君弗獲一面追君依史館對大科及謁選時予俱在京師以未通名相識交一臂失之爲無窮之私恨今於秋空月明油窗颺然抗聲擊節讀君之詩知君之清氣在乾坤終古不散必於太虛中聆吾之聲鑒吾慕悅之思其許吾爲人間一知己矣乎君名邦榮襄城人

張甫集卷四

三

蘭陵草堂

胡拙翁詩集序

詩窮後工豈不信哉以予觀故太史胡拙翁詩清妙溢於心腑天然傾吐之迹作若陶韋之與同遊也其沉思雕鏤又日月斬新道人之所未經人知其工而不知蕭閑是放淡泊與遭適成其爲窮者之辭也拙翁壯舉於鄉強而通籍入承明著作之庭達雖稍晚不可謂之窮顧銜繫條冰嘗除夕瓶罍洗如所知饒一兔燔以分歲尋以憂歸遂鍵戶不出沉吟日夕閱五六寒暑不腥臘之慕而味乎藜藿衣薜衣冠簪冠徜徉於雨陂烟渚之間得山水禽魚樵牧耕漁者之情性而一二淪寂之侶剝啄荆扉聯牀倒尊醉輒競

波甫集卷四

四

蘭陔草堂

洩其嘻笑牢愁之音雖躬踐清華實蕭然秋士也未幾而乾坤清氣卽還太虛矣嗚呼是烏得不謂之窮乎哉而詩乃工昔歐陽永叔序梅聖俞詩云年今五十猶從辟書爲人佐當在署忠武鎮安兩軍判官時又云其後十五年病卒京師蓋已陟都官矣以聖俞之才經屢薦僅得一召試賜進士出身非趙概等十餘人師錫於朝何由編修唐書以終老耶拙翁能平步致身遇較優於聖俞而卒不獲和聲鳴盛以抒其所蓄積且年不杖鄉而歿也天之於拙翁何如哉然不窮則詩未必工惜乎其佳篇散軼者多不得如聖俞之詩之有類次之者也公子瑞麟克以詩世其家

從予遊求序其先稿之僅存者乃咨暗而書之拙翁名安字靜庵拙翁其號裏城人

波甫集卷四

五

蘭陔草堂

張圖東詩集序

昔蘇子瞻序王定國詩以發乎情止乎忠孝爲詩之正若變風變雅則發乎情止乎禮義而已夫舍忠孝無所謂禮義顧可區而二之耶烏得以之言正變唐成伯瑜言詩之正變風雅頌俱有條辨甚明吾以謂時有平陂音旨自別初不必截然界畫變風如鄭衛定之方中有公劉遷國之遺出其東門秉義去漢廣不遠不獨干旄縵衣著好賢之歟也是亦可謂鄭衛之正風若幽七月謂之變不可也魯之駟殷之那未必非正頌周小豳其不謂頌之變乎惟禮義本乎性生形而爲忠孝各極其正變之旨而得其情之真斯

張甫集卷四

七

蘭陵草堂

則三百之根源也予客中州得交圖東張君君過予論詩彌日下上古今作者絲牽繩貫其衡也平不爽鉢分蓋於是久且深矣君生清門於門才中特雋拔當康熙末長安行卷溫卷鱗次響臻君獨不得一躍名場其不肯爲桔槔俯仰風節稜稜可見而胸有崑崙欲吐之奇所歷八境合離年時哀樂之故一發之於詩少讌遊明聖之潮壯子淮黃北登薊邱南涉桂林晚而弭節乎嵩洛之間自趨庭以至陟外臺一境自爲一集養邃而氣和不爲劖絕陡峭之音春容夷愉以抒寫其欲鳴尤工於道衷曲綿至婉麗覽當境之精微穆乎若春風無聲之被面穆乎若冷泉激雪

之沁肝脾也嗚呼此豈無所得而然耶其植根於子臣肫懇之胸而攄露之耶其油然縑正變之緒適歸於安雅者耶夫惟情之真者不腐此掇皮皆真矣彼馳騫一時獵取浮名者能與之共千古耶君以予知燥濕之絃也屬予序而序之君名學林字念耕號圖東丹徒人

張甫集卷四

六

蘭陵草堂

張紅洲詩集序

聲詩盛於唐騰聲風雅之窟所在代興魁碩之士發揮三才操持萬象攬洪纖之物色生靈抉露無遺又特具磊砢不可抑遏之氣振觸古事今情誅姦發潛訇轟激蕩不可以已舉中之壘碑作崩雷自喉間出乃成穹壤之奇擲筆豪吟浩然自得此時直可遺身命又烏知富貴紛華爲何物此詩人之一快也而造物之忌卽中之其得窮有自來矣予與張君圖東論詩神合乃出示其從兄紅洲之遺草紅洲以縫掖徵入金門飫禁厨被宮袍修秘殿書不可謂不遇然竟阨於春官遲回出宰孝昌注上考矣而卒蹶且羈滯不得賦歸來類湘纍之憔悴願領以終天之於紅洲何如哉當依光日下其伯父文貞公方秉鈞軸又其時風會多有爲求奇材獻所益者而其家羣從負熒煌鴻藻俱不得志於有司紅洲於文貞公歿後始僅僅得舉京兆此足以見沙隄之無私交而門才之不詭遇爲絕無而僅有也紅洲居長安桂玉之地窘既若東方生而罷官還川亦絕無送老資前後奇困幾同拾橡者之所爲華髮蒼浪望大江之船帆經石門之風雨夢想故園渺不可卽嗚呼其不謂之窮矣乎平生咏歌多情欸尤達事理善持論胸有不可往往借史編陳跡以寫其蘊傷之心雖在廢棄猶關心

張甫集卷四

八

蘭陔草堂

見聞疾苦忘我躬之不閱怛然若痛之在己吾又以知其詩之本元至深且厚也唐以來詩人之達者若高忠公范石湖王弇州輩一代指不多屈而窮者接跡若一轍紅洲有此編足以壽其聲光亦可以無悶矣紅洲名弼敏字訥夫

張甫集卷四

九

蘭陔草堂

參知公詩集序

文辭之精者無如詩探三百之源凡發乎情必禮義之止麗以淫者君子弗言也般僇之巧倂越矩規不能成一器故親風雅者恒多師以爲師建章千門中天百尺無豫章榱桷之材不中施斤斧然則萬卷不破而下筆有神者無之性情正矣才思瑰奇矣諳昔賢之例總歷代之規庫羅之於胸笥儲之於腹自謂秘妍之抽騁惟吾欲爲乃終其身無一篇神解無一句自得之趣則又以謂詩有別腸不可強而躋焉且夫天機清妙之詩之洋溢乎毫端也睇天地之遐曠披雲物之鮮新有會於中嗒然而作矢口於意之所

破甫集卷四

十

蘭陵草堂

不經而爲拈斷數莖者之所汗僵而莫之望此蓋有天焉非惟人弗能至之卽作者亦不自知其所至也參知公早歲特達其奉使于中州也行部所至時而爲豪吟爲密咏觀其心忠孝肩民物和聲鳴盛懷古登臨夷愉激昂各極其淋漓觸撥之致而浮雲名位績藻景光物外遠神彷彿朱弦疏越冷然唱嘆之音公殆自此遠矣公方富於春秋炎暉事業與時炳烺豈沾沾焉與誅茅拾橡冥心孤詣之夫殫陰何之心角屈宋方駕之能哉蓋動乎其天不斲然而然鞭梢羖脚涼雨飄風黃塵之所蓬勃清流之所環帶興酬落筆疾抒寫於河聲嶽色烟雲杳靄之間卽此聲

詩小道亦烏能量其所至乎哉調元辱公贈詩且徵拙序竊誦窺覘之所得而嘆公之性光空明爲不可幾也

破甫集卷四

十一

蘭陵草堂

南臯生詩序

詩言志志不存乎倫理而徒摛風雲月露之詞豈足以稱詩哉蓋體非麗以則雖疊卷盈箱焉能為有無也南臯生所作經義代聖賢立言獨自抒其纏綿悱惻之性令人讀之顛動而耿心脾惜所在散失惟聲詩尚存敝簾中觀其縑寫性靈根元孝友語無弔詭可賦愕而肫諄濃至其情真其詞和而爽其幽思鬱結亦了了可見縷脉絕去蒙曖黯昏之狀既正厥志而言非無自而攄卒為絺章繡句者之所莫能掩其工充壯年學力方駸駸而未之止惜乎其遽擲筆而還乎太空也予為編定三卷試帖數十章儕書院諸生受簡為之多為當途名公所咨賞亦有適興隨時效作又綜列一卷許許州西峯曾與襖辰酬唱念舊識之淪亡悼英才之殞折敦篤乎風騷古誼而鉸板以永其傳嗚呼其邀契匠之嗟稱曷有窮哉

張甫集卷四

三

蘭陵草堂

張甫集卷五

序

昭忠錄序

錢塘桑調元

忠烈之光燁燁天壤雖鼎遷社屋大節不與之灰燼其深入乎人之心頑艷並為之激發愈久愈燁煌不可得而磨湮也明政不綱國至天啓已寸寸齧莊烈帝承其極敝志乎撐扶而著手輒誤大盜逼乘與國祚以斬則不知人之禍速也有一高陽相國而不能用卒使之家居死于難其忠義之氣塞蒼冥不能支有明大厦之傾而萬世之天柱地維賴之尊以立讀

張甫集卷五

一

蘭陵草堂

史者心畫傷有餘涕焉方流寇躡河南鄭州右通政魏公在林下先未雨修州城練鄉兵扞禦賊來洶洶不可障城破不屈死時年垂七十矣髯戟張罵賊聲如洪鐘類顏真卿叱阿希烈老益壯歿百餘年人猶多唏噓數行下狀其忠憤生氣凜凜如初飲霜鋒時入固有一死設湫先朝露曷以表其挺立昂然不可奪之節哉然則越二年見黑霧黃沙之滿燕蓟虞淵之日以沉亦必殉節死其悲恚入地當更何如也予嘗過鄭州東門外伏謁公祠下里老猶為予指公殉節處予慘慄放招歌長歌以當哭公之祔孫雲從從予遂請予立傳復哀集諸詠銘碑板詩歌文辭之為

公作者彙爲一集名之曰昭忠錄而予爲之序

張甫集卷五

蘭陵草堂

王澹園詩序

予之初識君也自己未秋予以循陔陳情乞君轉達其後以旌先君孝義事數得相見五六年來予嘗往來錢塘餘姚間雖獻歲不一投名刺相問君不以予爲簡也今年秋君出詩一編見示問序於予予讀之見其氣象清遠方百端倥偬翛然一寄興於湖山之外釣篷梵榻亦與流連類此中別有所得也者而水旱之憂喜今古之懷思益益注流於柔翰極悱惻不能休吾知君之惠澤在民而不知君之能詩人知君之能詩而不知君胸中懇乎慷慨鬱盤浩浩乎無所係也昔劉須溪目韋應物居官悶悶有恤人之心其

張甫集卷五

三

蘭陵草堂

詩與孟浩然意趣相似今觀其游涉山泉超詣物外而斯民之康俸錢之愧不以掃地焚香置也元結宸樽石魚湖諸詩不必歸老江海便有引竿刺船之致而春陵二三策不啻秋月華星之照宇宙明府遭際隆平與道州固懸如穹壤而體一天子之仁恩不忍事追呼一意存活則獻其辭詎不足以當國風之採而揮琴賦之疆憂理人之乏術此意特與蘇州近然則深山採藥飲泉坐石之風韻聲叟漫郎之襟期吾又安從窺君之蘊也官於杭而富湖山之吟咏者白傅蘇公不必漫爲撫比君之詩君之心存焉矣抑近日西冷盛風雅而獨向迂慵背世故之人索一言

以爲序其亦以予爲知君之心而能味其澹泊矣乎

破甫集卷五

四

蘭陔草堂

轉蓬集鈔序

士有不得志不能躬耕則聊爲鄉塾師束脩之所入不足供饘粥其或無以爲養無以爲禮誠有足傷者然啜飲盡歡斂葬稱財君子猶謂之孝與禮以其暇彈琴詠歌猶足以自樂卽不幸饑年不能存骨月猶相聚於家有以致其愛恩無憾也曷爲而漫遊哉吾友張田毓與茅君同寓舍劇稱君之貧病而工詩予過訪之時伏枕就旅榻相見予其詩以歸窮愁之作過半好大言雖不副其實然憤時傾吐其一身之不滿憫憫然有恤天下人之心傷不能養老母厥考尙在淺土楮墨有涕淚痕是其志可哀而取也遊幕府

破甫集卷五

五

蘭陔草堂

骭髀寡所合卒大困田毓既客他所君病或差或劇予不暇常相見尋有人言君瀕危者予急往視病果亟乃悉出其詩稿託予選而錄之越夕竟易簀先是病中作悲歌言刻詩題墓二事不知誰何了之君歿予爲題其隴碣越三年乃克刪存其詩稿百五十篇分三卷授之梓君率胸臆爲詩故以窮得工惜未盡其才假使君得善地以養其生有藥餌以扶其羸病病可已益肆力於風騷以發抒其所欲言當更蔚然精詣而今止於此悲夫君集故名轉蓬予哀君之志欲謀養葬以出而轉蓬卒不返故仍其名追恨其客遊之非計幕之遊爲尤非且天生才而窮之至是既

不得如孟深陽賈長江之稍伸其脣其冤且更甚於
方干羅隱何也客之負才不遇讀其詩而悲之者當
何如也

張甫集卷五

六

蘭陵草堂

禾中雜咏序

雪舫周君往視事於禾涉旬而返手詩一帙示予屬
爲之序夫古之得志而行其道者其涵負已形諸設
施不必其文辭之鳴草屋之潛夫幽居而澄照穆然
有感於中不能不詠歌其志故風之作感物而動動
又嘘吹乎物而所感至於無窮變而爲騷其憂思益
以深而其言益要眇潤渢渢而不可以已故工於窮之
說者雪舫早通籍其門才並華耀於時仕路平進亦
無憂乎弗達非類乎窮者競一詞一思之妍秘而握
管卽弗能休蓋其才有足多者吾觀其所述作自屬
之於長同官爲寮從遊之門下生往復唱酬虛而能
受善陶冶其性情聽村氓謳諺課量晴雨惻乎有憫
民之心披榛弔古愴愴激發又非僅撫寫景光徜徉
烟水者之所爲中年不無傷於哀樂間或結其纏綿
之思惓惓之音吾所知於雪舫者如是抑吾聞韓子
汲汲於致身頗見之詩文其後身歷中外夷險俱偉
有建蓋赫然驚人以謂心乎憂天下而不能山林獨
善卒踐其言而不慚雪舫之志甚遠願益厚其本根
以抒所欲爲豈直操冷冷之絃問世之有無牙曠哉

張甫集卷五

七

蘭陵草堂

十笏樓詩集序

歲己未庚申間予與盧子敬甫留餘姚之新城寓徐氏十笏之樓與君昆季朝夕談讌歡相得也時舜江南北諸名士畢集相與爲琴歌酒賦往復過從主人賢而好客夜鐘殘月春雨簷花傳觴卜夜不聽休敬甫豪於詩逢興會輒落紙颯颯如飛君兄端雅類衛洗馬之清羸恬吟密咏翛然自持而君神色適上若懸鼓之待搗探奇觚起角逐杯闌燈炮予亦比東諸侯提一旅來會聞鼓而進致師詞壇一唱一酬遇得雋諸君子謹呼容賞聲動屋山天日晴朗著屐登客星之山漱龍泉之水層嵐環翠參和墨痕嘗試上舜

張甫集卷五

八

蘭陔草堂

江之樓嘈然長嘯雪波浩洶魚龍迴集斷岸韻無日不拈客無日不從而主人與醉吟無倦容行其樂也六七年來風流雲散諸名士或出或處希接音塵君兄北渡江淮歷燕趙之區而返中年傷於哀樂不幸兩目翳翳然若輕雲之蔽月敬甫客甬東因人作遊過蕙江蘭墅望昔日讌遊之處舴艋如梭不得稍泊水濱一問故人而予伏處虎林效閉門種菜者之所爲豈時或激發作候蟲時鳥之鳴而鬢髮已星星矣今年秋君過予林居手其平生之吟稿問序於予其顏不待酒而酡其興猶昂藏飛動不減把盞落弄參差倚欄嘯咏時神致其吟情之壯浪豈顧問耶予獨

不能無唏噓於中爲序今昔聚散之感而歸之若其詩之工世固不乏賞音無俟予之贅論也

張甫集卷五

九

蘭陔草堂

大梁試帖序

唐試帖爲八比權輿馭題有法西河毛氏既觀縷之矣僕來大梁書院課日四書題二道更詩題一道與唐帖經日試詩同例以五言六韻韻得題字爲宗蹈其常也間有官限韻則遵之其馭題法謹操繩尺不使或軼唐近體凡酬贈登臨引韻無離題發義者題繁重則四句通首完題不等逸才不耐故常時或破格至試帖必無不合格者謂之破題領頸腹尾分賦合賦要以兼綜變化爲能不兼然則題意割裂中無變化則板耦如泥塑且滋合十之病落頭或頌颺歸美或誇騰忠愛之忱或負其異於眾或自鳴不遇

張甫集卷五

蘭陔草堂

以寓悲惋試帖多諱忌無諷刺或激昂所至亦不自禁古人最重干請試帖未免有情惟克占地步斯可矣若就題單闡一義作結或補題所缺或以背爲向要無汎設其冲澹夷猶獨寫遠致則自得之妙也其法多與今八比合顧體裁得矣必陶鑒書卷精運心思興會所至一氣鼓宕矩範束之至嚴而此中神妙踴躍奮迅而出有不自知其所以然者斯爲極筆矣匠歲所課積帙遴其尤雅者錄諸木初學有一字一句之俊與施修潤錄之僕亦時有作唐光化間鄭谷覽省試帖不嫌輒作一篇奇工此擬程擬墨之始僕則慚之矣江浙遊學之士數人一體錄入幼兒繩牘

隨侍篤喜學詩所作多所收較盈非謂其能之也次兒繩球以省觀至一與於會附錄焉題不綴賦得二字初唐便如此崇簡也得詩一百七十八首釐爲四卷杜老目文章爲小技於道未尊是固然矣抑技與道之小大亦視其人之自爲從來典禮製作大書深刻苟矯誣不經識者賤之山謠村曲一言衷諸大義涕醺頑艷吾烏能小之哉僕願與高才生精心研入乎此卽此是學不徒噓鄒枚之寒焰爲矣

張甫集卷五

十一

蘭陔草堂

洞庭集自序

客歲杪予汎扁舟東西兩洞庭間洪波寒涌雜樹冬榮憑眺連旬背冬涉春元日重登縹緲峯絕頂支藤獨往以猿鳥爲儕侶嘯吟自適無礙寺僧詫予無事淹留度歲以爲偏愛孤寂而不知予攬巨浸層巖之奇景目不給賞也是山夙無三斑足暢清遊無所恐怖轉窮鄧尉靈巖諸山看萬樹梅花有生眼所未經登高弔古至湖州長史故墅而還所歷景並奇而曠然最勝無如西洞庭者三面環湖危峯突出雲表下臨混濊一夕月將午偶拓窓大呼奇絕得月墮水中央句似覺心腑澄空滿眼皆詩惟七言歌行足據歷落之清興故所作皆七言古詩云

張甫集卷五

十一

蘭陵草堂

嵩山集自序

予性好遊有遍五嶽之志歲戊辰來中州嵩山雲嵐固應入吾屐底顧忽忽蹉跎至今山中友人貽予書曰名山如好友子客中州而不嵩遊是交一臂失之也予遂發憤賃一柴車無朋儕無嫌從所至停軌於坡陀之足獨策一藤窮幽極峻意有所得則嘯呼作爲歌吟淋漓題厓壁不著名祇署獨往生自前遊天台雁蕩洞庭之勝已然喜老而濟勝之具尙在汲汲遍佳山水足果汗漫遊之諾道所經古跡清景輒一詩與收拾中有寄吁慨不能已者物外人未得竟無心肝吟畢卽置之要不使胸中留滯予早就恬寞於世味久雪淡間齒及衰遲亦休於沒世無稱之實非畏景之晏也詩不求工聊記吾目前遊踪已矣

張甫集卷五

十二

蘭陵草堂

華山集自序

今秋本志遊華嶽夏間負病願乃息中秋時適老友
朱排山使至邀仝作此遊排山之子令醴泉就迎養
夙與予爲西冷山水遊伴遂規爲禽向也予病良已
興勃發時秋雨連綿道泥潭甚所至陷淖中顛頓萬
狀渡灞河幾入彭咸之所居達醴泉而排山忽病足
不良於行天殆欲成吾獨往之蹤也乃回輶至嶽麓
雨淋漓不止默禱於嶽廟詰朝火輪躍出照耀萬蓮
華簇簇可數金天開豁靜掃氛翳獨趺萼浮空妍鮮
如新出滄池中寶乾坤奇景也予勇攀鐵索上撫蒼
龍背吟眺三峰頂瀏連不忍還恨不餌黃精長避靜
石室間茲遊極險倅况瘁而此中所得殊多足以償
吾勞矣雖絕無謝朓驚人句存之

張甫集卷五

十四

蘭陵草堂

張甫集卷六

錢塘桑調元

序

汪氏家譜序

顏常山張睢陽之家而有譜把其卷熊熊有光思其
人凜凜有生氣世世子孫揚其祖之奇忠大節以爲
榮而學士大夫悲歌之贊嘆之以爲千古人倫之楷
法其名久而愈芳其蹟遠而愈易蓋家乘與國史相
表裏故其上薄霄漢之光氣得使百世之人共仰之
也吾悲乎有明萬歷間江南下注司巡檢餘姚汪秉
之忠節而獨其家之譜書之也巡檢以土兵禦賊矛
洞胸死不異顏常山張睢陽其時上官抑之不以聞
雖有御史王立賢表其閭曰奕忠第而跡未大著天
下後世末由得而咨嗟稱道之也巡檢之曾孫布衣
鑒修其家譜大書之嗚呼布衣修其家之譜表其祖
之奇忠大節以示子孫以告天下之學士大夫天之
不沒巡檢使有仁孝之子孫發其潛德之幽光理固
有不爽焉者然布衣隱東山居敝廬衣敝裘濁醪麤
飯將蕭然物外以終其身雖能奮筆以修其家之譜
傳其祖之奇忠大節天下之學士大夫猶莫得而遍
聞稱述之使其祖之名與顏常山張睢陽等也是上
官抑之而國史遺之之罪也吾故表而出之欲俾其

張甫集卷六

一

蘭陵草堂

祖之名與顏常山張睢陽等且冀修明史者採而書之以與其家乘相符合不終泯泯也若布衣修譜之有條理元元本本以用其仁孝之心思固不俟予之贅言也已

張甫集卷六

二

蘭陔草堂

熊氏家譜序

家之有譜與國之史同史崇闕文故荒幽不可詳書法如郭公莒子蓋其慎也其崢嶸橫出則特筆淋漓以爲邦之榮家之芳標亮節足張其聲光者登諸譜系赫赫燁燁其族姓遂出簪纓甲第裙屐門風之上吾觀光州商城熊氏之譜竊獨有感也熊氏出陸終少子季連之裔孫鸞熊其後熊繹國于楚至勾疊王世以爲氏前明時熊氏族望豫章之進賢爲進賢遷商城之胡太里作譜者爲康熙壬子孝廉令綏寧諱奕久者翺之著世系圖條分繩貫簡而明覈而有法先譜毀于兵燹紀載得諸大父前明司寇公諱

張甫集六

三

蘭陔草堂

奮渭者口述司寇公知先祖名僅五世先塋僅四世故今譜斷自司寇公之父孝廉令陽城諱偉者始先則紀世次而已不可得而詳也綏寧公生十月而孤母夫人張太君遭亂流離撫教藐孤有成與司寇公之母蓼太恭人苦節之貞後先映發並閭中之傑也綏寧公孤苦奇貧坎壈百端觀其自述殆令人氣塞然剛方峭厲之氣卒無忝厥祖吾獨遯夫司寇公之勁直不阿氣峻嶒上薄雲漢而耀日月也當天啟不綱魏闖盜柄太阿劍持楊左諸君子奮舌迭出憤擊聲殷殷如雷霆公于是時爲工科給事上亟納舉朝擊邪之疏不報洎典試山左以趙高對二世仇士良

告同列發策遂落職禍不爲楊左之續幸耳崇禎初起兵科累晉兵部侍郎早移疾歸代過商周優游宅里年九十有六考終天之培護直臣俾身名完善如此乎其壽而康也嗚呼是豈特譜系之光乎哉公之曾孫孝廉啟竟及予門求序其家譜爲具道其作譜之原起并書予之忤激不能已云

發甫集六

四

蘭陔草堂

陸氏家譜序

自宗法失而士夫之家少土著家不土著譜不可得而成也源遠而流益分數傳而後子孫有莫知祖考之名者矣況行履乎予族世居餘姚之孝義鄉先君子文侯先生僑寓錢塘志乎歸而未得也嘗命小子調元他日必歸乎姚爲姚人續營邱壘必於姚先人之敝廬先疇之畎畝在姚者世守之弗敢失也蓋聚族於斯久矣先君子之志乎歸也重土著也先君子之重土著也維宗法之壞於旣往而完家譜之美於將來也故調元謹守邱壘於故鄉鄉之舊姓曰陸氏者系出齊潛王次子通封國於平原般縣陸鄉子孫遂以爲姓宋之末有諱大觀者爲秀夫之從祖秀夫奉二王至餘姚之柳隩留從祖以存祖祀遂卜居姚之雲柯鄉後復從雲柯遷孝義自得姓以來迄於今七十有三世矣其六十八世孫復以明經爲司訓實能遠稽近考以成其家之譜有分譜合譜本支譜發凡起例用意勤而序事哲予旣偉其克成厥美而益念土著之家之爲舊姓子姓之世系祖宗之法戒族聚則易覈衆見則不誣世脩而不缺則尊卑明賁否別情義聯得宗法之遺意焉吾姚諸鄉率多土著先君子嘗言吾鄉之風俗最爲近古吾魂魄眷戀而不忍去觀於陸氏之譜足以見吾鄉樂土之可依故家

發甫集卷六

五

蘭陔草堂

喬木之可貴而司訓之賢之可爲士夫法也

東山志序

志一統志九域者其筆不容不簡省志稍詳焉府志加詳焉縣志又加詳焉而莫詳於一山一水之志羅幽曠以紀其勝者然簡而該則不畧詳而知所裁則不蕪此地志之書亦必具作史之三長乃稱善也餘姚之勝區曰東山晉謝文靖公棲遲於是明謝文正公生長歸葬於是鄉先正之有德善功烈輝映於余支汝仇之淳渚雞鳴牛屯茅杏之蒼翠間者代相望也郡邑之志有不能詳焉者是不可以無志文正公之族孫某綜甄志之其實事其筆覈用心可謂勤矣其先太常某志上虞之東山上虞之東山文靖公世

居之所其人物多載謝氏類家傳訓序之體吾則亟善之以爲孝子慈孫之心在發其先人潛德之幽光以補郡邑之志之所未詳況此志之紀載不止謝氏也哉予占籍錢塘家世本餘姚遠祖御帶公祠宇之在東山者有二志所云一在臨山西門外石山壟一附四門之龍王廟是也祖之事跡他志載之而不詳先君子文侯公嘗命小子調元爲碑以揭諸廟尚未果故此志亦未能具書昔孔子時惟魯克存典籍故稱望國其時觀易象春秋者韓宣子也觀樂者季札也述太史盟府之所載者展禽也命周人出御書者南宮敬叔也命宰人出禮書者子服景伯也孔子嘗

之杞得夏小正矣之宋得坤乾矣與左邱明如周觀書於周史矣又嘗以車一乘馬二匹與敬叔俱至周問禮樂於老聃萇卯矣郊射明堂朝廟之制度靡不攷矣得百十二國寶書矣而少皞氏以鳥紀官猶無考也程子曰吾祖也我知之乃學焉而得其詳蓋考古若斯之難也吾祖爲邑之燭溪人燭溪密邇東山志於邑先正例不及旁載而二廟實在東山傳所謂法施於民則祀之例得大書祠宇志中夫汲汲咨探惟恐或遺乃深有合於好古敏求之志故以吾家乘及他書所載吾祖事蹟具告之俾此志之有所考以補其缺焉

歿甫集卷六

八

蘭陔草堂

謹按祖諱憲保字仲才餘姚之燭溪人唐宣宗時官御帶偕稱姓者奉使海昌歿爲神初祀上虞羅巖山賜額靈濟宋建炎間助禦金人張浚聞於朝建廟恩陵南渡檣舟海濱獲濟思陵德之封顯應王配食海昌長河廟元至正間塞黃河加封明景泰嘉靖間又塞河廟祀張秋神兵却島夷廟祀杭之聖塘灣又祀貼沙河乃封顯應黎陽郡王先是祖妣潘夫人亦加惠顯封號此當得備書祖行九有兄八人長諱通保封顯順王次諱漢保顯勝王次諱定保封號無攷次諱國保顯政王次諱鎮保封號無攷次諱全保顯惠王次諱志保顯昭王次

諱義保顯烈王皆宋時封此當得附書

歿甫集卷六

九

蘭陔草堂

有濟錄序

歲壬申關中數月不雨無水泉引灌之所野草不青時被災尤者凡七邑醴泉與焉天子仁聖既溥予撫恤又加賑者再又特恩降中旨賙賜有加大吏惟皇仁是廣殫心籌民天令親民官勸蓋藏之家出粟以惠鄰里分別請敘功予旌門有差醴泉朱令承德意懇苦勸厲真摯形顏睦嫻任卹之心油然而生首有義士捐粟如干石爲粥以食饑者令乃大聲標舉城市先響應遍郊垌村堡遠邇激發爭輸恐後下至稍足糊口之戶亦勉出斗斛以助賑令爲設粥廠四炊以釜餽給以瓢罍井井有法胥徒不得因

張甫集六

十一

緣爲奸而就食無蹲沓有婉婉姘孺攜孟挈瓶歸而以哺其老羸之不能來者又有散比閭以粟藉之舉火又貸粟而不取其息所在多有于是邑之民無菜色此足以見蒸民好德之良卽心而具奮迅踴躍而出醴泉之俗之厚爲尤難得而足稱美也患已濟令條綜樂善者之姓名與其所施之多寡上官褒旌華袞之言令所自書案牘之尾合爲一編附邑乘之末示後來以垂諸不朽用旌既往之迹而噓善氣於無窮取程子存心愛物于人有濟之語命其書曰有濟錄桑子過而善之曰嗟乎此關中大儒所言西銘之理推而見諸設施者也天下疲瘵殘疾獨鰥寡

皆吾兄弟之顛連無告同邑民饑而乏食各隨其力之所能爲推而與之毫不之吝于仁體流露最爲親切蓋聖朝百餘年涵濡之久民風駸駸淳古故承流以宣化如此乎其感動之神下令若流水也夫爲善最樂愜足乎吾心本不靳及身之福澤與子孫之流慶而天道福善若操左契而不爽吾又以知豐年降康醴泉之民集慶有餘而施無不報有由然也然則義民心乎愛物彰彰有濟如是豈必一命之士爲足以推施其志令之廣勸民爲善其取義至深遠矣令名家濂字性之予同邑門人以進士令茲邑予以遊華過此喜而爲之序

張甫集六

十一

送沈君之震澤序

瑤琴無絲牙曠不能聽其音匏樽無醪伶籍不能嘗其旨非絃非指鏗然而鳴非糟非醲醺然而醉蓋得其意焉予惟不能詩翳然林木幽清風月頽仰之間頗得詩趣今春憩江浦新篁繞戶窻延空青山嵇之友把臂林中則沈君其人也蕙萐襲芳琳瑯映秀長宵不寐坐發清興鳥棲初定輕烟近浮東溪新月團映竹光天息蒙翳白雲微綴柳風無聲絲絲蕩搖時聞遠蛙鼓吹疊作疎鐘一聲神清遠矣於斯時也促膝影連舒心無極同趣不言清韻合調是雅音少知醉鄉孤侶而余與君獨成倡和意湧新致則泠然而

張甫集卷六

三

蘭陵草堂

會豁然而開若與心謀清虛縈繞新詩滿懷直可忘疲致足怡矣今君將之震澤言余曰余先遊震澤面商陽美竹林立古塔岑聳遙睇流矚蒼然暝色背太湖湖水衍溢廣縱萬頃水鷗乘和遊鱗躍波輕船緣岸蘭杜纈紛外則瀕洞怒濤飛浪雷驚跳沫雨駭吞吐川壑摧蕩陵谷草澤茫茫沙渚霞映景無所殫左則湖脉連注支流洞瀆古寺鐘磬響徹林表龍象蹲伏林剎鬱茂若華沒耀雲暗通川長橋月映漁子榜歌其右則康莊古邱兀起竹木翳如市廛連接廛聚塵合盈視平隰桑柳迷亂雞棲樹杪犬吠柴門川陸遞發古渡雲平野塘霧溼春氣融暢繁花的皪羣木

葱龍誠足滌拓襟情遊騁心目余笑曰湖之浩演桑竹之陰暖山之竊雲霞之輝爛禽魚之飛沈月之明烟之浮散皆詩意也子行矣慎毋欲炫高山之操而張其絃矜長鯨之吸而歎其醜也

張甫集卷六

三

蘭陵草堂

壽序

似笠先生八十壽序

五倫皆天倫也父子兄弟之生之出乎天者皆知之君臣以義合夫婦問名而聘娶朋友傾蓋論交於是

張甫集卷七

蘭陔草堂

有參之人合之說此三代以下道不明倫不惇舉世滔滔日卽於淫而莫之祗也夫無迷於天地者君臣一與之齊終身不改爲夫婦猶不謂之天合乎生民之始物萬而人一無羽毛鱗介爪牙以自衛其生羣相親愛嬉嬉與遊踐踐焉奔走喘呼患難之與恤四

貴賤疎親一從之遊悉規之於善尤汲汲於拯人之災疾不顧手足毛髮之濡焦盡氣力往奔救至老而不倦先生之父馨聞公著獨行予爲獨行傳以告諸

張甫集卷七

二

蘭陔草堂

涉調元目擊心識之而以爲先生古義之邈無匹儔也今歲夏五爲先生八十八生辰調元幸得過從先生聞古老之逸事式瞻儀刑親承音旨樂於心而不忍去去而不忍忘也乃爲文以介先生之眉壽其亦天倫之樂事也夫

袁石生杜孺人雙壽序

君子高年邵德以爲榮身以其居之安貽之於其後故神明泰然無外物以搖其精至耄而獲康彊之福其妻子亦不吝吝惟溫飽之是適金翠之粧犀筋鸞刀之供弗艷也鮮衣怒馬不以爲華也游之乎眞素之源養之乎醇和之府善氣薰蒸昌其世而吉之逢國自有以召之夫豈偶然哉袁君石生代袁然舉於總選名書畫其先君州使君膺 仁皇帝之知君亦膺 憲皇帝之知俱以翰墨邀 御題第一君令德平攝歷城南河民母儀之乃翩然解龜鏡戶蒔花以自娛年七十而有嬰兒之色繼室杜孺人有萊婦之風樂初服以偕老前三年年六十至是九月十一月初度之辰後先稱觴以爲壽予至汴交之深者惟君最尋常出門輒過君家曲巷蕭清門徑楚楚綠葉紫蕤交蔭階牖入其室古彝鼎斑斑然瓶罍巾拂與響拓續被相映發茗飲清談依依不聽去予性耽簡澹未嘗就人家一飯君特欲觴予予以謂不若清泉一甌之有味顧重違君情嘗小集中饋殷濃之意見乎杯盤之滿饌進一闌釘殆甚於蒸殺折俎内外之賢而好禮如此歲歲之午冰雪之晨襟期之振觸肺氣之淳一見君便脫落直以君爲忘憂之草君於予亦曾以兩人相得無間君有以資老近得一孫一女

張甫集卷七

又三

蘭陵草堂

孫更無不足於君乎夫才而翰宦而不漸達饒田廬而薄奉好施天欲豐之以名位而君與孺人儉取之宜乎厚畀之壽福所餘以施其慶也古所稱知足不辱知止不殆靜可延年有穀以貽孫子君悉有焉復何所須乎哉予於茲不可無祝詞侈陳此以祝君相與哆然開口舉觴徑醉亦不自知老之將至也已

張甫集卷七

四

蘭陵草堂

金氏七十雙壽序

予鍵戶齋居久不預人事遠近所嘗相識罕書然往還比京師友人比部金澍與其弟吉士洪孝廉黃致書於予乞予一言壽其兩尊人蓋夏五爲其父毓崑君七十生辰而母夫人在壽正也予輟翰不從俗酬應又年時中有所感凡親知生辰例不往而君固予所愛重而不能忘者不可以無言也先是曾爲君之母撰八十壽言矣君謂翰鈴起家進士侍周歷宦滇黔間率母之官母以紡吉貝花作布導夷變至今衣被六詔功德不細夫人實共成之協鍾尋旬晉階一品高氣節蠅蛇金紫顧夙夜專教子以儒術文藻蔚然門才魁三輔孟仲叔先後成進士具宦達季登賢書幼及孫並蒸蒸起京兆禮闈奏名金氏輒與可謂鼎盛矣予曩在京師旅而進主君家君子若孫多從予遊待師至忠且敬飲饌極腆潔涼房煖館冬夏靜深所謂星帶草堂者也予下直景每哺食已卽秉燭讀至諸生講論經義至宵分以爲常予子弟姪甥女夫昆弟俱給無倦容臧獲嚴事唯謹予請急歸不出予又夫因世講如予在草堂時中間更歷憂樂情遲遲不已夢魂遙牽縈數千里不隔几席君故嘗就予暇對吸茗作曲室談嘗親持脯羞勸食問勞懇懇如舊月別數年積思良苦會君次子溶自御史臺出

張甫集卷七

五

蘭陔草堂

閩中奉君往道武林相見班荆歡甚兩家兒曹向童卯共几硯俄已冠依依提衣袂不忍釋已關養堂於漳州聞康強無恙至是君與夫人年七十矣度漳州娛親官舍僚屬賓朋稱慶雜沓其樂可知而比部輩侍母夫人於城南之邸第館省能文之士侈祝嘏者定不乏而獨違郵書於寂寞之濱索及無能之辭而予不敢不勉應之者亦自以與君親厚無間卽其家之致敬於師予所窮受焉者徵其內外肅恭子孫之賢而好學於以知君與夫人富貴壽考之自使山中人猶不能忘之其視華軒絡繹簪組登堂之稱頌爲何如也遂書以爲序

張甫集卷七

六

蘭陔草堂

黃來初先生七十壽序

邵武黃君弢谷以進士起家令仁和政成居上考升牧無爲州尊甫來初先生適以是時壽七十君得代將之任以間獲歸觀省拜慶於堂甚盛事也古無祝壽之文惟上壽爲壽而已是亦祝壽之權輿也祝爲人父之壽之文尤不概見予考之詩所言壽考壽登黃髮台背純嘏難老之類凡稱頌君子者不謂之祝爲人父之壽不可也祝壽不必於生辰七月之六章曰十月獲稻爲此春酒以介眉壽八章曰十月滌場稱彼兕觥萬壽無疆而五章序十月有改歲之文意周正已行於幽俗故酒曰春酒而值歲將改周而復

弢甫集卷七

七

蘭陔草堂

始於祝壽之禮宜是臘月祝壽最爲近古十月周之臘也今先生之壽辰正當夏至之臘貞下起元壽如環之無端最近古而又適合古與今與其殆無弗宜與夫躋堂稱兕出於下之頌其上今君之惠澤貽於吾邑之民吾邑之民戀戀不忍舍欲留之弗得田夫野老芻童漁婦愛戴之而及其父情綦牽焉而不能去諸懷曩者先生曾就養邑署旣而翛然邁歸熙春之臺如霞天池之山如畫榴軒酒田徜徉杖履忘其年之至於古稀則吾邑之民之懷思之者眇若松喬之一見殊令人仿像其鬚髮之古且美無爲之民得新承甘雨惠露之施他日開養堂於州之治先生

採紫芝擷稻孫與州民管遊毛公之洞登陟九華之樓康強壽考樂且無疆尤吾民所思之而不能忘調元與君爲同門友亦邑之民也爲道田夫野老芻童漁婦之所欲言而弗能者以祝先生則亦猶是躋堂之義也抑吾聞古之勤勞王事諠不得顯其私故四牡駢駢於將父有所不遑君以殿最遷擢數千里之遠得寧親以歸先是已叨 恩封如其官孫大稱慶適遇懸弧之辰視古之優遷周道彷徨懷歸爲何如也春酒旣熟斟以奉之

弢甫集卷七

八

蘭陔草堂

族父甸集先生壽序

士卽伏處隴畝守一經於親也篤於取與也嚴志氣溫溫容貌朴茂蓋得一斷元氣之達官不如得一培元氣之處士固以所重之在平是也吾族父甸集先生早歲補博士弟子彞琴詠歌足自娛不汲汲仕進之干家僅自給人之有求者量周之不濫不啻曰有節所以有恒也多男子朴者教之耕力作以時故常稔篝燈以課秀者之讀讀聲琅琅出林竹外則大喜不令讀者預家事遣子有元從調元游讀至宵分不輟予勞之趣之寢則作而曰吾父望小子有立懼有忝也其辭色懇苦然者先生接人色和而語莊人心醉之調元曩歸姚數見先生語先緒不去口遇族子弟惻惻誠長者也精神內斂動止如三四十歲時別三年來聞神采炯炯先生年已六十矣夫善人有後仁者壽此理之常確然無疑有元尙脩文行行大有聞於時先生正康強壽考足觀後昆之興起豈惟族之言抑亦國之光調元不獲隨族子弟執觴謹郵此以爲序

張甫集卷七

九

蘭陵草堂

朱清江李孺人雙壽序

予籍錢塘祖居古姚州歲渡重江歸宗祠必取道蕭山通川過乎邑城市樓燈火兩岸喧闐烏榜紅舫啣尾絡繹迤邐至於錢清之江經漢太守劉寵之廟泊舟展謁登一錢亭流連風景其水澄清浩瀚菰蘆演漾與瓜畦禾塍相映發一碧千頃文魚聚散游泳可數當水光月色瀟淪上下發清嘯作微吟徘徊不忍去里人膠牘報賀汎龍舟以娛神簫鼓震宅旌旗鮮明衣香人影攢簇於祠下承平樂事有簾舫水嬉之風田土沃而物產豐魚稻充牣男耕女織俗習清美居人率多仁壽黃髮垂髫嬉然自得古桃花源不是

張甫集卷七

十一

蘭陵草堂

過臬曹朱君實居其地世有清德席豐厚能賙恤其里黨君少孤克自樹立游於庠雍正初元秋闈幾獲雋而失之遂慨然策仕欲有所發擢於時初受任朔方倅旋歷閩省邵武調臺灣雖職居參佐上官奇其能歷署邑篆所至輒有聲比來河南晉今職奉檄馳驅據鞍矍鑠年向老而才力甚壯秩未滿東行與發思向山陰而上小舟遂飄然解組歸配李孺人有閨德白首相莊出處俱得其內助君之歸也有孫可弄有飴可含有書可讀湘湖之腴田歲收足以自給初無求於人世而人世以不盡其才繫維之不得爲可惜也明年攝提在孟飴爲孺人設悅之辰而君以陽

月懸弧俱年七十矣同官慶古稀齊眉之盛事計來
歲稱觴之期欲得予一言以爲之壽予既賢其引年
而歸外庭中閫有以娛老却自顧非仕宦而縻於此
故鄉山水之窟夢寐縈懷亦決志言旋夙愛先賢遺
愛之地吾友釣遊之鄉思卜居爲鄰杖屨逍遙翠竹
白沙信意吟和而內子與鄰人通門問訊婆娑語笑
執翻由教其樂陶陶將必有日矣爰書而爲之序

張甫集卷七

士

蘭陵草堂

錢母王太君壽序

爲善蒙福理有固然而數或不可知獨貞節之母其
子必賢且才而食報也豐有決不爽焉者斯義也先
正嘗發之而原其所以則貞節者之歲月涉歷艱難
微特矢靡他皎乎冰雪挺乎竹柏之爲奇也戶牖之
飄搖支以孱寡婦之手口藐孤之撫危如一髮懸千
鈞比諸貞臣之罹憂殆甚焉故蒼旻之鑒之也尤邇
且其爲教也母而父之恒嚴以爲慈有嗃嗃無嘻嘻
食以重衣以敗絮學宮之傍而荻之畫子立之身百
事迫之前也故達予與嘉定錢松交見其人慙而能
言不支行不逕遇事燭照而不矜鋒穎予敬而兄事
之因以知其母夫人王太君之賢太君之寡也松兄
弟俱穉哺以乳與糜與餽餽拒粒保故宅遺書撫
教之以至於成人亦云勤渠矣況遭家多故厥緒焚
如當是時外岡之風雨洊加雖哲夫猶不易爲之枝
梧而太君綢繆所至備殫拮据卒能周護喬柯聯綴
斷縷不擾神色而家難以紓外內帖然固非尋常茹
荼集蓼者之所可同年語也今松旣以纂脩古今圖
書集成策翰墨勲出膺民社折復起爲淇令益敏於
爲政歷盤錯起謳歌循卓之猷駸駸日上者太君教
也於是太君年已老矣明歲月正上元爲太君七十
有三之初度松惟日是愛而親是娛以予之夙知之

張甫集卷七

士

蘭陵草堂

也書來徵予一言以侑爵予何以侑太君哉予惟舉
太君苦節之磊磊者昭諸管彤俾松無忘其艱難更
奮焉樹立彪炳於 皇朝彰太君之德之懿既書以
歸之復執筆以俟將歲祝之以踰於期頤颺松無窮
之業而侑太君無算之爵也已

朱母沈太君壽序

世咸謂父嚴而母慈是固然矣實則正家之道必能
嚴而後慈可稱也易家人之傳不惟以嚴君謂父母
亦謂之嚴君父君乎外母君乎內父君乎外而士之
生也志乎四方有不遑家食焉者母雖無攸遂而代
有終正位乎內成內助之美家人利女貞以此也家
人之言暖暖然行煦煦然十爲恩掩者七八恩一勝
則不得其正惟女殆有甚焉其何貞之能利故恩取
乎明物莫明於火離火之明得之乎中虛內之主也
六二位乎此所謂內之嚴君也嚴斯明明斯正貞者
正也明乎內而家正風乎國風乎天下莫不自茲出

乃見利貞焉噶嚶則吝嗃嗃過於嚴矣而未失夫固
舍嚴無以爲慈之道也朱氏之母沈太君持家以
嚴其夫子在時出遊燕楚秦晉間太君代置家政并
井說習辛持門戶教子義方稱克家今三孫且杰然
成立能文工書知名於時無專成者已莫不代之成
備甘旨以奉君舅君姑潔脯修於明師羅酒漿以待
賓客戚屬而自處極約肅然爲中饋主內言不出歷
久如一日至是太君年八十矣予客禾交朱氏其族
黨於冬月介太君壽徵一言於予予謂母嚴而子若
孫俱賢家無不理斯謂之善成其慈爲人父之止於
慈亦然若太君之克盡母道予甚欲天下正家者之

模之範之也樂得而稱之以爲壽

張甫集卷七

五

蘭陔草堂

尚母張太君八十壽序

近今在三之誼蓋微北直南官尚生連輝不遠千里
驂兩馬駕柴車命其子御之涉河至汴省予于大梁
書院道舊論文連日夕生鬚髯皚然與予衰遲相對
情味濃至憶乾隆戊午予點水曹同曹張君季直最
相得生爲其表弟因緣及予門是秋獲舉京兆明年
予請急歸遂不出書問絡繹欲擔囊走錢塘尋予林
居聞予年來友教四方東西無定所且好遊名山筇
枝稀挂壁乃不果來昨上禮闈試遇浙士輒問予近
狀塲屋頻遇予門弟子大喜呼同門生詢知予復主
大梁書院今開歲遂果夙願蓋別已二十年矣生老
而好學試春官佹得佹失以侍母夫人張太君于北
堂踏省門志不怠太君以孝慈爲禮宗流徽管彤其
尤難者君舅有侍姬性未平易治命遣之太君曲將
之以雛柔仁漬于閨門薰然成和久而自化竟歡洽
不令去其臻遐壽而子孫蕃昌有由也今年嘉平月
值八十生辰生拜起乞予一言于其歸用書之以爲
序

張甫集卷七

十六

蘭陔草堂

吳母胡孺人七十壽序

吾嘗閱世見家之興後之昌率由母儀靈德之含宏故氣運特久而滋大士夫之經世也磊落英多綜大紀而不暇及乎其微故委折纖毫之必周非至靜而用心慈恕莫能優柔體恤俾家人外內之具得其宜此其維持爲甚密而其保護而煦養之者爲甚深也吾前十年曾序吳生母孺人六十壽矣其時高增需次儒官高竣爲諸生勢隆隆起吾知所以爲之券者以先是佐君子出粟賑饑沾千人者必封也居無何高竣舉於鄉高增司訓會稽會稽人士藹然如秉宣文君之教羣仰有賢母矣至是母孺人年躋七十長

張甫集卷七

七

蘭陵草堂

居上考次與計偕待詔公車授邑令綰墨綬銅符以歸拜佳慶國人榮之予適應友人聘來中州二子以書來乞序母孺人七十之壽予惟母孺人之德淵懿溫厚卓爲浙西士大夫家之規範有不可一書而罄者予嘗主其家內言不出僮奴卑謹而忠愛吾知母孺人之治家嚴而有恩也予忝賓師飲饌酒漿必潔且饌吾知母孺人之能養且祀也二子名在仕版不令一日輟學諸孫滿前童幼且能誦十三經吾知母孺人之以詩書之脈裕後昆也吾友旭昭君輕財好施遺產不欲過豐而高增營甘旨經紀厥家俾高竣專學業登賢書以光大家聲而高竣亦克成厥志浙

人至今以爲美談且方年壯志雄勲業正未可量嗟乎此母孺人教之也夫劑之也和其達之也必順載之也厚其發之也必大而遠循是以往其佳慶寧有底乎遂書以貽之

張甫集卷七

六

蘭陵草堂

李母袁宜人五十壽序

銅山李使君以分治河渠丞開封郡常櫛沐風雨於工所官事家事井井就理則內助袁宜人人力也宜人性仁恕持家以禮而恩浹臧獲貴而能恭富而能儉居安而能勤相外庭起家分郡符有四子從吾遊者三而長尤賢宜人從世母從嫂兩世厲冰霜之操膺崇臺綽楔之褒宜人命子乞予撰合傳以表其幽貞海內莫不知袁氏之有雙節其貴德識大體有迥非釵笄之所能及今春正五十初度衆親賓咸欲爲宜人稱觴而客歲失其伯子情有不釋然焉者伯子才而好學婚之明年及予門非召不歸歸輒旋踵詣學

張甫集卷七

九

蘭陵草堂

舍除夕開歲往返祇數日此固其子之精心於問學亦以見北堂之訓恃如其怙納之義方其子之向學不必如樂羊子之須勸而其婦勉夫勤學之懿可知也此又其陰教之行也乃天顧早奪之其茫昧殆弗可解然吾聞伯子遺言勗其婦善事尊嫜又從予四年稔見予罕爲視聽之文而懇懇預求一言以壽其母則伯子固未嘗失也大梁書院爲中州英才薈萃之藪是中州英才知有伯子也中州諸執事月有試嘗拔之冠其曹是中州諸執事知有伯子也就試京兆日下名公卿交刮目名士爭願與之交是日下名公卿名士知有伯子也俟其弟生兒以後伯子讀其

手澤所存之書煜然大發其潛光信乎伯子固水嘗失也宜人其可釋然晉一觴矣乎於是衆親賓侈傳予文以爲宜人壽且以是爲左契焉

張甫集卷七

十

蘭陵草堂

盧敬甫六十壽序

調元平生兄事無多人惟敬甫交最篤亦最先自總角坐同席吟同研出入早晚必俱居東苑中嬉遊嘯歌之地形影無一日離里之婦孺所稱為雙先生者也長俱有室以貧出授經謀養分合無常然猶歲時伏臘兩家往還若織既而調元走軟紅奔波世途絆羈浮名僕僕無寧歲洎請急歸而髮之鬢者已半素始一意匿影衡廬與敬甫追兒時歡如故顧或仍以衣食牽往東西不獲恒聚當調元出遊時累敬甫送別寄懷悵悵稠疊而敬甫性落拓早無意干進雖踏場屋汎汎如萍浮江湖見有棲泊處所了不繫著曾

張甫集卷七

三

蘭陵草堂

一對大科至京師尋浩然歸其數間之草堂著書哦詩以舒放其天中間哀樂頻經晚益貧能不累心益用廓廓無纖芥於其胸偶覓得杖頭輒借所善買郭西小舟汎葑香柳陰之間酣呼笑謔不知日之已夕烹魚湖樓沽酒姥肆遭雨借青簪笠過段橋迤邐入城聞見之者以為仙昨秋調元因故人招入大梁客居岑寂屢書邀敬甫將同登吹臺之上嗣慷慨懷古之遺踪敬甫有以自樂莫肯來也今年之四月敬甫六十生辰予垂老猶倚風塵不獲登堂奉羽觴而書此為壽見調元與敬甫少親厚無間初不異趨如此而迄漸其道之能自肥且才子文弢著述代興魁然

有聞於時為無央之樂同人罕有及之者已

張甫集卷八

錢塘桑調元

傳

汪玉然傳

汪樹政字玉然考秉明萬歷間江南下注巡檢禦賊死之監察御史王立賢表其閭曰奕忠第者也時癸丑六月賊掩至夜火四起衆欲走巡檢持不可率土兵力戰矛洞胸死公子樹敏從陷陣奪父屍矢損一目而樹政年十六亦奮呼從槌中足足折賊怒巡檢拒敵併力攻特急樹政從父兄殊死戰衝突烟焰中不少懾卒協獲屍歸賊不敢躡其後事定上官諱抑

張甫集卷八

蘭陵張氏

不以聞旌恤之典缺如遂歸鄉里後樹敏一出爲輝縣丞樹政竟服賈養母終其身著勉旃錄訓子大指言五倫俱歸於孝語質而理足與經傳合其曾孫鑒旣爲巡檢立家傳而屬其友桑調元傳公子予惟公子大節在從父兄鏖戰故連父兄書之秉字懿卿樹敏字襟春餘姚人

桑調元曰父元殞兄一目眇而身折足以擊賊語全而歸之者其必在是矣公子從父兄執干戈以衛社稷其不爲童子鎬之續者幸耳豈不偉哉卑官死禦寇弟子輿尸而上弗知有明未造之事可知已嗚呼

朱先生傳

先生朱姓諱燹爵字宁臣秀水人父貴陽守諱茂時年七十有四生先生少穎異能文年十四爲諸生明年娶揚州守陳公女有壺行余嘗誅之者也又明年居父喪盡哀弔者涕下魏塘夏季思者先生師也乃言曰爾亦知孝之有大焉者乎爾兄耄而爾少慮有乘閒構釁者苟小有言非孝矣時伯兄年踰七十先生少且慧父奇愛之人咸意室中之藏之爲所私也乃晝夜號居喪次不一入室婦方有娠亦如之旣葬聽伯兄撥產析居箱籠了無長物旣而伯兄檢視珍玩古書遺金具存曰人言妄也欲分之以病篤不果

張甫集卷八

蘭陵張氏

而先生食貧無片言仲兄爲叔父後產屢耗始終周給之惟謹謀祿養生母王以貢謁選司訓杭州有張生者爲其叔所訟理諭之得解丁生母憂尋走京師思一展所學以友事轉入秦得疾歸先是爲同里李君尅期馳秦中取官文書還釋其累累事義聲震士林至是更爲友勞動遂不起年四十有一德是嵩齡其子也

桑調元曰吾客鶴洲見孝廉嵩齡居母喪何其哀也德是早歿嵩齡嚴事寡嫂撫兄子如子急友難若己事嗚呼先生教之矣使先生得所欲爲以教家者教天下俗不歸厚乎哉

忠節魏公傳

公姓魏諱尙賢字禮孟號明賓鄭州人明萬歷丙辰進士初通籍志捐軀報國授大理評事轉中書恤刑畿輔多平反活爲盜誣者三十餘人晉吏科給事彗星蚩尤旗見應詔直陳數事詳名臣奏議中又與曾林若疏請釋劉光復鎮撫司久缺刑官囚淹繫踵斃衆家屬數百人震哭長安門外與楊惠世疏請鞠釋光宗卽位十六日不視朝與孫朝肅等上書宰輔請冊立東宮甚切至熹宗立議崔文昇進紅丸宰輔不應私爲出脫忌者遂出公知保定府檢有神廟時加派銀八萬兩餘悉還之民殫心弭盜復左遷順天府

張甫集卷八

三

蕭陰草堂

通判尋升戶部員外郎轉通政司參議乞養不許轉右通政逆璫魏忠賢故進退公示招邀且遣人啖以美官乞聯譜爲昆弟以姓名宛若輩行也公裂帛曰若刑餘直冰山耳乃欲汚吾宗系乎疏婦寺子姪祇可賞金帛不可濫玷爵秩逆璫益啣之挺擊事起救高攀龍劉宗周鄒元標甚力萬璟受閹毒廷杖與陳長祚奔闕救弗及魏大中下鎮撫獄撈追誣昧數萬無敢近者公攜大中子學伊入視諭獄卒善視之上速極元克以雪忠臣之恨一疏逆璫怒切齒方欲甘心於公會莊烈帝立璫敗上三疏一逮獄一獄死一追賊又言三案天下之公議要典逆璫之私書宜急

投水火帝悉然之崇禎五年以憂歸遂不出布衣蔬食絕請謁教後進時流賊猖獗出家賞倡修州城以磚易土賊薄城部署鄉兵擊賊城陷羣擁至東城樓上斷公一食指脅屈膝公大聲怒罵曰賊奴吾大臣恨不碎汝首可辱乎遂死之時十五年五月初四日也年七十九葬州南魏家河

桑調元曰公立朝挺挺無所阿又以飽喫官飯受成俗吏爲耻故所至盡心職業嘗曰事期有益於國功不必歸己言在能明其是過不必諉人其根本從來遠矣長身玉立美髯拂拂出身初卽期報國卒崢嶸罵賊死不負堂堂七尺嗚呼偉哉

張甫集卷八

四

蕭陰草堂

循吏梁公傳

公姓梁名澤字恒白號采山廣東順德人父器圃先生與陳元孝王蒲衣族兄藥亭唱酬有名公生奇穎又家學工詩文分書未弱冠舉于鄉時貢士試春官未分省行卷爭投徑途公秉節嚴峻屢躡乃謁選得浙之海鹽令慨然以卓魯自矢惻瘼民瘼孜孜求興利除弊功令編保甲革里胥行順庄他邑率多陽奉或治之而夢公實心釐剔妙中機宜政乃成徵糧令民自操斗概監司遣人下縣倚勢作威公笞之申報上官媿謝之海潮嚙塘先事綢繆得晏然無恐聽訟明恕曲論以禮義暇集士子衙齋飯脫粟講論不輟

梁甫集卷八

五

蘭陵草堂

陶成甚衆攝秀水平湖二邑不以暫理易素志吳有倒好之謬呼爲梁天青太守與公殊意見公一處以正直恢恢無掣肘時高安相國朱文端公撫浙首稱梁令善標之爲則文端公內陟都憲特薦之行取辭縣士民遮道攀戀數百里不絕有送至游墅泣別者至京丁內艱尋以前令民欠波累重至舊治衆扶老攜幼擁拜如曩日會蠲積逋放還惜不竟其用公怡然吟嘯歸康熙庚子秋闈公爲參詳官本房得朱嵩齡陳佑鄰房薦馬維翰杭世駿以道義文章經濟見于時調元列乙榜出公門下頃修邑志邑人懷公舊愛爭就調元屬爲之傳用質言之如此

桑調元曰天生奇才或湮沉下里不著見著見矣用之而效又得名卿薦剡類圭璋之特達復以牽累見遺

今上思楊馬之才旁求切至卒無有以之應詔者調元感公平生氣鬱塞嗚呼若朱文端公安可復作哉

梁甫集卷八

六

蘭陵草堂

吏部侍郎俞公傳

公俞姓諱兆岳字岱楨世籍海寧筮仕宣平校官七遷至吏部侍郎有識畧治跡焯焯令大田民有送妹嬪壻家不返前令誣服壻壘係多人公悉脫其械齎宿城隍祠夢朱旗書輦字鞠輿丁得實抵法調臺灣平土寇戎弁張文武勞圖貴富公陽喜圍爐設讌火其狀曰殺人邀賞必有天殃卒誅止渠魁移開州牧以憂不赴免喪補松江同知銳鋤奸與守忤會朱文端公軾出視塘工公曰必以石民乃不魚文端然之薦董其役堅如錢江老壘升青州守前忤者適提刑召伶觴公酒方行立起曰山左旱餓莩枕藉宜急綏

張甫集卷八

七

蘭陔草堂

流亡忍對笙歌終讌乎提刑慙愕思重傷公乃引疾憲皇帝心知強項徵入見拜通政叅議江南海溢遷太僕卿往築塘捍禦亘八千餘丈工竣

今上嗣統擢開府洪都初公捐臺灣耗米萬餘石濟賑條免蘓松浮糧四十五萬石至是請汰南昌糧銀以萬計者七汰大江沙糧銀以萬計者一汰潯贛兩關陋權銀以萬計者九教民節儉俗以殷裕陟少宰過里門時嵇閣部會筠總海塘分司者壞民田墓畚土公以告樊立除入銓堂後撫許免糧事不實下刑部直其謾將復用而公以乾隆戊午六月卒矣壽七十有七月進士終大竹令招復流戶遺策折吳逆機

牙曰宣琅公考也寡字二孤樨者栽十一齡鬱爲時棟旌不以例曰吳太君公妣也子三良模鴻赤敦仁俱仕敦仁與予爲同年同年之從孫思謙從吾遊乞傳公予惟公勲在史宥以邑乘須登公特書之

桑調元曰公之休烈多矣予獨念天行潦旱堯湯所有惟長率屬不憚濡焦救之乃可氛祲弭而釋民之咨顧徵歌選色競娉嬖之讌溝中瘠罔聞知聲嗷嗷耳不之惻公畫傷于中讌言觸諱寧擲郡章去斯其爲仁者之勇哉而遭逢克知灼見之朝尤令俊宅感涕于無窮也

張甫集卷八

八

蘭陔草堂

景先生傳

先生姓景名星杓字亭北仁和人父邦鼐字三岳豐於財性任俠出貲爲人排大難三人呼爲景三俠先生生而磊落不拘小節常集畫艦數十招詩人酒徒劍客遨遊禾之鴛鴦湖故通音律方洪飲援篴作數弄隔湖人偏耳嘹亮有奴曰青猿最趨捷酒酣耳熱起射林薄間命青猿疾取箭爲樂赴友難白晝刃入都市中散萬金如流水難得紆家業洗如意頗侈以爲豪已而幡然折節讀書葺屋城之東皇花木叢竹環蔽之不見廬舍屏妻子獨居三十年名曰拗堂自爲之記詆世事多失直吾拗之畸人騷士叩扉劇談

張甫集卷八

九

蘭陵草堂

茗飲終日顧壯志不能遏謂豪傑非天生乘時得志便見奇節論世事成敗輒奇中慷慨吐論聲如洪鐘精心種菊秋光瓌麗爛如華蓋流蘇花時達官貴人變童艷妾趾相錯類不見主人而去因自號曰菊公尋厭其喧遂弗種散菊種數百於東城數年後人猶呼爲景氏菊賣文爲活連遇歉歲奇窮義不苟取元日益無粒粟屑薯蕷爲食而已不問晴雨恣遊湖上諸山憑弔古今詩成自歌震蕩林木所著有菊公詩五十卷拗堂詩八卷醉翁詩二卷菊公詞八卷拗堂詞一卷松風詞一卷拗堂文十六卷文美一卷山齋客譚十卷蠅史三卷俱手錄書法絕類山谷晚器後

進桑調元慨然許託焉庚子秋疾作故妻王孺人已下世子二留次子侍疾易簀前一日命檢詩文稿授調元屬他日編存吾集寧簡無繁枕上咏別同好詩浩然而逝其日爲重陽日壽六十有九葬方家峪桑調元曰先生豈詩人哉自著令以程式取士奇才不得盡達竟槁項黃馘匿窮山藜藿不充而死如先生其一矣聲光未滅猶以其詩傳悲夫

張甫集卷八

十

蘭陵草堂

繡甫湯公傳

公姓湯諱斑字繡甫睢州人文正公潛庵弟也湯氏始祖寬在前明世以軍功著閱數傳文學蔚興公會祖希范祖敏父祖契生二子長文正公次公公少聰穎兩冠童子試補諸生食餼以歲貢選授開封府滎澤縣學教諭康熙五十八年八月四日卒得年六十有五娶袁孺人克佐公孝養子四孫若干文正公起大科出爲節使入爲卿太夫人軒太君在堂奉養晨昏惟公是賴故得一意盡瘁王事嘗一省兄京師一於吳門卽過歸孝友聲聞通國方公喪父時纔十齡兒啼哀毀如文正公長讀書立行一以文正公爲師

張甫集卷八

士

蘭陵草堂

仕路聲華牽引子弟率易登巍科膺膺仕文正公又聲望動嚴廊旣斬斬卓立無纖芥私營而公秉承家學砥節端正恬然義命自安雖文譽騰踴壇場終其身不得一第居鄉里意念抑抑自下人不知爲貴介弟急師門之厄脫諸園土園通友人墓道改營阡隴瘞遺骸於高壤不使沈沮洳汲汲敦善行若不及鳴呼士豈以昭晦論此足與文正公濟美矣桑調元曰予至睢州拜文正公祠堂因世講得交其孫曾類謙謹守禮法不侈世家不營競不以能文章自豪上有先正之遺風焉況公親兄弟師友一堂其粹然樹儒門規範以教於家以型於鄉宜哉

王繩巖家傳

君姓王名作霖字雨臣繩巖其號一號怡齋晉太保祥之後由江淮遷於杭曾祖之謨拔貢爲令祖茂芳歲貢有著述父會期中書舍人碑刻行世君生三歲失恃育於祖母性至孝少卽工書年十七修書藩邸弱冠爲諸生尋丁外艱家多凋喪撫兩女弟叔母邱嫂羣從孤寡咸無缺養乾隆初元試入實錄館戊午竣事賜宴及文綺白鏗授主簿需次至乙丑選丹徒厲清操習勞勩上官廉知之檄辦版圖黃冊蠹弊一清滋以爲能攝丞上元制府引爲白事勢不倚私不行百務井井竟積瘁歿於官嗚呼君誠可謂偉

張甫集卷八

士

蘭陵草堂

男子矣自廉節風微士夫出身便爲私圖智昏多藏往往以墨敗苟倖而免罔顧名檢巧營金窟宦與市通其沈壓百僚之底漁鰒銖者無論也君不卑卑官杰然義無苟取有敏幹才渴爲時須且內行修孝友純明研詩文書法其家學能變而之古心聲心畫如其人體貌溫溫儒雅可挹歿於乾隆丁卯六月九日年僅四十有八悲夫子三長某亦工書次廷佐諸生從予遊次某後其兄

桑調元曰予昨送君之官君喟然謂末吏之雜爲可羞思一洗齷齪狀予臆之作詩壯其志君果克踐言死以清白遺子孫所遺厚矣予獨嗟善者之不留爲

世範也

張甫集卷八

三

蘭陵草堂

都事張君傳

君張姓諱邦曜字旭明號曉亭其先宋劔南節度使南軒公始遷浙至聖三公遷山陰之張家塾考諱允謨生四子君行三性仁厚于親故最篤無大喜怒甘清貧初筮仕山東丞歷城署令郟城兩詣京及河南招飢民回籍安集得所調河工察隄闢泉源水勢著勞績勘東阿災散賑紀大功二爲中丞巡捕官甚見信任值辦西邊軍需中丞擇縣名之佳者如招遠清平霑化等君與聞之承辦各州縣畏赴行間私萬金求解免君悉卻之但告以部署已定毋恐而已丁憂服闋補黃縣丞盜以平擢河南布政司都事署郡丞別駕者屢稱練達自康熙庚寅至乾隆癸酉老而解組歷官四十餘年事上官不阿寮衆待以坦白共尤著在康熙五十一年沂水妄人田文如誣同縣趙聰子九十餘人不軌并及官弁仁皇帝特遣官逮問時中丞蔣公陳錫遴幹事之員衆推君卽檄委并授王命旗治官弁之違約束者歷下至沂水四百里餘君馳間道一晝夜至衆驚神速且載王命旗懼卽擒戮城中惶遽罷市君廉其事誣妄大聲曉以無罪一就訊立雪且被誣僅九十餘人耳衆何洵懼爲遂安堵市如故將按名冊內諸有名令請治鞠具君曰無庸日集僚友行館飲酒宴樂或懼得罪遂巡引

張甫集卷八

三

蘭陵草堂

去隸以數人至錄姓名里居卽縱歸約隨赴省人情
大定自束身詣庭下縱如前四日畢集有與冊內全
姓名者十餘人請與俱絕後累一路聽散處不問官
弁亦隨行既至司臬欲囚衆君不可請仍委收領如
逋亡甘功令比讞不失一人得田文如証狀坐之衆
盡釋其被誣及親黨子弟赴省偵視者累數百人悉
手香詣署前歡呼動地泥首謝旣而並云泣下觀
者咸感動脫其時不廉實豁達推誠如是愚氓或竄
匿且激變矧長途縲紲無辜至復拘幽囹圄綴民叛
案其被累有不勝言者宜上官奇君之胆識益加器
重臨淄人碑諸口至今以爲美談也君罷官貧病不

張甫集卷八

五

蘭陵章堂

克歸卒于十九年八月初三日壽七十有三娶俞孺
人子四孫三長子翰先君卒遺孤肇淳懇苦向學庶
能起厥家乎

桑調元曰予至汴識君廣頽豐頽鬚髯若雪對予作
鄉語煦然長者也初不知君臨事變機警胆決處之
恢恢有餘使得居高位定疑難建偉勳當聲施爛如
而卒沉下僚以老至窮困不給也予能無悲憤苑結
于中乎哉

陸莘田先生傳

先生姓陸諱章字莘田一字息村世籍平湖祖諱懋
德遷嘉興之春波里考歲貢生諱濤遷王溪行載府
志妣孫孺人子三長諱之謨次諱惟寅先生行三幼
遭大父喪克哀毀及宅憂躬行古禮古禮之實亡於
今名爲三年喪僅衰麻在身數日而已先生家自初
殯泊練祥朝夕一盪米枕苦塊盡哀杖而起見者怵
然汗有泚始識居喪如是俗以歸厚伯仲同幾終身
不私一錢陋室論道怡然自得金窟笏牀之戶莫能
如也家雖貧遇親友急必勉周之歲飢糾同志巨姓
出粟煮糜以賑全活無算先生力綿而志殷籌畫幹

張甫集卷八

五

蘭陵章堂

濟力居多補諸生蹶秋試僥得復失值選拔學使已
注意有尼以年老中止泰然安義命略不介意訓後
學篤信程朱隨所見導以實學不專攻舉子業對童
蒙亦如成人盛夏衣不見體自伯子歿後殷殷以身
提唱語和而莊學者樂親炙咸師尊之娶屠孺人繼
譚孺人生三子長寶忠後伯子次寶信寶禮俱先卒
先生終於乾隆丁巳五月初八日壽七十有四私謚
非古故略而不書

桑調元曰予初至禾禾人士稱召成陸先生見理明
而處事斷洵儒流之圭臬蓋卽伯子也自稼書先生
倡道於浙西楊園先生翼之餘山先生則特立於浙

東若名成先生所造卓卓流風未斬予不及見名成先生見先生得遺範焉老成盡謝少有表彰之者嗚呼是誰之責乎

張甫集卷八

十七

蘭陔草堂

蒿廬孝子傳

吾友方君渭漪輔休寧人以諸生貢成均遵先命課子特勤生七子不遠千里及子門者四歲戊辰子應大梁聘過吳門時君方廬墓欲望若堂而未得也比旋里聞君已旌于朝衆藉藉所謂蒿廬孝子者也君之子環跪請爲之傳傳曰君考化居于吳愛佳山水欲仿傍要離塚舊事病痢徬徨寢舍治飲子煩捫裳席扶如廁凡三十七晝夜彌留時謂君曰曾祖祖二世未葬祖母年高弟稚弱諸從父貧汝其成吾志君涕泣受命遂瞑哀毀柴立扶柩歸事祖母母盡色養母歿尋承重祖母喪哀毀如初完弟婚翼之成立不幸客死經紀其喪撫幼孤如子從父從子之不給者生養死葬盡禮曾祖考妣祖考妣俱營葬于本邑獨任之守治命卜吉壤于吳縣蒸山奉考妣就窀穸結草舍于場上食如生存者三年哀至則哭聞見者莫不感動君長身玉立美脩髯至是慘瘁淚滴處春草不生夫廬墓以事親不得復云爲名手撫宰木若嗟呵生氣以蕃昌其枝柯稽顙片石光綴如髹又如衽席溫溫然不孝孤調元辭先孝勇公之隴北上至河間大雪感愴有句云依墳墳土煖眠起盤旋三尺土若定省晨昏喘息呼吸之道也又云別墳墳土孤若旁無侍子龍鍾之老杖履左右無扶掖時憂顛仆

張甫集卷八

六

蘭陔草堂

也居常省墓遠見馬鬣若久離膝下歸覲趨拜吾親見而喜也依倚墓傍片刻若喁喁敘別來事不休惟恐子之去也拜辭隴上數數回顧淚眼昏眊吾親目送步遠一步至路轉弗見惘惘有失也不孝孤振觸至此不禁淚涔涔然萬行下也

桑調元曰子別君十年餘矣君長于子俱年近古稀君矍鑠不難臻期耄予則疾病侵尋復遭慘戚魂侍吾親之日當不遠安得卽成良覲絮語饌首之子之哀思乎

歲甫集卷八

九

蘭陔草堂

曾孝女傳

孝女曾氏名衍綸山東長清籍居歷城牧柳州尚增之女也母張宜人病瘵孝女年十五隨之官侍湯藥眠食寒暑不暫離會寢舍老嫗遺火漏四下始燄燄及帷幔女踉蹌啓戶喊呼衆鼾睡拔闔插門驚噪起遽轉搶入房勢已熾冒炎烟掖母母故瘡身竒重盡力弗克起頭髮焦有聲慟哭籲救老嫗及侍婢薄床眼眩暝赤烏亂着面狂奔出母麾女去女撲母身上兩臂擁母首膚爛灼猶呼救不絕口衆號之出曰母死何以生爲烈焰中叫母哀慘轉急旣漸微燼矣實乾隆戊寅年十二月二十四日丑時也詰朝撥灰諦

歲甫集卷八

十

蘭陔草堂

視女堅抱母兩尸合并體魄凝磊磊若黧炭然見者莫不酸鼻父以翰林出令蕪湖甲子年八月二十日孝女生許字歷城毛公子均州人立祠于柳江寺側例得請旌於朝

桑調元曰子適在歷下孝女柩至萊陽周守一爲子言之相對兩泣子嘗讀李翱高愍女碑翱自謂豈出班孟堅蔡伯喈下至今覽者涕泗沾襟其文能使烜赫不滅良然予弱毫非翺比而獨嗟二儀浩氣鍾于弱女子蕪湖而生此孝女也蕪湖之光也柳州而死此孝女也柳州之光也長清歷城而魂歸此孝女也長清歷城之光也異哉孝女之行而不家聞戶知也

於是奮筆作曾孝女傳

張甫集卷八

三 蘭陔草堂

張甫集卷九

傳

錢塘桑調元

獨行先生傳

獨行先生者其高曾三世廕仕有名祖上舍鳳娶前明馮祭酒夢禎女馮二十有一歲稱未亡人至八十有六終先生爲之請 皇朝之旌焉者也考文學大遇上舍卒乃生子五人長卽先生年十三喪母肫肫見至性大母特哀憐之刲股療大母疾歿而哀有加家貧客遊梁盜發其母殯先生聞故盡氣力號奔歸一省父卽刺血淋漓書牒投之官蒲伏郡省庭肩一

張甫集卷九

一 蘭陔草堂

囊重趂上下旅宿歷二年所盜得矣有司治不盡法則復大慟期死訟走京師却歸一省父父適中痰聞聲一張目瞑矣先生痛恚發狂慟昏仆甦欲自殺者屢救者見者淚霑下既渴葬乃嗚咽曰不孝罪山積母殯罹慘毒讐未復復喪吾父身不卽殞更何意人間世爲乃屏妻子斷滋味絕吟笑歸空寂以終身初先生少補校官弟子覃研著作文譽翔起又以世著名德思濟時自見至是灰一切悉焚所作詩文藁於墓前顧少子修誠可儒遠托友教之學而令長子修端農而食蕭然從此逝終已不顧獨往探江右諸山轉遊燕却入閩旋徙荆楚中間間一過家亦偶客交

親幕祿刻自處托於禪比苦行僧二十年竟客死武昌所善楚督使人護其喪以歸卒年五十有九妻先一年卒先生不知也先生姓沈諱蕙纘字馨聞秀水人

桑調元曰古之獨行人跡類奇而孤其或不得已而然志隱隱可訴也激而之乎禪以自廢其中惘乎有餘悲焉若先生者不其矚然與

湯妃南傳

湯然字妃南睢州人文正公嫡元孫明經雲麓公之長子也少端重如成人爲博士弟子試輒冠其曹遂選拔辛酉舉於鄉計偕游列乙榜注選教諭性至孝痛母早逝受室之夕私抱持其弟泣甚哀壬戌需試中書留京邸忽心動急馳歸父果病亟侍湯藥數十晝夜不少懈僮僕勸之小休泣弗應咸感動爲盡力居喪致毀營葬必誠信疋羸泣血君子以爲難弟燮穎異父奇愛之父歿後尋病卒哭至沈痛羣從唁之曰吾心已如死灰也天才奇敏文筆開朗無纖塵萬舌嗟賞如一名動日下海寧相國陳公以世好特延

見不再往彌加器重書法秀逸畫尤蕭閑淡遠故承雲麓家學又座主華亭張南華少詹指說六法直駁駁參駕古人爲詩古文詞俱工嘗問業於秀水張瓜田徵君所業益進四方聞名徵求者響臻郵筒絡繹相望處世溫和類以情恕至大節挺挺不撓善持論片言解紛動輒微中或問教弟子法曰當先動其天良其孝友至性過人感事盡傷得心疾居恒憂鬱獨居涕被面忽忽不聊既伶俜臥胸耿塞如有物不化於夢中號呼父母弟鳴嗚嬰兒啼枕函縱橫流如河淒迷不醒醒益慟弗能止數數夢號呼兒啼遂不起易簀前數夕有友人就作竟夕談詰朝猶力疾書

其和外祖觀察王公詩竟爲絕筆乾隆十五年十一月二十九日卒得年三十有四子一若琛

桑調元曰岷南嘗過從予與談藝纔引端卽了解以予所見高才生聰悟濬捷如岷南者絕無僅有予方欲引與究明絕學續文正公遺緒而岷南死矣岷南之死死於孝友不忝文正嫡元孫世顧僅以文采風流目岷南獨予知岷南而天奪岷南之速岷南之所成止於斯也悲夫

張甫集卷九

四

蘭陵草堂

茅商隱傳

茅君名逸字商隱浙之會稽人父兄並諸生少能文不屑屑舉子列好爲詩大言欲濟世人目爲夸不之恤喪父不克葬懇苦謀養母屬兄且課讀供菽水辭家遊幕府期以十年歸當羅甘旨盡頤養而營厥考馬鬣之封客中州出入郡邑幕伉直少諸館穀不足糊口浮沈久之既無所遇念母老兄艱瘁恚無以爲歸計又睨時之爲多不可意輒憤形辭色欲抒所鬱畫無自得效一洩之歌詩作顛草書狂吟中夜旅困數空匱劇悲怨病作良已顧窮不自聊益困益病益懟億數日知死所益鳴聲悲夢嚙號其母以歿乾隆十五年六月二日也得年四十不娶無子先篋藏白鏹三金雖絕粒病窘萬狀緘如故託鄉友并衣裘歸以遺母可哀也已鄉友爲葬於汴城曹門外母社之墟予大書題其墓刻其詩轉蓬集三卷行於世

桑調元曰予識君由同邑友張明經琨明經老遊梁予亟勸之歸君歿時明經授經他往予選刻君詩明經歸矣予以詩爲清緣知君困欲爲君規一幕下托足地訖君歿不可得嗚呼吾固悲才人之失職浪遊且落拓困依幕下終失其所爲悲復悲也

張甫集卷九

五

蘭陵草堂

省庵翁家傳

省庵翁姓朱氏諱寶文字彥公始祖千二公籍海寧
葬花園呼花園墳朱氏八世祖遷錢塘占今籍翁生
而孝友年十七喪父毀幾滅性無何兄病且劇憂形
於顏及卒哀稱其情兄無子己子生以爲兄子子殤
又生子距兄歿十三年矣卒爲兄後事母李孺人盡
孝養家被火中落力致甘脆母性嚴怒家人有過輒
不食翁長跪曲解必得歡乃起嫁女弟奩飾豐厚母
顧而色怡二女嫁從儉所親以爲言翁嘆曰婚事稱
家且吾女安得視吾妹也居母喪類孺子慕而克愼
終君子以爲難嫂詹孺人年二十八而寡旌門得

張甫集卷九

六

蘭陵草堂

請如典禮嚴事之以終卜考妣葬葬有日矣穿墻得
沙石乃號慟不克葬一夕鬚盡白久之復得地下有
古塚亟掩之去又購地地爲族祖塋餘孺後人貧而
割售初未之知也尋知之立歸焉又購地去家五六
十里家人以爲遠翁愀然曰是誠遠他日不且以遠
疎省視耶復棄去最後得地於五雲山之麓躬事窀
穸以兄嫂附眠食山中匝月巍然若堂旣完且固至
是心力殫矣先未克葬時與人言涉井椽窆石淚若
霰服食疏樸佳辰未始出遊親朋有燕會謝不赴或
強之則涕泣告之故垂老而傳家事不令關白把卷
宴坐踰二十寒暑神明炯然娶何孺人耄齡齊眉賓

敬不衰乾隆甲子上元日無疾而逝壽八十有一子
楓楡諸孫甚盛爲兄後者楓也

桑調元曰歸熙甫曰余論東園翁悉載用拯之言蓋
以爲其家傳不得而畧焉余論省庵翁載楓之言而
特著其孝友自世以奇節相耀齒及庸行則忽之士
夫內行之有慚者多矣余書此以云救也翁倡捐貲
掩醜於九曜山親親錫類之餘耳余言其弗畧矣乎

張甫集卷九

七

蘭陵草堂

梁岐山傳

梁翁岐山名鳴鳳考城人世農業曾祖傑祖之仁當前明寇熾克存其兄之遺孤父永福善事繼母子四翁其長也貧能養躬耕大樊集白髮奉親爲孺子慕聚諸弟怡怡如也率長子宣力農教次子賓力學食餼於庠翁年七十四卒時母董孺人年九十四矣母方在弟鳴珂所翁彌留嗚咽遺教曰我無狀不克終事母翻貽母悲哀恐大耋餘哭子粹不測我罪戾滋大我死當祕弗使母知云偕諸老人朝名山未歸顧諸弟及妻趙氏善事母鳴語不成聲氣遂絕歿後家人詣董孺人前去縗經承顏如初踰月葬已董

張甫集卷九

八

蘭陵草堂

孺人尚動定康強杖履粹至長幼惶遽諱如遺教里人咸相嗟異嗚呼翁不愧力田孝弟矣世之下也競以貨雄閭里稱富商大賈相高而卑農夫喬僂不知古儒者匿采於野類多事躬耕漢設科農貴與士等若翁之藝黍克孝耄而不衰豫順於家敦龐於俗晚而聯粉榆黃髮作百年長樂社宴飲過從鄉先生之致仕者願與爲布衣交博士爭式廬以式後生小子此俗之所以駸駸復古也與

桑調元曰翁之孫曰源曰漣從予遊寒峻之門且以文學興矣原其祖之植德孔固有穀以詒孫子其所從來者非一世欲弗興得乎

馮翼廷傳

馮贊字翼廷汝州郟縣人九歲喪父哀慟疇瘠孝其天性也事寡母李氏盡色養孺慕耄而益篤歡奉甘脆不假手子婦母年九十失明晝夜侍牀褥湯藥躬親未嘗偶廢離祝天身代根於至誠閱六年弗懈母好施予分財與羣從賙恤戚黨並先意承志無所怙滑縣周某饑年攜家流寓旁舍周病卒一藐孤始孩妻李氏號擗欲殉乃爲之殯葬給贍孤寡孤壯爲之娶今有子矣他嗜義多若渴創石橋於老瓜營三侯家莊一尤慷慨爲人所難蓋動稟慈訓爲之孝義聲聞通國而母之善益彰卒年七十一歲名在太學乾隆十有四年 詔旌其門

張甫集卷九

九

蘭陵草堂

桑調元曰馮君生髫髻違其父之撫愛何其不幸也顧人世母子團圓稀有逾耆艾者君著其母之膝盥以淚哺以餵餽長而克經紀厥家備潔白之養瞻首鬢髮孀齡至大耋而子年亦過古稀砥目還明反哺勸飽却憶素幃燈黯煢煢兩影淒迷幼耄相尋寢舍互倚爲命者餘七十寒暑又無仕宦陟山之嗟服賈遠牽車之苦時時氣聯喘息冬景之暄愛日之長孰有如君者乎

李來泰傳

李策奇字仲標來泰其號夏邑人祖邦禎發窖金輸築河隄全活邑人考孝廉汝健有令聞家範謹肅公少穎悟下筆傾其座人恂恂自持克遵禮法髫年入泮既冠舉于鄉爲前明萬歷癸卯庚戌見賞于湯霍林瀕得而失丙辰韓若海載之貳車論者惜焉公一不芥意擁萬卷鍵關課子篝燈洛誦不稍輟或風之謁選慨然曰家居亦爲政布德教詎須名位哉且士各有志不可強卒不折彭澤之腰內行醇飭孝聲騰溢送往尤盡哀禮與兄弟分財甘受京瘠復推濟其荒落者不之倦撫教庶母弟策雄予以膏腴課之爲

張甫集卷九

諸生遇猶子兆繩如子三粥產卒給之戚黨亦多待以舉火歲丙子後海飢旱人相食公素儉約積粟八百石餘至是大散賑哺餓夫無算達官下車考鄉望巍然被褒嘉太邱練司馬君豫嶽嶽持人倫亟許公爲真孝廉癸未以疾卒得年六十三子若孫數傳益光大其名德之積厚矣哉
桑調元曰夏邑爲宋栗庵沈龍江呂新吾諸先正樹圭臬之鄉其淳朴甲于旁郡泊德徽漸遠風教稍凌夷焉公砥名立行挽時趨復之古賑荒特其一節耳生長名家翔涌文譽不啻不矜以承鄉先正之流風不亦煒與

方松崖家傳

君方姓諱倬字樞臣松崖其號也其先得姓於周方叔唐元英先生隱鑑湖四葉遷祁門又十二葉遷休寧之珊溪珊溪之望遂著十五葉至君考諱某妣王生子四君爲伯叔季並早世君撫猶子視子不啻少讀書貫大義不屑絺繡章句與仲樂莘化居溧陽基本廉讓業日益饒治家儼若朝典不失雍熙之軌訓子弟以孝友躬爲之率宗祠後構巍樓廣庭獨肩之於親族之孤嫗婚嫁殯葬百意調卹有貸君數百金者貧莫之償卽歸其券其人爲位於城隍祠祝君長生則立去之耻以義市一遊太學不干進子姓能耽

張甫集卷九

誦習列膠庠臆予之膏火有加用爭礪淬力學攻文有聲方氏家塾蓋斌斌焉君既於叔季啣鵠原之痛而幸與其仲俱居溧陽白髮相婆娑也烟晨月夕弟勸兄酬嬉遊歡譙無間年皆七十餘和樂且孺里人艷之如仙素高鄉望羣呼爲兩長者君體最弱偶感疾輒訣家人晝夜之道了然惟戒弗爲佛事而已夫敬祖宗收族屬友兄弟教子孫賤利貴義爲善不近名有一於此足以風末俗垂令聞況首邱不惑於浮屠之說挺然有儒者風豈徒稱善人於鄉里間哉君娶於王前卒子二孫八君歿於乾隆九年十二月廿九日壽七十四

桑調元曰君之孫浩遊學於杭從予遊去就京兆試往返踰七千里冒霜霰提馬樞復止於杭歲云暮矣弗聽歸仍從予遊遊學如常聞疾亟急馳省而君已易簀矣浩隨其尊人自溧陽扶柩歸休寧道於杭哀經踵予門求傳君而浩以治命從予遊遊學故反不及面涕泗交頤嗚咽述君行如此嗚呼予其可無言乎哉

張甫集卷九

七

蘭陔草堂

方樂莘家傳

予既傳方君松崖丙寅五月六日樂莘君卒君松崖之仲弟也兄弟四人叔季早卒與松崖友愛奇篤族著珊溪市隱瀨水總角至白首伯仲怡怡尚義好施急人之急尤敬宗收族鼓勵後昆向學平生風概競爽松崖予所謂羣呼爲兩長者鄉望素高者也君少試童子冠其曹入成均不希仕進善心計業以饒爲人指畫多中無所私人樂近而欽畏之松崖之歿也君過時猶哭遂清羸成疾疾猶啣哀遂形神憔悴不自知七十老翁之自傷其生也遂黯然有首邱之志歸珊溪數月卒遺令諸子曰吾幸從兄九原無所苦

張甫集卷九

三

蘭陔草堂

念宗田雖贖恐歲久費不足汝曹能益捐二百石田則大善治喪弗用浮屠吾先人已然毋替家法卒年七十二距松崖歿二年耳嗚呼叔世倫理偷薄期之喪名存焉而已三年之喪食稻衣錦恬不爲怪又何從推施其仁愛其本匱也君哭兄而至隕其生其孝親敬祖慈子孫以賙恤儔類無所不厚有自來矣君諱鼎母夢雲成鼎字故名字樂莘又字再伊生四子長萊次某某孫男十人長濂次某某君之族姓考妣於松崖傳詳之矣

桑調元曰書云孝乎惟孝友於兄弟觀君之篤於兄如是松崖之於弟蓋可知也松崖之孫浩君之孫濂

並從予遊兩長者之孝友純明其誠有以爲子孫法哉

改甫集卷九

古

蘭溪草堂

陳廣田傳

君陳姓諱永治字北山廣田其號漢太邱五十八世孫先世自餘姚遷杭考太學生諱嘉惠文與字有名妣楊孺人子二長卽君孝友端慤動必以禮弱歲補校官弟子試輒前列踰登場屋十七次薦不售專精醫盡傳張獻暉之術贊獻暉著醫法心傳一書自著靈樞素問注百病主治二書足與抗行強年喪考極盡哀禮營母養游京師山左江淮間尋依子舍不出色養備至怡怡篤友愛喪妣已踰不毀之年執喪如初人嗟嘆爲老孝子懇苦營葬祖考妣盡封馬鬣嚴寒大雪在山中浮旬誠信无悔今年三月疾作益積勞受寒溼所致君以畢葬悽于心從先人地下無所苦飲食不進旬餘清明如常彌留作遺教首禁佛事人體魄全歸于盡治棺母過厚附身以布素卻親友賻賵治喪母用酒肉鼓樂月卽出殯須葬我青芝塢祖塋側魂魄得長依祖父喪儀惟具銘旌大妻用旛幢近佛用頭香則僭百事以禮毋從俗儵然而逝乾隆乙亥三月二十二日也壽六十有六娶楊孺人子二廷書庠生良策孫師儉君平生謙恭儉樸錙銖不苟取與人交淡若水德光自煦煦照面身介立炎門不一投足所著經解詩古文辭藏于家

桑調元曰予與君于交游並慵雖相識不深知予子

改甫集卷九

五

蘭溪草堂

婦抱奇疾累年君一治立瘳始奇君術叩所學淵淵
奇不止此萃然古心貌端人正士也予方幸暮年得
一舊益俄聞君逝潸然出涕俗之流日下滴淳不知
止君又往孰與砥其滔滔乎

梁甫集卷九

六

蘭陵草堂

黃澹園家傳

今分居嘉善之黃氏隆師迴出流俗予次子繩球席
其家塾興德以狀求予傳其考不獲辭君諱治安字
思民澹園其號黃姓系出江夏其先有新安守元集
公卒葬黃墩家焉十餘傳再遷祁門古林階承德郎
諱大順者君曾祖也階奉政大夫諱鳳翔者君祖也
授中憲大夫太平府知府諱鍾是爲公考並祀于鄉
考守蒼梧太平留公侍大父母盡色養中憲四子君
行一考沒時季甫生撫教成立執喪哀毀孝友有聲
拓宗祠廣祀田厚族人自奉薄而博周人急其性然
也雍正庚戌博士大尹以學官之就傾也謀新之殷

梁甫集卷九

七

蘭陵草堂

堂廊廡賢宦節孝諸祠以及衙齋費不貲經始殊艱
君出獨任鳩庀有恪不惟其貲之輸策堅緻永久輪
奐耀雲日落成體貌孔肅池藻生光髦彥蔚興所關
于人文不細先是承德以郡無試院士子跋履江陰
旌德間特慨然翔構世藉其蔭君歲修葺益號舍潔
几席數十年滋勤厥事有司宴然受其成多士就鋪
抒毫免上雨旁風之患不知君實纘不匱之思踵而
增之力也歲戊申都編戶逋賦纍纍破產鬻償不
足公悉與代輸戶得完聚里胥絕跡村厓不驚欣欣
有更生之慶義聲動郊閭而君無德色睟然古長者
也君子乾隆十五年八月卒壽六十有八階資政大

夫布政使司參政元配許繼室方贈封夫人繼室後
公三月卒子十三人興仁湖南衡州府知府興讓荆
州府同知興位太學生早卒興禮廣東佛山同知疑
道山西河東道興德庠貢生興梯太學生興祖需次
主事興教興儒興化俱太學生興倫需次州同興睦
女四孫男三十四人興位子孝熹泰興縣知縣孫女
三十九人曾孫男七人曾孫女七人可謂蕃衍矣
桑調元曰富而好施求之今人中不乏古道獨注心于
膠官類水于章縫之士謀其適而加之敬禮子孫奉
以爲法樂與詩書爲緣後必有發其聲光于子墨之
林者吾于黃氏有以券之矣

張甫集卷九

大 蘭陵草堂

臧文學芸自傳

文學姓臧諱承灝字杏士芸自其號也得姓於魯臧
傳伯先世自無錫遷長興明有諱瓊者進士仕參政
官給諫時疏論萬貴妃劾輔臣萬安西廠汪直載郡
邑志曾祖貢生煥如與參政並祀於鄉祖廩生宸獻
父貢生錫申母章孺人生六子文學行三少喪兩兄
能曲體親志善屬文父奇愛之冬睡嘗以手捧父足
滌廁牖惟謹布袍敝私語母新其袖父怒不之許終
身遂却華衣年十八喪父毀幾滅性母泣語曰汝若
是吾與汝伯仲之孤寡及穉弟曷賴耶乃抑情懼傷
母心委婉承顏時家室漂搖風雨洊侵卒能拮据措

張甫集卷九

九 蘭陵草堂

持完故家喬木入咸欽其意度老成補邑諸生文譽
翺起家課方嚴幼叔父與小弱弟並接跡疊序撫教
肫摯共甘苦爲婚娶終始一節食指旣繁母命析箸
美田產悉讓寡嫂與弟分其餘尋居母憂力任喪葬
盡哀禮相幽宅高燥自言精魂注于是如入窀穸燭
其情形他告以吉地邀福弗易也曰親安子姓安矣
適丁氏女兄早寡無子貧無依迎歸生吾養歿吾葬
撫所後孤成立屢躡場屋遂息意友教門弟子獲雋
去輯四書講義詩宗龜堂著有午庄集所業時文吾
友趙燃乙序其遺藁行之卒年五十有七乾隆壬申
十一月十二日也娶朱氏貢生德度女逮事君姑以

孝聞佐養教內外戚屬傾奩匣先三年卒子一榮青進士

桑調元曰進士君述其父行傷其父不獲登朝又家貧無奇節震人所得爲不越家庭之常嗚呼士讀書植品達則據其偉抱窮以束脩圭璧之身型于家式于鄉又奚欠焉善無不報闇然日章子以終賈之年排金門特達將續參政公煒煌之遺緒鼎嘉橋宅里不益發其潛光哉

張甫集卷十

錢塘桑調元

傳

馬墨麟傳

君諱維翰字墨麟號侶僊姓馬氏海鹽之俯浦人生而器識宏達穎悟超常兒九歲能詩文康熙庚子舉於鄉次年成進士諸公爭邀致之不往雍正甲辰特選爲吏部稽勲司主事轉員外郎試陝西道御史掌河南京畿道陟工科給事中監督倉場出四川清丈田畝先川南次川東轉戶科掌印留莅建昌道上官構之君通揭部科解職赴部質復元官乾隆丁巳起

張甫集卷十

蘭陔草堂

江南常鎮道丁外艱得中風疾庚申五月四日卒於家年四十八 憲廟注意人才命柄臣選諸進士之賢能者君眇小丈夫不得與氣憤直前曰今日選賢能耶賢能安從見選魁梧狀貌耶國家事非仗此辨顧選意何居柄臣奇之選留吏部甫視事發胥姦予杖故事馭銓曹胥節體貌犯重付法司輕革黜不杖也君杖之銓政肅清攝他司益整暇所至有聲其清丈川南東也糧浮於田必請減相要害改黎州千戶所爲清溪縣兌占桑昂邦寺部跳梁焚掠及烏蒙我師會剿君駐打箭爐供糗糧芻茭絡繹不置雪山山積鑿徑纔通馬苦寒裂膚與廝養同飲食辛苦捐俸

佐軍需論事悉中機宜西夷平涼山數百里地震疾
馳勘災條上之散賑得實建昌人感之兩泣三渡水
摩步蠻殲厥方方進勦君力陳營兵不輯開各厥病
蠻狀遂得請罷厥撤兵撫各番誅止其魁全活無算
在蜀七年意不阿上官既被構赴部質時親王總部
事極威重猝免冠君以兩手按所著冠抗聲曰奉
旨不免冠釀問故則又抗聲曰 旨解職非革職也
乃趣具疏請革職會 憲廟賓天事旋白復原官君
遇事勇無所諱居恒冲和坦易雅近情事親孝迎養
於蜀先意承志贈大父封父如其官祿分族戚視友
如性命好獎士類居常鎮品目江南人文文教風動
輿其平生所交友之作也

張甫集卷十

蘭陵草堂

所著詩古文精悍如其人入蜀後所詣益進同時浙
西以壇坫自矜許者舉莫之及已刻詩十二卷未刻
詩十卷古文十卷舊雨集二卷藏於家舊雨集者君
桑調元曰曩予讀君論勦撫事宜諸篇贊畫如神筆
挺挺踵史漢以謂經濟文章兩不可漸滅頃君之子
某持狀乞予傳君予遊山久乃歸某又從所親南去
無從索其家藏稿古史傳體類援述人書疏以見其
平生予欲述君文而未由也姑就狀及予聞見傳之
君文自爛爛如日月予獨以君之忠直才畧不得竟
爲可惋恨也予請急歸君書來賀予以齟齬之身乃

今得免玉碎而君不久卽下世矣悲夫

張甫集卷十

三

蘭陵草堂

美玉吳公傳

公姓吳諱瑜字美玉嚴州建德人性肫摯事親竭力至勞苦不使親知之兄弟怡怡羣從三十人均愛如手足年飢助賑視力所能爲不之吝又爲粥于里中餓者來繩繩手操瓢以食聲不嗟而容有頤平居人有急傾箱倒度率以爲常自奉極儉約冬一裘夏一葛不渝儒素風子謙銘令榮澤奉歸清俸百金壽公公曰吾誠知此金潔白顧吾家居粗足娛老汝倖沾寸祿曷若將此金買田榮澤贍孤貧以廣 皇仁乎亟封還之至今邑之被恩者感頌不去口從祖無子生事葬祭具得禮所親張拱三者義不就人一飯食

張甫集卷十

四

蘭陵草堂

于公二十年沒葬于家塋側屬子孫無缺祀人尤以爲難壽六十有九生兩受封晉贈僉事道如子官乾隆十一年 詔祀于鄉

桑調元曰吾聞古有義烈區明須就謝仁祖索食者公能使所親安之終身邱隴亦得所因依非獨公長者乃其所親亦誼士也家法綿延俗日以淳龐豈猶不古若與

介亭湯公傳

公湯姓諱準字穉平號介亭睢州文正公諱斌之子少岐嶷有遠志年十三書聖賢自可期五字于片紙文正公喜而勗之以正學遂體究儒先默識貫穿基本于身心踐履不務講學名嘗曰爲學不在多言蔚然文正公堂構也器宇昂藏中含澄澹一時遠邇負盛名者咸爲心折顧試輒躡貢成均不希榮達雍正初元州牧欲舉公賢良方正峻却之闕臨漪園俯清池畜白鶴陂阜掩映竹樹扶疎昕夕吟嘯其中悠然覺身世之兩忘篤孝友居憂不見齒視諸兄疾若在身欲炙艾分痛四十鰥居旁無侍姬雍正十三年

張甫集卷十

五

蘭陵草堂

六月二十七日考終壽六十有五所著有臨漪園詩稿二十卷文稿八卷贅言十卷文正公年譜二卷行世娶侯孺人子三孫四附葬于棘故城文正公 賜阡之次

桑調元曰予讀贅言多近裏著已不作愉悅高明狀文正公初師夏峰晚年深有得于子朱子之學一歸確實故其庭訓涵濡爲至真且切也嗟乎斯可闡微也已

司訓孟君傳

君姓孟名承謨字丕顯睢州人幼穎敏受孝經小學輒志躬行本生考鄉飲賓珍奇愛之序當後叔父璞依膝下兒啼弗忍離本生考命之曰先王制禮不敢廢也且汝出爲後吾子汝汝父吾天親豈有間哉乃泣受命就爲後位營考葬哀禮兼盡母疾一日疾馳四百里以醫歸治得愈宗族稱其孝侍所生父母疾數十晝夜與兄承烈親湯藥不少懈喪葬必誠必信罔有悔兄體先志推與家財之半君固辭戚黨鑒其忱與酌分而初志各得白首和樂且孺羣以爲難再從弟承志少孤撫教之成立列膠庠而承林以非同

張甫集卷十

六

蘭陔堂藏

宗弗使之後力學淹貫尤邃於三禮弱冠補博士弟子旋食餼數困場屋以貢選裕州訓導諸生有見侮豪胥者胥懼君伉直進百金求曲庇君怒麾之白當事直諸生士氣大振丁內艱廬墓泣血服闋除陝州學竟不赴喪偶遂鰥居開家塾延名宿成就四方英彥晚葺屋廣貯卷帙顏曰書香課子若孫以自娛州刺史罕識其面子職孫永蒞永蔡永芳職永蔡從子遊永蔡庚午魁其經舉於鄉

桑調元曰豐相之圃爲人後者不入惡乎其求爲之也受重者必以尊服服之全乎其爲之子也同宗則可爲之後否者烏乎可君戀戀所生於所後也篤特

嚴乎弗可爲後者誠深於禮教哉兄弟怡怡穀詒孫子蓋其流慶長矣

張甫集卷十

蘭陔堂藏

李生傳

生姓李名振藻字光庭江南銅山人從親之官河上聞予主大梁書院來從遊性沉默寡言笑終日扃戶伏几園圃不窺既而偕其兩弟及予門雞鳴起漏三鼓不休居恒誦讀已寂無聲篤好詩手錄古今名家各體之尤積成卷帙風雪苦吟予嘗夜參半偶啟戶四顧寥闐望其牕燈熒熒也歷試詩文常冠其曹名在太學今春就京兆試日下英雋雲集覽其族邸揮毫莫不傾心下之爭相與愛重既報罷趨學舍如初秋病疴歸爲庸醫誤投藥九月初十日卒得年二十三娶燕氏無子初既娶之明年來學非親召不歸歸

改甫集卷十

八

蘭陔草堂

不三日返每歲小除夕始偕其弟歸開歲二日雜誦琅琅在學舍矣如是者凡四閱寒暑一歲相離旬日耳攻苦力學其家腴給之飲饌常縮節之以賜同舍生之急盤餐不過蔬具亦未嘗見其著鮮衣也彌留神清朗以不得終事父母爲孤生我恩勗其妻善事舅姑早夭早寡命也其母明年年五十習見予之不汎序壽也乃額楊遙請曰得吾師文壽振藻母振藻瞑矣無他語遂逝

桑調元曰哀哉生之夭也生歸而病劇鵲鳴於樹向其所居學舍匝月既歿於月黑風饕彷彿聞悲嘯聲諸學子咸隕涕不驚以伯有其汎愛縈人心睠然思

之深也生之精魂猶依依學舍予能無視予之悲乎哉

改甫集卷十

九

蘭陔草堂

南阜生傳

南阜生姓張名濟川字東之仁和人端甫之子也予向有別業在東阜闢餘山書屋友教四方之士生居南阜三里而近池陌縈紆桑竹掩映沿緣女牆村墟明瑟時問字者率不遠千里英雋響臻兩兒偕承庭訓生從予遊論文講學烟晨月夕吟譙流連參相得也性端厚謹默口不臧否人人咸畏愛之或干以非意恬不與校暇輒來聚講羣呼爲南阜生十餘年來諸生騰踏天衢入館閣省署出綰郡邑符而生與兩兒淹青衿中予勗以志業遇合則俟命乃倍相鏃礪生從其父受江右林學使之聘往閱文甄拔多杰士

張甫集卷十

十

蘭陰草堂

會予主大梁書院父挈之來遊偶與課書院當途交口稱其才教讀大河南北爭先延致之與名輩相唱酬聲益翔起今年館於輝縣之孟氏百泉故多佳山水而主人夙構省園有池亭花竹之勝生題咏殆遍同操奇觚者莫與抗行夏忽病暑遂捐館舍時乾隆十九年六月望日也得年三十有六易簣時遺筆告主人謂不能終事父母畜幼弟不孝不悌母厚殮筆法遒勁前數日予猶接其手書悵不克偕吾兒侍聞緒論也同母女弟歸吾次兒稔知生四歲母陸孺人患咯血見紅輒驚號喪時哭不絕聲三晝夜見者流涕逮事會大母錢太君邁危疾願減已算益壽疾果

愈復延數載大母吳太君猝中風卒父遠客治殯事必誠必信不貽父悔孝事後母顧孺人無異所生娶名士王曾祥女生一子早殤女二所作文多散逸存詩四卷許許州葵板行之

桑調元曰生篤信予賞晰奇疑必以予言爲折衷所業詩文他老師宿儒可否之不遽爲慙喜也睽離困躋疾病羈愁夢寐依歸惟予晚近師弟子之誼微矣生乃篤在二之古義有石徂徠遺風胡天祝予而竟早世悲夫悲夫此已足千古矣

張甫集卷十

十

蘭陰草堂

熊烈婦傳

烈婦黃氏商城人祖總戎瑞考國學嗣益少失怙事母孝年十九歸同邑生員熊學乾事孀姑如母紡織操作篝燈佐讀習勤不踰閭和敬娣姒御下以慈戚黨交稱之閏三年舉一子殤夫素患咯血至是悲病轉劇罄脫釵珥營醫湯藥親嘗朔望默籲神以身代私隕涕五年如一日夫竟不起哀慟絕水漿矢投繯立殉母姑力解得免時康熙壬辰六月也是年九月號泣葬夫畢復自縊血迸耳目口鼻赤淋漓幾絕奔救乃甦見者漸漸淚下百方慰勸輒慟訣曰夫亡無子何以生爲與其飲痛延視息孰若早從夫地下絕粒數日不死仰藥不死防者益力乃陽事紡績澹澹如平常明年三月晦夕乘閒竟縊于靈側年二十有七次早衆臨視顏色儼然如生已致命遂志矣邑合上其事于大吏以格于例不得旌今 恩詔予旌其得請也宜

桑調元曰烈婦之畢命多在于夫屬續之辰椎心呼搶慷慨從死如歸其常也乃若視飯含不得殉封窆安不得殉繼之絕粒仰藥自夏徂春隔歲而卒如其志如江流之千折必東此豈一時激昂之爲其矢志不移貫金石而泣鬼神定識定力然也要其五年侍疾憂悸勞瘁蓄積有素矣嗚呼志終婦道一死百了

梁甫集卷十

三

蘭陔草堂

旌不旌曷計焉

梁甫集卷十

三

蘭陔草堂

袁氏兩世節孝合傳

銅山袁氏姑朱氏婦董氏年二十四而寡罐首完貞同薄產不足供饋粥辛勤紡績營甘旨以孝事尊嫜同無子艱難立子以後所天盡瘁撫教同歲時腰臘中間無人承祀姑婦煢煢相倚以縞素兩餐奉蒸嘗者垂二十年同姑以婦少不忍再立嗣而以子畜婦婦以時無可爲嗣須有待立嗣而以身代子奉姑淒風苦雨寒閨弔慰同乾隆四年得天旌同姑守節四十三年已畢志同穴矣婦猶鶴髮鬢影經黧淡孤幃三十餘霜歸然在也初姑有三月遺孤未三歲而殤尋立嗣終舅姑養撫兩世之嗣子傷己婦則無子

張甫集卷十

西

蘭陔草堂

於孀姑病篤先一年始克立嗣姑歿而嗣子方孱幼抑又悲矣朱氏考沛縣處士其闇夫需次縣丞鑑董氏考豐縣監生曰俊夫儒童渡嗣子桂有生周晬而孤長嬪於耿亦寡誓守志者其女也

桑調元曰以予所聞銅山袁氏姑婦並弱齡守貞苦辛立嗣中浮臻饑饉交加雪霜集蓼茹荼無聲飲泣疾病沈綿纍纍死喪相繼手薦豆籩拜後無黃口藐孤抑何不幸哉洎後嗣再續宗祏終延賜坊嶺嶠雙矗海天冰寒玉潔接跡爲女宗照耀管彤永永名臚祀典袁氏族望彌甲於江南嗣子桂其勉承先緒登進於時以丕增大母與母之奇光嗚呼茲非其厚

幸與

張甫集卷十

五

蘭陔草堂

祥符陳氏雙節傳

祥符之陳有謝氏王氏以貧而完貞盡撫教之道謝之孫宗舜爲邑諸生王之孫龍標舉武科天固必昌其後而吾獨追其風雨幽閨殘影相倚寒燈紡績食蓼茹荼數十年爲可悲也謝歸宏義年二十二而寡守節三十一年歿王歸宏禮年二十五而寡守節三十二年歿謝于歸時夫卽病瘵刲股以療其夫無子欲殉其母止之曷以撫嗣爲重待兄公舉子僕已後之而殤悲不自勝夫之弟宏禮子侑復後之侑固王所出長子也次子俸方周晬而孤王泣欲殉謝力勸撫孤而止時二孀悲啼共一室家赤貧無所依藉撫

改甫集卷十

七

蘭陵草堂

藐孤歲時潔奉祀營葬其夫並出自女紅謝撫侑如己生王訓份事母如所生尤百方體恤謝如同根真摯形顏謝常省母所親以年饑乏食勸之改適遂鎔鉛吞之得救解竟以是嬰疾不起戚黨並以爲難桑調元曰宗舜從予遊求傳其祖母甚殷謝再撫孤其同穴終以志殉王哀謝之早寡而旋以身歷歲寒同挺冰霜之節予勉其昆弟發憤自立競爽濟美以罄發其先之幽光天之昌雙節之後其可量乎哉

王李氏傳

王李氏榮澤諸生李輝女輝祖韜與其弟桂手刃父仇刲肉以祭自歸獄卒得原歲饑輝家就食南召會同邑王汝盤與俱汝盤幼侍母疾以孝聞者也知輝女賢爲長子家榮求婚許字之旣汝盤歸里輝轉客裕州卒汝盤亦喪妻攜家榮及次子家興播遷四方久家榮年二十有一氏少一歲貧不克婚舊陽信令呂鼎祚言於嘉祥令王麟度使就婚裕州甫九日偕歸道邁疾尋卒氏哀擗至痛顧舅病叔幼生無所藉乃跪慰舅曰媳卽兒弗戚舅漫應之母兄來唁視試微探輒大慟曰非惟不可嫁且不可死強之歸裕州

改甫集卷十

七

蘭陵草堂

曰李家女王家婦死依舅耳冀舅出一語留之竟默然遂利刃割左股深寸許一塊赤淋淋擲地曰吾志也母驚號曰爾信能養舅乎曰能忍股痛晝夜續冷屋以爲養舅病傷氣進寬解強無哀容值桂玉時飯不足食舅與叔也而後食食故餘舅初見餘而飽嗣每食必餘覺之趣同時食度釜中物無足飽舅與叔者食少告飽或陽病弗食卒共讓不下咽相嚮哭極哀聞者淒惻邑孝廉王博捐館金周之好義者踵至衆請於官給盈餘地二十八畝而縣尉譙虞臣請於令梁溥又給如前數又益四十四弓舅養以足而氏執女紅不須臾懈叔讀書稍輟泣儆之學以勤初周

之受必泣拜於內既足養遂峻却行且謀叔娶待立後以畢志云

桑調元曰嗚呼是豈特數日同牢之死靡他足奇哉羸者舅弱者叔儉者歲而節孝之志行能使戚族通國他州邑上守令下士夫里三老莫不一意感動而大義區明有挾書冊偉鬚眉所不能見及者茲其性然與崇臺綽楔汗簡數行可竣而觀其奕奕也

張甫集卷十

本

蘭陰草堂

朱節母詹太君傳

孺人姓詹其先本姓方後外舅從詹姓贈徵仕諱學曾女也年十九歸于朱贈文林諱某事舅姑如父母舅病醫云宜食淡烹飪不下鹽豉而味彌旨鄰火延及與娣婦何孺人共扶姑出家具惟剩一縷金箱孺人物也悉以供始先是曾出奩佐嫁娶一無所私針紉佐養舅疾踰年火後依母家餉姑無虛日子勝殤事夫疾甚謹年二十八而寡矢殉投綬者再救得甦未匝月哀毀得疾卻湯劑母與姑連晝夜百方恤護少閒泣曰病累兩大人若此脫死當若何自今請忍死顧安得後吾夫乎尋叔生子乾撫如已出乾又

張甫集卷十

九

蘭陰草堂

殤慟哭執初志慰以再嗣久之娣婦有娠踰期未產憂悴形顏閱二十月生楓爲未亡人已十有三年矣置楓于懷喘息呼吸積憂勞育成六尺楓向學已弱冠矣孺人以家計累叔慨然曰古人善養不盡以祿其治生宜楓嘗夜讀孺人輒喜謂學原非爲科名也楓病瘖泣止母夜視乃領之私謂女兄曰母夜分不能來是衰之徵曩雖固止不得也女兄曰母夜至問頻頻戒家人弗言耳楓乃大慟其老而顧復如此雍正乙巳得旌載省志年已七十又十年終乙卯七月二十有二日也孫家濂成進士令醴泉貤贈如例桑調元曰子交楓言及母未嘗不潛潛下也其喪本

生又未嘗以降服減哀不治舉業有排山詩集聞于時母之撫教勤矣家濂卒以儒起家節孝之昌積世而彰尤信

穀甫集卷十

三

蘭陵草堂

朱母何太君家傳

孺人姓何氏父諱某嬪于朱省庵翁配也孝事君姑二十年餘喪哀祭誠治家有法待下有恩戚黨以為禮宗省庵兄自公未壯早歿未有子詹孺人一志身殉孺人則固止之請俟舉子後兄公已得子矣詹孺人以爲子年就傳而殤詹孺人志如初孺人則又固止之又得子楓卒後之娣姒卒同終事姑同居雍肅六十年詹孺人天年終卒以節孝旌於朝孺人成之也孺人舅氏黃翁翁之父母祀無主莫爲之葬且失柩所在孺人則命楓周訪得之耐黃祖塋黃族人不可則又奉金以供黃族祀乃克葬孺人有孤姪撫嫁之如女子二楓榆楓後世父子家濂有雋才女二孫五曾孫一數十外孫曾年九十有一乾隆庚午開歲五日考終

穀甫集卷十

三

蘭陵草堂

桑調元曰調元傳省庵翁道翁孝友章矣說苑曰孝衰於妻子易通曰家人離必起於婦人人未嘗不乃心孝友也婦人離之妻子衰之兄弟家人間惻乎有難言之憾焉省庵翁之孝友出乎其天而又增孺人內助之美俾娣氏大節照耀管彤被崇臺綽楔之榮年踰大耋子孫繩繩太和網緼光昌有自豈偶然哉

仲婦張氏傳

仲婦張氏吾友端甫本之女也生周時母陸孺人歿與兄濟川全哺育于大母吳太君曾大母錢太君並絕憐之少端靜友愛其兄篤摯數歲知私哭其母一兄一女弟交相悲憐事後母婉順喪大母哀毀年二十有五歸吾仲子繩球勤繡紉精烹飪吾家居授徒數十人聚講舍佐理井井小兒女布素衣冬夏俱整潔球兒連年從客中州間歸遄返必製衣履奉子乾隆十九年十月二十有六日以產疾卒得年三十有四球兒不及殯也生子二勳傳八歲曾傳五歲女二長七歲許字禾中沈熹次纔生十九日耳哀哉濟川

張甫集卷十

三

蘭陵草堂

居常與對語各泣然涕盈襟母歿久而悲思不澹泊客死輝縣家人秘不使知病亟見其母與兄俱曰兄歿胡不我告我當隨兄侍母去乃卒卒後吾妻汪宜人涕泣告予曰仲婦賢孝願初來竊繫隱憂殆不能成子姓越二年有身憂頓釋先是仲兒病臍癰累年左右管起膿血淋沾不絕婦謹護其病得良醫以瘳親黨中遭此病率不起良醫亦罔効蓋婚後尚爲處子者年餘其苦心如是旣生兩孫又以產卒吾何以爲心兒安能不悲復悲也予聞而益哀之爲之特書論曰娶婦爲子姓吾兩孫仲婦出宗祚賴之抑猶似續之常獨持大義瘳所天痼疾活所天卓然有古列

女風又惓惓死生念母非獨其兄孝子也

張甫集卷十

三

蘭陵草堂

季子繩箴傳

予季子繩箴字軒竹行五性篤孝有氣誼幼無玩好衣食辭華美嘗除夕與壓歲物置几上不復問也予友教餘山書屋病危甚沈明經右鈞診視兒時年十三山跪右鈞前雨泣曰我父病至是必先生審良方急救只在今日右鈞且扶且揮淚曰讀書人家子也全堂相顧涕下僮僕且感動是夕有起色兒侍側目未交睫也早歲羣經成誦爲詩文輒驚老宿成童補校官弟子從吾入大梁書院鄂中丞虛亭課士奇兒文招面試益奇之贈筆墨卽賦詩謝嘆曰大器也善成之蔡學使葛山還朝亟稱其才敏解正陽怡齋

歲甫集卷十

五

蘭陵草堂

招課其子試童子卷八百細與評騭或謂其筆墨之費通邑士子德之合詞請主講書院會秋試歸束脩外卻怡齋厚贈志守吾家規也所親登上第曰是無足異惟人品學問不及古吾疾也子爲先孝勇府君營石綽楔令析箸各爲生長兒繩鏞有痼疾株守薄產兒對長兄嫂曰勿憂吾束修所入義不獨贍秀水顧生夫婦歿無子數棺在淺土兒首倡釀金葬之從子潯陽董廉訪定巖延致家塾子遊北岳未返苦邀之往虔南固辭子邁返遣歸值其母病瘼每夕侍至五更不忍離陽出寢門外聞喘聲卽繞牀褥經年不懈子再入大梁書院久病乃差次兒繩球歸述子狀

逼歲除卽束裝曰安可一日闕侍左右耶母命開歲啟行途中乘馬病重繭度關山省覲子顏私涕透重襟居無何兒疾大作彌留曰兒不孝不克終事父母反遺父母戚他日願附卽隴側庶魂魄得長依侍口呼父母兩晝夜不絕聲子止之曰兒不能絲毫報罔極恩此時得多呼幾聲畢兒戀慕明卽不聞此聲矣乾隆二十三年四月二十五日歿于大梁書院娶汪氏文學晴江溶女子二詩傳四歲徵傳裁半歲定巖選菲泉集詩十卷賦文二卷序而鐫行之衆私謚文孝子謂私謚非古沈司臬菽林題其墓曰五岳詩人之季子文學軒竹桑君墓

歲甫集卷十

五

蘭陵草堂

調元日子初赴大梁書院行河長口遇甚雨肩輿先至獨山兒車泥濘距三十里不獲聚逆旅各愁賦長歌次曉追及喜相慰也泊攜柩返過獨山大雨注如曩時人馬迷中野天將暮幾露宿欲賦竟不成章悲夫悲夫

碑

大梁書院新建奎閣碑

兩間元氣磅礴凡理大博物之處體勢隆盛類有神以至之下至小道精能菁華蔚茂技之至者通乎神况人文興起關貞元之運邦國之脉古先聖賢之統系綿延託以不墜者乎中州河洛圖書之所自出萬古文明於是焉闢人文盛而神靈聚光氣尤彪炳於天下考天官書孝經援神契咸以謂奎主文昌夫天文昭回雲物班布太虛皆造物者默運之造物不自

以爲功也則於此寄柄於奎之神理固有可信焉者大梁書院固中州省會育才之地也歲庚午初夏諸生請建奎閣予與諸生捐貲經營之踰月而成乃敬奉奎神像於閣上以時享祀是秋獲雋十人榜首至第五得其四明年禮部試三人成進士衆咸欣欣以爲美談予謂鍾靈毓才以光昌文運微特科名絡繹已也道之著見爲文文昌則道與俱昌宋乾德五年五星聚奎爰啟濂洛關閩之盛尋墜緒而遠紹匪異人任維神有靈凡篤志於濂洛關閩之學立心以直不爲詭隨率爾操觚必軌於正早夜深造以求自得者神啓其衷而錫之福吾與諸生惟此是勗以牖神

智而迂鴻麻或出或處俱希有益於時有聞於後世神默佑之功不更彰明博碩乎哉且夫豪傑非天生也士苟能辨志卓立孜孜闢脩以躋於有成堅苦一生自足千古則天地鬱積之元精悉以其身凝承之然則已之一心開明卽神佑之所歸也諸生並躍起請書予言勒之石而鑲諸姓名於碑之陰

新脩關龍逢墓碑

直臣爲國之元氣常憲由之以貞過舉由之以改喉舌所爭腹心手足俱賴之維持乃克神志清而骨力挺以成精明強固之治故殺直臣者國必亡自古直臣首夏之關龍逢殷之比干繼之其名懸日月光烈照宇宙遺隴並峙中州光岳鍾毓之氣殆非偶然入函谷關五里許關龍逢墓在焉歲久不治廉察河陝張君特謹修之若堂之封巍然完鞏而比干墓在殷墟大陸之阡長松數百參天封自周武王宣聖手爲題碑昭回穹壤 上中巡親擄 奎藻所以發舒忠直之氣者度越萬古此僻在荒莽之墟于百年墜典

張甫集卷十一

三

蘭陔草堂

一朝光舉用以仰推 睿謨盡守臣之職分攄望古之殷懷其關係致爲閔鉅屬調元書之碑夫治之剏爲首善亂之剏爲首惡書稱受罪浮于桀吾以爲承三皇五帝之治桀顧力肆矯誣恣爲淫虐而殺直臣一事尤爲喪國基本不謂之首惡不可猶之伊尹說湯伐夏獨得稱聖之任何者創非常之原難踵前事之師易也然則公之以直諫播先聲也固其奇偉首出者矣嘗試推公之心非惟九死不悔直欲以就戮之慘動桀之悔萌或竟幡然改轍挽易喪之夏日免放廢于南巢此公之至願希冀萬一而卒莫之遂所爲抱痛九原者也殷之興也成湯從諫不拂高宗從

諫則聖一興一亡之跡瞭然詩曰殷鑒不遠在夏后之世書曰厥鑒惟不遠在彼夏王所陳若合符節嗚呼微也夫君名學林丹徒人工詩其必有揚徽垂誠之篇與詩書相發明者乎

張甫集卷十一

四

蘭陔草堂

杞縣新建志學書院碑

書院爲二巘地泮壁之區教澤鴻溶而昕夕親師習業有恒觀摩熟而成材易莫書院若也杞之有書院也於前明莫之攷 皇朝順治末吳令守家卽尊經閣敬一亭遺址翬爲之康熙末寧令佐於玉泉街重建之洎乾隆初令茲土者輒移之學左而書院失其故所昨歲壬申安溪潘君調茲邑慨然謀興起人文捐俸爲倡購巨宅新其規置書院以成榜其門曰志學門內齊厨左右列入重門講堂臬如兩廡各爲學舍九又進爲樂道堂東西齋顏以希聖紹賢築養心亭於其後清池演漾芙蕖卷舒足以發吟風弄月之

歿甫集卷十一

五

蘭陵章堂

趣羅四庫書實之二酉齋延明師選英雋資之膏火遜志敬業魚魚雅雅弦誦清鏘禮儀肅共時臨講席風聲遠馳墜典畢舉乃屬予爲之記予躋君之以志學揭之名俾士晞乎是而不苟於利祿也杞故爲伊尹所生之鄉然必學顏子而厥志乃充周元公之翼士而進之賢聖者舍是無所置其力伊志宏大顏學精密不宏大則不能視天下無一物非已而自任也輕不精密則於已治之疎而其道不足以推而通其要一仁盡之聖則安賢不違卽令名不失亦必於是求之士一其心而不雜乎他則作爲文以發明精蘊非華瀛之梯媒時乎得志決不肯以身家榮肥頓喪

其生平誠如是大道之光昌有日矣豈特區區科名接踵詫人文之盛乎哉君之志學夙有本元故立教以此爲抽闡其義而書之石君名思光字涵亭戊辰進士

歿甫集卷十一

六

蘭陵章堂

破甫集卷十二

錢塘桑調元

碑

大梁書院建五賢祠碑

儒者嘗言一爲文人便無足觀亦薄其徒倭才藻驚雕章琢句之爲其行義不可聞也若據其宏負崢嶸激發大有關於招揭天常世運治忽之故細亦拈舉動容深入人心之隱如三百篇之風聖人刪之爲經敢少之乎哉五賢祠聯中州風雅之脉俎豆之于吹臺之傍始唐高李杜三公慷慨登臨後人慕之而作三賢祠空同大復兩公壇坵有明弘正間聲實彰耀

破甫集卷十二

蘭陔草堂

于土中遂增署五賢久之湮圯乾隆十有九年司臬沈君慨舊跡之淪過大梁書院謀所以復之書院東故有書屋規度軒偉予謂祀五賢也宜君卽捐俸脩堂皇製龕帷顏簷額擇日潔奉牲醴安栗主于堂墜典以舉時空同八世孫辛耀拜謝于階下喜大雅之景光久而彌炎後裔誦先人之清芬有餘榮焉其典起斯文之功甚鉅夫知人論世本真乃出唐天寶之亂杜公高公走間道一謁帝于彭原郡一及于河池亮節如日明中葉權璫盜枋李公奮筆代草疏何公封事俛俛風生俱身名挺特獨青蓮公傳聞異辭新唐書稱公于祿山反轉側宿松匡廬間璘起兵逃還

彭澤至宋人次第公集直云璘敗坐繫潯陽獄則逃

還彭澤之節不著而且謂史誤前哲亦早有辨其非者予特以杜詩證之而知公之志行不可誣也杜詩于王維則表其綠主而病庾信之收心跡可原于鄭虔則啣嚴譴之傷心悼台州之得罪初不以忘形爾汝之交曲爲解也獨于公比諸還漢之蘇武不事秦之黃公宿松匡廬間何殊持漢節茹商芝乎復大書楚筵辭醴與逃還彭澤之特筆合顧此義誰陳當時之法已用所爲寃痛于梁獄上書之辰也杜之詩不誠謂之信史矣乎然則唐書杜詩煩煩可據初不必援子儀再造唐室指其救免之功爲足掩罪也皦然

破甫集卷十二

二

蘭陔草堂

五賢垂輝千春其著述之根原並磊砢如是茲其難能可貴也與嗚呼來者多賢可以興矣君名廷芳中辭科由翰林累今官仁和人

吳公祠祀田碑

古之鄉先生仕而表著其德善功烈老而陶冶其里之後生俾德業是考問沒而流風迤邐以長依依有弗諉之思故祭于社有司主之其潛采不耀于時孝友罔間人言爲衆之所矜式睦婣任卹之行戚黨賴之以濟其乏鄉望魁然鄙人薰之而善良昔我有先正載在祀典其芳澤均不可泯也公生有厚德好施鄉人久而思之旣上其事得請于朝祀于其鄉以子僉事君謙誌貴膺封者再晉贈如其官天之發其幽光已煥煥莫之闕差特祠蠡于丹崖綠水間僉事君復以分遺續置田三百畝爲祭產請于總督喀

張甫集卷十二

三

蘭陔草堂

公巡撫雅公檄所司載入府縣志田毋得他鬻以永奉歲祀于無窮嗚呼爲善無不報積之而發其光熊熊直道之行流注于民心之同自古而然朝家操激揚之枋彰善于旣往俎豆尸祝之以爲都人士風厲節使大臣以及承流宣化于是邦者炳然書諸方策著于令甲鑒孝子不匱之思以爲類之錫俱宜大書特書屢書不一書而調元竊有恫于是也先贈公以煮肉糜侍父疾練鄉兵退海寇與邀天恩之旌表調元規建石綽楔于通衢老病力耕研田奔走四方頻年志不得遂是子之賢不肖有殊調元所爲涼然感愴不能已已而令德祀百世固理之灼然不惑

者偉哉此祠祀之縣縣其亦山高水長矣乎公諱瑜字美玉嚴州建德人

張甫集卷十二

四

蘭陔草堂

王澹園明府去思碑

澹園王明府視事於錢塘七載民懷其德一旦以註
誤左轉邑之人爭奔趨於當事乞留以方有 命引
見弗得達則相與伐石西山踵予門求文以爲記予
謝病家居不聞戶外事而明府之廉且明出於誠心
之益注固予所飲聞也明府之乳民也引赤子近几
席煦煦然若慈保之提攜食飲之胥徒不假之虎冠
甌窶之氓來堂下問所疾苦使得盡語毋或結轡而
含厥恫邁膠葛亦弗忿疾於頑以色聽微櫛其譁張
委蛇刃解情旣得則又惻然有哀矜之心若已陷之
於辜於歲征剗除無藝聽村氓之輸將不令一小胥

澹甫集卷十二

五

蘭陵草堂

呼擾衆德之駢闐供惟正恐後不累乎長上間有通
戶或語以笞榜則愀然掩耳不欲聞嗚呼何其仁也
辛酉甲子之秋濤江衝涌固塘岸常不遑食餘杭南
湖受天目萬山之水隘不能瀦疾風甚雨助汎溢塘
塍四決灌上下鄉田廬明府乘瓜皮艇勘災處所雨
漸漸被面衣盡濡與農夫村婦喁喁泥淖中賴 天
子仁聖數散糗予賑盡心力惠窮檐母實蠹腹其豈
弟類如是今夫父母之於子也朝夕撫畜我顧復我
忽有故委之去則驚呼呌號涕泣牽衣不聽行或父
母轉席豐腴適心志雖攀之不得爲己悲而念我父
母猶稍稍慰苟或非所宜然而然則益繁紆愁思依

依環之不忍捨然則今我邑人之依依縈思於明府
也烏能已乎哉抑予更有慨然於中者明府嘗報最
循卓以部曹注仕版矣使卽上徵輶大抒其經猷發
跡於時內臺垣卿列外方岳監司應赫然休有烈光
徒以需次逡巡獲躋躋予旣睇宦波之蕩瀾而又嗟
賢俊之不及時大用爲可惜也然天高聽卑行將入
覲 闕廷必且以治行終長者懋膺榮擢我邑人戀
戀於明府明府亦先侍其尊人御史大夫司臬於浙
吟眺湖山之名勝古蹟踰十年清緣未斷或邀蒼昊
之私重剖符至止則此行也父母孔邇其終有以撫
我矣遂羣喧然請書之石石有時而泐思無時而謾

澹甫集卷十二

六

蘭陵草堂

也明府名緯字象文號澹園鑲黃旗漢軍舉人

對記

太極似何物對

太極似何物乎太極無物亦無似物於物而不物物非太極也不恒似而時似非太極也天下無獨必有對惟太極無對故包乎萬有不滯於有立乎至無不淪於無無而孕有斯非有而體無斯爲妙有夫子言易有太極有而不有周子言太極本無極無而不無有而不有者乃其所以爲有無而不無無者乃其所以爲無無者有之對有者無之對凡物

發甫集卷十三

蘭陔草堂

之所謂有無非太極之所謂有無也必求有無於融化有無之際而太極之有無可會矣故朱子曰太極之妙不屬有無此其所以無對也邵子謂道爲太極而程子有惟理無對之說邵子又謂心爲太極而朱子有惟心無對之說然則太極之爲無對也昭昭矣無對則不可以物言不可以物言則不可以似言竊嘗觀太極之圖太極不可得而圖也不得已而強圖之稱太極之名太極不可得而名也不得已而強名之故觀其圖稱其名者必探其不可得而圖之妙與不可得而名之精斯則聖人之意也夫書不盡言而固已盡言矣圖不盡意而固已盡意矣是在善會者

自得之以物喻物物而不化以似擬似似而不真而況以物喻無物以似擬無似者乎張子曰大易不言有無言有無諸子之陋亦謂有生於無及有物先天地無形本寂寥等語毗於有無之方所故目爲陋耳若有無隱顯通一無二何必不言有如孔子言易有太極是已何必不言無如周子言太極本無極是已且極也者本借屋之脊棟以取義而特繫之以太明乎尊而無對非凡爲極之可比也然則極固已借物之似以爲言矣極而繫之以太則仍無物之可似而已矣夫皇建其有極會其有極歸其有極見之於洪範無極二字見於老子知其雄章汲冢周書有正人

發甫集卷十三

蘭陔草堂

莫如有極道天莫如無極之語柳子曰無極之極康節曰無極之前陰含陽也有極之後陽分陰也其言有言無意各不同而夫子與周子之言則固不毗於有無之方所而相爲表裏者也且構形似之語以形容太極者昔人亦不乏其說如橐籥元珠磨盤水銀果核水車月川等語不一而足曷若無形而有理一語之爲明徹也而又何物之可似乎哉

姚氏山園清課圖記

古能文之士清逸之流記園亭林麓之勝類多手構別業嘯歌遊處其中自鳴其適志者或輿展所至流覽某氏之名園觴詠連日夕不能去興酣落筆焉者亦有高臺曲池莊院巨麗千里飛書序其落成之月日駢羅之景物乞名人記之鐫諸石以爲勝概者此其大都也騷人秋士牢落風塵欲息其勞筋而不得則幻想清幽嶄絕之壤意爲布置締築以寄其無聊之思而先爲空文以記之殆畢世而莫之遂也而俗流之羈縻名場腰組綬首冠簪老死溺沒無自出拔其力可以闢渠臺棋墅華榱文棟奇花美草陂水以

波甫集卷十三

三

蘭陔草堂

爲沼壘石以爲巖破千家之產爲之終其身不得一至僅於其圖乎指目之雖揮毫伸紙膏唇舐舌津津道林泉而飲冰莫解其內熱噫其可哀也已由拳姚氏出其先人山園清課圖求予文以記之圖列其子孫羣從雖平居嬉遊子弟必執經從峯巒洲渚松篁菰蒲鬱乎蒼蒼有山林江湖之觀由拳爲澤國無崇山峻嶺而圖中之攢霄拔地若武夷天台之盤壘輪囷之奇材礧礧之奧趾非人世間園榭之所能籠而有也然則爲斯圖者亦追其清峻之志品寫其寓興焉耳夫寧居井絡身未嘗作勞薪無繫於金紫之縈鋌力可以構小園蒔花種魚以自樂而有慕於巖壑

之幽峭坐石徜徉灑然自得其襟期依約可想吾故樂得而記之以當客中之臥遊其羣從之舊往還者宛然開圖識之若笑相視而莫逆予獨無概然於中乎

波甫集卷十三

四

蘭陔草堂

馬氏墓田記

章邱諸生馬葵述其二親保先世墓田事乞予爲之記葵之言曰寒族自文學始祖遷于縣西十里之溫家庄歷七世共五十餘塚葬于村北先塋由來久矣葵之父與母居常言祖塋不可不培護乃子姓根本地此公產慮族衆有赤貧者無以爲生或議動播子家苦無餘貲計惟粥日用器物得值以給族人歸吾世守乃可常保大父老而傳父遠出歲飢族人果議棄塋地母亟以此指跪稟命于大父大父遽之粥值得白銀二十五金給族衆立券隴以永存至今馬鬣壘壘封樹茂蔭父歸省墓泫然以謂幸克成初志此

張甫集卷十三

五

蘭陵草堂

保有墓田之顛末也大母嬰篤疾二親徬徨營醫藥衣不解帶者八閱月卒盡哀禮事親並務竭其力乾隆戊辰邑大飢大尹命貸各村倉穀須保者不時納卽責之債富豪悉畏匿里人無保者不得穀向吾父曰以累子父慨然任之散給惟均衆感德穀稔悉完納不煩追呼母爲外祖總兵官諱進明之女少婉順來歸經大喪訓四小姑內則女工辛勤佐送嫁宗黨稱無間言皆從仁孝植根不肖葵淹滯章縫兄純仁純義純智純哲俱無能起家以表揚二親求吾師記墓田以彰潛德語跪跪泣如雨子聞而肅然敬仰且感葵之誠也爲書其所述以貽之其始祖應友庠生

父名珣字燦然藉田農官年過絳老與孺人李白首相莊今並康強無恙行見葵等鍾祥振家聲以大發其幽光本深末茂理有固然已抑觀農官之高祖廩生思祿著家訓十三篇知其世德燕詒者遠矣

張甫集卷十三

六

蘭陵草堂

張甫集卷十四

錢塘桑調元

書後

書東山志後

予既序東山志矣顧按志中分一十七門有鄉彥而無寓賢予惟東山以晉謝文靖公棲遲於此得名是山以寓賢著也明謝太傅少宰父子引退林皇時豈亭臺池隴之勝攜賓從爲雅會四方遊履響臻同邑之達官隱君騷人墨客相與觴咏爲歡者率多名輩明丁未運高人避地至此其詞賦嘗散見於志中夫至自四方者以此爲蘭亭梓澤之遊桃源栗里之避

張甫集卷十四

一

蘭影草堂

卽同邑如蘭風開原孝義諸鄉步履過從雖不等於遠地之寓公然吾所志者東山則凡非東山之土著不謂之寓公不可也則志寓賢也宜凡地志體例類載藝文此志末卷登詩篇而文則不錄志詩篇之小序曰嘉泰志之末復綴輯古詩文一卷不忍佳文之委棄云云然則嘉泰志固並輯古詩文矣且志藝文非獨慮佳文之委棄也古跡之無考者往往藉遺文逸句以當文獻之徵故趙歐陽搜羅金石文字雖斷銘殘篆莫不椎拓而綜錄之古賢率爾題名志日月於荒崖絕澗中採之亦知人論世之一證斯以知文之宜錄苟爲古之所留餘悉宜一一攬拾并毋論其

佳與不佳也如隄間志沿革非撮舉諸碑記何以悉其顛末末紀國朝雍正甲辰年七月十九日丑寅二時海溢溯海溢前明正德中徵諸馮憲副蘭詩有壬申秋七月十九日將曙之句前後月日時悉巧合此足以覘造化盈虛消息之機憲副之詩足當詩史此志從而攬拾之上備史歲之採擇下爲百世後攷古者徵信之藉洵精且覈矣夫文之當攬拾亦猶是也少宰構東巖別墅臚其景二十有八稽舊志之所載覈諸石刻彼此異名志中兩存之吾則謂辨舊志之謬賴此東巖一片石耳天下有手關別墅劉其佳名於石壁而所書有舛誤者乎惜乎其漫漶不能盡

張甫集卷十四

二

蘭影草堂

識也夫流連烟月吟弄景光其異同之名本無關輕重然由是推之家國天下之故其或取證於斷銘殘篆荒崖絕澗之鐫題者豈少哉施武子志會稽有識者謂其太簡鎮東軍墻隍記顧徵君寧人於臥龍山西岡得之志不載張吳續志亦不載東山命名辨中謂施公嘉泰志假手於人記載未備乃此志錄詩而遺文母亦簡而未備也乎且留心攬拾豈惟在碑碣哉吾遠祖御帶公封號事跡記諸舊志者殊畧家乘無可取證嘗詣西湖桑九郡王祠拜伏畢仰瞻粟主則御帶公兄弟九人封號具存獨行三行五兩公止書郡王出視墻坳有一碑陷墻中摸剔可辨碑立於

萬歷三年戊寅海昌進士刑部四川司員外郎沈友儒撰文末系神絃曲二章碑記多與家譜合惟封號只書御帶公并不經封號備書之八公僅書諱而已又概言宋封王爵而顯應等封號賴栗主存之則家譜之所取證焉者也試於東山攬拾遺文充栗主之類若祠堂墓道坊表鐘鼎檐旌幢龕壁橋埠烽燧等題識撰記俱博收之以資證辨庶足爲完書也已明朱伯賢右卒葬蘭風鄉其遺跡或在牟鸚桃嶠老塞諸山未可知夫窮撫鄉先正遺蹟以著之篇固作者之責也爰書其後而歸之

張甫集卷十四

三

蘭陔草堂

書莊翁與子書後

莊君出其父前後所與之家書兩帙示予屬予書一言於其後予讀之畢作而曰嗟乎翁之慈君之孝其弗可及矣翁嘗書其先人詩示君又幼藏其先人所與之家書至老而寶翫之以終其身予因以知翁與君之慈孝夫固有所導之也抑予有惻惻於心者始予年未弱冠以家貧負米江介離家只五六十里次至海濱蓋三百里而遙次至京師蓋四千里而近中間漂依山左近棲泊禾中或遠或近曾不能依膝下手菽水以承歡而吾父母之髮已皤皤白盡矣嘗客京師以元日至浙江公所肅恭升堂遙拜吾之先人

張甫集卷十四

四

蘭陔草堂

祝吾父母嘉慶蓋依人作活禮不可借他宅以拜吾先人惟吾省公所吾先人靈爽庶一式憑焉因於此祝吾父母嘉慶望白雲而延佇思親舍之迢遙意蓋悽然未能堪也去歲客舍除日得吾父手書喜而躍是夕守歲燒紅燭敬對之達旦噫嘻不爲游子疇知游子之幽憂愁思有如是耶調元生不肖志行不光無能博升斗之祿以養又家無負郭之田不能衣襪裋持耰鋤力耕以供子職塵埃袞袞南北奔波不一役明年又不獲已擬事遠遊矣吾父母日益衰老而遠遊仍不可以已三千之罪之莫大者不肖又安所得而逃之前四五年吾父手作書點畫循清朗近則

吾父之眼益昏花點畫有模糊缺齟者而諄諄訓不肖持身讀書益反覆懇苦不能休予又因以知爲人父者之慈其子固無有弗至焉者而爲人子者則誠有肖有不肖也君聽予言其亦有惻惻於中者乎

張甫集卷十四

五

蘭陔草堂

重書莊翁與子書後

自來名賢之家訓及書誠詩箴語於庭揭於座之格言非獨其諒謀之遠也天下後世之聞其言者亦多所警動焉予讀莊翁與子書慨然有所激於中而感其教我之宏多也翁之言曰英雄作事大都在不如意處自爲磨勵然後能有進步又曰昔年有作用人二十外三十內平生事業無不一一料理又曰苦志讀書奉養不必如此豐厚但得此愈要早晚攻苦不獨可以消受一生得力全在於此至哉言乎何翁訓子之切望子之深欲其奮激志氣厚培事業本根博練平生之材幹慮不如意則正可資磨勵一聞豐厚則又惕其懷安重期以一生之得力肫肫乎如此其至也夫艱難困苦天之吝而不輕予於庸庸者也庸庸當之亦摧頽其氣銷鑠其志而無以自立故天常以之私豪傑豪傑承天之私而動忍增益出焉予生三十有六年矣向亦未嘗經極險悸之境而漂流頓躓徒步單衣衝冒於酷暑祁寒之候躑躅於荒涼懊恨之區捫心齟指潛自酸辛所謂勞苦餓乏拂亂之遭所在多有而至竟義理未熟才識不長豪氣因事漸平本志則未克乘時而立嗚呼予之庸庸而必見嗤於豪傑審矣天非絕無意於予而予之負棄天甚矣酒闌夢覺披衣奮起未嘗不顧影悲歌激昂涕下

張甫集卷十四

六

蘭陔草堂

今聞翁之言益令我心驚面熱汗浹背流也其他言可採甚多予特舉其有警於予者表而出之抑期後生同志之並警乎此也

張甫集卷十五

錢塘桑調元

書

寄上陳榕門先生書

調元之省先隴而歸也不敢寧居過俶裝赴汴而明公已移節閩中不及追送前旌一奉清誨然疇昔教言猶在耳至書院得所留惠後學諸書中有明公雕本殷勤訓迪如聞警效雖萬里猶覲面乃進諸生於庭授使誦習以母皮閣爲戒首小學近思錄經傳養正遺規次正史約諸編課程寧簡母繁期於恒久漸進退而肅恭披卷率先諸生以之自鞭於衰晚庶暮而炳燭猶勝闇行伏惟明公撫中州僅半載士民熙春陽中忽違依怙相遇麗脣總角罔不嗟思蓋仁心之灌漬於人者深且浹也調元返江鄉祖籍姚州目擊旱荒凋瘵之餘饑羸相望傾囊以賙親故不能果一日之腹心傷涕流始悟古聖之任非惟不贊富貴并不遑計及勲勒鼎鐘名標竹帛只目前萬衆蒼蒼直當如救焚拯溺之急調元迂愚自耽屏跡有負昔聖賢牖隙明之恩無分寸効於時觸心之疚怒焉如擣方今天子仁聖紆顧閩疆特命鉅人碩德往拊循其衆計所以戢寧之者必無乎不至海濱鄉魯考亭夫子之遺跡在焉本朝李蔡一先正振興經

學綿延道系又逢明公以躬行提唱俾翕然歸於確
實鰲峯書院之風聲環海仰望有加調元悵不能捐
讓其間聞緒言而被餘光曷勝躑躅抑又悲夫習俗
之敝也士大夫交煽風流以道學爲諱彼非以道學
爲不美之名也望道學至峻不可攀人之從事於斯
者第相率而爲僞焉耳夫僞誠可嫉嫉僞道學而甘
心爲真放辟邪侈如之何其可也調元少遊餘山先
生之門奉緒餘爲同人抽闡恨樹立不光所詣惛疎
無能一挽川瀾之倒及來書院揚皇靈以敷教又
中州風氣淳朴庶竭其愚一興實學而倡莫之和功
利之習中於人心士之投贊而來者志於苟得而已

費甫集卷十五

二

蘭陔草堂

言及於道則相顧眩愕蓋湯耿諸先生之風渺矣昔
蘇子瞻亦宋之賢者謂腐儒亦解好聲色何用白首
談孔姬嗚呼孔姬未嘗屏聲色亦惟於聲色發中其
節卽協乎道已不克由聖而禁絕人之談此何說也
又云我必欲破他敬字已不能持敬而以謹浪笑傲
爲橫流之決又嫉正人君子之持敬而必欲破之士
風之壞率因乎此調元誠私心痛之子游宰武城尊
聖訓以學道爲治治與學無二轍舍道無學舍學道
無以爲君子小人而末流日讀聖賢書操觚爲八股
之文辨晰津津至立身行己輒背而馳人何自而有
真儒世何自而有善治哉調元前奉別時言不敢抱

咫尺之義偷安里閭自顧齒危髮禿畧無表見誠得
承明公之下風助宣文教藉以昌明餘山先生之緒
正在此時而事勢無恒卒不獲罄伸其志夫登高而
呼其勢加激必上有提唱之人風會易隨之轉今亦
不敢妄自頽棄力所克爲期於必盡人不能以道學
自擔獨不當學爲人子學爲人弟學爲諸生耶隨其
才質而誘迪之科舉八股無非道俾終無背焉斯可
矣調元之所夙夜矢心以仰荅明公之知愛者如此
且先聖賢之典籍點點俱濺心血於鑠有神其聲光
如日月之照臨風霆之鼓動景星卿雲之昭回甘雨
瑞露之霑溉誠覆被漸涵之久當必有若然得其性
靈而旁搜遠紹之者是則調元之所望彌賒而竊爲
軒輦者也炎暑勤勞伏惟萬福

費甫集卷十五

三

蘭陔草堂

答魯君論詩經韻書

前論詩經用韻之變見古人屬詞之工頃辱惠書覆按所語未協直謂不當以韻言僕性意愚又荒學殖何敢言詩然有疑於中不敢不盡陳以求剖析也三百篇用韻漢唐後謠諺歌行之詞縱橫百出權輿於此其韻亦不止於兩頭中央等例秦碑三句一叶漢語一句兩叶並已導源於載見靈臺諸詩其尤奇者陟岵子已止韻季棄寤韻弟偕死韻橫溢不可名狀凡此皆韻之變韻變而音節亦變不待言矣他文無韻固不礙詩而無韻則不成歌不成歌則比音無節樂之始終條理存乎音音之節存乎韻詩者樂之章

張甫集卷十五

四

蘭陔草堂

也人聲則以韻爲歌之節絲竹等器則以韻爲音之節唐人稱拍板爲樂句一字之聲數轉乃成非拍板莫之節也韻則爲詩之句入樂卽隨詩之句爲句非此無以節歌非此亦無以節羣音也鷗冠子曰五均不同聲西河毛氏釋之曰宮商角徵羽聲本不同且卽一均之中亦必取聲之不同者而彙於一宮蓋以不均爲均而韻名焉故古人爲詩卽二句三句無同聲者而其宮則同僕嘗考唐人之詩兩句聲不雷同者惟杜韓能之他則未免相犯賦者古詩之流不歌而頌亦必用韻西河亦謂古文排比數句並宜著韻引廐有肥馬野有餓李爲証馬李古韻也夫雜文不

必韻猶且著韻況於詩而可無韻乎劉勰云異音相從謂之和同聲相應謂之韻和者和也一唱三歎雖不必同宮而亦可和韻者均也必衆音彙於一宮而乃能均許氏說文韻字古與均同此之謂也國語立均出度必五音之均立而後萬聲之節奏乃出無韻則度無從出樂於何節乎顧西河謂聲之不同者彙於一宮劉氏又謂同聲相應二語似岐而義則一蓋劉氏之所謂同聲卽同宮也如虞廷賡歌明良康三韻皆同宮音明良爲陽庚之通明叶芒則庚歸陽是所謂同聲相應也明良康三韻不同聲所謂取聲之不同而彙於一宮也二說本合而其中別有不同者

張甫集卷十五

五

蘭陔草堂

毛氏爲五部三聲兩界兩合之說必謂五部三聲兩界兩合所不通者而偶通之斯謂之叶其本通者何事於叶故明不必讀芒自可與良爲韻以此爲聲不同而彙於一宮之的亡友劉讓宗著毛詩叶音辨譌駁之曰據此則關雎首章鳩洲逖同尤韻反不入格乎語甚雋快然不同聲而彙一宮之說自確不可易假如二句詩芒忙康糠洲逖求聯叶卽犯同聲之病而西河必以庚陽並叶爲不同聲則難免於讓宗之所譏矣曩與讓宗面質此義讓宗深然之而辨譌書已板行以未及載鄙說爲恨且卽同宮之中又必同等乃爲細密讓宗謂亭林顧氏引楊慎指凱風天

勞二韻以勞叶僚爲才老多事不知蕭韻係收音三等閉音四等豪韻係開音一等朱子從才老之叶欲其歸於同等正古人用心精細之處然則韻之必細爲叶無論今韻古韻詩之必以韻言不誣也周頌多不叶韻之文他詩亦間或有豐氏魯詩世學顛倒改竄牽合之誠無可取此自是世代湮沈求之不得朱子疑其有和聲相叶以三嘆爲和聲如劉氏異音相從之旨正於無韻中求韻豈謂詩祇以音言而不以韻言哉讀足下文鈔論韻學三書大概亦宗西河其中卽有古無所謂韻之說似本西河之言切韻聲類原自難拘何嘗以之上繩六經下檢百氏等語而卽斷以爲有音無韻竊詳西河此語謂律韻雖嚴不宜太瑣耳未嘗謂詩之可不以韻言也西河指今韻爲律韻歷序韻書原流以此爲平水劉淵所作且云劉韻則何足據無論今韻併非劉韻邵青門辨之甚覈詩門謂元陰氏兄弟始併上聲拯部刪減三千一百字而五部三聲兩界兩合之說西河之所舉以言毛詩者仍不能不據依今韻其五部從今韻而分爲五也其三聲卽今韻所分之聲也舍今韻則兩界何由劃舍今韻則兩合何由成自云由裸而求衣冠而衣冠實裸人國之所給然西河祇言今韻不足據未嘗謂毛詩不以韻言也故又謂就字本音約畧相按則在倉頡造字之初其字音字義原卽

與用韻若合符節雖起古人於地下亦若有不自知其然者此所謂元韻也偉哉斯言炳烺直如日月夫豈獨倉頡造字之初有此元韻卽盤古以來倉頡未造字之先元韻亦自在天地間蓋因造字而見非因造字而有也韻書雖始於魏晉間而亘古之韻非晉魏間人所能鑿空而造且使鑿空而造則六經百氏當無一弗齟齬而千百載下又誰能轉輾宗述講求精密奉此私智所撰之韻乎哉近世言韻最著者亭林顧氏西河毛氏兩家李文貞近宗宣城梅氏邵青門遠訂上海潘氏崑山三徐亭林之甥也謂亭林西河各持其說難於通兩家之郵及字典出而西河之霧已披其半而五部三聲兩界兩合之說讓宗亦謂發人未發有功韻學僕少讀杜詩至真寒並叶聚訟者訖無一當得毛說而豁然特其持說過堅闔人陳季立逢此罵會固不足言其嘗警朱子集矢於吳才老則寃也西河明目張胆云古文讀字從無定準又云一字二音可通用又云協音不拘字義都歷歷有証據而候人殷與芾協朱子以未部有芾韻殷字兼註帶音卽警之曰未韻之芾是蔽芾非黻芾出爾反爾吾不能爲之解足下以古音之亡歸獄於朱子用才老韻母亦沿西河之流而揚其波耶僕固陋不敢詆前輩亦性不喜詆前輩曩與讓宗在南屏書舍促

滕至夜分鄙意欲從五部三聲兩界兩合探其源而準劉氏同聲相應之說仍細加叶蓋作字母等韻者知以切韻聲類求之而不知其源知五部三聲兩界兩合之源必謂於聲之絕不同者既屬相通不必再叶亦殊欠諧質之吾讓宗以爲何如讓宗笑曰是西河亭林之調人也來書中舉奕奕秩秩等疊字棘心吹笙等抽折寧都魏氏已有是說此固無有以韻言者緩調急調恐亦只是文法之工若謂情有舒慘韻亦有緩促則常棣末章談笑而道其果慘而促乎四牡末章屏營將母其果舒而緩乎且遲其聲初不關詩句無論何詩皆可遲聲太真於清平調終遲聲以

張甫集卷十五

八

蘭陔草堂

嬌彼詩之叶韻與四牡同乎異乎論韻學第三書中指示從入之途遂可旁及貫通若堂上辨堂下得失竊見李文貞公謂等韻與經世互有得失推之多有未密萬里上官氏謂司馬公指掌圖及蒙古韻皆不出義字母區域而盛推邵子以聲起數之精乃仍有言其未密者矣稼堂潘氏師亭林又與衛爾錫辨論添減字母自謂天然條貫而讓宗謂字母天造地設斷不可更張足下才高識明於韻學言若易然又有詩不以韻言之創見僕竊不能無疑也求不我棄解其癥結而正其紕繆幸甚

答趙然乙書

白澤祠一把袂僕時方在疚不得展意序舊尋復訪前旌已過發矣悵惘至今白雲在天想望無極僕以性迂才拙終養後遂無意復出開門授徒用供饘粥暇則青鞋布襪獨往東南佳山水間窮幽邃縱意嘯歌聲蕩林谷時或作擘窠書淋漓巖壁與紫翠相糾結歲以爲常昨秋應故人之招猥主大梁講席竊意身無毫髮裨於時或以平生承學之區區公之吾徒小播教澤庶稍追天壤間蝗粟之誚德涼學固冗不見洽遂思卽引去苦爲當途繫維稍待秋風涼冷徐還敝廬自林居久不閱邸報私念二三知己不去諸

張甫集卷十五

九

蘭陔草堂

懷所蘄羣公接武夔龍宏潤巖廊比如僕者亦田間之一蒼生俾晏然歌詠虞唐心乃大快頃見哲兄明府於中州歡然道故喜接手書謫如良覲急詢邇日動定知早灑然投簪賦歸田矣在先生道高而神恬出處一節進則抒盡忠以補遺忘退標魁閭名德以儀刑鄉之後進均有所佐佑於世道表見不虛獨海內仰望丰采思竟其用爲時棟礎讀曩者所上封事若黃鍾大呂之鳴噲咄天地今先生爲霖之手斂治田園則蒼生望轉喁然耳明府遺愛於浙西東邦人思之比父母僕爲故民身被厚蔭忍匿盛美而不揚乎行見嵩人來暮之歌與浙汜去思相映發矣伏惟

炎暑自愛

張甫集卷十五

十

蘭陰草堂

答劉芳草書

瓜田徵君造訪歸得先生手教珍重逾於瑛瓊瑤近
又於徵君齋頭見尺素叨念及鄙人緒冗心厖久闕
奉報且感且慚僕於文藝夙無師承中年東西遊走
進退漫漫竟不獲潛心於此晚復塵昏荒落滋甚讀
所著明史列傳表章忠直義烈楮浮生氣令人抗聲
擊節神色並振古所稱不朽之業也抑磊砢不可磨
之情性亦煜煜軫蓋間矣僕雖誦餘劄記疑義不圖
輒達左右正藉引容光之照得消闇汶而先生不鄙
棄之遂許附諸蘭簿之末顧茲涼菲其何以堪屬委
作序自當撰上蒲牢在前不敢發聲是以遲遲見賜

張甫集卷十五 十一 蘭陰草堂

哲兄羣從大集經術文章爛萃高門或映徹九泉或
標擢羣彥何觸目見琳琅珠玉也僕濫主斯席抗顏
而爲人師德力不自量度夙夜疚悔亟欲引退蒙當
途繁維義不可卽去然行止雲浮究未可定僕少爲
餘山先生門弟子老未聞道旅進宦學者如千年旁
驚詞章者如千年今須鬢星星矣中夜以思千杵撞
胸苦心誰質歸將掃半畝之宮課童子數人供朝夕
饘粥究心先師之遺緒不敢著書以欺後人希小有
得以稍釋平生之愧負於願足矣秋爽萬福

重答劉芳草書

頃得手書獎飾拙序踰涯分賴汗不敢承顧蒙許調
元一知己死不恨調元感次骨何遂得此於先生又
寧敢外耶疑義蒙縷解訛字並賜採納賞晰不殊接
席何快之如抑垂問拙序中語實無他深指也大著
列傳類取匡濟忠直特筆表之以爲一代人物事蹟
關目故遂可括全史若唐李王盧歸徐李何康諸君
子亦有事功氣節可書而所謂登壇設壇劇滌卑瑣
特與慷慨釀墨眉須戟張至論震川許其撰述當不
在歐陽子五代史下惜用違其才淋漓憤憤光氣怒
生嗚呼此非文章氣類之感異代如覲面者耶非奇
才碩學天阨之俾不達達亦不盡抒其能有弗能已
於激昂者耶不然列傳僅五十耳於旋幹乾坤指柱
名義誠不可泯滅而持聲牙之筆鳴毫颯颯遺經獨
抱於荒江虛市間者寧必動容正襟盡氣力撫繪之
耶此不謂先生之結習乎文雅風騷不可也且文章
之闢運會審矣功德配以立言其業本甚閎鉅時無
宿學鴻生發抒乎日星河漢之文并一朝功德亦闢
而弗光此先生於有明匡濟忠直特表之使凜凜千
載者也此唐李王盧歸徐李何康諸君子先生又爲
之生面特開者也然則先生之學之才後之知人論
世立起嗟咨於襄城白頭寂寞家居一史氏可知也

波甫集卷十五

三

蘭陔草堂

然乎否乎幸更有以教我天寒伏惟珍愛

波甫集卷十五

三

蘭陔草堂

答查藥師書

曩錢坤一道足下天秉高奇於門才中特著翹穎嗣觀汴源書院學規規撫閱遠節目細密益嘆夙學之有本元而勤勤誘進英髦之心之蟠固不可以已也卽思具尺素通問以旅緒振觸又抗顏爲師持勤補拙劫劫不暇越始衰之年四五稔精力頓疲茶故百務簡畧未及披慕悅之忱於左右然心乎奇士不一日置也辱先賜書序惻歎詞氣若河流東下汪汪不可俟知肆力於古甚邃書法亦蒼古比於陳遵尺牘之可寶惟推獎過實使人頽顏汗來叨惠雕本韻語喜燒燭讀至宵分窺見腹笥手椽攬勝懷古才情涌

張甫集卷十五

西

蘭陔草堂

溢而出與坤一聯句奇麗五言高處往往似小庾繼今爲之不休其又可量所至哉許榮陽明府久屬神交悵咫尺不得良覲鄭劉風雅之邦有此賓主唱妍酬麗僕之濃羨何翅汝陽之逢麴車於道口涎垂也蕭晨方盥得家書作洪喬者紆程始至故續遞書畢入此獨稽遲開緘得西穆先生計失聲一慟紙面雨淫云六月病暑數日遂不諱兒子蠢愚不知當言卒日又恐衰遲感傷故後函絕不復及究不知以何日終天乎何奪吾西穆之速也西穆里居見面垂二十年前歲長至日蒙招同同里盧玉巖論交金牛湖之四賢閣各賦七言古詩一章三人約爲昆弟交數數

過從今歲周盧申之以婚姻盧之女孫僕外孫女也許字周之孫書札往還甚懽猶憶去年人日西穆觴玉巖與予於書齋匆忙言序查氏詩卽送之行今讀來教有西穆先生序正之語殆卽爲大集元晏耶老成徂謝心交當共此悲涕僕竟日不食作答時怛怛心痛并檢定交詩拙稿是正把握開歲爲期不宣

張甫集卷十五

圭

蘭陔草堂

再上陳榕門先生書

自從星沙得聆說書平實之明訓體之於心不敢忘
因知一舉動亦必歸平實也夫道本平實天之行生
昭昭在人聽睹間者無一不可按驗循是以達於人
之云爲更何僻詭之可尚道一而已岐之則已非故
不平則陂不實則洸洋恣肆入於元虛寂滅而不可
究詰中庸一書專爲隱恠者作隄防而後世橫流之
潰決已楊墨佛老之迭出而莫之止而助揚其波者
更甚焉嗚呼則皆不平實之流至於斯極也古大聖
賢早能不惑不動心以上達無窮調元少遊餘山先
生之門白首無成年踰六十猶未能卓然自立顧從

張甫集卷十五

太

蘭陰草堂

靜中嚴勘身心閒中細閱世故始知萬事有命上哲
能立之俟之下學必知得徹乃可以爲君子論語末
章編書確有微意近稍稍覺小有把持昨年濫席廬
陰濂溪書院思大闢元公之教學者頗有所感動尋
以主者去而義不可淹思返故里適大梁舊席專件
招致今春復赴此忽抱風疾許久始瘥方患劇時於
去來頗無怖戀惟竒痛難忍思古賢處此必有以自
勝乃深愧平昔之用力疎也餘山先生遺書大篇舊
已校定今收輯散亂遺事編摩謀授剞劂名曰餘山
先生遺書前已陳一二曾入清鑒極蒙印契隨當繕
錄全編并調元抽闡鄙論亦附篇末將統求是正謹

齋沐西向敬求大序一篇以昭示來學俾斯道有光
感激恩私非小子之所敢專承也餘山先生踐履確
實揮發淵微東南倡道實與豫書楊園兩先生如鼎
三足尊奉在海隅學者之心昨翠庭雷公深知而佩
服之調元質雖窪愚不敢阿好惟大君子垂察瀛寰
望君實之身以乳我蒼黎伏惟眠食萬寧不宣

張甫集卷十五

十七

蘭陰草堂

張甫集卷十六

錢塘桑調元

雜著

卻巧文

壬申秋孟炎氛熾赫烏下虞泉西林蟾白桑子露坐
招涼遠睨空碧門隸過焉云今茲七夕將歸飭媚姪
蠲設几席羅陳瓜蔬拳膝頓頷假靈帝孫天巧剏獲
神光合離銀灣瀾渚其迂鴻釐智濬巾幘桑子莞爾
曰面膏髻丫駭癡求索覩擅組紉希利刀尺景闇鍼
穿事同戲劇晒而麾之披襟脫幘風乎堂密頽焉意
適交睫朦朧星芒亘射恍覩錦袿翩來靈跡乃言曰

張甫集卷十六

蘭陵草堂

帝孫鑒汝汝拙之魁操一骭髀履百嶮巇老不更絃
踵前之爲凡汝所爲帝孫稔知髫齡十四餘山是師
引跂考亭循是階梯世之所迂汝趨步之樹身爲的
集矢攢譏是謂拙拙學道與時乖文章小技絕嗜古辭
爾雅斯攢時好匪追憶彼妄庸怒目裂眦專非其是
欲成之虧聲音有人解后賞奇譁稱私汝益肆詆詆
是謂拙製俗不汝諸釋褐分曹徊翔冬部掌故 橋
陵檢稽旁午晨驂侵星夕案秉炬敗轂羸蹄泥塗淋
雨糲飯藜羹齋厨轢金嶠負者虎穴居者鼠不鼠不
虎獨立無所是謂拙宦蟬蛻冕組行路悠悠兄儔弟
侶微逐譙遊強親笑語貨之輒取觴之輒茹滄滄詆

張甫集卷十六

蘭陵草堂

訛臚登蘭譜汝一切否矜慎許與是謂拙交宜汝踣
踣書林兀立學子分行笈負景從斷斷一堂毛膚裨
販駢躡朝廊高官逐逐神已漸亡二三峻拔執義堅
強唾視婢阿經行燁煌或滯下僚或淹文場服者獲
屈叛者鴟張是謂拙教德命相妨嚴哉庭訓紆納義
方手十四經雒誦琅琅急非所先謀豈云臧彼兔園
冊挾之騰驤齟齬鑿枘身罹咎殃遏絕詭隨復誤家
郎是謂拙詒荆戶厖涼汝之前君亮節煜煜童侍父
疾躬熬肉粥羊脂噎哽抱鎗暗哭海氛漲天練師祠
屋賊艘連檣宵遁讐伏孝勇 皇旌名鐫青竹規石
綽楔汝志虔篤費溢千金衣食嗇縮舌耨筆耘硯田
蕲熟不以銖分波累親族弟子結駟故人厚祿酷羞
伏助矢潔於玉烏頭鼻鼻何時雲蠹是謂拙營嗟老
而禿餘拙不貲數難更僕帝孫哀汝命錫汝福破鑿
中央奏功忽倏疏淪巧源襟顏勿惡惟圓惟輓百巧
具足稽首致辭前稱下民肺腑憊愚帝鑪所甄剏斷
剛稜施斧無因學攀狷介闡不爲鄰文傷箕箒斗不
能神撫躬道直券取賤迤多謝諸少不我雷陳黔非
吾徒編則日親教兒芳潔貴於朱輪血誠締構標拂
霞旻愚公移山志結千春屬於孫子終建嶙峋衆拙
之府儲積輪囷神縱欲福功難響臻葆我大拙完厥
性真靈耀歟去返於絳津帝孫嗟咨賦授不鈞轆轤

萬眾愛巧如珍閒寂孤生棄巧如塵餐藥食飴存乎
其人遽然有覺徐于欠伸閒斂拙手上頁星辰闕攄
黼黻默塞經綸敬謝靈匹寶拙終身

張甫集卷十六

三

蘭陵草堂

招魂

予亡友朱嵩齡予齋秉心正直負經世才司教台州
之太平大府屢欲特疏薦達宵人尼之竟不得志侘
傺以終爲作招魂一篇敘其平生交好歿者魂可引
嘯呼存者與予同放小招事俱摭實聊以寫哀

蓀有生之溥落兮升灝氣于清穹趣修文于冥漠兮
宵玉佩之琤琮慮蛾眉之見嫉兮類人寰之莫容乍
興盡于紫虛兮飄精爽于四方全音乃招曰魂兮歸來

無往東瀛些狼山聯綿霜毛猙獰些海門蕩滴洪濤

春天音些蜃氣噓結白日晦冥些母歿不及視殮哀

啼若嬰些歸來歸來如臯不可以羈身音些魂兮歸

張甫集卷十六

四

蘭陵草堂

來無適南荒些巉巖大庾蠹若劒鉞些硃州險奧骸

骨多不葬茲郎切些羅陽鑱天死與麋鹿全坑居郎切些墨

顏縈經病羸危些歸來歸來高廉不可以投蹤卽王切

些魂兮歸來西陲不可以遊些崎嶇嶢潼地常破壞

維陬些灞滙滛滛沉沒飽虬鯀些厥考入關攬疾歸

不救居尤切些歸來歸來母往罹災將侯切些魂兮歸來

北都不可以淹些金門屢蹶驚傲驥以驂驪些灰煤

從風面目浣黔些冰霜砭骨敝羔鬣些五侯七貴

跡不交些督亢凌兢桑乾澆澆些歸來歸來息轡

銜些魂兮歸來無上重霄些帝居深嚴玉宸無繇朝

些頭簪鬼峩惜李貓些腰鞶晶瑩猛靈契些當關索

魄猩語而狼餐些歸來歸來任彼宜驕些魂兮歸來
 無下九幽些鬼門黝窻其路阻修些紙錢綵繚買導
 前驅居由些衆厲餒而爭噬不吐口音些富埒猗頓
 挾貲以役朋曹切些盱眙跳跟聲咿嚶些歸來歸
 來焉可逗遛些魂兮歸來無滯平泉些米廩傾頽寄
 栖數椽些鹽壑不贍土銕無烟些有美子喬徐元顧
 寒羶些人棺寂寞疇周旋些回睠故鄉道里千些黃
 巖拗嶺插重元些夜壑移舟萬有捐些空號皇甫逝
 飛龍之翩翩些魂返故居無遷延些魂兮歸來道姚
 州些東山高士汪卧層邱些萬樹梅華環石樓些傾
 倒瓊漿酣獻酬些魂兮歸來經西冷些瀑澗水烟擊

五
 蘭陵草堂

汰揚舲些上客談諧汪錫廣座傾些博物寓公周復
 識天星些有溫者容沈照瓊瑛些素心吟嘯會羣靈
 些胥山同姓朱楓藉香簟些東臯舊侶盧存酌湘醺些
 閔予躅躅恨填膺些溯遺響于西風些尋故蹟于南
 屏些歸乘回風駐雲旌些魂兮歸來入裴島些菲菲
 鶴洲羅芳草些嵌嵌怪石曲徑繚些葱蘢古木蒼藤
 繞些苔階淨綠啄飛鳥些秧田延碧犁野老些南湖
 樓舫烟波淼些眞如塔火霜月瞰些掩靄雲沙躍駕
 搗些涵淹蘆蕩發荷蓼些歸收萬景供哦眺些魂兮
 歸來舊宇寧神些芬苾宗祊從先親些敬恭瑤案對
 如賓些長溪逸老沈脩篤愛如珙些書笥經筒萃

儒珍些陸奎磨盾賦詩馬維來幹人些雁山遊伴
 周樂全羣些青霞徵逐聯芳鄰些城南徵士張追寫
 眞些州東碩生張仁緬音塵些纏綿甥盛百姪朱孫
 望廳輪些一死一生見交情些鱗鱗貴富昧平生些
 自古有然曾何足懷悶眉兵些歸來歸來聊放志於
 衡門切些亂曰書博士兮作官閥和璞獻兮輒遭
 別紉蘭佩兮睇天闕啁啾兮憎且齷蘚芳馨兮不
 得發巫咸莫問兮終古銜冤魂歸來兮長水潺湲青
 蠅爲弔兮白馬奔榛大度兮包怨恩

發甫集卷十六

六

蘭陵草堂

濂溪書院上梁文

蓮華峰下文光映南斗之傍楓葉江頭教澤播潯陽
之派盈虛有數逢人傑以地靈風月無邊宜夏絃而
春誦心乎書院事等諸建學爲先手厥易通道乃可
立人之極必根源之研究惟光霽之昭臨沂昔賢程
邵張朱並行元公之脈相此地陰陽動靜渾如太極
之巖氣毓扶輿地當爽塏山重水複用擇名區月吉
辰良爰升高棟喜藏修之得所覩開繼之有因一爲
文人無足觀非美斯愛愛斯傳乃藝而已行有餘力
則以學惟直則公公則溥其庶矣乎雲霞遂以蔚蒸
後學從茲興矣庭草于焉交翠先賢實式憑之

張甫集卷十六

七

蘭陔草堂

兒郎偉拋梁東窗草綿芊生意融賜谷一輪晴日麗
扶桑萬道曙霞紅

兒郎偉拋梁西澄潭霽月映玻璃元辰翠岫雲成葢
寒夕璇霄氣吐霓

兒郎偉拋梁南美滿光風漾彩嵐坤軸自應蟠道系
離垣豈止盛朝簪

兒郎偉拋梁北九派文瀾動江國含宏灝氣灑襟懷
耀遠奎光拱辰極

兒郎偉拋梁上蓮峰高峻同瞻仰眼睇乾坤意轉舒
手捫日月神尤王

兒郎偉拋梁下濂溪清泚長涵瀉培士林中大選掄

鑄人爐裏新陶冶

伏願文峰光麗學海淵澄萬笏鍾靈秀出睎賢之士
千冠萃美醇摠載道之文尋舊緒于圖書斯爲至矣
發新知于師友不亦重乎期濬導乎蒙泉共昭宣夫
聖蘊

張甫集卷十六

八

蘭陔草堂

桑氏家訓

子弟須樸誠毋輕雋門風須清白毋赫輝言須溫厚
毋尖酸行須慈祥毋刻薄衣須布毋華美食須蔬毋
肥甘已有微長須韜斂毋炫露人有隱惡須掩覆毋
宣揚篤守謙恭受無窮之益緊持廉恥嚴有主之防
學業須專攻毋龐雜工夫須綿密毋間斷倘入仕路
拔本澄源毋妄取一錢常時里居安分守己毋預外
一事恕以推情勇于改過受恩惠毋忘被橫逆母校
友毋雜交人無輕信糧無遲輸婚毋早對博奕飲酒
是最下之汚流昏暮乞哀是不肖之穢裊資質雖愚
毋早廢書冊用度雖細毋苦累交親毋作幕客毋爲
吏胥殯葬毋用僧道宴會毋用優伶祭祀須誠敬毋
慢醫藥須詳慎毋疎毋結盟兄弟毋認乾爺娘毋賽
會迎神毋拜斗禮懺器不妨舊毋嬾脩葺屋不嫌卑
毋慵掃除毋輕就暱好之家止宿毋遽留踈遠之客
居停毋放債圖利錢毋借物飾體面毋愛當竭之力
毋縈非分之思書雖叢殘毋拋毀田雖瘠薄毋棄捐
無義之親朋淡淡往還以德之師友依依親近拈絲
粒當思來處不易撫髮膚當思生我劬勞阡隴毋妄
希吉地早入土爲安婚姻毋仰攀高門惟積善有慶
婦女毋弄筆墨傳出字跡孩童毋縱生性養成驕癡
淫詞小說見卽燒之變僮艷婢立即去之人不節儉

張甫集卷十六

九

蘭陔草堂

終至于貧窮人不勤勞終淪于卑賤祇願正人常光
臨說正言不願邪人偶引去作邪事孝友是一團和
順做成嫌隙是滿腔拂逆釀就不蘄家有敗行檢之
達官只期世生護元氣之善士吾言已諄復矣汝曹
其聰聽之

桑氏家訓約言

忍嗜慾節衣食慎交遊嚴取與吾子孫其世守之

張甫集卷十六

十

蘭陔草堂

張甫集卷十七

錢塘桑調元

學規

大梁書院學規

夫讀書植品士之所有事而非實勝之是務則終無由立人卽知知識開明一心所窺者淺故必充之問學而知乃日進高明顧千言萬語祇使收已放之心約之入身以爲向上之尋斯下學上達之功見倫文與行二之則全無一是幸而執轡求合抑猶虞其塗澤爲之則根已全虛雖自詡文之淹通行之魁特終其身無分毫之實獲爲尤可哀也故立誠爲學者之關

張甫集卷十七

二

蘭陰草堂

中河內舍是無以定其基址子以四教文行忠信可括論語全書并可括十三經傳古今無窮之書其中審端用力之方自有節目次第循序而進之以漸雖資性未敏亦或先或後或疾或徐駸駸赴乎是而莫之量僕賦性范愚規模迫隘祇求近裏著己所可力者懇苦自鞭竊舉平生向學之方縷縷爲諸生告焉

一辨志

學莫先於辨志志如懸的萃心與力中之苟其的一差誤中之害莫可詰亘古今惟三不朽撐拄天地此外別無有人今與諸生接甫啓口輒進之於三不朽或不能無驚疑然無以爲也德不能及孔孟程朱而

忠信廉潔一節之表見一行之執持不謂爲德之立不可也此豈謝弗能乎功不能經天緯地溥利羣生而隨處存心一民一物之克濟寧不云功之立乎此豈謝弗能乎立言不必定援筆著書傑然成一家之則漢東平王只爲善最樂四字其言立矣此豈謝弗能乎矧由是而進卽漸至於古之不朽非難中州風氣淳朴前聖遺澤最深且厚近爲湯耿諸先生講學之鄉邦諸生之志固辨之不可不早辨也

一立本

立本之道在孝弟慈人孰無父兄人孰無子弟我有父兄我事之我有子弟我撫教之孝友子諒之心油

張甫集卷十七

二

蘭陰草堂

然而生得之性而無待於強惟注力在察識擴充俾滿其分斯貴耳嘗見士夫之於父母養非不足也禮非不具也而或且旁移其慕曾不若野人之於父母肫肫濃至天性爛然則是野人之於父母較之士夫之父母爲重也忍不忍也故君子之於孝弟慈注力也篤移之忠移之順推諸子惠萬民莫不基於此未有不厚培其本而枝葉能勇昌者也康誥言祇恭字與大學合先後聖於此恒警勸言之蘇長公謂今之人有書而不讀爲可惜予謂今之人有親而不知事爲可惜也此予與諸生言及此能無怍怍感惻於中乎

一窮經

聖人之心存乎經不凝神靜氣以窮之則聖人之心不可得而見而經乃晦更穿鑿附會以潰亂之而經亡矣窮經之大致有三曰博綜曰折衷曰自得先之以博綜所見廣而參稽有資則疑義從之生然後會衆說而折其衷則至當歸一而論乃定久之動乎天機自得之妙不待游刃而豁然中開非侈謂前賢之猶而我得其精也芻蕘之所見羣然有當於聖心是天之聰明散乎衆人之心者時而呈露其義未始經人道而一拈舉之確不可易斯樂莫樂於此矣士通經乃足用自來之引經斷事見諸猷爲者尙矣卽一操觚而不本之於經則根底薄而論說皆膚韓歐曾

張甫集卷十七

蘭陔草堂

之古文皆大醇而朱子尤醇乎醇時文中王唐瞿薛歸胡諸公之所爲俱瀕衍不可崖涘經熟也窮經之方自少及多通其少而多者徐由之貫十三經註疏崑山徐氏所刻經解之外逸簡甚衆窮年皓首莫得其端此多而無紀也今就四書專經條分縷晰融會貫通不墨守斷爛之講章時有心得一經畢更及一經羣經可次第程功不苦其難不憚其煩不好奇以妄爲之說則經義如脫穎豈獨錐末之見已哉

一學古

古之器至堅厚也而細緻爲今之工巧所不能過古沈而今浮古用力深而收功遠今慮淺而欲速無惑

乎不相及也不學古則其人也凡近或遂至鬼瑣而不足論文不學古則庸庸拙健紛雜無章甚且勦襲雷同文壞而士品亦喪可憫也易曰其旨遠其辭文夫旨遠矣辭卽不文庸何傷然且謂不文不足以行遠也故理道已明行文要自有矩矱六經之文天地之大文也天地之大文陰陽寒暑推移變化無端倪而按諸通復往來之度井井不亂六經之文文成法立不以文鳴而爲文之至故其妙與化工埒古今之文之卓然成家者莫不取則於是豈無工夫所得哉程子謂無子厚筆力不能作西銘夫西銘之理直詣精微而非操筆力如子厚作之無由此足覘

張甫集卷十七

四

蘭陔草堂

行文之須用功取法矣孔孟生於今必應舉應舉必爲時文爲時文必期合程度而斷不舍馳驅之範以詭遇可知也吾平生論文持六字訣曰出落清杜意明出落清則如建章宮千門萬戶自有次第杜意明則肢股中血脈貫而不容左右互易此其大較也其細微曲折當俟講文閱文詳悉指畫而揭其大旨如此此非一人之私言也古法如是吾與諸生共學之而已

一博習

人之質性有專講習時文日猶不足者而聰明奇雋之士隨地不乏徒以時文可取科第旣已優爲之而

遂不他及其所成亦遂止於是學術文章不盡其才致爲可惜夫窮經爲本固人人之所宜務而諸史羣書詩古文辭舉足以開廣識見裨益性情俾德器深以醇才猷閎以達朱子天秉絕人其於道學根柢經傳淵源既已契先聖之心得集羣賢之大成所作傳注如日月經天江河行地矣綱目一書上續麟經皆天地間之大文而旁通博覽於書無所不精勘所作詩古文辭卓然爲南宋大家皆學力深邃遠有師承非由臆作此以知大儒通三才綜羣術斷非拘墟自域抱殘守固爲也諸生中有才地超羣孜孜好學志爲宏通博碩之彥裕廊廟之祿猷發山川之鴻藻承

費甫集卷十七

五

蘭陔草堂

學之人雖愧淺陋願以所聞於師友者共講明而切究之此內實源流相貫非僅侈梁園詞賦已也

一靜

爲學莫先於養心心凝然不妄動漸幾於澄澈以之窮理而理明以之處事而事當以之執筆爲文而淵然之思探入深微俾出之晃朗而無纖毫之翳雜單微所縈能穿溟滓胥由此也天地古今之精蘊決不翕聚於浮動之胸故人須沈靜而器識斯廣學業斯宏他日之所成就亦遠大莫可測量一日之間務期默多於語止多於作則氣漸寧謐諸事就安詳而靜可幾也孟子曰養心莫善於寡欲周子曰寡之又寡

以至於無夫耳目口鼻之欲聖人所不能冥心以處也而猥云至於無不幾折入於二氏之門徑乎蓋澄然無事動輒不踰乎矩則欲無非理卽謂之無欲矣下學之所不能驟臻則寡之斯爲善術故聖人主靜君子慎動若心無檢匣浮躁飛揚神疲而識昏氣粗而言龐不惟器宇遠於儒者卽細與之論文亦豈能有所入哉

一恒

天恒覆則恒清地恒載則恒寧日月恒照則恒明聖人純亦不已故貞夫一常人心有斷續詎便妄幾乎是然不可不勉強秉持以注於是也無恒不可作巫

費甫集卷十七

六

蘭陔草堂

醫南人之言大聖取焉不恒其德或承之羞左右前後紛紛藉藉齊以羞進易以謂其來不可禦也其集莫之窮也故或之或之者非疑之也有先招之者矣而奚爲不急用吾占考之俗諺則如彼徵之經言則如此無恒固無一而可而人顧以或作或輟之功掛名從事於學文與行亦安能有獲凡人苟有所爲精神常聚則光華自生吾嘗試之矣書之難句讀者日以往復之而疑意忽開卽得其理解事爲之難合者日日經營之而機緣忽湊訖有所成就故其方莫善於恒有恒者之不二其心其於可否無所擇聖人猶與其質地之堅確況衷於道而俛焉日有孳孳不

已也吾願與諸生綿密以之

一整

凡人心志整則無非僻舉止整則無傾邪事務整則無紛冗文思整則無雜亂竟日課程限定作何誦習整飭不紊則日起有功當讀書時思講求作字即謂之務外當讀此書時忽欲研究彼書亦謂之放心不收若義理觸發旁推交通者不以此繩否則皆執持不定所致讀一書自序文以至終篇首尾勘究不令一字放過案頭惟專對展讀之書餘列他几不更紛陳若時當次及則掩此卷而更易之程子言敬以主一無適爲訓主一之謂敬無適之謂主一此直致功

張甫集卷十七

七

蘭陰草堂

於內而復恐心之出入無時而難爲操也更以整齊嚴肅爲言而吃緊處首在於整整則無適矣無適則主一矣杜絕諸妄端在一整此吾有見於整之一法爲親切而有味也課文之日尤貴乎整浮游耳目濁亂心神輕爲交接語言此不整之尤者也釋回增美願諸生深得力於整弗以吾言爲河漢

一勿聚談

廢學百竇之滋總由於聚談昔夫子所嘆爲難者有二一爲飽食終日無所用心之人此不過頹惰之流自棄而已一爲羣居終日言不及義好行小慧之人其滋害爲特甚夫麗澤之益朋友講習專在於賞奇

析疑則道日益明文日益進此不在聚談之列若聚談則多說一句無益之話少讀一句有益之書既已雙失之且不及義行小慧勢所必至人品淪敗將不可窮究學者惟日孳孳猶恐不及安得有餘閒聚談即稍有餘力亦須靜坐凝神以涵養德性平生所痛懲者在聚談一節是用動色相戒在諸生肄業於斯自必厲志精進決不蹈此而特揭明戒者防微杜漸區區過慮之苦心也

已上諸條爲法者八戒者一能盡事此法則無所庸戒一或稍不戒即足以敗法有餘循法爲之有無窮之益吾翹首拭目相待深爲諸生願望之也所戒或

張甫集卷十七

八

蘭陰草堂

忘便有無窮之損我心惻我顏無不願諸生之出此也僕來自浙汜諸生居中州不遠數千里相聚所事何事此中固有至情關切教之所以爲教學之所以爲學詎等汎汎悠悠期諸生爭自濯磨相與有成處則爲經明行修束修圭璧之身出則建致澤徽猷彰黼黻鴻業用以副 聖天子振宣文教之隆賢執事樂育羣材之盛並崢嶸自立鬱爲時棟吾亦與有榮施焉尙其勉旃謹旃

道山書院學規

竊惟士人立志宏遠三不朽皆吾分內顧收斂身心
厚築基本先自切近處用功循序漸進以馴至於高
明光大之域愚自少從事於斯今老已冉冉將至益
覺下學工夫爲不易盡年來友教四方專揭近裏着
已規模共相鞭策惟蘄言可共明行可共守雖姿在
中人以下亦易遵循弗離繩檢之內將來充積日新
光輝發越作磊磊軒天地之人亦不越此敢以素所
用力之處明白指陳與諸生交勉之

一遜志

古今講學首自說命開先時敏修來由於遜志道德

張甫集卷十七

九

蘭陔草堂

中固着不得一毫盈亢卽功業文章都無窮盡自鄉
國天下以及尚論古人層累增高何處可容滿假使
挾區區佔畢之見輒高自位置大道程途先已蕪塞
坐此病者率多雋異之士天之生才不易人之成材
實難何忍屑越自棄致爲可惜試斂心靜氣虛而善
受自必精勤深造天下第一流人物舍此誰屬耶至
聖嘗言何有於我又云我無能又云是吾憂大賢若
無若虛達者慮以下人俱不止謙冲之意直是義理
本是無窮敏求詎有止境故地位愈高心志愈遜愈
遜則愈高一滿假卽止矣凡事不日上卽日下其後
頽敗有不忍言者聖門狂者次中行人多不識狂者

眞面目試叩狂者之志是何志狂者之言是何言直
欲將古人一擔上肩其所謂古人卽堯舜禹湯文武
周公諸大聖狂者欲一氣進取志大言大乃於道理
上爭多非於意氣上自負特行不掩而目爲狂若一
味盈亢是顛是妄非所謂狂矣嚶嚶之概于此可細
心體認遜志自得最是學者一生受用處故首言之
痛切

一植品

士先四民睎千聖其大要在五倫着力自來稱天倫
稱人倫此各有實義當晰何謂天倫父子兄弟固以
天合若君臣之義無所逃於天地之間夫婦一與之

張甫集卷十七

十

蘭陔草堂

齊終身不改朋友聞聲相思傾蓋如故至久要不忘
俱有天存焉故五倫皆天倫此非予之私言也天秩
天敘發自臯謨朱子亦嘗言之苟昧乎天之由來一
倫未盡卽悖天矣何謂人倫傳言爲人君爲人臣爲
人父爲人子兄弟夫婦朋友可卽此類推中庸言五
達道不加親義別序信字欲令人顧名思義緣名責
實一爲虛位卽不成之爲人人道最大上可參天地
爲三才否則下折入于異類異類且猶有隙明葆之
弗失彼無親者媿虎狼無義者媿蟻蜂無序者媿鵠
鷄無別者媿雌鳩無信者媿黃鳥人而不如異類烏
乎可也明乎天之自然而不可易人之當然而不可

離認得真做得徹乃可俯仰無愧忤只因心蠱眼翳
自謂由朝至暮我有何過及細細檢勘方知一日之
中于倫理有多少不盡分處一念放過百念莫贖主
璧之身稍有玷缺終身負疚尚其冰兢自愛

一研經

經者聖人之心血灑於紙上萬古的皜鮮明人自束
髮受書卽已雒誦乃童而習之白首不知其義非不
講解也剖晰至精只作一場話說終身毫無干涉間
有博通十三經註疏通志堂經解瀾翻滾滾倏然自
負爲通儒及考其行事是處背謬直是不識一字王
阮亭作王彥章詩感嘆英雄惜其爲朱溫盡節愚謂

張甫集卷十

士

蘭陔草堂

當時之臣類多長樂莫怪其盡節于朱梁彥章武人
識得一忠字矣又如蔡順采葚丁蘭刻木之類委巷
之子識得一孝字子夏有言雖曰未學吾必謂之學
蓋指此也四書列十三經中朱註至精至當苟沉潛
研入反之于身其違背處生無限慚惶其脗合處生
許多快樂雖尋恒語句一番舉似一番新精心熟復
愈咀含愈覺有味蓋此中義蘊如瓊漿玉液汨汨乎
來若是吾嘗中夜以思有不知足之蹈之手之舞之
者使圖圖讀過書與我睽隔雖盡四庫五車何益此
非謂不必博綜特念一生誦讀得一句一字真知實
踐親切殊常乃可稱爲研經逐漸體驗心志開明隨

處受益貫穿羣經勢如破竹卽就現在所得益加涵
泳有一段融洽意趣其樂陶陶庶幾學古有獲

一攻文

文所以載道雕飾曼辭了無裨益況涉於滯邪耶故
文無難易惟其是爾理道折衷至精至細所貴講去
其非而求其是是自正學微而異說起不取鎔經義任
意摭摶擇焉不精去道愈遠須根極有宋諸大儒之
緒論而博採積策之醇以自鑄偉辭當必菁華蔚茂
顧行文要自有矩矱朱子於詩古文各遠有師承非
師心傾注初不欲以文名而卓然爲南宋正宗則法
固不可不講也時文發揮聖賢義蘊以理爲主而氣

張甫集卷十七

主

蘭陔草堂

輔之其中成規森列要不可僭越一一宜講究精詳
大致不外出落清柱意明六字之訣成卯正嘉隆萬
天崇以及國朝之體裁悉具於禮部頒發選本中
各取其資之所近服習揣摩平奇濃淡並堪競爽敏
者兼其所專次亦獨成一格範我馳驅自然有獲詭
遇亦時失之其可不端所習乎

一養心

人參三才籠萬物惟一心爲之心得所養則光明洞
達至虛至靈亦何事不就理一失養則昏濁沓亂無
一而可故養心爲最要孟子曰養心莫善於寡欲耳
目口鼻四肢百體各有欲一心之微何堪衆欲之攻

聖人聲律身度動不踰矩故人心卽是道心無所謂欲也沉溺之人一念來復欲仁仁至只此一念合於道心平坦之清明幾希不泯微乎其微餘便不可問矣學者用力操存惟在寡欲欲固人所不能無一時未易雲淨冰釋則寡之一法爲吃緊倘智慮竭於營求精神鑠于紛黛意思昏于徵逐志氣墮於宴安擾攘終身訖與草木同腐可不謂大哀乎何如剗除紛雜俾坐多于行默多于語靜多于動心體漸澄以之看書而理澈以之作文而意精酬酢萬事井然不亂則養之道得也

一警惰

張甫集卷十七

三

蘭陵草堂

萬種病根都起於惰一類惰不可收拾矣戶樞不蠹流水不腐精神日用則日出奮迅淬厲心如明鏡之不疲於照材力若刃之新發于硎天下事都以一勤舉之了無難處若畏避退縮志氣奄奄不振父兄師友空施鞭策便是心體中痿痺之疾至聖于無所用心之人大聲激厲直謂博奕猶賢乎已先賢于飽食終日無所猷爲之人愍其所事不踰飲食宴遊卑瑣與下民一致怵目警心之論聞之當蹶然而起湯盤日新之銘從一苟字奮發便可擔當宇宙間繼往開來之巨任吾請躬自援袍與諸生一鼓作氣已上芻言爲法五而爲戒一不汎作臚陳意在真實

確錯此邦爲子朱子倡道之鄉流風餘韻漸被良深恭逢 聖道光昌之日增設書院加意作人賢執事並同心振厲大播風聲未學濫竽講席雖所見淺陋不敢不竭其愚是用砥礪諸生爲有體有用之才處爲衆式出爲時珍俾海濱鄒魯不墜先型於茲有厚望焉

張甫集卷十七

南

蘭陵草堂

濂溪書院學規

西江爲先賢過化之地白鹿洞學規揭示聖經要旨規模宏大節目精詳天下學校俱當奉爲圭臬愚更何庸綴語第生平自省缺疚或恐人亦蹈此不憚苦口敷陳大都寧爲謹嚴毋爲通脫局量不免於拘而繩趨尺步庶不至于顛躓謹以素所致力之處質言之

一不欺

天入之道一誠盡之學問之道一存誠盡之無妄之謂誠不欺其次也爲學自不妄語始司馬溫公以此教劉元城元城初若易之及身體力行始覺畢生難

張甫集卷十七

七

蘭陔草堂

副溫公平平生所爲無一事不可對人言只是不欺而已中庸言誠者天之道誠之者入之道與論語言忠信大學言誠意孟子言至誠而不動者未有若合符節孔孟後道統中微江都昌黎延其緒至周子爲吾道中興之祖發圖書之精蘊總歸一誠誠者聖人之本而思者聖功之本思曰睿睿作聖自洪範發之孟子直言思誠而周子乃大暢其旨妄人不知有思能思則已向善然必至通微而思之致克盡論語言再思近思中庸言慎思是就一事一理上立思之範孟子周子之言思是舉全體大用殫思之功直至孳孳務實勝乾乾不息于誠無非一思之所蟠緯而其益

乃畢收諸生生周子卜築書堂之鄉流風餘韵猶存今又興復濂溪書院去先賢之世六百有餘歲近先賢之居不踰咫尺咸思立起振拔從不欺用功入手勉勉循循以求無妄之復愚與諸生其敢不勉乎

一事親

人子于親生之膝下喘息呼吸一氣關通人有親而不知所以事之本實先撥枝從而亡莫說倫常道德一齊破壞即富貴福澤亦無處盛載孝子之奉其親視無形聽無聲纏綿懇摯至于斯極今有親而尋恒視之即不至十分悖逆而澹澹若等閒是何天性之恩之涼薄也父母之于子顧復肫肫至于長成而身

張甫集卷十七

七

蘭陔草堂

耄老猶不稍替其恩勤獨子之于親區區孺慕瞻依一往不可復追由壯盛以沂孩提渺然如六季想黃農之世是可痛也夫仁恩本乎錫類忠可移君順可移長妻子合兄弟翁而父母順朋友不信非孝倫理俱由是而篤極之不敢妄斷一樹妄殺一獸仁愛之三坎斯盈一出言一舉足而不敢忘父母父母歿思貽令名必果終人子之身皆事親之日也諸生讀書植品思行道揚名以彰父母無一時一事非事親切務母茫昧此義俾士子之于親反不如野夫村婦目不知書而至性激發猶能愛重其所生也

一尊經

經者聖人之心之熱血洒在方策水火所不能磨滅
佛老所不能溷淆壞屋故堆中騰日月光吐寶藏氣
足以牖長夜之靈明啓羣蒙之聞見不可不尊奉之
也尊奉之者匪徒咿唔佔畢誇博洽已也一生讀聖
賢書須還叩已心有幾句得力處方微實際否則讀
完一經依然舊日心情舊日行徑直是懵然不曾開
卷良由塵俗塞其神明無緣濯故見而發新機雖讀
盡五車何益卽偶有觸發于我心有戚戚隨過隨忘
塊然故我豈所謂學于古訓有獲乎甚至瀾翻佐其
謔浪謬解浚民脂膏是謂侮聖人之言尤君子所動
色相戒痛心不忍言者必一心凜承終身佩服雖淺

張甫集卷十七

七

蘭陵草堂

近之語有得于心爲真實受用况經義炳炳烺烺昭
揭中天照見自己幽隱病痛消癥結而砭膏育何快
如之身入寶山觸目見琳琅珠玉何可空手回也吾
所謂尊如尊德性之尊拳拳服膺而弗失是所望于
同志

一攻文

文所以載道言須有物果有物充牣其中雖風雲月
露之辭何嘗不感人心腑爲千秋不刊之述作如八
伯光華紉縵七月鶯發載陽退鵠隕星張弧載鬼亦
不爲恠俱可闡明內聖外王之蘊不然挾兔園冊繁
稱遠引撫拈累幅祇目之爲陳言而已况時文代聖

賢立言談道理各有梯階論天人各有分際研精抉
奧絲毫不可踰越非澄心體會聖賢語氣雖雕飾曼
辭去之愈遠况勦說雷同恬不知愾乎且時文自有
軌範先正名文具在題出而情生文成而法立胸儲
書卷腕運銛毫勿橫騁才情須細循法脉一切禪元
外道之論不敢攙入其中吾所謂攻非徒專治求精
雅宜駁去膚浮透露精蘊上者足以羽翼經傳明道
覺世次亦引入潛心攷業閉門造車與軌合轍不蹈
師心自用之失雖極變化而不離乎宗美斯愛愛斯
傳按之俱不詭于道此固不可粗心浮氣襲取而得
之也

張甫集卷十七

末

蘭陵草堂

一不浮

浮動之胸名理不集故聖人主靜以主人極靜非杳
冥寂滅也先定之以仁義中正則有主而實無欲而
虛聖德之默成賢學之深潛純粹胥在于是主靜卽
主敬之極功也學者爾思憧憧不能澄定外旣波靡
內亦坐馳故浮者多躁鎮之使安浮者多矜抑之使
下歛其飛揚跋扈之氣進以優游涵泳之功能重則
學亦固以約則失自鮮然後德器成而志業確但守
蒙以養正之規山下出泉方靜而清不致汨亂以之
應事而慮精窮理而疑晰研經作文亦昭朗不翳滂
沛如流身心何等快樂昔程子見人靜坐便謂其善

學收攝心神使歸于寧靜乃能咀含理味若徵飲聚
談露才使氣吾不願諸生之偶蹈之也尚其嚴重自
愛

已上五條皆近裏着己之言愚少時游餘山先生之
門教以立志大存心細今老而無成忝主斯席泝先
賢圖書昭示之遺澤承羣公振興文教之盛心務蘄
與諸生勉于實學文行交勵出處有光師友並身有
乎道義爲天下尊且貴之品其義至重其聚至樂毋
以吾言爲迂而忽之也

張甫集卷十八

錢塘桑調元

墓誌

觀察虔南定巖董君墓誌銘

君姓董諱榕字念青號定岩北直豐潤縣人曾祖諱
純心祖諱銓父名湧官長洲令妣杜太君俱贈封如
例君以宅太君憂哀毀昏迷于乾隆二十有五年四
月二十有七日水死於南昌舟次享年五十詳予所
作哀辭中君生而至孝仁厚甫就傅行坐手書諦觀
不輟博聞疆記工書法詩古文下筆葩流與江南北
鴻生狎主齊盟乾隆丁卯拔貢 廷試第一遽縮綬

張甫集卷十八

河南未得書名淡墨橐筆石渠嘗以之不足于懷其
實古豪俊初不係此予每劇談廣君意功業雖未竟
其才舉炳烺可登汗簡者已澤被生民祝綿畏壘足
不朽于人間世兄文采不可磨滅作九歌追步屈宋
詩文集等身作周易觀象未畢撰芝龕記樂府行世
根源忠義刻周子全書搜採極博及聖學入門具闡
據實學刻體仁錄薈萃呂叔簡刑戒先儒恤刑格言
黃虞臣宦海慈航錄治譜往是矣內行醇摯封公歸
自潯陽隨至彭澤界涕泣跪送鵲首望帆影不見猶
弗起太君老病少睡侍至四鼓苦命之退猶遲徊踰
年無稍間或理官事卽肅冠佩出連斯夕不假寐撫

愛弟將不殊同母與人交或加之非意委曲周旋卒感激誦君德治履始攝陳州倅令于鞏歷孟津濟源新野調繁夏邑陞陳州別駕兼鄭州陝州許州 翠華中巡辦大差三十有七處置 頓嵩陽三 賜宴并珍物便蕃遂卽真許州陞浙之金華守遷江西南昌九江陞虔南觀察遷擢俱膺 特詔其最著在孟津縣民與孟縣民爭黃河灘地前以委勘者挾私令東西分界民咸苦之君就商於孟令議改津南孟北孟令以成議格各詳報上官重委勘竟如君議又慮莠民私毀界址以沿河最敬龍神立小廟十餘訖永定新野水溢捐粥賑饑勸富商巨室協濟四越月至

麥秋乃已 上命三使鉅省災民以實對並嗟稱董令真民之父母夏邑卑溺有乾隆四六七八九等年逃戶尾欠波累親隣爰竭貲償之鄭州瀕黃河多沙阜三十六陂久湮計疏於澤當免水患成沃壤公餘精心相度繪圖啟請撫軍襄勤鄂公濬金水河環城如帶入僕射陂闢稻田三百餘頃濬賈魯河由薛家岡入圃田永除張橋淪沒功旣成鄂公名新河爲庚午渠曰牧之功德吾民永賴矣黃河北岸口決奉檄查陽武封邱祥符延津新鄉滑縣災手填印票詳分賑恤遇沮洳駕艤子救災民千數出又以連日乏食垂斃捐六百元均給之奏 聞謂有古名臣風金

張甫集卷十八

蘭陵草堂

華災後尚徵捐賑未全納之穀立飭停止具報上官悉免之南昌檄赴星子縣勘開王瑚隴糧艘避險形勢知隴前之洲北則德安河南則章江入湖之水暴漲冒過洲上退卽洲出隨濬隨淤難通舟楫未由避險況王瑚隴爲咽喉蓼花洲爲中腹永利橋爲尾閘腹尾皆易擁鑿隴且有傷民田報弗便時主者意頗銳調君九江終細審君言寢其役豐城水決墻入城君馳往救護得寧請更立脩墻規條屬境有飛尖船賊悉擒獲論如法厲禁顛俗銅婢溺女婢旣得不愆期更置廣生簿民生女俱小字廣生錄南安大庾囚苦心平反顏髻俱悴所至彰輝古今善惡濟源請廟

祀明末邑尉李應選罵賊死節旌萬里尋親孝子何兆祥許州脩穎考叔蔡順祠墓漢前將軍關公廟中退曹操像廊下金華表呂何王金許遺書並禮其後尤以尊崇學校興起人文爲已任鼎新夏邑黌宮各境內書院並脩葺優禮剏濂溪書院于匡廬之陰開晞賢路架濯纓橋構太極廬聖蘊殿祠奉元公以二程子配列光風霽月生意灑襟四亭于各峯之巔中建雲岑樓築師道堂首延予爲山長造須友堂奉勞餘山先師諸生至臘杪大雪猶燈火熒熒賴亦有濂溪書院院後筆峯屬僧寺買歸之輪奐一新故君歿遠近士民盡流涕君階中憲大夫分巡江西吉南贛

張甫集卷十八

蘭陵草堂

寧兼水利道攝贛關事娶王氏舉人石柱公女例封
恭人子二光益光端女一君從弟揚經紀其喪予偕
送雙槐歸君里以某年月日耐葬板橋新阡封公率
童孫凶服稽顙求誌銘非調元誰當爲君誌銘者君
篤愛予詩乃爲詩以銘之曰予生慎契托稀疎結佩
纓况復遠權勢慵親綬與章曩爲大梁客四友聯文
場磊落馬石蓮栽栽圖東張運家惟沈氏與君並徊
翔把麾金華去悵望天一方予從南岳返延之升講
堂尋恤箴兒天遠沂贛水長欸洽書帷內吟醉豐臺
傍嗚呼君逝矣送櫬還溇 維彼三君子路祭醜椒
漿申唁太公前委命于穹蒼矢願課藐孤琢玉成珪
璋誌銘落吾手泚筆涕沾裳所寶垂令名此外何所
望若谷是君室千秋固且康上從先靈遊下發昆來
祥他年天門上雲旗互飄颻訪君一晤語俯世遺糝
糠

張甫集卷十八

四 蘭陔草堂

古春沈君墓誌銘

君沈姓諱萬椿字蒼期號古春其先嘉善人遷嘉興
硯溪君祖某也君考鶴菴公妣邱太君生三子長卽
君孝友性生立心仁厚身儉約而厚施于人克以德
圭臬其鄉親志是養承歡罔弗至鶴菴公量宏達憂
人之憂君先意曲體往來助力不遺餘客來情話連
昕夕饌必精腴里中兒體寒生粟鶴菴公目憐之卽
給之絮襖後乃施寒衣以爲常女兄旣嫁慮二人苦
思之謀近居便於歸寧進菓餌必備分餉親之僕婢
終身飲食優異雖有過不加之色篤愛同氣幼服食
卽讓甘美兩弟偶出外遇風雨心輒怛怛必歸始釋
然有疾病徬徨營醫藥不幸相繼早世哀擗治喪葬
殯瘁心力以次子大璋後季弟諱萬榮撫從子如子
娶於陳終始賓敬旣喪方中年不再娶亦無侍姬人
方之王右丞却不以淨因鰥居教子嚴整汎愛相接
煦如春風語必導之以善相戒奢華謂不惟省費實
惜福歲飢衆乏食君作糠餅先自食及家人而分所
親升斗以不能徧賙爲恨時時助人沐柳下窵有謀
葬者乞吉壤於君田子之聞其孝且貧也并歸其值
某姓以冤擬大法其三子二應流徙一尚幼君憐之
與資控理得直願爲役終身君卻之而賙卹其家里
失火將及君屋君冒炎烟入捧粟主幾不免他物不

張甫集卷十八

五

蘭陔草堂

一顧饑既熄紛紛扛負還其家具其重不克舉者沉於河環守之昇之出檢點毫無遺亡蓋夙感其德爲之救護如此以太學生考授主簿歿於乾隆二十年四月初五日壽八十有一配陳孺人嘗掃墓治具君始邱太君泣下謂老病不能親上舅姑冢又自傷其親墓兵荒後子姓遠徙缺拜掃孺人卽告君謀省墓屬子孫永無廢祀勤紡織手紉所施衣助成君志雍正十一年六月初五日先君卒子三長庠生圭璋早卒次大璋出爲後次戔璋監生女二適知縣吳高增監生金廷琛孫四燾熙熊燦燾熊燦大璋出熙戔璋出熙後圭璋熊後戔璋孫女九以今歲某月日孤子等奉合葬於秀水羽字圩之原大璋及子門子女孫許字燾泣請銘銘曰

喪甫集卷十八

六

蘭陵草堂

炎氣烟燼

文學張樸堂墓誌銘

君姓張諱鏗彥字景琦樸堂其號宋橫浦先生之後南渡始祖浩然遷仁和臨平鎮之亭溪八世祖中復嘉靖壬子舉人潯州司李婚于良山莫氏遂卜居焉子一陽萬歷己卯舉人桂陽令子奇玲萬歷己酉舉人避權璫不仕子太學生驊是爲君高祖廩貢生肇祉有文譽君曾祖太學生振宗君祖也考文學國榮孝而能文妣趙孺人舉人薦詞科永嘉教諭驪淵女君生而穎悟文規先正下筆立就補校官弟子九戰秋闈不利無戚戚容熟史事旁究雜家者流罔不通曉尤精形家術試奇中脩內行舌耕養親具甘旨距考授經地遠月數省節縮束修所入葬三世十棺宗人數十塚外舅處士世俊外姑丁孺人子族父母也無子爲合葬艮山期世祀之蓋惓惓于莫氏之鬼不使餒而并祀先外家之粟主者舊矣祖塋在峻嶺或遠六十里餘老遇雨雪必躬祭掃君爲大宗雍睦而恭持義甚嚴克正族周恤三黨不少愆處世不激不隨課生徒五十載多成就盡誠導之以正最惜字跡嘗上書當途禁陶器字平居諄諄以此相勸誡教子義方務脩行明經母點庠序體故憊病三月將易簀遺令勿用浮屠終于乾隆十四年正月十六日享年六十有八娶吾族女兄子二灝庠生汶爲從弟後女

喪甫集卷十八

七

蘭陵草堂

二一適錢塘庠生朱學周一早卒灝以十六年十二月朔奉葬于臨平亭子村祖塋之次予以親知嘗接

君溫溫德光照顏義當銘銘曰

吾族父雲昇公睇艮山馬鬣封塋墓表涕沾胸厚所厚風義崇爲君銘納幽宮天可必興厥宗

張甫集卷十八

八

蘭陔草堂

湯府君廩貢生滌齋墓誌銘

湯府君諱之暄字亮宇號滌齋始祖諱寬曾祖諱祖契祖文正公諱斌先系載文正公弟繡甫傳中文正公起家進士復登大科歷官工部尚書祀名宦賢良祠膺上謚以理學事功炳彪海內學者斗山尊之考行四歲貢生諱準生子三公居少性孝友肩世家典禮罔闕遺胸次灑落娛詩文以終老色養二人克承厥歡侍父疾日夜不離寢舍喪盡哀禮伯氏早世卿悲經庶務不以之累仲氏撫兄子如子仲氏耽醉吟慵治生海歷儉歲俾不匱衣食與篤情好無間言女兄適蔣氏與伯仲分地三頃膳之歲奉其租他日用

張甫集卷十八

九

蘭陔草堂

物咸備廿年如一日雨自出成立始歸其業比乃訝徭役之頻蓋曩代爲理初不知之也曾祖妣趙恭人祠節烈文正公祠賢良捐貲累百次第完治棖榘于病中趣成之營祀田修邱隴支供往來達官謁奠悉謀于族衆置田如干文正公遺書板漫漶獨謀重梓之聞方公望溪錄文正公佚事以謂南中紀載頗多湯氏子姓宜蒐訪遂矢南遊編纂適歲饑且病未果居恒接人和煦遇義所當爲輒毅然直前族有藐孤爲家奴所欺勃然合族人直之于官有羣從夫婦繼歿子幼宵小覬覦爲區畫命某撫其孤得帖然丁丑夏仲氏疾亟公夜起步蹉跌傷首遂中風及聞歿痛

不克往視殮槥牀大慟命子往襄理周身具還報復
長號不已有句云地下雙親如問訊道暄指日侍真
塗遂不起乾隆二十有二年七月二十日也享年五
十有六以食餼爲明經早謝省門不踏宅後有臨漪
園爲厥考舊墅時加葺不令蕪廢疊山濬池雜蒔花
竹構精廬數椽課子孫絃誦其中春秋佳日興到啜
然而吟下上今古以據其磊砢之懷著咏古詩一冊
國朝見聞錄二十卷方寸不撓聲利易簪前一夕口
不能言索紙作書惓惓以祠宇墓田神道碑遺書爲
念遺令顧羣從姑表娶袁孺人太學候選州同諱璜
女子二長拔貢生揀選直隸州判珂次瑞女二一適
蔣庸一許字孟某孫三續高顯高念高今卜某年月
日葬于城東之新阡孤子珂以調元有世好凶服來
乞銘爰按狀書之銘曰
孝乎孝友于兄結念篤所生遄追及九京節烈文正
光埏閔丹楹戕戕蟲紫冥逍遙臨漪謝浮榮欲考德
視茲銘

張甫集卷十八

十一

蘭陵草堂

進士知縣改敘授分嶽周君墓誌銘

君姓周諱守一字季和分嶽其字先世淮南人明初
遷萊陽高祖諱伯達進士官巡撫祀於鄉曾祖諱世
祐蔭侍衛祖諱止庠生早卒祖母趙太君苦節旌表
本生祖諱正進士浦城知縣著有取此居詩古文集
父諱星顯浦城公第三子歲貢生中年鰥居力學不
遇著四書東軒精纂生二子君其次也生而孝友居
母喪哀毀柴立率婦事祖母奉父並善承志意父以
居內憂哀痛成疾侍藥餌七年如一日卒與兄盡哀
禮性沉默攻苦紹家學試輒冠其曹辛酉學使按臨
七試古今學俱冠十邑遂拔貢甲子舉京兆進成進
士徐謁選得蜀之南部令路經梁晉秦隴周觀戰耕
屯牧險要吟弔興衰故跡過落鳳坡酹龐士元墓賦
詩蜀人及行旅騷士萬舌傳之旣之任地交秦蜀犬
牙彈丸一城着亂山中井絡稀闊距市鎮遠者墟里
類不過三五戶俗呼盜爲啣嚙時縱橫出沒君躬履
郊野練鄉勇實心編保甲村置一鼓一鼓鳴群鼓應
攢簇遮邏啣嚙望風遁歲卻鹽井陋規千餘金示永
禁絕日坐堂皇斷讞必以情夜檢案牘斗插屋甍不
休立社倉勸種樹災賑親勘戶口飢羸蒙實惠閭寒
暑者再無匱旬宴坐署廨時吏治尚強悍多交結武
弁武弁者蜀所謂海查也草履縻纏黨連莠民告密

張甫集卷十八

十一

蘭陵草堂

要路變亂黑白君廉得一武弁奸發摘罷之衆海查
側目欲中以奇禍不得罇蜚語四騰卒最強悍而殿
循良改授濟南府教授不得盡其用顧擁寒璫教士
以敦品勵學監潔源書院英雋從風鍵戶勤脩故負
文名自未第及需次時里居寓邸所在名公卿延設
講席謝銅章淹滯川中長官爭邀致至是濟南名士
不遠五六百里負笈景從獲雋者指不勝僂平生受
當路禮聘商訂文藝無一語及私歸然舊德之望也
嘗慨然語高才生曰茲吾少時舊遊地憶與朱景韓
曾南村李秋崖諸公握管追逐謂磨礪奮發當不似
今日爾也比意氣都消素髮參參重與諸君作文字

慶甫集卷十八

十一

蘭陵草堂

緣世味真如嚼蠟予來濫席闡明勞餘山先生實學
君叩生死義子舉先生遺書示之曰人之死大聖賢
精氣渾合于日星河岳助兩大生成忠孝節義一節
克立分麗四時之氣歷久不滅常人無以自存則漸
微漸泯強梁負屈者能爲厲不能久也君病甚予就
問以未能揚先德悽傷予解以時命且言晝夜之理
乃起謝曰吾今願爲餘山門弟子矣易簣時神氣清
朗洒然而終乾隆辛巳八月二十九日也享年五十
有八所著詩古文辭如千卷藏于家娶張孺人庠生
諱鏈重女子三勤家廩生勵家庠生勛家太學生女
二孫七孫女九以某月日葬于某原預自誌墓碣末

系以歌曰土花兮碎縷耿漆燈兮悄獨苦漏盡兮聲
鐘不復爲人兮踽踽寒食過兮野棠開家人歸去兮
紙灰舞留恨石其嶙峋兮天蒼茫而無語諸孤以誌
銘請卽用其韻而銘之曰

纂紉文章窮脉縷哺乳嬰赤祛疾苦古道蕝蔡行畏
踽青鸞引歸刑天舞天門訣蕩萃古賢往搖玉佩與
歎語

慶甫集卷十八

三

蘭陵草堂

張甫集卷十九

錢塘桑調元

誌銘

張君墓誌銘

君張姓諱懋賞字士政其先休寧人考諱某遷於海鹽之賁湖生君始四歲病革語君妣程孺人曰吾家世居休寧祖宗墳墓在焉我死子幸有成當歸葬我於休寧吾志也程孺人以孱髮哺襁褓之孤僑寓零丁撫且教甚篤而有方君少讀書強記誦志意卓犖不事章句性至孝以少孤弗克事考常就母問考平生動作狀及摩挲故物皆飲泣依依母膝下四十餘

張甫集卷十九

蘭陔草堂

年盡色養藹慕如嬰兒垂髫時聞母之述考治命志歸葬於休寧也仰抱母而哭母亦撫之哭俱失聲既長日夜謀歸葬顧以力絀不克舉則默自椎痛中夜起坐枕函襟袂盡溼喪母後又七年始克如先志卜兆於休寧之汪塘山君時抱疾狼狽扶柩往至則憊瘁已死死一日復甦乃克成葬先墓無遠近咸識之以石尋遷秀水占籍焉先世皆不仕君亦淡榮進名在太學所親監河工勸之仕不應教子讀書立行語不及富貴利達好施予視人急猶己中痰不能語以指就衾畫厚字示子卒年七十有六娶於程贈光祿諱某女繼室汪諱某女後君一年卒子天麟太學生

將以某年月日葬於某原而乞予爲之銘予嘗主君家識君君子也顏和而語肫不可以不銘銘曰君之考死而戀祖宗之邱墳也君之妣茹荼撫孤而式於笄裙也治中饋以待師友者君之嬪而子有文也然則樂而藏斯而人倫無憾者君乎

張甫集卷十九

二

蘭陔草堂

故鄧州學訓導金山書院山長宋君墓誌銘

君姓宋諱鑰西五字其先山西洪洞人遷祥符爲始祖者大公也六傳至對廷有隱德生增廣生諱燮君祖考也以次子鑄貴贈奉直大夫旌孝崇祀諱豐君考也妣白太君贈宜人君幼端重奉直親課諸子君共學友愛無間弱冠入郡庠冠其曹旋食餼奉直性方嚴能曲意承歡侍病數月殫勞瘁居喪致毀不以貧儉其親卜葬必誠必信事母亦如之母就祿養於粵春秋高躬迎之歸從母寡而無依養生送死盡恩禮立季祭會以合族賑恤貧乏片言解紛穹然樹鄉望以明經筮仕鄧州訓導麾鄭生之獄貨脫靳生非

張甫集卷十九

三

蘭陔草堂

辜之文網奉檄築刁嚴二河隄胥吏不能因緣爲姦不私美金康熙間學正段維宸張垓後先捐俸修學宮君繼之州人士臚其事於石君訓士嚴兼主講金山書院士憚之漸涵久而翕然悅從依依不忍去自師道不立家塾黨庠術序國學師弟子相習於媿壤棄規檢母論明經修行茫然不知置力卽區區佔畢亦罔尺度可觀下至責贅修逐遊讌樂羣敬業之風滋渺矣君獨以嚴顏正論相爲鏤礪律已潔白約髦士於準繩真意盎流俾處則圭璧自愛敦厚風俗出則發攄其所蓄以利澤於時而收實用惜乎小用之而澤莫之究也然風聲鼓動自一州以至寰宇苟盡

如君之飭厲英才何患不育儒風何患不蒸蒸日上哉尋以病乞休屏居郊墅乾隆庚午三月二十八日卒享年六十有七所著詩有乙未續稿一卷藏於家配王孺人前工部侍郎贈尙書諱某曾孫女太學生諱无尤女謹言笑却紛華操家勤而事尊嫜以孝先君卒子一丁奇需次教諭女四孫三孫女二將以某月日合葬於某原丁奇介族父某持狀來泣求予銘而鄧州士有哭拜總帷謂分師弟而恩父子者嗚呼可以銘矣銘曰

教維嚴師儒官師以親學以安賓賓學子淚洟瀾我爲此銘名不刊

張甫集卷十九

四

蘭陔草堂

庶吉士李君參梁墓誌銘

君姓李諱薛字參梁夏邑人其先籍山西洪洞遷是邑自諱宗賢始數傳至諱邦禎發窖金助堤工以次子孝廉諱汝先贈知縣季子孝廉諱汝健子策奇亦孝廉散賑八百石予爲之傳子六次諱若裕是爲君祖世稱孝友先生者也子諱應輝爲君考贈如君官子三君居長生時故開封郡守薛諧孟入君祖夢故以之名字君性絕敏少就傳歸君祖問所讀書曰三十而立問何謂立應聲曰如山之不可動搖君祖奇之曰此子異日當卓然特立也讀書不出戶限二十餘年穿穴經史篤愛朱子語類近思錄等書揭古箴

張甫集卷十九

五

蘭陰書堂

於座右好成就後學娓娓講論不倦貧不能從師者引至家飲食教誨之事親至孝伺動靜起居恂謹如穉子父素患痰臘月疾亟氣上逆不能言伸大小指衆莫喻君泣曰是爲伯姊孀季弟幼也考遂目瞑哀至輒從者三年盡以良田美宅予幼弟延明師教督之入泮立孀姊嗣取其女室長子其家多紛難力排解之君考矢志不入公庭少年被牽官事縣尹李君旗人鞠君不至不窮詰事以寢君考德之欲詣謝弗得隔數十年君卒訪謝之君考念家乘未脩君協脩成乞長洲韓文懿公序簡端爲文直抒性靈自成一

家則所著古今文藏於家康熙庚午鄉舉魁其經庚

張甫集卷十九

六

蘭陰書堂

辰成進士改庶吉士闔戶不事交接習國書講求經濟究史策務不負秀才時志願居日下頻遞家問悻縈夢寐聞母患創會歲終鎖印不及請急遂棄官跟踰歸憂鬱成疾癸未正月二十一日先母氏月餘卒得年四十有七吏議私歸罪掌院韓公以孝思情急入奏 仁皇帝詔弗問娶傳孺人永城庠生諱培初女子三誥監生已卒詩拔貢生講廩生女一適永城監生喬欽孫秉鈞秉父秉哲秉銓秉鑑樹楷樹條樹庸樹穀九人秉鈞樹庸樹穀並庠生樹楷秉哲並監生孫女六人曾孫六人曾孫女八人至是距君歿五十年矣孺人當連遭大故時喪盡哀禮體恤君幼弟及君幼女弟克終君志君考妣遲下窆窆遺令欲得贈典乃以禮葬卒援例遂厥志封若堂焉孺人父母亦置林地十六畝永承祀收撫族女營嫁恤飢年老嫗予之衣售地者以祖塋在上還其券不責值歿於乾隆丙辰年五月三十日壽七十有七君與孺人贈封如例于乾隆十九年某月日子若孫奉合葬於黃家漫祖塋之次講與樹庸及子門以狀來泣求銘銘曰

急省母疾未及請棄官馳歸出至性特免吏議 陛下聖君學懋遼尚書孝孚孝君陳如弟友于妻刑于終膺 綸封光元廬銘深刻石不泐

武鄉縣知縣學山李君墓誌銘

夏邑李氏多及子門者乃持武鄉令學山君行述乞予銘遂不復辭按狀君諱援字方謀號學山始祖宗賢自山西洪洞遷夏邑數傳至邦禎邦禎生孝廉汝健汝健生孝廉策奇行誼見予所作策奇傳中策奇生孝廉可秩學行聞鄉邦有芒山堂集行世君祖也歲貢生翺贈如君官君考也子三人君行二秉質穎異具卓識弱冠爲諸生高等食餼屢躋場屋乃就教論臨漳士風一振畢母喪以急公授江西上高令厲清操子視黎庶三載政成當報最丁外艱服闋補山西武鄉武鄉僻處岩隩素稱難治君課農桑興學校煦民如家人父子賞罰明信俗用丕變城南瀕漳河當孔道夏秋水暴漲多淹溺乃急捐俸築橋亘數百丈患以寧至今人呼李公橋奸民張成魁仇監生李繁芝夜刃其兄金魁移屍繁芝門結詭証構繁芝君鞫繁芝恂謹不類兇人疑有寃成魁肆橫若銜極冤狀君精心簡孚得實成魁懾服駭汗呼天理昭昭對神君不敢匿置諸法萬舌稱快攝沁邑脩常平倉厥例苛派私潤囊橐君捐貲爲之一無擾累地丁耗羨例加徵十之三君屏除之沁人父母戴君官山右十餘載旁邑碑惠政于口性孝友官臨漳聞母彭太君疾立假歸省奉湯藥後聞訃見星奔號慟不欲生上

張甫集卷十九

七

蘭陔草堂

高凶問至哀毀如喪母時終身以失奉二親舍飯爲恨析產獨取瘠薄賙貧乏恤姻黨汲汲爲善若不及君生于順治戊戌四月五日卒于康熙辛丑十月十九日壽六十四娶孺人牛氏孝廉玘女逮事君舅君姑盡婦道賓祭祭惟謹撫藐孤盡力生順治己亥四月二日卒于乾隆辛酉九月二十三日壽八十三子二長仁監生次人鳳側室呂氏出監生繼卒女一適歲貢生孟璠孫二日暉日鬯仁將以某月日奉君與孺人柩葬于某原銘曰

世不古若民相賊茂宰辭聽參以色鞫得其實殘口塞刺兄嫁禍常憲殛脂膏不潤簋簠飭長虹跨岸漂沒息漳河行子誦遺德銘照幽宮光不蝕

張甫集卷十九

八

蘭陔草堂

故龍川知縣盛君墓誌銘

君姓盛諱熙祚字晴谷宋名臣文肅公諱度之後五傳司諫諱瑄南渡居錢塘又四傳爲元制置使諱天祐子諱轅贅朱張雙姓遷嘉禾又八世至贈承德郎諱洪生進士東昌守諱周東昌孫進士臬使諱萬年臬使曾孫進士官桂陽諱民譽君祖也舉人安吉學正諱楓君考也生子八人君行三考病學解君與伯兄侍牀簀日夜撫雙姓目不交睫半月彌留受遺令雖伯兄爲家督奉繼母撫教諸弟少者生爲遺腹搢持拮据君實任之尋詣京師館貴游所出入南北文特瑰奇而試不利元配朱孺人歿續婚於故少司

張甫集卷十九

九

蘭陵草堂

寇馮公公方令長安際西北用兵軍需旁午賴君若左右手寄籍商南補校官弟子食餼例改歸乃捐貢籍嘉興馮公遷牧膠州欲爲君捐教職固辭不得袖其貲入試而卒返之會馮公緣長安里誤君經營南北備至獲開復授廬州知府時例得薦一人任州縣公遂以君名聞雍正六年秋引見天語嘉獎試用粵東署靈山令盡塞利竇海疆鹽多私販祇取足銷官引不爭羨錢民甚德之移吳川君以先人於明神宗時立監司勦倭功祀於電白之迎恩街欣往拜祠下其祠在邑內者重新之聽訟曲論以情理公事一無累民邑大治題龍川俗健訟嚴禁食斷腸草之嫁

禍者建尊經閣實以載籍置祭器樂器文教蔚興修

縣志舊吳川志久失脩併攜輯成完書以勞勩病氣

上逆聲亟喘不絕兩目上視筋虹起旬餘獲差起視

事滯案一清顧頻已頻作卧理之獨檢驗不憚深山

窮谷風雨寒暑必親往精力素強染痼久肌肉盡削

遂乞休瀕行士民截鐙相屬馮公林居及歿養葬厚

分清俸贍給兄弟子姪完婚娶屬絃誦贖舊宅使骨

月團居遍賙親友而分子田宅不令贏餘歸養病數

載以哭伯兄疾轉劇迨至不起終於乾隆十七年八

月得年若干妣吳太君繼鍾太君元配司訓朱公女

繼少司寇馮公女並贈封如例子三百一增廣生百

張甫集卷十九

十

蘭陵草堂

朋監生百二庠生女四人孫十二人女孫七人先是卜吉於南榮先塋之旁葬其元配今其孤以某年月日奉君合葬焉狀來乞予銘

銘曰予始交君自神京由君妻弟朱嵩齡僑寓天壇

倚油櫺三人聚影燈青熒並試太學趨鈴闥崇文城

門晚愁眉相扶沙路看昏星交憐迤賤澆湘醺卅年

飄散風中萍平泉靈旂裊青冥昨哭裴島風淒冷君

黯卧痾在軒屏捉手生訣清涕零驚呀惡耗汩上聆

又弱一箇無延停我今疋存支離形詠蕩蕩思追颺

耕東天荒忽雨羣靈比秣陵書書此銘

運判夢塘席君墓誌銘

君姓席諱襄字成叔號夢塘其先河南人系出唐禮部尚書文襄公諱豫徙吳之洞庭東山自唐武衛將軍諱溫始也至有明中含晉階僕少諱本楨是爲君曾祖諱啓寓官虞部者君祖也諱前席需次中含者君考也中含與其兄師當湖陸清獻公板其遺書傳世行遠承學唯謹以仲子按察副使貴贈兩代如其官祖妣吳氏妣徐氏俱贈恭人生三子幼者君生而明慧七歲失怙哀若成人自少能肇窠書運帚于地如舞渾脫爲文日進以待母之兄官舍僕僕南北廢舉業居內憂偕治喪葬哀禮交盡初卜築城西以邱

張甫集卷十九

十一

婁樂幽居遂推讓而就曹溪別業因先世所遺老宅增葺之乃籍青浦循例謁選人得分司鹽驛于浙上官咸器重之攝令湯溪峻卻商戶贊規邑行餅鑑必鎔以輸官胥匠朋比爲奸君任民便自封投匭辦萬年吉木倍蓰于他邑邇裏糧入山厚其值而事早集上官滋以爲能山邑無陂澤遇暴漲輒漂沒不雨卽涸時值恒暘君步禱甘霖四沛其已成災力請蠲是秋又苦雨上游水溢橫刷金嚴桐廬尤甚而湯溪亦困乃亟按行請恤不輪載于新令仍協辦賑罔有濫遺去之日截鐙于道有泣下者賑桐廬復煩君行躬勘戶口均給精敏無匹補運副凡二十一場銷引

張甫集卷十九

十一

歲以數十萬計釐剔朗朗頻繁監掣陳巖要數十條兼攝泉局前後上官信任彌篤適前中丞挂吏議牽連鹽道及兩分司去官君飄然解組歸構舍于後圃招賓親落成歌呼自得有句云峰則有九徑則有三遇花而賞命酒輒酣先是嘗偕羣從遨游湖上西墅起樓數楹醉吟烟月蕭洒徜徉其素性然也事從父如父友愛諸昆脫數千金與之如芥青浦飢出五百金煮粥利濟人汲汲如不及歿于乾隆丙子十月有二月七日享年五十有二任分司杭寧紹溫台運副娶顧氏庶常秀野孫女候選州同知黃察女和敬如賓子一紹容候選部員外郎加三級君階奉直大夫配例封宜人以子階當晉贈如其官女二孫二君宦于浙命子及子門有知舊今孤以某年月日奉葬于某原衰經稽顙請銘銘曰磨龍賓策海王偕我寇君活羸庭攀轅有圖遺愛長宅此幽墟雲來以昌

太學生葉君宜臣墓誌銘

君諱啟憲字宜臣葉姓宋石林公諱夢得之後先世自新安遷居洞庭東山世爲東山豪族七世祖心川有文名勝代貳鄉榜卒不達曾祖景瑞妣周氏祖長吉早歲不祿妣朱氏守志相繼歿考國宏生六齡失怙育于祖父母孝聲聞戚黨嘗客六合買一婢詢知爲前令女不責其資而遽歸之時高令榜其楣曰義薄雲天者也妣沈氏生子三長卽君幼端重篤于所生克先意承志長化居華亭竭力供甘旨歸侍寢門有常期依依膝下不忍別年逾強仕狀若孺子宅外內憂毀瘠見骨扶桐竹起幾不勝喪忌日嗚咽如初

張甫集卷十九

三

蘭陵草堂

奉諱尋常與親友道故及考妣軼事輒涕洟滿面管窺竅必誠必信傾貲盡所得爲自以爲兩親棄養人子所得殫心力惟此而已族父某業饒于杭負國帑累千君故相左右人危其波及趣令急去之君獨慷慨區畫代償千金有仇其族父者義其所爲聘之經理饕務啖以利毅然不往持已以正而謙以接人家庭嗃嗃課子雒誦甚嚴子錦從吾游學不令一日廢見其列膠庠曰一衿何足言喜能承先志也心極隆師吾嘗接之色煦而意肫吾亟呼爲長者君名在太學乾隆癸酉正月二十有六日卒壽七十有一配陸氏先君卒子三長如鑒繼歿次如鏡監生次錦庠

生孫二以乾隆癸酉五月十有一日葬于白浮山孤子泣請予銘予夙重君其奚辭銘曰
佑其業儒其行孝于親根厥性義形于色獨也正勒吾文券餘慶

張甫集卷十九

十四

蘭陵草堂

海鹽錢君孺人朱氏墓誌銘

禾之士錢載遭其母夫人之喪泣踵門稽顙乞予爲之銘曰不孝載生六歲而生母下世方兩歲時卽育於母之懷及失生母父方遠遊留京師六年門戶惟母是撝弟妹並幼撫之均一家故食貧母以儉勤精心代園日用無由饒而未嘗輒至於紕母歸吾父數年卽連居姑舅之喪哀毀得疾自是不能有身爲疊置側室恩意周逮值家緒糾紛佐吾父却漂搖之風雨完故家之牖戶同心單勉外內以寧同居娣姒兩早寡離肅無間爲助理嫁娶諸兒無常母母之舅氏倪居圩滙無子愛女甥特甚村廬竹木駢羅桑麻蔚

張甫集卷十九

五

蘭蔭草堂

蔭母嘗喜居之歲時躬親祀事必豐必潔吾高祖孚於公以諸生疏魏忠賢十大罪唐藩稱制擢爲御史所遺綠紗豸袍及犀簪一居恒展視最後昆以忠孝棄養之日箱篋無長物惟存此而已載年已長每讀誦至宵分茗未嘗不溫果餌未嘗不具備也言已聲嗚嗚涕雨下予乃喟然曰信矣夫母之慈且賢也於子之戚徵之矣遂書之孺人姓朱氏系出新安入籍於禾祖昌來以子振貴封文林郎舉鄉飲大賓壽終大耋列郡志考拔太學生妣倪太君孺人年十七歸全邑太學生錢价無所出子三載副榜側室陸氏出莊星女二側室丁氏出孫四壽六十有三卒於乾隆

辛酉年某月日以次年某月日葬於永安湖祖塋之西洲航山麓先是太學君以先塋丙舍山水可樂語孺人百年後當同穴於此今遂并營生壙側室陸氏耐焉陸氏卒於康熙癸巳年得年二十有八生子載不爲無年矣銘曰
登高邱望遠海樂哉藏斯無有後悔先可依姬可隨夫也規之願弗違有子而才爾熾其宜

張甫集卷十九

六

蘭蔭草堂

張甫集卷二十

錢塘桑調元

墓表

族父雲昇公墓表

公諱世俊字雲昇吾家遠祖唐御帶公籍餘姚苗裔世爲餘姚人公曾祖岐娶於汪繼室某子大鳳娶於褚生子五心華心懷心還心誠心泉心還娶於沈生子四長卽公也次子龍如球百勝公六歲出就外傳能兼誦家塾所授書旣長家赤貧年二十七喪父盡哀禮時藪澤寇出沒慎游寓愛西湖山水僑居於杭夙精醫求母弗往不責報報亦不却顧獨工削履棺

張甫集卷二十

蘭陵草堂

對客操斤閎敏立就神氣恬然就購特昂其直信手推予親識不錙銖蓄而養母長得豐腴有欲學其技者曰始吾爲斯棺也手木而心尺咫之至於再至於三熟視旣得矣急揮斤追之猶人而弗天也爲之三年神始凝以棺遇木木迎吾斤而棺成吾弗知其所以然學者終細故人潘君客死台州過奔往免而扶輓歸泣曰是無子無親戚吾喪主也窆之於其鄉御帶公功德被民爲水神所在祠禱杭之寶石山陽祠久將圯聞於守土者新之遂以公奉祠春秋執事有恪灼然玉舉於賢裔中年六十五丁母憂爲孺子慕娶丁孺人歸安宇三公女無子先卒一女適仁和諸

生張鏗彥度所後無可意者慨然曰吾祖吾父繩繩有後吾可弗後生於順治癸巳年九月五日卒於雍正丁未年九月二十四日壽七十有五丁孺人順治乙未年七月二十四日生雍正癸卯年十月十五日卒壽六十有九女夫於乾隆戊午八月二十六日奉柩合葬於艮山之北麓鄰張氏之阡將世祀之懼久而湮也外孫諸生灝狀其行請調元爲之表噫其胡可以弗表

張甫集卷二十

二

蘭陵草堂

族子調元曰公與吾先贈公全出燭溪派全以醫濟人全寓於杭調元自童時見兩翁聚首挑燈作餘姚鄉音或望雲樹涕交下不知其所以也問於先太宜人太宜人色黯曰欲歸依餘姚先塋不得也先贈公旣歸葬餘姚而公坏土留於此潛采弗彰百世下誰知有公者故著公世次生卒特詳其孝義舊人多能道之而托跡於技無心而不可與謀公何人哉

增貢生湯公容齋墓表

公姓湯諱之昉字晴嵐容齋其號睢州人文正公潛庵之孫副榜封朝議大夫渭厓公諱瘡之子母袁恭人先世詳文正公弟繡甫傳中朝議公生八子公行四生而端重質稍魯故學彌確誦習終身不忘入州庠補增廣生朝議公年高公兄弟或遠宦或卒或幼慨然綜家政承歡堂上撫諸子恤孤寡一身肩之援例貢成均無意仕進事親盡色養疾營醫藥至廢寢食伯兄孟升公清宦京師餉遺相屬姊氏早寡倍友恤洽比親族初終如一調匱之無吝無德色友人胡文學貧老而卒餽贈弔賻有加從子卒方卧病家人

張甫集卷二十

三

蘭陰堂

秘弗聞偵知之鳴泣枕上不止性和而介當途聞其名爭式廬未嘗一干謁時片言解人紛不稍涉利鄉望益峻嘗以祖訓督子弟學曰少年宜苦苦則志定志定將來不失足毋濫交專親詩書近老成縱質庸未克大成亦可收放心免大過惡其篤守文正家規如此宅朝議公憂誠信治殮葬竭盡哀禮會雁行相繼徂謝子婦及從子先後短折十餘年間九遭凶戚殫瘁心力形神並凋乾隆十一年三月朔卒享年五十有五娶劉孺人州同諱如翰公女逮事君舅君姑烹飪必躬親以孝謹聞撫嫁從女子子如已出韓僕婦婚三日而其夫遠出十餘年不歸引置左右矜惜

得所疊經哀悼勞苦佐外庭擘畫公歿之明年二月

十有二日克葬於林家店之新阡後六十日孺人遂卒蓋四月十三日也享年六十子五長雲祥次雲讓甲子舉人後伯兄次雲錦先公卒次雲程雲翼孫男五過巡遷雲祥出适遵雲讓出孫女二以是年十月四日合葬焉嗚呼士夫著見以功業文章相高而內行或忽為平近當庭幃幃衰老晨昏喘息動須扶持伺察入微支庶繁而用廣摺持疾病死喪俱賴曲至中禮以罔有唏悔此非性情摯而才識贍內外同心至死黽勉未易周浹倫理代匱無缺遺也公伯兄為調元庚子座主辛丑過公里拜朝議公及公於堂肆筵甚盛意有他客私緝御知為特設蓋調元實與朝議公俱副榜故禮數優異此足徵養志之一端也夫聖賢大道寓諸庸爰按狀表而出之以謂無忝理學後昆不信然乎

張甫集卷二十

四

蘭陰堂

崇信縣知縣王府君墓表

古期喪皆得去官持服賈逵以祖父戴封以伯父韋義楊仁以兄譙元以弟陳重以姊輕組綬而重喪服具得以伸其哀明洪武定承重祖父母丁憂之制皇朝乾隆詔令遇本生親喪得離任持其所降服所以教天下以孝曲體人子之哀思俾風俗駸駸復古民德歸厚也十七年河南武陟令王君肯穀以本生父梅川府君憂去官服喪服稽顙乞予文以表墓予於君爲同年友君以爲人後不得持三年喪貌黝然哀毀義不可以辭按狀府君諱承曾字嗣徽梅川其號系出太原由茂陵遷醴泉副康熙甲午鄉榜雍正

張甫集卷二十

五

蘭陵草堂

甲辰舉於鄉丁未以會試明通榜授岐山教諭六年考最中丞碩公薦升甘肅崇信令乾隆丙寅攝高平甲子爲皇蘭武闈參詳官戊辰以疾致仕今年七月九日終於籍享年六十有七文思夙敏瞻所著有克己集蠡測集遊洪堰小草三龍集芮谷集藏於家其令崇信也地故瘠民貧且愚男女不知耕織乃規度城北汭河夾岸可營水田捐工勸墾開引水渠灌稻畦百頃餘歲收豐稔又刻紡織圖說製百紡車散民間教之婦功民衣食以饒初居民市瓜蔬率遠走得之涇州平涼吉貝之布值等絛帛不兩年諸物充牣他邑且駢集趁虛雜樹陰濃蔚然映城垆廬舍嚴保

甲境內廐不夜吹禮教聿興絃誦之聲戶接進膠庠士導以脩行明經口洮洮不倦如司教岐山如家居爲文社師如爲邑書院山長時士風大振崇信歲歉代輸民賦千金衆歡呼且雨泣聽事必摠誠感動訟以平攝高平亦如之中間中丞黃公特列薦牘格不行總制尹公特器重謂可御史未及薦移節去上官同寮交口稱碩人長德鄰境涇州靈臺被波潤躋堂頌祝謝政後數年舊民猶自其邑詣門羅拜對涕洟戀戀若赤子慈母之不忍捨嗚呼此豈可倖而得之與曾祖諱九牧前明進士官曲沃令祖諱廕啓考諱孫璋諸生妣張氏官教諭時得馳贈娶汪氏以肯穀

張甫集卷二十

六

蘭陵草堂

前令臨漳得封如本階子三長卽肯穀出爲後癸丑進士官縣令次肯構監生早卒次肯獲監生女一孫一孫女四肯穀所後祖考諱孫璋三娶元配張氏繼李氏繼劉氏劉太君年十九而寡無可後待十餘年而肯穀生撫爲嗣孫得天旌五世祖妣閭太君祖妣張太君並守苦節得旌載省邑誌人呼王氏三世貞節云曲沃公釋賈大司馬漢復爲諸生時冤獄官軍聞警圍醴泉公縋城見大帥辨白賈大司馬亦疏救一城民賴以全闔賊入關不污僞命被榜掠索餉尋知公清介義釋之其家世濟美有自來矣夫爲善無不報貞節之後忠孝之門率多光昌府君爲吏開

衣食之源大興教化厥功懋焉肯穀仕遵治譜闡養堂迎事於鄴之治所居喪不以降服減悲哀於以見府君之光裕特隆事皆足以爲俗之勸也乃表於某原之阡使觀者興起焉

張甫集卷二十

七

蘭陔草堂

萬文學蓮村墓表

文學萬蓮村葬有年矣予爲濂溪書院山長見其子朝紀有勞于書院前太守董使君榕顏其楣曰功在二賢者也予心遽之則斂容却立曰先君菑畬于是小子敢不終畝遂肅衣冠拜泣然求表其考之墓子不忍辭按狀君姓萬氏諱方傑字元鄭別字蓮村德安籍居德化先世進士官左布政諱衣以忠直幹濟著子孝廉官監司諱嗣達忤魏忠賢者君高祖也特恩賜進士官繕部諱堯一者君曾祖也祖諱邦敦父諱映彩皆諸生君生而穎敏工文試學使未午納卷卽入泮旋食餼早喪母事父以孝聞撫母弟方順研經一室怡怡如也好施予恢復祭產豪強避跡先人遺聽瀑軒君復肯構晴雲宿檐雪流繞戶名花文石與圖書參列故家喬木蔚蔚溪橋間延從兄方英教族之佳子弟築讀書精舍資以膏火及他姓髦秀多所成就方英歿藐孤朝銓稚而零丁視如己子卒成立爲諸生從弟方筠彌留託以二子撫教亦如之其勤勤于家塾樂成人美如是夫周急恤孤慷慨好義者類能之獨心乎引掖絃誦俾賓賓媚學子燦列書林繼芸香于奕葉扇毫素于芳隣其風徽不可沫也用書之以爲表

張甫集卷二十

八

蘭陔草堂

主事橡村朱府君墓表

朱府君諱細子青其字別號橡村歷城人考諱弘祚舉人仕至總督閩浙兵部右侍郎諱美先其祖也諱仲卿其曾祖也諱志高其高祖也三世祖妣及妣俱贈封加例娶王安人側室李孺人子四崇勳崇道崇典崇禧女三平生淡榮進循例授主事如相如之爲郎非所好也優游里居未入官卒於康熙庚戌五月初七日得年僅三十有八康熙丁亥十月二十有九日葬于府東鳳凰山之塋配祔有年矣今孫曾甚盛予來主灤源書院孫彤從予遊乞表其祖墓遂書焉橡村生負雋才經史罔不佃漁旁及天官壬遁恢恢

灤甫集卷二十

九 蘭陔草堂

有餘力獨等閒視科舉文專致力聲詩從開府嶺南時宗鉅公竹垞相與切劘酬唱歸歷下升阮亭王公之庭撰述皆公爲之序性純孝侍兩親寢門盡子職考分督河工薨逝見星而奔扶輓歸尋奉妣諱永州駕部兩弟俱遠宦獨瘁于湯藥旣克葬適成疾不起先是築雲根清壑之堂楓香之閣花木扶疎簾櫳幽靚四方名士屢交趾錯譙會賡吟無虛日阮亭以謂金粟道人玉山雅集後三百年來無此樂諒哉予習見豪華貴胄霜履蹢躅從事聲色狗馬固不足齒卽築琴臺營棋墅品法書名繪自矜高雅亦未遽得爲清士若此天才洋溢流連六詩三筆又虛心是正于

名公卓然成名山之業所刻嶺南草楓香集吳船書屋及雲根清壑山房觀稼樓諸詩大都扇明人流風特以韵勝苟加之年盡抒其雄駿何難與邊李相馳騁後先今持是亦聲光不可磨泯爛煤破楮燦燦鵲華間雖名位不稱其涵負于大雅之林復奚憾况性情敦厚上溯十九三百之本原乎彤舉于鄉漸繼先祖父業微特公侯之必復其始用表諸阡俾騷壇艷稱焉惜乎吾不及與敦盤之會含毫吟嘯於其間也

灤甫集卷二十

十 蘭陔草堂

行狀

餘山先生行狀

先生姓勞諱史字麟書學者稱餘山先生餘姚人世居海濱之勞家埭曾祖見山公諱伯龍祖起虞公諱儀鳳父元贊公諱弘毅俱耕讀不仕母陳孺人先生生而端凝不與羣兒伍容貌魁碩秀眉廣額光氣煜然照人既就傳讀經書塾師刪其注以已意默誦遇難字翻字書切究家貧歲儉早出家塾躬耕養二親盡誠奉事至壽終羣稱篤行居常夕荷鋤歸輒展卷

張甫集卷二十一

蘭陔草堂

至夜分不倦或謂其將應舉耶元贊公曰讀書窮理自正務詎必科名嘗就塾倚戶外竊聽聞說經義至克治身心敦飭倫常語疎然動容及參論行文佻巧法俾曲就題目頭屢掉去塾師偵知之召問故曰文以發揮聖賢之理此恐本意無之且當年創始作經義不應有此繩尺羣睨顧嗟異年十七反復朱子大學中庸序嘆人心之波流傷異端之簧鼓慨然立志爲真儒以斯道爲己任一意發必勘辨公私舉動纖悉必求納乎禮奮勇力行若致命赴敵場人有以道學目笑之者愀然曰顧不能力進乎是爲深恥耳聞有朱子近思錄往縣中坊鋪購求不得適有人自紹

興郡城歸攜是書界之喜劇讀數番懷立起設香案北面稽拜曰吾師在是矣握管斷句讀觀其手澤勁若鋼鐵內求諸心森竦自責顧天命之性若君之詔臣父之付子兢兢惟恐隕越一廢職卽膺嚴譴不可追一墜家業卽窮無所歸研精大易取啓蒙本義參究橫圓二圖奧旨有疑義未晰仰呼吾朱夫子在天之靈啟我昏聩寢食魂注不暫釋上虞顧氏延爲蒙師其家多藏書悉發其架籤日夜閱覽自經傳及子史悉覃研尤聚神於易薈萃諸儒先探賾鉤元之論兼綜理數參互考索獨見朱子爲至精至密冥契四聖人淵旨年二十四所學大進名所居齋曰須友常

張甫集卷二十一

蘭陔草堂

靜夜兀坐玩圖精思有所得書之如橫渠先生之用功刻苦而沉潛涵泳不敢求速化闡先儒引端之旨而竟其緒亦時有已見豁然中開臺臺紬繹出前賢論說之所未嘗月白窗明萬籟幽寂此心澄然抱遺經究終始證諸目前人事物理往往脗合悠然自得精神愈生遂確讀沉吟徹旦不寐如是歷有年所自言余於癸酉歲于道有所見亦是零星及今丁丑細翫大易河圖識所謂理一分殊殊覺省力翫邵子所云脚踏天根始識人手探月窟方知物覺萬物森然具在且覺吾心之象五竅居中宛一河圖也省力甚矣蓋癸酉先生年三十九至四十三而歲在丁丑恍

然有以得其要領觀象徵事觸處見理左右逢原覺全易在胸中融釋脫落妙悟元微迎刃而解剖別艱深破碎之論折虛僞而張者按之無物咀含故常味汨汨然來意境事新若初聆聖賢警發明性有先後天體用之分指人受胎伊始及分脫墮地時所秉受其氣質之清濁醇駁于此別等差程子謂言性不言氣不備備晰及此尤無剩蘊著格物錄貫徹三才羅絡萬象于身于物近取遠取高深極于天地幽隱窮乎鬼神莫不弋墜之九霄鈞出之重淵明形色天性之不離陰陽動靜之互宅造物行生混闔之有常元工變化錯綜之無定舉纖毫無遁情仍一一歸諸

張甫集卷二十一

三

蒲陵草堂

確實不落影響斯誠精深曉暢獨繹微緒而令萬人灼見者也著通言就日用提揭要旨以示門人大小叩俱鳴皆心得精語教子弟謂文可不攻書不可一日釋勤把末暇讀書不妄言動農而士矣洞徹古之學者一生祇此脩己治人兩端不論窮達俱有當盡之心當爲之事俛焉日有孳孳奉一心爲嚴師不令一幾輕易雜出學以剛健篤實爲本潮曾子子思孟子朱子惟志氣剛健特立不撓克自樹立計審端致力歸根立命之地總歸篤實較然不欺其志自不妄語不妄動始極之誠立無欺手處天人之理一誠盡之聖賢之功一敬盡之居敬工夫必整齊嚴肅始有

把握而喫緊在居處恭先生年至艾耆腰骨挺挺終日夜正襟危坐無倦容而氣體舒遲從不形疾言遠色欸接後學和顏悅色委曲盡誠開導見未達必旁喻曲証相說以解乃已故進叩者望見生嚴憚就聆談論仍樂其藹藹可親不忍去在坐無久暫慢易非僻之萌自消雖傭工下隸俱引之向道以謂盡汝當爲職分務實做去終身不懈卽是聖人僕身雖賤而道爾尊纓佩人或操行穢瑣卽不汝若遠甚毋自菲薄販夫貿遷近里居不忍著僞芻童牧豎折棄矜繳機穽非食用常物不加掩取鄰族一時風尚婦人以艷粧炫服爲惡卽童娃出汲亦目不斜視近斥鹵郊

張甫集卷二十一

四

蒲陵草堂

垌人有相雀角儒者力不勝拉就質先生輒自屈服願殺鵝置酒求免殺鵝置酒姚俗也或強梁騁利辨徑同諸先生所一見羞赧囁嚅不出聲先生因機婉導歸諸正輸心聽受邑令某素敬先生嘗就問政對曰愛民問民何以愛對曰惟利民者是務令亟善其言而不能用卒以之敗嗚呼先生一布衣無絲毫勢力憑藉以道德光明至誠感人信從者衆韓子所謂薰其德而善其者目覩非虛乃不僅如王彥方鄉人之裨養者畏其知而居堂皇泄埃庶顧心折蓬茅賤士欽仰德輝聞藹如仁義之言悅從歎服聞者求于明僞者獻其誠此豈偶然也哉先生終老田間無由

展據其所學嘗論聖功在操存其心王道在不私其利井田不可復在講求水利封建不可復在擇賢久任學校須慎簡有德望者隆其體使爲之師課實行而不徒文藝則人才輩出窮居殷然與天下相流通達必民不失望體用具備而不迂老尤深詣聽言遇事輒判仁與不仁其精強有自來矣從叔有範年小於先生食餼邑庠文譽騰踴問藝多英雋人有以外事纏牽不能峻却先生委婉盡規初若視爲常談用益施懇詞色殊苦乃覺心怍怍動久之幡然有省詣先生講席請以師禮事列弟子行先生曰叔父第矢心聖賢黽勉實學有見聞詎忍不聲告斯禮所不敢

張甫集卷二十一

五

蘭陔草堂

承也嗣後敬叔父敬師各盡其道乃不徒矜尚舉業務反求諸身心名德遂光遇先生門人禮讓敘情欸曰吾同門也禪人樸實者潮塘盧氏子參于叢林夜趺坐選僧過舉佛號不應加之竹片自云遁身汗下往甬上來謁別乞先生送行序先生告之以哀哀父母生我劬勞欲報之德昊天罔極大孝終身慕父母非終父母之身乃終人子之身也故一出言而不敢忘父母一舉足而不敢忘父母終其身皆慕父母之日卽終其身皆事父母之日也汝昧此身之所自來而忘父母之恩勤從事寂滅甘心二本吾不強責汝爲儒盍歸而爲父母之子乎樸實聞之泣下拘于其

教而不能出有所親養之官署至病革時痛哭云一無所得徒棄父母不事爲名教罪人死當以囚服斂勿召僧送殯儒者哀其志先生道明德立遠近師尊之來學者益衆就事提撕事務倫常日用鞭辟近裏時王學盛行士憚爲居敬窮理之學喜趨徑捷倚倚良知卽可以至道遂詆朱子爲支離其立教曰無善無惡心之體體若本無善如何鑿空發得出有善有惡意之用孟子謂乃若其情則可爲善惡乃陷溺其心而然詎可並正指爲用知善知惡是良知似矣然安得人人如陽明子見地高就所見行去無誤不靠實卽物窮理則致字無着而所知亦不精爲善去惡

張甫集卷二十一

六

蘭陔草堂

是格物謂致知在誠意可乎朱子在卽物而窮其理一語擷括不破陽明子欲徑捷知行合一曷若朱子知先行後知易行難二語之爲精確得博我約我之真脉乎且陽明子姿秉剛明亦自由學有聞學者姿與學俱遠不逮而遽欲超詣自反失所依據陽明子忠盡國是戡靖禍亂此便是真道學足配兩廡而所提唱未爲平實其門人更揚其波龍溪心齋竟入于禪傳習錄已漸漸蹉移至王門宗旨一編頹壞無隄防恐亦非陽明子所忍見其流弊朱子之學遞傳至何王金許至河東餘干切實無弊楊園稼書兩先生承一脉緒系導學者于大中至正之歸縱下學未能

至極亦循循在途轍中未至流蕩而無所坊以得文
行忠信之真傳也陽明子越城稽山書院尊經閣記
從心性命四端五倫說到易詩書禮樂春秋具有條
理終推言經之當尊與夫聖人作經之意更舉離經
畔道之人以勸以戒詞意懇惻集中所說道理純粹
無踰此文真能洞見道體而深得一貫之微旨近世
之譽陽明與毀陽明者俱太甚而未爲允西河毛氏
矜其辨博痛詆朱子此多見其囂張初何傷于日月
其敘王學流派自有明來幾徧天下縷覩不遺學王
者倭言其盛此見尤固臨濟曹洞鐘板喧鳴聖道自
昭揭中天曾何加損時紹郡俞太守宗王學行部

張甫集卷二十一

七

蘭陵草堂

至姚見客星山王文成公祠鞠躬稽拜孫忠烈公祠
三長揖呂文安公祠晚其像而已先生偶在城太守
素耳先生名折簡招致謝不往乃就見盛推文成公
學術先生待言畢徐對曰鄉先正表表千古事功掀
揭誠吾道中柱石言未竟太守遽言未可以事功概
其道學先生曰道莫大乎忠君國拯生民含事功更
無道學且文成公與孫忠烈公全撐拄天地扶植綱
常皆吾鄉杰出人物明公當一體表彰以興起懦頑
明示標準太守意雖未合不能不屈服同宗副都介
巖公之辨延先生至語溪講學大約端漸向于知行
嚴辨別於義利導學者以切實爲己聖賢之道伊邇

祇在倫常上隨時檢勘人曠蕩自由輒謂已有何愆
不知自雞鳴而起至辰刻已不無幾多妄念幾多妄
言幾多妄動先儒謂檢點一日間於人倫上有多少
不盡分處此宜著猛省聽者神竦老成英妙爭欲式
瞻儀型親承明訓先生晚年涵養益冲粹色和而莊
敬語正而溫醇人人願近有道薰然開耳目若坐春
風中也介巖公惜楊園稼書兩先生不接席而語輝
映德光使吾人矜式夙知吳興有卞君談理深微見
解明迥往訪之與語殊不慙細叩夙所論說所自來
云得之邢姓者不肯言其名意是隱君子歎息而去
歸姚渡百官江舟東下時先君攜調元還故鄉省邱

張甫集卷二十一

八

蘭陵草堂

隴舟亦進行川涂望見鄰舟中端坐一耆儒講論弟
子左右侍聽甚肅心異之至驛亭堰待坂堰叩知爲
餘山先生率調元詣堰傍草舍敬謁且請遣稚子過
先生舟受教許之方論格物致知調元謂物卽明德
中殺列之品類故天下無性外之物知卽明德中逗
露之靈光故孩提有不慮之知先生訝詰此語誰教
汝具道素無師昨冬有孝豐錢惕菴先生名之泌水
杭寓鄰寺得相從講解逾月聞此乃領之重爲剖晰
舟抵岸先生以調元爲可教府君卽命受業于門進
拜留語三日夜聞所未聞快然開明惓然悵教以
立志大存心細誠聰明慎勿誤用調元生已十五歲

矣屬寄惕菴先生書其畧曰今之篤志爲實學者誰
乎自功利之習深中于人心士讀書作文講明義理
辨晰亦非不精祇以爲梯榮之具師以是教弟子以
是學一得志惟榮身肥家是圖沉溺于聲色貨利拋
卻聖賢懇苦守待之本旨其秉心有不堪言者一不
遇卽怨尤叢集孟子謂今之人修其天爵以要人爵
既得人爵而棄其天爵今之要人爵者并不是脩天
爵惟將聖賢道理作好時文卽外爲塗飾亦不過作
口頭應酬語初未嘗砥礪廉隅某嘗目擊而深悲之
數十年來欲求同志之友共切劘興起斯道使人心
習尚盡歸於正苦寥寥不多見比聞桑生述先生志

發甫集卷二十一

九

蘭陵草堂

皦而行卓敎學者以窮研克治如聞空谷足音云云
旣而惕菴門人卽鎮至杭云惕菴先生已于新歲易
簣矣奉所寄書歸焚總帷前約明年全至姚從學于
先生至期詣謁相顧語至泣下先生謂鎮質魯但遵
所聞克所見一志力行得寸則寸終不失其軌又明
年三謁先生生命多留數日講解疑義訓飭諄復臨別
直送至瓊口云吾壽不過三年汝恐未得繼相見故
爲此叮嚀調元驚涕謂先生身極強健調元歲當從
父歸姚何爲作此言先生曰脩短有定數去來有常
理汝慮家事纏牽未得脫身然終望汝重來相晤釐
涕而別嗣連歲先君客遊艱家計且多故待慈闈不

忍暫離癸巳新正先生完長子婚傳家事元宵招門
人汪鑒聚處須友齋語是月吾將去鑒大驚見先生
體甚康稔先生不妄語卽日自寓舍移侍函丈汪鑒
者父薄宦滇南卒萬里扶柩歸至漢川幾覆舟號哭
志與俱沉忽飄風薄沙岸得免衆呼汪孝子者也性
尚氣節返姚從學久先生謂英氣卽客氣必陶鎔歸
寧靜始可疑道至是惻惻侍先生啓居先生方遍從
親友家飯與老者言言敎弟子與幼者言言孝弟于
父兄與衆言言忠信慈祥有來候者亦款洽盡歡至
二十三日令治木因家貧慮倉卒可便爲之稱有無
不須過美飭諸事從家禮行自喪先生父母時早不

發甫集卷二十一

十

蘭陵草堂

用浮屠酒肉俗已有效法之者二子與門人惶惑請
夜不息火環侍揮使去數日來飲食眠起如平常二
十九日日高春趣具湯沐浴更衣移床至正寢炳燭
宴坐尚神清氣定卻飲食不進親舊俱集中庭二子
謝乞弗擾乃泣跪請遺命曰吾平日敎汝諄至第守
之弗失更何言對鑒曰調元何不來也調元何不來
也吾遺稿可付之乃就寢軀軀熟睡親舊俱散獨二
子與鑒侍側伺動定至次日寅初聞喉中痰聲起二
子與鑒急薄枕號呼逝矣實康熙癸巳年正月三十
日也距生於順治乙未九月初四日午時得壽五十
有九親舊聞故嗟異哭聲載路至庭不絕含飯時顏

色溫腴不改是年四十里內松柏俱凋瘁娶陳孺人幽靜居壺內奉養祭賓豆惟謹四方學者至隨所有設食不露支詘之迹外庭徹旦談論中夜具粉飴湯茗無厭數調元頻年就訓誨躬親受明恩至漏將盡聞隔屋機聲猶軋軋先生四年卒子二長廷棻恭謹僕訥娶童氏次廷模後先生數月卒殯旣權厝汪鑒捧遺書至錢塘授調元始聞訥與同學友盧存心就書齋爲位拜哭三人皆失聲存心夙慕先生之道者也先是正月晦夕調元夢先生自一宏邃大殿字趨出執調元手言汝稚子踽踽欲適萬里程吾何能故懷殊撫恤形顏調元驚寤心動疑不祥語存心存

破甫集卷二十一

士

蘭陔草堂

心慰言先生屬念之殷云爾乃果山頽木壤調元自此安仰安放矣嗚呼痛哉後十年調元入成均瞻仰大成殿宛如夢中所見規模先生嘗言深山窮谷中果有人篤志力學造詣深純必脩身見于世縱遐世不見知以沒其神魄必在調元先聖左右第未曾奉配兩廡不分受明禪之享耳如王安石王雱父子何曾敢濶入櫺星門此以知先生神魂在調元先聖左右審矣遺書間莫辨草稿字畫所言大易橫圖二圖義理未能測識不敢妄補綴中年苦縛塵纓心慮眼翳至歸老匡居靜翫微言始編成卷帙書有格物錄有大學中庸廣義有通言及辨論雜文今總標爲餘山先生

生遺書刻之以傳世行遠先生言人心靜極卽能前知如董五經知程先生來消息甚大及叩其中實無有釋子禪定能照鑑正如是然無卽物窮理工夫一應事卽昏昏坐空山中能知未來及衣紫開方丈寸心憧擾昧然罔覺禍患臨頭始云孽障到致可哀愍故前知無足異先生三年前卽知全歸之期至期從容飭家政別親舊無疾而終平素覘幾占事無不奇中數根于理非如京房管輅郭璞等專精數學可倫比蓋從源頭貫徹故百家支流如納音納甲星經羣經醫卜之類一覽而曉并識其致遠恐泥處由流遠與源牴牾之故故遺書中所言陰陽變化從易圖確

破甫集卷二十一

士

蘭陔草堂

實指陳無情怳之談無穿鑿之弊又懇切引人向大道繼往開來闡明天人精奧與談機祥迥別太元參同潛虛語多幽隱皇極經世較醇亦尚有鶻突先生言四時行春夏秋冬相遞禪是天道根乎太極一氣循環俱不貳實理流行邵子以皇帝王霸分屬之是直以霸爲功用之正天道詎有是駁雜當時二程子何不匡正乃知先生持論醇乎其醇誠粹然大儒之言也先生遺命勿請祀于鄉故後學不敢公舉又云古者生無爵死無諡私諡非古故不敢以陳文範孟貞暉私諡易名子婦童氏先生同志友憲文先生諱懋德之女也年十五歸廷棻不匝月居喪哀禮見儒

門矩範時廷杖盡却所親賻賻之儀與婦同心早夜力作營喪葬七年而廷杖卒無子赤貧誓守哀慟不敢殉將營舅姑與夫之葬待立後承祧仍不受一毫伙助壘而閉戶織紡於雍正元年葬舅姑于河圖植石楠作宰木時族衆以地近海不半里慮洪波衝齧曰此先舅所定葬地治命不敢違也大司空孝感存齋徐公天相知先生平生屬縣令以潛修實學表墓復碑揭故里肩販過此必駐足流連嘆息曰勞夫子不再見矣明年七月十八日潮溢蕩民人廬舍沿海數百里水獨不沒河圖上下村堡賴以存夫柩以在淺土漂去乃號泣特祀先訣族衆胞弟子卿與俱行

張甫集卷二十一

三

蘭陵草堂

曰若尋夫柩不得赴海不復歸矣衆力阻謂故塚且多壞填塗白骨矧浮厝且歿時貧不能具好棺茫茫野水何處覓汝夫柩耶曰吾夫柩自可辨識因木不美故歲索絢縱橫纏千百道當不散倘漂沒矢死不苟活也數十里外因草繩絆樹枝懸着不去哭昇歸哀感行道乾隆甲子始克葬立從子汝瑩爲後守耕讀家風已巳年公舉得旌表鄰杜太守甲以索絢奇節表其門見聞者俱謂兩家儒風不墜副都閩汀雷翠庭學使鑑興學於浙最欽崇遺書謂可繼宋五子以山仰餘光顏祠楣稱後學趣調元早撰行狀欲作遺書序而遽騎箕矣惜哉豐潤董定岩觀察榕守

張甫集卷二十一

古

蘭陵草堂

九江府時翔建濂溪書院於廬山之陰延調元爲山長讀遺書中闡明易圖精義與周夫子圖說易通合特建餘山先生須友堂于周夫子祠側興起後學調元詩所謂乾坤此舉萬萬古須友祠桐偕初終又云餘山精靈陟丹構是也定岩初宗王學因與之細讀遺書且舉睢州湯文正公荅當湖陸清獻公書相証云某少而失學長無師承晚乃知朱子之學切實謹嚴語不及孫徵君初文正公辭官歸師孫徵君夏峰于蘇門山著論發揮王學解王門立教之旨於上三語特詳明至爲善去惡是格物一語懸置無所解作徵君墓誌銘推尊其師宗傳溢於毫素晚年顧心契朱子一歸醇正宜何所取法乃悟遂欲效文正公之宗朱子作聖學入門課程爲餘山承學之人矣仁和沈菽林司臬廷芳續竹垞朱氏經義考推先生邃于易學卓爲經師人師遂自稱私淑門人于山東濼源書院建朱子祠以楊園稼書餘山三先生從祀大昌朱子之學以上泝先聖之傳調元方濂席濼源共相鼓勵士莫不感奮黃勉齋先生作朱子行狀閱年久而始成調元徧訪門人故老遲之又久始齋戒泚筆其神怪事悉不錄其質言其實朝廷他日徵求儒林耆碩遺跡上之史館俾有據以傳信焉門人桑調元謹狀

張甫集卷二十一

錢塘桑調元

行狀

似笠沈先生行狀

嗚呼秀水似笠沈先生逝矣予有母之喪齊衰而往哭之先生孫元景凶服至門泣請予狀先生予在疚不能屬辭顧自以夙昔過從談讌甚洽曾語予他日當有筆墨累子予不敢負心諾也爰即予見聞狀其概先生姓沈諱修誠字辭立似笠其號也先世南渡居會稽三遷家秀水之長溪至僉事公謚副使公啟原修撰公自邠三世起家進士治行文名俱炳焯修

張甫集卷二十一

撰子太學生鳳爲先生曾祖考妣馮孺人前明祭酒夢禎女 皇朝以節旌其門太學歿之四月子文學大遇生是爲先生祖考妣包孺人文學蕙纓先生考也至性奇篤事詳予所爲獨行先生傳中妣高孺人先生生六歲母口授經絕穎慧年十三父挈之入楚寄所親就學徑獨往窮江右巖壑棄家不顧時先生齒雖穉知父激幽憤自廢號挽不得酸感旁人母奇愛先生遽數千里外爲客兒家故艱兄修端僅長先生一歲伶俜繫母氏憂嘗中夜飲泣轉奮起懇苦力學不少休尋歸客蘇州弱冠寄籍崑山補蘇州郡學弟子員旣壯省父北走燕父將入閩請從之閩父止

張甫集卷二十一

二

之命就館以養母因遊楚父自閩遙令秋試畢而來聚于楚歸適會母病不卽行丁母憂毀瘠踰禮秘不敢聞于父亟迎父歸自楚而父所善楚督已遣人護父喪還矣先生慟欲絕營喪葬脩極哀瘁平生篤于內行遵治命建曾祖母坊于先塋之側以父純孝請旌于 朝事兄終身盡友恭寡嫂依以居爲立後授室厚分田宅事陶氏姊如事兄族黨蕃衍恤貧乏教孤幼虔享祀舉以身任之重意氣然諾以友爲命客秦中總角交朱苧膝先生病亟親送之濟寧及考終于家李晴峯離使左右手倚先生每事諮而後行近脂膏不之潤後教其藐孤年垂八十矣爲奔波南北扶其顛厄兩家子弟嚴事先生拜牀下予目之動容高安朱文端公撫浙下交先生訪以興革大政不避猜怨指陳如革里書其尤著者也有寡婦子馬某持一米囊豪右指爲其家所失物就刑鞠將誣服先生爲直之當事弗聽慷慨義形于色卒白其冤素負經世才足迹涉燕齊秦晉梁楚間爲人作封事及擘畫巨事動中機宜一規以義天嗇其遇竟以明經終老文筆迅如下瀨船詩蒼勁絕俗惜鼂夜光之無人撫拾也性強記通古今道勝國軼事江南北耆舊衣冠容貌娓娓宛在目前至忠義激發鬚戟張眼爛爛如巖下電使懦夫亦神王嗚呼今不可得而復聞其

語矣先生生于順治辛丑五月二十有七日卒于乾隆甲子八月十有四日壽八十有四娶徐孺人先生卒側室許氏張氏子道熙許氏出孝友純慤爲中殤族子年多踰強艾難乎爲後乃擇于族孫著族孫爲後說告于祖而後之卽元景是也撫盛氏女爲女適丹徒主簿朱源張氏出一女適諸生于啟元亦先卒予後生親炙先生之風義不能忘也亦不能詳謹狀

金公行狀

雍正戊申某月日葉漪金公以疾終其孤泣述其父之行而乞予狀予以公之篤行永之人士時道之也乃徵信而狀之公姓金諱兆璽葉漪其字宋文肅公後當元至正間有諱國寶者自漳州遷於禾始爲禾人歷九世而至公之高祖伯韶年十五領萬歷丙子鄉薦著述有聲曾祖元石副天啓辛酉鄉榜祖子冶庠生父道雋太學生初元石生五子長子冶次子燾子燾以明諸生殉國難者也生三子長太學生道闇次道雋子冶無子以道雋爲後公本道闇次子道雋年近四十未有子配沈氏歿以公爲後公居母沈孺人喪盡禮已而道雋連舉六子膝下森然林立矣公諸事善體親志家故饒於財當析產悉以腴田大宅讓諸弟而已所願受分田最磽瘠而又最少餘蓋藏一無所問別僦屋以居至爨烟屢斷亦安之公之子實爲長孫析產時有長孫田百四十畝亦讓弟士端之子曰潮者得之遭父喪率子盡哀成禮居無何潮殤族衆有議及長孫田者公遽止之其不忍傷先志如此篤念所生往來承侍色笑並得其歡心及居本生母張孺人喪以降服故感痛尤至號慟室中寢枕卑溼兩足成痺幾不起食淡且逾年本生父命之食始稍進鹽酪而日夕哀終不止久之竟損一目其

創鉅其痛甚其慕也孺禮制雖有定而至性孤行不自知其哀之至於斯極也已本生父之將終也以公之長子於諸孫中最長而祖業無分毫授議畀之田三十畝公復輸爲祭產而出其豫貯柏材之乾美者以治棺先後喪哀戚如一嗚呼是誠可謂之篤行矣公生於順治辛丑某月日至是卒年六十有八配郭氏子二長某舉人次某女二孫男三孫女二公易簣時諄諄以孝友爲訓此足以見其志之所存狀之俟采風者錄焉

跋甫集卷二十二

五

蘭陔草堂

跋甫集卷二十三

錢塘桑調元

誄

朱母陳太君誄

嗚呼惻德之賢而孝克持大體樹故家撫範如吾友秀水朱嵩齡之母陳太君蓋罕矣太君司訓宁臣先生諱彛爵之配也考諱祚昌世居杭以進士爲郎出守楊州歸遷於禾妣徐恭人沈恭人生母鮑孺人年十七歸司訓逮事君舅中憲公中憲年七十有四得司訓奇愛之司訓少英穎年十四補校官弟子員明年授室洛誦理家務皆太君左右之又明年居中憲

跋甫集卷二十三

蘭陔草堂

喪太君方有身號泣盡禮司訓年最少而兄彛嚴事之如父太君於娣姒間抑然下之外內無間言及析居司訓孝友純明事有爲人所難者太君同心處約就新構之堂宇撫故廕之喬柯黽勉弱齡指持儉歲司訓學既成名聲騰蹕四方英俊之士接軫到戶家儲空然太君脫釵珥治酒食立辦座客連旬夜歡洽不知其家無有也司訓負才屢躋亟謀養以貢謁選典教於杭問字者溢簪舍欸禮名僞伏助貧乏太君贊襄弗之倦奉司訓生母王孺人孝養唯謹壽晨捧觴前王孺人曰戴恭人不及受斯奉我何福堪之尋遭變哀毀如喪中憲時太君以嗣息之未蕃也爲司

訓置妾陸氏無所出而歿而太君所生子二長德是次卽嵩齡女三俱適名族前後十餘年司訓走燕趙秦晉間少家居而延明師課子飲饌必豐必精躬織紵績紡率女事女紅菲衣惡食畢婚嫁瘁心力爲之歲戊子司訓爲友事勞苦得疾歸自秦中遽捐館舍太君哀慟至劇轉念司訓家自太傅文恪公來代有聞人司訓祖大司寇諱大啓卓爲名卿考貴陽守諱茂時處膏不潤以清德遺後人而司訓不展所蘊歿先緒不可不續乃茹痛課子益力不幸長子德是又賁志卒痛益甚顧獨課嵩齡不少懈及康熙庚子舉於鄉益勗之脩文行毋忘先德嗚呼何其思之深也

陔甫集卷二十三

蘭陔草堂

太君少事親以孝聞結褵三載喪考考有子先卒孫又羈寓遠方太君乃迎養生母鮑孺人於家喁喁語寢門歡承色笑鮑孺人年八十猶康強無恙也而太君於雍正六年某月日以疾終矣嗚呼哀哉余自去夏至鶴洲拜太君於堂客鶴洲逾年見太君老而彌勤儉而好施遇臧獲俱有恩裁家政以大義言笑不苟族屬咸欽服之予旣知之稔乃敬爲之誄曰

太君嬪朱善承尊章事姑如母隆厥所生先後飯含藉苦居憂髣髴帶經日夕哀號穆穆中閨卑謙是守禮不敢渝家婦介婦析屋而居張公之淚支持金碓傾奩倒箱司訓之學穿貫今古篝燈佐讀沈沈漏鼓

司訓之交俊及顧厨治具供客折鈿所爲司訓驅車四方遊歷倚爲代置苦辛蠶績變彼妾媵爲司訓謀縈之葛藟有木伊穆司訓服官膠庠爲家未知安定有此助無抱才入窻司訓不祿天乎何辜酷降凶毒茹荼訓子賢必代興通議中憲先烈其承一子早摧課益勤止庚子鄉書儒門蔚起下有二孫不仔不脩不儻肩隨撫誨劬勞老迎母氏孺慕弗衰鴛湖赤鱗手鱸進之載遷鶴洲梧竹之下風雨蕭然綢繆牖戶發光賁矣奄逝於今距生之年六十有三有煒太君母慈婦順作此誄辭管彤徵信

陔甫集卷二十三

三

蘭陔草堂

朱母顧孺人誄

雍正十有一年冬調元廬墓餘姚得吾友秀水朱君予齋所作亡妻顧孺人誄孺人以是年十一月二十四日病歿憶去冬予齋約予北上予以先府君夙有痰疾寒恐劇辭孺人贊予齋曰夫子盍往杭視桑翁眠食無恙同行乎予齋遂如杭先府君疾作調元怵惶無措予齋傾行橐百計營醫藥調元得專侍牀褥疾幾危予齋助調元治木如調元心疾差新正四日始偕行予齋與孺人之德如是今調元在墓次聞訃既痛先府君之終棄不孝而感予齋與孺人之德獲延先府君之壽算而悼孺人之深不禁淚潛潛下也

張甫集卷二十三

四

蘭陵草堂

孺人世籍海鹽崖州知州諱弘之女杭州府訓導諱彝爵之子嵩齡婦也妣許安人生妣某孺人崖州公子七子十女中愛孺人賢一飲食弗離多與之衣飾珍玩年十二考疾篤私泣禱居喪哀毀特甚歸葬悉以曩所蓄衣飾珍玩佐之精女紅日可織布三疋年十六歸予齋出所織盈箱奉舅姑改歲製履獻佐理井井有媵婢及笄遣嫁之財無私蓄訓導公之學署故廣交遊鬻產不給孺人盡所有付質庫訓導公卒予齋與其兄俱病孺人亦病當治喪斗米錢二百百口聚食孺人支拄之姑陳太君命分爨受產無多太君多病罄盡徙居別墅鶴洲草堂風雨蕭然無怨色

張甫集卷二十三

五

蘭陵草堂

予齋之兄歿孺人曰兄公歿寡媳毋庸爨乃合爨踰時予齋嘗病傷寒不治孺人刲股進得瘳左既創以隻手治藥餌哺兒女百餘日子予齋舉于鄉臘杪猶未與計偕孺人曰夫子行矣姑吾奉之家吾操之夫子行矣行之日家無宿儲予齋滯京師五年困而歸孺人殫心持門戶猝遭姑喪予齋遠館視含飯弗及殯殮盡哀禮予齋從所親于粵東久始歸畢葬事而葬孺人生妣于崖州公墓側孺人相爲壁畫焉姑之生母鮑迎養于家年八十餘姑歿而孝事之不衰孺人兄子楫少孤教養之俾從予遊調元館鶴洲二年拆釵鈿供賓客生徒酒食而內常不充藜藿手樵園中

庠生盛百一誄曰

嗚呼孺人其賢矣哉孝于親孝于舅姑孝于姑之生母世未之有也慷慨好義吾友之祖吾友之考也吾友繼之孺人爲之耦也賓客在堂議食議酒也匪侈也守門風之舊也而已食或不飽也族子彌甥皆曰吾母也夫也視兄子猶子孺人視猶子之婦猶婦也銅簪入棺吾烏知金玉之爲寶也夫官太平孺人之

死也先之父官太平孺人之生也後之理乎數乎天不可叩也疋者吾妻病幾隨秋草也孺人遺之藥與金乃克杖而起也而孺人止如斯之壽也爲斯誄者煢煢號慕之孤子孺人之夫之友也

錢母王太君誄

歲丁巳之杪秋錢茂南松明府貽書於予徵其母夫人王太君壽序以明年月正上元爲太君七十有三之初度也其汲汲乎謀所以侑爵承歡者無不至蓋孝子愛日之誠如是予旣爲文以歸之閱月而太君以疾終使君有自淇來者言明府求其治母疾憂形於色官舍蕭然其廉而貧可知太君歿而毀至骨立其哀又踰於尋恒焉明府至性過人爲士慙爲官清且明爲子生盡孝養歿盡哀微太君之教不及此太君之苦節懿行見於所作壽序中予獨傷明府之求予文以壽其母七十之生辰已過矣今歲之生辰亦過矣乃端謀春秋介眉距開歲無多日而卒不及嗚呼可悲也已予用特誄太君之德以彰於世且以志明府之痛而藉使君還唁之使君者彰德同守李儀卿光型也使君不妄言者其辭曰

太君賢生於王嬪於錢嚳之望光輝輝女也婉婦也虔母也辛且艱冰霜地風雨年筠柏之節貞以堅當年家多難我室不毀我子完深沈出中樞程嬰杵臼然教子熟圖書排纂千萬編宰百里烹小鮮襦袴福遍里塵豆芋謠沿河孺誰知萊蕪之饒常無烟母教之卓可傳青竹書青珉鐫母鬢白不復元西飛烏東逝川子泣無聲血淚濺欲拜慶不少延錦屏掩總帳

懸祝嘏誰桑調元作誄誰桑調元

張甫集卷二十二

八

蘭陔草堂

覺羅孝女誄

乾隆十七年十二月十一日覺羅孝女終於兄構亭中丞浙之使院得年二十有八明年歸葬於京西之阡姑生次八瓊田貴種名以學誠字以丹奉幼墮姬手幾碎珪珙長堅不字紅妝輟擁事太夫人櫛縱筭總密意婉容藹承慈寵壬申之臘冰霜縞隴清氣超然歸于廐頤春闕泉局靈衣飛動煜煜遺編儒林齋捧嗚呼哀哉乃作誄曰

二儀儲精興京盤礴於惟秩宗天壽平格慶流節府濤江醺澤有齊季女瑤臺皓鶴暫下塵寰羽儀翠閣結戀嬰兒北宮子若鬱金不御組璣胥却問視依依

張甫集卷二十二

九 蘭陔草堂

寧親至樂習勤遙夕不廢絲鍼泠泠逸響一彈素琴弱齡委懷憩於書林樺烟繼晷芸香辟蟬曹大家手朱紫陽心素言一帙道妙研尋緬古名世仰止嶽岑標撮諸老當代瑤琛綜甄家訓咀味清隍慨焉論治裨贊崇深心尤弗讓門才祖德貞烈揚芬託諸副墨思編女鑑成書是勒證史疏經筆斷不感惜哉隙駒悲泉忽匿晝夜去來風涵清識萱枝泣顏荊株黯色江甸娥嬀銜悽曷極古藐姑山在畏吾村霧翼逶迤雲旂翩翻青松隧路紫苔石門璫姿春瘞映徹九原體損德完韜其粹溫女中曾閔巫陽予魂靈風漠漠澹池帷軒幽蘭不笑明月無言嗚呼哀哉

張甫集卷二十四

錢塘桑調元

哀辭

謝曰欽哀辭

嗚呼美玉不完嘉苗不實霜雪不凝文鵠不育物美
易壞是固然矣生而不永不如弗生蒼蒼者天其可
問耶餘姚姚謝生歿於雍正十有二年之七月春秋僅
二十有六佳士無年千秋同哭用悲英雋之銷沈吾
徒之周瘁也乃爲辭以哀之曰

謝氏書林門才蔚興汝曰曰欽質則高兮早擢奇觚
文陣握受詩城破郭氣則豪兮余門立雪翻然折節

張甫集卷二十四

蘭陔草堂

聞道而悅才則韜兮學殖無荒力牖厥明企於先民
蛻喧囂兮予身哀麻泣血嗚嗚與廢蓼莪唁居憂兮
環栢青青先君子塋春莫一觥賦小招兮佻佻子衿
四沸哇淫汝寂以沈絃獨操兮人誰不死汝則殀矣
賦命固爾又安逃兮吾徒之魂集於帝闈義序同門
並遊邀兮脩文有班王達崑山揮手人間雲旗飄兮
鴛湖之濱編珠是珍爲盛世臣死含毫兮安壽徐觀
烏程鍛翰錢塘逝湍紛難留兮王盛俊才安爲之魁
徐孝孔哀一字褒兮汝往後先何多讓焉從顏子淵
足千秋兮而我轉孤傳失吾徒吾道非歟增號眺兮

董君定巖哀辭 并序

觀察虔南董君定巖以至性居母喪予赴弔君持泣
曰不孝必死君來或倖生子見君朝夕一溢米絕鹽
蔬哭無時面深墨毀瘠據禮經規切仍悲不自持將
舉殯伏泣竟夜瀕行昏仆地予急以參納君口良久
乃甦一長號下咽續進米湯喘定以白布纏胸背夾
健廝掖之匍匐出語官民衢祭望丹旒卽酌酒母觸
之哀抵舟五里許周道數千人肅然無聲候過紛雨
泣輿隸咸呼孝子孝子舟行益病且哀予危言強諫
君稽顙前謂不孝一旦從吾母泉下求君撰吾母誌
銘嗚嗚不成聲長途溽暑度不能及豐潤擬馳請封

張甫集卷二十四

蘭陔草堂

公臨素舟底一見得節哀先是封公令長洲以代償
倉穀稽滯累年君年十八乞省父弗之許苦思成狂
癡乃令往卽愈嗣宦中州未得遂迎養疾發如初徑
投効歸上官惜其才留調理二親至遠霍然至是旣
執母喪又以父家居篤念疾三發至南昌薄晚醫私
語予曰五臟壞六脉散治無及矣予猶就唁數千言
君頷之詰朝黎明因自啟船篷無欄檻誤墮水江漲
溜急遂歿乾隆庚辰四月二十有七日也享年五十
嗚呼哀哉予送雙柩歸君里撰太君誌銘焚君繡帷
前予惟君以過哀成疾昏迷水死雖情踰于禮然視
世之居喪覩然食肉飲酒居內如平常僅受弔時縗

麻在身卽知哀戚移時已解求其齊疏饘粥百不得
一焉若君之慘痛迫切一往不返又篤念老父夙疾
復乘竟不脫縗經奄逝頑艷老稚聞之莫不流涕詎
不足風世砥俗哉予爲文以哀之其辭曰

君胡溘逝兮曾不少留殘魄東昇兮斜漢西流塵白
鼉兮駕素輿導天吳兮衛陽侯泝彭湖之浩浩兮通
汨羅之漉漉嗟夫君兮獨往隨靈均兮偕遊炳死忠
與死孝兮洵終古之匹儔夫誰以禮苛繩兮遂至性
其何尤翩翻裊兮丹旄溶漓權兮素舟望舊鄉兮繼
繼臨枉渚兮夷猶瞻懷歸兮幽燕浩揚靈兮浦澈返
城郭兮游魂遶庭闈兮省父激陰雪兮林柯颯悲風

張甫集卷二十四

三

蘭陵草堂

兮牖戶修而去兮忽而來出不辭兮入不語倚衡臯
兮遲徊依貝闕兮延佇歛大去兮超遙放小招兮愁
苦供之兮葯房要之兮椒糈心欽欽兮思君目渺渺
兮愁予文魚兮紛騰琬虹兮下垂江妃歌兮海童舞
薜荔幔兮芙蓉旗奉母氏兮安坐侍下女兮宴娛浴
邇迴兮叢薄汎窈冥兮游漸躡清氛兮神靈雨列如
麻兮仙夫晞天門開兮詠蕩瓊佩捐兮陸離總駟轡
兮瑤之圃蕩鳬鰈兮蘆之荷疎雲冠兮郢士迎玉樓
兮吾兒君最狎賞
亡兒繩麓共吟嘯兮無數從翱翔兮奚辭緬
章源之瀾瀾兮作新廟之翼翼君肇禋兮聶都神居
歆兮血食若騎鯨兮洪濤應盼蠻兮澤國騰衆語兮

喧闐曰君靈兮降陟類柳子之羅池兮標昌黎之碑
刻詎握管兮騁虛辭殆傳芭兮感遺德矧儒雅兮風
流信聰明兮正直縣天帝兮分符統波臣兮効職肅
惟馨兮虔南遠歸藏兮薊北續些只兮臨風滋涕泗
兮沾臆昌黎文人已訾其不實子豈知
而蹈此姑以妄塞悲故及之

張甫集卷二十四

四

蘭陵草堂

張學洙哀辭 并序

張學洙字魯溪世爲祥符人其起家進士贈尚書有
滋莖堂集行世崇祀諱一桂者六世祖也進士官通
參崇祀諱都甫者曾祖也父爲吾友蔚庭孝廉菁著
洪範諸圖子三學洙行二生有風儀類南人性孝友
恂恂謙謹聰穎能文予至大梁書院一見卽稱爲令
器乾隆庚午舉于鄉主司共欽其實河陝廉訪張公
圖東延爲名南書院山長特加禮異乙亥十月二十
有九日病卒得年二十有九娶石氏無子以弟學海
子杲爲後至是已四年矣予頃抱季兒繩篋之戚蔚
庭過予相對涕下憐同病才子無年生人之至痛也

張甫集卷二十四

五

蘭陔草堂

意欲得予一文不敢請予因泚筆追哀之其辭曰
元精鍾萃兮育子而才年胡不永兮降割遄摧有美
邦彥兮生有令儀飭冠佩於宴閒兮秀照席之瓊枝
服勤所生兮伺無形聲于庭幃事因母如母兮藹兄
弟其孔懷秉心若谷兮恆禮讓于朋儕詞條蔥蒨兮
摘奇彩之陸離名早在鄉書兮爲藻鏡者之所共推
匪微不見忌于同人兮羣喜其騁轡于中達圖東具
顏回悲蒿里之斂魄兮偏早折夫英姿埋玉土中兮
士林之所咸哀孔鸞鍛質兮休留盤飛莖蓀枯絕兮
鈎吻華滋天不可問兮命不可知逝已四稔兮流光

倏馳若如初歟紛紛感念而涕洟嗚呼各言其子兮
亦此恨之同齋追我子之克孝兮當予疾之難治時
稚齡甫十三兮跪倉扁而雨泣盈頤嗟至性之感動
兮見者莫不沾衣遺文之滿篋兮與操簡於平臺俯
汴流之急逝兮身竟歿夫旅羈憶燈窗之互映兮曾
講習之情諸神魂其聯袂兮仰天門之蕩開敘世好
於冥漠兮謝時俗之喧囂蔚庭謂予爲同病兮予更
加茹毒於天之涯病依龍鍾之父兮死不見乎母與
妻呼茂才爲官閥兮又焉足芥乎細微壯者不可保
兮能冀成立乎孩提寫兩心之盡傷兮知予文之悲
以增悲

張甫集卷二十四

六

蘭陔草堂



行述

先府君行述

嗚呼痛哉終天之恨爲人子所同號慘不孝調元以遠淹京輟遲之久始得凶問椎胸釀血呼搶立稿死猶恨晚惟府君孝勇大節尙未彰聞朝野用忍視息略陳梗概我桑氏系出唐遠祖仲才公諱憲保後公餘姚人生爲名臣歿爲明神祠宇遍東南載在祀典今餘姚孝義鄉下祖廟土人世祀之子姓環居于廟之旁七世祖子尙公諱志高以族蕃析居于塘

張甫集卷二十五

一

蘭蔭草堂

之北爲北宅桑而居塘南者爲南宅桑娶胡孺人子廷瓚公諱珪是爲我府君之高祖娶顧孺人次子公達公諱景明娶熊孺人何孺人子旭扶公諱得祥娶韓孺人子升三公諱貴卿娶馬孺人是則我府君之考妣也世耕讀不仕府君諱天顯字文侯兄弟四人長諱天助次諱天位季諱天穎府君行三幼愛端坐不好弄年十三喪妣馬太君家赤貧父老且病遂廢書治生以營養父患反胃不能飲食府君取肥豚和白粲炊飯以進肉飯不能進則進肉糜肉糜不能進則進肉汁肉汁又不能進則融羊脂在金鑊伺氣順時稍稍以匙進之年十八喪考凡病反胃年餘率不

張甫集卷二十五

二

蘭蔭草堂

起府君竭力侍湯藥得延壽算四五年五六十年来族黨中有善養其親者人或稱之其子必歉然曰我何足言若小壽伯年少家貧煮肉粥以養親是難能也間有不善養其親者其父母怒呵之曰汝不聞小壽伯年少家貧煮肉粥以養親耶小壽者府君小字也康熙甲寅耿精忠反海上有警衆請于官爲鄉練推府君爲練長時年弱冠辭不獲乃約衆齋宿禱祖廟曰我祖夙昭靈應環祠而居之子姓宜永蒙祖庇祖既血食茲土社下衆姓猶之子姓也其咸藉神庥以有寧居乃即廟中申明進退守禦之法衆皆如約束番防哨海口日夜勞勩躬爲之先九月一日海寇且大上寇忽遠望見燈炬旗幟排列環甲者左右翼中一人盛袍服立馬當要路輒驚遁去沿海居民具見之斯固昭我祖之神靈庇佑亦府君之精誠有以格之也終練務晏然鄰堡亦藉無恐後海頭有高阜數處潮不能嚙是昔日防哨之壘土人呼爲桑公墩嗣十餘年先世父叔父俱歿府君焚瘞子立營前後喪葬極哀瘁娶于上虞爲吾前母張太君生子廣仁殯遷居錢塘張太君敬順盡婦道而早歿歸葬餘姚續娶于烏程爲吾母王太君泣然手一古鏡授王太君曰此舊物也善藏之府君治生但取衣食裁足意不在富嘗以其贏餘賙貧乏久之逋負府君者多

生事日蕭條府君不之悔曰貧固吾命王太君勤儉佐府君惟府君所欲調者調之自奉至清苦人所難堪而處之恬然歲杪往問人逋見其家如洗惻然分薪米與之不自知卒歲之無多儲蓄也性冲澹一無嗜好市中湫隘囂塵酬酢畢輒點勘諸藝術書于醫家用力尤篤鈔諸書作小楷始終點畫端整人有詔府君藝術者應之不拒著奇驗畧無德色于醫最鄭重斟酌方劑爲名宿所服治奇疾辨色卽喻有神術非世醫所通曉有名醫奇府君術從之學三年顧治法時變終不能殫究風雨冰雪之夕一叩門求府君治急疾披衣卽行治立愈全活甚衆然府君於此未

張甫集卷二十五

三

蘭陔草堂

嘗取分毫也府君意非矯情却謝慮貧乏者咨且不前耳生不孝調元年已逾四十次生燮元年十四而殤性極孝友府君教督調元甚嚴夜課漏不三鼓不休貧無力延師局一小樓命調元讀書作文不聽一日廢學語調元曰汝攻苦猝難得解如是異日苟幸疏通人叩汝當盡誠告之勿吝也不孝鼎元治生一以存心仁恕爲訓餘山先生勞諱史字麟書研精斯道爲躬行實踐之學府君率調元歸餘姚遇于驛亭堰心仰之遂移就先生舟徐聆談論深嘆服命調元曰先生學有本原人之模楷汝其師之調元從學于先生獲聞古先聖賢緒餘先生論性謂有先後天體

用之分著書如千卷得受而講習焉歲庚子調元名列副榜壬寅從國學考補八旗官學教習府君手書誡之曰官事雖至小求副其實輒不易矧爲人師耶雍正丙午調元舉京兆最之立品讀書益當努力無躁進調元等婚後有過猶命跪庭中寸杖晚年傳家務靜坐終日腰骨挺然所坐一白椅經數十年光澤如髹漆可鑑寢興有度飲饌有節不輕言笑人咸敬畏之然接人甚和中無纖毫畦町望之雖嚴憚而彌復可親里有某婦貞婦也惡少播蜚語激怒其夫其夫笞之幾死必欲出之府君往正色諭之曰汝婦正且賢鄉鄰莫不知奈何以浮言乖大義其夫重府君

張甫集卷二十五

四

蘭陔草堂

言知府君不苟言遂感悔爲夫婦如初蜚語亦息日進惟菜羹嘗手檢菜把鄰兒譁覘曰何爲日日喫菜府君嘆息曰孺子菜乃喫得長久里人入戶見無人取物納懷中府君與調元從屏隙見之亟搖手嘿息以俟聽恣取去命調元終身勿洩曰彼貧遂至此吾不能早周急可愧也同里先友汪公元錫有花癖花開傳觴作高會必邀府君往時或至府君所茗飲清談而已盧公天羽寓意于禪與府君杖履往還蕭然有物外致終日談無一語及家事二公俱以交洽訂婚姻之好景公菊公工詩數過府君見府君兀坐淵凝亟嘆爲有道者贈句云桑公古君子比德于璠璣

蓋心折之深也汪公元珍元錫從弟也嗜酒積學試輒躋府君引慰之曰窮達命也姑盡此瓶相與觥籌交錯不知月之上竹露之沾衣酩酊盡歡乃散林丈美生豪俠伉直欽府君爲人折節爲醇和里稱長者羅丈仲吉年五十喪偶欲續娶謀之府君府君曰君有子成立矣嘗觀人家垂睽多由後妻盡已之後羅丈踰耆耄飲見續娶者夫婦道苦家且索大言語人曰吾得大快樂皆桑公賜也族父應侯公服已窮矣府君與式好如母弟餘姚錢唐時相往還夜雨聯牀話不休族子若孫並依倚如親枝表姑之夫徐公文伯精于醫性謹飭遇劫手輒諮府君府君放膽處劑

發甫集卷二十五

五

蘭陔草堂

立起沉疴駭服以爲神嶺南梁采山先生令海鹽庚子科調元出先生房見府君曰公積德生此高才郎府君竦然却立曰不敢承抑昔人種德曰吾子孫必有爲三公者吾不德要不敢不勉爲善亦庶幾曰吾子孫必有爲端人者高才能文章見固未能爾然亦非所望也先生嗟咨而去穎川劉元歎先生過草堂見府君輒投契浹日盤桓不忍別目府君器宇深澄類古之清德可師者盧公之子存心餘山先生門人汪鑒與調元總角爲昆弟交進拜于牀下勗之道義敬恭稟受如子弟秀州同年友朱嵩齡過問通門退與人言府君品概見見聞聞俱令人肅然起敬初黃

巖總戎林公本直聞府君之能爲練長也將引用之邀致甚力府君曰吾非知兵者特以族黨故勉爲保聚耳卒堅謝之府君明數學方田粟布會古意而布算明簡且識事機克持重當事聞府君名交欲延之幕府悉辭不赴歲甲辰府君壽七十調元將謀所以稱觴者府君止之曰汝乞名公卿賢士夫詩文以壽我曷若汝勉于文行得令名以壽我哉調元聞命悚惕遂止時方舉鄉飲賓衆推府君府君曰吾固無德以堪之且吾衰老耽靜憩其寧吾病體力辭乃寢府君平生無意親仕宦而淡榮名如此志欲建宗祠作家譜曰有祠藉以妥先靈因之歲時合族幽明于是

發甫集卷二十五

六

蘭陔草堂

乎聯綴且爲後昆能識族中親疎支派使先人德善不泯滅斯爲孝子慈孫歲歸餘姚省墳墓嘗流涕顧不孝調元等曰吾力不能歸汝等其成吾志他時必葬我先人之側吾魂魄依此土也調元等泣而識之不敢忘尋常與人言爲錢唐方音獨歲時享祀祝告及課讀閒吟必餘姚土音餘姚鄉人至母論親疎必稱情款洽姊適樓公服言早年守志不幸撫兩世之孤年踰八十完貞以歿府君始終顧恤之嘗語調元等曰汝樓氏姑一生苦節何可泯也歸計旣艱蹉跎未及請旌調元等彌以不能承府君志爲恨烏程舅氏義忠公蚤孤貧以力農成家少與弟相失中年百

計尋之歸分田宅與之時稱孝友王家府君欽重其行謂調元等曰是誠識孝友二字矣子夏有言雖曰未學吾必謂之學正謂是也命子孫以爲法蓋府君孝友之性觸處流露倍加晚摯也自先祖以來內外長幼裏衣下裳履襪必以布世守爲家法惟靴許用絲曰此承祭見賓之盛服宜致美也嘗訓不孝調元等曰人生以孝弟爲根本更嚴取與慎言語節飲食斯可以爲士矣居鄉不納閒錢出仕不攜官物憂寐何等清恬食一入口不得出言一出口不得入大可懼也論刑辟十之七八禍生女戎其一二他犯細推根原尙暗由此君子以爲名言有倫兒連夕入戶坐

發甫集卷二十五

七

蘭陵草堂

守驅之去後夜分穿穴入者再府君以鐵擊地厲聲曰倫不可爲也遇他主人汝畢命于此矣倫兒感悟泣拜于地曰從今死不敢爲倫矣顧無貲以營生何府君憫之予以十緡卒改行爲良民除夕尋常設椒盤雜以蔬果顧吾母王太君曰此上福也極貧賤既以度歲爲艱彼貴者規朝參富者事握算此時心尚未得寧焉若吾與汝早團聚兒女分歲哉蓋安分知足家人並怡然自得無外慕也平生未嘗佞佛求仙縑黃到門有求輒與之曰此貧戶非圖作仙佛亦廣闢養濟院耳堂廬卑陋必灑掃清潔惟不許板壁糊紙斥浮飾也衣雖布褐垢必澣敝必紉曰觀此足知

內政女子以烹飪織縫爲事不須嫻文墨或謂知書足悉古今賢哲識禮義府君愀然曰噫聞壺筆墨傳于外自屬非宜凡借人書紙爛補之線絕更之不汚油煤歸以完好家藏書亦然衣服巾櫛器用置有恒處雖黑夜倉卒就取百不一失調元等自兒時服教率事事整飭庭內儼若朝典昨冬府君病阻關鬲調元等彷徨侍湯藥不忍離身愈進飲食神氣日振趣調元赴春闈試曰吾非欲汝博一第以榮我顧念我祖宗累世清白宜有所發揚以徵先德耳復屢趣行甚切春正之四日調元涕泣勉就道亦竊幸府君飲食轉進節入春和可保無恙至十六日府君體覺清

發甫集卷二十五

八

蘭陵草堂

快起坐中庭竟日詎意緣此過勞疾復作幾半月竟超然而逝而不孝調元遂長抱無窮之恨也嗚呼痛哉嗚呼痛哉大歛之夕雨如注不孝鼎元昏迷中聞戶外號奔來送至塞衢巷哭立雨中俱自言蒙府君治其奇疾得活者也不孝調元方荷皇上隆恩召對性理賜進士授額外主事而我府君已不及見之矣嗚呼痛哉凶問至京爲五月八日家書附鄉人余君君留滯山東至是始達不孝調元悔恨憤恨就道不獲維持寢門親視飯含復痛凶問稽遲不早見星而奔號依喪次徒爾棲泊寓舍盼家書不得魂夢驚噩今卽心腑崩摧急追府君于地下亦永永悞悞

無及嗚呼痛哉臨川李穆堂悲府君之徂謝爲書古之篤行四大字輓句云平生出處兼通隱志在希文宰相醫可以知府君之爲人矣嗚呼調元罪大痛深不可爲人子至於斯極復何意覲延喘人間世也府君生于順治十二年十月十四日卯時終于雍正十一年正月二十八日戌時壽七十有九調元等扶柩自錢唐歸餘姚于是年十月七日葬于大塘南廟路港東岸之新阡與港西岸及塘北祖隴咫尺相望遂竭力捐倡合宗人費營建家廟于眉山巡檢司城之南成先志也元配張太君繼王太君子二調元娶汪氏鼎元娶俞氏孫六繩鐘繩球繩琴繩權繩篋繩度

張甫集卷二十五

九

蘭陔草堂

孫女二不孝調元神魂飛散昏亂摠述一二惟大君子哀而賜之銘誄焉

附墓表二首

臨川李紱

雍正十有一年春浙江錢塘處士桑君卒其長子調元試於禮部以通知性理蒙 特恩賜進士授工部額外主事閏計卽哀號南歸治喪葬疏食水飲絕肉食者三年既免喪赴工部其飲食起居喪時或勸之則流涕謝曰吾求吾座至臨川李公表吾父墓必得公文而後畢吾心喪也余聞而哀之然方司邦計卒不暇以爲又數月左遷少閒乃按其狀而書焉君先

世居餘姚唐時有仲才公諱憲保者有功德於民鄉人神祀之君始祖也曾祖諱景明祖諱得祥父諱貴卿並不仕君諱天顯字文侯生而凝重愛端坐年十三喪母父患反胃疾君棄書冊治生以養羈肉爲糜或餼羊脂以進百方求所以宜胃者父疾延數歲始卒孝聲聞里閭有語孝行者必曰何如桑郎小壽或父母訶其子不順者必曰獨不聞桑小壽之養親疾耶小壽君小字也既冠學書計精數學勇於爲義鄉望益高康熙十有三年逆藩耿精忠反連海寇犯浙東海墘震動咸團練入保君所居鄉推君爲練長辭以少不聽乃率衆誓於仲才公廟曰吾祖神靈必相

張甫集卷二十五

十

蘭陔草堂

佑然非信賞必罰神不據我也衆皆曰諾一夕寇果至率衆往拒見神亦盛服立馬交衢賊大駭不及戰而散咸謂君精誠足以通神明益奮勵竟事無警聞其才者欲延入幕府或請授以武職卒謝不應旣而曰吾遂無所濟於人乎試治醫方卽精邃遊錢塘寓居焉治疾者中有求必往卒之夕來哭者塞庭後至者立雨中不去聲載路皆其藥所活者也生平以去卽墓爲歉歲必歸餘姚省眎卒之後十月七日調元等遵遺命葬君於餘姚之大塘南廟路港與先塋相望以成君志云三代而下鄉三物之教不行士苟志於富貴利達而已自戰國時孟子所見已比於東郭

墻間之乞羣然失其本心而不悟孟子所爲哀之也君孝行聞里黨才名著於官府乃招以幕務不應任以武職不受已足以激頹風又汲汲於濟人非僅如石隱忘世者之所爲也可無表而出之乎君生於順治十二年乙未十月得壽七十有九娶妻張氏繼娶王氏子二其次曰鼎元孫男六人女二人乾隆元年朝廷贈君如子調元官因爲論曰唐始推恩臣工封贈其先世孝之則類之錫也顧仕止有時恩雖重或得或不得也今天子至仁在籍者皆及非常格也而君適遇焉贈工部主事古冬官之職也兩配並安人榮有室也是何脩而致然耶君之德也表茲隧道

張甫集卷二十五

士

蘭陔草堂

石無時以泐也

江都馬榮祖

錢唐篤行君子桑張甫調元屬余爲厥考文侯表墓旣方讓不得遷延六閱月竟未就也余與張甫名聲相聞今上丙辰召試保和殿中始於殿中識面先是張甫成進士授工部屯田主事歲在癸丑其父已於正月卒相距三千里寄書中道沈攔閱五月乃克聞計以是痛毒尤深謀所以不朽其親者尤篤余兩人別旣久庚午遇於大梁張甫主講席於此已四稔承學者無慮數十百人人人自以爲得師士夫斷傳其先人多相率拜請作傳誌惴惴以不得當爲懼瀧

岡之表張甫應自爲之而顧以屬余余用是益瑟縮不敢輒作一日遊華歸坐余獨倚樓譚諸正劇忽棖觸前事仰天長號淚涔涔幾几席一署盡驚余爲愴焉出涕屈指其父之歿已二十有一年記所謂非終父母之身終其身而已者非是父莫生是子遂毅然奮筆而傳之翁諱大顯文侯其字世居餘姚遠祖仲才公仕於唐歿爲明神載在祀典族姓環廟而居悉安耕讀自翁遷錢唐斷新其堂構督其子張甫辛苦問學學成名立卒光顯其前人世咸嘆翁有子翁童時以孝聞後以捍衛鄉井辭功不受賞遂以孝勇大著於時家酷貧無以爲養廢書治生力爲善行至老

張甫集卷二十五

士

蘭陔草堂

如一日翁行三昆季相繼歿十三喪母十八復喪父零丁孤苦爲天地之窮民父患反胃飲食鮮進謀所以療父疾者靡不至五六十年來里有稱善養其親者其人輒顰蹙曰我何敢望小壽伯有不善養其親者其父母嘗之卽曰小壽伯亦人子若奈何不效小壽伯小壽者翁小字也甲寅耿精忠反翁年甫冠衆服公義勇請於官推翁爲練長翁旣爲衆推誓以身捍賊默禱於祖廟卽誓衆廟中導以進退更番之節約束既定一軍屹然九月一日海上賊舟大至忽遙望空中炬燭天旌旗紛簇如雲擁左右翼環甲突出戛摩鏗然中一人盛服勒馬立揚鞭指麾遂驚遁

海上居民具見之皆咋舌以爲誠感至今海頭高阜
矗立者數處嘲上不能嚙卽昔日防哨出沒地也土
人因呼桑公塾翁旣學治生尤精岐黃術窮探古方
自以意酌量損益望色洞臟腑立起奇疾他名醫折
節就傳業顧治法與時變化竟莫能得其關鍵要領
風雪酷暑中一聞剝啄披衣拔步往所全活無算不
取直卽有與者緣手散盡臘盡或無以卒歲意恒晏
如一夕里人入戶四顧無人取物納懷中翁與子從
屏隙窺見亟搖手屏息任恣取旣去戒子勿洩曰吾
不能早周急令至此可媿也又偷兒連夕入戶坐守
驅之後夜分穿穴者再翁以鐵器擊地厲聲曰偷不
可爲也其人躍出伏於地曰自今死不敢爲偷顧無
資以營生柰何翁憫之給以十緡去卒改行爲良民
毀甫業以文章發皇其篤行同學生無與抗行或
翁曰翁積德生此高才郎卽惶遽却立曰昔人種德
謂後世必有爲三公者吾不德亦庶幾後世有爲端
人者高才能文章兒何遽能爾然亦非所靳也年七
十有司議舉翁鄉飲賓力辭謝曰吾何德以堪之後
九年而卒其務實退讓皆此類也顧翁雖遷錢唐卒
未嘗一節忘故里尋常與人語語皆錢唐至歲時享
祀祝告則喃喃操土音每至餘姚省墳墓顧毀甫涼
然曰吾力不能歸里汝其承吾志又思建祠作家譜

毀甫集卷二十五

三

蘭陔草堂

曰祠以安先靈且得歲時合族有譜則後昆能識支
派之所從來他日幸葬吾先人側吾魂魄應懣懣此
土也毀甫泣受命卒如翁言大殮之夕雨如注號奔
而來者塞衢巷哭立雨中良久不忍去則昔日受恩
與起奇疾者也臨川李侍郎穆堂輓詩云平生出處
兼通隱志在希文宰相醫其爲名公卿愛惜若此

毀甫集卷二十五

十四

蘭陔草堂

張甫集卷二十六

錢塘桑調元

祭文

祭盧天羽先生文

嗚呼哀哉公高士也息於竹林寓於蓮社公何往乎
騎雲上天門開蕩蕩公遽游焉公於考妣孝思若結
考爲茂宰志乘炳列晚而生公卽爲藐孤撫之教之
生妣氏朱妣誦金經命之箋註箋註乃成泣然孺慕
壯一遨游幹濟多方幡然高隱善刀而藏他山賡和
其音則雅數子流風於今蓋寡若陶子師若湯西崖
若沈澗芳歌呼與偕林皇之下醉吟轉洽坐者歌詩

張甫集卷二十六

蘭陔草堂

隨者荷鍾其尤善者爲馮少渠爲景菊公爲王玉樞
俱先物化頻揮老淚空谷音聲靈光殿歸嗟予小子
憶束髮時才子存心予兄事之升堂拜公公謂可教
偉哉古人勗之則倣爲詩古文手予矻箴存心與予
集號同心數間草堂罔間寒暑攻錯玉石依倚叩炬
公之愛予愛存心如愛予器予爲播令譽予蹟公惜
予奮公喜匪期通達期有爲耳予年旣壯屢蹴塵紅
綠碌者予此意愧公公與府君情味縈縈二老龍鍾
無幾相見兩家子姓姻戚通門兄公之子壻公之孫
孫年雖幼能讀書矣公之厚德垂裕在此予遭大故
煢煢孔哀見星而奔衰絰歸來已矣先君翼公壽考

疇知蒼天不遺一老茲來一慟衰絰在躬吾弔乎哉
沈痛在中予與存心相視泣血疇昔之晨哀哀永訣
枯已枯淚斷已斷腸風聲撼木白日無光因我先君
哭公入痛恍兮惚兮靈幃如夢輾轉因公哭我先君
二老往來圓寂無聞予持存心一慟欲絕兩面涕淚
互沾衰絰存心持予痛不欲生哀哀煢煢我弟與兄
入骨之傷生無爲養今具椒漿靈其在上

張甫集卷二十六

二

蘭陔草堂

祭馬龍馭文

嗚呼君其竟揮手人間耶子夏有言雖曰未學吾必謂之學其君之謂乎君孝乎惟孝友於兄弟教子以義方於朋友也性命相於急人之急兩婆千萬直等錙銖敬愛文人掃賓榻以待潔腆勅乎中厨疇昔館予從渡江而東者不乏其雋之徒若盛世佐若朱家濂學成名立後先騰踏於天衢匪浮名是榮實經術博瀾詞藻敷腴並嘗藏脩於君之廬予友李君介百繼予講席君禮待之如予介百客死京都君卹其寡孤孤幼也賙之孤長也教之歷十年餘而古義弗渝卽此足以大書特書宜乎君之子文麗入庠序而蔚然爲儒眷亡兒以嘉姻不幸早夭感痛若沒之初吾之官北上艤舟真江之浦君邀把盞歡呼出百金以贐吾吾奉先君遺教不敢受親朋之餽歸而奉以爲壽而君弗納此區區頃予遊梁再過真江慨然道故仍別酒之沾濡俄驚聞怛化不禁涕淚之淋裾欲奠一觴而匏繫客途今遣兒子繩球持椒醕以酌生芻卽以贐吾者莫君庶禮尙往來之義與君贐吾紆文綬予莫君歸黃壚浮雲逝白日徂一俯仰千歎歐嗚呼嗚呼

張甫集卷二十六

三

蘭陔草堂

祭沈古春文

嗚呼善士鄉邦之望如何不淑耆老忽喪衆人雨泣矧予交親溢湧老淚用弔幽淪生而篤行信古君子以予所見罕得有此篤行維何孝于其親子曰色難根諸性真孝乎惟孝友于兄弟弟走風雨望歸前涕念悲其遠心在女兒引居密邇昕夕歸寧兩弟不祿擗踊沈痛手營幽宮兒哺以渾如賓相敬妻實刑于俯無姬媵中年鰥居一心纏綿厚注倫理波厥仁恩惟力是視朔風破肉鄰兒衣單親意憐之子襖禦寒寒者孔多廣施厥襖婦手針紉德心繚繞偷兒入室資以青蚨卒爲良民古彥方如誌銘予手書不能徧鄙人聞風薰德而善碑郭有道乃無愧辭觀其善報徵厥隆施里火不戒入捧栗主凡茲家具輕于一羽頃之焰息牽扛歸廬衆請點檢不沒錙銖來非號召樂爲扞護此何以然感德之故古未有是德誠懋哉睦婣任卹從孝友推傳非楮墨衆口不朽予所卿悲不重執手王申春夕再赴中州暴雨浪浪門纔扁舟樺燭高燒旣醉而別別胡其遽相顧情熱予仰令德松施女蘿待團圞宴拄杖婆娑昨歲杪歸澆湖墨黑欲訪不前惡耗心惻予仲兒婦賢孫外姑棄小兒女猝歸黃壚此情悵悵悲不我獨肫摯姻親罹虐何酷新正期晤對憶老懷周嶠趣行夢繫天涯予病過歸

張甫集卷二十六

四

蘭陔草堂

正堪聚首聞已上仙淚醺一斗老成凋謝哭匪由私
湖鄉後生孰模楷之況兩家孫年俱黃口一喪外姑
一喪大舅予心振觸哀以增哀番番二老緣慳往來
薄奠風前生芻一束有酒在尊有淚在目嗚呼哀哉
尚饗

張甫集卷二十六

五

蘭陔草堂

祭同曹伍君文

嗚呼以君之品之才而年止是耶君之奮跡也兄弟
同舉於鄉同對策於大廷人皆以爲華而君曾不
之誇簡畀古冬官之職尋以憂去服闋不遽起蓋戀
戀太夫人之色笑於家昨者君之孟出宰山右而君
復歸青瑣日接席而不我遐值泰陵工作方殷典
制實鉅且繁賴君之小心勾檢而獲終事之無差今
之夏五君忽焉歐血漸羸瘵之有加旣而君之家室
適至意服食料理當霍然病已撥羈思之紛拏俄悲
夫佳兒不有翻抽哀緒以如麻芼芳羹於一匕搜靈
藥於三極庶二豎可祛而去而豈謂人間興盡徑乘
清風而飡紫霞也乎嗚呼君年僅三十有一瞻前路
之方賒今中道逝矣痛志業之不竟竟年光適盡疾
於赴壑之脩蛇旣陳夫公奠又申之私悼念邸寓之
蕭條閒寂類塊處之匏瓜且歲多淫雨濛濛沾溼延
冢壁之行蠅寒驢孱僕蚤驚心於省漏晚凝睇於市
燈而崎嶇困頓於盈尺之泥沙青綾被冷月落河斜
計旦晝之職業而幸心之無瑕蓐食而出苟無饑渴
又誰爲之顧恤以比夫飯來開口之神鴉追魚軒至
止蠟映窗紗噫相見無幾日耳而生也有涯君之令
子天者應候乎泉臺而存者號望乎靈車君之嬌女
索父而啼迸乎丹砂有母而眼枯心痛有兄而哀有

張甫集卷二十六

六

蘭陔草堂

大婦少婦而髮嗚呼人生無蒂原漂宕乎人海之浮
苴顧椒焚而蕙歎其能免乎同曹之涕泗而咨嗟

張甫集卷二十六

七

蘭陔草堂

祭張東升文

嗚呼惟君志行之醇篤氣節之剛方非祇爲閭里之
賢而蔚爲邦家之光雖氣壓百僚之底而挺挺不撓
之梗概孰能掩其磊落而昂藏尋恒膺一命之榮名
點乎仕版卽志存乎苟得而滿谿壑於橐囊匪微末
吏也卽侈然臺省館閣挂籍聖賢亦罔恤乎名節而
蠅營狗苟者其常睢盱阿諂承奉權貴并要路之奴
隸亦極意邀結門館而甘心列爲雁行又孰秉乎正
氣持乎直節爲中流一柱砥萬派之瀾狂惟君也天
與異稟森灝氣其噴薄而競聳乎龍眠之巖壑爭洶
乎大江之滂洋慨慷激發擲一官如敝屣而伸常憲
之紀綱君以名豪門之奴隸官嗚呼如君者求之古人中豈可多
得誰執史筆而書竹簡之煒煌引歸東苑一區水竹
之居正可適志而徜徉蒙眷以嘉姻方幸小子得親
承英傑之論而受誨於東廂胡昊天不弔遽返真氣
於瑤閭有蘭者肴有椒者漿陳辭告哀靈其來饗

張甫集卷二十六

八

蘭陔草堂

祭張丈聞蒼文

嗚呼惟公生稟正氣剛直性成自童年就傅已見頭角之崢嶸雄才豁達志經緯於世務不局局於縫掖之書生公嘗謂毛錐生活雕蟲篆刻非壯夫之所營通達時變前籌借箸爲名公卿之所倒屣而爭迎歷秦晉楚粵齊魯燕趙梁陳之郊身行何止半天下俱磊磊落落策畫必盡其丹誠大筆淋漓爲人作封事以上告於 彤廷其利黎蒸也膏液滲漉暗澤潤乎柴荆小有弗合決然捨去不可以一日留而視千金若芥子之輕蓋嚴氣正性有古烈士之風而不受乎塵俗之撓家居孝友事親竭力克視聽於無形無聲

張甫集卷二十六 九

蘭陵草堂

值鵠原之黯慘遂鞠育乎猶子不啻膝下之童嬰以撫以教膠庠接跡並卓越乎髦英佇搏扶六月直上乎九萬之程觀所後之哲嗣恂然式穀卜昌後而著乎令名調元夙依姻戚覩嶽嶽如公者誠佩服而心傾胡昊天之不弔遽騎箕而上征嗟時流之波靡失里閭之儀型吾悲夫正人逝而末俗圯豈徒以私痛而淚如凍雨之零冀靈爽之昭鑒歆椒醕之芳馨

張甫集卷二十七

祭文

祭盧母楊太君文

錢塘桑調元

嗚呼太君泊然棄養其何之太君猶吾母調元猶子而今其焉依太君之賢古列女如是者亦希雖范班之筆莫與狀其至仁之音徽宗黨戚屬無論知與不知咸相與感嘆而獻敬而調元之稱述又何所私匪惟無所私已也而悲傷涕洟且不暇乎稱述之爲調元生十餘年而得與太君之子存心訂千載之交期兩家子弟互拜於堂下藹然兄弟之怡怡太君飲食

張甫集卷二十七

蘭陵草堂

之存心與調元均一而曾不異乎生我之恩慈有九者熊亦分餉之而辛苦最存心調元之爲子而才逮各有室家而馮之淑媛爲存心之先妻調元娶於汪亦棗脩相見而不啻奉姑嫜以盤匱太君視調元猶子而視汪猶子婦二門之內省問之軌齊出乎雍熙馮育子而汪育女訂子之昏早在乎母之懷兩兄弟宛同一父母之生而娣姒亦繾綣於中閨悼吉光之遽殞吾女猶未及乎笄吾母先太宜人與吾妻哭之也慟而太君更何如其悽愴二十年來太君之孫歸然成立舉於京兆而珮聲歸到乎鳳池夫豈謂區區之世榮足以光乎太君而實太君坤厚之德足以肇

夫遠大之基太君以撫子也撫孫以撫子婦也撫孫婦吾莫能名其恩斯勤斯而閔斯人言少渠之外孫白雲之子弢甫之女之夫持不律橫掃者爲誰非太君之德又孰能鍾毓此孫而妙摛乎煥爛之文辭而況曾孫孕七月而生天亟送此書種之奇太君年登八十有五考終之夕猶訓子孫以忠以孝而明大義如日星之垂嗚呼是豈可得而湮沒惟調元知之深言之確久旱之天淚如寒雨之醺自吾母之棄養也五年於茲時依依於太君之帷今太君又逝矣上天下地調元真煢煢無恃而以心喪纏吾之悲嗚呼哀哉尙饗

弢甫集卷二十七

二

蘭陔草堂

公祭臨川李母吳太夫人文

於太夫人我師之母我師之母亦我大母師名世才陶歐陽友母生名世孕氣獨厚方幾大耋俄終綺牖母之篤生榮溪之湄歸侍郎公莊敬齊肅公好客遊家政母爲育男子五母爲之師匪惟藝文道德睟古師也學成聿起南土五經紛綸首被鄉舉釋褐登朝奮超儔伍作督躋卿如芥斯取取可捐可巍班芥如所不朽者大書特書書不一書虎僕其濡爲國名臣爲時碩儒浩然吾養戟霜眉頻折頻起帝詔親除臣骨自鯁臣身不孤穆穆金波承華是直一皓天留歸然舊德今之韓愈僵走籍湜退食齋心趨朝正色悉由母教以盡臣職中間建節迂道里門光錫宸翰加有恩言欲其多壽拜天之恩尙方之珍賜予便蕃起居八座以上酒樽榮賁三朝實有錫命南北養堂頻繁拜慶山谷上塚清詩疊詠騰踏門才斗南綿亘惟憲皇帝升配禮成銜命祭告妙選列卿南鎮建康師幸南行省覲孔亟得請於廷使事既竣浮鷁兼程熟夢倚閭胡噩而驚江天蒼蒼江月明明江樹靡靡江風不寧嗚呼天邪不鑒精誠僅兩旬耳遽速雲輶煢煢我師哀哀在疚泣血椎心痛徹昏晝往不可復若星過霄終天之恨恨莫殫究某等醺涕詎比常倫三浙之滌說經斷斷其源有自

弢甫集卷二十七

三

蘭陔草堂

西江齋淪母實導之沿沂特親仰望望舒其色如銀
陳詞滴淚雨泣無垠

張甫集卷二十七

四

蘭陔草堂

祭朱母陳太君文

嗚呼太君之德生秉柔嘉些有媽之後胄則華些翼
翼門楣幃幃則雙而馬則五些十七于歸翠翹金縷些
於朱是嬪從祁祁之下女些維司訓之婦些維刺史
之子婦些維尙書之孫婦些潔作羹湯奉君舅些氣
下色愉姑則夫之生母些如賓如友倡無不隨些接
娣姒兮謙謙懋令儀些下逮妾媵被恩施些門有車
有騎治食器些中厨洗如付質庫以其釵珥些贈報
之雜佩取諸笥些僕夫整駕君子遠之四方些女事
織紵男業縑細些躬嚙粗糲供師以脯膾酒漿些杭
之郡官儒官些從以魚軒花映講壇些問紗帷兮所
須樺燭燦銅槃些前後執喪永號縞幕些哀哉嫗而
壘下弔有白鶴些修所天之隕兮荃焉能不怨乎皇
穹些陶嬰黃鵠中年不雙些篝燈課子淚淙淙些日
先緒其克承他又何求些歲值上章鸛羽初高些詢
孝廉船宛在鶴洲些有美文孫粲粲珠三樹些上有
所生之母兮迎歸而還哺些語而絮些慕而孺些絲
絲之鬢俱素些葱蒨名園包裴之島些故家喬木千
章十抱些爛爛芝華采采以娛老些禮以爲宗問通
門些條雲軒兮上征紛涕淚其沾巾些看芬酒冽蹠
陳於華軒些靈其髣髴歆此俎尊些

張甫集卷二十七

五

蘭陔草堂

祭朱母顧孺人文

嗚呼天道茫耶昧耶孺人之賢而年竟弗遐孺人之賢賢夫誄之三黨曰然姬姜之師調元亦敬作誄誄厥內則誄文在紙淚則沾臆沾臆之淚大德其忍忘哉感深存歿予心用是哀哀酒絮雞炙薄奠將誠欲道予感激不更誦孺人之平生賢夫予齋調元兄事嫂事孺人蓋兄嫂其真不愧我無兄嫂我有兄嫂賢哉兄嫂嫂胡不獲與兄偕老疇昔之歲館於鶴洲賓客生徒玉漿瓊羞鶴洲三年花鈿盡圻花鈿盡圻孺人不惜古者截髮留賓祇勉供一朝以古視今孺人其勞勞其小者孺人德大大德維何予哽咽言之淚

改甫集卷二十七 六

蘭陔草堂

四浣予心徬徨昨年之季冬予齋將攜予北上予辭以親老弗獲追從孺人語夫盍往於杭視老人康強獻歲其偕行遂往於杭予考疾作助營醫藥罄倒行臺當是時也齋亂予懷生我者父母助我者予齋考疾漸減日進飲食考壽有一日之延亦予齋之德予齋之德孺人之德微予齋其疇助予寢門晨夕考疾既減趣上公車獻歲四日於焉首途塗經於禾艤舟草堂柏盞椒盤猶得一嘗迨見星奔歸予不可以爲子煢煢予枕塊而婦病欲死婦病欲死又遠繫孺人之心何以惠之惠之以養又何惠之惠之白金白金與德艱難謀致婦病不死孺人之賜迺孺人亦病謂

卽克瘳嗣聞沈綿予夫婦私憂天乎何酷難以理論酸風黑月有計到門嗚呼孺人卒不起矣極知勞瘁馴至是矣三黨之悲涕瀾瀾矣矧予夫婦悲無渙矣感與悲俱疇能已矣噫乎予齋更何倚矣維靈其享此薄奠而來格乎嗚呼

改甫集卷二十七

七

蘭陔草堂

祭盧母李孺人文

嗚呼孺人之賢其無間於宗黨戚屬之口者如出一口之稱揚而吾女亦歸於城南之氏族其知之也尤詳孺人之溫恭淑慎動遵禮法洵足爲楷範於姬姜何昊天之不弔遽殞乎賢淑俾內外之感嘆而悽傷孺人之來歸於我息溟也吾亡友海門爲之蹇脩珈冠珠佩嗣徽音於燭房從所天寢門定省極孝事於姑嫜芳則芼之鮮則鱸之時洗手作羹湯迨髮而當大事則必誠必信以執乎姑之喪微特姑也於庶姑亦存歿禮意之周詳息溟負才不偶篝燈伴夫雒誦屢經瑁璫於厖涼相與慰乎時命而無幾微之怨

張甫集卷二十七

八

蘭陵草堂

乎穹蒼黽勉有無食貧且甘之如飴而支持井甃且罄折乎釵梁雜佩問報吾吟社之侶嘗過從讌咏中夜聞食器之鏘生有四男子子岐嶷輩立類封胡過末之輝映乎東廂外庭之教之也勤矣猶復熊丸分給乎北堂海門之歿於京邸也其貌孤疇依與爲經紀而慷慨盟心卒訂密戚於潘楊斯固吾息溟之磊砢不羣亦孺人爲之贊襄操內政之整肅以冬以夏針紉潔治乎巾裳親賓上下誠家室之具宜罔不謂閭德之幽靜而慈祥吾女王姑楊太君之耄耄也孺人左右維持不啻王姑之扶將楊太君老而目矐時時就慰省之而曲承語笑於幃牀太君之逝終始盡

哀禮於總帷之旁吾女之歸嗟禮教之未嫻而孺人誨之恤之噫茲恩意其又可忘吾女從夫於日下聞太君之訃一慟幾絕今復聞孺人之訃其哀以增哀定崩痛於心腸嗚呼如孺人者而早逝吾安能叩乎天道之茫茫況遺弱女猶在童穉其誰爲之撫惜而檢理乎奩箱然善無弗報而終聞後之熾昌嗚呼哀哉尙響

張甫集卷二十七

九

蘭陵草堂

賦

憎已賦 并序

昔賢作閔已賦致不聊矣顧其意少骯髒且或似斯人之憫之也竊謂其賦可不作予固不願爲人閔卽已亦不之閔也乃若自憎則有焉作憎已賦

上天下地兮前古後今聖賢豪傑兮肩立如林顧我何爲兮綴生於漸江之潯宕漂人海兮載浮載沈有體如痺兮有舌如瘖噉其會食而操筋兮頽乎入息而就衾蚩蚩無知兮以默塞而爲心神明弗我佑兮

張甫集卷二十八

蘭陵草堂

師保弗我臨志與氣其閉抑兮又何論乎磊砢而巖嶽百年鼎鼎兮幼耄相尋駕飛黃之上駟兮疇追及乎分陰予年其旣壯兮志四方而辭家室親老其弗能養兮徒疾徒怵弱季其伶仃兮嗟弗能爲之恤鬼戕一壯夫兮呻佔畢細故糾紛而膠葛兮撫此歲月其坐失我性自疎兮人謂弗曜我身耽勞兮天置諸逸我才弗優兮境益之絀我智弗達兮命逢其窒訓客兮或忘甲乙按數兮或爽六七偃偃東西兮或寐達術悠悠旦暮兮或惜時日先師其有嗤兮長而無述謂我爲饑兮寄食年年侏儒母我笑兮腹已果然謂我爲寒兮冬披黑猊攬衣且過甯兮膺有舊瓊謂

我爲憂兮繩網弗牽雖落拓而無患兮優焉游焉謂我爲疾兮體骨中堅雖黥黥於風塵兮庶幾形全聲色狗馬兮早謝厥緣窮通得失兮俱委於天奚儻儻而偃蹇兮志難宣睠宇宙而長懷兮涕如流泉不點不癡兮匪少匪老民各有心兮予亦蓄茲微抱束髮而向學兮惟古義其窮討久無所標建兮庸視履以自考罔立厥德兮罔明厥道罔樹厥功兮罔揚厥藻靜操一絃兮自知溼燥炯持一鑑兮自覘醜好浮名爲糞兮今聞爲寶身弗克紹於先正兮怒焉如擣抱咫尺之小義兮孰能動乎穹昊我行其敢憤憤兮我心草草踽踽涼涼而無向兮予亦拙謀遵迂疎之軌轍兮

張甫集卷二十八

蘭陵草堂

乘寂寞之輪輶不鬱鬱其久居兮更勞勞其焉求吾將往躋於名嶽兮舒長嘯兮示邱激天風於遼廓兮盪吾胸以銷憂吾將往凌於滄海兮發浩歌於洪流洄濤瀾於萬里兮放吾矚以巡遊願獨往而弗顧兮何延佇而遲留欲登高而無梯兮欲浮深而無舟吾不能馳烟而驟虎豹兮又不能衝波而駕龍虬復徙倚於塵埃兮悵息意於冥摛形等土木兮名同贅瘤已實引爲憎兮於人乎何尤或反道以趨驚兮益起穢以承羞姑爲世所詬厲兮惟默企乎前修

雞肋賦

倚翰音之品族固充庖之所珍供雕俎以肥麗陋茲
肋之具陳雖借熟乎翠釜未堪和以芳辛辱鸞刀之
割剖分取薄乎饗人何一體以登凡乃珍賤之殊倫
羌支離以存骨難勸餉於上賓荷君厨之未遽棄兮
置之鼎砧之側遇饕餮其猶未好兮入瓊筵而寡色
命易牙以燔煎維此下箸其焉食匪滋味之有貪感
昔言而心惻棄之如可惜兮食之又無所得念一鸞
之苟取非正士之夙期叨區區之予畀可疆起而嘗
之不希飫乎雋永未望療乎輞饑際孟夏之食菽謂
與此其適宜情固鄙乎染指物亦謝其朶頤嗟君子

波甫集卷二十八

三

蘭影草堂

之投七異需雲之取象虛丈人之欵洽愧茅生之孝
養憶伏雌之有烹歌屢屢而愜懷噉齊廷之食跼窮
饌玉而侈蕩耻口腹之累人乃今免乎口爽感南鄭
之舊事羣且避乎曹公留杜子而作鎮回鞭鐙之瓏
瓏彼楊脩之嚴裝誠偉見之畧同惟有棄而有取能
識務而稱雄寓微旨於口實悲棲遲之罔功更皇皇
其焉求亦今古之所惆亂曰至人無累不爲物役泯
棄取之成心又烏知所遇之肥瘠

扶竹賦

康熙丁酉家園產一異竹下合節上分竿接葉交柯
亭亭並立昔劉氏於東陽洪氏於寧海咸有連理竹
之瑞東陽寧海浙地也浙固多異竹哉壬子年拾遺
記云竹之美者有錢塘之扶竹焉余居錢塘而家產
此此則扶竹也已爰爲之賦曰

倚與修竹環茲北樓綠影上捎乎碧漢青光俯映乎
璿流葉解清颺亂牕櫺之翠羽梢搖明月影簾幕之
瓊鈎勁節虛中瑤玉之竿峻拔香苞嫩籜琅玕之管
新抽龍孫躍瑤壇之曲犢角穿石磴之幽其始也一
一駢頭若稚子錦棚之秀紛紛削節若瑤姬玉指之

波甫集卷二十八

四

蘭影草堂

柔其後也轟轟嶽嶽若巉巖之排峭石森森行列若
軍壘之列長矛俱各差池異狀長短不侔爾其觀陰
陽之鍾異具配匹而呈奇莖同生以並出節合抱而
相持抽凌雲一寸之心清標得侶疎拔地千尋之簞
貞操能齊含翠新梢交比兜央之翅鳳香春粉雙沾
蛺蝶之衣筍旣連生形比同功之蘭竿猶對植狀如
合鸞之卮含胎則并包乎奇偶發枝則宛具夫雄雌
雨洗嫵媚韻並超乎塵俗瞻籠窈窕影不見其參差
盟托冰霜寒歲相扶以共立情踰膠漆平生那解夫
相思苔色濃兮根互結露華渥兮葉同滋怨復怨兮
遠相別樂莫樂兮長不離彼夫天帚垂青電斑暈碧

黃岡大者如椽淇澳美兮如簀高柯從泰岳含霜修
篠自梁園壓雪籠葱之產十圍簀簀之生千尺或怪
變雉頭或細名鶴膝簀之韻淒淒爲簀之竿簀簀
山名鼓吹簀管植於空林壇播陰森宮商奏於仙石
莫不寄嘯傲於高人賦碧鮮於詞客別有統枝蕭散
簀篠青葱蜀郡則簀簀簀吳都則桂箭射筒由梧
檀欒而蔽日蒼筤舛嫋而含風勁則標會稽之箭方
則珍大夏之筵簀傷比瑤琨之貢簀筵試寶劍之鋒
密密叢深乎雲母參參挺拔乎龍公雲愁山鬼之巖
幽篁一徑月冷湘娥之渚斑淚千叢亦各清姿拔萃
秀色凌空孰與夫同柯婉嫋共筵綢繆實惟合體乃

張甫集卷二十八 五

蘭陵草堂

觀雙頭精瑩可愛兮筠無染恨繡簀相交兮枝可掃
愁哀彼孤生兮霜根特長悲彼苦節兮鐵幹獨修笑
彼綿林兮空然斌媚陋彼叢薄兮亂無匹儔浮筠生
兮風互折簀茂兮毒交稠紛垂絲兮絲綰怨環護
居兮居懼憂荷天工之妙合成此君之好迷翩兮嬋
娟之並天然嫵婉之求吾思夫蹟著奇徵行標芳躋
子孝動天兮冬筍茁青臣忠貫日兮萊簀聳綠林結
金蘭兮朋好聯翩叢輝花萼兮弟昆敦睦誠爲立美
節之稜稜扇清風之穆穆若夫琴韻思和蘭闥願淑
諷雅曲於關雎企芳踪於挽鹿詎冀綠簀之有意似
解人歡偏憐碧筵之多情都成眷屬自昔東陽寧海

曾聞連理之筵於今東苑幽居親見合歡之竹此米
家畫內之所希傳亦戴凱譜中之所未錄倘其化龍
而同去絕勝葛陂如其作鳳以和鳴何殊嶧谷豈似
柯亭製笛人吹離別之音當令羸館裁簀仙作纏綿
之曲伊旋生於子母願濃成慈孝之陰羌載產於公
孫或繁列雲初之族系之以歌曰

烟雲一碧新梢長中有異質同扶桑珊珊琳瑯削此
簀一節一目俱相當皇都陸海春茫茫烟啼露壓遙
相望信美吾土多春陽同心相感大厥祥長春之管
映闥房中林和歌歡未央

張甫集卷二十八 六

六

蘭陵草堂

除夕觀花火賦

維夕其除曰春已迎赤奮謝乎更籌攝提貞乎斗柄
候三百六旬之初景漏響半沈驗七十二候之餘灰
鼓聲三竟主人敬合客歡宛如家慶張六曲之屏風
懸九枝之燈檠紅燃梢榭噓煖氣於賓筵綠泛屠蘇
洽濃情於觥令其既醉止各盡厥歡有物於斯請觀
其盛衆賓離席視之蓋火樹銀花之競勝也於是載
辭酒監爰命火正鼓二儀之橐籥觀萬象之交迸則
見其朱光乍起紫燄交加炫乎階窗照乎簷牙其始
作也亂拋珠豆紛茁銀麻璀璨今綻金枝之蘭蕊晶
熒兮飛玉瓣之梅花其小縱也曳千絲之紅錦撒萬

發甫集卷二十八 七

蘭陵草堂

顆之丹砂煥爛陸離兮赤氣沖融乎日月輝煌蔚蔚
兮絳氛擁護乎雲霞其大放也瑛瑛璘璘若頽霓之
貫屋市訇訇磕磕若赭驃之曳雷車赫熾突衝若火
牛出陣之烈烈烜燿輟輟若燭龍啣照之衙衙寧徒
等於還香毬毬階墀舞朱羽之鷺禪礮的皪霄漢掣
紫金之蛇也哉爾乃驚聞爆竹過千乘萬騎之駭轟
倏現星橋揚九旂五注之旖旎垂垂綵縷高懸乎瓊
貝瑤珠子子彤竿遍灑乎犀錢玉果珊瑚碎鐵網之
枝齒齒擎玉池之朶迤邐芒角乍射東而射西葩熾
炎精忽旋右而旋左是固奪偃師之巧魚龍曼衍而
爭呈試天女之奇花雨繽紛而悉墮渾疑仙窟之樺

烟非比塵寰之燭火維時乍觀眩目熟視怡神類絳
火樹之煌煌輝茲華屋比蔓金苔之燦燦照此朱茵
得借餘輝詎用燃藜作照非矜奇焰寧云燒蠟代薪
守歲同歡重斟醪碧之酒朝元必肅將蹴軟紅之塵
薰九天兮天復旦照乙夜兮夜無晨賤子何知擬賦
扶桑之日羣公有興同看京華之春

發甫集卷二十八

八

蘭陵草堂

東海釣鰲賦

有大人兮以天地爲蝸居以古今爲駒過視五岳若
蟻登於俎觀二曜若蟻行于磨尋六合之音塵落九
天之咳唾美哉夸娥尚二山之能移嗤彼秦王何一
橋之難作音微凌雲之氣匪高超海之志匪大右顧鰲
叢之區早折五丁左瞻龍伯之國又弱一箇爰乃長
蚪弗駕遵東海而徜徉巨鰲思釣就南鎮而踞坐且
夫鰲之爲物也秉離之精而骨則磊落嶽嶽居坎之
宅而脊則突怒偃蹇橫幾千里而賦蹢躅之形于陰
陽伏億萬年而吸溟濛之氣于混沌翬則如墨雲之
鋪目則如赤日之烜半天晦黑由其一閉一吐平地

張甫集卷二十八

九

蘭陔草堂

陸沉由其一側一反章亥之足可于其背往來巨靈
之掌難于其身推輓爾乃神物可取若臨淵羨魚之
不禁釣具方攜如見兔顧犬之未晚其釣維何墜波
底一彎之月其線維何挂天邊萬丈之虹爲胸爲臍
鉤自垂乎昏曉乍晴乍雨線自颺乎西東障尾間而
置簪剗石筍而爲筒小艇纜牽乎井絡長竿柄揭乎
斗宮羗儲餌兮既久翳投食兮殊豐磔千秋之元惡
烹萬輩之群凶籍之不容倖脫數之不可勝窮聚之
腥臊臭腐堆之硯礪崇隆攜束而至囊括而空是皆
不容于覆載之內舉畀之大海之中將以引其欲之
饒饕厭其齟齬已而洪濤沓翻三山淪沒燁赫

乎陰飈陽燄鰲頭怒肆軒昂蹢躅乎地軸天樞鰲足
橫施搪揆其見餌而驟攫也若錚錚龍爪之拏虛空
其得餌而大嚼也若嶢嶢狼牙之噬肥膈其乍吞鉤
而近前也若砰砰弓弩之機齊開其欲脫鉤而逸去
也若號號鬼神之聲殷發于時大人乃眉舒齒粲掣
諸波兮輕盈意靜神閒入吾手兮倏忽遂擬斷其骨
兮以支四極無俾駢厥首兮以戴十洲既而迴顧世
人多以貪而賈禍念茲一物更無知其何尤乃釋其
自纏之線乃脫其自上之鉤瞥縱之入海而去復令
其冠山而遊大人乃遊心于元始釋意于冥搜視大
海兮杯勺視大鰲兮蜉蝣

張甫集卷二十八

上

蘭陔草堂

張甫集卷二十九

錢塘桑調元

四六

教習公譙序

同人結綬情比苔岑別館橫經禮如膠序恰迴風兮舞雪當勝友之如雲玉宇瓊樓遠近鳳城之圖畫珠綃象軸後先虎觀之聲名爭迎鶴警之仙催瀉螺心之酒原夫教習之初設也雲籠殿陛播先皇綸綍之音日映橋門萃俊士組纓之選大昕釋菜元子親師午夜拈芸小侯向學入成均而接武緬前輩之儀型引屬國以觀光添我朝之掌故斯時也玉河已

張甫集卷二十九

蘭陔草堂

合瓊席方開鋪瑤屑於天街長留宵月望紅牆於帝闕誤認朝霞樺燭烟飛下鵲鸞於臺閣青油幕駐來簪珮於蓬瀛隨車指縞帶之翻入座促金樽之倒喜觀滕六橫空播灑以紛披達擬曹參隔舍歌呼之震蕩幸叨陪乎末坐忽有感於中懷肉奮絲飛門外已深三尺酒酣耳熱筵前願進一言惟茲迹畧雲泥遂爾誼聯膠漆當年石鼓羣公會手自摩挲此日綸扉天子正宣其出入以爲陳跡疇則無心看宮苑苑鳥之相親路向層霄而轉上憶帽影鞭絲之如昨情經浩劫以難消謙謙既挹乎虛懷藹藹還舒夫煖眼譬之龍爲霖雨尙不忘碧水之寒潭鳳集梧桐猶

自念丹山之舊穴羣赴曾孫之宴光照幔亭喧傳老子之六氣浮函谷若夫東華走馬頻瞻尺五之天太學看碑尙隸三千之籍相逢弟子並出韓門閉話賓親常通鄭驛傲車羸馬當風未厭酸寒酒賦琴歌卽席與叨唱和顧凌雲青嶽豈岡阜之勢能齊出旦金烏匪參昂之光可配亦云大雅許與同源詎謂小山不期承蓋嗟乎皇亭木落歲月星馳金炬沙隄往復濯龍門下錦囊斑管徘徊買駿臺前歸矣靈光顧同行其孰在遐哉閭闔思獨對以何時人雖磊砢而嶮嶽事或悲歌而慷慨然而天留碩果成二十四考之勲名吾豈匏瓜得三十六宮之春氣亦可襟期朗暢

張甫集卷二十九

二

蘭陔草堂

不須繫白日以長繩意氣激昂直可望青雲而平步者也調元少而失學壯不如人四庫縑緗仰企古人於夢寐九衢冰霰俯慚今我之浮沉不憂臭味之差池端賴風流之提唱抽毫對雪請俟鄒枚作賦之才把盞趨風尙餘高李登臺之興

西湖景物序

東浙名區甲於天下西湖仙壤秀絕吳中旁帶羅城
疊作烟波千頃前襟江水別爲花柳一洲地獻畫圖
人呼蓬閣兩水潏潏其際形似鴛鴦千山飛舞而來
名標龍鳳塔躋室頂截風雨以將飛亭出湖心湧水
天而矗起峯連吳岫粉堞雲通徑接白隄畫橋烟鎖
層層紺殿優曇祇樹之林面面朱欄楊柳芙蓉之館
正爾陰晴堪賞濃淡相宜矧此炎景如蒸火雲方熾
丹山碧澗高臨清暑之臺翠柏青篁幽覓招涼之宇
波涵森森舟如野鷺之輕風引颺颺人比秋菰之冷
金沙溶漾淺映玻璃碧荇參差橫牽翠帶荷粧未老

張甫集卷二十九

三

蘭陵草堂

連朝露粉尤紅鷗戲不驚萬片雪翎盡白蕭蕭葭葦
洲中秋色先呈鬱鬱松栢嶺上清陰不散爾乃奔騰
龍窟洗駒駝騏驥之羣游戲魚梁下鸕鶿駕鵝之隊
銀湍珠沫濺飛浴鵲灣頭玉乳金膏滴瀝呼猿洞口
捫蘿以上躡壁而登夫其仄逕巉巖陰厓靈怪峯峯
樹擁齊聽蟬鳴穴穴風迴疑聞虎嘯皇亭黛抹指顧
在層雲飛鳥之間葛嶺煙橫去來自碧磴蒼苔之外
湖光若練樹頭掛一片晶輝山面如屏天際展千重
繡彩江奔萬馬潮聲過靈隱之樓潭起雙龍雨勢動
韜光之壁泉華噴落僧家枕簟清涼木葉飛來仙客
衿裾縹緲樵歌滿路大都半嶺而還磬響諸天頻自

層空而下虹殘遠郭淨暑氣於郊垌霞蔚前陂翬風
光於林麓南屏古寺全隱歸雲西崦人家半啣落照
若夫鐘能催月柳盡棲鴉水魅山魃吟弄溪橋之月
雲裳露鳥裴裏河漢之天石屋藤牽星斗玲瓏窗牖
玉岑苔滑烟雲繚繞階梯絕壁高吟宛如鸞嘯扁舟
橫笛欲使龍驚此誠賦不盡於泮陂畫難工於輞水
者也嗟乎流水才閱人高臺懷古金牛隱見思漢跡之
蒼涼石佛嵯峨笑秦踪之荒誕薪摧古木檜少永嘉
塵化高僧塔存慧理翻經作社相傳靈運之亭摘句
驚人空指寶王之寺別有牀空竈冷猶然塢間仙翁
鶴去梅荒尚復廬尋處士山圍故苑曾彈內院琵琶

張甫集卷二十九

四

蘭陵草堂

水落新畦不照平章燈火名額既苔侵古篆粧臺亦
雨洗殘脂蘇子成隄顧而曾樂參寥有井游豈如初
乃若舊宇生風唐宋三使君之蹟殘碑蝕土岳于兩
少保之靈卯奏疏於漢京虹吐忠州之生氣歸祠堂
於魯殿天留徽國之遺型是達人不慕紛華或僅心
耽風月志士求無磨滅尤能氣壯山川者矣僕者生
長於斯魚鳥都能親我睠懷自昔烟嵐亦復撩人泛
舟錦帶之橋波光自碧載酒風篁之嶺山色常青歌
舞想當年將毋視爲尤物登臨期我輩或有感於斯
文

三月一日盧息溟招集數間草堂序

春深小苑纔迎百五之時光人聚衡門詎數尋常之主客端居多暇荷良友之招邀永日相將合同人爲歡笑時則泥沾蠟展宿雨初收風襲麕裘輕寒未散破蒼苔之磴細路逶迤開紅藥之軒曲欄宛轉地隔塵囂而得靜天逢晦靄以加妍披度幙之春風柳眠乍起轉烘簾之午日花醉將醒誠可舒嘯咏之幽情發觥籌之雅令矣爾乃吟成大叫意氣昂藏興到連浮襟期豪爽在諸公才盈八斗允號大家在賤子量過三蕉未甘小戶無妨酩酊姑中聖而中賢有意流連遂卜晝以卜夜俄而燈移牕外竹影交花人醉筵

叟甫集卷二十九

五

蘭陔草堂

前茶香醒酒翻觸十年之舊事慷慨橫生暗生千里之離心悲歌復起兒時賡和雅稱總角之交壯歲浮沈苦負登車之志何況論文有約常思渭北春天剪燭難期絕悵巴西夜雨彼夫右軍超曠移情俯仰之間坡老名通寄嘆盈虛如彼昔人同感達者興懷然而濠濮論心雖是知音難得竹林把臂仍呼我輩不羈此則疏觀生物聊爲隨處之徜徉休計索居且盡當前之欵洽者也於是重斟犀角之杯酒波倒捲競擲鼠鬚之筆墨陣橫排旣敷衽以相宜卽閉門而亦可數間同聚盧仝之吟作結交三友環看桑戶之笑成莫逆倘諸賓有興醉且無歸賢主多情援而知止

則三春正盛先成一夕之快談上巳非遙徑請連朝之痛飲

叟甫集卷二十九

六

蘭陔草堂

桑伯子詩序

風騷之作情性所流故誦之可想其爲人而作者原藉以言志流連境地發興良奇撫寫景光竭情斯妙得意疑爲神助驚才本自天生岑寂懽娛微昂恬適隨其一唱三歎歸乎異曲同工伯子士望攸崇吾宗之杰少卽爲名公所推激天令作詞伯以徜徉豈詩必窮而後工乃律則老而益細昨者曾爲梁客追然時發郢吟過舊苑而磊砢作歌意自得也登高臺而慷慨懷古誰能和之況乎小筆風流逸情雲上掣鯨魚不遺翡翠賞秋菊又有春蘭莫測長才具含深致若夫治安之策卽在聲詩草莽之臣特抒忠藎是礫礫十九人之列無此謨謀而洋洋三百篇之遺獨存元本者也綜平生鴻製未窺全豹先見此一斑問海內名流豈無他人不如我同姓

張甫集卷二十九

七

蘭陰草堂

棣華樂府序

棣華樂府者盛氏四丈七丈八丈之所作也同調得朋近喜連枝之並倚聲協律各存百闕之多睇厥門才豈止標乎鼎足齒其家數咸有感於風心追話當年雅傳勝事人如冠玉賦並鏘金招譜肩隨方滌紅絲之硯當筵喉嚨遽橫紫玉之簫春催映肉之花寒勸帶人之酒免華圓缺虬箭沈浮艷句消魂鵲灑方啼之血濃情書夢蠶牽到死之絲恬吟既刻燭而成俊賞亦擊盃未已古猶今也旗亭頻唱雙鬟兄及弟兮墨苑詎徒聯璧吳頭楚尾那堪水調之悲趙北燕南偏惹柘枝之怨雨飛今舊夜夜懷人亭數短長年

張甫集卷二十九

八

蘭陰草堂

年作客睨無情之烟樹蕩有限之年光沈碧波中送來黯淡軟紅塵底訴出飄零此則芳草黏天斷腸辭就羅裙窄地團扇書殘者也移鵲尾於案前窺豹斑於管內欲效顰而不得竊置喙以何傷謂四丈絨愁隱約傷春感南國之蛾吐調蒼涼叫月斷西風之雁七丈子夜吳歌嫋嫋三日遶梁霜天曉角鳴鳴一聲入破八丈益流古韻湘靈瑟則江上峰青冷瀉幽情鮑家詩則秋墳鬼唱無論豪蘇膩柳俱屬妍辭比於瘦燕肥環總爲尤物如斯之論寧不其然乃一則苦敝黑貂十上頻聞瓊璫空儀丹鳳九苞頓失氍毹一則嘔出心肝天上之召歸何亟不勝羅綺人間之看

煞堪嗟過七丈以論心屬一言之弁首龍門捧袂低
徊久之象軸題辭唏噓而已日者一梳涼月滿把商
飈吟牖方開觥筵未散提鉛握槩空馳僉父之光陰
減字偷聲不作少年之生活已印雪鴻之爪重燃蠟
鳳之灰在逝者黯度前塵神仙已葬而生則拚犁慧
舌綺語難銷往來蟹斲魚莊醉醒笛村棋墅悠然而
去依依縈桿之白蘋鏗爾以吟歷歷記歌之紅豆

張氏印譜序

雪晴小苑鳥跡剛留日上南軒客蹤重到頻窺石鼓
悵予生之已遲新入寶山訝天才之莫及吾友張也
名早播於文壇我心寫兮時則觀其藝圃車渠瑪瑙
鐫鐵筆以成章雪繭冰蠶印丹砂而作譜靈書鬱律
似曾往叩龍威奇字璘璘何必不爲蟲篆雖云寓意
自有得心人共服其多能是誠堪與道古周官則有
掌節左傳亦載璽書印有官私秦之前已經發軔篆
分大小漢以後始覺濫觴蘇季子之金章歸於何處
馬相如之瑤篆尙在人間佩亦何常傳之其偶顧或
斯或籀詎嘗雜施鐘鼎之文爲玉爲金亦未確取峯
巒之石因心作則踵事增華緬想斯風變於何日而
況任參僞體且二篆之不分縱號專家於六書乎何
取典型邈矣感慨係之然而荆關畫苑恒借標題趙
董書家偏資鑒別拾得古通侯之印祇比於折戟沈
沙諦觀諸墨客之章直不啻撥雲見日審知真贋妙
別毫釐豈惟儒雅芳名文鐫秦漢抑且官家別璽款
認宣和隨爛煤破楮以流傳映錦軸金題而輝耀宋
則晁姜諸子元惟頻衍兩家遞有甄綜咸成譜錄而
或者識精攷古技遜攻堅別有畸人擅茲絕藝相沿
家派三橋能繼其祖風獨樹前樞雪漁允推爲巨擘
詢諸當代未乏名流共知篋出尋常聊爲數其一二

有若穆倩則旌竿早豎默公亦旗鼓相當華亭之英
曾標葛起如皇之秀乃有許容顧元山試問何如陳
石樓頗稱杰出凡茲老輩固自超羣在昔鉅公雅多
好事用激揚其聲價並吟諷以歌詩舊德雖徂餘風
未謝嗟乎螭虎辟邪之紐後人姑惟意所爲龜鸞垂
露之書古帝亦隨時而作要惟精於繆篆運彼鉅鋒
擇其善者而從不離古文近是一波一磔吾欲觀已
奏之刀如琢如磨君豈有未攻之玉

費甫集卷二十九

士

蘭陔草堂

易氏印譜序

才情駿發藝事流傳翳惟風雅是親未謂聲名之盪
心聲心畫須獨恒似之形海水海山堪領澹忘之韻
道也進乎技斯事絕非偶然志乃凝於神解人自此
遠矣卽如傍工繆篆不過游戲生涯而稽古精嚴眼
辨三倉之體問奇博奧指陳二篆之源詎有鴻生而
譌蟲跡斯固通材之攸擅抑觀銘鏐之所成譬彼禪
風臨濟曹溪之異派又如繪事摩詰思訓之分行並
濬靈心以揮妙手秦漢之氣括真意於鴻濛天水之
波散綺文於潭谷蔚爲宗派斷自元明趙王孫以迴
秀之姿鐫高名於龍虎子昂圖章邊作龍虎文係天水二字文待詔以聯輝

費甫集卷二十九

主

蘭陔草堂

之美傳清業於冶弓往哲風微蘇爾宣丁公渺乎誰嗣
時賢玉映許葛其殆庶幾摩倣而得天然謂雪漁之
弗可及游行而含仙致惟穆倩果無與儔蓋其意所
不期書奏刀而入聖微乎獨造悅離物而存神谷園
學之亦虎賁之形模彷彿彥明佳甚程氏則虬髯之意
概縱橫品列正奇宗分南北乃若禾之真木徐氏杭之
介菴張氏昔也虛谷聞堦今已靈光失歸鄉之先輩一
藝其可忘諸海內名流多材是之取爾於斯時也乃
有人焉才著專兼名居吏隱詩文書畫克世其家台
蕩湖山恰羅諸勝猶出一編印譜屬題數句卮言夫
其有玉能礪願借他山之錯發礪不頓妙爲虛刃之

游塵龜紐於鴻爐扛龍文於健筆志士鍊成心鐵暗
自摩挲鄙人試運毛錐未辭刻畫要以上乘既得知
其半夜傳衣神品斯標留此夕陽粉本其人爲誰則
湖湘易氏也

張甫集卷二十九

三

蘭陵草堂

爲河南士子謝 恩科

孝思錫類膺天保定爾之章壽考作人上聖主得賢
之頌祥鍾慈慶屬流虹繞電之期運仰文明追詢岳
關門之代況事則繩其祖武而恩爲簡在帝心者乎
克行曠典端在昌時欽惟 皇太后祚毓有城德齊
太任宮中堯舜性彌鞏固乾坤天上苞符彩挾升恒
日月徽音嗣美協康彊逢吉之休徵聖善揚芳啓俊
又在官之雅化欽惟我 皇上孝邁虞周文昭雲漢
承顏椒掖握自天申命之圖選雋蘭臺歌復旦重華
之景甄陶萬類物自荷乎 皇慈和順千方德無加
於 聖孝茲逢 聖母福凝萬壽歡騰長樂之宮遂

張甫集卷二十九

四

蘭陵草堂

爾 恩科詔下九霄喜動大來之日聿標駿烈式廓
鴻規閏仿虞書期三百六旬伊始壽探周策萬二千
五百有奇莫大乎尊莫大乎養成豫順而著黃中通
理之徽必得其名必得其壽表坤貞而熙鴻號無窮
之美翩翹起舞鶴如太乙之仙的皪高懸珠似文昌
之氣臨軒策士臚傳捧一朵紅雲視膳問安上壽醉
九重春色惟帝賚旁求乎天下同瞻文德誕敷惟
皇來自服於土中尤覺湛恩汪濊昨者鸞輅過軒轅
之洞親受芝圖今茲龍光照王母之壇遙稱玉笋
聖德高逾崧岳顯厚載而善則歸 親恩波廣溢洪
河占彙征而功惟法 祖收中原之豪傑隨上國之

衣冠春氣融和梁苑振蟾宮之步秋風薦爽燕臺參
雁塔之題摛式歌且舞之清詞抒生甫及申之瀟氣
若南河北河之水挾萬派以朝宗若太室少室之山
向五雲而繚繞鄒枚授簡頌聲喧文雅之臺元愷升
朝才子出高陽之里紫禁之萬年枝煖護庭開閭苑
之花黃鐘之六律音和嶰管采淇園之竹卜年卜世
則臺邊著草神龜上覆黃雲有翼有馮而岡上梧桐
翮鳳朝迎紅旭覽春明之物色早逗陽春觀豫省之
人文丕揚和豫灘渙汎清寧之繪藻圖書浮河洛之
榮光燦映北辰千里雲連芒碭瑞呈南極一天星聚
潁川翕受敷施自時中乂才收岳降三川之色似霞
蒸衆効嵩呼萬歲之聲如雷動從此青雲騰踏共矢
忠君報國之誠紫氣龍葱遙陳地久天長之祝

張甫集卷二十九

五

蘭陰草堂

答沈樗莊書

海內知名風格迥超流輩夢中傳筆詞壇每見佳篇
憶蓮社于當年竟至失之交臂訊萍踪於異地乃能
相知以心欣會合之有時惜分離之太遽追風莫及
已馳檻馬之韁觸暑過歸轉遘河魚之疾腸回九曲
日似三秋呼兒烹鯉書有加餐相憶之言如炬依螢
情傳得草聞聲之喜未願封侯于萬戶快成知已于
一朝天下談士相聚而言詎曾有此十年聞名而不
得見是則然矣古如可作君以太白子瞻爲歸擬不
于倫僕豈荊州廬陵之侶耶要之擅厥長才索暗中
而亦得讀其麗製信名下之無虛豹僅窺一斑狐

張甫集卷二十九

六

蘭陰草堂

早集夫千腋擬沽十千之酒爲論四六之文聞其年
陳討有云骨騰肉飛詎乏驚奇於儷體就此時而論
酒酣耳熱一爲主客之歌行寧惟觀屬對之能所貴
極橫行之妙母呵小技具識苦心昔嵇相國欲薦君
於詞科乃安期生輒游仙于海曲結念非存霄漢留
蹤疇計雪泥時得雋有椒園此舉差強人意省歸來
於栗里吾生自樂天真身則焉用文之足固未嘗用
也夫窮通有命奚忍拋萬卷之書得失捫心當別作
千秋之事所見門才卓絕並御二龍若其天性儵然
獨推一鶴爲數江鄉之彥不辜汲上之遊有若馬石
蓮崛起于韓江張圖東騰冲于徒浦張瓜田春容於

櫺李查嚴門奮迅于鹽官

四君皆到
中州始交

當前指倭皆爲

我國顏回此外心傾其在神交阮籍乎

謂沈
房仲

縞紵之投是以未識也今茲詢東南之寶豈其易盡

哉嗟乎吾意肫然豈止昌黎之拜東野君言過矣且

謂從吾之學陽明第稱疊席於經師泚然流汗況奏

聚星於太史庶矣賴顏爲營石綽楔于通衢故攜管

城子於遠道兒曹弄舌未如小鳥之綿蠻長者瑩蹄

偏指新駒爲叱撥均叨獎飾詎敢承當恭惟至性至

文應屬旌門之巨筆是父是子彌振泣血之深衷抱

沉痛於終天難湔罪戾賁大文而入地用表幽潛再

拜乞夫華褒千行隨而雨下悲可知矣尚何言哉若

張甫集卷二十九

七

蘭蔭堂

夫諒癡符不堪覆乎醬瓿光明錦斯可懸諸國門固
宜俯憐梨棗之災仰望瓊瑤之報矣至若讀書有種
預期遙集之成名學易何人共卜商瞿之得子願琴
書之有托佇弧矢之高懸禱祝之誠殷拳于是伏惟
珍愛以慰思存

爲家君壽盧天羽先生八十楊夫人七十序

老人星現朗映秋分紅女線添喜迎長至以茲佳候

爲懸弧設悅之辰維我通門有舉案齊眉之範會耆

英而年齒於今日耄傳賢媛則音徽亦古所稀百歲

期頤天錫之以純嘏十年以長地行厥有雙仙於胥

樂今何其盛也恭惟先生韻則高騫道惟偕隱家世

爲四傑之一詞華且七步而三理味可娛靜者之心

多妙時榮非好遁然之嘯何長出入墻東優游硯北

與漁樵而爭席倍覺忘機集芟荷以爲裳聊堪適志

此微獨清德可師也蓋亦有賢耦之助焉恭惟夫人

慧解法言恪遵內則孟光擇對釵只留荆靖節續昏

張甫集卷二十九

六

蘭蔭堂

人並如菊旣相將以却聘遂雅意於安禪在先生妙
註金經逃緣有托在夫人如揮玉軫倡乃能隨室中
虛白自生松下清齋與共歡然偕老敬之如賓乃若
有子而才爲時之彥操筆承其家學登壇冠乎人羣
諺亦有言後進領袖有裴秀吾卜其遇高文典冊用
相如流風其殆庶乎富貴恐不免耳僕鄰數間之屋
實聯兩世之交不量力而答兒令論學以取友堂開
三益叟則招之使來集署同心兒以扶焉得直雞鳴
風雨蠹食詩書攻苦交深並給熊丸於柳母唱酬自
洽載賡鳳曲於桐孫第令摩厲以須安問樵蘇不爨
以爲可教而辱教中才亦望有成擇其善鳴而使鳴

奇士夫誰與敵一彈指頃二十年來子又生孫頭露
嶢嶢之玉老寧再少鬢餘皎皎之絲童子何知倏壯
而有四方之奔走老夫耄矣幸晚而成二老之往來
賢者是兄愚者是弟無多友簿之金蘭男願有室女
願有家申以孫枝之蘿薦心乎愛矣顧而樂之乃秋
冬之仲彌佳翁與姥正當初度而幽魯之詩偕美酒
與壽俱咏曰朋瞻灝氣之所鍾月呼端正按春陽之
始復天無改移走也不文拜而進祝介眉壽則羣斟
盃綠飲此何辭問頭銜而翁號書蒼讀之不倦猶有
誇張少年處吾則尙少三齡未須料理白頭人婦亦
行將七十兩家子弟年年陳醴醪之觴百世婚姻藹

張甫集卷二十九

五

蘭陵草堂

藹合團圓之宴中棚全爲人瑞任鄰翁揚東里之美
談連宵正賞月明知老子動南樓之高興

金母馬太君八十壽序

輝輝寶婺如皓月之中天葉葉水芝點青錢於半沼
庭來舞鶴占紫氣以翺飛客有歌驪望白雲而遡返
踰一月則夏維書五便逢縣祝之辰當八旬而歲必
論千宜有介眉之作於是臨風贈策命僕夫姑駐征
蹄卽席揮豪博下女齊開笑口大年有頌小住爲佳
太君望樹銅標德含玉質十三爲婦嗣宜家宜室之
椒左右承顏得君舅君姑之志侍尊嫜之奇疾匝年
而湯藥親嘗成夫子之賢名畢世之笑言豫順猗歎
樛木御其下以彌寬煦彼鳴鳩視所生而倍摯流黃
織素率先誠女於勤渠紆紫拖金豈止教兒以宦達

張甫集卷二十九

五

蘭陵草堂

令子毓崑君起家第畧直周廬扈從之班爲國干城
表邊塞詩書之將雍容鸞嶼題名登百丈之山迤邐
魚軒視膳過雙江之水旣而移官尋甸前將軍則鈐
轄專城並轡元戎太夫人則綸封一品羽導歷紅苗
之寨扇以仁風冰心映白玉之壺寶茲清節雅歌終
日欣接文儒禮射連營宛成揖讓悉承慈誨以戢巖
疆抑有美焉尤其大者今夫霜機軋軋最崇布素之
風玉手摻摻足溥女紅之利迺聯勝如雪空收吉貝
千堆而比戶戒寒莫貯巾箱尺幅太君則肇開風教
廣播經綸躬爲織女之師手授紡車之式妙穿梭於
腕下遲落剪於窻前於焉杼軸非空襁負歸來緩緩

氓蚩有抱裙裾裁處垂垂女子乃生載弄之瓦庶人
以上皆衣其夫豈非功可媲美夫西陵類與蠶績俗則
沿乎南詔紀在麀編者乎且夫臣忠子孝北堂之懿
訓昭然武達文通東第之榮光赫若孫枝挺拔形
廷字對三千比部平反丹管條陳十二況晉備廬塗
之選更駢羅蟾窟之香列在膠庠共羨章縫子弟起
拈翰墨自稱騷辯門徒小者誰何固已盈庭競爽生
而岐嶷寧惟五世其昌已哉僕者因依華省寄泊高
齋自古論交叨附紀羣之雅從吾講學庶幾翔籍其
尤相期空冀北之羣相伴有江東之弟矧攜來兒婿
疊呼小友於階除而相厥孫曾俱授遺經於鐙畔既

梁甫集卷二十九

三

蘭陵草堂

忠且敬久抗顏而爲子師曰壽而康用介福於其王
母因不辭而撰序書用榴皮亦舍此以何能芬揚萱
草乃若小人有母嘗結夢乎蘭陔聖主如天卽沛
恩於椒闕許之觀省得伸寸草之心於以旋歸正熟
蟠桃之歲它日者奉潘輿而北上依依瞻首交親割
邱宅以同居藹藹錦綳圍繞雖內言不出端令範於
閨門而賓至如歸洽芳鄰於世講兩家合奏按束生
續補之詩百歲期頤會孟氏三遷之里仰慈幃之並
健喜子職之常供顧而樂之必有日矣爰摩花箋於
裴野臺看建烏楔而來遂銜芝檢於萊堂予且著斑
衣而去

吳母胡孺人六十壽序

龍淵千頃扁舟如在滄浪漁笛數聲舊客借醒塵夢
際圓紅之方杲睨澄碧以殊寒海蜃嘘來晴飛煙雨
雲虹駕處冬汎春波波吹將見天心蘭臭恰逢地主
斟浮浮之新釀色灩翠濤懸的的之華星輝明寶婺
美標英於西水繇稟訓乎北堂如吳母胡孺人者有
足稱焉孺人毓自清門所生則名書國乘嬪于良士
著代而德懋閨庭蓋洗手作羹藹雙承乎色笑而驚
心嘗藥敬曲體乎姑嫜時且閱乎冬春身弗離夫左
右極甘鮮而進匕箸詎常時滫瀡之供問痛癢以就
牀幃效細意抑搔之舉躬欲代之而不得患已入於

梁甫集卷二十九

三

蘭陵草堂

膏肓力既竭矣而加勤孝則根乎天性是可爲天下
法奚止風浙右之媼姪無以報新婦恩直可媲美山
南之祖母者也抑吾聞之尤其懿者則賑荒不一而足
種德殆莫與京乎曩者屬饑饉之頻仍惻然見流離
之填溢時則賢雄倡議因而仁里同心散米以濟鄉
邦爲粥而食餓者其規畫抑何井井既拯救之有方
其捐輸不厭多多遂全活者無算而夫人則仁心爲
質嗟菜色之紛紜婦道無成贊藁砧而慷慨傾箱倒
皮罄銖兩以相經營援困扶災倍尋常之爲任恤可
不謂好行其德助發粟於倉中治比其鄰鄙持籌於
燭下者乎竊嘗見夫釵笄恒謹操其篋鑰心存阿堵

慳爲難破之天家有兩娉守則常稱曰虜夫受其制而不耻物期有濟而無由所在皆然良增永歎而琳宮寶刹輒隨喜以布金錦纜牙檣時宴遊而饌玉不知射晴空以紺碧何功德之可言墮芳徑之鈿珠更嬉遊之足戒然則聞賢媛之風者其亦回薄俗之弊哉況復性含靜一徽極柔嘉終身舒不怒之容遇事有常貞之德以茲式穀卜五世之其昌邇者介埴值六旬之初度僕也過宣公之里暫繫吾舟登陶母之堂遂爲斯序蘄鶴鳴於二子雋發其同序燕喜於百年屠維伊始金樽注綠佳辰來不速之賓錦幃裝紅他日捧重封之詒女當添線占鴟景於璇窓僕尙賡

張甫集卷二十九

三

蘭陔草堂

詩譜鵝笙於華黍

張母劉太君六十壽序

鳳鳴六瑄肇啓黃鐘鶴算千齡先週花甲起居翠閣太夫人色笑暄然巡歷荊檐東諸侯聲施煜若煦煦陽春之脚德易流行霏霏寸草之心暉難報答芳叢味俊河之飭蚤進盤匱愛景光妍冬之日晴烘簾幙香飛錦帳霞簇斑衣太君禮嫺內則教秉義方家本從龍奮跡三韓之外嬪而挽鹿流徽二曲之閒女誠母儀是皆然矣官箴家訓弗替引之甘揚北海之高風爲話南軒之舊雨聊資開口以助介眉曩者鄭氏階頭多生書帶江生夢裏方綻筆花來往朋遊盡寰瀛之名士朝昏談讌罄藝圃之清歡玉笋連催青浮竹葉銅槃列照紅吐芙蓉擊鉢磨詩花塢俄看月上圍爐道古屬簾詎識霜飛藉非陶母殷殷判薦截鬢而不惜奚自陳賓藹藹闔門投轄以忘歸蓋聲華已並八厨而契托惟迎三益故爾門庭不雜因之翰墨日新既肆力於詞鋒復精心於繆篆孝廉船在已標才子之名金石錄成亦見雅人之致憶賤子擔簦日下在看碑太學之年與郎君把袂風前草修禊蘭亭之序竹林繁露商奧義則絕不窺園木葉秋雲賞新吟而時邀題扇飛黃遡騁何人如渥水之駒結綠須攻視我等他山之石是母是子不去口以稱賢孰主孰賓並忘形而爲友彼一時也於胥樂兮旣而飛舄

張甫集卷二十九

四

蘭陔草堂

東臨值行春而載檻將車北上恰道舊以班荆蕭蕭
冰雪之辰鹿鹿風塵之際紅氍錦幃相映璧人席帽
旗亭亟呼詞客道旁良覲彌深免苑之交情車上同
行猶顧雞壇之儔侶謂朱子齋周肄二意良厚矣僕豈忘之此
仰睇停雲大有懷人之句而遙斟春酒可無侑爵之
辭爰操側理以書用獻北堂爲壽人歌天只羣戴蘇
天之天兒咏母兮更依杜母之母板輿御處時看滿
縣之花鈿軸封來奚止一通之語河山十二棠陰近
莅乎小東賓客三千萱翠遠踰乎大耋

張甫集卷二十九

圭

蘭陵草堂

盛母鍾太夫人七十徵詩啓

春深櫺李花明被袂之堂歲熟蟠桃鶴舞長生之宴
一鈎新月映寶婺於瓊霄幾曲清流汎羽觴於翠渚
人集繁華之日冠蓋如雲天迴和暢之風芝蘭滿砌
芬揚彤管允徵懋德於珩璜韻譜瑤笙宜挾新詞於
華黍太夫人少嫺女誠躬作禮宗習高山流水之音
式含靜好迨旭日泮冰之歲彌著柔嘉其來歸也春
續鸞膠居室而嗣爲家督秋攀蟾窟蜚英則升在鄉
書映雪軒憲佐清吟於寒夕采蘋澗止主禋享於齋
辰進厥羹湯奉尊嫜之色笑遺之雜佩來夫子之朋
遊仁類鴈鳩子則飼之如一誼隆葛藟根有底以加
蕃蓋承郡符藩服之家聲大體之摯持不易而操酒
榼詩筒之內政同心之黽勉殊勞苟惜我釵璫則戚
黨之艱虞孰拯亦屏茲羅綺斯門庭之清約可師乃
若安定作儒官旁舍之橫經甚盛孟光爲淑耦後堂
之舉案相莊絡繹生徒熙春風於廣座續紛食器輝
夜月於中厨相逢白髮之門生猶話絳紗之舊事與
聞經義便稔徽音此名不後於宣文教實遵其內則
者也旣而玉樓作賦諸孤藐以差肩石闕啣碑少子
生爲遺腹斯時也苟龍有八庭前之食指綦繁陶鵠
不雙鏡裏之愁顏獨黯故家喬木綢繆綠野之堂斷
杼零紈似續青箱之緒空闡畫荻凌冬之影帶清霜

張甫集卷二十九

圭

蘭陵草堂

靜夜辟纁照壁之光凝寒水先辨禾陸之稅戶不驚
毫爭攤柳篋之書案惟剔蠹於是泮壁成爲家塾蓋
珠刊列名經服官傳仙令之聲封鮭勵蓋臣之志孫
曾諱沸中外駢闐溯昔稱未亡人之始纔三十有六
齡迄今爲曾王母以來已七旬之初度竊嘗徵之女
史惟撫孤教育之爲難不爽乎天心俾逢吉康強
而未艾層巖積雪益堅三石之心藝苑歌風大播衡
荃之氣可無巨作以頌之年伏願鳳逸高才能跳奇
筆介茲增壽卽留蘭亭醉本之珍稱彼兕觥不數金
谷芳園之會千篇錦帙春暉上巳之天百歲巍坊
綽楔表高陽之里

張甫集卷二十九

毛

蘭陵草堂

吳君傳

君諱文煒字旭昭姓吳氏嘉興人以諸生貢太學少
便能文時向春波浣筆晚非得志一令天府知名吾
所樂得而書是在炳然之美則康熙壬寅雍正壬子
賑事爲最著焉天災流行堯湯所有民生休戚邾魯
相聞顧論策於救荒也無奇而存心於愛物者有濟
君其勞矣衆實賴焉其初賑也旱魃爲虐隔年之蜡
饗不通監門有圖中澤之鴻哀殆遍粒珍如玉形瘠
於鳩當事咨嗟勸爲粥以飽餓者君言磊落請散米
以月骨之並扇仁風不經蠹手戶稽其口人予之糧
對貿貿而忍道嗟來發陳陳則固云周急念流亡者

張甫集卷二十九

毛

蘭陵草堂

衆輸則爭先謂鄉黨宜親資之恐後三日宿於賑所
四方聞而避之其再賑也海田則螟螣薨薨江省亦
波潮汨汨目此人民之蕩析心乎兄弟之顛連鳩同
志十有九人碗香杭五百餘石福城寺裏漏澤院中
男女分騰旄倪量給其來轉夥攸濟靡遺惻乎徧予
長腰流者不吟瑣尾開賑於二月之吉竣事而一人
不傷無食之民免轉乎壑有司曰善爲表其間卽一
事亦堪傳活千人者有後子二高增高峻得文譽有
父風云

桑調元曰未有陸氏紹成哲人早謝其弟莘田風範
斯存在君家石塔之浜尋前輩臯比之帳綠蕉搖於

砌畔清茗啜於杯中予有往還君緣晉接伊惟曩者
曾是藹然與耆老爲因依貽後昆以撫楷蓋尊師敬
學亦綦難哉其樂善好施有自來矣

張甫集卷二十九

五

蘭陵草堂

吳母胡孺人傳

孺人姓胡太學生傲菴之女嬪于貢生贈知縣旭昭
高增高陵兩知縣之母也封孺人乾隆十九年十月
二十三日終於阜寧縣署壽七十有五歸葬秀水子
二女五孫男十孫女八生而淑慎孝于庭闈嫁更溫
恭宜其家室事君舅君姑等所生而克謹遭杖桐杖
竹迭送死以纏哀沐櫛連三月之間挽髮在十旬之
際哀勞過甚疴病不支因孝感而獲痊倍辛勤以佐
讀名一登于天府勸慰淹沉時兩值于飢年贊襄賑
濟啣感在萬人之口代終出慈母之心五夜書聲授
熊丸而教子十年壇席腆脯酒以供師僕亦曾擁皋
皮學焉並成麟角儒門鵲起仕版雁行一則秉鐸過
江秀競千巖而雨化一則牽絲隣省仁敷百里之雷
封節孝搜揚偉矣大儒祠祀脂膏謝潤潔然小市價
平月構生輝鑄聖賢之像登瀛競爽成寒峻之名凡
茲南國嘉猷悉稟北堂懿訓徐歸同穴下報所天年
已過古稀焉事則爲今烈矣

桑調元曰天必報人之善家惟利女之貞贊賑而粲
粥盈瓢昔則食諸餓者膺封而疊衣在笥今茲安且
煥兮船是孝廉簡能而紆墨綬官于學校報最亦綦
銅章女夫淡墨書名孫子青衿成列母之流徽遠矣
吾之點筆諒哉

張甫集卷二十九

五

蘭陵草堂

答王方伯聘主大梁書院啓

明公英鍾吳會光映崧高日下摘文三筆耀龍鸞之采天中沛澤四郊沾禾黍之膏爲豫之屏藩帝心簡在將晉之節鉞衆口交推策對萬言早歲貫天人之秘謳聞列郡中州洽風雨之和門才自鳳洲以來有此登壇蔚起公望握麟符而後卽爲開府儀同治以勸學爲先然後民知敬學意惟尊師是急俾之人自得師不圖睢州夫子之鄉邦濫以浙右鄙人爲山長追維曩日曾依謝傳庭中叅附齊年並出歐公門下遂承許與謬勞席設鱸堂特辱招邀亟擬規傳鹿洞殊慚荒陋豈敢抗顏而爲深荷勤拳難違刮目之待却憶巴山夜雨來看梁苑秋烟豈其地固相宜或亦天爲作合蒙施聘幣儼具緘書光賁臨之愧叨而已伏惟人文日炳德教雷行懷四書院之主賓藉以昌明絕學承八大家之流派因而振起鴻文叩之則鳴于我何有教士不逮非公而誰多士羣跼乎飛騰佇快觀扶搖而上吾兒初學大纘藻亦從遊濶渙之間勉副嘉招已覺奉清光之不遠附塵拙集亦足觀微志之所存

張甫集卷二十九

三

蘭陵草堂

答張圖東

頃承手教感荷心知如高文乃盡態極妍在拙跋豈同工異曲正爾飛花點溷難飄空際之香豈其妙曲驚魂出自嬰餘之響亡駢體原重五經粉碎僕效顰曾無一語入元不免相因乎陳陳安得生新之簇簇殆有可增面目何來速化神奇祇益多師細講別裁之體殊慚今日惟觀屬對之能不遠秋闈談須拊掌想多夜夢望苦回腸冰鑒有孫揚良馬自羣空冀北風流屬張翰步兵早名震江東盤敦壇前其相合者有兩橐鍵道左可許立而爲三辱承七夕有懷寵以一詩見寄韵則依之而和句雖倍而難酬矣

張甫集卷二十九

三

蘭陵草堂

爲濂溪書院請題求 宸翰

元公倡道舊居廬阜之陰書院育才新建濂溪之上
惟開府事多師古注心于食墨之先亦分曹謀屬僉
同併力在鳩工之際自去秋卜築方雲構于岩阿泊
今夏落成卽輦飛乎霄漢賢關乍闢先標入道之門
聖蘊宏開高擬傳心之殿濯纓橋畔沂伊洛之源頭
太極廬前尋孔顏之樂處繞周遭之邱壑神則充周
列高朗之亭臺襟惟灑落爰諏吉日遂集生徒祀事
孔明虔駿奔乎在廟德心克廣欣于邁以從公物有
其容禮成而退青燈的皪並駢集乎齋房絳帳翩翩
每環羅乎講席虹霄雨霽橫天邊之秋水晴川龍洞

張甫集卷二十九

三

蘭陵草堂

雲歸挂林杪之疎星淡月洒瀆春滿日可尋芳三尺
寒深人思立雪聚四時之光景著萬古之文明觀雍
容揖讓以相先喜游息藏修之得所有吾與點意依
然吟且弄之天機匪我求童蒙美矣靜而清之道脉
龜趺屹立穹碑照燭乎雲岑蠹簡編摩大序闡揚乎
圖說昨者遙臨檠戟瓣香晉謁乎賢祠今茲辰告訃
謨封事請頒乎 御筆以周子爲道學中興之祖宜
予表彰以書堂爲庭草交翠之區當思振起洪惟
聖人首出契問出之英賢獨稱茂叔生知啓學知之
統緒公乎入奏求銀榜之高懸 帝必曰俞出 乾
文之不煥衆之所望今也其時况前太守系出廣川

在此地經營慘淡仰大中丞時之安定俾羣倫鼓舞
歡欣垂厥千春在斯一疏將見雲蟠五彩護 奎畫
以紛綸氣曜三辰映璇題而燦爛陟降先賢靈爽挹
光風霽月以無邊濯磨後學心思比鹿洞鵝湖而有
耀清鏘絃誦添和潺湲流水之聲都雅章縫增輝縹
緲浮嵐之色成人有德朗如玉山上行童子尋師煖
在春風中坐靜則虛動則直于聖學其庶乎德爲蘊
業爲行以文辭者陋矣講習深而咸思遠紹師道立
則善人多陶鎔久以上應旁求賢才輔而天下治蓮
華峰峻踰前修而仰厥高山竹葉杯香告成事而酌
茲清酒光炳乎日星河岳 宸章揚厲以無前羣瞻

張甫集卷二十九

三

蘭陵草堂

夫文物聲明公德昭垂乎不朽

書張圖東詩後

讀新作仁漬寸丹倦舒雙白懷蘇州理人之術含漫
郎刺艇之思看今又來之花衰裏紫陌待幾回圓之
月徙倚西樓三百古詩中情綜羣怨十九寓言內意
取逍遙哀彼嗷嗷公其與之安宅作此寂寂我欲完
厥唾壺多方以惠及之一笑自遣而已况奚啻萬事
之足又新排一卷已成卽此可欣誦而忘倦凡今出
羣誰是于後必傳無疑

再書圖東詩後

篇三致意輒復奇工日九回腸彌增篤愛此真西子
堪執定鏡而求誰鼓焦桐弗有刺船之慕前跋語本

張甫集卷二十九

三

蘭陔草堂

無心爲四六于藝林且不齒于尋常猥舉名賢謂且
鼎立而三矣倘臨大敵將毋戟持失伍耶無不我可
其醜遂忘有若君才厥妍獨聘春去也陳迹以之興
懷詩有之長言又加咏嘆如篇中所云者是可忍孰
不可忍卽物外偶見之人言愁我始欲愁特出一奇
橫標二快食蛤蜊而殊難如意有杜康亦卽可解憂
用供軒渠莫嗟率爾

三書圖東詩後

聞鳴聲悲頻喚奈何視語言妙正復絕倒詞必出自
已去陳蓋其難哉市可麾如兒出新真無窮矣從東
來而見夫已氏欲哭乃有長歌誰西懷而見彼美兮

當歸在茲望遠物不得其平吾爲此懼世那知其故
識者猶憎有感于斯誰能遣此

四書圖東詩後

此乃爲和平之響絃已新更前不無噍激之音俊故
難忍然三百篇旨歸忠厚何嘗刪有北之投况尋常
語妙入詠諧頓遣作向西之笑雖五味令人口爽亦
揅喫河狔且一曲令我情移而翩招雲鶴論逐兔于
仕路寧必爭韓盧之先知作佛在詞壇夫豈落靈運
之後耶

五書圖東詩後

短句最工古詩尤妙滄洲不遠冥心于解組之時世

張甫集卷二十九

三

蘭陔草堂

路多難揮手在懸車之歲從茲攜幼入室寧有蓬心
舊曾求牧與芻能無蒿目高臺留鸞鳳之嘯豐草引
麋鹿以遊旣得遂初其氣自夷而曠却教懷舊其言
猶愴以思掌有雙珠真看萬事之足門羅羣雀了無
一塵之驚惟鴻影冥冥感蕭京于文苑顧雞栖落落
憐漂泊于吾徒翳此事之共推等盛筵之難再音飛
空外思裊天中汴泗交流今夢隨木蘭舟畔金焦兩
點他時尋鐵甕城邊

四六

請旌史烈婦談氏

竊惟從容就義杰士所難婉孌捐生貞心獨摯欲了未亡人之事遂徵如皦日之心夫豈有爲而然要亦孤行其是逝矣相從於地慨焉求表其閭秀水縣故史談氏賢而且孝烈以全貞少依母氏之靈惟兒啼骨立間傍兄兮之書案女誠心通長而來嬾倚歟婉順鬢髮是挽哀能執舅之喪盤餽親陳敬盡事姑之道曾無數歲俄失所天號慟摧城更何心乎苟活慘

張甫集卷三十

蘭陔草堂

思同穴撫著膝之藐孤時則勸止之君姑付以應嗣之猶子希延一綫黯守空閨遂留寡鵠之生以望鰥鳥之長天乎不祿殤也堪悲彌堅身殉之情尙攬手縈之緒久寒孤影猶棲弄玉之樓擬化春魂起作韓憑之塚爰卒瘞以卜地獲銜恤以爲塋不日成之吾事畢矣堂存白髮有家婦以承將土掩黃腸從吾夫爲得所乃於葬之明日竟爾赴乎重泉蓋當馬鬣之封已定雉經之志惟義所在視死如歸距藁砧初歿之時於茲五載及烈婦云徂之際正值季春生惟二十有五年殉則下旬之三日晏然不動聲色沛乎可塞蒼旻預留絕命之詞完得靡他之節誰其激者自

謂當然詎因沾厥貞名而能具斯定力崢嶸若此嗚呼烈哉稔悉芳徽尤悲獨行不忍俾之湮沒仰求賜以題旌逝者抑又何求僉曰不可奪志謂人生如輕塵弱草何辛苦至斯論一死於泰山鴻毛其蓄積然也標茲勁節如松栢之有心激彼頽波屹江河之砥柱

張甫集卷三十

蘭陔草堂

請旌盛節婦倪氏

心如松柏經苦鍊於霜寒香播蘭蕙實首關乎風化
所以烏頭綽楔 聖朝之褒錫彌隆而白首空幃惇
史之表彰是急秀水縣盛倪氏乃心貞淑厥行孝慈
生自清門嬪於右族高堂頤養得湖鯽而鱸銀絲中
閨眉齊對梁鴻以舉玉案克相問安而罔懈唯聞佐
讀之爲先何期白玉樓成臺砧長夜青銅鏡掩翠閣
無春方痛失乎所天便欲隨之入地且號且踊一顧
一悲斯時也龍鍾之君舅老踰七旬鶉鵲之孤兒生
纔九月苦無叔伯危在宗祧知瞑目之爲難擬殉身
而不可於是衷諸大義如厥深哀慘矣未亡同穴矢

張甫集卷三十

三

蘭陵草堂

終身之志屏焉作苦寒機有徹夜之聲漂搖風雨之
廬凜冽冰霜之歲常營甘旨承顏盡養老之心滿抱
辛酸瀉淚堪禪兒之面婦而爲子既養葬之俱誠母
以兼師亦撫教之有道蓋五馬雙旌之祖澤沿溯非
遙而千鈞一髮之宗支綿延不墜操持有體望中之
喬木添陰閱歷多艱摘後之卷施獨活昔哺以泣今
弄而含其乍作孤鸞也祇二十八歲其常爲寡鵠也
俄三十餘年故郡誌煌煌特筆表共姜之節鄉評藉
藉同聲揚孟母之徽此誠志激清波盟存皎日者也
夫以信而有徵之節操請當之不愧之 宸褒念縈
緯之艱難贊已絲絲如雪憫孀閨之黯淡涕曾點點

成冰亟揚彤管之熒煌匪石具彰懿行早俾賜坊之
嶸嶸如雲羣慕禮宗

張甫集卷三十

四

蘭陵草堂

申請旌盛節婦倪氏

操勵冰霜久矢貞心於寒歲光爭日月急揚潛德於空閨事爲雅化之所先情乞恩褒而恐後秀水縣盛倪氏堅貞天植純懿性成弱歲于歸戒雞鳴吟昧旦高堂佐養奉魚膾以維時無何鳳斷雙飛乍痛所天之摧折鸞成獨舞莫名此日之悽哀夫歿而殉厥身擬黃泉之可見淚枯則繼以血奈白髮之何依蓋系則單傳舅過七旬而曰耄而服延一綫兒生九月以稱孤強遲窀穸之迫隨劇苦門庭之撐拄代侍鳩頭之杖忍涕承顏連封馬鬣之墳挽髮負土呱呱黃口長而與以熊丸黠黠青燈養則出於蠶績孱焉克立

張甫集卷三十

五

蕭陰堂

幸承阜蓋之宗誥泣矣含思隱繫臺砧之竊穴此蹤希孟母都人羣仰芳鄰而節比陶嬰郡誌大書懿範者也用重陳夫節操敢上請乎恩華蓋至難者撫藐孤最苦者爲嫠婦始自廿八歲守孤幃之月已遽詠夫柏舟又幾四十年飛兩鬢之霜宜早封之石窈窕湖波映仰 聖化之用光烏楔雲連俛完貞之不著則直道行於三代休風婉乎二南矣

請旌計節婦王氏

苦節之貞於孀閨爲特重貌孤是撫俾宗祏之綿長死總靡他誓古井波瀾之不起生而弗愧比程嬰杵日之所爲在弱女子爲尤難斯古管彤之深貴秀水縣節婦計王氏賦姿本粹秉節彌堅年在及笄隨地著柔嘉之範睂齊舉案移天彰敬順之風見廟而還嗟先舅先姑之弗逮執巾以待信宜家宜室之與偕無何天乎不弔慘舞絕乎青鸞人則未亡懸悲鳴乎黃鵠顧膝下遺雛之待育乳抱呱呱矢心中同穴以追從血醺點點孤幃月冷年猶未滿三旬兩鬢霜濃時已倏更二紀斯則酸心之最甚而亮節之炳如也

張甫集卷三十

本

蕭陰堂

迨夫子相莊之歲見兄公早逝之辰詎勉鹽壚支持伏臘謙而善下奉冢婦以如姑勞且能先就仔肩於一已聞人言之無間藹娣姒之惟和亟襄窀穸之封益著閨幃之懿尊嫜克葬得吉卜於牛眠耐窆同營亦旁成乎馬鬣蓋外庭病瞽既偃偃其無之而中閭賢明乃井井而弗亂吁其瘁矣僉曰孝哉爾其敬以兼哀想音容而流涕豐而且潔湘金錡以昭虔教子綦嚴總縈懷於式穀從師致敬先食報於采芹雁序能文雞壇接武寡婦之子有見矣通國之人皆稱之禮以名宗女還有誠蒿簪閨淡却羅綺以終身蠶績辛勤照金釭於遙夕時或齋居素食哀感忌辰從無

禮佛朝真戒從彼法通有無於親黨加培養乎善良
喜羣從之英英勤於向學恤孤嫠之黷黷厲厥完貞
顧昧不惟其窮解推務從其厚有夫之姊無子而孀
亟迎養於寒閨十餘年所遂送終於窆穴一力任之
既身與經營復兒爲祭掃可謂死生攸賴恩禮俱隆
者矣是用發潛德之幽光邀 聖朝之盛典伏祈訪
覈亟予旌揚則風化繼於二南而德施流乎萬禩矣

張甫集卷三十

七

蘭陔草堂

請旌張節婦衛氏

苦含荼蓼矢孀居一片之心寒練雪霜表天植千尋
之節懿範傳諸簡冊隆褒受自裙笄有美必彰於今
爲烈秀水縣節婦張衛氏毓質高門結褵弱歲巾車
挽鹿著淑德於唱隨翠釜烹魚播孝聲於姻戚時親
操乎井臼既習辛勤亦雅愛乎布荆惟先節儉何圖
所天無祿頓成黃鵠之不雙搶地興哀直似青鸞之
欲絕便欲隨之長逝更何惜乎餘生然孤兒方上係
宗祧而夫子則旁無昆弟擬殉捐而不可知撫教之
爲難爰乃飲血踟躕殫心摺挂機絲軋軋苦爲孺乳
之謀燈火熒熒用續箕裘之緒總帷風冷廿八齡初
恤縞衣奩匣塵濃六十載常憐蓬首年已幾於大耋
事足炳乎千秋死誓栢舟共欽芳潔生斑竹淚用表
幽潛藐孤已踰六旬身每依乎膝下單影恒棲一室
言不出於牕中俯念窮嫠亟彰苦節先煥貞名於
雙闕旋徵節壽於百年則典禮旌揚佇報昇平之人
瑞而姬姜法式爭傳圖畫於女宗

張甫集卷三十

八

蘭陔草堂

請學使旌節婦唐何氏

嘉興縣節婦唐某氏賦姿淑慎秉節堅貞早聞女史之箴實奉大家之誠知親心而善體僉曰孝哉執婦道以能柔嬪而賢甚堂陳春酒歡侍君姑盤進江魚禮存介婦燃燈佐讀事蠶績於深宵操日耽勤警雞鳴於昧旦至敬有蘋蘩之潔惟和得家室之宜詎圖命厄所天痛玉樓之遍賦魂消爾日期窶穴以同歸哀欲城摧淚如河注方椒漿之手奠指嵩里以身從謂冢婦承顏可委厥堂前之養而慈姑正色輒付以膝下之孤爛漫諸雛牽母衣而號慟零丁一脉資贍乳以生全乃茹血以躊躇姑挽髮而支拄純孝而勤

張甫集卷三十

九

蘭蔭草堂

供修飮勸餐則宛代羹砧深哀而重繫經麻視含亦克襄娣姒既以婦而爲子更能母以兼師苦雨飄搖寒冬凜冽念兩髦而矢死無一隴以爲生於是啣方寸之悲酸冰紅點點踰尋常之辛苦纖素聲聲謀糗粒以止啼折海圖而得煖練裙竹筍俾愛女以于歸古架牙籤課孤兒以成誦以十年之晝荻得二子之采芹凡教之以義方俱本之於苦節箕裘克紹讀父書而手澤存焉襁褓有成慰夫志而臣力竭矣溯杞妻一慟之始時年則剛過三旬迨孟母三遷以來此際已久踰二紀雖未符成例難邀綸綍之褒而屬在芳徽忍沒冰霜之操乞詳學使恩賜匾音使下里之

窮發叨當途之華袞則輝生嬌幃獨彰卷施旣摘之心而望係禮宗羣勵松柏後凋之節

張甫集卷三十

十

蘭蔭草堂

請學使旌節婦張左氏

竊惟節厲冰霜一結禱而終身不改心如松栢矢同穴而之死靡他婦以代兒奉尊嫜而終老恃而兼怙撫嗣子以成人昔已形單舞青鸞而欲絕今茲髮白歌黃鵠以不雙完貞既在乎華門華袞宜加之銀榜杞縣節婦張左氏少稱淑慎老秉堅貞生自清門太冲之藩堆筆札嬪于舊族仲蔚之徑滿蓬蒿不御錦華鄙畫眉而描螺黛惟供甘旨敬洗手以作羹湯挽鹿來歸祇見和柔之色鳴雞戒旦雅聞靜好之音雍容處娣姒之間藹然和氣揚詡在賓親之口籍甚孝聲倡隨未滿乎十年存歿忽分於一夕所天不祿遽

張甫集卷三十

十一

蘭陔草堂

長乘乎蘭閨入地相從誓邁追乎泉路膝下只伶俜之女懷中無提抱之孤醜黥黥之紅米方悲沐柳下茫茫之白日遽欲磨笄斯時也指扶杖之白頭顧念舅姑需養付承祧之黃口僉云似續可延于是隱忍椎心踟躕飲血機絲軋軋用爲滌瀝之謀刀尺頻頻藉作餒餒之計數經歉歲資糠粃以爲生虞事寢門脩芳殮而無闕杖兼桐竹挽髮而聲咽烏啼隴植松楸負土而墳成馬鬣裙裝竹筍遣女嫁以勤渠毡合匏尊畢兒婚於辛苦延宗祐於一綫式穀似之報藁砧於九原臣力竭矣其始伴孤栖燕也在二十七齡其終稱未亡人也歷四十七稔勁節允堪爲內則高

年已過乎古稀視膳而立庭幃衆謂有子矣含飴而弄襁褓於今抱孫焉年與例符宜上請九重之旌表事因力絀特仰求一字之褒揚伏惟風教權衡人倫軌範宣聖朝之雅化標厥管彤發發婦之幽光表其宅里天而爲杞補燭石以終完星恰名張類匏瓜之無匹墨花揮洒抒特筆之輝煌紅篆屈盤揭窮簷之燦爛將見昭垂史冊東樓之文獻攸徵師法姬姜南國之徽音永嗣矣

張甫集卷三十

十二

蘭陔草堂

贛江修禊序

錫香粥白際一百五日之韶光燕語鶯啼催二十四番之芳信春方入暮日未成旬渡水湔裙時已過乎上已尋芳印屐節又值乎清明鑽火青楓杜子美之清吟可誦流觴曲水晉永和之故事堪追爰依直指之光用作遨頭之宴殆欲臨流而賦遂教命駕以遊斯時也綠葉紫莖采來洲畔金絲翠縷插遍簷前人趁新晴天開宿霧濯枝雨過槐街不動纖塵趁舸風收蕙渚惟搖細縠紅牙按拍喧比戶之笙歌珠勒纏鬚溢亨衢之車馬滾畫毬於蹴鞠落花飛絮成團彈鐵撥於琵琶裂帛輓雷競響兔葵燕麥禁烟疑介子

設甫集卷三十

三

蘭陵草堂

之田馬磨牛醫上塚效龐公之俗樹頭樹尾歷亂殘紅山北山南紛飛灰白晝漏咽銅龍之點春香消寶鴨之熏輕上籃輿出郭已無塵事過登桂艇擊空便泝流光帽影鞭絲翠幕齊排銀榜茶香酒氣盡樓盡捲珠簾青帘飄颺林腰綠幘延緣江口各攜親近諸將亦至於軍中相與晤言名士咸游於亭上紅遮人面桃花小港之村碧送馬蹄楊柳平橋之路近泝鴨頭而下晴橫兩岸之烟遠沿龜尾而東煖聳眉巒之翠南連五嶺森列瑤簪北下雙江交縈羅帶迤邐城郭矗章貢之樓臺繚繞關津通粵閩之舸舫於是杯傾漱澗吸殘琥珀之漿笛弄蒼涼吹出龜茲之譜攬

設甫集卷三十

四

蘭陵草堂

芳菲於瑤激肝錦繡於銀灣鴻鵠洗翅依依於蕩槳蘼蕪荳蔻揚芬襲襲於行厨才子乘春恰遇羣公假日佳人拾翠復逢仙侶同舟因茲禊事之修屬有畸人之感紛吾酒半却思江上前塵翳爾鬱孤屢過花邊小劫狼烟當日烟烘葛姥之城羽檄連雲警徹梅銷之嶺摧蛾眉以化燕卸兕甲而爲猿怨何如乎悲可知已今則春草池塘爭摘麗藻夕陽花塢雅集羣英又用平康涉蘅皋而汎蟻咏歌勤苦睇桑陌以祈蠶聊抒爲政之閒心不等蕩舟之樂事旁觀生齒垂髫黃髮熙熙密邇知心賢主嘉賓請請下臨無地舒盼睽以無窮覆幬如天識優游之有自觥籌交錯曰今日之遊樂乎桴鼓不鳴蓋天下之平久矣嗚呼生也有涯誰則有彭聃之壽沒而不朽乃堪增史冊之光地屬爽鳩滾滾興衰之迹人非麋鹿茫茫聚散之期惟灑落襟期不嘆蜉蝣於天地亦昂藏意氣彌生龍馬之精神身雖寓於蓬廬跡自殊於槐坂此德功炳煥名常欽宇宙之垂文字滂洋流豈患江河之廢也哉調元漂萍處處閱如水之光陰弄墨年年廁趨風之壇玷班荆道故會並轡於中原傾蓋論交又題襟於南國浮雲落日天氣則不定陰晴蔓草平原心情亦頗傷哀樂荷故人之欸洽振今我之蕭騷雙綰烏紗謝氏庭前之玉分操斑管江生夢裏之花

刻羽引商迭和陽春白雪撫絃動操一彈流水高山
徐返鳬舟重斟犀盞沙汀烟暝點漁火之星星粉堞
雲迷指譙樓之歷歷開熒煌之晚市晃浩瀚之春波
已聯浮白之歡足暢踏青之興與儻雜沓渡頭紛簇
紅燈衙鼓襲隆月下迅回金鐙不作傴僂之舞胥歸
抑抑之堂堂係王文成公所題暫遣平人世悲歡矜繁華於是日興
懷乎古今俯仰係感慨於斯文

張甫集卷三十

五

蘭陵草堂

豐臺清譙序

波浮鴨綠初經曲水流觴酌泛鶯黃又對仙臺華月
崢嶸八境蘇子瞻題句之邦晚晚三春王逸少騁懷
之日則有廣川賢主亟開玳瑁之筵滿座高朋齊映
芙蓉之幕翳此幽棲小築仍虔院之芳蹤宛如故國
平居署豐臺之雅號疎排六枳籬編鹿眼以玲瓏老
挺孤松戶映龍鱗之煥爛平岡迤翠分曉勢於香爐
曲澗縈青漾春波於彭蠡幾片雲根蠹地歷落嶽嶽
十圍鐵幹參天輪囷天矯結棕棚於天半不須畫棟
連雲橫板約於溪邊已見紅欄耀日綿芊芳草依窄
徑以紆廻再荏新蒲占斜塘而晻霏和風習習襟翻
乳燕以輕颺遲日曛曛吮引鳴鳩而婉哢露苗烟甲
界畫楸枰雨簾風枝鼓吹竿籟汲澄泓之巨井飛玉
液而灑銀瀧塤繚繞之長垣映緋霞而輝縞月漆園
蔥蒨栩栩蝶於夢中射圃晴明懸豹熊於的上亦可
襟期閒適追莊叟之逍遙志業恢宏慕文成之俊偉
矣乃若七姬貞烈萬載芬芳崇樺桷之熒煌交薦沚
蘋藻藻飾釵笄之端靚晃搖羽蓋霓旌亦有精應房
星靈鍾天駟雲雷畫壁羅俶詭之戈鋌螭虎華龕幕
莊嚴之帷幔外則鬱孤雲濛騰綠耳於璇霄光孝烟
清吼蒲牢於金地廉泉道氣常瞻霽月光風竺嶺禪
機漫說雷轟電掣玉岩遙聳嵐通睥睨之間堂阜高

張甫集卷三十

五

蘭陵草堂

蹲靄散扁艦之外江流森森雄關夾鎖西東林影森
森危塔孤撐遠近此則從而寓目藉以開懷者也于
焉洗滌金壘過飛三雅接聯瑤席催捲百分只須飲
吸長鯨未用歸騎駿馬懽騰耳熱狂爲倚劍之大言
魄礪胸橫奮激碎壺之壯志冲霄有氣空負南孤東
馬之才就日無因尚遲風虎雲龍之遇徘徊客路飄
蓬梗於天南依倚官齋望烟嵐於嶺北鄉關遼廓私
憐夢以當歸酒賦喧喧共喜主能醉客臣今老矣數
莖白髮難拋僉曰壯哉一笑韶顏尚在若夫駢羅萬
卷家藏繁露之書統領諸州手握雙江之節值炎暉
之歲月勵汗簡之勳名乃敷衽以論心忽拱宸而凝

張甫集卷三

七

蘭溪草堂

睇蓋以專榮萱砌屏開就養之堂張王椿庭灘異還
鄉之水風飄榆莢坻隔刺榆雷迸竹萌城遙孤竹前
望岩巖大庾寧如碣石恒陽遠臨浩渺天池未似滹
沱滄海也乎用是寄懷鄉國粗構池亭鸛眼犀紋卽
等朔方之石硯紅英絳萼便同北地之花園閣憶無
梁佛寺之旃檀彷彿塔思有角相輪之金碧依稀得
古物以摩挲何殊商鼎陟空坳而盼睇輒擬陳宮也
歟是則某水某邱儼童子釣遊之所一觴一咏續羣
賢會集之期于胥樂兮此一時也僕者性實迂疎自
許膏肓泉石才尤淺薄休言詩賦江關叨夙契於素
心遂交加乎青眼參橫月落劇思夢到羅浮草長鶯

帝尚爾身畱章貢顧豐盈犀角尋師指杏樹之壇而
美滿螺心勸客拆梨花之甕旣清諧於膠漆復盟洽
於鳬鷖載酌龍頭羣抽虎僕在諸公不有佳作何伸
雅懷在賤子敢竭鄙誠恭疏短引詎數綿津舊事允
爲漱水佳談郢曲俱成底用罰依金谷吳箋獨擘殊
慙序比蘭亭升圓魄於東山映長庚於西崦泓然墨
瀋倒流峽之詞源頽厥玉山扶滿身之花影飲須知
節毋沾夕露於衣巾興自無窮早訂芳筵於櫻笋

張甫集卷三

一

蘭溪草堂

遊嶽必五者備而後可暢雅懷非徒婚嫁須畢也夫
畢婚嫁則家累不撓心斯可以發遊興嶢嵒洞窟與
騎所不能到是必得濟勝之具舟車遠濶行李往來
遊資宜裕幼弱不知遊壯盛有所營龍鍾之老不任
此則必及遊之年樵夫牧子曰夕攀登卒無一字必
吟眺足發川巖幽昇乃為不負山靈予家婚嫁極簡
易有生不省家事於禮成日惟飲酒昔侵曉送女出
閤即往丁仙洞有句云比較向平先一着未須了局
便看山山情故自勃勃體素便登涉盛年遊山輒徒
步往故人葉惺齋相遇於雁蕩之馬鞍山見予赤脚
踏流泉徑去詫為奇事筆耕所入足辦行裝鄙性不

五嶽集總序

一

修汲堂

輕就親知一飯自辛未發軔嵩山時年五十七中間
一年不遊華泰衡恒凡六年而遍於今六十有二矣
筋力雖衰尚堪登躋嶽頂性癖耽吟登高懷古胸中
有如許物必傾吐乃快衡恒路益遠興益豪所作益
多初不計工拙五嶽巔輿俱遍洒墨跡凡所涉歷陰
雨開霽虎豹遁藏邊塞苦寒亦較常年暄煖豈敢謂
感通嶽靈蓋一物荷皇天之慈而已頃過日下視女
病纏牽於懷向平之累之不易遣乃爾然不廢予遊
五嶽惟華山最奇險過青柯坪攀鐵索上死生直在
呼吸然奇景步步超越意表嵩二室泰兩觀其幽勝
在盧巖黃華洞衡山回雁雲麓首尾迤八百里恒山

孤峯陡峭統領萬山昔人謂嵩山如眠泰山如坐華
山如立予益以二言衡山如行恒山如躡斯足盡其
勝槩矣予意興在遊亦因以求訪異人華山蒼龍嶺
上李道士為予言南頭一處所值雲氣開朗人民廬
舍阡陌了了在目狀類桃花源予庶幾一見之悵望
彌日衡山見一人左股大於身中心惻惻而所謂異
人者竟不可得豈魁杰深藏不可踪跡耶抑塵俗不
堪密邇耶豈心麤眼翳交一臂失之耶抑天地標奇
於山水氣力不能鍾毓耶五嶽集共得二十卷遂偕
號五嶽詩人前之題名獨往生惟恐遊之不及遍今
幸天遂予之初願遊之佳處予當境自得之所存詩

五嶽集總序

二

修汲堂

真雪鴻之跡哉乾隆丙子十一月月幾望五嶽詩人
桑調元自序

張甫五嶽集目錄

嵩山集古今體詩二卷共二百六十四首
華山集古今體詩三卷共一百九十五首
泰山集古今體詩三卷共二百六十二首
衡山集古今體詩五卷共四百二十六首
恒山集古今體詩七卷共六百一十二首

五嶽集總目

修汲堂

予性好遊有遍五嶽之志歲戊辰來中州嵩山雲嵐固應入吾屐底顧忽忽蹉跎至今山中友人貽予書曰名山如好友子客中州而不嵩遊是交一臂失之也予遂發憤賃一牀車無朋儕無僮從所至停軌於坡陀之足獨策一藤窮幽極峻意有所得則嘯呼作為歌吟淋漓題厓壁不著名祇署獨往生自前遊天台雁蕩洞庭之勝已然喜老而濟勝之具尚在汲汲遍佳山水足果汗漫遊之諾道所經古跡清景輒一詩與收拾中有寄吁慨不能已者物外人未得竟無心肝吟畢即置之要不使胸中留滯予早就恬寞於世味久雪淡間齒及衰遲亦怵於沒世喪稱之實非畏景之晏也詩不求工聊記吾目前遊踪已矣乾隆辛未後重午日桑調元自序

嵩山集序

修汲堂

嵩山集目錄

卷上古今體詩九十四首

卷下古今體詩一百七十首

嵩山集目錄

修汲堂

嵩山集卷上

錢唐桑調元

詩一

嵩遊口號

中州山水暢乘凌手攬蒼厓萬歲藤蓋卓一峯雲氣
擁灘高八節浪花騰遊參禽向吾應得飛逐猿猱老
尚能最惜春風餘幾日回看苑樹綠層層

登車

微雨浥輕塵登車發興新清遊始中嶽好景屬閒人
地擅三川勝天留幾日春猶餘花柳色紅翠眼邊勻

出郭三首

嵩山集卷上

修汲堂

出郭已清曠林垌無市聲村花踈掩冉野麥細縱橫
溝溢前宵雨雲催卓午晴金明池上柳含翠送人行
今歲春寒峭郊原百物遲桃花紅未雨楊柳碧纔絲
騁望聊乘暇耕耨恰及時連晨和澤遍天地本無私
蔥蒨當船景柴車迤邐行春原千頃綠黃犢一犢鳴
老漁農為塹新亭客記程無心雙隻埃道左自將迎

雨憩韓庄

連村畦水淥一雨滄客房蔬枰色愛愛屋山散琅琅
紅英散風牖翠縷搖烟庄威紆暫輟輒安隱聊傾觴
寧知野服濕且對春物芳空濛極郊甸滿眼羅青蒼

水月庵

萬象從教淨破除也知水月是空虛如何不用茶毘
法畱取人間一土苴

寺有僧直身
傳金瓶寺

雨中絳菴

徘徊開一簇雨望轉嫣然潑處火逾熾濯來錦倍鮮
行迷武陵水夢斷瓊臺烟翻喜春光晚能令騷客憐

雨行中牟道中

元雲翳天未澍雨飛隴頭芳田野堆離春散最和柔
花下艤漁艇水中行客輟遷迤坦橋度滌汨方塘流
我馬嘶煙樵我僕睇譙樓逆旅却如歸涼景還如秋

見漁舟作

一水滌洄好經過畧約平漁郎何處去烟艇此中橫

嵩山集卷上

二

修汲堂

故國心潛觸塵途眼乍明西谿久拋却夢斷棹歌聲

訪官渡

官渡知何處蒼茫想舊城曹袁遺壘失烟雨綠蕪平
大地幾龍戰空天一鶴迎無窮家國事物外詎關情

中牟曉發

宿雨已盡收曙光猶半黯輾轉客車馳寂寥村戶掩
紫青柳千條飛白鷗一點桑柘早日寒郊垌遠烟淡
春水漾汀沙微風響葭莢行子愁朝飢出壚餅可啖

白沙鎮

驅車白沙鎮夾廕綠楊堤急送春風盡都緣萬縷齊
天晴鴉噪喜塗亂馬行迷野菜花如繡東園想故蹊

列子祠

我生亦好遊獨往意汗漫先生繕性熟脫棄塵跡踐
官粟不妻子野屨只里閑言類接輿狂形異琴張慢
窮老隱深霧元豹無人見圃外度靈風拂水冷然善

鄭州

輪蹄來往各爭程騰客間心獨寡營春水新波流汗
漫原田陳跡莽縱橫際天麴麥無窮綠過雨塵沙分
外清此日遊踪師列子冷然也自御風行

逍遙公故里

宦遊淹塵跡誰復還林屋歎息逍遙公別占幽棲谷
星罽飛山莊烟樓跨澗隩思遇逐雲龍榮華一蕉蔭

嵩山集卷上

三

修汲堂

雨泣東巖花風嘯北溪竹故里夕陽寒波光動羣木

庚午渠

僕射陂前水瀾漫四散流只今千派漲却有午渠收
麥浪青浮野楊絲翠映溝迴波春浩蕩飛去一沙鷗

謁子產祠

兵爭王澤竭波蕩民風頽慨想能為國閔濟非公誰
荒闔祠宇在下馬拜階墀白日隱高封春風吹經絲
何人嗣芳躅令我紛涕洟翩翩吳季子投分固其宜

燭之武退秦師處

吾惜燭之武絳城能退秦才奇空已老事急有斯人
遺堡風梳柳殘碑雨洗塵番番懷塞尉千載共沾巾

須水鎮

須水晚烟翳極目寒蒼蒼遠樹澹春色空波明夕陽
分林下鳥雀識戶歸牛羊林壑看漸暝野迢覺猶長
款車帶星影茅舍延燈光戶小不勝飲新泉浮一觴

曉發榮陽

侵曉纖驪駕僕夫道傍煙柳影模糊明星煜煜光於
月清露濃濃墜侶珠午夜捫心完素志十年回首愧
塵途棟花風入陶嘉候春色堂堂惜暗徂

漢祖繫馬槐

歷亂鴉飛曉樹林蒼涼無復古槐陰時平久失成皋
險氣盛猶為廣武吟繫馬終然成帝業斬蛇早已定

嵩山集卷上

四

修汲堂

天心情王誤割鴻溝界不逝烏騅淚滿襟

京叔段

糾段懷中物如何教寤生慚惟卿鄭志侈自壞京城
白日黃泉下荒墟蔓艸平同根還可念嘆息豆萁情

弔石季倫二首

自古金為崇誰教穴季倫讒應恨孫秀識自痛安仁
荒艸纏幽磧殘花綴古春繁華消歇盡嗟爾墜樓人
銑溪何足問往事歎金墉世亂幽囚數財雄禍患重
翔風何足問往事歎金墉世亂幽囚數財雄禍患重

寺鐘

榮陽道路多關峻阜中監僅容車長或里許

感賦成咏

客行榮陽道土阜高挿天是中通一徑雙轂不得旋
左右立峭壁飛猿愁攀緣顧瞻脩且狹形勢車箱然
車箱苦難出氣結何由宣來者一以阻倒行讓誰先
春雨零十日泥濘倍迤邐冥冥恠鳥叫汨汨衝波漩
一夫或為暴要害搯吮咽入迥驚幽谷出迥超重關
如何開闢初天成此險艱智勇了無施誰能鏹孱顏
塵途每多隘惆悵為此篇

廣武吟

樹木何翁蔚岡阜何巘屹下臨不測谿橫漲飛驚湍
地形信險隘彫彫虎扼雄關昔人圖霸王聲轉聞京索

嵩山集卷上

五

修汲堂

間隆準運方厄戰敗成皋還九天龍失躍智井潛泥
蟠鴻溝盟一渝大號建瀛寰成敗勢已定乃啜沐猴
冠汜陽即帝位威加良已殫狂言詆孺子咄我廣武
歎

汜水潘涵亭同登元武臺望釜山黃河太行
虎牢伏蛟諸勝過竹院茗話約詰朝遊竹川
不果赴有作得八首

之子絕俗人清心謝塵瑳把袂梯層空目盡河嵩外
青螺秀雲坳白鷺渺沙瀨回颺激石樞杉檜發仙籟
天際立松喬瀏觀別有會

元武臺在城內

蒼蒼萬雲巒翠分嵩少支釜山蒸暖靄群峰鬱參差

落景霞嵐合天續紛葳蕤春空裊青髭一氣澹沲之
妙契清遊人山心結在茲金山在正南

大河自天來并合羣流渾水氣黃日月九折喧雷奔
登高望洪波渺然一練痕冥茫玉門渡終古如帶存

逶迤汜水注春靚橫厚坤慨想古豪傑駐立至煙昏
河在西北

行山影落日際天一髮青修靄自橫亘不辨峯巒形
山東二百州亭毒包元精河流界一綫遠勢列幢屏

縣山拒玉玦缺處軋霄崢蒼然暮色至乃與萬象冥
行山遠隔河外

周王獵東都實至古嶠闕桓桓七萃士搯帟拖爛斑
修汲堂

茲地信險要壯勢凌孱顏古來爭戰地生草血色殷
承平踰百祀吹角列戍間春山淡夕照半嶺樵歌還

亭亭伏蛟山鋪翠不可斂夕日明高青春厓發群艷
虎亭在西

松色一坪深雲陰半坳澹依微芳艸蕪下有仙人室
伏蛟山在西

青冥下危梯一亭立坦迤雨苔濃作花春竹澹如水
空檻夕陽低孤城暝烟起羨我遂初衣微嘅寓深旨

萬事浮雲然柯茗有實理竹院在元武臺後

仙邑有靈區一川映疎竹曲池春不波叢筠露如沐
題字上脩清流觴下寒淥遂約御風行深遊躋白谷

嵩雲遙相招幽韵謝戛玉會當續清緣裹糧來不速
曉發汜水二首

汜水平不流微瀾一何靚凌晨暖輕煙浮光自媚淨
沙禽獨足拳凝靜侶禪定罔罔東光生遠波動清映

羣山明髭螺寫入白銅鏡
曦輪出未高山脚猶薄霧濛濛侶白雲瀾漫映芳樹

巖坳轉陽光五色紛纂組連山何崔嵬千仞皆積土
點染施天工本質添秀嫵春山無定姿暄妍半隱露

陶穴
春巖碧叢叢麥光翠欲溜人家陶穴居山腹成架構
屋下自晨炊屋上自耕耨衡從無町畦雜蒔綠如繡

時邀風掩扉夜絕星過雷足知上皇民淳樸多黃耆
嵩山集卷上 七 修汲堂

晚春感興
春深碧草縹蝴蝶紛交飛林日翳茅宇水風涼袷衣

衰髮幾絲短芳郊羣綠肥花事垂欲盡愁絕春安歸
洛水

浩淼臨洛水春瀾清且長霏微芳樹岸沿綠汴流光
頻年局曲室不見浮舟航今晨面淥漪篙竹森連檣

北客燈照竭得歸喜洋洋官人愛新綬遊子思故鄉
我客亦已久對此轉茫茫

杜工部故里
青山入鞏洛秀色超塵寰鍾英產詩老悲歌成史編

契稷輒自許高李空隨肩東郊傷瘦馬西川拜杜鵑
我行敬草樹式此南瑤灣嗚呼斯人逝吟者無其賢

三田故里

三田如荆樹本自懼同株如何中離異頃使連枝枯
離者輒復合枯者仍榮敷遺風成雅睦足為鄉里模
曠林不相能帝遣各一區歷山憂未解于田泣鳴鳴
周公與管蔡零雨涕淚俱可堪粟布謠漢文心煩紆
有生遇平遠飲痛無賢愚李樹代堯僵交讓同悲獻
相輝良不易華萼愁蕭疎精誠感草木涕下沾衣襦

望宋陵作

洛水春蕩滴山山高崔嵬山水映終古人事多興衰

嵩山集卷二

修汲堂

陳橋黃袍擁鼎業東京開羣姦不破碎靖康釀奇災
宋社既南遷艮嶽生蒿萊盤回七陵氣蕭瑟蒼山隈
皋亭飛白燕舟覆無遺骸江東燐火冷鬼哭冬青哀
升高睇珠邱潏決隔風埃其誰腸木石不識昆明灰

嘗王山

停車拾苔級直上嘗王巔紺臺兀雲構伊洛橫檻前
嵩高岫無數青天寫烏髮赤日西照耀金碧輝爛斑
山川到洛下風秀如吳關羈懷藹紛積釋在隔河山

鳳凰臺

層邱翠崦岫上有鳳凰臺歸昌叶玉琯不獨岐山隈
流雲罨灌木飛雨湔蒼厓後王幾龍闕中土紛塵霾

緬想德輝覽雅韵傳噤啾圖告聖瑞八百基為開

北邙山

嵯峨北邙山伊古為蒿里起塋象初連沙平一塊壘
玉鳧夕閤泉金椀朝出市哀哀殉珠襦冥冥沒皓齒
新墳聳巖頭故墳壓石底故鬼不足哀今古同一軌
皇陵崇蠡天生前憑玉几臨安一播遷王氣清如水
我登鳳臺巔北望尺有咫靈風颼然來日暮松檟起

溫泉

散步奉仙澗溫泉漾淺淥閒心任冷暖淪漣已悅目
汨汨下前溪飛漱一條玉驚根落冷泉春淙夢斷續
小住意彌佳愛此流波煥上流濯我纓下流濯我足

嵩山集卷二

九

修汲堂

王輔嗣墓

夷甫慚取節深源怪書空陸沉坐此輩貽笑曷有窮
先生善談易理窟開溟濛片語啟微妙承學之所宗
從祀漢唐儒本以經術崇何人議典禮輟主而廡中
暴秦任商鞅傳以二世終清言寧致患此言亦為蒙
要當論箋故不與向郭同荒蕪別蘭艾颯然來清風

曉發偃師

衆星光磊落一鐸殷郎當烟籠垂楊岸露滴芳草塘
輕車行輾轆馬後遊龍強勝臃閑幾埃始動成池光
惜經輔嗣墓未謁邱墟荒歎息吾誰語斯人久淪亡

許睢陽墓

九死睢陽戰飢羸不易心許公埋骨處猶自陣雲深

碑杜當陽工部墓處二首

遠祖與聞孫文章勲業存九原相映微都在土樓村
當陽癖春秋工部耽佳句誰知弔古人烟霞已沈痼

懷二程子祠作

二賢生有宋浩蕩鍾元精濂溪覽風月妙契吾與情
倡道自中天昭昭日月行嗟彼猥薄子妄欲虧其成
忌諱談孔姬畏之如拘囹清渭不可污祇自流濁涇
故里如鄒嶧統系千秋明何當陪執爵廟祀肅維馨

棗園渡二首

問渡棗園邊春波草色連兒童誇踴捷牽馬上平船
水漲浮橋拆津頭艇子寬喜儂遲問渡艇子此橋安

龍門

亦自成天闕中州此最佳春流合伊洛桃汛下黃淮
蕪沒六朝寺雲崩千丈崖禹功疏鑿在明德遠堪懷

禹王池

山泉流渟渟方甃為之瀦春深綠苔藻歲久孽龜魚
清極不可唾羸餘聊用輸澄寒吐石吻形勢瀑布如
喧瀉呂梁洪亂濺驪龍珠禹功信永賴想像開鑿初
屢起滿老眼飽看殘年書

賓陽洞

深空賓陽洞妙答人語響鏡此丈六身要令信者仰

山雲白浮浮石泉清盎盎古之逃虛人天然蘊真想

香山寺

龍門香山夾大川左右飛翠衝波濤交流伊洛噉頑
堅朝陽夕陽精鐵然賓陽黜洞伊關連一根筇竹筵
訝穿渡河一葉輕洄沿白公勑寺涯東偏清閑微之
引勝緣梵王巨剎標危巔十寺強半陳跡湮此獨兀
突撐中天時巡

聖主臨澗渥罕單縹緲靈山前樓臺屹起金碧鮮
奎文煥爛照坤乾銀鉤勒石蛟龍纏紫氛騰騰護雕
檉琳宮增耀垂千年王城邑子頂禮虔菴花仕女來
珠軒衆香寶地肅芊芊孤園隨喜何駢闐畸人覽古

嵩山集卷上

十一

修汲堂

踏蒼烟亭臺高下行踟躕醉吟翁草翻遺編紗巾草
履思古仙乘化歸去留荒阡山川陵谷縱變遷清文
不沒清光延序文持比金谷賢俗塵侶得犀辟蠲西
厓風雅藹孤騫栽培封樹清墓田退谷森筆勢尤
翩翩擘窠大字精雕鐫重之不異珍珠船晚春光景
飛榆錢攢鋪一徑楊花穗悠然倚樹聽流泉坐看長
河落日圓平沙宿鷺紛紛聯拳薄衣白袷聲吟肩詩成
揮在銀光箋好事或作蛇蛇憐清遊不用姓名傳形
模高穎濶兩顴濟勝未覺腰脚屏去矣疾若箭離弦
一彎明月松間懸

懷安樂窩有述

寸心有微尚遂與功名跡所貴中有得混跡在樵漁
風流想人豪程馬心相於洗然事安樂一窩常晏如
春風洒衣袂流水穿屋廬我行缺升堂末由拜階除
白雲望空際信意自卷舒

曉發龍門

赤日東崖上光生伊洛流逶迤遵輦道迢遞上嵩
邱鴉語散清曉馬行緣綠疇前行問佳境仙嶺欲登
緱

緱嶺

縹緲登緱嶺豐碑倒景明人言王子晉夜度紫鸞笙
春盡繁花落空山一鶴鳴神仙眇何許邱隴綠蕪平

嵩山集卷上

十三

修汲堂

緱山晚眺

緱山秀孤矗不與群峯偕意含閭風遠淺碧無塵埃
前臨萬崑岫一一石筍排雙峯作門戶洞達當中開
陂前列芳畛淨綠鋪春階二麥等瑤艸披拂冷風來
登高一睇望宛上昇仙臺清境難久駐微月光徘徊

輟輟

飛雲過輟輟山蹊翠曲折溪磳滙湍淙春流鳴泱泱
迤度縮嵩橋橫波卧雖蛻麥疇綠如染慈菴藹可悅
坦脩馳道通峭隘鍾磬嶧沙平嶺口石滅古車轍
來往遵夷庚無復嚴關設惟瞻少室峯青山聚行列

少室峯

崢嶸少室峯支分三十六晴暉遠聯綿層嵐青簇簇
近愛王子峯瑤艸藹豐縟石泉泄陰竇涓涓清可掬
逶迤少陽源芝田遍滲漉氤氲獄有神曉曉雲成族
冷翠少林飛穹圓鉢孟覆深院午鐘清春山萬重綠

少林寺二首

會善寺

紆經翠柏原幽詣青蓮宇清暉恰可中煖景不常午
石竇噴龍泉香臺下鵲羽塔影照鈞房雲氣生洞戶
陰巖緜色寒廢竈烟痕古欲坐戒壇西長廊聽春雨

嵩山集卷上

十三

修汲堂

嵩陽書院

書院嵩陽舊規恢耿逸庵先生澤寧斬後死道誰擔
興廢唐宮屢存亡漢柏三穹樓峙雲表最喜貯緇函

漢柏

元氣盤鬱嵩之陽有和離立參天長問年直在彭聃
上羸劉何足論興亡一株鐵幹蟠蒼昊蒼皮鱗皴白
骨老東頭飛柯百尺枯巨斧斫斷虬龍爪佳哉生氣
何婆娑枝條蒼蔚蔚形嵯峨半人喜得習鑿齒全人凝
視哀駘它其一磅礴愛奇絕周遭七圍薛皮裂輪囷
空腹雷火燒風雨濤奔穿洞穴是中廊落可容人盤
根不動何嶙峋空明豁達透日月正直昂藏驚鬼神

古來英君稱漢武封禪曾經過中土猥加封號大將軍千載猶錄羣芳譜通天臺上祈仙靈金盤承露凌高旻劉郎亦是秋風客茂陵松柏摧為薪巍然此樹形模久螭篆龍文互轉紐仙宮梵宮幾劫灰人生安得如汝壽汝邀天幸更堪論三株僅有兩株存君不見書院空階餘石壘當時共拂蒼烟痕

啟母石和韵

吁嗟啟母石鬼哉殆亦偶是物應星精寒光射珠斗氤氛連雲根淋漓襲氣母驚碑秋雨滴銳挾雷霆走狀類劈斧鉞元工無好醜緬惟開闢初儀象元黃剖大擘巨靈掌細啣精衛口海枯爛不免金流燦亦朽

嵩山集卷上

古

修汲堂

此屹黃室間跡著延光後鴻烈比齊諧志怪標談藪碑銘紛傳疑宇宙無不有

中嶽廟

嶽廟轟雲起正當黃蓋峯高聳森鐵鳳古簡貯金龍寰宇青嵐拱中天淵氣重聖朝嚴秩祀不踵漢登封

見嶽廟垣外一柏樹甚奇

參天萬崱崹溜雨千鱗皴此樹太奇特擁腫纏腰身

周道峯寄袁石峯

舜裔

蒼藤柱到萬山巔滿眼春濃漢時田谷口耕樵寧識我雲中雞犬亦飛仙冥茫一帶渾河繞開落三花少

室連寄語梁園隱君子茅龍騎取上青天

放歌行登峻極峯作

崑崙祖脉青龍從兩戒巖壑爭豪雄河山環拱此隄宅崧高拔起天當中灝氣呵噓對噴薄離合太少分西東華蓋童童赤霄上旄旌瓔珞垂高空霞氣輝赫照帝所瀛寰萬嶺齊朝宗神房白晝起烟霧散實騰湧陽光紅岱衡恒華儼列笏天門詠蕩開鴻龍石樓千尋駕紫翠丹梯逕絕風雲通萑蒲九節雜瑤艸續紛石上香茸茸神仙恍惚忽善狡獪風袂難把浮邱公漢武登封集靈瑞茂陵烟樹藹萬蓬金繩玉檢復白誑若呼萬歲驚愚蒙

嵩山集卷上

十五

修汲堂

今皇睿識高萬古陋彼封禪誇神功稽古典禮時巡狩燔柴秩祀臨中嵩乘凌周道至峻極飛龍直上第一峯乾坤磅礴發天藻穹碑鐫鑿厓磨礪野人夙願遍五嶽發軔此地標遊蹤青鞋布襪便登陟半空巒磴盤孤筇二十四峯羅鳥底咫尺少室雲嵐重放眼層空周八表齊州極覽烟濛濛飛光倒影射絕壁日車弭節踰萬春芙蓉萬朵金明滅一披奇觀排心胸默禱神靈毓申甫永贊鴻禧熙無窮烟庭越館天結構草堂作計栖盧鴻

嵩山道中三首

盤盤上空冥圓筇鏗白石雲破高登崖去天不盈尺

廢竈翳春苔荒羽人宅陡絕深巖坳一泉窖寒碧
空山閒無人元鶴宛主客

鐵壁皺幽蘚古錢綠且團裏延大小峽蒼柏凌巔此
風磴斷百仞猿鳥稀游盤層梯鑿寒翠引置青霞端
仙藥在碧落樛木森勾欄

古壇積雨圯頽陽明廢墟空坪奔元鹿境絕無人居
榛藂隱片石苔厚扶寸餘青山信所達滿意延清虛
天風颯然至拂拂飄吾裾

龍潭

一勺涵坳泓沈沈陰翳閔急雨拔湫飛遲日抱珠睡
巖根腴不枯烟華冷逾翠幽絕滄春淙冷然澹人意

嵩山集卷上

主

修汲堂

俯仰跡已陳虞泉過白驥晚色靜年芳深潭一花墜

玉井

崧巖瀟玉井古甃宛天成寒漿沉圓瓢真源通方瀛
板蘿飲猿子洗藥斟仙卿窮素縵汲演漾常冲盈
天空春雨響夜靜月華明躋躋鑑眉髮冥思涵孤清

中天池

翠沼天中央冷甃太古石不識帝臺漿漫謂春泉脈
冥生雲族寒孤浸曦輪白漱流沿芳陂一渦照凝碧

玉女搗帛石

呼鳳銜長梭織作光明帛搗之煩玉女留此一片石
片石的礫含晶瑩叩如哀玉轂冷冷仙巖一用娉婷

力九霄環珮歸瑤京武皇當日慕通靈蜚廉桂觀高
崢嶸勝日之車畫雲氣承露之盤標金莖發船遣入

蓬萊島觀跡親臨緱氏城九節丰茸翠蒲長三能瑾
璨華星明王母盛作七夕會從官齊聽萬歲殺牽狗
遠叨老父問捧書近觀青童迎文成馬肝諱死密五

利羽衣封爵輕崑崙道從公玉帶神鼎策授公孫卿
上元夫人降雲輶偷桃兒竊窺風標龜臺玉女不知
數丹籙一一聞僉名却願搗帛女窈窕來殊庭解后

中嵩上顏若茗之榮得毋許飛瓊或為董雙成不然
乃是墉宮王子登不然乃是鼓歌僊曲之法嬰作使

西飛青雀去如蓋上結黃雲俾鳳尾羅鵠紋綾人間

嵩山集卷上

主

修汲堂

機杼不足稱瓊海鮫綃割不盡銀灣雲錦羅千層安
得將此帛下散三老孝弟各各紛携擎脂塞轉嫖
姚將笄笄軍回驃騎營長安萬家砧杵歌紅閨王節
休縱橫晚歲纔有輪臺悔沙場莫救冤魂縈龍城百
萬看速死鳳闕一人祈長生黃金可成河可塞無奈
陵樾俄青青只傳太室山頭跡彷彿落月聞敲鐙

玉女窗

石櫺宛天構拂曉回芳曉晚蕙發烟鷁老檜垂春條
日輪映清曠天門隣虛寥幽洞龍宅廢古壁龜文龜
昨宵微雨過四牖涼蕭蕭淹回度九夏仙塢無炎歊

石室

太初誰鑿鑿一室架石棟鶉居入幽潛龍眠際曠空
見聞生道心偃仰息塵夢春歸樹色繁月出檐影動
橫几五絃清貯醖三漿凍韓盧不我待浩歌下巖洞

高登崖

層崖開翠窟崎嶇度危梁一澗清瑤流石髮梳春芳
林影白日射鳥跡青苔荒悠然詣石室闌絕憑丹牀
灰寒頽古竈靄煖噓神房乳泉漉妙滴藥艸巖根香
坐覺萬緣絕吟嘯餘清光明玕削叢篠回風語琅琅

嵩窩

碧嵩鬱盤繞佳絕留清窩南迤轉微逕窅曲旋空螺
青松翳礪戶白雲飛巖阿日晡出仙鼠春深垂女蘿

嵩山集卷上

太

修汲堂

半嶺色純黛落照金光多山窗寄小隱老子其婆娑

金壺峯

一峯琢黥玉杳靄蒼雲平陽坡春欲盡芝藥留餘榮
飛空鶴自遶狎人麋不驚有時好風度灌木傳清聲
明月深相照白雲鵲將迎元言遺道德緬懷古先生

道書老明辨
中嶽古先生

野猪坡

太室廿四峯峯峯何嵌巉撥雲尋仄磴羸旋性所耽
偏愛一陂陀坦遷便靜幽探丹梯挂霄漢翠棧盤松
楠谷鳥破烟曉巖花飛春酣重取潄泉逞下上吾能
語

玉鏡峯

山靈露光怪虹氣升九天元精凝崑崙時湧一鏡圓
傳聞沈湫夕寶月凌虛懸高穹淨掃翠萬木寒無烟
玉輪出清宵塵界涵新鮮巖樞方幽闌宵景澹初弦

萬歲峯

陛下千萬壽曲將臣子私登山事望秩稽首祝鴻釐
聞呼萬歲三頌禱義弗虧無然信方士輒指登山期
瑤芝翠可食神宮黯陟基春風度遠谷艸木紛歲蕤

松濤峯

朝嵐澹窈窕遷迤聯羣峯遠聆聲謖謖岑樹秀孤松
古身女蘿裊清晝神霧封千年憩元鶴九霄蜿蜒龍

嵩山集卷上

五

修汲堂

春驚風雨至倒壑鳴淙淙高步出宇宙曠蕩舒心胸
巖阿遺老友巢雲伴春冬

定心石

連峯勢嵌嵌蹲石隣巖洞窮探憩腰足坐見天宇空
夕筇樹影涼春襟嵐氣重平生獨往心叢利不能動
游蹤浩不羈散材老無用終焉倚青壁因之結茅棟
礪泉聲泠泠激耳回颺送

浮邱峯

宿雨斷宵鳴朱陽朗朝霽游禽破新烟崩石纏古薜
修白拖巖泉踈青曳風笙緬惟浮邱公遺迹隨軒帝
鼎湖飛龍杳鴻冢留塵世荒哉求仙心未用挹其袂

嵐氣接東巖清蒼杳無際

東巖

翠擁嶽門戶巘粵東孱顏日車昃鳥道雲蓋歆松關
風飄神靈雨波沒蓬萊山玉書千載閱霞梯幾人攀
謫仙才冠古騎鯨去塵寰修文寓黃室憂嫉娥眉班

嵩山集卷上終

門人梁曰源謄寫

嵩山集卷上

于

修汲堂

嵩山集卷下

詩二

錢唐桑調元

黃蓋峯

東岱比中嵩黃蓋為梁父凌霄峯勢獨裁青照神宇
靈通山澤氣崇闢天地戶籠山霧作巾飄空雨如弩
雲破青冥開風回翠柏舞澹澹掃修嵐聯娟秀眉嫵
芙蓉巖

嵩山集卷下

一

修汲堂

青童峯

山深破寺寒天迴疎星曙清光動曉嵐獨對澄吾慮
泉新出澗流鴉蚤衝烟語黛影析峯螺朱暉昇日御
岩堯神嶽頂蒼白雲生處暖見兩青童飛入層空去
雞鳴峯

懸練峯

秀萼映霄漢煙清碧鬼鬼天荒陰木聳磴峻明星低
磨驚薄險走鶴健凌空飛恠石蹲白澤高穹跨青霓
夜半咸池光破冥蹏天雞重闌亂春夢清景何由追
飄風激飛瀑跳珠沸空潭奔衝石凝碧倒漾天蔚藍
映空羅五色眩轉初陽含龍拔千丈湫水挂一重簾

想像康王谷經過雁蕩巖冰花涼盥頂晞髮脫吾簪

盧巖

艸堂沒榛叢微君棲石厂秀拔萬仞巖蒼翠深鉞染
崩崖下懸瀑銀漢倒瀉陰陰鳴淙淙日色冷西崦
潭磴跡荒涼古綠苔千點期仙仙不來松雲去冉冉

追和盧徵君嵩山十志十首并序

僕向誦徵君十志篇慕其地居幽峻辭吐清貞今跡
其處追和之不仍其音節作古詩十章

草堂

維嶽啟隩宅艸堂構在茲夕烟紫谿阜春星映茅茨
塵跡浮雲幻幽光少微垂真境完白責靡者斲喪之

嵩山集卷下

二

修汲堂

徵君移舟壑金仙占堂基清風灑六合終古無成虧

倒景臺

衆山紛合沓曠蕩開天門浮蹤白雨洗奇意青霞屯
春巖馥草木高臺凌閭闔蒼茫接倒景瀟灑蠲塵根
明月親孤影清露湛芳尊迴與人世隔閒寂寧心魂

樾館

巖隈手誅茅闢館蔭疎樾煙破穀烏飛葉響盲聽發
凍雨清谷神沆泉浸華髮午食不願餘齋厨烹露蔬
咄彼盪者流囚山畏十笏剥啄巢務賔夕逗候蘿月

枕烟庭

秘遶半紫虛氤氲氣枕寒烟芳靄紫衆綠清暉薄重元

月上映縞鶴風飛飄翠旃智慧謝機士逍遙忘大年
洞牖踈星入巖階暗溜穿凝神內不鑿游憩擬終焉

雲錦淙

急瀨漱瓊液豪端衝石稜霞日照縵縵雲錦羅層層
雷動龍湫拔雨過銀河崩波文五雜組寒溜一條冰
幽淙激天籟匪士豈吾朋莓錢漬飛沫獨翫心魄澄

期仙磴

神仙縱非無儒者意不屑德晞白璧完名謝丹臺列
超遙山澤癯宵眇刀圭訣帝鄉故非期元言美足悅
松子躡紫烟桂父飛絳雪今宵風月清幽磴遲鸞轡

滌煩磯

嵩山集卷下

三

修汲堂

苔磯一瑩目靈府煩全滌波聲下三渠風勢翻銀礫
烟蘿畫不成水石氣相激漱玉抱回溪飛珠凌峭壁
日色澹幽幽智者神俱寂洗心碧澗流何處含忻戚

羃翠庭

荒蹊蘿影交曲逕松子委巖隈風色寒一連羃幽翠
飛泉界喧遊空谷忘機事苔磴綠春錢芝田媚晚穗
清森艸樹陰罨畫川巖意濛濛夕牖暝山月忽而至

洞元室

巖坳洞元室石構因自然朝看潔雲出暮看飛鳥旋
即景飽新得何事談空元捐情委破甌寫意在無絃
貴賤謝物役修短隨化遷無邪清百慮寤處全吾天

金碧潭

澄潭發鮮光煥耀涵金碧巖葩映日春林萬飛烟夕
低混一天青倒射千山赤新水碧羅羅羈禽寒磔磔
達士潔孤心世生纏百役倚石憺忘歸深宵印團壁
崖口五渡

測景臺

羣嶂權奇奔斷羣到崖口淥瀨走沙深翠壁流雲陡
苔磴缺嵌嶽風湍飛左右源漪裝雜花坪絲漾疎柳
芳樾歸游禽夕陽影樵叟欲置白茅堂林中安磴曰

嵩山集卷下

四

修汲堂

古陽城

垣竹戛清聲階桐散疎影升高睇烟嵐隱隱環嵩嶺
決潏古陽城神禹從茲避巍然揖讓德邈矣謳歌思
干戈競七雄壇場紛六季澌洛沸雲川禾黍抽烟穗
清潁環春流碧嵩疊遠翠晚晚惜芳晨棟花如霞墜

箕山

箕山峻何極碧嵩讓岩堯許由聖之隱巢樊共超遙
漠然視萬乘棄之如一瓢默存性貞固早激風頽澆
禪元非所安古塚留巖樹空山明月靜微風息煩囂

潁水

一泓清可憐春繞箕山足鱗鱗映白雲瀟瀟滋翠竹

棄瓢巖

煖戲泳嘗沙輕浮追屬玉如聞洗耳人汴流牽我犢
龍卧有青山蟬蛻無黃屋澄波流至今高士見不穀
脫然清士志一瓢亦棄之幽巖足棲遯焉用天下為
斯風一以邀高步何由追單樹冒嵐靄古道生蘿藦
青林羃翠幄白月懸清規颺颺激空響吹墮千涕洟

洗耳池

古賢抱至潔聆言輒洗耳風清寢冥濱月混淪漣水
了了鑒霜鬚泠泠冰玉齒條遊春雨餘鵝散夕陽裏
吁嗟矧世汚末由洗其髓往來人閭川一瞬流波駛
牽牛墟

嵩山集卷下

五

修汲堂

懷賢詩三章

許由

若稽古隱士節操何廉貞長辭唐堯去自樂箕山貧
養性間日月逃名潔精神山川遊汗漫盤石志嶙峋
甘瓜施深谷高林連荒榛巖隙結茅屋顙作由東鄰

巢父

巢父忘姓名高眠是真隱冬春栖一巢心跡入無朕
方噴士洗耳肯使牛汚吻風池曳水衣雨石生寒菌

偃月有幽墳神理箕山近誰謂遜鴻荒賢愚同泯泯

樊仲甫

我生愛獨潔不見樊仲甫跂脚想真人澄心照池主
秋落箕山霞春飛犢泉雨弗聞舜禹禪祇與巢許伍
至道不邱墟浮榮如糞土清風吹不歇萬古萬萬古

平洛水

委蛇平洛水春流方渙渙蘇淪下五時雪波濺石岸
慢縈葭亂迴飛衡鳧鴨散河口急潺湲巖根動浩漭
煙華汎翠漪日影翻清漢沙瀨鏡塵顏槃礴一漱盥

劉碑原

春原多艸木烟靄紛歲蕤野雲帶村岩溪水環茅茨

嵩山集卷下

木

修汲堂

飛光射樓寺鼉屨躡劉碑佛身翠珉泐螭首青苔滋
石亭架礪砢古綠延堦墀征衫浣白汗流憩風颺颺

石淙

三澗實泓崢西迤粲奇石窮幽遇風欣入阻羅紉獲
造物施天巧雲根碎崩砢嶽峯肖物狀飛動誰刻畫
秀作三神仙滄波蕩日夕湖穿洞石幽峽束春淙碧
灰滅三陽宮淨洗蒼崖跡頽照如有情淹洄獨往客

車箱潭

石林揅水窟奇絕萬筍迸崖潭形侶束風泉力相競
根噬虎牙銛潔射牛努勁巖嵌白鴉飛洞罅文魴泳
倒樹瘦更堅旋螺冷逾靚漾日浪紋圓挾雨淙敲橫

千波赴車箱一溜塵泥屏月夜散清暉獨悟光明鏡

石淙山雨

油雲羃四際朝彩匿圓靈車箱波活活活巖阿雨冥冥
天意布時澤陽氣舒春霆初穀洵窳窳餘點飛岩亭
浪花散浮白石骨明深青雙崖出苔磴展齒承微馨

北崖

虛竅厲風濟雨散開陰羆拂雲宛可袖鑿石故堪堦
趁流鮪潑潑鳴樹禽啗啗餘春渚花媚新霽林旭佳
烟波省遠夢洞壑輸幽懷碑字已漫漶挽水前青崖

南崖

山深麋鹿遊天晴鵲鳩鳴幽岫示微云飛陰靄當空散

嵩山集卷下

二

修汲堂

死樹龍骨摧春螺佛髻照巖燒水蕪平歌蔭松日肝
蘇字剝題名蝸涎浣揮翰幸垂青雲梯樵斧不斬斷

天中閣

中峰近倚蓋傑閣危建瓴春星繞分野神嶽羅真形
靚縈河洛帶翠列熊箕屏天空霽月白夜靜寒烟青
羣靈聚清閼一鶴冲天冥微風度殿角鏗然韵流鈴

中天街

有嚴嶽靈地杳靄飄清香嵐光耿春碧雲氣流暉黃
金節輝照曜玉井梵潢洋神霄傍難大閱闔森鸞鳳
地瀉碧月冷街侶銀河長今宵振襟佩微步天中央

盧鴻故里

渺矣清風洒艸堂千仞高且無司馬悔得遂許由逃
巖上青松冠雲中白鹿遊終南有佳處投徑笑塵勞

密縣道中

細雨幾絲颺僕夫慵早行柳侵官道暗山映女牆平
小鳥綿蠻語油雲霽野生白松何處是步訪愜幽情

天仙洞

土岡逕詰曲沿緣詣仙洞游絲罥破帷古礎承歌棟
白松幹卧地青檜枝冪空一溪石色幽四天雲氣重
荒土沒龜趺高冥渺鸞輶冷院墨蹤留書摩王次仲

哀白松

白松摧已久巨幹卧槎枿一種賁無色千年生有涯

嵩山集卷十

八

修汲堂

紅羊成浩劫元鶴渺仙家老朽空山裏摩挲豆嘆嗟

見殘李花

今歲春光晚荒陂識李花空留一樹雪飛點幾重沙
馬映團團月人歌緩緩車他鄉自開落狼藉好年華

雨行二首

黯黯看天色車行我僕愁雨纔沾席帽寒復攬羔裘
霧氣鋪如海蓬聲省在舟吾心遊汗湯淹速愁無憂
浙浙方雨急殷殷復雷鳴夾道柳增翠落溝泉有聲
迷離村店近高下水蕪平未晚投鞭宿辛劬僕馬情

夜坐口占

點檢征衣濕微寒勸舉觴春憐人夢遠雨引客愁長

盤礴山川氣浮沉翰墨場誰能孤燭夜兀坐不思鄉

見一墳封木甚盛感賦

封樹蔥蘢甚誰家有此墳却嗟先隴遠不見翠氤氳
浪作飄蓬客空傳誓墓文也如親舍在淒望海東雲

潮河

潮河一泓水出自欒巴祠玉澗馬頻飲瓊漿人未知
塗經新雨滑杖過古橋危前望謝庄店空林烟火遲

車中懷篋兒

蹀躞馬行穩縱橫車轍多駁雲疑是嶺窵道欲成河
晴樞鶯歌脆春田雉雒和吾兒念遊跡凝望意如何

道中書所見二首

嵩山集卷下

九

修汲堂

陰晴渾不定野景闌青蒼斜漏雲中日遙明澗外岡
窯居民俗古蓐食客心忙頗覺暄和驟風來洒面涼
清晝暄加永陰雲野未齊提筐登麥坂持斧倚桑梯
沙阜黃如犢潭渦翠沒鷺征途歷夷險未覺辱塗泥

曉發中牟

中牟城中曉市譁中牟市中人如麻中牟人脩青精
飯入市爭買朱藤花

嵩洛雜詩一百十六首

畢娶何須學向平筇枝到手萬緣輕千峯冷拂苔花
石是處題名獨往生

老去情懷數散愁彭聃光景亦蜉蝣長楊葉老圓荷

小縱是春過也合游

些家庄北艸萋萋楊柳烟籠一帶隄沙戶不愁瓜蔓

水波聲飛落小潭溪

地名

烟絲搖漾綠鬢鬢溪畔人家挂小窗三十六陂春水

濶東流官渡照衰興

一豹皮留色煇煌兒童名震鐵槍王當時老計多長
樂莫惜英雄死為梁

京水流離遠碧瀾三臺誓死泣龍鸞遼金也有春明

夢斜月經過毳帳寒

底事天生草澤豪元黃戰血灑成皐時人不帶風雲
氣也激長歌下虎牢

嵩山集卷下

十

修汲堂

平生愛放剡溪船夾岸龍孫拂曉烟可惜王猷清興

阻青鞋不到竹竿川

東巖皴法認披麻黑石峻增色侶鴉幾載不臨芳草

渡船人休唱浪淘沙

白袷衣臨洛浦寒橫塘細艸露珠團蘋花十里無人

采一樣春風皺碧瀾

連朝洛浦蕩清暉夢裏家山數載違思煞波心飛土

翠

即南

一湖春水遠苔磯

卜洛成周世代遙陵遷谷變閱先朝只今楊白花飛

急河北河南雪不消

昆昭臺峻拂虹霓內苑葱蘢萬木齊鶴駕不來雲氣

散春風無復水晶泥

姬宗零落惡狐遷九鼎危如一髮懸快意風雷撼老

筆青編章武紀元年

世眼惟知前席榮治安策上漢廷驚洛陽自昔多名
士終古何人侶賈生

滄溟城西古樹迷尸鄉土室想幽棲龍爭虎鬪渾閒
事只有仙翁自祝雞

川雲海氣黯蒼茫贏得昌黎莫一觴恠底紛紛銜壁
去幾人安穩作降王

白馬西來豎剎竿花宮丹碧入雲看阿誰通取金仙
夢休恠緒經竺法蘭

嵩山集卷下

十一

修汲堂

日飲無何計自良遂廬占籍醉為鄉洛陽多少名賢

在獨遣幽人愛杜康

書生投筆壯心頗萬里封侯祇等閒却早搃歸塵一

窖何須生入玉門關

不見都亭骭驢人中原蹄跡黯前塵至今行到埋輪

處一片飛霜入晚春

樓櫓盤空百戰場無情春水照興亡花邊小劫如塵

夢青蓋何年入洛陽

招帳君王賦感甄愁輸眉意馬聯娟凌波不見驚鴻

影唯有春風度洛川

塵生土甃意蕭蕭此段風流故自超金谷園亭盡蕪

沒清名留得范丹室

典午宮城閱廢興幽淪重見宋家陵一般南度匆匆
去寒雨荆榛冷漆燈

房老消沉石友徂風流底用齒齋奴豪華金谷灰飛
盡贏得芳叢是綠珠

洛下蒼鵠出地騰金墉落日淡觚稜六朝淪覆渾如
許無數青山侶秣陵

龍虎威名早歲强羅羅晚計太即當關中不解爭先
著殘局端應侶憤王

鞏南空自設盟壇光祿亭臺夜雨寒惆悵金龍池水
麗有花都讓別人看

嵩山集卷下

七

修汲堂

一道香塵白日迷侯家戚曉簇輪蹄濯龍門外烟蕪
冷處處春田布穀啼

洛陽花柳繪承平珠勒轅鉞夾道行百尺紅欄照流
水春人凭立最分明

京洛名花天下稀內人艷照綺羅衣繁華催逐春波
逝長樂宮中萬瓦飛

佳氣遙連禁苑東華池清禦映簾櫳上陽春樹樵蘇
盡一帶青山繞故宮

銀燈歌舞幾承恩複道斜通內苑門春望望春宮畔
樹啼鳥原是美人魂

黃臺春晚翠參差正是甘瓜引蔓時不識人間可哀

曲遺民猶唱種瓜詞

烟含春野綠迷離庄上遙思海鶴姿水榭風亭饒自
在誰知憂國髮如絲

獨抱遺經在洛東持箋發憤告天公水南水北影纓
去只剩先生破屋中

島賀全義壁壘分窮愁亦足張聲去吾軍崢嶸萬古潮
陽筆當日低頭獨拜君

蕭瑟伊原木石荒夾鳩遞禪一山庄平泉自是春空
影欲繫浮雲笑贊皇

王城雲日麗晴輝如水鉤車一道歸簪得生香花幾
朵雙雙蝴蝶上頭飛

嵩山集卷下

七

修汲堂

夾馬營荒冷碧苔金銀佛寺拂雲開琉璃井是咸池
水一勺曾經浴日來

何時歸去及春華放浪浮生信有涯未識天津啼血
鳥重巖滿眼杜鵑花

嶙峋高閣切雲開賓主風流未艸萊春滿林塘烟靄
動猶疑花外小車來

姚魏香濃撲玉缸笙歌沸處簇油幢花工巧擅醫花
法細細玩黃點氣窻

鼠姑含態午晴初窺艷流鶯下綺疏居士空留花品
序春光已是劫灰餘

年年芳事付流塵暫破羈愁到洛濱瞥見當堦紅藥

影借人亭館賞殘春

臨芳古殿水蕪荒猶憶宮花滿洛陽粉萼香裝千本
艷一鼓奇絕卯心黃

葱蒨西園鶴蓋停池波作雨灑青冥春人多在懣騰
裏安得飛濺醉臉酺

陸沉天地委神州誰向新亭作楚囚多少東都亡國
恨都隨伊水入河流

天中崑崙漢家阡封樹迷離冪曉烟當日黃雲接巫
峽猿轂叫斷姓劉天

禹功疏鑿舊乾坤晴日遙飛彩翠痕行到洛陽天際
望青山中斷是龍門

嵩山集卷下

五

修汲堂

高臺幾載視平蕪悔別家山倚客途一到龍門醒眼
界翠微樓閣侶明湖

細馬驕行踏軟沙爭船人語渡頭譁綠楊絲眉龍門
口便有疎籬賣酒家

舊人瞥見值何哉問訊教停渡口驂惆悵風前懷故
主落花如雪望江南

華裾織翠影匆匆千頃琉璃映若空遲日遊人珠汗
落愛他蘋末起清風

水檻苔龕迴絕塵莊嚴寺外即通津青山夾出玻璃
鏡照徹空亭自在身

衝破蒼烟柱一筇春淙倒捲白雲峰賓陽派擊馮夷

鼓百道飛泉盡玉龍

鴉語催升曉日圓隔川人影簇遊盤一池方廣浮萍
綠環繞春波記字欄

隔浦流雲動曉山青螺疊裏鏡中鬟斷崖挿岬凌千
尺誤認具區消夏灣

舴艋輕衝白鷺沙聊乘暇日覽春華不羞鏡裏星星
髮也逐遊人踏落花

紗巾艸履信淹留只有閒身得自由伊水春來清滑
芴可無一葉釣魚舟

大辨才從徹悟餘香山居士本文殊漁洋倦眼披金
屑失却光明大寶珠

嵩山集卷下

五

修汲堂

千春事往水滔滔鴨綠初看漲一竿白傳風情消不
盡夾隄楊柳間櫻桃

風前得便即抽簪成就先生老醉吟勲業縱輪麟閣
上合教詩句播雞林

流丹鑿翠占幽扁川勢橫環石脈青九老吟魂春不
散靈風吹過素雲軒

獨客回依青豆房月臺乘興縱清狂醉中橫把龜茲
笛吹裂龍門萬仞崗

懶睹機鋒吸老龐琳宮千尺侶臨江曉煙收盡清光
溢眼冷面南水一窗

山色波光潑座來雲中石疊九蓮臺浮生重到非容

易更上香山看一回

伊闕朝橫翠露間柳花飛點畫中山小車穿入楊林
去回首清波玉一灣

穹碑高出九層臺古字季深繡綠苔空外鶴飛踪跡
杳一池清水似蓬萊

高閣朝元聳碧霄星冠羽帔颯風颺却憐新月臨窗
白夜夜夜深吹洞簫

少溪流水響潺湲嶺上春鶯獨不言自是時平關失
險一痕煙影抱輶轅

衣紫沙門一派傳空山鐘板動諸天是非休問西來
旨絕壁誰能面九年

嵩山集卷下

七

修汲堂

柏厦朽空絕壁捫燒丹尚剩藥爐痕寒猿導客如相
識一逕螺旋入洞門

青鳥歸飛冷石臺微聞清淺報蓬萊蒼蒲九節漿盈
盞倚峽待仙來不來

小逕穿松又踏沙零紅耕破野人家少陽河畔春聲
雜萬樹流鶯兩部蛙

嵩陽真氣燦成霞漢柏陰中駐翠華幾片落紅浮
斷澗行人喚作御溝花

爭劫俄憐世局殘仙基閒布在層巒抽身一着空天
地幾點疎星落石盤

嶽廟金人陞楯官松陰雨立不知寒却思淚落如鉛

水怕向層霄捧露盤

萬仞凌霄滴翠寒神房工匠署胡寬中天賢俊生申
甫留得丹青畫壁看

黃蓋峯前妥靈金龍玉簡御香亭神宮屈戌餘清
閑難得鼓篋一院青

二室春飛彩翠濃幽巢未便覓雲余騰空倚伏親兄
弟踏遍東西六十峰

山中呼秋
為親兄弟

漢武登封不記年油雲疑是燿壇烟東巖微辨升中
路幾頃春蕪翳時田

昨宵春雨下烟霏碎瀑輕沾薜荔衣未用珠簾遮洞
戶巖泉一道捲空飛

嵩山集卷下

七

修汲堂

盧巖一雨百泉新瀑點如珠迸淚頻天半飛湫追雁
蕩傷心遊伴已成塵

謂米
子齋

未得長閒結草庵芒鞋暫且躡雲嵐心如五渡溪邊
水一派銀龍遶石潭

紺石縈回細逕斜蔥籠珠璣蔚青霞鐵梁峽口茅亭
小一縷淡煙僧煮茶

鐵梁大小石縱橫似步空廊傑有毅世外多情一明
月直陪孤影到三更

幽居恰有好巖局苔氣還連石氣青第一潭塲春水
滿曉天寒浸雨三星

層巒雲木曉相參初地苔花掃石龕獨往青山無一

事空明濯足九龍潭

珠斗離離挂碧嵩一彎弦月墮如弓鶴鼓衝過西岩
松大小石樓空復空

白雲曉散集靈臺玉女青童去不回仙意只如緱氏
跡飄飄疑自阜鄉來

欲卧嵩高萬仞雲一峯獨秀帶斜曛黃精便作金丹
餌白髮如絲不用耘

塵世那堪噩夢長松濤吹醒意清涼紛紛亂落風前
子可作潛夫竟歲糧

飛空明鏡挂中天下界溟濛一片烟夜半不眠無伴
侶只留孤鶴在松巔

嵩山集卷下

太

修汲堂

金壺墨汁浣仙衫紫氣千重護玉函我欲雲眠不歸
去石窗留作著書巖

高登崖上碧雲深風際時聞簫管音截取琅玕三兩
尺橫空翻作水龍吟

幽磴元雲冷石幢朝曦紅透玉妃窗鸞音忽發高
空裏衝破青嵐鶴一雙

放眼初凌華蓋巔天風吹袂意翛然鄉園遙望齊州
裏依約東溟一點烟

新宮千仞躡丹梯袂把浮邱路不迷一曲參差吹未
了跋烏欲墮萬峰西

催散林鴉曉色分萬峯如黛翠氛氲天公忽作魚龍

戲曼竹嵩高一片雲

小隱西溪卜築遲年光屢負白雲期含情飛玉泉邊
水怡照羈人鬢裏絲

鬼谷幽深白日晡長留冰雪冷春蕪何人遊說賣金
印未是青溪道士徒

穀紋萬疊細縈迴盡赴車箱谷口來潭面掃空金碧
影祇教倒寫石樓臺

春波噴激語潺湲恨煞行雲散錦還淨洗摩崖碑上
跡清流不改石淙山

清漪小塢石堂偏補漏編茅蓋一椽輸與山僧饒淨
福春淙飛到卧床前

嵩山集卷下

五

修汲堂

箕山春水碧于蘿飛落千盤洗耳河恰捲高空雲霧
淨少微一點映澄波

九州只侶一瓢捐何處遨遊不灑然留著峰頭三丈
土絕勝天上堯神仙

三文字見
路史餘論

石橋新漲下浮槎官渡崩流激浪花窸窣哀哀曾爭戰
地一灣芳艸覆春沙

雪滿平田造字初屈盤天地大文舒青蟲葉上雕奇
篆也學臺前鳥跡書

魏國河山坏土存千秋只有布衣尊一杯手酌荒烟
裏今日何人肯閉門

地接金明御苑開君王常在百花臺靈芝甘露年年

見莫道宣和劫數催

荒陂碧艸忘游盤那管昆明劫屢殘其奈青城春黯
淡吹來陣陣曉風酸

夢殘銅輦賦蕪城地老天荒一種情腸斷雪香亭畔
句遺山原是庾蘭成

霽湧紅鉦午復陰間中歲月任駸駸劇憐信宿春歸
去榆莢楊花一尺深

也愛宵分撫七絲華陽亭下月明時廣陵遺譜今猶
在眼底何人是孝臣

蒲盧亭

郭南渚一水四面皆蒲盧搖輕柔榜疾浮空小亭孤

嵩山集卷下

于

修汲堂

春氣涵淨淥波光散虛無掠陰翳翠鳥戲水騰文魚
芳飈回檻外葉葉清響俱凝思汎秋雪眼醒西溪圖

重過白華寺

白華一破寺秋草春復青荒堦水泱泱虛牖風泠泠
前塵遺古殿積雨飄危甍題詩陳跡在觀空客夢醒
遙來孤花笑暫憩片雲停殘僧眺幽寂清晝綠苔局

歸興

高歷中嵩萬仞強更看洛浦好風光漫郎本自為聲
叟客舍還應似故鄉十日乳鴨飛出苑一時新水淥
過塘匆匆未暇論遊跡與錢殘春趣舉觴

抵須六堂

烟光冷暖遞氤氲徐洗行塵酒十分飄地榆錢不知
數浮波花鴨自成羣迎人講樹窺梁月伴客吟筇帶
嶽雲荏苒旬餘春已夏挑燈重與細論文

嵩山集卷下終

門人梁曰源謄寫

今秋本志遊華嶽夏間負病願乃息中秋時適老友
 朱排山使至邀全作此遊排山之子令醴泉就迎養
 夙與子為西泠山水遊伴遂規為禽向也子病良已
 興勃發時秋雨連綿道泥濘甚所至陷淖中顛預萬
 狀渡灞河幾入彭咸之所居達醴泉而排山忽病足
 不良於行天殆欲成吾獨往之蹤也乃回輶至嶽麓
 雨淋漓不止默禱於嶽廟詰朝火輪躍出照耀萬蓮
 華簇簇可數金天開豁靜掃氛翳獨跌萼浮空妍鮮
 如新出滄池中實乾坤奇景也子勇攀鐵索上撫蒼
 龍背吟眺三峰頂瀏連不忍還恨不餌黃精長避靜
 石室間茲遊極悽况瘁而此中所得殊多足以償
 吾勞矣雖絕無謝朓驚人句存之乾隆壬申小春月
 幾望桑調元自序

華山集序

修汲堂

華山集目錄

卷上古今體詩四十八首
 卷中古今體詩七十七首
 卷下古今體詩七十首

華山集目錄

修汲堂

華山集卷上

錢唐桑調元

詩一

華遊口號

華嶽五千仞鐵絙雲際攀野夫乘興往樂事破天慳
古意金城外仙踪玉井間無勞關尹候風雨入函關

馬力本

榮祖

建獨倚樓于閬鄉署內邀子寄

題作

閬鄉今宰仙者儔屢噓獨倚之飛樓樓中萬景滙奔
赴邀我寄題樓上頭我今老病才力薄詫子如扛筆
力道提師倘摩屈宋墨免胄豈止輸頭籌要與江山

華山集卷上

修汲堂

增勝概筆花恣洒多名流此間浩沚雪泥跡拍爪亦
倩孤鴻留窠中豪雋得幾許金臺蹴踏名聲稠窮通
老少各遭際憤騰省記繁思拙崢嶸六合嘯雕甍不
爾萬里沒素鷗誰與寂寞傍松菊亦復連翩賜瓚
獨怪鴻才照京國行路相識多悠悠中朝定自足青
眼東序訖不登天球坐久得魚鱗一寸有似侯喜垂
綸鉤權奇一駿委下駟娉婷衆嫵慚高邱幾然神骨
今已老青銅不掩霜髭羞我遊物外是非泥寸田默
默常耕耨四照清暉足娛客往登靈嶽消閒愁湖城
本屬山水窟河潼尤踰帝王州秦人霸圖獲陳寶驪
山禍本升黃虬卓地朱旗摧白虎臨關紫氣邀青牛

秋光極目天界淨憑臨悉向螺髯收決計清遊復覽

古不勞擇吉龜告猶闌風伏雨秋颺拉物外不聞閑

魯鄒徑思橫掃新堊壁不妨拋礫參貢鏐騰騰高興

拄鐵杖彭觥千里衝秦郵此時直前不見戴故事詎

比山陰舟東西大地類湖海萍蘋聚散波心浮且問

真源尋白帝車箱箭筈窮遠遊滿携雲嵐出關路飄

飄歸袂把我不高揮絲桐播徽猷廣寒宮殿玉斧修

良夜縱酒期賭飲清言玉人相對酬王風蔓草莫刪

定大雅不絕如懸旒六代繁哇掃巨手千秋文選涵

清眸寄聲有客來凭檻橫笛吹徹霜天秋

覓車吟

華山集卷上

修汲堂

朝覓車車影不見西日斜暮覓車徹夜夢聽聲呶呶
呶呶之聲曉不聞朝朝踰脚看秦雲秦雲窈窕輸美
人與子目成寶津濱還欲往期不信頻勞悵望雲
中君雲中君映華山秋繁林拂石光油油白帝宮中
萬玉女招要璐佩紛夷猶嗟子塵土苦滯留青天白
眼瞪悠悠三朝三暮倚庭戶僕夫不我膏行轡吾不
能如叔卿化白鶴翱翔蓬海頃刻周飛凌赤霄上下
愁雙石樓又不能如老子騎青牛關門紫氣浹滌浮
遠入流沙道近過三峯頭荒唐夸父逐日去縹緲列
子御風遊綿綿碧草却佇立晶晶秋烟生遠愁丈夫
未須攤八騶柴車豈亦如封侯蹠階而走忽大笑咄

哉此事從人謀一枝過頭杖梁園斫取鐵筇修一網
看山展阮孚蠟就金齒道人生有待不自由老夫行
矣復何求

登車行

登車樂復樂得遂禽慶遊尋嶽此發軔不畏雨洒輶
前年呼嘯凌嵩邱今年更上太華之峯頭雲臺石樓
天半聳待我踏雲攀梯鉤一峯一蓮開一蓮一莖抽
層層包裹萬跌萼合作蓮房一朵收元氣如波大地
周嶽蓮擎出中央浮寰瀛嶺岫皆藟葛根蒂一氣連
維馭我欲弄芳藹香氣沾巾裘得似千歲龜永巢蓮
葉不生不用封萬戶侯但願五嶽次第窮冥搜天門

華山集卷上

修汲堂

日觀近東海當年恨不直上臨之罍恒山氣聯王屋
太行尾便可擔簦策杖攜糧餓惟有衡嶽火維之妖
恠彩翠隔斷瀟湘流一年遊一嶽陸用小車川乘舟
或騎茅龍上天飛或采蘋花得自由諸君幸勿為我
憂明星玉女備洒掃一笑且度三峯秋

雨懋韓庄

高堂淒淒有滄亭午氛霽昏纖絳續散亂瀟瀟愁霖繁
飢鴛沙中叫卧柳風際翻中遠納野溜平陸飛潺湲
馬行苦踈踈濺濺雙轅韓庄暫釋鞅草店羅芳殮
圓黃泥早菊細綠淹秋蘋南望白華寺隱映烟篠村
念昔桑下宿感歎浮屠言

雨中登御風臺

綠陂芳草圃田平蘚漬荒臺萬古情老矣重教衝雨
過冷然猶想御風行烟雲破處遠山碧鴻雁下時秋
水清今我衰遲終不嫁許披野服謁先生

圃田行

陂塘水激激蒲葦秋冥冥緬昔中興主周宣振皇靈
江漢六月揚天兵淮瀆太原歸經營續承文武正區
夏朕肱方召存典型明堂整頓還舊觀四征方岳無
不庭天王翊戴徧荒服珪璋合符趨彤廷岐陽籀篆
鐫獵碣康侯侍從璫璫珎東都車馬來滔滔雍容和
鸞革垂幃會同王城勢烏奕行狩甫草聲超遙左右

華山集卷上

修汲堂

三驅橫鞬橐中原禽獸羅俟儵射夫如雲弓矢調割
鮮咄嗟盈大庖桓桓七萃盡猛士尚聞故跡遺虎牢
釀空秋霖莽蕭蕭原田蕪沒連蘅皋黍禾貿貿邱墳
高白兔撲朔黃狐嗥列子臺前雁影下僕射陂中蓮
葉凋此間講武無人識躑躅懷古心切切

鄭東門

鄭東門口濤聲喧洪波爭道湧一門一門轟傾九河
渾我馬不得上我車却欲翻鞭撻馬尾曳車勒屹若
移山不動崔巍根僕夫鼓龍嘲舉蹄哀如猿湧天秋
雨還傾盆四野黯黯愁雲屯招呼衆壯士踏波濡衣
褰輪蹄雜擁頭如鼉邪許舉著力勢播鼙鼓鼓揭掀

碎句震霆升兩轅鬱怒奔駭上崑崙忽飛龍入天
閣險艱太行久蹭蹬歛歛澶橫騰騫我緣感事增
歎息區區滌潦焦思繁况際堯時盛汎濫倒覆四海
沉乾坤疾驅投店火照昏解車釋馬舒殆煩忘沾稀
熬名酒共酹酹高歌擊破黃袍樽

掀淖行

皇天滂雨積野潦流縱橫平地穿鑿成壕坑躡阡破
畛改故道陂底落塹溪谷盲馬陷泥濘脚不拔車入
坎窞輪半傾又一恠事作僕夫心骨驚服轅局趣仰
哀鳴邱山不動空撾撾路值艱屯困駛驟時當未濟
徒屏營忽奮義舉爭扛擎不召而集攢村氓研礪踏

華山集卷上

五

修汲堂

水曳輪鞅欲碾車響驅雷霆老夫神王趙壁看我僕
合噪昆陽鼓勇抵三千水犀士捷下七十青齊城馬
出深窪車轉轂輕輓一氣馳不停我前致辭攄感激
勞沽斗酒醺瓶甕具言年豐稔秫熟家新釀饒醪
醪衆昇一車直易與却謝始覺心和平 聖澤涵濡
百年久風氣淳古還大庭輪囷肝膽更潔白野處德
似秋蘭馨風謠下備輶軒採綠情述作掀淖行

曉發須水鎮

雨氣掃空淨客心渾自豪晴看遠山近澗覺下田高
棗柿經秋熟烏鴉拂曙號前行渡京水未惜馬蹄勞

廣武原

廣武高原接窈冥蓬蒿邱隴失精靈渾流欲撼荒城
動猛雨猶衝故壘腥亂世河山空割據清秋草樹暗
凋零狂言阮籍吾無省只學長歌醉不醒

樊將軍墓

屠狗爭書漢殿勲高皇猛將信如雲封侯得與淮陰
伍護主能歸灞上軍松柏未饒邱隴陰風雷猶向野
田聞歐文見浮生滿酌休辭醉卮酒空勞莫夕曛

重登汜水元武臺

人生有情省陳跡三年重上元武臺不緣故人相牽
率此地何因去復來一條柳栗是舊侶夙好不復籃
輿陪高秋颯爽湧清興青山喜不環輿儔城南萬峯

華山集卷上

六

修汲堂

昔騁望矚半杖破雲嵐堆波光千頃玉門渡太行山
色青崑崙川巖新鮮幻氣象千年元不移灣隈前時
頭髮白間黑今更添散霜絲蝻蠟展徙倚三徘徊古
來龍虎安在哉成臯京索挹險要兵戈鏖戰蒼生災
縱挽落天走海黃河水難向劉項湔餘哀汜陽故是
漢皇即位地九成不復遺壇垓叔孫未議綿葛禮狗
屠劍珮爭喧豗未央宮殿西壯麗彭城霸氣寒于灰
廣武原頭莽蕭瑟飢烏下啄青莓苔一院竹風清若
水颺颺洗我兩耳埃曲欄乾淨石磴冷夕日已墮紅
玫瑰昏鴉送客噪不歇記茲履綦更一回登臨未覺
腰腳倦僮兒解事陳樽罍

宿汜水奉懷潘涵亭思光

荀與憶昔入烟霞元武臺前夕照斜滿院林風涼到
髮一溪石溜白于沙晚來人語出深竹春盡鳥啼依
落花冷客重看汜陽月露桐徙倚各天涯

謁詩聖祠

性癖耽吟句句佳都從忠愛罵胸懷愚稱稷契非無
謂聖入風騷不可階老客酣歌拓金戟生還問道着
麻鞋獨看光燄彌寰宇堂廡恭親洛水涯

又一首用王荊公子美畫像詩韵

古今萬詩人見公死心降服不敢侔曹劉高適鮑庾
李誰能括盡人間復欲海外求天寶金甌賊破碎以

華山集卷上

七

修汲堂

此瀕洞憂端稠隨手搖臺擲簡已入聖何用乘酣騁
恠搏攬造物施鑱鏤琳瑯萬篇固天縱六丁雷電不
遣收是中奇景溢出無厓堦乃是裨海之外大九州
愚兒妄較量鬼斧當天矛一生哭瘞非身憂戎馬萬
國心咸周最念麻鞋見天子兩肘衣露寒颺颺跡如
鵲白不待浴一洗詩人沒頭腦之嘲羞我欲上續孔
子刪定遺經三百首指此浩浩萬古江河流正冠肅
拜階石下小子自少夢裏從公遊

黑石渡奉懷張國東學林

天半峻嶒積鐵蹲瀕河直下挿巖根渡頭迢遞經三
載帝脚招邀自一村秋湧波光翻石壁夕歸雲氣亂

松門高情辜負嵩遊約郭李仙舟不共論

宗陵

洛水邛山擁抱深七陵烟樹莽幽森神霄烈日俄頽
照王氣中原竟陸沉已分青城可埋骨誰知白塋更
傷心惟餘一片臨安月映徹金鳬直到今

白馬寺

蘭若紛紜衣紫僧繡經稀得似摩騰金仙夢裏通乾
竺白馬駝來演上乘鵲散齋鐘飛隻隻苔生講樹綠
層層龜龍文自中州出吾道端應感廢興

洛陽懷古

鼎門登眺勢雄哉嶽鄙三塗遠色開卜向澗瀍歸洛
食陝分周召奉王來清秋風雨雲銜岫殘夜星辰月
到臺今古邛山塵一窖當前消受只金杯

華山集卷上

八

修汲堂

謁周公廟

元公勤篤棐叔父式儀型謨烈昭三統勲勞總四溟
征誅佐旄鉞制作潤朝廷帷幕烏流赤河山社錫青
百年興禮樂九畹播聲靈負辰猶堪繪流言不可聽
誰能懲小戾獨為迪前寧零雨歸逆遞風雷動竊冥
思纏于垓鶴悲感在原鵠寶鼎東都卜金人太廟銘
土中頻測影臺上一觀星山勢朝嵩華河流接渭涇
經營成洛邑吐握簡王庭禾穎方呈瑞鉤金欲措刑
合襄邀壽考夾輔屬冲齡無逸時陳座幽風足寫屏

并蜂全已去鳴鳥固應聆世系原封魯思波類溢深
宗功秩元祀明德肅惟馨祝史嚴圭瓚春秋飭簋銅
丹楹崇闕殿繡衮儼遺形欲去頻回首低徊仰廟餼

青要山

山經夙瀏覽夢結青要山轅軫放遐矚千仞秋孱顏
山峻石齒齒溪遠波潺湲瘦柏出嶺罅團蓋高參天
元雀遶空外白猿挂林間飛瀑洗巖戶蜿蜒虹拖松關
眠雲餌赤寶中有不死仙金庭在窈冥丹梯絕黃緣
委順聊乘化未用躡紫烟所嗟清絕境末由暢躋攀

畢娶行并序

八月廿八日為吾篋兒婚期行次漢函谷關僮僕具

華山集卷上

九 修汲堂

酒餽勸飲欣然酣醉綴筆書此

人生少壯各有營磊磊布子文楸枰嶽遊故是第一
着不須貴賤論輸贏我昔未了局便已看山行此意
爭先向子平至竟兒未娶老子心猶縈解龜時節髮
如漆稚兒黃口聲咿嚶今朝遂門已畢娶兒女家室
俱圓成老妻辛勤育諸息嫁娶從不牽吾情慙合陶
匏練笥遣門戶亦復勞支撐萬事不理惟坐嘯佳辰
餉我雙玉瓶今我遵客路西華復遙征行行至函谷
勝跡眼初經昔人戶籍耻關外漢家制度求板閭雄
關頓移三百里楊僕此舉何崢嶸野夫毫不着意氣
安然即次舒吟聲忽看滿案羅醢餽謂是五郎今日

親迎喜氣盈輪御七香車堂開雙雀屏喧喧鼙鼓和
鸞笙滿堂賓客斟湘醪此合盡醉歡顏頰吉語不須
道勸醉殊可聽欣然飲若流泉傾樽騰雙眼不辨物
祇見缸花吐燄芙蓉生回尊勸僮僕汝亦滿滿醺
瞿久客情親稱使令在天況復看三星乘興淋漓潑
醉墨衣袖狼籍烏縱橫鼻息齁齁作雷響到曉不復
聞雞鳴

奉懷盧敬甫

存心 息溟 壽朋 張端甫 本

輾轅征車駐漢關雲厓霜樹兩孺班懸知識客金樽
在定復論吾梓燭間函谷何人迎紫氣洛陽一路送
青山殊憐畢娶今朝是天與詩人老去閒

華山集卷上

十 修汲堂

盟壘行

趙鼓瑟瑟聲掩抑惜不得秦擊缶缶聲慷慨亦何有
秦御史趙御史大書年月兒戲耳秦兵一朝來如雲
兩國未戰雌雄分惜哉不用廉將軍

未曉行硤石

元雲四冪天無星野斷宵柝近五更客心爭程促早
駕山石確犖驅之行一燈明入危坂裏高低衝突馬
數驚周遭墨黑了無見彷彿峯影圖點屏僕夫偵路
獨先照山溜穿罅防溝阮時平臺不畏伏莽只畏巖
硤東西橫一條銀河亦滅跡那弗斜挂開青冥隔巖
磔磔驚寒起叫嘯不知烏何名土窟人家慙圭竇吠

影厓柴聞豹聲盤盤古轍入雲族凌虛尻股愁玲峴
茅茨倏得賣漿者小憇破壁蛩蜚鳴天東火毯似暗
躍遠寺百八華鯨鏗我行岩險有時盡雄雞亂喚陂
陀平

嶠陵懷古

嶠南陵青山一帶如環絕嶠北陵山頭密樹青層層
一老哭師言有徵三帥俘囚事可懲封尸而還不洗
敗衄辱茅津夜渡揚威稜骨縈銀沙白于冰荒蹊陰
氣寒凌兢至今秋風秋雨夕楓林鬼火如金燈剗割
生靈騁霸略千秋撫事悲填膺却望文王避雨處高
臺元突流徽稱一奩韎韞日初上往往五色明霞蒸

華山集卷上

士

修汲堂

謁召公祠

下馬魏祠裏僂僂拜薄躬召南敷雅化洛汭記宗功
分陝過齊履封燕並魯弓四朝貞翼亮一德契昭融
作誥箴初服陳詩警在公昂參映三五渥澗帶西東
穆卜圖應獻朝書位已攻經營先太保俘嚮率羣工
天命年惟永宗盟姓實同鼎遷安郊鄆城築等岐豐
公至孚殷庶王來乂土中旅焚原用訓君奭倍和衷
冲子無遺耆文人更續戎句宣猶拜虎夾輔亦非熊
懋敬居無逸稽謀相有終巡行遍鄉邑懋念村翁
厭浥瀼瀼露卷阿習風雀毋穿我屋鳳已集于桐
過客羞蘋藻流年感草蟲烟寒關鳩鵲霜肅老葭蓬

澗湧潢汙水林留撲遯叢甘棠猶在眼千載思無窮

魏處士草堂

我亦耽清逸探幽此乍經却看高士傳不愧草堂靈
野菊灣頭馥秋山戶外青澄輝相繼照總一少微星
傅君席上食潼魚

潼關老漁撒網河之麋網得鯉魚尺半紅蓰蓰養以
清泉沸撥刺二百里路馳如飛到時掀騰怒欲去鬚
鬣飛動見者希高齋恰逢客不速饗人霍霍霜刀揮
薑橙細筆出翠釜脂膏腴美流金匙人生口腹有定
分饒夫結想空采頤鷓鴣杓鸚鵡鴈白波倒捲無稽
遲舞提鐵如意歌吹玉參差喚出玲瓏唱我詩鴉塗

華山集卷上

士

修汲堂

爛筆何淋漓水鄉風味夢依稀鱸魚墜釣霜後肥我
今客遊五六載自加纏縛非人轡白鷺灣頭葦花絕
丹楓渡口雲濤圖岸疊前峯翠漪滿船流別浦烟霏
霏殊憐拋擲漁兄弟冷落秋江舊釣磯

入古函關

雨後河流一帶傾輪蹄不斷此中行何人劇愛尋山
水作客非緣問利名萬里高秋看雁度重關夜半想
雞鳴崎嶇終古嶠潼路猶覺英雄氣未平

關龍逢墓

下拜函關道看碑涕淚濡終還安邑鼎首樹直臣樞
夏日從茲喪皇天詎可誣誰能從地下心更不辭刳

靈寶道中

雨絲送入古函關險走重巖細路問黃下河流方潑
岸白升雲氣未遮山一行衰柳淒行色千里秋風冷
客顏西去流沙綠底事青牛不肯駐塵寰

稠桑驛

迢遙閨夢阻江鄉雨雨風風枕簟涼那有心情呼妙
子曹騰一醉度稠桑

登獨倚樓疊韻留題呈力本

高齋來往多鴻傳留題爭上百尺樓雲龍上下有意
逐夢想東野空低頭野夫一昔冒雨至登登屐響屨
且道鳬飛尚未返雲鳥蟻泛亦復呼觥籌秦嶺中條

華山集卷上

圭

修汲堂

隱濕翠渾河砥柱噴飛流今古英雄幾消歇獨此壯
觀乾坤留却省行藏鬱鬱硯渠儂閱歷悲慨稠少壯
幾時一飄瞥髮歷亂銀絲抽軟香憶蹴東華道心
事潔于滄浪鷗黃金赤紱不挂眼姓名夢勒鐘與貞
我時抱策鍵戶坐一以踈慵謝謬悠平臺忽叨廢食
召響答天語聆鏞球漫郎青瑣漫一出文采豈類
珊瑚鉤重遊龍驤已攀墮小臣雨淚醺珠印初
元旅進耻竊祿循陔采蘭供晨羞黃間一弛不復發
研田聊爾勤耨耨未為營石綽楔風塵晚倘含羈
愁文章膠漆有定數與子邂逅乎中州子雖我長精
爽緊老撤一部騷公虬一官落拓百寮底填胸瀨氣

衝斗牛惜哉長揚獻賦不見收銅馬門高寒夷猶雄
文空復越枚鄒明堂惆悵遺琳鏐塵勞州縣屈元亮
不惜折腰束帶迎督郵知子杜德機無心汎虛舟人
間萬事浮雲浮姑與周旋任天將有時登樓看山去
園堂吏得涵子不我行正復如王猷風竹萬箇看修
修入門盤桓適我願何須主人相獻酬况復茲來向
華嶽西睇岷嵐簇簇紛如旒九節仙人杖入吾手萬
朶青蓮花盈吾眸當樓嘯呼擲筆去直攬浩蕩三峰
秋

力本以作同考官出預遣人候僕于靈寶邀

入閭鄉署宿獨倚樓臨行重題兼示其孫文

華山集卷上

古

修汲堂

雷春聲

華遊歸日擬全論情味誰如老弟昆未伴陳登卧樓
上敢勞尹喜候關門河聲半夜過吟榻山色中條落
酒樽一曲元雲吾罷鼓佇聆新韻和桐孫

贈文雷

辛苦輪蹄出淖中湖城暫駐轡瓊瓏心懷避俗陶元
亮眼見傳經鄭小同早為尋花冒秋雨不須看檄愈
頭風丹山此日憐雛鳳一聽情聲兩耳聰

謁老子廟

高名本周史遺跡度秦關紫氣浮還在青牛去不還
藏書懷柱下問禮自尼山為谷何其下猶龍不可攀

惟看持道德便已脫塵寰尹喜偕師弟韓非別聖頑
神仙都幻妄清淨足蕭閒莊叟宗風紹彭鏗行輩班
樂曾飄霍駕亦未駐童顏大藥寧教煉丹經盡數刪
流沙波自黑函谷葉將殷殿閣朝煙散階基細菊斑
新苔鋪掩暝宿雨滴淙潺玉座飛蟲裊朱藤點鼠扳
谷神元默裏嵐色有無間秋磴稀游跡畸人攬戶鐸

王濬墓

烜赫平吳日雄風不可當石城空虎踞江艦下龍驤
德讓虛東第功高委北卽誰憐孫破虜百戰肇開疆

盤豆驛和李義山韻

古驛衝泥轍跡深更從何處洗塵襟湖鄉不忘去田

華山集卷上

主 修汲堂

家景盤豆尤關客子心急雨千聲秋瀑碎亂雲一氣
暮山沈授衣時節寒風勁夢斷江城月夜砧

溝阮行

山溜比潮猛缺蓄多溝阮中央嵌空如洞谷兩旁窄
不容輜輶乞得鴉頭鋤劬土填未平衆舁危得度失
勢一落車輪傾車輪傾連山獬召稀村氓僕夫哀號
馬悲鳴褒斜孟門眼前生十步五步頻貽踣周道不
如砥何以通遙征吾欲上攀閭闔五命肇山煩巨靈
并使九州坦迤塞谿衍剉崢嶸更須燭皇五色完補
天漏勿使瀑點縱橫虎豹守關崕岍猱猱空山蟣虱
涕泗零

公無渡河

公無渡河白日杲杲不照臨一河受衆水十日醜愁
霖崖垠崩塌平陸淹沉殷殷何旬旬白波馳駁駁回
車返轡躑躅悲吟嗟我清遊尚如此何況名利之客
憂難任公無渡河我涕沾襟沾襟不為己我恐狂夫
披髮而往化作精衛之微禽怨填木石古猶今

潼關

天設金湯隄宅尊全秦形勝扼重門五千仞接高寒
氣百二關開濕翠痕白雨西過鳴響急黃河東下激
波渾羸顛劉蹶須臾事終古咸陽落照昏

關前望黃河

華山集卷上

主 修汲堂

望中浩渺水雲平嫋嫋西風雪浪生危絕乾坤建瓴
處慨然豪傑濟川清波心曉漾三峯影關口秋連一
片聲便欲溯流天上去遠探牛斗汎槎行

弔楊伯起先生

入關遙慕古人風一老崢嶸更不同獨以清名噓百
代直將勁節壓三公鱣魚飛下聲光迴大鳥軒然氣
象雄勒馬高原空悵望冷煙疎柳夕陽中

懷朱排山

連朝古驛遍愁霖遊嶽寧灰一片心地坦馬蹄行得
得天高鵲首望沉沉寒生風雨秋將老遠入河潼客
自深命駕不辭千里瘁故人厚意感招尋

勞歌水中行輶作

湯湯周道平隆窅我馬奮迅翻盤渦馬頭振鬣爭嗟
峨馬尾一掃橫髮髻古橋欄柱已傾仄巨石矗突昂
蛟鼉長虹偃仆平不頗并力挾輶喜得過嘉然一下
擊飛瀑金翅摩海龍騰梭泥沙填淤行逶迤僕夫與
汝遊九河衝風起今水層波商羊猶復跳一足天意
未肯收滂沱途長晷短索爾何英雄不得九達騁却
思海上乘青驪行者不息勞者歌路轉忽已登高坡

敷水驛

秦樓傾後驛荒涼秋雨猶青陌上桑冷澗一泓敷水
碧波心不浴野鴛鴦

華山集卷上

七

修汲堂

華山集卷上終

門人梁曰源騰寫

華山集卷中

錢唐桑調元

詩二

過華山門

華山門下雨盈盈玉女秋期會玉京十萬雲環梳洗
罷漫空盆水一齊傾

鄴侯廟

憑高坐困楚重瞳轉餉滔滔勢不窮圖躬收天府
裏風雲手攬將壇中寒堦的的秋花艷破廟蕭蕭落
木空千古增輝刀筆吏巍然獨冠漢庭功

羅紋橋

華山集卷中

一

修汲堂

華山曉出白雲間倏忽雲深隱華山踈雨拋殘三十
里羅紋橋下水潺潺

曉發赤水

潦水勢方落征車過遞行雲移深樹動日上遠峯明
宿雨一朝盡薄寒連夕生商山畱勝跡弔古劇關情

商山路榜
說作香山

橫渠書院

銘揭東西意最勤煌煌禮教鎮常新關中倡道成干
古洛下如公有幾人白日天開曾掃霧清宵火盡孰
傳薪尋思勇撤臯比坐此事崢嶸已絕倫

段忠烈故里

怒罵聲鏗萬石鐘殘編神王段司農殊憐奮擊汚吾
笏詎惜衰年犯賊鋒草木清秋寒白日關河前古亂
青烽臨潼買取千鍾酒忼慨憑澆碧硯胸

鴻門坂

鴻門坂下路透迤玉斗驚撞事可知疽發彭城從此
去騎歸灞上復奚辭三霄騰湧興王氣一劫猷殘敗
局基樂府莫歌巾舞曲聲聲欲替楚人悲

灞河

秦川八川莽滔滔浩洶灞水翻秋濤古橋虹影半空
滅浪搜石脚摧堅牢掀天蕩潏失津口青沙白石相
衝淘東西斷塹沒牛馬浮梁空想連千艘雙輪不動

華山集卷中

二

修汲堂

岸傍閣霖雨颯沓風飄颻崩崖覓渡倒旅橐青錢橫
索供饒饕扶駕車驟作嚮導飛龍怒激魚龍逃中流
砰礮擊千丈漩渦缺嚙藏坑壕行軸半仄險折軸一
馬淪入埋頭尻騾夫驚呀淚如霰全行併力牽扛勞
若如紫瀾湧溟渤首戴輿嶠沉靈鼈饑蛟齧鰐倖得
脫人馬性命輕如毛纔喜橫流一條濟重淵復港奔
湍豪暝色蒼然水面黑拖掌韞勒登蘊臯柳林沙店
昧向背四野鳥獸哀鳴嗥明朝滄河重問渡安得烟
浪浮輕舸

咸寧道中

依然風雨黯如塵僕馬踉蹌足苦辛漱谷驚濤奔似

驚暴烟孤柳立如人鎬豐南去詢遺俗灞滄東來涉
要津誰向車中捫虱語劇思豪傑會三秦

關中奉懷張關燈

宋新

我初入關車轉轉慨慕豪傑交三秦伯起逝近二千
載大鳥無復蹲嶙峋景略才雖露令僕一念正朔通
鬼神萬古烟氛掃理窟橫渠崛起禮教新兩銘東西
神鉞下痛癢得省愚頑身竭耒習俗又痿痺四海手
足多不仁大醫王去不復返慟哭世人心死亡天真
昨者忽來鄠縣張關燈晝見古西京之逸民神骨嶙
然既已老精爽照灼日始晨空齋兀坐峙七尺開口
霹靂動赤脣巨手撥雲放一覽晦蒙豁達昭三辰斬

華山集卷中

三

修汲堂

川林中萬荆棘俗謂一覽則荆棘皆其所著書名欲追魯叟還其淳一官容
易敝屣擲著書汲汲垂千春連朝淫雨淋征輪蹢躅
泥塗汙渭濱祇見橫目拖長紳噫嗟獨影走跋躅君
今滯留在汝水此間誰復堪主賓愛而不見搔首頻
使我悲歎濁水塵獨澆復獨澆泥濘墊角巾潔白庶
不慚高旻我甘迤賤君安貧古道共喜無緇磷一士
屈奇天沉淪子毋謂秦無人

即景

額照穿雲罅天西正沆瀣離鴻聲亦杳疲馬氣寧驕
前路水波大隔村燈火遙柳林千萬轉盼不到三橋

迎寄朱性之

家瀛

感子殷勤意懷子翰墨堆游心知夢繞望眼向秋開
風雨羣鴻過關山一老來嘯呼期絕頂驚動嶽靈迴

李太白祠

未用詩論太白高天生意氣獨知豪江中捉得一輪
月胸次翻來千斛醪遺像飄然挹巾烏荒坡仰止跼
風騷不驚鴻筆起千古舊事偏誇歎錦袍

馬上晚發三橋

奎泥深一尺雙轂自難行事到窮生變路教危使平
揮鞭殊適興躍馬好爭程回首三橋影疎林曉氣橫

澧河

澧水看東注秋波澹白涵耕閒思谷口吟苦類江潭

華山集卷中

四 修汲堂

天遠雁鴻下野空雲木參行人愛山色何處是終南

渭河

過午不曾餐泥行路倍難咸陽沙作岸渭水雪為瀾
鷗上隣船立人從隔渡看柳凋秦塞曲秋思浩漫漫

咸陽原

喜動晴光露碧霄行人不憚馬蹄遙高原樹斷形迹
濶遠水天低氣沈寥一日身謀鞍轡穩千年事跡雨
雲消夷陵莫恠秦灰黑黯淡咸陽土亦焦

漢高祖廟

大澤風雲奮一呼手除嬴項總摧枯快拋酒色收天
下怕誤英雄罵腐儒炎鼎已消芒碭氣荒祠猶立虎

狼都丹青畫壁精靈聚猶憶韓彭猛士無

晚發雙照迎寄排山二首

雙照籠鞭去晴雲幾疊橫長途垂欲盡疲馬實難行
老友頻年別高齋皓月盈嶽遊禽向志共喜不寒盟
今子看為宰親聽綠綺聲清遊藤杖具歡聚板輿迎
醉眼花盈纈吟髭雪幾莖見曹窮與達不繫老夫情

騎驢

白驢渾喜健得得劇能行愧煞高纏轡輸他小駟名
涉波雙耳轟下坂四蹄輕風雨灞橋夕應添詩客情

蒙遣騎來迎

平原迢遞跨驢行馳轡遙教駉駉迎甘蔗倒餐今日

華山集卷中

五 修汲堂

路醇醪滿飲故人情袍靴泥濺塵容浣樓堞雲縈老
眼明十里陂陀秋草綠一鞭飛入醴泉城

望昭陵

晉水龍鱗煥秦城鳳闕崇虬髯攝真主日角駕羣雄
紫氣埋雙劍青嵐護九嶷苔碑虛手別悵望夕陽紅

唐太宗廟

黃瓦如原廟青泥即御街臨風思袞冕照夜想神駒
遺像貞珉勒羣靈古壁排霓旌飄月夕龍馭入烟蘿
蟲鼠金源碣逶迤石闕蝸消沉三尺劍彫剝九重階
圖畫功臣閣歌吟學士齋峻山成帝寢舞羽儀官俳
昭告當初服精禋繫 睿恤 睿初 清香綠繞曉

氣鬱惹佳秋雨凋林木晨霜殺草茲誰為過唐論綠
字已磨揩古碑文為俗子磨去
碑首存過唐論三字

驟轡

征輪輾轆苦迤邐轡駕雙驟振策前十笏周量忘偏
仄一身曲卧覺安便雨催新婦帷車閉風送長江舴
艚顛別後相思華陰道嶽蓮蒼翠拂行鞭

雨向涇陽

一夜愁人雨淋浪不可聽關山苦泥濘僕馬總零丁
噩夢休臨灞岐途更指涇溫泉思沐浴懊恨不重經

高陵道中

深泥濺馬腹吁駭日頻經雲壓城烏黑天圖野草青

華山集卷中

六

修汲堂

荒林湮鹿苑潦水泛鳧汀行客心如醉無勞把醪醕
種桑所在高陵

一片荒原上曾經此種桑秋林風颯颯陳跡海茫茫
蘇蕙機中錦羅敷陌上筐消沉無處所遠夢繞吳鄉
渡玉河

雨急鳴金鐸風高渡玉河通川波若此遊子意如何
一字橫排雁孤舟穩載羸頻臨沙磧口浩蕩發商歌

宿安陽屯

踏踏勞征馬安陽宿古屯飢鷹啄茅屋隣犬護沙村
醉客秋醪濁愁人夜雨喧夢中攀箭筈挽索上天門

醉歌

蘆蘆濕熱蠅趁脂油燈吐燄如霞燄逆旅重投赤水
鎮醉墨噴薄臨黃昏科頭箕踞商歌發侈若淮南白

言尊明朝已抵嶽門戶鐵杖猷動蒼山根二華攢簇
聯閣崑默禱請收秋雨繁一掃雲霧千竊竈高空詆
蕩開瑤閣九關虎豹雖復蹲許我鐵索凌空捫箭筈
逶迤通一門仙之人兮謁雲屯太息市朝暉景短榮
悴祇以朱槿論周秦漢唐遞更變倏忽來往烏兔奔
俯視河山兩戒首渾流一帶橫翻掀萬里落天走東
海銀河欲灑輸洪源首陽太華共跟肘雙崖中斷分
秋原當時咆哮挾怒擘巨靈砰訇裂厚坤體魄肅然
牛刀解至今掌拇留形痕我去乘凌作長嘯天風震

華山集卷中

七

修汲堂

宕開心魂層雲蕩胸不芥帶眼底雲夢八九吞福地
致身未恨晚咀嚼威喜充晨飧青雲鈎梯幾百級博
臺羲皇中天存靚深最愛希夷峽不厭坐卧吟床溫
子先酒媪兩茅狗獨往頗恠招邀煩二十八潭落帝
所旁睨玉女洗頭盆神境端須乘興踏今宵好夢先
飛翻徑當直上三峯頂往取瀛海為盃樽

白泉鋪

激灩泉流白熒煌柿子紅千峯烟翠下十里畫圖中
吟塢何人築仙源有徑通西溪如入剡應接興無窮

華州

戶戶蓮峰對天私此一州秋陰簷際散飛翠盞中浮

背郭營耕塢迎陽造酒樓歸休吾計得便可老菟裘

謁西嶽廟

太華五千仞峻嶒鍾灝靈危標森上矗雄鎮屹西寧
旒挂金天正蓮開石壁青齋心存默禱雲霧納巖扃

青牛老樹

槎枒一老樹傳聞繫青牛霜皮古色駁鐵幹元氣道
精靈聚太華年代繇宗周樹亦如老子巋然無匹儔

嶽廟竹檻

東西兩壇竹攤護石檻牢愛茲九秋夕清響鳴蕭騷
明瑯淨如水洗眼千周遭夢落清湘曲蒼翠捎波濤

古雲臺

華山集卷中

八

修汲堂

一杖入雲臺芒鞋鼓興來竄飛松鼠疾嘶斷塞鴻哀
破殿秋光炯空林霽色開玉堦人跡絕扶寸長青苔

玉泉院

滿眼羊脂玉流為澹白泉滿奔來雨後清快瀉階前
月湧希夷峽秋涵小有天孤懷一相映魂夢繞澄鮮

希夷峽

墜驢一笑後釋慮堪安眠龜息入恬漠長寐餘千年
生為初翔蝶死作已蛻蟬一棺此焉瘞萬有隨之捐
我今去翁久欲會知無緣徘徊石門下白日淪寒烟
飛鳥相左右白雲與周旋清光散明月秋響奔玉泉
人代日已邈神理長綿綿逍遙遍八極還下三峯巔

桃林坪

百折始到坪入山纔五里林中白霧生疑入公超市
豐草軟鋪茵櫛石橫列几一聆瀑布音清曠悅心耳
人間萬紛華不如一溪水

桃林坪憩宋道士房

攜來筇竹杖步步踏嶽岑不接塵中脚焉知靜者心
竈安嵌洞冷床置絕巖深贈我蟠桃核規為硯水涔

張超谷

作霧及五里持較三里賒更有漫天手張超詎足誇

瀑布行

芒鞋踏過桃林坪春天瀑布飛驚霆阿香推車轉絕

華山集卷中

九

修汲堂

壁危崖直欲從之傾秋霖一灑五十日銀河落天走
東溟萬派匯赴龍泓口老湫怒拔崩巖壓濤瀾盤礴
湧水府二十餘里鳴轟轟青天無雲白日杲滂沱雨
勢翻滄瀛千仞峯巔白虹下條條界破青山青洪河
大海莫窟宅嶽頂奔瀧危建瓴大小上方舞澎湃一
瀉蕩滌芙蓉城兩山削成鐵堂峽擘開氣力超五丁
玉井真源通脉絡瓊漿萬斛輸縱橫莊嚴帝所九關
闢水簾高挂金天庭晴霞絳旭光照耀五彩交羅眩
目晴橫溪亂石大於臼砮訇推盪填四阨中流昂背
蹲虎豹浪打不動何猙獰却憶一筇破台蕩石梁龍
湫夙所經推轡拉谷恣猛悍今復對此眼乍醒白鹿

龕邊響宏壯震聾兩耳神忡營偏仄荒蹊跨重礪十八盤作之字行東西揭厲赤雙脚鐵杖拄過聲彭鏗開闢丹崖與翠屏窮探極覽衝峙嶺塀時憇陀陀濯我纓愛此蕩瀟瀟湘清透迤迤穿出玉泉外下合渾流連濁涇欲瀦澄浹在嶺腹一掌遮留呼巨靈

雲屏坊

萬山深復深苔磴次第破絕嶂倚天開雲屏誰所作音老樹紛龍拏恠石獨虎卧青天挂白虹奇哉瀑布大

杪羅坪

我登杪羅坪不見杪羅樹張王聳喬林踈陰轉亭午

華山集卷中

十

修汲堂

秋日淡朱光微寒動玉宇坐對上方峯雪瀑橫空注

小上方

隔谿見鐵繡裊裊垂空長鑿壁不容趾把之升穹蒼雲端幾間屋懸架千仞岡陡絕非入境猶云小上方

大上方

此峯雲作頂千仞斷塵界雲英潤瓊甃白日騰光恠其下翻銀礪傾河舞澎湃危哉鐵索垂裊空學猿挂

十八盤

威紆十八盤步步升雲岑一溪千萬折潄浚抱巖欽石本不解語水亦無競心水石一相激砰訇揚清音况飛雨後瀑轟雷下千尋聞喧意轉寂耽此入山深

青柯坪二首

身到高坪上青柯映綠蕪因貪獨呼嘯不畏萬崎嶇屢踏石頭破衣捐溪口濡晚來橫白氣世界入虛無支峯俱拔地小樹亦攢空奇絕千華裏噓來一氣中河爭黃羃歷雲漲白溟濛寄語拘墟者生憐作壤蟲

寥陽洞

谿衍寥陽洞烟徑數屈盤坪上太古木青柯不雕殘石壁微有字苔氣橫迷漫雲屏戶外列水簾天際看偶逢道人語松風答清寒秋陂曳杖去送客飛珠湍

水簾洞

今秋霖雨多水簾常不捲帝所絕纖埃猶垂千尺練

華山集卷中

士

修汲堂

洞戶不分明玉女時隱見四更殘月來一鈎挂東面

北斗坪

拂曉一巖青參差挂北斗瑤壇毛女跪秋苔扶寸厚肥菌兒臂滑瘦石鬼面醜雲穿古洞深天偏危梯陡獨立空翠間孤松與吾偶商顏接中條寒烟點培塿

拜斗壇

石壇毛女拜修黶沾烟霏道人偶一見悠然松杪飛仙踪乍滅沒呀豁開巖扉惟留一片月際曉流清輝

毛女洞

瀑泉落幽礪松風回遠林耳根蕭然淨如聽玉姜琴洞門人跡斷秋苔蔽重岑女中有逸士山高水何深

玉皇閣

白雲在天上飛閣連雲開神工為慈聖架構凌崔嵬
深藏貝葉龕高湧蓮華臺鑿翠有遺跡前劫飛寒灰
過回心石攀鐵索上

悸摩回心石勇豎精進幢璫琅撼鐵鐺直上如懸幢
翠盤九曲棧瀑飛千尺瀧竦身輒復又仄足不可雙
陰厓冰雪冷照我潔白腔

千尺幢

仰瞻千尺幢飛梯挂穹嵌凌霄架閣道穿空出重巖
不知開闢初誰與施鐫鑿陰苔礪腹繡秋日洞口銜
截竄通天門白雲為封緘坪柯簇如薺仙區隔塵凡

華山集卷中

圭

修汲堂

百尺峽

苔石一小憩載度百尺峽流雲上下行峭壁左右掉
洞穿屋雷明谷入車箱隘歌磴仄足頻曲阿轉身恰
手挽鐵樞牢乘凌汗透袷清風為我來涼爽不用篋
探幽體忘疲陟險意已狎千仞蒼山高尺五青天壓

二仙橋

昔我遊天台曾度石梁橋嶽巖此橫亘窄石架重霄
仙靈連袂過山鬼一足跳瀑泉挂素練松風捲寒潮
孤雲隨去鶴落日逢歸樵喜挾濟勝具絕徑恒騰起

由青柯坪至白雲庵題壁二首

青柯坪後去仄步轉層巔山合疑無路雲開忽到天

衣裳楓露濕筇竹石苔穿草茁香爐上仙人窟宅偏
兀突迴心石次且客不前身攀前嶺尾趾壓後人肩
鐵索千尋挽巖窩一道穿今朝路奇絕徐步上青天

俯渭巖

白雲鋪萬頃靉靄侵巖路一氣瀾瀾漫連峯莽錯互
忽如廣陵潮千羣奔雪鷺風回捲寥空俯見秦川樹
猢猻愁并序

地名猢猻愁謂路奇險猢猻亦愁也好事者鑄三鐵
猴置巖坳內

冶鐵作猢猻一父帶二子爾猶怖險艱愁容宛相似
我行緣青冥陡窄劣容趾語爾不須愁未入世途裏

華山集卷中

圭

修汲堂

雲臺峯

雲臺高入雲石壁四面削梯空上層巔白雲生我脚
瀑響半巖松嵐蒸一坪藥石白仙所遺茅堂誰為縛
苔荒閒無人雲中下一鶴疑是焦先生翻然入寥廓
卧牛石

秦鞭鞭不動宛似青犢牛不隨老子去偃卧荒山陬

仙人砭

奇險仙人砭欲度魂驚沮下臨不測深巖腰縈一縷
鐵索非下垂尺樞橫支柱爬沙作蟹行仄足不敢俯
黃緣一失墜頓作厓下土畸人遺生死心眼無巖阻
絕壁摩空青晴嵐攪雜組俄出碧霄上徙倚重巖樹

渭川遠水明秋光冷平楚

上天梯

昔者遊吳下側身上天梯對此了不怖巉絕吾能躋

升嶽道

尋山性成癖垂堂意忘憊礪石苦嚙足涉水寒凌兢
陰幽出嶂峽湍汗援金絙懸幢手併握拋却胡孫藤
仙砭緣郭索性命何所憑看見高掌蠹瀑響雷車輶
雲蒸蒼龍背捉搦橫空乘絕巖千仞接靈嶽由之升
緬古萬乘主冒險營攀登其誰陳巨測忠愛抒厥膺
畸人自骨驕勇夫亦氣矜履危實微倖慎勿誇孫騰

蒼龍嶺

華山集卷中

五

修汲堂

梯雲乍到東峯前巉巖插漢標崇巔斷陁千仞俯山
脚一條搦嶺通重元歛歛蒼龍陡躍出之而爪甲驚
蛻蜺鼓鬣直上氣奮迅雲蒸霧湧將橫簫帝欲時乘
施駕馭巖腰終古蟠連蜷金鱗耀日射倒景形勢飛
動當空懸三峯若無此巉嶺南北連綴無由緣我行
矯首睇穹脊踴躍攀之上九天便到峯頭探玉井手
摘十丈新開蓮洪河夕蕩紅韎鞢終南晴湧堯羅綿
濃淡蒼烟冷漢時縱橫秋水浮秦川路半掀騰欲飛
去高據其背神恬然冥心不赴風雲會遨遊試倚太
清邊老子既涉流沙遠陳翁愛向石室眠且跨虛空
騁獨往相期汗漫周垓垓升天底用騎茅狗雲中傲

睨呼子先

韓公投書處

搦嶺信險陡駕石凌蒼蒼亘空無所倚落底千丈彊
韓公賈勇上欲下魂怔惶分與家人訣作書俯投將
公生有自来騎龍下天閭詆佛震殿陞驅鯁清潮陽
學者山斗仰固宜戒垂堂我養草木年可老空山岡
于世了無用幽恠恣徜徉巖梯三百級橫跨天中央
縱使絕陁詣安神不悔狂

將軍樹

磊砢標古節鱗皴抱奇文空山年代遠猶存故將軍

世果有花源行并序

華山集卷中

五

修汲堂

華山中晴明亦多雲氣隨風騰涌倏忽萬變周遭峯
岫俯環川原時隱見出沒山中李道士言晴雲開豁
時南頭一處所無城郭竹樹青暖阡陌交通廬舍人
民了了在目宛若淵明所記桃花源繞一眴雲嵐即
遮蔽約畧在華山之陽歲或二三見或二三歲始一
見雍正間嘗有人裹糗糧梯山伐道蹤跡之竟不可
得予因以知神界所在多有特偶開露不容塵塵到
也意殷然南望庶幾見之為作此篇
花源只在萬山中
大雲遮羃青濛濛
人間是處有靈境
天地秘惜胡由通
華山道士為予說
向南一區徑路絕
晴雲淨掃萬里空
鱗鱗廬井標巖穴
四際如環

不如玦芳陌縱橫娛穉耄奇蹤未必定神仙太古山林斷塵轍琪林瓊草藹蒼葱飛閣危甍架嵒嶠洞中詎是避秦人物外誰能馳漢節分明陽景亂紛披倏忽陰靈過一瞥道士行年八十餘老聃裔孫飄白鬚雲巖縹緲觀瑤圃陸海髣髴臨元都下界地寧出汧隴上皇民自遺几遽何人開伐踵康樂白日夢到回華胥三神殿風引駭浪七聖具茨迷荒塗幻蹟不同蜃氣結真形欲倩魏臺圖雞犬幾曾傍藥鼎屋舍宛爾存巢湖探看難遣青鳥使飛去那得斑龍車我聞此言慨歎久秋宇沈寥空矯首華陽福地可潛身太清若士慵招手倘許飛步逐雲君便應服食依氣母

華山集卷中

六

修汲堂

眼底世界盡三千胸中雲夢吞八九鴻濛奈此弢洞天咫尺偏令蔽跟肘連山若錦想像中一塢藏春開闢後玉堂伴宿香難期金篋刮膜看何有須知乾坤幽窟本尋常不隸版籍還耕桑桃源之說非荒唐霞嵐疊疊烟蒼蒼有時披露豈渺茫恨不常年高卧白雲頂相與流睇三峯陽

單人橋

險窄單人橋未容連袂度穹脊露金鰲烟空快獨步

宗土祠

有嚴宗土祠蹲在三峯肘手薦瀑布泉潔似三漿否步入金鎖關羣仙為抗手洗眼蒲池隈振衣蓮峯首

竈遺龍蛻岩床安龜息叟全真德不孤白雲為我友

白雲謠

華山萬山蒸白雲白雲雲氣時氤氲萬山白雲合一山白雲忽復分晶晶孤出凌秋雲高盤一段髻斜拖數幅裾縹緲美人曼不羣雲容幻出雲中君竭而來兮倏而逝藐姑綽約飄清氛瀾漫一片白八極恣揮斥萬族盤遊方內外周遭似覺宇宙窄垂垂遠落大鵬翮隱隱半露神鰲脊金鴉飛墮夕陽夕遮斷千山萬山赤騰空乍轟千龍從雲臺北斗掩幾重東頭繚繞仙人掌西頭滉漾蓮華峯忽焉納歸氣海底青天放出萬朶金芙蓉團團一輪懸秋空俯燭華陰城邊

華山集卷中

七

修汲堂

灝靈殿樓臺千尺攢青紅人民雞犬連新豐環黃帶縈關潼太行中條列睥睨海山指點東海東一絲灝氣俄而吐鬢鬚埃堦莽回互回頭已失南天門直下不見秦川樹兜羅綿繞青鞋步身在兜羅綿裏住似烟非烟霧非霧烘以夕照五紋羅一幘乾坤橫綺素我思登眺蓬壺浴清盤蹴踏崑崙娛懸圃木公金母知何處元精元氣無恙無徑從華頂騎雲去

落日俯渭川歌

洪河九曲東入海眼底三曲黃奔衝秦川八川渭川洶一氣摠滙船司空渭亦九曲與河合全身蕩滄蟠關中今秋秋水浸天白圓輪夕墮臘脂紅日光波光

兩激射霞嵐千道烘層穹赫曦倒景照滄溟蜿蜒連
躍斑文龍燭銀交貫爛金色一條紫燄烘鴻濛我在
蒼龍背上立奇觀若見開心胸絳霄神物爰欲動直
恐奔去隨雄虹倏然披豁觀萬象淨掃晦翳回颶風
咸陽城郭抱驪岫華陰草樹連臨潼龍門南下一帶
束聯絡衆派齊朝宗是時紅盆仄對面全秦繡畫明
秋容轉瞬瀾漫白雲海島嶼沒入龍王宮跋扈疾去
將下春翻疑暘谷晨惹龍扶桑弱水迷西東愴恍世
界瞻矐矐陰陽蔽虧乍露影大川首尾穿氛鬣蒼茫
百變一炊頃絕奇藻績煩神功忘却吾身處域內撒
手天岸拋孤筇蓮華仙掌頂尚赤畢景鼓勇登南峯

華山集卷中

六

修汲堂

華山集卷中終

門人梁曰源謄寫

華山集卷下

錢唐桑調元

詩三

南峯

平生積夢華山遊今日飛上南峯頭南峯天門開浩
蕩峽勢環東晴雲浮賀老已踏碧霄去廢窰嵌空遺
巖幽道人神完自不死豈有銀海通仙洲知然祈靈
向太乙存仙殿圯空山邱長空雪棧斷人跡指爪我
與孤鴻留葛蒲茸茸長石漱玉井潛滙瓊漿流不知
垂龍底處去一漉古水寒老湫寶旭峯尖看日落朱
絲萬道霞嵐稠倒映渾河簸駭浪黃琉璃猩紅毳
八川紛綸赤破碎金光四散瀾神州是時白帝凝岳
旒號令嚴肅行清秋乾坤白藏納萬寶歲功告成咨
蓐收商飈颯颯鳴颼颼橫拉一氣催歸休灝靈宮中
大譙享兒孫長幼羅匹儔明星玉女駿奔走洒掃雲
霧清維陬東瀛作酒仙掌抔恒岱衡嵩相獻酬鴻濛
瀆鬼紛雜沓朝宗帝闕五色虬半天決漭白蟾細荒
忽絳河捎於旂我從五千仞上立天池濯足飛銀漚
不用厓邱接肩袂獨自來往登雲樓全真巖坳闢石
室姑且避靜辭喧嗽

太華絕頂

浩蕩秋風動海隅葛蒲池畔一筇扶蜀滇隱約千峯

華山集卷下

一

修汲堂

簇河渭奔騰九曲紆渭亦九曲入河矯首雲嵐神獨王側身天地影還孤希夷孰睡何時覺塵俗渾難着此軀

仰天池

手弄仰天池其深不見底何處問真源即此一泓是

細辛坪

萬古荒寒區光潔無草木惟看細辛生秋深一坪綠委運謝服食逃虛淨耳目登高臨萬象坐閱景光速既老誰復少無榮自不辱悠然憺忘歸川原冷清旭

長空棧

險絕長空棧無人此往還梯登一長嘯散步白雲間

避詔巖

華山集卷下

二 修汲堂

避詔既有巖答詔復有詩深居苦難靜乞賒還費辭况別華嶽去鶴聲將母緇亟攜舊書返卧受松風吹那堪紫泥降語及印累累宋太宗召陳搏詩有金印累累可挂腰句所以古高士洗耳清冷池

望仙掌峯

白雲秋溟濛雲開見仙掌似招滄洲仙共我狂歡賞適從搦嶺來已聽瀑泉響月晃洗頭盆明晨當獨往

望蓮華峯

夕陽照萬象盡作黃金容一峯爛華辮斬新秋芙蓉鮮霞散五采冷翠浮千重奇景斂向夕忽聽西林鐘

宿南峯疊韻

連朝環宇奇妍眩金鴉飛湧扶桑瞰太華峯巒萬齒

皆爛爛一氣除陰昏飛身直騎蒼龍背雲霄往揖竦

處尊千盤鉄繡牢把撼向空騰踔探天根氣氤寶氣

明西崑火龍銜照朱光繁虛空拔起白帝宅南峯尊

嚴闌九閭我冠切雲恣徙倚五千仞上孤高躋近遮

烏兔日月捫洞達手啟南天門羊公毛女自游戲驂

駕白鹿颺車屯神仙至竟天上葵長生久視何足論

素心不屑受金液乘化一任流光奔依巖遠矚裊瀛

浪陰飈陽蹴掀復掀一泓周遭沉大塊默向天一尋

其源却顧全秦繞脛趾焦土一片咸陽原干戈格鬪

古不已慘慘龍血污黃坤規恢萬里開夕照陳亥炫

華山集卷下

三 修汲堂

作黃金痕楸梧遠近烟霞繡萬里聚斂英雄魂金牛之董鐵馬汗霸王去聲有力相并吞千年錯磨紫翠色

峻嶒只有悼物存昨辰林岑洒雪霰客房紅炭烘簾

溫萬木夜深浩呼洵杰閣頗厭風聲煩麤生風味此

隔絕苦憶田家老瓦盆蓮華仙掌詰朝去如鳥生翅

橫翻翻圍巖鋪作白雲海劇思魏瓠浮大樽

連旬陰雨不見日影默禱嶽靈頃放老晴昔

韓公題衡嶽詩自云正直感通蘇公冬月祈

海市喜不拒請僕豈敢擬古人亦蒙神之福

佑而已步韓詩韻題嶽廟門

漏天一月愁天公神劍抉開雲霧中大華身竦五千

初刻露顛趾，彤尊雄橫壓金天。半天上，猿鳥騰飛力，所窮我梯。晴空腰脚健，飄然兩腋如乘風。雲臺石樓徑路絕，意思窈渺風雲通。平地致身三峯頂，大九州外一覽空。默禱灝靈有何恃，心肝一片瑩昭融。公然叱喝，萍翳退琪樹，高攀白帝宮。帝所青柯寒不落，絕異霜郊楓柏紅。萬里瓊霄白日杲，皇穹豁達披清衷。地上賤臣一蟻虱，聽卑亦復鑒薄躬。雲開衡山海市湧，異事敢希韓蘇同。挂冠神武髮尚黑，絕境願以棲遲終。向平今秋婚嫁畢，川巖竒觀勞神功。山口銀蟾四更吐，海水洗去塵朦朧。來年決計向衡岱，元氣呼喻天南東。

西峯疊韻

華山集卷下

四

修汲堂

華峯三峯恣遨遊，西峯勢壓天西頭。周遭千朶青苗苗，一朶高出烟浮浮。此名蓮峯形竒肖，根蒂清香瓣葉幽。萬頃白雲湧香海，衆香國是芙蓉洲。趾繞全秦一大物，古人白骨堆高邱。小戎駟鐵變習俗，文武風氣全無留。羸劉顛蹶若轉瞬，夕日一片金光流。華清宮殿蠹雲起，溫泉水滑瀦靈湫。岐薛春遊隊仗滿，蹕韓朝入珠翠稠。催花亂擊天公鼓，乘醉慣打三郎毬。華萼夾城下，小苑荔枝飛騎來。南州煌煌萬國拜，冕旒梧桐楊柳春。復秋霓裳散序，聽自好舞馬登床爛不收。盧龍賊騎馳颺颺，艷笑香魂一哭休。王孫身體

竄荆棘，龍種失勢輸凡儔。錦江豈復似渭水，乘輿播遷西南陬。馬嵬不掩土，一杯鈴聲雨聲悲。相酬玉蓮湯殿滴，禍水金蝦蟇。化長黃虬管絃，亦復斷凝碧。詎容安史拖星旂，存眼見驪山小劫盡。星潭秋冷翻珠漚，指顧人間倏變滅。霜空蜃氣消飛樓，鎮嶽宮高降白帝。翠龍玉軼鳴啾啾。

玉井

靈源二十八，此為第一潭。俯照我須鬢，風飄雪鬢髮。花藕俱不見，渟渟法玉色。涵瓊漿自在，酌莫問泉廉。貪穹樓蠹雲際金，碧斜陽含乘凌。秋氣迴目盡，天西南。

鎮嶽宮

華山集卷下

五

修汲堂

岩崑鎮嶽宮，直壓飛雲頂。爽氣豁金天，澄泉涵玉井。仙人高掌開司寇，我冠整蓮華。爛浮空一朶青烟冷，依微滇黔山破碎。夕陽影石欄在層霄，獨立秋光迴。力本先世根源扶風既，以石蓮名其堂。復倩能手圖玉井，蓮邀全人詩之。今晨予登蓮華峯，鑒于玉井。覓韓公所云花藕俱無，有忽憶力本所語，諒乃知十丈如船不必舍石蓮堂。他索遂不自知其興之所至而作是歌。

世間那有十丈之花如船藕，此一段竒屬我友我友。本是玉井蓮，下種韓江根。株連老在淤泥心，潔蠲癸

舒藻彩何鮮妍萬華迴出清水上都去雕飾存天然
磊砢節目尤玲瓏比干心敦將毋同神秀原自灝靈
鍾千年家世根扶風今日我登蓮華峯披豁宇宙開
鴻濛發狂大叫景奇絕燁然秋綻金芙蓉金天爛漫
浮青紅沉沉玉井涵清空玉女捧出三漿濃二十八
宿羅心胸玉井樓高五千仞薜蘿衣向樓頭振尊嚴
帝座呼吸通颯颯秋風捲蓬鬢李白一去一千年吟
嘯何人騁雄駿是時赤日從西來千山萬山金光開
石樓大小青鬼鬼洪河脚底黃潦迴天清烟淨睇海
色咫尺雪浪浮蓬萊峯形辦辦綠房圻香氣紛馥霞
嵐堆湖城去此百餘里恨不招君全上雲中臺琥珀

華山集卷下

六

修汲堂

之酒傾千杯蒼顏染作紅玫瑰興酣下筆顛如雷掃
除萬事清浮埃蓮華與君全胚胎高倚本根亦雄哉

碧天洞

嶽頂得幽窟一碧天光傾松響空外遮檜陰石上生
獨坐面峭壁惟覺清虛縈仙宮枕肘睡無夢亦無營

瀑布巖

西巖瀑布壯灑落青霞端崩雷動絕壁倒海飛驚濤
下注玉泉峽白月流清寒五旬秋雨大為我成奇觀

明星峯

娉婷玉女立明星在其西烟嵐日往復聳翠肩相齊
高秋朝白帝於梢曳虹霓肅穆萬靈集仙馭凌丹梯

日出鸞鶴散空中聞天雞冥冥下方路塵霧何低迷

香爐峯

香爐對中峯紫烟紛決泐潏潏谷仰氤氲冰輪低朗晃
西綻玉蓮華東矗金仙掌儵忽時相遇滕薛敢爭長
我挂九節筇直似飛而上却把浮邱袂天風吹浩蕩

時大風把
道士袂

玉女峯

亭亭玉女峯峯形何窈窕白雲繚繞之黝石盡娟妙
天東晚海浪一峯領其要溟茫無端倪浮沉失圓嶠
却俯咸陽原秋草不掩燒仙人遲不來巖梯半殘照

玉女祠

華山集卷下

七

修汲堂

靚深玉女祠白雲飄歛歛穿巖一條泉飛濺青苔濕
絳節朝帝回高居在峯岌清巖白石階不踏崔羅什

東峯疊韻

雲將掉頭方東遊火鳥燃灼千山頭東峯白漲水銀
浪對面一朵蓮花浮玉女曉起欲朝帝洗頭盆水清
而幽瀛海溟茫去咫尺烟霧包裹蓬萊洲六鰲年深
骨已朽蒼翠沉沒方圓邱秦皇漢武塞裳望秋川逝
波苦難留只有金精元氣在砰訇瀑布雲巖流萬石
驚雷動秦地白日急雨飛龍湫帝臺秋林轉葱青
坪一色枝柯稠駿烏顧兔影如織峯頂歷落拋雙球
氤氲素氣不見底濛濛萬里迷皇州明星高下懸珠

旒神光灼爍當高秋仙掌參差森五指拂漢捫斗不
遣收雲車翕集風颺颺危臺老仙博未休叔卿道廣
作地主白鹿黃麟紛輩儔月落河斜玉局散鐵子擲
下青岩隙露凝金盤得幾杯涼和瓊屑餐相酬九莖
肉芝滿烟隴前峯偷喫斑文虬希夷石室睡不醒參
星夜夜過華旂千年更變數畧刻起滅世事浮泡漚
我睇海天一長嘯聲響遠激層城樓俯視壤蟲繞地
軸斯夕擾擾爭啾啾

石龜

石龜昂其首盤跚岩之幽中岩一道裂自昔金簡投
下視窅無底直通黃河流爾龜此養息十朋不足儔
了無鑽筴用永免剝腸憂

華山集卷下

八

修汲堂

仙掌

仙掌空中矗白雲互參差絕巖人不到未用相招麾
嗤彼金莖直秋霄氣淋漓一朝露盤折故跡無復遺
茂陵封樹盡仙臺空崔巍晏坐睇秋色孤鴻來何遲

棋枰

仙人對一枰剥啄雲岩裏着殘秋月曉清暉映潭水
縱橫局不收颺車已逝矣樵歌迤邐來巖前拾數子

舍身樹

凌虛蟠怪樹孤根入巖罅俯臨百仞厓橫卧吁可怕
常恐風雨鳴一夕龍變化安得如汝身千年倚太華

老君洞

意欲去流沙暫憩華山頂著書亦賸事聊答關尹請
藥爐更何為委棄秋巖冷人間有雞犬猶覩舐丹鼎

修羊公

咄嗟修羊公高卧叩不答金碧通靈臺不如破石榻

古丈夫洞

我懷古丈夫衣掃薜石拜獨作避秦人高踪躡神界
寥廓有冥鴻塵網何由挂一洞天寬第謂十笏隘

牛心谷

掩曖牛心谷綠槐不可芟緬懷楊夫子講授開絳函
清秋古岩上夕雪明嵌巉我欲安石几借作讀書巖

華山集卷下

九

修汲堂

上華山連日晴霽喜疊前韻

盈頭白髮天道公連辰私我暄霽中蒸霞半天炫谷
口紅射鵲躡漆豪雄茁茁層層挂鳥道中邊欲把鉤
梯窮鴻濛噴薄白雲氣欲掃未掃迴颼風跨險已過
仙人砭蒼龍直上天門通下界自陰上晴豁火球一
團燒虛空倚岩鏃鋒撼鐵索了無怖恐心神融明星
東麗仙人掌玉井西瀦鎮嶽宮千葉蓮華棄不如吟
頽自發丹砂紅拋除萬累向物外祇放歌嘯明深衷
乾坤秋成納萬寶滄海一粟存微躬古老崢嶸攀不
到飄飄禽夏將毋同昭琴不鼓成虧泯希聲詎以文
綸終但取星潭一汪水淨前老眼光朧朧一峯擬住

一百月俯語雲將吾未東

華嶽百韻

太華岩峩氣象雄天生陡峭壓寰中三峯形勢各分
鼎五嶽精靈實合形鎖鑰憑陵關內外咽喉控扼陝
西東金莖端正仙人掌絳節尊嚴白帝宮指拇差池
伸自異兒孫大小拱還同九州延衰呵噓力六合凌
乘造化功濯足河流衝砥柱盪胸雲氣接鴻濛秋來
爽氣金天豁海底真源玉井通十二旒垂凝眸穆五
千仞矗兀巖從官家歷代精禋肅珪幣盈庭肝蠻隆
少皞乘權鑾輅冷蓐收用事庾倉豐悅敷兌澤叨重
潤厚奠坤靈慶代終太乙胚胎聯脉脉長庚躔度晃

華山集卷下

十

修汲堂

腫腫金行肅殺都擎斂柴望虔恭罔怨恫窳未鑿時
憐渾沌山經移後快愚公繡締稠疊虞巡會燿火榮
煌漢時烘丹桂團輝廣漠白榆歷歷映昭融恢閭
禹甸泥乘楫磅礴堯封水汎澤疊現休祥毋降割潛
銷氛祲只延洪中各派區涇渭謨烈全符表鄒鄩
操縵膠庠伐椅梓譬孫苑固挂犴狴壇場藉用菁茅
匪瓚卣斟浮秬鬯饒炳蔚孫謀詒以燕崢嶸公望卜
非熊烏飛兔走年光逝虎鬬龍爭戰陣攻軹道降王
空觀壁沁國貴主失簾櫳簡編臚列為人鑑歌舞消
除是女戎長樂鯨鐘沸鏜鏜華清羯鼓振鞞鼙中條
商嶺皆培塿丞相通侯盡蟻蟻淚落金人寒弔月汗

華山集卷下

十一

修汲堂

流鐵馬夜嘶風唐陵漢寢頽原久閨苑瀛洲望不窮
渭水故都荒莽綠咸陽焦土野棠紅寧秦皇矣昭臨
監蔭晉佳哉布鬱葱原隰榛苓思渺渺小戎駟職韻
風風華胥國喜遊軒后封禪書嬾取所忠徽嶺首陽
稀採摘桑麻杜曲競耕墾終南門戶迤環衛直北車
書遠達聰遼薊杓明逢運泰滇黔菁淨弭兵訶蛟螭
纏向雄雌鵲鸞鳳鳴諧律呂笛窳堵波蹲學螺髯兜
羅綿散捲雲屏藩湯沐朝汧隴伯仲堦麓揖岱嵩
古丈夫應偕綺角船司空自馮峭潼鎚鑪煉石陶甄
妙圖畫披麻渲染工瀑布雷霆擊磬磕銀河濤浪破
冲澌峻嶒築磴摩晴旭駿韃舒波蕩顚穹線縷沍云
環灞澆肘跟簇簇俯荆峻獼猴得意扳垂蔓鷗鷺忘
機戲在滌世事茫茫趨暗景時名赫赫扇浮塹壺公
幻影飄飄滅毛女輕髯綽約鬢翠棧丹梯升岌岌琪
林瑤草撫叢叢驚人謝朓慚奇句遊嶽禽生愛薄躬
宇宙難逢希有鳥唐輪多見可憐蟲孫生有客栽椽
竹絕調何人鼓鑿桐蠶則績能杼纂組艾而張恐觸
罇罍庖義圖象文誠富蓄缺形模道轉充九節杖高
便聲跨越五銖衣薄倖飛翬上方祗長青柯柏下界
剛飛絳葉楓白鹿龕邊香夢夢黃龍潭側響淙淙烟
迷弱水歸青鳥雨歇扶桑斷赤虹賀老室幽鏡窳窳
焦仙臺迴切靈霞彈絲縹緲還招雀沉餌嗟唏罷釣

銅危岫層層孟門路老湫處處呂梁嶺綆修懸汲連
絕險磴窄摩攀陡鑿空仄踐磴砥臨窟穴暗穿嶂峽
出澗祠瞻宗土巍榱桷橋度單人巨蟬螭螭蟬橫
行緣峻礪蟬蝦直上撼枯樓支當漸瀝披髦屬遮蔽
震靈戴茂蓬樹號舍身增眩瞽崖名擦耳倍怔忡楸
枰博局侵霄漢蘆荻籌場掩草荒探得牛心圓礪砢
麗于龜背凸崿嶂離襟杉檜擎雙繖繚繞幡幢綴五
總箭筈盤盤歌捉搦蓮華瓣瓣篆雕龕琅玕抹翠嵐
生塢鸚鵡驚寒雪到籠蛻委蜩蟬塘依木葉桐翻蝴蝶
入花叢前除暫憩馴鳥鵲絕頂初登挈僕僮別院休
糧常閒寂閒庭種藥每萃茂倦偎苔蘚勝猩褥小醉

華山集卷下

三

修汲堂

醍醐比酪醕霞鏤魚鱗鋪瓦縫颺掀羊角裂衣縷琴
徽帶潤囊封錦硯匣留塵帚拂駿斑駁昔邪滋沆瀣
續紛威喜照瞳矐氛埃避靜虛生白耆艾全真少似
童碑剔古文搜岫嶠佩抽長劍倚崆峒肉芝殊類延
齡菊船藕何如塌地菰麕飯盈簞甜芋栗偏衫細衲
煖貂鼯嗤携符籙祛魑魅懶寫音書付雁鴻行氣法
傳生伉健步虛聲杳入清沖向平婚嫁完兒債張翰
萼鱸繫客衷坐守庚申耽寂寂催週甲子悵匆匆他
鄉樵磧千尋緇故國漁磯百尺篴紺雪元霜拋杵白
黃雞白日唱玲瓏嶺巖台蕩曾扶策浩渺淮江慣纜
戩未用當秋悲颯颯若教消夏滌熾熾椎囊乍處寧

誇遂劍缺頻彈最耻馮自把經書傳伏勝詎勞學校
議荀崧驍騰讓作纏鬚駿踰伏甘為斷尾狝文武火
燒心上永陰陽炭鑄世間銅臨牕誰換琉璃藥挂壁
慵張霹靂弓眼為貪奇須刮膜耳因厭聞不治聾塵
中處所堪通帝老去工夫始養蒙鹿逐乾坤經擾攘
蜃嘘樓閣閱腫膠脩然獨往無踪跡免得人呼避詔
翁

得國東見寄詩和韻迎簡

直上三峯太華秋泥濺巾烏幾句留故人話我追仙
跡今雨看山是壯遊蹭蹬非關趨要路瀏連寧復為
身謀誇張晴絢烟嵐景萬朶芙蓉一舉頭

華山集卷下

三

修汲堂

又酬和一絕句韻

孤心映雪虛空白九月初巨掌當山擘破青二十八潭
都化酒只須長醉不須醒

關中懷古疊韻四首

夕陽故道黍離秋文武遺風那處留孟水白魚曾躍
入岐山丹鳳憶來遊周楨締造興王業豐芑消沉翼
子謀聖德羣靈夜朝拱烟深畢郢古原頭
并吞六國氣橫秋準擬皇基萬世留博浪沙中渾胆
落輶轡車上只魂遊祖龍一代窮威武逐鹿羣雄騁
智謀枉鑿三泉銅銀海驪山殘破月當頭
草澤英雄奮挺秋風雲灞上一軍留離宮甲帳朝零

落原廟衣冠月出遊率土平來三尺力劫灰消盡六
奇謀瓊霄仙露和盤拆淚滴金人渭水頭

烏飛啄屋下延秋驪岫香殘禍水留夜雨淋鈴千古
怨春風隊仗五王遊羅衣醜淚歸何處玉輦蒙塵不
自謀細柳新蒲依舊綠吞聲野老曲江頭

宿盤豆驛力本遣人治具賦謝用李義山盤
豆驛詩韻

河水濺濺不復深急思會面前遣人候于驛清襟看山來往三千
里候騎東西一片心實茲恨于華陰華旒垂秋滴滴鼎

原龍去暮沉沉盤殮狼籍沾僮僕爛醉誰聞隔院砧
又遣肩輿見迂于盤豆驛仍用前韻

華山集卷下

修汲堂

匝月塗泥輟迹深肩輿迢遞煩襟羣騶呵殿非吾
事遠驛招邀見子心高李豪吟仝慷慨陳雷古誼不
消沉秋鄉風景江南似村塢遥聞笛與砧

尋玉孌湖不得

秋色滿平蕪驚寒叫子烏一彎殘月細何處玉孌湖
遊華嶽歸重題獨倚樓疊韻呈力本

我生篤慕禽向儔獨上仙掌雲中樓瓊盆倒瀉星潭
水旁看玉女朝洗頭萬峯濕翠漬衣袖御風遙返流
光道重登茲樓洵酣笑燕卜晝夜催更籌盡拓油腮
納風色周遭遠近峯巒稠黃河繞城水帶束白嶽橫
空烟穗抽宇宙中間秋氣滿着此兩片雪色鷗昨喜

孫騰腰脚健拜謝嶽靈醺鬯占雲臺天門通帝所霓
旌羽蓋紛颺悠灝靈殿壓五千仞天風蓬勃鳴笙球
博臺高高出雲表嵌巉未用施梯鉤身騎茅龍徑直
上巔頂似踞崑崙崙崙仙人叔卿欲我館飢進瓊藥充
香羞素心委運薄久視白髮底事加耘耰驚人豈有
謝朓句呼嘯一豁人間愁天心地肺互脉絡江南不
少山水州清泉白石轅窟宅杉檜千丈蟠龍虬城郭
稀見蘇耽耽霍畫圖諦觀宏景牛丈夫及早身可收何
須矍鑠舒壯猶大九州外境荒忽裨海難信談天鄒
寰中邱壑吾得到高崖瀑布懸白鏐徜徉水壑還山
郵往來飄若不繫舟人生本無蒂客踪益復浮未用

華山集卷下

修汲堂

大小論鵬鷃達志便是逍遙遊一綱芒鞋一筇竹子
能伴我吟眺不簪纓蘿薜殊風猷溪南老子耽清修
耕漁兄弟最村朴老瓦盆可交錯酬千首詩輕侯萬
戶聲名官職原贅旒意蛻塵埃信吾友笑而莫逆凝
雙眸凌虛招呼廣成子白雲縹緲飛千秋

悲歌行疊韻呈力本并序

力本閱拙集極賞祭盧天羽先生文猥謂一片血淚
純是天地元氣結成此種文字不可以時代論于既
感知己之獎飾竊念不孝孤生無為養沉痛入骨其
時兩家孤情事正同省記舊跡悲來填膺不覺失聲
一慟非倚醉狂抒痛也因走筆疊韻成此篇時乾隆

癸酉九月之晦夕

維揚馬君遷如傳高名高過文選樓假使與古共騁
轡亦應見許出一頭誰論海內述作手持較中論尤
加道予文枵空了無有絕類量沙虛唱籌君乃高呼
張氣執挾之驂駕健者流就中雖誦祭盧文一紙殷
般天地聲為留噫予撥觸沉痛獨繭哀絲千萬抽
當年筑筑面在疚紅淚紅似芙蓉鷗翡翠砂版具夕
奠雙魂在上醺二亩不孝孤不可為人子欲追冥路
冥且悠直寫哀悰告魂座君胡指此文價全圖球省
記茹毒有如毒草茹腸為寸寸斷吻為段段鈎生養
苦無雞醢味死葬不成馬鬣印循陔采蘭朝暮采白

華山集卷下

主

修汲堂

華絳趺以為羞古來孝子供子職耕田竭力親犁耨
我時不行無可養遙望白雲生悲愁負米遠馳江南
北往往擔簦入 皇州歸來上堂不復見規種五粒
騰松虬縱復一朝竊鼎食上塚空爾陳椎牛以此椎
心括髮痛欲死不死痛淚不能收通門猶憶兩落解
頻打帽搥命不猶落魄偕行至稷下盧為辨爽子談
鄒霜蹄雖已蹶駟寶氣猶復明琅鏐一月寄書過
一束寢門踈曠勤星郵皇穹不鑒子精誠忽焉夜壑
移藏舟兩翁曠達了晝夜其生其死如休浮浩浩一
氣返旻灝上征誅蕩天門遊管鮑陳雷古來有有此
互沾縑血不只此豈復論才猷文苑料不施刪修君

胡指此文價全圖球黃金萬鎰猶不足以酬千行熱
淚急雨迸臉波豈止紛仕千珠旒不為片言賞譽生
感激要自滌滌舊血飛灑模糊眸驚動霜林萬鳥起
哀聲相應啼清秋

留別力本疊韻

乘興新為華嶽遊歸攜嵐靄此重留野夫名媿陳驚
座地主才過趙倚樓爛醉先期踰十日高吟此度足
千秋由來湖海多豪士得似元龍意氣不

又遣人郊外治具却寄用圖東詩韻

酣歌一夕已千秋縹緲飛樓底用留往復連朝費迎
餞唱酬一路接朋遊向平婚嫁知子畢皇甫文章即

華山集卷下

主

修汲堂

子謀連其他日相期采芝去醉眠若箇碧峯頭

過訪即留別疊韻呈圖東二首

浹月東歸已背秋高齋情話小淹留來從舊雨還今
雨吟過嵩遊復華遊有子知君無不足畢婚于我更
何謀江南夢裏紅千樹預約看花並馬頭

晚傍風塵又一秋故山歸夢繞稽留仙菊還有意枝
枝發萍本無心汎汎遊居傍草堂渾可卜飲深良夜
不須謀浮踪歡聚知難得感念青燈照白頭

登臨虛亭疊韻

陽月催過萬景秋臨虛恰共白雲留河山環抱羣龍
合風雨蕭疎一鶴遊疲馬羸僮元浪跡狂歌痛飲亦

良謀古人不見東流逝涑水曾題百尺頭

奉酬圖東見寄疊韻四首

離情一日抵三秋却悔當筵未久留
免苑繁霜勞遠夢草堂微雨失全遊
天懷澄澹遙相照人事蒼黃不與謀
東陝今稱風雅窟吾生並世總低頭
并謂力本
通懷季野貯陽秋塵路誰何齒頰留
願作雲龍隨地逐曾騎茅狗上天遊
省開白眼招人惟辦得青鞋出世謀
獨往難忘舊吟伴芙蓉頂上重回頭
兩鬢霜華鏡裏秋韶顏豈為老夫留
也知嘯父工長嘯若說遊仙是小遊
二華不寒疇昔約一節寧與友朋謀
茲行奇絕平生冠贏得題詩箭筈頭

華山集卷下

太

修汲堂

講堂倏忽六經秋風雅因君尚繫留
王績鄉中惟是醉華胥夢裏莫非遊
梁園落拓酬賓戲曹社更番任鬼謀
晚景恐教兒輩覺來年六十已平頭

千秋鎮

辛苦千秋鎮泥深馬腹邊無謀堪出險
有客肯扶顛浩淼行難盡崎嶇往復旋
方知濟時彥未可放歸田

自義昌驛至鐵門

已過義昌驛斜陽行不前如何赭白馬
復着黃金鞭世路固難已客心空自懸
東奔鐵門路難似上青天

宿黨店

鐵門終未到黨店且安居隣舍求蕪豆
荒園摘韭蔬

主賓皆逆旅天地一蘧廬藉草鋪重褥
酣眠自宴如

新安東關謁呂忠節公墓

縱橫劇賊滿中原洛水難禁萬馬奔
退傳節旄空自落東萊講席尚然溫
周公有鬼憐英魄福邸無聲泣斷魂
一徑松風連隧道虛濤吹冷涕淒痕

管鮑分金處二首

世上無相識根源重在金分時多著
眼貧底少知心高誼音誰嗣窮交淚滿襟
調元朱蒿齡全管鮑忼慷古猶今

鮑叔無窮誼能令管子安無猜斯足貴
多與未為難此友成千載相知豈一端
分金猶有處霜草白漫漫

華山集卷下

九

修汲堂

感管鮑事重賦二章

生我者父母知我者鮑叔吁嗟天下才
堂阜不為辱起家薰沐餘功名上青竹
分金義不小恩情均骨肉戰三走亦三母
老非退縮論相不之薦報德殊凡俗俾仲
成一奇此誼千秋獨

生我者父母助我者予齋怔惶嘗湯藥
通門夙夜偕踰踉見星奔非君已貢埃公
車三我願乞養趣循陔文章誠小技丁寧
盡厥才蛾眉召謠詠撫愛芳潔懷愧我了
無奇此誼誰與儕

重謁詩聖祠

重過祠宇肅衣冠恨不同時異代看
迤賤文章多涕

淚亂離臣子有心肝草堂才大推詩聖工部名高壓
史官不為驚人耽述作寸心千古只求安

漢高帝繫馬槐

雜亂千章裏標奇獨漢槐高皇今已矣古木尚雄哉
霜露經秋冷烏鴉入暮哀腐儒騎瘦馬寂寞首重回

厄井

漢主泥蟠地蜘蛛亦効靈祇教追鹵莽誰與測沉冥
白日藏龍氣清泉下帝星榮陽無改邑士女汲銅瓶

鄭西門感劉將軍聘之

崇會

大捷處有作疊

鄭東門韻

鄭西門頭寂不喧輕輿早入逆旅門客中酒不論清

華山集卷下

手

修汲堂

渾倒入胸中翠濤翻却憶道左豐碑書大捷細字石
泐摸剔龜蚨根乃知崇禎年間力禦寇虎頭燕頤臂
則猿當時中原流寇萬騎方衝奔田家喪却老瓦盆
河南河北兵車屯飢腸那充馬齒覓赤體詎遮犢鼻
禪桓桓劉將軍快劍砍賊如解龜高村陽和_三送斬
馘連天鏡鐸橫沸掀雲隨殺氣烏避轅西追我馬猛
勢軼似踰月窟超崑崙此宜露布達帝閣築壇推轂
令鵬騫天戈雷轟倒鬼斧便可疾掃豺虎繁乘勢雲
中下鼓角烟氛直靖西南坤徒倚嗣昌辦劇賊赤日
修墮虞淵昏鳴呼明社已屋緣底事舉錯令人增鬱
煩舊局猷殘我何與呼燈再沃玻璃樽

明鄭州魏公明賓

尚賢

昭忠祠詩

有明敗局冠內訌一劫頻使椒枰空煤山之禍古無
有春朝獻斷龍樓鐘先時中原躡萬騎汲上旬決黃
流洪哀哉杯馮福祿酒新安浩氣升長虹管城城東
門乍破堂堂授命銀臺公公首可離膝不屈巍然峙
立標中嵩當官幸脫璫燄烈天留七十霜髯翁終焉
奮厲霹靂舌怒罵殷地聲隆隆快刀先斫食指斷銜
鬚溫序何其雄藤蕪一片跡不滅天狗下舐斑斑紅
塞天氣侵告鞠凶虫尤飄飄華蒙首成仁志氣有元
本激昂封事明丹衷赤手欲扶輦極正末造自壞蓬
萊宮昆明未覩劫灰黑碧血已滴重泉中誰謂賢愚

華山集卷下

三

修汲堂

死後泯彼蠢蠢者誠沙蟲魏家河邊骨已朽奇芬却
與旃檀同我放小招弔毅魄楓林颯颯悲風雲旂
出入淡偃蹇神靈荒忽天西東亭成野史著特筆大
節於燦昭清穹傳芭擊鼓秋色裏城頭哀怨何終窮

白沙鎮

逶迤東向去甫草路猶賒連騎捎黃柳孤鴻下白沙
鄉遙斷音信客久擲年華蓬梗浮秋水茫茫未有涯

僕射陂

僕射陂前景色清烟波一片尚盈盈風蓮爛葉翻翻
倒水鶴寒吭磔磔鳴獨上荒臺提筆掃狂呼明月把
杯傾雨晴往復都乘興不繫舟看自在行

白沙鎮見一船感賦

荒浦一舟橫烟波動客情草青迎棹過沙白送人行
鄉國頻繁夢關河數十程何緣便歸去弦月柁樓明
還憩韓庄

却過韓庄望南村竹樹遮吾徒還稻稌謂張上池世事漫嗟
呀旅髮寒烏帽僧廬憶白華謂白華寺東瞻汴城近也算客
歸家

宋太乙宮

有宋昇平日燦煌太乙宮天書何誕漫封禪自西東
素女霓旌拂仙官絳闕通靖康城欲陷厭勝醺壇中
奉酬圖東書華遊長篇後原韻

華山集卷下

修汲堂

梯霄上二華青柯俯列幟天門開談蕩鬼斧鑿幽秘
懸瀑倒千巖響取轟雷譬鐵絙撼鏘琅驍悍洗呀瘳
雲崩露厓竅不盡嵌巉致元工搏土手真宰煉石意
睚眦表開張毛孔森怵悸峭拔信天成光怪獨予界
直踞三峰椒妙揭第一義浮空石蓮華秋色羅衆異
倒景燃雲海金光萬道恣所嗟筆鋒鈍陡落失鈇利
一絨空中來六丁遞奇字空谷足音跂古殿靈光巋
吳劍抽干將趙穎脫毛遂詫似讀異書蝌簡啟玉笥
詞壇築中天一軍驚拜帥層城撮仙標廣場掃蕪累
氣方一鼓作才更八斗費庖丁捉牛刃恢恢有餘地
宵誦殷屋山銅槃膩燭淚歎彼詞波渾識田早淪漬

未得元氣強那免客形悴此中檢根由佻優坐妖媚
大老遽工夫志至連氣次操觚旁門塞綰組熱選避
巖柏挺直幹海鶴翻勁翅已卜物外廬行謝塵寰轡
生兒交瓊柯著書貯金匱新題運仙掌凡脫斷希冀
詩胆破劉義詎止攻余媿

抵須友堂

冒雨登車作華遊自操濟勝百無憂世情多在亨衢
蹶詩意須從絕境求袖拂三峯嵐氣散杖歸一室水
痕留老夫正有清狂興羣嶽巖局次第搜

華山集卷下

修汲堂

華山集卷下終

門人梁曰源謄寫

今歲九日登高鐵塔十三層頂上觀黃流一綫混濛
行山色青濛濛浮檻外餘祇荒沙澶漫不暢臨眺遠
目遂動登岱嶽之興携拄策即行飛凌日觀峯雞一
鳴觀日出洵寰中第一景出丈人峯後覽黃華靈巖
窮嶽之勝歸謁孔林孔林於雍正年間謁者舊矣儒
家祖塋禮當肅恭重省詣聖賢林廟覽古跡殆遍欲
往鄒縣重謁孟廟不果僕夫取道誤出城武訪曾廟
不得然亦足盡天下大觀而無憾矣且遊且吟有作
又積帙遶新修大梁書院落成五賢祠亦丹雘光彩
龕帷具備專待予歸練時日送粟主且碑已礲就趣
予援筆大書之予明年擬道南北嶽將辭此去轉眼
為陳迹固宜存之以紀歲月乾隆甲戌良月之望桑
調元自序

泰山集序

一

修汲堂

泰山集目錄

卷上古今體詩九十六首
卷中古今體詩九十二首
卷下古今體詩七十四首

泰山集目錄

一

修汲堂

泰山集卷上

錢唐桑調元

詩一

泰遊口號

日觀須凌第一峯登高發興引遊蹤小春天氣陽光
煖大塊文章嶽色濃獨客南來偏伉健羣山東向盡
朝宗人間多少閒恩怨不到禽生曠蕩胸

留別袁石峯

齊裔

莫定畸人物外蹤夢魂飛入碧霞重浮雲形似世情
幻秋樹色添遊興濃白練橫過天際馬烏藤直上嶺
頭龍憑將一斗喻廉汁洒遍天門日觀峯

泰山集卷上

修汲堂

留別沈荻林

廷芳

嶽麓鐘聲夢裏聞早於金闕識蝌蚪文
予庚子歲夢至一廟楹
輅榜帝出于震人生於
震字至癸丑詣一登臨欲吟秋色十往來惟望夕曛到眼
霞嵐皆異采近身猿鶴總全羣知君不少詩千首應
羨橫胸蕩白雲

遙別張圖東

學林馬石蓮

簇簇籬花正闌新忽生豪興動征輪天東元哭攀靈
嶽關外連翩憶故人浮世遄教圓甲子閨年先借小
陽春不愁客路無相識白月追陪意劇親

登車行

樂復樂又登車一年遊一嶽歲月不空徂太山朝雲

騰太虛超遙倏忽如招予石菊黃爛斑霜楓紅扶疏
渡河古轍沙盤紆湯湯汶濟清而殊馬蹄蹀躞青未
了直入碧霞縹緲之高居天門開向南天上三十六
盤雲中趨飛踞日觀領其要火輪湧出雞鳴初霞暎
歷亂絢繡彩絕奇滉漾金光鋪一泓周遭浸地軸熬
極終古牢撐扶嶺岼峭嶂近拱揖指顧分列周秦吳
齊州九點羅方輿元氣決滌根虛無羣嶽連綿接遠
翠巨手為展真形圖東偏咫尺凌蓬壺仙人隔水堪
邀呼蜃吐青紅作妖恠白日樓閣凌空噓秋蟄魚龍
鞭不動豈敢漫禱追聶蘇陸海焚煌炫萬市幻影出
沒滄溟如登高遠觀放心眼今古浩劫俄乘除秦皇

泰山集卷上

二

修汲堂

漢武碑威力東門悵望何貪愚誰傳古皇七十二紛
紛石礧金繩俱大書深刻摩厓字苔皴石泐形模糊
云亭社首自巖嶠何人封禪存遺書浮雲一過淨無
跡只容吟眺供娛娛遊山當養幾緼屐此去闢破青
石間隔年成言定不爽駕湖錢載知老夫丈人峰頭
許高卧踏壁扣石歌黃虞僕夫在路且整暇我行無
事姑徐驅

宿蘭陽

僑居幽點在丹房一豁秋襟出大梁天入白藏臨曠
濶峰橫青社向蒼茫投空林裏鴉聲大行夕陽中馬
影長是處松醪堪醉月初程泥飲宿蘭陽

留侯墓

博浪陡一擊飛聲震乾坤副車中雖誤已禡祖龍魂
大索渺蹤跡杳然何處存餘事興炎鼎封留馬足論
赤松與黃石物外可晤言寂寞一抔土不傍咸陽原
秋烟莽莫辨遙睇醺清尊

子房洞

谿訝子房洞一卷清且幽因依黃石在縹緲白雲遊
智勇風雷動功名竹帛留英雄知退步胡不引韓侯

漢高祖廟

一劍成王業英雄沛上多興隨芒碭氣歸作大風歌
螭斷穹碑首鴉攢古樹柯良平祠墓近靈馭月中過

泰山集卷上

修汲堂

陳思王祠

思王志小雅怨誹形詩篇蓄意在遠遊慨慕方蓬仙
白馬與贈別玉體毋輕捐洛水漾微瀾胡為賦感甄
乃知其燃豆猶未急相煎建安才名冠深覺斯人賢
奸雄產寧馨盛藻長流傳淒涼去華屋冷就山邱眠
丹楹黯零落林鴉噪涼烟

陳曲逆祠

百世此廟食里社如公稀誦言宰天下均平願無違
傾心交絳灌安劉定指揮厥謀迴殊衆迭出胸中奇
乃知智者心從默涵深機王陵獨廷諍侃侃未云非

壕水行

周遭秋波流湯湯考城之城波中央東西城外堤一

道蕩潏左右如浮梁浮梁難遣凌空起城磚填築沙

水裏中窪窪所若斷虹我車濟盈苦濡軌今年夏五

之望騰螭蛟中天雷電風雨交五更飛湍汴城入西

南一帶沉堂坳天黑樓聞鬼神泣堤崩屋圯嗟何及

老夫幾犯滅頂凶黔首焉能側足立雨晴倒漲濁水

流攢眉不解何緣由傳聞汎溢他州縣眼見氛祲茲

為尤柳下老人語嗚咽夏秋水風冷騷屑當時三版

幸不沉滔滔勢等黃流決城中稚耄都惶惶大家小

戶無完牆黍麥經時價昂涌忍飢急欲輸官糧噫吁

噫五行災沴古未有回轅化機巨靈手箋天殆少地

上臣漫道天關虎豹守只今洶洶漫坑壕衝風欲吸

翻雲濤鵝鵲鵲飛且彌水寒烟淡求其曹一輪素

月霜天高搔首感歎增鬱陶詩翁空比契與稷徒耗

幾斗松花醪

飼鴨詞

考城壕水如長河勢欲走海揚白波野翁作計此飼

鴨成羣散亂栖盤渦沙平浪靜鳴相和隍邊隈隩蹣

淺莎噉喋魚蝦飽軟美入口不吐蜺蚌螺尋常水面

掀短翻毛身蹣跚飛跋躐豈知一夕衝風忽怒蹙蹙倒

拔翻陽洞庭響老驄風餐浪淘氣勢豪鼓舞舞離離動

什伯孽波決起互壓轟直湧空明千百尺砰然山倒

震洪波萬雨聲中崩霹靂東邊陡落西橫騰分曹睹
勝爭凌乘旬天蕩滴大瀛海鰲吐鵬擊聲相應飛廉
歸去收憑陵四面影息秋波澄倏忽晡暝烟凝照
破團團一片冰日夜浮游此窟宅種類孳息盈不億
灣陂富可比封君野潦淫淫翁亦得鴨鴨汝自呼其
名戲稱汝能超凡翎汝莫自矜能言可入貢誤信詎
諧甫里生

宿考城

水繞孤城汎溢餘尚留泥潦濺征車翻波鵝鴨喧壕
塹下坂牛羊入里閭一昔客蹤安僕馬三秋市價貴
爪蔬寄聲太史操青簡莫漫齊將大有書

泰山集卷上

五

修汲堂

考城逆旅壁揭寧人負我毋我負人字一幅
感而作歌

寧人負我毋負人美哉此言如飲醇世恨中山狼多
滿地走不惜獵人手底紅染輪豈知蹄毛不足校大
塊擎畜羣姓惟須立脚厚繩已惕息人禽判一身
赤心端合播仁愛白眼不勞生怒嗔詎謂皇天有美
報決當爛漫舒天真以此揭壁告諸往來客足使斗
室暄如春我尤欲贊化乾坤平譽咎人已熙熙兩不
負

曉發考城

關垆潦水尚橫流改轍縈紆古隴頭負戴稻梁穿市

曉拖掌楊柳映隄秋人趨平野追風驃車過高坡上
瀨舟前向渾河重問渡向禽不係旅中愁

劉家淒渡河

朝旭晴懸古渡前劉家淒畔散寒烟片帆橫截乘槎
水孤鷺斜飛隔岸船舊日蒼茫追瓠子新霜歷亂點
華顛乘風破浪渾閒事老去臨流一慨然

曹縣道中二首

日中猶未食行者迺知艱人馬同飢渴風沙老鬚顏
田家安播穫客路飽間關所幸心無事清遊總是閒
渡河三十里猶未及曹城秋鶻盤空下村雞報午鳴
野荒途莫問沙厚馬難行尚有乾饑在無須羨鼎烹

泰山集卷上

六

修汲堂

未曉行二首

昨晚倦先宿侵星爭此程樹偏當澗立馬為失羣鳴
燈火隣車借風霜朔氣迎披裘執鞭弭辛苦僕夫行
穿入柳林裏望來烟氣濃光芒星替月骭骸馬如龍
曷旦烏頻喚賣漿家未逢行幾三十里遠寺始鳴鐘

月

皎皎茅茨月清暉媚旅人羣情看自別吾意獨相親
一瞬十年事孤踪千里塵遙期青嶽頂更為照嶙峋

月下二首

宵分起視月漸次欲團圓整駕仍侵曉披裘為却寒
溝塍橫樹影片堠矗旌竿迢遞導周道星稀夜向闌

鐸鈴先後接蚤起理應齊草短跑寒兔村深叫遠雞
荒烟生隴上孤月墮天西清景開圖畫無人攬筆題

獨山

元工生使獨鼠尾細皺殊落落青松秀稜稜紫石腴
也教僧占去曾有客題無莫恠偏鍾愛吾生性亦孤

望衆山作

獨山何介立遙見衆山圖疎樹連青靄寒雲映翠微
冥心際秋昊到眼溢清暉岱嶽分神秀氛氲攬化機

宿濟寧四首

舟車天下會旁午濟寧州轉漕還南去看山自北遊
清圓明月夕衰白髮華秋此地堪吟醉青蓮剝酒樓

泰山集卷上

七

修汲堂

吾兒歸故國屈指到金閭回望梁園月吟充古錦囊
老夫發遊興清濟照行裝往歲全來路商歌意不忘
龍山一輪月遠照濟流圓作客分鄉縣遊山及老年
吟從岱宗發書向號臺傳禽夏償吾願須成五嶽編
若問吾家事耽詩亦少陵球兒清興屢篋子苦吟曾
晚歲心逾壯遠時氣轉增南池多古意欄檻失全凭

南池謁杜文貞公祠

千古大文根忠誠詩公獨欽杜文貞當時奔波值離
亂涕念君國悲濯纓一飯何曾暫忘却金盤玉箸憐
紅櫻衣露兩肘謁行在光照汗竹何崢嶸疏救豈私
房太尉要為朝廷收老成哥舒後愚前勇銳誰能預

保完令名無端索瘕苦不已文人抵死工相輕漁洋
持論吾不平三大禮賦施譏評若使委蛇李林甫何
至忌刻沾微生鴻裁詎合紉君相深文曲詆欺聾盲
似姬文彩動人主不惜如雲大翅垂青冥仰公大名
垂宇宙神靈浩蕩周寰瀛即如南池一泓水藉公洒
句騰光晶城隅秋水奉遊讌任城主簿纏深情遺跡
昭冥闕氣數表章盛世揚芬馨蔽林兩持使節至入
雲祠宇標朱甍詩史蓋臣勒御筆紫氣黑夜捎天
星重是心肝至尊捧夫豈徒以其詩鳴我曾遙題志
仰止鞠躬今拜池邊庭涼秋九月風穿櫺木葉如雨
紛飄零少陵臺上倒醺醺酌公三爵還自傾浩歌無
人獨吟賡靈風颯下公其聆秋波震宕魚龍驚孤蹤
寐寔亦常事寸心得失嫩嫩明古今此地迭憑弔着
我撫節橫猷鏗

泰山集卷上

八

修汲堂

謁謫仙樓

謫仙百尺存高樓樓矗任城城上頭狂歌一曲動天
地商聲激越當深秋謫仙意氣橫九州奴使力士輕
王侯脫非四明狂客具特識誰知謫仙混跡塵中遊
楚筵辭醴身早抽萬里夜郎還長流鴻才落魄有如
此愴然涕下誰能收登高壯觀豁兩眸古今萬事浮
雲浮功名富貴豈長在只須葡萄千斛傾新篋老兵
亦可作酒伴何必孔叅父與元丹邱而况八仙六逸

迴不佯昔年此地酣醉留酩酊得有千場不眼前橫
目二足俱悠悠呼公不起無朋儔世人只知翰林供
奉貴詎驚光燄萬丈獨與南池杜老為匹休知公胸
中雲夢吞八九了不芥蒂夫何尤八窓盡拓恣冥搜
天風落木寒颼颼圓靈不動清光皎曾照綺席行觥
籌時無金貂換酒與我飲取醉質我青兕裘大瓶小
杓歷落澆吟喉條然自斟自獻醉屢舞傲僇醉不覺
老狂消盡萬古愁他時天門開談蕩訪公一過揚雲
旂相從吟醉吾何求嗚呼相從吟醉吾何求

曉發濟寧

大閘遙遙度馳驅我馬良霞暎破清曉槐柳夾康莊

泰山集卷上

九

修汲堂

白首孤吟壯青山萬慮亡搖鞭僕夫語今夕抵寧陽

曉行寧陽道中二首

曉行天氣肅菜蘢冷森森空際飛星彩堤邊寫柳陰
微風迎素髮圓月照清襟宇宙一何曠窅然生遠心
木落月明候吾遊于物初太清消滓穢萬類寄蓬廬
遠岫眉逾淡寒潭鏡總虛奇哉此幽景湧出五更餘

雲山山名

一山遙突起形勢輒霄崢千仞雲騰涌孤標玉削成
盤阿明月墜秋樹淡烟橫此內耕耨好茅茨稱逸情

張果老山

詢名張果老縹緲轟仙山松石寧嫌淺心神好是閒

孤棲涵道氣幽境在塵寰情慾拋婚宦須知即大還

望嶽

向空瞻嶽影拔地聳巖巖天海一迴抱雲嵐千吐銜
神居建高屋遠勢走驚駟明去凌巔頂無須姓氏剗

張家口渡汶水

汶水浩湯湯浮沙映日黃行程淹馬足客夢省津梁
利涉誠難過清遊了不妨漸車經澤腹吾自上舟航

晚赴泰安

遙向山城去惟餘一舍遙途纔入磽确樹久颯風颼
月色豈長好秋陰難遽消還思禱靈嶽爽氣豁今朝

謁嶽廟

泰山集卷上

十

修汲堂

名山推五嶽泰岱獨居先勢峻東臨海功高上配天
地封禽父國碑勒鼠兒年廿載重瞻拜霜髭不復玄

嶽廟階心柏

正對金爐聳一株人從翠蓋兩傍趨高撐月地心原
迴獨立雲階影自孤蔥蒨形模元氣擁崔嵬枝幹嶽
靈扶唐槐漢柏年雖長得似當中挺拔無

扶桑石

嶙峋離立指扶桑不用乘桴着日傍神巧鑄鑱穿霄
窾嶽靈盤鬱結磅礴欲欲挂滄波影縹緲堪收世
路纏誰候雞鳴來騁望咸池想像欲生光

嶽廟階西石高蹲如塔

峻嶒片石矗崑崙形勝西偏竦
雲尊湧出堵波標塔影觸來膚寸識雲根元精耿耿華文歛橫理庚庚古意存靈嶽氣氤原一氣丈人峯勢許全論

漢柏

炳靈殿側晝陰昏石上龍蛇蟄古根西北風回竿籟響二千年受雪霜繁官家往事過塵劫鴉鵲新巢長子孫却省全遊人已逝對君涕淚洒天門

唐槐

槐根歷亂走逶迤槐腹枵然更岨奇風際千聲鳴窻窺窺月來雙影弄參差已空窈窕丹青戶曾拂翩翩翻日月旗聖世並沾新雨露延禧慈鬱萬年枝

泰山集卷上

士

修汲堂

嶽廟感舊三首

並馬東來射策年岱宗青靄拂行鞭雲嵐生氣初春動臺殿靈光落照鮮槐柏半枯探古跡云亭疊禪檢遺編重遊悵望天門路淚湧清秋雨後泉癸丑春全朱子游公車北上謁嶽廟今予齋

一夕飛過大小東仙間便是藥珠宮三臺絳節瞻天上綠字丹楹揭夢中豈謂文章神亦助庚子闌題行夏之時

中隱作也知呼吸帝原通只今空對扶桑石不得摩挲

語笑同

周生復旦字肆三善天文河洛數早卒閱博辨星文奎斗天垣指向君其

奈英雄聚蒿里空將時命問靈氛孤生只剩蕭騷竹

膚寸都成黯淡雲猶有夢瓊餘息在一哀可得九京聞

阻雨有禱

憶昔山前矯首頻往來覲面失相親蓬山引去風中舸刻曲空回雪下人繞辦青鞋攀絕磴苦教白雨灑高旻嶽靈乞把油雲掃放出秋空日一輪

喜晴

果掃烟雲淨當頭旭日紅飛拈靈壽杖直上碧霞宮松磴翠逾潑海天清若空重叨嶽靈眷遊華事原同

登嶽五首

浩浩出門去曠懷誰與言此行登岱嶽獨步上天門

泰山集卷上

士

修汲堂

觀海鯨須掣培風鵬孰駕憑將今古事搔首問乾坤新霽梯雲麓憑虛上上頭迎眸小天下濯足大龍湫歲去烏三足塵揚貉一邱何須因白練東望起鄉愁一入紅門去盤空六六紆昂霄松骨挺橫澗石稜巖靈爽通羣帝秋光攬八區高吟登日觀浩蕩撫鴻鑪山脚根東極蒼茫灝氣浮綠文仙篆籀紅市屨臺樓擘海翻金翅凌空躍火毬垓堦供一覽奇景拾高秋山勢青驄馬奔騰到海隅州烟點點九山月白輪孤方士言迂恠神仙事有無猶存封禪跡秦漢一何愚

白霍泉

岳麓寒瀦雪色泉羽衣曾此照褊褊丹光夜出巖邊

日郎色秋涵水底天白鶴不乘明月下驪龍如抱寶珠眠青桐芽自春前採惟飲中若谷有此茶試汲銅瓶活火煎

紅門

秋冷胭脂石朝迎陽谷瞰高高瞻峰闕下士入修門

飛雲閣

凌虛閣勢切高雲眼底輕飛片片雲青嶽嵐光秋窈窕紅門日氣曙氤氲海天澄澹空相映齊魯蒼茫迴不分封禪紛紛迷往跡望中何處是亭云

孔子登臨處

孔子居東山小魯試一登洎乎陟泰岱心目暢凌乘于焉小天下高躋百萬層誰謂天在上無階不可升

泰山集卷上

三

修汲堂

丹梯穩着足峻極橫憑陵

高老橋

幾條瀑布下巖椒重鎖潺湲跨石橋陂陡未須回駿馬風高忽自掣寒鵬天門路已過青澗御帳坪猶在赤霄濺灑清流渾不斷頃令心眼滌煩囂

水簾洞

一雨奔飛百道添仙閣不捲水晶簾天邊亂唾生珠玉臣處幽居在讓廡瀾腹秋清元鶴洗潭心月冷白龍潛洞中環珮無消息瑤草沿源長綠纖

巖巖亭

一亭卓立表巖巖紫翠千重落日對面徠峰爭元

突上頭嶽殿攤尊嚴黃流侶帶由來繞綠樹如萍不可芟纔得凌虛開眼界塵寰所見盡卑凡

馬棚崖

浮雲乍散白龍惹一氣穿過倒壑松穹石橫排堪隱馬飛流直下劇奔龍烟霞晚絢晴巖色冰雪秋填冷客胸杰閣摩空還徙倚天風蓬勃響笙鐘

摩空閣

高崖千尺已摩空架閣飛凌冷翠中海色動搖秋水白嵐光渲染夕陽紅輕身騰躍追猿狖遠信飄飄任雁鴻等是東西浪遊跡愛從嶽頂寄霜蓬

東百丈崖

泰山集卷上

市

修汲堂

萬里晴光動翠崖盤空百丈躡青鞋鞭苔鸞鳳追仙侶沉痾烟霞屬我儕碧磴參差排石屋丹梯截炭上天階洞門蘿薜長如許小住清秋亦復佳

西百丈崖

西巖宿雨洗氛霾斑駁新霜錦樹排咫尺帝居雲裏闕馮陵弟畜礪邊崖高空寥廓盤仙驥古石荒寒棄女媧欲借林僧青竹杖起觀滄海暢秋懷

回馬嶺

環道重重入嶮巖縱饒叱撥也難騎籃輿拂薜蘿愁滑芒屨穿雲不厭遲萬里秋風吹客馬中峰陰雨晃靈旗還思昨歲攀登處絕壁千尋鐵鎖垂

黃峴嶺

黃峴憑陵石磴高蒼藤七尺上磴慙劇愁詩老青鞋
破欲借仙人白鹿遨漢碣苔濃皺古字秦松雨暴助
虛濤飄飄袂難輕舉涼拂天風也足豪

步天橋

茲山形勢與天齊重疊天門步可躋蠟屐登登凌碧
漢彩虹蜿蜒挂丹梯身臨泰時連雲峻眼見秦松帶
雨低曾上蓮華最高頂單人橋入萬峰西

快活三

惆悵梯空上蔚藍傾崖駿馬已回驂步天橋迴千重
磴觀海峰高萬丈嵐亭觀東西行客怯石盤新舊僕

泰山集卷上

五

修汲堂

夫諳雲階坦迤叢山店飛步同呼快活三

御帳巖

一片飛來石凌乘御帳巖泉聲帶風吼月色映秋
帝力鍾靈秀神功削翠嵌登封人不見苔字蝕鐫劉

大夫松

風雨驚飛洗翠巉鑿與難覓碧油衫始皇帝倚雲中
蓋五大夫加世上銜勁節原能做霜雪清標端不落
塵凡萬斯早已污碓斧尚有秦官老此巖

處士松

昂藏誠獨立潤以大夫名石鐫獨立大夫四字處士無慚色空山
老此生精靈依岱嶽封爵謝秦嬴莫化神龍去騰飛

上玉京

朝陽洞

窈窕朝陽洞陽光此早臨一窟滄海水半壁闌風岑
雲吐呀然口塵空道者心蘿陰下飛鳥十笏亦幽深

半山亭

路半仙巖矯首觀飛身已到白雲端芙蓉秋爛千千
朵蘿薜晴搖六六盤壘石莓苔迷漢檢攢霄風雨護
秦官一亭迴立高空上不散層陰卓午寒

小龍峪

龍泉觀

衆水匯石峽倒傾萬斛珠蟄龍在窟底一噴一醒無

泰山集卷上

六

修汲堂

奔泉不斷洒珠璣高觀新苔繡石扉夜雨平添秋水
漲青天乍見白龍飛深深洞底投金簡洶洶巖坳澗
薜衣坐冷斜陽不歸去四山暝色動烟霏

大龍峪

將刀斫瀑布不斷千丈流乍使乖龍怒傾天拔老湫

慢繫十八盤盤盤飛鳥上一生喜遊山當着屐幾綯

龍洞

洞底通滄海神龍窟宅深幽潛如有意穩卧懶為霖

新石盤

石盤此新闢逶迤輦道存五雲飛不散似為獨承

恩

對松山萬松歌

東山無數松西山無數松兩山相對青龍蔥上有觸
石白雲之淦淦下有傾峽流泉之宗宗宗生不知幾
千幾百歲長養造化施全功登丁樵斧所不到層梯
斬斷懸高空有時嘯呼臨天風蓬蓬答響和笙鏞虛
濤自湧蜃海外偃蓋尚拂虹霄中既不受贏家大夫
封亦不追陶逕處士蹤非仕非隱無倚着位置超妙
叨天公烟霞彩翠繞厥趾日月光氣蟠其胸皇天本
性喜正直森然行列參龍從其中東山頂上一株尤
兀突青林萬樹誰能同崢嶸體勢峙天地攬空領袖
超羣雄自是乾坤餘力養此蒼髯翁鎮壓鰲極收鴻
濛銅柯四出本孤挺皴皮外潤由中充崔嵬增壯猷
門戶翁鬱撐住天西東惜哉吾鄉萬松嶺上歷塵劫
蒼山無復當時容誰知飛來此巔岫潑天翠色綿春
冬大小攢簇非人工青帝扶植雙高峰嗚呼青帝扶
植雙高峰

泰山集卷上

七

修汲堂

泰山集卷上終

門人梁曰源勝寫

泰山集卷中

錢唐桑調元

詩二

上南天門

門開詖蕩最高層兩腋清風掖我升赤日輪隨霄漢
轉青霞氣合洞雲蒸三天誰道無階上八翼徒聞有
夢登何自懸崖能撒手替人機息慣乘凌

孔子望吳門處

登臨遺跡此間存古木蒼藤尚可捫千仞雲峰起東
嶽一條白練繫吳門秋凌霄漢清光迴夕望鄉關落
照昏我亦後來狂簡士不因奇陡震心魂

泰山集卷中

一

修汲堂

青帝觀

泰岱巖巖闕殿尊萬靈生氣此間存天門南北俱朝
帝蒿里賢愚盡歛魂晚節風塵原鶴立閒居歲月且
雲奔一枝筇帶烟霞氣五嶽峰頭可並論

碧霞宮

碧霞宮殿映秋旻璀璨金膏結構新瀛海三神紛揖
翠軒轅七女一登真黃華舊自通仙氣白鶴渾疑降
羽人北望天空山畔路至今石屋聳嶙峋

孔子崖

老乘秋興凌天街飛身直上孔子崖一條舊削紫玉
杖一柄新蠟絢綯鞋十八盤衝雪磴滑幾千丈叩雲

門闔天關徑同咫尺近聖域詎遣毫厘差晴巖恰遇
好風日遠海盡掃濃氛靈心頭空曠絕芥蒂眼底廓
落無垠厓生而不顧黃金窟飄然那戀青絲綯喜發
嘯歌遂野性鄙營大藥留癡骸涼雨淨洗數石筍衝
颺吹落千松釵窈窕青堆嶽影矗踈踈黑點州烟排
七裏繆繞委織女五色鍛鍊勞皇媧落落孫枝挺漢
柏煌煌帝典燔虞柴高餐明霞謝腥腐清聽飛瀑除
繁哇娛遊久愛侶麋鹿推擠豈復煩朋儔萬事盡付
東逝水一夢未醒南柯槐曹蜍李志爾自得王倪齧
缺吾所偕大聖從容詣獨絕小子狂簡行非乖但念
韋編鐵槌把不數玉檢金繩埋水晶簾挂月比鏡玻

泰山集卷中

二

修汲堂

嶽巔石

數片峻嶒踞嶽巔體鍾神秀此居先脚根高拔由旬
地頭上平臨尺五天氣象森嚴排峭碧丰標崢兀冠
蓬玄魯邦詹取巖巖勢穹表摩挲大字鐫

古封禪臺歌

玉皇頂上方石生青苔云是古封禪之地當時元聳
中天臺蓬蓬白雲從之起三年乾封良可咤借問封
禪者誰氏傳聞漢之武帝是武帝雄風不可當開邊
萬里心未已幕南蕭條無王庭嫖姚驃騎揚旆旌的
博蓬婆彈威力三邊惕息俱屏營封禪乃是古不死

之名方士面謾如童嬰文成五利公孫卿登臺凝目
三山外招呼羨門安期生庶幾惠我翩然至相與縹
緲馳雲輶豈知金策探十八顛倒讀之空狡黠縱似
彭鏗年紀亦有窮賢聖同盡誰能脫軒皇丹成去鼎
湖浪說騎龍升天衢橋陵寂寞刺鴻塚神仙久視皆
虛無武帝之前有秦始并吞六國橫無比金繩玉檢
處處埋鴻池君已見告矣三千男女浮巨航徐福民
伍行稱王岱輿負嶠渺何許秦東門外徒褰裳金城
擬作萬世皇刻石紀功驕煒煌封禪之後十二載軹
道銜壁看秦亡秦亡狂暴不足惜漢武何為踵其轍
茂陵茂陵封樹青傾城顏色全灰滅由來萬乘復何

泰山集卷中

三

修汲堂

玉女池

碧甃清寒白日淪當年玉女此修真平涵嶽頂秋前
雨一洗昆池劫後塵歲久杳無歸窠影月明疑有弄
珠人借為墨沼題詩去攄馮雲嵐氣象新

桃花洞

嶽巔小洞闌谿訝深隱金庭道士家夜靜時來元鶴
語秋深不放碧桃花浮銀鑿落侵苔冷弄玉參差到
月斜泉洗摩崖碑上字墨痕響拓古龍蛇

唐元宗摩崖碑

千乘萬騎東北行踵禪社首封云亭張說諂諛序
頌七十有五蜚先聲高宗六之今七矣升中建號標
崢嶸阿瞞手自紀巨典字大如掌鑑金銘自云慈儉
謙足寶檢玉差不誣神明秦災風雨漢汚錄似以薄
德嘲劉羸奉觴前稱萬歲壽此舉駿奔呵羣靈上帝
儲恩不可恃轉眼天寶隳形廷一日搏殺三乳鷄兩
京傷殘萬童嬰五色隊仗裂錦繡八姨珠翠遺丁星
神武皇帝功德圯活溪碑更垂光晶三德忽隨燎燼
冷壇場雨潑無餘馨此厓牢固遠牧火屹立千丈完
儀形東封頌已就磨泐八分倖護葢苔青我手摩挲
重嘆息吁嗟姚宋亡典型開元盛治孤濡尾漁陽聲

泰山集卷中

四 修汲堂

鼓來轟霆潼關虎闢咆哮入驪岫土崩駭晚傾馬嵬
淺瘞彎環鞬不比石碣深閑局青驪底須練日發千
乘萬騎西南行

蘇頌東封頌故跡

浩劫都教點畫捐祗餘石壁枕寒烟銷將龍虎騰空
氣沉却珍珠沉海船一夕麗沙礧若掃八分巨筆想
如椽遊人指點摩崖處猶說東封作頌年

顏魯公題名故跡

大老曾攀嶽帝門一行題識鎮乾坤誰鐫蚰蝨蠅聲
句竟憑銀鈞鐵畫痕墨氣流虹衝北斗寶光奔電過
西崑須知忠義難磨滅此地英名萬古存

秦篆碑

崩劣秦篆碑秋雨苔痕漬頌德者何人尚刺臣斯字
秦皇無字碑

一字不留蹟空勞匠氏礧誰為過秦論應勒此碑中
乾坤亭

萬峯形勢向東奔截住崔嵬獨此尊氣煖雲嵐蒸洞
壑芒寒星斗挂天門孤亭風雨飛空散舊觀秦吳那
處存欲把東溟為墨瀋狂來蘸筆洒乾坤

乾坤亭放歌

平生五上長安道往來仰睇天門雲亦思芒屨踏日
觀匆匆賤跡牽塵氣年來林泉為吾有嵩雲華蓮落

泰山集卷中

五 修汲堂

吾手今秋秋興輒復豪鐵塔携尊作重九俯視黃河
如絲流太行山色青浮浮登臨未豁千里目翩然拄
策直上泰岱之峯頭峯頭陡峻盤雲棧乾坤一覽俱
在眼遊方內外扼要樞萬象誰能更偃蹇裨瀛一泓
馮滿杯恨不化作玻璃醅蒼蒼大九州何處點烟作
點浮空排羣生交代噓生氣峻嶒羣嶽英靈彙元精
亭毒成化功觸石輪雲遍灌漑狂來呼嘯凌太虛焉
問天地生吾有意無滄海一稊着渺軀人間跌宕留
蓬廬乘化應盡便須盡計較修短寧非愚東流之水
西逝鳥豈容口手相遮呼吾慕三層樓上陶貞白當
年早已知頭顱脫身歸來景未晏滄江白日偕樵漁

萬事糾紛擲土苴悠然栩栩還蘧蘧但期五嶽峰巔
有我跡淋漓浣作巖前書長留詩卷豈敢必要自喉
間直吐心神舒寄聲恒衡兩靈嶽扁舟向南車向朔
層冰春消融重雲晴解駁布韞青鞋衝礪聲次第青
霄一節卓

望海亭

中峰屹立勢開張東望烟濤入混茫蜃氣秋銷露蓬
島雞鳴日出指扶桑盆翻風雨孤亭冷杙鼓乾坤一
水長試泳聖涯雙眼豁比觀滄海更汪洋

仙人橋

三石遞橫疊喚作仙人橋白雲上往復青猿下騰超
泰山集卷中 六 修汲堂

空山寡拾取掃跡無漁樵

舍身崖

聲色歛羣魄利名坑萬骸智愚身競舍不數此巔崖

月觀峰望月

先生願免本從西月觀峯頭望不迷琢出圓冰輪影
白搗殘靈藥杵聲低飛騰碧海纖阿御孤另青天后
羿妻玉女三漿斟餉客未沉宵漏凍玻璃

丈人峯

鴻濛元氣結胚渾南面三重啟嶽門萬笏齊朝青帝
貴一峯獨仰丈人尊東西日月橫空度下上雲濤帶
雨翻兀立蒼顏終不改天長地久體同存

天柱峯

合沓青嵐勢並豪白雲破處露巖壑鍾靈地矗千峰
秀聳翠天成一柱高環海烟嵐收尺幅連山松柏小
秋毫深秋時節逢搖落萬里罡風正怒號

登絕頂四首

盤盤磴道錐嶽嶽高下亭臺映石林直上天門與天
語側聞龍洞有龍吟泥金事杳籠青氣觀日峰高照
赤心忽聽傳聲動巖壑秋空長嘯快登臨

秋晴日出氣葱蘢 御墨高鐫第一峯碧落天開青

帝宅白茅人誤漢皇封傍巖松憩千年鶴迎 輦雲

成五色龍當代 聖明超萬古虞周典禮繼前蹤

泰山集卷中

七 修汲堂

萬山祖脉自崑崙崑崙東到滄溟泰岱躋紅躍一瓊凌日
觀黃流如帶下龍門中巖雨駐鸞旗濕絕頂乾封鳳
篆昏千古朝家無限事白雲興滅了無痕

詞人憑眺古今同蹤跡俱隨逝水東山色青猶過稷

下雲光白已散封中峰頭日月雙懸迴亭上乾坤四

望通巖洞元君仙去久只今惟有碧霞宮

題嶽廟道士房

羣峯飛翠落重檐明月光生動竹簾遮雨松邀泰帝
避洩雲山屬魯邦詹海天遼廓臨秋杪樓閣崢嶸壓
翠尖聞道仙崖有黃獨長鑱剷取煮來甜

狂歌行日觀峯觀日出作

日觀峯頭不可廬天風浩蕩飄衣裾斗閣燈明夜分
起森森寒逼貂褫綸我生好奇百不挫往復碧漢盤
崎嶇一筇衝突却虎豹圓冰半箇懸殘樞星辰咫尺
手可摸絳河歷歷排秋榆滄海一泓白滉漾水銀鎔
作東頭湖乍聞天雞一聲喚海水浮動黃琉璃鋪釜蒸
萬道彩氛湧五色包裹紅扶疎猩毬欲上不遽上一
痕迸露燒清臚倏忽天關開豁地維闢海底騰上金
畢逋徑圍十丈朱輪如火鞭飛策義和車陰鷲陽融
八面潑紫瀾洶洶魚龍趨扶桑枝頭銅鉦挂汝南時
夜三號呼人間始見暘谷燦六合清霽披雲衢延佇
凝想元黃初渾沌始剖元精噓河山大塊已奠定鴻
濛一氣點模糊真宰不遣飛跬三足鳥萬象何由劃
昭蘇即今虞淵下頽照大槐坂上昏羣愚一團陽精
聚造化鼓鞞朱火燃鴻爐畸人發狂忽大叫詫此奇
景塵寰無脫非忍寒上巔頂天地大文為誰舒赤心
耿耿明空虛陽光對照靺鞨珠此時卓立三天都清
寧與我合一軀有生得此一大快他景不足為我娛
浩歌激越聲氣轟乾坤震宕傳八區驚動蓬瀛老仙
伯為我擊鼓吹笙竽骭髀原非山澤臞烟嵐獨往胡
為乎神仙富貴焉足圖老我昂藏一丈夫高吟千首
吐胸臆不厭寂寞冥形神孤紅盆碾空下界曉壤蟲擾
擾爭鉛銖

泰山集卷中

修汲堂

北天門

碧峰嶽後更噴岼北放天門下醮壇碣石孤根波裏
沒崆峒點影曉來寒驚飛翠鳥三珠樹踏破浮雲獨
足盤絕少閒人作遊伴參差野雀振秋翰

亂石溝

一溝險難踰磽确堆亂石數月行人少秋苔寸寸碧

獨足盤

險于十八盤只可容獨足將進不趑趄此間無僂辱

回車嶺

一嶺苦嶮巉石斷古車轍鐵筇落吾手獨往衝凹凸

鶴山

泰山集卷中

九

修汲堂

晴霏紫翠滿空山鶴羽繽紛不可攀攢影百千凌石
屋飛聲咫尺近天關由來秋夕寒知警豈為塵途倦
始還欲結茅齋傍青壁嬉遊終老伴蕭閒

明月嶂

秋高明月懸魄在水壺濯宵深落厓底一輪如可捉

黃華洞

北下盤陀仄復斜深秋滿眼爛黃華洞門寒滴仙巖
翠泉塢清磨聖水沙白石無塵堪隱几亂山有路不
容車元君煉玉功成後渺矣乘鸞入碧霞

後石屋

盤跚獨足仗孤筇紫翠憑陵鶴蓋峰後石屋深留福

地北天門迴斷塵踪重巖飛墮牛心石六麓紛攢塵
尾松玉女昇元從此去黃絃同聽一樓鐘

元君手印

傳說元君印天然玉指存瑤籤曾啟笈翠壁偶留痕
九轉臨仙竈三清闢帝閣碧霞升舉後靈跡不勝論

石床

洞府一石床元君此坐卧滄然冷雲流靈風忽吹破

石樓

石樓閒無人但聞鶴語響我獨闌層空彭觥振鐵杖

牛心石

昔踏牛心峪秋雪明巖扉今探大小石片片秋雲飛

泰山集卷中

十

修汲堂

洗鶴灣

競向奔流洗仙禽潔羽衣空灣何所見一一入雲飛

靈巖寺

嶽陰覓路轉烟霏古寺靈巖闢翠微塔影高蹲金骨
地鐵花寒繡水田衣元龜石背千紋裂紅鶴泉頭一
道飛已飽僧厨香積飯空亭日晏憺忘歸

朗公石

岩然朗公石傍無侍者存獨立空山裏元機寂不言

鐵袈裟

何須入坐道蘭奢靜傍靈巖老衲家初祖有衣傳不
得無人能着鐵袈裟

獅子巖

雲中昂其首蹲在靈巖西誰能持白羽肉一青狻猊

魯般洞

神房與阿閭石戶自天開般爾漫嘗巧來此胡為哉

抱靈亭

一洞晚寂歷四山秋窈冥忽羅千種色返照抱靈亭

通明竅

誰鑿通明竅窺見南天門有時日輪午穿透煖翠痕

菟裘

嗟哉禍機伏空復營歸休幾人遂終老能得到菟裘

孤山

泰山集卷中

土

修汲堂

萬山攢簇裏忽見此峯孤天闢蓬玄境寧無一士逋

桃花峪

萬株桃樹互盤根青帝常留煦育恩不見落花紅雨
亂猶看着葉綠雲屯千年結實迷仙種一峪成蹊破
蘚痕却想生香逐流水漁人遙指武陵源

仙人閣

試把孤筇叩訇然啓石閣金床連玉几吾欲著吾書

介邱

依古登封地東巖是介邱拂天來萬乘惟有白雲留

登仙閣

呂公一登此石閣標嶢嶸蛟虬識汝字何用隱姓名

重登乾坤亭

心胸萬里盪雲開，烟景渾如浪湧來。
九曲黃河縈侶帶，一泓滄海瀉盈杯。
嶽遊已遂禽生願，秋賦猶慚宋玉才。
自是乾坤清曠處，老夫欲去重徘徊。

下南天門

天門高敞向南開，秋色都從四際來。
瀑下倒飛雙峪底，雲興浮動萬山堆。
先登捫葛凌空翠，獨立扶筇破石苔。
回首重瞻青帝觀，千尋絕壁起樓臺。

五花崖

薜荔懸崖步步捫，五花晴靄落雲根。
侶為連幃橫天闕，直作層城蔽嶽門。
絕頂霞嵐通彩翠，下方林麓擾塵昏。
何人倚劍秋空裏，遠吸滄溟氣吐吞。

泰山集卷中

三

修汲堂

白雲洞

落斜一徑躡雲根，觸石瀾漫萬岫屯。
絕頂盪胸揮八極，懸崖撒手下三門。
回翁來往仙蹤杳，嶽帝氤氲氣存信。
是神功雨天下，貴後膚寸問真源。

鳳凰臺

鳳凰已絕影，千載留空臺。
秋空掃寒碧，白雲飛去來。

蛻仙巖

翰林爾何人，居然蛻塵世。
我來登仙巖，一鶴秋空唳。

黑龍潭

巖前草木帶龍腥，鬼斧摩空削絕陁。
潭影深涵千丈

黑山光倒漾，一天青。
高秋氣肅過寒日，半夜聲砰起震霆。
神物抱珠眠正穩，且休濯足陡驚醒。

石經峪

天工削翠峪開，士鐫金經年深。
水春嚙劒斫蛟鼉形，今分翳點畫石泐。
菴苔青儒生誰續刻，一陂安足爭聖道。
揭日月烈火經狂贏六籍，不灰滅竹策流埃絃。
愛茲雪瀑響秋泉，滴淙淙鍾期不可遇。
晏坐風中亭流水，存逸調無絃奏冷冷。

高山流水亭歌用歐公贈沈博士歌韵

我作高山流水吟，此泉此詩雙鳴琴。
冷冷曲調幽且深，餘聲散入青松林。
成連氣味全苔岑，海山海水刺船尋。
石峪淙淙我獨臨，秋山圍繞千瑤簪。
晏坐日夕嵐氣侵，一輪頽照流紫金。
凝然不動傍嶮嶺，半天飛鳥遺之音。
冰消萬慮神和平，不勞世人知我心。
遊于太玄含希聲，老來踪跡追向禽。
此間暫憩巢居子，到處流行還坎止。
襟期一片戀名山，飽餐翠柏終殘年。
平生最慕淵明賢，妙得其意操無絃。
天公偏欲代之傳，琮琤飛響水簾泉。
蓬心消盡甘鉢落，行歌啟期身帶索。
元機委順信去來，具饒濟勝福不薄。
獨抱古心奏古音，自賞自吟樂復樂。
百年有盡何暇悲，快哉風到披襟時。
明月無聲墮懷裏，澹澹幾箇天星移。

泰山集卷中

三

修汲堂

仙宮

秦岱迤東麓，孤兀九仞山。崩崖形勢獨，綠構層雲間。
扶筇躡級上，風櫺翳荒菅。中棲眼光母，無人轉樞鐸。
我老眼作花，再拜凌仙關。願乞金篦刮鏡淨，開心顏。
攤書燭細字，暮齒消清閒。

呂公洞

逍遙回道人，雲行無定止。嘗用石榴皮，書作擘窠字。
此洞疊留題，詩句清可喜。慶詞隱厥姓，未類公無是。
何如獨往生，竊比巢居子。

梳洗河

巖泉雨後雪，奔流玉女盈盈共。洗頭銀漢霄明千尺，
練瑤池寒瀉一泓。秋高空月皎臨王母急，瀨湍飛宕。

泰山集卷中

十四 修汲堂

白鷗宴坐盤陀清，鑒影瀛寰萬事等浮漚。

王母池二首

白石甃方池，一勺瀦清源。固應西王母，晝下雲旗翻。
劉郎生好道，邀之傾芳尊。羣仙趣會讌，亦復招上元。
飲以三危露，授以微妙言。年豈限金策，久視銅龍門。
如何茂陵樹，冷着秋烟痕。

腊容擲石檻，照影清冷淵。蘋萍帖水面，秋老猶鮮妍。
試將木瓢汲，瓦銚手自煎。攜來日注片，韵味俱超然。
白鬚一道士，久甘此靈泉。一甌吸澹白，不羨龜臺仙。
清風生兩腋，呼我老玉川。

萬仙樓

仙人本是好樓居，飛湧危標入碧虛。三面錦屏秋點
綴，羣真玉像古裝梳。谿銓洞穴遺丹竈，窈窕烟雲帶
綺疏。勝境橫當嶽門戶，鐘鳴日暮返樵漁。

顏子坡

此間非峻絕，只算一高坡。所苦瞠乎後，其如卓爾何。
奔塵心未已，望練髮先皤。天下從看小，巔崖正待摩。

普照寺

鐵鳳翔翔帶暝烟，上方鐘磬落諸天。居僧齋供伊蒲
饌，過客寒思藥玉船。秋老行吟依竹石，月明不寢聽
風泉。讀書未遂殘年願，臨眺躊躇仰昔賢。

投書澗

泰山集卷中

十五 修汲堂

一澗潺湲快決渠，古賢寄跡此投書。行來一逕迷黃
葉，坐倚層軒半紫虛。寒偏空山頻警鶴，清翻秋水不
生魚。浪遊莫問平安信，千里鄉關夢久疎。

讀書臺

荒巖猶剩讀書臺，秋晚登臨亦快哉。並有賢名標泰
嶽，獨尊師道在徂徠。千秋著述歸經傳，一代風流起
草萊。今日何人能接跡，空將筇杖卓蒼苔。

竹林寺

秋風獵獵氣蕭森，一寺深藏萬竹林。香實虛無供鳳
食，碧甍髣髴作龍吟。奔瀧澗壑穿僧舍，過嶺雲霞照
客襟。安得身騎仙鹿去，傲來峯頂暢登臨。

凌漢峯

一峯高舉許平臨海客槎夜來銀浦畔手欲摘匏瓜

謁魯兩先生祠

孟韓既沒古道蕪兩先生起躬闢除披斬荆榛汰瓦礫行行達術重廓如泰山初自平陽至曲房四十猶鰥居箋注春秋吸經髓發微剔去乾蠹魚范富增吟出薦口布衣躡屨登天衢高賢用舍隨所置射工側睨何睢盱詔馮遺篇度秘閣詎比猥草文園書偉哉徂徠產於是元精爍爍騰鴻鑑嚴事杖履萬目仰穴地羞殺陳良徒慶歷一詩殷雷響光搖圓蓋瀾方輿我手殘編抗聲誦壯氣頓戟霜眉鬚幾片朽骨天球

泰山集卷中

六

修汲堂

傲來峯

枕梯斬斷半天隈樵徑虛無信傲來風撼竹林鳴浩蕩雲通嶽頂簇崔嵬仙居縹緲青霞鬱秋景熒煌絳葉催明月宵深淪石底鶴鳴猿嘯自清哀

天紳巖

一宵秋雨洒高旻樹杪爭流百道新淨洗空青過御帳奔飛修白挂天紳鸞泉漱玉遙通脉龍峪噴珠大

有神最愛水簾晴不捲都從此處瀉滄淪

白龍池

池水潭潭漾落暉神絃颯拉響巖扉白龍陡自重淵起時雨驚看萬瀑飛月冷水簾秋正蟄雲迷洞窟暮方歸石舟吾欲撐空去挾拖開頭渤海圻

池有石舟

仙影崖

崖間孤影最分明何事遲歸白玉京高踞一峯凌漢立輕辭旬日御風行波搖東海秋光冷月照西巖夜色清萬里碧霄原有路飄飄應作步虛聲

長春觀

長春觀裏鬱葱葱老鶴深巢百丈松石磴飛濺秋雨

泰山集卷中

七

修汲堂

急珠簾高捲翠嵐重上清像古金泥黥中統碑殘碧蘚濃猶勒吉思皇帝勅全真化去渺靈蹤

天書觀

高居上帝仰青冥嶽麓天書事不經豈謂澶淵須洗辱遂令鳴吻忽揚靈醴泉湧地猶勞奏陰字鐫碑亦製銘丹鳳樓前全一轍琅琅神語已先聽

醴泉

醴泉隨地涌觴沸本無源但得真心奉何妨拜手言天書良煥爛御帳劇翩翻齒冷王欽若輿夫酌瓦樽

朝元觀

朝元絳節幾時迴杖破殊庭滿砌苔萬樹秋聲都掠

地一翁寒影獨登臺洞門寂歷青松在霄漢虛無白
鶴來天上神仙新舊墓人間何事漫生哀

鄧都峪

嵩里溟茫薤露深高秋白日氣陰陰人間舊唱淒哀
曲山側尤傳激楚吟開節誰能到包老閭羅猶自說
韓擒西山餓死東陵壽宜報渾難問古今

女兒茶

陰崖摘且焙片片青桐芽攜將聖母水烹取女兒茶
王女池名
聖母水

紅娘子

何來紅娘子艷色如胭脂一從咀瓊藥歌舞在瑤池
泰山集卷中 大 修汲堂

白驪塚

登封上馳道奄忽塚嵯峨白驪既已蹈入蜀乘青驪
社首壇

社首金泥故跡殘宋家重望彩雲端天書垂貶還宜
答玉檢新封尚未乾仙樂鳴銓陳九奏御坪擁護集
千宮空留片石龜趺沒秋草淒淒冷碧壇

嵩里山

嵩里秋蕭瑟幽岑晝杳冥北印潛衆魄東嶽歛羣靈
骨積成堆白魂飄未了青丰安常折玉根蒂失浮萍
桃可捐三士山還斃五丁穹然軒帝塚憤絕霸王廳
尚復傷其餒何須視不瞑豪華銷任俠艷冶瘞嫫姬

一入重泉路疇登不死庭賢愚看共泯今古詎留停
荒誕搜神記虛誣累德銘珠簾拋宴寢金枕出元局
薤露歌齊唱槐柯夢未醒百年流水逝一瞬電光焚
幾見虹升氣偏聞鮑混腥神仙天上葬涕泗隴頭零
莊叟舟藏壑陶公影答形涅槃終滅跡丹竈豈延齡
素驥渾難駐黃雞不可聽弔蠅飛自集歸鶴語誰聆
大業起千禩微言紹六經崇壇標杏茂曲室鬱蘭馨
但得生無忝應知沒亦寧優游垂化盡聊復倒千瓶

朝覲壇

朝覲班聯五等崇傳呼萬旅到山東時巡典禮稽虞
后孤注讒言及冠公豈有天書岳嶽麓特勞陰宇勒
壇中阿誰自詫非常事扈從黃麾意氣雄
泰山集卷中 元 修汲堂

陰宇碑

城南立石勢嵯峨宋代東封跡未磨碑上龍蛇篆陰
宇壇前狐兔窟陽坡雁嘶壞堞行行斷苔繡荒亭面
面多亭碑俱
五面眺古何人誇壯觀凭欄忼慷發高歌

望仙臺

徒向祖洲望飛仙誰復來雄心一朝盡猶賴悔輪臺
萬歲臺

亞獻乾封年禍伏武帝後來應靈符疊疊紀萬歲
天冊萬歲萬歲登封通
天萬歲萬歲武后年號

泰山集卷中終

門人梁曰源謄寫

泰山集卷中

辛

修汲堂

泰山集卷下

詩三

錢唐桑調元

梁父山

援起天南輔岱宗側身懷古一相從魯人有事應先
旅秦帝無端亦疊封跡繞碧峰誰策馬氣橫青甸宛
如龍潛夫抱膝耽岑寂日暮高吟意頗慵

梁父吟和太白韵

我作梁父吟長懷方子春海山窈冥失昂嶼海水汨
沒無涯津成連訪其師刺船去海濱牙生獨得海山
海水之古意七條冰上彈紛綸萬古鍾期只一箇無

泰山集卷下

一

修汲堂

言讚嘆心相親又懷榮啟期天生萬物幸為人更幸
有生生在中國中不乞金丹西王母不求大藥東王
公九十帶索行歌風鬚髯白髮飛秋蓬乘化待歸盡
安貧樂道何其雄此間烟月浩無主矯首仰天見河
鼓河東西癡牛駸女不耕不織含淫思秋期已過
涕如雨誰教罰向營室居聘錢久通天帝怒嶽帝感
我之丹誠借我丈人峯頭高卧永不傾我不管小兒
女銀河一片支機石亦不管古帝王金盤千尺承露
莖有時起來騎白虎飛蹴七十二峯無所苦拋棄塵
埃良足豪神仙富貴輕如毛冷笑長源一品啖煨芋
曼倩三次偷蟠桃何況銅山金穴聚溷猥且勞今年

已六十曠蕩了不悲只須腳踏霞嵐遍五嶽底用手攬風雲際一時大笑狂歌李太白歌不全科兩得之

肅然

王檢金繩瘞肅然登封荒誕跡駢闐分明有道時巡地茫昧無懷始禪年二月燔柴於舜舉相如封禪頌有一茲亦於舜句編遺草所忠傳聖朝望秩遵虞典不問三宮舊洞天

云云山

傳聞古封禪七十有二君秋空一輪墮暝色飛寒雲

亭亭山

鼎湖駕飛龍昇仙渺何許空瘞泥金書荒苔竄黠鼠

泰山集卷下

二

修汲堂

介石山

既已禪社首又復禪介石自倣古登封亭亭更繹繹

徂徠山

維南錦幃列崔嵬蒼翠奔飛曙色開羅列兒孫朝泰嶽抗衡賓主屹徂徠沿溪竹色搖風立繞岫松聲瀉雨來一自高賢曾卜築清名萬古動巖隈

獨秀山

天畔孤標聳碧峰青蒼盤鬱歲寒松徂徠鍾秀生原獨魯甸當秋翠且重千點苔痕皺篆籀一莖烟氣裊芙蓉桂林亦擅高名在萬里還須徧客蹤

蓮華峯

碧巖雲淨秀紛披菡萏高高一朶垂揀海峯亭曦景耀當空爛漫露華滋乾坤不見秋芳老風雨難將晚翠移大華峯頭追往事曾臨玉井坐題詩

謁石先生祠

先生剛直今古稀煌煌慶歷聖德詩豎儒舌咋更頸縮崩喉直吐瓊琬辭讒人氣塞恨至骨便欲發塚施金椎豈知正氣伸萬古籍甚名字標徂徠奇光卓午日照耀峻望揀漢山崔嵬我拜名賢百感動一端偶舉起等夷孫公昔治春秋學往從講堂泰山陞有嚴孔給事就見傍執杖履遵庭墀升降拜起相左右明扶往謝成如之弟子事師極儼恪以身昭揭隆古儀

泰山集卷下

三

修汲堂

流傳數學俗一變魯人到今口嗟咨嗚呼炳烺在三義頗憂叔季生氛霾百工技藝志衣食居肆傳習猶知師而况章縫挾簡策江河日下能爾為短垣身踰莫之恤舊坊手壞其可噫惜不聞風至老死縱過此祠知為誰

周明堂

中古制度備文郁推宗周明堂闢青甸朝見東諸侯巖巖孟夫子正大鋤陰謀是時七雄鬪王政久不修昌言救塗炭急豁生民愁有能師文王代興夫何尤小儒拘墟眼訾謗苦不休時勢至戰國得似春秋不罵狐轉瞬滅王綱絕懸旒遺基不盡毀綠苔扶寸稠

念之氣鬱塞慘慄悲懷秋

漢明堂

咄嗟漢武帝濶達規明堂圖陳公玉帶蓋茅師古皇
相如草封禪侈心差開張射牛卒行事金繩秘璫章
介印上萬乘鳳旆雲飛揚升高向蓬島神仙渺相望
丙辰禪還坐羣臣奉瑤觴羽衣授封印一潰不可坊
茂陵烟樹盡故碣留厓岡盛禮想朝會當年何煒煌
曉發泰安

驅車南向去回首晚蒼蒼日出霞嵐紫霜飛草木黃
禮庭追闕里古意仰靈光轉盼經年卅前踪半渺茫
石浪行并序

秦中集卷下

四 修汲堂

離秦安府城六十里至姜公橋因汶河石作脚平甃
亘數十丈濶可容車橋盡當中流巨石坦迤礧平與
橋接亦可數十丈石盡復為橋如前南岸一帶列無
數石片側起北向疊疊如波濤狀自府城一路來強
半陂陀綿亘車行確犖顛頃至此作回瀾倒捲蓋皆
嶽之趾也橋兩截中接以石奇矣而尤奇莫如石浪
作石浪行
岱宗兀突三天門憑陵日觀齊闌崑嶽麓瀉漫六十
里陂陀礧確皆雲根汶水湯湯穿石脚一道沟洧秋
江翻姜公橋亘岸南北卧波鱗甲龍蛇蟄中流忽斷
石橫阻巨斧鑿神功存未聞銀河中間可坦步毛

填不用烏鵲髡天公無心出奇怪兩頭湍勢驚雷奔

中特峻噌石板削天然足曳車噶噶長虹一氣遠聯

接七十餘洞波吐吞奇哉皺透巉巖屯狀若疊浪鰲

頭掀一重一掩皆北面朝宗岱嶽肅且溫卑幼跪列

雲來孫十十百百翠可捫誰何刻作烟濤痕想當元

黃初剖妙搏弄元精耿耿含胚渾雲峯千仞卓挺立

餘氣磅礴流趾跟觸石出雲雨天下此亦濡潤通真

源深秋潦水寒潭落散堆沙礫寂不喧若使夏漲兩

涯沒石梁項脊沉鼉龜雪瀧歷亂魚復浦陣圖行列

依然存一拳雖小綴嶽體萬古凝結無崩騫我居漸

江見水恠此亦如湧龕赭壘門恍惚靈胥盛鼓怒前

泰山集卷下

五 修汲堂

潮後潮騰踏來軒軒石本山骨峙崩劣胡侶鱗鱗湍
瀨飛流噴我就問石石不言秦人施鞭屹不動倒回
紫瀾浮鵬鷗直駕海橋橫厚坤

金口壩

汶水寒方落猶看噴雪流聲喧金口壩勢動古沙邱
棗柿千林午魚龍一氣秋車塵蓬勃裏乍喜見漁舟

兗州奉懷盧玉巖存心

垂老重為兗郡遊支筇獨上古南樓意中汶泗交流
遠眼底蒼楓一色秋酌酒重泉呼不起謂兗州守吳飛光
卅載去如流題書遠寄仝懷子何日江鄉聚白頭

將謁孔林寄玉巖

萬事難干物外心畢生吟嘯復登臨升堂未得如游
夏遊嶽差能作向禽東閣招賢曾接武南樓縱目憶
開襟行年六十猶強健泰岱歸來謁孔林

南樓

南樓兀突古城隈荒堞惟存土一堆往歲曾為東郡
客今吾獨上少陵臺心間日月滄洲遠秋晚風雲海
岱來猶有詩翁耳孫在霜髭道故意遲迴

杜公臺

少年流浪詣公堂再拜前陳酒一觴早已文章知得
失幾曾裘馬縱清狂盧生客枕紫甜夢杜老家風表
擅場不盡躊躇懷古意此臺亦是魯靈光

泰山集卷下

六

修汲堂

見兔為一鷹二犬所傷

淺草平沙失所憑暫拋三窟亦須懲一鷹眼疾雲中
落二犬蹄輕隴上騰發指由來稱疾足下韉偏欲與
爭能人間搏噬知何限撲朔迷離未足矜

曲阜

舊俗由來禮教嫻金絲遺響出松關樹陰遠接芳隣
孟日色秋高陋巷顏大聖登臨小天下微生曠蕩老
人間向來只為耽吟誤成就畸人物外閒

恭謁 聖廟

追憶當時聖廟災雍正甲辰子客克男伯
聖廟災手挽水洗燒燬檜曾經飛騎向東來
手澆壇檜連筒水眼見庭松一炬灰躡屨重過秋曉

晚升階新仰象昭回平生學道慚無得贏得霜絲兩
鬢皚

金絲堂

窈眇金絲遙奏清蕭然古壁尚聞聲焚書秦帝灰塵
滅壞宅恭王耳目驚衢路草荒迷五父堂階樹古集
諸生當時車服無由覩慨慕風前對兩楹

詩禮堂

崢嶸堂宇氣氤氲中國侯王漫策勲詩禮一編承世
業章縫千古範人文釋迦李耳非同道聖子陳亢豈
異聞緬想閒居曾獨立秋陽悵望忽斜曛

夫子手植檜

泰山集卷下

七

修汲堂

庭前留古檜手植自宣尼重露周朝浥芳根魯甸移
鳳舒形張王龍攫勢之而歛歛臨風葉鱗皺溜雨皮
文看成左紐條侶布重帷杖履從容過詩書輟轉披
公卿多仰望弟子晚追隨階席俄森秀宮牆久蔽虧
元精標挺拔灝氣貫淋漓大力何由從奇材信在茲
渾難識矇瞽端謝撫般倅賜楷憐孤立回楠許並推
不妨飛燕雀詎敢撼熊羆嘉樹羣勞譽甘棠倍繫思
峻嶒橫鐵石縹緲度金絲雙本交盤鬱千年獨慙遺
潤寧資汶泗屹自鎮鳧龜涼燠原同地榮枯各異時
曾紫南北轡歷豎漢唐碑日月非無運乾坤亦有維
常瞻天柱矗或等招人萎幸保堅貞體終殊朽腐姿

護他經在壁用我禮為基劫火存點幹春風長綠枝
條偕壇杏長仍共谷蘭滋暗暖捐丹桷婆娑弄碧墀
誰容參枳棘正賴覆苞著燁赫來鑾輅逶迤拂翠
旗三辰齊照耀萬象盡熒泮假鵠鷄集廷看驚鷺
儀生機昭代茂美陰閭宮垂往者炎烟發因之迅
馬馳衝颺吹烈烈寒水潑漸數尺留誠急連筒灌
不遲新陰童子繞舊事老翁知物盛青蕚骨吾衰白
點髭蒼然動環珮仰止對眾愚聖澤綿延矣神靈繚
繞之栽培深寶貴封爵便喧喧早遙逐三千列剛逢六
十期葱蘢良足喜荏苒轉堪悲晏歲崢嶸甚裴裒不
忍辭

泰山集卷下

修汲堂

杏壇

緇帷昔講學群賢此盤桓
芬菲數杏樹花枝動春寒
區別施化雨栽培護層欄
托根良得所成林不為難
芳運有代謝小劫遭摧殘
補植發新穎專榮還舊觀
永依手植檜遺澤存瑤壇

闕里

元精闕里萃扶輿學子賓
賓滿屋廬喜得羣蒙長夜
旦直將天地大文舒赤虹
流降重霄氣漆簡紛傳壞
壁書昭悵漸江悠忽老未
能生近聖人居

謁顏廟

巍宇碧霄聳因依先聖靈
巷深移午日井冷動天星

隣接三遷里壇親獨立庭寧嘆髮邁白萬載壓彭齡

陋巷

誰識春生氣都歸陋巷中心齊
渾自得瓢飲豈知窮
秋月懸來白微雲掃處空
高名標綽楔千載有誰同

題曲阜旅壁

風俗多師古千年聖澤餘
禮庭容講習陋巷足安居
龍檜瞻壇樹樹文啟壁書
此邦無釋老寰海莫能如

恭謁孔林

我儒原本瞻祖塋孔林十里修崢嶸
周遭碧甃象城闕
今皇展拜抒精誠芳草綿芊輦道直
流泉潄汨與梁平烟籠雜樹映文楷
雲構刻桷蟠丹甍先聖

泰山集卷下

修汲堂

九

堂封鬱中峙泗水沂國交迴繁古壇
無嗣耐兆域樵斧罷遣摩新剏
翔翔影絕飛野雀嫋嫋枝不纏荒荆
霄雲陟降入五夜時代呵護攢羣靈
高墳縈列砌碣後裔世世聯光晶
夕陽半照殿角紫秋雨一洗莓苔青
洙川南自橫大帶魯城北如莫兩楹
橋陵遠難比鴻塚泉宮近未儕幽局
高山仰止緬古昔席間函丈追平生
坏土傍依一間屋三年獨居萬古情
見說心喪共繫經感此眼淚紛濯纓
寒霜悽愴滿葛屨思堂欲去千屏營

孔林百韻

孔子崖登萬丈強孔林十里曉蒼蒼
喬松行列森旗

轟文楷精神足雨暘城北逶迤迎隧道殿南綿亘接
輿梁慈龍盡去荆榛絆玃猱寧容鳥雀翔雜樹深蟠
枝瞻賜繚垣密甃石磅礪衣冠鼎盛東家裏林廟平
臨北斗傍馬鬣秋烟紛漠漠龍門晴日照煌煌揮絃
久絕文王操築室猶餘子貢場拾級曾來登納陛摠
衣重至拜巖廊叔孫門外空勞毀翁仲烟中立不僵
撲朔踰溝迷白兔荒寒發地出獺羊省牲闕殿虛繁
思釋菜成均耿不忘鄴宗五王加位號泗沂二代合
蒸嘗 清朝有道新巍煥 聖主親師最肅皇駐蹕
亭移馳道仗櫺星門轉羽林槍武當繩處欽貽厥文
值崇時詰裸將肅穆曾孫陳簠簋雍容髦士奉珪璋

泰山集卷下

十

修汲堂

鄆田香薦紅蓮稻顏井清斟白玉漿禮邁一牢輝瓚
卣躬勞萬乘歷池隍仲丁祭外元辰吉旁午騎來
上駟良日照鸞翻階北面烟浮龍宸殿中央芬芳前
捧盈尊酒繚繞常持一辦香鵲立賓賓排霄子駿奔
穰穰集齋郎格思緬憶羣居席仰止還過數仞墻博
士傳經綿譜系上公封爵襲冠裳諸生弦誦喧寰宇
四氏章縫列上庠鳴吻雲霞紅的皪龜蛇苔蘚綠蒼
茫低徊車服懷輝耀扈從簪裾識濟蹕攢簇杏枝文
炳蔚盤擎檜樹色榮昌天容張幕旂旄羽橋勢垂虹
度佩璫井邑故基蟠曲阜亭臺舊址歸靈光尊嚴司
冠瞻遺像神秀昌平訪古鄉道岸誕登標慕慕聖涯

游泳汎滂滂山穹額母成雲構洞窈坤靈置石床絃
彩挂麟閣闕里練痕繫馬望吳閭首隆圻頂形惟肖
項侶臯陶貌特颺松柏甫徠環鬱鬱烟波汶濟繞湯
湯中和壑靜源頭活文德林深藻彩揚道德參三函
宇宙事功育萬駕虞唐養營金祿嘗為吏殞覓堂封
合葬防萬古尼山高泰岱一泓洙水大瀛滄三千士
接緇帷畔六七童隨禮器旁兼總金聲連玉振光明
江漢映秋陽化裁通變無名著規矩方圓不器彰或
問淵騫俱在寢人言游夏並升堂雕殘朽木何曾棄
鑄就鴻鑪忽已亡萬世土應持地載四方鐸已振雷
破無言天意行生燦不舍川流晝夜長仕魯兆行期

泰山集卷下

十一

修汲堂

一變夢周魂斷失方剛往來歌哭徵鸛鵲長短毛身
觀鵠鵠潛躍祇占龍在野雖皆那得鳳鳴岡經綸徒
擬雲雷壯區別惟看草木芳矍相分明示正鵠舞雩
流憩步林塘難行吾道殊悽惋未喪斯文致愾慷空
復南游申冉有可堪西狩獲鉏耒筆誅不貸姦諛死
手訂堪輿雅頌章官禮詳明昭郁郁宮懸繁會奏洋
洋篆來蝌蚪寧逢劫負出龜龍已破荒六籍都經修
月斧兩儀端不墜珠囊楹間夢奠音容杏壁內藏書
紀載詳寬碩硯留珍手澤消搖杖委痛心喪學庸似
續延孤緒鄒嶧師承共一方廊廡超升聯俎豆簡編
煥爛比琳琅千秋鄉愿傳衣鉢五尺童蒙換肺腸卓

爾苦難融似乳閹然惡彼巧如簧異端忽覺魑魅見
同類居然劍戟戕管晏思非泆肌髓申韓毒已中膏
肓他鑣馳騁由楊墨隲岸瀾騰是老莊卿况蘭陵開
謬誤臣斯上蔡播災殃凌夷戰國爭兵甲吞噬函關
入虎狼壞宅恭王聽絲竹焚書暴主載輶輶治安策
上謀猷寢平準書成推筭忙繁露天人原統貫河汾
將相太矜張隱文秘書笈方堆几梵夾瓊籤正疊箱入
夢金仙通竺國飄空笙鶴指丹房熒煌朱色清紅紫
葱蒨青苗亂莠稂濟世存心拯蒼赤傳宗溷跡雜緇
黃昌黎屹作狂瀾柱營道真為學海航伊洛淵源分
衆派考亭節目總宏綱許吳坦坦遵前軌胡薛殷殷

泰山集卷下

三

修汲堂

守舊坊何事軒波偏大起頻令遠術少平康改頭換
面誰能識入室操戈不可當學蔣端須除灌莽儒流
何自挽風檣挺身諸老扶輿蓋下手塵途掃秕糠不
道賢關遠咫尺總緣宗鏡翳毫芒勝朝傳習虛分晰
昭代疏明劇炳烺講席惶惶震聾聵書林一一正披
猖早年私澍當湖陸晚歲聞知繪水湯疇肯迂疎從
樸學翻訾矯激背周行餘山岼起升高嶺餘山先生姓勞
諱史字麟書餘
人姚小港涓流到斷潢消盡蓬心志落隲來蒿日感
蒼涼取裁狂簡知誰是志效刪修不自量伊昔明師
尊鵠皜于今矇瞽恨悵悵豈期凝邈為時範久識安
貧亦士常青帝靈能護陵谷素王宅不患滄桑殊熾

志行同夷隘獨喜林泉得點狂鄒魯鄉淳羣所向春
秋臺迴遠相望禮庭鞠踞增留戀聖墓瞻依倍悚惶
小技文章等絺繡大成德業昧梯杭乾坤鴻塚留東
魯太極圖從此內藏

廬墓堂

天地黯黯元氣羸泰山梁木壞且頽緇帷接跡三千
士獨呼賜爾來何遲消搖曳杖類遺令淒淒兩楹夢
奠時寢疾七日遂永訣心喪三年仝啣悲崇封堂斧
魯城北燧火日月如馳馳紛紛治任入揖哭慘慘築
室難遽離手植文楷已尋丈羣跽日夕涕淚滋廬居
諒弗出連騎墓祭定復啼如兒嗚呼古道多凌夷遷

泰山集卷下

三

修汲堂

喬出谷蓋已稀了非先王倍而學謂是故人不取疑
在三大誼久弱喪一綫不絕如懸絲試觀里戶聚稠
密更撫雜樹紛葳蕤失聲慘慄已切至獨居纏綿尤
倍之平旦鏡布未遽泯得弗暫省顏怛怛突兀留此
一間屋以為薄者施砭規栗主大書端木子拜跪嗟
唏百世師

子貢手植楷

孔林楷樹影紛紛端木親栽迴不羣剝有根株蟠厚
地已無柯葉拂重雲元精不死千年物老幹猶生左
紐紋六載築場封植此攀號靈爽共氤氲

洙水橋

平橋正對若堂秋石甃無塵 輦路幽萬樹松林俱
夾峙一條洙水自西流明明日色蒼苔冷浙浙風聲
落葉稠追溯淵源千載後聖涯浩蕩信堪游

謁少皞陵

遺墟存少皞封樹九秋寒鴻塚騰龍氣青編紀烏官
天垂滄海迴地接聖林寬道古思鄒子洪荒跡漫漫

謁周公廟

井泉深廣漾青漪遺澤猶涵百世思負宸勤勞輔冲
子闕宮曼碩作奚斯雲霞霽色明瑤席松柏清陰轉
玉墀最仰元公光制作當年祀典並先師

防山

泰山集卷下

五 修汲堂

一片青山擁護深高秋萬木影森森佳城灝氣騰清
漢溝水寒聲下碧岑浩浩泗河從北遶荒荒白日向
西沉山陽還見元精聚和慶風雲更作林

啟聖林

合葬于防古木森萬年啟聖德崇深廟封王號加章
服墓祭公孫灑釜鬻泗水環流秋色遠筆床高架夕
陽沉伯皮即在東南耐靈爽相依共一林

伯皮墓

啟聖林前柏高墳氣鬱葱秋陰連宰木神道合玄宮
女長從歸迺兒賢喜得忠防山崇閣殿一體祭原同

顏子林

陰森萬樹曉烟參手澤千秋挺石楠浩瀚宏源臨泗
北鬱蔥佳氣聚防南鴻爐帝鑄何曾喪陋巷人憂或
不堪當日山林曾厚葬堂封馬鬣護雲嵐

顏子手植石楠

大賢留手澤雙挺石楠枝葉不秋風墮根原化雨滋
千尋遮丙舍十抱鎮坤維應並宣尼檜芳標萬古推

尼山

名山滿域內靈嶽捎虹霓有若王者貴崇壓五等圭
尼山匹如聖峻絕不可梯先師此間毓精禱應璇閨
圻頂形惟肖乾坤露端倪因山得名字人地雙鬼鬼
小子夙仰止氣象高天齊敬恭對草木嚮慕穿林溪

泰山集卷下

五 修汲堂

顏母山

一峯碧霄矗雲氣連尼山白湍走急瀨沂水聲潺潺
精禱感顏母誠通杳冥間篤生我夫子六籍勞修刪
膺此萬世土帝王莫能攀廟饗永無極犧尊翠欄斑

坤靈洞

一洞幽深入窈冥千秋萬歲仰坤靈漏穿倒影影明寒
几回激衝颺響石樞虎豹橫蹲陰磴黑莓苔濃漬雨
床青鴻爐浩氣天然構開鑿何須役五丁

中和壑

秋泉赴逶迤美哉此壑水嗟彼愚溪愚乃以愚辱矣

智源溪

可愛一條泉秋空激清響觸石忽倒飛白雨散蘿幌

觀川亭

一亭領其要快翻青玻璃其上馮幽壑其下鳴清溪

文德林

翦蔚成青林衣照寒雲色風迴碧磴秋淺深俱有得

洙河

洙河大且潔乃受盜泉波未受為盜泉既受為洙河

泗河

既遠魯城北又遠防山林縈抱非他處潺湲一片心

洙水書院

泰山集卷下

去

修汲堂

洙水亘其南清秋鳴活活恭惟刪述地羣蒙聖手發
事功賢堯舜光耀揭日月皇哉銅馬帝龍袞接毛褐
東巡坐講堂敦宰探理窟洎乎至正間書院標津筏
堂階我願拜惆悵鎖門闕鬱鬱四大字洙水書院四字寒烟壓
穹碣伊誰擘窠書山長豁識達

孔硯

一硯刪修獨策勲形模朴古恨空聞春秋臺點千行
墨日月光昭萬禩文白葉何須搜石髓紫袍未用割
天雲堪唾昌谷真疎淺寬碩胡為不足云

雙相圖

言訪雙相圖散步西東陬澄泓俯石井鑒影寒悠悠

登臺睇千古賢聖不我留如堵省往跡一片青蕪秋
男弘蓄亮志侯鵠懷前修旄期誰不亂吾問點與裘

泮宮臺

宗邦克秉禮望標泗上侯僖公振弱緒會師東南陬
泮宮士于邁德心成壯猶好音化飛鴉淑問從獻囚
芹藻宛在眼繽紛芳且柔臺根土花碧一水逶迤流
其旂裊後筏要眇風烟秋

靈光殿故址

維昔漢中葉盜躡闕西東兵燹歷塵劫舊觀隳彤宮
靈光看獨歸賦藻摘豪雄始因僖基兆治室侈魯恭
丹柱燧奔電飛梁指蛇虹圖畫叙煥炳光晷含穹崇

泰山集卷下

去

修汲堂

到今密石盡綠蕪翳土濃周章渺文考掃跡四望空
延佇緬雲構颯颯來飄風

兩觀臺

臺標兩觀入空冥古雉門遶草不青少正卯難逃聖
法夸毗子倖逭天刑千秋未盡疎文網七日驚聞下
迅霆見說埋輪原有地飛霜一夕滿都亭

麟臺

般般獨長毛蟲羣首戴肉角身斑紋唐虞世為有道
出此外郊輒絕不聞竭來一遊昌平里與挂綵綬捐
祥氛云何西狩竟獲此雜堆衆獸高邱墳鉏商不識
魯人怪麟兮麇兮誰能分夫子往觀反袂拭非時那

復承華助黍離既降春秋作慷慨絕筆于斯文素臣
續書孔某卒掩卷涕泗濺云法荒臺礎仄石字裂帛
古躑躅臨斜照聖功筆削照宇宙遺編光氣騰秋雲
嗚呼我心別抱千秋感聖眼之麟俗眼磨

萬人愁碑

一碑萬人愁官家喜稱意其奈金兵來不及鏤文字

離聖廟

天迴無梯不可攀曾思躡級叩賢關自觀滄海難為
水豈學邱陵便至山儒服一人標故國宮牆數仞冠
瀛寰重來尚有諸生識垂老低徊未忍還

晚發曲阜

泰山集卷下

文

修汲堂

意亦遲遲去秋蟾缺復斜烟昏女牆沒野曠聖林賒
夢戀緇帷地遊驅薄笨車何能留卜宅老傍魯東家

懷孟廟

魯邦既詹一泰山鄒邦又詹一泰山巖巖氣象屹相
對終古並峙東海邊猶憶城南廟中拜飛光倏過三
十年陰森玉階古松柏蒼鱗擎攫騰青天升堂只一
樂正子錢唐與參廊廡間靈宮傍侍亞聖母古坐如
跪形恭虔夢寐舊遊記歷歷揭來更欲親帷幄倦指
修途隸不力故里空復懷三遷當年崛起紹關里煌
煌仁義垂七篇正如中天得皋禹二謨炳煥虞書傳
又如景毫得尹祀偉哉誥訓光聯翩更如散望在岐

郢美里牧野相後先乾坤始開師弟局散宜生高衢日
月丹書懸生近聖居聞見接密傳道統晶輝連我為
雪涕望鄒魯古人不見心茫然千載芳隣失重誼跼
蹐夕照塵沙前

憶南池二首

絕愛南池地深秋一鏡清沿源人影倒飛掠鳥身輕
垂象宸章燦搖波古樹明亭臺失重過悵望若為

情

新詩定誰好須讓沈三兄謂林詞翰升堂掃風流萬古

情草春秋復綠霞曙晚逾明劇欲携尊去狂歌一再
賡

泰山集卷下

文

修汲堂

獨飲二首

揮杯聊自勸小酌亦醺醺豈到華胥國而須擔墓文
羸蟬豪弗見蠻觸闢寧聞餘瀝沾童僕從他鼻息齟
惟操木瓢酌安用瀉金螺遂發豪吟興還書醉語多
全酣謝伶籍屬和寄羊何明日醒須解依然卷白波

馬病

回轡過濟水我馬苦元黃晴上丹林日寒沾白草霜
塵途方浩浩世事亦茫茫所喜無期會馳驅未要忙

大風揚沙

浮沙一尺強忽挾大風揚帶葉聲蕭颯連村色渺茫
往來人面颯崩迫馬蹄狂更亮塵雖滿難污是潔芳

金鄉

直指金鄉道風沙蔽客驢秋深霜葉爛天迴日輪孤
雞黍村猶在范張交已無還思署門者古道早荒蕪

曉發金鄉

出門天已曉迢遞上征車晴日林梢動輕烟郭外斜
蘆蘆元逆旅萍汎即仙槎那作并州戀因依處處家

夕行城武道中三首

日沉猶不息我僕誤爭程荒徑逢人問昏星照客行
驅疲馬渴依約遠燈明欲速何由達端應學老成
城武城南路行人夕更稀村厖相向吠林鳥早知歸
橋仄幾傾軸風高故獵衣順行無住着何處覓郊扉

泰山集卷下

壬

修汲堂

曉行城武道中三首

僕僕頻南北中年飽險艱舟車逐昏曉風雨度關山
老去機全息遊行意倍閒投鞭得村店濁酒且開顏
僕夫催早起結束動輕輶夜坐得非薛曉行寧是劉
沙深勞馬足霜重冷羔裘弦月欣相伴荒途豁旅愁
已覺新霜列還迎旭日和生成因物性天地足恩波
楓柳俱飄葉松筠不改柯老夫遂遊歷且得慰蹉跎
首路趨曹縣紆回遠半程僕夫良况瘁老子自閒行
蓐食防飢渴恬吟憶友生羣才聚東陝新舊足風情

謂張國東馬
石蓮張繼德

訪曾子祠不得有述 并序

城武城外聞有曾子祠係曾子全冉有仲弓以文會
友處侵曉未得訪謁悵望書此

輿夫爭程曉駕輿月照林岫烟糝糊曾子古祠在何
處塵途悵望虛樞趨當年以文嘗會友簪盍仲弓兼
冉有大文原自闕里舒傳習全堂殊墨守遺書舊有
十八篇其八已亡十猶傳大學一篇經傳傳煌煌日
月懸中天更有孝經作者聖引端亦復由天性天經
地義萬古昭豈止小節修溫清躬與兩賢細討論三
霄光氣開暝昏德行政事並磊落至今神聚樞星門
就中振觸忽雨泣往不可還奔電急力能脩養不逮
親刑牲家祭悲何及放曠天涯不肖軀松楸舊隴今
何如城武南頭風撼木車中哭殺老臯魚

泰山集卷下

壬

修汲堂

曹縣

曹亦一都會富庶忻在茲市廛聚百貨塵起連車馳
回輞再經過木葉縱橫飛浚壕轉微波歸袂披寒颼
清遊形不悴達觀神更怡明諍主不寤吾弔宮之奇
流離挈妻子來奔良可悲

河隄即事

欲渡渾河急金鞭不住揮長堤平若掌駿馬去如飛
個儻流朱汗璉瓏撼玉韞馳驅隨爾僕吾自息塵機
渡河
却俯洪河水洋洋亦美哉臨流看徑渡吾命豈遄迴

登陟三天上憑陵一覽來從人呼作達漫道濟川才

夕行考城

萬事從人作音休言已定天衝波偏鼓楫薄暮轉加鞭遠樹連堤抱明星照水懸投搗謀一醉竟至考城邊

發考城二首

淫潦今年大荒城尚未乾烏鴉噪初日楓柏照清湍糧糗還堪飽風霜已作寒生民衣食計端賴撫凋殘泥濘映天白挹城秋水多寒聲飄柳生趣集鴛鴦壕口崎嶇路漁灣款乃歌江湖渾在眼客思渺烟波

新修大梁書院落成

泰山集卷下

重

修汲堂

白練遙觀陟岱頂洪波却落還汴城層雲如海胸已盪飛翬耀日眼乍經却憶五月十五夜疾風甚雨驅驚霆不見蛟龍撼地軸但聞牖戶鳴湍聲匡床鬆几似艇汎連甍壁隨濤傾急乘木筏隴滅沒回看書院波縱橫筆硯遙移傍丹鼎章縫相率栖金庭背秋涉冬一水盡自堂徂基二翼成土木豈不殫况瘁金錢要自勞經營耽耽神明後舊觀賓賓誼誦安儒生穹榭奎宿動光曜方池藻彩流芬馨一堂討論心共素七年淹泊顏孤頰月鳥飛繞向南樹霜鶴叫嘯看東溟松柏桐皆作時棟華嵩泰已攀霄崢嶸南船北馬各便利恒衡相望烟嵐青

書院落成五賢祠

五賢祠舊傍吹臺歲久碑板俱沉埋茲林到此往拜謁故跡已掃昆明灰慨然過我謀復始書院有屋高崔嵬移奉粟主到此地定應陟降歆尊壘即日便輸廉吏俸從新丹雘連雲樣豈知蛟蜃壞廬舍一側墻壁遭摧頽金膏水碧再照耀朱龕黃幕齊安排妥侑羣靈練時日待我遊嶽初歸來繚垣外見鴟吻轟歛吸疑有靈颺吹杜公大名垂宇宙詩聖首出光昭回萬間願庇風雨怒一飯肯忘聲江湖哀李公詞賦懸日月役使力士如輿僮休論斗酒十千價且須一飲三百杯高公漁樵孟諸野慷慨擊筑兼彈碁歲晚高名動寥廓方駕曹劉欲過之崛起崆峒迥自奇一嘶北地羣馬雌崢嶸手代韓文草詎止鞭笞壽寧為天生大復珠玉姿郭泰早年千古悲舍人封事筆如鐵兩雄豈但標聲詩四賢曠曠並素絲俗於謫仙獨然疑我據正史直其事預令冰釋傳聞辭逃還彭澤鴻去杳暫遊天寶鳳來儀寄李一篇証詩史矯然風節無磷淄嵩邱礪取三丈石淋漓潑墨書之碑緯星照天嶽峙地大雅聲光瀾兩儀大雅聲光瀾兩儀聯翩繼起其誰哉

抵須友堂

已陟名山泰岱雄猶瞻林廟魯邦中火餘龍檜秋深

綠海底烏輪夜半紅寧止啟期三樂具直教平子四
愁空明年擬別諸生去策杖真成五嶽翁

泰山集卷下終

門人梁曰源謦寫

萬事有定惟情之所鍾天必從之春初應南閩道山
之聘嶽遊之期宜有待適以病歸病已蹶然起曰是
殆天成我之清遊也遂泝錢江而上度常玉泊蘆溪
過萍鄉儀舟衡山登祝融絕頂連日開霽窮極巖幽
回帆梯嶽麓訪朱張之勝弔屈賈之靈浮洞庭直下
故人為九江守邀登廬峯會濂溪書院新成留予為
山長予樂其山水之清佳元公卜築歸老之隩區願
躡其遺蹤而養予之志也許就焉仍汎長江拂金焦
而歸約開歲遄赴因病得遊因遊得居佳山水且築
餘山先生祠堂于濂溪之上將以大昌舊學匪特佳
山水之可娛也天置予于是既聚所好不怪多取遊
歷之境繁多詩遂得四百餘篇燕不復芟取記一時
之興也乾隆乙亥嘉平月吉桑調元自序

衡山集序

衡山集目錄

卷一古今體詩六十三首

卷二古今體詩一百首

卷三古今體詩八十八首

卷四古今體詩六十五首

卷五古今體詩一百一十首

衡山集目錄

修汲堂

衡山集卷一

錢唐桑調元

詩一

衡遊口號

衆累似蟬蛻儵然衡嶽遊開雲知有處長嘯一登樓
北渚兼天湧南溟抱日流形骸從放浪涼爽及高秋

留別潘魯欽

南望衡山發興新霞嵐千里鎮相親寒催鴻雁傳書
信夢逐瀟湘送旅人風雨秋清蘓病骨江湖月白淨
緇塵潮生看我扁舟去鐵笛橫吹過富春

留別族子萬年本建并示兒子繩疏

衡山集卷一

修汲堂

族子亦猶子事我惟樸誠與兒苦戀別懷悵至情
憂我病初已汲汲事遠征火維莫南岳山川秉離明
乘興策杖往老願遂向平萬事貴遠志未用留柴荆
喜茲藥餌具兼之僮僕負秋江白浩浩潮上即揚舲
顧語且雪涕慎毋忝所生

遙別張聖書天麟

大江白于雪晶然天地秋衡湘一氣接木落風颼颼
臨行得君札知我事南浮上言水程遠歷疾況新瘳
藥餌問加減苦勸維江舟下言君兒病憂思鬱且稠
我行不可止對此增離愁人生岳遊罕纏牽不自由
豈惟婚與嫁足累向平儔嘆息張帆去夢繞駕水頭

感舊奉懷亡友朱子齋萬壽用杜公追酬故高

蜀州人日見寄韻

君去塵寰不可作弟畜無人淚橫落當時雁蕩共猿
騰青山俯仰成今昨我今策杖往衡山萬里秋光恣
空廓白首相知誼等閒黃金買醉情疎畧老來意氣
斂昂藏天畔形神甘寂寞後凋何處挺孤松累百惟
憐喪一鶚雷陳膠漆近休論禽向遨遊意尚存祝融
石廩騰穹顙雲夢瀟湘浸厚坤狂吟牽率湖山動獨
往沉埋日月奔秣陵書信投泉路平地巉巖起孟門
交期于我今誰重舊德惟君古所尊南遊擬作長沙
賦北望重招裴島魂

衡山集卷一

修汲堂

奉懷亡友汪津夫鑒周穆門京疊韻

四賢閣上據新作隔江少微星已落還看圓泖閃靈
旂雲散風流總非昨朋簪會合在青冥蕩蕩從教遊
瀟廓相逢楊德祖與孔文舉慎勿大兒小兒忘脫略
人間無此好男子令我獨居獨往滋索寞近論詩句
亦無人才子東臯失厲鶚萬樹梅花無復論津夫一塢
青芝誰過存樓門對月空憐三五夜得朋那望西南坤
所喜軒轅帝許廣樂聽魏夫人借飈輪奔朱陵窮探
後洞戶祝融直上南天門山開雲氣感正直天假神
柄瞻雄尊一杯手酌錢江上秋光晃朗疑是我友縹
緲之精魂

登舟行

往遊嵩華泰輶輓驅行輶今朝指衡岳鷗鴉棹江舟
江舟飛逐秋潮去直上嚴陵灘畔路遠遊難捨舊漁
竿披簑往釣瀟湘雨瀟湘夕捲水花來洞庭葉下波
瀾洄大放騷歌動天地特與屈賈前餘哀衡山地荒
足妖恠截爰開雲樓尚在韓公精誠感岳神仰見元
突青空成一快我今方作五岳遊南岳勢壓天南頭
茲山燁赫照離火猷鏗鐵杖穿巖幽欲為山川發靈
異擘窠大字岩前留為我睇南溟堪作墨瀋不七十
二峯揮洒遍乘興踏月臨羅浮寶露壇邊就虞帝不
希瑪瑙之甕沾渴肺神禹碑蹲岫嶠失字青石赤搜

衡山集卷一

修汲堂

嚴秘樓臺忽起朱陵宮朱陵洞主開房櫺水簾觀闕
並幽窅玉童引看金芙蓉瀟灑仙岩為岳輔天樂飄
空度烟霧雲旂蕩摩爭我迎或駕赤蚪驂龍虎吾觀
浮世增慨慷向禽作計誠為良君不見鳳雛無凡毛
覽輝翔翔何其高焉知鴟鴞得腐鼠侈然意氣偏自
豪君不見狼子多野心摩牙跳梁誰能禁焉知驕虞
避生草粹然名德衆所欽大鈞播物好惡雜眼前萬
形紛合皆逍遙物外謝塵緣寥廓天風吹颯颯棹歌
一曲翻滄浪不問楚水吳天長拖袂開頭從此逝雁
書底用傳衡陽

定山

扁舟直上大江間
芳草青青過定山
空際一螺攢
寂寞
暮雨餘孤翠
洗孱顏
秋看樹色新
搖落人逐潮聲數
往還
誰肯耕垆白雲裏
阿卿便已隔塵寰

桐廬

波心月色照桐廬
絕愛人家水竹居
秋草重岩勻綠
遍楓林一雨墜紅初
了無堆堞圖
江縣時有漁燈出
井間此地今年來
往數野翁情興總蕭疎

謁嚴先生祠

梅家擇對古今無
光彩門楣意獨殊
仕宦端須慎要
領綸竿豈肯負江湖
岩前滾滾秋濤湧
臺上茫茫夜
月孤筇竹一枝遊岳去
微生不用執金吾

衡山集卷一

四

修汲堂

釣臺

策杖還登古釣臺
孤舟重繫乳岩隈
招邀明月三更
近激越長風萬里迴
富貴溺人心蕩矣
山川娛客興
悠哉清顏不愧桐江水
老把魚竿鬚髮皚

蘭溪

輕帆又落穀紋前
漁火星星接暮船
書寄蘭江一雙
鯉夢回竹屋幾重烟
艖公遠郭爭沽酒
市女挑燈疾
數錢偏自山陽笛聲起
獨教野客涕潸然

龍游

龍邱峯色翠蜿蜒
秋樹青黃接遠天
山米長腰炊玉
軟江魚宮背斫銀
鮮客情冷過啣蘆雁
人夢飛隨下

瀨船今日曉淪停步
月明朝寒破上杭烟

舟中大雷雨歌用杜公漢陂行韵

天公知我耽瑰奇
迅霆響裂千山陂
大雲遮斷赤瑤
瑤倒景穿射黃玻璃
溟濛遠海奔龍入
滿吸滄波飛
雨集傾盆猛勢洒
天漿四維八埏俄
遍及姑蔑通川
黯不開蓬蓬風起
噴浮埃天兵斫陣
逐北去回輪捲
地還復來蒼茫神
鬼渾難測銀瀧濺
船不可拭礮礮
乍劃半江紅靈靈
濃垂九天黑空中
白波湧若山鰲
呿六極浮沉間
訇轟推盪仄坤軸
倏忽淨掃開天關
畸零餘點拋明珠
千岩瀑布喧奔趨
今秋蛟蜃圻厓
谷雷雨震驚無處
無雨餘江月忽而
至蕩漾清光可
人意吁嗟風波犯
險如客何雨晴異
景江湖多

衡山集卷一

五

修汲堂

八月十六夜月用太白把酒問月韵

今夕明月如珪時
四海八荒皆仰之
月光完蝕有定
分却令欣戚人心
隨光明寶珠無玷
闕清川晃朗金
波發離離北斗入
江低晶晶浮雲向
空沒婆娑桂樹
涵古春白榆歷歷
為芳鄰誰修天上
清虛府誰作瀛
寰澹蕩人澄暉一
掬寒於水照見霜
鬚白若此待予
高登七十二峯頭
呼君湧出東溟裏

常山道中大雷雨歌疊韵

境非艱虞不成奇
墨雲陡蔽東西陂
盛怒雷聲擊山
嶽大笑電光明瑤
瑤古寺破蓬人爭
入四海水立瀾

空集滂沱似載奔車輪咫尺行人避不及猛溜衝決
隄塹開崖崩千丈流黃埃紅穗累背首尻濯遠道之
人胡為來銀竹森森窅莫測老眼眇昏空復拭洶洶
前潮後潮白莽莽千山萬山黑况復惡風吹倒山飛
屋失木砰轟間鳥巢迸落草莽驛驛驚埃崩塌屏風關
奇哉半空雲破懸火珠依然周遭霧湧螭虬趨西邊
日出東邊雨此間道路晴有無僕夫阻隔尚未至世
途豈盡如人意酷戲其奈天公何却驅文辭入筆波
濤多

舟發玉山

萬疊青嵐一水濱曉浮船子出通津過山已作江西

衡山集卷一

六

修汲堂

客遊嶽原為物外人遠道旅顏增老醜全舟鄉語叙
情親却憐懷玉先賢地講席千秋氣象新

廣信

廣信城邊艤小舟暮烟縹緲映飛樓仙宮九子風鈴
語鄰舫一聲江笛秋渺渺關山隨去雁飄飄身世等
浮鷗人間是處堪游釣莫問兒時舊水邱

河口

秋霽平空淡若無商飈獵獵響叢蘆巉巖翠色後猊
九嶷云鴉軋清聲舴艋孤南去賓鴻凌楚塞西流玉
水入彭湖市樓遠岸含飛動冷客仍如泛泛鳧

弋陽

弋陽溪上捲晴烟倒映空明萬里天石室幽居知閒
絕寶峯秋色正蒼然朱陵有夢雲屏裏白髮無情水
鏡前沙鳥慣看流浪客衝波不避楚人船

仙人橋

貴溪秋映發連山走龍從谿衍開洞戶石梁亘虛空
蕭晨烟霧淨豁然天光通仙人雲中遨焉用步垂虹
我欲梯空上草木披蒙龍題詩在岩腹吟嘯絕陁中

貴溪

貴溪溪水清潺沙岸東門厲石班千里人隨青草
遠寸心我與白鷗閒烟波繚繞秋城外霜樹參差曉
岫間一片仙雲橫縹緲望中何處藐姑山

衡山集卷一

七

修汲堂

將進酒和太白韵

君不見纖兒一朝富貴來意氣驕豪山可回又不見
壯士憤氣衝冠髮手淬龍泉光似雪橫行絕漠掃樓
槍麟閣英名懸日月畸人高脫乾坤獨往來萬事不
顧唯啣杯沉冥便可遺死生一任大化無留停羅幌
雲旂俱可卧松風礪水俱可聽身世早已成大覺志
節何用標獨醒九還丹珍一杯酒雙敝屣脫千載名
帶索行吟樂復樂未須儔侶全談讒對月揮杯勸孫
影暢哉自斟還自酌笑彼惹人物色披羊裘空山若
芋馬知愁

殘月疊太白把酒問月韵

寶奩乍啟四更時水明掩樓窺見之多情慣照遠行
客江東江西常相隨焚煌象緯羅天闕睽睽太白光
爭發休論遠樹鵲無依猶見入河蟾不沒秋風搖落
追芳春千花難與孤松鄰白月經過等閒視望舒却
似無心人彎彎蕩漾澄江水殘月新月都如此古往
今來歷劫多消磨如鏡如鈎裏

安仁

秋花滿眼照銀瀧也錫嘉名署錦江啣藥蜂偏過翠
幔當爐女慣倚文牕風梳衰柳絲千縷波躍驚魚尾
一雙客子不知秋欲晚日師犀首倒罌缸

黃金守風

衡山集卷一

八

修汲堂

一輪日照黃金埠水面滉作黃金容盲風衝波若山
湧水花破碎金芙蓉我耽清遊本無事不愁擘岸維
江卿一山積翠高龍從往梯巔頂支孤筇遠峯如散
勢繹絡極天秋色寒清腫壯觀曠宕盡宇宙古人已
往蘊蒿蓬此地乃隸餘干中餘干先生人中龍在田
不躍潛其蹤居業一編紹六籍炳烺元氣儒所宗千
秋論定配兩廡布衣秩祀非虛崇餘山先生姓勞名又餘
山人學有稱
萬象三才通熒然鉅德照草野有若暘谷明瞳瞳不
須汗青壽萬古遺書磊落皇墳同賤貧自可垂不朽
豈等滅沒隨沙蟲吁嗟僥倖富貴侈氣體顛倒貨色

迷心胸哀哉不顧旁人齒為冷猶復哆口賢聖欺愚
蒙魯叟一去二千載諸老先後徒彌縫登高望遠發
涕泗若輩終古稀聞風蓬蓬大聲鼓不歇雲將掉頭
逢鴻濛且避沙塵伏蓬底瓦杯不放村醅濃

鄱陽湖

烟汎溟茫是處通抽身不在利名中天浮彭蠡湖中
水帆引滕王閣下風八月遊踪如海客百年心事付
冥鴻醉來留得韶顏在未用丹砂訪葛洪

瑞洪

水樓戶戶倚欄干蓬火星星照石灘旖旎誰家簫管
急喧喧鄰舫酒杯寬水天上下秋光迴身世虛空客

衡山集卷一

九

修汲堂

夢寒憶泛金牛湖裏月烟瀾點破一漁竿

漁舟

漁舟聯絡艤湖濱唱晚遙從隔浦聞簫聲挂殘三丈
日櫓聲搖破幾重雲斜飛孤鷺霞成綺乍動潛魚水
渾紋沽酒醉眠無一事世間名利不如君

鄱陽湖歌

三日行經鄱陽湖水倒浸青天嚮沙洲芳草縱橫
鋪風帆八面牽川涂川長風軟勞水夫櫓聲啞啞劃
清虛瑞洪一過滄溟如烟波浩渺萬頃餘船船鳥鬼
啣白魚前飛鵠鵠後鷓鴣翻波得雉鳴聲麤行舟向
背迷方隅夜看北斗旋天樞一鈎殘月舒望舒驚起

魚龍洶奔趨我舟縹緲如輕鳬向空長嘯為娛娛慨
焉懷古意激輸淮泗真人大澤呼跨湖一戰成雄圖
彌空旌旆燎火荼黃龍鼓震排舳艫垓下列陣鳥騶
殂昆陽瓦飛橫掃除居庸關外馳種車三興土圯平
姑胥閨江樓高雄帝都三百年來元氣痛漏舟人轉
歌喉珠無愁一曲只須更鍾山石城莽邱墟康山廟
在烟模糊英雄一去往迹徂水雲激宕歸空無七十
二汊唱晚漁且倒波心雙玉壺

徐漢

蕩漾清川落日孤微茫水驛路縈紆彭湖烟浪經行
處徐漢人家湧坐隅寂寞魚龍何處熱翻翻雁鷺向

衡山集卷一

十

修汲堂

風呼老夫作達無心計好汎虛舟浩渺區

滕王閣

一帆直抵滕王閣飛湍萬疊珠噴薄長洲舊館跨虛
空繡閣雕甍照城郭檻前滾滾章江來翻風動日江
光開憑陵宇宙得壯觀激昂意氣凌高臺當時豪華
駐帝子妙舞清歌艷江水舊切飛灰掃地空寒波孤
鷺衝天起奇才冠古王子安長川風送曾無難千秋
勝會赴江閣高空牛斗垂闌干天高地迥悲橫集閣
闔九門不可入空抱凌雲萬丈才秋江寂寞螭龍蟄
炳烺論士推裴公持議四傑偏朦朧人生通塞有定
分爵位豈足論英雄君不見安貧更知命堂堂立言

勁且正童齡器識壓老成揮毫况復才華盛赤水三
珠此獨殊當筵風調傾萬夫何慙鍾期賞流水豈效
阮籍悲窮途我來恰逢九秋節秋水長天方一色茫
茫萬里對長江酹酒風前三歎息吾聞韓公雅愛三
王奇亦復瑰偉絕特驅文辭誰識畸人狂嘯臨江渚
鴉塗醉墨留新詩

葦草禪林

扁舟尚繫章江棹棹過螺墩恣幽尋螺墩鬱蔥翳萬
樹中有葦草之禪林林間叩門如啄木金地金沙淨
心目衆花爛爛秋錦鋪最愛深黃幾叢菊開士喜客
無俗塵茗椀一吸生芳津更上香臺面水竹坐覺魚

衡山集卷一

士

修汲堂

鳥來親人物外情懷本放曠乾坤清景入吾杖但期
瀛寰幽異豁然開不論平川與疊嶂此間禪窟藏精
廬石林水府蟠靈區一泓隔斷楚商市蘆洲松島清
涼俱坡公巨手書涵碧好事重教復陳跡難沒千秋
澹蕩心銀榜光搖水雲白微生夙願臨滄浪卜築幽
居水中央唏嗟緣情生衆累終令此計墮渺茫病餘
猛勇遊南嶽眼底撲綠辭齷齪夢想岩棲宗少文祝
融峯置藤蘿幄更憐羅媛有同心入山偕隱深復深
四壁雲嵐繪圖滿衆山響應龍脣琴野夫興在丹霞
上布韞青鞋且獨往林僧未用識姓名白雲無跡過
方丈

舟發南昌

章江門外一孤舟，破曉雲帆不滯留。
縹緲仙人餘舊館，崢嶸孺子憶南州。
波心出沒羣鷗戲，天際飄飄獨客遊。
此去衡湘尚千里，雁聲嘹亮動高秋。

南浦

一枝柔櫓動江濱，南浦輕飛片片雲。
碧草春波遙憶別，長天秋水祓難分。
文章昭晦關時命，風景溫涼飽見聞。
是處烟沙堪寄興，渚鷗汀鶴總全羣。

生米潭

十里青松卷曉霧，鳬鷺飛滿高家渡。
舟人指點生米潭，乃是漁郎深入處。
漁郎縱棹本無心，清溪一曲蟠

衡山集卷一

主

修汲堂

雲林誰知此通天，寶洞窈深仙窟從參尋。
白髯仙翁氣量窄，呀豁洞門拒塵跡。
桃源人家尚有情，酒食爭持饋來客。
漁舟一葉迴輕烟，悵望葦間渺沿緣。
為我謂漁郎，慎勿栖仙山。
賣魚沽酒酒如泉，多情明月陪醉眠。
有時興酣脚扣舷，高歌一曲勝得仙。
豈羨姓名著丹籙，趨蹌紫府鳴玕環。
脩然乘化便應盡，何用大藥留朱顏。
况復天上神仙幾回葵，那能久視矜長年。
松子桂父今安在，惟有秋花錦石與我相。
周旋蒼蒼石門路，冷翠洗秋雨。
人間靈境無處無，所嗟有累不得住。

市汊

市汊沿緣大小汨，雲濤烟浪似蓬萊。
橫鋪江練天邊繞，倒映霞城水底開。
燈影遠看僧刹上，酒香近過客船來。
悠然散策空陂裏，愛竹王猷未擬回。

豐城

江塹憑陵甃石堅，茫茫白日下通川。
乍看鴉背金光閃，直訝龍宮寶燄燃。
獨角犀牛猶厭勝，潛身水怪莫飛涎。
千秋歎息張雷逝，劍氣休教上燭天。

寶劍篇

早春過延平，想像龍精雙合并。
晚秋過豐城，仰望牛斗冲光晶。
神鋒世希有，匣中夜夜生銅吼。
當風魑魅亂坑壕，着聲雷霆驚戶牖。
沉沉映月芙蓉浮，三尺凝

衡山集卷一

主

修汲堂

寒秋水流一掃欒，槍玉宇淨肯與小用酬。
恩仇鴻鑪鑄汝比，正士何人結佩相。
終始對之凜凜無邪心，鬼胆森寒敢偏視。
君不見百鍊剛化作繞指柔，試問風胡與薛燭。
還似魚腸聲價不拭不須華陰土，等諸頑鐵何勞數瑩不須鵬鵠膏。
撫此鉛刀焉足豪，吁嗟乎龍泉太阿至神物。
出土若騰衝入水無缺折光芒，一片白於雪。
三千鐔鏑無顏色，不負張華雷煥識。

豐城劍池歌奉懷馬石道

榮祖 兼寄張經德

泱泱劍池水，秋曉磨青銅。
劍去已千載，雷騰不可逢。
中州千里懷我友，老去塵勞苦趨走。
白刃恢恢足解牛，紫氣鬱鬱猶衝斗。
張也利器新發硎，未曾出匣畫

夜鳴從來神物感氣類去年會合肝胆傾星離雨散
無常聚今春悵望延津路寒芒交瑩失清秋寶環重
攬知何處嗚呼丈夫立身有若含景蒼精龍一生心
事明昭融不論埋藏與騰躍所貴剛健全其鋒眼見
吳鉤忽缺折吹毛無復當風吹已滅荆軻一片心猶
詫崔涯三尺鐵吾欽歐冶鍊金迴不羣奇光耿耿天
下聞故人珍重脫贈我持去決斷衡山雲

樟樹鎮

吳商蜀估走駸駸塵市無關物外心老體扶持須藥
物鎮聚天秋容點綴得楓林一天遠影衡陽雁九月寒
聲楚戶砧不見當年古樟樹數行衰柳映江潯

臨江

衡山集卷一

古

修汲堂

白銅鏡面拭汀洲萬里難馴浩蕩鷗夢想團圓橫笛
口眼看縮項墜槎頭星搖漁火烟中艇雷撥鷗絃水
上樓落日澄江風景好謝公詩思涌清秋

川涂分處

秋水清冷正滿篙濯纓高唱興偏豪大川亦復臨岐
路賸客何須賦續騷天入衡湘鴻喚侶江奔閩粵鷺
翻濤飄飄只在蘆漪畔最愛鳴榔見汝曹

清江

露宿風餐耐客情孤蓬返照半輪明關山烟靄真如
皂江水波濤倍覺清草色深青渾不死月痕澹白恰

哉生浩歌激越秋空響莫遣魚龍夜壑驚

初二夕月感舊

推蓬乍舉首一痕掛青冥方當旁死魄倏已哉生明
彎彎出西極晃晃搖東溟懸鈎映翠幙磨鏤發新硎
微暉動魚尾冷影過鳬汀螺心漾醺醺蛾眉妬媚姪
還嗔報喜鵲勝垂含譽星日緣再中候雲以復旦辰
用持比符彩堪並揚光晶朔虛促環照氣盈溢元精
青女闌娟麗黃姑挹淒清兩頭何纖纖一水方盈盈
先期奩微啟斜照輪未成斫桂斧過握搗藥杵已鳴
籬綻千頭菊階抽二葉蕓鯉魚風正起茱萸囊欲盛
舒此廣寒色牽彼幽閨情我觀光耿耿觸緒心怛怛

衡山集卷一

五

修汲堂

憶昔赤奮若偕趨良鄉程雍正癸丑春予全子齊北上
二月初二夕行至良鄉見月夾鐘應煖
律不夜臨層城適當初二夕蟾兔謁先迎竭來廿三
載鷓鴣催不停新月露碧漢故人歸元局風流遂雲
散雪涕還雨零懸知同皓魄終古留精靈

大風

濕熱蒸南土憑陵吼北風巨靈持橐籥大塊鼓鴻濛
日月沉霾裏乾坤滌蕩中掀江舞蛟蜃飄樹撼熊羆
欬歎迎天籟吹噓就帝功傾欹及銅柱翻倒入龍宮
虎嘯聲何壯鵬搏勢轉雄橫奔鳴烈烈盛怒起蓬蓬
玉塵揮髮几金魚閉綺櫳簷飛震甌甌岸擘坼艤艤
零亂詩書畫摧殘松栢桐艱虞經破冢安穩駐孤蓬

噫氣談莊叟汚人避庾公騁狂矜席捲播暗喜塵蒙
颺拉眼愁眯喧逐耳幸聾兇裘還欲攬犀蓋不教空
明發張帆去清遊興未窮

快哉行清江揚帆作

開頭日出清江口衝波浩浩江風吼不見烏蓬映天
飛但覺蒼山夾岸走昨者江行十日來鄱陽湖面天
光開漁舟點點蕩烟波高歌晚和鴻聲哀路入章江
棹沙水落日霞明一匹綺乘風破浪窈莫期買魚沽
酒淹沙市今朝十幅蒲帆張船頭湍聲擺雷破浦溆
空濶波滂洋捐瀆撇漩水手強去若箭疾神揚揚決
起百尺驚鷺鷥一縱瞬息可千里便欲立抵新喻驛

衡山集卷一

去 修汲堂

竹坡斫取九節杖醴泉酌飲三危漿風狂浪洶帆不
正船艖半仄風力橫砢然轉蓬帖波起奔飛快意輕
性命有客失聲口嗟呀疎覲危檣憂恹恹老夫宴坐
心魂定飽經險阻夫何病下碇翻憐白日昏題詩敢
倚筆鋒硬

雨舟

江風蕭颯雨冥冥遠岸山根洗更青吳客心閒惟理
曲郢兒手快自揚舲秋生寒氣侵三戶老放狂歌弔
獨醒縹緲吟峯在何處墨雲狼籍掩空亭

新喻

睥睨臨虛帶水環危樓飛湧出重關霜前寒色催踈

柳空際秋容着淺山晴日不消雲氣白清波獨照鬢
毛斑烟濤百里哀江近放眼須登絕壁間

吟峯并序

宋吳鸞吳鳳兄弟吟嘯此峯築亭其上悵未及登訪
賦此以志雅慕

絕代風流占此山高名千古動江關毫攄五彩雲霞
色坐對一亭冰雪顏時聽墳簫度空外不留鸞鳳在
人間誰知我亦耽吟嘯未得維舟暫往還

放歌舟過鍾山洪作

碧江夾岸青岩衆鍾山洪裏篙師送大環回合羃錦
幪駿健白雲剛補空秋旻萬里卷霧霽赤日當空豁

衡山集卷一

去 修汲堂

夢夢高風歛吸孤帆縱蘋萍舵劃如破葑山田高下
牟麥種犂鋤鏗鏘確動嶺坳何人結茅棟窈曲天
成小有洞地偏心遠絕市哄礪道秋寒冰雪凍森餘
粟粒供鶴俸添植梧桐引栖鳳隣舍往來得二仲岩
栖閒寂清味共直堪老死安吟誦散材原不為世用
山中明月儘可弄何苦局促纏轡客歌小海流鶯
啼我惟危坐作夏統塵纓萬緒斷紛紜續撰劉伶酒
德頌江化新醅壓馬潼鯨吸長川飲始痛一任人過
捉卧甕

分宜

百丈垂虹對縣門人家樓閣倚城垣九秋草木飛霜

冷三楚波濤激雪喧遊是道遙休覓伴澆非碑碑亦
拈尊鈴山精氣鍾靈異芳臭千秋每共論

鈴山行

鈴山拔地青鬼鬼岡巒盤礴何雄哉此地定有異人
出光氣亭毒凝胚胎彥回始亦稱名士天教老作中
書死矯飾難留名德光姓名終古污青史逢君妙絕
工青詞玉清壇高身奮飛朝散紫宸更宣勅綸扉黃
紙翩翻馳門前炙手可熱由竇呈身競填咽豈惟
火齊金盤堆鶴山門館深交結何人憤欲誅女強安
得寶劍出尚方夜書彈文動鬼哭容城老子空堂堂
相君三里霧司空五里霧兒子智慧勝乃父遮天障

衡山集卷一

六

修汲堂

日無不為一門聲勢爭趨之門生義兒布天下冰山
一倒裂萬瓦滿堂本盡是譏諛何由得有忠義者咄
嗟朱門已除戟高樓大宅猶驕溢西市夔夔鼓聲絕
司空意氣方纔畢相君秉鈞陰謀多一錢不名叢詈
訶雖云文章艷孔雀孔雀其如有毒何嗚呼鸞鳳也
彩輝青冥曷不都生練子寧

江石篇奉寄張圖東

學林 并序

今春入建溪疊作江石篇寄圖東比道分宜江石散
布略如建溪復作此篇圖東於僕詩若奇章之愛石
仍奉寄乞品第之

亂石散澄瀛亦復蹲嶸嶮透底穿雲根剗中斷山骨

奔忙灌口三漂淪夾右一鳥尤出江心牛首昂天闕
狡猊項領高鸛鵒眼睛活壺中九華攢灘頭八陣列
誰叱雨工起欲射於菟突曲折湘山轉窈冥岱輿沒
褊心不可磯側足苦被齧五丁紛鑿碎一劍中斷裂
淫瀕愁作堆艸公喜是鐵句豈關石奇遠請定甲乙

昌山洪

繚繞昌山翠奔洪亦有名烟波一回薄秋氣滿縱橫
黃菊重岩綻霜髭滿鏡生授衣時已到慘慄楚江清

袁州

一棹沿洄郭外堤宜春芳草綠萋萋高風催葉秋空
裏白鳥迎人楚水西老訪名山比膠漆寒衝遠道豈

衡山集卷一

九

修汲堂

塗泥此間亦有桃源洞子驥幽尋定不迷

袁山乃高士袁京隱處

吾愛袁高士岩居不世情山川因得姓隱逸獨留名
白日林泉曠浮雲富貴輕投簪何可得只見縛塵纓

震山乃詔君彭雲隱釣處

白石滄江路幽棲有詔君誰於塵網外獨以釣臺聞
萬事拋流水孤懷寄片雲獻嘲謝南嶽何處勒移文

袁江落日歌

袁江落日半天赤倒影空明千百尺誤認扶桑夜半
瞰裊瀛萬道鋪輝赫須臾澶漫開金光帝孫五色雲
錦張流蘇瓔珞綴纚纚變現華蓋垂天闔珠宮貝闕

入紫邏疑放陸賁山上火魚龍驚蹕赤鱗燒眼倒魂
翻亂掀簸深紅不隔武陵原氣瀾遠近蒸霞繁欲喚
漁舟撥棹去潛行隈隩尋其源幔亭將散紅雲宴霓
旌翠羽光零亂萬里蒼然暝色來素娥乍覲婢娟面
瓊霄皓魄將上弦寒生淑浦搖秋烟清光一幅展新
簾江妃漢女愁不眠我漾白蘋停舫舫江湖浩淼收
清景宜春羨酒倒渴羌晚汀酣漱玻璃冷沙平水息
萬籟靜蘆灣漁叟響鈴箸下士默塞老軒屏妬我吟
遊怒生癭

江心石并序

宜春南可三十里有巨石當江心上廣下削石脚嵌
衡山集卷一 干 修汲堂

空遠望如鼓不詳何名也此石又具一變態為賦長
歌

江心磊嵬矗合喚小金山芙蓉一朵爛秋旭孤根衆
竅穿潺潺厓竅稜層疊皺綠仙山縹緲浮屋玉削成
石脚挿崩濤烟靄成堆盤九曲遠看筍簾架龍宮鼉
鼓高懸倒景中風餐浪涌怒澎湃大聲震蕩鳴蓬蓬
形模鐫鑿厭厭細瑣手搏巨塊當空墮大地風輪歷幾
回剥落乾坤留碩果乃知灝氣不可量造物變化成
文章嶽嶽歷落衆格儔獨教體魄舒磅礴我尤對此
心神壯魁奇突過丈人行一柱中流砥激衝四面橫
空絕依傍間中却憶柳柳州楚南多石談謬悠豈知

鴻鈞蓄餘力元精汗漫不遣收飛來白鵠頂上遊恨
無壯丁鑿梯鉤安得猷鏗一杖上上頭呼嘯萬里天
風秋

西村

西村岸偏仄翠石何巉巖數片青瑪瑙引興梯空嵌
櫟樹蔽麓牛修枝不可芟悲泉下日馭遠岫孤光銜
隔江深谷黑樹色迷楓杉荒墟遊翹翹非仙亦非凡
沙上見人影波底印秋毫離家已匝月海鏡重開函

淺灘引

邪邪惡灘阻者淺邪短長篙斷折左右槳欹斜以身
拽舟艱於拽車邪邪長年三老衆口呀十步九頓興
衡山集卷一 主 修汲堂

歎嗟灘水淼淼如長蛇雄飛雌逐翻鷓鴣悲風淅瀝
哀壑杈枒安得洪波汎海槎後灘浪峭激前灘石交
加天寒日暮手脚爬沙十里路百里賒踏波齊進蹇
浮苴邪邪

林家坊

燈明酒肆始維艤秋菊香清撲玉缸無賴浪花飛水
碓多情月色到蓬窓冰絃隔屋撩羈客烟柳籠村護
吠厖明發萍鄉知不遠便含騷思下湘江

衡山集卷一終

門人梁曰源騰寫

衡山集卷二

錢唐桑調元

詩二

蘆溪九日奉懷袁石峯

舜裔

野曠天清一倚闌遨遊不識路行難東吳船泊蘆溪
遠南浦人來楚水寒旅思重陽拋酒伴秋聲萬木動
江干還追昨歲登高會雲散中州感百端

古歌三章并序

江行得軼事作歌志之以遺采風者

求婢得妾掘溝得鐵此鐵乃具神鋒姿一投大冶忽
復躍曰莫邪願以我為恰喜君心有鐵一寸鑄作干

衡山集卷二

一

修汲堂

將妃匹之雌雄相合無參差

求金得妾得妾勝得金美人窈窕戴玉簪年未破瓜
情更深長妾為翔風少妾為續命愛窺嬌面江心鏡
江心鏡面生光團團照妾還照郎

君不見蘆溪兒昔時憔悴今華腴迎妻驅柴車迎妾
昇綵輿妻替乃用著妾箱疊疊紅羅襦還為少妾置
少婢婢堪作妾妾應棄

高岡

登高恰喜度高岡盤曲青山夾礪長遊子消搖乘竹
輦家人想像佩茱囊利名岐路多楊泣泉石清歌獨
楚狂烏帽飄飄吹不落天風送我入萍鄉

楊岐山乃楊朱泣岐路處

淚洒朱公寄意賒紛紛南北路橫斜六州應檢心頭
錯千里都由脚下差但步青雲身易誤況汙黃土眼
重遮清遊衡嶽從茲去大道無岐莫嘆嗟

舟發萍鄉

艤子衡波乍解維秋江南去路逶迤休論香水萍流
遠多恐衡陽雁到遲林壑盤紆還嶽麓鵬搏擊自
天池平生癖好惟奇古第一須探岵嶺碑

香水渡乃楚王得萍實處

古渡流香一水湄芳萍紅想映朝曦楚王喜得江中
實杜老思充客底飢寂寞魚龍回夜壑飄飄舟楫渺

衡山集卷二

二

修汲堂

前期秋風木末芙蓉晚采采而今欲遺誰

九疑山

因似九疑得名

簇簇峯巒似九疑青嵐向背靄迷離江妃便擬彈湘
瑟山鬼多應詠楚辭菊影蕭疎明月夕楓林搖落晚
秋時天邊何處蒼梧野雲水茫茫繫遠思

洞仙橋

一夕浮舟訪洞仙水寒烟淡石橋前置身卽壑離塵
土濯足江湖動遠天倒景霞明兩重綺橫空月上九
秋弦眼前萬事俱拋却但覺禽魚引興偏

留風灘

喧啾煤市繞長灘巨石橫蹲激急湍木落蒼山秋疊

翠風淪白日曉增寒流萍送客曾何繫下水行舟了
不難自古騷人愛香草紫莖零落采湘蘭

湘東

高峯崕兀壓江陞戶似蜂房宛轉為橘渚日媽紅的
的蕉田風戰綠披披獨遊且倒盈樽酒舊事休翻幾
局棋恐有湘東遺跡在欲從荒草覓殘碑

醴陵

長虹綿亘接岩陬月色燈光滿市樓颯拉神絃喧古
廟悠揚漁笛下空洲江即夢裡臺榭彩角鯉池邊水
及秋思煞清香千斛酒教人留戀古潭州

疎雨

衡山集卷二

三

修汲堂

楚江月白暮烟霏疎雨無端洒客衣青筠蓬邊拋點
點水楊絲下故飛飛連宵清夢縈靈嶽一片秋陰接
翠微却憶湖莊孤艇泊高荷大芋滴依稀

石坳水歌

君不見石坳水惡灘亂石堆數里虎倒龍顛氣不平
霧湧雲蒸勢未已滔滔江水清且淪盤渦激怒衝嶺
峒呀呀狼牙自齒齒崩崩奔鹿角何仇仇攢簇江心列
島嶼一舟轉側千巖阻訇轟那得萬張篙劃削空思
五丁斧盤踞要津縱復橫東西專礙行人行巉巖地
勢亦偶爾未必天意欲使檣櫓橫推傾廣陵潮響驚
人耳砰濤如破雷門矣誰知澎湃亦虛聲只緣峭急

軒波起奇哉長年與最能長篙陡轉及石稜已船恰
從峽裏出雷風戰鬪空憑陵我從黯淡灘頭過豪吟
不為驚灘挫此間直如衽席行榜人唱歌老夫和須
臾出險波鄰鄰扁舟蕩漾浮通津回頭也閱平陂跡
嶽嶺歷落可笑人

淶口

淶口蒼茫夕照殘烟波一曲繞紅欄水晶盤貯淮鹽
白瑪瑙盃凝衡酒寒秋浦遠浮鷗色淨水樓高宴客
聲謹却憐舟子爭程去夜宿月明何處灘

朱亭

衡山集卷二

四

修汲堂

空亭欄檻出層阿秋水魚鱗皺碧波寒雁飛飛衝極
浦流萍汎汎聚盤渦三湘北渚騷情遠千里南雲客
路多江國扁舟從放浪孤踪日夜傍龜鼉

山門

中天皓魄照山門深淺沙洲野水昏策策秋風喧木
葉依依江草漏燈痕雲霞路近催雙漿吟嘯情豪倒
一尊料得清宵來夢少全心白首幾人存

黃石灣

江水清泠汜北灣時平斥埃總蕭閒沙頭一片迷黃
石風際連羣下白鵲蘭茝秋香浮月渚雲霞晚景媚
松關素書拋擲何須問看過湘南萬疊山

鱣魚灘

濟險先聞戒舵工一條水檻限西東舟人呼潮聲洶湧
疑龍伯灘勢奔騰識鯨公月夜消寒宜醉酒秋江破
浪喜乘風老夫厭作猖狂態遠涉川塗未便窮

觀湘洲

元峙波心氣象殊一洲林麓莽盤紆初騰曉日川光
湧乍散秋雲塔勢孤近嶽千峯連紫翠觀湘九面沉
鷺鳬經過未揅登臨脚遥問山靈快惘無

登嶽八首

軌軌籃輿去星馳望嶽門蒼山凝黛色茅屋帶烟痕
紫蓋雲中矗芙蓉木末繁秋光媚吟客萬象放妍暄
層巖行迹遞茗飲憩紅亭雞犬依村靜松杉夾路青

衡山集卷二

五

修汲堂

陽光蕩東極雲氣接南溟衣白山人去誰何萃嶽靈
千載韓公跡開雲樓尚存留題亦帝廟直上南天門
雁叫高空斷鵬搏大海翻窠瀛須一覽身踞祝融尊
連峯方陡峻到耳澗聲清石廩米如聚水簾珠倒傾
聞鐘知寺近扶杖與雲平老覺吾衰甚猶餘遜勝情
雲梯千萬轉纔到半山亭日氣銜楓赤秋光倒海青
上封猶渺渺下界已冥冥輪爾巖樓者常看斗挿旒
寓公誰最偉方廣過朱張霽雪明寒日清詩落石房
衣冠映光嶽風氣闡衡湘我亦雲邊坐空令意激昂
山行渾不倦出入破烟霏海月團圓上秋雲片片飛
神工開石室吾意卜巖扉連夕衡峯頂清光映少微

清溪三十八屈曲下高峯天迴垂朱鳥潭深隱赤龍
乾坤開眼界雲海盪心胸不盡瀏觀意青霄卓一筇

開雲樓謁韓文公祠用公題衡嶽廟韻

精誠亘古聞韓公秋雨陰晦千巖中默禱乍開萬雲
族剗若決斷龍泉雄當日蠻荒苦竄逐早知人厄非
天窮不爾青空翳積氣誰令解駁馳颺風羣陰黠結
皇甫李浮雲蔽日翻難通公心一片照宇宙爭光日
月懸秋空披呈琅玕叫閭闔灼然高明據有融穹樓
爽塏剩舊跡苔蕪淨掃開神宮我來鞠踞拜階下靈
旂悅臬秋林紅有生去公一千載依歸傲慕存諸衷
文章遠仰起衰手志節尤睇正直躬昨者曾遊華與

衡山集卷二

六

修汲堂

岱跳珠頂止往跡同今來衡山大暄霽吟眺清興馬
知終下士倖邀嶽神佑微物感荷皇天功知公神靈
無不在泰山北斗標穹窿七十二峯戶外列晴嵐繚
繞南西東

隱松巖

萬株松影裏中隱碧瑤簪曉色連湘樹晴光映嶽嵐
鳥聲空翠墮鹿跡石苔參未用嫌山淺端須卧草庵

清涼寺

輿丁翻白汗小憩已清涼記蒨新開士安禪古道場
高松入雲碧老桂倚巖蒼一院秋花滿風前笑客忙
近嶽寺

靈嶽嵐光近香茅結一庭圓螺山驂秀方罨水田青
晴久苔乾砌風疎葉滿樵行人非問法且為喫茶停

攤腫行并序

衡嶽道中見人有左股大於身者是造物之沴氣也
予哀之為作此詩

大鈞生物萬不齊受氣差異成支離駢枝瘤贅猶自
可未有攤腫如爾為蓬萊左股大於地積蘇累塊失
位置乾坤灝氣廢運旋萬里磅礴空矗矗我聞賈子
言鬱陶一股之大幾如腰豈知蓄眼未曾見一身沴
疾何由消非闕少見多所怪奇於橐駝呼腫背恫瘝
雖只在汝身我心惻惻增吁憤蹢躅不進難比人平

衡山集卷二

七

修汲堂

居胡能効屈伸病非徒腫又跣盤淋浪涕泗尤傷神
鴻爐銅炭如何鑄我行欲叩長沙傳不嫌莊叟太荒
唐無用憐茲五石瓢

謁嶽廟

衡山最荒遠絳闕聳旻天南極神功鎮重華秩祀虔
火維妖恠熄奎藻日星懸未用韓公禱雲開萬仞
邊

開雲堂

正直通靈嶽陰雲萬疊開火維騰熾烈天柱兀崔嵬
浩氣還馴暴雄文獨起哀丹楹猶聳峙南極並昭回

霽雪堂

一自成嘉會遂令吾道南雪光凝萬壑霽景上層嵐
聯展田心竊孤臺嶽麓探此堂存古意勝跡有誰參

嶽廟銅鐘

東序銅鐘在凌虛筍簷懸洪爐虛索簫鉦響微重玄
神聽朱陵洞銘標泰定年仙都經劫火法物至今傳

黃帝塩三章并序

古祀南嶽廟神傳有黃帝塩樂章今其辭亡久矣作
此補之

日吉兮辰良肅祀事兮孔明潔齊兮視濯陳犧尊兮
椒漿神之來兮歛赫晃日精兮袍朱光乘赤龍兮萬
騎從羣官兮下紫闔熒煌兮絳火靈安坐兮滿堂

衡山集卷二

八

修汲堂

縱崇牙兮樹羽靈鼉吼兮雲和拊衆樂兮浩倡紫螭
連蜷兮赭蛟舞戴參靈兮乘赤蚪冠啟明兮駕龍虎
霍濤會兮神如雨齊樂康兮饗尊俎

位離宮兮秩南訛奠銅柱兮寧珠崖火鄉兮乃粒炎
海兮不波銓德兮鈞物威堂堂兮陰莪我神宴娛兮
朱顏酡曳星旂兮馳電車千秋萬歲兮擊鼓傳芭

銓德觀

眼底一清曠仰看天宇寬殊憐酌瓊液聊喜近黃冠
客夢金庭冷仙音玉笛殘吟遊終我老莫問大還丹

架鶴峯

碧峯秋窈窕寒翠明霄崢嶸石青樹蔭梯空白雲迎

澗泉落淺瀨，厓烟散杳冥。細菊發新艷，老桂留餘馨。
照巖月鏡皎，滌徑松濤清。真人架鶴去，薜荔懸虛亭。

黃庭觀

黃庭留古觀，傳自魏夫人。鍊玉非無地，馳驅自有輪。
靈全碧霞跡，淨掃紫虛塵。遂使修真女，仙宮入夢頻。

紫虛閣

杰閣何年建，嶙峋切紫虛。松生飛翠處，灰死鍊丹餘。
青鳥去瓊島，白雲流玉除。元君一冲舉，孤月冷仙居。

飈輪亭

刀圭何用覓，祇欲乞飈輪。列御都無跡，盧遊迴絕塵。
青童候圓月，白鶴去清晨。徙倚空欄畔，寒花與客親。

衡山集卷二

九

修汲堂

藥珠宮

仙山幽絕處，最愛藥珠宮。紫府無人到，青霄有路通。
葱菁繞琪樹，塵埃斷秋空。古洞臨陽谷，誅茅寄薄躬。

仙關

九真巖畔僻，一徑入仙關。日冷青松塢，泉鳴白石灣。
乾薪老樵拾，倒蔓黠猿攀。迺度石梁去，山中還有山。

雲岫峯

盤盤入仙窟，一峯滄秋雲。已遠山下路，欲接雲中君。
修梁架碧澗，絕磴凌丹霞。嶠寒落飛翠，天靜蠲游氛。
喬松播虛籟，靈草含清芬。白鶴去不息，悵望空斜曛。

九仙閣

登真遺勝地，巉絕九仙巖。基石秋逾冷，簾泉迥隔凡。
靈墟散雞犬，幽徑隱松杉。長嘯臨高閣，遙催落景銜。

紫蓋院

空院何人住，丹爐冷舊烟。桃源秋寂寂，松澗月娟娟。
壇廢青牛去，宵清白鶴旋。臨風思伴侶，最愛鐵瓢仙。

紫蓋峯疊韓韵

爵位不須封，上公但願跡。遍名山中，參錯羣峯拱。南
嶽紫蓋不朝如，爭雄洞天福地。廣布列橫空，一杖吾
能窮。魏夫人此闢，絳闕羣仙出入乘。罡風珽龍紫鳳
每彙集，洞靈一氣真源通。傳法不希鄧彥達，但借飈
輪馳高空。白雲既得穿，溟滓赤氣亦可凌。冲融桂樹

衡山集卷二

十

修汲堂

扶疎南竹大，並許高攀赤。帝宮閭風影，沉弱水黑。赫
曦光湧扶桑，紅飄飄遠挹雲霞。氣皎潔全明，冰雪衷
曳泥龜尾，自適已曼淥蛾眉。不有躬巢父，樊仲近未
有。曹蜍李志難，強同造物賦。予任厚薄，人生志行期
始終。仙舟並謝郭，有道醉鄉要。逐王無功，此位南離
孕精氣。上映朱鳥光，臙臙道士屢進玻瓈盃。醉看明
月升天東。

金簡峯

天帝啟神禹錫之玉簡，書功成勒諸石。雲霧藏靈區，
青苔翳厓壁。大文秘莫舒，穹石剝中斷。神劍揮昆吾，
冷冷玉沙水。甘香壓醍醐，暗瀉翠巖腹。鐵瓢不可斟。

仙老惠一啜沁腑冰漿如颺然天風過萬籟鳴笙竿

朱陵洞

虬松歷亂騰秋烟穿巖絡澗飛清泉鳥藤一枝破寒
碧踏到朱陵太虛之洞天洞天深窈不可入水簾倒
捲青雲濕明珠萬斛天半傾碑轟驚起潭龍蟄秋颺
怒聒勢轉雄巖頭千丈挂白虹義和西來日車仄炫
現五彩羅虛空虛空明滅金光射騰騰助湧霞嵐赤
銀河乍蹴巨石翻聲傳林谷雷崩圻靈臺牖戶遮靈
湫是中一徑通羅浮我令蝴蝶為先導去與博羅老
仙共遨遊遊方信意無內外遠拂紅桑近紫蓋笑彼
秋田乎青邱徒吞雲夢不芥蒂高吟追和白玉蟾清
宵海鏡開塵奩驂逐青鸞白鶴駕飛凌七十二峯尖

衡山集卷二

士

修汲堂

水簾

洞戶窺窺曲掩映瀑水重飛瓊亂寒碧濺雪無春冬
珠霧雜而下礪壑鳴淙淙有時老湫拔陡怒巖
坳龍秋河倒崩決一洗青芙蓉群靈就帝譙天半酣
笙鐘山祇集溟淖瀆鬼來鴻濛晶簾挂不捲出入迷
神蹤蒼茫動落景急雨拋晴空

冲退醉石

心清水簾前愛此一片石鬼斧削琦玕翠滑平如席
朱陵老洞仙醉我流霞液徑來枕手卧一覺墮巾幘
四際天幕寬瑩眼秋月白儵然身世遺萬里對空碧

香爐峯

香爐雲中秀秋色明丹峯縹緲接紫蓋氤氲連祝融
神光洩乾竇陽燄昇離宮有時橫絳氣回薄天九重
金芝燦照夜琪樹翠凌冬近隣朱陵洞瀑響聞淙淙

朝日峯

跋鳥起暘谷奇彩紛煒煌窮秋倍晃朗色淨梧桐岡
當時負暄老坐曝茅簷光黃綿煦台背四季如春陽
傳聞赫胥氏玉體于此藏今古同邱墟邈穆嗟鴻荒

洞靈宮古楓歌

洞靈宮前古楓樹歲久盤鬱成龜形鐵根隆起昂首
黑霜皮細圻皴甲青仙源曳尾岌將動洞門踏足突

衡山集卷二

士

修汲堂

欲行霎時嘯呼大風雨厓崩谷響晝晦冥有元衣巾
籊雲上直攀天闕排羣靈帝遣巫陽驅之下命守古
洞依珠庭鎮茲二十五福地永免剝剔垂千齡鄧郁
之借靈臺映魏夫人過颺車停寒籟海風亂葉落密
洒湘雨交柯橫楚南冥靈結伴伴吐納深息含元精
上覆黃雲陰靈鍵近倚紫蓋承岩亭豫且匠石兩不
顧天荒地老全其生

鳳皇峯

桐生在何許維南有峻坡炎精煦姬足千尋鬱嵯峨
來儀感朱鳳苞彩栖喬柯鳴應昭華瑄噤音最和
渾漓一以判遐舉崑山阿高岡舒遠眺秋烟渺湘波

碧雲峯

山氣如凝靛半空青
鬼黛滌堯羅綿垂光紫金臺
間以霜楓樹焜燿雲屏開
天公作績藻丹碧秋昭回
老人星忽現掛在東巖隈
行歌下蘿逕明月松間來

黃華觀

飄忽黃華老幽居鍊玉顏
冷風來海上仙羽蛻人間
丹竈沈雲壑青松抱石關
支筇歸去晚乘月弄潺湲

劉根藥巖

昔汎具區艇玉壇訪劉根
淹留度殘臘橘塢清香繁
今來遊衡嶽復有仙巖存
雲坳採靈藥寒露晞朝暾
跼跡九真觀鬱鬱青霞屯
秋泉石上瀉誰與洗心言

衡山集卷二

圭

修汲堂

棲真峯

茲峯孕靈氣秀產雲母石
滑潤如琪珩光瑩明月夕
蒼耳蔚芳叢真陽萃精液
仙人采作糧身輕生羽翮
連山如波濤盤渦隱窟宅
金床此栖真獨坐清心魄

靈藥峯

纖塵飛不到石室鏡空山
鹿跡參芝澗鳥語喧松關
嶽雲杖頭過湘烟舄下環
飄飄新野老挈伴遊此間
冷風杳玄跡白月留清顏
吾亦謝世鞅採藥期不還

石室隱真宮

仙宇塵難到天然石室幽
風清驅虎穴烟渺指麟洲
飢煮青精飯寒紉白鹿裘
隱真懷古老月夜步虛遊

壽嶽

惟南本壽嶽佳氣浮萬重
鬱律兩大字鑱鐫紫蓋峯
道君揮御筆仙巖爰蛟龍
流離青城月神貺修已終
聖人自多壽耄期令德崇
所以伊耆帝善祝稱華封

壽澗

潺湲南嶽水澗亦以壽名
修帶環嶽廟穿橋碧泠泠
吾聞古仙訣有水堪延齡
丹砂映寶色甘菊浮菁英
吸泉錫難老洗藥資長生
此澗清不竭下溉秋田青
生民遂乃粒歲歲登香秬
用以寧胡考豈別求冊彭

赤帝峯

一峯矗起紫霞端嶽廟當
前映曉寒指點荒墟炎帝

衡山集卷二

圭

修汲堂

塚拋殘仙著石棋盤火星
燭漢垂光曜秋隼凌風振
羽翰煉玉仙人何處去高
空惟見月團圓

芙蓉峯疊韓韵

赤精子訪古仙公一片講
石遺此中苔花濃鬢摩窠
宇波磔飛動蛟龍雄勇剔
荒榛捫翠石盤虛一徑旋
螺窮懸崖瀑布亂噴薄明
珠四洒吹天風夕晴尚復
老湫拔渾疑巖竇靈源通
白垂九秋虹飲澗清奔五
夜月照空攬天萬木未黃
落南極氣暖如春融仙真
一去鸞鶴杳經壇掃盡無
顏宮下春欲墮黃金餅翕
赫明滅芙蓉紅選尋幽境
此最勝鬼鑿巖局洽寸衷
徑欲茅蓬手自縛卜取菟
裘老我躬餐霞食栢儘足

給嬉遊况有猿麋同供養烟雲頃刻變乾坤靈景無
初終眼前吟賞飽新得方士服食終何功狂飈歎吸
催急景回睇紫霄交明朧短筇拄歸銓德觀華鯨已
鏗嶽廟東

擲鉢峯

翠巖身可隱雅愛此一峯泉水清且冷長留虎跑蹤
澗花秋歷亂石林晚菁蕙旅衣飄落葉回飈度疎鐘
高空下夕照近繚烟霞重思大擲鉢去嗟哉落鉢鋒
福巖寺和南軒先生韵

古寺蹲雲麓芒鞋破鮮來蔬枰童子摘松塵老僧栽
笕水長相接風扉忽自開空山秋氣盛猿嘯極清哀

衡山集卷二

五

修汲堂

寄隱庵

隱身巖畔靜一字結香茅浮世原如寄幽居絕似巢
孤雲喜同住萬慮已全拋此處安吟研秋窓竹樹交

嬾殘石

李侯訪嬾殘夜撥牛糞火領相亦等閒半芋啖自可
愛渠辭召詩脫棄人事瑣冷笑擲鉢翁紅塵揷脚頗

謁李鄴侯祠

荒祠繫馬酌椒樽曾守杭州舊德存夢省十年為宰
相空留萬軸與兒孫星光烟烟輝南極仙骨珊珊步
紫閣若向青編論往事千秋只有白衣尊

書樓

侵霄危構面雲岑三萬牙籤那處尋新軸當年稀觸
手舊樓過客遠開襟美人終古隔秋水學士有誰栖
故林飽飯白頭窮典籍此情未遂一沉吟

謁胡文定公祠

一出寶章閣翩然南嶽遊山居淹日月家學治春秋
講席蟬聯擁儒門燕翼謀窓中五峯列勝地足遲留

集賢峯

日出集賢峯烟霞滙萬重霓旌下閭闔雲構壓芙蓉
唐宋羣公在精靈一氣逢書堂吾拜謁亦得比追從

衡嶽觀

道院流傳古壇基碧草荒莠留封嶽地幽闢降真堂

衡山集卷二

其

修汲堂

仙去遺爐竈雲生繞棟梁虛簷飛冷翠紫蓋岌相望

烟霞峯

烟霞一峯秀煖翠凌空浮岩晚山碧秋樹羅清幽
陰厓隱虎豹陽谷騰猿猴仙宮嶽靈近縹緲臨東陬
夜過翠龍駕玉軟鳴啾啾松濤起寒塔月冷小伏牛

綠蘿庵

振策睇白道欲上烟霞峯巖阿隱蘭若綠蘿暖蒙籠
清幽儼白社喜不聞山鐘石室坐寂歷一甌茗椀供
飛鳥似狎客下踏青苔蹤野雞不復見碧潭秋溶溶

舊名野雞潭

華蓋峯

翠石疊編駁土孕炎精溫金光晝的皪葉葉靈芝繁
芳甘露未晞採掇供朝飧步出華蓋上相逢古義門
登真在無欲要言了不煩世故莽役役慨嘆勞心魂

青岑峯

秋岑含秀色旋螺入雲青清泉穿澗下蒼松抱巖生
鮮飈激虛谷淡烟沉孤坪連雁去碧漢一猿吟翠屏
荒岡覆脫葉遲晚無人行西林日初落東林起鐘聲

僊巖峯

白雲蔽深窟靜穆留仙居石凝洞中髓苔篆巖前書
朱陵啟神牖劉根遺藥鑪陽光燭幽窈秋色涵清虛
一尺翠禽尾百丈喬松株我欲掃石榻餐霞眠隩區

衡山集卷二

七

修汲堂

翠鷺峯

迢迢秋月下一鷺蹲湖西翩然曳杖出靈石虛攀躋
南遊攬嶽翠獨躡青雲梯彷彿洞壑冷夢裡清猿啼
巖扃啟仙侶王生手同攜流霞恣斟酌未用分刀圭

石圉峯步劉隨州韵

石圉騰彩嵐翠映斜陽晚湘江碧如羅幾點秋鴻遠
烟含雜樹暝白月忽到眼清風掃寒空餘雲冒螺淺

大善寺

門徑清疎甚居隣嶽廟西黃華笑秋晚白鴿語幽栖
梵放空堂靜雲凝古木齊坐來心寂歷報午一聲雞

訪贛岫巖

不值留贈

逶迤嶽南路言訪故人家階下羅芳草池邊映晚花
盟心天柱月歛手玉堂麻看竹王猷過山林跡頗賒

寧波亭

要路當山麓都無白練澄陸堪浮作海谷已化為陵
大地波全息空亭石可凭舊時銀榜在題自破門僧

破門即彭禹
峰所與遊者

絡絲潭

紛綸若絲絡潭遠百迴紫瀲灩衝波下冷泠漱石鳴
琴彈流水曲泉愛在山清十里秋空響潺湲洗俗情

半山亭

半山亭已廢茅店駐孫筇倦足聊堪憩清泉故喜供

衡山集卷二

六

修汲堂

祝高嶺

風聲號萬木雲氣冒層峯遙指三霄路乘凌到上封
盤盤祝高嶺翠磴千紆回輿夫苦登頓聲似清猿哀
我下拄綠杖苔磧衝巖隈十步九憩息梯空信艱危
往歲攀太華嶂峽穿雲臺孫騰一何捷璫琅撼蒼崖
人生洵易老轉眼嗟吾衰上躋鐵佛寺翠茗聊裴褰

鐵佛寺

像教來中國思堅信者心空山留鐵佛法苑演珠林
苔竹諸天淨秋光一逕深雖非蓮社客坐愛白雲岑

己公巖步杜公韵

長留己公跡端賴少陵詩僻地寒生早深巖月到遲

鷗輕時矯翼蠶老自纏絲獨往無人識賡題野叟詞

堯率寺次韵

木石無心即是禪風傳齋磬下諸天綠蕪寒色搖秋
竹白谷清聲瀉瀑泉窻鳥喧爭轉幽寂檻花孤笑最
鮮妍晴雲與我相期約愛向空林及早旋

白雲庵

絕愛茅簷僻編籬傍嶺根白雲飛不去恠石寂無言
獨攬窺生客蟪蛄網古門眉毛渾欲白長老幾人存
白雲庵外翠石數堆一石鐫中有素書存五
字喜而賦此

我從建溪楚江覽奇石洪波衝激形崩剝乍踏衡山

衡山集卷二

十九

修汲堂

山半坳嶽欹邀我停遊屐數堆蒼澗高蹲蹲翠色欲
流五指捫白雲低映車蓋影綠樹反走蛇龍根連延
幾疊石浪起絀滑一片橫坦迤儼作牙鬚虎豹猗渾
如跟脊岡巒巋我與題名作小山欲添叢桂蔭孱顏
王孫久留不歸去嘯吟坐卧于其間何須俛俛驚人
目愛此幽清枕空谷泉穿寒溜欲成川氣吐白虹疑
孕玉東偏鬱若青霞屯人言中有素書存留侯已逐
赤松去空留寶氣明西崑可惜奇章不得見品評甲
乙徒流翫不捨筇杖遍名山天地元精空散亂手為
摩挲發三歎

飛來船

飛來船已去遺跡火場存地名下火場鼓枻浮元氣開山屬
破門小庵依石浪古木入雲根始悟寧波意休令蛟
蜃喧

石浪庵

石浪起層臺祇林開礪阿試看船去矣其奈陸沉何
人海驚波定風輪小劫過姜公橋畔路舊夢省狂歌

昨午遊岱至姜公橋作石浪行詩

丹霞寺

道傍蘭若古縹緲是丹霞冷砌飛鳥下空庭落葉賒
曾聞燒木佛未見雨天花路指層峰峻遶行日已斜

衡山集卷二

二十

修汲堂

衡山集卷二終

門人梁曰源騰馬

衡山集卷三

錢唐桑調元

詩三

南天門

崎嶇躡萬級迺上南天門落照千山動遊雲一氣奔
彭觥金作策巖嶂石為垣破凍猷冰者猶留鐵畫痕
石鐫破凍猷冰千古奇遊八字

上封寺

古寺稽衡嶽開先是上封真形圖寶鼎殿上香爐鑄五嶽真形圖清氣
動晨鐘月靜三千界雲生第一峰靈區難再到欲下
且從容

衡山集卷三

修汲堂

望月臺

早起登臺望天西落月圓移時留玉鏡許久挂金天
清動銀河浪寒凝碧岫烟高凌祝融頂曉景最幽偏
望日臺觀日出二首

高空圓月在萬木冷烟參山影當離次陽光出卯南
朱氛千道火碧海一泓潭晃朗層巖曉雞鳴不待三
去秋登日觀夜起太蕭森箕斗三霄挂烟嵐萬嶺沉
飛毬霞氣擁高殿赭光侵耿耿今猶昨陽明燭我心
望日臺禹碑和韓公韵

唐賢不見岫嶠碑龍畫螺書意想奇七十七字長沙
出青天忽觀雲霧披嶽麓南鎮競分布春江雷散諸

蛟螭此峯架臺覆青字五更日躍踰烏窺大書深刻
十三石古篆釋文並列之當年文命治昏墊咏咏遑
恤兒連瀕久旅忘家奔竄舞羽淵顧慕流深悲

祝融峯疊韓韵

名譽高揖辭群公一節挂到衡山中兀突雲峯七十
二祝融拔起尤豪雄橫空飛鶴不得過陡險走鹿力
所窮不須仰崕接肩袂兩腋習習秋生風南天門開
徑直上咫尺帝座良可通豈惟南溟近跟肘九點烟
都一覽空日當清曉明且麗時逗小春温而融層層
樓閣切星漢憑虛湧現朱陵宮玉佩輕搖礪松碧珠
簾高捲峯霞紅真形圖辟鬼魅逡巡酒愜畸人衷

衡山集卷三

修汲堂

靈山足舒曠宕眼要路那堪磬折躬婚嫁已教向平
畢卜築還希宗炳同子昂古琴不須碎借鼓元雲曲
三終但得五嶽吟連帙便似九轉丹成功恒山君已
邀我展崕峒戴斗光葱朧留題石廩紫蓋遍寄謝神
僊東海東

天尺庵二首

直踞祝融頂景光晨特奇日升紫靺鞨水滉黃琉璃
高視收寥廓冥搜破險巇去天纔一握清氣入心脾
獨立超人表秋風動客衣石房寧畏撼鐵瓦不愁飛
峰簇點千點天空碧四圍望中三楚盡烟際洞庭微
祝融峯頂偃松歌

祝融峯頂有偃松枝柯盤曲如伏龍峰高九千七百
三十丈倒身踞巔崖中千年老蟄雲霧屈九萬里
撼扶搖風鷄視大鵬屹不動鐵幹偃蹇山岳重直挿
孤根厚地底元氣凝結石龍從東溟積水浩呼洶金
輪團團搏木捧支離叟卧天半身早見黑夜騰金輪
三足之鳥走汲汲幾度清水揚黃塵南天灝氣流冲
融磅礴不挺壯士胸乾坤養汝有餘力許汝高眠第
一峯嗚呼寓形天地獨永久不騫長並南山壽

會仙橋

會仙在靈境一道往來通壇舊追青玉梁今跨赤虹
履綦印秋蘚衣袂動天風迢遞南臺寺經過絕澗中

衡山集卷三

三

修汲堂

南臺寺和南軒先生韵

拔起雲峯入碧天幽人正愛抱雲眠周旋林壑寧為
我放浪形骸即是仙世事前期茫似海朋遊老去散
如烟香林來往渾無着好似沿洄水上船

天柱峯疊韓韵

西居金母東木公八柱高擎穹灝中此峯傳聞第六
柱建標撐拄南天雄青雲梯磴鬼斬斷猿獼欲上攀
躋窮清秋晴明絕凍雨碧霄曠濶噓盲風萬山攢簇
鈎戟亂一氣繚繞雲嵐通巔頂無人表獨立只有白
日懸當空千年樹石積礧礧太古冰雪難消融鍾乳
自滴虎豹洞桂影直拂蟾蜍宮緱仙吹過鸞笙紫嶽

帝迴裊龍旗紅旬然雲扃霞戶啟掃除石室盟幽衷
膠葛詎牽塵中侶逍遙且寄物外躬至誠欲追甫白
遠勞生早謝張邴同獅子巖前路巉絕洞叟甘茹芝
華終溺身驕淫他自得立志曠遠天無功朱陵羅浮
洞窅窅少微南極星朧朧青鞋何地不取造掉頭仰
看雲將東

天柱寺和朱子韵

崢嶸天柱裏鑿翠竦祇林背日霜楓亂盤雲石徑深
秋苔攬虎跡泓澗起龍吟墨洒陂陀上尋幽不動心

安上峯

衡嶽地荒遠幸無瘞玉蹤侈哉秦漢主未及議登封

衡山集卷三

四

修汲堂

有虞南巡狩曾駐安上峯書紀如岱禮祀典稽秩宗
五月緬至止羣后俱來同舊存古樟樹密蔭輝山龍
豈等暴風雨趨避岩坳松歲久失老幹末由仰青蔥
舜溪有遺澤終古流無窮

安上峯諸石刻

茲山多篆籀鑱鑿散巖壑綠蝕點畫空煩剞劂勞
摩窠偶辨識佳處時一遭琴臺想逸韻筆壺緬銘毫
數行蟠石漣野火遺山樵鬱鬱舜樟宇縱書大且豪
窮探出圭竅如撫瑛璵瑤惜哉缺響拓古刻遺叢鈔

琴臺

古構掃寒灰秋波露瀾瀾當時松風清溪夕響焦尾

音寂月在天斗柄插石底蛟龍蟠紫壁波磔勁結體
却憶聖湖南雲屏凍雨洗手刻琴臺書逸氣揮顛米

筆壚

臨川王內史退筆瘞烟霞留毛穎墟過者久嘆嗟
老秃三千輩祇足供塗鴉當其銛鋒淬一一如鏤鐫
巖岫鸞龜篆落手健畫沙浮雲冉冉過古綠皺苔花

蟾蜍石

活脫一蟾蜍墮自清虛府風吹化為石老伏雲巖塢
橫鏡絕壁詩雨繡蒼蘚古偏傍半缺訛蛟鼉斫快斧
空山風氣寒秋光蕩玉宇冷滴方諸水爬沙月當午

舜樟歌

衡山集卷三

五

修汲堂

若稽古帝舜五月南巡至南嶽安上峰頭駐翠華苞
彩葳蕤鳴朱鸞巨樟亭亭如羽葆垂輝五雲蔭宸幄
此樟生東嶽嶽精鬱葱上拂高天青鴻荒雨露滿柯
幹枯柏讓汝先蓂莢掃雲大書舜樟字筆運如杓有
深意荒墟特揭重華踪光耀霞嵐走魍魅唐槐漢柏
焉足誇張王厓谷彰驕奢况復祖龍冒風雨五夫松
樹巖間遮後來南離元氣薄根株滅沒山蕭索猶存
古篆識其處想像撐空照雲壑我為躑躅舜溪傍元
德南薰解阜長萬古昭回屬典籍不在草木留炎方

舜溪

渟泓湛瑩日古澤沚重華不竭瀦甘井一名舜井無聲漾碧

沙寒流滋木石倒景入雲霞時有野人汲秋坳清一
窪

雲龍峯

雲龍秋氣冷栖真留陟基青城古道士一去無還期
人命若朝露迎陽尚未晞傾身苦障麗愚者良可嗤
日夕放情志亦惜空娛娛此中默自照白月涵清暉

明月峯

明月不下山長留此巖壁雲來石房陰鳥散松林寂
翠坳結小庵竹聲鳴淅瀝幽厨覓泉通曲磴秋烟冪
颺飛千尺楓日冷百圍樨前睇小嵩山日與清暉滌

小嵩山

衡山集卷三

六

修汲堂

二室吾曾到三花手亦攀停車思舊夢悵望小嵩山

蓮華峯

我昔遊西嶽高登蓮華峯全秦大物繞跟趾玉井樓
上開心胸南浮今鼓瀟湘柁赤帝元精萃離火火中
亦湧碧蓮花四水灣溪擎一朵淙淙不斷鳴泉流千
盤石澗何清幽噴岬八山共根蒂結成菡萏青浮浮
藕花心藏方廣寺遊屐曾引名賢至梵宇橫開竟會
堂雪月千秋弄寒翠寺前絕壁鐫清詩龍蛇古篆紛
繞之我亦高吟動巖谷驚起鳥雀穿林飛老僧殷勤
款吟客邀我留題洗衲石烟暝初動上方鐘骨冷魂
清裊榻夕明朝直上天台尖如插雙翅凌巉巖後來

好事誰訪古話我杰閣臨松杉

方廣寺

方廣何幽邃荒階有鳥蹤泉流香積所月掛妙高峯
霽雪清吟古秋苔綠字濃嗟予生太晚未得一追從

謁二賢祠

輝赫二賢跡來過興樂江冰花承客履雪色照僧窓
吟唱留衡嶽風微動楚邦擇之陪杖履分獻酌雞缸

嘉會堂

當年涉冰雪嘉會遂名堂共說斯文在應知吾道昌
清吟鑱石壁幽興接繩床詎料真儒跡翻留青豆房

洗衲石

人言古尊者猶留洗衲石今也愛紫衣莫浣縑塵跡
衡山集卷三 七 修汲堂

補衲石

細剪山雲補坐紉舊衲衣摩挲一片石知不是支機

染櫛泉

張王染櫛樹清陰覆石泉一汪澄月魄餘瀝漬苔錢
洗衲經尊者添餅貢佛前懸知嘉會日蘸筆寫新篇

天台峯

初日照錦樹振策天台峯澹白一輪月猷落東林鐘
依然方廣路瀑泉鳴淙淙石梁不可見風吹落葉松

惟此地有之青苔鳥爭下碧溪人不逢迤西入古寺曉行蓮

華中

天台寺

昔放天台杖曾經度石梁一峯飛到此古寺與相將
樹色寒初照泉聲落上方也隣方廣寺客思極蒼茫

妙高峯

方廣一區坦步步升妙高白雲流礪底赤日明巖椒
俯臨無縫塔相輪鬱嵒羗群鳥啄碧蘚飢語紛喧囂
天風吹短袂秋氣寒蕭蕭元鶴海東去飄忽不可招

白石峯

林巖映白石冷翠凝秋螺頽陽一返照蒼碧紛交羅
樵收礪底薪鳥掛風中蘿潭潭後洞窈神龍潛深渦
明月上東嶺白雲生層阿曲徑無人識松濤和行歌

衡山集卷三

八

國清寺

三寺類過半幽溪入國清青苔千佛冷白石一峯晴
巨鑲鐵花繡古鐘銅字明行燈名僧今已滅懷古莫傷情

雲密峯禹碑疊韓韻

元圭既錫始勒碑蝌蚪文特較龜書奇雲密峯頭密雲
披負以靈鼈蟠以螭用義高辭皇墳人得窺夏書渾渾
頽漏之却思頤誦仿鳥跡鬼凍雪夜號連瀉東序圖
書蕩灰劫祖龍坑外增吁悲

禹溪

雲密峯坳水猶傳大禹溪寒衝青瑪瑙清澗白玻璃

古窟龍蛇徙荒山枯柏齊秋泉照碑石曾紀錫元圭

石廩峯疊韓韵

朝三暮四嗤狙公天物充叔石廩中紫蓋天柱並巢
窠連延騰擲俱稱雄石樓更上覽千里瀟湘洞庭目
可窮其上天倉閤洞戶萬寶成孰鳴金風穴呵噓
索籥鼓雷泓砢磻源泉通金仙歷劫有興滅承天古
寺掃跡空藤徑榛墟撥筇杖樂遊信意何融融仙蹤
亦隨白雲散令威難尋玉清宮藥壚灰冷文武火臺
傾無復丹光紅獨往尤資濟勝具萬緣不入空洞衷
晴暄連日得天幸承平累世丁我躬腰鑣既喜黃雲
刈滌場亦慶綠野同八蜡遙通歌吹起三時不害農

衡山集卷三

九

修汲堂

事終耕收並自普民力開闢何須占歲功長腰楚米
下江漢吳商賽大明朧朧我騎白豹上峯頂酌酌禹
甸瞻南東

雲居峯

危峯入層雲鳥道盤空窄喬林秋色開幽洞陽光射
樵者久爛柯仙翁自煮石寺蹲獅子林坡剩金牛跡
長松怒簸濤濤飄風響裂帛客心澹無際一亭坐凝碧

有礙
碧亭

紅花峯

紅花彩煥爛千丈凌丹梯神芝晚塢燼翠鳥秋山啼
崩石蔽乾竇蒸雲洩坤倪蕪沒洞門觀碧草寒萋萋

松薪樵子拾茅栗狙公齋靈源不知處悵悵夕陽溪

雙石峯

窈窕秋嵐姿雙峯天際矗長松隱雲坳古寺依巖麓
緣藤竄蒼鼠俯澗飲白鹿溪光動危橋烟氣秀群木
蟹行斗絕徑螺轉朽空谷獨立玉虹亭洗眼看飛瀑

岫嶠峯禹碑疊韓韵

鴻荒鑄鏡第一碑神靈剏制何恢奇脰毛既盡荆榛
披火焚山澤駢蛇螭鄭樵生晚尚莫窺何況崔融禹
錫與退之我亦懷古情淒淒湯盤孔鼎器滅沒空誦
其詞黯傷悲

響石

衡山集卷三

十

修汲堂

荒荒岫嶠尖瓏玲有響石受命衡山君輒應嘯呼容
似答語轟轟亦和笑啞啞吁嗟時之人各具喙三尺
有悔舌須捫無言耳免逆我欲與石居高吟共日夕

後洞山口和朱子韵

繚曲西巖路松門翠靄深泉飛雙澗白雲過半山陰
飢鳥連翩下清猿自在吟窮探何所得幽靜愜吾心

碧蘿峯

瓊輪蟾仰望澄暉透玄明奇哉造化手圓空宛天成
緬想元黃初一氣分清寧誰何巧搏換肖物流真形
詎謂此偶爾秋魄凝精靈祝融一逕下蘿月東光生

白牛堂

在上
封寺

老桂蟠深徑蒼藤繞古廊重持玉鳩杖直上白牛堂
元化松成石清機月似霜伊蒲供一飽甘寢就繩床

上封寺前老桂歌

上封寺前萬桂樹太古以來隱雲霧鐵根糾結石龍
從火維磅礴精靈聚清夜嘯呼風雨來連山搖動疑
奔雷夢魂驚覺拓牖戶潑天月色鋪青苔金銀地馬
杓杆影大瀛海移祝融頂虬龍天矯出空明翻波飛
舞秋光冷形模偃蹇枝相樛清寒地位寒颼颼興剛
有斧斫不得盤踞九千七百餘丈之峯頭樹樹如山
鎮截岌嶭皺露漬蒼皮濕赤帝宮中日月長元氣溟
濛恣呼吸憶遊泰岱多老松老松與此筋骨同天教

衡山集卷三

上

修汲堂

共秉後凋質獨喜不污去聲羸秦封光天壇作藏春塢
此樹此壇並萬古赤精子與同輩行歷劫空山相爾
汝

祝融峯和韓韵

祝融峯頂朝雲起食頃鋪滿乾坤裏驚地風來迅掃
空一團月墜西巖底雷池澹澹波不驚息聲免惹乖
龍嘆雲海收回風穴閉研羅萬里秋天清

乾坤勝覽亭長歌續短歌

昨年我登日觀上放歌震宕乾坤亭祝融峯頂今覽
勝七十二峯無剩青縱目直過天池外羊角鵬搏何
足怪蓬萊左股指羅浮離離南斗橫空掛却看瀟湘

洞庭青烟浮秋波一溜寒悠悠九疑雲氣潑曉黛重
華不返湘娥愁秦華恒蒿遙拱揖霞嵐一氣相噴吸
元嶽怪我遊獨遲會向芙蓉頂上立我今行年六十
餘眼看萬事浮雲如一身漫浪終何得安問子孫賢
與愚老去同心渺何許空山麋鹿渾堪侶恨不雲眠
若箇峯長與林泉成太古只今衡嶽踏青鞋白衣山
人安在哉色難塵寰啄腥腐獨酌虎爬泉一杯虎爬
泉水冽且深一杯酌我清我心石室金床隨處有是
非了了判昨今天台雁蕩吾曾到石梁龍湫動長嘯
秋光冷漾東海遶碧雲一片飛晴昊寸心感慨懷舊
遊衰淚灑空迴白頭躡風高舉尋吾契只有平生朱

衡山集卷三

上

修汲堂

鶴洲

雷池

雷池倍深窈寒碧照穹巖娥影月輪墮仙書苔石剝
垂蘿猿就飲落葉鳥爭銜信有神靈在坳泓迴不凡

風穴

欬吸土囊口訇然開石扉急催陰雪散倒送瀑泉飛
山嶽呵噓氣神靈橐籥機衝寒吾不怯一任亂飄衣

龜石

衡嶽峯頭石元龜首欲昂十朋聲價重千歲壽年長
氣納雲英足圖皴蘚色蒼未須鑽汝甲吾意信行藏

虎爬泉

一泓寒澗濺傳是虎爬泉漱玉泠泠白濺珠箇箇圓
銅銚僧慣汲瓦銚客親煎却憶故山寺酌來清可憐

高臺寺

古寺依神嶽身臨絕頂來連筒注秋水一杖卓高臺
日月清暉合山川曙色開雲堂擊磬聲空外的悠哉

穹林閣和朱子韵

金光一溜炫湘東海日初凌殿角紅人在翠微深處
立更無塵土有清風

獅子泉

狡狴雲際下翠石巧鑄形下有寒泉注淵然德水淳
洗心從澹泞鑒影俯清冷侵曉僧雛汲將花供淨餅

衡山集卷三

圭

修汲堂

靈禽峯

空山藹和鳴笙簧鼓仙曲紅碧競鮮明秋羽飛翩翩
帝樂張洞庭韵流湘水淥靈禽得遺響清鏘奏巖谷
靜聽坐磐石泊然平衆欲音寂神亦凝明月照林屋

祥光峯

鶴鳴晚山空秋氣動林樾馳烟來羽人劇翠闢仙窟
鮮霞巖椒採巨珀松根掘石泉瑩清瞳陽阿睇鬢髮
耽幽虛白生習靜天光發靈田攬奇輝晦夕吐明月

巾紫峯

一往入端嶠層曲盤翠微遊當秋晃朗空憶春芳菲
已失杜鵑紫惟見蝴蝶飛遐哉古文命升高睇九疑

重華去冥漠蒼梧雲不歸潺湲石澗水冷赴流杯池
虛亭憩客影滿眼涵清暉

開雲嶺

兀突開雲嶺當年默感通千峯掃陰晦一氣展青空
獨往當秋霽高吟上祝融野夫荷神貺亦得御清風

雲獅

嗟爾含蠕動如蠶石上栖之虫竊名號亦與小狡狴
兩虎

於菟因雨出似蛭非毛羣生擒詎云勇浪詫裴將軍

寶露壇

維昔高辛時丹邱獻甘露盛以瑪瑙甕涓滴勝瓊乳

衡山集卷三

古

修汲堂

舜遷諸衡嶽寶壇壓烟霧南巡賜百辟有若遍大酺
其下起月館清宵望顧免斯言豈謂然聖德滋延慕
幽荒拾遺記聊用資掌故皓魄麗中天遺蹤渺何處
偕隱行奉懷宗少文作

吾慕宗少文老偕羅氏婦衡山深處結茅廬巖壑相
將同矚首嶽中不用對三花門前底事裁五柳祝融
天柱隱雲龍諮議參軍擲芻狗老來萬里謝間關但
令滿壁圖名山冰絃一鼓動衆響斗室激耳鳴琮潺
宜言飲酒共醉醒畢世卧遊于其間舊隱當年在何
處白石青松藹雲霧躊躇懷古動深情獨往荒山淹
草屨老妻亦復捐塵慮每約相携採藥去深山何地

不桃源深入蒼蒼烟水暮葛洪夫婦燒丹砂劉綱倡
隨共仙槎老夫不希名姓登丹籙且願挈婦凌青霞
巖扃幽靜儘可家黃精爛煮香漬牙嬉遊無事隨麋
鹿遂與山林成主客免向城市聆罵詈

峒嶺追枉詩札却寄兼懷王近顏者輔疊韓韵

論交四海憶孟公訪我故人南嶽中所居南嶽嶺南
路光氣盤礴生魁雄山重水複入幽邃引我清興方
無窮石梁一道跨虹影虛濤萬斛鳴松風雲迷峒嶺
最深處不逢樵者何由通戶外方塘漾碧水一鏡秋
皎涵虛空豈其到門不見戴正爾逢人空問融酒墨
敢題九鳥字鑑影嗟俯馮夷宮我已飛躡萬山翠君

衡山集卷三

主

修汲堂

猶悵望斜陽紅尺書忽若獲青字完壁祇用卿丹衷
謂却凌雲萬丈詫巨手滄海一粟捫微躬等身著作日
已富聯床談笑胡能同盍簪無緣朋並散思賢有操
歌難終寧忘三人對影地正擬一日抽帆功手書報
章自稠疊眼花蠟炬交朦朧相思倘命千里駕幽居
寥濶尋牆東

霍山

南嶽實阻修三湘憚公沂雄侈漢武帝亦沮登封步
秩祀移霍山豈謂神靈聚要當副名嶽龍虎驂雲輅
起望金斗遙蒼蒼但烟霧明辭祝融君往拂凌霄樹

嵩山

嵩山亦嶽副請命于軒皇輝赫赤蚪車輔佐臨朱方
我登衡峯頂咫尺摩穹蒼萬靈萃南極電掣蕩飄颻
嵩君秋會讌神來服紫光安得飛仙挾從騎駿龍翔

回雁峯

回雁峯稱南嶽首百里雲扃悵失叩雁麓參差錦樹
深石鼓嶙峋碧苔厚一峯形勝臨蒸湘江散夜聽波
茫茫合江亭酒昌黎筆萬古綠淨流清光遙想朱陵
啟後洞水簾倒挂烟霏重太虛有路引仙靈清夜無
聲度鸞鳳我步靈臺望渺然珊珊響洞門前月影
通明不得入却怪扁鐺從何年一杖衡烟我未老他
年靈境終須到且往梯登嶽麓峯道鄉臺上晴雲掃

衡山集卷三

十六

修汲堂

舟發衡山

晴看靈嶽勢開張括盡秋容翠一囊回首雲霞萬
疊迎眸波浪破三湘童蒙香草拈芬馥仙老星槎汎
渺茫尚惜雁峯虛涉歷墨花不洒到衡陽

石灣洲

一葉隨流意渺然烟波明澗夕陽天阻風早向灣洲
泊中酒遂偕鷗鷺眠漫客行程任淹滯冥心到處總
安便由來踪跡同漁父飄兀蘆花淺水邊

三江渚

一色丹楓照遠汀微風縐碧水冷冷扁舟艤在三江
渚客子倒殘雙玉餅缺月蟾蜍偏自白深秋蘭茝有

餘馨平生夢繫瀟湘好沙淑從舒老眼青

斑竹磯

斑竹磯邊樣客舫炊烟曉帶林垌晚風吹浪回湘
浦明日張帆下洞庭鐘磬清冷來遠寺鳬鷗自在汎
寒汀月明誰復彈瑤瑟腸斷當年帝子靈

朱亭

騷人往復在天涯省記江亭散水花無那清秋阻風
雨未教信宿到星沙夜深似聽湘娥瑟月黑難浮海
客槎不斷沉吟哀屈賈湖南懷古一長嗟

貫田

貫田雜樹未飄零氣暖南州耐蔚青兩岸林廬雲幕
衡山集卷三 七 修汲堂

第一江烟浪雨冥冥餐將秋菊為仙餌讀得離騷是
楚經人事若教都愜適風應分送往來舫

四季山

峻嶒數片小山幽也似蓬壺傍祖洲飛浪常時穿罨
窳神工底事費雕鏤景探靈嶽紅輪曉夢繞長沙碧
樹秋鵬鷗何須論大小逍遙是處總堪遊

招靈灘

橫江矗起何孱顏洶湧欲看波連山長年三老好身
手客乃寄命起險艱夾峙巖從陡入峽排列縱橫紉
戟揷猛蛟逃遁氣不驕孳象憑陵勢難狎半流颯還
掀衝風黑雨萬點飛虛空胎浪砰天乍崩若勁弩直

射冰夷宮眼看檣傾柁復仄前舟呀叫無人色雲濤
白日倏晦冥神鬼蒼茫意莫測我仗平生忠信存扁
舟不愁波吐吞沉湘詎少魚腹葬巫陽不下空銜冤
天陰啾啾哭聲繁慌排烟霧頭如鼉誰何手奠椒漿
尊秦篝齊縷招其魂

湘石

湘石凌空架突出標嶺岨上有冥冥之烟霧下有洶
洶之波瀾黑雲狼籍楚雨大碧樹簌蕩秋風寒野翁
結茅錦石端坐觀檣帆往復還客子遠道來間關舟子
盪漿何時閒唯我蕭然無一事南浮只為看山至晴
明杖破祝融嵐迢遞衣指嶽麓翠前行向背窮九疑
衡山集卷三 七 修汲堂

瀟湘綠淨搖清漪斑斕淚竹臨江活秋蘭紫莖香菲
菲月明憫恍遊湘妃文魚鱗鱗交媵之紛吾浦淑沿
遭迴揚舠擊汰歌楚辭此間窅窅濕翠微大雨歸去
小雨飛崢嶸黃牛聳翠峽縹緲燕子凌江磯山靈川
后喜郢客幻出烟景供娛娛

小麥港

小麥港頭秋雨微數家臨水開荆扉漁翁鳴榔出口
去水鳥得食凌空飛遨嬉烟浪忘聲遲速寄謝朋儕
無是非薄寒中人趣茗芋未用倒篋尋生衣

株州

濩落心情老去孤愛浮大舫入江湖萬形變化從時

彥一醉情騰得故吾塞雁風中行斷續湘山雨裏翠
模糊荒州寂歷烟波晚待免何人尚守株

小姑山

月暗小姑山濛濛隔烟浦偷嫁荷深憐不嫌小家女
相與情顛倒傾身奉郎主明開江心鏡羞眉更覺嫵

大姑山

大姑曉粧成渾憂嫁不售一夕忽目成楚雨飛滿岫
湘水綠綺衾嬌癡倩郎覆似聞姑小姑烟空螺髻秀

湘潭

湘潭郭外繞千家無數檣竿矗水涯久客藥殘囊裏
裏深秋髮益鏡中華鵝黃催馮盈尊酒鷺白看分隔

衡山集卷三

亢

修汲堂

浦沙一片烟嵐含雨氣青峰何處辨琵琶

琵琶山名

昭山

一山峭崿靄烟嵐秋樹祇林暝色參鹿苑層霄隱金
碧蛟宮千尺澗青藍高邱尚有愁雲覆清井懸知德
水涵騷客豈如禪入定可能無意弔昭潭

鵞潭

深窈鵞潭漾碧漪泐不住曉風吹峯開雲霧髻初
晨燈映江波星倒垂夜半猿聲清斷續烟中鶴影冷
迷離女蘿蒙密神靈聚上有丹青孝肅祠

包孝肅公祠

千古威聲震耳聾森森綠樹繞祠宮當時開節真難

到在世間羅孰與同蒼鼠飛騰掀古瓦怪鷄叫嘯舞
靈風人間不少黎邱鬼空見鵞潭賽火紅

建江湖

一泓湖流入建江望中烟樹碧幢幢芙蓉薜荔風中
亂鷗鷗鵲鵲浦口雙舟子喜晴拋筇笠巴人愛唱叩
船窓千秋幽恨懷沙賦不斷騷情繫楚邦

猴子石

石猴蹲踞肖形奇誰運鉅鑪鑄汝為未繫金環歸洞
府猶看玉魄仰江湄無聲免下巴人淚失侶還增朔
客悲差幸天高風急候宛然父子不相離

旁有小鏡

衡山集卷三

干

修汲堂

衡山集卷三終

門人梁曰源騰馮

衡山集卷四

錢唐桑調元

詩四

長沙

雅愛湘江景色賒不嫌卑濕到長沙寺樓映水明於
畫楓葉經霜艷似花騷客含情須弔古遊人選勝即
為家況看雲麓峰頭在策杖豪吟詎有涯

南嶽宮

雲樹城南曲徑通淡烟疎雨晚濛濛僕收柳粟移行
李僧具袈裟見寓公茗色泉清涵白雪鐘聲秋曠響
寥空為遊南嶽浮湘至僑舍還教到嶽宮

衡山集卷四

修汲堂

嶽麓峯

衡峯盡處攀雲麓秋林寒碧穿岩谷蒼筤千箇掃穹
蒼玉泉一泓飛鳴玉梯雲鼓勇登其巔瀕湘南北盡
目前綠澗微茫洞庭水點凝晡蒼梧烟回首嶽頂
盤旋處祝融天柱橫烟霧神輿回轉赤龍鞭靈臺下
拂焦明羽秋波蕩漾橘州隈層層宮觀丹霞開星沙
帆落浦中雪城郭蜃結雲中臺芙蓉千仞馮虛立宇
宙中間百感集日車難遣壯士翻滄海空思長綆汲
萬物元機歛出入百歲春秋一呼吸古往今來傾蓋
間有段名賢標載爇天光燄騰朱張如椽大筆題
道鄉道鄉臺高矗霄漢使我弔古心傍徨諸公名與

天俱長清遊遷謫留耿光我獨浪跡經炎方空洒靈
岩一斗墨日落遠睇天蒼茫

道鄉臺

臺勢飛凌百仞巔道鄉名比日星懸休論風雨孤帆
度且喜龍蛇大字鐫雲麓標題非偶爾蠻荒竄逐亦
悠然山僧遇我塵中客許借匏尊酌玉泉

玉泉

名泉涵玉色石眼漱潺湲秋氣昇林壑清流漾麓山
妖精遁形影幽幽客淨心顏品第邀桑苧茶經不可刪

道林寺

道林勝地已荒涼竹徑紆回到梵堂野鳥爭巢亂烟

衡山集卷四

二

修汲堂

影殘僧力穡足秋糧溪山却喜涵真趣鐘磬何嫌冷
上方岳麓寺猶遠十里玉泉南亘翠厓長

岳麓書院

雲麓山氣橫扶輿人文上燭朱鳥墟朱洞關院茅始
耒山長周式士之模藏書杰閣捐天衢考亭南軒古
真儒元精耿耿一氣噓碑字照耀千驪珠瑩入心腑
清光舒長沙講壇洙泗如廓然大道九軌驅賓賓矜
佩一千徒泮池流水穿階除千柱耽耽環齋廡供饌
充給田膏腴後來古礎纏榛蕪陳綱掃地開林閭舊
觀差復寧如初雜蒔竹木規風雩琅琅絃誦安厥居
黌門坦迤尋修途秋林晴翠流泉紆紅垣繚繞落葉

疎崇道祠下恭樞趨鞠躬拜起心踟躕我亦南浮烟
水區祝融絕頂盱精驢蓮峯方廣雲拂裾嘉會古堂
三嘆吁二賢跡與穹壤俱雪月皎皎澄冰壺當時景
光清詩摹愧我獨吟聲豪麗徒然老戟霜眉須打頭
颯颯楓葉枯誰知涉歷經微軀前賢過化芳澤敷湖
南萬象猶涵濡惜哉金碧矗紫虛冷落無人空日晡
回首躑躅蒼山隅

憮然行疊韻并序

岳麓書院講堂爽塏齋房精整今生徙遷於城南此
蔓草盈堦矣觀院外山水盤紆風氣完固洵屬藏修
隱區徒使岳麓寺千載鐘板不墜為憮然者久之乃

衡山集卷四

三

修汲堂

作此篇

嶽麓書院誰權輿朱公首闢爽塏墟五百頃把春農
鋤列屋供饌恢鴻模饗門十里成亨衢大開壇席延
師儒育才一氣春陽噓寔學不求象罔珠六經抽闢
大文舒紫陽提唱光炳如駸駸大道追前驅小大于
邁聖之徒中間摧圯重掃除六百載並依精廬星沙
此地寔上腴前賢勝跡寧教蕪一自城南啟門閭講
堂齋房拋置初冷落壇墀若廢書林木聚散鳥鴉居
周垣雖繞草滿塗山川林壑空盤紆前時主者作計
疎湘洲風浪愁奔趨一帶間渡偏踟躕豈知藏修貴
輿區山深喜不搖清臚殿呵底用駢簪裾遂爾中廢

良可吁守祠單丁無耦俱春秋祇一陳尊壺鼎願寧
碑手孰募青苔半蝕黠畫巖掃壁留題拂鼠須慨思
賢聖幾凋枯但留佛寺黃金軀祇林葱蘢色榮敷亟
復舊觀無淹濡亭樓丹碧庶勿虛依然弦誦連朝晡
無力悵望徒向隅

謁崇道祠

倡道來南極遂成鄒魯鄉並延千聖脉高闢二賢堂
靈爽留天壤光輝仰棟梁何人振遺緒絕學復光昌

謁道鄉祠

崢嶸道鄉字臺仰紫陽題岳麓清風接祠堂古木齊
荒江餘照耀謫宦不淒迷獨往空山裏丹楓滿故蹊

衡山集卷四

四

修汲堂

謁六君子堂

榮煌六君子先後接芳蹤岳麓營壇席書樓振鼓鐘
烟含青草暝鳥破白雲封最憶周山長風零共景從

中庸亭

哀周生隱怪述聖作中庸講席存餘論儒門得正宗
荒烟籠遠水明月下高峯此地今蕪沒其誰覓舊蹤

岳麓禹碑

元夷使者收禹碑洪荒真蹟韜瑰奇乾坤神物不終
秘修露至寶沙重披鐫篆蚪蚪鎮岳麓黑夜雷電驚
豹螭我思包山靈書世莫窺左神烟霧覆護之洞門
失局鬼竊去昔遊臉湧波漣洏乃知天地大文匪易

守一暮青字消餘悲

李北海書岳麓碑

名喧李北海競瞻眉宇奇碑版走天下高蹲岳麓陞
法書鎮禪窟龍象生光輝吁嗟閭邱却佛力不脫之
金壁胥唐捐可用醒氓蚩

岳麓寺和杜公詩韵

岳麓古寺烟景殊青嵐縹緲波縈紆赤火毬躍海中
昂白銅鏡拭天邊湖沙門獅象蹲初地巨靈掌齋鼓
大鑪塔藏聲聞辟支佛月湧大寶光明珠鹿女走沾
雨花去鴿王飛繞風幡俱琳宮峨嶸森鐵鳳祇林蒙
密遮金烏優趺曇開播芬馥妬羅綿散歸空無鸞嘯

衡山集卷四

五

修汲堂

忽傳林谷動猱騰詎用竹杖扶木芙蓉可供採擷酒
樽杞免施譏誅未厭羽觴倒霞液亦愛石銚烹雲腴
魚龍沙水九秋蟄鳥獸風雨三更呼須臾瞥過百年
眼滄海淹留一粟軀閒房坐卧意自得長生久視誰
能圖屈平沉溺足幽怨賈誼遷謫傷羈孤半日偷閒
笑局促一覺清夢安徐于虎岑堂高且隨喜扁舟去
住憑野夫

岳麓寺不鐫杜公詩碣亦一缺事作此以誌

好事者疊韵

詩聖述作綵色殊裂下星機雲錦紆手題岳麓道林
寺詞瀾倒翻洞庭湖玉泉赤沙萬烟景一氣搏攬投

洪鑪初地金銀爛照耀飛射顆顆驪龍珠白毫光尚
有興滅萬丈蛟與名山俱虎岑已入涅槃去古寺歷
劫馳兔鳥鴻篇永永鎮佛國不隨幻化歸虛無謂宜
洒落龍蛇跡穹碑卓立人天扶敲火礪角着牛牧定
遭鬼責兼人誅大歷到今一千載胡為聞寂勞嗟吁
藝林不標一片石禪窟徒裝丈六軀未見奇文篆鐘
鼎何異法物拋地球誰與好事補勝跡急礪山石蹲
給孤洛誦響拓定填咽坐見海衆來于于嗚呼何時
眼前兀突見巖巖表出浣花叟句由潛夫

上陳公榕門

用岳麓書院韵

光氣所貴瀾方與文明尤燭南離墟經訓蓄畬千耦

衡山集卷四

六

修汲堂

鋤道系專標人楷模時值昌運騰高衢榕門先生今
大儒一麾士氣從風噓濁水照以明月珠正史衍義
大文舒炳耀規戒琳琅如在官亦復範馳驅陶甄不
遺斯人徒學從妄語先掃除凍水集散學子廬一編
近思咀道腴此叙先生纂刻詩書餘山門下舊學蘇汴上講席開堂
閭栢臺咫尺拜謁初諸生童冠冠隨舞雩夢繞松楸思
林居二月遄歸雪載塗叮嚀約還情縈紆天慳清緣
遂濶踈移節閭嶠失步趨闕山悵望久踟躕尺書遠
道明區區重臨關中盼雙臚身隔龍門難捧裾道山
銀榜仰嗟吁道山書院門榜先生所題精魂所結形影俱湖南烟水如
蓬壺豈徒衡湘清景摹迎公鎔我氣質羸鴻鑪鑄人

殷相須久遺世故忘苑枯要乞致歲施我軀形檐初
駐文教敷朱張古澤重沾濡寸心深惠澤太虛魯陽
戈揮晚景晡老睎有聞侍坐隅

陳公座上知朱性之消息疊韻

前年冒雨駕馬輿華遊獨入鵲首墟西人方秉種麥
糲過訪老友清臞模有子為令升雲衢風流為政本
于儒哺字凋瘵摩且噓流離饑歲米如珠勸賑分濟
眉全舒男勇女戴欣欣如意與杜母名齊驅筮仕不
忝為吾徒遣騎迎入躬汎除解裝幾日淹吟廬養堂
並勸羅甘腴去登三峰踏秋蕪昨攀東岳青石間道
遙一杖遊如初還謁孔林過魯雪遂辭中州返里居

衡山集卷四

七

修及堂

今春轉問南閩塗扶病往復仙霞紆關潼阻隔緘書
踈老健邁向衡湘趨却梯岳麓吟踟躕喜逢王節星
沙區引入廣座加青臚飄飄為把蘿薜裾齒及茂宰
嘉且吁蔚然官職聲名俱皎如清冰瑩玉壺有碑在
口勝鏡摹當書上考才非羣遷擢要地時所須醴泉
膏澤物不枯公府遠念物外軀只道汴上重席敷豈
知遊履草露濡千山萬山凌碧虛望遠起對西日晡
宵夢馳自天南隅

陳公以實學傳燈匾言顏餘山先生祠堂仲

夏雷公翠庭銓題山仰餘光額疊韻謹記

鉅力撐扶蓋與輿昭揭潛德揚幽墟餘山先生少秉

鋤大闢周易標型模浩然元氣還霄衢陳雷二公當
代儒閩粵道氣橫交噓山輝韞玉川媚珠正誼明道
追仲舒觥觥踐履前賢如說經鏗鏘推並驅大聲振
起章縫徒眼前學節悉捐除如砥直趨周孔廬紛華
不敵道德腴講壇書院清荒蕪有嚴祠堂在井間禮
庭拜跪儼如初客遊山川過皇雱長沙有皇雱山野服入謁專
城君實學傳燈光照塗龍蛇飛舞點畫紆表彰相須
遇不踈歸上銀榜群靈趨感動學子行踟躕仰瞻輝
耀滄溟區先時仲夏燈射臚肅捧四字正冠裾山仰
餘光起嘆吁恨不一堂談論俱大書雙懸告濯壺紅
印屈盤篆籀摹梓材樸斲懷楠櫨有生無悶誠何須

衡山集卷四

八

修及堂

精氣不隨草木枯斯文責在守待軀廟壙松栢愛芬
敷凜然霜露春秋濡名賢稠疊表豈虛日曜群蒙永
不晡小子涕泗天海隅

悲歌行謁賈公祠敬題并序

祠為公故宅並祀三閭大夫舊有治安堂奉公獨醒
堂奉屈公今二像並坐主客不分是司土者之責也
為作長歌吊之別作一詩吊屈

賈傳乃是王佐伍區區管樂何足數道術正是董江
都志慮純如葛忠武規模悲仿三代前漢策當與周
書傳君如漢文不得用古治不復天使然長沙還謫
纏坎珂充塞乾坤此恨大深交絳灌是何言卑論何

曾值一唾當年大計規治安風前展書感百端就中
厲俗尚廉耻令我壯激輪囷肝吁嗟四維由此壞未
流橫決吁可怪衣冠也復闢儒門聖賢籍裏名空掛
湘川渺沅當高秋古今天地長悠悠呼公不起瞻公
像哭抱公足悲涕流洛陽天生此年少千古龐眉虛
老老前席空憐問鬼神茫茫客思臨江吊

賈公井

此地俯遺井差堪湍涕痕不教王澤竭賴有古泉存
寒澁星沙影清通湘水源微馨從濯取拜手薦蘋蘩

弔屈大夫歌

雲冠瑤佩誰徒倚楚之孫兮庸之子繁憂浩渺懷君

衡山集卷四

九

修汲堂

門君門信猶猶犬存江潭孤影誰復弔女嬃申詈漁
父笑問龜不知仰問天紫壁淋漓空復然懷沙吟成
日月白汨羅直下三千尺夫君去與重華遊九疑連
綿雲為愁烟波茫茫葬魚腹梧楸迷離山鬼哭帝閭
招復遭巫陽周號上下兼四方華軒女樂陳鐘鼓荃
亦何能釋愁苦漢廷遷客啣離憂哀辭迢迢托湘流
東風飄送神靈雨冤魂交語長沙渚雙料桂醕酹蘭
堂小招疊放醜浪浪

橘洲

香發清秋橘斜陽照一洲魚龍寒水熱樓閣碧空浮
南岳千峯麓東吳萬里舟湘纍曾作頌寂寞吊高邱

定王臺歌

定王昔作中天臺西望宮寢攢崔嵬漢制分封當就
國秋雲斷碧王心哀王心纏綿露天性曠隔晨昏雙
淚迸高臺久圯杯土存仍教百尺標形勝我感帝子
增忼慷千秋馮吊臨清湘今人生從白板屋偶爾富
貴遙遙荒惟思黠貨兼漁色意態驕痴恣溺惑誰能
念母默懷傷綵佩明珠兒自得倘令生長瓊瑤宮千
乘萬騎裂土封渚宮蘭臺樂忘死快意不辨風雌雄
嗚呼此地留巖嶧唐姬生子名不滅玉几金堂詎解
憂孝思一片江千折

江神廟歌

衡山集卷四

十

修汲堂

橘洲臺閣凌空起金碧瑩煌映江水蜃王噓氣似朝
霞驚遁魚龍窟宛徙琳宮天半鐵鳳蹲闔黎鐘鼓鳴
朝昏金地沙鋪大堤估剎竿燈照湘江魂一樓侵漢
標拱極簷端夜澠瑤光色三面秋波動蔚藍雪帆萬
疊搖江國自從闢殿祠江神神闔綽楔尤嶙峋鷗吻
突高三百尺水怪屏息波鱗鱗當中金字書票主此
意尊嚴最近古方花柱礎屹丹楹雄龍捲尾瘦蛟舞
我對江神面不慙無田早已抽朝簪自愛青山踏鬢
鬢寧羞白髮垂髮鬢鬢放一葉衝江潭布帆無恙風
西南晚汀隨處激餘酣再拜無求辭神龕

奉留別陳公疊韻

鼉江星沙歷舟輿訪公僑寓楚村墟枉沐旌麾草不
鋤更從談讌親範模至言引我康莊衢說書平實崇
先儒一物亦被和風噓祇恐魚目混明珠得聞竅要
方寸舒餘山先師陸張如浙西浙東同途驅門庭親
炙忝為徒童齡一心志後除講壇當日開茅廬不曜
外美舍中腴只今祠屋蹲寒蕪遺風嚮慕依鄉閭吾
與點意憶厥初髣髴風浴追沂雩鉅公椽筆表里居
豐碑光照松阡塗祇緣道脉心蟠紆湖南光氣紅扶
疎手導學川橫奔趨昨瞻岳麓千跼則中庸亭應掃
荒區多士為目環瞻瞻姚州迢遙仰襟裾表彰四字
欣且吁燈傳實學精神俱先生以實學傳世為臨
言題餘山先生祠歸當潔蠲薦

衡山集卷四

士

修汲堂

尊壺銀榜大書恭鐫募社標生成材地麤老去擁腫
非時須深山歲月信榮枯仔肩墜緒慚薄軀沛然德
教甘膏敷還望他年涓滴濡往歸今已寔我虛雲帆
欲挂日未晡離情波繞湘江隅

城南書院疊韵留別陸君

确犖山石來復輿城南一徑開荒墟書田廣闢新芸
耒一準岳麓崇規模側近睥睨侵虹衢講堂濟濟盛
文儒兀突樓臺疑蜃嘘仙才統領集藥珠騰踏衆駿
意氣舒剪剔五花伯樂如隆隆殷耳鑣轡驅洞主本
屬東馬徒清鏘璫佩下玉除飄然謝直承明廬已箋
藻思何敷腴詞條老手摹繁蕪我熟君名自里閭相

携高步金門初當時龍見憶始霄衝雨遙別長安居
踰時往復軟紅塗槐街走覓情纏紆一從賦歸音問
疎客遊稀復下風趨千里明月望踟躕衡門水竹拋
一區家居旅食空凝臚竭來湖南羞把裾鬚鬢皓白
交驚吁浮蹤喜得暫相俱苦欲醉我雙玉壺湘江水
墨不可募天高沙冷鴻報羸捨此烟景更何須暮天
搖落秋林枯東西仍汎萍蓬軀子留勝地化雨敷別
淚底用衣襟濡道故慰籍良不虛桑榆妍煖看晚晡
招呼吟讌西冷隅

城南書院有感作并序

城南書院古額係張公紫巖所題自儒派別驅好詆

衡山集卷四

士

修汲堂

朱子謂紫巖行狀出朱子手津津舉殺曲端敗于符
離為口實辭成于紫巖所以周內朱子也用慨然有
賦

真儒統系繼孔孟欲詆每苦無其端偶窺行狀喜得
間牽連指作平生癡符離敗將誠失計枉殺曲端吁
繆鑿中興到底數名臣功罪不掩春秋例豈其敗類
同汪黃乃以黨惡詆紫陽行狀臚陳自取節寧將罪
案陳朝堂議者之口不內省濡毫只艷黃金餅諛墓
千言皆子虛不顧觀者齒為冷南軒道脉由五峯岳
麓連夕論中庸紫巖易義亦炳煥詎緣子聖蓋父凶
飛矢如蠱有意發痛啣正學攢誅伐侏儒觀場亦隨

聲衆毀何曾傷日月城南書院泝厥初鬱律門榜張
公書振興文教不具論感事三嘆增煩紆

合并行疊韵贈陳君

桑戶莫逆視子輿大都生同水竹墟蓬蒿三徑時教
鋤遊方內外偕形模各天遼濶萬里衢山澤誰尋列
仙儒歛然會合雲龍噓形穢側近玉與珠對看雙眠
青交舒誰謂傾蓋膠漆如騷雅攬轡叨齊驅寸心並
與古為徒當前萬事悉破除豪吟便爾震林廬壯君
才藻殊華腴湘江秋盡采薺蕪高冠切雲追三閭摘
辭豈復輸古初藝林後輩如禱雩沾溉詞源動不居
餘波綺麗瀾川塗一瀉滄溟開鬱紆念我遽別旅跡

衡山集卷四

主

修汲堂

踈苦遯曲室步履趨意氣許與無踟躕知己床闥聯
八區下上千古遙瞪臚昔人恨不把我裾悠悠天地
動悽吁喜得並世几席俱歌呼放志乾千壺直抒胸
臆無臨摹筆搖五岳寧云麤王侯將相吾無須墨瀟
滔滔睎不枯今日委君七尺軀如蘭之言芳意敷狂
書石上頭髮濡天寒虹氣亘碧虛盤桓朝霞連夕晡
夜深月上東江隅

去矣行疊韵却寄陳君

并序

陳君邀予談藝約掃曲室不見一客既赴主方出而
客忽直入遂行却寄此篇
以神為馬氣為輿四海八荒非遠墟心之紛亂立莫

鋤行雲變幻無定模須臾立語臨交衢拉邀乾坤一
腐儒風騷同氣相呵噓的的留看盤中珠晶光皎若
明月舒欲不暱就將馬如亭午整駕趣疾驅準擬把
臂曹劉徒儵然野客來前除芭蕉葉響風中廬頭進
茗椀吸雲腴子猷看竹繞庭蕪裴褰幽境登仙閣清
綠歛斷願遠初魯東門外如郊雩享祀鐘鼓驚爰居
我獨超遙尋冷塗神雖綢繆形遂踈原非倦羽慵追
趨衝風吹破難踟躕他年或到貴竹區山川瑰奇廢
客臚銅鼓山頭捉雲裾長嘯林菁消啼吁金牛湖得
雙影俱兩隄孤嶼如方壺四時佳景堪吟摹我試與
子言其麤淺深有得心所須湖山映發潤不枯湖心

衡山集卷四

主

修汲堂

亭子遲君軀一帶裙腰草色敷免毫飽向清波濡今
宵殘月空涵虛一鴻寥廓冥寒晡多情勞望青天隅
別岳麓峯疊韵

幾日小舟泊山麓楚音舉足鳴空谷石坳噴落的礫
珠潭心湧出團圞王却憶飛上祝融巔七十二峯羅
綺前闌風連結西崑翠羅浮搖宕南溟烟衡岳全身
峴處處迤八百里生雲霧蒸湘綠映石鼓山雁峰昂
首回飛羽此山兀峙星沙隈梯登晴日烟光開直穿
楓柏上絕頂慷慨懷古臨高臺一筇迴拄青霞立目
盡三湘萬景集岫嶠碑從古壁探玉泉水把乾尊汲
文章一片靜機入清氣乾坤恣噓吸不羨紅顏羽翼

生浩歌獨放凌峯岌今晨欲去雲帆張流連却顧山
水鄉况別儒宗增繾綣烟波繞郭千徊徨洞庭浮玉
秋水長何時重到迎清光魂夢迢遞天一方長留宇
宙吾何有南遊萬里心茫茫

舟發長沙

北風連夕苦淹留喜得波平放客舟纔別赤沙雲麓
去過為青草洞庭遊江風滿眼迎朝日洲橘何心頌
晚秋踪跡不教漁父笑滄浪有曲和吟謳

湘陰

一片湘江水悲風滿碧潯秋潭千尺窈窕怨萬重深
有憫惜芳佩無人知此心投書汨羅底痛淚賈淞淞

衡山集卷四

五

修汲堂

汨羅江

蘇惟悴兮中洲期黃昏兮靈修喟信讒兮不寤徒延
佇兮罹憂國無人兮毀敗猶嫉妬兮不與我同謀懷
此都兮宗國忍他歷兮九州世溷濁兮難處從彭咸
之所居兮汨重華而遠遊緒風寒兮慘慘烟波夕兮
泚泚體葵兮魚腹魂飄兮湘流衙哀傷兮敬弔具椒
醑兮蘭羞心憤恨兮踟躕辭靈騰顧兮願少留乘回
風兮倏逝涕潺湲兮不收

屈潭

下拜湘纍廟街哀一水隅來應乘白驥去定哭蒼梧
荃蘘芬芳氣羌多溷濁塗靈胥濤噴薄冤似此潭無

湘靈曲望黃陵廟作

縹緲黃陵廟乃在湘中山舟人遙指點悵望烟波間
重華竟不返淚漬江上竹淺深斑不滅恨凝湘水淥
九疑連綿似何處尋孤墳翠華泣終古目斷蒼梧雲
月明拊瑤瑟哀怨曲三變水絃清似語曲終人不見
秋光寒盡落秋色遠淒迷黃猿去無跡唯聽鷓鴣啼
嬋娟帝子靈香霽湘江浦木落水微波渺渺獨愁予

湖口

孤棹出湖口波瀾搖遠空秋光連下上川路失西東
入手頻浮蟻迎眸續度鴻憑虛成一快輕御洞庭風

檢行篋得黃莘田任枉札林蒼巖黃莘田贈詩奉

衡山集卷四

五

修汲堂

懷賦寄用杜公蘇端薛復筵簡薛華醉歌韵
即用其起句

文章有神交有道合并豈復論遲早烏石山雲傾蓋
團當風結佩紉香草惆悵春歸人亦歸飛光倏過經
秋吳故人詩札比琅玕開篋沉吟見襟抱相思空對
楚江秋不眠聽徹清砧搗閩南仙才良有數長卿枚
叟俱黃稿傾心交結重千秋垂髮相知欽五老黃莘田
三君為五老黃莘田乍會俱看吟興濃將離更覺人情好高深一曲
素琴彈者英聯社金尊倒陳雷膠漆近已稀羨君古
誼終相保海山月白夢魂來安能高館全傾杯我今
南鼓瀟湘拖天長水濶何遠哉形骸雖似失羣雁意

氣本屬全岑苔天風吹落洞庭葉助我颯颯吟散哀

君山

秋水明如鏡單椒秀絕倫風輕近亭午林古吊春申
湖色連青草山光湧白銀通川流日夜閱盡古今人

秦王赭山處

馮陵八極遊祖龍指揮列缺奔豐隆架橋已驅海上
石避雨復封岩前松迷離追逐溝兔影詭詭圖畫江
神容湘神何神弗效順洪濤洶湧掀盲風立命赭山
恣威力射天縱暴將毋同鞭笞四海騁厥志烹滅六
國夷其宗長城巨防遣北築金繩玉檢勞東封豈知
徐福工面謾三千男女浮艤艫蓬萊明滅絳宮闕寒

衡山集卷四

七

修漢堂

裳延睇之采東銅柱鏦鏦殿陞上副車塵爛博浪中
沙邱尚未兒為戲瀉池早已神告凶湘山萬古留峰
兀有水難洗狂愚蹤靈妃自鼓雲和曲江天縹緲攢
青峰

青草湖

四際圍青草中央洶白波高秋澄日月清畫橫龜鼉
懷古醺尊酒臨風發權歌九疑何處是吾欲吊湘娥

洞庭湖歌

洞庭湖波際天濶紅日波心出復沒淥烟滅盡發清
輝飛湧空明一團月昨宵湖口泊小船看波到曉不
愛眠今晨似汎海槎去令我鼓舞興欲顛南風正正

一帆懸行歌鼓柁度大川平行簟席失險阻鎔銀走
汞翻流連沅湘自古多蒼草九秋已晚芙蓉老潛夫
不替昔人愁無限騷情付杳渺孤舟千里若乘空喜
無惡浪翻蛟龍前洲幾堆白浩浩後湖一片青茸茸
五湖烟景已得四只有丹陽尚未至恒山一岳會深
遊終須攬盡山川翠岳靈到處放暄晴川后亦遣濤
瀾平天意俯遂向禽願肯把幽興辜平生列子真成
御風返蓬窓屢傾琥珀盃出口飄飄乍落帆波散已
小湖光遠

岳陽樓

三楚標形勝危樓峙岳陽天圖秋水白日倒洞庭

衡山集卷四

太

修漢堂

黃屢病清顏老孤遊野興長江湖浮大鉢身世久相
忘

岳陽樓放歌

岳陽樓在城頭起岳州城脚揀湖底秋鴻嘹唳塞上
來一散叫斷洞庭水洞庭水濶兼天浮乾坤半浸天
南陬暮烟直羃瀟湘浦落日倒滉辰沅洲釣艇如萍
散復聚風餐露宿鳴榔去月明浩渺碧波空天上人
間兩願免飛身直上馮危欄浩歌教落層雲間東盡
扶桑西弱水飄飄欲振凌風翰芒鞋竹杖衡岳返木
落沙寒秋色晚乘興耽為萬里遊遍踏名山不辭遠
世人生挾名利腸塵中到死橫奔忙猜疑老夫太曠

蕩獨就仙叟談蜺鄉志趣我亦殊仙叟不妨泥飲共
濡首若餉囊中九轉丹何似風前一杯酒

燕公樓

如椽誰得把大手振燕公助以江山麗因之翰藻雄
波衝千堞壯雲散一樓空獨上馮欄立遙天數去鴻

臨湘

臨湘搖倒影清曉碧濛濛秋色渾無際迷魂不可招
紫蘭叢欲敗斑竹淚難消江上峯青處輕舟眺望遙

赤壁

狔犬兒郎餒虎口江陵直下夫何有激昂短歌意氣
豪臨江橫槩醜杯酒馮陵兀起紫髯公志承破虜雄

衡山集卷四

九

修汲堂

江東一劍鯨鳴斷很石奇兵飛出生雷風將軍智勇
年方少燒天烈焰江波照北軍百萬舳艫空衝風疾
捲鴻毛燎踉蹌謹免走曹瞞猛火翻令心胆寒吳戈
如霜不一擊那得當塗折老奸二喬自在雲鬟掠不
爾春深鎖銅雀風流願曲有周郎天借東風振雄略
熒熒光氣標赤烏勢分鼎足成伯圖是時英雄逆如
雨我獨心折亮與瑜騰躍卧龍翼蜀主始基一片荆
襄土終看漢鼎得三炎紫陽老筆書章武青蓋深嗟
入洛陽黃猿符瑞已消亡一輪明月照赤壁烟波浩
渺鳴漁榔

嘉魚

清霽烟墟飲孤城水一涯奔流飛客棹肉舞神鴉
米船衝風遠魚罾挂日斜秋空迴無際行雁落雲沙

武昌

兩涯樓閣對嵯峨烟靄蒼茫碧樹多幾日北風淹客
棹一灣西塞競漁歌歸雲影亂低迷窰斷岸聲喧倒
湧波却憶東吳雄振旅照江飛蓋錦盤陀

黃鶴樓

黃鶴飄飄不可留凌虛長嘯此登樓禍衡文字真為
累陶侃功名亦是浮帆影帶回湖口月笛聲催散漢
陽秋扶筇獨往平生願是處江山作勝遊

浩歌行夜登黃鶴樓作

衡山集卷四

十

修汲堂

客言漢江宵景好鼓勇復登黃鶴樓重雲如墨蔽皓
魄對岸燈火明星稠遙知管弦市樓沸吳商蜀估傳
觥籌大别山頭雜樹暗夕嵐暝漲寒悠悠江光一溜
白滉漭漁榔已息聞清謳仙人乘雀去不返三層危
構馮虛浮羽流對客把玉笛崩雲逸響鳴高秋橫空
靈靄條解駁吹開白月懸當頭却看水天色飛動勢
龍吐珠光不收恍忽烟中漢女出微步縹緲凌波遊
洞庭瀟湘一氣接驚寒遠去鴻聲道八十八窻大開
闢空明如在蓬萊洲我為浩唱元雲曲飄飄短袂攜
浮邱南城咫尺庾公榻亦有人舒清嘯不凭高四顧
有餘興還思鄂渚移扁舟

南樓

睥睨飛凌履響道剛逢明月滿南樓昔人曾發清宵興今我還為勝地遊杯到千巡孤影醉笛當三弄萬家秋鼠鬚飽漬留題處可有人傳老子不

陶侃宅

言訪陶公宅蒼苔故跡留辛勤嘗運甓慷慨遂登舟動地秋風落環城漢水流誰懷八州督枯柳滿江洲漢陽

卻月城臨夏口開無情江水碧潏洄昔人獨自成千載老子唯知把一杯高閣晴川凌駭浪名山大別湧愁堆漢臯神女空貽佩交甫閒情漫往來

晴川閣

巖薨飛閣俯晴川黃鵠磯頭接暮烟西日影沉三楚樹北風聲送九江船揮杯大醉渾忘老抵節高歌直放顛何處追尋神女跡秋空明月漾波圓

鸚鵡洲弔禰處士

鸚鵡洲吾弔禰處士一杯手酌漢水頭當風起作商榘謳百鷺鳥不如一鷺斯言真寔非謬悠大兒小兒命融修此外萬萬輩誰足入君眸筆不加點賦立就足使君文名轢萬古才藻凌九州吾不恨黃祖殺汝恨阿瞞老賊謫君為鼓吏衣君以單絞岑牟君揚袍奮擊淵淵出金石氣高萬丈誰與儔人皆謂君狂吾

衡山集卷四

三

修及堂

獨謂君效明夷柔順不獨文采紛葩流崑山鄧林勞夢想言語悽惋情綢繆不堪世齷齪嫚罵夫何尤矯首向天仰問君此辭得與青藤老子罵曹一曲並博軒渠大快不

大別山

南國青烟裊衆螺霜飛大別奈愁何楓寒有葉渾如燒漢廣無風亦自波標導內方來疊翠鎖穿陰穴激盤渦山之陰有鐵鎖穴獨携筇杖登峰頂驚起栖鳥動嘯歌

太白樓

縹緲一樓矗風流千古長郎官曾款讌遷客此飛觴走挂赤藤杖沽傾金錯囊獨斟成爛醉自得老夫狂

衡山集卷四

三

修及堂

舟發漢陽

飄然去此汎洪波帆拂晴川閣下過鄂渚全舟仙跡杳羽觴獨酌客顏酡沙因寒兔行空皎風為江豚拜浪多好向潯陽覓吟伴清齋應得和琴歌

黃州

衝烟初日照黃州水樹溟茫翠靄流雉堞雲生迷曉岫烏竿風動轉寒洲眼看破浪飛蘭槳夢想題詩上竹樓詎有利名牽客思江山勝概未全收

竹樓

元起高樓勝槩偏黃岡取竹大如椽謫居翻得騷人賞默坐全將世慮捐沙冷亂看群鳥下風高正把一

帆懸明年浪跡知何處漫隻身同不繫船

雪堂

雪下堂成分外幽遠辭玉局赴監州霜清應踏黃泥
返月朗重為赤壁遊遙斟一杯山色曉橫衝孤艇浪
花秋古今跡並飛鴻似莫計東西指爪留

蘆洲哀漁父

秋風慘慄兮吹叢蘆白日昭昭兮寢已徂蘆中人兮
窮士子不渡兮復何須子既渡兮無反顧而踟躕川
波杳渺兮送子以賤軀楚江二漁父兮志趣何殊一
濟艱危兮子胥一笑憔悴兮三閭覆舟沉兮息甚鼓
枻去兮情踈吾度蘆洲兮紛涕洟具壺漿兮為楚歌

衡山集卷四

重

修汲堂

以招之吾不汝非兮滄浪之水吾為此哀兮蘆之漪
蘆之漪悲復悲

樊口

傳說潘生酒爭停樊口船空憐蘇玉局秋月下前川

蘄州

牒子如鷺趁急流奔飛雪浪下蘄州晴空霧散開閒
慢水國寒生試小裘八尺簾從秋後卷三年艾自病
中求眼前人事拋鞢束到處誰馴浩蕩鷗

衡山集卷四終

門人梁曰源騰寫

衡山集卷五

錢唐桑調元

詩五

九江

連夕奔騰下水艤琵琶亭上闌高窓翠飛廬嶽盤千
谿湍激潯陽播九瀧闌塞雁鴻投遠浦漁舟燈火散
空江故人舊愛風騷客定擘銀箋倒玉缸

庾樓

在府治中

有客秋乘興憑凌上庾樓孟中孤月墮窓外九江流
塵壁題魏管寒空攬兜裘欣逢賢地主欲作判年留
奉和董定岩格相度濂溪書院韵二首

衡山集卷五

一

修汲堂

杖入雲岩裏蓮華照眼明圓峯當戶合活水繞田清
卓午光風轉深秋翠草生陽坡新面勢千杵動雷鳴
卜築濂溪復舊模亭臺高下占名區書堂雲氣晴飛
棟講席風聲早濫竽定岩留子為山長繁露玉杯傳世學餘山
銀榜續印須餘山先生齋名須友今將構祠堂于此清懸太極岩頭月照向廬
陰掃綠蕪

陪定岩濂溪書院視工四首

出郭已清曠兩湖明鏡澄浦舟浮葉葉岡竹挿層層
草徑修蛇蜿蜒與脫兔騰書堂新卜築陪歷記吾曹
迤度垂虹去村家結草蓬樹明亭午日衣漾小春風
青黛看山近丹黃取徑通未嫌岩谷淺步步入雲中

舊俗含淳朴熙熙樂事饒牛驅西澗牧薪墮北山樵
斷翠捎千縷深清汲一瓢最憐溪路好幽曲不知遙
乍見層霄矗蓮華一朵青中間闌幽徑四面起高亭
舊挂漁溪月新成翠草庭龍潭偕眺詠勝地眼初經

夜投龍潭寺同定岩作用韓韵

松炬吐燄明翠微下澗騰岡火龍飛黃昏期到龍潭
寺豪興寧容食言肥疾雷打門破僧夢給園隨喜如
此稀携來絲瓶茆芻倒香積厨堪止渴飢嶺脚盤盤
雲氣泄滄流階面侵入扉佛樓喧轟人語響歷亂怖
鷄穿林霏蟾潛海底天墨黑推窓不見千山圍燭屢
見跋睡魔死夜坐薄寒添裘衣置身百尺藤蘿上豈

衡山集卷五

二

修汲堂

有世故為之戰千載狂呼太白起廬峯窈窕邀同歸

瀑布和定岩疊韵

入溪初聽鳴鼓微清流汨汨銀瀧飛灌注下田千百
頃土膏滋潤青苗肥峰回乍駭激湍壯水晶簾垂密
不稀扳蘿倒飲老猿點盤窟冷卧潜蛟飢傾崖漱谷
陡一瀉訇然震動開岩扉萬壑衝撞雷號號九天噴
落珠霏霏宵衢秋霽蛻虹掛滄江峽束雲濤圖凌空
濡蘸飢饌筆倚石浣濯塵埃衣還疑支初擘水府鐵
鎖掣斷鐺琅玕夜深月照烟靄破潭潭洞穴神龍歸

留別定岩疊韓韵

九江夜夜明少微白雲遠帶丹楓飛我有怡悅不須

贈知君道寔能自肥蓮峰兩日挿筇杖醉吟情味時
所稀新詩鮮脆似萍實咀含信足忘朝飢今年恰逢
四十五元公四十五歲下築廬山廬山漁溪乍闢書堂扉架岩鑿谷位置妙
攬結夕霏兼朝霏千秋追還吾與意空亭卓立青嵐
圍陪遊緬想古光霽飄飄把我風中衣蒲帆遙掛湓
浦月捷若快馬瓏璫韞雲鶴無心任來往矯翼八表
翩翩歸

留別張君步韵二首

廬嶽霜濃木葉稀南雲何處尚相依雁鴻嘶斷烟中
浦薜荔搖殘月下幃吳岫嵐迎孤客返湓江風送一
帆飛懸知歸路逢羣彥籍甚才名問陸機

衡山集卷五

三

修汲堂

高才邂逅輒相知秀句朝餐飽我飢流水淙潺聞逸
調白雲縹緲指前期喚玲瓏唱誰能那駐孝廉船更
不疑來歲賡吟聯主客喜看騷雅各清規

留別蔡君步見送韵

因依羣雅客心安况接鄉音共一壇松柏經霜彌覺
茂與子同庚江湖行路不知難小冠子夏空凝睇與子同庚白
社遺民總達觀一片清寒滄海月明朝獨向庾樓看

留別高君疊韵

孤帆遙挂敢懷安回首清光月滿壇湓浦風高行自
疾庾樓花滿會非難酒從北海樽中瀉史向東林傳
裏觀居為志憲公元孫知我新遊衡嶽返雲嵐猶把杖頭看

酌定若得大府留予主瀟溪書院垂示之作

疊韵

宋道學傳惟元公手揭魯日懸天中嗣洛關闔掃穹
碧開先發矇起羣雄道州山川應圖象嗚呼混闔其
無窮膠西耳孫舊莫逆高步綽有前賢風廬陰相宅
志復古昌明絕學標易通虹衢登丁動畚鍤鑿岩駕
棟凌高空書堂中高亭四拱工匠雲構天和融香爐
面陽暉天漢陰湫潭洞龍為官噴飛瀑珠瀟溪白絢
爛霞綺蓮華紅崇卑位置合造化皇天默牖君侯衷
杖歸衡岳雲滿袂請敷重席安微躬慚呼餘山門弟
子大府折簡謀侖同乾坤此舉萬萬古須友祠楠偕
初終書院樓餘山先生須友堂經營斷手百事集般倖妙借神靈功我
捫峰月望光氣太極岩上霄朧朧綠池清香待靜植
且教往復錢唐東

重留別定若疊韵

遺經欲闡微言微潯陽暫止孤帆飛千鉅響動蒼厓
麓岩泉清泚山土肥浮嵐面勢神指畫書堂舊觀形
依稀省憶雲岑對隱几瀟溪洋洋曾樂飢我祠列舍
矗雲際四亭面面開風扉匡廬湓浦大闔闔吐納山
翠昇江霏連峯左右氣完固宛似太極圓圖圓欵我
老住元公宅夢流光霽芙蓉衣餘山精靈陟丹構星
為旌旆虹為轡海東嗷鴻恍惻耳來春重至今端歸

奉酌諸君重見送疊韵

離筵既散解蘭艤並惹鄉心亂旅窓雜樹有花飄玉
屑孤鴻如箭擘銀龍羣公豪氣冲南斗獨客高歌動
大江川路往還乘野興薨瞿底用玉為缸

定若出關見送疊韵却寄

浮波一葉下輕艤月黑孤蓬早閉窓關口熒煌來列
炬沙頭歷亂濺飛龍已教醺醑傾千盞未用琵琶撥
九江預約明春重握手仍斟今歲未開缸

舟發九江疊韵

葉盡波寒解客艤烟消猶見庾樓窓奔飛帆影捎吳
楚夢斷吟聲聞嶺龍遊屐屐雲中下南岳書堂天半俯

衡山集卷五

五

修汲堂

西江暫歸還作廬山主親舊多應勸綠缸

湖口

彭蠡無窮水茫茫浸太清寒光搖兩槳雲氣入孤城
波浪憑虛湧胸襟到老平吟遊過湖口所得是空明

大孤山

峭嶸彭蠡口卓立飛雲孤波散應韙韙塔影涵模糊
連雁破杳靄一螺浸空虛天寒光氣暮景晚晴光鋪
風濤度浩渺霜木知凋枯雙鐘迤明秀翠斷澄泓湖

石鐘山歌

石鐘山勢何孱顏大湖風起橫翻瀾水石震宕怒相
搏噌吰韙韙聲振天帝張廣樂衆器全鐘聲乃在羣

音先想當元黃初冶鑄陰陽炭入鴻爐煥巨靈鼓索
簫模範鎔山川乾坤法物鎮常在擊之一十二萬年
野夫放浪天地間登高長嘯空谷傳大聲相應水上
作華鯨鏗破彭湖烟南北筍簏雙高懸大鐘小鐘徹
重玄周景魏猷何足齒知音不數玉局仙渾茫元氣
資節宣體用自具寂與喧風恬浪靜音響息縹緲有
似海上之神山

彭澤奉懷陶公

陶公輕解組歸思劇飄飄詩酒從吾好形神並覺超
菊看秋露墜柳任好風搖今日聞羈宦寧惟事折腰

小孤山

衡山集卷五

六

修汲堂

四面天在水浮出青巔屹乍疑沉瀛海引作員壺觀
黛螺遠際點翠髯空中盤神光渺難即秀色真可餐
岩亭帶薄霧縹緲臨微瀾大孤宛却立邢尹同時看
輕帆過彭澤恨不梯層巒終焉御風往獨立朝雲端
彭浪磯戲作

今年大小姑先後嫁彭郎彭郎自言尊驕比楚襄王
妃色孰殊衆細腰搖明璫暮天雲雨足還希夢高唐

林中鹿并序

舟中聞甬東客談林中逐鹿事作林中鹿一章
虞欲逐逐林中即鹿鹿入人手虞乞分肉鹿不汝有
肉不飽口為我謂虞盍潔汝守

東流

東流抱山轉城郭水雲端江上詩情遠天遙客夢寒
老難拋窄髮閒許把漁竿旅服無塵土蓬窓映碧瀾

黃石磯守風

黃石磯頭泊朝朝盛北風來帆過奔馬滯客背飛鴻
清醒愁參半情騰酒一中歸程何事急且作信天翁

安慶

行樂曾何待逍遙在客閒帆開黃石浦雲起皖公山
一浴體無垢獨行心倍閒渾如浙江口沿岸踏歌還

桐城

小艇仍須繫橫江不可行魚龍舞中夜風雨撼孤城

衡山集卷五

七

修汲堂

荻港

忠信濤堪涉文章老未成山川憐皖口好為放新晴
寒港瀾漫動遠涯蕭蕭敗荻影橫斜同雲萬里天將
雪積水千盤客汎槎想像孤軍屯虎豹寂寥往事化
蟲沙遙憐星賈梅花嶺五丈原頭並嘆嗟

九華山

片帆挂清曉霧中過九華朦朧見山色未得維江艤
秀岑矗竄窈窕洞含谿訝尋幽屐未到凝想空咨嗟
雲房隱深曲月澗流清窪疑有老僧在獨自棲烟霞

蕪湖

南指孤帆疾若飛蕪湖綠岸闌鄰扉家僮貪買新篋

酒行子思添故篋衣米價關心論貴賤土風到眼習
輕肥老蠅歲久無留影還向沙頭問舊磯

蕪湖夜大雷雨歌疊韵

荒江風雨又一奇春天巨浪喧空陂神兵鏖鋒戛鎮
鐵龍宮砰礚敲晶瑤漲如海穴神鱗入鬣鬣百怪蹶
踞集隣船若聞大纜斷橋傾舳舻吁何及蓬窓四面
扃不開盆翻衝瀉黃篋埃巨靈併力作氣勢奔駭驅
駕飛廉來長年三老憂莫測吳商越估涕頻拭如椽
之炬頃刻反指掌不見天墨黑嗟峨列艦高如山鐵
貓輕宕江中間狂沙亂奔蠅磯廟危岸搖動蕪湖關
我心默定涵元珠翻波一任魚龍趨明看碧渚紅亭
在萬態惶惑歸空無吟遊不知老將至履境平陂信
天意江行奈此驚險何詎若陸海風濤多

衡山集卷五

修汲堂

廬江大雪歌疊韵

天工試手標新奇紛紛玉戲拋江陂凍日殘藏紅鞋
鞞遙天裝合白玻璃水軍組練無聲入萬里合圍勢
並集元冥號令一夕傳滕六飛馳已遍及同雲四塞
點不開乾坤下上無纖埃窓罅飛花撲點忽如捲
地春風來洲沙深淺浩莫測滿蓬壓重渾難拭聞寂
空村語不置檣竿翔繞飢鴉黑崔嵬斤墩堆若山林
野總在空濛間咫尺地隣蠅磯渚三百里阻龍江關
還聞急霰亂投珠江田無路難為趨青州從事不可

覓欲博爛醉終虛無迢遞鄉關何日至繁愁縈惹羸
僮意新詩劇想和羊何老夫野興今宵多

聞近顏卜居江寧未及過訪疊韵奉懷

素書擲還黃石公赤松追逐烟霞中神仙飄忽底處
覓即在退步之英雄抱奇落拓憶我友直道不問達
與窮才畧滔滔滙滄海意氣浩浩驅雷風單車過嶺
粵人喜徒步出塞漢節通百年仕已識強項赤日照
耀浮雲空終奈貝錦不停織故山景物看暄融山澤
閑行服野服踏遍梵宇兼仙宮近聞幽栖在白下石
林映射朝陽紅南岳書來曠吉士亦云夢繞魁梧躬
千里並愁廬舍遠一日稀得琴樽同龍江關外布帆
落悵聞夜柝清漏終旅途冰雪迷所向短僮瘦杖難
為功獻歲重過決走訪孟陬攝提貞龍龍兒童謹報
客不速來自錢唐東復東

衡山集卷五

九

修汲堂

龍江關守風走覓近顏里居不得悵然疊韵

黃醅爛醉眠艣公軒波大起龍江中着屐鼓勇訪我
友橫衝鐵杖心何雄關津覓渡走還拉瓊瑤踏破途
寧窮沿緣睥睨三二里寒樹颯颯飄回風晴飛玉屑
亂撲面白下門取一徑通大城遼濶昧處所祇見鍾
阜堆霜空浙瀝橋水忽已碎崢嶸樓雪全未融道傍
側耳聽僕各鐸鈴冷語金銀宮白谷湏濛短景白紅
牆誤認朝霞紅林廬難覓爽塏地雞黍徒想殷勤衷

僮憂跋鳥將暗墜逆旅誰納羈栖躬江潯急須抱堞
返曲室那觀團爐同呂安空復相思切王猷早遣清
興終縱思題門向底處率爾命駕曾何功我舸排列
幾莫辨沿流夜火紛朧朧同心離居悵若此客夢猶
繞江城東

燕子磯

二十餘年別燕磯復看石勢凌空飛梯登攀確何其
巍倒搖枯柳烟霏霏中流宕漾寒日暉樓臺帶雪壓
翠微北風歛吸搖金扉碑砌拜浪騰江狶蔣山縹緲
過雲旂龍盤虎踞臨舊畿六朝金粉草露晞金川逝
波浩東歸漏舟歌舞金縷衣漁舸葉橫蘆碕舊遊

衡山集卷五

十

修汲堂

如夢省依稀大功坊裏連屏闌飛光轉盼馳驂駢林
陵人去空涕揮刺我白頭絕因依音塵一斷人事非
白波洶洶青天圍輕帆疾去若發機往尋裴島沂清
輝回首雁影江天希

真江雪月歌兼懷舍弟冀銘

疊韻

真江夜景幻神奇雪月晃朗連千陂星光忽自亂螢
燭玉色不復分瑤瑤貝闕鮫宮不可入依稀海市萬
寶集寒聲磔磔起灣隈鵲鷗追飛及清虛之府
蟾窟開一輪鏡淨原無埃恍聞霓裳羽衣曲雲外飄
飄仙樂來新河千丈深難測湘簾平鋪翠如拭離離
回轉斗樞明沉沉潛伏蛟螭黑依微一髮江南山白

輝滉漾青冥間舟子情騰卧船尾行人蕭瑟迷鄉關
寒空高懸光明珠如畫不見魍魎趨藐姑仙人何綽
約瑤臺獨立渾如無素娥玉妃連袂至侑我清樽殊
快意連枝其如阻隔何瓊林瑤樹空復多

金山歌

三神山浮大瀛海一峯飛墮京江濤帝遣留此作壯
觀其下首戴一巨鼇憶昔歸乘瓜蔓水截江半渡維
輕艘起攀欄檻躡塔影浩歌一放平生豪驚濤飛洒
枚乘筆波面組練戰始鑒喧轟聲勢動天塹奔騰萬
馬雷怒號便欲飄然汎槎去往觀扶木盤根牢所嗟
人事尚羈紲未漾日傍恣遊遨十餘年間一轉瞬鏡

衡山集卷五

土

修汲堂

裏白雪生顛毛揭來新從南岳返雲嵐猶著大布袍
好風吹度洞庭水扁舟蕩漾信所適要汲中冷復踞
頂千丈素縷手自操冰蘂滿注洗雙眼紛紛輕薄看
汝曹汝曹何曾值一笑置之直上登妙高曠覽江天
盡萬里大江日下流滔滔

憶次兒

絕球

憶昨京江問渡時扁舟東下重逶迤懸知夢繫萊堂
綠莫慣沉吟騎省詩洛下朋儕嗟聚散江南風景苦
流離還憐骨肉京華遠雲裏書傳雁足遲

圖山東一首奉懷圖東兼寄石蓮

烟雲景聚圖山東圖東詩老家其中詩老今在東陝

窟萬錦灘邊詩興濃我昔梯登太華返投轄夜汎琉璃鍾邀約蘭橈蕩京口吟眺直上江天峯尤愛松寥徑幽絕往訪焦仙參吟筇瘞鶴銘看體完好龍蛇跡動荒榛叢昨年歸題甘露寺碧紗底用居僧籠留待飄飄雲袂過以手拂拭塵埃蒙今我來自南嶽頂北固雲氣迎孤舸大江雪月攤浮玉狂歌起踏金芙蓉却憶石麟迭抱送兩兒秋水明青瞳齒牙清歷誦好句庭除樂事何融融仙姿真見黑白髮吟壇說此矍鑠翁別來中州僅匝歲如雲冠蓋隨飄風大河以南幾千里天西一點孤飛鴻丁卯橋寧引獨往乙亥歲已嗟重逢人生會面洵難得況復日御臨高春鹿邑

衡山集卷五

立

修汲堂

老子今何似為我問訊青牛蹤

乘興

是處灣隈滯客情今朝一笑破江程連天雪嶺嵐無色下瀨風帆浪有聲遊遍烟霞原結習歸逢鷗鷺又尋盟天教老體多強健乘興長為萬里行

止水歌無錫弔高忠憲公作兼寄公元孫時乘

有明稠疊瑞禍烈末造惡氛瀰乾坤魏左諸公盡糜爛東林魁杰馬能存高公定力盟止水義不受辱身彌尊波將汙及捐佩去兀立中泚真氣噴正如洪河矗孤柱獨砥萬沙狂瀾奔鬼雄恒幹不腐敗帝遣巫

陽問卿冤雲旂上征曳縹緲直排虎豹登紫閣巫陘元曉已得請立命信邸褫其魂大厦已壞不可挂黃沙黑霧頽陽昏孤臣忼慷早畢命不見馬阮修怨思玉樹歌殘結綺散空留雪浪掀江豚胥江湧白屈潭碧一氣浩浩通清源當風我作小招放俯臨決涸湍涕痕自古公侯必復始况植忠義為本根寄與商聲歌此曲蓉湖流慶歸元孫

吳門上繆文子先生

數年睽隔一升堂老去情懷繫最長白鶴新顏留伉健青雲舊夢付溟茫烟霞南嶽光全霽風雪東吳景倍荒絲竹東山多歲月關心憂樂那能忘

衡山集卷五

立

修汲堂

哀歌行輓葉惺齋士寬

知交聚散由清緣難得終始情味加纏綿憶昔與君始相見歡然把袂從平泉維時予齋壓在百僚底脫略禮數呼齊年寺僧贈我一箇親兄弟振觸悲慨揮長篇君為抗聲抵節連叫絕推我直上李杜風騷壇偷遊雁宕相逢馬鞍嶺赤脚看蹋流濺濺題贈所知去名姓越境眺覽情幽偏歸來折簡問吟伴邀致數間破屋老玉川玉川高視出人表獨肯相從日日酬唱於其間主賓因依十餘載兩人草土亦復相周旋羨我解龜生碧草醉吟吟醉便得仙具區峰浮七十二招君着屐全盤桓見星而奔血漣漣臯魚對泣秋

風前感此誓墓不復出終披野服全其天中州作客
歲時淹嵩華泰岱登危巔攜東游草定遠寄知君神
魂縹緲追逐靈嶽之雲烟扶病近自仙霞返嘉聞騎
雲去重立予齋與君先後逝痛淚幾斗流汎瀾為述
交情痛難宣史筆別自臚青編但聞六州父老得惡
耗齊聲兒啼滄海埂南嶽新歸詩滿橐何人賞我吟
情遊興老欲顛生芻一束詩一紙哀音欲絕牙生絃
嗚呼哀音欲絕牙生絃

存歿口號五十六首并序

初題一首引端振觸牽連續得五十五首借古事以
寓今情與杜公體例各別然就所拈舉擬合非無因

衡山集卷五

五

修汲堂

也

手煎團月憶盧全前散心愛真龍是葉公性尚把龔
破孤悶罷看鱗爪現虛空

陳寔清光行處聚銘注倫至誼別時深雅真人太史

思重見潭水桃花香莫尋

深情張老存家事山高論朱公著絕交于古語空教

規作瑱今情誰是漆投膠

金子連翩傳婺學聲景公要眇著騷辭蘭何王前輩

風流在屈宋餘波綺麗為

丁子定文歸大雅身周郎顧曲擅風流膠心情鄴下

由來慙才略江東獨自優

盧生高枕猶追夢息李白狂歌早得仙海炊熟黃梁
知己覺吟成白紵定誰傳

王濬樓船飛薄險近馬援銅柱兀摩空勢當風利

渾難泊標建蠻溪果自雄

樂府張文昌最妙東交朋陸餘慶多情介詩中善繪

時流態方外寧寒舊日盟

馬卿詞賦凌雲氣石黃憲心情千頃陂谷自喚相如

存雅慕人呼顏子豈虛推

盛孝章能標挺拔唐鄭康成是老編摩符有名人惜

飄零甚通德門如閨寂何

耽詩張得吟峰趣聖結綬朱啣宦海情少千首編排

衡山集卷五

五

修汲堂

揚藻色一官趨走盡浮生

起草婺源汪學士西登壇北嶺屬將軍樊老嫻詔令

空叉手靈閃雲旗未策勲

文如張鷟原中選根老却馮唐不見招山滿眼青錢

殊的的傷心白首太蕭蕭

杜陵杜有詩名播白子沈子聞經義傳長愛改新詩

移永日嗟推至隱隔重泉

沈詩共許三兄擅林胡絹曾無一匹遺並變律裁成

原足貴酬恩淚下更為誰

朱棹時俗誰能染山張仲賢侯分外欽長詩罵王欄

三島夢入憐孝友一生心

汪公善保烏聊地江暗盧氏貪為汗漫遊圖鐵佛歸來

知我命壞蟲盤繞豈君憐

世情脫略方三拜清文吟品嶢嶢章八元時愚谷光輝

胸灑落半天人語氣雄尊

張衡愁罵煩紆日德經宋玉悲生搖落時采照眼瓊瑤

千里報關心草木九秋衰

詩豪端數黃山谷田華鄉望宜推馬少游龍圖綴西江

原有冰車乘下澤又何求

鶴梅眷屬林君復岩荅印壑房櫳謝幼輿若文千載湖山

歸地主一時圖畫異蘧廬

天人策裏爭傳董定忠孝王家競說錢南茂繁露分頒

衡山集卷五

宋

修汲堂

澤宮內姚黃不進關廷前

許抒評論看流俗初觀卻放吟哦見性天宣開月旦汝南

高自占風流洛下更誰賢

推袁渾覺今無比生石訪戴應知興不窮菴寫出幽心

在風際屬將雅志入山中

謝安老去歡寧減非梅徐庶平生友盡高庭括陶寫桑榆

偏自得知交龍鳳並人豪

周自有才甘茗芋傍鶴盧還有杰恨沉綿玉經名聲未必

兄居重文彩何妨友占前

梅賦芬芳憶宋璟木榮水經幽曲著桑欽清清吟獨把

春風筆妙注還須子墨林

王常繞關輕飛鳥張願封留早息機李仙邑尚泥

丹灶在層城已逐赤松歸

陳君晚遇何須感金馬氏諸常孰最良思千載情懷

碎琴壯一家才韵白眉長

錢賦湘靈殊妙絕石家磨鐵研亦徒然清峰青江上

神應助日出扶桑世不傳

張公銘在東西列登開陳子床看上下分國學沂關中

存緒論氣標湖海出人羣

朱雲雄辨西京裏之性楊震名高太華前東折處便教

慚五鹿飛來空自兆三鱣

才藻潘安仁最麗欽江湖王季友長貧傅森優游自罵

衡山集卷五

宋

修汲堂

閒居興寂寞終湮老瘦身

直言自昔懷余靖文紹重寄端應屬褚公微文正由來

丹悃合敬宗豈謂素心同

坐聽霖雨懷桑戶第軒家在東山問謝玄青琴操彈來

孫館月棋聲獻斷一樓烟

歷按歌工吳季札齊常拈記筆盛弘之微從教延令

論韶濩不獨荊州叙歲時

筆底記來懷沈括宜奉座間驚起重陳遵自蒲盧小物

還堪識尺牘鴻裁也足珍

盛彥平居露天性思沈遼少小有才名友纏綿孝思

依萱砌歇絕風流委管城

前溪沈約清無似英珠宮體徐陵麗絕倫美華帶滅圖

惟是瘦玉臺遺詠尚然新

許詢談與支公洽論周子心惟叔度傾飛際試問俗塵

何處染自然鄙吝不教生

墨沼爭傳王逸少茂仙舟雅羨郭林宗叔又頻拈醉本

欣開眼一讀碑詞痛入胸

白首湯巾逢客路黠黃墩汪穀徙江鄉怡昆知心友合

聯師秀積善兒應似彥章

湯思退著淳熙望瑞周伯仁高汝穎名三應甲門才

出珂里空懸斗印入瑤京

共識梁侯經籍重川誰將湯璫省元誇此名標七序

歲流俗才壓長沙表世家

周家自有蓮堪愛南王子惟知竹可看侯香滿濂溪

遠沿汴渚連剡曲斷游盤

錢藻長懷濯纓志泰安惇雅抱讀書情發壺漿出郭

知誰近名宦他年惜未成

周子充才渾自雅崔陳如柔志早思休崔平園花竹

傳新咏風物羅浮失舊遊

眼見陸機纔入洛疎心傷張翰不歸吳南一篇文賦

傳應遍千里萼羹餉得無

高情覓句陳無已載力學為文李習之延自閉門來

真絕俗一從吾後獨親師

衡山集卷五

太

修汲堂

王龍標自饒佳句揚顧虎頭還具巧思舟忍俊難藏

郢中曲矜奇的是晉人癡

高吟趙倚樓佳句乙低唱張三影好詞澤把臂一聲

長笛處斷腸雲破月來時

莊周作論都成達思鄭谷吟詩亦得名山小閣繩床

蝴蝶夢荒江落日鷓鴣聲

嶙峋瘦骨李商隱四縹緲修禪汪水雲如清麗文思

誰與匹神仙畫像渺無羣

項斯自具溫醇格波沈濟天生峻拔才叔善播雞壇

羣口說經窮蠹簡寸心該

鄭虔苔屋荒蒼暈通姚合芝山覓紫華標相約落花

春酌酒難忘燒竹夜煎茶

仙才自得茅盈訣湘茶事偏縈陸羽心吉歲底嘉平

臘還到江南桑苧老難尋

迎寄盧敬甫息溟壽朋

白頭翁總角交葭倚玉漆投膠衣愛新人求舊新錦

袍舊昏嬌病馬卧健鶻騫霍然已離哉翻人千里履

幾納親兄弟老藤杖維衡山在炎方開雲嶺霽雪堂

烟霞窟矢獨往芙蓉園失全賞五岳遊一生心畢婚

嫁追向禽望九疑懷三益月空明雲蕭索南北巷東

西林阮舍夢廬山吟往復還繚而曲十日霖數間屋

樂莫樂全隊魚悲復悲西逝鳥過吳趨吟楚只酒奠

衡山集卷五

光

修汲堂

椒淚瀉水日及花歲寒松靈光巋谷音是二心人口
戕口全懷子手握手

太湖落日歌疊韵

太湖一幀晚景奇
燦煌金碧皺山陂
蔚藍天墜一紅鏡
水晶宮碎千黃瑤
陸離萬象涵虛入
榮光休氣紛綸集
義和御日操火鞭
夸父虞淵追始及
斥鹵桑田久已開
蓬萊行復揚飛埃
却看三萬六千頃
赤城橫建霞標來
浮空島嶼渾難測
兎輪新把鮫綃拭
三百六旬躔度周
七十二峯倒影黑
縹緲有似三神山
雲濤烟浪空濛間
女牛星辰落震澤
闔廬城郭蹲吳關
蟪蛄蕩漾齊吐珠
龍堂夜啟羣靈趨
龍威丈人守洞窟
琳札肯借窺觀無
東西洞庭我昔至
甫里吟留無盡意
莫惜人生能幾何
眼前且賞清光多

衡山集卷五

壬

修汲堂

奉懷沈荻林

廷芳燕寄樗莊

維精步杜公寄高遠

岑參三十韵

情緣追聚散氣候閱溫涼
魂夢雖親密關河自阻長
三人曾共對二妙最難忘
別憶山千疊歸仍水一方
烏私旋寢舍鴻舉謝班行
合浦思光耀分湖隔渺茫
泥融飛燕子花煖簇蜂王
矯首虛延望回腸寔暗傷
仙霞紆跋涉吳岫轉徊翔
伏枕愁眠在封書遠寄將
驚蹄遭病躅隼羽入秋強
勝地爭迎翠前賢橫被殃
衡湘覩開霽屈賈弔淪亡
桂樹方凌日芙蓉已拒霜

迎寄聖書

樓臺烟似畫螺髻黛凝粧
薄醉行偏好清遊滯不妨
蒲帆捎北固蠟屐下南疆
獨往形骸放留題姓氏藏
盈虧憐月兔呀呀笑天狼
蘭芷猶餘碧塵沙總是黃
遙臨僂耳外劇戀洞庭傍
却省聯豪興徒懷近耿光
蟹肥供客饌鱸美勸親嘗
孤館經新雨平臺豈故鄉
終朝搨瑛管何處寄繩床
少得論心快多應為口忙
頻勞問徐穉寧免老馮唐
駢體真無敵連枝迴異常
袞師期毓秀阮籍許偕狂
安得雲巖聚松肪可作糧

衡山集卷五

壬

修汲堂

何憾衆中覓此孤鳳凰
短羽差池生百感嗟子有生
何迤邐袍映草色青眠羊
有才無命空白首夢夢老
眼眇皇天胸吞雲夢不芥蒂
填空灝氣寧舒噫寂然
清晝掩荆門底用鯨鵬供一
喂娛娛金玉繁猷鏗所
愁病作司業盲賴有金篴可
刮膜焉知在側尚有羸
與螟我遊南岳張帆去探奇
濟勝其殆庶臨行接得
空中書病起遠遊勞子慮
豈知我身健于龍直攀天
柱登祝融回舟疾下洞庭水
一酌屈賈生悲風團團
皓月明積雪萬里江光不可
涅中宵大呌卷白波魚
龍翻海真奇絕君兒初說憂
沉綿料得弗藥已霍然
不爾誦我囊中豪橫句定若
枚乘七發開心顏莫嗤

老興多狂顛故人知我與我相周旋三十年來一炊
頃此後那得更三十年急呼風伯送我一帆到長
水酒杯擊破歌我山中歸來篇

迎寄金繪貞志章

心朋聯結有時候遲早詎肯輕盡簪穆門識面四十
載直待老全輸心談四賢閣上一會後纔得幾面幽
壚潛膠漆已萬古死生真意衡與君又遲十載合白
頭散亂絲髮我病時勞觸熱視殷勤照沫魚喁喁
病起劇憐眼界竭上天下地巡虛簷陡然發興往衡
岳決皆一鵲衡天南我不追逐率子廉亦不酬和白
玉蟾但捉鉄脚道人袂飛身直上九千七百餘丈之

衡山集卷五

圭

修汲堂

峯尖橫把心胸盪雲海發狂大叫驚程魁搜索禹碑
摸奇字望日臺射陽光遲兀蹲雲密護龍氣岫嶺缺
畫青苔添七十七字鑿岳麓並摹古本蒼厓嵌想見
兒號不遑恤身承帝咨漁池參補亡手作黃帝益萬
靈聚聽朱簾龕銅鐘嚕咄管匏沸蚪虎駢駕來霍瀟
躡躡賈井浦屈潭洞庭疾下牽湘帆小招一放白月
黯女蘿山鬼趨趨趁岳陽樓黃雀樓天半轟起何巖
巖社孟西公擲大筆東西立壁分鐫鐫題在上頭震
崔顥太白擲筆猶懷謙由來矜名較駿足慮勝不放
瓏璵駘我獨振腕起塗鴉異眠蠶吾聞逍遙不論鵬
與鷁負天控地途各詣彼大言炎炎我小言詹詹小

大並見天機涵豈其怯胆忽變勇敢對大敵揮戈鏖
彼哉情性喜謗讒我不與交接耳目俱清恬傾心吐
向龐眉老挑燈草就不復芟遄歸南村數晨夕奇疑
賞晰無猜嫌素心炯炯遠相照曠日不藉神明監

衡山集卷五
十韵
衡遊歸興借杜公久居夔府將遠江陵詩四

吟眺衡峯上歸經震澤隅疏觀供笑樂長嘯散嗟吁
追逐徘徊霍因依工下鳧晴霄舒白眼僻地捫青膚
瀑谷泉奔鶯滄溟月湧珠雁回江嶺遠霜墜澗林枯
極浦連樯並荒溪接約無松門從往復奈苑足嬉娛
爛醉情懷放狂歌意氣輸層層凌蘇磴晶晶入虹衢

衡山集卷五

圭

修汲堂

縱浪偕芻豢淹留類賈胡私繁宗炳志不負向平軀
龍洞苔全拂貌毫墨飽濡有題成夕詠無用謝時須
憶躡浮雲破飛凌絕頂趨虬枝蟠古桂虎跡踏秋蕪
佛閣金銀煥仙岩錦繡紆祝融懸月魄天柱轉星樞
麓寺千竿竹湘帆幾幅蒲東磯泊黃鵠西崦下跋烏
殘柳江州曉空烟漢水晡霞嵐挹廬阜水霞歷吳都
鉄甕重城峻金山一點孤朝昏滯丹浦信宿到姑蘓
遊寓民為逸家鄉谷是愚難尋醫俗藥莫問鑄額鑪
世事渾多幻人情半屬誣厭看鵲葛跡畏近嶮巖途
太息夸毗子長懷正直儒聊烹小團月宜汎大樽湖
酒債尋常有吾年六十逾行踪戀清境魂夢遠塵區

老子哀全傳江神醜繪圖堅貞留雪柏摧折卷風梧
羽異孤鶩鳳身輕一擲虛可堪污噉噉只自附塗塗
分首曾何惜品心早已殊橘甘踰化枳馬怪老為駒
麋鹿山中侶漁樵物外呼終揮雙袂去祇仗老藤扶
瓦銚苓堪煮石房茅可誅猶餘恒岳在便想涉嶽嶇
抵修汲堂

吳楚烟波漾一帆歸來猶夢碧巉巉吟登韓子開雲
嶺約住元公太極巖驚下飛泉喧澗谷螺旋絕頂俯
松杉恒山明歲扶筇去五嶽詩人好署銜

衡山集卷五終

衡山集卷五

修汲堂

門人梁曰源謄寫

今秋將自瀟溪往恒山夢元公謂調元曰貞有二義
萬物遇蓐收成實脫落元冥受而藏之則得其正而
包涵元精也固基本發生貞義斯全寤而思之恒嶽
主貞太陰伏為北方一陽生為朔方如晦朔然貫通
復動靜終始史稱恒氣上青下黑青黑謂之黻黻形
兩已相背北字形亦爾水鹽淡智是非倫夫婦辰亥
子宿元武龜縮而伸蛇盤而舒二物相交渾源曲陽
嶽靈兩在都兼二義是蓍良非偶然遂溯江漢過河
汴道京師瞻仰雲中 雙闕感激遲徊者久之物外
行踪不一踏朝貴之門即出居庸關抵渾源州直上
恒宗絕頂萬里塞山嶧蜀奇特一覽在目轉詣曲陽
得朱堅石刻恒嶽圖錄其故跡記以詩殆嶽靈之假
手於我乎却出信陽下漢口歸濂溪之上中間憐弱
息之沉綿驚執友之淪沒重逢舊雨遍歷三雲宇宙
出色諸古人一一悲歌憑弔老懷亦傾瀉矣念少為
餘山先生門弟子先生之學與易通圖說表裏志老
憩雲岑之樓默尋踪仁山知水禮園義園間遊於混
闔無窮其樂不可言也已乾隆丙子建子月望後三
日桑調元自序

恒山集序

一

修汲堂

恒山集目錄

卷一古今體詩五十七首
卷二古今體詩六十六首
卷三古今體詩八十四首
卷四古今體詩一百八首
卷五古今體詩一百八首
卷六古今體詩一百八首
卷七古今體詩八十一首

恒山集目錄

修汲堂

恒山集卷一

錢唐桑調元

詩一

恒遊口號

策杖恒山去雲流石磴中真成遊五嶽不羨作三公
川陸秋程爽炎涼俗慮空江州一輪月煩送醉吟翁
留別董定巖格用白傅琵琶引韻

經年來作書堂客濂溪水木秋明瑟一夕乍喚武昌
船空山暫輟誦與絃九江主人出送別脫贈青天一
輪月知予好入名山遊一生興為霞嵐發遍遊五嶽
問為誰盡道纏牽婚嫁遲眼中禽尚了不見仙源空

恒山集卷一

修汲堂

擬窮遊宴時人踏破萬峯雲不獨廬山識真面芒鞋
竹杖馳先聲荒寒元嶽遙鍾情乾門坤軸縈幽思憑
陵一愜平生志總元之天最後登醉題足了清遊事
半肩行李銀鹿挑全調無人絃撥幺洞門白日風吹
雨青林烟冷猩猩語淙淙澗水橫琴彈素流激石干
百盤龍泉本是天漿瀉金尾神魚躍出灘飛石窟邊
徑路絕青兕黃熊啼不歇薦地風濤歛歛生倒壑捲
作秋潮聲巨石碯礧天半墮千巖萬谷崩雷鳴羣公
廟堂攄碩畫蓋代勲名書竹帛皇天許我作閒人志
與層霄白雲白往年發軔由天中三花古樹含春容
洒掃瑤壇呼玉女鐵堂少室連宵住秋登太華仙掌

巔鈞天樂奏雲韶部金精元氣一囊收雲臺老仙不
敢妬踰烏夜騰日觀峯紫海紅霞浩無數黃華洞窈
石床空薜衣豈有溜塵汚祝融峯頂昨秋眠高空月
白鵝笙度方廣還探冰雪蹤鑱壁蛟龍岌如故偕隱
惟思宗少文雙仙不羨劉綱婦大茂元都夙有期携
筇今向恒山去吾身故似不繫船襄流漢水秋波寒
西風刁調滌殘暑萬木颯颯號江干却憶庾樓全燕
息四面草蟲紛啾唧此行重上江漢樓翩翩黃鶴成
舊識便乘白雲歸玉京一覽海色凌層城萬里相思
具尺素懷君一寄空中聲迢迢直北望雲漢定鬱奇
意青霞生華陽臺高旭日麗一羣玄鳳相和鳴浩歌

恒山集卷一

二 脩汲堂

獨立兩厓上縱橫世路拋歌傾塵寰擾擾保蟲聚喧
翼海沸誰能聽且喜蓮峰雪瀑大山居耳目俱開明
一指天峯更遐舉飄然如御冷風行潯陽江頭小佇
立北風催挂雲帆急詎擬驂鸞上紫清丈夫原不臨
岐泣回頭古堞夕陽微茫茫九派烟光濕

酬和定巖送別韻二首

一年遊一嶽光景不留停湓浦翻秋月恒山指客星
垂雲看羽翼飛石仰神靈列子行還返冷風送去駢
元精鍾北嶽挺拔一文雄斗下瞻鄉國江頭餞寓公
行遊乘逸興吟弄繫清衷父老懷明德謳歌繞碧嵩

登舟行

今秋向北嶽禽尚願畢酬天機一動信倚薄揮手徑
上潯陽舟潯陽逆派出沔漢大槩往劃襄河流惜難
枉過長沙渚重攬瀟湘洞庭秋且喜雲夢落吾手方
九百里衝波遊子虛烏有競哆口我吟真實非繆悠
峴山一墮弔古淚非關碑字深鑱鏤兩年濶別汴梁
路平堦賓客知誰留圖東巨筆老逾健詩筒夢想馳
星郵石蓮菽林拔脚去梁園老輩無枚鄒端甫愛讀
石峰畫風吹墨竹寒修修牢落樽莊苦汎梗韭谿歿
後尤飄浮蓬池久絕浦山跡裏城芳草牽離愁關燈
老不返鄆縣巖門底處長夷猶峻拔山東張映緯陳
生宜振陸生攀亮氣並道多恐此時盡雨散老子躑躅虛

恒山集卷一

三 脩汲堂

停輶太行山高石磴確渾沱水落平如油鴈門碣石
各幽險五臺一氣連維陬一條筇杖卓精鐵石窟桂
樹枝相樛天風欵吸播震蕩飄飄雲佩揚清謳幾人
親登兩厓上天慳破盡容冥搜墨池倒翻北海水橫
洒白虎之峯頭麟閣功名勒鼎貞鳳池藻彩輝龍蚪
豈如嘯傲此絕頂起狎麋鹿眠林邱衡蒿泰華列雲
表環瀛風景一覽收手酌天漿把北斗凉沁心腑澆
吟喉聞中緬想古逸老故事不省何緣由御風列子
了無待暮年嫁衛知何求長源久矣拋相印一麾晚
肯臨杭州得毋緣情縛衆累一念坐失冥鴻謀我今
永謝移文勒草堂不惹塵纓羞九江主人情綢繆恐

子遠浮浩蕩鷗萬里難馴意固爾漁溪一水清而幽
元公卜築昔老此蒼巖新架雲岑樓餘山先生諱史字餘山先生緒論與歸擬圖書全闡抽哦詩注易本吾事
山川膠漆心相投囊歸雲氣散洞壑天然為我營菟

奉懷亡友朱子齋高齡及汪津天鑒周穆門京

吁嗟友道微古義罕復敦平生一子齋膠漆焉足論
維子始覲止健翮天池騫孰知老蹭蹬儒官送吟魂
我訪平泉道霰雪回春暄相携入鴈蕩絕壁青霞屯
碧霄衝烟鶴靈巖叫月猿龍湫下天半浩瀉星河源
寺飯燒冬笋巖坐藉芳蓀遊時狎麋鹿吟輒和荒壠

恒山集卷一 四 脩汲堂

至今散書帙雨迸涕泗痕向子遊五嶽故伴無復存
每看瀑捲雪悲思激潺湲相依失蛩驅故痛默自捫
其前有津夫其後有穆門交並洽終始誼實如弟兄
穆門經世務器識重輿璫津夫秉高節壺中納乾坤
脩然厭輟葛乘雲去翩翻二三同心友玉樹埋九原
我欲竟此曲哽咽不忍言起援舊焦尾絃絕聲彌吞

編定黃莘田任詩集寄閩中奉懷兼寄林蒼巖正青

寰中數風雅大作最炎矣編次廬陰下封歸閩嶠尖
高朋推素履厚意仰搗謙憶昨來烏石相從拂翠簾
詩城孤聳堞月鏡幾開奩談笑聯茵席情懷比鷄鯨

藤蘿指疊石花藥照前檐茗啜芳馨永吟操紀律嚴
輸心盡傾倒飲眼得窺覘濃瘴俄教染微軀難久淹
沉綿還互問別淚已雙霑曲室無窮戀鴻篇舊所欣
遲回探篋筭慷慨授緇纁豈謂文須定懸知韻早拈
青山臨謝朓黃菊對陶潛竹塢涼颼動蘭皋夕露漸
盍簪紛捉臂揮翰各捻髯山荔經時熟湖蓮照日暹
釣移漁子艇醉覓酒家帘射策頻驅轂揮絃一駐幘
丹衷對廷陛蒿目恤閭閻吊古搜碑碣懷人賦葛
蘇河山秋渺渺星漢夜厭厭亭館多題咏舟車足口
占年光寫暄冷景物括洪纖駉駉奔塵駿芙蓉出匣
銛小平喪神氣勅敵畏韜鈴珍重如持壁驚奇可已

恒山集卷一 五 脩汲堂

店陽春和原寡諷誦酌應添遠夢神魂密華章意態
恬清音發鸞鳳隔歲逝烏蟾緘送連城返紫思二子
兼脩然拋手板長此事腰鎌德望三山振才名五老
僉歌聲出金石家食慣齏鹽晶晶停雲汎絲絲碧柳
慘恒巖標嶺嶺江雨洒簾窳禽尚清遊遍烟霞俗骨
砭天峯攀雪柏水沚漾霜簾幽賞從茲遍冥搜頗不
庶邊沙方北走海色向南瞻古錦奚囊滿還應寄典

奉遙別廬敬甫存心息溟壽朋二首

是處堪藏夜壑舟柁搖元氣信沉浮湖山留作衣冠
塚老子無心學首邱

兒時憶逐好朋儕影散秋風冷舊齋料得豆花棚下
月照他蒼語涕空階

琵琶亭疊白韻

湓江去住都為客萬里秋空氣蕭瑟琵琶亭畔一樣
船想像滾撲鳴鷗絃江水潑洄如惜別庭前沙洲圓
似月千條楊柳作秋聲習習商飈空際發無人問
我子為誰曲檻徙倚情遠遲古人船舫不可見焉知
此地曾留宴鵲鵲鵲歷亂飛滔滔逝水奔江面
鴉斷續聞櫓聲舟人指點空復情天涯淪落含客思
我獨滌蕩舒情志乘興方為汗漫遊空闊心中無一
事烟波一幘錦繡挑桂樹叢生荷茁么霽霞散綺過

恒山集卷一

六 脩汲堂

殘雨涼生四砌吟蒼語回憶去年指一彈湘江直下
恣遊盤張帆影掠漢臯曲鼓柁吟到潯陽灘清遊處
處真幽絕浮屠桑下曾宿歇亭存古跡豈無情何必
親聞水上聲風流白傅高詩格老元短李輸先鳴青
青方罨蔬枰畫掩映江光一疋帛當時古物了無存
只有瓊輪碾空白瓊輪正着碧霄中水花雲葉澄秋
容玉宇淒涼憐素女長在廣寒宮裡住叮嚀雙杵搗
元霜却思妙舞霓裳部人間粉黛凝晚粧含顰應把
嬋娟妬風月消磨成古今天上寧無劫灰數臨風喚
起老吟翁清暉不被塵氛污元和到此一千年添酒
回燈恍前度江頭相送是何人怪少詩篇為道故將

恒山集卷一

七 脩汲堂

秋花泣然泣賸客忘情解纜行墨瀋倒翻銀壁濕
龍平
飛甍切穹顛危檣轟廣州儻舞岸傍柳清歌川上樓
雲霞媚將夕梧竹淒淒已秋一輪缺餘景九派連奔流
弭節緩去棹濯醴嘗新菊烟波界繡壤野蓼明荒陬
萍蘋本無蒂漂轉似客游

蟠塘

蟠塘流水曲一洲抱紫紆檣竿歸極浦茅茨映新舍
南圻蔚蒲稗東墅延瓜蔬稚耄義皇上雞犬秦人餘
墟烟夕藹藹檐柳秋疎疎風吹曲潭淨月照寒沙虛
鹽濯肌髮爽酣歌心顏舒夏畦苦亦樂嗟戛侯門裾

道士泐

雲根插駭浪木末號驚風連山洞壑裏一氣波濤中
乘凌聳險仄偃突當奔衝漁舟沉大網并屋攢高壩
瀨旁土埃白柳間寺門紅霞暎一照曙霧靄披溟濛
不知何道士曾此縛茅蓬翠色滴松柏丹光爛芙蓉
是中小有天恍疑仇池通我欲選幽窟一寓棲遯蹤
侵晨吸沆瀣清景收無窮

巴河出日歌

雷聲砰訇起軒波拂晨鼓忙行巴河浪高勢急捲如
雪湯湯萬里來岷峨長年三老身手捷衝風一葉捎
盤渦騰騰渚面發陽燄半天赤氣橫噓呵須臾火烏

恒山集卷一

八

脩汲堂

上陽谷影動蟠木交枝柯霞光絕赫照幽宅倒景陡
躍鮫人梭淨滑琉璃悉破碎珊瑚鞋鞢森駢羅日觀
峯頭祝融頂紫氛赤暈經眼過此如身汎大瀛海金
盆捧出雲濤窩蓬萊三山似盡沒羣仙絕跡誰婆娑
掃除衆宿匿光影瓊霄並麗留義娥興來抵節舒浩
歌從容睇髮臨陽阿朝暎煜照顏如酤上界官府禮
法苛凌波自在如予何日高峰綺散空際餘絲猶帶
林烟拖平行飛越三江口冷泠秋水青銅磨砵然一
縱帆脚轉大江白晝驚龍鼉雲中已見黃州近往登
竹樓高吟哦

竹樓

去秋汎江漢初日經黃州風帆倚急浪未暇尋茲樓
烟橫睥睨曉懷古心悠悠桂棹此容與振策凌阿邱
舊構委榛莽返照紅將收空積如椽竹得逢好事不
妙記擅文彩珍比珊瑚鈎人生有不朽千稔清名留

雪堂

雪堂亦久圯浮埃擁頽基空尋玉局跡無復銀鈎垂
當年新卜築瓊瑤映軒扉東坡好雲日曉夕含清暉
風流一以歇勝槩不可追空階細草積碎礎青苔滋
天風散櫟柳落日懸朱規沙中卧斷石莫辨前朝碑

陽邏

陽邏崖石怪且巖嵌嶽斷續躡巖隅入手一峯拔危
竦鑿石作路盤崎嶇上頭飛壓元穹閣水天混漾橫
烟蕪微茫雲樹極楚塞斜陽倒射開畫圖我獨好奇
躡巔頂一凭古檻高歌呼磅礴碩果墮江口饒窟駕
作村翁廬洪濤春風天風拔木屹立垣墉鐵不如水心
突起一圓月爬沙活脫綠蟾蜍披麻璣塌一氣接綿
延數里堆沙墟市樓嶂崿揀千柱欄杆百尺凌空虛
吳商蜀估恣歡宴燒燈瀉酒鳴笙竽櫓竿如林高下
轟篙鐵穿眼無處無最後連嶂湧奔峭體勢結束完
形模風旗翩翻動斤垵正當石浪迴旋趨日夜衝撞
波浩洶沙尾空曠飛鷺鳬歷覽皺文眼已飲好醅搏
埴歸鴻壺

恒山集卷一

九

脩汲堂

登黃鶴磯和鮑明遠韻

鮮霞絢晨旭涼颼鳴早秋榜童學楚舞估客揚商謳
優游心跡曠漫浪身世浮黃鶴絕還影清川奔逝流
洲淑儀輕棹樓觀攀舊游撫此一尊酒忘彼千歲憂

黃鶴樓疊昨題浩歌行韻

武昌柳迂重來客輟棹起登磯上樓江天空闊豁曙
色霞暎倒映朱氛稠天公景物妙變幻兩重新綺爭
頭籌叢桂初含秋氣爽流萍習汎川涂悠洞庭彭蠡
此吞吐快意不作商聲謳白波如山大激蕩塵心滌
盡浮名浮去年高踞祝融頂回帆直下瀟湘秋逆溯
襄河鼓今棹一筇拄到恒山頭南北山川萬餘里烟

恒山集卷一

十脩汲堂

嵐盡向囊中收豪興由來喜獨往盧敖若士寧全遊
百年乘化任歸盡冥搜未覺流光道一日可當一百
日此間本是神仙洲尋恒誰識羽衣過笙鶴下自崑
崙卽後來登臨萬萬輩亦話五嶽詩人不三層檻上
重吟拍道遙恥比坳堂舟

晴川閣疊韻

晴川烟水萬景聚此閣似勝仙人樓依微樹影漢臯
遠歷歷蒼翠雲中稠郎官湖頭秋色皎呼起太白行
觴籌千年不遣風月散乾坤清氣何其悠意比青山
懷謝朓予亦對月能長謳牛渚吟成調自絕獸錦袍
奪名終浮誰脫金貂換美酒與爾飲醉三千秋獨遊

五嶽愜素願到處登臨上上頭祇恐江山勝槩在烟
光未得清臚收黃鵠磯頭畫檻對隔年挈杖重來遊
一生當著幾緇屐烏几拍碎吟聲道才人命薄身苦
累萋萋草綠鸚鵡洲一笑萬事浮雲散起望遠海登
高邱試問秋江一輪月可憶留題老子不身倚層霄
醉不下明朝漫放襄陽舟

漢口望湖南奉懷陳榕門先生

緬懷清絕地願正大方家霧樹愁思切烟波跂望賒
昨年梯嶽麓良覲在星沙接引情無已周旋禮有加
山川復淳朴風教滌浮夸烏府澄秋魄鳬舟漾浪花
朱張流遠澤屈賈動長嗟綿絡真儒脉沿緣大道涯

恒山集卷一

十脩汲堂

傳燈昭日月先生以實學傳燈四握管競龍蛇字顏餘山先生祠遺緒原承學
箴言總拜嘉相期探鹿洞底事汎仙槎廬阜雲岑迴
湘江帶水遐今茲往元嶽聊用折疏麻倚薄晴川晚
踟躕畏日斜衰須扶老杖迷乞指南車漫跡終何得
空慚閱歲華

柳毅祠

雪波碎擊怨終風沙渚迷離散雨工何處寄書煩柳
毅經年消息斷龍宮

將進酒和李長吉韻

閒情鍾密意濃金鯨瀉酒蠟膩紅青琴碧玉花艷目
驚帷四季皆春風左挾瑟右擊鼓越女唱歌吳女舞

盛顏不愁白日暮行移桂舸居蘭堂煖睡紅綃飛夢
雨世間化離醉豈知入手金多散如土

吳趨曲疊韻

葡萄酌千鍾龍涎坐處濃我舸大編金燈紅五尺旗
尾搖相風船頭坎坎初伐鼓十日厭看金縷舞閨門
曉發潯墅暮知歡醉愛伴誰眠桂花滿席飄香雨低
鬟緩視倚船窓吳娃不戀長洲土

滄洲曲疊韻

糧艘載萬鍾漕河烟靄濃妾依老嫗四五月開眼日
日迎炎風統統張灣鼓連船榜人舞小車裝送不分
明依微樹色雲天暮抱持幼女泣如雨願依老嫗仍
南歸不然死作灣頭土

恒山集卷一

三

脩汲堂

雉朝飛

雉朝飛隔隴橫挾羣雌歸當飲而啄當飛而宿東西
衝決意氣獨自矜毛羽迴殊衆奮飛春明萬花谷一
雄逐逐群雌粥粥野田平碧梁恩伏勿炫繡襦誤一
觸

烏生八九子

烏生八九子為我謂老烏子多食少哺不足霜林況
復毛稀踈老烏南飛聲何處是處啣雌尾畢通穀音
微忽已殂子殂傷母啼嗚嗚連殂數子母血枯老烏
別有新生雛口哺飽以玉醍醐翼覆煖似貂襜褕為

我謂子母慎勿怨老烏新雛舊雛命故殊

火港拈花禪林

去年曾到莖草之禪林今年又到拈花之禪林彼為
螺噉此火港江西湖北各據一水潄我非于汝緣獨
深浸叟所至聊相尋芒鞋筇杖是處縱行脚打包僧
亦興味全蕭森青蓮花自火中出書堂一老有此淤
泥不染心不須拈此作微笑清香縹緲與吾莫逆投
盈襟此時餘暑灼人足熱惱翻漿白汗絺衣淋老僧
知我隨喜意解衣一浴快若沒水之沙禽物外微軀
本無垢臨風晞髮拋吾簪我生結習耽清吟秋蟲夜
沸何能禁寥天缺月叫從東海出清光照破蒼苔林

恒山集卷一

三

脩汲堂

中陰虛堂蓮漏何沉沉客去閒寂萬籟音孤舟涼冷
秋氣侵星河倒掛天橫參

莊口

行行至莊口始識川涂岐昔下長沙渚一帆湘江飛
今溯襄河流雙槳汚陽移遠遂向禽願清含山水暉
白月常在眼溜塵不染衣此生信知津詎受沮溺譏
生當堯舜世優游未云非非存潁水節自息漢陰
機

鯉魚塘

舟過鯉魚塘白水秋泱泱不見波心撥刺琴高鯉但
見岸傍起伏初平羊山丫斤埃儼壁立紅竿遠見旌

飄颻秋風歛歛乍鼓浪中流崩響驚雷賴有我生
忠信在波濤軒起庸何傷昨年我浮洞庭航魚龍偃
伏雲帆揚稽天巨浸渺垠堦一炊頃過如騰驤何況
區區一浦渚橫流遠接襄江長揚舸發浩唱與欲凌
瀛滄茫茫大九州何處漾舟一到扶桑傍周遭眼界
踴塵世恨不滌蕩驂龍翔回首黃陵磯頭石杳渺轉
瞬東風灣口波滂洋篙師勇擊汰漁子紛鳴榔今秋
秋水盛泛溢河伯意氣橫鷗張惜君不見東海若修
旋面目慙大方呼僮徑倒巨觥酌野性自遂狂夫狂

白灘湖

白灘湖彷彿瀟湘碧涵虛無青天浸斷失圻岸白

恒山集卷一

五

脩汲堂

水倒映連宵衢前飛鵲鵲後鷺鳬魚出沒衝波呼
秋水滲滲清見底蘋萍蕩漾指蘆蘆靈均哀怨汨羅
口賈誼遷謫長沙隅幽篁山鬼吊冤魄承塵鵬鳥傷
羈孤豈如不預世間事來往追逐烟波徒向子底須
覓遊伴王郎祇自成潛夫有鳥有鳥呼提壺此言可
用傾千觚醉鄉咫尺不脛至戶籍久占安徽軀扁舟
進止隨所如客程何事飛奔趨喜無聲名動海內何
人知我霜眉鬚噓笑也欲歌皇荂郢曲雜沓參吳歈
引商刻徵擅絕調聲高白雪胡為乎退谷行踪信自
美愚溪淹泊良非污此行直抵萬山下沉碑潭底誇
雄圖身後之名了無用當陽作計良區區

舟行蘆中

行舟入蘆渚一道清逶迤隈隩葉稠疊拂棹相因依
倚風不鷁退逆浪如鳬飛襄水今秋盛白波浩無涯
中洲隱微徑居人溯洄之水棲類雁鴨艇泊臨窻扉
晚飯飽菱芡生事憑漁磯飄飄元真子吾與爾全歸

仙桃鎮

楚澤巨鎮標仙桃雲口夢口橫奔艘石隄鱗次萬家
屋水市雲集千林篙渚汙波馳抵箭疾舟車飛輓忘
塵勞土著心情競居積估人意氣矜錢刀陽阿激楚
唱婉婉吳鹽蜀麻來滔滔銅鞮遠自接襄水珠珮近
復通漢臯醪醺酒把白甌泛舸艤舟遣黃頭操蘆枝

恒山集卷一

五

脩汲堂

啣餘過雪羽稻芒輪後羅霜螯獨客遠來月皎皎一
帆直下風颺颺詩城未敢築巖嶂醉鄉久愛耽醪醕
水國殊憐烟渚冷山塢却愛松林高背塢幽棲鎮寂
歷懸崖小築何堅牢畫圖置我在巖壑俯仰隨人嗟
桔槔此間願作張仲蔚門外三徑遮蓬蒿

彭石河

滔滔漢江流落日孤光動霞生浦自明風定波猶洶
樹蟠廟壩深石甃河崖葦烟淑渺溟濛雲鏡極龍從
鷗塘舸舫迷鷺埃旌竿聳楓青澗潭黍黃被疇隴
天星一道飛川月四更湧高興不知疲清吟答秋葦

岳家口

機柁自彭石朝烟白一縷舟師際利涉及此未亭午
晶晶過雪帆鱗鱗比烟戶出網白魚跳捎幔黃蝶舞
山楂結實鮮水楊挂絲懸麴藥酌一巡茄瓜摘無數
涼颼吹鶴髮白浪洗鷗羽問知浦口姓令人思忠武

新豐堤

關西有新豐雞犬識所歸江南有新豐沽酒揮金厄
沿波過蕩槳落月停驂駢此間修堤亘遠樹青霏微
殘陽照漁艇好風吹旅衣綺霞臨水散白鷺傍人飛
素心滌塵慮淨眼涵清暉孤帆去不息極浦雲依依

犬逐鷹并序

蚌湖多寶灣一帶漲沙千頃犬見一鷹掠地奔逐欲

恒山集卷一

去

脩汲堂

墜之飛且下數四狂逐不已予目犬之至愚無知而
希妄得也作此詩以哀之

蚌湖秋水漫兩涯案衍千頃成荒沙禾黍青青盡蕩
沒農人極望生咨嗟日曠水乾沙一片茫茫空闊開
江甸一鷹掠地犬見之盡力奔馳疾于箭垂及趣起
高飛揚遠顧所往增傍徨羽翮翻忽已下逸足四
逐奔尤狂狂奔日夕猶不止眼飽心飢憊欲死謬學
虎視殊眈眈毛血豈曾膏汝齒終焉絕影遠奮飛向
空矯首何其癡舟人漁子共譁笑蹴踏塵沙空爾為
誰家惠養應畜爾媚主低頭還帖耳狺狺入夜護小
村未用苦搖求食尾倏看飛者覩橫吞飛沙十丈輕

追奔詎思豪家嘗食肉亦欲大嚼過屠門鷹犬由來
足倫比發縱指示如人意臂韉手掣共擾馴奇哉反
眼戕同事犬乎犬乎爾誠能平沙淺草爭蹀騰草中
狐兔任猛噬酬功得食從驕矜胡為背主逞私獵縱
然攫得啖剽劫老鷹戲爾誠可憐狂逐安能勝趨捷
嗟爾貪饒慙爾頑誤爾恰在多寶灣

沙陽

蒼蒼堤樹裏烟色渺沙陽地接新城近波連舊口
長飛蓬映天白落日倒河黃水宿頻淹泊秋風夕轉
涼

石牌水陸道場歌

恒山集卷一

七

脩汲堂

石牌古水環沙坡鐺環鐵索連艤舸旂竿十丈飄
娜靈壇掃地建巍我毘毘毘毘毘毘毘毘毘毘
文純榜揭虛皇號森羅尾署受錄臣誰何紫府列街
比朝珂紅字屈盤印濕窠綠章封事文縷觀象牙作
笏滑治軒磨伏奏金闕袍繡綢繆步作法旋烏韓鈴
鏡一振金鉦和逢逢沸天鼓鳴鼉參差斜吹管排鵝
鐘磬競響雜銀螺靈官巡羅烟樹寓仙界法比人間
苛鞠踞威儀詭詭殊科琳籤真詰體類蜩散縮宣揚白
日趁紙燈燒燭沿裏河星萬點如紅荷粧粉香蒸
玉山禾法筵施食手摩掌琅琅呼召萬靈過榮衣綵
縹紛婆娑扶携雜還髡與皤錦襦玉貌顰青蛾武士

盤兜前執戈貴遊金紫曳纖絢歛吸靈車馳馬羸殘
形憐戚駢跌蹉披髮狂奔舞僇傴僂鴻瀆鬼踏漩渦
陰風窳窳鳴林柯錢財賫送寶馬馱五方回遠疾穿
梭施主信奉心匪他眷屬邱姑叢嬌娥雲旗電鞭無
逶迤舌作霹靂驅羣魔秋根葉落楓香多青燐閃爍
明松蘿高低邱塚白楊拖孤魂筑歸山阿人神雜
揉理則那土風尚鬼楚語訛行舟下碇收戩戩圻岸
聚觀肩相摩履跡稠疊平淺莎道士卸巾醉顏酡耳
聞悲啼笑口嗟伊古孝子悲蓼莪殯葬不忍聞虞歌
國殤屬壇尊酌犧歲時逐疫鄉人儺先王正道絕滯
頗異端蠱起誰觝訶後惟有愈前有軻嗟予無力障

恒山集卷一

大

脩汲堂

頽波目擊狂惑涕滂沱

榜文頽書即姑二姑三姑疑如古即嫂之印

安陸

千秋安陸郡勝代署承天統繼高皇重情私濮議賢
商風摧草木落照動山川白雪樓還在其誰郢曲傳

碾盤山

碾盤山江邊兀起如規圓朝朝暮暮磨紫翠今日白
頭昨日玄老翁耕種碾盤上少時恍在皇初年兒孫
今已成老大事類三叟全耒田山前蓂洲湍回旋一
條橫起浮通川初時軟沙水激宕近俱壑闢禾綿延
青塍綠疇波中間東西相望帆沿綠蓬萊鳳麟渺何
處此似清淺滄波然世事興滅如秋烟紅桑碧海在

眼前衝瀨往來利名客老死劫劫趨險難自在誰如
鷗鷺閒風清月白灘頭眠有時浮沉碧漪面成羣拍
拍往復還疾雷殷地聲闐闐大雲垂垂覆瀛壖萬靈
都隨風雨集索籥鼓動洪鈞權妙運乾坤出巨手皇
天從之如轉圜況復區區此碾盤樞軸不動一氣旋
未輕著手徐引去物外日月常安便物外日月常安
便經綸區宇多才賢

宜城

襄郢連程遠宜城一水間蓬邊楓葉雨浦外棗陽山
減食憐僮病浮波愛鷺閒祇須沽美酒爛醉旅情刪

杜康造酒臺

恒山集卷一

九

脩汲堂

杜康真可意客為洗瓊杯徑向宜城裡還尋造酒臺
深緣結伶籍知已是尊壘自得情騰趣多儲麴藥材
沉寔堪度日茗芋詎聞雷百榼誠歡甚三蕉亦暢哉
鄉應耒畛域邱儘疊崔嵬且用寬禱杌那能捨秀才
載嗽良用誠獨酌不須催綠蟻當浮取金魚恰換來
消憂惟有此一任玉山頽

卧虎崖

崖儼於菟卧荒荒落照暝曾無渡河意尚有負嵎形
逆浪愁三老衝沙泊一舸艱危人世路吁駭飽曾經

小河口晚風揚帆至東津

萬事緣隨速與久薄暮停舟小河口篙工晚飯納涼

眠高歌已醉宜城酒沙灣陸續棧隣船接柁連檣排
鷁首魚鱗細浪卵色天明霞紅映千絲柳須臾旗尾
風舒舒歛吸巨靈鼓大鑪軒波春天陡激宕流銀走
永翻江湖長年驚從柁樓起餘艘隻隻爭奔趨同聲
邪許拽蓬脚巨帆十幅高張蒲帆懸風正浩呼洶浪
花噴薄船頭湧興會何如宗少文無恙行人出破冢
有如萬馬競攢蹄一氣蹶騰橫鼓勇又如快意沉溟
洋海若天吳吾不忍是時纖月搖瓊鉤星光炯碎暝
烟浮前行燈火影蕩滴入水化作長黃虬飛廉効順
回石尤雷礮聲勢驚陽侯句餘闌燭此一洗鴻毛疾
下萬斛舟川涂蕩蕩馳速正喜張弓飽帆腹觀音

恒山集卷一

干

脩汲堂

峴山

峴山橫郭起漢水入江流雲日相暉映烟瀾不可收
孤亭堪駐足空翠正盈眸墮淚遺民盡關心勝槩留
羊公長不沒碑篆渺難求陵谷追高岸衣冠累古邱
昔人多代謝我輩獨來遊鴻雁衝沙落魚龍蹴浪浮
樊城蟠巨鎮夢澤遠中洲冷寺飛丹葉殘僧諺白頭
甘泉瀦玉液苦茗瀉冰甌登眺移清旭歌吟及素秋
還思後賢至知有老夫不且領當前景聊將醉墨酬

甘泉寺

縹緲甘泉寺祇林在峴山冠公前冷眼丁謂照慙顏
世事多遷變人心足險艱坳泓喜清沁河酌辱譏頑
還客啣愁恨騷人信往還筠欄青宛轉蘚石翠爛斑
靜聽螺牕裡涼生葛袂間流連忘歸去乘月弄潺湲

隆中

草廬方伏處抱膝正澄觀梁父襟情遠隆中局量寬
指揮隨羽轉騰躍龍蟠策擬中原復心期漢鼎安
皇靈重建號將畧獨登壇西蜀扶黃屋南陽別翠巒
荆襄遺恨失汧渭出師難七縱聊恢綱三分豈奠磐
運移炎祚冷志屈陣圖殘食少勞還劇籌紆力已殫

恒山集卷一

主

脩汲堂

龐德公故宅

襄陽耆舊內最重姓龐人瀟洒携妻子相於忘主賓
芝華堪作餌木石亦為隣上塚隨時俗耕巖慙性真
貼安誠足寶偕隱鎮相親富貴三春夢英雄一窖塵
江山留故宅身世悟前因恍覩鹿門老青天月似銀

杜公里

舊名杜甫里子諡之

客久穿巫峽歸應向洛陽僑居習池畔也號杜公鄉
清景臨江漢幽栖憶草堂公家碑不昧此處里全荒
耆舊全書傳騷歌獨有光遺編成國史賤子仰壇場
愛汎襄江水休論漢殿香三秋登峴首一曲和滄浪

野興據難盡流風沂更長從欽詩入聖頗覺老逾狂
東郡雲千里南池水一方靈鍾輩川上賢冠吹臺傍
遊跡都相向吟情耿不忘崢嶸千古事述作在文章

王粲故宅

籍甚騰文譽同時數仲宣春風樓尚在秋水井依然
作賦抽斑管從軍跨錦韉端應並群雅却笑踟中堅
才子原無忝依人亦可憐行游殊汗漫歌咏謝拘牽
自得銷憂法誰慳假日緣悲君足漂泊生值亂離年

高陽池

一斛清冷水高陽有舊池習家多置酒山簡滿浮危
我亦醺醺醉相將倒接羅秋顏成若予歌曲信參差
人代頻徂謝風光詎改移顏唐騎駿馬笑然郢中兒

沉碑潭

秋潭渺千尺底處覓沉碑深谷渾難測貞珉聊爾為
高名原自振駿烈豈傳疑癖著春秋傳名同宇宙垂
龜趺休覬屬虎僕酒淋漓寶錄無嘉績謏文有愧辭
森森排石闕公等一何痴

萬山廢砦

一筇尋古磴獨上萬山巔流水曾何極沉碑故窅然
此間存廢砦終古帶寒烟獵虎風雲散蟲沙歲月遷
層阿消壁壘當日列戈鋌天地經龍戰邱墟有兔穿
襄陽秋樹裡峴首白雲邊長嘯青冥上秋聲巨壑傳

孟亭

朋好延清興凌空構孟亭吟應抽翠管醉定倒湘醺
漢水秋逾白襄山晚更青盤桓排石磴栖隱近巖扃
古訪龐公里隣依杜老庭雨餘松滴翠風際鳥梳翎
新靄開虛壁殘虹飲速汀當年詩老洽江漢聚精靈

孟浩然墓

吾愛孟夫子^{用李}端居最洒然清芬斯足貴白首獨稱
賢明主原非棄新詩盡已傳逍遙過摩詰傾倒在青
蓮耆舊人皆仰松雲自愛眠長懷中聖日莫問上書
年妙取山中遠無須床下憐吟偕輞川伴隱是鹿門
仙抔土留三尺銘文映九泉襄陽名炳蔚雲夢氣連
綿再拜澆杯酒烹陳縮項鱸

漢水渡

大川經禹鑿漢水入江流峴首橫臨渡滄浪順汎舟
雨雲天氣黯日夜客心愁惟我閒無事孤踪任去留

恒山集卷一終

門人梁曰源謄寫

恒山集卷二

錢唐桑調元

詩二

樊城二首

武昌柳下放舟行半月郵籤滯水程遙望梁園渺天際秋風秋雨泊樊城
未得征車輾轉推偏教騎馬到平臺鄒枚笑問緣何事重學書生寫券來

發樊城

輕颺拂短袂清旭臨征鞍首塗實綿邈上馬姑游盤古井冷泉溢衰柳青絲殘孤村草店圯一道沙河乾

恒山集卷二

修汲堂

迎涼動鳴嗟掠陰振飛翰遙行別襄漢聊用羈心寬

桐樹

樊城一以遠沙路千折盤荒鋪存古屋桐樹久摧殘柳搖翠陰薄瓜瑩清漿寒連塍吉貝白列道古柏攢滌場歲功稔察眉人意歡亦知非吾土信義快遊觀

柳堰

威紆入柳堰曲渠沙水清過澗攢迤邐占樹鴉縱橫投鞭夕照下睇髮涼風生瑩甌吸苦茗滑匙炊香粳秋空蟾蜍白夜砌螻蛄鳴不寐瞻河漢西流宵無聲

白河渡

客心競利渡浩淼臨白河卧柳崩古塹衝風起橫波

航頭馬怯上沙嘴人語多裝囊委隔岸挾柁凌盤渦秋陰黯白日潦水漫青莎雨雲垂大野鳥雀攢深柯咫尺阻滯滄俄頃愁滂沱我行喜既濟後渡嗟如何

新野謁先主廟和杜公韻

磊落英雄業端歸信義人劉天仍世系漢詔播絲綸西蜀存皇統南陽起相臣一戎難底定百戰歷艱辛羽扇軍機密金刀國事屯氛看瀾潁許檄不下函秦愍帝方更謚炎暉尚有神孤騫雲際羽相得水中鱗早獻黃陵瑞尋依玉壘春當塗移祚速章武紀元新初業三分在勞師六出頻益州雖鼎峙天下尚烟塵失計連營蹶貽謀仲父親惠陵裡祀缺昭烈惠陵祀典禮官宜與崇祀典

恒山集卷二

二

修汲堂

世祖闕宮隣籌筆空扶運屯田罷算緡譙周千載恨盡瘁負綸巾。

瓦店

瓦店村墟淨踈楊夕照斜棗園青磊落蔬圃翠交加塵滾先歸馬林喧後至鴉倒身輕展簾冰齒速浮瓜虛牖來明月高簷散綺霞傾尊勸孤影橫笛出隣家蒸濕如梅雨飄香綻桂花羸童猶染病幽室即為家名嶽方縈夢長塗未免嗟翻思銀漢客天路可乘槎

南陽懷古疊韻

南陽鬱佳氣白水起真人收復高皇物恢張漢殿綸孫隗真小醜鄒耿是宗臣意茲休讒謗萑蕪足苦辛

无飛威並震水合穀寧也炎鼎還興漢雄都不向秦
規模寧遜祖氣度不無神穹昊高飛翼袞瀛活涸鱗
龍墀方出日鳳紀復頒春已見威儀舊寧知腰臘新
驅除良易易倣擾莫頻頻纔振中興旅俄清六合塵
雲臺諸將偉星灝故人親赤伏收三統朱旗靖四隣
故鄉獨戶役大地富民緒秋雨尋遺跡蕭涼折角巾
卧龍岡懷古疊韻

從容論氣象儒者見斯人莘野分耕耒磻溪擬釣綸
生憐嘔血事死作鞠躬臣籌策惟紆難驅馳弗憚辛
軍營動雷電廷陛撥蒙屯東向空思洛西攻不出秦
天心渾矢眷將畧本如神猿鳥還驚顧鯨鯢未戢鱗

恒山集卷二

三

修汲堂

威聲銅鼓震恩澤錦江春北地心雖黯南陽業自新
出師名號正拜表涕洟頻江石猶排陣樓桑已作塵
龍岡當日起魚水劇情親直使孫曹畏寧惟管樂隣
垂名千載史養拙一竿綰下拜空階肅風前整葛巾

博望

張騫信奇士志輕萬里行程時逢漢武帝區宇恢八閩
久稽身毒國得脫仍西征失侯乃奮激絕域再請行
嗤彼驕癡子閨房戀媚姪春香飛夢雨日高睨簾旌
我經博望驛感懷意氣橫蒲梢來天馬遺種思在垆

趙河

一水下湯湯凌空少石梁逆行堪策馬徒涉共褰裳

倒影穿林紫浮沙繞岸黃山臨裕州近波瀉趙河長
午食惟葱餅宵眠只竹床酒斟椰盞醺藥煮瓦鑪香
夕月當窗白秋風拂簾涼烟波縈客思清夢在滄浪
舊縣

羅山舊縣草芊芊行客無情一慨然物外襟懷原自
曠病中主僕互相憐週遭城看于隍復蹀躞蹄擗出
塞穿茅店今宵須早宿藥鐺携取手親煎
葉縣

葉縣

逶遲過葉縣僕馬並瘡痍雲水携耕侶塵沙涉客途
柳風飄斷縷荷露瀉圓珠無復王喬在荒陂下野鳬

裏城

恒山集卷二

四

修汲堂

石梁橫亘岸東西水面憑陵踏馬蹄風勁已看秋柳
墮霜寒不斷夜烏啼孤城月上三霄白廣野途經七
聖迷欲哭徐陵披宿草何當庾信手全携

哭劉芳草寄張瓜田庚

交誼原存譜文章信有神長謠悲引領大雅絕扶輪
憶共瓜田老情聯蘭臭真差肩三叟在未面一心親
結夢因依熟緘書往復頻裏城遙命駕張丈早聯茵
比德叨授玉論文滿飲醇中州徐會我古道藹過人
清切迎鑒地追隨把袂辰風流一以散雲逐渺無
因炳蔚橫昭彩飛騰偉致身石渠辨同異金匱析紛
綸儒術包經史家聲領縉紳殊憐萼樓晚不戀玉堂

春泉石偕昆季琴尊遠俗塵討論消歲月挺拔比松筠
老去靈光歸門中內則循編摩擬遷固聞望等荀陳
白首窮三禮青燈過八旬早年花筆燦餘事錦機新
經抱玉川子人呼初孔賓儀刑夫耆舊神理不沉湮
空冀生芻束終亡郢匠斤題詩報駕浦天末並沾巾

贈萬灌夫圖

古有文章契今看意氣醇殷勤攬瑞佩倉促過城闌
馬首雖相見途中未得親遙追襄野道直至穎橋濱
契濶經時久因依露性真西田生令子萬灌夫東觀待
斯人儒術承先緒家聲邁等倫緇帷從學地梁苑說

恒山集卷二

五

修汲堂

詩辰謂隔春風座重移秋月輪邀予返元嶽許爾奉
清塵執友如韓愈淪亡實愴神遺文編李漢劉青芝涕
淚益沾巾宿草思全視生芻必具陳渡頭揮袂別後
會豈無因

黃帝問道處

軒皇求治道枉駕勤訪之言尋廣成子曾詣崆峒
大隗何處所襄野此逶迤遠勞方明御七聖途皆迷
異哉遇小童乃復知其茨請問為天下去其害馬為
片語握樞要稽首呼天師皇初去今遠故跡無留遺
漫山長秋草落日寒荒陂

文王化行南國感而有賦

流行置郵速孔邇戴周文協氣延江漢和風被汝墳
羔羊承雅化卷耳播清芬主治睢麟意宣猷周召勳
糾桓及干櫓貞一到釵裙鼠雀簷檻靜翫縱數澤犀
彼穠杼麗景如燉淡炎氛美俗厖無吠佳辰實有資
鵲巢春暖煦廣野翠續紛芣苢盈衣袂蘋蘩漾水紋
騶虞避生草喬木靄重雲蔽帝棠陰茂參差荇葉分
白茅隨地長黃鳥隔林聞大烈丕聲承武終身服事
殷二南風列首九畷德俱薰思渥舒魴尾功成過虎
賁靈臺開遠色豐邑映晴曛翔洽端由此千秋仰聖
君

子路止宿處

恒山集卷二

六

修汲堂

不知夫子跡獨著丈人風物外多情者吾欲荷蓀翁
芸時忘苦樂隱去渺西東閭絕君臣外雍然長幼中
拳拳亂倫議皦皦潔身束雞黍田家足烟霞杖底通
相將二子遠難得一宵同粉本花源記幽清意不窮

沮溺耦耕處

殷憂夫子聖沮溺獨悠然得耦紅塵外偕耕綠野前
誰迷津畔路難謝世中緣鳥獸非傳侶耨耨實靜便
春秋無治國楚蔡有閒田借問饒烟景遙行渺水天
避人心最苦招隱意何拳千載相關處奈奈粟里賢

子路問津處

亦知流不返天下盡滔滔問渡蒼茫晚迷津往復勞

孰與形自瘁避世節誠高有道期何日同羣屬我曹
耦耕烟滿隴行告水平阜落景征人倦荒原宿鳥號
秉鋤腸已木攬轡目猶蒿想像容顏慙奔波客意切

頽封人墓

春秋賢者衆吾重頽封人蘊藉含天趣纏綿露性真
數言能悟主一飯不忘親術解何曾貴機宜倍覺純
莊公嗟太忍鄭志憐無倫克段摧鋒疾奔共掃跡頻
城陰從此真姜氏見何因繻葛輕加矢周禾滿積困
天王且於邑母弟益酸辛悔尚萌平旦從教動惻忱
及泉原有誓出隧不無神永錫情難已如初樂更新
寒沙迷舊谷古墓出荒榛落日發孤旻踟躕駐客輪

恒山集卷二

七

修汲堂

許昌懷古疊韻

不得奸雄志稱王定幾人睢盱傍晚鼎狡獪總持綸
政豈由天子名偏附老臣明知鳩鳥毒默茹蓼蟲辛
偏迫多連蹇流離足險屯可堪遷在許不異劫歸秦
勢已成三國虛教主百神藩憐觸羸角肆待索枯鱗
慘矣牽孥日傷哉愍帝春綴旒終自絕受禪一朝新
撫手山河定經心戰伐頻乘時爭割據失勢委埃塵
衣帶遙傳詔宮廷近孰親降封公是爵趣死鬼為隣
頽上過頭杖湖邊數尺緡何須預人事踈放脫烏巾

許州聚星書院會張端甫本兼寄定巖

南人苦鞍馬願得小停車况復親知在相看意氣舒

文星照清潁禮教紹橫渠賢牧論心舊名流入院初
深談倒醺醺永好贈瓊琚喜子清緣合憐予勝會虛
九江烟際舸繁露篋中書異地從飄梗當風失把裾
雲飛閭嶠外雨散汴梁餘人事縈懷黯朋儕見面踈
關山嗟渺矣膠漆復相於舊好腸應繞新詩錦不如
醉吟秋興發山水野情攄旅跡雖流轉離愁却掃除
天峯指恒嶽地主別匡廬過訪聯瑤席歌呼繞綺疏
前途還浩渺後會更躊躇此夕班荆話緘題寄鯉魚

端甫話朱排山楓曾過許州知其墓先人畢

仍往醴泉奉懷有作兼示其子性之

家源

秦中一為別契闊五年餘故國稀消息他鄉悉起居

恒山集卷二

八

修汲堂

言傳許昌騎仍駕醴泉輿大事封堂斧輕裝別里閭
涼風下賓榻細雨剪園蔬喜見朋簪盍愁思旅袂踈
容顏吾老矣興會爾何如肯構成佳士分符播令譽
清標渾玉映煖氣更春噓但自臨花縣何須厠石渠
同聲重循卓雅意淡遷除相彼夸毗子空參僦直廬
規繩輕徇越貨色恣佃漁志節寧如古身名損厥初
眉軒忘愧怍齒冷足欵歎詎若能為宰依然不負渠
鄉邦稱籍甚父子總相於往歲扶筇過官齋掃壁書
民歌今有袴客豈出無車四僎驛禽夏間心在恒宗逸
興據新遊來得得昔夢省橋送子遙塞北龍沙路關西鴉
首墟明燈全話舊夜色映蟾蜍

朱仙鎮岳廟疊韻

南渡饒名將中興尚有人長城翻自壞漏網羅彌綸
國仰無雙士忠藎不二臣堂庶羣讌笑父子獨愁辛
直搗威名震偏安氣勢屯兒童猶罵蔡校尉欲殲秦
鐵騎方張膽金牌忽愴神北盟搜利齒南渡迫窮鱗
湖岫花誠麗冰天草不春十年雄略廢一德密謀新
黔首流離衆中原蹂躪頻難還兩宮駕誰掃七陵塵
紫殿光雖燦青城影孰親熊羆摧猛士豺虎壓強隣
苦儒東南域度輸百萬縉朱仙當日慘慟哭血盈巾

汴城寓袁石峯

辭寄宅奉贈

夢中燈火繫樊樓風雨懷人苦未休應念兩年歸故

恒山集卷二

九

修汲堂

國難忘一老住中州淋漓醉墨看君潑瀟灑清言待
我醉早識向平遊獄去飄然物外是良謀

喜張圖東

至汴城迎寄

高才久凌替古義孰撐扶賴有圖東老能知物外徒
九江成契闊千里動嗟吁頃向恒山去重過汴上趨
弘農猶遠隔良覲渺難圖只擬音書達終憐願望辜
懸旌搖不定負弩報前驅昨見燈花燦晨聽喜鵲呼
精誠動天地會合在斯須笑口開何遽愁眉散鬱紆
論文當往復把袂極歡娛沈約憐何遜清吟不獲
俱馬卿去梁苑授簡失相須舊伴當風散離憂駭
浪輸知君方閒寂過我慰羈孤好句傾心吐清醪滿

眼酷蔗竿狂起舞墨汁醉沾濡互欲詢今事專思認
故吾何勞走銀鹿亟喚駕驪駒邂逅真奇絕纏綿有
是夫同功新作繭喝采巧成盧翻慮牽官事中腸轉
轆轤

喜馬石蓮

已歸田蕪呈圖東

解組聞吾友懸知歸興濃塞翁非失馬老子直猶龍
值此身名泰蕪之情性慵二分延月色一縣剩花穠
田舍無佳產眉鬚有好容聖湖邊眺覽邇上想過從
並着雷塘屐還浮花港舸君孫洵書種我子仰儒宗
快意拈吟管隨時把酒鍾得完和氏寶早歛太阿鋒
拋却無窮事遊于若箇峯還招東陝老分捻一枝筇

恒山集卷二

十

修汲堂

聞石蓮辭官時喪子寄此唁之

只知賦歸去從此一身輕不道遄傷逝幾令老喪明
皇天安可問太上詎忘情羸博揮悲涕休留放惡聲
單傳哀欲絕毫及恨尤盈玉已看埋土金非得滿簾
天言大靈迷家學小同成猶幸傳遺緒終須續令名
聖猶遭鯉死客孰效驢鳴獨倚樓頭會千巡酒勸傾
青雲失佳器白首哭浮生東向邳溝望能無淚濯纓

圖東攜尊過石峯宅小集

平生嚴一飯素性秉硜硜曲室知心遇清尊到手傾
能詩仰張籍咏史愛袁宏借宅依賢主攜觴宴友生
幽踪來不速良覲巧相并細話風塵事全據肺腑情

崎嶇八閩險浩渺九江橫瘴癘南天重烟嵐蘆阜輕
微軀嬰疾病高卧返柴荆濁酒從元亮名山逐向平
新遊趨北嶽舊夢省東京號國遠千里梁園阻十程
何期寓高館恰喜過前旌燦爛燒華燭淋漓倒大觥
暫時停短策奇輝煥長庚霜雪沾衰髮波瀾挹老成
平臺去司馬變律少雲卿壇坫聯賓從騷歌獨主盟
吾徒藉陶冶藝苑合鏞笙廣列春風座分標月旦評
陳生蒙許與陸子被將迎父執施恩煦兒曹牖隙明
通門加繾綣寸臆總迴縈文祿憐英物聰明發駿聲
詩篇傳大業才子出高閭稂莠秋飈捲蟲沙夜雨清
人情多變幻天道有常貞分陝昭嘉績懸車保令名

恒山集卷二

十一

修汲堂

風流信千古月上已三更纔送檐帷去頻聽街鼓鳴
流連今夕醉晏歲特崢嶸

汴上奉懷沈樗莊維材兼寄菽林廷芳仍借用杜

公三十韻

汴水波聲遠秋宵月色涼故人俱間隔離思倍悠長
良會渾如昨清言耿不忘高名仰同姓旅跡竟殊方
湖海抒鴻藻天河斷雁行蓬池何索寞烟景剩蒼茫
壇坫追詞伯縑緗貯墨王有才標炳蔚無命默淒傷
紫陌駢先騁謂蘇青冥鷲未翔只今雲已散念昔日相
將我別中州後身行萬里強閩山嬰瘴癘聖水禳災
殃劇疾俄蠲累清遊若捕亡祝融峯頂月廬阜樹頭

霜潭瀑珠璣濺巖花綺綉粧醉吟殊自適去住幾曾
妨嶺嶺貞元殿開溝險峻疆榆林千里接松岸一邱
藏直上捫星漢橫衝過虎狼沙浮龍塞黑日落雁門
黃載酒仙臺側題詩石窟傍長城凝翠色曲室發丹
光絕險懸幢下探奇肯繁嘗懷人經此地僑舍在何
鄉薜荔搖書幌珊瑚架筆床常時捺綬好盡日吮毫
忙興自貪看竹情全賦采唐冰輪過三五酒債等尋
常公等欽名舊吾生笑老狂恒宗過獨往不少禹餘
糧

汴梁懷古疊韻

恒山集卷二

十二

修汲堂

火照陳橋驛黃袍擁一人冠裳資翊戴掌握掃紛綸
趙普興朝相韓通舊國臣孤兒忍欺負五季最含辛
驢墜時方泰鵲啼運復屯夢華嗟自汴新法暴於秦
搜括堆花石摧傷哭鬼神山殘翔鳳翼池沸駭鯨鱗
聞寂樊樓火荒涼艮嶽春早看丹籙委無復韻紗新
轅去天邊香盟從城下頻鄢陵照烽燧梁苑亂氛塵
韓岳勲全廢汪黃意總親東京失鐘簾南渡愴臣隣
旒冕艱天步金繒費國緡寶津重弔古醉墨漬衫巾

改唐人詩一絕示友

謁五賢祠

仗劍行千里微軀敢一言曾為大梁客不受信陵恩
氣向中天亘輪將大雅扶五賢萃精爽六義定規模

往者魏祠嘉年深舊迹蕪掃壇嗟泯沒停騎一踟躕
才彥來持節風騷本合符移從吹臺側近與講堂俱

五賢祠舊在吹臺已廢
司馬沈叔林移祀書院

榛楠新瞻仰帷龕共拜趨重來失膠

漆早去繞粉榆雪爪留陳跡壇場奠永圖乾坤生炳
煥草木剗昭蘇老杜先聲振青蓮逸轡驅悲歌心獨
苦刪述志何殊詩史標千古仙才蓋八區高名動寥
廓藻思壯敷腴散帙追人日論文在酒壚詞源噴浩
瀚花管潤凋枯參樹開元旆分張弘治弘豪應黑白
髮奇可四三都名輩差肩立空同奮臂呼揮撾凌貴
戚代草効姦諛大復天然秀林宗歲早祖舍人上封
事辰告表訐謔鐘呂聲全發丹青色不渝熒煌繞螭

恒山集卷二

三

修汲堂

首巖矗立龜趺偕把隄廡洒分明篆籀篆獨教心跡
白一洗古人誣節槩橫霄漢文章謁大巫分騰靈嶽
氣聯綴繡星珠諷誦開瑤軸明裡荐玉壺龍門還壯
觀虹彩映高衢運會時當復流風德豈孤和稀翻白
雪嗟笑唱皇穹似續長宗古磨礪共握瑜先生推此
事後死責吾徒佇立中原望光芒射斗樞

奉留別石峯

金石深情固烟霞奇意屯吟遊為事業道義有根源
兩載嗟睽隔中州繞夢魂今來向恒嶽還復到夷門
把袂留車騎開軒倒酒尊新花窗外滿舊句壁間存
活潑幽篁影縱橫醉墨痕冥心遊物外逸興寄雲根

片紙千金直洋州一派論延賓賞秋月行樂闌芳園
洛誦時教子舍飴喜弄孫衰遲憐白髮久語過黃昏
雨散諸僑侶天留老弟昆扶筇行處密聯席坐來溫
爛漫天真露纏綿古道敦深投過膠漆篤愛比璵璠
謬謂儒流振孤看風雅騫含青雙眼對坦白一心捫
矍鑠能騎馬逍遙喻化鯤微疴顧僮僕安養寄邱樊
賜以盤飧食加之挾纊言疲驚從偃息健鶴遂飛翻
琴酒辭精舍風沙歷塞垣因依同骨肉放浪閱乾坤
話及仙遊枕遙思客到村千山逾代郡十日訂平原
預遣持乾糗親看駕短轅無窮攀送意汗水激潺湲

渡黃河

恒山集卷二

古

修汲堂

洶湧乘槎水奔騰入海流茫茫三十載渺渺一孤舟
早向波濤涉今為汗漫遊平生仗忠信萬事信沉浮
氣壯衝風渡心存捧土謀魚龍中夜舞日月四時遊
鯨穴潮常接龍門浪不收隄防功幾策舟楫願寧酬
幾度臨隄岸孤懷動遠愁狂難將手障急遂把身抽
劇為澄清喜殊含蕩析憂神祠奠圭璧佑舶奉尊旨
瓜蔓依然下桃花無恙不蠶桑應底定淇竹事綢繆
九曲沙還刷千金壺孰求猶提斬蛟劍不下釣鰲鉤
物外閒心寄人間浪跡休東西雖滾滾來往自悠悠
堪笑孤濡尾遙看蜃化樓曾登太華頂獨覽大川秋
冷對空明兔誰馴浩蕩鷗尋源曾有使博望久無侯

水憶強車渡泥看獨漉稠慨然思古杰兀爾倒新簷
濁汎驚奔鷄華顛老禿驚此行上恒嶽仍復過中州
汴上花何麗平臺客孰留歌筵小垂手鄉信大刀頭
踪跡隨萍梗繁華等泡沬斜陽寒澁濤浩唱發中洲

行至延津車馬入深溝作

野水洶湧漫聲康莊延津城外軒波揚兩行列樹表
古道驅車一綫由中央隸也不戒坐車首游戲自在
揮鞭長後車大呼勢危急六轡不及過收鞭深溝咫尺
若然陷碾礪水濺千丈強駭駭馬頭倏盡沒平沉
蓬背浮湯湯蒼頭性命在呼吸呀號涕逆秋雨滂脚
踏棘輶聳身上健手恰恰切扶將老夫凶已至滅頂

恒山集卷二

五

修汲堂

翩然躍出如鳬鶴行裝百物棄不顧忙中攫得古錦
囊一編吟藁喜尚在此戲雖酷猶非殃濕衣有似衽
鐵甲淋漓數里奔踉蹌同行顧老早投店借我衫袴
開絨箱剪紙招魂慰驚恐豈知我意如尋常死生修
短有定分順命底用生校量水死諒不在平陸歡遊
未畢寧先亡有生奇險飽經過平地瀕洞開溟洋詎
止區區入坎窞知非無底龍宮藏往日三蕉却小戶
今須牛飲連千觴縱酒高歌恣豪橫滿几醉墨汚淋
浪

衛輝懷古

康誥存書策賓筵入雅詩風流垂夾禩徽美著當時

萬里孤雲迴三秋落葉遲悠悠俯淇水祇願釣竿持

淇澳

淇澳澄泓處青冥倒影搖一泓留古水萬疊瀉清瑤
蒼竹消沉盡珠楊斷續飄人懷星弁在地覺梓材饒
酒誥流風永賓筵世代遙釣竿思簞簞舟子賦招招
圭壁光華映泉源景色撩迤邐虹氣巨蹠蹠馬蹄驕
聖筆垂千禩天容淡九霄秋光渺無盡蕩漾碧滌滌

淇縣奉懷亡友錢茂南松二首

苦憶錢淇縣琴堂至孝聞上元為母壽隔歲索吾文
愛日香春酒悲風黯夕釀旋教揮誄筆血淚逆紛紛
黔黎思杜母仍復泣中州鳬影來何暮駒光逝已道

恒山集卷二

五

修汲堂

古朝歌地

伊古朝歌地涵濡聖化頻沫邦明已久淇澳美相因
酒澆嚴存誥初筵輒誠賓磨圭渾恐玷藝黍總能純
愛土寧違祖牽車亦為親梓材勤用斲疆畝明教陳
物產椅桐茂光含萊竹春風移曾歷世水監孰如民
文考光於日殷囚念至旬大家居克達遺俗早還淳
百度遙由舊羣黎丕作新聞名啞墨子何事遽回輪

新脛河

不忍從茲涉名傳新脛河鬼聲喧夜哭王氣冷朝歌
白日秋空黯悲風此地多毒通遍寰海淵藪萃盤渦

披髮狂難已剗心慘若何魴魚少游泳貌虎遂經過
流血方漂杵前徒竟倒戈腥聞猶自穢未許滌澄波

鹿臺故址

商受留遺址荒郊黯夕曛貨財光燦爛寶玉氣氤氲
園囿羅牙爪洿池蔽祲氛鉅橋全暴飲沫土積腥聞
伐密臨衝捷戢黎奔告勤全拋九圍式遂策一戎敷
大賚周寰宇東征仰聖君鹿臺終自散象齒適教焚
億兆歸如水三千湧若雲由來存覆轍殷鑒省詩云

殷六七賢聖君故都

元鳥祥初發生商降自天成湯光肇造相土烈洪延
開國除三葉經邦表五遷武丁終善後太甲早從先

恒山集卷二

宅 修汲堂

一德阿衡訓交修說命篇涉河新井里都臺舊山川
翼翼清威振九九翠色連故家森物望遺俗藹周旋
大戊興中葉盤庚續盛年典刑留琬琰師保定坤乾
寢廟松楸色壇場柏社烟啟心昭日月運掌總垓埏
王享琪球萃猗那馨管宣聲靈敷有截憲典奉無愆
自昔從繩正由來秉鉞虔龍旂承六七虎賁下三千
祖德雖昭聖孫謀貴象賢殷宗派輝赫駿厲至今傳

殷三仁故里

厥罪浮於桀洪威肆獨夫典刑全滅裂賢聖早凋枯
微子胡先去湯孫有後圖比干殉直諫箕子竟為奴
靖獻趨原一顛隲事各殊賓王非得已祿父只如無

悽惻狂顛發哀傷心獨剗商辛就淪喪牧野召征誅
修禮歸東夏來王失毫都釋囚生亦慘封墓死何辜
抱器存宗祀陳疇闡道腴三仁情黯黯七竅血模糊
舊史悲風起遺墟落日晡停車憑弔處潸淚似連珠

比干墓

聖人埋血處抔土燦光儀斷脛誠為慘剗心更益悲
殷憂緣叔父直諫過微箕七竅生寧異三仁死獨奇
鹿臺增暴斂象箸長驕痴甲亂家惟索寅恭俗弗遺
毒痛胡可忍弔伐豈容遲戈向前途倒旄從牧野麾
一戎底定日四海永清時封墓哀何極懸旗悔莫追
携將宣聖筆題取太師碑地下龍逢友郊前虎士馳

恒山集卷二

宅 修汲堂

白魚新紀史元鳥舊徵詩縱使周弓報遘教商鼎移
行人齊仰止繫馬重凄其祠屋靈風滿千秋灑涕洟

古頓邱

一片風沙地相傳古頓邱氓蚩成後悔躬悼誤前謀
送涉聯新愛乘垣動遠愁賄遷殊有喜絲買豈無求
將子情中變良媒願枉酌女耽誠可醜士貳亦堪羞
信誓三年斷秋期一日休涕漣方自絕啞笑又誰尤
抱布將何遠漸裳不可收長卿思返恨空厓食貧憂
旦旦寧回顧湯湯已各流復關徒繾綣淇岸失綢繆
詎是同心匹原非偕老儔玉顏難永保黃隕付鸞輿

孔子擊磬處

殷憂宏願豈硜硜搏拊傳宣試一鳴門外任過行止
跡心中寧昧淺深情淇泉水纏歌韻天地清商繞
磬聲頗怪幽人辭重荷不將一簣易蒼生

宜溝謁先賢端木子祠

孔門論授受達者得升堂用杜曾唯原同貫顏知庶可
望已能融學識奚止悟文章宏偉行連騎名通等百
王却牢雄發口去饒黯回腸道誼由來篤師恩炯不
忘三年增黯慘七日早悽傷懇至還廬墓纏綿獨築
場生原從曠野沒更戀宮牆此事真彪炳吾歌特激
昂宜溝仰祠宇尊俎有輝光聖學追流派凝思涕滿
裳

恒山集卷二

尤

修汲堂

嵇侍中墓

延祖身何出遺孤志可通絕交嗟叔夜啓事賴山公
入世生逢難登朝死効忠官廷雜痴點宇宙擾華戎
開國公曹氏承家用賈充羊車經月夜鱸膾感秋風
消息孤危際公私禍亂叢綠珠誇色艷金谷以財雄
到市哀潘岳浮江趣阿童蕭牆憂在內典午勢將東
甲繞金鑪裡戈揮翠輦中帝衣濺點點臣氣亘熊
舊里松楸鬱遺墟堂斧崇堪悲侍中血勿遺浣殷紅

扁鵲墓

三尺沙邱在綿綿神理留醫堪標技絕災不為身謀
清飲上池水寒生高樹秋國能今未有痼疾向誰求

湯陰岳忠武先塋疊韻

金亡後理宗自湯陰遷忠武墓於西湖故此名先塋

及見金亡日湯陰憶偉人先塋移若芥新詔下如綸
大義明如日精忠勸作臣湖邊標炳煥地下慰悽辛
已覩前灰滅其如末運屯蜀疆難保漢周命迄歸秦
莫駐南奔足空傷北顧神衝風無奮鬣竄海有驚鱗
雖踐中原土虛頒正朔春華胥夢何短色日勢方新
戰鼓秋聲咽邊烽夜報頻留都空駐蹕行在轉蒙塵
白日終須墜皇天實少親爪牙誰禦侮唇齒憶亡鄰
帝艦漂沉葉朝綱斷爛絡還悲黑龍首銜髮上冠巾

湯陰謁岳廟

恒山集卷二

于

修汲堂

篤生忠武地廟貌極清嚴故國靈風肅先塋蔓草萋
崢嶸聳棟楠盤鬱挺松杉大字留青碣豪吟送紫巖
北征神共王南渡恨重銜戮力方摧敵雄心忽被護
班師緣一德和議定三緘聖水空留蹕妖星罷掃檣
臭應污鐵鑄芳自勒金函馳道鑾輿駐穹碑
御藻劉明裡列犧象舞佾奏韶咸元惡神明憤精忠
天地監湯陰雲漠漠吳下月慘慘秦鉞春秋筆留題
竊發九

宋施將軍全廟

將軍誠大勇義烈表千秋一校猶據憤盈廷合抱羞
橫提太阿劍直斫佞臣頭閣畔消氛侵橋邊激怒流
非啣國士遇為報兆民讐遺廟隣忠武晶光照九幽

美里城

美里城邊路雲霞燦若也長懷西伯聖私嘆鬼侯冤
憂患形神寂文明氣象暄易中推造化心上體乾坤
龍馬遙參攷義皇默討論先天易方位後聖究根源
卦彖三才括樞機一畫存分爻觀象細掛扨探著繁
易簡斯為得圖書豈憚煩幽拘臣節順衣紹父書尊
鐵摘年須假韋編手自翻九師紛末學十翼總微言
繼事嗟黃鉞齋心戀玉門通成地天泰盲憶日星昏
除烙昭明德專征戴主恩來王終北面歸老守西藩
回首朝歌里全身畢郢原須知稱至德鍾毓會貞元

周文王廟

恒山集卷二

三

修汲堂

萬古文王廟三年美里城拘幽曾有操通駿豈無聲
一意將柔順終身戴聖明舊邦惟服事新命且專征
易彖從茲演風詩到處賡悽傷伯邑考宏濟散宜生
孟水看魚躍岐山聽鳳鳴寧期崩厥角遂遣裸于京
櫟桷於昭象閭闔孔邇情當塗真國賊齒冷比忠貞

安陽謁韓魏公祠

賢俊乘時出東京偉烈聞臚傳天聖榜史奏赤霄雲
坐畫安邊計連標定策勳戎經昭果毅元老効忠勤
威望寒西賊英猷危大君樞機贊綸綍堯舜出筭裾
曉影珠簾撤朝儀雉扇分宮闈仗調變廷議息紛紜
開濟和同列匡扶迴出羣富公偕枋國范相並能軍

晚節黃花馥清尊白傳醺安陽擁牙燾畫錦麗榆枌
餘事詩毫藻完人史誦芬山岡韜鳳彩碑碣煥龍文
老圃寒秋色遺堂藹夕曛空慚游滄海泉石攪清氛

贈別陸疎村

攀堯

與子欣相見情懷具率真憐予衰邁甚垂老遠遊頻
五嶽平生願孤吟現在身尊疊勤注玉髮散如銀
舊事渾疑夢長途暫息筋論心愛良覲從滕值蕭晨
高館依如昨新詩可滌神揮毫何敏捷吐口出清新
內顧猶無室憂思總繫親懸知負米日即是倚閭辰
每念東陽瘦深知原憲貧空囊撫羞澁獨影發吟呻
莫嘆羝藩觸從教龍性馴邇須依寢舍弗倚倚風塵

恒山集卷二

三

修汲堂

一夕南州榻千秋大雅輪吾徒足狂簡此事表儒珍
壯盛心逾下芳芬德有隣光芒希李杜鏃礪合張陳
陳竄踪跡瞻今我規模跼古人處窮才益練守道氣
逾振秉燭過經夜回車訂幾旬明朝促分袂回首在
漳濱

九日發安陽

安陽好景值重陽馬首欣瞻旭日光已荷天公催轉
轂尚煩地主勸飛觴漳濱衰草人千古鄴下秋風雁
幾行堪笑牛山揮涕淚酣歌自得老夫狂

渡漳河

漳濱水半落填淤數里賒淺渦不沒脛深溝尚淹車

瀕河蕩客影鼓楫飛鷗沙隔岸黃嶂吼雜樹青鬚
英雄沒類照詞賦飄浮花古人不可作臨風生嘆嗟

古鄴下

驅車出古郡洒翰破長箋鄴下紛騰踏漳濱渺溯沿
西園蓋成陣平樂酒如泉高會南皮去清遊東洛旋
危臺聳銅雀孤館坐芝田羊叔寧如伎陳王故感甄
何人敢平視有客踟中堅肉過屠門嚼其從釜下爇
彈基矜入妙傳粉學爭妍禽委中郎喜蒲生新婦憐
龍興章武號虎閭建安年魏國山河定陳留禪詔鏤
亮瑜生並世舜禹事喧傳擾攘黃初歲淒涼白馬篇
居然建曹社無復戴劉天安漢嗟誰信為周詭自全

恒山集卷二

五

修汲堂

狔兒笑劉表獅子憚孫權鼓吏寧堪謫中官忍被牽
短歌偏慨慷疑塚修連綿橫槩臨江上分香宴寢邊
車前懷故舊塞外贖嬋娟差覺強人意聊堪綴史編
奸雄天命在才子彩毫宣懷古臨秋渡踟躕夕照前

銅雀臺

空宮閉蛾眉秋光浩無主玉樽既虛陳水絃為誰撫
憂來起登臺漳流渺終古色冷西陵松陰森鬼嘯雨

疑塚

齒冷營疑塚荒原蔓草稠阿瞞徒自詭如鬼用深謀
陵憶熊羆守雲含銅雀浮伎悲簾幙夕誰望暮田秋
魏國無抔土漳河有逝流人偏工發掘天豈許長留

縱把窮奇瘞終貽鮑肆羞先塋標鄂國遺壠指忠州
而處存封樹千秋奠壘自忠心懸日月朽骨若天球
竟夜床頭徒環廬衛最周生猶惴華屋死莫保山邱
鄴下溟茫跡疇人放曠遊間心費憑吊驅馬過悠悠

恒山集卷二終

門人梁曰源謄寫

恒山集卷二

五

修汲堂

恒山集卷三

錢唐桑調元

詩三

磁州

此州形勢壯睥睨拂高天遠岸臨漳斷穹樓拱日懸
商飈下楓柳寒水倒蒲蓮旅思重陽後清樽那處傳

杜喬故里

車過杜公里夕烟蕭瑟橫固原同慷慨匡亦最崢嶸
外戚權薰灼中涓勢合併人亡良可痛邦國遂旋傾

趙王城

鎚視千金意洒然邯鄲圖解憶當年帝秦齒冷辛桓

恒山集卷三

修汲堂

竹助趙心雄魯仲連古道荆榛寒雨絆荒城孤兔晚
烟穿買絲還把平原繡遥酌清樽向九泉

黃梁夢仙宮四首

夢裏心情槩可知由來富貴長驕癡人間滿眼虛生
在正是黃梁未熟時

榮華得意入瑤閣乍落風波噩斷魂耐取一炊光景

過底須人世問涼溫

秋水澄潭寫我真繁華諸事不關身神清骨冷渾無

夢睡起仙宮一欠伸

老去天教作向平自從畢娶萬緣輕翛然五嶽雲烟

裡一枕遊仙夢不驚

學步橋

紅橋天半亘老馬向空騰借問當時步其誰擅國能
邯鄲踪尚在匍匐意難勝餘子毋輕學因聲寄壽陵

蘭相如回車處

蘭公標豁達古義不蒿萊兩虎寧私鬪高車遂獨回
二賢聯氣誼千載仰丰裁洪量江湖納清衆日月開
端須共匡濟豈忍蓄嫌猜和協諧廷議紛爭笑黨魁
壁歸函谷外在擊澠池隈睨柱何雄絕登壇實壯哉
相謨資穆穆將畧表恢恢並使王威振休教國勢頽
晏颺何足算蜂志亦堪哀凜凜存遥慕奄奄任衆咍
陳人埋煨燼生氣薄雲雷遠道排疎樹秋風漾積埃

恒山集卷三

修汲堂

長卿心折在吾意倍徘徊

大義存孤處

精誠咸懇切孰易孰為難但保真孤在寧知軀命殘
悲風經禍烈曠日不盟寒趙氏何功德邀披義士肝

豫讓照眉處

豫讓身為癩相傳此照眉毀容妻不識厲節爾如斯
白日舒虹氣秋風蕩水湄堂堂標國士肯抱二心為

沙河道中

沙遠何澶漫彌望黃浮浮回颺墜飛雨累積成高邱
人行苦沒踝動懷顛躓憂踟蹰馬蹄溢焉能掉鞅鞦
邪許衆力併焉能挾輪輶攀躋尺寸上艱于淺瀨舟

餘潦蕩清瀾篆紋寫鐘自陽坡鬱生意蘆鉅秧針抽
乃知世途險非必孟門陬不畏石犖確畏此如脂柔

豫讓橋

豫讓留奇烈長虹亘太清尋仇一刃厲答主寸心明
百折誰憂死孤懷豈愧生陰風悲飲器駭浪恨沉城
感激曾何極摧傷最不平漆餘存癩體啞復黯吞聲
乞市妻難識過軒橋馬忽驚獨思忠智伯不得事中
行恩遇邱山重殘軀片羽輕寧忘國士報詎等衆人
情劇苦頻謀失疇甘貳志萌擊衣形踴躍伏劍氣崢
嶸入地埋英魄呼天動血誠長聞豪俠士涕類濁河
傾

恒山集卷三

三

修汲堂

邢臺

郊坰一清曠青葱夾榆槐大道直如髮輕車轉若雷
沙乾馬蹀躞波淺鷗濛濛空白雲映平野斜陽開
秋畦茂蕎麥一片白皚皚僕夫乍釋策今夕投邢臺
車行月下二首

疎影動林樾掩映飛車行衆星光磊落一水寒澄泓
新披檀裘煖近照篝燈明五度上京華雜慮慚牽縈
今晨嶽遊去窈然天機清露下鶴方警宵長雞未鳴
我心抱孤潔白月為之盟

車中續殘夢惝恍遊華胥川巖藹幽邃花木紛扶疎
薜荔製奇服樓觀崇仙居潺潺澗泉落晶晶山雲舒

青猿果作餌白鶴松為廬茲鄉無何有俄而覺遽遽
盈眸清景溢皓魄懸空虛

內邱道中

內邱頗坦直平沙亦駢闐縱橫陷車轍長短參撾鞭
僕口呼已燥馬蹄行不前風塵色黯黯道路時連連
修縈水如帶衆濟裳須褰勞薪度軋軋哀壑流濺濺
威紆既遵陸濡滯猶涉川遊方謝營擾隨處差安便

柏鄉

放浪了無涖機警故有鋒古聞柏人地驚惻隆準公
柏鄉我戾止坦坦舒心胸小户不三爵早已頽酡容
澄暉上夕月微雲動商風高歌震庭木空階墜梧桐

恒山集卷三

四

修汲堂

踈響滴新露亂語喧涼葢虛櫺寫秋影焉知清興終
九月十三夕懷定巖

寓形在宇內吾生良有涯去留心已委緒豈紛如麻
白鷗汎江水不專一片沙人情苦覺好青眼相交加
浮屠去桑下三宿生咨嗟況我全懷子篤愛不我瑕
闢茲佳山水下上羅秋花靈岑築縹緲石洞開鈴訝
卜居從之老濂溪以為家嶽遊果夙願策杖登江舡
今夕兩匝月道里迹已賒却憶庾樓上影掛星河斜
夢魂把玉醺吟唱聲同譁明明江州月照我携鞭過
知君遠見憶辛苦驅中車

渡趙州河

河水淺渺瀾正堪度行輶輕若杭一葦疾若擁八騶
不踰絕險後知此安穩不著惹遠樹引瞻暘輕烟浮
金鴉起暘谷白鷺奔空洲明霞飛的的清暉蕩悠悠
回首尚瀏翫翻惜車音道

趙州大石橋

飛梁大石架古水傾南河夏汎當暴瀑白浪翻盤渦
傳聞仙靈跡里語叢乖訛強車踰百石人馬一何多
身為利名役老死橫奔波楊花春捲雪楓葉秋辭柯
路塵不少減十丈紅駸駸焉知有禽向悠悠此中過

趙州僧院

聖賢垂六籍日月昭升恒禪機若電掣繆迷了不懲

恒山集卷三

五

修汲堂

神通致卑鄙無稽口頰騰其高語心性苦空夫誰能
隱文固常談猥詮得未曾妙聞第一義爭推趙州僧
彼家拾餘唾張皇最上乘車馬馳不息利名填塵膺
且坐喫茶去斯言良可稱

樂城

樂城一都會畿輔喧人羣踰趾交錯賣漿聲相聞
清香瀉綠酒妙曲徵紅裙笙竽沸落日車騎騰如雲
獨往市廛外散步烟水濱楓丹亂秋野霞綺明高甍
田犢歸緩緩林鴉噪紛紛月上返逆旅悠然遠塵氛

侵曉車行

晚秋天氣肅閑置張帷車蓬隙月皎皎繫尾風舒舒

池隍經由處車箱熟睡餘相自化蝴蝶嚇任猜鴛鴦
清聲聆僕各遠意耽徐于寒雞叫野屋陽烏升天衢
纏牽去外物行道無煩紆

渡滹沱河

真人起白水奮勇揮天戈師中值左次其奈臨流何
堅冰頃刻合萬馬奔滹沱天興銅馬帝川祇敢揚波
倉卒萋蕪亭王業艱辛多我行水方落漲沙阻漩渦
濁流摧古岸兩度浮航舸行旅足登頓悽聞勞者歌

阜城驛

郊畦歛夕照關樹凝秋烟迢迢阜城驛鱗鱗都市廛
樓閣碧霄裏冠蓋黃圖邊廣場列貨寶大道聯輜輶

恒山集卷三

六

修汲堂

陳珠唱小海秦青撥繁絃五花過飛電百壺送流泉
承平聚樂事任俠矜少年燕坐物外客汎覽區中緣
物我各自適并忘寂與喧

新樂河

河面修且廣牛馬幸不淹振策驅車去差免帷裳漸
殊憐朝涉冷縕縷衣愁霑水風響激激深淺頻窺現
細礫燦如珠新霜白於鹽河西墮皓魄淡淡搖秋蟾
重沙一以濟林隙飄青帘燒春注小盞羣飲喧茅簷

新樂

五夜霜花點敝裘葡萄河水動寒洲數行紅樹烟中
曉一片碧雲天際秋未入霞嵐先結夢已完婚嫁尚

御愁次兒長病人間何處無明月獨遣清光旅店留

明月店奉懷定巖

明月今宵恰恰圓經過茅店客心懸懷人正爾逢三五沽酒何辭費十千廬阜澄潭秋瀉瀑廐樓遠樹夕含烟催人排馬塵中去回首江州思渺然

定州奉懷石生

浙瀝霜郊正捲蓬定州偏自占清風雁聲歷歷浮雲外馬影蕭蕭夕照中搖落秋光千樹碧分明旅思一燈紅如珪却憶梁園月高館清樽十日同

雪浪石和蘇公韻

公自注石中作海獸形

塞山萬疊連雲屯天峯拔起恒山尊割取一片元嶽

恒山集卷三

七

修汲堂

寶歲久氣擁莓苔昏倘非坡仙手拂拭流落塞北黃沙村廣陵驚濤洶八月砥柱巨泓衝三門諦視雪浪作氣勢直令銀海搖精魂就中怪物橫鬚鬚軒轅蹴扶桑根天吳海若世未見誰其皺此恢奇痕乾坤刻畫迴異畫工手難共吳道子與王維論惜哉巨製等近玩有似幽景供瓶盆斌斑文彩不泯滅代更歷劫身長存

清風店

倦拋鞭筆駐行車兩腋清風到客居小戶三蕉醺醉後他鄉一枕黑甜餘長途老馬能無憊斷影新鴻只自疎物外閒遊心尚爾嗟君物役更何如

清風店重懷定巖

團團明月上東陬習習清風引北翰寄遠書成須雁足戒寒時到攬羔裘放歌獨倒雙瓶酒飛夢長隨九派流此夕明燈照孤影一庭黃菊動離憂

十五夜月

皓魄麗霄漢遍地舒金波含情逐軫軼送客清光多瑤輪際秋晚六十二回過縱令得壽考浮生能幾何永憶我父母八旬雙髯瞻杖履愛良夜桂影觀婆娑流光倏已逝無復攀庭柯蟾兔有盈缺時照雙滂沱志營石綽楔何時元嵯峨松阡一片石大字虛鐫磨憶昔上京華崑崙陟陟陟且歌哀哀念罔極及今悲夢我

恒山集卷三

八

修汲堂

放浪遊嶽去烟霞覽崇阿土苴視萬事遑更恤其他有男昨喪偶有女今沉疴向平婚嫁畢緒猶纏坎壈顧此那能了運任平與陂惟昭先大節耿耿嗟蹉跎素女鑒方寸應為顰青蛾

方順橋

宛轉飛梁駕清流帶主川秋林移旭日午墅散晴烟花鴨浮波淨斑駁上道便白雲空際去吾意倍悠然

清苑奉懷舊令趙曉村

果兼寄王近顏

劇邑絃歌治寰瀛一曉村從容除像教寬大感君恩野服歸青社銅章下紫閣京華雲散後舊事與誰論曉村汶上人乾嘉初特恩起復為令子因逆類與訂交

清苑

畿南標壯麗雄城屹崔嵬潺潺響秋水抱郭清潏洄
凌空矗朱刹日射金銀開岑樓勢拱北鬱葱氣佳哉
往來車擊轂大道飛浮埃到京不三駟樹色連楓槐
瑤霄仰日近雲霞煜昭回微芳有葵藿傾陽依草萊

十六夜月

中天月既望玉輪猶未虧客子起問夜瞻仰親容輝
如何集氛翳濛濛掩蔽之秋昏初相見彎彎寫蛾眉
皓魄漸弦上日夕慰相思澄暉欲滿異彩幾如珪
昨者挂圓鏡朗鑒分毫釐流光繞飛鵲射影動潛螭
歡然洽良覲漏永承清規西巖暫相送期約來無遲

恒山集卷三

九

修汲堂

今宵匿不見情好俄乖遠徬徨入房坐悵吹玉參差
願得撥雲霧終然奉光儀素娥不我顧披豁嗟何時
我欲竟此曲此曲清且悲踟躕絕音響淚下沾裳衣

安肅

曉行不復見銀蟾車度蘭皋野水漸今日轉憐風色
冷此都却喜菜根甜冥心無緒紫箏柱老眼先明到
酒帘疎柳絲絲正搖落那堪寒雨灑廉纖

雨行固城道中奉寄懷圖東

風際纖絳散復斜固城周遭淨塵沙琅琅撒菽鳴車
簾點點飛珠濺馬颺心訪仙山元浪跡身過人海等
浮槎知君定賦停雲句遠憶清遊興獨賒

定興

昨日跳珠亂渾難到定興泥塗今蹭蹬神駿漫蹉騰
秋水鳬鷺汎朝烟竹樹凝蕭然無繫著隨分我猶能

涿州

地接京華近吾生六往來秋晴雲氣繞天迴日華開
物外心期曠塵中髮髮皚悠悠三十載舊跡此裴褰

涿州道中望西山

涿鹿經行處西山映夕陽千峯晚嵐翠一片亂雲黃
神物潛潭洞幽人卧石房長安往來者撲面軟塵揚

琉璃河

河流清見底泥濘碧琉璃冷照行人髮新添幾縷絲

恒山集卷三

十

修汲堂

柳飄秋靄斷鳥下夕陽遲一片盤陀石綸竿坐釣宜

良鄉感舊

京邑初程地池隍近日遠盧龍接雲氣涿鹿滙秋泉
挾策追前事遊山及晚年彎彎新月子可向夜臺懸

蘆溝橋

樹色蘆溝映曉寒虹梁飛亘石闌干瞻天尺五城南
是別路三千灞上看月露橫空團桂濕秋波漱壑下
桑乾莫論射策銅龍事白首重來感百端

京師

分明昔夢入修門影憩滄江薜荔村重向雲中瞻
鳳闕遍遊物外戴君思天橫北極惹龍氣雨灑南

陔涕淚痕默祝鴻釐從五嶽昇平長御 萬年樽

長歌

旨蓄禦冬重裘禦寒親交不薄遇人艱難其雨其雨
獨漉獨漉不憂日出但畏泥濁反鑑索照於何有光
登枝捐本則失其常鳴鶴在陰使我心悅教孫升木
使我心惻非父不生弗納於邪無母何恃亦孔之嗟
人亦有言自貽伊戚素絲染黑蒼蠅點白長歌當哭
短垣自踰詛爾三物載鬼一車成事不說破甑不顧
貴者自貴故無失故

謁文信國祠疊韻

照耀青編色成仁取義人誰扶斷鰲柱虛罨掣鯨綸

恒山集卷三

土

修汲堂

四際皆元土孤懷剩宋臣零丁惟貯苦破碎備銜辛
敗績多踰險勤王莫濟屯孔明難復漢商皓耻依秦
符合疊山志悽傷炎午神聯翩遭鍛羽摧拉作窮鱗
風雨他鄉夕鶯花故國春江潮那如舊服色已更新
戎馬崩奔後關河涕泗頻終醜柴市血始斷檻車塵
正氣蒼溟塞悲歌沮洳親黃冠歸未得朱鳥詠誰隣
南海沉航艦西臺傍釣緡英雄齊慟哭瞻拜濕衣巾

就金叟毓崑懷瑞飯道舊

翁今年八十矍鑠有誰如未用家扶杖寧須出駕輿
交聯紀羣際事憶主賓初華屋重敷席明燈並授書
飛星春砌白斜月夜牕虛老子揮甌管童蒙剔蠹魚

春明催散影寒食迴愁予噩夢聯翩作悲風輾轉噓

鴻先飄斷羽謂亡友蘭又委浮苴謂亡友馬帳沉灰後龍

門跋浪餘石家羅散冕寶氏艷鄉閭列科日就養汀漳

去經過水竹居東廂叢子弟南國訪樵漁未厭論心

數其如會面疎耽遊向恒嶽道故駐征車繾綣蒙邀

致慇懃趣讌胥廉頗息鞍韉與武進士侍謝傳藹庭除密

坐鋪茵褥芳筵備醯醢青門暫延佇白髮轉躊躇出

沒看烏帽遲回傍綺疏年光嗟倏忽情味戀相於願

祝登遐壽兒孫保令譽

輓沈寓舟青崖

嗚呼子沈子駒隙過何道高義標千古潛光入九幽

恒山集卷三

土

修汲堂

翻磨徐穉鏡虛返子猷舟是處文為理當時仕劇優
嘉聲存陝右遺愛在中州禮重昭人望情疎失自謀
罷官憂絕塞歸老喜滄洲儒術終難泯班資只索休
精心明易象大筆注春秋早見詩經闡兼聞史論抽
鴻裁良已炳晚節又何求磨蝎為身厄吳回獨汝讐
參元燼家室展季即山邱局促人間路崢嶸天上樓
流離任昉子聞寂邵平侯葛帔誰啣恤青門祇寄愁
喪虛左驂贈淚溢兩行流轉覺晨星少悽哀剩白頭

德勝門

廿年舊跡在京華北望城闌未度車老去方為遊嶽
客南來直欲到天涯過逢軒冕心如雲迎睇雲山眼

不花迢遞居庸關外路蕭蕭落木噪寒鴉

居庸關

雄關巖嶮鎖居庸睥睨烟霞一萬重東注水聲留禹
績北來山勢護堯封陂陀石蹠千羣馬官關雲蟠
五色龍遙望秋林斜照外天低恒嶽最高峯

關溝

關溝未涉歷地險先知名初從南口入已得西驛驚
車脚衝犖确坡頭闢礮碎深坑倒仄勢怪石攢殊形
駭駭怒驤驟偃突哮虎狎鐵軸乍破碎古轍紛縱橫
有時下峻坂嘉然震飛霆未踰八達嶺纔度居庸城
呀呀僕喘汗蕭蕭馬哀鳴途半秣蓂豆日尻舖羊羹

恒山集卷三

三

修及堂

明霞晚翁蔚遠樹何葱菁風雲護斤埃巖巒拱神京
一線通塊北萬石轟輜輶淙脉垂黝白烟華汎丹青
長城故肆岫短策勞回縈逶迤全道接浩渺沙磧平
招魂漫剪紙洗愁急呼觥眩眼尚自怵噩夢何由寧
預愁北口路歸日心怔營

八達嶺

橫衝鐵軸石孱顏一嶺崢嶸碧漢間紫塞風高聲浙
瀝青林霜重色爛斑雕搏全道開平野馬度關溝出
亂山自駕驂駢遊歷去暮雲斜日客心閒

長城故址

羸政恢雄畧長城列巨防經營發閭左延袤跨漁陽

漠北千重戍關中萬世皇驚沙飛博浪翠岫赭清湘
仙艦隨風引儒坑掃地藏終看鑄鐘鐻修已返輶輶
銀海浮鳬雁金刀殄虎狼邊溝填役卒軼道出降王
雷爍阿房跡雲崩函谷疆休論趙高鹿罷牧羊心羊
秦土灰埋黑劉天氣亘黃閭然收暴橫過者莫憐傷
未遣蒙恬築先徵胡亥亡憑陵排塹谷倏忽覆池隍
雪虐寒鴉泣風饕古木僵千秋存炯鑒仁義作金湯

全道

霄漢高城列青黃古木齊山雲流上下關月照東西
險石行方盡平沙望不迷艱辛馬蹄脫投策醉如泥

宣化奉懷近頌

恒山集卷三

五

修及堂

故人昔蒞此賢守森丰標乳民戢暴橫三尺繩科條
骨鯁忤親貴浩氣干雲霄挺身往對簿直辭沮讒囂
彤廷為昭雪改官嶺南徼終焉被三黜解龜心志超
聖主思陽城馬周詔舉升中朝奇才莫入告坐廢
誰見招驕驍海歷歷鵲鵬羽脩脩驅車過故治寒沙
颯風颭耆老述舊德涕迸如秋潮

鎮朔樓近頌所修築留題一律

鎮朔樓高近碧旻巍然形勢壓城闔天浮溟海隣龍
伯地入邊沙集雁臣省記衰顏同甲子近頌與營成壯
觀又庚申樓創於嘉靖庚申乾隆庚申復新之客蹤南北渾相背良覲差池未
有因

懷來道中

羣山走合沓空翠飛孱類疎楊類塵尾飄拂秋塵間
白雲汎靄靄清流瀉瀉映日沙色暖經霜草痕斑
已衰葉自落未倦鳥先還行行馬蹄疾御者敏且閑
客遊此間樂早憩林中關

土木疊韻

玩冠輕戎輅類網用極人六軍無紀律孤注失經綸
景泰宗祔主中樞社稷臣南宮雖寂寞北狩極酸辛
翠輦看遙返黃沙亦暫屯申孫善謀鄭晉惠不留秦
更立非無識旋歸自有神絳驂驚蹕足縱壑喜舒鱗
重浴咸池日仍遊上苑春奪門兵甲洵復辟冕旒新

恒山集卷三

五

修汲堂

應念悲風急休嫌夜雨頻倘非代主器誰與靜邊塵
已薄君臣分還疎骨肉親哀纏王振歿危林也先隣
史冊雖存弼園陵竟惜緡悲歌吊忠肅千載一沾巾

沙城

沙城土信美羣山鬱參差中峯疎孤秀左右烟還迤
西南下赤日巖岫啣半規一泓帶寒水滉漾青琉璃
明霞散夕綺浮光動淪漪道傍矗古碣大字多漫漶
亂堆荆榛荒壟隧俱耘耕蕭蕭白楊樹零落餘秋絲
貴賤盡滅沒身名知為誰緬想古賢達佇立頻嗟咨

東八里屯

連山洩雲奔一峯流水住巖嵐無定姿絢亂飛雲處

錦雲散魚鱗纓帶鮮霞暮川溜野瀾漫激石湍飛雨
流泉入軌轍波及從西許乾磧闊平疇宛轉雙淙注
澆澆濺晴沙汨汨穿秋樹作客山水區賞心隨處遇
北塞苦荒寒誰領崢嶸趣

殘月

前宵已下弦及今似新月四更起行人一彎照車轍
天道有盈虧人事多完缺塵土聚貉邱空明仰蟾窟
凜凜霜色寒皜皜玉光潔荒塞間無人獨秉孤清節

太平庄

荒庄駐太平未夕息鞦韆蕭瑟茅店孤空濶秋天朗
屋上曝馬通簷前預車輶晚林噪百千輕屋滾三兩

恒山集卷三

六

修汲堂

策杖散空陂怡情恣獨往白鷗汎清溪翻波矯玉掌
吾與爾周旋天機全浩蕩

七里店

宵響滴疎雨曉色蒸明霞嵐寒淺冒岫日煖初烘沙
羣羊散陂隴雙鵲依槎枒刈穫被原隰播種隨隆宬
乾磧信奔馬廣坂容飛車神清眼若鏡跡曠心無瑕
秋光萬里淨一碧凝天涯

懷安道中

微雲白晶晶遠樹青漪漪秋空澹無色午日清揚暉
土埃迭迎送巖岫相因依輕風舞脫葉薄寒生旅衣
沙陂策馬去野店行人歸客心無倚着悠悠從載馳

枳兒嶺

修逵引轍跡峻峽如堵墻巖阿轉曲折車騎穿中央
翠屏修披豁雲錦森開張疑城儼屹立仙源恐潛藏
礧磨白石磊界畫青畦方晴空發嵐彩遠岫凝烟光
沙輕馬蹄疾日斜人影長垌關定咫尺僕夫遙相望
道中遇西崖壁立中僅通車處感而有賦

昔出滎陽道道隘僅容車而崖屹相對一綫從中驅
往來不並軌僕夫先傳呼此間亦復爾匹馬回奔趨
世路多險窄初不存形模靈臺有室闕誰為曠蕩區
連年訪靈嶽萬里循坦途遙振策去是處寬有餘
望塞外山

恒山集卷三

七

修汲堂

遠勢若疊浪翠湧塞外山願作一萍葉流汎於其間
邊垣袤萬里亘古成雄關飛鳥自出沒浮雲常往還
東西接尉埃嵐彩聯玦環域中名嶽五靈秀已躋攀
尚思出大漠浩蕩開心顏

上花園

蕭后臨朝日遼家鼎尚分花園香晻暍粧閣翠紛紜
走馬穿沙入啼鶯隔樹聞鴛鴦聚銀鑠蛺蝶簇金裙
國倚君王后營操娘子軍假糧堆疊疊甘井溢汙汙
瓊液探春宴瑤函納欵文嬭娥光黯黯雌霓氣氤氲
舊苑無芳土邊垣有斷雲行人揮策過悵望對斜曛
花園前沙水

天鎮

秋灤白泱泱刀明古水光相看走駟駱猶自浴鴛鴦
纓帶花園側環流上谷傍曾驕羅綺影已滌粉脂香
遼國悲春短蕭娘飲恨長一泓東逝急不盡照興亡

假糧堆

雄城望投憩尚餘數里程茅店已屢過沙轍猶遙行
牛羊下隴坂鳥雀歸林垌巖腰落照歛馬首鮮霞明
勞勞振短策爛爛瞻長庚五嶽畢尋訪萬事拋纏縈
願追植杖翁荷蓀歸柴荆

恒山集卷三

六

修汲堂

堆堆屯積處米粟指交加豈有芻糧峙多教蒹葭遮
新軍籌轉餉故智效量沙虛困愁覘實堅營莫示瑕
尚看人宿飽預遣士無譁自是兵行詭終虞國用賒
淒涼遼后跡零落野人家荒草秋奔馬枯楊晚噪鴉
朔風原隰振西日塞垣斜茅店炊烟起遙投客子櫬
遼后甘泉

陽高

蕭后軍行日天城映彩嵐諸源少甘冽一勺此清涵
乍報飛流溢懸知河酌饒銅瓶斟處滿玉帳飲來甘
瀟泅神泉湧陰森古木參前塵過仄劫野老聚髯覩
改邑猶留井行人偶駐驂相從照容髮其奈雪飈飈
雪中聳雉堞樓閣飛乘凌裘皮市燦爛遶衛車朝輶
北臺何瑰麗邊垣屹憑陵其下瀦泉脉澄甘一邑稱

古來兵燹擾殺氣愁雲凝時平戶齒聚瑞靄明霞蒸
荒寒種黍秬砂磧橫溝塍北風轉淒厲烟墟指白登

北臺

北臺形勢鬱嵯峨淅瀝西風響薜蘿寒入白登秋氣
勁翠橫紫塞暮歲多邊垣萬里明駢走城郭千年老
鶴過烹飲清甘泉一勺不須懷古重悲歌

白登

萬里兵戈拓版圖荒涼墟里在烟蕪秋山遶郭連天
翠曉日凌空出地孤帳下壺漿捧歌女沙中矢鏃拾
耕夫蕭蕭蔓草繁霜裏猶見當年戰骨枯

平城

恒山集卷三

九

修汲堂

漢威加海內猶自困平城黑暈華星黯青坡冷岫橫
精兵圍冒頓猛士憶韓彭詭城閼氏寨虛屯細柳營
六軍差免覆七日乃能行白草連天遠黃河繞塞平
雄心思用武老識誠窮兵尚憶英雄主輪臺一詔明

細柳營

風沙振原野傳自漢家營是有安劉策應高破虜名
空然屯細柳猶未解平城玉帳嚴戎律牙璋重老成
羣知亞夫肅不愧丈人貞詎等兒為戲寧容盜弄兵
青山屯虎豹白草竄鼪鼯寂寞荒原裏猶看猛氣橫

大同

篝火趣遙行單車冷鐸聲霜凝九秋野寒偏大同城

病肺成衰老冥心忘旅程衣裘微覺薄僮僕苦思貞
白草隱隱竄枯楊鳥雀鳴風沙殊踰道路最欽傾
絕塞無人到靈山有夢縈陽鳥騰海嶠猶喜景光晴

贈龍蓮峰靈用元遺山遊龍山詩韻

出為靈嶽主高咏方曹劉駢駢亂雲奔駿馬張王穹
林蔽麓牛晚對恒山洒椽筆靈山何以當鑱鏤我來
恰得逢秋霽車幕不用張青油風騷同調喜識面便
拄鐵杖探巖幽一逕蛇盤詣石窟天風蓬勃鳴笙球
飄飄如白鶴直上天峯頭手拔倚天劍決斷浮雲稠
獨立高空睨澄碧但覺衣袂寒颼颼嘯呼激越動天
地碑轟林谷聲不休自喜清遊逐禽夏非敢高步追

恒山集卷三

十

修汲堂

許由山靈頗似喜我至老仙石室殷相留流霞倒瀉
玻璃醖萬景醉遣雙臚收歷落群山滿塞北空際簇
簇攢銛牙豎巫閭看一氣接海色搖宕層城樓閣年
難得值九月天公為展重陽秋駕巖巖壑谷縛茅屋何
人隱此耽清修我生早已脫塵埃野翮不願羈絲韉
欲乞圖經按洞壑壯觀一一窮吟搜中嵩始遊太少
室坐藉綠縹芳蓀柔眼見青童曉飛去芙蓉巖畔烟
浮浮青牛老柏蟠蛟虬老子不與人間愁身騎茅龍
到玉井摩挲石蓮吾何求岱巔夜半看日出元氣宕
漾乾坤舟蓬萊三山且淪沒浮世那懷千載憂昨歲
火維攬妖怪瀟湘洞庭汎輕漚祝融天柱梯登上齊

州九點一覽周頃溯九江上漢污徑指元嶽驅行輶
人海重過物外客欺販雲壑心所差軒車朋輩嬾省
視雙足不向高門投南口遙趨居庸路陂陀聲確踰
關溝老訪名山志獨往若士不共盧敖遊九坡汗漫
達我願特地來尋渾源州仙才原有數合并一唱酬
銀蟾淡白懸新鉤奇境惆悵非謬悠詩歌亦等雪泥
跡孤鴻傳說經高邱

同蓮峯哭盛庸三世佐

以君為伯樂明眼識驕驕不道悲風急俄看白日遒
羣公誰薦引下邑委沉浮綠綺清音遠涓潭治績優
復教南詔去借遣麗江留書院千金建文明萬古謀

恒山集卷三

王

修汲堂

猗童尊俎豆耄老賤登堯揖讓興荒服弦歌遍遠阪
興圖九坡闢雍正八年收象郡通聲數龍場足匹儔
貢金自蠻驛驅轂上皇州奉使無私顧趨程不逗
遛催歸鳴杜宇歛魄喚鵲鵲愛弟先期沒微軀一哭
休母妻俱不見僮僕迴含愁鴛渚啣悲湧真江帶恨
流英雄齊短氣宇宙塞繁憂儀禮精箋解群經互闢
拙考亭遺舊緒閉戶獨冥搜磊落書千卷淒涼土一
邱廟堂徵實學綸綍遍旁求翻使黎邱鬼成為竊
國侯藏孫賢共蔽郭子注防偷榮未藏金匱人遙赴
玉樓珪璋無特達冥漠有文修罷攬江花筆難尋夜
壑舟顛淵許驂乘卜子引同遊子實遭天喪渠教入

地幽招魂吟楚些弔影照秦箒何處驢鳴送他年鶴
返不聲蹄天北角淚洒海東頭相對全鳴咽誰能不
怨尤一時饒黯慘終古著徽猷史館誰編纂儒林足
炳彪光芒騰萬文身世豈蟬蛻

渾源州署有環青樓蓮峯請改名予題曰面
恒紀之以詩

危樓突起面恒宗環簇城南縹緲峯秋色橫衝惟有
鶴嵐光迅舞總如龍一輪杲杲當空日萬樹青青倒
壑松明發獨支筇杖去墨花遍洒翠厓濃

恒山集卷三

王

修汲堂

恒山集卷三終

門人梁曰源騰寫

恒山集卷四

錢唐桑調元

詩四

登嶽十二首

決濟城南疊翠痕巍然聳峙一峯尊天開石窟神靈聚雪積陰崖虎豹屯紫塞雲山連大漠清秋日月照寒門快留萬里攀登跡禽尚心期許共論

嶽路清高步入雲置身霄漢絕塵氛飄搖羽節歸瓊島恍忽霓旌拂錦雯元鶴衛天橫獨影烏羊量谷下連羣嗷然起作孫登嘯散入秋風萬壑聞

崇靈面勢開金扉松檜清香繞殿幃嗟馬文昇虛秩

恒山集卷四

脩汲堂

祀嶽廟請移渾源州喜龍雲是實憑依今知連蜷虬馭秋霄

祀嶽廟請移渾源州迴要眇鸞笙月夜微羣嶽神光天際接平臨辰極獨崔巍

會仙府傍石巉嵒賸客衣巾染翠嵐玉宇清寒秋閨九瓊鈎澹白月初三神旂搖曳中峯上王氣葱蘢斗柄南絕頂無窮烟景麗夕陽巖畔夕陽含

并州作鎮按圖經闔闔貞元仰嶽靈雙闕霞光環

日紫五臺嵐氣挿天青覽輝儀鳳來南嶺擊浪神鯤動北溟真訣休從茅氏覓澄心宴坐即金庭

清虛石室半床分烏几閑披玉笈文秋靄萬山龍氣上斜陽一徑虎風聞耕垆牛飲穿沙水樵採人隨過

嶺雲巖畔青松枝浙瀝前宵殘雪白紛紛

靈山晴日翠嵐濃雲氣奔飛宛似龍藏北寶符墟趙社如西典禮炳虞踪一條泉湧空明眼萬里天開浩蕩胸誰餌黃精除白髮難留冰雪舊時容

落日蒼茫指顧間幽井形勝壓常山三宵月照飛狐口千里雲奔倒馬關衣冷紫貂風力勁地磽黃磧草痕斑只今魏尚容高卧奕葉承平斥埃間

圖列真形各不同乾坤續藻出天公琴棋臺迥光臨日龍虎巖虛冷嘯風窮髮荒墟延漢北朶顏舊部抱遼東憑陵壯觀開胸次寰海秋光入望中

仙臺鑱鑿斧痕留一杖凌空上上頭大茂天關搖海

恒山集卷四

三

脩汲堂

色總玄洞府架荒邱未聞齊履過無棟豈有共工觸不周今古人稱名嶽好幾曾親到渾源州

何人獨立向層巔倚劍崆峒望八埏山氣黑青凝雁塞井華甘苦別龍泉

史遷言恒氣下黑上青龍泉二穴一苦一甘邊人歌舞雲中社秋馬悲嘶代北天曾是古來征戰地光華日月散

晴烟

巖壑青攢萬樹松霜根雪幹盡虬龍北榆林接三雲氣上曲陽飛片石踪塵跡溟茫辭果老仙顏靚麗駐昌容莫嫌詩語麤豪甚五嶽全登第一峯

兩崖石孔俗傳魯般所鑿

兩崖萬石孔靈跡傳魯般神川昔通道磁峽初開山

鑿石啟硤豁架木凌孱顏巖坳置雲棧嶽路升天關
寒竇水滴瀝古色苔爛斑五丁殫神力嘆息勞且艱

神川

神川何瀾瀾漫平地流布石通步履衝沙度行輶
濁經鹿豕過清斷龜魚游有時溢澗曲架木穿巖幽
一溜曲折瀉四際縱橫周尋源不知處風日寒悠悠

青磁窯

迢遞青磁峽細路緣巖陬怪石嶽嶺野水縱橫流
鶴鶴叫烟壑松櫟穿雲樓澗曲沙田熟谷口柴門幽
遠山燒色夕隔塢春聲秋古窯久已廢覆雪寒悠悠

大磁窯

恒山集卷四

三

脩汲堂

迢遞大磁窯數家烟火隣文石自歌反錦樹猶鮮新
菊表霜下傑松留古時春寒衣裝吉貝隙地刈荆榛
巖穴象結構樵牧成主賓劇疑武陵路山深堪隱淪

懸空寺

峭嶂凌千仞層層着梵宮梯登仍踏實架構自懸空
石壁藤蘿冒雲牕鳥雀通萬山聲並作長嘯半天中

嶽門

雲中見嶽門嶙峋雙綽楔芒屨方初登松徑已屢折
曲澗響流泉遠峯明積雪溪沙漾碎金厓石立精鐵
古觀聊小憩清茗喜頻啜扶筇上白雲彭觥響四凸

三元廟

仙院地無塵結構依巖麓前檐闢嶽門後山滄雲族
沙色漾流泉谷聲應伐木林懸秋日清鳥啄新苔綠
幽戶網蠅蛸空場轉碌磚一叢立刺桐無花堪悅目

步雲路

不步青雲步白雲年來萬事斷糾紛霞嵐燦爛空中
色鸞鶴飄飄飄世外羣木客偕遊酬唱接嶽靈通謁姓
名聞松風只要盈清聽琳札何須十賚文

望仙亭

層巖入仙路高築空中亭一泉拖脩白四山滙遙青
歌石危欲落飛鳥去不停櫨葉墜雨點松鱗結虬形
商飈颯蘿幌荒苔繡巖局半霄過鸞鶴軋軋回雲軒

恒山集卷四

四

脩汲堂

白龍洞

古洞斷崖口白龍舊所宮垂蘿翳烟靄硤石穿房櫳
飛猱下古木濕苔滴幽淙清暉晃仄月虛濤響長松
有時龍氣上前山白溟濛油雲遍六合雨點漫秋空

紫芝峪

燈燈瓊芝滿峪中金光白晝透烟空露華凝處披三
秀鶴子啣來啜一叢仙餌絕勝炊玉軟神丹未用鍊
砂紅丈人偶坐顏精爽似是商山綺角翁

巖鐫恒宗兩大字

恒宗何岩堯迴出萬象表鬱鬱兩大字擘窠椽筆掃
踏天遣五丁鑿鑿力不小飛動蛟龍纏擁護烟氛繞

黑夜現神光照燭乾坤曉迢迢鶴背仙雲中首重矯

翠雪亭

一亭依萬松翛然類洒雪懸濤簸虛空回颺捲驂屑
坐聽山中陶行御風前列清暉信足娛元機不可說
蕭閑天付與放浪自怡悅林西逗微明新月挂玉玦

快活林

恒山萬松立懸濤簸秋江一峯簇華蓋夕翠飛幽窓
鳥影下寒壁苔色延空缸鮮霞墜片片急雨鳴淙淙
金沙初地靜白雪僧眉龐宴坐快活林獨樹精進幢

虎風口

咫尺神霄近嶽宮拂衣縹緲上虛空千尋細躡蛇盤

恒山集卷四

五

脩汲堂

徑一嶺橫生虎嘯風樵子已歸松岸外羽人相望石
樓中烟雲好處初經眼正在仙巖落照紅

得一庵

地得一以貞恒山奠坤軸卜築總玄天青崖著茅屋
白月懸曲瓊清泉漱鳴玉濕雲生古礎暗烟蟠華燭
巖花浥露斑階苔經雨淙老衲獨跏趺經聲出松谷

金龍口

秋老恒山錦樹交金龍盤踞在巖坳嵐橫絕塞攢螺
髻烟晃中峯曳鳳旂洞口仙禽簇鸞鶴空中天樂沸
絃匏不須乞取刀圭藥願借雲松此地巢

茶亭

扶策度嶽巔幽險吁初經穹石偃龍背落景翻鴉翎
晴雪洒衣白雨苔沾屐青鳥聲下絕壁人影升空冥
倦足倚風磴縱目周雲屏此間啜茗若怡喜孤茅亭

松岸

雷轟絕澗水淙淙古岸深蟠萬樹松巖側無聲蹲虎
豹空中有勢攫虬龍寒生秋色栖元鶴遠瀉湍濤下
碧峯老汝奇材恒嶽裏不教輕受大夫封

介石

石性本堅貞况乃字以介荒寒依嶽中剛耿出塵外
光晶難煥發廉隅詎損壞硤硤非所矜硤硤亦何害
乞俯與我盟端欲向君拜奈何縱復橫模稜不為怪

恒山集卷四

六

脩汲堂

真武廟

玉座苔花餌龜蛇伏壇前黑旗七星燦元冥一氣旋
古藤長洞口長松周廟堦晚雲漲靈穴遠水明神川
孤鶴映微月疎鐘度寒烟流霞許縱飲得醉同飛仙

謁嶽廟

元嶽標貞固乾坤道在恒面南居正大位北體嚴凝
出地光懸斗垂天翼化鵬兩崖濃潑墨吟眺記吾曾

恒嶽頂有祭告碑題 龍集康熙四十二年
字蓋元年始稱龍飛也顧杜詩龍飛四十春
語可通用此為得凡例之正

穹碑卓立翠屏顏祭告燄煌 紫誥頒五色雲蟠

龍集字康熙四十二年間

貞元殿

貞元萬古運樞機在恒宗地維轉元鑰天心見黃鐘
坤乾戶闔闢黑青氣溟濛靈跡觀石窟 御香來天
峯峙人破萬里把杖登龍從道士具羽服一逕穿虬
松導入崇靈門納陛趨神宮鴻釐蹕默祝義不私微
躬 聖主千萬壽樂歲億兆豐清寧有真宰佐佑資
元功

奉和蓮峰謁嶽廟原韻

權衡終始帝功成大茂神靈聚玉京星野垂輝元武
動天門仰照燭龍明三邊秋色重陽展萬象春機半

恒山集卷四

七

脩汲堂

子生看把驚人椽筆在羣峯蒼翠掃縱橫

附原唱

新水 龍雲斐

恒嶽高峯陡削成嵯峨聳翠護 神京石飛古窟

虞巡遠玉瘞崇邱漢祀明樹逼炎天猶雪積洞臨

深谷自雲生元功朔易持坤軸磅礴并州一氣橫

懸橋

一道架虛空高步凌層霄南雲護洞窟北翠飛巖椒
朱欄夾炳煥丹宮鬱蒼崑側足類響屨仰手捫懸杓
烏鵲散河漢鸞鶴回風颺時聞皓月夜飄空度瓊簫

寢宮

蘭臺奉嶽帝桂宮安靈妃高居麗太乙邃宇象紫微

恒山別名蘭臺府太乙宮紫微宮見括地志 碧霄明松楠清香繞蕙幃八琅房中

樂五銖侍女衣秋空下絳節午夜過雲旂帷龕仰肅
穆未敢開金扉

還元洞

雲氣度飛橋曦光轉邃洞虛白自然生紛華詎能動
菊英帶露餐瑤草耕烟種冷然列子行栩栩莊生夢
不德以有德無用之為用帝鄉不可期清言庶堪諷

后土夫人祠

拂雲奠圓礎鑿石架高瓴皇祇祠后土富媪資坤靈
神光照晦夕生氣藏元局雲君梟珠旆星妃集鈿軒
飛石留洞窟懸橋度峴陁化工胎萬物籩豆奉惟馨

恒山集卷四

八

脩汲堂

飛石窟

古石凌空飛恒山留故窟一片乍掀騰千里橫超越
嶽體詎崩騫靈穴自敦宰青鳥下翩翻白雲流飄忽
漢祀千餘年虞巡十一月圖經志恢奇洪荒事髣髴
夕景明巖腰秋氣冷山骨起望上曲陽天低遠沒鵲

白雲靈穴歌

巨靈穩持元氣於大力默運乾坤舟東峯豁衍闢靈
穴擘窠大字深鑱鏤我坐龍泉觀澹白啜一甌道士
陡指白雲吐對面倏忽決泝浮勢如洪濤浩呼洶摧
壁島嶼翻滄洲大地山川不逕露一氣掩薄昆侖邱
黃沙紫塞入杳冥周遭變隄漫維艮是時曦御晚弭

節空中搖宕猩紅毳轉眼跋烏底處匿白光漲溢天
西頭昔曾脚踏滕公嶺天台氣似鴻濛遊萬象倒映
琉璃界滉漾宮闕連之罍又曾身騎蒼龍背溟茫涇
渭不可求青蓮華影早滅沒玉井迷却千尋樓未如
恒山鋪氣海點點混合吞齊州神靈荒忽景晝晦燭
龍不照寒門幽大裨瀛從眼底湧荒唐莫詆談天鄒
微軀倚著嶽頂上自南徂北漂一漚蕭然淨掃衆峯
出天風席捲鳴颼颼秋星磊落掛樹杪一痕纖月懸
銀鈎如羅綿消卯色澹青空萬里寒悠悠

三清殿

絲雲籠絳闕麗日燦金支玉殿三清列嵐光百尺垂

恒山集卷四

九

脩汲堂

神林驅鳥雀仙路守熊羆寶篆收丁甲雕梁挿斗箕
秋空脩月户夜半過參旗葉響懸瓢樹泉香洗藥池
電明天笑處雪湧石飛時尚白消心火還丹掃髮絲
龜臺縈赤氣象簡上青詞雨洞龍歸早晴松鶴下遲
古庭蟠薜荔童卯弄參差道士能留客流霞酌滿卮

風伯雨師廟

時若徵風雨條塊不鳴破無待遣蛇憐有淪起龍卧
天漿徧沾濡噫氣失軒簸調順歲功成豐稔田家賀
翠崖壓丹楹朱龕分玉座清穆總玄天山祇得輔佐

碧雲亭

萬里掃寒空橫雲一片碧高風絕塞秋片月孤亭夕

川原暝色來烟樹餘暉射歸羽影翺翺落葉聲策策
翠澗漾金沙羽觴倒瓊液簫條耳目清終然謝物役

九華亭

虛亭絕倚著上方依九華石痕剝翠鮮林影明鮮霞
弔月棲蟋蟀號山走麝麝寺連上下院田闢縱橫沙
荔搖風牕影菊綻霜巖花孤雲去天末秋光渺無涯

潛龍洞

潛龍閒無聲邃洞靈石破一汪滴幽淙覩者不敢唾
倒樹點猿扳空厓猛虎坐琮琤急雨飛唱喁冷風和
老松挿幾根新月墮半箇苔花滿空亭題詩木客過

潛龍亭

恒山集卷四

十

脩汲堂

黝深俯龍洞一亭置巖腹巖坳白雲生瀟就簷端宿
霜中松蓋青雨後苔錢綠採果來饒猿啣芝過仙鹿
秋氣潔高空巖風振喬木落日萬山黃蕭森寒遠目

龍泉觀

道觀知何處瓊簫隔院聞雌雄二龍合甘苦兩泉分
松下苓堪餌壇前鶴作羣東巖有靈穴雲氣白氤氲

烟霞亭

合峯巖岫列絢爛烟霞生幽客此攬勝秋光涵虛亭
繚痕暈石壁井華汲銅瓶日夕嶽增翠歲寒松更青
側近龍泉觀茗味嘗清馨道人不出戶忍飢誦黃庭

龍王廟

烈日土龜圻蚶龍氣升油雲罩霄漢注雨盈溝塍
四種禾盡熟屢豐歲畢登銀壁畫蠓踞華榱聳峻嶒
廣輪仰滂沛尺木橫憑陵山村賽火赤社鼓鳴鑿鑿

玉皇廟

絳闕凌霄漢有嚴奉虛皇龍泉供醮水獸鼎焚真香
瑤壇秋肅穆霓旌晝颺颺起遙鶴駕遠參差鵝管長
屈盤印紅篆稠疊封綠章風櫺一杯茗坐久澹相忘

文昌廟

梓潼爾何神名號標文昌歷紀十七世事業非煒煌
星宮主司祿瑤殿爭焚香朱衣漫許與青衿苦奔忙
心殫三條燭目迷五色章苔色皴綉綺松聲奏笙簧

恒山集卷四

土

脩汲堂

白首拋塵夢名心久已忘

題劉道士山房

飛簫烟嵐裏携筇叩石門時人是桑戶道士乃劉根
蛾月清光宿虬松古骨存以吾遊物外劇愛洗心言

茶庵

白雲如海湧庵在秋濤中雪殘玉島嶼日射金簾櫳
息機悟無始澄慮游太空逶遲水歸壑激楚風入松
道人款茶話客子淹萍蹤一勺龍泉味品第桑苧翁

琴臺

翠積中天百尺臺散仙時到嶽巔來著殘秋月千山
曉彈微松風萬壑哀玉軫虛無橫綠綺石盤班駁長

青苔一從歛手游塵外祇喜登臨景色開

聚仙臺

服食蓬萊根昌容生毛羽矜研長桑洞葱龍果老樹
瑤笙鶴背吹珠輶鸞尾度曉映玉樓雲晴散瑤臺霧
杳靄蓬萊洲迢遞銀河路嶽帝譙高秋仙真于此聚

會仙府

懸厓闢紫府一逕盤空冥仄立負巖石低繞周天星
朱霞映羅幌白雲飛松櫺鸞鳴月下管鳳曳風中旂
浮嵐簇雁塞遠浪搖鯢溟羣仙高會散冷睨秋山青

白虎峯

景晏四山暝一峯躡白虎歸雲疾奔流落葉響飛雨

恒山集卷四

土

脩汲堂

朔野緒風踈西林纖月吐雁影度銀河星光垂玉宇
曲磴盤層霄連峯列環堵石房生夕寒霽雪明松塢

夕陽巖晚眺雁門諸山

夕陽巖在恒山巔飛身直上風颺然巖頭盤石卓杖
立放眼括盡西南天黃金輪向平空墜濛濛欲擲羲
和鞭萬山夕氣等溟漲紅盆翻動鯨波烟三關歷亂
赤氛擁五臺赫熾朱暉燦就中雁門轟雙表彷彿石
闕凌重玄黃沙紫塞入大漠飛狐倒馬臨窮邊白日
常時鎮冥晦元雲到處紛聯綿喜逢夕照破幽翳倏
使秋景開鮮妍乾坤大手揭粉本關山巨幘鋪霞箋
迂倪顛米畫不得奇觀湧現盈目前狂呼直使嶽靈

動時人特荷天公憐遨遊既幸果夙諾吟眺兼得逢
清緣拂衣縹緲下山去新月澹澹松梢懸

白雲堂

白雲數片出輕矯如秋鴻微影綴碧落翩跹趁回風
幽居思萬慮宴坐虛堂中目送雲飛去清暉蕩昭融
徐看縹緲盡澹遠惟青穹心與跡俱滅窈然遼海空

天峯嶺

嵩萃天峯嶺白石燭埃塵竦身上梯磴舉手捫星辰
雲松偃翠蓋巖蓀展芳茵新月忽而至靈禽呼所親
栖遲采芝客超遙駕鴻人洞房列几榻繕性過千春
大茂山

恒山集卷四

脩汲堂

元嶽在幽都名山標大茂雪霽萬松明雲開一峯秀
青蘿象帷幄黃精供糧糗蟾蜍射林光龍泉下石溜
空翠滌秋襟浮嵐滄曉岫悠悠宴坐巖足靜心兵冠

總真洞

即金龍洞

洞戶遍恒嶽嵌巖愛總真搖風薜蘿葉碎溜雨松皮皺
兔窟憑依舊鴉巢結構新斷崖卧偃蹇怪石蹲嶙峋
點雲起邃谷白雨飛高吳金光動竄晨攀攬空中鱗

集仙洞

九霄鳴珠璫神靈飄若雨秋烟澹松虬寒露濕月兔
風遙紫鸞笙雲引斑龍輅冷冷太元泉颯颯空響樹
元都集群真翠洞承高步清淺指蓬萊揚塵話前度

藥王廟

肺腑不能語軒岐久已亡生多遭天札動即侵膏肓
爾佛具神力海衆消咎殃躋登耆壽期壽超脫中下殤
繡幡飄婀娜貝葉披琳瑯藥師果濟世吾不訾空王

碧峯嶂

巨斧削一嶂碧峯何崑崙曉色晃玉宇秋光抱瓊臺
手扶日月轂足躡烟嵐堆龍沙地維奠雁門天壁開
青霞興復沒白雲去還來呼嘯震巖谷萬里長風回
通元峪

恒山集卷四

壺

脩汲堂

通元契道妙仙跡標清真行游虎峪口來往麟洲濱
澄心謝婚宦練性綿冬春鴻冥北嶽影蟬蛻長安塵
夕陽雖埋照空巖實隱身清風洒喬木不死留谷神
果老嶺

松子餌辰砂桂父飛絳雪相傳大還丹得躋飛仙列
果老籊虹霄紙驢等駟職屢謝璽書徵便握金庭訣
翠嶺鬱岩崑秋光映潒沔仙跡渺難尋白雲向空滅
果老繫驢樹

老子度函關傳繫青牛處果老乘白驢亦繫恒山樹
塵鞅早已拋靈踪偶然寓精氣此鬱盤柯幹信奇古
野藤颯颯風濕菌蒸溜雨竹立思其人遲回手重撫

石脂圖

脂膩如雲母乃在盤石間神工施狡獪異質昭爛斑

遂令揆文彩不復嘲堅頑鍛鍊女媧手鈹染屏風山
物態孕神秀嶽體分孱顏大字鏡巖腹歲月記往還

凝翠亭

亭前冷翠凝秋容淡無迹松濤倒空青鳥影下寒碧
窈窕玉宇清穆穆金波夕巾舄黏蒼苔筇杖凌白石
三素過喬雲九轉流金液丹訣惜空傳浮生髮已白

龍湫

龍湫吾眼飮小大遍靈區瀑懸五嶽外濤崩千仞餘
砰礧震雁蕩噴薄雄匡廬恒山壑谷靜龍泉洞府瀦
秋飛千尺雪雨跳萬斛珠神川却汗漫匝地流谿渠
滌井

恒山集卷四

圭

脩汲堂

坳泓瀦井華深通海眼碧寒瓊瑩清泉飛雪灑白石
神魚忽跳波潛龍久安宅夕照爛鑠金秋光冷裂帛
黑帝滙真源元都淪靈脉目曉映澄暉神情並開滌

翠屏山

秋光澹于水浩淼澄翠屏輕飛漂雲白冷映遙山青
破烟下鳥影度澗來鐘聲苔邊印虎跡松頂明鶴翎
一葉亂草碧數片殘霞頰清源出翠麓灑水波冷冷

柏山寺

翠柏蔭古寺白雲涌高峯龜趺土陷久佛身苔繡濃
荒厨尚洗鉢廢殿休鳴鐘疎林鳥歷亂落日烟溟濛
歸筇尋別徑旅衣漾飄風門外晚山秀朶朶青芙蓉

鎗鋒嶺

層霄列鎗鋒嶺上排秋樹縱橫野鳥飛斷續晴雲度
修藤疾竄澗荒草深藏兔白石響孤筇青苔漬雙屐
既窺南碕田聲確東巖路繞麓漚洩河流向靈邱去

畫錦山

連峯接馬鞍合沓類踈踈秋靄青濛濛浮雲白淦淦
曾阿縛團茅幽人足高枕飢取松肪餐渴就石池飲
斷崖西日明喬木朔風凜荒寒絕塞區亦復誇畫錦

馬鞍山

澹沲漾秋光馬鞍橫翠嶺曲澗瀉幽聲疎林動清影
耕烟得平疇眠雲在修頂野鵲構槽巢仙翁委丹鼎
星星遠燒明齧齧寒山靚烏藤乘興遊日入燭當炳

恒山集卷四

圭

脩汲堂

五峯山

五峯鬱參差三洞深窈窕後石繡莓苔虬松挂蘿葛
碧霄澹晴雲翠崦低落照樹幄暮蒼蒼山樓駕翫翫
月白聽猿啼風清遞鸞嘯言尋植杖翁相將全荷蓀

玉泉山

寒泉色如玉滉漾涵真源三漿出帝所一脉通太元
幽尋入蓮宇滿飲攜匏尊石林映蔥翠風日含妍暄
青霞晚翳蔚白鶴孤翩翻但得清詩思從茲洗心言

長桑洞

元英捧仙牒受命長桑君飈輪去碧漢洞戶封白雲

松排麀尾影霞散魚鱗紋東瀛任清淺西日從黃纁
放情脫塵鞅高步凌清氛終年餌瓊蕊鬚絲馬用耘

龍角山

龍角矯天際翠影橫作雙松颺激天籟石室開秋窓
壞阡卧斷碣燒樹剗空腔山荒隱樵磴寺古留經幢
巖坳射倒景澗曲流飛淙誰祠孟姜女賽鼓秋逢逢

鳳皇山

鳳皇覽輝下冷塞標靈山衆鳥擁琇珎彩雲映爛斑
千仞一引去九苞何時還絕巖隱洞戶孤頂開天關
卷邇誰共語駕鴻不可攀虛濤足滌耳箕踞長松間

橫山

恒山集卷四

七

脩汲堂

一山勢平遠黛色璇霄橫燒畬晚燐煜伐樹晴登丁
泉飛鷲翻白霞斷魚尾積霽雪釀宵凍寒颺播秋清
但知松濤響不知桂魄生來歸有遼鶴城郭非前形

舊詩
卷四左

律呂神祠

遐哉律呂神荒祠依絕塞蒙曠久不生元音此間在

神谿水

神谿水縱橫方石繞汨汨欲還此盤陀坐看流明月

派水

西來有派水沉伏畏嶽靈豈如桀鵞子橫聲欲溢為

桀

乳泉

乳泉渾似乳不哺新穀難微聞飢欲死霜下啼鳴鳴

空響樹

北嶽有響樹南嶽有響石木石本無情亦具喙三尺

神護草

懸知神護草昏夜守門闕先到有秋風直入容明月

太元泉

一汪太元泉澄泓漾玉宇時有玄鶴來翩翻洗毛羽

率然

率然狀猗惡兩頭怖殺儂終經叔敖手一吹鐵神鋒

霜桃

恒山集卷四

六

脩汲堂

綏山難得一曼倩已偷三何似恒山上霜枝滿意探

連理枝樹

樹有連理枝人之同懷子傷心詎忍言淚滴桑乾水

王不留行

絕域含華滋微芳入野錄畏逢刻薄人驅使及草木

五獲穀

管子稱恒山四種而五獲我欲噓春陽一氣回黍谷

神草

神草十九種服之升天衢世眼渾不識萬草並為芻

靈寶真文

大禹得靈寶封之北嶽巔豈知昇洪範萬古箕疇傳

神書

後漢有于吉恒嶽得神書比似幽虛洞天山隱居

樹下圭壁

樹下啟圭壁燦爛歸慕容此豈等禹錫得寶歌弘農

玄芝

下詔采玄芝竟得十二本嘉靖奉虛皇羽衣厭龍衣

大藏經

白忠詣元嶽齋置大藏經其書久灰滅空復祈仙靈

燕昭王

傳聞燕昭王肇始信方士遂令秦漢君寒裳瀛海水

補祀嶽樂章二首

并序

恒山集卷四

亢

脩汲堂

尚書大傳冬祀幽都弘山貢兩伯之樂冬伯之樂歌

聲比小謠和伯之樂歌聲比中謠今以意補其辭

維冬伯奠北陸駕元輅建黑旂靈之降光陸離歲終

始樞闔開母羣物都紫臺歌縵縵神宴娛

燐燐皇祇於昭和伯星垂元武風蹕廣莫灝氣旋冬

神光照夕啟列女宮奠安王石歌比中謠功成混闔

鬱鬱惟馨幽都是宅

欲遊封龍山不果疊遺山韻

風御不追列天幕乃如劉尋山有若導大窾得徑者

解庖丁牛封龍山高一千丈太始鬼斧橫鑿鏝灝氣

晴空忽噴涌轉眼萬頃雲油油龍公迅起洒飛雨傾

盆猛勢連并平聲幽鐵節曾卓遺山老揮落醉墨如天

球當時李治張德輝共游歷皤皤三老皆白頭泉石清

踪徑灰沒荒墟路塞荆榛稠縱橫虎豹白日橫腥風

動地鳴颼颼幽鑿險興激越僕夫色沮遄思休青

雲梯磴已斬斷巉巖欲上無緣由幡幢倒折上方冷

殘僧四竄難淹留金城景色夕曛暘圖畫一幅空中

收甚欲驅除衆蹄跡手無利刃兼長矛天花滅影道

場散鐘鼓已失千尋樓萱草坡寒石蘚綠雨餘洗出

青天秋方花古礎委沙礫大雲寺圯無人修焉能疎

身去捷若拋鏃鞬摩挲錦石翫丹碧瑤甃邃曲窈窮

搜山變水魅盡辟易猙獰哮闕咸馴柔峰豁川明極

恒山集卷四

壬

脩汲堂

兩目五臺歷歷輕烟浮起觀赤日下昏霧飛動化作

黃金虬胡為咫尺阻芒屨林壑蒼茫神鬼愁一峯一

峯簇霄漢濃螺變幻何從求乾坤真宰鼓元氣把柁

搖漾鴻濛舟寶山靈境忽然閤金銀色黯沙門憂文

殊巖亦墮小劫如觀夢幻并泡漚人間起滅萬色相

皇天消息運數周窮塞金元通興廢大地倏轉風輪

轉春明不斷子規怨國破難掩青城羞萋萋蒿淒涼作

野膳輶車疾向冰天投况復石郎枉建蹄遼晉畫界

如鴻溝元嶽奠在天北極天峯頂上虛遨遊縱令點

檢作天子依然沉沒燕雲州山靈聞寂等閑亭且傾

醴醪頻獻酬茅齋却挂湘簾鈎冶城凝望雲悠悠妙

高臺荒月色皎無盡之意留茲印

恒山集卷四終

門人梁曰源謄寫

恒山集卷四

王

脩汲堂

恒山集卷五

錢唐桑調元

詩五

天下名山樓放歌

天下名山欲遍訪此來恒嶽登危樓跋鳥足下西極
畔抃鼇首戴東海頭白雲埋山五臺夕黃沙積雪三
關秋昭余祁落薊邱郡醫巫閭接遼陽州南北榆林
木葉盡上下曲陽烟靄稠萬松盤嶺翠鬱鬱一水穿
塞寒悠悠茹芝詎慕綺角隱策杖已畢禽向遊寰中
崢泓富巖壑老去寥落稀朋儔却憶平生朱鶴洲死
生膠漆心相投古歡惟是仗道誼篤愛豈復參瑕尤

恒山集卷五

一

脩汲堂

恒山雜詩五十二首

今年畢遂向禽遊獨立天峯頂上秋
斬將封侯疾如雨可能有此快心不

懸空寺壓碧雲巔清磬聲中月墮烟奉勅工人署名

妃殘碑猶記兔兒年

青磁擊鼓拜寧神瓊瑤琉璃色新苔沒琳宮遺碎
甌恍聞龍象泣前塵

千盤松石路依倚大茂山頭宛似歸終古清緣渾不
斷四山猿鳥盡依依

何來俊鶻繞浮圖止宿高寒伴野夫坐攬秋光清耳
目遙空木落一峯孤

仙山高疊翠巉巖樓觀三清貯紫函一掃前塵金碧
色芙蓉明滅夕陽巖

萬樹松枝洒雪風披裘晚立上清宮銀河斜挂玉蟾
墮去雁一聲天地空

恒山集卷五

二

修汲堂

遼陽孤鶴洞中歸飛下青松雪滿衣千仞雲端有人
宿夜深燈火照巖扉

四注清泉繞澗涯畬田遠近闢荒沙誤看山下千畦
雪開遍夕陽蕎麥花

仙臺百尺長藤蘿駿甍雲生洞口多忽聽新泉流暗
壁不知飛雨夜來過

果老巖高夕翠流羽人相望鳳麟洲金鴉騰起三更
候海水光搖白石樓

碧霄危架望仙臺欄檻秋深長綠苔我欲澄觀滄海
外數聲山鳥叫雲開

柏山千仞闢雲扉苔磴無人鳥自飛獨上穹巖秋氣

冷翠微深處欲添衣

霧閣雲牕映紫微仙巖獨坐羽人稀松間細路樵歸
盡一鶴寥空帶月飛

松風吹冷夕陽時鴉鵲歸來宿滿枝獨立秋空千嶂
晚河西新月淡于眉

安王古石冠巖椒拂蘇留題興獨豪寄語鄉園隱君
子月明相望一峯高

虎峪龍泉映翠微白雲片片向空飛溪山秋色涵真
趣可要人間識芟衣

磁窯硤口有人家雲裏盤空細逕斜一道泉噴青玉
澗流來紅葉似桃花

恒山集卷五

三

修汲堂

模糊莫辨萬山尖秋雨秋風不捲簾薦地浮雲看淨
掃一灣秋水浸明蟾

樓臺摧破碧嶙峋依舊雲霞色斬新一片清暉滿寥
廓青山無語對畸人

朔風獵獵掃沙塵八月邊城霰雪頻滿地芊芊瑤草
碧晚秋留得洞中春

層巖松桂蔭瑤臺一碧秋空曉色開颯颯西風動林
角乍看飛雨萬山來

世情難得漆投膠荃蕙無端化作茅白石青松為我
侶山中不少歲寒交

巖巖石磴轉巖幽獨把筇枝上上頭萬里秋空如水

碧玉華山色翠葉浮
萬里邊垣落照黃靈奇山水閑龍荒太行碣石堪流
憩便擬并州作故鄉
洞門飛雨洒藤蘿蒼苔里風疊翠螺落日橫波金作
色爛黃一溜瀉渾沱
龍山霽雪鳳山霞一帶嵐光繞塞斜正似關潼眼中
見數峯開作石蓮花
野子嶂南繡作堆白雲破處翠崑開天空淨把游氛
掃歷歷青峯指五臺
瓔珞流蘇貴主宮萬龕燈照簷林紅完顏多少丹青
寺消盡晚山烟雨中

恒山集卷五

四

修汲堂

文殊巖畔雨花香海衆林民擁寶坊彈指大雲歸浩
劫封龍山色冷秋光
風輪窄滌小香臺天女維摩盡劫灰并遣世尊金相
滅彌天釋子有餘哀
磁硤南頭太白宮雲旂盡日捲靈風龍蛇詎必傳真
跡照曜荒墟借鉅公
金元嬰舞有遺聲毳帳雙鬟譜玉箏興廢盧龍猶在
眼青山黃土自縱橫
英雄燕趙藹如雲過眼灰飛冷夕曛北望登高重懷
古平原君與望諸君
漢家烽火接居延慘淡樓煩百戰年七國三邊橫險

要蒼茫落日下寒烟

石磴高凭翠雪亭遙山萬疊掃天青秋烟不滅英雄
氣時見靈旂出井陘

雲中霜雪苦寒凝枯草連天接白登偏向秋風舒勁
翮至今人說郢都鷹

生降空上白龍堆悵望南雲自北迴雁足能傳天際
字斷無人問李陵臺

窮海荒涼老牧羝旌旄落盡雪淒迷茂陵不見蘇卿
返松柏黃昏鳥亂啼

絕域和親去漢庭千秋絕艷有精靈一堆芳草春魂
化孤塚年年帶雪青

恒山集卷五

五

修汲堂

鴛鴦灤上水橫波捺鉢年年獵騎過雲裏海東青忽
下萬人齊賀得頭鵝

劉觀浩劫石欄凭千里烟消霽色澄燕子飛殘王氣
冷暮雲遙鎖十三陵

仙府峻嶒占主峰塞垣東去挹居庸蔥蘢長白山光
曙日出文成五色龍

稽顙來朝吐谷渾窮遠王號去烏孫何如萬里遼西
地祇當 天家右闕門

曲陽恒嶽亦崔嵬上聳天風百尺臺知有葛洪丹竈
在未將一杖卓蒼苔

想像靈巖上下宮高臺疊石築冷空秋山霜後增寒

翠都在青天落照中

而地爭傳北嶽靈清虛山似渾源青曲陽恒山即唐之清虛山也顧公

獨騎懸河辨未信吾家有水經

老訪名山恣嘯歌寰中巖壑翠駢羅峨嵋雪與羅浮

月其那飛騰暮景何

龍山三老躡芳踪恨我來遲未得從料得乾坤清氣

在白雲繚繞最高峯

華陽臺聳碧孱顏松檜陰森抱石關我與秋雲同一

懶無心飛出萬重山

石房秋色要平分猿鶴渾難久作羣悵悵遲遲下山

去幾回回首戀松雲

恒山集卷五

六

修汲堂

西風蕭颯鬢華秋老去還為汗漫遊五嶽梯登今已

遍兼須入海事冥搜

題老子騎青牛圖

老子徑去流沙西函關方度青牛蹄東來紫氣騰如

霓尹喜迎候眼不迷五千文帶雲嵐題妙用只為天

下谿是時天王列侯齊玉瑁罷合五等圭轉眼七雄

轟戰輦二周舊國生蒿藜抽身柱下休卑棲猶龍之

逝無端倪隨行徐甲一杖攜芒屨脫棄人間泥畫師

好著昆侖梯北遊回策思攀躋

寄贈周鶴儕

鶴儕

憶踏春街雪後冰醉歸恰看上元燈手中脫贈親兄

弟山中人呼枝為親兄弟今年元夕蒙君留飲贈枝一枝眼底無多老友朋時座中惟朱萊友莫惜

浮名饒蹭蹬且耽佳釀恣情騰秋江木末芙蓉發百

歲看花水檻凭今君值六十七初度

北榆林

北榆林南榆林秋風落葉秋氣深我際承平塞垣靜

遠訪名嶽追向禽天寒日短馳駁駁馬毛蜩縮冰雪

侵狐裘晝不煖夜卧添重衾常時飲酒只飲濕只今

歷落航船斟却思古來征戍卒裂膚墮指苦寒吟疾

行飲馬長城窟啣枚夜渡桑乾淖鐵衣不脫卧沙磧

月明夢斷城南砧白骨年年拋塞下愁雲萬里常陰

陰

恒山集卷五

七

修汲堂

別蓮峰

憶昔西園鵲飛蓋偕摘文藻應與劉一從象外攬真

趣莊叟早憚為犧牛人間無益是楮葉亦復苦心勞

雕鏤頃從匡廬指恒嶽江漢秋水平如油北方往還

萬餘里祇夢巖壑探清幽嶽帝清秋大譙享九天仙

樂鏗鐘球神谿遠嶺動光怪彩雲移過橫山頭曲陽

來同臬元旆天闕浩蕩神靈稠玉執秋啾返嶽頂黑

龍尾蟠聲颺颺萬寶既成歲功畢尊尊會酌行歸休

我來一掬玉泉水縱攬蒼靄得自由龍池鳳山翠絡

繹拄杖隨處從稽留九秋已盡接陽月門王號令淹

幕收興酣手提蔗竿起快若奪舞雙蛇矛景當奇絕

發大叫倒影搖動雲中樓塞外早寒氣候肅不見爛
漫黃華秋彌年清景許我逐誰共張邴追前修閒放
願為鶴鳴野爭能耻作鷹下韝總玄之天最窈曲惜
不與子全研搜潑墨淋漓等會獵景宗弓燥手復柔
恣與洞天發幽異星日輝耀烟霞浮石勢巉巖卧虎
豹松骨矯矯騰龍虬不須傾倒三百蓋使爾全消萬
古愁我耽清遊少禽尚子覓隣好稀羊裘皇天作合
乍得面沿洄偶住波上舟纔成衿契遽告別朔雲狼
藉增離憂人生有情足縈緒豈其修散全泡漚明朝
紛紛木葉落執我之祛臨道周秋山畸斜千萬疊馬
首一路迎回轡神川佳勝畧收拾囊錦不遣山靈羞

恒山集卷五

八

修汲堂

乾坤軸覽闔闢況得與子心相投別意短長問流
水桑乾汨汨穿蘆溝他日清緣尚未斷移麾福地多
壯遊一條榔栗未挂壁倘復相逢山水州班荆天涯
是舊識歌呼十日還相酬袖中出入看銀鈎霜臯人
夢阻且悠我其去矣北風厲往把仙袂尋浮邱

回望嶽

白雲汎空際矗起如仙山欲逐真人跡散步清虛間
翳翳紫芝峪昨朝曾往還靈境恍在目栖泊歸人寰
翠厓結清夢俗塵凋朱顏却思餐霞侶高風不可攀

大同二首

崑崙峰臺壓女牆風雲萬里護池隍柳榆葉盡懸秋

月斗馬毛寒被曉霜直北三邊魚海遠迤西一路雁
門長征車往復無相識獨自高歌氣激昂
雲中相遇五原豪慷慨交情脫寶刀榆塞寒光積水
雪桑乾朔氣散風濤駱駝沙曠蹄逾健驚策秋深調
轉高小隊箏人圍玉帳銀螺杯暖酌葡萄

大同道中

輕風掃積翳薄雲汎層霄秋山疊冷翠霜樹鳴枯條
陰圻雪片炯陽燄冰痕消衝沙馬蹄駛捲地蓬根飄
老洹泥滑滑古道車遙遙天清滌微滓人遠祛紛囂
晴看客意喜醉覺衰顏韶何來一白鶴孤踪渺難招
閨重九發陽高

恒山集卷五

九

修汲堂

白頭脫帽自清狂不畏西風客路長人為耽遊輕萬
里天知助興展重陽北臺留把新篘酒南口歸攜古
錦囊肯與兒曹計窮達還教老子擾中腸

桑乾河

驅車至渡口往復臨桑乾晚秋水已落揭厲人方寒
名山既涉歷大川亦游盤自非眼界廓焉得胸次寬
騷人感羈寓客思增憂端劇憐并州水却作故鄉看
我心絕恣憑行處從瀏觀蘆溝溯歸路曉色浮層瀾

毛家皂

沉沉天欲雨颯颯風生寒僕夫已疲茶驚馬姑磐桓
木落遍廣野雲興蔽層巒牛羊墟里返鴉鵲空枝攢

倦程冀即次修塗苦懷安役車就旅宿行子隨盤餐
良朋詎久聚濁酒聊自寬且以永今夕焉知來日難

食糜

南人炊玉粒葱餅不下咽獨我能大嚼北客莫之先
連朝朔風厲攤鼻寒涕漣體中苦作惡肺氣加纏牽
老牙久艱脆如山欲崩騫盤飧百不進一盃且粥饘
勅厨不勞顧喚僕風爐煎玉箸流軟美飲啜素所便
如此糜自可何必羅芳筵任嘲邊生腹一飽輒思眠

聚樂

聚樂非邑治崧岷留孤城晚樹悉搖落秋水餘澄泓
落日方歛赤遙山自環青荒郭月皎皎古屋風冷冷

恒山集卷五

十

修汲堂

雞栖絕埽影犬吠傳村聲馬解滾塵起客至炊烟生
于役免飢渴亦足舒羈情僮僕良解事適沽雙玉瓶

新保安

好山紛疊翠高城映鬼鬼征車若流水一逕隨滌洄
白雲汎雉堞變黠縈中隈我心澹無際馬蹄信紆迴
鱗鱗晚市集擾擾都城開清景翠瞻矚孤懷杳徘徊
忽見青霞祠弔古興悽哀

謁沈青霞先生祠

先生志骨鯁正氣凌秋空直辭洩孤憤伯仲容城公
淒涼之戌所悲歌叫蒼穹流亡分湓死庶望開夢夢
奸回憾不已箝網傷孤忠雲中歸祠轟故老思悲翁

我買一樽酌慟哭回松風緬惟鄉先正典型渺江東
雪涕上馬去切齒賊相蒿

全道

及晚歸全道飛沙滿塵顏煖湯一額面始覺心神閒
盤飧無一物荒涼逆旅間隨意飽我飢起看千重山
峻嶒雲際挿復當從此還車夫畏軸折愁思不可刪
勿計明日事皓月臨松關婆娑桂之樹天梯曷由攀

彈琴峽

彈琴入翠峽皓月今宵圓澗泉留冷韻松風去繁絃
悠然自終古逸響誰為傳我來坐磐石游心於太玄
清暉啟妙悟未用師成連泠泠在山水孤懷忘寂喧

恒山集卷五

十一

修汲堂

侵曉行關溝

確磎關溝路遙行踣鐵蹄明河千仞挂落月一團低
全道衝寒別居庸冒險躋孤村猶護犬十里乃聞雞
礪道堅氷滑巖門積雪迷歌輪幾欲折疲馬不禁嘶
茅店無尊酒霜崗有杖藜僕夫悲蹭蹬客伴辱提携
蓬海遙環左榆林正落西攢峯與天近雜樹入雲齊
賜谷烏纔上寒枝鵲尚栖崎嶇勞龜勉狹隘苦排擠
怪石偏蹲虎高城總拂霓星馳向京闕秋種畫沙
畦峽想彈琴住橋慵攬筆題山容睹瑪瑙水色凍玻
瓈清越庵鳴磬頻煩埃擊輦聊充記里鼓誰借辟塵
犀甲乙籤曾列庚申事可稽輶車行孔急野膳默含

樓燒棧誠須火封關那得泥俄然角犄見不斲子規
啼恃德榮長在懷安恨必齋 聖朝千萬禩時訪釣
璜溪

居庸關

扼隘一關雄崢嶸萬嶺中兼綜口南北橫截勢宏隆
猛獸玲峴度浮雲自在通陰巖蹲虎豹大樹撼龍熊
絕頂低垂斗中隈冷嘯風洞刻虛窗窳街甃滑磨礧
落石青駝蹴孤烟白鶴翬霞嵐隨變幻冰雪不消融
出塞龍沙渺環山雉堞崇一夫能守險萬騎失騰空
自古多衝突邊垣有戰功于今永寧謚幾輔盡來同
右臂連宣府中心衛 帝宮持盈日兢業 聖德在
恒山集卷五 三 修汲堂

奮奄村

夕次奮奄村連山合如環獨缺東一面蒼翠瀾其間
故老為指點隱見天壽山去此僅十里明晨堪往還
在昔龍旂祀闕殿開金鏐自古有亡國松柏含愁顏
蒼然暝色至乘月歸柴關

望有明十三陵

高原一屹立遙望十三陵暝色含丹楹塵沙掩漆燈
烏鴉噪松柏麋鹿走榛芳銀海重泉接橋山奕葉仍
宮嬪蛾綠閑國史汗青登成祖承皇統原殊代即興
懷宗終喪祚竟至杞天崩隧道田妃薨靈輜帝寢增

舊聞淩在目故老涕沾膺 龍起神京奠鴻圖海宇
澄掃塔驅鼠雀遣祀潔銅甌阿監瑤瑤列羣靈玉几
憑賓王還備恪舊禮豈無徵闕殿崇千尺山岡護百
層昌平烟澶漫天壽鬱峻嶒夕霧瀾濛漲陰雲黯淡
凝衣冠月遊地王氣冷如水

清雲寺

榜字金刹落寺名辨清雲重門罩雙樹秋葉交續紛
殘僧窅不見歷亂飛鴉羣簷端夕霞映翳翳收餘曛
蓮座鎮閒寂爐烟斷氤氲空庭寫客影孤月祛濃氛
小憩坐階石衣沾碧蘚紋荒寒足幽趣意行多所欣
劉黃故里

恒山集卷五

三

修汲堂

劉公抒大策炳蔚作唐經下第人推傑生才地有靈
貂璫犀犢氣麟閣足圖形國士投閒散家奴裂典刑
飛霜臺獨洒如雨涕交零譙笑嗟紳珮殷憂在關廷
空將忠悃洩誰把謹言聽白日迷甘露清流委濁涇
徒然知勁草遂爾圯高瓠賈誼全孤憤靈均會杳冥
懷慚餘萬輩嚮慕亘千齡粉社斜陽紫榆林遠岫青
思瞻古祠宇俎豆肅惟馨

鄧禹故里

佐佑中興主雲臺第一功封侯年及少開國氣何雄
馮耿差肩立蕭曹接武同河山勞克復星宿應昭融
白水乘時奮黃塵掃電空舊京收在掌新莽捲如蓬

生龔三邊秀勲加五等崇歸從元嶽頂甘作白頭翁
炎鼎思前烈沙屯走寓公遠山飛晚翠冷樹動秋風
故事追銅馬冥心送塞鴻粉榆尋古社遺廟夕陽紅

沙屯

朔風欬欬起浮沙決滂揚駢車駐遠市結駟過虹梁
寒泉流汨汨秋樹鬱蒼蒼乃知帝城近遂覺民物昌
來時振馬策去路沿龍荒元嶽千仞峻邊垣萬里長
嚴寒慮冰雪客子紉裘裳寧知秋暄暖不異日載陽
皇天庇一物遠道逢百祥連旬經往返逸興增徊翔
前行瞻禁籞五雲燦榮光

冠恂故里

恒山集卷五

十四

修汲堂

撫字無窮意慈良第一流我披循吏傳誰與冠君儔
桑野經綸密蘭臺紀載稠單車河內借茂績宇中留
懇惻求民瘼便宜贊廟謀馳驅經故里慷慨問新猷
篤想神明宰羣分聖主憂池隍臨一載俎豆在千
秋雨露郊原潤陽春草木柔漢京宏雅化肅拜仰前
修

入德勝門

北闔出復入元嶽成壯遊峨峨金城內甲第若雲浮
飛光二十載朋輩幾人留中達藹冠蓋誰復新相投
秋漫御溝水各自東西流蹀躞御溝上瘦馬驅悠悠

錢韓石載携尊見過

客邸荆門閑其誰利啄尋悠悠行道意藹藹故人心
停騎曾相訪携尊且共斟拍浮原素志歌嘯復知音
縹緲江峯遠瀾漫海水深清彈帝子瑟老撫伯牙琴
雲裏詩人跡風流居士吟韓石一號萬松居士萬松濤溢耳五嶽
翠盈襟劇喜青臚對寧知白髮侵可堪羣聚溷最忌
獨鳴陰百事從灰劫孤懷久陸沉水鳬容汎汎車馬
任駸駸坐久花銷炬談深月在林有情盟自昔無悶
到于今壇坫名何有烟霞思不禁豪情論唱和逸興
注登臨催擊街前柝看橫屋角參醉餘徒步去裘袂
冷森森

瀋寧劉烈母胡太君詩

恒山集卷五

五

修汲堂

流冠劇鵠張貞心百鍊剛生應捐半路死不到南塘
乳下兒存活身中刀遍傷上岡松柏茂遺蔭遠蕃昌

促促復促促

促促復促促淒淒重重淒淒毛裏作生訣悵悵不能辭
十年遠撫愛幾日親容儀容儀苦衰颯滿髮飄白絲
遠念北堂上龍鍾血漣漣而依依親手足悵悵夢見之
泥首謝公姥愆積如京坻沉綿累君子藥物竟何裨
繞床噪且泣愍此黃口兒休論縑與素時命舛不齊
既出又復入顧戀纏深悲須臾暫佇立從此天一涯
死當成永別生當復來歸

出彭義門

情懷如中酒懣懣出國門遊嶽本曠蕩衣染烟霞痕
人生有天性戀骨肉思苦無金滿囊構取三極根
悽惻聞別語懷恨縈離魂參差觀手爪人事難具論

車夫指點潭柘寺處

烟中鴉鷺雙中有潭柘寺昨朝已膏車憂輿敗人意
一杖破崎嶇全攬五嶽翠縹緲望西山欲往不得遂
天公怪多取咫尺無由至萬事有盈虧詎盡如吾志

蘆溝橋

桑乾所自出遠溯渾源州入塞千餘里潞潞經蘆溝
如覲故人面飛湍激寒流斜陽明曠野晚烟靄中洲
今夕一為別重見知無由踟躕駐馬足嗚咽疑隴頭

恒山集卷五

去

修汲堂

琉璃河

琉璃色青泚不異蓬萊洲身度虹霓峻眼明舴艋稠
篙師恣歌笑漁父紛盤游秋沙愛潔淨午程姑逗遛
誰鑄一枝鐵直挿萬里流浙浦豎鐵幢蜀口刻犀牛
古有厭勝法聊用參人謀逝波響汨汨別恨隨悠悠
清瑤俯明鏡霜雪嗟盈頭

涿州

第一名州在衝繁近日邊高原開左輔晴旭麗南天
崑崙金城峙馳驅鐵軸駢浮雲沙樹杪飛鳥驛樓巔
紫氣連京闕清流斷阪泉塵凝涿鹿後地闊有熊前
淨掃蚩尤氣平臨北斗躔此間頻往復辛苦閱流年

次松林

馬蹄行處疾未晚駐松林朔地迎寒氣遙天愴別心
飛塵馳突騎搗練急清砧破寺凝烟冷荒墟落照深
羈魂秋黯黯噩夢夜沉沉待月窺蟾影因風想鐸音
狂思如意舞悵悵憶白頭吟空自追張邴猶教累向禽
黑羔裘易敝綠蟻蓋誰斟安命平生志繁憂莫更侵

北河

混漾北河水輿梁今已成祇添霜上跡無復浪中聲
寒葉踈還脫秋沙軟更輕征車驅輶輶漁艇泊縱橫
雨脚渾難散雲頭凝凝去不行來時路泥濘歸日歲崢
嶸尚覺離魂黯黯銷魂噩夢驚紅塵飛玉螭綠酒瀉金

恒山集卷五

七

脩汲堂

鯨舊好遠黃憲新愁累向平休從照客鬢白髮最分
明

謁楊忠愍公祠

祠仰楊忠愍經過淚不乾帝閭排虎豹霜簡劾仇鸞
九死曾何悔孤生詎苟安還須摧猘獠獨自剖琅玕
故鬼聲號哭新章字屈盤祇期姦破碎寧惜命彫殘
壯却蚺蛇膽悲啣烈士肝香風動枷鎖浩氣殉衣冠
天遣鈴山倒人同鳴鳳看精誠太虛白悽惻滿城寒
尚有青霞老遺編並不刊

塞外落木已盡畿輔尚有餘葉寓目成詠

萬木蕭蕭盡遙從塞外來暄和在畿輔零落尚榆槐

片片凌霄下絲絲映日開飛空翻作舞着地點成堆
掃處携筐篚行時破蘚苔霜晨更飄忽朔氣遞摧頽
時令商飈肅年光老物催變衰嗟草木軒豁出樓臺
歲值崢嶸晏秋餘慄慄哀二毛潘岳賦九辨宋生才
白水漂沉跡青松挺拔材芳原冰雪滿消息候春回

侵曉發方順橋詣曲陽

恒宗吾已陟向子願全償尚有元都廟分燃寶鼎香
齋心從嚮往矯首欲徊翔夢醒瞻窗色空明透月光
天教停霰雪時轉凜冰霜羣燎茅柴火添傾竹葉觴
商風吼村落寒氣偏裘裳旅店孤燈迴征途隻埃荒
華星飛幾點遠樹列重行霽覺人情爽紆看客路長

恒山集卷五

六

脩汲堂

雞鳴失平旦鴉鵲麗東陽爐畔勞翻餅盤中不撤薑
分岐遠舊轍濟涉度新梁亭午過清苑殘秋到曲陽
晴空清晶晶遠景鬱蒼蒼沙曠車輪疾塵高馬足忙
紫烟祠樹合飛石嶽靈揚回望天峯頂雲旂下帝閭

恭謁堯廟

若稽古陶唐巍祠在冀方土階映秋色松棟上朝陽
舜禹連承禪變龍儼列行陰廊蹲白馬黼座涖彤裳
昏墊平洪水和聲奏大章衢歌紛擊壤華祝競陳觴
瀉內觀型肅皇天眷命長順成通八蜡熙績統三王
厨簋迎風扇階蓂逐月芳瞻來雲煥采採虞韭生香
輔翼人倫正欽明聖德揚萬邦羣丕變八表溢餘光

考妣追思遠義和置算良恭惟疏帝典拜手倍兢惶

靈雨寺

金碧凌空起堦光映日浮穿橋流最急繞寺樹何稠
寶相嚴初地珠衣爛比邱高名榜靈雨結願為田疇

雪花

秋暮增淒緊飄飄雪作花先聲飛霰急隨勢帶風斜
雨意含連夕雲容冷萬家遠山頭漠漠近水口些些
猶未堆高隴姑教淨淺沙遙催驅軀轆尚緩積杈枒
茅屋渾愁破蘆蓬劇喜遮暗經天上日颯繞髮邊華
轉覺村墟寂還看道路賒悲嘶聯轡騎喧噪入林鴉
未晚投荒店爭先擲短楸祇須謀爛醉詎用發長嗟

恒山集卷五

九

修汲堂

夢隔人千里身栖天一涯衣裳羣抖擻欄檻密交加
月掩張三影吟思溫八义寒多侵琰燭白待映腮紗
鋪道仝河漢明朝擬泛槎

憶女病

久病何緣起還當遠別離纏綿兒孰乳酸苦婦難為
貧裏營參朮愁邊益髮絲龍鍾懷二老涕淚萬行垂

磚路

磚路小村落遠術沙回縈茅店大樹古石井流泉清
社臺平着檻梵寺高建瓴豐年競簫鼓暇日修柴荆
餅餌最圓潔柿栗饒芳馨稚髦各自得主客藹餘情
粉榆遠環繞樵牧閒吟賡北山淺疊翠目送晴雲行

定州道中

遙山隱千疊翠靄凌層穹近矗一峯秀冷綻青芙蓉
萬木已搖落槎枒動商風猶餘淡黃葉幾樹排疎叢
河流蕩銀礫日色涵冲融秋沙印蹄淺飲馬寒泉中
青天過一鶚決背歸海東孤影入遠廓窅然天海空

曲陽

見說恒陽地飛行走一鞭沙平微霰後日暖小春前
雪浪移來石元都別有天他年話遊跡詩老有清緣

謁嶽廟

古鼎祠元嶽長松拂紫冥千秋隆秩望片石寓精靈
灝氣通雲穴神居聳德寧曲陽遊跡到是處仰真形

恒山集卷五

干

脩汲堂

德寧殿

巍然德寧殿丹構在曲陽飛石嶽靈寓望秩延神光
雲雷繪兩壁藻彩何輝煌巍樓列鐘鼓老柏森成行
鉅典正昭代祀嶽歸崇岡渾源轟廟貌金碧摩穹
蒼有司昧禮意遂令此地荒有舉莫或廢伊古昭典
常名山出雲雨幽都奠朔方今靈兩地奉駿奔職所
當棟宇顧陟圯碑板縱橫僵惟龕失炳煥瞻者為盡
傷祥宮與道院裁業遙相望螺鏡極天沸幢旛颯飄
揚山祇仰正直分祀宜肅將詎與滹祠類委之沙礫
場灝氣出靈穴白雲亘天長髣髴光燿燿靈旂下瑤
闕

飛石

飛來自虞代片石即恒宗分取千尋勢蹲茲數尺峯
摩窠鑄大字遺窟想靈蹤秋發光晶冷晴浮彩翠重
體凝移秩祀道遠罷登封瘞玉還歸土燔柴正在冬
白雲連轅轍古柏蔭葱蘢碑黯前朝跡祠荒舊國容
明神於此寓禋享定誰供畫壁東西暗苔階二下濃
建瓴殘鐵鳳祝冊失金龍典禮應無缺休教廢鼓鐘
石刻鬼圖為吳道子筆傳此鬼能驅魔嵌嶽

廟壁

片石猶嵌壁威稜意象殊心憐吳道子手寫鬼形模
帶甲飛跳足揮戈怒礫鬚唐宮足妖孽胡乃任睢盱

恒山集卷五

三

修汲堂

嶽廟門有石刻坡公紹興三年題辭括其意

作一律

欽定紹興三年
眉山蘇軾題

文章雖蓋代開口索誰親琴酒堪娛意風塵莫誤身
眉山有才子儋耳豈閒人詞翰稱雙絕驚看妙入神
石刻坡公題滿庭芳辭手跡已中斷在嶽廟
西有賦
真跡嗟中斷猶蹲嶽廟傍清聲中呂調一曲滿庭芳
雪浪寧磨滅烟雲未渺茫老坡云爾爾懷古迴難忘
未有老坡之句

祭告碑率皆明代萬歷尤多中惟安文壁所作最佳

碑勒安文壁雕章五色騰此來誰可語片石指韓陵

曲陽之恒山遊踪未到北望成詠

一峯曲陽北亦署恒山名匪徒墮飛石尊嚴寓嶽靈
岩岩冷空臺冷映天光青清虛上下院飛觀基峴陁
畢昂插高棟風颺響疎樺松楠雪後見雞犬雲中聽
緬惟抱朴子冷竈遺荒庭烟嵐失振策遠夢飛苔殿

恒山集卷五終

門人梁曰源謄寫

恒山集卷五

三

修汲堂

恒山集卷六

錢唐桑調元

詩六

石刻恒嶽全圖詩序

曲陽嶽廟西偏有洪武三年曲陽令朱堅所鐫恒嶽
全圖其巖泉祠觀潭源州北嶽志中多不備載景物
變遷非復曩舊雖經遊涉未辨其名今圖猶髣髴可
識更閱久將漫漶欲覓工墨搨不可得為按圖中所
臚列各題一詩誌之字從其舊文仍其闕留本真也
共得詩一百七首

朱堅令曲陽洪武辛酉年恒宗諸景物全圖白石鐫

恒山集卷六

一

修汲堂

乃知元明際炳煥羅層巔金碧聳樓觀崢嶸列巖泉
三霄動鐘磬一氣浮雲烟竭來四百載荒寂總元天
祀典雖釐正形勝殊從前苟非留片碣遺跡早已湮
古繪存髣髴新吟漫瀏連幽襟重寄嘅聊用弱毫宣

后土廟

廣生自后土朔易從冥天窈窕起丹碧結構凌霄烟
坤靈亘四際賽大明三邊黃沙日照耀紫塞星迴旋
持載仰厚德大化助重玄川流閱人代托體常貞堅

正北嶽

萬山凝嶽體位北獨也正磅礴孕氣母昭回懸斗柄
三關連斥堠五臺列軒屏索寞塞草枯淒厲朔風勁

鳥獸號曠野松柏得本性秋深天宇澄雪霽河山靚
大茂畢歲功玄冥肅時令峻極會貞元幽默呵噓盛

唐河

漚洩瀉古水波色寒蕭蕭晴沙抱幾曲曉水迤一條
滙合桑乾大流繞飛孤遙蟾兔映晃朗宮霍明岩堯
層灣餘積雪頽岸颯驚颺天空皂雕掣雙影橫飄飄

小茂山

歲寇小茂山縹緲仙靈宅寒凝雪色澄晴漾嵐光碧
芝巖爛閃金松塢香生珀石竇清泉飛雲坳夕陽射
青苔有鳥行朱果無人摘我獨躡烟梯就訪咀丹客

望仙臺

恒山集卷六

二

脩汲堂

一臺登巖椒五夜寒月魄飛仙不可期凝望空寥廓
玉漿帶雲輿瓊藥臨流嚼石丁足幽居塵寰稀大藥
長嘯嘈如鸞輕飛詎化鶴三霄振毛衣昌容自綽約

岱疑嵩作大茂山

鐵筇響彭觥仙山凌岱茂急澗琴筑鏗層厓冰雪鏤
威喜發烟華鍾乳流巖竇林動點艷飛草香驚麝走
靈穴滄雲生虛樓穹石構連山有松肪幽栖富糧糗

歡喜臺

蟬蛻人間累輒生歡喜心海月懸開鏡松風奏鳴琴
九莖茁秀草五采飛仙禽雪波激澗洶秋嵐半庭陰
寥空放遠目清暉照重襟獨立出塵表高臺隱幽尋

文帝塢

何神畧文帝傳自道家流石塢隱松鶴天星明斗牛
峯烟下上接溪瀑左右流瑤牕面翠嶽玉座臨穹樓
羽人去芝谷樵子過榛邱其誰夜炳燭讀書向巖幽

中關峯

奇峯屹中高蒼翠雲作頂瞻靄聚神靈閃爍生光景
夜掛北斗低夕映西月炯鬱蔥三輔氣參差五臺影
湏浮鯢浪寬地闢龍沙迴一筇卓青冥獨立裘衣冷

中壁峯

羣岫拱中峯千仞躡絕壁條耳虛濤奔瑩臚冷翠滴
篁坡俯青溪菌閣凌白石猿挂蕙蘿枝龍吟風雨夕

恒山集卷六

三

脩汲堂

樹古已千年天低不數尺盤盤鳥道微窅窅人境寂
筇杖入高空薛衣照寒碧仄磴破莓苔荒荒留我跡

接鳳峯

何年威鳳來孤峯颯梧竹覽輝下慶霄映彩儀靈谷
颺飛凌仞千歸昌叶第六喧啾百鳥羣駿隼白雲族
縱步上高岡素秋清景逐

小安嶺

步步韓緯僻一嶺如領建白道轉層空碧雲橫曲嶽
谷瀉百重泉沙縈九折阪高下甫田磽青黃雜樹遠
癯農荷篠行老樵負薪返犢過澗水渾鶴憩雲林晚

大安嶺

威紆相見坡路盤重嶺過一礪清湍飛千巖紫翠磨
神霄嶽色侵冷樹秋聲作音空山猿嘯哀寒沙虎跡
大遠岫嵐全暝纖林月半破近尋竹院投倦就繩床
卧

南神峯

縹緲南神峯白雲揀天半卓午嵐氣垂太古石色燦
明霞映水飛脫葉迎風亂音亭碧玉簪斌斑錦繡段
石脉出靈泉巖坳藏古觀仙禽不知名晴空振羽翰

列仙峯

高峯近白日來往列仙俱鸞鶴下月館笙遂飄天衢
青霞藹蒼鬱赤氣橫扶疎龜臺接西景麟洲指東隅

恒山集卷六

四

脩汲堂

靜夜嶽靈過驂駕點龍車鶉居此可卜老我山澤癯

聚仙臺

廣成去我久追躡空清烟仙靈一以雜丹經遂紛傳
詎悟登真術徒晞養生年無為合至道有累牽塵緣
繕性即大藥凝神契冥筌莫啖安期棗漫拍洪崖肩
茲臺洵澄曠遠矚何超然羣仙此焉聚片月懸空天

直峪鋪

直峪在人境山埃殊清幽南征出右輔北迤臨遼州
颺颺嶺颺響汨汨沙泉流綺散霽霞夕紅酣霜樹秋
疊石度深礪架木緣層邱欣瞻嶽路近宛遂仙源遊

夫兒營

荒營列滄莽自昔憐夫兒山蹊石詰屈沙砦烟迷離
風柳亂無緒霜月寒侵肌筋角破遠夢草蟲纏深悲
時平靜斥埃村曠延茅茨澗谷遇樵牧行住偕熙怡

紫雲洞

湖西陟松崗一逕趨深洞靈嶽浮紫雲故園省清夢
嵌空闢崖門盤古架石棟削成鬼斧銛宴坐仙宇空
虎豹嘿然蹲龍蛇岌欲動賢愚此來遊今昔迭相送
皓匪夏園公隣豈羊裘仲層霄有去路黃鶴不可控

驀死崖

戀樂貪長生慮患祈速死咄哉舍身崖驀為歛魄里
大惑詎返真輕捐寧謝累義視固虛誣委順得常理

恒山集卷六

五

脩汲堂

聖賢全而歸王侯同盡耳乘化待有終習靜觀無始

丁香臺

高臺攢丁香花時攬芳色鳥翺艷冶叢人趨衆香國
倚笑春風前競遠珠欄側穠纖西子容芬馥東皇力
芳時一消沉古礎埋傾仄造物竭菁華翫賞何由得

石樓窩

太始構神工石樓穹百尺啁啾飛鳥晨晃朗明月夕
古藤下上盤急雨東西射把斟逡巡酒飛下飄飄鳥
寒草色青青秋樹聲策策欲取作吟窩晚看千山赤

鸞字無此字化崖

顓頊崔化蛤翩翻鼠化鴛物類時有變人命衰乃徂

三良殉秦穆惴惴藏其軀莊周夢蝴蝶栩栩非故吾
藏舟在夜壑大力負之趨委心觀斯達知命樂有餘
超然懸崖上獨立伯昏如

六真洞

豁然開古洞連翩栖六真文火滅丹竈絳霄馳颺輪
秋清嘯木客月冷啼野賓修篁刷鸞尾古松蟄龍鱗
隱文霹靂篆軟草穠穠茵我思掃石榻高卧忘昏晨

玉童洞

霍霍謁陰陰洞門渺何許神龍善變化蜥蜴共容與
乳竇透月輪泓泓通水府石仄駕嵌空潭深負巖阻
谷音傳虛堂斂法著劈斧驚聞雷雨時尺木冲天去

恒山集卷六

六

脩汲堂

張公尖

世稀子房侶不乏仲蔚儔巖居古隩口戶繞清泉流
白雨洗耒耜晴沙散稀牛秋春聲歷歷晚炊烟浮浮
對面滄雲起轉瞬遮林邱意行足力倦坐憩龍泓頭

李公崙

卜築清雲坳沿途素沙紫隈灣翳老松子姓傳仙李
山色暖堦羅溪光鋪側理遙山樹層層近塢石齒齒
舊畚繞戶外碌碌埋磧裏樂哉農家流隔彼誼置市

嶽嶺

蛇盤出太清峻嶒登嶽嶺大茂日細縕總玄得要領
三霄曙色明萬里秋光冷漠北盡黃沙海東極清景

金氣肅伊涼火維抱衡永高吟帝座通近矚神京
迴白日麗中天青筇倚孤影百年直須史差喜情懷
騁

昭鳳嶺

峻嶺呼昭鳳超然百鳥群高凌千仞勢迴映九苞文
栖拂梧桐翠咀含竹實芬翺翔傳天起音響即都聞
毓德來丹穴啣圖帶紫氛為儀振符采表瑞應華勛
阿閣新巢影華池渙水紋懸知覽輝處重見下卿雲

張果洞

名嶽定栖真靈踪得果老緣辭玉闕婚道契金庭妙
初月照石床古洞寒丹竈清暉目與謀塵埃跡已掃

恒山集卷六

七

脩汲堂

遺世古之仙浩劫顏還少長生吾不希得意舒長嘯

寄舟洞

夜壑共藏舟元氣時鼓柁憑化倏而遷寄跡無不可
擊汰瀟湘南乘桴滄海左游漸紛下上波潮任軒簸
義皇上之人邱壑中置我幽探總元天名山諾已果

清靈龍洞

靈巖轟中峯清龍洞遙左層空下丹梯一逕入紫邏
烟霞風所耽几榻置已妥神自縈清虛瞻寧矚瑣瑣
身世汎虛舟臯壤留碩果新月故自佳遲向西巖墜

白虎洞

白虎石林西邃窟何訝豁冷泉聲咽流奇樹勢峻拔

風前飛鳥輕空際游雲活飲溪野鹿馴下柯松鼠突
浮嵐翠且重餘霞紅未沒洞門夕不扃歸鶴來天末

希夷洞

先生有心人墜驢緣一笑恬寔獨全真高尚頻辭詔
蟬蛻一何輕龍睡遂不覺形解華山顛神遊玄嶽嶠
林風播清吹溪月懸孤照翠峽想嶽岑古洞窺興突
寓跡在方外澹蕩原同調

上經藏

我為異學窮根源鄒聖遏抑洪水湍青牛早候函谷
關白馬初演竺法蘭貝文琳札紛流傳就中道德五
千言參同契共黃庭宣多心經語差不煩楞嚴法華

恒山集卷六

八

脩汲堂

爭瀾翻昌黎巨手障百川其奈洶洶奔狂瀾陋哉神
通說無遑涅槃觀引淨土緣他生富貴輪迴旋白頭
丹竈燒汞鉛點金幻術晞頑仙謾傳白日昇青天邀
取愚氓信心虔花香頂禮開法筵我聞其說一譊然
上經藏閣侵高玄至今變滅隨飛烟誰共舐排諸異
端王門宗旨須附編

下經藏

堅白一以鳴老莊為魁桀後來諸沙門從此罪玉屑
折蘆掃語言面壁宗寂滅至竟闢機鋒有觸矜雷掣
浪傳不死方獨騁無生說我欲火其書下院已蕪沒

聚仙嶺

咫尺蓬閣墟來往龍鸞路白飛嶺上雲清映沙中樹
歲晚茂松篁天清散烟霧晴日照茅簷流泉繞蔬圃
境靜賞心涵神閒游目寓萬里碧霄空羣仙渺何處

殺虎峪

昔聞虎負嵎落日跳空下斑斕毛色披閃爍晴光射
陷阱那能防雄威倏然罷梯雲挹清妍入峪動驚詫
猛噬患已除哮聞吁可怕戾氣慎勿鍾傳是牛哀化

香臺寺

隔林隱香臺逶迤遵澗曲羣鳥乍翩翾獨客輕剝啄
樹影清入池人意澹于菊憩石寂無言梯空舒遠矚
松巖日色殘竹塢泉聲續流連青豆房欲伴溪雲宿

恒山集卷六

九

脩汲堂

小香臺

祇林水石斷浮埃得得孤筇破蘚來吟眺秋空無伴
侶白雲飛上小香臺

石堂峪

神工構石堂山栖洵可卜雲林負穹巖烟水縈修麓
採霞夕可餐種秫秋已熟明月入我懷冷泉瑩人目
耽吟清興長逃虛晚計足白雲有底忙不就巖前宿

白雲洞

豁豁鑿雲根瀾漫鋪氣海頭掉遊鴻濛胸吞不芥蒿
高騰北塞隅遠覆南溟外勢崩銀漢流色映琉璃界
橫舒如羅綿盡掩連山黛倏忽納靈源萬里青天在

光焰崖

靈嶽有文章光焰羅萬狀奔騰河漢表炳煥雲霄上
榮輝衆所瞻灝氣吾尤仰扶輿占物華射斗彌神王
燭龍照寒門火鳥流翠嶂熒煌千仞崖孤卓赤藤杖

石城院

崑岷標疑城靜院落其內高臨雁塞遙俯瞰龍沙背
石映霄漢明堂發霞嵐綠一痕挂月鈎萬頃鋪雲海
灰看小劫飛天臨大羅在福地類削成吾將問真宰

雌竜水

蜿蜒伏為雌混淩窪作谷蟄龍宵潛金飛泉橫漱玉
神靈不敢唾靚窈盱駭矚晶石發光晶草木滋芬馥

恒山集卷六

十脩汲堂

陰巽閼潭潭陽光射煜煜游氛掃太空閒心澹無欲

金竜洞

隱映黃金鱗濕雲歸洞口羊茸藥苗青嶽嶸石稜黝
靈山鼠尾皺古樹龍文紐雪淙幾滴寒雨苔一寸厚
秋光空人心嶽色落吾手選作宴坐巖萬事等芻狗

風山寺

閒寂古招提清風颯然至竹樹本蕭疎烟雲恰開霽
晶明映寥空鏡淨憐初地石泉急飛淙秋山冷疊翠
蕪荒近谷田苔蝕殘碑字未及上香臺獨留無盡意

公主庵

貴主事金仙花宮壓翫翫徒晞不染身詎證無生道

禮制一乖違王姬相慕傲唏嗟李唐來澆風沿象教

滴水崖

淙琤滴水崖飛泉下峭壁歷亂汎烟華紛披滋石髮
一斛散跳珠千點碎明月泝遠龍潭通盤空鳥道絕
仄嶺鷄飛翻圓印螺旋折却憶湖口山今宵夢超越
湖口縣亦有滴水崖

斷山崖

巨靈擘山根巉岳翠崖斷淙聲激石喧嵐色凌霞亂
偃蓋松層層舞舞翻鷺片片疏枰劃青畦樵梯挂丹巘
新月一何纖冷風有餘善晚對坐忘疲即景成流翫

龍井

恒山集卷六

十脩汲堂

龍井俯窪深倒映天光炯皎鏡老顏癯洞酌清機永
石綴幾苔斑林挂一瓢影遙思篁嶺泉香煮本山茗

會仙門

招集羣仙下太清南天門口白雲迎龍鸞一去無消
息惟有潺湲澗水鳴

望仙石

望仙石傍紫霞堆無數鸞車軋軋來悵倚之呆秦漢
主雲濤終古隔蓬萊

三清堂

寂歷三清堂空林卧法鼓朝真羽士稀取鬧鴉羣聚
秋散一壇星月晃重巖樹瑤霄渺雲君玉座塵斗姥

灰死委丹爐苔荒冷紫府薄暮四山暝松坳拂拂語

玉壁泉

流泉下玉壁一泓渚潭潭清印月纖白倒搖星兩三
半山凝純黛空天映蔚藍瓊液酌木瓢翠色滋苔龕
清寒目屢滌澄鮮神獨涵龍潭噴雪瀑遙憶瀟溪甘

小石候

字書俗作嶺

游行經小石風日喜清佳徑穰堆沙隴茅茨倚翠厓
雲霞還綺綉鹿豕自朋儕淳朴山川好渾思縛草齋

杜仙庵

白石青苔結淨緣草庵曾寄隱淪賢不須更問丹砂
訣飲水看山自得仙

恒山集卷六

三

脩汲堂

松管峪

松管遠菁蔥丹峪形峭蒨一徑翠色深幾里松濤轉
遙山野燒明落日秋烟亂居人閉柴關歸樵下雲巘
林懸升降燈中藏古道院

雄竜水

陰雲一氣噓古水潛蚰蟻青拔竹節堅白摧松骨朽
月纖寫蛾眉石冷捉鬼手峭壁字模糊題名昧誰某

退庵

選幽巖得退谷五粒松幾叢菊耽醉吟居讓廉愚公
愚潛夫潛石床眠瓊藥嚼心太玄眼遼廓維中嵩始
單車歷二室攀三花大華蓮如船藕上蒼龍騎茅狗

日觀曉天門開循頽坡登孔崖踞祝融摩岫嶺雪霽
泉雲開岫莊生夢向子遊崖滴水洞寄舟秋閨九嶽
遍五古為徒巖之阻

王子庵

業白傳王子一巖方丈開地偏辭桂邨山獨愛蘭臺
即恒嶽山名龍象稀陳迹元明遞劫灰金沙漾泉脉湍響落

清哀

西龍堂

西堂金碧聳嶙峋萬頃沙田雨澤勻雲裏連蜷鱗爪
現夔夔社鼓賽龍神

龍尾崗

恒山集卷六

三

脩汲堂

逶迤龍尾崗油雲生靉靄盤旋勢挈天奔飛欲入海
連山涌波濤一氣接茫昧松坳烟色迴楓塢霜容改
半規夕陽頽數點秋星掛忽思管幼安名士起塵外

東室窩

梧桐生高岡扶桑麗陽谷元精養萃多灝氣氤氲足
蒸蔚爛雲霞輝媚含珠玉丹光吐紅蘂金沙動華燭
苔過白鹿羣樹拂青鸞族時有駕鴻人來就東巖宿

西室窩

炳煥映西崑靈山興寶藏澤霧豹采生噓雲龍氣上
草木含清暉水石激幽響孤烟秀單椒層霄麗重朗
琪林落照橫金澗明霞漲久立憺忘歸天際真人想

大將軍山

一山氣象雄旗纛雲中卓壁壘排羣峯周廬衛靈嶽
率然列陣勢首尾橫常山曉晴猿鳥靜秋淨風雲閒
我昔雁蕩遊亦上將軍嶺碧霄萬里空海色天容冷

觀音堂

梵宇莊嚴壓碧岑白雲一片度秋陰龍泉迸洒楊枝
水石筍排參紫竹林元嶽天高山瘞玉上方沙淨地
鋪金橫穿狼虎叢中過賸客清遊不動心

留紙嶺

留紙元都說舊聞秋空散盡嶺頭雲七籤多貯龜臺
詰十賚惟揮鳳篆文築室靈山明霽雪採芝深峪映

恒山集卷六

五

脩汲堂

斜矚羽人不道麟洲遠渡海傳書倩崔犀

杜先生庵

風來林下有餘清月到巖前分外明料得精靈在元
嶽千秋風月屬先生

興化寺

雲巖高起講經臺瓊甌深埋劫後灰猶有石幢蒙古
字一行濃綠繡莓苔

童泉鎮

童泉鎮裏羽人家細路盤空入紫霞見說春紅三二
月漫山開徧杜鵑花

真君觀

千丈喬松蔭巖壇明霞飛繞玉欄杆雲成龍虎朝昏
護石作龜蛇左右盤珠斗光含瑤殿曉霜鐘聲度碧
溪寒欲餐芝朮終吾老不羨凌虛振羽翰

天王堂

四大天王法相奇巍然鎧仗開金扉手擎寶塔凌空
去臺殿都隨劫火飛

龍王堂

丹青畫壁起龍堂雲氣氤氲正繞梁六月甘霖喜沾
渥三秋燿火賽熒煌靈山洞壑潛螺女遙海樓臺接
蜃王猶有雨工沙上集傳芭匏管奏洋洋

神泉

恒山集卷六

五

脩汲堂

石砌瀾沸涌神泉龍窟雌雄出總玄玉液空明映珠
斗木瓢美滿漬苔錢丹光夜發如熾火月影秋生未
上弦澹白一甌松下啜續看蟹眼竹爐煎

救魔峪

翠峪經幢卧碧蕪惟留澹月一痕孤催殘十六天魔
舞不救羶車走上都

覺院

蒼苔林中簇寶燈一條覺路啟金繩禪僧白足消沉
後無復牛車演上乘

金龍口

千盤上嶽嶺坳口金龍蹲幽巖伏靈怪黑帝揚威靈

頽岸蟠古木廢墟翳荒榛山蟲宰堵波石作披麻皴
秋草映寒碧夕霞絢鮮新往來盡樵牧識是無懷民

北嶽廟

稽古有虞狩望秩諸山川躬舉燔柴禮盡在方嶽間
朔巡十一月駐蹕于恒山曲陽嶽靈寓移祀毋乃偏
肇始漢武帝古義遂已湮北魏初建廟雲構太延年
天峯橡楠在久廢昭告虔釐正自聖代鉅典遵虞
編我入崇靈門光氣生嵐烟道士手持玃導擲朱龕
前冥心了無禱萬事憑皇天富貴非吾願修短隨化
遷不煩傳神語拜起循階旋就瞻飛石窟霞暉射新
鮮俄見白雲湧一氣瀾垓垓

恒山集卷六

去

脩汲堂

銅山子

元嶽銅山在鴻鑪一氣鎔標凌五溪柱響應九秋鐘

張元唐

何哉張元唐乃在山水國隣自卜由東居原對周北

懸空寺

獅座落層空龍樓倚絕壁初陽入牖紅宿雲繞砌白
刹竿矗秋冥祇樹蟠穹石去天纔一握負巖兀千尺
炫奇爛金銀架虛塗膏血海衆上危巔終受傾覆厄

窯神

古窯臨勝地貯蠶奉明神元嶽光誠麗青磁色最新
萬形消苦窳一氣總陶甄煦煦胚胎日呵噓炭火春

鳩工居峽口利用等河濱模範凝羣質氤氲屬大鈞
晚烟添作黛新月挂如銀黃土曾搏物鴻鑪可鑄人
歲時勤報賽祠屋起嶙峋

迎仙壇

瑤壇風物似層城巖石無塵澗水清抗手羣仙天際
下四山猿鳥一齊鳴

王家莊

磴道縈迴嶽嶺長王家喜有白雲莊依稀水木秋明
瑟共許名園比辟疆

西鬼逃山

鬼行速如風奔逃西嶺上山阿被薜荔秋色餘颯颯

恒山集卷六

去

脩汲堂

青嶂照楓坳陰雪寒松嶂旋颺動窻窳昏月墮決滌
呼類有訓狐驅癘無方相孤魂夜號號絕家詩獨唱

柘林寺

巖椒柘林寺鈴鐸語秋清白日沙門靜暗空法鼓鳴
蘿陰轉階砌雲氣繞簷樞破衲臨寒補山僧遠世情

保子寺

保子心最誠剏寺作功德為善乃綿長詒穀斯燕翼
恩勤父母心輝耀龍象色寶殿起莊嚴福田求利益
徒裝丈六身唐捐萬繆力禍首漢明帝金仙入中國

黃元子

不識黃元子應同獨往生洪荒有高士巢父以巢名

嘉禾山

嘉禾呈上瑞潭漫此山陂五穫稱皇古雙岐報盛時
青苗方掩萐黃茂忽紛垂阡陌沙分隴溝滕水滿池
千畦麥鋪浪一頃豆為箕細雨披簑立良辰植杖耔
田家嫻擊壤野老喜含飴邊塞羣通蜡旄倪不阻飢
堯封欣乃粒禹甸免其咨白粲秋聞搗紅鮮午舉炊
介眉斟酒醴于趾把鉉基山澗為農好團茅卜在茲

利澤侯

侯之澤溥兮利徧吾人禾麥芄芄兮疇隴昀昀邊塞
靖兮滅烟塵家室寧兮以時昏姻侯之來兮光烟煜
雲為馬兮風為輪牲肥腠兮醴酒醇靈宴坐兮啟明
恒山集卷六
六
脩汲堂
禋侯之去兮旂纛紛騰顧蒸黎兮弭節高旻降繁祉
兮綿千春

常清泉

茲泉喜常清在山自終古清涵磊磊石朗寫羅羅樹
菊滋爛漫花鶴洗翩翻羽奔飛滅春淙澆澗添秋雨
空山杳無人我欲為池主

真珠嶺

秋風落葉着人衣白道盤雲上翠微危嶺一宵鳴雨
過真珠百斛映空飛流經翠崿芝苗潤瀉出瓊田藥
草肥已解塵纓無用濯只憐滿眼溢清暉

神林

千章喬木護神居老榦懸崖百丈餘秋漲白雲縈杏
靄霞烘絳氣薄扶疎月中遶鵲凌銅瓦巢裏離鴉下
玉除浩蕩天風動遶廊林中欲把列仙踞

康太保廟

太保列三公五嶽秩視此借問爾大神功德可倫比

神臺

崢嶸絕頂聳高臺起望秋光萬里來四際天容低覆
幕一泓海水恰盈杯迎仙搖曳霓旌下朝帝飄飄絳
節迴知是嶽靈容野客不妨長嘯動巖隈

張太保廟

神號紛紛建上公連薨接棟起祠宮應憐上界多官

恒山集卷六

充

脩汲堂

府勞費人間賽火紅

關松林

塞山勢合峇雜樹紛惹龍惟瞻北嶽上攢列千萬松
春雨長養足一一蟠騎龍之而動鱗鬣天矯騰虛空
顧茲直幹挺要自元氣鍾却憶對松山泰岱參龍從
勾萌屬青帝故應翠色濃朔方臨大漠凜冽開元冬
峻拔雪霜質鉅力標恒宗冷映飛狐月浩洶倒馬風
神靈萃大茂寒碧遮層穹張王聳千丈晚晃扶桑紅
鎮壓金龍口不受羸秦封濤移大海水蕩滌窮荒中
峻嶒歲寒節僻寄幽都蹤無心邀賞識萬古青濛濛

福聖院

寶蓋金幢歷劫荒蟠龍古礎冷斜陽名王貴主俱消歇福聖空傳古道場

興聖閣

興聖遺基一片蕪雲牕霧閣總虛無法筵當日鐘鏡涕香滿諸天接御鑪

定光寺

王子鋪沙到上方幡幢婀娜散天香浮雲飛鳥過無跡金碧樓臺失定光

三清殿

道家重三清層霄躡綠構冷礎石苔滋古鼎銅花繡烟冥紫閣穹風漾青池皺玄棠一鶴舞玉管雙童奏

恒山集卷六

三

脩汲堂

代炬松葉香拄杖筇枝瘦夜坐守庚申疎櫺月通透

小嶽嶺

峽峭小嶽嶺突起俯衆嶠體勢分殷輔名號列太少飛光低烏蟾側石卧虎豹銜谷亂流穿游氛疾風掃升雲一線盤回颺萬樹拗鼓勇上巖椒更盡所歷妙

鬼逃嶺

荒嶺歛潛逃幽墟栖默默似畏逢老魘索魂恣啖食黯慘穿松陰愁嘯臨月黑故衣化塵灰涼火明苔色浮生豈無涯乘化會終極老在無功鄉死葬陶家側

水聞崑

異聞傳水聞激怒氣難平倒窟蛇龍狂奔崖虎豹驚

谷陵渾欲變激洛孰教爭天柱千尋撼雷車萬石輾掀騰轉坤軸摧拉到霄崢直挾衝颺簸還連驟雨鳴蹴翻巖壑勢號動鬼神聲直似滄溟覆真愁山嶽傾餘威橫滌蕩奇響震砰訇地歷前塵黯崑呶夕照明澗泉秋澹池依舊在山清

開化寺

銀沙一片碧苔寒梵唄無聲法鼓殘猶說當年開化寺如來香像刻旗檀

沙河

潺淙元嶽西灣深紫塞北小春暖磧痕大茂澄烟色往者一條冰飛蹴萬馬跡今茲清瑤流恍映水晶域

恒山集卷六

五

修汲堂

塵消闕戰場波紫安樂國邊民闕沙畚耕墾氓知識題石刻恒嶽圖詩畢有述

金石久消鑠陵谷多變遷况茲落邊塞元嶽尤幽偏當時聳樓閣象教崇完顏綉旂出大內嶺路來珠軒巖壑有奇色照耀生雲烟繪圖鑄白石好事由朱堅是碑傍飛石靈氣全盤旋荒荒委沙礫轉瞬四百年嶽靈假我手一一羅吟編光怪入肺腑清暉注毫端吾詩不灰劫異跡千秋傳

恒山集卷六終

恒山集卷七

錢唐桑調元

詩七

發曲陽

吟望曲陽陸紛吾別意遲從看道傍石多是廟中碑
此舉宜無廢其誰告有司荒涼墜橡楠零落委尊彝
祝冊銷金簡爐烟冷玉墀晴雲接靈穴陰雨晃神旗
一氣通天闕千秋奠地祇祠官詣玄嶽祀典正清
時望秩文雖改明裡禮亦宜燔柴誠渺矣貯蠶竟淒
其我覽朱堅碣全題翠管辭霞嵐仍蔚蔚樓觀失參
差陵谷形靡定元明代屢移端須紀陳迹寧復覩前
規回首孤城隱驅車遠路岐後賢如考古應誦老夫
詩

恒山集卷七

修汲堂

渡葡萄河

澶漫四五里沙水橫填淤河底恐陷淖雙輪不敢驅
車夫氣勇決盤礴波中趨奮涉不沒脰回身挽輕車
一泓直可渡大聲揮鞭呼河邊衆林立屬目在一夫
長鬚負我渡輕挾山澤癯我如鶴乘軒彼不豕負塗
一時兩壯士奇勇賈有餘意並無險阻登岸只須臾
隔河車雜沓悵望空踟躕

趙順平故里

出師曾拜表突將列雄名糾合諸精銳悲思首順平

眼明辨國賊膽壯冠軍營足與關張並能扶蜀漢傾
揮戈千戰勝入陣一身輕人為炎劉出公從真定生
曹瞞應短氣先主得長城擁護樓桑在英靈抱赤誠

郭巨故里

一貧乃至此顧養獨情深悽絕兒埋土奇哉天賜金
里居傳此地故事感于今滿眼風何昧明規孝子心

馮唐故里

漢廷詢父老偉矣識馮唐易老嗟年事難升滯省郎
青雲虛特達白首足淒涼早謝金華殿深潛水竹傍

白馬河

只見黃沙隴難尋白馬河千年陵谷變人事更如何

恒山集卷七

修汲堂

駕水橋懷張聖書天麟

遠道邢臺縣嘉名駕水橋南湖多舊雨最念阿龍超

內邱晉明門外燈山閣奉碧霞神女有賦

晉明門口聳飛閣一何高燈焰侵虹月山形駕海濤

瓊簫應引鳳火樹自連鰲波色開金鑑開前有霞標建

彩旄雲橫三素影樂奏八琅璈榜月中天筐進安期棗盤

盛度索桃花涵淨瓶水鈴挂寶幡繚豐稔羣情躍承

平樂事遭新春舊是勝元夕舞翻翻神女靈踪炳都

人賽會豪鉦競喧競日車馬過滔滔

內邱道中見古廟榜一聯云趙北無雙地燕

南第一峯觸興成詠

向禽從放浪燕趙恣遨遊把杖回中嶽驅車過內邱
一峯青靄繞數片白雲留沙上霜花滿林間日氣浮
埃堆經隻隻驛路歷悠悠脫葉于今盡飛鴉是處稠
風尤捲蓬蓆寒轉襲羔裘已盡三秋月長懷九派派
行須穿汴上盼不到中州夢裡濂溪水潺湲拔老湫

河心

迢遞河心路荒沙一尺深羸蹄虛得得野水尚滔滔
日色消冰段風聲動樹林環山橫遠黛飛鳥遺悲
音寒攬征裘襲醺思濁酒斟南天引和煦朔氣送蕭
森相待無枚馬孤遊且尚禽客情渾自慰仙跡渺難
尋老髮絲難染冥心陸易沉邯鄲前路近學步載駸

恒山集卷七

三

修汲堂

駸

謁漢世祖廟并序

俗傳為帝夜行柏鄉問路斬石人處石人中斷委地
尚留廟中事不見正史姑紀一律

柏鄉傳問路夜語石人愁三尺神鋒試千秋故跡留
天生銅馬帝地類斬蛇溝王莽應千段妖氛靖九州

渡漳河

躑躅漳河口橋梁尚未成人從高岸望車向濁波行
遠樹安陽縣寒風講武城老來遊物外空抱濟川情

次安陽示疎村

渡漳猶振策遙望古城樓脫葉高天豁斜陽野水流

草玄慚巨筆醉白愛新篳小陸欣重會論文夜不休

重謁比干墓

昔遊入函谷墓謁關龍逢柴車此往復公心剖赤忠
伊古而直諫中土輝西東不恨諫而死但恨諫罔功
終焉大社屋莫破商辛輦一過黯白日再過生悲風
誰從遊地下奇節與之同

百泉追悼張南皋

濟川

淒涼百泉上逝水俯滔滔門內撫天性塵中失俊髦
池塘憶東苑竹樹接南臯講舍紛聯席經帷共解綯
寶俱欽璞玉交並飲醇醪賦命何多厄謀生亦太勞
孩提違母愛奔走逐兒曹汴上春光早平臺月色高

恒山集卷七

四

修汲堂

飄飄類萍梗陶寫涉風騷高館催之去清暉賀所遭
省園題殆遍吟興一何豪二豎俄交迫么弦遂罷操

遺絨傳雁足端坐擲銳毫淚睫憑誰拭哀絲到死縈
吾曾據一慟父更咽三號溽暑誠為酷悲風此尚饕

土憐埋玉樹芒痛掩金刀孝友孤生篤春秋一字褒
幽光何日發感舊涕沾袍

百泉

百泉沸靈穴浩渺聚坳泓湧處金成色噴來玉有聲
源深星宿涵湍落洞庭平渚石蹲如島山墉列似城
灘搖銀礫動風漾縠紋生日月凌空朗雲霞倒影明
鳥從屏上拂人向鏡中行樓起疑壑蜃杯傾直吸鯨

浴波衝駮駟咬葉泳鵲鵲翠篠千竿立飛梁一道橫
生機看魚躍素志與鷗盟天氣臨寒淨嵐光向午晴
只憐流浪去無復在山清

孫登嘯臺

幽絕蘇門境川巖繞遼阿何人此棲遁長嘯憶公和
逸韻聞鶯鳳崇臺挂薜蘿遺踪訪雲谷傳響動林柯
嵐汎層層翠泉回澹澹波嗣宗狂特甚叔夜愧應多
輒至途窮矣其如識闇何空悲廣陵散差喜醉顏酡
詎似翔寥廓無憂觸網羅長懷考槃地洵是碩人邁
徙倚欽前招登臨發浩歌寧須買山隱宴坐一盤陀

清暉閣

恒山集卷七

五

修溪堂

凌霄虛閣起面面繞清暉一水搖澄碧層巖接翠微
白雲迷佛寺紅葉點人衣石磴為吟塢苔階即釣磯
星光浮浪動霞彩映空飛樵子穿松徑漁家闔竹扉
沙蒲抽節短土蕨茁拳肥草木含靈氣山川入靜機
回潭魚潑潑拂檻鳥依依寒雨池蓮倒繁霜岸柳稀
前賢此栖逸空谷有光輝四眺神俱爽孤遊願莫違
公和如可作微爾更誰歸

壬癸廟

廟貌輝金碧丹青畫壁新靈源出壬癸虛室守庚申
金簡投深穴霓旌下遠旻元冥方用事盛德報明禋

靈源亭

聲沸靈源湧洪濶散百泉盪摩空際日翻動水中天
清冽煎茶銚汪洋溉稻田沫邦多沃土神貺出亭前

恭謁先師廟

仰止先師廟投筇倍悚惶樞趨拾階級下拜肅冠
裳至教垂來永奎文爛有光神書至教永空山陳俎豆
寒日映宮牆轍跡追三至淵源溯獨長遠臣原得至
君子尚留鄉穎悟思門下纏綿倚墓旁性天聞寔笑
瑚璉器熒煌陶鑄從茲邈裁成何所望孫登自棲逸
阮籍太猖狂擊壤逢平世觀圖契古皇風流千古振
安樂一窩藏頃者徵君起因之道氣揚宗傳分派別
吾意迴徊徭正脉推濂洛真知叩耿湯講壇紛錯擁

恒山集卷七

六

修溪堂

學蘇闢除忙隆緒尋洙泗遺書守紫陽當湖立廊廡
須友具舟航小子終無述餘山耿不忘還悲幽室馨
舉步獨悵悵

謁周程子祠

道脉元公啟親承得二程水風吟處細山雪立餘清
繞砌新苔綠當簷一鳥鳴廬陰與洛下到處繫深情

安樂窩謁邵子

舊築吟窩在藤蘿百尺捫風流千載迴安樂此間存
河洛從參會漁樵聽細論孫登善長嘯未許占蘓門

擊壤亭

清吟標擊壤歌嘯任天真底用儕詩伯從教老逸民

空中起樓閣心上足經綸魚鳥亭前滿飛潛意總親湧金亭

一片黃金色飛波湧日輪熒煌射魚眼煥爛照龍鱗遶興雙瓶酒冥心數尺緡已完遊嶽願此地作閒人

噴玉亭

鳴玉潺潺漱噴來濺客衣洪波衝岸動萬疊洒空飛宴坐忘喧寂劉觀泯是非神情開滌處蒲稗翠因依謁孫徵君祠

舊竹千竿密高風不可攀舉幡三輔外築室百泉間環海呼聲迴清流照影閒宗傳一編在吾欲質餘山白衣庵

恒山集卷七

七

修汲堂

葱龍園竹木最愛白衣庵石銑烹新茗甕瓶慣汲潭心清戛鈴鐸眼冷飲晴嵐古樸瞿曇老元機寂不談沙門鎮

沙門車度處野店已晨炊旭散雞豚社水凝雁鶩池天容小春裏風氣大寒時却憶邊垣苦歸來幸不遲

濟瀆廟

濟水列四瀆發源王屋巔厥流清且勁別異黃河壩見伏亘千里歷下東城偏上騰四尺許奇著趵突泉遷北入于海靈跡垂虞編禹導自沈水主名奠山川延津古城北有廟形翼然土人歲禱賽駿奔肅几筵載觀舊碑碣神異紛流傳伍奢實王此名號貞珉鐫

公生殫臣職建儲光赫燁直諫浩噴薄父子羅禍駢歿而為明神精氣亘重玄豈其訛楚語祀典臚潭淵靈胥擁白馬亦聞作水仙秋潮怒湧醜酒漸江邊援毫姑紀此聊當禮魂篇

黃河岸

野曠平沙岸天低遠樹林寒風重問渡塵世幾知音汴上浮沉跡天涯去住心老夫惟作達茅店一杯斟入汴城呈石生疊韻

雲中遠見汴城樓疲馬長途且暫休舊雨多應詢杜老故鄉正復似并州九江夢去魂猶繫萬里歸來願畢酬為有故人家在此今宵縱飲不須謀

恒山集卷七

八

修汲堂

頻得家書知鐘兒產一子球兒將至洛下麓兒已赴潯陽縷述成咏即寄示兒

乍看逢舊識頻喜得家書小字孩提裏添丁隔歲餘今茲詣元嶽昨者到匡廬濂既嘉名肇恒還覽揆初濂恒兩孫小名直供吾笑樂更博衆軒渠洛下仍敷席潯陽亦

寄居殊方憐潤絕賢主好相於北道懷驅轂南鄉夢倚閭含飴知慰藉織素尚歆歆女病嗟無那孫謀忍忽諸裝囊營藥餌經訓作舊畬期和鳴陰鶴猶歡涸轍魚飛騰原有候攻苦莫教虛實學為根柢浮名是土苴開心德未立轉瞬歲將除妄想徒為爾清機孰起予講堂溪瀟瀟吟舍竹疎疎歸老漁溪上簞瓢亦

晏如

家書來兒子繩球有志學詩寄此勗之

刪述千秋志令名毛韓自昔一經橫規撫三百龍文
鼎撥置尋常蚓竅聲鉛槧小儒搗月露乾坤大義誦
生成不嫌直說吾家事寢食休忘嗜古情

聞金繪占志章王慶徵曹祥相繼徂謝為作二哀

詩

繪占

古老驚淪沒天門談上征猶存人日寄無復壑舟橫
童外聞先輩騷歌播令名耄耆親賤子壇坫結深情
藻彩龍羣雅風期獨老成傳衣從招匠倒屣自名卿

恒山集卷七

九

修汲堂

聞譽喧京國飛騰掩衆英丹來惟龜勉素節特嶄嶄
鳳閣中朝入麟符絕塞行榆林敷惠澤楓陞鑒精
誠大耋慈親壽重封錫命榮蘭陵潔膳菜服宛
童嬰問學隆堂構丰標冠里閭三蘓著才望兩到紹
家聲晚歲何多厄澄懷了不撓危途惟覺坦噩夢那
須驚遇我聯膠漆從君操水伶山中全豹隱物外共
鷗盟舊德元深仰新詩且互賡養疴依枕簟觸熱款
柴荆江渚成睽隔星樓幾合併君所居在德星樓春朝憐晤語別
思苦迴縈靈嶽窮南北良朋隔死生秋風計迨至河
水淚全傾華表虛遼鶴香叢敗楚蘅龍文拋鴈鶚鴻
筆喪周京零落看耆舊提携寡弟兄羣公逋徂謝一

士黯悲鳴誅出安仁手碑題有道塋殘生添寂寞悽
愴數歸程

廖徵

淪亡胡可又一箇愴重聞誰割卬遲錦空持郢匠斤
瑯琊存逸調吳下仰清芬雲合多名士風流孰似君
聲華傾浙汜標格照湖濱愛酒全元亮臨池仿右軍
籠鵝從恣洒泛蟻便成醺時把青荷葉橫書白練裙
公卿能下士謂學使當金華廨風雨感斯文碑板勞搗藻科名未
策勲一心甘寂寞萬事斷糾紛春日偕童冠秋霄睨
錦雯浮生隱蓬徑至死卧松雲免苑耨勸力毛椎錦
繡紋市門終耻倚荒歲枉勞耘憶昨茵相接移時袂

恒山集卷七

十

修汲堂

遽分親知情繼緒騷雅氣氤氲異地看明月遙天隔
翠氛遙揮玉樓草罷採石池芹竟以千金璧埋諸三
尺墳珠盤委壇坫香火冷榆枌旅底猶縈夢歸來已
失羣才高嗟不祿命薄復何云獨立真為鶴同聲指
是麇何人憐葛帔有子繼香芸一掬知音淚頻教酌
夕曛

汴上聞定巖擢察贛南奉寄

遨遊回北嶽遷擢望南雲鹿轂秋辭夾麟符早已分
九江傳舊德八境播清芬澤自潯陽洒聲先庾嶺聞
鳳棲瞻異彩虎渡紀前勲暑雨淹行客清風劇憶君
洛嵩無滯跡章貢倍離羣小子依旄節諸生採藻芹

從公方絡繹邀我最慙樓檻延涼月雲岑戀夕氣
長吟惟荷賞滿酌不辭醺鑿洞開巖竇飛流破蘇紋
連國栽翠竹列舍置香芸主去移賓館碑留勒篆文
旅情應寂寞山翠自氤氲兩地瀟溪院書堂觸緒紛
夜別圖東

月出人皆醉夜闌燭更秉襲表氣森森紫牕光耿耿
白水舊盟心素髮稀垂頸君豈戀夢龍我寧慕箕穎
東陝含甘棠北嶽逐清景出處志弗殊憂樂趣各領
策杖聊取適懸車發深省對影渾如夢別淚休若綆
匆匆上馬去出戶天星冷

閨店

恒山集卷七

七

修汲堂

世情多取闌茅店亦譁然蕭鼓豐年競閨閨樂事駢
閒心一池水寒月此宵弦掃榻渾無擾忘機到處便

荀氏八龍故里

閨里有醇德羣傳荀朗陵三君偕令聞四長肇徽稱
才子高陽著真人列宿微通家太邱洽清望潁川澄
十里村須表單車執正憑八龍齊矯翼猶想此飛騰

馬融讀書處

臨潁城南路經過弔馬融讀書原敏妙得解最淹通
女樂何妨列儒流故自雄後堂開麗日紗帳捲春風
底事依梁冀徒教授戴崇傳經鮮裨益失足祇悲恫
名節千秋重炎威一瞬空康成有光耀侑食聖門中

小商橋謁楊將軍再興廟

一歸忠武部義勇掃塵氛不作曹成將能殲兀朮軍
商橋曾轉戰宋史特書勲飛矢攢如雨揮戈奮若雲
積尸橫曠野熱血洒斜曛盡力摧強敵捐軀報大君
吾鄉存故墅杭州長山門外有楊聖廟此地矗孤墳岳廟同千古風悲
野水濱

信陽道中雪

侵晨寒轉劇霰雪遂交加正值千盤磴還添一片沙
遙山俄見白近樹亂飄花薄漬經行屐重凝往復車
衝坡嘶倦馬覓食下飢鴉屢閱迎人埃難尋賣酒家
石將埋塊壘谷已塞谿舒漠漠同雲暗蕭蕭古道賒

恒山集卷七

七

修汲堂

寧思訪安道聊且詠劉義處處堪乘興無須起嘆嗟
雪中寄園東疊韻

時起寒膚粟誰將煖眼加漫天如急箭壓地不飛沙
是處徧彌溝空中倍眩花崎嶇蟠石角雖輓碾柴車
盡掩黃泥坂翻成白項鴉始知征路客不及野人家
忽覺盈頭綴還看衆口訝客情雖自冷吟興頗能賒
月晃關雲色風搖陝樹叉懸知獨拈蓋念我發長嗟

信陽旅舍獨酌

旅舍殊岑寂惟思倒一杯孤懷何所屬滿飲豈須陪
霽雪牕相映寒風戶不開醪醺頻為煖拙槽任教煨
五嶽遊方徧單車往復回淹留對羸僕吟嘯阻羣才

何處靈山是信陽空教蠟屐來追風誰借驃步月想登
臺漢口途迢迢江州夢沂洄連程多漂冽滿眼少塵
埃萬慮都拋却繁愁安在哉方稱杜康德為我置黃
醅

信陽謁先賢子貢祠

先賢宰茲土瑚璉發輝光聖學欽端木神祠矗信陽
拓科妙言語性道闡文章美績夫何有徽猷孰敢望
駟連瞻度偉貨殖使民康故國遠千里中州濟一方
智能周衆務達更表專長鞠拜層階下低徊古柏旁
閭閻與縫掖德澤並難忘

信陽奉懷何大復

恒山集卷七

主

修汲堂

空同並驪轡奇秀本大成騷雅推冠冕壇場述主盟
還看偉封事不獨擅詩名晚出能孤挺餘才孰抗衡
直辭森噴聲薄逸氣莽縱橫鳳羽翔千仞龍泉閉九
京吹臺羅俎豆書院啟簷楹前繼三賢跡高凌七子
聲多師裁偽體尚友論平生異代生悽愴清緣不合
并遺編摘拙序故里毓元精此地論先正流風倍有
情

彭家灣

獨輪行古路雪潭最崎嶇危艱橋心度巖峯石角趨
凍時凌硯礪融處踏泥塗寥落悲羈客凌兢苦僕夫
窄過歌樹畔危轉峻坡隅飲見惟水柱空期是酒壺

飢禽羣聚噪駿騎倏前驅小店頻思歇圓筇不可扶
離城纔一舍落日已將晡草木俱晶玉關河入畫圖
吟情偏勃發遊興豈全孤即次彭灣裡爭看白在鬚

彭家灣阻雪疊韻

投車喜安枕夜夢怵欹嶇又值繽紛洒空思輕輓趨
去留難信意來往莫尋塗長嘆多行客高吟獨老夫
望窮遙海角坐對衆山隅景麗移銀闕神清濯玉壺
淺斟成爛醉快獵想飛驅狐貉寒思襲簌簌壓欲扶
臨風惟是凍留月不愁晡憶把寒江釣誰皺潯暑圖
殊添嶽遊好詎道旅情孤是朗當簷立澄暉映髮鬚

徒步

恒山集卷七

主

修汲堂

車舍從徒步山蹊積雪乾雖憐饒况瘁聊喜得平安
鶴氅加身煖烏藤入手寒穀紋紫一水粉本列層巒
巨壑魚龍蟄空枝鳥雀攢蜀薑惟愛辣魯酒不辭酸
首路猶千里遊山已萬盤高吟還自壯清興詎曾闌
石磴須臾倚雲林仔細看撥衰筋力振耐苦性情寬
未覺經行險深知閱歷難人情工變幻世事足波瀾
白道重關遠青鞋幾緼殘吾趺渾欲爾他馬莫施鞍
屈曲尋隈輿舒徐刷羽翰還愁風色紫飛絮滾成團

武勝關

武勝關頭路沿緣上峻坡山田鋪玉粒亭壁畫琯戈
霽月團團隱朝烟澹澹拖雞鳴通過客魚貫下行羸

漫道凌兢甚其如犖确何崇巒渾似堞細水不成河
石上車轆轤巖頭埃駢駢猶懷吹臺跡已聽楚人歌
雲斷河南色林交湖北柯溪堂清夢遠雪岫苦吟多
破凍行猶澁消寒飲已酣嶽遊適往復歲月劇蹉跎

東王

杲杲當空出行人意快哉舒光從雪後爭耀在巖隈
寒鳥飛頻下羣山闔復開東王村逶迤南國客徘徊
松竹青成列雲巒翠作堆低坡駙下坂高嶺鶴升臺
粗粝香炊甌醇醪暖瀉杯陰餘晴忽見憂盡樂還來
野水纔消凍平沙詎起埃僕夫行甚健不畏獨輪摧

三家店

恒山集卷七

五

修及堂

應州南向去野曠得夷庚遙過三家店遙回萬里程
烟山疊攢簇雪水細縱橫已戰紛華勝無憂太瘦生

廣水

遙見村烟聚先迎宰堵波渾如千室邑還過一坡陀
曉曉重關晚紛紛列肆多商應連楚蜀貨並集車贏
逆旅燒銀燭官人止玉珂迎眸觀物態到耳沸笙歌
如水心原冷圍爐氣自和殊憐歲將晏莫問夜如何
遙想浮江艇仍期到礪阿雲岑客隱几潭洞作吟窩
喧聽溪頭瀑幽攀月下蘿今宵居廣水廬阜夢嵯峨

山烟

應山山色好一抹曉烟長翠麓聯綿起巖腰縹緲颺

瀾漫似雲海橫亘若星潢冷映高空白奇烘旭日黃
連岡缺處補雜樹密交藏湧現由真宰憑陵接大荒
何從覓靈穴直是護神房就遠看寒色升高攬曙光
凝時儼環帶散處極蒼茫氣母從舒卷呵噓默主張

河水

雪後加寒洳瀾漫忽已冰還添霜色白不掩水光澄
落葉鋪千點生綃幕幾層冲冲寧許鑿片片已教凝
徑渡孤疑屢輕飛鵲立曾游漸條紛下晴旭煖全蒸
澤腹堅馴至河滑履戰兢寒紋橫斷裂勁體不模稜
隤岸和銀礫長川亘玉繩崢嶸連夜凍晏歲莽相仍

仁和店

恒山集卷七

六

修及堂

見說仁和店聞名想故鄉中州門屢入此處路迴翔
嵐湧千山側冰凝一水傍殊憐天氣好不覺土思長
夙契俱零落清吟獨激昂三秋詣靈嶽千里滯殊方
寡和真徒爾緘題孰寄將寓身同海粟泛宅借江艍
湓浦懸明月匡廬疊翠岡元公曾卜築終老在書堂

小河溪

陂岡經崑岷沙礫接駢闐灘石白如許河流清可憐
獨輪驅落後略約度爭先翠蓋孤松立紅規落日圓
山寒猶有雪水澹不生烟犬吠巡籬落鴉栖踞樹巔
村厨紆左顧茅店息重趺客愛醪頻注僅催茗續煎
曲房燈綻藥遙夕月成弦筠管還孤詠繩床遂晏眠

春尋芳草渡情在小溪邊

松林岡

平岡何窮劣遍地是松林晚見崢嶸節寒標挺拔心
年光頻代謝物態並銷沉寥落關河晚優游歲月深
水霜增凜冽天地亦蕭森中聖淒成煖懷賢古視今
須知後凋意卓立冠雲岑

蘆管雪

朔風穿破屋雪片到繩床晚睇茅簷外遙鋪蘆管塘
僕夫愁遠道游子感他鄉凜冽踰前日暄和望太陽
雖嗟紛颯拉猶幸異淋浪轉覺衣裝薄休論酒價昂
同雲徐解駁輕絮失飄揚落已凝羣岫平還幕淺岡

恒山集卷七

七

修汲堂

奉懷孝感故尚書涂公存齋

天相

登朝非巧宦退谷是愚公故事金華省新阡白草叢
學能掃豐蔀仕不玷清衷崛起原茅屋歸休乏綺籠
君恩矜晚節臣病息微躬老返生申里年齊書亥翁
澄懷平寵辱雅量忘容隆貴已施行馬脩然逐去鴻
神栖小有洞官謝大司空賤子依賓館當年記考工
素心明白水青眼鑒華銅大小經文晰縱橫史論雄
閒談只風月思誼等衡蒿北部班猶點東山望特崇
依違京輦外悵望道山中幾輶車曾送重泉信不通
悲傷壞梁木感激撫焦桐故里經寒日靈旂裊緒風

倉場留奏議經國懇抒忠炳煥遺編在訐謏思不窮

九子墩

如箭風蹄九子墩行人裘敝欲消魂却思樓駕雲岑
上坐看香爐上曉暉

雙廟

遠道來吳客清歌聽楚邦白雲橫翠岫紅日上明窓
雪盡茅簷口霜凝古樹腔荒岡人立獨空谷鳥飛雙
晴鷁新呼屋金蟲昨綴缸苦辛僮足倦懌悅我心降
野稜橫驅犢沙村數吠厓今辰猶跼展明午想浮艫
迢遞經雙廟奔飛下九江晨餐安雜坐不怪語言哢

三樹根

恒山集卷七

六

修汲堂

洱口遙連漢口村楚天淨掃楚烟痕雪泥到處留鴻
跡指爪踏過三樹根

將至漢口述懷

蓮洞羣相望連宵繞夢魂荒墩過九子古樹接三根
雪盡臨荆楚烟開見水村同行憩茅店淺酌舉匏尊
健僕身衝凍衰翁背就暄雲巖時獨往心跡與誰論
瑣瑣多裨販冥冥只默存漢江知洵湧歲月自崩奔
賞曲亡鍾子懸崖立伯昏寒風叫鴻雁宿雨敗蘭蓀
磯口從招鶴溟中任擊鯢幾年遊嶽路九曲泝溪門
巖嶂書堂峻因依釣石溫紅亭賢主去翠岫野夫蹲
行矣稀新識歸與似故園餘山有遺緒端欲闡微言

洱口

行行臨洱口照眼旅情舒抵店高春後離江一舍餘
遙連漢臯樹已食武昌魚棟子梅花似山雞彩鳳如
時光雖凜冽意興不蕭疎松竹環村戶牛羊識井墟
此時為郢客何處不蘧廬月映茅茨冷雲消碧落虛
沾唇香滿盞理髮白盈梳勞者猶歌曲良朋失把裾
枯中有生意消息一陽初

漢口

漢口今纔到經時往復程舟車正旁午南北有夷庚
聳峙晴川閣灣環卻月城郢兒歌旖旎蜀估氣縱橫
解佩循臯步同舟泝渚行仙踪元恍惚人意自屏營

恒山集卷七

元

修汲堂

太白樓空矗郎官湖尚明酣呼成雅會標舉刺佳名
有客輕携策臨流一濯纓洲中草空綠磯上鶴來迎
舒嘯聊乘興隨波不繫情頻年三楚況寒日一樽傾
踪跡追漁父滄浪和曲聲

黃鶴樓

飄飄黃鶴去樓勢鬱巉巖欄楯凌清旭階基甃白瑊
高城跨巖岫遠岸列松杉烟艇商歌杳塵闌楚語謫
汚陽流水滙夏口夕陽銜世代俄成古仙踪迴隔凡
柳條寒盡禿棗實更空饒絳節胎禽駕黃庭內景函
遙遺漢臯休疾下洞庭帆亭湧團團月波澄上下岳
狂吟聊自適縱酒不勞監解渴邀桑苧當風擘阮咸

青瞳雙炯炯白髮亂髟髻翠石摩挲滑無須姓氏劉

仙棗亭

悲歌徒纂纂枯榦蠹巖壑遙想幽人剝寧隨禹貢包
亭基餘石甃月影亂枝交秋實偕梨栗村翁瀉斗筲
投懷見心赤入口免牙膠絕少如瓜樣搖來古樹梢
吏隨黃鶴駕人望白雲坳未得羅盤案空思佐酒肴
仙踪多杳渺楚語自紛淆方士留徵信荒唐一解嘲

湧月亭

月輪起東海亭勢壓南邦浩渺明遙夕團圞湧大江
置身渾絕地豁眼不安窗窄堵波移影陽阿曲換腔
蛟螭回遠壑商旅下連艫鶴駕飛仙過鯨鐘羽士撞

恒山集卷七

子

修汲堂

漢陽凝翠靄湖口激奔瀧隔岸山如簇沿磯樹似幢
行踪長落落事業謝縱縱但以持螯手從教倒酒缸
詩憐少陵杜人是鹿門龐東鵲枝栖百驚魚浪躍雙
嚴城擊宵柝古院閃冬缸獨立耽佳景清暉憶石淙

太白亭

太白曾遊覽危亭俯水涯詩篇崔顥在身世禍衡垂
樓上閒雲影洲中宿草荻梅花飛五月玉笛響層崖
夏口風情暢長沙日色靈登臨聊寄興還謫不繫懷
空翠遙山疊枯枝古樹排官軍簇鑣轡游女墮簪釵
膠槩留茲土深情屬我儕千秋去黃鶴一輛過青鞋
嘯傲滄洲獨歌呼下里皆清瀾翻自漢濁酒倒如淮

又忘頭盈雪寧須腰繫綬遠游浮楚艇晏坐即蕭齋
憑弔孤懷迴流觀雙眼指霜空澄萬象景物最清佳

舟發武昌迎寄潯陽諸同好

武昌至潯浦信宿下輕帆樊口餘芳醞廬陰見翠巖
旋歸尋舊好遷擢換新街玉節遠千里瑤華寄一緘
兒應隨遠棹儻自把長橈地主仍相款諸生盡不凡
山屏開錦繡水樂奏韶咸潭底蜃龍蟄天邊顧兔窺
雲岑高架構巖洞冷空嵌冰溜凝青霽霜筠映碧巉
緒風吹窸窣微雪點巖戶挂來時幙身更去日衫
迎人村犬熟絮語野翁誦預遣塗牆屋寧教伐柏杉
地爐消薄凍冬笋解清饒籀篆留碑記賓筵去酒監

恒山集卷七

主

修汲堂

書堂敷疊席吟塢啟重函五嶽存遊草繁蕪不用芟
予自武昌挂帆信宿抵九江定巖之任贛南
行李已在船矣重送予入瀟溪書院快飲達旦
旦留句錄別敬和高韵

猶及潯陽啣別酒遙從夏口越長風魚龍浪跋空江
裏雪月光交午夜中樓倚層霄雙眼豁人來千里兩
心通墨花重洒瀟溪上高視乾坤孰與同

息溟枉札垂和遙別韻二首再疊奉寄

北塞南江自在遊隨方倚着此生浮人生那得忘情
好一把瑤華憶故邱

孤鴻衝雪渺無儔影落廬陰白石齋忽聽歸昌遺遠

響却思阿閣幾重階

奉寄雷公翠庭

并序

予出遊嶽時奉書于公末云敬誦東先生所補之詩
于左右書到時公已早乞養得請矣因有下句
寰海論膠漆潛江表席珍深知叨聖主顧養戴慈
親書跡詢離索笙詩寓惻忱已陳丹陛疏早乞白
華身偉甚成初志超然謝要津熒煌昭淑德稠疊荷
溫綸世守韋賢業居欽孟母隣音徽彤管燦歡笑綵
衣新殊渥歸南嶠重封拜北宸興遵小園路盤進
潔飡晨榮茂芳萱色舒長愛日春折麻貽遠道應念
嶽遊人

恒山集卷七

主

修汲堂

送篋兒歸里

不道行踪滯猶然駐客艫無須沿贛水自合返錢江
更閱明蟾屢分攜素鯉雙栖遲道道路親故問鄉邦
免苑勲難策龍文志必扛攤書應列庫握管想如杠
香草騷人佩皇荇下里腔炎暉看煜煜奇響聽逢逢
大器才華欲深衷意氣降母衰垂鶴髮姊病伏螺窗
安慰披斑服承歡奉玉缸荆扉耽靜寂塵事謝紛囒
廬阜青霞洞瀟溪白石砧宅幽盤谷李身老鹿門龐
遊嶽千峯雪歸槎九派龍吳山青簇簇楚樹綠幢幢
汝輩須嘗膽吾心早息橦葡萄簷下坐聚影話銀缸

梁百川為予寫五嶽詩集寄贈

五嶽詩成未足誇却憐書格壓簪花新宮一灑三千
字識是仙人蔡少霞

歸自恒山題濂溪一絕

玄嶽吾家著水經此行何止動山靈秋窓憶感元公
夢歸到濂溪草更青

抵濂溪書院

書堂溪響繞簾櫳元嶽歸來憩薄躬明月當頭千岫
冷故人煖眼一宵同囊中新草充遊記架上陳編探
易通詎便筇枝閒挂壁他山尊處興無窮

恒山集卷七終

恒山集卷七

重

修汲堂

門人梁曰源謄寫

僕德不進業不修惟癖性耽吟以自適其平生前既刻
發甫詩集十四卷年來所作尤多鴛湖錢載謂予曰惟
五岳集單行餘當收拾作一處予是之合台蕩洞庭中
州閩嶠諸遊草及居恒所作都爲一集今老病龍鍾已
輟翰不事吟咏深悔誤耗精神劉忠肅公云一爲文人
便無足觀吾不幸蹈此有忝餘山門弟子矣旣已爲之
聊復贅存記所閱景光恥過作非有餘愧焉乾隆丁亥
重午桑調元自序

續集序

張甫續集目錄

- 卷一古今體詩三十八首
卷二古今體詩五十六首
卷三古今體詩六十五首
卷四古今體詩五十六首
卷五古今體詩二十七首
卷六古今體詩六十四首
卷七古今體詩七十七首
卷八古今體詩八十六首
卷九古今體詩七十六首
卷十古今體詩三十一首
續集目錄
卷十一古今體詩四十六首
卷十二古今體詩六十九首
卷十三古今體詩七十一首
卷十四古今體詩九十首
卷十五古今體詩九十六首
卷十六古今體詩一百十三首
卷十七古今體詩一百四十八首
卷十八古今體詩一百三十八首
卷十九古今體詩七十五首
卷二十古今體詩九十首

張甫續集卷一

古今體詩

古詩

束髮志實學及遊餘山門聰明勿誤用親受箴銘言朋
儕一牽率翰藻爭瀾翻白首竟無得痛心空自捫遺書
雪涕讀葉落歸本根

酬和盧敬甫

存心息溟壽朋

初春集草堂韻

平生兄事不多人並喜風光眼底新金勝簪花光簇彩
瓦盆傾釀色如銀青氍坐老尋常事總角交深四十春
情趣休教兒輩覺白頭一見一回親

續集卷一

集敬甫草堂疊韻

溫語相將就故人朋遊意氣不爭新清尊滿滿波浮玉
破屋明明月似銀芻狗已經拋往跡土牛又見逐今春
一枝筇竹分拈取照眼青山並覺親

集息溟草堂疊韻

同調應呼澹蕩人八林倍覺好懷新縱橫蟻樹從飛火
左右霜刀妙鱸銀狂興齊擠三日醉浮生稀閱百年春
語君休向關山月羈旅誰如骨肉親

幽居洞看梅和季兒

繩麓韻

春山萬樹梅良靚到處新此間苔洞古悠然面故人清
寒一照眼松路蠲浮塵緣溪影流水疎密皆天真空巖

錢唐桑調元



發孤笑荒荒與誰鄰石室香不潔窮老逾精神入宵萬
象寂明月來相親

雲奇樓望育王山和繩麓韻

今晨肇芳景天地纔養蒙熙陽灼螺翠先明最高峰蒸
嵐出奇彩妙繪開圓空羣山涌一氣東走無終窮遠樹
攢修黛曉曉含春容憑登攬岩秀遙天掃氛濛

酬茅渠肩應奎見懷原韻

來往沙鷗謝是非滿湖秋水總忘機咳蘭已敗詩休補
籬菊初開願不違甫里散人甘蠅屈貞元朝士幾鵬飛
調高郢曲原稀和新髮空爭白雪輝

題王廖徵曾祥義橋村齋圖

續集卷一

二

出山在家兩非宜妻孥鴝鵒遞怨悲東臯未能躬耘耔
食指何由雪翻匙遠走村塾爲之師進退學子以矩規
未修講坐橫臯比其肯導搜聲利爲學川先後勢逶迤
誦如新泉落塘陂研農歲熟香釜炊華趺白絳心顏怡
堂堂處子謝忸怩况收野色供娛娛方對水田綠差差
雨鳴鴨鵝朝昏移洲汀葭蒲莽離披入秋穠極黃雲垂
環齋茂樹漲華滋濃陰波及涼不貲先生畢課巾烏遺
跛脚北窗哦古詩瞿塘孟門百嶮巖顛簸不到支牀龜
朱丸流空倏西馳玉蛆浮浮杯行遲掉頭萬事吾弗知
義橋紆左河之康輕艇棹破青琉璃欲往從之屢爽期
我思崑山歸季思館于城南神恬熙續紛書帙竹風吹

槐陰啜茗童冠隨農歌帆影坐得之愛而不見空嗟咨
清蹤參逐非君誰於戲季思與君孤鳳姿秋冥千仞焉
從追

題朱君灌畦圖

自來禽尚遊嶽隨倚薄嘯彼紇干山頭凍白翎一生只
戀生處樂是身往來海鶴如青松白石皆可廬天地四
方共一宇可吾意處猶鄉閭達哉鹿田翁前有漢陰老
灌園息機樞今古同襟抱宦餘偶憩百川泉引水穿畦
淨如掃清暉閣前烟景賒厓垠遠近青周遮當秋一雨
雪泫泫湍流活活衝圓沙枝撐亂綴傍塢東滋蔓細絡
陽陂瓜是時霜飛萬柿葉斜陽蒸作川原霞東頭却望

續集卷一

三

湖山在風篁石屋性所愛水邱舊跡追釣遊嫵嫵江峰
秀晨黛乾坤同調拂衣人漁弟樵兄仍我輩飄然別袂
風披披去弄漁舟舞澎湃野夫乘興更不羈青鞋布襪
信所之登臨頗挾濟勝具猱騰不畏雙蘭舸候糧底須
三月聚青精黃精飽我飢盧敖若士語荒誕區中自可
環遨嬉化工皴法特奇詭多恐蘇門落腳底寄語巖端
長嘯人秋林鼓吹爲吾起

和章柱天留別韻四首

劫習深纏翰墨筵依稀結佩自童年情禪久已泥沾絮
仕隱空餘月滿船暫返故山無限好叢生新髮最堪憐
風燈過眼人間事舊物難拋一片瓊

暢好明湖泛羽樽休談往事客青門生無俯仰隨人態
狂有淋漓潑墨痕漁艇未移江月白梵鐘初動嶺烟昏
耦耕便約相鄰並秋雨聲繁薜荔村
溝塍曲折一邱藏夕露沾衣濕不妨谷口棲遲渾欲老
孟門辛苦飽經嘗江林霜重烘秋色籬蘂寒深播晚香
海內故人稀屈指相逢語笑戀清狂
空砌薜蘿吟也自怡歸昌況數鳳鳴岐流傳江鮑須千載
寂寞魚龍且一時仙姥爐頭傾翠釀秋山木末發華滋
永嘉巖壑多新咏應許羊何共和之

題朱源長源滄浪寄跡圖

去年飄元滄浪扁舟輕入鷗鷺灘癡牀不顧達官坐

續集卷一

四

醉墨澆著東廊廡故人薄宦偶寄此客蹤未暇過盤桓
有若訪戴到忽返餘興便泛江湖寬衝寒重來艤杉濱
故栖已隔荒林端女牆烟靄水木翳勝跡移向圖中看
至賓東西兩鴻爪雪泥吹暗天風乾北碕片土闕小劫
簞舫幾度灰飛殘斬國聲光振炎宋白雁一過烟墟寒
入雲池館分滅沒跨谷洞山虛嶢嶁王寮相惇遞掃一
邱貉何況孫節使與龐都官長史當年最憔悴詞川奔
激興洪瀾晶輝未埋檀山里神瑩隔月清團圓即如此
頓貌得此亭古舊觀儼復神明完藤窗添我拍浮在百
年幾會畱清歡模糊煙雨數今夕暝樹早失川原月銀
燈吐釵照歷歷昔夢省凭花前欄當盃未須算後會酣

作顛草遺簪冠

吳貞女詩

女結繭壻御輪女于歸羨嘉姻女結繭壻伏枕女請行
暗沾衽百年好五日期既彌留長別離虛同牢甘同穴
從黃泉留歟日未亡人新嫁娘分明女拜姑嬋髻我儀
壻而祭抱冬心紛雨涕初服縗終簪蒿婦月凍雌風號
鵲不雙松也獨處士潛忠臣蠋

陸烈婦詩

君徂一何遽須臾不得留君徂慎莫遽待妾同歸休君
先徂妾後逐甘心畢命青絲繩何勞鬼伯相催促誰謂
黃泉暗月輪下轉明于燭月輪自妾心中出有圓無虧

續集卷一

五

光煜煜軋村有鳥雙鳴呼雄飛雌從下上俱霜風叫斷
聲鳴鳴貞魂夜夜環林墟

送黃穀歸閩中

黃葉秋風繞驛亭涼吹鬢髮已星星故人往復看漁艇
童子因依過鯉庭江畔催歸潮正上雲間懷舊涕同零
華亭門下出武夷山色縈清夢他日應舒老眼青

李西華友棠

入都道杭州同人奉邀小集湖上

蒙投長句依韻酬和

臨川明月光無邊師門十載浩懷想物外身還不自由
蜘蛛小隱檐牙網靈谷銅陵跡未經夢隔川塗空快惘
胥山若見公孫面便擬明湖伴幽賞劇知蓬島遲飛仙

乞從小住淹吳榜契托雖緣世講親文章派別同宗黨
訪古嬉春信意往野夫發興導遊屐青山雨過鏗投杖
盤回蛇徑籬陂陀腰脚騰空鬬甍櫺亭虛四照萬景攢
身先一朵飛雲上忽復中流和權謳濤花雪捲搖蕻蔣
狼籍屏風水墨圖淡濃小米工摹仿瀾漫春水恰平隄
劃破空青划兩漿天氣剛逢脩禊餘選樓何事皆清朗
一代人倫水鏡澄詞壇掃霧開西爽憶昔天街穿綠槐
撲面紅香颺十丈何曾驛舍夢生花也擲毛錐千氣象
雪郎曾題公譙文予作教習公譙序公評云可勝閣雄
篇許爭長龍門截業不時攀宣武門西河混漾閬闔追

續集卷一

六

從得幾回倏看使節持英蕩還 朝迢遞到懸車玉陛
邱園遙想像無才不敢點清時解龜早歲依臯壤東南
巖壑恣冥搜奇景終年媿獨享神魂縹緲在雲嵐晏坐
空齋猶恍恍此地欣陪主客遊烟渚離離混浩蕩落花
飛絮滿春衣只恨千山鷓鴣響僧廬苦茗一盃香頓覺
浮生捐擾攘不須芳信趣茶蘼眼前新綠殊清暢惜哉
缺調和靖祠未摘溪毛薦舴蟻預愁別浦挂雲帆習習
南風吹五兩船頭記戀落照明一歌王客臚今曩

題郭丈庶蕃小照

山脚落日赭風遞鳴蟬清遠墟涼烟夕野渡空翠生丈
人巾舄古把杖出簷楹流憩天宇曠眴然無所營多男

好紙筆此事勝淵明籬邊看花綻鵝黃釀已成

葉惺齋上寬惠番物三種兼索下句賦謝

紅毛酒

馬軍打門來遞送琉璃瓶識是杯中物渴眼隨之青杯
杓未喚洗口涎流不停云自荷蘭釀夾板紅毛來瀛溟
拆緘香溢牖鼻觀延芳馨殊色瀉竊紅激灩波倒傾咳
唇就嘗呷滑辣生未經覆手滾滴漉連連紺珠零彼土
釀法異嚼秫繇娼姪生漿待之熟篋筒爲缸罌男女大
作社藉草呼螺觥見周于仁所刻無名氏渡海與記燒春此足壓意賤
百醪醺一酌已醺適再酌即沉冥三酌齟齬然兩耳却
驚寔安得置中衢徧酌橫目畔酣酣萬慮釋互寇銷心

續集卷一

七

兵觸蠻枕席帖澱洛如油平坐成華胥俗熙恬苞元精
亮難使之然戶外任紛爭盡歡且獨醉萬里交麴生

西國米

西國月窟西海衆悍不羈蠶食兄弟邦英圭黎咬嚼并
道紆洋海方物臚赤墀細米如碎瓊色紫鏤凝脂圓蒼
澆膏雨銀磧犁荒菑連篝散狼戾流轉東陬陲日沒處
所產日出處嘗之數升比珠寶吾甌亦得炊體性致堅
韌百沸出錯遲竈妾調文火蒸浮成黏繭如此糜自可
一杆滑流匙人心嗟姦黠往往售謾欺魯鼎自有贗漫
以葛粉爲不待試湯鑊輒糯先蒙噉而彼饕餮子舖噉

甘如飴傳聞此策勳實在胃與脾見吳青壇嶺南雜記阿球適病起朝哺餉之宜青精與胡麻浪誇澤容肌明月不足報世好相陪追

阿嚏子

阿嚏爾何物仙果入海探照眼出磊落修圓堆絳黼想當應手摘簪林晨露沾島夷拾方法密饒芳名僉靈珀瑩若透蔗漿漬猶黏美須奴後糖貴欲兄虎鹽舌生而辨味難試以未諳可意默不語自得中邊甜蕭齋捻茗椀微風動疎簾簌几一盤設拈取浣摻摻香韻在齟齬半晌留喻舍佳處徐徐領不類口頭甘休供噉名客齒利心懷貪亦莫供屬饜漫解饒夫饒小兒詎曉事拏攫

續集卷一

八

踰兩三無核喜軟嚼食案頻窺覘曾聞如瓜棗海上恣夸談安期影滅沒延望空眈眈豈若故人惠筐篚熊魚兼觀頤正須慎敢廢山雷占

初秋同人集湖舫二首

人生無時休得閒亦由已清晨出郭西眼明一湖水况多素心人臨流笑而視小舟脫葉輕飄飄出沙渚孤橈發清音中川冷吾耳新露洗遙青秋厓燭縹緲萬木秀扶疎涼風天末起遂恐清霜飛搖落層巖裏山水澹無言自寫流光駛且呼倒罍瓶共酌松醪美

二

松醪瀉不涸少過湖姥家自從歲取醉漆髮爲之華澄

湖至靚妙未容讚歎加物我隨所得當境分寂譁午暉映殘暑移楫緣金沙溪橋盤古木巖就清陰遮披披尚葉偃晚紅猶作花柳條散萬綠一黃間髮髮秋風始幾夕秋冥碧無涯惟應撥吟權弗孤涼景賒

盧存心

潭影往而參窮居欣得已未用上浮槎遠涉天河水疎柳如佳人晨沐堪平視絕愛沿西陂俯竹映風淡新雁度江峰聲落秋士耳沈湫感清商有懷彈綠綺柔櫓緣葑田鷗眠故不起規載千玉壺日在無何裏萬事不復關臥看行雲駛誰續曲水觴易若秋禊美

二

續集卷一

九

涼波三十頃著處皆可家壚間取薄醉酡顏發瓊華至妙麴生理還丹何以加熙然華胥國豈復聞鷺譁磊磊澗中石飛湍激白沙偶起踏沙行手折團蕉遮野塘人不到爛漫開秋花盤跚藉草軟隨意眠鬢髻猶有素心人謂茅渠眉朱子齋邵開先周于度各在天之涯臨觴忽不御欲往途路賒

盧壽朋

鵬鷄任逍遙何用分人已興來招朋儕共泛城西水山光澹長留悠悠今昔視何妨避殘暑與泝清泠涘蟬聲咽咽鳴不厭聒人耳秋意靜涵波平鋪一端綺移時轉沙汀雪鷺翻波起爾我官忘機俱落空明裏

飄搖一葉舟送以清風駛沿綠五柳居且食鮮魚美

二

明湖深漁演龜魚之所家秋風一以吹淥水凋朱華
輕橈沂回溪蒲稗相交看又尺鯉雙魚艇共叫華
湖南淨渺瀰極望惟烟沙翠屏未搖落碧樹環周遮
顏陽動渚面千紋浮水花鬢鬢雪相似素影垂髭髭
悲思海門逝謂亡友李海門欲從窈無涯松林人不起肯惜
濁酒賒

汪春溶 晴江

縹緲湖上山平生最知已同調藹有情往問亭西水
奇絕始秋圖灑落供吾視影著瓜皮舫搖蕩菱花淡

續集卷一

十

水禽飛且鳴尖咽頗悅耳一篙漾晴暉裂破千尺綺
殘暑林外銷清風蘋末起徑須攜詩瓢置身阿堵裏
得此風日佳其奈年光駛喧呼杯中淥所以懷子美

二

轉眼秋氣盛巢燕欲別家疎疎臨水木寥落飛烟華
已覺腰力減惟餘酒戶加醉中遊懷葛不省蠻觸譁
所恨良友聚如團乾澗沙西行白日駛誰能一手遮
世艷自翕絕開落風中花請看坐中人絲髮多飄髭
如何不快飲擾擾營生涯遙林挂纖月清景一何賒

宋慶嘉 萊衣

索居矮屋下終日不見已相與滌煩襟從之汎秋水

秋水清且漪游魚可諦視篙工信解人沿洄柳下淡
日景不到舫吟蛩遙接耳聯吟皆心湖清言一何綺
雅令錯舫等催捲白波起羸螭區中人共入醉鄉裏
但覺風輪輕焉知日馭駛奇涼瑩清騰秋光正美美

二

窈渺五湖遊避地從浮家未如依孤嶼日夕採芳華
虛無水中亭貞嶠無復加嗟心已岑寂而况離塵譁
默數衝波鳥一起圓沙登樓舒遠目不令前山遮
微茫辨浦樹但怪老眼花坐有忘年友謂朱余鬢鬢
青髮彭却顧點秋霜生也固有涯吾展亦已蠟山林
跡須賒

續集卷一

十

朱家濂 性之

湖光屬先生復不私諸已愛茲清冷淵分酌一瓢水
湖外紛膠擾俱作等閒視翛然濯吾纓隨處滄浪矣
竭來清鶴夢水風徐入耳流觀天宇高秋雲薄如綺
疎疎隔汀柳無人自眠起餘暑亦灼人移置冰壺裏
兩漿趨涼陰意似飛黃駛相將我與鷗共占青莎美

二

三楹支竹屋言過山翁家清風颯然至殘香飄水華
是時瀉湖淥不辭觚爵加移蓬入幽澗一靜却衆譁
輕波蕩淺瀨的皪披銀沙卓午求息影徑以茂樹遮
莫言秋意微開滿水蘋花甘瓜應手摘翠蔓分鬚髭

惜未觀魚樂一遵玉泉涯吟弄殊未已此間風月賒

余昂霄

快茲舞雩遊清緣弗遺已飄飄白雲踪一色映天水
蕭晨開澄湖通川縱盈視無際浪花生彷彿瀟湘渌
橈轉青山孤竹風清心耳偶坐霜髭鬚古意皆黃綺
玉蛆艷浮浮手奉翠螺起悠然醉吟心冷瑩秋光裏
微尚足千秋莫問東流駛試吟滄浪歌翻入權謳美

二

竺西擬結宇有懷處士家寂寥想清魂祇此秋月華
後來續遺榮萬鍾亦何加層峰祀隱聖先生欲構隱
聖祠祀許田
以巖子陵林君復
配三人皆錢唐人冥心謝吹譁飄飄水上鷗與分一

續集卷一

主

片沙忘機狎清暉早遠雲羅遮荒灣釣石冷蜻蜒立
疎花鬱鬱南屏松青毛落氎髻先生舊開講
堂于南屏吟鏡千
仞壁永照湖之涯游探無盡意回船與猶賒

早秋廬桑諸君集湖上臧舟金沙澗之陰予相
地自南山來遇力邀入舟予追先君與盧書蒼
桑文侯王玉樞景菊公王文白諸父執時往復
茲地而南湖集社文酒之盛尤艷士林今老成
徂謝盡矣林下後昆亦復蒼顏白髮言之盡然
交涕歟甫詩先成在座咸和之子以在疚本不
與會亦強綴依韻聊以述悲而已

郭濂

又叔

幼與盧桑交紀年在戊巳于時諸父執集社南湖水
林邱童子從向長者所視眼見決詞源森森無涯涘
相遇如弟兄兩君與我耳淹雅早推盧弱不勝羅綺
桑也矯矯姿野鶴雞羣起惟子最無似蓬亦生麻裏
秋風四十年快若雲颿駛今日蒼顏頹昔日朱顏美

二

飢驅千里道我乃似無家蘋萍蕩川津無根見狂華
歸來何所有白髮數莖加抹涕試具陳四坐姑無譁
故我如轉磨近事如炊沙烏兔西飛急何計相畱遮
憶昔少年日頗瞻缸面花五斗飲不盡以之沐髮髻
今看諸君飲有類南湖涯老大省陳跡既去光景賒

續集卷一

主

往遊台蕩留別敬甫

天機愛孤暢人事吁無窮一雲濞江介晶晶天南東靈
界敞台蕩昔夢翺青空天寒躡雪往乳贅參幽蹤朝行
石梁仄暮宿霜茅篷吟厓老湫拔白日飛驚龍餽糧咀
黃獨伴侶鏗圓筇歷尾兩兒娶霞端坐家翁山靈迂先
聲相次梯衡嵩自厓勞遠睇川陸氛濛濛

雨渡錢江

小艇從飄兀寒濤破險艱不愁江雨猛卻喜客身閒雪
捲中流棹雲昏兩岸山一竿兼一笠便入畫圖看

越中舟行夜雪

行艫寒森沉際此江雨夕盲風轉淒惡打篷響蕭槓篙

子苦手龜雲壓船白中宵密無聲斷崖浩已積時聞
近灣隈凍禽嘶磔磔綠源輕冰沍幸未膠廣澤犯冷闌
舫窗溟濛混川陌天幕潔無垠皓斂千巖碧乘興訪阿
誰愛作入剡客

題吳君旭昭觀潮圖遺照

衝寒渡濤江歲暮蛟龍蟄中流忽復遭迢迢惡風白浪
嗟何及惡風白浪未足驚耳邊殷殷鼉鼓鳴舟人遙指
海疊白倏見銀山千仞直蠱空冥生疾呼捩柁往而迎
江心一葉掀舞輕嶮巖乍觸濤頭湧海水怒立舟狂傾
千仞直下舟一縱浪花之腹濡頂踵瞿塘呂梁復在前
前者子胥後文種是時雪水從西來上遊萬瀑顛如雷

續集卷一

古

嚴灘羅絡富春洶連朝暴橫摧檣桅鮎口軒然作氣勢
力與馮夷海若爭轟厖合踏波聲動寥廓橫奔逆捲打
石脚水犀組練排虛空大戰昆陽猛陣斫如山舴艋一
瓦飛水國溟濛烟霧圍素車閃曳紅抹額霓旌婀娜從
江妃濤頭下上驚數過回潮墨黑連江簸雪潮合沓猶
自可回潮回簸簸殺我滿舟號呼涕淋巾是身那脫蛟
龍唇我愛奇觀神轉王眸子眩亂肝輪困生小觀潮立
塘岸楚軍只從壁上看恣教出沒潮中央茲遊奇絕平
生冠篙工幹旋如有神手把一髮懸千鈞搖搖徐向西
陵巖却看江月光如銀人間平陂等閒視恰對圖中景
爾爾掀髯問君君不言知君平生之意亦如此

題松門圖用宋車若水遊靈巖詩韻

虬枝入雲盤雪瀑穿烟墮磴苔霜餘滑苔坳髣髴過此
間坐吟人山靈識清唾綠欄篆冰華石牀不可臥隔林
一鼠飛亂落松子大空靄青瀾漫天際歸鶴破我餐他
山霞梯碧當幽課夢先凌台宕芒屨願方果熊羆與之
遊獨往洗衆懦明御冷風行虛濤倏起和

題客齋壁

大雪瀾天地寒光照衣裘短篷振浙瀝曾川赴清遊客
如野田鶴林堂一夕留曙翻冷翮去孤影衝沃洲

發越城抵蒿壩

玉沙蔽闌郊孤艇下東浦榜人輕淵潭衣簑屢傲舞鯢

續集卷一

圭

鯢羣巖壑竹樹不可數空濛柔橈鳴鷺候歷洲葦草店
煖松黃壚烟漲寒縷陶堰桑墟中聞謦雞聲午前鶯辨
東關鮓菜艇三五枉渚汭頽波崩橋邇江塢却瞻川途
長雲昏沒飛羽

夕發蒿壩

江暝風色寒歲晚旅意急澹汙物外心况閱奔波客朱
鉦明市櫺越女瀉醅碧百貨通荆吳鱗鱗下估舶窮冬
雨雪繁川路淒淒濤濤首競錐刀利涉不遑夕海巒玉
削成清景委冥冥襍被安板艫戴灣想銀磧起枕恰潮
生夜語挂帆席

小泊三界

昨宵帆駿發倚風疾驪驂長年怯駭浪維艖上浦雨拂
晨元霧塞驚影汀涂詣十里早炊熟暗聞鄰舟談羣山
雪蔽之一氣發松楠湍響白蛟舞忽復凌江潭小市機
三界沾汲紛瓶壘客行預期程淹泊愁容含袂寒趣把
盞柁樓眠酣酣

夕次青楓嶺

湍險橫石渡且喜眾力齊漫江舞急雪四字天爲低仙
巖已薄暮茫昧崖東西廣川幽巖間沙冰禽不啼一舟
野萍泛衝波不可栖前巡睇嶺脚氛白虛端倪轉岸茅
茨見燈火荒淒淒嶺坳祠烈婦欲上眠無梯青楓寒不
死萬古別蒿蓁傳芭白江濤航頭酌玻璃靈風散冥廓

續集卷一

六

孤鶴遺酸嘶

櫪樹灘阻淺

江水咽銀礫路斷嶠浦東積素漫圻岸荒灘膠短篷前
舠淺沙閣後舸篙力窮全行紛負戴共策屨屨功覓蹊
塔山下踏雪披榛叢挈瓶買江酎取醉餘舫公客來嘖
亭外白擁千萬峰膝踈陷數尺澗野封窠隆剡汀興未
盡踟躕叩孤筇

櫪樹灘回舟至蒿壩

我生隨緣百事皆况復清遼穿芒屨同雲萬里陽烏埋
朔風吹雪醜埏垓櫪樹灘頭柅長桅連船篙竹肩相排
玉河東合迷灣隈斷潢不復鳴淅淅三老歟涕顏如灰

柁底偎甌燒薪薪折篲倒枿驚喧徒侶獸散綠垠崖
我狂猛欲梯天台石梁古松攀我鬼起覽瀛環白皚皚
之罟窮髮寒光來倚天長劒決氛霾朱曦放照金銀臺
赤城然映明霞堆嘯呼華頂傳奔雷岩湫噴動潭龍乖
高空滌宕攄老懷一藤衝淖行顛顛平田瓊屑埋衢街
紅氍裏背三徘徊勇膽變怯空嗤哈窮汀歲暮檣竿迴
魚山往還良復佳浦澈歷歷波澶洄信宿抵壩颿塘挨
龍頭瀉酒識小娃江客重至何奇哉一笑頓酌千尊疊
內江鳴榜催船開

月夜過錢清江

清暉溢六合破鑑磨空冥一灣玻璃水沙鳥寒無聲長

續集卷一

七

川浩積雪遠景湛虛明風定帆已落櫓過一錢亭昔人
渺千載餘此江水清竭來孤高月依稀古精靈問月月
不語金波宵冷冷寒冰爲我面對月凝光晶夜氣入滲
次四字天垂青

曉渡錢江

汀墟月未落侵寒問早渡天水遠溟濛輕帆連檣霧東
光動海疊稍辨環洲樹攢白隔江峰峻嶒影半露開頭
劃寒漿遶迤沓枉路憶昨雨瀾漫衝濤捲颿怒高岸春
已頽斷槎逐崩仆晴波鏡面平浦口搖單鷺及岸謝車
牛沙稜堅冰返悔不策烏藤徑向瓊臺步一怯阻清緣
嘲爲積雪誤

張甫續集卷二

錢唐桑調元

古今體詩

酬和厲樊榭鶚見送獨遊台蕩原韻

我性癖霞嵐遊蹤恣飄忽仙墟入夢清飛渡鏡湖月片
帆挂空江天風信蓬勃生厭廣場喧參軍雜蒼鶻徑繞
萬重巖孤雲去髮髯雪松偃層層石泉鳴汨汨侵霄桐
柏宮齋心清聖謁龍噴大小湫獨往記始卒汗漫作春
遊沉冥謝天伐飢采肉芝餐暝就樓櫓歇好山如名理
得徑窮牧宰尚睎海外峰了了青一髮墮地傍葑湖秀
括山水窟須凌五嶽巔壯觀神超越展指道里千空翠
沒
先排突試捻瘦鐵筇意已無崢嶸昨棹剡溪回蓄銳辦
布襪豪留終古論勇趁今晨發遲子拂題名母俾苔花
渡錢江疊曉渡韻

獻歲風雪仍省覓江口渡嚮午漏朱曦一卷遙騰霧鱗

鱗到岸帆歷歷映江樹出門亦何營富貴草頭露繫我
雙青鞋往箭州霞路大江湍聲豪偃蹇魚龍怒悠哉涉
川身雖險不顛仆半流上奔潮舟亂衝波驚出手操長
篙氣春釋寒沍旣濟越嶠迎沙乾可縱步白雲導之前
千山行不誤

發西興至蒿壩疊發越城韻

續集卷一

大

春江波已碧客影漾別浦新年沸絲簧越俗歌且舞堆
堆道傍埃川驛心焉數鶴浦對嵐坳龜山出龍許有鑿
鑑湖雲映空深一縷雪夜憶舟回清寒月當午神山空
望三名岳未涉五矢往雪此言仙潭汎桃塢閱宿度重
江南指相風羽

發蒿壩疊前韻

終古肝江水潺湲奔響急蘋萍歛散聚宛似中流客雪
消江樹清春動海山碧風帆健如飛一毛汎重舶疾篙
轉巖根水石相砰濤烏篷映水光低照明蟾夕瓦罇徐
自斟游心入恬冥隔浦翻羣鷗潑潑動寒磧行止隨舟
師晏然就枕席

紫石山

續集卷二

二

一山陡峻增悍脚插江底萬古湍撞春飛流激迅矢奇
石立如人天半巉空起狷潤皺異狀金光一色紫陰厓
飄晴雪迴風舞未已長松受樵斤響振青雲裏綠蘿挂
寒猿蒼嶺叫飢兕扁舟不可纜春屏虛攀倚

美女山

娟娟美女峯螺髻高窈窕初霽嵐旭蒸餘寒冰雪鏤下
臨千尺湍清響瓊瑤漱春巖麥乍芳有鶯倏雉雛繡隴
逐陂成高下晴煙擣野梅爛漫芳只與山禽饌西面琵琶
峽天風曲一奏空曲無陽臺朝雲不蒙垢

東山

東山千仞青古寺冠其上絕頂鳴噌吰餘聲散空曠際
水青松林一徑通疊嶂忘機羨游禽信意煙霏颺謝公
去千載白雲藹無恙荒祠空復存飛颺窺塵帳當時絲
竹羅情志故滌蕩物外詎無憂此樂非所尚山澤趣自
殊春空一帳望

霸王山

霸氣收江東故山屹爭悍空祠居上頭立棟鑿厓窵面
勢襟小山蒼翠抱迤邐重瞳起滅秦駁王何足算鴻門
恢大度鴻溝劃中斷不逝騅哀嘶蓋世氣爲短大江浩
揚靈天噫洩憤懣排巖古松圓陰森卓雲繖瘦莖憂扶
疎石罅拔箭筈漁舟繞而西葉葉去疎散我榜汎烟波

續集卷二

三

未遑就薦盥

江潭

盤渦面清漪演漾盈千尺鷗隨萍汎春草與波涵碧浮
深快行舟力齊柔櫓劃柳根巧施罟舉手粘圓鯽沈沈
烟月寒空濛宜泛宅瀟湘雁已北背人飛隻隻我謝憊
悴吟此亦殊楚澤却疑有元珠欲使象罔索

橫石渡

亂石截奔龍橫亘一洲淺客舟類輜重掀淖輪不轉衆
工臥長篙湍瀨赤足踐扁舠乏龍負邪許並呀喘浩想
娥江寬徑濟一帆翦食頃半灘過力疲嗟往蹇遲須春
水生吾與鷗游行辛苦下通川更御冷然善

清風嶺學前韻 并序

陶九成輟耕錄載宋臨海王氏過嶧嚙血寫詩投厓死石上血債起先岳州破買瓊妻韓氏希孟赴水死遺詩練精有江南無謝安塞北有王猛句又岳州徐君實妻某氏詞題壁投池死予因弔王烈婦并及之嶺本名青楓因烈婦改今名

殺青古有錄煥然人節齊牽連書婦烈黯黯川雲低嘯嶧臨海王媿煞儂家西江邊女貞木終古冤禽帝崩厓下千仞糜身不苟栖分明血痕債白石呈坤倪北騎躡岳州練精題慘悽韓媛屍浮水有若升仙梯江南無謝安宮闕生榛藜亦有徐家婦身沉青瑠璃自此嶺名改

激激清風嘶

續集卷二

四

自樾樹灘行至嶧南郭疊回舟韻

戴家溪灣客行皆我亦起曳登山蹶瀕灘曲徑銀沙埋步健迤折方田垓回頭不見樾汀桅塔西古樹參天排星子一峯綠翠隈冰融陰澗流滌滌茅店憩飲如淋灰然爐續續添松薰野人語笑橫掀掀老狂肩須拍洪崖行年忘却將黃台胸空蕩蕩消磊鬼白雲如蓋一色皚微風吹送天南來晴霄不愁紅鏡靈危巖直上中天臺齊州點點蒼煙堆塵區萬事憑黔雷鬼瑣那計張角乖處置六鑿遊無懷彭觥鐵杖不摧顏土垠一舍乾春街萬山突兀次盤徊猛爲舊挫前嘲哈孟陬昏熒攝提迴

氣衝巖野煖且佳緣繞嶧郭南汾河水市傭販相摩挨逆旅檻梅姹仙娃顏色靚好思遯哉晏整巾帶澆以疊安神客窗心眼開

竹簾行

野翁編竹牢且稠入水可替蜻蜓舟囊篋中央置妥帖撐載王客居兩頭山溪野溪多空闊一泓春水青如油暴漲不須愁揭厲登簾穩送神夷猶往來徑度沙颿颿東西遠汎雲浮浮薄暮無人沙背閣豈有百丈煩牽收嶧亭之南南渡口我初試踏如輕鷗縱使持篙小欲仄不過溼我青兒裘須臾既濟上圻岸悔不信意沿灣洲桃洞仙姝側近在玉沙瑤草環溪流溟茫煙水入澗處

續集卷二

五

世人爭豔阮與劉我欲規作星槎遊身掠鼈背窮冥搜飄然獨往清而幽一覽大荒吾何求要取紅盆波面洗浩蕩扶桑得到不

阮廟

荒祠蹲薛碣傳是阮郎家台路金庭接春空白日斜神丹稀大藥社飯有胡麻莫訝仙緣好相留一子嗟

望台禪院

萬仞天台翠欲攀偶緣看竹叩禪關天邊月是同行客門外春橫獨秀山金地妙香清茗裏石梁仙路白雲間青輦布襪匆匆去翻遣高僧識我閒

三溪

三溪溪身廣綠水渺東注畧釣板爲之楮水亦牢固兩
涯橫亘長浪花眩狼顧安得竹筏輕碧漪一篙渡緬彼
呂梁洪神恬了不怖矧伊滑笏流詎窘凌空步隨意趁
渦盤雪羽浮雙鷺何人釣夕陽隔溪暖煙樹

宋克齋石先生書院

無穀死于飢有穀死于賑永懷石先生實惠施考黜乃
令邦國活同安道無殫浙東凶亦然所在民澤潤世多
迂大儒小試恢牛刀晦翁以兄呼吾道全門仞蒼蒼石
鼓山雲表祠壇峻嘉靖守洪珠爲建祠鼓山我行式草樹千載肅後
進銜悲思古遺天不一老慙

南明山

續集卷十一

六

石牛鎮西迤步入朝露未晞草屨溼天風料峭正吹人
早梅點點春衫襲荒誕蹤留踞解巖巨石中斷青巉巉
客來徙倚上月峽千年老碧摩松杉白雲莊前翳雲族
騰涌瀾漫藏嶺腹歛見樓臺金碧明空界潺湲飛一幅
潺湲飛下來溪塘溪塘花氣流生香人生爭似白鷗靜
天與一塢浮青蒼盤盤磴道行犖確愛爾嵌嵌號隱岳
空山間見頰孤清枯木登登一鳥啄寺門高榜鬱瓊奇
大字揮題張卽之襄陽顛米不相讓靈山鎮壓蟠龍螭
一峯螺蠡椎仙髻陽開陰闔逢春霽巖頭天井窅然深
醍醐香乳瓶溶溶巖身寶相高穹窿百尺鏡作黃金容
下生彌勒現翠壁堆珠積玉施琳宮壁後規暈如圓銅

恰當佛首輪正中又傳佛頂芬奇濃靈芝妙香散虛空
苔龕黑夜光瞳瞳潮奔海衆驚愚蒙縱令天地無不有
正如蜃幻誇神工野夫放浪看飛鴻層層絕巘舒青瞳

赤土塘

日出王婆亭麥隴氤野馬東迴轉陂塘厥土色如赭煖
氣蒸春田韞風噓坏冶黦雲送雨來浙瀝連林灑江草
涇纖纖綠潤延芳野白石響澗泉渺漫清川下客遊育
無心隨方入鷗社玉羽拂衫飛爾我忘機者

斑竹嶺

油雲暗層巖雨聲斷復續一嶺草木春娟暖翠新沐
苔青且滑蛇行上蒼麓迷離漲輕烟連叢活湘竹只見

續集卷十二

七

龍孫斑不見舜婦哭喬林茅數楹仄傍空澗綠帽簷滴
未已輟杖坐厓腹慮澹聽流泉奔流漱瓊玉

雨憩山家

一雨竟不止過嶺點逾巖言就山家憩容膝惟草廬山
家欣客過竹帚加掃除雲髻幽且靚荆薪熱風鑪瓦甌
烹綠茗山果綴盤盂村暗鴉鵲啼勸客留須臾問客往
何方路滑憂泥塗殷勤謝高義風俗入古初好色不好
德乃豔桃源姝

慧聖嶺

飄風從東來飛送四山雨浙浙響林阿冥冥暗村塢慧
聖淡生烟嶺樹稀可數竹巢墮栖禽野薪擔樵豎繞陂

雲幾重懸厓僧一戶升高睇前峯冷翠揖天姥

天姥峯

崑崙天姥峯千仞雲崢嶸春空礙白日遠勢凌赤城飛
流捲巖下古木穿雲生清晨野鶴出半夜天雞鳴雨烟
變暄冷風藤交枯榮其西連沃洲其東面方瀛便捋脫
塵累結茅依松坪

天姥橋

漸汨水聲春村橋臥青霓西行入城市東行窮巖溪我
東迎急雨不隨雲氣西兩涯芳草綠一澗流雲低傍水
小茅店客憩路不迷溟濛黃柳亂鴉鳴烟中啼

放歌行冒雨入清涼寺作

續集卷二

八

斑竹嶺頭雨如注千山萬山莽迴互客行不向天台城
意向石梁華頂行浪浪萬點高空播上下溪聲比雷大
衣囊已捋盡淋漓黃泥青石排雲過我生蹭蹬氣轉豪
頗挾濟勝忘其勞風巖老樹浩呼洶乳兕亂吼飢猿號
滄海冥冥龍變化如霧如珠雜而下一條櫛栗挂烏銅
頽岸崩厓吁可怕獨行十里稀茅舍芳草如茵不可藉
空山何處響鐘魚天色蒼茫愁欲夜盤盤轉山岡不得
到清涼却憶入世路十步九太行昭昭白日照平地風
波惡于梅花洋訪求名山自幽勝感此縱步神揚揚暮
地寺門眼中見喜得手足輕欲旋山僧不用問姓名投
策高眠吾所便

宿清涼寺

泥塗多熱惱到此已清涼雨過烟雲活春生草木香事
從忙裏錯味覺靜中長華頂今宵月窺人到上方

題清涼寺

名山處處盡堪家筇杖拖泥跡未賒入社攢眉非栗里
煖湯濯足是彭衙春空雨點羸如菽佛髻苔痕繡似花
待叩西泠老居士謝樊誰先華頂候曦車

滕公嶺

山路盤溼沙朝雨灑未止崑崙滕公嶺攀磴循其趾高
高羸轉千崎嶇足雖蹭蹬氣不靡到巔須躡一萬級半
腰急雨射如矢全身已入雨聲中蓋頭絕少低茅蓬飛

續集卷二

九

流如雪捲空下奇哉脚底鳴淙淙山中人語訛山名署
騰空果然陡勢攙元穹况復大點醺溟濛若非神靈幽
意詫耳目那得天地壯觀排心胸移時飛雨忽而過鵬
翼垂天半邊破我行已到山之椒巨石圓蹲供客坐但
覺凌虛空不知歷轆軻東頭氣色先開張對面海螺青
一箇回首却顧烟蒼茫依稀連接睦與杭故人千里遙
相望憶我青鞵踏雪出門去豈知此際飛上千仞岡予
懷渺矣多忼慷

雲海歌并序

登滕公嶺上雨點初收天將開霽忽四山雲湧若萬頃
洪波乘凌回薄作廣陵濤勢草木廬舍萬象隱映人自

嶺下來若泗者破浪而出頭項初上徐露全身足猶洶
洶湍激中予聞黃山有雲海未及往觀此殆是歟蓋山
川之氣欲歸穴先鋪蒸浮漾而後納之呼噏之理然也
食頃遂飛捲奔收淨掃眾峰出矣

遮天雨脚遮層穹八荒四海煙濛濛銀竹拋殘絲縷絕
墨幘破碎窺青空乾坤氣母將靜納忽復嘯吐瀾寰中
四圍騰湧濤勢合大海連接扶桑東華頂天柱浮不沒
崑崙戴畧與三神同參差巖谷互隱見一氣浩浩回魚龍
僧樓移入琉璃域鐘鏡震動龍王宮瑤琪燦爛萬草木
島嶼變幻施神功下方冥杳聞雞犬翻疑鮫室潛其蹤
滕公嶺上憩若士屣履踏到蓬萊峰我聞雲海鋪窈渺

續集卷二

十

蹉跎尚未鏗遊筇山靈娛我設奇觀層層已盡空明胷
碑瀛環繞輸不盡紫瀾奔去吹旋風瞬息歸墟竟滅影
蒼天萬里開春容太虛杲杲挂一日爛然千朶金芙蓉

山中見一石正方有賦

中巖產一石天然正且方削成謝斧鑿飛墮疑星芒凝
烟宵孤磴結翠連崇岡苔花錯繡綺雨點濺淋漓皇
鍊紺碧已用補穹蒼留餘委台嶺位置雲氣傍誰與此
坐憩八表遙相望青冥擊鐵杖殷空聲雷碩祖龍鞭暴
橫千山走溟洋驅之屹不動魄小何堅強匪惟氣象古
亦復形模莊朕彼嵌空巧渾朴無雕傷不眩五文采黑
質而白章有生遠豪奪踳踳安天荒清陰被松柏仙老

羅酒漿我行梯萬仞一卷喜磅礴摩挲不忍去久佇天
蒼茫

雙龜石

儼石一何異形若蹲穹龜青巖身爬沙碧蘚紋陸離日
暴雙偃蹇雲覆無差池豈伊負圖出永免刳腸悲作偶
得天巧藏六真吾師嗟彼清江使鑽筴靡有遺

萬年寺

山門綠樹隱徐步親到堂堂名古階映修樾深院來妙香
金沙燦佛日潮音回道場微雲晚殿閣餘雪明松篁一
雨射廊急雙流鳴澗長客心逐清景去住澹相忘

竹閣

續集卷二

土

高閣凌層空森森對叢竹鳥語隔林寒人映虛窗綠濕
溪一夜雨澎湃重巖瀑晨岫帶輕煙春樹延初旭梵筵
胷游絲粥鼓應深谷幽人意有無清談不辭數

空心樹

寺門杉檜稠氣色俱蒼古一株老剝中離立異偉伍枝
條拂青天本根盤淨土心空無所有形殘不復補餘銜
生意存窈冥神靈聚奔竄熟狂狸游戲攢童豎流水澗
東西飛光谷子午荒荒閱僧臘咨嗟動摩撫

親兄弟歌迎寄朱予齋高齡并序

山中人呼拄杖爲親兄弟萬年寺僧贈予藤一枝感而
作歌

親兄弟扶陟巉巖度清泚擔夫樵子如飛猱千萬溪山
騰脚底橫風吹雨聲號號連山萬仞攙雲高崩崖壓巖
泥滑滑漿翻白汗淋頭尻萬年寺僧憐我蹴凹凸贈我
手中五尺鐵烏龍斫斷古礶岡脫鱗凝漬元黃血銅潭
石塢隨敲鏗天半挂出聲彭觥直下不畏溪坑險橫衝
漫欺虎豹猙親兄弟爾形磊砢爾顏黝正直不忍欺瞞
叟况我方耽汗漫遊五嶽四瀛開戶牖峨眉翠落天西
隅羅浮離合煙模糊武彝趨赴幔亭晏窈窕洞庭蟠具
區中原三周華不注王氣東挹醫無閭遠遊屈平近束
哲得爾徑往無脚躡崑崙懸圃不可上三神縹緲扶桑
俱盧敖若士卷龜殼齊州九點根虛無騎雲馭風休措

續集卷二

主

意地行仗爾時時扶親兄弟爾性廉潔皎如日寄挂百
錢不私一不語不食常我隨芒屨詎勞吉日出身輕飛
步凌紫霄風林亂葉鳴刁調年時且趁腰脚健仰捫日
月旋樞杓親兄弟曾經險阻魂猶悸入山良獨難出山
尤不易不用丹雞白犬越人盟冬雷夏雪永不棄欵欵
既得資汝力坦迤聊復可吾意死生好醜汝因依免教
欹倒來平地親兄弟爾首不須贅作鳩亦謝綠玉窮雕
鏤仙人九節吾不換與爾式好會何尤白雲耕墾去矜
町有時閒植隴上頭不爾攜之刷芝朮芙蓉明滅烟浮
浮吁嗟乎世路崎嶇共倚薄紅塵白浪了不却吾不負
汝汝從吾老去終焉在巖壑嗤彼夸父驚奔馳虞淵一

枝暝所遺曷若與汝情怕怕一生緩急堅相持親兄弟
爾勿跛前學變化踴躍騰飛動驚詫茫茫天地我身孤
獨往昂藏惟爾藉只今台山疊疊借攀登石梁飛流險
可憑龍湫一氣破浩浩雁宕千瀑穿層層親兄弟我姓
桑爾姓藤本非骨肉全根生胡爲友愛得未曾我行汝
行立汝立周公虞舜鳴鳴泣

九里溪

灣隈沂紆折九里清瑤流溟濛白雲合掩映春樹稠
禽戲側岸芳草滋中洲烟華散汀曲泉脈穿巖幽溪石
峭齧足溪風酸射眸蒼崖淡滴翠遠水空悠悠

龍潭

續集卷二

主

風闕度森寒葛闕陡削壁春池沓沈沈神龍于此宅垂
蘿拂清深飛雨洗蒼碧雲氣結爲樓峯形簇如戟攢空
萬樹青縹澗孤烟白日落猿鳥鳴杳靄陰潭夕

通元峰

聲利衆所趨賢愚各有營入山聞見靜餐霞神魄清
崑崙通元峰縹緲御風行白雲左右飛綠樹冬春榮高松
鶴久憩幽蹊鹿不驚寂寥得真賞滿眼溪山青

桐柏嶺

前塗問桐柏曲磴衝烟霏躋嶺坦且曠蕙田香菲菲芳
草繞陂綠清泉激澗飛春日照我面春風吹我衣坐忘
亦餘論流憩皆天機遐哉出山悔吾獨懷子微

金庭觀

古觀圯綠構清幽遺洞天巖瀑飛林雨海日生爐烟猿
去白雲裏鶴下青松巔拂石乾薛駁嘯谷冷風還蕪沒
金庭跡緬邈義之賢墨池翳荒草春氣蒸山川

元明宮

瓊宮黯前塵荒榛纏古礎木秀暖烟光天寒清鶴語麥
隴散農人蘿徑歸樵侶井竈宛昔遺蒼木更誰煮山色
遠聯綿春心澹容與仙意類阜鄉往觀靈跡巨

石門山

天半石門聳削壁何巉巉風雲涌一徑鳥雀穿重巖雙
闕煖翠合半嶺頽陽銜青冥倏闔闢紫邏分仙凡洞天

續集卷二

西

接桐柏瀑雨飛松杉一筇此津逮未用清名鑱

桐柏宮

雪消碧溪漲雨注丹厓傾子微去已久仙宮至今名荒
墟夕煙淡遠樹春雲平松陰照衣袂山翠飛檐楹丹梯
俗塵斷白鳥天機生山叟好容鬢終歲餐黃精

玉霄峰

九峰並疊翠屹起一峰削谷鳥飛翾翾松雲暖漠漠客
是在山泉仙爲度海鶴風磴遶青蘿石虹架丹壑土潤
秀明瑯泉香長靈藥惟存綠樹陰不見玉霄閣

清風祠謁孤竹二先生像

鬼鬼桐柏嶺鬱如西山陲孤竹遺容在萬乘傲屣之古

道雖淪替至人不磷緇千春長被蕨一氣留黃義階荒
窟黠鼠林淡嘯寒鴟空堂影間寂清風散天涯

伯夷叔齊石像

何年斲山骨肖作夷齊形天然發光澤卓爾凝堅貞巖
巖伯叔體冷冷商羽聲九天聚精氣百世重儀刑石泉
酌寒醴露蕨萁春羹生不君孤竹詎豔僕射名爲道書稱
射僕微稱定孟氏實惟聖之清哀彼頑與懦聞風不羞顏

醴泉

泔然玉井碧涌此金漿甘無源出醴美有德成淵涵弗
辱愚溪愚詎汚食泉食諂口靳占杓吟吻恣汲甌吸清
比廉讓漱冷消餘酣瓦鐻蟹眼沸冰蘗雀舌含神龍化

續集卷二

五

蜥蜴幽窟居潭潭

女校溪

女校一溜碧穿自桐柏西夜雨散已盡朝煙收未齊鱗
鱗藻邊躍鴨鳴林中啼隔雲吠一大跨水橫雙霓喧噴
作瀑布靜迤歸靈溪洞天可遠泝不慮璿源迷源出洞

瓊臺

驂過仙人跡蛇徑披菁萊雪潭寒汨汨霞日高鬼鬼百
重歷險仄直上中天臺春生草木秀曉霽烟嵐開靈溪
蕩瓊壁綠水周滌洞天海氣遶廓猿鳥聲清哀洞闢霄
漢戶側睨滄溟杯日月兩丸跳乾坤一舟迴萬事土苴
耳身名何有哉

仙人跡

飛仙了無跡
贅此雙鳥遺
踵彼阜鄉誕
方士徒爾爲
乾沙久漫漶
亂草紛葳蕤
雪被樵者躡
雲與幽人期
王喬治桐柏
鶴轡雲中馳
白日永寂寞
延佇來何時

金爐峰

帝爐色紺紫
日出生雲煙
春光繚積翠
嵐氣侵重元
天雞叫嶺曲
水鵲飛林巔
連山亂獼猴
驚驅祖龍鞭
此峰屹不動
金猊蹲中天
我策銅柳栗
拾級聲鏗然
留題雲雷篆
記取攀登年

仙人座

青苔篆石座
仙去餘千年
鴻軒赤霄外
蟬脫瓊臺邊
委

續集卷二

六

順寫清影登
真凌紫烟飄
然脫塵北眇
爾排冥筌谷
音自不滅薪
火誰爲傳雲
中過一鶴招
手呼孝先

雙闕

馬鞍駕虛空
氣輿不可鞚
爬沙下絕壁
白雲競飛送
緣梯仄千盤
蹴磴岌屢動
攝衣掃雲巖
移策攀松洞
乘凌雙闕高
曠蕩四天空
瓊臺藹雲蒸
靈溪破冰凍
雨苔繡濃花
春禽澀初哢
秋拔潭底龍
簫斷雲間鳳
衝烟熟往來
只有張無夢

百丈潭

凌空老湫拔
直下百丈強
九霄陡河決
雙闕轟雷硯
巖腰海眼泄
石脚濤頭揚
青壁洗急雨
白月搖寒芒
危峽

東澗瀕驚洪
奔呂梁奇觀
目爲眩定力
神不恒懸崖
伯昏瞿兀立
瓊臺陽

瀑布嶺

三井溢海浪
終古滌翠屏
一氣灑巖瀑
倒影搖空濤
湍聲激鳴玉
龍勢奔驚霆
旋撒虎眼怒
沫刷龍涎腥
星宿上浩演
風颺左泐
濼觀忘喧寂
默坐濺珠亭

靈溪

迅自女梭來
穿巖勢未已
日出散曉烟
雪盡生春水
快盪金庭胸
環漱瓊臺趾
穹闕貫當中
龍門夾而峙
驚翻下復飛
驚湍去何駛
岸臥初平羊
波撒琴高鯉
是溪信有靈
澄瀾不可滓

續集卷二

七

磬甫續集卷二終

張甫續集卷三

錢唐桑調元

古今體詩

桃源塢

盤旋水車嶺一徑趨桃源柳試細腰舞鳥啼如簧言山
廚竹裏屋水碓溪邊村巖松倒栖鶴潭蘿垂飲猿寒澗
帶冰籥滑磴連苔捫金橋布疊石玉洞闔重門雲深一
犬吠知有仙簷存

惆悵溪

惆悵溪頭別玉鬟花飛逐水到人間山中雲液常堪醉
底事思家苦欲還

續集卷三

桃源洞

洞裏情人世外緣桃花流水月娟娟癡心盡把天慳破
既得鴛鴦又得仙

金橋潭

延緣碧潭曲斷續白石在溪漾縠紋細峯裊了髻雙霞
暉近仙路波色如家江瑤草互萋靡銀礫相舂撞舫船
棹汨汨琴磴彈淙淙驚鴻不留影惟見奔寒瀧

雙女峰

東峰特娟妙輕烟裊雙螺娉色掩雲君清光延月娥明
明金橋潭拂曉開清鏡淡掃鏡裏眉窈窕春山映煥爛
黃金屋璀璨紫牙牀朝雲不是夢白石寧無郎春月照

女蘿春風吹夫柳胡麻山中飯雲液山中酒殷勤相送
出惆悵生離顏凝爲望夫石黯向劉門山

感劉阮事作

名山萃神秀巖壑皆奧區矧茲台岳聳萬靈之所居石
厂栖隱遯風氣留黃虞緇黃占勝地佛隴連仙都彼果
事淨寂姑寄方外徒流俗志滯慙情緣結元虛猥說有
劉阮採藥迷山岨糧盡噉桃實暫且療飢飮持杯欲河
酌蕪菁汎清渠續流胡麻糝沿沂逢雙姝含笑呼二郎
欸接心顏舒導還銅瓦屋金銀爛綺疏左右侍女十輕
純飄五銖作飯具脯肉咄嗟辦中廚行酒來羣嫖擊鼓
吹笙竽持桃賀得婿欣茲目成初牙牀東西列錦帳贅

續集卷三

二

流蘇薰爐置鵲尾煖席鋪龍鬚邂逅不有躬蔓草零露
濡細語聲清歷適願偕歡娛纏綿踰半載玉洞花紛粲
芳時鳴鳩求歸懷里閭瓊筵復合樂雲液傾金壺離
鸞與別鳳聲調含悽獻溪頭惆悵別披草循歸塗雲祲
已七葉零落遺村墟重來覓桃塢月照蒼苔孤杳邈仙
子跡惘惘空踟躕存此謬悠語駭癡信有諸兌兌異吠
龙綏綏同有狐喚彼列仙媛不羞招狂且曹唐撰佳句
淒麗工繪摹妍寫靈匹紅樓屢氣噓吾思陶元亮記
傳武陵漁亦有桃源洞雞犬繇秦餘商山緬綺皓伊人
並云徂躡風尋幽契俯視山澤臞豈似導鄭衛苟合思
雲茶吾思戴石屏論詩標楷樞鏐經重于史六義掃榛

蕪末流亂撫拾說鈴兼說郭意惟取新異神販誇小夫
經史子集外有此鬼瑣書四庫并七畧皮閣輕土苴瀾
狂不可障大雅嗟淪胥稠桑藍橋驛事跡掌故如玉環
比褒姐杜筆嚴斧詠義取春秋例內諱標合謨黨幸而
惡牛猥云狎裙裾施紛雜坐議及同衾稠貴妃有名
號臣子口忍汚嫁各爭若此上刑有餘辜肇始永平事
艷思操奇觚匪惟踵方士立說怪且迂荒唐詆韓子眇
芒仙有無玉堂宿清冷好事傳畫圖牛女隔銀浦須償
營室通聘錢備納采婚禮猶弗渝劉門接阮廟咫尺烟
模糊初嫁類淫奔一別恩情疎梁誌續夢夢明照名事
何誣亦因採藥入桃墅緣山隅若見金橋畔二女戲灘

續集卷三

三

珠幻想拾餘唾色空洞浮屠作詩附志乘用以箴狂愚

鳴玉澗

仙源此公沂春澗喧淙潺湲清瑤漾九曲明瑯照一灣雲
霞迭興沒鵲瑤交往還胡麻續流出桃萼時未殷二妹
渺何許一水通塵寰微風度滑笏璆然鳴玦環

清虛菴

細徑入桃源豔情發金屋凝思玉妹顏瀏覽瑤潭曲當
年考亭翁水簾一寓目過宿清虛菴就訪梁平叔澄襟
映光霽妙趣涵風浴本色見溪山此意誰能續

青溪

羅絡衆澗水下注歸青溪青溪可人意石淨無氛泥濛

濛翠蘿覆恰恰嬌鶯啼鮮霞映瓊漱雜樹盤金隄乘湍
驚素鯉隔壠飛丹雞匯流出橫山分滋灌春畦紆回逸
人阻咫尺仙源迷與投古寺宿不畏曦輪西

楷溪

楷溪湛一泓迅波淙淙瀾瀾陽烏掠烟回雪紫衝湍起拾
橡充飢腸枕流滌塵耳挹煖發丹砂潄甘嚼瓊藥直進
沂靈源幽懷緬高士盤桓顧睥陰歡譽子改爲顧千乘脫敝
屣

顧儒嶺

岿亭顧儒嶺逸志誰攀躋散策自有隰渥纓自有溪相
招杜京產石隱忘南齊終焉老山谷嘯咏和天倪詎堪

續集卷三

四

舍猿鶴相與縻組珪築廬好借此斬斷青雲梯

顧歡讀書堂

清溪繞茅屋終古無緇塵松雲結靜侶磻泉偕幽鄰杖
入東岫麓緬懷刺中人眠石接木客賦茅招野賓不脫
薜蘿衣自稱山谷臣六季任擾攘一邱安隱淪翠輿荷
耕耒長爲隴畝民

司馬梅山

靈境別桐柏回顧雲木參三橋淨綠瀉九峰蒼翠含偃
臥金庭觀誤捧紫泥函帳空猿鶴怨人去林澗慙抱茲
驛路悔終不簪笏食出山未一舍矢願歸兩驂坐忘論
弗泯淡游心所耽冷齒仙宗友捷徑趨終南

司馬悔橋

飛橋驛塵動出山滋悔非澤雉信飲啄山梁振毛衣弗
斲樊中畜自愛川上飛胡爲別嵐壑汲汲馳驟駢白雲
眼空矚芳草心與違于役奉紫詔清夢縈翠微蓬萊暫
朝謁桐柏終因依羞彼題柱客期乘駟馬歸

寒巖

寒巖風淒淒嵐氣六月冷披我白罽衣踏此青蓮境置
屋不瓦簷引泉惟竹繩龍洞儼垂胡鵲橋謝策脰潛真
故自空宴坐亦已冥塔藏寒山骨石寫閒邱影仙官闔
不開夜遊燭當秉

明巖

續集卷三

五

穿闥目不盲履屨足欲齧衍穴遠一窺怪磴疲屢歇嘯
詠去三隱梵放開十笏屋響遞旬旬水索垂汨汨紫邏
短策摩黃獨長鑱掘漏景入明巖棲真得幽窟晦夕坐
磐陀圓光候石月

萬松菴

伏虎巖前路行行憩石林茅菴三徑曲翠庵萬松深苦
茗勞僧供清詩動客吟懸濤飛不斷滌盡好名心

曇華亭

像立買秋壑華傳優鉢曇濤聲過銅殿亭勢壓龍潭天
半石虹亘日中珠霧含茗甌現靈異不救木棉菴

石梁行

烏藤拄過鐵船峽屨顏峰脚寒雲插填坳冰雪滑凌兢

乍見飛流兩山夾兩山嵌崆巨復平石面廣迤谷削成
一片陂陀偃蹇背驚濤終古東南傾瀉澎湃吼且舞
風聲水聲怒如虎砰礧一落萬丈強飛旋盤渦輪水府
石梁橫起駕半空銀河之上眠睛虹雙厓鑱鑿海門戶
一道嵌跨天當中曇華亭子與天通雲將掉頭西復東
乘凌一氣游鴻濛二十二峰開房櫳金庭玉牖仙所宮
倒景騰騰嵐噴紅雷車電馬不相待羽衣嬰嬰飄罡風
我自重趫踏巒洞翫翫平行祛怖恐此間五步劒脊峻
過此坦闊鋪肝隴負巖多少龐眉僧看我徑度色不動
潑翻溟波雪洶洶秋潮狂打山根勇只貪手捫青天低

續集卷三

六

不知碎瀑濺到踵絕壁銅殿光陸離五百應真棲泊之
化人虛空了無迹焉用雕冶形模爲苾芻指點意矜詫
智者豈直加咿啞却顧蠹湍回跳蕩倏忽化作奔雲螭
雲螭蜿蜒滅不見厓厓荒荒白日宴四山猿猱鳴喧啾
萬谷松杉影摩戰方廣寺內鏗華鯨華鯨一鏗顧兔生
瓊輪輾出碧霄上千珠的礫拋空明蒼蒼來徑暖烟霧
萬象朦朧清景聚中天明月墮我懷孤坐無心忘去住

方廣寺

巍峩方廣寺形勝壓諸天下上鐘聲接噴飛瀑勢懸道
猷初入定元照此安禪雲氣連銀地湖波汎鐵船石梁
霄半聳銅殿嶺西偏金雀祇林集蒼龍彩棟纏曇華亭

翼起葢竹洞呀然只葉經文燦苒苒篆字湮珠衣勤勅
資旃像妙雕鐫秋壑檀那施梅溪慧業綠應真藏五百
法界展三千芝蓋香風送茶甌異乳傳空門屢興滅靈
境幾推遷蘿影侵春坐泉聲攪夜眠無稽憑梵志有跡
記吟編餽餉伊蒲淨行攜草屨便明朝華頂去清夢繞
潺湲

題華頂方丈

是身如浮雲風吹過華頂風回信所之華頂無留影

華頂望海歌

連山合踏青龍嵒天柱爭長蓮華峰望海尖高雲作頂
穿雲直上騰孤筇仄徑泥沙乾宿雨芒屨參錯於菟蹤

續集卷三

七

龍爪潭呀洞崩崩老樟倒壑號天風偶蹴磐石落陂走
砰擊萬仞鳴磳礧嶺崖欹磴半可踞佛龕露捲茅三重
括蒼四明近跟肘朝光嵐抹錢江東浩渺歸墟納裊海
芥蒂一洗疇人胸是時曦輪馭青道岬夷散盡瞰霞紅
金鴉翺霄六合霽霧霽快掃空復空元黃續色若灘渙
一泓搖漾寒青瞳春瀾油油浸碧落樽木下上浮蔥龍
舊斷鼉骨支坤極代經三古力已窮三山湮沈沈何許
其誰往叩東王公方壺未信揚塵遽要呵元氣蟠沖融
鯨鼉游戲翻窟穴那顧顛簸鮫人宮當年徐福工面謾
三千男女憐嬰童滄波無聲消息杳之杳萬古烟濛濛
浮槎貫月自來去脩塗上與天河通沉冥要躡海客影

騎之獨往如遊龍此山脚插東海岸六時光景常晦蒙
天公海若知我意巨鏡際曉磨青銅飛凌四萬八千丈
等閒目盡溟茫中不須若士拉伴披披風袂遺壤蟲

太白讀書堂

夢遊入天姥曉望升天台絕冥上華頂此堂爲君開巨
鼉釣溟渤羣仙呼蓬萊放情凌八極舉手捫三能魏闕
一以謝禹穴探不回音書啟玉笥高詠登瓊臺雲構圯
天半茅縛依巖隈匡山讀書處翕忽神歸來

義之墨池

方池居絕峴輕冰泮泓渟當年王內史濡毫寫黃庭春
煙澹落月古木渚凹陘於菟印苔跡活東留篆形前賢

續集卷三

八

剡墨藩逸韻光山靈時有北歸雁下蘸書青冥

斷橋

石梁既陟歷首塗尋斷橋披莽出蒙密籬磳踰磽磈金
甕劃兩界玉螭奔一條難踏巨鼉背缺童靈鵲毛鷺溼
下潭咽怒湍噴峽豪趨隘走石卯摩空灑天瓢對峙闢
伊闕直射鳴胥潮不合大如礪俯瞰蟻蟠飢蛟

銅壺滴漏

飛濺石橋瀑儼作銅壺聲龍伯瀉濤碎雞人傳點明金
鐘景陽墜玉漏長門傾何似老蛟舞永激靈虬鳴止類
遠公製不勞陸陸銘蓮華轉滴瀝竹林應鏗錚析非擊
虎旅籌還報鼉更空山絕人跡曉箭催清鏗

水珠簾

瑤臺一簾下百斛驪珠飛輕盈雜翠靄的礫明朱聯雲
君曳璐佩素女披綃衣纍纍端如貫姍姍其來遲鮮麗
忽倒捲細霧仍低垂仙山蓄靈秘未許塵凡窺

徐竹溪書堂

吾愛徐竹溪朱子心相關過存在台嶠討論聯佩環嵐
色淡侵秧磧流清映顏書堂翠微上小徑巖石間夜吟
月出海春步簞連山遠憶林擇之嘉會從躋攀

龍潭

神物善處陰間然此深蟠瀦流夕澹澹輕烟不生瀾元
工瀉時雨騰上重霄端跡奮雲雷屯聲謝魚鼈謹淵潭

續集卷三

九

獨自潛窟宅素所安歸泉窈莫測止水青漫漫平涵白
日靜遙映金庭寒子高空復好鱗爪何由看

天柱峰

崢嶸標一柱撐拄海天東猿鳥層空墜風雲一氣通霞
低赤城表瀑小石梁中我欲攀梯上搔頭問灝穹

天封寺

聞黎誇智者卓錫在天封磐石清泉冷靈墟碧蘚濃雨
飛千个竹雲散一聲鐘方丈留題處青來華頂峰

金地銀地嶺

智顗就定光金銀分彼已詎謂沙門空着眼俱在此隆
樓與杰閣紺碧凌霄起不知何功德塗疊民膏髓煥爛

衆道場興滅雲烟裏安得返耕桑原巘廬生齒清景亦
有初翠涌佳山水

高寮讀書堂

在寮嶺下寮嶺
子改爲高嶺

徘徊古嶺下想像幽人居巖谷翠縈帶竹樹青扶疎清
閨緬書堂晃朗開僧廬曦影動蘿蔓風響傳鐘魚沙鷺
獨拳足野雀羣將雛今情古與契人貌天爲徒烟霞負
痼癖山澤栖臞儒東睇臨海嶠渺瀰懷高湖

國清寺

鳥下山光裏人行塔影中巖花明貝葉溪水雜松風龍
象蹲丹嶂樓臺入碧空猶存寒拾鏤鐵繡饌堂東

赤城

續集卷三

十

清溪南去路絳氣滿天橫日出明暘谷霞飛落赤城春
光映台嶠曉色落蓬瀛欲借颺車駕飄飄上玉京

崇道觀

入雲飛觀在蟬脫久超然應名誰能悔辭歸便是仙懸
知上征日只似坐忘年閱徧丹臺跡惟君最覺賢

黃巖

潮生夜半湧江波飛挂風帆拂曉過溪送王猷移雪樞
嶺迎謝客踏烟蘿繡屏別把青山展銅鏡還將海月磨
此地先公曾却聘白雲終古抱巖阿

路橋

雲開萬里喜新晴興已過飛到太平雪後鴻歸參曉跡

溪邊鷗泛和春聲杯如手向良朋把杖似肩扶健僕行
一夜潺湲路橋水響過枕畔夢難成

重訪予齋於平泉學解二首

一杖橫衝萬石堆黃岩已過客心開猶餘衣上澌澌雨
乍破階前寸寸苔江月暗教元夕度春風先報故人來

十年塵事渾如夢省對明燈把此杯
物外閒身未放愁宵分情話那能休賢愚有子皆爲累
行止如雲本是浮我自無才空作達君今知命復何憂
名山勝事從茲始乘興遊爲雁蕩遊

依韻奉酬葉惺齋士亮

芒屨竹杖喜閒行到處惟稱獨往生偶向溪山逢妙契

續集卷三

七

偏於鷗鷺訂清盟新詩劇賞親兄弟溫語全輸古性情
還叩吟壇諸舊雨玉川才調最縱橫時薦盧敬甫入其幕府

明因寺

數弓地闢古禪堂說法偏臨講武場舌底鋒翻霹靂
耳邊鐸響振鐺琅老僧選佛元寥落過客明因亦渺茫
他日重來尋舊跡去來今省墨花香

梅花菴奉懷亡友徐括菴元肅呈予齋

續至留題亦宿因碧紗不罩壁間塵一甌苦茗含新翠
幾樹寒梅識故人雪爪全拋行處跡霜髭同惜老年身
青蓮化去成前劫初地空憐皓月輪

卽事三首和予齋韻

子車我自徒年事不同格我如飛來鴻雪上留爪跡
只今我猶健不妨傍車趨但恐老將至亦復不能徒
緬想越人盟古道心相扶底須論車笠往遊山水區

惺齋延敬甫入幕和予齋韻

新曲誰知溼燥絃焦桐鼓罷尚鏗然牙生恰作鍾期客
流水冷冷入甬川

江下和予齋韻

春雲弄色半晴陰黃鳥當風送好音千老松排高嶺上
一圓峯涌大江心行看雁蕩珠簾水吟望梅溪子墨林
君自監與我蠟屐喜從塵外共追尋

姆坑

續集卷三

七

村落清幽是姆坑茅簷沽酒滌杯鐺絲絲溪柳迎人舞
磔磔沙禽背客鳴流過一泓春水綠削成千疊雪峯明
紗巾草履無拘束僮僕相將自在行

湖霧和予齋韻

澹沲一湖水冷浸蒼山根昇來絕溟氣羈此遠人村霏
霏霽日淡暎暎春樹昏張超散市影謝公聯屐痕過消
海蜃吐欲與江鷗言沙礫鱗釣艇汨汨澄波翻

水漲

水漲何洶湧羣乘竹筏行直下奔龍迅遠汎浮鷗輕橈
石青磊磊衝波皓盈盈篙工態容與估客心屏營須臾
上圻岸杳渺疑蓬瀛有纓不一濯孤負滄浪清

老僧巖和子齋韻

老僧昧夏臘終古雁山口露頂雪月寒藉袈裟薛厚吮
然住着踪孤寂安禪數遠離宴坐亭失借記前友道場
屏雨花杖錫拋靈壽後漢佛始通先秦僧未有品物形
雜流洪鈞理難剖圓相袒半肩恐此亦其偶

石梁洞

天台一梁竦雪瀑飛碎句此挂臥龍尾結作垂虹形枵
然闢巨洞屹若撐虛庭天光壁罅漏石氣衣襟青初登
跡緬邈久息神和平物象失羣有聞見餘孤清轉尋谷
口寺窈坐風中亭却睇古崑崙白雲爲闕局

謝公嶺

續集卷三

三

玉磴滑春苔青猿導行客盤盤古雲梯登登新蠟屐佳
境以漸臻解人自淡索石虹北礪垂天闕西峰闢孤鹿
飲凹清連雁下層碧幽蹊忽砥平細草紛茵積懸蘿半
壁青倒景千岳亦貪遊失靈山却迴謝公跡

寶冠巖和子齋韻

一踰謝公嶺峰巒難悉數珠旒燦麻絨羽葆攢巖阻裊
裊三素雲垂垂五雜組聚鵠緬懲衛沐猴還請楚漉酒
怨醉人切雲渺愁予彈莫因王陽誤實嗟杜甫珥貂任
熒煌戴簪自輕舉不蘄蠹惠文端合挂神武相將寶冠
品往踏青蓮宇

有寶冠寺基

含珠巖和子齋韻

媧皇補天餘一團置穹壁翹首白雲飛照眼清暉滌晨

闕從崑崙神珠懸的的貝官詎能胎驪領知難摘結體
負青冥含輝映彩霓靈巖湧夜光嵌空不崩若

初月洞

彎環挂初月長在洞門前春尚明殘雪寒寧墮曉烟靈
犀虛遠望顧免自高懸皓魄隨行子離家已再圓

雙筍峰和子齋韻

一石竒堯成一嶽雙峰爭長上聲海天角天公戲運巨靈
斧凌空削作雙筍卓家生扶竹錢江邊一節一目枝柯
駢不知原是此靈種龍孫出地擎雲烟

靈峰寺和子齋韻

續集卷三

古

春空縹緲雲無心隨我直度清溪陰盤旋缺磴越洞壑
林中鏗吼蒲牢音逸老盧仝聯馬異結交山水含真意
山靈亦是我心朋特地逢迎放新翠石淙環帶鳴春泉
窈黑恐有潭龍眠潭邊翠石望三秀綺園賡和靈芝篇
蠟屐超遙恣游歷曠觀一洗塵寰感川岳滿眼未寒盟
輪囷肝膽交披瀝土花踏破青豆房漸漸白雨噴天漿
仙源不辨在何處飛空灑落千丈強倒傾葫蘆催酩酊
醉裏溪山仍管領詩題醉語語尤顛意氣昂藏勝清醒
幾行綴在碧霄傍遊踪萬古留清光蠕蠕壤蟲都異趣
未須知我兩人狂

幽栖洞歌呈子齋

并序

舊名羅漢洞高朗秀潔足稱幽栖寺僧塑五百應真在其中失名山本來之清妙矣予更名幽栖作歌呈予

齋邀和

幽栖洞洞在靈峰古寺後危梯斜倚上重霄天然石室開翠阜巖頭梅雨從何來真源滴瀉清瀏白雲終古愛名山經年不肯出洞口鑿空架棟神所爲夜夜虛簷挂星斗周遭峭壁絕浮埃任積青苔不須帚嵌巉切漢起岑樓石紋細緻如瓊玖夏涼冬燠百具宜清吟隨意傾杯酒僧徒果欲此安禪乞氣與跣趺潛戶牖應真五百何爲者擾擾生憎落窠臼重爲崑洞肇嘉名一日幽栖亦我有况謀崑下關新畬相約耦耕邀我友幽栖來

續集卷三

五

者更爲誰試問應真得占否

和予齋羅漢寺韻

并序

原唱序云洞爲天下公物羅漢誠不得占而有也洞名改之也宜寺于羅漢爲應有且以飛來羅漢得名故仍之是名羅漢寺不名羅漢寺作詩邀和予笑曰此以馬喻馬之非馬也敬步高韻

太初積塊肖物象老僧童子羅重崑崙頭羅漢縱形似飛來乃是無稽談摩騰初攜幾貝葉文人蔓演堆千函晉時沙門唱名理老莊途轍粗能諳後來空說掃文字機鋒鬪取結習耽鄙哉罪福廣誘脅梵筵亦復拋連龕大舶富商幽閨女輸金輦貝脫釧簪佛樓千尺架崑壑

丹碧瓊瑤輝霞嵐相輪高壘窳堵波妙香四散優鉢曇鐘鏡沸天作法會金幢寶蓋流蘇參愚民命孃缺奉養飯僧絡繹來精藍農一何堪食粟六更驂鸞鶴毛毳毵我觀異教痛至骨肯教尋味論酸甜却憐翠滴東西嶺連山古樹攢杉楠石房著書可終老羊裘鄰接幽徑三

靈異亭和予齋韻

曠望收靈異溪心湧此亭春光滿巖壑天地一時青

幙頭巖和予齋韻

管寧帶早帽不爲石大中海天幙頭在應規紫髯公

照膽潭和予齋韻

徹底清無似寒瀟玉澗涯先生試就照詩瞻類劉义

續集卷三

六

果盒巖和予齋韻

此間存一盒欲遣巨靈開碩果留天地陽和自此迴

利牙峰和予齋韻

坎坎伐檀者河干迴不逢吾生恥苟食冷對利牙峰

靈芝篇題靈芝峰同予齋作

煌煌靈芝仙人所遺迎風化石金光陸離手鐵如意欲折瓊枝煮以銅鼎飽我朝飢復恐山靈寶愛華蕤留待綺角撫翫娛娛

波甫續集卷三終

駿甫續集卷四

錢唐桑調元

平東
中興
待對
中興

古今體詩

南碧霄洞歌呈子齋

衍豁一洞凌崑崙五老面對巖之坳白雲晴開手相招
碧潭弄日珠紛跳篆文斷畫如卦繇雨苔蝕綠明鏤雕
開元去今世代遙肇始架構開僧寮曰夏啟伯字不銷
紛紛題名異題橋建音喜入空虛逃我亦數行志所遭
鐵筇一根萬緣拋狂拉一老歌且謠句非謝朓亦足豪
正須問天首頻搔前過五季兼六朝後有萬載來滔滔
我生其間牛一毛事業未得參夔臯朱紱特爲山靈操

續集卷四

靈溪澹澹靈山高聊爾放志雲中遨逍遙宇宙歸吾曹
大鵬負天搏扶搖鸞鳩控地飛蓬蒿各有自得非同條
要異飢餓人間饕子遊物外辭纏繚君亦小飲解客嘲
盈頭白髮不須薊酣呼續續傾春醪朝登南碧霄暮登
北碧霄中跨一洞穿飛濤洞山何處非我室隨意繩牀
淹幾宵

北碧霄洞歌呈子齋

嵌空巖穴烟雲穿誰居無事初雕鐫北洞比南尤怪特
一痕石罅裂到天有如北溟起鵬翼未搏羊角空中懸
又如蟠木出東海柯榦扶立根株駢一峰小蠹倒拔地
內却有路升危巔路盡呀然牖戶闢佛樓架石長牢堅

當時我欲築吟舍中央突起波回旋周遭鴨綠俗塵斷
檻前惟繼元真船此計坐令眇芒墮忽見寧繆神悄然
意似上巢非木處草榻頗得靜者便偏提尚貯黃醪子
醒時吟唱醉即眠覺來近聽玉杵響一輪皓月當窗圓
子不用挹浮邱袂我不用拍洪崖肩放情已勝丹臺仙
况復雲嵐四繞匝靈巖萬景爲我妍徑須留此終餘年
妙處莫遣人間傳

碧霄洞上夜窗書所見呈子齋

碧霄洞尖雲作頂穹樓架石度絕境蟾輪碾入春空寒
下照淨淨千百影初平白羊莽成陣突破連羣野豬逞
山雞竹兔從空飛歷亂俄驚鹿走町須臾倒浪涌野牛

續集卷四

二

駝駝橫逐駒駝駝猱猱狙狙獵古鬚鬚點負背看戲抱頸
腥風動地白額號猱犬如星兩坑穿羣狼圍合恣跳梁
闖開一象神威猛恢奇形狀莫能名獨角駢鬃鬃趾脰
最後神熊背嶺蹲項領差戔神氣靜百獸潛伏踞塵沙
有如輯瑞朝五等凝然良久若山迴萬隊雲奔散溪嶺
披裘忍凍悄窺覘蠟炬如椽不敢秉金睛燦燦射樓窗
陡覺森寒心魄警神靈呵護帖尾旋天西已墮白銀餅
凌晨下洞諦追尋跡跡參錯魂猶憬

子齋以碧霄花雨四字題碧霄洞屬子捉筆
有作見示奉酬高韻

石窗曉拓晴空爽此間不可無銀榜碧霄花雨詎續紛

咳唾如珠誠足賞洞躋絕頂亦可盧置身直在千仞餘
兩鴻雪上印此跡長者留題居士書

照屏巖和子齋韻

靈峰開方丈對面列一屏泥金貝葉字字照來青

五老峰和子齋韻

桑戶誰爲友莫逆惟子來雲中五老立耦俱亦無猜

三賢謫離立相顧襟情好兩人往而參亦可作五老

前列五老峰此架五老臺五老相對飲一杯復一杯

風洞和子齋韻

噫氣中鬱塞蓬蓬出洞口橐籥操巨靈鼓動夫何有

白雨峰和子齋韻

飛流落千丈匯作白雨潭我欲手挽潭下水一洗疊嶂

千晴嵐

鬪雞矜爪嘴悄立在層岑終朝峙而待未肯化雄心

鸚哥峰和子齋韻

萬疊好溪山安穩栖亦足慎弗矜誇巧語言翩然飛去

靈巖曲誤他處士殺其身文彩何須艷人目

將軍巖和子齋韻

諸峰列部伍信足張吾軍戎經昭老將卓立識風雲

五馬勢雜沓中有權奇材可是南奔日浮渡烟江來

眞際寺和子齋韻

夕陽映古寺宴坐山欲暝惟聞水西風吹度鄰寺磬

淨名寺和子齋韻

招提標廿四此處最知名蓮漏由來滴星橋永不傾

鷹峰和子齋韻

石鷹立峰頂有嘴如鋼鉤春雁歸自衡陽浦經過西谷

續集卷四

紛回頭自聽說法一切平等視更不分別焦明與休留
那肯搏擊破殺戒一任下界惡鳥橫喧啾
與子策杖凌巖烟梯磴下土欣駢肩一岳白頭出重元
無情之物動人憐少必有老理固然我今霜雪亦盈顛
下壽已勝顏子淵溪山到處恣盤旋願喫飽飯拋纏牽
醉吟同盡乎天年
展旗峰
蜚弧周麾神揚揚詩成拔取百雉強齊盟李杜昔狎王
展旗誰敢抗顏行一從帝召歸天閭委棄在此虛開張
贈靈巖僧妙聞
靈巖妙聞僧中稀蛇咬不死形模奇黑夜蜿蜒甘其肌

毒氣饒餽騰蒸炊定力忍痛不哀嘶越七十日瘳左肢
肱然病樹脫朽枝稜層古貌如枯龜貌枯神腴壽踰者
廢寺瓦礫堆階基崑崙嵌空無闕扉傍虛侍者絕因依
百事直以隻手爲喜見客至顏和怡舊儲玉杭倒瓶緘
俄頃具饌飽客飢火煨出啖白芋魁跡類癩殘意却非
十年宰相輕塵灰渠不溷吾吾不斬天聰呀洞導之窺
踏雲升頂凌峯拂晨禮佛光熹微木魚琅琅出烟霏
客睡徐起牀射曦瓦鐺粥香滑流匙謂客石房愛幽棲
青精黃獨綠蕨薇口糧終年不須齋語言真實拋禪機
彼教業白其庶幾有杖者錫紫厥衣侈擁鐘板鳩闍黎
隆樓盡空金碧輝大饒飯衆千石糜生民之蝗集且飛

續集卷四

五

我懷短策不得施誰遣總髮加冠綬散編民伍驅耕耔
盡使淳俗還黃義頭陀操行苦若斯食力已具衣鉢貲
惜哉生不逢孔姬岸然頭骨空疑岐傳去聲高僧爲作此
詩

大筆峰

盡空大筆何熒煌赤石照耀五彩揚巖廊縱令詫燕許
未一李杜尤雄強李杜文章光焰長韓亦撲筆歌慨慷
三賢入手橫去聲揮洒乾端坤倪俱軒昂邇後拋擲碧霄
下寂寥終古天蒼茫

卓筆峰呈于齋

碧霄洞口撫大筆一枝復卓靈巖前是處雕章綯五色

屏霞障壁金光箋吾兄才畧涵溟渤潤色乾坤仗揮發
斂却天屏盤詰才只教批抹閒風月

天聰洞和于齋韻

洞房轉側不十笏勃窣由來作理窟此疑渾沌帝中央
鑿破天聰勞倏忽我抱龍肩向此彈正聲猶在文王沒
罷琴悵望時代遙起問青天古時月

屏霞障

金輪湧海底飛出扶桑上朱暉千萬道直射屏霞障屏
間綵綯赤城標天光海色紛動搖何人抽取岳前筆題
罷遠駕三山椒

聽詩叟呈于齋

續集卷四

六

平生性癖耽苦吟舉世無人作賞音豈無咨嗟漫相許
別調至竟非同心慕地聽詩逢此叟千古鍾期詎常有
山水冷泠續繪圖子齋之尊人亭騰先生與沈似笠先
生相契嘗繪高山流水圖予與于齋
繪之獨抱焦桐向我友

龍龜水

神龜蜿蜒歸洞窟尺木衝山勢超忽蒼鱗照日開金光
恐復騰空去溟渤屏霞障上胡髭然鼻中冷滴珍珠泉
傳聞前此眼如鏡好燭細字消殘年

小龍湫和于齋韻

諸溪匯流奔下嶺勢束重崑不得騁怒濤盡力破雄關
萬馬齊奔一何猛遠望惟看疋練懸誰識砰厓射倒景

風塵論士只皮相奇才乃與常人等噴落龍涎更激飛
壯氣未平猶耿耿雪片拋空三百丈峭壁橫衝朱夏冷
日暄亭午汗沾裘一到秋潭醉眼醒屈君喚作小龍湫
未觀其大心神警

僧拜石和子齋韻

緇流忘清課倒牀未及昏此石肖圓頂膜拜學沙門沙
門雖異教凌替不可言孤雲窺色相獨倚蒼山根

臥龍溪

巖湧出靈巖逶迤沿龍溪圓石走明月春冰渙玻璃回
颺度激激細草繁萋萋亂流鹿涉淺破靄禽飛低白髮
照如鏡赤足蹋無泥經邱汭猶遠入寺行不迷威紆徑

續集卷四

七

往復洄洑潭東西寒裳自可揭竹杖勞扶攜

相逢行山中贈所知時性齋越境遊雁蕩故匿其名

峴嶽白道縈修蛇巒洞疊石排谿衍犬雞寂靜樵跡罕
崇岡遺火燒荒禽攀捫絕壁薛被肘草屨歷落黏輕沙
松坳歇足放青眼此間熟識惟烟霞斷無建音出朋舊
杳然邂逅手對叉夫君奇絕雲中下招呼驚散攢林鴉
琬琤玉佩近攬結愛我籜笠從風斜苔茵厚鋪歛坐輭
溪聲山響攪笑譁陰厓凍餘古冰雪千尋老樹寒槎枒
物外高談動岳谷春生萬象皆萌芽怪梅張王橫鐵幹
頃刻玉迸連天花僕夫看挹浮邱袂韻事擬向人間誇
山靈發攄暄景色喜意騰躍俚賸層阿石銚然槁竹

木瓢香汎仙崑茶雲嵐四面孰主客吟窩拚作騷人家
冥搜結習破廉讓一囊括取風光賒傳聞三月浮煖翠
漫天躑躅紅交加賞心濤湧靈崑谷鬚鬚不用耘霜華
縹緲分襟渡澗去赤脚徑踏流泉窪清緣不盡飄忽意
彷彿軋軋回雲車

馬鞍嶺

初經馬鞍上杖策未從容樵客林中返行人嶺畔逢油
雲入西谷酥雨洒東風正苦石頭滑一聲何處鐘

能仁寺和子齋韻

遊行投古寺挂策倍加閒薛荔牆邊雨芙蓉寺裏山春
遊開耳目夕話洽心顏明看龍湫去清緣尚未慳

續集卷四

八

和子齋能仁寺後有破浴鑊一橫鑄捨嘉福院
無碍浴室中九字韻

浴鑊鑄費千斤鐵工匠齊扇洪爐火當時誰捨嘉福院
似注溫泉本萬妥萬物有成必有壞塵垢空憐壤蟲羸
有湯卽浴無卽休我意無可無不可

和子齋燕尾潭韻

從來飛湍倒壑勢磅礴砢砢厓轉石驚雷聞龍騰九天灑
急雨虹亘一徑穿重雲寧能尾涎涎分學燕燕漫邀公
子時相見

天柱峰

項領標龜鐵奔騰盡向東溟濛消雨脚兀突峙晴空翠

滴龍湫上青過雁蕩中連山渾不斷許爾獨稱雄

瑞鹿寺

古寺僧皆去空階客共臨危峰當瑞鹿秀木下春禽坐對荒涼色留聽寂寞音風流成二老來往亦無心

錦溪

錦溪清且湜公河四五里淡沲鹿峰烟噴薄龍湫水湔飛渡海鶴撇去騰空鯉細沫簾谷飄奔龍鐵城起風激揮連珠霞明散端綺眼喜瑩沙屑足畏嚙石齒沂入忘歸亭春湍綠瀾瀾

鐵城

靈境開門戶連峰削不成真看標鐵幟不忝號金城衛

續集卷四

九

護龍湫在周遭雉堞橫以茲為保障千載永無傾

水簾谷和子齋韻

龍湫倒噴千尋瀑日月蕩搖星漢覆輕盈却看挂累恩娟妙天成水簾谷

宴坐亭和子齋韻

龍湫響震昆陽瓦傳聞宴坐石壁下詎那化去亭亦傾人間誰是長年者

大龍湫歌呈子齋

大聲砰礧天上來靈湫倒壑長喧阗摧林壁石響不絕鐵城內轉崩山雷下擊淵潭宵莫測撇漩陡翻香象力當心石檻一條橫怒撼靈胥衝偏仄喊聲四合鳴硃磴

噫氣難洩巨谷中飛湍阻遏不得下三千組練屯虛空良久無聲息水府突驚霹靂驅凍雨九天鉦鼓下將軍齊彎神臂開銅弩踰踰疾走莫遁迹淋漓巾袂濡頭尻回顧神龍入大海一氣浩浩奔回濤回濤震蕩龍伯國島嶼搖空態惶惑火毬焰焰絢金光倒景交羅萬種色大名三疊傳匡廬匡廬噴薄得似無彼激跳珠荷賞識滔滔車馬來通都嗟汝韜藏西內谷只遣山翁看不足謝公落屐不汝知未遇卞和空抱玉豈知後出褒瀛聞氣吐白虹跨重雲雁山藉汝長聲價雪波四散徒紛紛獨在人間成壯觀妙處未容眾口讚山靈終古嘿無言我坐對之發三歎

續集卷四

十

行道廊

白石凌虛削崑岡闢幽蹊行道平若砥不雨淨無泥艷思絕響屨清境邀扶藜踏蘚過野鹿穿雲飛山雞危峰藉猿引穿徑無人擠屐堪謝公落谷容子真栖曲盤入雲路高躡升天梯香岳聳菡萏綠房吾得躋

白雲菴

高僧勞結草二老喜盤遊眸注石門外面臨天柱頭虎參西谷跡龍坡上巖湫可惜遂初老謂潘稼堂行踪曾不留

天棺巖

披榛尋古道直到萬山巔鳩杖遙臨海人棺久上天淩凹綠春草絕頂繡平田歎息神仙葬金丹詎永年

石城嶂

崑崙霞城嶂石城在其側相爭不相下各自君其國

上龍湫歌呈子齋

上龍湫龍湫槃礴居上游地形僻險誰冥搜我觀小湫大湫眼已飽更見上湫直上噴未休上湫溢出爲鴻溝石檻橫截當中流訇轟激越數百丈倒落巖下有若巨鼇戴山湧出蓬萊洲大湫終古駭人目只分上湫一派穿崑崙瀛海之外更有大九州世人祇見杯中一溜波浮浮此亦何殊芥汎坳堂舟上龍湫湫出詎那宴坐亭之上洪濤春天倍激宕直上登巖眺海浪大龍湫苦隘而妨詎若上龍湫懸空自奔放我今與子憑臨拄鐵杖

續集卷四

七

憑高俱作氣出唱滄海消恣騁望吾生有涯隨化盡底用臨風嘿惆悵俯視大小湫鼉鼉並退讓上龍湫是丈人行上龍湫晝夜奔騰勢不已天地有元機回旋可睹矣子在川上有微言吾心安得常如此

石碑巖呈子齋

石碑立千丈視之一字無山靈待君來大作蚪斗書君言前賢擅述作卷軸奚翅萬萬餘過此斂手去不見藻彩輪祖龍上太岱隨從斯邈徒日觀峰頭蹲片石大篆小篆無鐫摹矧我才力薄詎敢操奇觚謂我高興狂歌呼喻糜數斗虎僕濡天荒乍遣破大文從之舒我聞此言却悚立側睨躑躅蒼山隅剩此貞珉還天地渾樸風

氣追皇初白雲藹藹出洞壑一片無心飛太虛

樹巖和子齋韻

樹巖在地成元形千尋黛色參天青蕭相已成未央殿不敢購此營閒庭東南參錯吼天柱霄崢獨留盤古樹倘使雲際捧銅盤不必金莖可承露

雁蕩歌呈子齋

遊人遊雁蕩誰見雁蕩還我行悉力窮躋攀初從石門入蹴踏亂石嗟巉崑步步披灌莽遠造絕崑間絕崑著足無處所猱騰滑墜難資緣僕隸泥吾行躑躅愁空山當先賈勇氣銳隨行躍起衝險艱斷藤缺石辨舊跡大呼有徑堪升天爬沙手並脚乘凌趾壓肩是時二老

續集卷四

七

遺生死伯昏瞀人立層巔從者引至囊沙背水陣死心猛赴踵不旋平沉兮塔寺橫塞兮天棺荒林寂兮只飛鳥春水淡兮不生烟潭龍氣蚺山羊跡闕駢旣踰峭壁忽值平田喜雲開兮見日類羽化而登仙雁蕩之水清且寒中有香草紛眠芊羣雁噤啞衝波洄漩呼儔挾子春風前乍決起于霄漢復下戲于潭淵飛鳥飲啄天機全有生恣曠蕩君然我亦然起覽四維周八埏羣仙距咫尺相望蓬萊邊顏衰不希紫金丹應盡便須盡大笑拋塵寰亦不希稱述乎後賢登臨發歌嘯適興桑榆年高名底須千秋傳嗚呼高名底須千秋傳

別子齋和見送韻二首

聯節對榻話情親最喜龍湫洗俗塵歷歷溪山青入眼
蒼蒼嶺鶴老如人雲天白擁靈峰雪江隴青迴大麥名地

春佳處潛教歸思動杯行入手忍逡巡

已分平生尾曳龜江鷗泛泛並忘飢名山只許心長往
良會那堪影遽離春徑常繁書帶草雨林頻喚鶉鴉兒
懽騰醉看雙蓬鬢雪滿河梁欲別時

予齋送子至樓巒復有贈別之作和韻奉酬

一步回頭一步顧恨不在此終年留却憶龍湫雁蕩好
風景清緣只許連旬遊天涯斗酒坐曲室再來把盞知
何日海宇豈無舊朋好未盡知心空接膝自君落拓平
泉居夢中還往無時無正似今宵醉樓巒醒時別去形

續集卷四

圭

仍孤當日淵路聞處贈只今爾我皆安命浮生榮悴天
使然祇有清狂堪適性粗營茅舍在花南門前五柳搖
穆穆閉門白日寡所向遲君語笑停歸驂少壯幾時無
那老最痛萊妻恒化早撈蝦飼鴨任兒曹鶴洲別墅幽
居好破屋僅剩叢殘書可堪負郭無新畬故人束髮共
研席渠自豪煥張門間纍纍衆諸喪家狗徒倚風塵空
白首丈夫立志寶孤清衆人濁濁終看醜酣餘睡起日
三竿布衾多年似鐵寒管寧寂寞戴皂帽我知羞殺曹
子桓石房木榻永今夜柴車難更全君駕一別千秋思
魏文謂徐題太真出浴圖

題太真出浴圖

春寒霰雪下驪山香泛飛泉煖玉環纔說九龍呵護在
便傳湯殿澀金鑲

題墨竹二截句

千尺新梢掃暮雲檀欒似向剡溪分王猷到處清緣在
寄宅經旬對此君

雪盡叢篁翠色滋春波浮動綠差差扁舟不作西軒夢
筆法渾參魯得之字子西軒有魯得

長至日分巡寧紹台道葉惺齋使君

士寬

以餘

山粹學四字匾額上餘山先生

書餘姚布衣

麟

祠堂禮成謹作長歌二百韻紀之

魯日一晴餘千齡太極岳邊開重暝靜掃天氣出考亭

續集卷四

古

二儀氣運時昭冥書城作霧緣利名雜誦匪地各有營
餘山先生生東溟十七始學惟躬耕時罕人師師遺經
獨尋古道行嫫嫫廿四有聞開靈局踵追所見升階庭
徐入交與神和平養吾浩然還太清上助辰曜舒光晶
下被草木滋華英竭來三紀升新航於昭耿耿留元精
乾隆初元闢文明孝感涂公椽筆攀故大司空遠慕布
衣表荒塋四字屹壓千言銘題曰潛煜驚鬼神竄狐魅
故里更揭碑崢嶸嗟歎足駐行人行丙寅辜月雲物呈
日方南至一陽生小往大來噓泰亨惺齋使君道合并
鬆匾丈六輝珠瓊巨手題出顏祠楹形模鬱律氣魄爭
驅虎鼎巖昂鬚鯨芒燄騰騰出棟囊餘山粹學熙日星

銀榜不懸灝氣橫銀榜一懸光彪弼小子昭告哀寸誠
先期齋宿潔紳纓清江載至浩揚舫沿緣沙堰躬祇迎
嗶嗶道路鳴鈺樂備雅奏導眾伶遠近觀者穿林坳
佇立邱塍隔溪阮從者雲填衡陌桁小大肅肅無譁聲
勞家垓口暖杉檀古樹龍慈蟠廟頌中央懸升正不傾
攻金之工奉鈞釘天空日皎聞登丁仰瞻梁栢鬱嶺嶸
清醕既獻亦和羹登降几筵奠尊釧將以明德肅惟馨
祝辭琅琅神為聽曰後學某欽先型闡幽用攄仰止情
拜俯灌卣藉香簋朱絃侑送告禮成曰猶未睹六合晴
纖雲卷盡帡幪高青廟壩人散通川萍白頭起語眾耳聆
當日講壇開草廳村無機阱捐置紐芻兒田父近二賢

續集卷四

圭

恂恂揖讓無鬻爭閨娃端正姿幽貞恥貼珠鈿矜娉婷
亦有拜識繇童嬰高顙廣額追儀型却憶遺言泣欲零
餘未得面中忤忤視不歆邪睨目睛其畢棄咎脫腥
彼何人斯志肥輕氣高南山膺世榮歌鐘華屋聲鏗鏗
二八迭舞漁婆娛夜氣未泯顏一頰疾馳賓驛合侯鯖
自許豪俠破拘囹千觥洪飲傾淙醺典酣耳熱搗阮爭
名教自樂回狂醒吁需衣相撩撿咿唔乾死案頭螢
終年蹭蹬居愁城慨然聞風愧紫勞神淹博誇識颺
四庫七畧歸品評可四三都三兩京鼓吹藝苑和鏞笙
中何所得仍龔盲惜哉賢智徒聽熒望而知悔寐乍醒
使君吾道一宗盟此舉聲教驅風霆便令多士遵夷庚

雍容步趨節璜珩中吐春苗莠菁菁大昌絕學鉅鄙萌
人志孔孟家朱程肇浙東西周八閎佐佑文治為國植
圖書再負龜龍靈璇霄千仞翺祥鵬郊椒遊麟錦斑駁
餘千大儒老柴荆配食兩廡飲醴牲居業一編映曦橋
切實知以布衣配享兩廡服其議論宏偉高言萬古軋霄
岬匹夫足師規模宏先生後起亦天氓操履確實何觥
航崇卑輿蓋勞扶撐自作不朽立寢瀛垂光底用仗史
宸從之一叩大小鳴太元潛虛弄墨兵陣遇堂堂拋轡
朝皇極經世如藍瑛或警瑕類非精瑩須友齋頭手不
停名須友齋說卦窮象包該絃細研蟲豸及蟪蛄百卷磊
落藏箱簾大文昭晦隨黔羸百世以俟無虧盈一葵苦

續集卷四

共

節儀娉姬先生子婦童氏為同志友憲文先生之女年十八而寡無子守志雅正二年海嘯氏夫棺以歲縛草索縱橫千百道漂去得不散遠尋歸葬之出今已得旌前銘守杜使君表其閭曰索綯奇節
自儒門來鹿駢入為操磴出汲瓶早歲髮挽青髻聲奇
災海嘯不可榮夫棺索綯纏縮衝衝波尋歸葬松坪懷
無菀孤衣繡綳老樹溪毛薦宗祏眾請旌褒下彤廷
有門弟子塵俗摶虛教承學心骨驚憶逢驛亭棹長冷
寒侍函丈飛玉雲蒲牢萬石吼嘈啾輕求發音撞以廷
大聲震耳昏惺惺一自騎箕訣上征慙我童駿遠伶行
雅子獨行萬里程我安得放心後數夢先生教督步履
感魂夢千丁寧迄今頭髮霜幾莖坐省愆尤增惶怔汗
背有若攢飛蟲躑躅世途逐羈僇清渭倏忽汚濁涇我

顏忸怩執磬磬行藏詎須卜楚筵菲薄不敢偷鼎烹
歸巖壑侶麋麋簷前青蟲挂書棚飢腸雷鳴且吟賡
王刪述難客卿手攬光怪搏哮獐娛嬉到老絃不更愛
梯雲巘航烟汀烏藤一枝踏鈴嶼谷音豈謂偕韶韻江
山佳景助淙琤淋漓草書宛翠屏玩物喪志懲與倖環
緬春秋催蟋蟀遺書矢欲親短檠了非圖識談機頑不
愁雷電下六丁一蠡只可量坳茫茫向若驚洄潌終
焉沂此窺涵淳忍更虛閱瑤階賞人未聞道如禽猩雕
詞亦屬隴山鸚大年縱使齊明彭滅若風前韻流鈴今
朝藏事心振振步歸茅屋月瓏玲靜思痛淚溢爲榮半
生對弈存空枰納僮翻局敲鏗錚此著再差徒貽瞠精

續集卷四

七

光礪淬新發硎作詩絨竒如椒橙倘呼左右芼金鐙草
堂之盧吾所兄存心在使君幕府于先生稱私淑門人結佩自小紉蘭蓀
友生大誼感鳴嚶老去願作還喬鶯使君故自冲天翎
爾我慎勿全羸蛤共須擔荷雪嘲轟聞闔日鑒回雲旌

古今體詩

錢唐桑調元

荅友人送遊洞庭韻

一旬萍偶聚又散范湖濱鶴影衝烟出鴻聲帶雨分
疑刻溪雪身入洞庭雲明日夢相憶空波無垢氛

洞庭觀打魚歌

南潯蓴食初揚舲風帆倏下東洞庭嘉平瑄候集商販
魚蠻市開東西涇豐圻湍縮灘枝出釣簾遂樹牢關局
水村聯絡過胥口漁舫鳩列千蜻蛉長繩繫網截深播
助搗鼉鼓鳴丁寧彷彿旆龜轟水犀戰波翻圍合晝晦冥

續集卷五

一

長篙排突短叉挺貝官撇漩環拘囹老蛟騰脫豫且手
昨夕怒徒通精靈羣魚聚泣枉撥刺飄騷湖背盲風腥
亦有怪物誤失宕沙潭偃蹇呿回汀漸漸昏雨珠霧墮
萬頃外聒飛驚霆莫釐釐峰插具區底濤花雪捲脩螺青
嵯峨衆觚盡高屋鴻網一舉譁建瓴大魚小魚量滿斗
填倉散倒輕奇零烟波浦澈春分背季娃把櫓爭娉婷
離徙尾鬣等疏賤霜刀霍霍新磨劓船頭斫鱸船尾煮
鱖傍茅店沽湘醺獨客乘凌逐清景橘洲浩渺浮單萍
金庭咫尺漫栖泊霽魄圓寫沈珪形老除毫氣面蒼碧
要觀萬象涵泓渟巨鼇等閒已罷釣肯志鱣鱣收笊簪
儻勞蜿蜒夾負艇信意騎去遨東溟

林屋洞歌

左神林谷誠幽虛洞天第九書道書欲窮崑崙發元秘
滴瀝瓊髓冠巾濡呀然三門崑崙窅雨賜氣寶殊呵噓
宵樓嵌空誰架鑿鴻濛包裏元黃初丰茸雪鮮肥威喜
食之不異羊鬚珠金沙的礫乳泉漢邃穴往往娛神魚
衝人蝙蝠掠屋窳朱曦倒射景未晡石扉旬開候未得
松明再熱無贏餘銀房玉柱空一到浚壇竊隔三脚躡
靈威素書亦散佚天地大文知何如却憩東窗楚而笑
琳札所記徒區區天錫龜書拱壁在鈿函持去祇砥砢
百年應盡便須盡神仙久視吾無須洞裏真官足膠擾
神禹不死非形軀峨眉羅浮縱步往焉用潛達穿崎嶇

續集卷五

二

此中却遺石牀枕佳硯淨几天然俱哦詩注易自吾事
差可援止終年居况有鐘鼓置壁牖縱弗考擊聊捫摸
丹臺挂名了不顧遑論腐鼠猜鷄雛寓言十九贅一嚇
南華醜縷良已麤濃苔一踏神景觀道士前攬青霞裾
莫向野夫問動靜行止隨分拋擲拘見真語云去洞庭
土寬
登縹緲峰放歌兼寄葉惺齋
欲雨不雨嵐靄重太湖連夕烟濛濛今朝曦景漏雲脚
催我直上縹緲之危峰薄醉初放琉璃鍾天風拂面餘
頰容攀厓踏谷詣絕頂祇挈一枝堅瘦隨身筇騰空放
眼欲大叫沆瀣齊州盡一眺身世萬慮都已遣伯昏瞀
人脚不掉洪濶陡壁紛盤繞紫氛垂光西照曜曉整雪

盡露鷹石山梅顧我忽而笑七十二峰雲錦張一峰包

在雲中央雲中獨立振薜裳四海無人知我狂毛公空
壇冷包公故山荒靈威丈人竊書去鴻雁歲暮天蒼茫
剎竿出林水月寺云是蕭梁年間長者布金地地環澄
泓三萬六千頃一片圓冰脫玷翳我當八窗蕩蕩排空
冥飽向乾坤吸清氣頓教冰雪入我腸高吟足了平生
事小青塢徑蛇屈盤淨域騰沸泉清寒石甃冷泠漱哀
玉銅瓶深吸喉不乾頭綱貢薜今已歇猶餘舊磴林中
安僧爐餉客一椀又一椀何必谷簾日注使我生清歡
隔岳仙韻流金鐸仙風飄空韻間作不斬仙子綽約迎
金堂取次瓊漿酌但斬籜徧千峰萬峰霞百年獨果名

續集卷五

三

山諾娑婆老樹不可攀姑與盤桓望寥廓吁嗟乎洞庭
巖岫青鬼鬼林屋古碑生綠苔我輩登臨迭相送昔人
履綦安在哉舉世奔波陸海不一回此間空疊烟巒堆
神仙才子尚劫灰却緣底事心顏摧因聲寄招陽明洞
邊客曷不拂衣歸去來

復登縹緲峰放歌懷盧敬甫疊前韻

好山登眺不厭重况燭霞彩萬道開溟濛參差巘羣
拱揖莫釐對面爭長攢東峰靈山盤礴地脈鍾曉雷草
樹含春容惜哉夫君隔海嶼不與飛躡萬仞分筇屨
谷槎枒老鶴叫蔚藍天冷清臚眺茫茫江海歲崢嶸
人頭並雲將掉洞庭波外滄溟繞當時十日紅爭曜陽

談愁燒海水枯桴弓落鳥成一笑國鄰龍伯釣具張六
鼇手掣未渠央蛟人為織冰綃裳日傍濛舟縱清狂駕
乘鯨鼉且快意白雲萬稜田俱荒却憂混沌已盡鑿要
補元氣回淳茫寓跡入寰路蕭寺雲窗霧閣臨無地湖
波倒映萬象清白銅鉅鏡磨塵翳官霍瀾淪蹙復舒濤
頭石脚融一氣坐閱鳥跡巖前書蝸區蠻觸渾閒事天
東昨挂爛銀盤石櫺清虛通廣寒松櫨參天雜橘柚丹
清渲染霜華乾時聞雞犬雲外落金牀未許栖劉安山
精木怪亦喜哦我句只有神官相顧顏不歡黃鐘中聲
應牛鐸軒樂飄淪久不作無礙泉噴帝臺漿懷人姑把
金罍酌盧敖若士不同遊踞龜誰與相唯諾長歌激越

續集卷五

四

震空林天地風雲一驅廓沈寥意氣仍磊崑峰峰衝破
太古苔斬削蒼藤憂精鐵拔地噴吼何有哉厓窮東轉
聊淹回墨花疊酒寒雲堆他年故人好事踵到絕壁下
雲裾爲我題字處處指浮灰更遣南頭丙洞老仙守莫
聽蟠霄雷雨橫崩摧哨然作嘯下嵌竇人去啾啾猿鳥
來

明月篇

夜寒潑水冰重衾僧龕不聞蓮漏音螺窗六扇亮于雪
開見寶珠一顆搖湖心寶珠圓明何處尋洞庭山高水
深深浮光豈限三萬六千頃山河大地一氣涵森沈無
意得之忽大叫樓臺激灩澄輝照驚起羣衲問寒暄獨

客無言惟一笑是時滄洲烟窈眇歸墟寥寂淪輿嶠湖
平萬籟息聲塵蜃氣龍腥跡如掃瓊輪皎皎凌高寒冰
花無際鋪清瀾長河盡沒深雲卷太虛混合波中間空
明一片周瀛寰靈景拋散三千年乾坤隔斷大槐坂豈
知此間夜夜當空懸山林杳冥海水漩想像子春殊渺
然成連尋之復不還金徽玉軫傳不得情移祇抱龍脣
眠霜華斜飛溼局牖屋椽低回插箕斗今宵湏洞掇清
光一掬金波不盈手

後明月篇

海山暮色來滄溟白光已見東溟上照人冷鑑望猶圓
天盤磊磊基疎朗靈區眞君合大還水猶凡汞山凡鉛

續集卷五

五

紅爐之雪月一點洲藪萬物皆飛仙太湖得月精光湧
老夫得月心神竦造化須成此段奇清輝不惜傾瀉洞
無聲忽復移瓊霄上方百里覘秋毫老蟾不死顧兔狡
水天混漾空迢迢三更倏歛鯨波漲蓬蓬怒起衝風壯
天旋海沸橫激宕海若天吳不相讓包山洞府屹吳根
擊碎空明飛駭浪此月本是驪龍珠羣龍戲攫鱗爪舒
掀波出沒擎空虛波光珠光散澶漫高空不動圓輪孤
沙外驚寒叫鷓鴣浪花如山苦崩幹夔夔罔兩映墟烟
東西微茫陂岸闊神禹昔定震澤湍終古皓魄餘荒寒
僧廚惜無酒一斛使我醉倒顏巾冠

神景觀夜起見湖中月是夜立春

不緣看錢臘歲序亦相忘醉墨浮春氣神丹發夜光星
迴天北極月墮水中央甫里江湖夢吟情未渺茫

縹緲行元日登山作

林屋東西路總熟猿鶴喜候厓谷識我笳聲未午來
盤空徧向羣峰卓似覺雲霞媚此翁朝朝曦映千蛾綠
今朝萬象更鮮新海日湖天明遠目草木何知歲履端
乾坤春氣浮川陸好山乾淨無三班撲渥狡窺青眠芊
煖香庵庵發陽谷老梅白擁幽虛天仙鼠見客忽復起
嬾窺洞戶從局關苔碑驚散烏剝啄碧字半蝕開成年
空壇松粒顏色古其下茯苓掘可煮白雲連天傍人飛
綠毛仙公何處所絳節珠幢久零落翻遺袈裟映梵宇

續集卷五

六

屢飲僧歐無碍泉甘澆吟舌山靈許無事久留胡爲哉
白頭老衲何須猜望蟠龍洞未一到上伏象岳纔幾回
踰糜欲磨水一斗乘興上下洒徧蒼巖隈舊年欵冬花
已開今年搏黍鳥復來洞庭橘色爛紅玫瑰洞庭柑磊
落金盤堆老夫縱不爲口實亦愛清芬投滿懷龍君龍
女不暇顧石公久待寧忍違東風入律回天地今宵何
人占象緯應有少微星上燭咸池五車氣春遊展著眼
爲醒春吟杯到心先醉醉醒不知老將至清遊清吟千
古事

龍渚謠

大龍渚小龍渚龍宮幽宵龍處所怪石欽鑒作門戶嵌

空穿嚙痕波濤自太古湖心一片萬玲瓏鑿鑿多應出
雷斧春空月黑瘦蛟舞逢逢乍擊馮夷鼓芙蓉旌旗展
樓閣軒樂鱗鱗排筍簾烟墟帷帟羃蛟綃大作新年瀆
靈聚龍公出水張水嬉貝闕萬族撐之而龍女姍姍其
來遲珠裳珮珮光陸離旱冬窪田兆圻龜河港斷絕行
人悲大舸小扁沙岸閣具區稽天空爾爲羊羣嬾脣鞭
不起爲問龍公知不知

後龍渚謠

我作龍渚謠龍公不之聆潭潭龍堂入窈冥髮髯春宵
報鼉更擊舠舠聲吹鵝笙陽侯共宴娛游漸紛揚靈海童
唱歌蛟妾舞包山洞庭樂終古巴陵潛達通水府江妃

續集卷五

七

倏忽自去來揮珠拊沫神靈雨雲旂偃蹇卷以舒蕭颯
回風動北渚橘香吹過浮玉山烟波渺渺空愁予誰知
水縮露石根縱橫虎豹虛屈阻嵌巉皺透惜不得巨斧
連雲爭割取十五五轟邪許老龍雖怒莫予侮嗚呼
吳兒猛于蜀五丁鑿石恐侵龍公庭

三灣舟行

扁舟落水飄如葉風定回潭小泖渚輕烟細雨捲畫中
三面青嵐浮嶼嶼一灣早梅破春寒香來一灣又一灣
焉得淹洄此消夏編艇明月廬可盤清夏月可盤皆灣名天留
深窈仙洲窟只許漁翁出復沒不憂岸上橘田荒紫魚
滿湖浪吹雪浮家處處鎮忘機鷓鴣鷓鴣船頭飛誰掃

橫波一磐石借與老夫爲釣磯離官當日嶙峋築娥池
香滿娃初浴鴛鴦雙宿水殿涼皓魄團圓看不足采蓮
歌聲散越來巫櫂城亦飛寒灰春光澹海洞庭曲野淙
脂粉流餘哀輕篙屢折灣頭路冥茫煙生綠樹水村
遙聞雞犬聲薄暮用頭峭帆去

小雨後續作龍渚謠

油雲靈靄瀾圓宵掀湖驚聒舫越風風鬃一奮徧四海
飛流萬谷鳴淙淙傾盆三日意始足大江小汊縱橫通
春膏滂洋散滴滴稽首詎止謹吳儂請天行雨時則可
椽筆紀載厓須礧礧沓雨工助澎湃不妨爾族爭言功
胡爲廉纖颺如髮山田不見猛溜決蔬枿小澗青猗猗

續集卷五

八

斷港何由烟浪活行人空具笠與簑半日纔得石頭滑
我辭龍渚續作謠可盤灣頭舟已出安得龍公立起醺
滿空發憤此言頓一雪我雖破蓬無副衣不辭淋漓漬
巾襪

石公歌

霞明萬岫紅嵯峨滿湖輝映搖晴波石公不語烟中立
千年苔鬢青髮髭盤岡細徑平不顧山村綠樹朝嵐拖
宿氛徐卷連雲障一峰一峰開春螺奮策飛登翠嶂岬
凌空面海看金鴉化工奇絕縱博埴嵌屈萬狀森交羅
當其冶鑄持橐籥陰陽鼓氣連噓呵鴻爐出手絕補綴
是豈鍛鍊繇皇媧曾聞祖龍暴驅逐此山不受秦鞭撻

品題甲乙騁胸臆神物未可分等差迂倪顛米偷皴法
到老睨睨誰能摩歸雲洞口行曉嶠盧橘花盡茶香多
橫跨石梁澗淙斷重岳天矯空垂蘿欲啓石公假一高
陂陀伐取千丈施礧磨先君孝勇天褒嘉石綽楔應
凌紫霞誰能致之東海涯臨川筆掣韓歐家李穆堂爲
撰墓表颺光華特書抱鐙古未有更却海賊揮神戈眼
中規撫堅且瑳螭蟠大字鐫壁窠穹碑兀突龜負出黑
夜光氣騰星河嗚呼無力致汝徒摩挲潛然躑躅空山
阿石公石公奈汝何

穹窿行

梭槎迎睇青穹窿方壺兩股冷帝銅雲中彷彿遲吾儂

續集卷五

九

誰其招者仙赤松舍舟而徒往相從翠微剡天梯龍從
半巖已躡嵐千重崎嶇詰曲鏗孤筇踵及巔頂平疇同
雲旣霞隴堪耕耰古龕壘石佛所宮數弓傍借搭草蓬
誅茅無人祇薄躬苦柏結實香鬢鬆胚凝石脂辰砂紅
取而食之顏爲童老眼不須方兩瞳願鏡細字披氛茅
獨抱殘圖喜擊蒙吁彼讀書遂嚴終薛盤詫指荒臺蹤
東嶺下有朱買臣讀書堂遺址是非豈值鼓吹瞻看生層雲飛盪胸太
湖濤烟俯洶洶莫釐縹緲兀西東昨者呼嘯驚魚龍寒
波萬頃搖沖融一團恰墮波當中瑩照肝心透虛空至
今夢寐光瞳矐川巖來徑鳥翼通貪括清景盤高穹黑
盡白絲嫋春風新年紫邏暄彩烘寒癡萬木將惺忪枯

梅已花淡不濃白兩三點開鴻濛烏鉢銅坑騰萬峰貌
姑處處灣塢逢柔荑踏藉綠丰茸山僧寄客音獨是我
足不策誰問鐘百丈泉凹翠可確草書留酒寧恩恩

狂歌行鄧尉看梅作

昔年我盤西溪岡虬枝周遮數畝長老梅年紀千歲強
著花橫出花塢花中央我時肅冠再拜梅花王光福之
里浮白光連天梅花白茫茫勢與西溪花塢之花橫相
當銅坑銅井春塢藏連朝天氣薄春霜一朝花氣春發
皇萬峰山頭暖翠香香溢虎山橋外無邊方漁洋法華
渺青蒼花氣一氣熙春陽七十二峰閣上遙相望峰峰
花與波低昂春波與花湧大荒洞庭玉柱輝銀房靈昂

續集卷五

十

香徑連屨廊白龍氣亘秦餘杭笏林繞羊腸茶磨橫石
梁娜如晴列錦步障茂苑水流脂粉塘天公花事森開
張花山花海春滂洋春風微和扇徊翔默鼓元氣如雷
硯今年春蚤噓凍僵玉艷得氣先迎將力大意縱不可
量鴻荒初破舒文章冰壑雪澗淡自芳崩厓龍臥無嗟
傷大哉造化令勾芒震瀛萬里闢廣場南枝北枝冷暖
候不常東幄西幄晴雨景不妨處子綽約來堂堂清寒
意態和而莊今日何日得與子彈八琅今夕何夕得與
子浮千觴空山大叫梅花傍自笑狂夫老更狂

登靈巖山懷古

飛身賈勇凌孱顏晴曦煥赫雲爛斑浮屠相輪七寶剝

攬空千尺飛鳥盤娃宮屨廊劫已殘秀峰寺亦金闌珊
側身南望箭湫直射破闔閭城郭千餘年湮中刀光明
古水黛點香山浮瀾瀾羅衣舞盡春宵風春宵吳宮名
見越絕書
種香采香昔于此香徑可憐荒蕪耕人掘得龍鸞釵
磳村之石不言亡國恨琢作巨硯潑寫騷人懷蒼厓大
字標琴臺吳人好事鑱崔嵬厓紋蛇臥焦尾折無絃彈
作松風哀二八通門川陸路茂苑迤邐接烟樹苦辛猶
憶吹簫人象天法地經營處黃金柵楣侵漢高烏喙爾
愚醉不寤蒼涼胷口一片波難濺舊痛春流注翫花池
邊踏細莎春花初發春人過踞巖有客腸已木任翻小
海揚清歌君不見虎氣淒冷餘盤陀卑猶只給土一螺

續集卷五

十一

五湖誰見傾城蛾瓊姬舊月沙蝕磨烟飄紫玉倚女蘿
山椒我極傷春目落日祇見青山多噫乎官梧淨掃無
處拾况復風乾黃葉葉

宿靈巖寺憶朱子齋

闔閭城外靈巖寺謝公嶺畔靈巖寺自來名山僧占多
兩山山寺同名字兩山都在萬山中盤紆鳥道風雲通
高名豈是陳驚坐天生靈秀將母同一枝蒼藤破翠靄
多取寧論造物怪去年春頭雁宕遊身入連雲看僧拜
謂連雲障
僧拜石
上天聰洞就宿絕壁寒蟾窺道人妙聞手僅隻靈品絕
頂昇霞
居又只隻手
飯客脫粟留永夕魂清骨冷境恍然石

樓欸語生虛白客影吹散春風前吳西發春又一年到
處雲嵐各奇絕骯髒遊興還無邊琳宮金地經小劫屏
霞障前碎瓊疊此間寶閣亦傾頽智積梵容披落葉吳
娃昔步屨響廊嬌歌艷舞春風香金壺漏盡棲鴉散風
燈百偏看典亡圓照塔與竄狐兔猶是當年歌舞處休
論鬼火香徑紅天花道場更幾度客來孤影凭僧寮續
燃燭炬高花銷貪翫江南好風景烟波猶未鳴歸橈腰
脚差強持自賀筋竹重尋無不可人間咫尺百險巖崑
壑不妨衝虎過五湖人在汀煙生明日鳴夷仍獨行可
惜春波不同汎七十二峰空月明

遊天平山入白雲寺

續集卷五

主

吳西萬山此雄尊欽嶠山石俊熊蹲造化文章不作意
變化一氣隨胚渾際曉烟螺出湧洞浮嵐蒸射朱霞瞰
飛來一峰墮寒碧蓬萊半夜失左跟亦有雷風呼不起
青天橫且驚蜿蜒嵌坳落趾仄不仆殊礙騰踔愁猱猿
橫空斗立五丈石盡滅鬼斧剗鑿痕勇蹴給訝出冢頂
眼瑩萬里無垠具區春濤雪浩洶海勢連灌浮鵬鷗
徐揚北圻露晴晝氛翳淨掃開濃昏仙人一鏡遺臺面
澄照湖水狂摩吞釣舸灣洄慣飄兀鑒我漆髮回霜根
石筍萬株莽林立株株峻拔青瑤琨誰何得意搏土弄
鴻荒孰能探其源白雲遮泉在山腹出山泉自飛湖奔
却回山寺燒石銚烹汲一盞醒吟魂僧廚忽具伊蒲饌

家山於越通涼河清絕導客幽荒捫石屋意可窟此
辭歸煩簞軒少坐伊角楊不畏西崦埋金盆情緣方外
難遽割桑下三宿知休論

千尺雪歌

龍湫大小崩雲堆晴天怒轉萬壑雷匡廬黃巖吾未到
曾躡天台雁蕩來此間連峰削積鐵飛空亦挂千尺雪
嵌巖春擊白滂洋湧出溪坑鳴決決山泉大匯龍泓頭
明珠百斛傾崑幽春風捲空忽亂酒濺溼野人青兕裘
野人對此興盤礴徑踏飛流赤雙脚飛流亦似助豪顛
噴落昂前復騰躍矚矚脚底過奔瀧繞澗旁人笑我狂
我識山靈無盡意泉衝石激皆清光石梁歸來嗟夢斷

續集卷五

主

無復冰花涼灑面當前縱未倒銀河也勝澎湃圖中見
中郎虎賁存典型誰標瑜亮分尹邢雌黃諸瀑吾豈敢
一條雪浪眼乍醒梅黃想像連旬雨橫摧橋谷驚深聚
盤注顛凹成一奇風聲水聲吼如虎惜哉未得久盤桓
攝衣却坐空亭看水簾眩轉羅五色絕壁倒射斜陽寒
明朝上蹴重巒黛欲探泉源出岳背薄暮且入法螺菴
喚汲雲溪試三焙見漁隱叢話

上天梯謠

上天梯高高天路吾欲躋縈回紫霞路不迷迤邐萬崱
嵒崇巔孤崑崙始循翠麓升階基賈勇直上如猱飛千
盤萬轉入陡峭乘凌徑欲侵虹霓偏仄容肘趾蒲伏連

尻隄失勢一落便作山下泥上天梯不可上四際絕因
依一綫生儻恍九霄峻極無人登一條精鐵惟汝仗形
勢益峻峭意氣轉飭驍再厲再進一步一仰盡力攀登
庶能強天門開詠蕩蕩躋及天階平如掌凝神定魄肅
清賞咽俯齊州青益益上天梯上九霄脚踏浮雲破手
捫紅日焦清虛元氣挹沆寥天漿許我斟斗杓咽之沁
心腑清涼以迢遙壤蟲盤盤嗟爾曹內熱終年劇于瘡
紛紛道渴死誰為爾煎熬願把天漿洒周遭天帝不我
足塵之下九霄天梯忘却幾千幾百級下至吳會如潛
逃閭閻之魂不可招胥臺峨峨舊見三百里黃金鏤刻
隨烟飄我歌且謠上天梯雖不得久留亦足以豪

續集卷五

古

花山行

春風無聲散廣粟亭午汗濡踏厓谷北歸有客自衡湘
相逢多在天池曲天池倒影搖玻璃連羣嗽嗽鳴且飛
沙白草青混崑腹我亦因而盥漱之登音獨到蒼玉洞
苔上隱文不可誦絕崑就隱乞幽深宋張漢卿居栗松
此號就隱山
子與猿獼共樂莫樂于泥中龜曳尾永無憂患隨翠
有巢足栖息于春藏六更不疑我行愛此好崑學草木
經冬不彫落萬梅回繞溢清暉久任香應沁魂魄轉過
石室山之幽我其以是為菟裘焉知大力夜趨負鴻濛
元氣姑藏舟虎跑神泉湧活活一勺清冷鑒肌髮故山
忽憶大慈山何處匏尊不可啜壁間題字太紛紜舊碑

無人掃濃氛青邱大手不復作起看四山生白雲壁間不用
題名字無限蒼苔沒舊碑明高啟遊天池山句白雲蔚蔚能娛客倚石流連不
知夕夕陽爛照金芙蓉霞彩烘天半天赤春山慈情感
物華紅顏底用燒丹砂羽人冲飛得妙餌池蓮千葉何
時花相傳晉太康中池生千葉蓮服之羽化

雨中天池行

霞岫丹青看不足淋漓水墨皴林谷天公教看雨中山
無窮變態羅雙目崑坳一勺春渟蓄飛泉冷泠漱寒玉
是豈暗有蜿蜒神物蟠其中忽欲擎空橫圻重崑腹空
灘一片雍渠沙山原偃仄嗚呀呀迷離烟雨急難有如
此令人拄杖久立生咨嗟荒山索莫無人家微茫樵徑

續集卷五

五

蟠修蛇谷聲冷落行踪斷山前山後開徧早梅千樹花
花氣溟濛漾深壁霧湧前峰失咫尺湖光混合天西東
鷺見老龍掀破濤頭白砰然東澗崖崩若驚出千年元
鶴飛隻隻倒溪流水濺芒鞋只有圓筇卓孤客山魃不
知林隙尚有人歡喜跳跟舞獨脚一僧結茅依崑隈炊
烟不起老忍飢晝晦常聞虎叩扉木牀折足安石磴兀
爾枯坐長忘機豈知老夫晴亦出雨亦出活潑天機不
可說高人豈必瓦為衣但弗有求走到頭如雪閒步何
妨泥滑滑隨身猶帶一枝鐵橫空一吹岡石裂更欲吹
綻千重萬重墨色雲喚出東溟一團月

陽山行

連山一夜雨點蠶水流決決鳴溪渠海中紅盆乍洗出
鮮新光湧春晴初此山橫石不可與况復滑汰青琪珎
老夫手中鐵杖在彭觥撞破千嶠嶠似是仙人好樓居
疊石盤架凌空虛其陽則面長洲施其陰却坐洞庭湖
踏徧大峰一十五四飛猿鳥皆相於山又名四飛岳園之竹
秀拔玉石眼數莖倒搖綠黃塵清水不須與此君名字
留空谷苦愛在山泉水清流滴白沙浴白鵲澄漪寒極
不生魚我纓無塵亦須濯春山多處差安便開合隱見
青孱顏洞凹龍氣不復上老湫猶拔珠淙潺倒屈奔出
龍塘外驚波便作江吞天飢尋香積岳邊寺又邀題墨
鐫堅頑彌天鑿齒吾不圖爾機鋒捷但餘欬歔歷落此

續集卷五

六

情不斷如春山古來哮豪爭虎步射瀆清光箭缺注缺箭
是陽山豈獨三千組練強千隊成禽氣一吐到今萬岫
鬱參差蒼蒼白日橫烟霧新鶯學語猶簪澀隔澗聞聲
不知處百年強半晚景乘青鞋布襪吾猶能萬事糾紛
劍一快快意已到白鶴之頂千餘層物外日月方環紉
空山樵斧聞登登冥心坐聽清到骨我何到此忘却攀
擲雲中藤却顧來時自胥口扁舟不繫枯楊柳釣車獨
掉響聲牙樵青漁童我未有辭家飄忽月再圓攝提早
指昏中斗一路看山到澗西好山處處猶回首彼蒼回
幹曾幾時斷送朽枿還芳菲只見池臺生春草焉知此
身變化浮雲隨蝴蝶飛飛共遨嬉且喜林深池暖香馥

翻春風吹空纔幾日梅花一片沾人衣梅花原是古君
子舊交相逢淡若水招呼明月成三人東海飛來幾千
里人影花光兩奇絕我與梅花俱老矣樂哉此樂當語
誰谷口潏然白雲起

陽山弔古

金壺漏恨春宵促滿宮盡醉潮紅玉冰室有人正臥薪
權溪火暖歡不足雞陂好景如流梭一聲唱曉鼙鼓多
宛轉餘杭西走路奈此散卒三千何餘杭山色自終古
山中已平一螺土此夫差葬嵯峨舊恨却難平猶看白氣
如虹吐西施艷若苔之榮罡風吹散飄香涇闔閭城國
從之傾空廊細步不復響只有八百五十餘丈春烟生

續集卷五

七

珠襦零落瓊姬墓月下香魂迷薄霧荒臺麋鹿亦多情
千秋都逐君王去春山鬼唱吳宮秋夫差豈忘而父仇
甲楯容棲不足悔悔不沉却青龍舟紛紛綠火松陰冷
舊苑烏啼傷金井曾照牽絲尾畢連西江一片銀蟾影
長洲麋徑春茫茫千花歷亂春日長吳歎不識亡國恨
爭將歌舞酬年芳物外含情論興廢禮先一飯英雄氣
月黑江南放大招灰飛寂寞銷烏喙春風幾日開芳菲
林間怪底啼催歸催歸催歸爾何強與他人事島不自
返蠶叢西催歸歸對笑殺我登臨感慨計已左不管春
愁滿太湖便著紅衫下釣舸

滄浪吟

一網芒屨黏嵐烟畧約紆度衝苔錢子美去今七百載
萍著野水餘荒灣虛廊曲折影碧篠韻曼寒玉春風顛
陂陀本割山翠疊歲久真氣包孱顏早梅已飛幾片雪
老幹臥照溪光寒廣陵別圃代易主賴有亭跡追當年
湍減未得瀦淪連春空風月仍無邊暄辰散帶喬木下
好鳥對客鳴關關歐公當日跡未到和吟佳句稱同調
恐試蛟淵然不然鴟夷豈累先生弔後來地至僕射章
此地後為林子厚
所有見石林詩話平地波濤自丁倒叶知欲題詩慰懔
悴誇張天與殊超妙不爾滄洲處處都可搖醉眠豈獨
紅蕖綠浪堪浮權作詩饒舌結習存二公聞之笑莫嘆
丈夫豈必皆特達且鬪尊前見在身滄浪客作滄浪吟

續集卷五

太

滄浪亭前醉一巡扁舟去矣渺無垠我亦江湖獨往人

滄浪亭書所見懷厲樊榭

鶚

偶然照影滄浪隈風漾釣絲聊徘徊何人驕唱入松下
烏擁亭面環輿臺若輩意氣顛如雷何由妄得吾曹吟
西冷詩老昨者步履曾過此望之却立若持便面遮風
埃樊榭遊滄浪亭詩自注
云有達官寓此不得入我來亦復值此橫喧天公
豈其有意污點雲濤堆物當盛溢若溟漲造物無力相
排推亭主舊原未許俗客到故得嘯咏自在沿灣迴迺
今祠屋已網蠭蛸徧神帳誰與捐烟煤匹如荒園數易
至舊跡竟爾埋沉灰一亭與廢關劫運弔古獨立興嗟
哀終賴高名吼撐拄數片陂石留魄鬼壯夫一跌不復

起風流要未沒草萊人間景象端藉佳句煥傳來磊落
參歐梅假居令僕不得行胸臆何如坐攬水光月色潑
此青莓苔春波鷗鷺亦悠哉吟醉相伴無嫌猜况有千
朵萬朵梅花開生前既不辜清境一任奔飛鳥兔閒中
催嗣時厥後幾箇詩人先後弔千秋萬歲魂歸來而我
尋幽得徑若牛解委蛇游刃方恢恢無窮高興不可敗
豈知眼前有物攫入懷春空忽墮吾酒盃徑起鯨吞不
須陪宋公物色分留在此此地係宋商
邱公重葺盡與老夫收拾回
醉題壞壁擲筆去戲作霹靂驚童孩

續集卷五

无

破甫續集卷五終

毀甫續集卷六

錢唐桑調元



古今體詩

送別黃穀谷

秋堂流水七絲清對撫焦桐萬古情白日滄江渾未晚
浮雲富貴本來輕籬邊細路勞頻訪谷口荒畬愛獨耕
君去莫憂鷗鷺冷此間溪石不寒盟

題慶徵乞食圖

笠子飄兀風披披吾輩欲乞將安之焉從得食飽我飢
正復何用得食爲閉門忍飢自一奇風流作達亦誰識
金牛湖僧漫弄墨

續集卷六

步沈園歸漫題

最愛南鄰水石邊參差步履破苔錢滿園草色侵池綠
繞塢鶯聲向客圓醉眼慵騰尋舊迹閒心怡悵省華年
歸來獨倚樓頭望高樹陰濃翠拂天

輓邵開宣

動地風聲萬木疎風前對泣兩臯魚謂君養求寸祿謀與子
誠左暉答三春願總虛勤教小侯趨朵殿並推端士
表卿間儒官未得登除目只博銘旌死後書

酬周于度

敢戀西湖一濯纓東園喜遂板輿情歸心舊似江千折
慈鬢今餘雪幾莖社裏招呼輸後輩兒時遊歷等前生

蘭陔孺子勞相問從此吟箋不署名

輓孝感涂存齋先生

平步青雲亦等閒乘時特達到崇班正蒙樸學誰能紹
奏議鴻文不可刪總領金華凡幾省留遺茅屋只三間
故園歸老君恩重灝氣悠然碧漢還
一言駸茂荷濊知堂下難忘執手時齋院談深秋月白
議堂歸趁夕陽遲經傳賓館敷重席道揭餘山樹二碑
腸斷蘆溝橋畔別惟應泉路罄心期

微雨

久晴還霖霰寒色起烟汀憶向河涯過愁從竹樹霏
微乾土潤颯沓醉顏醒悵望重雲在遙天失翠屏

續集卷六

哭張樸齋

平生照徹是丹衷樸直相於九貊通張海疲民呼父母
邊關甘乳哺兒童星明金闕寒聽漏雨黯珠邱夕
考工痛哭心知如骨肉千秋高義有誰同

薄暮空思拜

薄暮空思拜總帷來奔白馬渺難期盤餐竟日無重進
孤兒天涯何處南宮縣北望傷神涕滿頤

賢女詩爲戎氏族女題

吾宗有賢女往爲戎氏婦志敬奉羹湯安貧執箕帚夫
有幼叔父哺乳佐其母翼之至成人此事古未有刳股
且至再一爲療厥夫奇行均不朽終焉撫

菟狐乃令夫有後辛苦備嘗之于今已瞶首女列族女
行紀實客嗟久

輓臨川李穆堂先生

凝然異骨具嶙峋中歲飛騰謁紫宸陸子一生惟舊
學歐公九折更溫綸登壇早擅文章伯奉國終推柱
石臣迢遞懸車遲易簣三朝侍陞邁常倫

走馬蘭臺感故知雪中公議序成時得賢空上王褒頌
有道蒙書郭泰碑先生為先君表墓會葬蹉跎淹素舸趨朝

解后省彤墀濯纓清淚千行下晚傍風塵滿鬢絲

題鄭悅山尚麟春江曉渡圖步韻二首

江頭日上裊游絲正是春光爛漫時不道流連芳草渡

續集卷六

三

一枝柔櫓破烟遲

春水盈盈帶曉寒隔江霞彩尚飛丹便教採取紅千樹
却愛沙鷗不識官

長歌寄呈座主劉艾堂先生師恕七十

滄洲一老蚤拂衣天容海色明郊扉憶辭銅龍之年未
六十追跡二疏古所稀更十餘霜閱迢遞秋風吹老淮
南桂簪冠藤杖久優游纔臨古者懸車歲倏然纚舫清
而幽塵氛不到烟華浮超遙只鼓元氣枕借醒昔夢聽
颺颺少年登嘯蓬山頂前席沈沈官漏永黔闕辛苦萬
雲堆八表盤空下孤影帝江刑天爭自雄焦明忍飢栖
舊桐山林鐘鼎兩不繫社湖明月流高空富貴當場豈

有極郭郎鮑老紛如織經睥田實徒爾為回首風塵機
盡息南來北去舟車多官鉦鳴沸旂盪摩喧轟寂寞自
朝夕靜看曦景移庭柯欵乃時聞白光裏洪澤瀾漫兩
篙水不須重乞釣魚竿君恩許老苔磯矣意中茅屋

意中山先生自題書屋句當年夢想凝心顏何如百年真箇
焚香對村居恰落青棠間况復衡門有事在茫茫之緒

尋千載肯將歌舞點東山放浪空遊方內外應有水樂飢

叨薦漫一出生句將放浪了殘生亦先生句小子方壯來橋門春風到面講坐溫漫郎
回舟遙式處一自身安愚谷愚十年不踏長淮路白髮

門生感有餘新年接得空中書霜髮老去做瑱珉長蛾

續集卷六

四

再畫胡爲乎溪蓮愛想濂溪子江南江北香風起安得
從之風際吟吟風日日澄心耳吾聞大椿紀大年大年

春秋以八千今秋秋首應上壽不妨致語從春前人間
萬事俱蟬蛻只有清光在天地夫子蓉衣我荔裳攝生

不問參同契

題沈古春萬梅黃花晚節圖

黃華古逸老籬邊常相親南山悠然在對我成三人田
園昨輕別惆悵淹風塵山翠斷曉夢花光徒鮮新故香
經雨發一老寒依因龍眉共晚節不孤留德鄰無懷氏
之民葛天氏之民

讀息溟六十感懷詩用集草堂韻寄贈

遂作平頭六十人傳來詩句劇清新
蓬鬢相看總是銀作客倦吟荒苑月
因君夢繫故園春
草堂歸復聯三益老省兒童意味親

丁卯長至日同周穆門
賢閣各拈本號爲韻有賦
盧敬甫 存心 論交四

吾輩合并自有時論交大道無今古
千載名賢傾蓋然
落落幾人偻指數四賢出處塗軌分
心皆潔白輝寰宇
湖山增翠水增清不覩風流共樽俎
何須配食水仙王
活脫鬚眉自儔伍處士舉動攀古老
不論荷裳與簪組
齒冷悠悠世上兒俄頃滿著金蘭簿
越盟車笠亦區區
劇頗植立同楮柱丈夫垂名動萬年
偉哉此語聞杜甫

續集卷六

五

不爾彌年逐清景浩蕩嘯歌身
自王吾少不羈醒而狂
城東盧子聯肺腑得意無多總角交
廓落何曾設城府
白髮老看意氣平猶自提攜如意舞
穆門相識廿載餘
踪跡萍蓬意水乳年逾七十精力強
歌詩行草真龍虎
研田三叟合同鋤作偶相將課晴雨
今辰團聚豈偶然
骨月風義存諸譜流傳江鮑免無見
此意纏綿結千縷
輝輝雲物午暄妍一陽道長端有取
詎羞形影潛蒿萊
預恐湮沉腐儒腐酒酣懷古激清風
粵稽人物臚吾土
亘古逃堯一許由稽留峰色高天柱
湖頭擬荆隱聖祠
子陵君復躋堂廡力規此舉嗟未能
懷桷何時突兀覩
面熱空教對汗青長吟落日節頻拊
嗚呼百年未滿纏

天破磨暮晚節亦足豪

穆門於至日招同敬甫泛湖集四賢閣拈本號爲韻各成長句意有未盡復賦此韻仍前例

明湖水作錢塘濠曉紅一團翻雲濤
峰尖薄著氛霧發
後蓬作響風蕭騷氣衝六琯灰飛高
元辰發興屬我曹
湍聲漸低息怒號波心艤子猶可篙
厓木盡禿開霜皐
空光白日流滔滔濱湖亭榭石甃牢
荷根枯折魚藏逃
衰柳餘絲搖斷絲並梯傑閣羞溪毛
仙守處士雲中遨
聲光於燦何煩褒踟躕千載首屢搔
儂輩富貴差不饒
古絃同調庶得操吾言夸矣罰斗醪
淋漓賭飲沾裴袍
有手祇願持雙螯盈顛雪霜底用薌
誇張年少予起舞

續集卷六

六

張丈殷兄掌連拊空欄檻影小聚舊
夢依稀省塵土
身輸桔槔善仰俯只合彈琴老環堵
南村素心顏不嫵
筆力空令挽銅弩何異適越資章甫
老去同爲菊松主
數來熟識餘杭姥喧呼爐頭臥空甌
半酣肺熱吸茶乳
信意往踏青蓮宇幾番田實眼前覩
坐看翻覆作雲雨
亦復倏忽變鼠虎野夫眼冷飛鴻羽
影落江天且默數
晴冬地煖氣蒸釜直覺春暄烘北戶
回船鳴曳嘔鴉嘴
滄浪迭唱自終古茫茫烟樹湖西浦

哭汪津夫大兄 監

冰堅雲淡鳴酸風短景倏墮流光空
羅刹江頭一哀暮
滂滂淚與江流東故鄉荒寒瀕舜海
間歲歸尋無恙在

童稚情親四十年春風春雨遙相待餘山先生闢講堂
浚衣並列弟子行踰時遂作兩楹奠失聲相向同哀傷
天涯投分如兄弟結交虛全同一體三人膠漆不可開
重江魂夢通迢遞我詭祿仕馳京華後倚官閣前公車
袍鞞衝風塵土滿慚媿處士吟梅花朝吟暮吟吟不足
更寫梅花千百幅幅幅梅花意態殊都著冰霜老岳谷
自言身得梅精神吟寫梅花號梅津梅津終古無人問
自吟自寫平生真喜我歸來對煖眼手淪清泉勸一盞
最愛烟霞獨往踪姓名多事留青簡彌留前寄數行書
老病一夕辭遽廬翛然應盡便須盡清影不待梅花但
錯擬開春渡江水六州鑄鐵恨已矣後死形從索莫墮

續集卷六

七

我是半人習鑿齒城東破屋仍數間風雪打頭時往還
海陲黯黹類埋照相攜哭望傷心顏嗚呼蓬蒿舊侶弱
一箇襟袖爛斑交涕唾一別千秋那處尋茫茫空剩乾
坤大

虎跑寺

回巖激我耳流泉清我心逶迤石磴坦步入青松林小
池細萍合怪樹鮮苔侵諸僧未梵放好鳥相追尋酌悟
茗柯理坐轉藤蘿陰山靈似留客空翠飛盈襟

酬汪君見贈步韻

時清請眾賢海寓音塵還東方一士迂筆鳴雙扉闔是
身春水然輕逝通川鞞種松如人長已更八九臘獨吟

過夕雨石湯流泉蒼三徑護濃青幽蹤賔不雜酒窗樛
影低黎黃一枝踏倚著信所便竭來就壞衲依依長水
月祇林野鳥匪靜掃輕葛綠清光借半榻多年求亡子
建鼓空鏘轄性畏戶外屢避之如怖鴿有求託微波意
與單萍合入寺讀殘碑苔崩不可揭虛堂留新詩逆風
聞艾納却懷五湖老眉孤情絃颯拉相將寂寞濱披
榛言志盍

奉題朱芾騰沈長溪兩先生高山流水圖遺照

千秋洒涕思鍾期牙生相於固其宜撫茲冷冷水曲
當時只有鍾期知世無鍾期曲空撫抱琴不彈竟終古
豈無自署知音人此意難得牙生許圖中兩翁今已仙

續集卷六

八

驚識兩翁年少顏三尺枯桐橫石上高深意遠非人間
裴島蒼蒼葭葦亂半湖烟雨清漪散依稀對坐密無言
微聞一彈再三歎七絲令德識其真穆然古澹縈心神
彈者聽者妙各喻天地中間有兩人兩人同心非漫與
如蘭端藉龍脣語此段風流不可攀渺渺西風自愁子
我生不見彈琴翁徒然仰止青雙瞳山林窈冥水瀕洞
海天悵望將毋同一翁倚石猶及見松間杖履親談譙
更番賞我白雪絃倏去烟霄若飛電懷賢感舊一沉吟
古道寥寥淚滿襟十三徽上浮埃暗空餘白月懸高林
古人今人瀉流水琴心一片長如此流傳絕調豈無人
我與鶴洲斯可矣子焉先生嗚呼兩翁呼不起子朱子

子沈子

夏貞婦劉氏守志詩

百年婚十日期鬼伯相催促所天逝若馳入門卽待疾
湯藥相料理錦衾角枕徒爲耳髮而奉尊嫜婦在子不
死依稀屬續容斑駁沾襟血食虛同牢矢同穴淒淒夏
簾連冬缸孤燕孤燕入破窗十八年來影不雙

赴大梁書院有述

蕭齋翳竹樹十年閉衡門居然似物外官無車馬喧駕
言去汴土暫爾拋林園跡異塵纓縛可對鶴與猿迢迢
講席遠依依釣石溫高吟性所愛詎騁詞波翻儒流汴
百折伊洛存淵源

續集卷六

九

戊辰夏遊梁留別穆門卽酬和見送韻

林居十暑謝風埃此日扁舟破浪開敢謂賢關啟局鏞
亦思書種育胚胎梁園雪下教兒賦嵩岳雲生待客來
虛誚支離爲世用空山終是老樗材

留別敬甫卽酬和見送韻三首

不挂征帆已十年行裝重壓僕夫肩兩人相顧離顏老
斜日清川白髮前
未能獨往未能閑消夏湖山枉有灣最憶冷泉亭畔響
夢迴千里聽淙潺
同行却省渡河年往事西風一惘然起望青青天際柳
杭州直接汴州烟

謁伍大夫祠

乞食吹簫感奮初當年人事倏乘除君親舊恨從頭雪
楚越雄圖到底虛祠壺雲霄寧毀狄門臨江郭尚名胥
姑蘇臺自標形勝麋鹿遊經慨嘆餘

舟中月夜有懷五首

夢裏難忘語笑親征帆催掛蠡湖濱飛來一片青天月
髣髴容暉覲故人

龍湫雁蕩省當年曾共清遊物外緣知我今番江北去
夢魂應逐木蘭船

三益過從舊徑存匆匆敘別把清樽孤舟蕩漾烟波夕
破屋猶思漏月痕

續集卷六

十

總持壇坵主風騷春興西溪話我豪烟月平分曾有約
吟朋何日聚東臯

春煖追飛翠羽過相呼相喚友聲和涼風吹散東西影
回首烟村綠樹多

鯉魚行舟行却寄性之

遶哉風氣淪義燧赤肝希復如人意江舟寂寞念吾徒
惟朱家濂得占義古義纏綿一片真有若禾士張天麟
天麟相思不相厭廿年往復情逾親球兒性孤寡交友
道逢輕薄不回首雅與家濂論素心二人喜得孚盈缶
古交如水淡汪汪徵逐生憎遊俠場膠漆情聯總角日
文章道義同糾匡家濂繇來略鬼瑱人曰不可球曰可

但斷共得古性情不妨意與時流左老夫久處柴門幽
一朝忽作中州遊中州人士最真樸我欲往扶三古輜
豈徒詞賦噓梁苑先王遺澤猶深遠賓師當日此淹留
欲把淳風回近晚臨行惻惻一沾襟詎爲關山離抱侵
侍席趨庭千里關其誰與汝施良箴男兒德業須早立
老大無成百憂集少年日月等流梭莫遺身名殉結習
諸生先後早騰驤木天柏府蘭省郎古來貴人傳者少
金紫豈足迴我腸人生不朽卓自主高行鴻文動千古
儒風端賴振吾門家望竝晞繩祖武七絲流水秋宵清
恍愴聽我彈正聲師生父子傳古操功名富貴浮雲輕
行矣扁舟疾若箭驚波萬頃翻江面故鄉白月懸高空

續集卷六

七

夢返書室宛相見迤邐江流一水遙鯉魚尺半放回潮
同心遠憶二三子爲我兼訊余昂霄

江行寄懷余紹文昂霄

道誼文章露性真鄉閭復喜見斯人匆匆行沂江流遠
請誦顏如月色親蘄與兒曹勤琢玉却思朋輩聚扶輪
草堂名梁園自昔饒風雅安得偕爲授簡賓

寄家書題二絕

歸休十載關松關嵐色波光熟往還今日萍踪忽漂蕩
夢魂空戀好湖山
書寄行舟第一封欹斜醉墨淡還濃家人應說平江客
愁聽寒山夜半鐘

舟行丹陽道中

緣流斥堠道傍存兩岸高如翠壁屯獵獵浦風休舉扇
浮浮泉酒試開樽日烘亭午飛光赭川過毘陵倒浪渾
前去茫茫重問渡秋潮雷破大江門

和篋兒出揚子江疊韻

依舊金焦兩點存飛雲作頂半空屯江心有寺蹲孤塔
海口何人汎大樽笛響吹來涼月皎漁燈點破暮烟渾
乘潮無數檣帆發沙岸人家未掩門

江行寄懷性之

憶昨論詩數雋才西齋蕭寂子能來忽看江舸秋先到
已換關山月一回新學朋遊知寡合故鄉襟抱共誰開

續集卷六

七

劇憐作賦超流輩不得相攜到吹臺

和篋兒雨舟至廣陵韻

暝汎三汊河萬柳水風戰星光際野闊一氣秋案衍忽
聞醺浪浪響急孤篷片旣濟菽纔零旋來劇于箭已聞
廣陵鐘溟茫灣數轉雷塘小劫過涼雨洗艷羨溼螢幾
點青的的煙蕪面吾方懷選樓銅輦昨夢見

裴裏行寶應呈艾堂先生

不出邗江已十載夢繞風軒承唾欬今朝忽見三十六
陂秋水橫到我感恩處所有若眼刮金篋明感恩豈在
白屋微名舉衆中噓薦隆三語黔川萬里動秋風木落
長安渺愁予相期高步著作林三筆排架三山空竟負

公言媿公厚空珍敝帚標千金春過省署聞鳴鵲歸結
茅堂向青壁納納乾坤雨露饒臃腫荒墟百圍櫟公回
嶺嶠復綸堂范蠡扁舟引興長應許沿緣柳洲路浮槎
曉漾清光傍昨秋始及懸車歲豈識荷裳已早製蒼蒼
秋色故山佳坐閱淮南老叢桂衝波一葦隔年心溪上
光風快得吟道出商山拜綺皓芝華咀嚼開顏襟却憶
涼陰穿講樹倏過飛光三十度延譽蒙方終賈流鬢根
今點吳霜素身既退矣奚所施著書石室空爾爲中州
故人招我作山長欲抱遺經往說之遺經欲說嗟何有
抗顏爲之顏覺厚自緣承學出韓門忍僅摘華逐枚叟
百年此地幾趨陪振觸寧傷遲暮哉行藏德業如公偉

續集卷六

三

聲光萬古同昭回門生端懼寒如灰師門欲別千裘裏
欲別未別依池臺沆瀣秋氣從天來

艾堂先生遺瓜藕却寄奉謝二首

秋瓜如斗此最佳佳瓜字不數瓊瑰盈吾懷金刀一剖
嚼如水晶冷詎怕亭午天氣如焚柴黃臺離離老結實
中有文章爛五色媧皇鍊石補處亦復然天函地負同
此陶鈞力鳥蓬七尺臨驕陽江淮之水流沸湯昨日頭
低今眼豁何異滿吸三危漿故鄉青山紅樹底灌取瓜
田引白水桔槔亦是忘機人吾土不嫌納吾履此行強
起赴夷門竟忘微生肺氣存不待秋風蘇病骨端賴涼
露清心魂白馬湖邊萬楊柳一片清陰環十畝閒却麗

眉老侍郎斂將紫閣爲霖手彷彿青門古意留風流一
段足千秋他年青竹徵遺事功業遠勝東陵侯

右咏瓜

我家西湖湖水涯薰風吹開紅白花撈取花根出湖底
白雪之白無纖瑕盛來冰盤冰吾齒嚙入嚙啍沁骨髓
平生不踏太華峰玉井之種寧逾此誰教拋却蜻蜒舟
觸暑遠爲梁宋遊湖中踏藕諸年少唱我西泠棹曲不
當風忽復涼心目僕夫團團截寒玉寒玉團團脆且多
炎歊頗使消三伏鮮帶芳泥出白田株株節目濯清泉
珍重分沾道賜意入口果見沉疴痊幸我過行不內熱
玲瓏映徹中腸潔縱使流金爍石天不取盜泉澆渴舌

續集卷六

十四

中宵江漏杳沉沉想到濂溪一弄吟試看冰雪全身在
秋月秋風知我心

右咏藕

和篋兒舟行納涼韻

江湖行路難炎蒸篷底伏汗流苦舟師急水篙折竹雅
愛清江浦佳名消煩酷颼颼飽蒲帆安坐轉幾曲飄飄
振我衣爽似出新浴凉意近迎人一豁通川目頗餘北
窗致高臥跼吾足清夢到山陰竹色溪下綠

雨過清河閣

油雲羃寥空雨氣自遠至颿颿打窗篷斜侵想薜荔纏
夫戒上閭危湍若初試身手盡淋漓衆力劇不易高岸

邪許齊峽猿迸哀思雖嗟泥滑猶勝畏景熾既濟風
颶然餘點雪珠墜莫羨下灘船迎涼驟赤駟

舟行清河晚觀異景作并序

時將下春矣落日晚霞與蒸雲流電相會水天交映作
黃金色俄而烏雲陡升光氣盡掩西北天開澹白皴作
水墨狀碧月清風淪漣演迤是化工之極筆也欣然當
境有述命篋兒共作焉

天公巨麗擅奇敏信手施曦車炎暉曜弭節臨嶮巖形
霞翕絕起萬彩攢紅規自南雲若燒一氣混合之中間
砉礮礮電蛇奔馳山河騰寶燄草木灼華滋渡河象
背撇負天鵬翼垂軒波入倒影映作黃琉璃冲融天半

續集卷六

五

巨水怪驚蹊踞翻動龍王宮見見珠陸離龍王執元圭
龍女吹參差飛湧雨脚黑黯黯搖金支重元漏柘色掩
蔽天西睡白光啟閭闔秋雯一幀披鱗鱗水雲渙縹緲
搖文漪游戲事水墨底用丹青爲青冥素娥出穆穆蓬
窗窺旋空河漢皎浪靜涼風吹神靈憐觸熱似欲慰旅
羈亦或發光怪吟咏供娛嬉偏于詩老厚信荷皇天慈
乍意詎能觀清緣恰在茲捩柁垂綸者元賞何由知

河舟七夕

痴駭終古限銀潢一夕秋期別思長借得聘錢爲底用
造舟寧恨渡無梁

夜舟聽雨四首示篋兒

秋雨疎疎滴孤舟轉寂寥都來相失地盡此可憐宵荒
野柝聲斷尖風燈影搖鳬翁帶雛宿涼意總飄飄
清酒湖莊好歷亂荷芋間從來添滴瀝更自助蕭蕭
泊依新壩潺湲夢舊灣何人嗟遠道一念鬢毛斑
憶昨心顏壯塵途涉歷多秋風捉孤策大雨渡渾河舊
事從誰說今吾奈老何蕭蕭經此夕兒意莫蹉跎
擬向中州去無過効小忠青雲先輩遠白雪幾人同河
曲淹疎雨賓師踰古風聽來渾不寐悵悵一烏篷

月夜舟行四首示篋兒

一片浙江月隨人最有情河聲飛箭下帆影御風行故
國青山遠征夫白髮明何哉解清興吹笛到三更

續集卷六

六

纔見光芒疊平添白浪秋清聲搖兩槳浩唱發中洲漁
火時明滅檣烏自去留孤帆風借便擬及徐州
草草杯盤夜離情話老妻明燈移視北殘月到樓西家
事兒能理謂次兒征途客不迷清暉此分照芳草滿河

憶古梁園好清宵賦謝莊當風誰繼作與雪本同光千
里流暉共三秋翰藻揚停杯聊一問莫笑老夫狂

和篋兒月夜舟行韻

月光常照壁弓弛去聲不思絃豈意重爲客當歌一扣舷
風清搖健櫓雲白映通川宿雁頻驚起沙紋个个圓
河流終古急隱見俯龍堂飛瀑迎蘭棹涼風動荔裳含

清飽蟬腹習靜養龜腸自得高寒意泠泠汎水鄉

見河中虛船感而有賦

虛船竟不繫搖蕩河中央船窗閒無人橫臥篙與檣日夜信演迤一水長水緩姑兀兀水急從奔忙來觸亦不怨寓言荒唐我今遊人世一葉汎溟茫風波了不識飄去隨低昂星槎諒非礙萍梗固其常但以無心往浮沉定何傷洪河古衝激汎溢經鬻桑信天得安隱漾舟清光旁漩流宕烟浪或便回江鄉虛船吾所師安用生較量

徐州懷古四首同麓兒作

項羽

續集卷六

七

我所哭兮在項王拔山蓋世誰禁當王固以力不以詐烹滅暴秦何雄強侯王分封裂宇疆號令天下雲奔忙不稱皇帝稱霸王千秋此義誠堂堂咄哉灰燼與警枕區區朝命朱梁稟不然井蛙細已甚千秋齒冷狗脚朕

虞姬

我所悲兮在虞姬起兵百戰間關隨八千子弟連陣沒哀嘶不逝聞烏騅漢軍得楚死不辭大王氣盡妾何施千古虞兮同廟食范增龍且配享之有鷺其鳴漢宮雉爭登羅入楚軍裏杯羹垂欲施刀几彼牝何曾辦一死

張建封

我所弔兮張建封毬場略地開西東帳下健兒身手捷

毬驚仗奮鳴春空春原雉烟濛濛將軍盤馬彎雕弓一箭纔發萬人賀五色離披墮雲中昌黎杜陵兩生色欲挽乾坤騁筆力草中狐兔盡何益公馬莫走須殺賊

關盼盼

我所傷兮關盼盼莫以主恩死羅薦秋宵原爲一人長此意不隨塵劫變燕子樓中宿孤燕年年孤燕常相見黃蜂紫蝶春叢亂雙宿雙飛毫不羨最無頭腦白香山論事吟詩顛倒間永豐之柳行人攀樊素嫁矣嫁小蠻

見河心結屋而居感賦

我思葺屋水中央竊比伊人水一方壁無塵垢搖波光來往惟聽棹相將寓言十九同蒙莊坐令葺屋之計墮

續集卷六

六

渺茫騷二十五羅衆芳騷人亦愛水周堂蘭橈荷棟葺葺房至竟佳期空夕張惟此片土環湯湯結茅中間涼復涼周遭垂柳復垂楊兒童出入不以航撒然泗水行滂洋河上仙翁怪莫量身騎赤鯉參翺翔彼何人哉作計良月烟空闊天水長居無四隣依其傍濯足空明望八荒眼明過此意難忘望之不見徒徬徨

舟過臺莊四首

此處炊煙聚船窗起一凭舟車紛若湊主客莽相仍老開齊重險高瓴甃幾層行人安穩在秋氣散炎蒸諸州周察後劇市不知貧廢至迎官客鯨吞屬酒民鐸鈴行劫劫鉦鼓賽頻頻誰識輕帆駛悠然過要津

河干纔有屋雞犬傍柴荆側岸牛行穩荒洲水囓平漁

簪攀上下麻隴藝縱橫風景看來好行行慰旅情

河流渾轉甚千里接淮揚舊井交齊壤地屬山東戕編上蜀

商秋疎烟柳綠午借水風涼細葛由來軟宜人在遠航

舟泊韓莊

逆水因風上輕帆帶夕陽一村雞犬晚隔浦鷺鷥涼橋外浮湖影樽前映月光鄰舟聞客語今夕宿韓莊

微子湖

浩渺一湖在相傳微子名顛隴天冥漠行遜水縱橫洲藪居人利雲霞過客情遺封連宋壤流恨渺難平

續集卷六

十九

駿甫續集卷六終

駿甫續集卷七

錢唐桑調元

古今體詩

舟中荒兒事我甚勤賞之以詩

扁舟秋熱苦難平喜得攜兒共遠征喚取茶瓜寧待渴扇來枕簟有餘清詩歌刪述吾家事色養因依汝性情時念茅堂話行役故鄉月色近人明

七月十二夕渴甚飲瓜如甘露念今日爲艾堂

先生七十一歲生辰疊前韻重寄謝卽用爲壽

尋常食瓜良亦佳祇道甘美縈人懷正如酒羗吻未渴一杯徐飲壓茅柴老杜酸寒憶萍實何曾及見斗比大

續集卷七

今日比色空想充飢剖食甜北斗挹漿誰得力嗟我三焦一夕升浮陽沃之那得三斗冰雪湯此時捧來哆口作川吸不羨金盤仙露瓊臺漿因思暑灼茅簷底霖雨須翻九河水當時深倚濟時才京輔黔閩曾賜履一從歸老通德門鉅人碩德田間存豈無唇焦口燥呼不歇空回惻肱勞精魂今日秋堂映疎柳綺季園公過隴畝惟南佳氣正氤氳滿酌流霞商皓手悔却門生不少留江淮月色望中秋含情錯認安期棗述德還煩卽墨俟

和荒兒計舟抵濟寧尚有餘藕疊韻之作

白馬湖流碧一涯取藕尚剩無窮花白蓮花開白如藕

花根花瓣俱無瑕堆盤菱芡不足齒愛此超羣愛入髓
臂原骯髒心和平剛折柔頤此此明湖記泛采蓮舟
舟泛明湖月下遊磊砢自舒舒節目此中曾有室礙不
生來諸子爲湖目湖目青珠藕白玉白玉青珠祇自珍
終古泥蟠非屈伏須知芳種出瓊田長養空明活水泉
有人得飲上池水安然無病亦無痊此如至人大火不
能熱秋月寒潭明皎潔肌膚遙望藐姑神冰雪交光稱
萬舌秋風疎柳綠沉沉却顧清波動遠吟人間有藕終
難並無限纏綿繫此心

舟過滕縣四首

嚴城矗雲裏古縣枕河干檣櫓高於柳鳥驚急似湍樓

續集卷七

二

危標翠甌橋遠影紅欄迤邐行舟過兒童倚市看
遺來風俗好轍跡駐先賢地小修城郭沙滾廢井田市
灣三面水林角一聲蟬織席營生事村氓可授塵
小市徵繁聚沿緣帶水長浮橋三板架去舶一帆揚女
面白銅鏡童肩黃竹箱蓬窗無个事徒倚閑閒忙
長短規滕壤邦君古子男浦秋水落烟柳夕陽含百
貨通淮北三朝到濟南篙師倚風便沽酒有餘酣

望南陽湖

柳樹盤隄古烟波颺渺茫三潭思月色一瀟瀟秋光餘
暑時還熱勞歌意正長人才從古少誰復臥南陽
隔湖觀大雨作

大雲垂垂墨湧螺東天一角烏嗟峨空濛雨氣催海立
黑雲白雲肩相摩須臾飄風動地至九霄白日傾天河
萬條銀竹注湖面陸離呼洶騰蛟鼉當其得意信揮洒
勢若萬馬奔淖沱隔湖我從壁上看一軍奮迅麾天戈
蓬窗大點遠拋落乍驚白屋龍投梭前聲已絕後聲續
天公氣力重噓呵萍翳斫陣後復猛精銳總挾雷霆過
日下高春光倒射溟茫遙海神燈羅陽燄燃空秋雨潑
一燃一潑明金波回潮合沓聲轉驟截斷其若雄虹何
高衢倏掃氛翳靜青紅二氣天邊拖澄波平砥風細軟
宕搖楊柳青倏倏庚星西映月東出鏡奩秋啟光新磨
和麓兒月舟漫賦韻

續集卷七

三

爲憐秋夜好明月宕征舫天上懸娥月波中汎客星浮
生吾欲老垂簾汝方青曾舍沿流是漁歌不厭聽
萬里銀河闊涼蟾映杳冥客遊如去舫孫抱憶添丁秋
隔蘭堂遠波連草岸青飛光緣底急日夜不留停

濟寧旅懷四首

旁午河橋在重樓壓水隅勞人經旅店此日別川塗涼
雨纔過雁垂楊正噪鳥秋空圓月在感動不能無
最是江鄉月相隨不世情臨淮元皎潔到濟倍分明客
思涼初動秋懷皓已盈衷哀去路空對伏流清
二十年前客曾經共一途披英傑輔近論事戟
眉鬚日下辭歸早天南夢去孤榻來消息斷過此重脚

蹕

十年雲臥穩忘却路行難擬退今維谷興歌異考槃客
程空欲速吾輩敢懷安天白浮雲薄巡簷一笑看

肩輿入舟渡潦水作

纔上籃輿去仍教下小舟遲回謝肩輿浩蕩及川遊泥
淖何辭辱風波不少留人間千萬事非意孰能籌

過蟠龍橋大雨中行廿里簾兒車淹滯在後薄

暮蒼頭追送臥具至旅店荒涼作懊懣行一首
蟠龍橋邊鳴雨來茅店穿漏蓬傾隕厲風既濟衆響絕
輿夫轅馬紛徘徊起行泥淖不一里傾盆復至橫喧厖
萍翳飛廉騁狂暴遠應聲勢飛奔雷低窪深深沒腰膝

續集卷七

四

已聞車陷愁輪摧肩輿顛簸盡沾溼道傍舞斷柳與槐
隸也前行不却顧獨山搖漾暝烟堆蒼頭赤脚泥濺頸
擔送臥具吁可哀倦投旅店天似墨瓶無脫粟甑無煤
具陳村荒不可說青蔥白餅良艱哉知兒悽惻苦淚迸
一宵何止腸千回老夫情懷鎮作惡緘垢露若烹盈杯
單衾涼簟且倒臥窺窗月到愁雲開

喜簾兒侵曉至步傍徨行韻

昨宵已度溟茫地未省兒車隔幾里晨衝泥潦及荒村
遠望疲車亦勞止役夫風氣儘澆漓人馬車殊不擬隨
致累行人悲獨宿都教兩處神魂馳我僕寡難敵衆口
塗泥一任爭先走面似蒙俱知是誰纍纍正類喪家狗

獨山將到已烟昏秋雨秋風薜荔村蘆蓬滴漏無乾土
主僕因依欲斷魂土銚烟疎虛草具麥飯羹亭無覓處
攜來枕簟豈安臥霽月俄看過庭樹光銷熾炬滅秋釭
鄰寺鐘稀百八撞死恨村雞不報曉何緣兒影共吟窗
焚香掃地空思潔一夜愁深一百月犀角纔看到眼中
憂虞歷盡償歡悅雪鬢看變幾莖烏子鶴妻梅羨老逋
人生有情難割捨况復父子相嗟呼

宿冉垆集冉里有

明燈作宵市絡繹野翁來倚戶方閒甚投車亦憊哉先
賢猶有里後世漫云才政事何因見豐碑翳綠苔

過曹縣

續集卷七

五

秋水抱城濠秋城睥睨高黃塵驚客面赤日灼征袍川
柳垂垂綠沙輪得得勞由來見幾作未臘已奔曹
劉董集偶步見洲渚蘆葦中秋荷盛開考其地
爲小湖波喜而有賦

晨行得激浦是名小湖波波中青蒼積葭葦何其多眼
明見的的爛漫開朱荷靈妃出通谷芳塵生翠渦盈盈
渺微步不見水沾羅凌波未我卽仙袂飄逶迤颯然秋
風至霞舉將如何秋心寄脉脉精爽儻見過

考城縣渡河

渡覓小顏口河流千派黃胡爲空兀兀重對此茫茫沙
草柔迎輦天風快引檣白鷗吾與汝盟在永無忘

和麓兒廟前看荷疊韻

何處妙香至路轉搖層波金風吹作意開向回潭多宛
似娛羈客欲語風中荷迎睇忽若遠澹泞生微渦朱華
冒綠吐秋水清羅羅塵途觀驚艷川色正西迤弭節舍
之去奈此秋宵何無心挹嘉賞雲霞眼頻過

儀封東關道上左右洲渚開徧白蓮疊韻

葉南與葉北夾岸浮鷗波仙葩愛貞靚似厭施朱多亭
亭出清水妙綻天然荷川妃衣上月白晝映圓渦鏡平
聲鎮息靜遠香氣羅渚宮入不語要眇神光迤雪膚參
差見難邀藐姑何有時乘迴風三素雲中過

蘭陽旅店食新作

續集卷七

六

江鄉早稻熟先秋已食新馨香奉以薦潔粢祖廟陳童
孫亦抱拜追遠情獲申竭來客中州風餐荷飛塵我僕
進午粥渴喜沾吾唇怪此香色異新穀確村民踟躕停
舉箸拜薦違先親顧兒隨撰杖亦作旅食身憐渠亦知
此懇苦情色真一游萬事廢虛名總誤人

南神垵旅舍瓶中插白蓮數枝疊韻

情瀾渺何許一瓶分秋波寥寥三兩枝清韻良足多矧
乃體貞白驚艷謝羣荷酒氣不爲觸小漾螺尊過意若
水周堂衆芳堂下羅寂靜明鉅照清影粉壁迤奈此玉
簫近因依涼夢何醒聞香細細續向枕函過

喜抵大梁二首

一笑從教萬慮寬汴城已見白雲端樽規大瓢浮來穩

壺貯清冰映徹寒名士誰堪作龍尾故人不擬累猪肝

寄聲明月煩相照我負錢塘舊釣竿

作遠原堪處處家金隄任占白鷗沙涼宵已見樊樓火

舊樣難尋韻字紗好客猶煩鄭莊驛爲園須種邵平瓜

仁和門在從容入懷古思鄉意轉賒

題須友堂詩并序

予顏大梁書院之須友堂跋其後云餘山先生姓勞名
史字麟書餘姚人學者稱餘山先生倡道東南顏其齋
曰須友調元學先生之學教先生之教今來切堂亦以
是顏之庶無迷其津矣乎抑願學者之胥涉之也跋訖

續集卷七

七

記之以詩

先師起姚江氣象何峻挺口手大易圖異說不敢騁承
學幸及門苦語寸心警大水無津涯印須上孤艇我行
汴洛學沿流羨湯耿正派總全源五世澤方永大書揭
此堂用當晨鐘省

贈袁石峰

舜裔

卽用其屏間詩韻二首

方瞳炯似碧波寒豐鑠誰論老據鞍戶有團雲傾蓋合
人于行地作仙看新書竹上烟光潤久語花間日影殘
未用置身邱壑裏風流一段那能刊

嶙峋氣象築詩城早歲詞場便有名游宦誰教鳬鳥返
居閒翻向兔園行花南舒嘯三秋興研北流連萬古情

黃鳥莫嫌芳候晚疎林求友一聲聲

附酬和步韻作

祥符

袁舜裔

餘暑全消白雪寒肯來竹屋駐吟鞍新邀一鶴雲中
下舊想三山海外看老眼剛迎秋氣爽清心遙送雨
聲殘文壇竝喜叨提唱河岳英靈意不刊
築居縹緲在江城高臥焉知世上名漫道蒼生斬一
出却教聲斐得同行乘閒自湧登臨興垂老能忘撰
述情萬石鯨鐘懸待扣寸莛也爲發洪聲

書沈荑菴隱君遺集後

有明末運丁陽九喬木清溪開竹牖鴛鴦水上臥
零落棲遲一杯酒興來拄策天台遊東躡武夷南羅浮

續集卷七

八

峰巔嘯呼動天地慣令龍怒拔老湫亂題醉墨巖凹石
壁巢繡蝕苔花碧詞波如海洶濤瀾柳七秦三驚失魄
旗亭到處歌雙鬢完縑斷楮如玦環天上流傳新樂府
千年風韻留人間豈知怙愾蘅臯步蘭成黯作傷心賦
秋塵落日望江南一哀魂斷青楓樹桃葉渡頭醉未醒
清涼亭畔雪飄零世間血性幾男子草莽忠勇思戎經
乃知鶚冠高隱非忘世登高一洒銅駝涕大陸龍蛇鬱
未平橫流滄海誰能濟東溟渺渺一冥鴻秋村孤影飛
蒿蓬浙西誰撰微錄荑菴光炯潛夫中

沈孝子禮存歌

沈孝子吾所欽人所憐神魂飄忽凌炎烟噫乎火及雪

帷前以身撲滅縈絰然縈絰未及解身與火周旋肉皮
焦爛紅如蓮三黃之湯胡由痊死憂傷父心死且加煩
煎生護母柩生棄捐母靈母驚恐相慰及黃泉沈孝子
訟父冤戴盆得雪恩自天神京卓水道里干心動馳
歸馬足穿彌留得面母血淚沾靈筵補亡不止南陔篇
有生至性何纏綿爲我謂祝融今何不仁乃令孝子命
弗延古祭奠圭璧後世禮煩易以窳窳之紙錢紛作清
明祭掃用遺火往往燒墓田我悲孝子涕淚濺痛心蹙
額見此灰蝴蝶風中白影飛翾翾

又贈石峰疊韻二首

對面清流水鏡寒時應花底簇賓鞍眼青迴出山王侶

續集卷七

九

巖皓原同綺角看水竹精廬方築就雲烟巨幘未揮殘
便須確取嵩厓石鴻筆遡教好手刊

書舍雄過擁百城閉門心跡掃浮名秋來乍見滎陽作
老去寧寧返水行文采一家垂麗則林泉雙影契真情
焦桐舊曲須頻鼓只爲鍾期識正聲

新秋

倏見金天豁高原爽氣新軒窗退殘暑巾舄耐蕭晨涼
迴河聲落清幽草色勻入宵吟興永好待月如銀

和雨夜韻

入宵風雨急旅思頓教生吟草塗鴉亂缸花似水清催
寒秋氣勁垂老壯心驚聽徹更籌永空窗不肯明

送萬灌夫歸襄城

迢遞襄城路西風脫葉前才人原有後西田詩句劇爭先冷驛青燈夜高堂白髮年斑衣奉新釀月向桂花圓

九日攜席

汲士張上池

兒登鐵塔憩方丈作

鐵塔兀突天中撐買勇共作螭蟬行一十三層雲作頂七八九折河如傾沙邱袁延塚近遠野田交絡涂縱橫老僧相留坐茶話菊香暗傍蓮臺生

題松間聽瀑圖三首

雲門噴雪下崑烟松塢回潮亂澗泉一片宮商山水在清音非指亦非弦

曾梯台蕩石樓高鸞嘯猶餘舊興豪倒壑晴飛青嶂雨

續集卷七

十

翻空秋湧大江濤

位置畸人瀑布中經過塵事只如風誰能滿耳餘清聽不把名心一洗空

古詩

愛物新有濟潔身貴無求細微或失所閱世寧無憂未許用吾力一羽能舉不宵然四山青萬事不挂眸朝陽一晞髮宴坐崑阿幽天光遠澄霽白雲寒悠悠

集石峰齋和篋兒韻

禽語啁嘲已可人滄洲名畫況清新幽齋掃地渾如鏡老鬢垂絲總是銀屋角彎環一痕月螺心美滿十分春不妨兒輩知陶寫歡趣流連忘主賓

題沈孝子墨梅遺幀

淡寫疎花照寒巖鐵幹存試將明月挂招得藐姑魂冰雪埋空影龍蛇兀老根冥冥元霧裏芳氣塞乾坤

祠聯句

長至日攜萬圖李振藻及篋兒登繁臺謁程子

宴歲憑陵上石臺

調元披襟恰逐一陽來

圖中原形勝

留千古

振藻遠目空明盡九垓

繩篋童冠偕遊春

又動

調元

烟雲活變晚猶開

淵源有意尋伊洛

振藻噉噪

程門肅拜迴

繩篋

和荅友人見贈韻

窗中騷雅本同聲况復倚居倡和鳴誰為常何作封事

續集卷七

士

獨教阮籍有狂名臥駟病骨看欹側過鶴開心謝送迎底物能衝愁陣破杜康專解出奇兵

篋兒與諸生借韻作雪詩用禁體亦復拈此

夜半空簷雜雨聲寒風淅瀝紙窗鳴行游何處乘高興

偃臥由來占盛名羣雀攢栖枯樹溼一鵬軒舉大雲迎喧豨白戰渾閒事坐看兒曹弄墨兵

立春日

和篋兒韻

又見青幡轉殘年發興新奔波成老景飛雨記先春賓雁傳書遠吾兒下筆親南枝芳信早乾鵲噪元晨

己巳元日

梁苑梅花照眼新蒼浪鬢髮尚風塵醉頭春雨三蕉葉

海內晨星幾故人遠別家山勞夢想老看殘史王精神
天涯小子憐渠最學我耽吟硯几親

酬和友人見贈之睢州展座上湯公孟昇之旭

墓韻

匹馬之睢渙悲歌躑躅行師門殘雪在宰木暮烟生
落荒莊意栖遲夢筆名春風重感舊不斷夜烏聲

題山陰放棹圖

山陰吾熟遊水光寒瑩日回潏倚風篠高峰見雲木小
舟下樵涇衝波雪鷗逐中宵新雨過四山響雷濕悔拋
釣石溫清夢斷湖淥此覲一篙青挂在剡溪曲宛對鄉
語親夕汎烟光宿隔浦聞鐘聲滄溟上團玉

續集卷七

三

雨後許君寄題洞庭拙集依韻奉酬

連朝莽風雨氣味似秋清垂柳新歸色流鶯故惜聲飛
鳬留別館汎蟻想幽情欲問吟邊事將毋太瘦生
我夢舊遊處旅羈牽遠心愁如晚春水流滿太湖潯新
雨斷來客稿梧存往吟朱絃愛清絕肯和權歌音

題巢青閣梅花圖

眼底亭臺識古春幾多生意閱流塵最憐撒手歸來後
日與梅花作主人
拋却家山萬樹苔春風拂面惹浮埃相逢老贊都如雪
莫向花前放酒杯

寄家書

春早河流泮南來少鯉魚遲迴千里夢稠疊幾行書校
叟浮沉際牙生涕淚餘椒盤思昨歲朋好聚吾廬

用韻送任君致仕歸山東

豐鑠如翁老倍雄雪花且看舞寒空臣心戀闕唯朝
北斗柄回春恰指東滿酌莫辭青玉案過歸喜近素王
宮猶餘經國文章在萬丈光騰紫極中

張瓜田寓齋見坤一寄瓜田詩即用其韻簡

寄

晚佳山水不得住故鄉空闕林中廬客秋子來共茗話
穿榛卽送關津艫遠逐使星倏南北旅食仍跨京華驢
劇悲素冠暗塵土微哉生事恒傭書倦書倒臥依煖坑

續集卷七

三

夢魂偷返鴛鴦湖燕鴻連翩自來往羈旅消息經年疎
書劒飄零形影獨輸彼田父攜其孥挑燈兀坐纔旅思
憶寫未遺貌毫枯昨春我艇攬長水雨波瀾洞翻天吳
混沌到今鑿未已淋漓元氣嗟逾痛衝炎轉作大梁客
肺病喜得秋風蘇迂闊自據賓師禮空齋一叟常晏如
阿箴隨從職洒掃紙窗靜向南榮糊此來豈止千里遠
叩我所持利則無瓜田徵君亦復到東甌一徑沿威紆
風塵寓舍屢對面老贊已白猶餘烏今朝眉間黃色滿
有客遺之雙鯉魚見子一篇暖語在雪中春氣騰墳壚
儻知天涯二老聚興發立趣巾柴車漫言清坐無一事
談讌十日誠良圖

疊韻贈瓜田

人生托跡在寰宇南北倚著皆吾廬子今寓齋編黃蔑
浮空不繫春江艫且傍親知度臘尾券紙漫寫書生驢
插架叢堆萬軸富然脂窮勘劫邱書昨宵醉歌縱激宕
墨瀋洶溢稽天湖匡廬峨眉袖拂翠千莖雪散顛毛疎
獨客蕭涼倒垂橐但餘綵筆詒諸孥餘拈繪事亦千古
古賢徵錄無涸枯微錄開元普門列品格神俊細辨
王與吳文章燦布灘渙道僕夫往復寧愁痛狐裘蒙茸
敵冰雪蟄蟲眼底難招蘇梁園枚馬不相待腐毫含嚼
淹相如奔波不嫌此途遠食貧祇博予口糊空說遺風
重詞賦取酒之金今已無劇念嵩邱好崑壑石淙少室

續集卷七

西

煙盤紆乘興往撫三花樹有手莫挽西飛鳥我衝橫波
入派水逢君恰喜同隊魚平臺賓客詎足弔旌旗萬乘
俱黃壚共訪名山計良是絕勝時貴乘軒車明朝徑騎
白鹿去任人標作屏風圖

和瓜田病起枉過傲齋原韻

一從子養病我闔雙扉幽跡斷今舊雨渺焉寡朋儔今
晨策筇杖枉過花南洲追昨良讌會梁竹颯已秋却思
波浩蕩萬里隨白鷗汴淮東到海寧憚阻與悠非懷乘
桴志風回泛虛舟浩歌約連袂秋水寒清眸

和木瓜詩韻

詎是青門種疊疊亦字瓜芬馨發幽獨標格占清華髣

几堪輝映金盤足寵嘉入懷珍拱璧得法漬流霞遠嗅
簾風動醒聞幌月斜報章稱永好吟唱作生涯

咏東疊韻

勝彼安期棗何須大似瓜迎眸愛圓潔入口嚼精華
水專鍾美瑤筐疊拜嘉味原甘類密心更赤于霞去核
咀來軟題毫印處斜清歌非纂纂百感溢情涯

送瓜田南歸疊韻

浮生向道無任著下瀨船在元蓬廬萬舟特構屋三間
下瀨雙輪催向亳州道長淮川闊搖歸艫猶勝塵沙面
北走九河故道驅疲驢乾隆初元省往跡布衣給札繇
徵書放歸四逐秋風散散人依舊遯江湖予亦解驅踏

續集卷七

五

澗草麋鹿生性同慵疎意境荒寒等逋老徑欲梅鶴充
妻孥此都朋儕聚匝歲急起趣別如摧枯博望旣遣西
出寒季札亦復東歸吳游梁司馬意早倦數日作惡容
顏痛公等儒林一華蓋許我綴絡金流蘇同心合并老
天如頓使形影孤鴻如平阜漸瀝下霜霰天南天北烟
模糊談經哦句缺商摧倒衣蟲笑邈已無昨朝江鄉遞
尺素旅人心事增煩紆客牀輾轉不成寐寒更聽徹空
林鳥逸材多被青袍誤往往潤轍嗟窮魚况復耆英續
凋謝文星相率埋泉壚謂汪夫朱差喜客齋鄰袁叟
往復門外停吾車招邀一話醉分手金梁送別揮新
圖

寄錢坤一載疊韻

自春寓書冬始到知汝今歲僑廬萬人奔波聲洶沸
汎汎只自浮虛艫古今癖好難理解有人愛聽長鳴驢
生非彌明脫塵鞅那得不作人間書年經憂患雜禪悅
議論略似楊慈湖機鋒著詩縱橫出交游萬事何其疎
無愁殆類癡飽客有金卽寄帝飢拏也拈帖括作生活
運轉陽氣萌殘枯明秋定斫一枝桂持斧不讓頑仙吳
却顧蒼生眉可察窮簷財殫力亦痛趣排金門進高議
要斬四海同春蘇詎止通眉長爪比端須火色鳶肩如
意氣豪奢等閒視由來積壤多空糊乾坤撐拄信有賴
誰指三立歸虛無極知教子在養正厲夜取火情縣紆

續集卷七

六

高岡清聲出雛鳳寒林孝思追老烏忠孝名家炳遺緒
巾箱舊物留緋魚續戎祖考式穀似光耀騰燦松間壚
我客大梁夢鄉國未駕羸馬叨維車鍵關未必無事業
吾衰甚矣猶壯圖

已作送瓜田詩見麓兒疊韻有作復拈此重贈
存者夢異縣逝者傷九幽豈無叢冠蓋非我故所儔君
歸侶白雲亦復酌鶴洲却顧一蓬梗宕飄屢徂秋逶迤
長水激爲我問盟鷗芳草寒自淥春波渺且悠奈何客
游倦老棄沿源舟况我背飛翼酸風射寒眸

送人歸錢塘

纔得心情舉酒杯風軒身健興悠哉忽聽蟬語一聲咽

過送客帆千里回龍井香芽留待試馬騰秋夢到應開
因君夢逐江淮水直繞明湖舊釣臺

和集友人寓齋原韻二首

冷泠山水曲清聽覺神移客底容顏改閒中歲月馳
醉看雲散處吟到日斜時又怕離思動玲瓏唱我詩
交聯新舊好語笑有餘歡客院飄黃雪家山剪綠團秋
懷香一盞冷伴翠千竿暫向蘆洲聚還同宿雁看

酬和陸近觀見題拙集三首韻

客舍歌呼復此時東園走覓慰相思了無情緒空耽酒
但有朋儕便賦詩前事只如春夢過弱毫殊媿故人知
却緣雪跡留鴻爪省舊還憐歲月馳

續集卷七

七

三秋寂寞對冰輪舊日吟壇剩幾人白首孤燈雙照影
青衫滿屋半成塵強爲豪橫嗟無那縱遇窮愁壯絕倫
萬事浮沉憑造物階墀且賞菊花新
刷風毛羽弄翻翻那覩搏空上九天坐捻芸編俄已老
歸營鱸膾始稱賢江湖五石尊原大時世雙蛾畫未妍
多謝成連貽妙曲泠泠三疊海山前

和朱君留別原韻

秋風疎萬木落葉滿別浦此時送將歸寥空雁聲苦君
情故自達浮名輕一羽崑壑欠清遊韻事端須補梁園
幾醉吟信美非吾土何如汎湘湖鳴棹遵烟許含弄集
諸孫釣遊尋舊侶夢先東流水浩然莫能阻嗟予羈影

孤別淚醺如雨後夜闇相思寒對冰輪午

酬和程君松邨見贈原韻

金梁秋草含烟潤眼底逢君最清峻塵沙流輩嬾將迎
一鶴雲中老逾儁聖湖光氣映仙才先年跡過雲濤堆
清緣有待稱莫逆桑扈何由欵子來八咏樓中始相識
剪燭論詩祛所惑朔風吹斷笑談聲去留人事空消息
重來把臂疊經年張沈音書天際傳倦翮驚飛紛四散
蘆漪爾我同飄翩大黃一弛不復設蕭涼書院聽宵漏
浮沉非宦亦非遊世路等閒俱白首痛飲狂歌此一時
雲龍下上姑追隨羊鬚珠遜新詩好咀嚼令我忘朝飢
贈別程君

續集卷七

六

一謝名場得自由仍昌詩學在中州清遊欲憩三花樹
小住渾憐八咏樓寓沈公署聽瀑疑傳流水曲因風肯作置
書郵故園歸去逢殘臘便折梅花當酒籌

躑躅行簡王杞縣明府

我行東西樓公舊封國邦君火急營軍需大金川邊蠹
小醜天兵所過虔供輸國家承平休養久偶爾遣送
資兵車薄蹄控壯士連錢負儲胥嗟爾春風雙耳聾塞
驢亦蒙喚曳青菱芡郊關淨掃鞭撻影何從一覓轅下
駒我馬瘠矣我僕痛沙行歷落千盤紆一肩行李積瘵
奴剝驅欵段行非徒落梅細蹴香泥塗須公櫪上追風
驃杜美句杜老請乞詞豪麤鄙夫不敢尤是效躑躅且向

風塵趨誰與秉鈞襄廟謨論蜀未用勞相如詩歌小
戎士氣奮細民踴躍供區區百寧一擾尚如此渡瀘擒
縱須良圖

續集卷七

九

破甫續集卷七終

張甫續集卷八

錢唐桑調元

古今體詩

王依圃先生以具區圖見贈長歌志謝

沙塵蓬勃翻晴空，灘渙浩浩吹回風。重登公門坐曲室，
碧沙淨映春簾櫳。亦知名山矢獨往，青鞋尚帶烟霞踪。
出示具區圖，一幀白波環激千龍從。眼明舊遊看歷歷，
洞庭雲氣開西東。憶昨縱步聯春冬，元日飛凌縹緲峰。
莫釐對面近揖翠，萬頃湖盪空明冒寒夜。推窗月墮水
虛空，一鏡磨青銅。四山猿鳥盡熟識，老衲獨詫淹吟筇。
左神窮探入元寶，幡然絕頂盤穹窿。梅花開過銅坑塢，

續集卷八

堆堆白雪香溟濛，留題七十二峰閣。恨不踏徧青芙蓉，
竭來擬追禽慶步。五岳發軔嵩當中，三花樹散滿身影。
流霞酣飲漱石淙，石公怪我不歸去。昨夜有夢迎茅龍，
圖長三丈今忽見。彷彿颺馭逢毛公，何人手辦此粉本。
得非子久參王蒙，岱輿祖洲動遠勢。豈止三江一氣相，
撞春昔公廉訪臨吳松。青簾白舫隨漁翁，波光一瀉八
百里。周遭湖面帆橫縱，山經水志辨說舛出入。貝闕穿
珠宮，規寫險要具碩畫。老眼爛豁雙青瞳，莞爾而笑徑
付贈。何啻十資了，我躬不須玉鴉又與并。州剪笠澤菖
川，一手籠雲濤烟浪捲不盡。似聞角頭山嘴星星鐘，

送沈良思

青崖

北上疊韻



澤虞平土經溝洫，意左一夕辭官廬。宦海溟茫過瀛渤，
平波漂去縹緲鱸。波及瓜田急裝動，藤鞭尾禿衝風驢。
公脂一車無長物，喘汗馱載牛腰書。汴梁野客隻影冷，
亦牽歸思錢唐湖。渾河沙頭散黃鵠，四海羽翅從茲疎。
遄歸已失菊松徑，邸宅可借聊寄孥。水寒雲淡天欲雪，
柳柳飄颻千條枯。心向閬闔身塵土，鄉關那問燕與吳。
却喜讀書風得力，神既充實形不痛。老去馬蹄穿塞出，
霜草還藉春光蘇。失侯奉使張騫在，窮愁著書虞卿如。
羣經要使日月揭，把筆明辨祛含糊。漢唐宋儒需論定，
剖析同異千載無。舊坐小齋靜研入古聖，肝腑思縈紆。
邊沙磅礴等曲室，舐墨續寫唇吻烏。他年鏤板垂宇宙，

續集卷八

僕願揩眼覽魯魚，班荆重逢話經義。白首共醉吳中壚，
功名富貴一脫葉。不朽鴻業存五車，君恩賜閒感赤
肺。鵬飛亦復如鵬圖，

蒙趙然乙

青黎

用韻題台蕩拙集因敘舊疊韻

奉答

班荆追昔別塵踪，半荒忽倚薄天一方。悵望高空月蕭
閒，物外心振觸時鬱。勃聞君入西臺矯為獨擊，鵬翻然
向滄洲浮鷗意。髣髴我抱成連琴，情移海波汨君飄浮。
邱袂天際難把謁，一呼松間鶴詎憶。馬前卒形骸散楊
然不作直木伐，但愁鷓鴣鳴坐使眾芳歇。梁園夏木清
南風聲窸窣，前時諫獵人相逢。皓髮芳塵瑤席疑是

中得詞窟揮毫乃餘事藻思特跨越風流不我遺無鹽
許唐突首約遊嵩高連筇上峴帆况復逃炎蒸層水脚
不襪台蕩跡已陳茲當勅更發高步追向禽浮雲任興
沒

疊韻奉簡陳執夫

驛羞底用染蘇枋蟬噪空思叶彩鳳詞苑頻年滯枚叟
仙源何處問漁郎行攀崧岳三花燦夢繫葑湖一棹將
百尺樓高吾欲上苦遭秋熱汗流僵

疊韻奉訪執夫

休計搏風及搶枋亦忘衆鳥與孤鳳座嘲襍穢此間客
舟下江淮何郡郎若飲蔗漿冰映在白沙翠竹月迎將

續集卷八

三

招京却憶松臨砌偃蹇虬螭瘦骨僵

石峰齋醉歸口占

盤綴椒辛節物稠故人情厚苦遮留頻斟淺盞春前蟻
穩試新鞍果下驄醉出劇宜風洒面晚歸恰喜月當頭
還餘一事堪惆悵不得張翁共唱酬謂瓜田

次近觀贈友并見示韻三首

索寞身心一古槎小春天氣詎芳華無情烏柏猶飄葉
多事紅燈故作花漸覺風寒宜把盞誰能歲晏不思家
却憐新舊朋簪合篤愛相將弗我瑕

楊林秋晚剩匆匆似伴羈人黯淡中三叟鬢眉渾已老
五陵裘馬那爭雄生涯斑管拈來冷局勢楸枰對處空

東望滄浪歸未得可堪獨鶴叫西風

故鄉原有好湖山滿目風埃落此間槥爲消愁連夜倒
荆緣道舊幾回班巢邊飛鵲將雛下天際浮雲向岫還
心緒如麻從撥棄悠然明月到松關

奉和蔡公葛峰新行部諸作韻

和渡河韻

却省來時路臨河借客槎魚龍翻杲日風浪捲浮花屹
想中流柱靈祈萬里沙君行秋景麗隔浦柿林遮

和延津道中韻

秋出南燕道行車積潦邊黃堆沙作堞綠種柳爲田陂
澤雲鴻下郊關埃鷺延河津沿瓠子槌石自來傳

續集卷八

四

和稽侍中祠墓韻

消息覘天地山公雅論存婁哀孤子意慷慨侍中魂坏
土騰生氣豐碑繡篆痕猶傳浣衣里醺涕弔遙村在湯陰侍

和宜溝道上喜晴韻

蕭瑟楓林野景蒼客心乍喜見朝陽天連上黨峰千點
烟散宜溝樹兩行聒耳鳥呼泥滑滑聳肩人涉水湯湯
懸知驛壁輶軒過題句風清翰墨場

和謁韓魏公祠韻

天氣秋晴好祠堂映慶霄祥徵登第日勇著撒簾朝老
菊猶開藥甘棠勿剪條安陽公去後人物莫寥寥

和遊蘇門山韻

最愛層嵐霽全消積霽昏秋風舒一嘯羣木動千村日晚暄留影泉深暗發源何當支策去乘月弄潺湲

和清輝閣韻

飛閣凌雲起清輝望裏寬淺深嵐簇簇丹碧樹攢攢散綺霞千疊浮空水一欄依稀靈鷲嶺泉石得奇觀

和洗心亭韻

迢遞鄉山夢雲栖亦有亭素心涵皓皓青眼對泠泠秋色舒蟾窟清光滿鶴汀無須學禪寂難得是常惺寺亦有洗心亭

和嘯臺韻

續集卷八

五

登臺作嘯嘯不數七賢鄉恰得清風激噴然逸韻長蒼山幽且負高士壽而康此處堪歸老秋花盡向陽

和安樂窩韻

安樂此間是何須他有營靜推皇極數高臥洛陽城樓閣空中景漁樵世外情嗟予千載下擊壤和先生

和孫徵君祠韻

舊隱蘇門在經過弔落暉學嘗宗陸子名足並三君侍立茅堂雪高棲竹澗雲聞孫吾老友猶自守遺文謂予同年

孫

和晚宿百泉書院韻

蕭涼存舊院山水恰秋晴月洗三霄魄風呼萬木聲竹

溪塵盡掃石室火孤明靜裏研經好渾忘節序更

和漢函谷關韻

四扇憑臨疊嶂東風雲鳥道若為通五千言出金函裏百二關開紫翠中積雪寒堆秦嶺白斜陽倒射洛波紅黃圖樓閣飛灰盡文物西周憶古風

和羊角山遠眺韻

羊角山頭曉翠流丹梯萬丈鎮雄州黃河帶遠盤三晉太華旒高綴二周蔽芾棠陰終古在飄飄蓬梗此生浮多君行部閒登眺亭上披雲一覽收

和回次硤石雪行道上韻

閒中懷古弔衰興來往當年避雨陵京輔豪華空復爾

續集卷八

六

英雄戰鬪莽相仍雪埋少室三花樹風合渾河十丈冰回首征途過硤石纔行一舍已呼燈

和過伊闕登龍門寺二首韻

雙厓高夾澗形勝實超羣伊水千波下邙山一脉分鳥聲呼斷岸龍氣化重雲欲挽崩騰浪中天洗世氛佛寺金銀氣晴空射瀑泉身凌峰頂石目盡日南天荒誕三車法蕭涼六代烟題名臨絕壁選勝最幽偏

和過香山寺三首韻

石樓迴合萬重山勢壓琳宮絕壁攀白鴿紛紛飛雪上青螺了了出雲間由來事去千年速難得身偷半日閒莫慮諸天昏黑到上方明月照溪灣

蕭閒想像醉吟時
筆陣雄于十萬師
短李老元誰是匹
紗巾草履更何之
九龍潭遠行游衍
八節灘高坐總持
生作家山死埋骨
不愁烟雨樹迷離
葑湖浩淼白隄秋
歌席藤陰作勝遊
一道色延芳草綠
孤亭響落冷泉幽
蓬萊浮海晴波漾
松樹環城曉翠流
千載部民經此地
香山遺愛說杭州

和昆陽懷古韻

符讖紛紛總鑿空
真人奮袂遂成功
轟豕象効昆陽戰
嵬瑣蛙矜井底雄
城破赤眉戈耀日
帝呼銅馬旆生風
神靈爲想中興代
豐沛迢遙並故宮
和臥龍岡謁武侯祠五首韻

續集卷八

七

一岡龍臥寂無羈
顧視清高際沆寥
雷雨奔騰興尺澤
風雲慘淡動層霄
行教公瑾心全伏
坐使曹瞞氣不驕
羽扇時揮仰名士
武鄉勳業自迢遙
國賊寧能抗我師
兩朝伐叛疊陳辭
橫衝天地堂堂陣
飛動龍蛇正正旗
策合關張惟復漢
事乖舜禹豈容不
炎劉自值興衰運
六出奇曾遜六奇
軍威曾被汗青誣
形勢三分策總紆
渭曲頻年奉天討
隆中數語定皇圖
神機奮迅寧慚武
氣象光明本是儒
陣石空留魚復浦
果然遺恨失吞吳
馳驅志業在規恢
三顧恩深釋未來
慷慨出師紛涕淚
艱危奉主絕嫌猜
中原誓掃孫曹迹
丞相還過管樂才

已定南方足兵甲
天威到處震如雷

章武元年建號餘
漢儀整肅集簪裾
操原如鬼空窺鼎
髯實超倫喜得書
北地捐軀增愧憤
南陽懷古獨躊躇
休言三國英雄盛
終古乾坤只一廬

和桃源行憶梁山舊遊韻并序

大作桃源行兼敘梁山舊遊靈境迷離見人心目僕未及遊勉和高韻追昔天台雁蕩洞庭諸名勝展齒曾到掇拾成篇聊資嗚噓而已

讀君桃源詩老眼明不花更綴梁山舊遊跡爛然綺散高天霞陶潛文筆殊靈異流水桃花可人意漁人子驥殆寓言語類浮空噓海市義熙時代等秦餘世外洞天

續集卷八

八

聊作記當時往還廬山麓蓮社雲巒分簇簇門前五柳未幽深幻想仙源蔭桑竹韓公姑且信荒唐骨冷魂清玉堂宿神仙終古有無間渺茫境界無厓堦意中牆屋起瓏玲架鑿飛空跨巖壑豈知萬里鬱蒼蒼烟水凝眸空錯愕憶予昔涉娥江波天台雁蕩窮巖阿雲中之湫奔飛瀑崑下之桂叢生柯一道飛梁亘雲石萬條古蔓垂烟蘿堪笑狂童狂也且劉晨阮肇皆娛娛瓊臺等是桑中喜胡麻漫謂邀仙妹洞庭更憶峰西東莫釐縹緲靈境同嵌崟得我開生面元日登臨腰脚健無碍泉邊幾度遊苔龕午共山僧飯雖然文藻輸龍轡石壁淋漓敘游宴踏徧太湖湖上山濟勝青鞋人所羨竭來人事

多敦迫境破蕭開心孔棘夢斷東南千萬峰杖頭虛挂
青錢百晴暄拋擲小春天雪白花開過蕎麥冬至陽生
又復春風光次第定捺人人間何處無仙洞塵蹤躑躅
空蕪蕪蘭亭風物今猶古梓澤山川樸且淳自憐閉戶
空吟倡一筇難到烟嵐上枉署頭銜獨往生向禽鳳願
含悵悵愛公神王話前遊泉聲山色羅奇狀追想興酣
落筆時傾得流霞當家釀山靈呵護比龍威天地大文
鐫疊嶂引余清思動飄蕭馳騁中原敢並鑣却歸東海
其殆庶紛敷仍種溪南樹山水清緣不偶然扁舟一幅
輕帆懸秋色漫天洒荻雪春風滿地飛榆錢太平時節
容疎放長吟無事寧非仙風塵回首機全息春歸須及

續集卷八

九

桃開日更作人間汗漫遊九十九峰期弗失

和感舊詩八首韻

大哉天地舟鼓施元氣浮盪搖今古浪著此一點鷗賦
質甚微細有願不苟求放眼窮八極崑邱上層樓斬鰲
支坤軸平帖奠齊州所貴騶與麟不貴羆與貅如何韓
商輩挾智驚常流
大道在真醇結繩易書契吾意藉之達末流尚恢麗氣
鼓後潮奔學昧先河祭呂覽懸國門六籍日凌替魯叟
捐義輪終被浮靈翳禍在秦坑前一晦竟千歲殷勤諸
老翁古源自津逮秋風為颯然浪蕩無留蒂
蟻蟬轉糞九彼性固不潔惜哉龍鸞儔亦溷鳥鼠穴入

室操吾戈蕩析堪嗚咽一髮千鈞懸真系未宜絕誰作
儒春秋袞袞寄筆舌漫憂楊墨橫家門自熾滅矯矯當
湖公皜然白不涅別派臚宗傳痛彼筆不輟
鶴蓋紛交接異夢常同衾塵埃漲市達邱壑涵素心有
時澹無事自撥孤絃琴李子佩六印所得位與金
浩浩大海水浪聒天風聲三山不可見神仙渺無情咄
哉秦皇帝結想在壺瀛徐福駕樓船烟島營其生三千
童男女資糧送之行
權奇八駿馬驚視駭三千日行三萬里崑崙在目前龜
臺見王母囀首忘歲年傳以神丹訣永壽當齊天日照
瑤池上終宴色蒼然

續集卷八

十

我我千柱宮鐵鳳翔天半梵言傳筏喻濟渡登彼岸地
鋪金銀沙日射光炫亂詎知禍羣蒙長夜不復旦林楷
有古枝壇杏無脩幹傷心學子路寒雨荆榛絆誰將丹
艘施樓星重巍煥

吁嗟廣陵散不傳表孝尼文章一小道聖籍為之基立
言配功德貴與古昔期奈何夸毗子首路參然疑鏤冰
與刻楮舉世相謾欺吾言實苦藥方經本軒岐刪述有
元本萬代為師資起衰者誰子我心長渴飢

送張圖東

學林雪中回陝署

陝郊千里暮陂陀從騎清聲冷玉珂自愛哦詩題驛壁
天教乘興歷關河殘年印匣春華滿當畫車帷月色多

寂寞書齋成小隱白雲一氣漲庭柯

圖東垂荅送行長句疊韻簡寄

疑華正掩翠盤陀犯曉過鳴月裏珂使者折梅當魏驛
仙翁結宅傍秦河人慙照席瓊枝秀蒙齒及鳥喜耘田
玉粒多契托梁園修竹在青青不改歲寒柯

送圖東後奉懷

年華世故莽相仍馬踏銀沙露景澄熊耳削成千仞玉
龍門凍合一條冰李何代謝盟誰主嵩少盤紆約共登
愛聽陽春歌曲好向西欄檻每長凭

送友之南陽

幾夕梁園聚侵星又做裝秋濤經北固寒隴入南陽

續集卷八

七

歷風霜老蓬飄道路長府中如假日一問臥龍岡

送程君北歸兼酬寄萬晴初一首

送子瓊車去霜風漸寒逢人過汴上隨路報平安
自我去京邑竭來餘十年煩君玉河口一問孝廉船

感舊十一首并序

空齋閑寂憤恨不聊却省平生落落無多知己十年以
來悼喪頻仍屈指追思老懷何能已乎沈辭立郭庶藉
兩先生凋謝亦在近年義兼師友當別爲哀詞不敢同
寢門之哭計自少相識以文章道義相切劘爲疇昔儕
偶之親密者得十人一舍弟亦綴諸末不論殂歿先後
雜書之其行履情狀畧見乎篇中先爲敘述數語使閱

者知哀思之振觸引緒有由云津夫同爲餘山先生弟

子抱道不出畫梅飲酒獨全其真予齋才大性豪以弟
齒予交三十年不一向予戲言戲色老太平司敘易簪
前三日作見懷小詞有憐我惟渠愛我惟渠醉也歛歛
夢也歛歛之句酸鼻不忍卒讀介百容貌辭氣若張子
房嘗同客一達官所有不可毅然明日遂行予畏其風
義之果穆門里中舊識踪跡疎忽一日邀盧二兄玉
巖與予論交西湖之四賢閣相得如昆弟其日爲歲甲
子長至日津夫相隔重江恰以是日歿殆不偶然默臨
勳業煜然詩古文亦成家聞予請急歸貽書云予嘗恐
子玉碎今喜得免矣知己之語歷劫鑄心弗緩柱天生

續集卷八

七

而病聾司敘青田奉檄至敷文書院得子送別詩四
章狂喜曰此來良不虛得美官詎能過此時大中丞招
與商權詩文輒縱筆草書塗竄開宣謀祿養至京師竟
抱終天之恨與不肖同疚痛嘗過舍語次相持大慟外
內驚異茂南兩爲河南邑宰予至汴歿已三月矣臨終
遺命二子從予遊括菴見予與予齋交契請參焉古道
不棄如土賴有斯人又叔兄事余掇皮皆真族弟浩賓
依依如同胞予嘗病痢瀕死惡穢不可近弟手清牀褥
五晝夜目不交睫後客死于京師金氏星帶草堂介百
亦續死于是作感舊十一首不自知涕泗之橫集也

汪津夫

白首涕洟瀾兒童聲結歡忸怩吾浪出骭髀爾泥蟠鄉
語通宵健春杯落手乾東山萬梅樹埋骨入清寒

朱子齋嵩齡

痛絕平泉道銘旌返舊廬浮生共憐愛後死獨歎才
大班資小情親會合疎難將寢門淚重報秣陵書

李介百昌祺

飽學終無祿飢驅未有家重趼走閩嶠絕命在京華兒
泣青楓冷魂歸白月斜沙河東去路宿草動悲嗟

周穆門京

客途良覲少晚歲宿心親魯殿形模古韓陵谷藻新鷗
盟兩湖地駒隙百年身尺牘懷藏在連城絕世珍

續集卷八

三

馬默臨維翰

慘淡龍蛇歲藏虎豹文聲飛京口浪魂黯海東雲鮑
叔交深合牙生曲飽聞漫憂余玉碎一別死生分

章柱天櫺

生抱枚乘疾才名四十年驂螭去瑤圃唳鶴失青田道
引儒官重詞爭古意妍相期傳世業千載定誰憐

邵開宣傳

輕別走京師曾無祿養時星奔杳何及雷慟互相持滿
漬盈襟血過賁入地悲松楸徒悵望追逐媿予遲

錢茂南松

故人已埋照吾但愴離羣一雁書空寄千秋袂永分河

陽祀循吏地下續修文遣子從遊意淒哀治命聞

徐括菴元肅

不覩元龍氣誰知一世豪魂歸騎日月淚落激波濤古
契青松托清音白雪操還傷裴島鶴消息斷霜皐

郭又叔濂

懊惱侏儒朔嶠奇童子鴻高談從我發直道有誰同骨
肉多荒草關山一轉蓬明湖秋禊散聞笛恨何窮

浩賓弟應義

春雨生芳草荒邱入夢頻儒生終不達客死黯誰親雪
裏飛鴻跡天邊化鶴身空留衰老質魂斷倚風塵

寄家書用杜公得家書韻

續集卷八

四

關山苦脩阻來往滯音書連夕多歸夢空齋久索居親
朋應悵惘兒婦自勤渠秋稻登場滿風簾拂檻疎小堂
攢繡葆隙地閑盤與喜溢添丁後陽生半子初開門稀
駟馬遠浦下雙魚經訓苗畝在三冬莫廢鋤

得友書疊韻

北陸三竿景南陽一紙書故人休悵望晏歲且寧居只
有風生砌何緣溜決渠客心方寂寞人事轉蕭疎名士
謠諸葛賓師滯子興灰飛冬至近裘綴小寒初自掃毫
尖免誰歌席上魚倪寬高座在素業帶經鋤

答友書疊韻

毛椎作生事辛苦抵傭書冰雪當殘歲萍蓬少定居天

心寧厄我世路且由渠回首機全息謀身術總疎悠悠
過白日浩浩涉黃輿池館淹來久形容變厥初海鷗看
石虎村酒換金魚歸興吾潛動蕪田劇要耜

大風

向夕蓬蓬起催添萬戶寒乾坤輪噓氣江海湧狂瀾拔
木郊原動鳴冬歲序闌檜巢隨處落茅屋幾時安大地
吹將轉洪鑪鼓未殘艱難知鷁退容易得鵬搏雜沓連
三籟溟濛墜兩丸羈人門早閉兀坐等閒看

登奎閣用杜公西閣二首韻

乘凌當歲晚葉盡剝荒林白日有寒色青松祇古心關
河形曠蕩天地氣清深老計須完璧孤懷罷碎琴靈光

續集卷八

五

存歸殿空谷斷楚音霧夕文星冷何人在此吟

霜乾餘曠野荻伐只空洲寒鷺鳴何意孤鴻去不休蕭
涼倚雲檻兀突對岑樓王粲登來慣鍾儀病有由螺杯
姑滿瀉蠹簡亦窮搜象罔原無得元珠底用求

贈董定巖

千秋古道不榛蕪傾蓋論交肺腑輸繁露玉杯傳舊學
芳塵瑤席聚吾徒士龍入洛才名噪司馬遊梁客思紆
也與杭州分勝景喜君封內有西湖

先母王太君諱曰作

客舍冬爐一薦新芳尊湛淥總空陳生無以養追前事
泣不成聲度此辰寒賦征裘慈線綻夢牽墳樹老苔皴

哀哀時過終難復罷舞斑衣失古春

送葛峰還朝

風儀清霽立高齋承學容教杰士偕何日客星還聚洛
今晨別酒未如淮九經曾向鴻都輯三筆仍從講幄排
先後中州人望在吾鄉先正說西厓湯公右曾

洗竹

去此繁柯葉兩三竿特清青蛇池上色精鐵石邊莖孤
月空明寫滿窗虛白生修修存峻拔無復亂縱橫

古樹和張司業詩韻

兀立崔嵬在心空不復春老鴟呼落月奇鬼恐行人頽
餘龍鱗禿陳根免窟窟新槎枒寧便朽枯處有精神

續集卷八

六

前母張太君忌日作

遄逢忌日黯傷神兩度追思不隔旬遺訓傳聞慚肖子
慈顏倭見慕先親二千里外新杭熟六十年來老柏春
客舍几筵靈爽萃何殊堂上侍昏晨

採乾菊花

階下幾叢菊仲冬花盡乾黃消籬落艷香耐歲時寒滿
袖聊復采落英寧可餐家山味甘美鄉思引千端

黃芽菜一首

遮莫酸寒呼俊味齋廚日日此爲羹冬心怒拆烟中甲
沙面驚抽雪裏莖老子自應便軟嚼細娘亦說壓南烹
哦詩貌喜加豐在免得人嘲太瘦生

勅廚何用傳方法脆可爲齋爛可羹清稱冰心涵一片
肥堪雪鬢掃千莖齒香便足傳詩話肉食元須鄙鼎烹
倚著風塵忙不了由來爲口笑平生

折枝蠟梅

今年長至暖全迴村戶黃梅半已開不道老夫驚歲暮
却教好事送春來一枝磬口香浮几滿盞鵝兒色弄醅
也似天涯逢驛使愁心掠亂望鄉臺

相國寺聞鐘

鐘動初更息世紛香林暝宿靜鷗羣殊憐野客偷閒過
也似高僧入定聞穆穆纔圓當戶月依依不散護階雲
山窗却省南屏住百八聲殘曙色分

續集卷八

七

至日

又向平臺逢至日可堪司馬倦遊梁風塵顏狀吾衰甚
親舊音書孰寄將雲暗昏天欲雪路遙南北雁隨陽
茲辰只想惜騰醉愁緒休添一線長

天欲雪

薄暮寒雲萬里同槎枒老樹只呼風蛟龍穩蟄洪河底
鵬鷃橫盤曠野中久苦乾沙堆斷隴快思急雪舞低空
也隨野老祈三白旅食關心在歲豐

雪霽登閣

色破溟濛照曙雲犯寒憑眺出人羣冰堅極浦生青草
玉簫離宮護紫氛尺素虛無捐雁足少微寂寞動星文

龍屑一鼓聲清越天海風濤殷地聞

雪霽登閣和旣兒韻

瑩目浩已盈虛穠得先曉乘凌睇大荒萬象息紛擾光
生孤月初寒溢二儀表清氣合混茫澄襟散綿緲冷嶂
不生嵐荒陂臥叢篠烏蹲類定僧雲滅若歸鳥緬彼川
路長山陰興已杳罷咏招隱詩清愁正渺渺素心誰與
攄滄淋徒延眺

踏雪

光凝溝隴浩盈盈已斷風簷浙瀝聲何似江溪飛棹下
絕勝沙浦踏莎行軟裘快馬非吾事布襪青鞵稱客情
危約無人犯寒度一筇衝破玉縱橫

續集卷八

六

薺菜薦新

一襲初開憶草堂薦來冷脆雜青黃當時拜後斑衣簇
是處嘗新老淚滂天下幸看無此色胸中藉釀作書香
先人留得清滋味付與兒曹意最長

殘雪

急雪飄殘霽景遙滄溟東日上寒霄依微留得朝窗白
容易催將卯酒消雀墮簷牙聲淅淅風翻林角意蕭蕭
瓊瑤踏碎湖邊路省記尋詩過段橋

晨眺

孤裘犯清曉羃落餘天星落月隱高樹飄霜匝方庭老
鳥衝烟亂驚寒噪林垞沙汭風凜冽松枝雪瓏玲鮮霞

爛竒彩陽光生曜靈杳靄輝叢薄參差麗高甌陰沍堅
澤腹東原已微青

續集卷八

九

發甫續集卷八終

發甫續集卷九

錢唐桑調元

古今體詩

昨投定巖下句猥蒙次韻重疊見貽謹復奉酬
鄉山寂寞寒蕪沐上春雲碧海輪種樹溪南欣野老
談經硯北媿吾徒家承忠孝駢推激句寫風塵散鬱紆
終買扁舟下吳楚烟波歸老具區湖

藝林老未剪繁蕪學海兒寧泝委輸青眼却叨君獨賞
素心敢與古爲徒流傳江鮑才多忝馳逐鄒枚路恐紆
稚子結廬原有請語在拙集中只今魂繫聖明湖

昨酬定巖意有未盡復疊前韻奉簡

續集卷九

南山種豆任教蕪六尺輿中載盡輸且向醉鄉填戶籍
嬾從文陣簡師徒蕭閒終歲青氈坐雄駿專城赤紱紆
自古交情論贈處主賓酬唱憶鵝湖
雪片纔沾麥隴蕪和劑民力在征輸布陽春令寧無脚
下石壕村實有徒天遣一州恩最溥人資兩補慮偏紆
苦心濟世勞公等許我清狂乞鑑湖

昨重酬定巖有感于長言不足之義復疊韻奉簡

寸田耕耨劇愁蕪活水源頭幾灌輸野性多慵防失禮
徧衷希潔恐無徒討論空效經帷下老病還憐革帶紆
濩落平生非有用大樽規取泛江湖

芒鞋濟勝踏青蕪曾覽洪濤百谷輸縹緲高峰登野客
峯峩大編集烝徒幽窮林屋奇書探春到靈岳秀色紆
鴻爪雪泥留舊跡墨花寒洒洞庭湖以洞庭遊是正

疊韻寄友

分飛憐客舍傷逝得家書黯淡龍蛇歲謂得近計淒涼水竹
居遙天酹醺醺孤影斷離渠聲阮聲應慘游梁計總紆
羈懷同落魄陽氣此扶輿安穩寒氈未遲迴臘月初栖
枝姑繞鵲翻藻恐跳魚昨夢蕪田在春歸及把耜

雲裏月

初生光本細况復墮朦朧誰如娥眉影渾愁鶴髮翁關
山仍自暗庭樹亦徒空差免青天上昭彰曲似弓

續集卷九

挑燈

孤燈常苦翳一撥一回明長燄如能吐繁花底用生宮
紗蓮炬艷仙樹蟬烟輕吾意寧期此因依在短檠

酬友人過葉縣見寄韻

無賴朔風勁斷雲停復征故城仙跡杳岐路客愁生津
口塵沙暗茅茨翠靄橫驅車更前去悔不事躬耕

友人至自南陽疊前韻

因人動雙轂不憚往來征殘雪梁園盡悲風阮巷生有友
期飄蓬愁去住酒涕縱橫辛苦同爲客年年藉筆耕

大風揚沙

衝飈動廣遠白晝驚昏霾飛揚沙礫下澶漫臨基階颯

颯天雨土盡掩青莓苔倏忽扶寸厚几案堆浮埃刁調
鳴不已愁轉空山雷川原漲天暗起颺昆池灰修途斷
行旅眼眯不可開誰脩五行志機祥漫占推飄風不終
日際暝息喧喧白榆明歷歷河漢寒昭回

眼鏡

障裏還添障金篦枉用誇一從明借鏡無復炫生花冷
爲疏觀徹青綠汎愛加水晶誰造汝精巧動長嗟

喜性之至自杭

曉望東川動計車冰霜辛苦逐嚴徐故人有子鳴先路
此日烹魚得素書晴雨明湖添客夢菊松荒徑問吾廬
欲知詞賦遺風在修竹梁園訪舊墟

續集卷九

月夜携張朱二生訪石峰

空林亂清影步履三人偕迤邐度深巷槐下尋高齋栖
鷗攢霜樹馴犬踏苔階主人鵝冠出揖坐意所諧舊客
視莫逆新客並稱佳諦觀畫書詩三絕清賞皆逸臺含
古韻正聲去繁哇既歡來不速亦感生有涯百年幾良
會遙夕過朋儕冬春暗環絙煖氣動寒茅微汗霑鹿裘
沿緣返荒街

留友宿疊韻

相逢情境惡悲慨不勝書對面姑寬臂終宵免索居酬
詩連卷帙論價百車渠肯使天機淺何妨世故疎身應
浮作瓠氣欲載爲輿汨沒思中砥飄搖念本初途迤疲

駿馬堂冷少鱸魚除却盈樽酒煩愁不可勘

送別疊韻

留題仍促別尚溼壁間書一騎嘶前路連狀指舊居生
涯多臬兀人事足軒渠倦益相如渴狂存阮籍疎忍教
焚筆硯何自毀輪輿淚洒岐途裏情追總角初在原猶
有鳥激水孰迎魚兔苑爲農去含毫當荷耒

寄懷敬甫息溟二十韻

飄蕭蓬梗跡放曠竹林賢羈旅嗟無那衰遲劇可憐江
流千折渺月到卅回圓青鏡從他暗霜髭不復元夢魂
縈故國意興省童年某圃常游息花源恣沂浴斜陽下
西郭芳草迤東田步履湖隄熟行吟月塢偏惟呼三益

續集卷九

四

友偕上總宜船此意歡何極于今色惘然粉榆空自憶
形影未教聯昏嫁何時畢離愁幾處牽家人憂用老世
故莽相纏兒姪誰能立詩書似已傳經寒增舊疾傷逝
問新阡珥環渾閒事因依亦俗緣焉能斷膠擾那免歷
連遘行爲飢驅去歸難穩醉眠張南並僑寓汴上一周
旋應念天涯客嘯嘯晏歲前

奉懷定岳疊韻

連朝大雪掩塵蕪石湯流泉東不輸湘耐連傾浮白手
韓盧飛騁合圍徒形如土木神嫌寂態盡風雲思覺紆
只合與君爲禁體春來白戰到秋湖許州東湖一名秋湖
萬戶千門一片蕪經營意匠少公輸芳塵自落齊梁後

逸駕寧追屈宋徒驚歎因依吾分棄麻沙鏤刻友情紆

集欲刻苦心憐惜雕蟲技不遺詩瓢汎遠湖

高下歐雲不遣蕪非關科額足征輸要儲萬戶箱倉物
勞勸三時亞旅徒零雨桑田春駕早通溝瓜蔓水流紆
嗟峨礪取嵩邱石庚午嘉名錫舊湖

寒宵和氣逗春蕪拊掌高談底蘊輸未用焚香呼玉女

久教執箭伺金徒上杜詩下選檐帷並遣諸生仰村路還勞

從騎紆此後相思何所似波紋萬疊繞澄湖

空說田園故國蕪謀歸老著已先輸天涯喜得新吟伴

吳下愁牽舊酒徒霜月金梁心自冷烟霞石屋夢寧紆

未論杭穎雌雄在出處從教占一湖

續集卷九

五

臺榭由來沒水蕪清詩不泯性靈輸魚龍偃臥當茲日
枚馬聯翩自我徒求友先春聲宛轉懷人終夕意煩紆
梅花堂畔叢香雪遙如東西踞兩湖

修修翠竹映平蕪一曲清泠潁水輸杜老愛傳江鮑體

期陵高出顧廚音徒官齋月白油櫺迴野塢梅芳草徑

紆從此家山烟景外依稀添繞夢中湖

明明白月照烟蕪倒屣相將暖眼輸自喜同心論道妙

不愁獨行少朋徒詞披虎豹斑文燦墨動龍蛇體勢紆

浩浩淵渟無盡意胸中函納曲阿湖

立春日作

梢桡通宵火鬢鬆拂曙花孤懷淹客舍三載及春華稚

子從賒酒狂夫劇憶家草元耽寂寞相伴有侯芭

春鳥

立春纔一日啼鳥盡春聲趁曉雙飛出當風相向鳴
和林鳩好嬌小羽毛輕來往堪憐愛逢人意不驚

和登峻極峰詩韻

兀突中天秀靄重難追笙鶴子喬蹤三花迴出秋原樹
萬象環歸太室峰翠鳳旗明紅日映盧鴻堂在白雲封
高才合草巡遊賦峻極昂頭扈六龍

奉荅夢公午塘贈古詩三首

微生信通塞大道無隆窳蘊真諒有在望古生咨嗟樊
英堅臥病蟬蛻乎文網慮同山水壽識者爲疵瑕渾渾

續集卷九

六

棘津璜寂寂東門瓜青竹並不滅淺淡殊白科量力守
故轍野服心匪他臯夔侍松棟聊用守蓬麻

咄嗟大楚國萬目失瓊瑛寂寥白虹氣真贗難卒明卞
氏抱之泣血下沾衣纓終見希世寶高聲重連城有美
懷魯叟藏沽兩屏營寧知待賈意安坐神和平吾玉固
自在終古無虧成

孤桐餘百尺鬱鬱生嶧陽良工精樸斲絙以五文章攜
奏文陛上白日下鳳凰野人撫水仙乃臨東海旁吾師
去已遠淡泊存清鏘常恐新聲滑古意隨淪亡敢辱知
者歎情移在溟茫

大雪和東坡韻

野木槎枒脫盡葉枯寒點綴漫天雪掃空六合作廣場
恣洒大文叫奇絕細霧連霄霰雜下饕風動地膠全折
大塊胚渾一氣凝鴻臚陶冶萬形滅塔顛鈴鐸噤不語
城角旌竿凍難掣童心偷攫長爪痕老眼驚散空花纈
搏換蹲猊聚磅礴皴染壓犀飄瑣屑林巒宛爾入淡描
鷗鵲哄然薄輕瞥不夜幽光伴我吟無始清機情誰說
孤齋寂寞抱冬心吹裂同雲一枝鐵

試燈夕

殊憐試燈夕偏是盛風聲升降紅蓮晃因依皓魄明春
星回北斗故事話東京火樹經三度羈愁滿眼生

以詩代簡寄定昂所親託以謀片稴地故不憚

續集卷九

七

頗共三首

逶迤世路苦多蕪赤膽輪囷那地輸仰望雲中飛隼旆
招延海上釣鼈徒南陽寂寞聲光伏東壁熒煌景色紆
雷雨乍驚龍臥處春瀾應激蹴天湖

昔人交道未云蕪情懷還從好友輸賴識風塵噴沫意
不迷烟水問津徒近招居易心應切暫借荆襄說恐紆
欲遣螭行天上雨肯教封著白沙湖

家山林壑分應蕪情話賓親對激輪作客慣陳勞者曲
何門可托義之徒出莊風迴鷗路千般退水到龍津百
折紆安得南州懸榻下酒波鯨吸向春湖

圖東見酬疊韻奉簡二首

雲鴻傳字報頻仍何似同瞻碧水澄珍過百雙投白璧

炯憐一段照清冰烟花攬秀春前到崑壑臨虛夢裏登

攬秀亭在祥符肯醉荒庭從藉草狂歌池檻好全凭

獻歲春寒霰雪仍雲晴二月曉光澄青浮野色連芳草

黃下河流帶斷冰有興招遊名嶽去無心規取要津登

幽棲最愛盧鴻乙越館烟庭次第凭

春日喜晤圖東兼蒙邀遊嵩嶽疊韻奉呈二首

老來意興激昂仍披霧重臨水鏡澄洛浦風光明似繡

蕭齋情味冷于冰烟荒苑從誰語春到龍門許客登

猶有當時盤敦在吟窗翫月幾回凭

筋力年時骭髀仍光涵銀海喜淳澄春明幾處關山月

續集卷九

八

人歷餘寒礪道冰三日羽觴臨水送千尋黃蓋撥雲登

便應題遍天中寺縹緲僧欄不厭凭

疊韻送張東之濟川之汝寧

將何作生活宿好在詩書無那輕離別還勞顧起居夢

魂牽父子依倚惜儂渠不厭清吟數惟愁遠信疎經行

兼楚蔡著處慎舟興汝水滌洄在吾心悵惘初春光簇

鶯燕世味淡熊魚萬事須安分紛綸客思鋤

留別鄂公虛亭容安

物外閒人本不忙三年只一上公堂夢從歸思濃時熟

情在交期淡長未得文壇成氣象且看愚谷有輝光

天教題徧千山去回首嵩雲意渺茫

和許君小寒食原韻二首

忽忽過元巳吟情帶柳邊愁侵拋堦節煖入賣餠天南

浦三篙水西山一朵烟故鄉春色好夢斷自年年

猶寒憐旅食強飲在佳辰老作平臺客狂呼側弁人池

蟾弦一夕沙燕壘三春綿上田空在堪嗟賞從臣

寒食用前韻二首

春光何錯莫荻筍苗沙邊一別粉榆社空瞻決漈天隋

楊初蘸水梁竹自籠烟聽徹流鶯囀殊慚白髮年

合節成吾老他鄉及此辰飛催浮白興嬾逐踏青人早

潑微微雨遲燒艷艷春來增肺氣料平聲揀藥君臣

和許君寒食韻三首

續集卷九

九

老來諸事嬾物外一身輕沙柳垂垂裊霜絲故放生粥

鐘催杏酪錫市逐簫聲風俗東京舊難忘弔古情

春風杭汴似千里接烟花蕉葉浮新蟻槐陰落乳鴉岡

形摹鳳麓離落夢山家萬疊西湖水相思碧一涯

故國松楸在烟霞閱九京殊憐作梁客未得薦毫羹馬

鬣一抔冷鼉江千尺清灰飛白蝴蝶振觸旅魂驚

回輞行爲密書升作

有客南歸枉奔波回輞千里忽見過塵顏黯黯驚對面

欲語氣寒悲轆軻自言羈孤薄祿相出門陷淖行逶迤

春寒十日九日雨橫風醺點紛滂沱天公劇喜散急雪

崑坳澗窟冰峨峨盤盤磨盤車折軸關山千仞鑿陂陀

足疲輪仄不得上石戴古轍凹旋螺烟昏昏今緣磴霖
漸漸兮踏莎高陵樹作幄平原潦成河溝泉流惡徑滑
太漿翻汗脚汚衫褲淋漓踏蹬日數里滁州六合泥拖
抄傳聞京江斷樓櫓長塗掃跡稀驢羸噫吁噓行不得
也哥哥僕夫涕前客睨視盱眙轉轍臨盤渦青錢僱扁
舡白浪掀蛟鼉傾側槽帆巨港泊酸嘶鈴鐸荒岡馱亂
鬢絲絲短且蟠重入大梁城病者求息勞者歌客言行
路難奈此悽苦何主言將進酒一醉蒼顏酡今宵屢舞
酣僊僊男兒可憐蟲到處嬰禍羅宦波世路尤險簸人
間驚悸何其多

酬定昂疊韻

續集卷九

十

賢達寧愁宦學無縱橫急雨四傾輸公餘清嘯如鸞鳳
吟就長城列卒徒春晚不教鴻信杳道脩遙望路亭紆
詩情輕撥癰艦艤桃水生時泛鉅湖
水鳥能芸十畝蕪添丁賦稅每先輸強隨車馬塵中隊
拋却漁樵物外徒烟柳幾株金縷亂春波萬疊縠紋紆
因君拈句追陳跡倦客連宵夢太湖
走馬休嫌意緒蕪酒滔才畧八溟輸官勳已見銘鐘字
儒雅猶爭橐筆徒小蓋拍浮醺醺大田疏濬水泉紆
詞波往復傾頤洞却向津頭望後湖

暮春雪

清明時已過寒氣却侵扉驚逐春風舞輕攬柳絮飛白

花空繞樹新水暗平磯不道天公戲教添客子衣

鵲上柳枝

東風過芳樹新綠晚長條飛來一乾鵲踏枝空際搖宛
如懸幢女嬃嬈動翠翹萬物具生態嬉春一何嬌翻飛
他自得青絲影飄飄故園隔千里芳夢空迢迢春林挂
圓月客思寂無慘

遣懷疊韻寄定昂

暄和春氣長蕪蕪望遠登高客抱輸吟句知君花作骨
息機許我酒爲徒烟輕曲水園亭菴山淺夷門步履紆
劇憶清襟何所似印文千頃漾平湖

清遠山川點翠蕪柳條幕幕薄烟輸班春繞陌遙停騎

續集卷九

十

揆日疏泉緩庀徒文選此空谷楚音吟意冷元和新樣

墨痕紆詒來雋永勝香茗滿飲何須渴夢湖

筆未生涯日就蕪况逢健者望風輸鄰溪野老常看客

講院先生也從聲去徒邱壑置身惟我獨雲霄留眼爲誰

紆金明池上賡吳調似攬春光碧浪湖

白石蒼苔處處蕪滿腔幽思向誰輸竹梧春月皆新色

猿鶴空山是舊徒諾想畫時公事了展從蠟處野情紆

夢牽放棹西冷去一溜波光剪破湖

蓬池

蓬澤瀾瀾漫蕩宋墟歌聲舞影散春渠花邊小劫看桑海
淥水洪波舊跡淤

蒼頡造字臺遺址與兒子

聯句

萬代文明畫余句盡從臣頡開縱橫師鳥跡繩篋盤磚

祖鴻裁肇始傳書契余句洪荒耀斗魁鸞凰舒藻彩繩

畫卦繩篋沮誦並登臺衣被皇墳炳余句觚操俗未頽庖犧初

印將沙浩浩繩篋篆就雪皚皚盤劍銘爭勒余句形聲

義互推入腸攢百怪繩篋出手攬三才粟詫漫空雨余

碑轟震地雷森然戈戟向繩篋述者猶斯來小學千

秋燦余句微言六籍該堂劫探孔壁繩篋坑外掇秦灰

立意從孳尾余句鈎深是禍胎寒芒射精氣繩篋鉅觀

鬪羣材免顛搜三窟余句麟編播八垓笥藏埋玉簡繩

續集卷九

三

塚發按金鎚漢隸尋常體余句吳箋九萬枚汗青殊

襍積繩篋飛白更規恢硯爲摩挲滑余句梨緣削剗災

魯論天照耀繩篋維誦月低徊覆瓿輕新帙余句連珠

寶故堆傾都撫石碣繩篋倒嶺掃松煤史記渾紛若余

騷歌亦壯哉澄心研卷軸繩篋槁項沒蒿萊別派親

刀筆余句他塗致鼎台墨王澆魂壘繩篋詞伯踏塵埃

壇坫毛錐鈍余句縑細俗眼猜窮年勞智慧繩篋識字

分痴駭梵筴叢翻貝余句神清細鏤苔操戈共膠葛繩

寂寞繩篋河洛冷浴沕訪問時和保地名傳是造經過

郭北隈留貽標點畫繩篋謄寫想追陪造作尊元聖句

句謳思莫綠醅活東遊廢沼繩篋蚯蚓上陳菱春野薑

芽苗余句烟墟薤葉栽軒轅世慌忽繩篋憑弔涕承頰

又爲所親述情疊韻寄定昂二首

淨闢雞壇絕點蕪交盟車笠古情輸可知月下論心地

不少天涯落魄徒素履能貞存骭髀包蒙有擊去纏紆

逶迤白水橫流在欲注仙州郭外湖

一頃山其舊壘蕪酬知束縛小忠輸拓將金戟爲賓客

思煞緇帷聚學徒雲幕才情元激越綺年文筆已妍紆

桔槔俯仰知何用下溟乾田賴上湖

榆錢

續集卷九

三

梁園芳樹自年年眼底愁人漲綠烟吹盡春風歸不得

拋來三度沈郎錢

和夢公長湖唐忠臣廟原韻

雙忠祠松偃螭虬靈風簸濤卷潭湫盧龍騎擁潼關隘

乘輿連夜奔刀州山東降旗亘長亭何人鏖戰麾天矛

唳鶴飛羈罕觀謝聞雞骭髀空思劉霓裳急舞更漏盡

羯鼓狂催芳景道棠梨紅照彎環月艷笑倏斷香魂休

蛾眉幸免脂井辱馬崑絕似梧宮秋東都堞樓爲賊守

常山摧陷如決痛堂邑軍張差快意郭李犄角方韃靼

清河登陣氣吞賊重圍衝闢先雍邱江淮勢仗睢陽阻

山川蒼蒼鬱相繆孤城疲卒纔六百忍飢終不投戈鏖

指血頰殷賀蘭座殘羸望救空凝眸將令更堪矢著面
魂驚強寇橫喧咻月暈重重魚麗潰男兒死耳無他求
同年生死異日月交光輝赫照六幽如何議出雌黃叻
漫謂畏死臣豪酋如椽獨運昌黎老鴻臚史斷祛咿嚶
却恨阿瞞手裂紀王綱不絕孤懸旒更樓笛響殷天地
陣前戰苦愁雲浮黃塵蔽空揮白羽裏瘡飲血戈鋌修
彈丸雖破功卓立英風萬古寒颼颼假令淮兵火迫赴
電掃狂飈獵鷗鷀南雷猛勇並哮虎乘勢蹴踏穿長楸
河南河北破竹下縛虜磔報天王讐何至悍鎮了殘局
耽耽跋扈環飢彪况煽張后煬李父南內卒歲非優游
長湖想像鬼雄聚野夫懷古生噓嗽

續集卷九

古

醉歌行呈石峰

百年慮及萬年強鏡中眉鬢皓如霜我儂一日償一醉
酣酣三萬六千場今夕何夕登君牀放懷醺盡無算觴
大醉懜懜花眩眼人間萬事皆糝糠休驚醉語多顛狂
少年貧賤覓衣食北跨鞍馬南舟航兩親送老只藜藿
至今沉痛摧肝腸四十膺薦頭毛蒼亦曾下筆中書堂
區區浮名土苴擲野人不用尚書郎閉門種菜亦屬英
雄事耗磨豪氣歌慨慷有時一枝筇竹神飛揚深山大
澤龍蛇藏衝烟獨徧徧徧徧徧徧徧徧徧徧徧徧徧徧
遊等尋常機杼不似塵闥侶風氣依約留古皇竭來徒
倚風塵傍詎求贏餘營田庄先君孝勇照天日嵯峨欲

構鳥頭坊醉昏惘惘一心在何時眼前兀突見此綽楔
高拂層雲黃神仙久視原荒唐方壺圓嶠波渺茫古今
富貴一傀儡郭郎鮑老紛即當君今年已七十絳縣
老翁齒雁行相看六十欠三歲嗤予年少空誇張既不
思鳴珂蹴踏軟紅香亦不思控鶴高飛白雲鄉兒孫醜
好屬天運肯爲黃口作計心奔忙與君四載結佩纓曲
房蘭臭同芬芳預愁扁舟遂東下杭州汴州天一方君
未必觀潮來錢唐我未必對月留金梁天風無情吹斷
衣袂影東西二老遙相望有酒且催銀鑿落不惜淋漓
傾倒汚裘裳相國寺鐘聲鏗鏗撞破千點萬點宵雨飛
浪浪酣呼沈醉未渠央一歌主客情激昂掃殘兔穎紫

續集卷九

古

毫芒明燈吐焰如虹長

相就行呈石峰

連朝傷暑如中醒送別作惡繁愁并不如意事亂振觸
橫使我腹添膨脝盤飧過午不能食虛腸輒復輒輒鳴
先生顧我色黯沮遮設湯麪羅甌飴豈知書生有食籍
齏菜注定咀千罌摩挲我腹夙負汝終年填送惟藜羹
腹亦負我乏智謂勞切羈緒紛纏縈當筵轉喚薄祿相
舉箸作意仇葷腥空煩竈妾撫砧几辜此椒桂精筆烹
王瓜萵苣翠照眼生脆聊嚼三兩莖常時小戶溼沾滴
今更搖手鐃杯鐃頻頻頻頻頻頻頻頻頻頻頻頻頻頻
虎餐却省年少壯精神膚革交充盈徹宵不曾帖枕簟

雙廬炯炯秋江清嚴寒毒熱等閒過萬事刀淬當新硎
只今食孟較羸縮重擔已怯羸肩撐浮埃決去金滿籬
更令糞土腰帶理那無寸功鐘自銘那無片善登汗青
細瑣蟲篆是何物老死埋首虛窗螢沒世無稱只索已
得不汗臉輸惶駢縱拚沉冥逐莊老微慮皦皦昏偏醒
晚趣恐教兒輩覺譁語拉起巡簷楹張皇矍鑠意忘老
呀開笑口如童嬰每恐失身為口實一飯未肯輕平生
相就高齋不辭數撥皮往復慚真情殘年無事飽飯易
難得常見談喧轟眼看杲杲當空熾炎歊漸次臨三庚
老來最畏值朱夏昨年蒸鬱煩疴攪不須赤脚踏冰谷
陰涼來繞葡萄棚白頭能得幾時聚信意潑墨留歌行

續集卷九

六

信陵館步元雷瑄詩韻

戰國盛養士四君獨推君識一抱關者足壓三千人老
去勿頭送生氣騰孤墳千秋杯土失宰木無遺薪長虹
亘俠烈往事不隔晨鼓刀亦神勇結好在比鄰一椎疾
馳赴救圍如救焚賢聲噪公子勲猷鐘鼎間舊館渺何
處烟草縣冬春

酬寄李滄維

草堂峨岷數紅崖謂萬風雅宗盟最繫懷却問中原幾
耆舊猶存洛社老朋儕梅梢雪盡香浮幙泉脉春融淥
繞階夢想龍門候圓月清游携手步高齋

哭周穆門四首

一燈如豆影幢幢惡耗驚聞墮客窗不道靈旂飄暑雨
幾曾歸棹劃淞江素臣史筆高盲左居士山心寂老龐
纔憶論交四賢閣淚珠歷歷亂飛龍
壑舟夜半失梅津恰是論心把袂辰一老不遺虛後會
三人相對續前因鴻才落拓誰能識龍性昂藏反自馴
埋玉遙聞在芝塢海天悵望獨傷神
萬里塵沙苦載馳多才潦倒更何之雞羣鶴立仙標迴
虎臥龍跳筆勢奇卷却江湖豪飲酒疾于風雨快題詩
天教幾日成良會見送河梁永別離
歸與準擬結松關三叟耜田恣往還樂事無過共吟醉
故鄉有此好湖山六州鑄鐵真成錯兩鬢如絲那可刪

續集卷九

七

他日東臯尋舊侶衫襟檢點淚痕斑

和桃花韻

穠華經客眼又值一回新有恨啼朝露無言倚煖塵迷
來楚漁父睡起息夫人可惜嬌紅色都非故國春

題西湖踏花圖

思煞明湖景春歸客未歸隄花千萬朵都向夢中飛

殘甫續集卷九終

駿甫續集卷十

錢唐桑調元

古今體詩

和夢公春柳詩

不見垂條踈地長焉知春到讀書堂從教鴉影催遲日
最惜鶯聲似故鄉金縷爭翻新遍疊鬢絲深映好年光
依依爲繞先生宅直接花源意渺茫

疊韻咏春柳送別陳寶厓

高枝初拂曉雲黃蔭日輕籠背郭堂千縷風條迷驛路
一灣烟景憶湖鄉因依暫映金尊色悵望遙連綠水光
短短青絲難繫馬魂消天際劇蒼茫

續集卷十

圖東二子歌

君不見詩人張圖東重書甲子稱詩公詩人有後訖盛
事天麟雙送將母同一兒初生萬花紅仲春日煖光瞳
矚函關紫氛滿東陝微乎佳氣閭爲充又一兒生小春
中木末照耀朱芙蓉是夕瑤輪恰纔望團團寶鏡懸高
穹詞壇後先轟語笑歡聲呀動回春融清門譜系著海
宇所重家世標清忠一枝花管燦五色入夢探自江文
通天公不遣漫付與家兒捉搦傳無窮我初識君庚午
冬層冰積雪明房櫳論詩久坐謹撫掌忘却曠馭趨高
春歲破天慳續良覲得草聞聲呼駉蛩阿篋造次出捧
袂含笑炯照雙青瞳心知書種晚乃育默禱神降繇中

嵩今茲墮地兩英物啼聲彷彿昭羣聳走馬盆邊綺繡

幪添花錦上金碧叢騰騰霧鬣交風鬣的的青枝間紅

茸門雙懸琬玉弓席雙斟琉璃鍾夢徵維熊與維熊律

中夾鍾兼應鍾樂莫樂于文祿重却憶重闈舍妻恫丁

卯橋南若堂封他時祭掃雙拜後老淚一掬醺雲松仕

宦何由氣吐虹見三亭勢高龍從君言萬事奚啻足只

有雲江烟岫繚清衷矢願我雲而子龍江南下上相隨

從詩城排突劉文房醉鄉追逐王無功往來風流成二

老將白髭鬚差豪雄吾嘗冷笑浣花叟較論名位真愚

蒙丈夫生兒有如此二雛者豈止公侯袞袞階梯崇相

顧流傳江鮑體庶幾一洗卑凡胸我今已爲鵲冠子遲

續集卷十

君更作鹿皮翁

覺菴張先生崇祀詩

龍集乾隆之七年旌門四照區中賢發舒幽光徧存故
皇風彰善噓嗟堪覺菴先生生中原祀于米廩光燁
燁深衣講學踵清恪白首貞素歸重泉是年先君亦被
詔孝勇大節臚青編乾坤光氣遠回薄煒煌典禮千
秋傳况復紫誥重推贈丹鳳卿下芝泥鮮先生袞袞
由有後焚黃稠疊光松阡初元覃恩賁荒隴命沾
粉署馨香妍春秋名器不可假先德流慶全沿緣嗟予
感事心慨然朝家舉動承重元五章命服繡黼黻崇
臺表宅輝雲烟闡揚風教著恩例承宣敬奉天王權

江國當時舉耆舊，舊叢芳氣颺。蓀荃一鑑如傳古，彝鼎
家祭陳列溪毛筵。至今海頭曾閨里，童兒婉婉擎柁棧。
霜鬢遺老話耿逆，沿塘烽火紅燭天。桓桓練長集鄉勇，
擾耨杆衛銛戈鋌。金燈照耀儀馬擁，黑夜解散千樓船。
栗王配享御帶廟，僂拜婦孺來駢闐。中丞殷勤訪軼事，
未及入告印佩捐天梯。高高塵土隔東風，難達天公
箋。天潢大儒視事至，疏名首達玉几前。夕疏纔上朝，
報可歡聲雷動江海壖。直道昭明不晦蝕，鴻恩鼓舞
加陶甄。我我鉅人李臨川，凌雲健筆揮如椽。大書墓表
一千字，磨礪山骨深雕鐫。雄文盛事永不朽，感激雨淚
灑潺湲。潮州老守汴上遇，求我作歌何纏綿。豈知我病

續集卷十

三

才思涸詞波，未似銀河漩。却感同年八祀典，弱毫聊逐
哀情宣。

金明池二首

春明曾試習流軍，細柳千絲拂陣雲。也似昆明池水漲，
翻波惟有鸛鵝羣。
當時人望翠華過，花映龍舟夾岸多。雁柱虹橋如畫裏，
都隨塵劫散宣和。

酬查藥師

岐昌

題拙集見贈長歌原韻

吾聞猿臂將軍射石竟，飲羽數奇百戰蹙。不侯不侯偃
蹇等閒視，肯使填胷灝氣千尋收。天生豪傑待時用，寧
終踰伏川岳幽。如君握管萬夫壓，胡爲風埃壅壅猶淹

留清秋相逢汴水頭。局空一羽盤中州，雲飛玉立鞦韆不
下蒿蓬。百鳥罕匹儔，登臺自哀哀行路還悠悠。獨恨蟻
臣氣力薄，天扉延登不吾謀。影對梁園烟色暮，秋風古
竹寒修修。袖却金堂典冊手，長卿遊倦誰蒐求。老眼閱
人河沙數，未易雄駿得此流。斬新詩句落繭紙，光彩不
數珊瑚鉤。洞庭明月省陳跡，莫釐縹緲儘足當錢鏐。當
時惜不共踏風翠破，一使春湖化酒傾浮浮。昨者坐我
中天峻極頂，蒼藤飛擲食窮搜。勞動長歌題小藁，倒翻
墨瀋醜。嵩邱裏蹄龍輔俗不識，往往高價收硃鋤。抑塞
奇才失薦禰，屈蟠壯志姑依劉。凌寒緘寄春風筆，嚮風
未許梁宋俾倚聲。突過南唐俊，彷彿天上鏘鐘球。歷歷

續集卷十

四

清暉通不得，九牽客夢楓江陬。風騷激昂心氣投，坐憐
冰霜光景道阿篋。把對青兩眸，一鞭頓遣癢癢癯。老夫
和歌忘辟羞，世講永好以爲酬。土音亦作江南謳。

思歸引奉懷敬甫

老穉萬物娛，春陽濛濛清氣噓。大荒獨有羈人頭，上鬚
髻髮倒翻墨，漆難染千莖霜。客居反關苔蘚房，屠蘇不
御新年觴。男兒見眉穎甘閉置，不異三日帷車娘。五年湖
嶺拋風篴，天涯遼拓歌愀慷。天留杭汴二禿老，社棚強
半多凋傷。當年濤捲鼉江曲，慟哭梅津闕雷硯。魂飄噩
夢台蕩拆如輪，大翅朱園翔穆門。忽復厭峰泖六月騎，
氣排天閭銀河落。天化客淚白日紅，雨醺滂滂失羣起。

向東溟叫數聲激楚悽圓吭千年吹臺屹雲表磊砢傾
蓋遙相望此間不可無爪跡遲子踏雪凌蒼茫子胡不
來酒壚傍壯寒藻思同飛揚枚馬先歸高李迹接跡何
李山邱藏造化元精輸不盡代興豪傑來堂堂昨者得
子空中札問誰傾心倒意結佩纓與京人物夢午塘世
家風範圖東張手持文頌兼韻語跌宕亦見馬閭鄉假
如得子驂騰驤中原旗鼓橫相當乾坤高會照今古盛
事定復傳金梁論交授簡動逸興奚翅使我旅恨消旌
涼逝者音塵杳北叩吟壇小劫俄滄桑老去烏兔尤奔
忙塵途雖盡新知樂醉吟湖舫曾不如我舊侶良便當
決策還江隍長淮京口一畫航梅花參差滿路香豈可

續集卷十

五

徒睇江月流清光嗚呼豈可徒睇江月流清光

奉留別陳榕門先生

加謀

梁園五載漫淹留頻過瓜期憶故邱遶繞松阡如覲省
暫歸茅屋散羈愁年來有願嗟難遂謂建石老去無聞
黯自羞知戀清暉回別浦詎乘浩蕩渺浮鷗

汴上歸興六首

出郭澹羈思浩然歸去鄉五年真倏忽千里極蒼茫夢
結烟霞窟精銷翰墨場浮沉何所得只益鬢毛霜
童年從學道白首竟何成難割風騷愛寧寒水石盟浮
雲過往事春草送歸程幾別容顏老蹉跎嘆此生
治命還鄉國姚江遂首邱抱持鐙畔耳保障海東頭一

氣先親聚頻年客子遊清明從祭掃百匝繞松楸
刪述千秋事餘山緒可尋喬林祠屋古芳草墓門深滄
海波濤跡先生治命葬海邊雍正二年海嘯及墓而止茅堂風雨心遺文久
韜晦感惻到于今

梅津已凋喪相繼復朱周汴上悲風激天邊白日道淚
痕殷舊札松色冷荒邱最是傳遙訣吾生恨未休
總角聯三益過頭六十人文名窮益震交味老逾醇藥
餌扶衰病篝燈話苦辛一湖春水滿留取洗行塵

勒馬舖旅次大雪歌

人生行止疾徐類天設焉用填胸欣戚紛糾結萬事合
作信天翁聽我初從歸路說五年不歸今始歸歸心疾

續集卷十

六

馳過電掣纔踰信宿我馬瘠兩驂不動金鞭折乃知急
難須仗權奇材驚駘之輩空蹶躅行行勒馬僕告休高
春尚弭義和節亳州相距百里餘破程焦躁增煩熱入
夜瀟瀟風雨鳴簷溜朝來未斷絕強起豪呼催駕輪春
寒苦聚茅柴燕俄而滕六勢暴橫霧霽四灑漫空雪大
者如席小如掌恣意盤旋亂飄瞥須臾庭院新發平寰
瀛滅盡古車轍僕夫宴坐奴解裝連槽釐豆安然齧歸
人大笑計算愚縱目翻然動怡悅急出青錢三百買燒
春與衆沉酣眼花顛逆旅小飢羅肥腥爐頭硬餅鋼刀
截披裘啟戶天冥濛萬里乾坤一色潔此時騰騰豪興
湧昂藏恨不駿蹄直蹴層冰裂高歌獨唱林木震颯颯

霏空混凹凸平生吟賞無此一段意境奇忽覺心腑玲
玲清瑩徹却憶春蠶食葉競飛聲塵戰初酣萬蟻穴辛
苦浮名若此艱列舖麻衣寒凜冽懸知觀文堂裏士橫
掃千人並才傑成章不數手八义决勝寧須持寸鐵老
夫只如遙聽捷淮西半夜乘城遂奏前軍烈諸生亦應
念我入剡興可乘前行詎肯愁騷屑倒牀鼻息掀轟雷
失顧晨光透棖闌

疲驛行

平頭曉起看天色四際春雲淡水墨瓊華寒積一尺深
且喜飄騰意止息連宵飼秣力應新牽駕驚駘上銜勒
誰知雪途苦踳躄仍復難行澁如棘關門纔出一里餘

續集卷十

七

萬畛溟茫途不識村墟了無雙隻候游子出門昧南北
聊依列樹指行過疲驛盤桓車傾側裂背駢夫通驛語
惡罵參加鞭筆亟啖吾芻豆曳吾輪忠人之事食人食
胡爲據槽盡一石寸步不前欲顛踣便令殺食寧有餘
驟不能言對以臆世間不少蝗其粟寧獨吾曹怯盡力
萬鍾居養氣體移已極豪奢更培克既輸爾載覆爾輻
亦怠若事受若值矧吾荒飽亦區區不是不行行不得
新鞭輒復下尻脰舊創猶未完膚革天生下駟強委重
舉步汗僵仁者惻顧彼竊祿無天殃獨責羸蹄瘵厥職
嗚呼行路自古難荒野傍徨氣默塞山陰野興實難乘
安得追風插羽翼

駕牛行

疲駑不前枉羈勒荒村驛馬無從覓數里滑汰走村家
賃得烏犍闌銀礫借駕吾車獨當御已與驂騮耳氣
相敵前行蹄健挾兩襄輪底水風吹激激卷然兩角故
自超當前毛遂爲郭椒轉看碌碌駑駘輩因君成事何
由驕因君成事同轡鑣論功未可遺成勞魯僖忘借誰
何力作頌但覺名聲高無端振觸悲思瀉嘆息勞勞率
曠野荷蓑樵牧意態閒由來駕牛勝駕馬半村半郭靄
疎林竹笛橫吹夕陽下吾今得歸且歸省舊蹊可惜長
年拋却榆枌社瑤沙巨跡印團團徐驅疾騁驕思寬同
雲解駁漏赤日二儀皎射清光寒林阜遠近布霽景春

續集卷十

八

色繪與勞人看奇絕飛花落絮鋪千里中綻一朵劉家
黑牡丹

撥悶歌

驚亭誰打記里鼓客行纔得二十五莊家烏犍不遠出
眼見肱磨轉村豎開囊傾瀉水衡錢去不回頭若無覩
一牛一豎難強邀人間萬物各有主童兒惟解解爺親
敝屣阿堵棄不取我無由騁面羞驛誰遣驅車別環堵
荒林有鳥似呼行不得只合牽率疲驛投逆旅前日高
春帳早宿今朝下店未亭午此去亳州九十里渺渺天
涯目愁子躡雲快騎圖空按挾輶猛士勇誰賈我不須
腰裏驂騮去若飛亦不須王良造父御如舞但願僕夫

牽馬奮驪便似吾體排空振毛羽流行坎止數則然
鑄鐵成錯顏徒憚銀瓶催倒麴米春大醉焉知此艱阻
平生閱歷千嶮巇躑躅棲遲不言苦眼前突蠱蛟門如
等閒脚底陡起蠶叢亦易與何况崎嶇折軸逆衝風顛
簸洪濤壞檣櫓區區川陸之險何足數雪水一斗磨
糜爛筆淋漓塗客廡憑將豪縱壓羈愁醉吟醉神軒
舉白日杲杲當虛空塗泥豈久汚后土天地遽廬差靜
便閒身底用擇處所立心骯髒耻干人尚友童鴻吾自
許須公櫪上追風驃此意吾寧踵杜甫

小駟行

萬事信緣難預期柴車苦值青驪疲棗駟烏犍覓不得

續集卷十

九

却駕小駟當風馳一尺淖憂漫瀾連朝雪愁逶迤時無
英杰可駕馭指麾烏合部勒之豈謂驍騰負絕足事急
姑爾施繯羈嗟我勞人歌獨漉春泥滑滑春水濁載驅
小駟秣以粟有時渡水雙耳轟有時掉泥短尾禿長驅
寧望逐驪驂輕載聊須行輕輓汝身結束驕似果下騮
汝蹉跎勞策車前騮不妨緩緩陌上頭但忌拋棄鞅
與鞅竟得雁行兩服汝誠倖縱難龍驤千里吾無尤噫
乎小駟克盡力朱鬣銀題有慚色時來便當個儻步功
成詎遜權奇德聲價能令一日高品流那用九方識天
邊何處亳州城關河歷歷吾憑軾汝才可用無留良疇
云不慣不得將骨骼雖小精神強抖擻卷毛亦昂藏眼

中直覺牝而牡驪而黃我車彭彭鸞玲瑤中原鑣轡需
汝揚此何殊周之駉駉唐之驕驕我爲小駟歌慨慷君
不見侏儒効忠功業昌破敵亦用郅君章

容與篇宿孫家店作

天寒雲淡日欲晡我行容與投客廬吉行日可五十里
準諸古禮無差殊得免車輪生四角小駟亦復爲時須
掀淖還期衆力濟歷塊那責連鑣驅柳林中間道新塹
袤延數里泥填淤有如重船滯淺瀨震天邪許攢篙夫
唇焦口燥脚手痛力盡纔移尋丈餘爾時多恐老沉閣
莫施智略徒煩吁終藉蓄銳君俱發欲舉且復停須臾
盈氣俄當一鼓作先登怡用周麾呼瀕危出險齊着力

續集卷十

十

眼看秦越一家如幸而裏下陰平矣危哉蹴渡渾沱無
却顧來途心尚悸行行人馬同飢飮胡蔥大餅羅盤盂
黑秬傾倒和青芻祇行一舍已自可絕勝咄咄空中書
况皆飽食轉骯髒乾土稍稍逢亨衢平陂往復有定理
時命豈必常艱虞我生豪氣老不除截斷糾紛俗緒抽
昆吾只念楊朱悵岐路肯效阮籍悲窮途明晨載驅不
復止亳州詎等晞蓬壺平鋪臥榻心神舒一杯晚月斟
徐徐溫語人徒勞滿斗豈限小戶喉沾濡驪夫半飲歌
皇琴蘆席坐將黃髭鬚今夕何夕竟似叢歡娛得非經
過險阻兼崎嶇

五馬引

孫家店口攢市間早備五馬供馳驅不怪駟錢橫索
亳州過到誠良圖兩驂兩服成行列當頭一馬意態殊
沮如經過類破竹陂陀直下如流鳥晨別槽頭已飽秣
渴吻午飲長河隅快哉投鞭委銜轡一洗填積干煩紆
當時漫郎偶爾涉宦途賓親苦勸再出無慵疎謂宜委
蛇在畫省便可出擁專城居一竿釣竹肯拋手五馬於
我浮雲如我來作客莫若渠上白擁八騶下至飛雙鳧
新故下上如轆轤無一達官仍其初惟我點重席五年
倚着愚公愚誰羨人生五馬貴靜觀萬物涵清臚眼底
所見得非驚何從起與飛黃俱雖煩共曳薄笨車不如
單騎生馬駒陌上之桑青未舒我今南歸無踟躕我非

續集卷十

七

使君聊爾爾慎勿驚却秦羅敷

五里街

樂復樂車如流五馬橫行風颭颭五日不能至七日我
行亦復到亳州語客且弗樂農方爲客愁盤盤五里街
泥水老大橫沒輶泥滑滑滑於油水深深深於溝雙輪
一陷難拔以九牛區區五馬何足資躡蹠昏黃尚恐茲
逗遛語客且弗樂農方爲客愁語罷去如汎水鷗忘機
浩蕩閒悠悠騾夫聞語不語色如土僮奴聞語竊語聲
咿嚶賃馬者市賸聞語添煩憂前行不滿數弓地坎窪
幾尺何深幽若然僵我服轅紫驂騶衆夫併力昇之起
鞭撻不動非汝尤前後推輓力空費圓輪對峙嵩山邱

大絃苦急小絃絕厖轟迸斷雙轡鞦五馬並駢一馬逸
跳梁遠去流泉道一夫掣曳四五步踉蹌仆地疆不收
泥中龜似汝身手觀者呀沸鴉鵲稠僮奴癡似蹲屋鳩
騾夫躁似升木猴市賸索錢猛於虎到此難作豪梁儵
老夫纍纍亦如喪家狗塗泥滿面旁人羞噫乎吾家薄
田數畝亦足供饘粥閉戶著書良優游胡爲奔波此路
老不休陋彼揮金結客慨慕任俠儔強殺求田問舍遠
作兒孫謀矧肯措意水陸窮珍羞輝煌被服狐白裘毛
嬙麗姬艷聲色朝夕絃管和篴篥顧茲炯炯一心在頻
年浪跡益有由先君孝勇天恩褒我欲跨衢橫架石
綽楔嵯峨高出城南樓南山採石費須千兩之精鏐耕

續集卷十

七

以筆舌當鋤耨硯田逢年積重籌便可經營初願酬分
毫親故吾無求不惜數斗心血嘔結成賜坊彤雪浮我
知火不能鑠水不能泐示永俾我先君孝勇大節照耀
雲日光千秋眼前何時兀突遂見此空山獨往神夷猶
野鶴毛衣映八表詎戀人間池館常淹留我爲人子事
未了尚須往返道周况欲昌明餘山遺緒時則可豈
徒梁園詞賦凌枚鄒我行苦辛得已不嗚呼我行苦辛
得已不

肩輿來

白馬爲纖驪小兒成老翁我昔誦此語謂是詩人於役
憤憊聊形容亳州城外街五里馳驅慘瘁將母同此非

縈雲九折坂亦非礙日千仞峰平地淤泥深數尺陷車
倒馬苦煞儂眼前軌轍在曠隔有若天西東坦迤乾燥
郊原中一如流水馬如龍縱有沮洳場不廢輾轉蹤吁
嗟值此馬力窮單車寸步無由通我馬頓虺虺我僕頓
龍鍾乃知浣花之叟言非蒙肩輿來肩輿來我且超越
平街慎勿滑汰跌入淤泥堆從行人徒橫喧虺無人
不作曳尾龜我亦面目如蒙俱蒿目何由懷抱開病者
呻吟勞者唱騾夫歌似猿聲哀語君且弗哀牽馬投槽
齧豆藉門外閤車輪不用費安排遙隨我肩輿來澆
以斗酒洗塵埃一醉便足消千災四百程途本非險我
命窮薄累汝踏破新鞞鞋苦辛已到亳州店歡笑莫更

續集卷十

七

顏如灰世途夷險並經過填胸哀樂何有哉青天浮雲
白皚皚

騾夫泣

騾夫酒酣醉鳴嗚轉啾啾嗚嗚聲悲且恫問君何事
傷心胸騾夫前致辭儂本保定農家兒耕田連歲不得
食辭家執鞭聊爾為買得三騾加一馬箇箇賣盡傾家
貲滿意牽車足以養父母誰料世路艱難百倍之風餐
露宿不遑息朝愁騾馬病暮愁車傾仄到店還愁稀僱
直官差處處無時無捉將官裏憎吏胥攔置破廠如牢
拘差日乃得給豆芻吏胥扣尅不敢問人馬累日同飢
癯一馬早倒斃痛心熱酒一掬淚車行失此艱軒輊遊

走四方口不糊安望能收三倍利上年趁便一過家家
中貧薄生嗟呀無物奉我孃與爺反要爺孃酒向鄰人
賒匆匆催別去滿把淚漬手內櫪額角新年黑腰內無
錢少顏色幾度思歸歸不得徒遇鄉親問消息載官來
亳州偏逢雪打頭泥水滿路車停甬疲騾鞭不動累官
賃驢賃馬兼賃牛青錢數緡借陸續數文纔得芻一束
數日早盡豆一斛無錢償官眼瞪視官更賞儂明流子
酒各官心自多仁儂行太無俚念欲復犁鋤無一寸苗
畝念欲仍馳驅奈三頭疲騾一輛敝車出門鬚鬚頗有
鬚老黑羊皮十年餘夜作被日作襦無暇咬蟻虱醉後
爬搔乾肌膚百事無一悅念之五情熱爺娘生我不得

續集卷十

四

力何以爲人氣阮塞我聞此語心惻惻我亦客我非官
天涯同此行路難賦命通塞亦常事丈夫不合涕泗潛
數緡青錢不汝責勸汝賣此車騾歸力穡晨昏救水供
子職汝去無用更酸悽愧我不能贈汝以裏蹠騾夫收
淚數泥首送行還作數行啼

僮兒嘆

兒自前年來隨主今年歸歸時着破來時衣夜夜夢爺
娘千里神魂飛故鄉門巷還依稀夢時旋繞醒却非天
涯作客有何好道過長淮少芳草塵沙風起飛漫天一
雨淤泥漬行潦只今雨雪滿歸車車輪傾仄騾馬倒屣
尺移輪難亭午歇店早拖掌泥淖中酸辛令人老主坐

講席寒非客亦非官終朝聚講舌本乾夜打三鼓尚不
眠不聽兒入一文錢頭觸屏風睡魔牽錢非兒所須睡
魔苦難除主恩常遣兒早睡睡覺不知主睡無由來書
院稀讀書大家釀錢飲俱主嚴督課人謂廷是好秀
才良不負三冬油燈共窗友十指長短生不齊人人保
得賢良否主廳西偏百尺樓春朝哦詩上簾鈎郭外青
嵐落眼底二郎五郎交唱酬有時邀朋携榼遊西湖百
錢買扁舟湖山美景天下少黃鸝醉聽飛花洲江北關
河看歷歷春惟楊柳秋蘆荻風土寧須細校量最懊經
年無筍喫江鄉門生廣才傑道古傳經足推激好開扶
輪舊講堂底事梁園感離迹主心礪石營賜坊賜坊須

續集卷十

五

辦千金裝連年乾旱江田荒窮交悵快開空倉何由樹
綽楔峩峩拂雲黃中州蒔臨新都堂都堂禮遇超尋常
整頓壇席留主講暫歸還約來金梁過歸不煖席兒當
隨主省舊跡塗泥莫更肩背拍寧騎生馬駒不晚雙輪
悸魂魄今朝到亳州逆旅主人澆新筍昔兒來時識兒
面指兒長成高一頭山船明月行中流願得大風三日
吹送長淮駕一鞭飛指無停畝更願祝天勿復雨磨盤
山頭劇崑阻行途處處皆辛苦騾夫遠行亦號咷怪底
往來車馬仍滔滔

隸人吟

雪泥擁車輪非關隸不力汗流數里覓莊家牽得烏犍

曳鈴軾頭面沾泥淖過午不得食柳林新道淤推輪手
墨黑橫呼大似甘興霸報主真如張翼德木訥逢人寡
語言急難見汝真顏色汝身低賤列與臺汝質醇良比
茂才平生只識忠信字波濤可涉無傷災汝親年踰六
十老且頽汝顏依慕有若髻毳之嬰孩更番奴輩不中
使獨汝事吾恭謹無嫌猜策勳勞以鵝黃酷飲從不
聞喧喧連宵擔心顧行李小醉輒復推樽囁嚅被隨我
歸去來杭州秀麗西湖隈梨花既盡桃花開湖心虛空
亭起如蓬萊山川周遭烟翠堆好景賢愚各有得清吸
湖光亦快哉我家僅廝愿且朴人言酷似君實相公僕
混沌完然了不鑿一錢亦不私囊橐只今屯艱端賴人

續集卷十

六

協濟不爾沒髀泥塗易轉轂人生品行無貴賤士夫點
污不洗辱奴隸潔白美于玉明朝挈裝上山船山船嗟
峨安如山放懷眠食俱安閒一上山船似登仙客行遠
近兼勞逸川陸程途任徐疾天涯依倚僮僕親布帆無
恙破家出嗚呼阿段常穿虎豹羣行乎亦復直如筆

市賸怨

市賸賈馬牽兩頭修謂一是騾耳一驂驪亳州相去不
滿五十里千錢嫌少故逗遛客心厭苦稽原野使錢亦
復如使馬不惜囊傾萬選青只斷汗走雙流赭平沙淺
草轡瓏瓏喜看蹄健車生風聯鑣號稱良馬五疾馳易
得觀成功中間齟齬低窪道後先推拽爭喧擾踟躕似

惜錦障泥蹴踏還搖金絡腦最後偏逢五里街初行一步徘徊雙輪忽地陷深淖招呼衆昇聲如雷聲如雷輪已起五馬二十蹄不移尺有咫空復如雨下鞭筆轟聞霹靂斷鞵纏驚碎一馬高騰驤市騎掣挽繩在手五步已臥泥中央蹶起顧兩馬追逐何踉蹌去者幸垣衍存者秦武陽哆口誰誇我馬良肩輿客已去卸車不復御汝馬尋歸自何處念欲驅還家四天抵昏暮尋踪復見隸與僮曉曉橫索渾無窮槽頭既須芻與豆火食亦要枵房櫪本思得寶歌宏農幾作失馬塞上翁噫吁戲微君之故胡爲乎泥中我憐市騎與馬困馳驟予以芻予以豆人安房馬安廐數升醉以老醇耐況我還須到

續集卷十

七

汴梁他日相逢卽故舊市騎既醉顏爲歡路行一宿還嗟難

山船行

頻年足不登車航一見艣公心神揚昨歲曾臨洛川岸烟波渺渺看帆檣偶爾剪波一問渡尚未結束攜輕裝今晨毫河竟東下蒲颿十幅當風張南人便平聲船北便馬騎馬落井嘲知章苦索騾車坐安逸不惜頭簪橫低昂豈知雨雪釀泥濘疲羸不汗且僵縱羈生馬力猛鷺蹄底有鬼膠騰驤來時濟寧始登陸肩輿昇致人扶將大雨淋漓獨山路兒車落後嗟傍徨州事見中戒心豈關輒不鑒畏途自非意所量當年一鞭頻北上上下上

留磴如康莊竊嗤書生書驢券局脊啣轡虞跌傷臣今老矣精銷亡膂力不復追方剛亦恥時髦競雄騁軟裘快馬冰雪當獨乘雞栖少風調正刊浮靡歸老蒼年少得途矻矻捷足晚景按節寧須忙塗泥卽使滿身濺幸不汚辱完潔芳躋躋折磨劇酸苦流行自在尤樂康山船如山高巖嶭夷猶撥棹移餘鯉興來仍復舒清狂扣舷卽便歌慨慷却開笑口顧僮隸百悶乃以一快償開頭振施風色順五兩却向東南颺浪花噴湧廟兒口敢祈神佑醜椒漿萬事乘除有氣運始驗禍福非單行

高樓守風

昨者船頭激響水雪浪飛濺七十里閱歷曾經屯險餘

續集卷十

大

纔際時亨敢輕喜果爾今朝遇石尤桅竿羽向當頭指大川利涉此非時三老停橈早知止昨未輕喜今未憂天風靜待迴沙洲萬緣只合隨定數遲速豈得參人謀且喜到處清暉伴侶春波澹蕩搖羣鷗未見天涯浦激新漲鴨頭渌不似金沙港畔滑笏寒悠悠雖然兩槳渾難把猶勝雙輪閣荒野不記迷漫雪載塗塗泥一尺深沒髀安心且復覩檣烏愁眼何如對轅馬西陽地名買得饔飩春白眼青天倒三雅來船快意挾順風高帆疾于孤飛鴻吾舟昨日奔赤馬彼正下碇洪濤中強作解事痴騃僮空惜醺酒祈金龍豈知吾命正當窮縱有神佑難爲功亳州行程苦難疾此亦拚淹程六七君不

見一帆直向滕王閣下飛又不見三朝未許黃牛峽中
出得時自可乘長風失利空勞擇吉日添註詩翁記日
程莫問神仙縮地術嗚呼遠望何曾當得歸高樓地勢
徒崔巍終須旗脚春風轉送到橫江舊釣磯

泊孫家莊

小遷喜得春風緩來船挂帆帆腹坦雖得乘風氣不驕
未如昨朝志意滿篙工舍篙牽百丈飽食亦須鳩嬾散
迤行沙路腰環環那得坐致千里遠行程我不喜獵取
正爾平進差稱善匹如病馬踟不行三尺藤鞭姑策蹇
縱使難追赤汗羣也應得上黃泥坂滿河春水淥鱗鱗
一幅平鋪湘綺展鵲鵲鵲較儂閒目送浮沉與游行

續集卷十

元

山船來往水中央憑凌兩岸排絕巘岸回水曲勢天成
彷彿溪山四五轉亂種麴麥青猗猗張王發榮春氣煖
高阜渾疑臥白羊一堆積雪猶在眼聞說東風雨祖宗
諺云春東風雨祖宗却怪天青色如卵連晨晴霽故自佳恐到騎
驟雨不斷關山險峻滑難行鞭鐙淋漓愁莫遣前程預
算一何痴且喚僮兒洗酒醺眼前萬象放暄妍波射千
尋紅日晚浩迴歸心對月明天東已上白銀盤離家四
十七回圓老醜容顏吾不靚今宵烟淨洲渚平列星疎
朗纖雲卷未必扁鰲遜庾樓老子於此興不淺圓明寶
鏡卽中秋風光領略曾無限豪吟一曲扣船舷遠勝彈
箏更擊阮驚動孫家莊上人楊柳林中遙吠犬

續集卷十

子

毀甫續集卷十終

駿市續集卷十一

錢唐桑調元



古今體詩

雨舟曉發順河集

連日東風怪不雨五更船篷射如弩浪浪新水拋長河
連帶起礙鳴樓櫓奴最怕雨淋漓却願山船去遲遲
若教結束上鞍馬苦比雨雪車行更倍之來時磨盤山
頭歷坎珂山行盤盤轉石磨崎嶇道眾蟻旋晴天紫
棧膽欲破况復頭上如盆傾脚底滑汰尤難行命逢偃
蹇處處定偃仄早覺方寸崢嶸推愁城豈知安排天意
巧既雨還須豁晴昊關山遠待拂行鞭浮嵐煖翠新霽

續集卷十一

好今朝安穩經龍岡青林深水烟蒼茫瀟瀟風雨川路
裏誰知詩人李涉回輕航輕航劃漿水吞吐也勝昨朝
守風佳順流差抵半帆風篙子心驚懷遠縣名樹年來
思量爛熟戰勝肥看我頭髮白問生黑絲春霖縱使洒
十日沾透行李原非奇舸窗此際且宴坐一任碎旬甫
聲大南北客途老奔波幾度冒雨衝風過河面歷落聲
何巖瀨洞白晝魚龍趨鵠鵠鵠鵠成陣呼雪浪洶洶翻
天吳老夫推篷起呼嘯五年不復看跳珠妙絕西湖烟
雨圖

乘風破浪行即事抵長淮衛作

風伯龍王亦悔禍旗尾獵獵向前簸衆夫邪許帆滿張

牢守篷脚船頭坐日看來檣拂面飛今晨闔關旋神機
風聲雨聲挾船走吟嘯大海蒼龍歸風聲愈厲雨聲散
天晴日出萬象見掃去濃墨萬重雲一片空青墮淮面
鷁首碎雪瀑跳眼前噴激錢塘潮帆勢飽弼舟勢逸
岸樹助響鳴刁調却思昨船增氣力何處收帆今屏息
歛歛曾博羊角風須臾已鍛鵬飛翼懷遠城邊幾疊山
春嵐縈裊青髻鬟遠勞迎送客舟過倍令遊子開心顏
雲騰浪湧罷鼓柁舟人已報長淮衛百里通川一鳥飛
迅入晚烟橫決皆連日依渚親鷗鳬天遣回風送老夫
少壯東隅已屢失賸妍晚景收桑榆兒童驚詫遽至此
淺見誰能測行止謝安已奏淮淝捷詎便矯情不曰喜

續集卷十一

二

到岸團團明月生既望因遲光尚盈依稀照清濟水
省記舊事寧無情一輪兔魄是處白幾莖白髮偏增明
月缺復圓不改色人老安得還童嬰月光水光蕩窗壁
惆悵不把松醪傾憑將問月停杯意翻作乘風破浪行
鳳陽道中懷古作

雲紅淮泗真人起指揮率土全車軌金陵從古是皇州
更遣鳳陽成帝里雲龍一戰臨鄱陽依稀垓下殲憤王
疾風萬里捲秋籜豈徒推殘白駒張啤帆雞鳴起十廟
英魄蕭曹共呼嘯衣冠月出鸞馭飛羣靈如雨圓冰照
燕子飛入金川門十族虹氣寧堪論庭花未盡漏舟裏
尺組早已收東昏最哀信邸原英主海大之魚魂泣金

金殿鐘鳴無一人破除却不緣歌舞秦淮春流照廢興
天壽王氣寒于冰古來自多亡國恨瞬息百變看風燈
聖朝盛德古無有備恪許令分匱白已傳玉盤感思
陵更護金燈守鍾阜我昔曾作白下遊發途五礫多黃
琉景陽宮鐘打梵寺元武湖魚烹酒樓殘山剩水傷心
麗鳥啼楊柳悲六季大功坊邸尋瞻園萬點榴花飄血
淚只今策馬此間過山川盤礴形勢羅環抱鉤陳儼氣
象靈風吹冷空山阿纍纍不少封侯骨石門莓苔沒螭
碣岑樓餘絢幾重霞皇城殘破半邊月想像飛揚歌大
風故鄉豐沛將母同不階尺土作天子千秋兩箇布衣
雄宮花禁鳥春蕭瑟天樂雲旗夜荒忽消沉龍虎自等

閒鳳陽曉山青一髮

續集卷十一

三

泊舟鶴洲草堂哭朱二兄子齋嵩齡

湖昏月黑裴公島啁啾哀聲叫水鳥號咷痛淚天河傾
杯土五年久宿草夷吾惟說知我鮑詎若情親昆弟好
昆弟情親三十年招魂不得臨江邊飛飛丹旆歸來日
噩夢正在梁園牽子得惡夢之夕痛心一語心為鐫爾我
平生重愛憐醉夢歛歛不相見易簣前三日蒙寄懷詞
中有云愛我惟渠憐我
當年結交始齊年鄉國作因緣病客京華互依倚後先
助我趨寢門維持湯藥連晨昏大義急難逾手足此豈
私感交親恩魂飛驛路見星奔草土餘生幸得存脫若

無君恤疔瘡我已早臥青松根計偕連歲走釐下不斬
漢策金門射頻看羈宦惜孤生終邀歸養欣聯駕意氣
豪宕破變拘終始遇我戲語無謂我餘山門弟子鞭我
絕學傳真儒嗟君才略希世寶廣文一官竟送老不因
謫去死台州憤絕英雄鬱懷抱因君磊落追括菴欲連
膠漆參爲三嗚呼君等並早逝乃令齷齪齊彭殤時
我欠憑棺慟今歸哭君如噬夢編君遺集撰君碑後死
庶可前沈痛念君大節光輝輝有道碑刊萬古傳我今
祇攬述哀筆天下尚未知其賢哀哉我今酹君君享否
他年黃泉尋我友

哭周穆門大兄京

續集卷十一

四

心朋苦恨流光短晚歲相於眼倍煖那知一別成千秋
直令恨塞乾坤滿里聞聞聲四十年文壇汎愛相周旋
四賢祠中一杯酒三老盟心無間然奇哉一老成吾契
一老是日騎雲逝二儀中間着吾輩天慳未許多連綴
二鳥更起鳴相酬二鬼捉作一處囚同心合并本不易
况復幾輩聲相求纏綿一篇賦朋友劫火難灰垂不朽
我與盧子同悲號痛淚滂沱落一斗離情千里汴與杭
台州一老又凋亡迷離冰雪魂淒斷天東遙哭悲茫茫
哀哀一年弱一箇疊放小招歌只些人間祇剩我與盧
西湖正似西州過舊贈書札兼歌吟字字重比雙南金
呼兒檢點未零落痛入重泉一寸心豪題大小中州集

遺山遺墨猶在篋今把嵩山遊草焚靈風散亂灰蝴蝶
如弦之直百不回縱橫辜負凌雲才擘窠字作胡旋舞
驚人詩句如崩雷姓名空得九重識文人槁項終失
職君胸雲夢八九吞脫去芥帶忘通塞年逾單豹顏童
嬰酒酣耳熱氣益振何難大年逾靈椿糠粃人世不遑
巡脩然而去返吾真萋萋墓草秋復春春觴湛淥寧沾
唇模糊淚眼空茲辰重江悵望交酸辛

簡顏君

江路盤盤下上潮權謳宛轉入風謠何人得似顏明府
只飲中瀝水一瓢
吾生到處耐淹留蓬汎非徒怕石尤一笑乘潮出京口

續集卷十一

五

眞如騎鶴上楊州

讀圖東詩步見寄韻奉答

老癖耽吟感百端君詩安雅耐窺鑽賞寄自合千人見
攻苦深知一字難風際疎篁清有韻雨餘明月淨無瘢
赤松許我全仙去分餌雲房九轉丹

秋柳詩和作

催減清陰道路間秋風吹老舊容顏難忘客館深相映
欲送歸韉不可攀愁裏飛霜滿天地曲中絲雨下關山
那堪淹滯啼隄久搖落鄉園夢往還

輓盛美東

彥方名德州人重公瑾交期那處尋湖上影隨秋穗散

天邊信報壑舟沉雨昏遠夢飛梅蕩月冷殘尊委竹林
教子已成千載業獨將經術壓朝簪

吹臺和韻

白頭尚作梁園客倦向高臺望遠空荒苑只餘修竹冷
秋山依舊落霞紅眼看摘藻羣公賦夢斷誅茅半畝宮
旅思徒拋酒壚畔還將長劍倚崆峒

寄懷張聖書

天麟 沈奉宜 大璋

一天風雨送孤舸真意難期世路逢霧裏文章猶豹隱
春前態度已龍鍾空花如纈從經眼雲夢平吞不芥胸
苦憶故人情味好絕勝烟景雨湖濃

書感

續集卷十一

六

右手持酒杯左手持螯蟹俊味宛江鄉韻事兼風騷但
恐性坦率徵逐來朋曹一瓢古老棄況乃加煩勞何如
柳下坐清談引洮洮淡中滋味永釋我之鬱陶失身戒
杜叟沒齒銘胸牢

哀歌行輓湯岷南然

魯叟年不遐義軒陋巷隙光素驥奔元氣羸薄痛乾坤
巫陽莫予臯甫魂英靈悲嘯松柏原湯君挺身儒者門
巖然文正嫡曾孫英年顏色清而溫一段瑩白輝瑤琨
因依庫略綿寢殮筆力溟漲浮鵬鷗六法八法藻騰騫
多師爲師厚本元就吾談藝觴梁園樺樹放萼紅焯焯
微爲批導辭不煩若然刃解無全犍奇快擊破黃金樽

聰明雪淨破幽昏徐遊窈與目擊存至道星海步崑崙
超悟始可窮其源文正初從夏峰論派合陸王兼清渾
晚識經流一氣噴新安江連泗波翻乃沂所聞心獨尊
予非覺者嗟惜惜沿緣早荷先師恩脉系似續全來昆
溪漾風月清景繁意欲偕子弄潺湲驚呀計到涕湧湓
呼天祝予銜煩冤一夕秋風敗蘭蓀灘渙哀怨逾湘沅
孝廉船瑱埋紅盆夜壑移去無蹤痕手草傳贊青鏤援
要使志行光揭掀悲哉孝友以死敦我知痛處不忍捫
掩抑苦調絃折鴟絃外有意聲爲吞他時誅蕩開天闢
電旌訪子一晤言詎等濁世諸寒暄合諸先正吹簾垣
千秋傾蓋聯趾跟今過墟墓月挂村一杯滴淚澆陳根

續集卷十一

七

哀歌聲咽叫斷猿回首低空愁雲屯
雷紋鼎與簾兒聯句和沈荻林
廷芳 偕樗莊 維

材與諸子聯句作

金刀運久訖 寶鼎光同探 雷韻繞 蚴蟉 豐隆
走趨趨微凹寫窪坎 隱凸樞穹 嶇古血黯化碧
活翠烘浮嵐砂斑紅 罨屨 銅繡青龕 弁最 鳳身
蹲伏 饕餮口 瘳恰腹形 脹封豕 腰築紫眠蠶
顏凍大谷 黎 膚滑宜都 柑底平盤 龍鏡 益覆
交虬 盒三 駿鳥趾錯 兩匡 鏤耳 僧蝕痕 嚙追 蠶
句圓孔穿書 蟬黝色 摩盾鼻 清聲叩劍 鐔古貌 擬
虞夏 上壽過彭 明印盛勝 登豆 提挈殊 嬰甌

自當實脾臄 詎使汚潘汨器之貴而美 儼爾
樂且湛拚爲濡首飲 試作解頤談圖籍紛有俎
英華飽咀含神姦象臄 博物逢僑剡烜燁周
王定 職貢來侯男 睢肝楚子問 觀兵耀戈鏃
崇貫尊供御 陪牢從 宴酣細號 虬蜩窳
大烹鼈牛函龍文 孰克扛 虎視何其耽刑書伊可
畏 賈品毋往參季路列何忝 主父食應慙望
汾氣煜煜 淪泗波潭潭 刻鏤現雕壤 鳴吠昇
淮南金盤折仙掌 銅鼓敲搖簪垂文看泡影
紀功夢槐 耶朵願意已鄙 染指情尤愁翰舟思鱸
鱸 義帖書 噉蚶巾 幕設畫布 桮杓羅 癭楠開

續集卷十一

八

筵拉李白 餽食呼何哉 莫遣禁嚮近 竊計充
庖堪却稱 燿熊豹 顧屑燔鵲 鵲羹 嫵嫵
銅童髮 穆穆取 錯足嫌 折 豪杯尾 喜焚行 廚竹瑣
碎 坐 譙花 輕鬟 緝御 早授 几 投轄常 畱 驂茶
烟颺 穠穠 香雲 裊 醺醺 饌 經 陋 諮 議 駟 銘 勞
研覃 當風 吐 茵 泥 夜 鳴 鐘 鎔 需 雲 憶 翁 蔚
湛露 曾沾 涵不 羨金 七 藥 時發 黃 封 塲 侯 鯖 謝 五
門 官 鮮 却 一 坵 考 父 正 偃 僂 彌 明 休 嘲 哈 搜
音公等 擅 好 古 吾 儂 奴 孤 尊 汎 汎 下 土 銚 拍
拍 滄 素 餐 滯 古 苑 還 寓 舍 繩 旅 食 移 團 菴 一 瓢 澹 泊
永 百年 粗糲 甘無庸 樹雞 柵 未厭 提魚 籃 閒

心冷煖覺余句世味酸鹹余句養息靈龜靜繩麓搜肉飢
鳥饒吾家亦有鼎余句萬夫莫負擔燒丹異羽客繩麓
咒鉢哩瞿曇其質秉清白余句其文攄青藍鴻爐孔鑄
一繩麓歎識湯銘三廉讓水斟酌余句文武火焚煥貽
孫以有穀繩麓寶我之不貪余句

用韻贈友

中原數豪傑何李孰禁當吾黨躬刪述斯文任表章修
篁秋苑冷古桂畫欄香得子論宗派家江遶寸腸

率諸生謁遊梁祠敬賦長律

亞聖停游轍賓師著耿光崢嶸全魯殿煥爛比虞庠多
士從于邁層階儼肅將彭更還侍廡樂克獨升堂妾婦

續集卷十一

九

甲儀衍淫邪掃墨楊甲兵憐驂驥仁義啓蕃昌禮厚曾
招叟情迂且見王周詩頌經始湯誓鑒稽亡陷溺誰能
拯飢寒劇可傷盡心規隴畝引領望崑廊述德追三代
編書屬萬章徒移河內粟莫樹宅邊桑鴻雁聲嘹唳池
臺跡渺茫年時翻白鳥劫運換紅羊秋色林巒迴前塵
鹿跡荒天中煙漠漠沼上月蒼蒼大統于今一中原自
昔強官因人牧重俗以子來良頒白叨頤養黔黎際樂
康雞豚散晴旭魚鼈詠濠梁鄰接齊秦國地成鄒魯鄉
七篇陳講席千里倣行裝覆砌油雲影參霄古木行颼
然動帷帟仰止入官牆黃目浮芬苾青衿拜濟蹌苔碑
蹲鼻屬奎藻耀輝煌王道謨誠遠儒門澤正長吾徒

沾化雨私淑意難忘

輓盛晴谷熙祚

名場宦跡太匆匆一病沉綿萬事慵生訣故人奄暮景
魂傷今我黯秋容擔囊却憶馳京國橐管相將試璧甌
難忘天壇歸路晚浮雲敲斷寺樓鐘

遙題南池杜文貞公祠秋林屬

南池一汪靜皎鏡磨青銅當時此臨照寫公清妙容高
吟命儔侶京納玻瓈風天寶烟塵作百憂遂填胸奔波
半天下白首嗟龍鍾渺瀰百花潭亦著滄浪翁萬事去
無跡甯然秋水空只餘哀時淚爛斑吟卷中有唐劫灰
冷清光獨無窮昨君冠鳥到追仰前賢蹤榛墟起祠屋

續集卷十一

十

遶植松柏桐楣間揭天藻真氣驚魚龍我生耽游歷
况乃心所宗會捉圓筇去卓破苔痕重靈飈激幽籟澹
拖搖寒穹

月夜

空階汎澹白待藻交連淪絕竒衆木影孤月寫其真大
文在天地晃朗無厓垠清暉正溢目妙悟融心神寒烟
翳片石夕露濡叢筠明明入我室無言獨相親

贈張映緯經德

崢嶸秋谷後誰復起山東此事成千古看君角雨雄關
山存老馬風雨下孤鴻梁苑餘修竹平臺四望空

依韻酬許丈晚榆勉徽三首

非仕復非隱蓬飄易去鄉研田嗟壁硯陸海苦溟茫曉
日粉榆社秋風碌碌場空懷茅屋趣木葉點輕霜
夢華存舊錄天水跡空尋良岳沙痕黯駝岡草色深風
燈看世事花木觸閒心杭汴從栖托蒼涼閱古今
關山千里遠愁思六時周旅病風情減吾衰歲序道閒
園開栗里秘檢發勅邱一杖猿騰去塵緣合罷休

疊韻再酬許丈三首

步世多輟葛難尋建德鄉孤懷存澹蕩獨往志淳茫曉
淨鷗浮水秋喧雀繞場崢嶸歲晏黃葉一林霜
昭琴聞不鼓百事忘虧成兔苑奄三宿雞壇謝屢盟愁
中秋月影夢裏故山程悵悵曾何益沉冥了此生

續集卷十一

十一

若箇峰堪買誰能溷貉邱秋陰看雨脚夜響憶潮頭客
勸情騰醉天慳爛漫遊郊扉吾計得寒綠掩庭楸

疊韻再酬許丈三首

愛逐無功跡陶陶入醉鄉世情多颯沓古道久微茫鴻
滅飛空影雞專妬敵場離邊舒一笑菊藥暗凝霜
一士烟霞癖端應置一邱浮踪大河畔清夢小山頭蓬
嶠原虛憶梁園豈壯遊何須論外局鎮日付文楸
殊方近依倚夢接素心人墨海常沾潤衢尊共飲醇宦
游渾雪淡旅食總蕭辛眞實平生語謀歸脫世塵

飲石峰齋作

風掃空齋木葉稀參差寒鵲傍簷飛濃斟酒盞方迎臘

老閱塵途倍息機防備雪花先墜戶飄殘雨點未沾衣
六年汴上從消九不到沉酣不放歸

雨

竟日淋漓洒不休濺空碎瀑下檐溝四鄰茅屋元雲翥
一夜池塘野水流消耗雄心傾巨蓋禁當寒氣襲重裘
自憐老去長爲客汴上蒼茫倦倚樓

石峰惠筍

我生漸江繞江潭四時燒筍風所甘竭來大梁苦夢斷
忽見一束提筠籃此間竹萌如錐細香苞劇自淇園南
二百里餘遞急足新鮮曉露猶沾涵脫却錦棚獨餉我
老饕喜得消清饒矧童一顧顏色動家鄉方法燔魚語

續集卷十一

十一

近根扶寸不忍削當筵下箸何其貪香杭配送如填塹
快意飽肚摩婪酣却思家山此時節龍孫迸地攢差參
清晨壓肩販夫出輪囷盡帶黃泥擔貓頭重踰十觔許
入口不數江瑤含西溪留下種尤美深叢烟縷浮茅菴
僧家妙品自玉版莫問禪悅參瞿曇湖山吟侶一疎失
豈止一七情空耽故人欲我羈愁雪累及口腹深懷慙
久擬過歸覓嵇阮林中疏理荒徑三戀君情似老昆弟
留對霜鬢垂髮髮

題秋林勞山吟眺圖

盲風颯颯吹塵飛誰如鏡淨天海圍參和嵐波漲海氣
勞山直插東涯圻吟仙昨挈錦囊古登登展齒衝翠微

成連一去海山竊寂寥罷按黃金徽卅兮巨艦掠鯨背
子孫絕島開軒闌縹緲三山乍涌見倏忽屢怪升烟霏
褰裳濡足笑秦漢東門悄恍曾何睎神仙有分非可祈
妙道只在蠲塵戰蓬萊分明路咫尺乘興便駕颺車歸
石樓吟聲殷空發龍龍答響回灣碕哲舅俊弟如雲機
新詩璀璨明月幾壁窠淋漓道士谷今兄房仲道士交
光雷電騰昂屏我欲之眾觀海市絳宮明滅芙蓉旂夜
半俯瞰金鴉浴咸池掀簸流紅輝長嘯若驚巨鰲沒龍
伯國人拋釣磯不羨安期如瓜棗餐霞自足飽我飢有
盤萬里足可濯陽阿千仞髮可晞鸞童鮫妾送歌舞洽
天蕩蕩無是非畸人識君恨不早相與唱和娛清暉

續集卷十一

三

小齋卽事

一春避酸風怕射昏目甚餘野菜花誤認幾叢菊緣
階蒔衆芳雨過漲新綠培養如嬰兒膏乳苦不足連筒
汲井華澆灌課僮僕日夕不辭辛時至舒芬馥

題栽林鉏經圖

昔我賦歸田年裁四十餘豈敢偷佚樂苟焉遂厥初下
農處硯北經訓爲舊畬誰知繼塵事飛光冉冉但痛心
年齒暮六籍仍荒蕪君規靜散地高低結茅廬梧桐照
屋角流水穿前除烟雲流几榻丹黃列千株以身作倪
寬不輟終年鉏借問人間世寧復有此無花源敞神界
津逮容老漁倘許共秉耒我願爲之徒

酬石峰見送華遊原韻

何人喜我遊送我雨後瞻一老吟復醉素心清且廉畫
格天所授皴染攄毫尖三竿兩竿竹翠色新露沾貌我
釣江水神妙過戴逵今我經華岳把袂依風簾相思仙
掌上天星低垂檐

名南書院贈張魯溪學洙

先期花塢掃吟牀知我東來逸興長灣口新香鄰野菊
城中嘉蔭得甘棠秋宵對暎清心炯微雨偏承醉面涼
最愛書齋饒寂寞借居渾似白雲莊

癸酉除夕

又見流光去若飛尚遲晚計闔荆扉文章不厭聲名賤

續集卷十一

古

邱隴空憐夢寐依病裏始知身健樂老來彌覺氣矜非
懸知兒女團圓會悵說家翁客未歸

甲戌元旦

梁苑星河曉色澄書堂紅焰簇華燈椒盤草草供僮僕
花管枝枝鬪友朋病愛懽騰屢中聖老安蹇拙百無能
東原行探春消息日射鮫池一片冰

奉懷圖東石蓮

蓬勃風吹決滂塵襟期翰墨兩情親天教並世成酬唱
地入中原得主賓夜夜却迴東陝夢年年相見上元春
只憐一室羈孤影不遠連旬老病身

圖東枉過奉呈步前韻

鄒枚何李黯前塵又遣吾
齊氣味親曉色林通雙鵲啣
晴光波動一鴻賓狂添嬾態
迎新雨病湧衰顏入早春
千里故人勞慰藉風櫺最惜
苦吟身

謝石蓮爲先君作墓表疊韻

推遷萬古隴邊塵表墓看君
下筆親健振龍門青史手
衰淹苑苑白頭賓瑤箋磊落
揮千字金匱熒煌照萬春
喜極翻教動嗚咽淋漓醺涕
病中身

望石蓮不至疊韻

金梁不斷往來塵獻歲懷君
夢寐親喬木自啼求友鳥
平臺空倚倦遊賓催花已近
中和節燒燭須傾麴米春
窗角四更殘月上起行悵影
隨身

續集卷十一

五

謝圖東作旌門詩步韻

文章光燄長李杜獨橫出亮
節須特書氣充由志壹風
木泣皐魚蓬蒿埋仲蔚其誰
著野史揮毫貯石室先生
藻彩揚岳廊資黼黻撰作旌
門詩彪炳文合質當其立
意新下手風雨疾噫乎老雕
蟲補綴令人噉譬省大祀
犧瘞蠶不備肫聰明淨于冰
詞賦懸諸日銛鋒孰敢爭
匕首濡縷血破緘一雉誦
啣悲感次骨老淚急瀑飛將
歸示兒姪磨礪勒貞珉鋪張
掃穹室昌黎務去陳難哉
嗟戛戛戰捷月已三出奇時
復一直以千秋誅敵彼百
傳列純孝結纏綿神勇洗悻
悻端賴大文舒名德標曾
峯蟠胸根柢深牙籤窮李泌
有道無媿辭醇儒富學術

明月三百顆是用慰憂恤映
徹發幽潛地底晶光溢騁
雄每乘酣鐫鑿侵造物變化
亡端倪焜煌爛華實斯篇
照碑版德音尤秩秩偉哉馬
闕鄉表墓書丹畢詩文角
兩雄分捻如椽筆震海排壇
場觀者盡橋舌江東表耆
舊網羅到遺逸哀思無垠厓
凜然流涕述

圖東作旌門詩並書賦謝

公手有巨筆惟椽杠如之一
揮搖五嶽題作旌門詩詩
成自灑翰跳臥龍虎姿二者
具有神光芒萬丈垂空中
下斗室賁若投天蜺幽潛揚
孝勇煜煜照兩儀我家有
舊鐫者廢夙所遺重如古法
物商周留鼎彝烟寒數尺
壘兀突東海睡狂潮不敢
嚙名與謝墩齊發擣得鴻藻

續集卷十一

六

誰復珍瓊瑰歸船騰寶氣老
賈驚波斯鈎摹一片石蟲
扇負穹龜客星餘姚山名爭
峨嵋壓倒韓陵碑先德藉文
字張此一段奇世守付孫子
球圖競陸離星斗並磊落衆
仰攢遺黎斯文孕氣母盤鬱
結在茲墨痕與參互元精
倍淋漓歐陽紀軼事萬古傳
不疑誠懸子真蹟一字價
不貲我今侈兩絕入手色已
飛情至莫能宣空有淚沾
衣德厚何以報相好無時衰

張甫續集卷十一終

發甫續集卷十二

錢唐桑調元

古今體詩

清明日散步至周祠用山谷清明詩韻

隨俗踏青聊應節尋僧啜茗總消愁鶯催遲日聲偏急
柳裊輕風態轉柔適體端宜著春服冥心初不慕通侯
丁香一樹花如雪種樹人今臥故邱

送邵君復之官江南

雪滿燕臺走馬遲河陽春渡正流澌漢家才彥薪猶積
吳下兒童竹已騎萬里沙拋寒雨外若以河工波累左遷百花洲
及煖風時獨憐枚叟游方倦又向蓬池賦別離

續集卷十二

奉酬圖東垂示近况原韻兼寄石蓮

梁園修竹意須拋濁水澄流苦混淆景逼桑榆憐齒暮
夢過硤石戀心交奴將丹竈閒房掃近僑居道院兒把焦桐
舊譜鈔猶挂嶽遊藤杖在獨行終想履初交

示漫遊者

母寡祖年尊緣何別寢門續昏渾未念生我豈無恩三
世延單緒重江斷客魂酒闌燈炮候幸一省箴言

醉歌行偕經德集石蓮寓齋作

大文本情性述作編為經好友聚骨肉篤愛逾所生七
年作客大梁城眼中膠漆幾合并東觀無人問長卿塵
埃趨走嘗戴星西馳闕鄉東鹿邑伏雌勞動庖丁烹中

問偷閒得半日便拉老狂呼巨觥近得山東張映緯手

揮長句才縱橫隔舍招邀品字坐燒春苦露江濤傾酒

酣耳熱共談藝洪音亮發蒲牢鳴丈夫胸襟白雪白昭

回碧漢連光晶高吟豈復論格律直破蟋蟀蒼蠅聲語

到快處並飛動相視大笑成逐蠹誇吾門足才傑東

南之寶羅元精後來雄猛此又一漁洋秋谷追前型吾

友平生意少可謂觀新作得我驚中原壇坫盛老輩參

入壯士摩竿旌吹臺曾會高李杜入雲祠宇新崢嶸空

同大復許接武亦得並祀臚瓊釧今古論交等傾蓋蘅

蘭一氣聯芳馨當仁自不讓有志還竟成趣溫五斗全

解醒勸醺屢臥雙玉瓶氣衝雲霧開晦暝斜懸娥月穿

疎櫺明朝馬頭去駛賊急須杜母哺童嬰老少出處各

有營有生努力爭千齡

石蓮躍馬歌

人生才地有定分遊戲亦復分短長南人生未便鞍馬

殆緣遷地難為良腐儒尤哂乘船似眼花落井同知章

矍鑠哉翁石蓮是一鞭躍出如飛鶴驍雄八尺唐驕驕

矯矯骨格儕龍驤東京健兒騎不得翁騰而上噴扶將

嚴城石路開康莊四蹄蹴踏聲雷碾舉策回旋疾若舞

逸羣踰踰橫奔忙欻然一縱入雲際跳踉直欲排天闥

滿身新汗散如赭弭節按轡神洋洋今晨陡遇行殿

外邀我回駕浮霞觴東西馳道若繩直轉瞬絕影遙相

望侯門僮奴佇立久移時纔到行廚傍翁今兩顧暈朝
賜瞻頭鬢明秋霜有時雄談氣激烈虬髯一部森戟
張自言生長邦江上匹馬橫截平山岡紅顏白面驪鞍
去萬人鼓舞看飛揚臣今老矣隨班行塵沙跼趣猶徊
翔興發尚能馭叱撥不施羈勒超金梁悵恨東華省舊
夢蹇驢才下迷紅香吁嗟翁才衝突不可當後生誰得
如翁強紅纓玉靶駕神駿追風躡景何昂藏君不見杜
陵老倚能騎射驪驂一蹶終損傷又不見焦校書誇足
膂力馬踏還胎辱齒殃快意多辱識懲誠壯心不已空
慨慷老去馳騁當廣場照地人馬皆輝光旁人共羨好
身手勸翁及早須收繯

續集卷十二

三

汴上歸興

拂曉輕輿出汴城朦朧郊墅未分明詎能塵事如人意
也當清遊暢客情草木風聲天際送江淮月色馬頭迎
此歸更喜見隨侍一路豪吟得載賡

哭厲樊榭

樊榭軒然來福處士隻立壇坫盛江南詞流空累百天
孫自製漪波裙五彩細織秋空雲宛拖銀河六幅水姍
姍微步凌高雲營室眾嫖裂帛勤擗擗積何紛紛回
看天章雲錦妙縫剪神光獨映河之濱人世流光疾如
電漢殿徒勞縣竹薦年年颺馳青翰舟韓江一水留歡
讌豈誠仙館在芝田蛾眉絕代悲迤賤西湖明月勝揚

州清暉一洗樊川面倚聲餘事稱絕殊如霜月照紅墀
瑜銀箏玉管配新曲妖姬緩唱圓於珠人間早逝小長
蘆吁嗟真賞良已無暮齒鄉間聊跌宕強捻觥籌折花
當金沙淹滯孝廉船齊盟狎主神非王我客梁園倏七
年中間一會兼忻愴憶昔廣樂調鈞天步入闔闔襟佩
聯洞庭老仙憎吹嶰竹裂不肯引置軒皇前秋風吹墮
伶倫影黃鐘器散如飛烟頗嫌上界足官府相與鞭笞
鸞鳳爲散仙忽聞瓊樓亟召修文手飛控黃麟指北斗
紫府猶稀萬丈才塵寰誰享千金帚滿娘光射琉璃屏
磨墨看草新宮銘衍波箋寫相思字乞賦曉寒搖筆成
尚餘一恨到殊庭阿嬰慟哭長爪生老失知音我涕零

續集卷十二

四

龍屑擊碎拋東溟海山海水誰爲聽空攜華嶽峰頭句
焚向金牛湖上塋

發長淮衛

一出喧湫市平郊物色閒刀光明古水眉意寫遙山行
子爭飛轡居人半掩關林廬曾幾別身老此途間

殘月

彎環月初出容色尚然黃漸上三霄影纔舒一縷光寒
原稀草木衰鬢老風霜殘夢與中續依依在故鄉

磨盤山

馬蹄冒鬪石峻嶒磳道寒深踏碎冰斷續鈴聲清似析
彎環月色淡于燈珠盤兒喜參盟得繡鞅僮誇驪控能

却惜磨盤山往復老夫鬚鬢雪鬚

關山奉懷梁采山先生

澤

勒馬關山頂上關側身南望嶺南間夢飛蝴蝶天邊遠
老惜騏驎地上閑塵路空攜花管麗丹砂難掃鬢毛斑
三年重照清流影一度經過一愴顏

晚行滁州道中

野曠雲收暮景澄朱光照地綵霞蒸寒凝陰壑冰千尺
清寫遙天雁一繩鈴駭衝風聲迅疾肩輿下坂勢軒騰
僕夫諱指關門近烟靄林中忽見燈

浦口

松柏層層冠翠岑霜天回抱氣蕭森半生詞賦江關冷

續集卷十二

五

萬疊烟波浦口深笳角吹殘清夜夢檣帆搖動故園心
渡頭芳草寒消歇北固雲連一片陰

甘露寺

江風壁岸冷蕭蕭且傍琳宮艤桂橈危塔凌空迎海日
清鐘破曉蒼寒潮南來帆勢衝千疊北顧山光盡六朝
莫問英雄遺狼石一收遠景上巖椒

題張荷宇大任夢母圖

生兒未周睟母歿兒何依未省母顏榮悴焉撫兒身瘦
肥兒生弱冠餘夢母顏依稀百年三萬六千日十月辭
母懷又得此數刻兒屢得夢母兒應識母熟母夢不來
兒鳴嗚哭

今夕何夕行呈瓜田

今夕何夕當元夕三人喜來不速客新知舊好總忘形
劇談盡盡笑啞啞張丈與我頭雪白瓊樹陳君光煦席
久隔湘靈五十縉重見錢生慰嚮昔銅槃高燒燭花赤
玻璃滿滿傾靈液合尊不復辨主賓小戶五斗大一石
算老重逢乙亥春張丈陳君寫我真泉下故人今不見
謂子吁追逸調彈龍脣第一圖翻舊譜新亭勝長溪情
最親高山流水知音在天地中間只兩人舊題牙生鍾
子千秋續坐我鶴洲揮一曲冷語盡七條冰心賞無
言對空谷沉吟此意淚濯纓騎雲一去歸空冥翻作新
圖綴舊恨金徽零落誰爲聽謂寫衰顏今若此醉餘雨

續集卷十二

六

頻留微顏六十年前猶未生乾坤清氣流風霆眼中之
人渺何許十年長我纔童嬰時光去我如飛星五岳未
徧俄顏齡梁園久看古時竹閩海還宿新流萍承平風
景喧簫鼓鰲山駕海攢千炬香車寶馬溢通衢月色團
團猶未午閉門泥飲勝傳柑爆竹寧聞響鄰戶百年良
夕幾盡簪爛醉何妨橫枕股諸君更盡金屈卮老狂起
作如意舞謹聲豪氣積雪融萬朵紅梅綻庭塢

赴閩道山書院有述

考亭昔倡道崛起于南閩舊俗成鄒魯聖脈延千春道
風徧嶺嶠心月懸海濱八埏同仰止小子情彌親童年
師餘山勞諱史字麟書餘姚人學者稱餘山先生白首慙因循至今未聞道

撫躬猶蒙屯七年淹汴上論說空斷斷轉入道山路步趨墮後塵顧惟心一寸竊慕光景新夢先識草樹私淑非無因

別瓜田步見送韻

我行沂漸江離心水千折故鄉諸故人獨難與君別躡屣凌仙霞拔劍撥疲茶書隨北雁飛意共南雲結

遙別聖書

往歲去中州扁舟風雨夕筵餘未寒酒浦送將行客今春赴閩嶠人事苦牽迫清緣靳須臾良晤失咫尺弗言富貴重淵跡一邱貉弗言貧賤輕亮志千金璧子病眼眇昏我老頭雪白此別路遙遙相思情脉脉舊夢繞林

續集卷十二

七

皇新愁寄潮汶

留別二友

十年幾聚散二子非浮沉有恪秉明義无咎諸素心豹采既隱霧鶴鳴亦在陰多文富自昔明德崇于今壯圖喜深穩老病嗟侵尋花白吟壇地雲青道山岑明晨卽鼓柁今夕猶盍簪風波告我慎離情深復深

六和塔

崢嶸窳堵波千尺壓江介試登七級巔直窮三浙外下藉石脚盤上與雲頭會卓犖意境崇磅礴氣勢大流影臥澄瀾聳身出塵壚日月跳兩丸潮汐橫一帶丹梯破鴻濛金輪照茫昧浮屠詫奇觀歷劫發深慨草綠定山

春月白嚴陵瀨依依如故人迢迢瞻淨界回首失高標揚舲長擊汰

贈盛愷同支變從行

相於已卅載茲行復追從擔簦出雨郭躡履升烟舫有聞在頌白無忝乎章縫遠指道山席緬跼先賢蹤惟靳緒言著勿使經義蒙惜同矢錄我歲惜駒過我體嗟龍鍾炳燭自勝聞此意將毋同春帆破風浪夜詠驚魚龍清興竊無極溪山一萬重

留別族弟靜軒有元并示兒子繩麓

迢迢川崑道戀戀骨肉恩悵悵別魂黯淒淒江雨昏世故莽錯互心事難具論清關謝塵雜古籍滋本根顧我

續集卷十二

八

精力減念子歲月奔兒識此語苦洗心全默存

富陽

抱郭圻岸窄偈水臨嶽巉睥睨不數仞歷歷覘松杉城中俯江市兀立升重岳曉航破烟激新柳捎春帆買鮮就漁婦嘗魚解清饒嚴灘已鄰近風土超塵凡

桐廬

迢忽越灘瀨水宿多鷺鳬兩山碧相對一江清若虛細火半漁艇輕烟繞耕廬帆蒲下曉市帷樹張春衢橋雨醺點點竹風行疎疎桐君不可見採藥思岳居

七里瀨步謝靈運韻

四溢山水暉委屬引清眺曉渚靄縈回春岳紛蒨峭薄

雲隱殘魄澄波吐靈曜白鳥破烟飛青猿倚屏嘯翠微
食宿恬芳鮮聽睹妙菟裘上終老移文謝疎銷攬秀飽
新餐凌虛穩孤釣子陵如成連移情留逸調

嚴先生釣臺二首

釣臺在天上坐俯清泠灣意全任公子垂釣滄溟間高
蹤渺萬古峻絕不可攀惟許晞髮叟擊竹此往還
夾岸千峰湧鷺濤便論山水足清遯乳崑拔起成孤峻
帝座拋來是一豪寂歷江中客星冷生成天半釣臺高
人家多半垂綸者老眼雙明見汝曹

謁嚴先生祠

巋然祠堂在潔地占數弓七里奔急瀨一氣吹清風青

續集卷十二

九

烟澹瀧口綠樹生岳中灰寒雲臺跡蕪沒東京宮春江
流浩浩客星明瞳瞳芳泉薦一酸靈旂渺高空

蘭溪

云云縣前水迴繞成穀溪殘月曉烟濕秀樹春岳齊驛
火明水郭江市穿沙蹊蘭氣浥汀露酒香拆甕泥繫攬
古石泐送客新鶯啼一川閱人代懷古風淒淒

蘭溪感舊

龍鯉門外水東逝流滔滔疊疊古隴平慘慘羈魂號客
死棄鄉國野葬迷蓬蒿親知此中在悵望增鬱陶痛淚
賈一斗聊當醺芳醪

水碓

漢陰抱甕老不以棹挈水海上狎鷗人能使物忘己如
何機心動淳樸滴本始水碓肇何時江潭截瀾瀾怒流
巨曲防通溝築堅壘臨深以爲高注茲而挹彼面勢若
建瓴度地應濡軌團團一圍三輻輳尺有咫橫列常山
蛇左旋磨盤蟻樞轉北辰星儀測中天晷木架捧橋衡
渚宮葺卑庠編蓬牛欄如安曰免殿擬翻翻引龍骨一
一排雁齒扼要運環中通靈應表裏操持在枋頭蕩搖
到沙觜馭氣往復還乘流行不止昂首倏又低帖尾俄
更起無賃了無煩城旦役可已未用相杵春祇須簸糠
粃豈惟搗香杭兼之造竹紙不住碾圓規便堪成側理
力作嬾保傭辛勤強僕婢用如秉軸然止卽懸車矣卽

續集卷十二

十

事多所欣爲械無用恥宛轉恰關生渾沌已鑿死寧知
浩蕩流翻爲狙詐使上灘良獨難下瀨一何駛逆浪不
可篙奔波激于矢問誰推挽之亦孰主張是得意鸕輪
旋失聲壑舟徙便利累年專機撞一夕毀嗚呼詫神功
咄嗟出澆詭雕斲喪天真淫巧傳奇技匠心關公輪智
囊壓樗里偃師戲魚龍郭郎舞傀儡創制極精工情性
趨媮靡器用垂先民風俗鮮慤士下流日已遷中柱何
由砥一物騁區區萬事知爾爾我本息機翁緬想無懷
氏

焦嶠

遠睇色如赭鬼然山石焦峻嶒斷草樹翕絕明波潮碧

解浦陽酸赤城建霞標衝沙機鷁首策杖升岳椒輕烟
映窈窕秀色生岩堦况逢朝雨霽光氣凌丹霄

續高山流水圖詩四首

并序

高山流水圖者禾中朱丈亭滕鼓琴沈丈似笠修

誠聽之調元題詩其上舊矣朱丈之子予齋與予

交最篤匡道義勗文章予平生兄事言行無瑕尤者予

齋爲稱首今歿已八年矣張徵士瓜田墓其遺容并寫

子續爲此圖蓋以予爲伯牙而鍾期乎予齋也江行展

視涼然有作希大雅君子賡和焉

援琴鼓雅調難得心相知前哲仰朱沈伯牙遶鍾期圖
存人已往足令千載思七絲有餘韻我與君續之中存

續集卷十二

十一

古山水真賞良在茲泉臺不可作積念生狂癡

狂癡苦積念曷由把君祛曩時君思我醉夢皆欲歔流

光疾于電八載歸黃墟豈不奮逸響識曲稀君如玉軫

塵旣滿冰絃理亦疎翻作思君操冷冷悲有餘

餘悲不可散淚作聯珠揮清宵寒月白魂夢接容輝旣

來倏復去未得留重闌情感張徵士古貌圖依稀時似

不恒似神彩凌空飛焦桐久不鼓零落存金徽

金徽存故物良覲終無因賞音緬先正同心祇兩人繼

起鶴洲彥舊圖勞翻新今晨偶撫縵簾外江娥顰江風

黯騷屑江水淒淒淪我欲竟此曲此曲滋悲辛

雨發衢州

晨發西安道沿緣度城闔上游江聲急下塘草色春渺
矣十闕路懷哉三浙濱心事鬱紆在烟雨紛如塵

後溪橋

篴輿雨若注鴉軋聲酸嘶嚙足畏峭石驚魂滑柔泥風
難集沙鴉烟焚鳴村雞半昂冒嵐重雜樹連雲齊行人
襟背溼簪笠寒淒淒方慚役徒御安穩穿林蹊

渡頭

緣江細徑斷烟隈一艇橫涉灘舁輿上截流安不傾驚
奔灣洄白麥映陂陀青中洲桂權疾隔碕烟蕪平雨歇
僕行健草屨黏沙輕湖村地名喜相接曠然心跡清

七里橋

續集卷十二

十一

青山森二塔氣象攢高雲隔江相對出離立意不羣嶙

峴卓若筆匪徒誇凌雲取斯風月夕披抹大塊文逶迤

七里橋蒼翠羅縠紛遠岳黛嵐合下瀝清湍聞沙乾脚

不掉曉霽心所欣無爲悵于役羈緒捐絲棼

發清湖

澄湖釀清寒過雨秀羣木冷風遠柳灣翠靄迎茅屋雙
澗下青岳一道綠白谷阻修冰夷宮采入朝雲族春山
宿霧清凌空放遐矚

楓嶺

寂歷清湖陰潤發蒼翠藂曲阿瀦白水修塢延青松烟
畦歷方野嵐岫圍高塘沙鶴追飛盡喜趁陽光紅遙峰

尚積雪粉本皴芙蓉清暉溢遠目竚立思雲中

江郎山

江郎碧霄盡重岫奔趨趨駢肩故自兩累髻俄成三亭
亭十里外遠矚浮晴嵐就之肅揖翠古色羅青藍田坳
混春水照影如江潭陡竦鬼工削離立天真含全根大
冶鑄一氣清鏡涵匪他豈伊異旣翕樂且耽流言遇羣
叔恨不往而參

峽口

春氣暖連岡張王撐空樹迤邐列繡屏一幘芳華聚界
畦濃綠分漱麓奔泉注修坦古木橋草屨凌空步清漪
愛沿緣回溪三兩渡時見碧桃花仙岳賞心遇

續集卷十二

三

白鷺

縞隄雙白鷺破靄相追飛映水弄清影凌風翻素衣叫
嘯命儔侶飲啄舒天機忽穿烟島去仍沂江田歸白波
春漠漠青塘夕依依渚禽競高格似爾風標稀

溪水吟

兩峰軋霄崢一道穿石罅晴坳作雨飛陰谷流雲下蔥
龍竹柏交清光巧相借中含韶濩音琤琤奏日夜眺聽
意忘疲綠縵茵須藉

見一峰似育王山感賦

仙霞接羣岫合踏千孱顏青霓曳於罕紫烟縈髻鬟連
峰數千里一氣紛鈎環俶俛列萬象金碧晴爛斑中有

狀覆金宛似漸江山鴻鑪本無意客子心相關有情繫
舊國悵望層霄間遄征逐飛隼未暇樵梯攀

仙霞嶺

峻嶺入仙霞鳥道盤空翠春林氣吐芳曉岫烟含媚石
劍天西東瀑雷峽內外選塢閣籃輿撥雲到梵寺蟻陣
羣客行豹聲一犬吠俯瞰昨來徑巒嶂俱帖地乃知乘
凌高置身倏天際

嶺寺池魚

石澗瀦山泉冷藝似半月緋魚百十頭金鱗漾超忽生
趣具堂堂清流趁活活雙鵲下空除一螺潛幽窟其上
冠紅亭形勢倚岑樾沉吟櫟園詩屈刻周侍郎詩雲響焦桐發

續集卷十二

四

人去射鳥樓老氣猶鬱勃我方物外遊池寒沁到骨澹
作濠上觀野性謝天伐

溪口

歲鬼不可極疊嶂延三衢霞嵐一映發水石千盤紆翠
禽苔上憩白鹿雲中趨春風颯然至檜竹鳴笙竿麥光
青決漈旭氣紅扶疎延緣出溪口激波揮連珠源花慕
陶記橋石嘯秦驅瀏目愜幽賞永日忘崎嶇

溪石篇

疾下大竿嶺水石益奔峭淪波鼇首濡曝日龜背燥中
流砥禹門厲風虛衆竅二姑渺江磯三神浮海嶠有時
鼓磅礴湧雪圍翫一片雲根盤萬點雨珠跳澹泞意

已恬滑澤色逾妙險蹴呂梁遊穩坐磻溪釣帝隣渾沌
鑿人引嶽欬笑天成溪石圖失喜顛米叫

曉發九牧

青山翠靄繞曉色開雲屏炊烟草舍起雞犬散林垌門
前帶流水日夜喧清聲景色含淳古秉未逢村氓蓐食
急奔走犂確爭山程屏屨信况瘁暫憩香茅亭奔波無
貴賤物役俱怔營沙田得半頃息意從春耕

杉枋

坡陀繡淑景新綠延杉枋丹嶂生暖翠晃朗朝日光鳴
鳩隱村樹流水環溪塘三農肇舉趾萬彙方載陽稚耄
生各遂雞狗偕相將花源不知處澗塢多紅芳

續集卷十二

五

嶺頭

萬峰縹緲湧一氣奔嶺頭岡巒勢忽斂天海烟自流春
林遞曉暖谷鳥交鉤輶平山如碧浪澹沲寒悠悠淺麓
帶蘋壤暖映風茅抽意似石屋路繚曲趨江洲短僮始
遠出頗憶湖鄉不

題村塾

板橋響春水古寺苔花皺書聲竹間沸諦聽清心神
分靚婉孌童子六七人拭几筆研具列坐禮法循先生
皐比擁鬚鬢俱如銀藹然肅客入語笑何溫醇承平文
教盛弦誦際海濱耆儒體貌古童蒙意向新幼率弟子
職長充觀國賓感念吾孫子養正須及辰

漁梁

漁梁色娟淨水綠橫春波南浦省舊別送遠傷如何盛
顏結大義矐首期匪他世事足幻異人情遂乖訛稱詩
信誓在越禮壤坊多逝梁已發笱食魚寧必河有情誰
能遣對此紛滂沱令儀願終保延佇舒嘯歌

揖仙橋

揖仙在溪塢詎假秦皇橋流泉漱寒玉歸雲捲青綃飢
抄青精飯渴注松花醪婉兮靚衣縞怡然樂垂髫淺山
引淳樸遠市辭紛囂村農事耕鑿舊俗何由澆有情戀
水石無累儕松喬喜不緇我素去佳形神超

仙陽

續集卷十二

六

行行出仙陽豁達南閩路晴光轉微波碧霞延芳樹御
乘列子風市散張超霧亂灼天桃華輕拂鳴鳩羽昨自
清湖來千巖禁回互一重倏一掩三朝復三暮雖經梯
磴攀幸免滛霖注宮髡睇浦城知在烟生處

浦城

川崑會劇邑睥睨生雲烟仙霞接北麓常玉通西壩嵯
峨起樓堞形勢開南天昔者未蘇喘比戶猶蕭然承平
蔚生聚冠蓋何連翩永懷西山老光景鍾山川考亭有
嫡系衍義垂遺編至今無諸國道脉千秋傳末學恥聞
見講舍慚招延緬惟鄒魯澤浩衍由開先經過式故里
載詠高山篇

臨江石篇 并序

浦城城外臨江口奇石橫出去山麓里許平田暗度石脉二三處如雲如浪較昨年所見倍趾姜公橋石浪別成一格爰喜躍成此篇

灝氣互融結連石江之濱坦邇坵數片詭怪如有神澹漫綠畦列嶺脉通垠星光墮江面變幻成嶙峋霏如妒羅縣妙作披麻皴軒然雪浪起層疊鋪鱗鱗其上亘鯨背其外浮龍津斷續北固口衝突西冷濤洞庭綴透瘦飛來舞蹲蹲海上倏破碎吞吐連齷淪女媧鍊不就鬼斧鑿無因大哉胚渾力隨手施陶鈞昨觀秦岱麓石浪生粼粼雲根此尤異體格羅清新生憐拘墟士一卷

續集卷十二

七

誇翠珉大文眼未覩胡由闡坤珍

九湫

九湫在何處未聽湍聲豪靈雨從東來颯颯喧林皇烟空蠱遠岫翠髻施新膏岳樹洗濃綠秀色千重高微風拂籃輿薄寒意蕭騷飢飮正爾迫欲得傾春醪

西華嶺

崑崙西華嶺天半雲浮浮重岳勢合沓駿奔元氣道今晨洒靈雨磴滑輿丁愁撐空仰兀突彷彿仙霞不巔崖表獨立天橫大九州冥冥烟霧裏龍吟迴其頭

下嶺作

自天危嶺下沙軟遵夷庚黃嶺水田散零雨聊休耕惟

有茨蓬底水碓聲不停苟非歷屈阻誰愛春陂平啁嘲泥滑滑任汝林中鳴

大湖嶺

盤空又陡峭登陟良艱虞濛濛雨瀉衣幔咸沾濡到嶺暫憩粉餐解飢飮重昂上復下不見澄泓湖得毋事墾闢疆畝開填淤汝仇故鄉土在餘姚蓄洩爲時須新畬貪數頃荒厥千膏腴當時剡湖議風謠陳野夫未叨轉圜聽卒並成萊汚王政重水利隴畔汪洋瀦杞憂是處抱客路重欷歔

曉發石陂

羣峰生曉烟決滌委復屬繚繞度青林曉暖散白谷微

續集卷十二

大

雨始飛絲麤點俄撒菽村雞鳴膠膠隴雉雊粥粥樹盤堤岸牢水帶泥塗濁溪行逆水船坡架負岳屋于役苟無飢野店晨炊熟

後溪石篇寄圖東 并序

昨度大竿嶺見溪石崑崙殊狀顧中不行舟類造物益景臨江石緣岸突出陸離數片特怪麗叫絕自蔣溪至大羅灘兩岸峻嶺夾峙石脉散布尤恢奇不可殫述舟行巉巖詰屈間長年把招指揮沿洄神妙故有紙船鐵舳公之諺然已見摧敗二舟矣乃作後溪石篇客歲經岱麓作石浪行故人張圖東極賞無作茲合書一通寄之感知已于僕情惓惓也

建溪溪中石倏詭莫可詳小者驚作點大或鼉爲梁妥
帖隈灣伏突怒中流昂對壁雙崖陡表延一道長磊磊
赭虬卵排排白鷺行疑城屹然立破冢窈而藏健走駭
山鹿呀啄森天狼屏障相向處脉縷未渠央弄舟手最
敏把招神獨揚穿峽度恰恰激箭飛滂滂逐北亂蹂躪
指南灼毫茫周麾先登弧風利下龍驤失勢驕土委崩
聲擺雷硯驅鞭拒秦始開鑿遺禹王續作溪石篇遠寄
圖東張奇豈破鬼膽怪已入我腸

大羅灘

松巒沉煖翠烟昊開新晴春淙散溪澣石脈涵坳洑衝
灘燦銀礫清旭懸金鉦峽口象馬立濤頭組練明長年
續集卷十二 九
一不戒敗槩雙奔傾宏農悵失寶汨羅幸全生吾欲鏹
地險神力無五丁永念垂堂戒慎勿犯險行

張甫續集卷十二終

張甫續集卷十三

錢唐桑調元

古今體詩

曉發營頭

筍輿曉輕舉骭髀輿夫肩營頭實孔道賓旅何駢闐驛
路修且阻軒蓋方連翩夫征古已渺傭調規寧沿郵籤
遞卽次往復溪山便沙乾落野水樹暖縈烟牽扛悉
民力仁者心惻然默慚勞傳遽荒坡碧延緣

麻源

溪嶺入幽峭淨澄趨麻源樵斧應深谷農耒臨芳原崑
嶺混雲氣茅茨帶烟痕穿林翠禽叫落坡春水喧野老

續集卷十三

緩荷蓀山僮勤灌園建陽近接壤蔗田少爭言披榛此
來往依約如陶村

山田

山田形勢異參差萬不齊物土匪南東敷苗隨高低日
射赤韎鞬水漾青玻璃堆堆虎臥石曲曲蛇行溪灣灣
半蟾魄重重圓馬蹄三稜脚舒鴨一尖角壓犀下寬膽
瓶町中細腰鼓畦繡錯七襄錦剡銳五等圭隴首左耳
割沙澣長舌犁冰裂春塢畔龜圻夕陽西層邱列梯桃
修埂拖虹霓麻皺雲裏岫之字烟中蹊從心表延闢入
眼紛綸迷堯封悉播稷禹甸無端倪耕鑿忘帝力擊
壤歌蒸黎

浮梁

爲梁仿古制造舟楫雅詩紅艘數十列鐵鎖百丈維中
流櫓比在一氣鈎連之巨板忽雲斷輕帆復颺馳宛如
閭啟閉不礙輿逶迤華表形對盡彩虹影臥垂華表榜
滋影四王政溥利濟大德叨隆施春光遠澹沲芳草含碧

渡頭

建陽溪轉急未可安浮梁問渡入舟穩截流緣岸長
云下篙竹滴滴濡裝囊回湍散駕鵝僵樹維艖隄洲隈
芳草綠灘口浮沙黃瀾狂數柱砥川廣一葦杭登厓睇
枉渚落日消孤光

續集卷十三

霧中發建陽

春空塞重霧四際白渺漫惟聞水淺潏不見峰嶺屹鳥
語競嘲嘶竹影迷檀欒楊僕船難辨張超市可觀露珠
綴歷歷火輪上團圓川崑俱在眼廓然天地寬

萬溪頭見行舟作

萬溪石亂疊橫絕無舟路豁訝若中開數折莽回互艤
子伏灣隈蓄力伺獨驚當招分寸明船首有招謔呼一
綫穿峽度聒耳春湍豪激矢飛奔注習流衝波先薄險
驚呀屢一灘復一灘陽侯方盛怒

北坪

沙洲接北岸潺湲繞修坪中流金甌臥返照黃琉明藏

舟競晚泊劃井宜春耕猶餘一片石突作螺磯橫

溪口橫石似龜形

津頭石橫出宛肖形體穹曝背沙圻上昂首雲濤中永
辭豫且網浮動馮夷宮誰此築塋塢老作龜堂翁

曉發建寧

五夜溪聲洶一江霞彩飛春光日杲杲客思雲依依
艇集芳草女牆含翠微麥田野色潤松岫烟霏道傍
翁仲一榛邱失崔嵬身名早翳沒貴賤同所歸

謝坑

青山窈窕橫碧水逶迤轉穿沙荻已芽溫露花猶沍烟
開曉嶂明草縈芳茵軟市橋接磴平村路沿源緬杉隴

續集卷十三

三

亂飛鴉桃溪獨吠犬滿眼謝家詩行愛吟髭捻

盆灘

橫溪岸沙圻崟崟蹲危灘如馬戒觸石奔驚驚飛湍青
春景蕭瑟白日人森寒津頭洶潮洶底凌岡巒流萍
一葉轉射的千篙攢狀猗奇鬼搏影黑飢蛟蟠旅人重
名利舟子輕波瀾乃心分走險無嗟行路難

黯淡灘

崢嶸第一灘盤空排峭石衝濤開嵌訝束峽赴險窄囊
濡蛟涎腥艇解牛刀砉千瀧激雲根一夜宿月魄錯磨
山色青碎壁天光白邪許九鼎遷撤振一梭擲天地豈
不仁黯淡此行客

夕燒

春疇闢曉瘳夕燒明空虛歛然星星動俄而艷艷舒便
欲爇金石立見燔茅蒲著根亂膈膈趁力狂吹噓烟騰
散鴉鵲勢偪奔兔狐燎原撲滅炎岡焚與俱貽殃池
忽及欲逃門則無火牛衝奇陣燭龍照幽都漫山播烈
燄匪礪然洪爐煥爛剩赤壁赫熾侵黃墟焦經楚炬後
黑驗秦灰餘老物已受燼新雨紛流污農勤百畝糞田
美千金圩兼用火爲耨尚復米如珠作詩警荒飽農事
存諸書

夕抵延平

秉炬煩阿罔夕送行人行片月波中上繁燒嶺頭生崑

續集卷十三

四

影闔復闔磴勢陂且平颺颺樹風動嗽嗽沙禽鳴遠際
波光白近前草色青疾趨未卽次利涉方爭程烏榜翳
暝霧雉堞飛春星延津此津逮市火浴流明

延平

有宋諸大儒考亭集其成宏源導濂洛豫章注澄泓汪
洋至閩海巨派注延平遙遙接洙泗乃匯于南閩學川
溯源委先河亘元精吾師子勞子倡道姚江清支分魏
斷港細涓空泠泠

劍浦

神物必有偶津合雙蒼龍精氣暗相射踴躍相追從皓
月映鐙鏐冷色浮芙蓉劍水清蕩滌劍石寒龍從無復

雷騰上自愛潛其鋒疑睥睨平口萬古青濛濛

劍浦懷石蓮兼寄經德

夙昔抱微尚獲遇知者知風義追曩古膠漆堅相持憶
昨斗酒會盡吐胸中奇吾徒山東俊亦復聯襟期曲室
影倏散各在天一涯人生匪麋鹿豈得無別離忼慨志
千古努力良在茲鬱律雙龍劍會合自有時神鋒保不
缺詎惜形參差我行延津上悵望重逶遲雲崑約卜築
白首相確洽

編魚

新受漁人釣偶得槎頭編銀髻尚撥刺清川失淪漣縮
項生使獨朶頤愛何偏蓰蓰入午饌白白羅春鮮新語

續集卷十三

五

吾何有素書寧用傳夢回烟雨浦情繫竹竿篇

梨灘

梨灘袤夾峙細浪中漣淪石肖墮跼跼舟如勝鱗鱗小
疊麟洲島大關龍門津映草鋪青綺奔鷺翻白銀數堆
麋角解一片鼠尾皴驗岩去崑險流覽怡心神

急溪渡

一溪響淅騰何事急于客數柱屹當衝歲久亦漸圻水
性本至柔勢激乃摧擘觀其志必東千折固莫易一舟
橫津口閒時纜鐵索問渡猛撐篙母俾崩波迫窅然默
澄觀奔忙自日夕

白沙嶺

插天一峰挺威紆盤白沙條風動和煦萬木生榮華
泉幽自語山桃昨已花崑坳散雞犬鄰曲嬉童娃樵隱
意各適義燧風豈遐羈禽去不息僕僕行天涯

清風嶺

連山勢合沓梯登千仞青重岳積翠合一磴浮雲平新
畚已夕燒布穀催春耕愛此中田饒永無外患嬰穹石
倚絕巘古木排空冥清風播嶼中或藏天氓

發清風嶺

出戶下岳磴爛爛行黃沙曉晴雲欲散氣暖桐始華水
禽鳴格磔山舍闢汚邪荒隴臥斷碣壤道橫古槎溪灘
隔林遠驛路穿嶺餘弗嫌老冬薄酒名飽掛就山家

續集卷十三

六

溪筏

溪行最險惡編木代剡疾于開頭柁連卽銜尾艫溜
竝注篙下風亦張帆趨帖波婉平進傍石輕盤紆篷類
蝸負殼人如水汎鳬莫喻彼岸後絕勝中流壺溺人自
必笑入水原不濡吾行異浮海未用資乘桴

見舟行石灘中

衝波避廣川石灘不辭陝平定一帆張偈仄兩崖夾淺
篙下手頻小舟轉身恰渟著經曲阿急溜下清雪漣漪
汎鴨頭濡滯熟羊胛渺渺接通津已船橫出峽

橄欖

不脛走天下磊落堆盤青齒牙未得利舌本終回聲標

格近交廣風味誇吳僮悠悠失真賞的的含孤清我來
漱芳潤天實鍾精英誣有此佳果尤珍以諫名

水口詢知秋林消息入舟作

山程盡崎嶇水宿聒潮濤灘入古田平驛臨水口窄看
鏡對鰓顏推蓬見皓魄棹泝波鱗鱗岸送鳥磔磔旅候
入深春人夢牽今夕良知不可親悵悵南行客

竹磻關

竹磻景幽峭綠陰設嚴關漁鹽集官艇雞犬鳴市闌
石竦集臬烟水紛灣環吾心澹無慮散策空陂間

洪山橋入福州城

洪山驛路坦斷橋溪水喧綠烟暖廣甸赤日輝重門嶺

續集卷十三

七

嶠氣象麗海疆都會繁烏石照疊席考亭遺緒言人文
盛冠蓋吾道唐筮垣皓首漫于役素心良自捫緬懷汴
上轍益厲河干殮此邦足者舊古義同討論

觀寓館畫壁醉仙奉懷石峰二首

誰掃池上壁愛圖飲中仙流霞既醉止玉山遂頽然似
散子騫會欲拍洪崖肩欹挂綠玉杖歸踏蓬山顛有懷
汴上叟妙過岳與虔乘興潑水墨洛紙生雲烟幽襟激
昂在良覲慳清緣

憶君東齋壁墨竹寒修修筆法篆璽古谷勢質管幽絕
技文與可篤愛王子猷此中有深蓄萬事行歸休嘗欲
貌詩老笑傲滄洲春風吹客影到天南頭阻闊三

千里對此增離憂

誦黃莘田任詩集奉贈

滔滔墨海浪節義為泉源既老作聲叟初生實慙孫
三歲曾大父仲允及堂先生全節歿于武陵壯攬中原轡首傾北海樽暫出

謝塵路遄歸守衡門腰難折元亮骨豈屯虞翻後凋秉

松性幽芳溢蘭言詩因麗則美道以清貧尊近訪吟壇

峻叨分釣石溫輸心向風雅煖眼如弟昆六律賦奇中

一羽橫高騫此事繫千古心知容細論

奉題林蒼巖正青一研歸耕圖

研田苦磽瘠却無非意憂歸從陶潛賦勸逐倪寬傳書
種乃肯播經畝不輟耰夏畦體非病春暉心欲酬為子

續集卷十三

八

既供職力農亦有秋萬事等破甑一研誠菟裘絮養踰
百稔母夫人今年九十有五古八先生德配此外夫何求

謁范忠貞公祠

桓元晚晉鼎侯景窺梁臺彼皆際昏黷跡尚隨烟煤

聖朝撫興運么麼叢禍胎連雞詎能躍孤狔遂先推堂

堂忠貞公百苦志不隕吟留圖屏壁字憑前劫灰鬼雄

掃往欽靈旂拂雲雷豐碑勒奎藻天漢同昭回祠前

海色淨萬里青冥開

烏石山

維南有崇山峇亭立烏石綠陂曲折升清風左右披嶽
巉古削平蔥蒨新紛積鼓旗二山繞郭青海湖際天白

飛鳥疾于梭浮雲滃在烏烟華萬瓦流日氣重崑射曲
鳴帶茅茨荒祠蔭松柏俯臨照眼明春苔一池碧

烏石山觀海

全閩環大海水天入溟濛春長蛟涎白夜睽鼉睛紅聲
闐無諸國略定樓船功一氣羣島嶼三神駕虛空遠飲
咸池馬高挂扶桑弓沃焦奔逝水鬢鬢成秋蓬狂吟烏
石上潑墨留孤踪

謁朱子祠

雲中搆祠屋道山鬱嵯峨肅恭陟階石愛惜周庭柯當
時偽學禁未造宵人多轉憂駟弔詭偏喜成乖訛儒宗
揭如日異議操吾戈决防苦不已橫流將如何嗟予具

續集卷十三

九

綿力立志回頽波尊聞正無缺率履平不頗止宿有精
舍欲往攀青蘿

疊韻別吳牧堂

謙銘

密契聯膠漆微生念本元烟波迴斷梗薜荔撫衡門聲
動離絃操情銜別酒樽雲山原自遠暑雨却辭繁雙眼
深知注孤心不可言恩期培植杞價謬長璵璠直以醇
醪醉寧因疊席尊鴛鴦儀共仰蒲柳質同論講舍縈羣
彥通門結後昆歌驪勞見送往復過高軒

發浦城

江城散清旭力疾升盤輿溪水鳴滄汨石徑延威
木蔚千里霞嵐明四隅往復經嶺嶠倏忽披莪蒲

黯悴栢老景奔豪駒西山緬遺韻去還踟躕

梨嶺

風挾雨聲大梨嶺千尋高雪瀑喧溪丁油雲冒崑崙乳
鳩坐深樹飢鶴盤荒阜喜得厓寺古暫憩行人勞茗飲
得所適箕踞何其豪石林響浙瀝來者方滔滔

茶嶺

潺湲高田水下田噴薄流清聲浩不息迤登茶嶺頭青
松列徑白雲興層樓疎疎水苗足嫋嫋風蒲抽喚雨
雌雄溪子母牛堅木接斷約暗徑穿深溝開畬去
怪丁亞旅稠心忻荒穢闢秋穀盈西疇

仙霞嶺

續集卷十三

十

峭壁拔千仞蛇徑盤高天高寒隔風氣陰晴吐氛烟當
開一夫力百萬誰能前如何摧破日雄駿橫爭先我行
踰險峻隔月重沿緣昔來經春雨新草生芳田今歸際
溽暑繁木蔭清泉長途困顛頓老體嬰沉綿聞山謝修
阻浙水衝回旋浮雲白泱泱望國心暢然

江郎山

江郎好兄弟終古此肩隨山心鎮長寂雁行不暫離成
仙詎踴躍篤愛方怡怡雨晴共倚薄寒煥堅相持世情
匪盤石何能無轉移

輓古春

離蹤歸羽自南溟雪上追踪逝莫停駕渚親朋慳後會

鹿門耆舊失前型桐孫待鳳千尋直松塵成龍五粒青
惆悵研池浜畔路素舸風雨不堪聽

梅花和定崑韻

春逗孤山倚水樓心隨片月到南州送迎隴驛傳芳信
淹速江關問路由萬點雪花飄遠夢一枝柔櫓動清愁
空階及與君相見留着寒香在樹頭

紅照銀燈冷藥繁二千里外別家園笑巡簷砌春風煖
吟度關河野水昏老瘦獨凝冰玉骨清寒長鍊雪霜魂
庾公樓畔情緣重一朵花酬酒一樽

酬定崑見贈韻

鼓權風生落燈夕登樓月到上弦時濂溪便可成新築

續集卷十三

士

湓浦依然戀故知舊觀神明勞子復無邊光景係人思
此間吟弄勝騷辨未用看雲入九疑

入濂溪書院酬定崑韻

烟水叩須此一時餘山流澤有前期露滋林竹無窮翠
風度溪蓮莫道遲相顧析薪期子荷却教拔劍撥吾衰
諸生口面雲岑繞樂向書堂聚故基

入書院呈定崑

湓水千盤寫素襟臨風重撫伯牙琴九江試攬春前景
五岳還論物外心豈謂崑居涵遠志恣教客坐放清吟
參他鹿洞鵝湖跡新闢書堂振士林

午晴

江城過雨午晴初汨汨春泉溜決渠一樹梧桐繞着葉
疎陰已解弄前除

送定昂之彭澤

一庭花氣釀初晴隔院春風送鼓聲排馬忽傳彭澤去
沿江垂柳已藏鶯

懷定昂在彭澤

連朝雷送雨聲颺高下陂塘水濺珠料得馬頭春色好
撩君吟筆蘸彭湖

蘭

打燈風雨度連晨狼籍花枝餞晚春留得江潭香草在
渾疑芳潔對靈均

續集卷十三

圭

喜定昂歸自彭澤

柳色青青拂繡鞍歸來藍尾宴春殘畸人坐對桐窗雨
忘却花期過牡丹

簡定昂

二十三番過好風遙催芳信棟花叢江南春色堂堂去
暮地櫻桃照眼紅

疊韻簡定昂二首

連朝難得十分晴新咏因風一寄聲濃綠暗催春色去
花叢垂盡嚙雛鶯
舊夢紅香快據吟亭唱到百花殘而今白雪堆明鏡
人世曾無却老丹

簡定昂

幽軒恰稱老夫潛鎮日無營醉咏兼瀉澗輕搖沙影白
緣階新長草痕纖

江城晴眺

起望晴光滿江城草樹新鱗鯉初出水蛺蝶遠隨人天
霽容如沐山明意覺親棟花風已到對景惜餘春

立夏日雨譙定昂齋

邀就西軒共拍浮芳醪不用過牆頭遙催雨裏三春盡
一洗天邊萬綠稠簷溜爭看飛雪瀑屐聲曾不到江樓
酣餘似覺微寒動却引薰風颺小裘

送人疊韻

續集卷十三

圭

一灣絃月照虛窗客伴難維下水艤蒲綠當風抽別緒
梅黃過雨激飛龍懷人夢繞滕王閣送棹情隨左蠡江
旅跡萍蓬俄聚散好留餘興續開缸

偕定昂晚眺

遠映層霄碧清收宿霧昏誰將青玉劍截斷紫霞痕謝
朧眇詩境陶潛趣酒樽無窮醉吟意愛與素心論

瀟溪書院瀑布歌和定昂韻

廬陰舊是元公之所宮雲峰四涌環當中一派飛流蕩
寒碧濺溪之水春融融清飈欲吹激萬萬古助以懸
流不斷號松風七百年來元氣復亭臺參錯攢層霄瀑
布一條引自遠山背白日飛下滄海蜿蜒龍鑿翠信鬼

谷捲白驚神工今辰值卓午萬象開晦蒙噴薄乃是連
旬雨乾坤披豁清明衷却疑瓊漿遠自帝臺瀉玉色傾
倒天瓢濃我曾遊歷山岳聞潺湲硤崖轉石攬圓節天
台石梁響蹴海山動龍湫雁宕色映江月空銀河乍崩
玉峽擘眼明泰華兼衡嵩萬古轟雷千尺雪奇觀磅礴
各不同琴心三疊不可以盡寫成連伯牙空復絃孤桐
况茲泉流道國澤伊洛關閩資淬礪廣川後裔古脉原
相通滔滔來者無終窮

鐵骨菴竹林夜坐和定昂韻

竹林寺本虛無宮化人指點廬山中金波此浸蕭穆影
宛如荇藻浮渟渢攢眉不願入白社把臂却喜來清風

續集卷十三

丙

千竿高刷翠鸞尾一掃初地騰蒼穹我方愛山耽小住
踴躍莫化陂間龍天上誰修廣寒戶玉斧細琢勞元工
何不手擘頑陰去瓊輪乃遣游氛蒙假如霧散青天出
水鏡盡揭光明衷琅玕高下數岫插夕露沾灑尤鮮濃
坐久心清水精域石泉暗壁聞淙淙明朝去看谷口瀑
斬削圓玉分青筇撥雲峰在竹西塢一徑躡石盤高空
梵書底處饜人意放去合追庾子嵩迷濛嗤殺三語掾
漫謂宗旨將毋同此如箏琶亂人耳欲溷三尺龍屑桐
立起吟句煩焚礪冷泠清韻心相通當前酬唱各有得
夢亦同趣情何窮

微雨行自鐵骨菴至太平宮大晴用瀑布韻呈

定昂

佛樓起望三清宮前山白氣冥茫中鐵骨道人去已久
斷泉幽咽青搖澌一宿不作桑下戀芒鞋踏澗衣飄風
大聲深淥響亂石餘點落落拋元穹龍潭咫尺不多遠
蜷尾髣髴歸神龍沿江一帶白沙岸雪浪混漾收雨工
廬山巔頂已戴帽連峰幅幅輕紗蒙不須借取決雲劍
解駁足快盤遶哀秧田縱橫列方野翠色突過青縞濃
蒲葦蟠塘白水滿高下灌注鳴琤琮芳塍沿緣窄刺足
塗泥滑滑勞支筇右闢新畬彎環抱左落古塹低窪空
潯陽九派似清雜蓮峰千仞如碧嵩客蹤宦轍過中土
舊夢各異聯牀同佳辰賞經風月笛古觀倚徧松栢桐

續集卷十三

壬

太平遺址盡石闕殘碑斷畫甍沙礫功名富貴豈常在
盡絕外慕由中通其雨其雨杲杲出清景變幻誰能窮

苦雨吟呈定昂

三日淫霖水滿墀拋殘銀竹又纖絺漁舟橫到沙邊屋
蛙鼓鳴來竈下池麥隴畝眠黃簌簌秧田倒浸綠差差
畸人未忘憂民意安得神鋒斫雨師

四月十五夜偕定昂登庾樓翫江月疊韻

亭臺滅沒荆楚宮庾樓猶盡江城中陶陶孟夏夕始望
波光月色寒沖融女牆烏栖萬籟寂巾帶縹緲吹微風
寶奩盡出大圓鏡下一片磨青穹波心點點走小艇
尾鬣東下如游龍澄淵不動靜滑笏水面歌笑輕篙工

星星漁火兩三處照破隈岸雲沙蒙江妃素娥宛覲面
各以皓潔明其衷沿隄旖旎柳絲挂翠鬢藹着烟痕濃
鷺鷥不眠忽決起灣頭拍拍飛流淙詎待清秋厲展響
天半拉客扶吟筇一吸流暉千萬里悟入無始天地空
只願滄浪逐漁父未慕冠蓋追蕭嵩借問青天老蟾兔
今夕幾人清興同明月無言迤西去但把玉魄懸高桐
瀛溪書堂不日就伐石作記勞鐫礪便須听夕坐峰頂
潺潺溪水江流通雲岑架構儼樓閣更上一層目可窮

送內弟王雲隨歸烏程

辛苦溢城道來遊未及旬江南逢歉歲夢裏繫飢民
暑風吹葛孤舟月似銀雪川蒲釀熟歸奉倚閭親

續集卷十三

六

古詩二首

盛夏百卉茂青林晨露溼梧桐方布陰無端隕一葉萬
物出于機亦復從機入吁嗟華木巔未秋逗殘劫時方
向端午金飈豈歛吸造化本無心恩怨何由集
小女不識蝗呼作紅蜻蜓誰知下翠隴嚙盡田禾青老
穉不得食日肝炊烟停鬻女大隄估生纔十四齡淚痕
滿青鏡泣別憐娉婷鏡與人俱去萬里浮江舲耶孃儂
不怨怨彼騰與螟

發甫續集卷十三終

發甫續集卷十四

錢塘桑調元

古今體詩

酬陳樸學奉茲見投韻

鴻生蓄意躋隆從上攀古老心骨雄有闢衣鉢嗣終古
蹉脚便墮窪流中暴漲訇聲任橫決志並千折江流東
心肝須瑩白雪白一洗世俗塵埃空潯陽樸學生介立
手翻六籍求歸宗明瞳不見羣重沸聽彼裁量迷青紅
層樓空據上牀坐湖海氣已收元龍詞波千派究元本
一條天漢清源通萬物乘和盎生氣庭草雨過青茸茸
起凭山牕意思好千秋妙處懷元公濂溪溪上書堂在

續集卷十四

當時上築誅蒿蓬雲岑翠疊水清駛圖書指畫昭羣蒙
七百年餘復舊觀廬陰牖戶開神功但將琴酒論卽事
已高何必升華嵩遲君倚梧并欹枕有興梯徧周遭峰
一片瓊英美無價猶石或借他山礪吾與點意不薄蝕
溪邊吟弄追前蹤磷磷白石繞岸木納涼趁燠分圓節
龍潭古湫珠玉瀉香爐煖旭翠靄重深山風景飽聞見
坐攬動靜披鴻濛淺深各得此中趣遠鐘斷續參疎春
無邊光霽映寤寐清暉四湧穿心胸還持茗椀澆書味
共尋至樂曷有窮林裏啁啾聚燕雀冲天絕去看孤鴻
送樸學北上兼寄坤一僕亦將往汴上酬和留

別韻

吟弄遵溪畔飛騰向日邊壯遊聲籍甚小隱思悠然岩
洞孤踪寂烟霞勝地偏雪飛千澗合雲破一峰懸劇愛
携筇竹其誰拂几筵身非茹芝皓興想泛槎騫自閉林
中戶從烟漢口船臺隕違有咫道里隔如千逝豈桴浮
海栖寧墨食漣朝昏吟覺穩冷煖坐能堅聚影稀全席
離懷繫遠天郢歌傳座上雜誦在風前拈韻神何恆揮
毫妙到巔潯陽波送楚碣石翠迎燕青靄瞻岱黃流
利涉川春逢梅信動夜仰斗杓旋驚鷺應巢閣驂驪好
着鞭無雙江國士第一祖洲仙袍自披宮額爐還惹御
烟龍樓標噪鳳凰沼瀉潺湲塵起平隄軟曦明上苑鮮
宴斟銀鑿落出跨錦連錢花葉攢鋪繡楊絲藹吐絲嚴

續集卷十四

二

徐知把袂賈董要隨肩飢饉災雖弭疲癯困尚眠端須
排玉闥莫但壁濤戕烜赫輕時譽崢嶸重古賢野夫甘
塊獨物外恣飄飄拙匪臨金注安惟作瓦全歲華消蠅
伏軒蓋謝蛟憐訪岳追禽慶窮經老服虔章縫期有後
壇坫不爭先雅慕韋編絕渾噀鐵研穿香收沙隴林枯
倒石池蓮久屢藜羹味深韜寶劍篇檣烏看早發河鯉
藉遙傳芳草三千里清音五十絃鸞坡憶趨走鷺渚鎮
聯拳忘却霜垂鬢傾來酒似泉梁園招舊客廬阜逼殘
年萍跡猶當泛蓬心已悉捐書城擁南面筆耒耨東田
癖性耽佳句幽居抱太元勞筋良憊矣講舍且游焉樺
燭曾三跋冰輪更幾弦灣隈頻徙倚枕軫莽推遷髮彥

才名盛恩門世誼聯珪璋今特達激浦昔回邇去佳情
難別行藏意各便古交情比石山立不虧顛

往汴上遙別定岩疊韻

潁水停雲外廬陰積雪邊萍踪渾不定峰色故依然講
舍中州舊書房勝景偏波鳬隨客汎風旆共心懸寧欲
操梁簡端須謝楚筵論詩懷甫白修德想淵騫失命相
思駕虛來見訪船陂鴻飛一一嶺樹暖千千此地方停
轡當時類上瀟經營值伊始招致一何堅南浦栖遲路
西江昆明天載凭滕閣上尤愛庾樓前空曠朱欄迴憑
陵粉堞巔炎氛指交廣北斗直幽燕岍隴低寒日滄溟
匯大川雨晴偕唱和昕夕恣盤旋絲絡登山檻塵衝出

續集卷十四

三

郭鞭胸襟真灑落儀觀本神仙龍洞春餘瀑香爐午際
烟豪吟披曉暝薄醉漱潺湲鼓篋英髦衆圓橋卉木鮮
顧廚羅綺饌傾臺散青錢洞闢深凝髓雲鋪乍卷綿納
涼輕振袂臨霽密差肩蠟屐多連步繩牀每對眠因依
尋石室揮霍染霞殘早了公家事常親郡國賢龔黃稱
籍籍禽尚慕翩翩子實徽猷播予惟雅志全逍遙翻見
羨勞頭底須憐邊塞馳驅冷恒宗向往虔關河坐懷古
麋鹿走爭先城市忘機過松篁適與穿兒童騎碧篠幕
府映紅蓮奕奕匡時略迢迢憶友篇壘書天際下除目
道中傳遙仰新州範却思流水絃睽違頻悵望佇待更
勤拳迅疾投林鳥奔騰赴壑泉重逢歡永夕後會嘆何

年高館還須送離愁詎易捐寒帷晃應露終畝硯爲田
玉節期勲懋岩局味道元幽居堪老矣遠使忽臨焉留
戀猶懷土過催若佩弦亭臺無那別琴劍遂教遷汴上
情肫切虔南夢接聯差池緣分隔往復道途邇盛事知
難繼羈人就所便通天岩巢友高義不頽顛

旅懷

無求斯足貴有待之爲煩舟行逆水上急流苦湍奔覓
車尋古轍速邇滯沙村行路難若此安得健翻翻

奉酬裴公南州題五岳拙集韻

明公手持蕩節行遍臨方岳前驅旌寒底噓春煦寰宇
鉞時將乳哺生靈野人吟遊恣曠蕩小言評定勞鍾嶸

續集卷十四

四

如椽陡灑大篇落詩城萬雉開闢局斗室晶光出四壁
走盤明月無留停夔龍勲業照萬古詎聞健筆揮縱橫
田間我亦蒼生一老于擊壤埋身名偶爾向禽鳳願果
芒屨不寒岩壑盟百年駒隙過盛歲千首蜩螗賡微情
尚想域中名勝富彭觥鐵杖多未經慚拋實際汗至踵
罐首學道嗟無成久蝗虞粟虱講席撫身笑翅鴻毛輕
未及登龍袂一捧早傳見待雙眸青

奉贈闕東懸車旋里

林下稀逢一亭前信見三闕東家築旌麾辭陝陌舸舻
返江南髦耄攀行蓋郊垌擁去騶關雲隨鬣鬣河柳裊
穆穆舊德謠何暮清標寶不貪田廬家計薄棠樹曉陰

參墨噴龍津浪思飄熊耳嵐江臺縱揮洒鄴架恣研覃
名牧羣呼父宣尼抱送男鵲鳴文炳燿駭駭氣趨譚片
語襟期合千秋道誼擔長銓憐脫贈險韻喜窮探旅影
燒燈聚叢編促膝談扶輪大名播投漆古情含冷煖時
俱歷酸鹹味各諳聞聲趨似歷綴字密於蠶西望灘爲
錦東來谷是函素心奇互賞佳句癖嘗耽太華看仙掌
高齋折酒壘籬花香拂拂漏鼓響籥籥聞嶠嶠凝黛潯
陽派染藍夢魂縈落月節序憶傳柑量每歲上元時昨
歲欣良覲中州夕共酣向平從訪岳疏廣志抽簪街柝
催分袂山窗遠別蟬重來春正滿過別意難堪暫對樊
樓火相思海嶽菴懸車君自適疊席我殊慙蓬沼言誰

續集卷十四

五

聽松寥樂且湛孤棲全夜鵲歸老異湘潭詩律兒曹問
恩波髮彥涵登舟渾羨李傾蓋却追鄒藹藹交親醉津
津說士甘詞頭傾瀉活杯尾拍浮婪晚景暄桑柘豪歌
叩劍鐔首塗風料峭撫鬢雪髭髮上客虛枚馬真人想
尹聘謂馬花溪停麴觴竹院啟經龕世好聯璫珮門才
挺杞楠雕章懷謝朓知已數桓譚北固城如甕中泠水
注瓶會須借眺咏新曲付何哉

輓范母湯太君

世人競錐刀視義若芻狗于所厚者薄焉望薄者厚吾
欽范文正鉉業潤九有卽如置義田舉動根孝友亦足
激頽風史冊垂不朽于今有聞孫鶴鶴雲中守敬宗故

收族續補一千畝盛事聞 聖朝褒嘉風化首嗟哉見
星奔感嘆盈萬口酸風遶素帷義方出賢母

題古春秋岩松桂圖遺照

松桂俱後凋凌霜不改色匹如抱義人終始秉一德默
觀出入機宴坐陂陀側翠積雲崑深陰轉石磴仄若雪
處子膚以踵真人息壑舟藏已移天歟解亦得廣漠在
何鄉清顏傳副墨音傳衍谷虛谷神渺何極

寄贈宋萊衣

嘉慶

閒中歲月去堂堂影散春燈各一方初聚竹谿年最少
老吟梅嶼興偏長沉冥拋却心頭事酣適傾來手底觴
憐我衰遲還浪跡比鄰朋好倍難忘

續集卷十四

六

客中和白公餘杭形勝詩韻

老客風情掃地無空憐佳景夢重湖雁迷雪嶼難傳信
兔冷金梁漫守株烟岫曉寒嵐轉翠沙堤冬煖草先蘇
却追小舫聯吟日醉俯清波未有鬚

哭盧氏女六首

焦琴痛碎十三徽月沒教星照錦幃寒罄客裝營藥物
春醺淚血慟慈闈悲思楓落清江冷望斷花開綺陌歸
病到十分枯指爪猶憐兒女密縫衣

碧城玉宇映蟾蜍捧得冰輪入夢初塵世渾難留皓魄

全光還散入空虛女初生時作夢月詞云門開蕩蕩延

團瀉手翻淚潸潸招搖清瑤沙的樂難聲靜玻瓈捧向懷
中冷皎綺拂拭兔輪清圓冰寫出河山影書客久厭青

燈微明明金鑑將持歸映微玲瓏肺腑白琳琅之珮交
生輝丹梯疾下璇霄裏回看衆嫺齊衆齒瓊光直入畫
樓心驚醒芙蓉照秋水霜華凄凄透羅綺寶鏡翠羽臨
晶盤水紋簾上滿湘動雪衣女訴簾鉤寒激灑金波邊
壁起細幃雨
落珠璣子

門風原是異吾家秦晉休將巨閥誇冰上人來詞總費
多方作合類搏沙

生來從未出帷房盡篋惟存練布裳小閣春開白銅鏡
朱鉛不愛抹濃粧

早逝先姑未及笄于歸偷作數行啼孤山山北營春奠
腸斷靈宮日欲低

蘭室從聯姊如歡謂息溟春前分散珮珊珊傷心計到
青門日病楊羅衣淚未乾

續集卷十四

七

拔劍

拔劍空成慷慨歌夢歸夜夜繞庭柯絨書蚤遣鄉心碎
把盞難教客面酡病臥清漳愁轉劇淚濺羸博恨還多
衝炎水陸三千里那得新涼雨一簑

靈車出汴二首

路旁雨泣感諸生遠送靈車出汴城從此萍蓬踪跡斷
金梁橋外月空明

晚計荆扉闢遠郊那知家累竟難拋不如遊岳成長往
徑覓雲松深處巢

哭季子繩麓五十首

奄忽拋荒百軸文萍蓬踪跡死生分白頭慟哭梁園夜

叫斷高天迴不開

山妻老病鬢絲殘
哭女經年淚未乾
况復魂歸斜月墮
靈風吹徹草堂寒

長跪求醫憶稚齡
憂命危疾涕交零
而今訣別殘燈裏
苦語酸心不可聽

零丁伯氏苦沉縣
門戶撐持一力肩
不道翎原偏鍛羽
飛鳴聲斷萬重烟

風騷流派共追尋
喜奉連枝子墨林
此後登樓成獨咏
池塘春草倍傷心

生憐病婦最伶傳
新產呱呱未匝齡
祇恐哀傷難駐景
更教誰乳兩寧馨

續集卷十四

八

弱息青門病訣時
情憐少弟見無期
誰知蒿里悲風急
南北都成永別離

一張口閉只須休
萬事皆空本屬浮
遺恨劬勞恩未報
又將數口累親憂

恒幹難留欲斷魂
幢幢背壁一燈昏
只將連夕哀呼意
聊答雙親罔極恩

新春催別聖湖隈
千里關山繭足來
誰信年光容易盡
霎時電抹過平臺

遺編乾死案頭螢
催迫殘魂去杳冥
縱使青雲辜壯志
何妨白髮老明經

吹臺烟景幾清明
臨了來遊送此生
凌亂千條萬條柳

悲風吹作音白楊聲

雞聲驢背磨盤山
離緒紛更客况艱
却望清流關外路
雁行中斷失生還

絕學餘山續易通
濂溪研席瀑聲中
圖書與義紛紛在
更與何人訂異同

虎僕龍賓拜賜回
品題叨許冠羣材
氣龍凌雲抽虎僕
中丞評兒卷云梁園故稱多才當爲生首屈一指

音淚向征西洒沙
塞蓬池盡劫灰
門仞昌黎品目多
東京才子請駢羅

通眉長爪人先逝
悲感高軒昔日過
謂張梁苑流連藻鏡餘
玉折蘭摧兩故人

續集卷十四

九

家事同聲一哭血
沾裾二王古帖手
臨摹袁老東齋幾
度過愛與五郎傳

八法墨痕何似淚
痕多把文小陸最
相於謂疎敷衽論心入
洛初不省浮生駒

隙過河中猶寄一
雙魚朋曹連夕伴
靈幃廣柳車驅拜
送歸隔岸不堪回首望

黃河渡口涕交揮
趨庭便是闔棺年
父子深恩幾日緣
客館正當埋照處

靈輜還向逝川前
輪蹄相失獨山隈
戊辰年事秋雨如塵黯不開
一夜睽離尚惆悵

爭教賁恨入泉臺

車逢颺捲舊山岡今仍遇雨密雨橫侵萬弩強似爲殘

魂痛零落天公替洒淚浪浪

午夜魂歸月滿山仍從河涉下江關分明歷歷來時路

哀緒如絲不可刪

池館聯吟跡已陳雷紋漢鼎世家珍寧期劫後存燕石

什襲東陽姓沈人秋林齒及予與兒奉和君家漢雷紋鼎聯句詩

當筵授簡共鄒枚免苑金樽雪夜開忍說風燈十年事

一朝魂斷孝王臺

如夢如痴困不醒哀傷情味茹顏齡水明殘夜蓬窗月

觸撥前塵涕忽零

檢點遺文痛入心中州小集忍沉吟喪明也道前賢過

續集卷十四

十

無那腸回涕不禁

江南江北遠揚舫渡口頻呼旅櫬靈浩渺明湖烟浪接

悲風先到夢兒亭

蒲帆十幅下吳門灑面風來雪涕痕夜靜水天橫足練

空江澹月與招魂

窺蓬月色近三更聽徹旗亭漏鼓清不奈江邊深樹裏

驚心時有子烏聲

驚脰湖邊昔溯沿全來吟翫水中天一輪舊月搖波白

那得清暉照九泉

魂傷北計乍聞時賴汝承顏一解悲驚報嘔心兒不返

阿嬰雖在命如絲

霜鬢衰同病葉寒壯懷期汝淬青萍傷心白日黃雞曲

短景摧殘廿八齡

今古推遷逝水流功成白首合歸休如何方負凌雲氣

青鬢埋藏土一抔

葡萄簷下月如銀舊日歸來話苦辛夜色依然涼潑水

凝思犀角已成塵

玉骨稜稜瘞土中畢生辛苦事雕蟲西泠松柏風吹雨

眼見吟窩小劫空

哭送琴兒入夜臺湖南春草綠成堆重濺思子千行淚

多少啼烏助我哀

河汴舟車迭唱吟題辭珍重比南金謂周魂歸應過青

續集卷十四

十一

芝塢葬處舊聽焦桐最賞音

樂翁作達照清襟謂兄之外老去無兒結愛深雪榭傷

離魂黯黯江亭悲逝淚潸潸

詩魂應戀庾樓磯日暮江霞片片飛快倚危欄斜點筆

清吟曾和謝元暉謂董

風情端數白尚書兒贈定吟餞江樓雪霽初隔歲南雲

斷消息龐眉書客已邱墟

子安才藻責洪都失意人歸左蠡湖高閣淋漓遺墨在

昂藏詎肯哭窮途

師友情從感逝纏數棺未得卜新阡捐金首倡營堂谷

秋草寒烟暮九泉兒首捐金拉同

人葬顧氏數棺

不曾囊橐貯私錢毛褐藜羹性所便冰雪襟期殊類我

一生長詠伐檀篇

南閩抱疴返柴荆猶憶懷憂抱短檠聽徹涼葦清不寐
柝聲殘後起鐘聲

手葺西頭竹屋新故人椽筆署扶輪朱子齋題額家聲果許

江關動詎合摧傷小庾身

聰慧濂孫繡襦中愛拈書卷傍簾櫳幾編手澤巾箱裏

留待他年付小同子與濂孫先後乙亥生

孕得嵩孫墮地遲月始生未看周晬委孤兒春明纔到

無多日便是塵寰夢覺時

名山大業幾人傳江左清門一脈延忽忽夢回如有失

續集卷十四

三

情懷彷彿宅憂年

重寄酬息溟見荅二首

五岳歸來已息遊蓬池烟水此生浮那堪老病無情緒

還對塵區貉一邱

空天一鶴久無儕東望孤山處士齋招我歸來知有曲

月中梅影想橫階

矢獨往二首疊韻

是處堪藏夜壑舟柁搖元氣信沉浮湖山待作衣冠塚

老子無心學首邱

兒時憶逐好朋儕影散秋風冷舊齋一任豆花棚底月

照他基語沸空階

感悼二首

流傳江鮑免無兒推激風騷感故知謂章江驛何人操

夢筆秋墳有鬼唱新詩

生戀庭闈忽復休歿須魂魄聚山邱因依五岳詩人側

清氣長涵海月秋

戊寅冬錄別二首

故國稀知已他鄉訪友生艱難導道路哀痛觸心情學

輟劉中壘狂增阮步兵茫茫天海闊還逐雁南征

眼前無一可去住總心違婦病渾難起孫孤孰與依霜

華寒夜重樹影遠天稀萬事俱前定行行攬翠微

圖東秋仲遊棲霞聞人趙氏忽逝垂老牽悼亡

續集卷十四

三

之緒生子稊不及見其早成詩以當誄呈圖東

懸車鎮偕老料理苦吟人宜室如桓少生兒勝伯仁秋

蘭遺佩冷新月蹙眉顰腸斷棲霞夕泉聲咽壑頻

留別圖東

老去纏悲緒相看鬢盡霜吾方推謝玉君亦冷荀香江

許鷗連影天涯雁斷行新詩那處寄川路遠蒼茫

江口奉懷息溟

客行遠汎賴江船回首西泠路四千繫足一生當幾轡

關心七十欠三年君年老憐東野抱深痛交憶仲容稱

最賢情話白頭渾不盡平橋揮手夕陽前

江行寄懷聖書

懷君獨產犀角兒長祝壽考無分離寧惟富貴了不急
萬事舉合浮雲之我今已類笑獨叟病足蹢躅成老醜
流傳江鮑更期誰萬里天涯搔白首

白下曲

霜霰連朝下城傍柳盡枯淒涼白門夜啼煞欲栖烏

江舟冬至

冬至驚傳是此晨孤舟僮僕黯相親傷心噩夢隨千里
回首悲啼只兩人行李盡沾襟上血遺編忍覩劫餘塵
更番天地陽和轉何處重逢永訣身

醉歌行舟泊蘭花洲作

烏蓬蕩漾落日曛孤客愁思繁于雲蘭花洲畔晚倚薄

續集卷十四

南

散策草徑緣荒墳見風帘颭林隙黃酤正熟香氛氤
急呼僮僕挈瓦甌往沽飛逐歸鴉羣拾取枯枝爇土銚
蓬勃舵尾紅烟熏天氣初寒酒熱沸倒傾觥面盈十分
平時三蕉吸不盡此夕白波捲云云豈真渴羌濡燥吻
掃愁非此莫策勳浮浮續斟聲餘瀝醉眼不辨天黃纈
填胸傀儡澆不得有物鬱起如奔騰我藝九畹春續紛
鵝鴛先鳴敗奇芬芳叢未秋早零落衰蒼張王不可耘
天生衆香有氣類謂宜蕙歎因芝焚詎意蕙基化茅後
居然黨猶而伐薰吾兒拜捧霹靂文撒手徑去拋塵氛
天上差樂不汝苦賸我在世謠詠聞情騰倒枕夢不悞
大靈三述天之云乃知造物了無意修短好醜憑芸芸

眼醒夜半萬慮釋落星挂西江濱

和全人登鬱孤臺韻

極目度南景憑臨感百端滄桑人代過嶺海客途看影
落孤飛鳥愁遮萬疊巒羣公豪興在天半耐高寒

和全人登八境臺

眼底雙江合樓頭衆屐經犬牙吳地杏鵬背粵天青城
郭歸仙鶴波瀾動客星南州從去住身世一浮萍

全遊通天門步陽明公韻

藉草軟于茵共愛嵐光好連山若烟浪陸海浮仙島春
空一片雲冉冉歸何早高吟望古人石壁苔花掃

通天門歌

續集卷十四

五

靈境艷說通天岩渡江村塢紆沿緣仄徑盤回蹴磬確
千山圍合吟窩圓遮斷青霄一片石鬼斧削出房櫳寬
劍中綽可布牀席不用架棟長牢堅蓮花座上佛髻蠶
一綫正透岩中天割取十笏置龕帳遺像儼謂陽行先
坡翁題句妙入骨倏然物外仙乎仙當時太守重禪服
遠屏軒從趨岩問清風歛吸酒六合霞梯萬丈奚由攀
浮榮本是草頭露塵縷底事紛纏牽我坐通天岩百緒
都棄捐抗懷萬萬古過眼浮雲然獨有一節慨當慷呼
風直上天公箋暴何爲壽柳陌仁何爲天顏淵善福
禍勿細校修短孰竊洪鈞權南斗北斗下筆注詎無覺
察糾其偏氣數天主持忍使倒且顛蜉蝣蟪蛄候本促

么麼物類難縣延粹質已費帝爐鑄乃遽銷鑠終天年
其餘萬事莫究詰夢夢何自祛霾烟天公置不荅紅盆
墜荒山淋漓紫壁枉呵問扣木起賦招魂篇

悼兒和黃甫濂悼子乘韻

耿耿西月墮虛堂漏二更凝想我亡兒婉婉追平生謂
是青松姿詎作日及榮佳者捨我去老我心焚焚書堂
憶匡阜清吟對翠屏衆中見標格煜然影朱纓倏絕人
間影杳飛天上聲遺草滿簋拾視怨毒盈家運苦迤
圯棟折而橫崩嫉彼啁啾者喜捐隨珠明

韻江除夕

老懷黯黯延陵神氣天涯向我憑巨浪連江頻入夢

續集卷十四

六

殘年罷酒獨沾膺聲沉靜院三更析光炮虛窗一盞燈
料得總帷銀燭冷小堂對哭意難勝

張甫續集卷十四終

張甫續集卷十五

錢塘桑調元

古今體詩

已卯元夕

天中嶺北各生春死別生離洒涕頻試問冰輪泉下去
可能照徹過庭人

鄉園今夜掩重門黯淡家江黑霧屯歛歛春風千萬里
夜深吹斷北歸魂

淒清手撫十三徽白雪清聲和者稀怪底無情焦尾木
雨昏彈得子烏飛

人日寄懷息溟

續集卷十五

十一

人日梅花點客裳鬱孤臺畔影蒼茫不須罰酒依金谷
自欲題詩寄草堂故國親知時墜雨新年鬢髮益飛霜
此情堪訴惟君在一紙書成淚數行

和紙燈韻

紅碧紛勞剪良工雅擅能明攢上元夕巧壓九華燈霞
色縱橫疊銀花下上層熒煌催喝盞莫道醉難勝

春燈

客又臨元夕新紗絳蠟籠階飛濯枝雨窗掩試燈風催
瀉屠蘇碧爭開菡萏紅書帷添煥爛吟徹漏聲中

酬和友人原韻

清緣三度離復合煖語慰我衰朽姿舊從潯陽赴汴上

憶子甬東方旋歸有鶴哀鳴失子和復返孤嶼依清池
老梅萬本剩枯幹白月照影風吹衣二十四灘走單舸
浪翻天柱尤危巖故人遮留歸曲室賓筵環佩重攬持
江湖放浪野心性辱子呼我爲天隨桐城孝廉倚輦轂
浮名到死終何希蔡湖却惜忠憲裔病驥狂奔拋月題
子曾負疴霍然已小豐臺畔聯幽期心跡雙清慕古老
庶幾風節攀由夷眼底豐盈失犀角猥比斜川紛涕洟
鴻篇揮出中郎手崢嶸不減有道碑小招歌向鬱孤上
雙江魂漾寒玻璃濃情最感愍玉折欲將絮酒兼隻雞
看長寧馨嗟老輩事莫須有加猜疑我聞謠詠刺心骨
哀傷亂結千離披羅刹江頭洶惡浪勢漲溟渤無端倪

續集卷十五

二

人情翻覆狀若此太息坐對西馳暉鄉園不爲飢驅別
偏仄催落天南陲幸接良知恤獨古道力挽今澆漓
高呼欲遣氣激越詩名謬許千秋垂微材豈比杜陵杜
特誇五岳窮遼嬉老來骨相逾迤薄行吟坐嘯百不宜
夢想羅浮欲策杖老病空辦游山資除夕歆倒在平地
手脚拘攣何能爲髯顏憔悴入新歲春生轉值龍鍾時
頻貽好句重瓊玖調高白雪誠恢奇老手橫把醴陵筆
五花爛漫攢聲詩鴉塗亦動野夫興屠蘇滿汎夫何辭

酬友贈疊韻

天生衆材別良楛支離我屬樗散安市朝輝赫少住着
催向霞嵐深處歸枋榆鸞鳩近飛搶鵬
羊角遊天池

或負青天或控地逍遙各自翻毛衣舊曾擔簦入世路
太行孟門千嶮巖丹雘白犬指天日膠漆孰是堅相持
以茲感歎謝時彥麟衫鶴蓋拋追隨功名富貴土苴等
丹臺注名非所希只愛芒鞋蹴巖壑千丈石壁狂留題
虎豹懸臚百不怖縱心獨往無前期鐫煮黃精瓢汲水
脚踏鼇鼉心則夷有時下上乎萬古緬懷曩哲流涕洟
把酒拜澆冥漢塚剗苔臥看沉埋碑斜陽夕墮赤韎韐
野水秋混青琉璃台蕩左神涉隩域雲中時聽犬與雞
攀登五岳了宿願勇從禽向行不疑中嵩發軔訪鴻乙
攀登五岳了宿願勇從禽向行不疑中嵩發軔訪鴻乙
字有三花古樹春紛披鐵筇挂過蒼龍背雲臺玉井探
坤倪岱頂光搖大海水火輪焜蕩黃金暉雲麓峰連回

續集卷十五

三

雁嶺琴臺俯飛狐陲若士遨遊恣汗漫物外盡泯風
淳漓上方六月雪浩浩下界四海雲垂垂黯澹灘衝八
閩路武夷惜未窮盤嬉烟月羅浮久入夢嶺南暄暖冬
遊宜伐道須拖靈運屐買山休問巢由資顧石奔飛四
千里故人歎我栖遲爲與君相聚豐臺畔濛濛草樹春
生時不啻燕石類星隕隨珠揮贈何瑰奇五岳詩人辱
拜號長篇磊落投新詩從今客館暢酬和下里愧荅陽
春辭

疊韻奉懷定岩春詣省城

素交胸次抱潔白一壺炯映冰玉姿況篤氣誼自騷漢
雙江賓至眞如歸數日暫分曲室影黃鸝獨叫春陂池

獻歲屢接辛盤譙椒酒倒潑污裘衣公家期會指南浦
不畏灘石衝我熾全行詩老得姚合青鏤兩管時分持
燭花燦燦芙蓉綻蘭舟桂楫吟魂隨公才公望映翰墨
抗心萬古君所希自來盛事數漢上風流主客襟互題
洪都藻思更絕特流水雅奏逢鍾期牛斗垂光聚人傑
三王接踵覘等夷昨者潯陽乍移節羣髦戀別揮涕洟
至今兀突斷山骨大書深刻濂溪碑南望謳思沂章貢
落日混養明黃璃一萍漂汴忽復合車笠不用盟丹雞
玉杯竹林洽道氣笑視莫逆無纖疑傾箱搜取近製作
開張爛若雲錦披却修五岳芒屨遍謂耦齧缺參王倪
猶餘陡壁壁窠宇囊括山水之清暉山靈光怪喜電發

續集卷十五

四

留此照耀青霞陸軫材安得此相謂真意含醞噴淋漓
尤憐亡子比小鳳忽鍛翮羽空岡垂向平老去負奇累
正須放意雲中嬉欲向粵東下鴻爪鈍駛知我乖時宜
烏紗艸角出踞拜書帷北面求師資惡我舊業久荒落
漫勞軟疊重瓊爲江閣省曾浣粉壁浮埃袂拂今其時
試燈風裏作勝會筆勢競鬪臨川奇惜哉無緣攬俊彩
定復均賦懷人詩栢家門戶涉文雅高議志乘羅雄辭
柏使君將修額志

和新歲雷雨韻

九回腸似楚江流鄉思如雲黯不收喧動春雷驚遠夢
打殘庭樹攪新愁心孤况值連朝病年老何堪萬里遊

猶喜天涯逢好伴浦沙相聚一羣鷗

奉懷息溟于度

南天春雨太淋漓客緒千端亂若絲蝶夢宵長追逐屢
魚書江遠往還遲詩吟東野悲難了酒倒中山醉不辭
六逸飄零三益散故園留得幾心知

和歸雁韻

萬里遄征去飛催煖氣初春雲呼舊伴瘴海別僑居倦
羽憐爲客長途懶寄書鄉關君自返無那引悲歎

和感春韻

花塢看偏嬾苔階步獨遲哀傷當晚歲潦倒度春期人
爲浮名誤身緣老病欺連旬苦霖雨今喜見朝曦

續集卷十五

五

和水仙花韻

瀟湘清爲寫真數枝橫映暮江濱含情欲解波心珮
不語難舒鏡面顰步去盈盈羅襪月夢回渺渺縞衣春
人間留得驚鴻影愁倩陳王賦洛神

奉酬姚君見題五岳集後原韻

今古一窖塵埋沒萬賢哲童耄翹遽廬劫劫馳過客以
此謝時流不逐聲名宿巍巍德與功諒難厠英特縱浪
山水間策策蠟吾屐香泥踏春葩凍石蹴寒雪馬羸曳
塵靴蛟鼉繞江楫寢瀛宮岩壑志欲徧攀陟名山大者
五次第先游歷升巔恣嘯呼憑杖一筇力曠蕩野鶴心
飄忽浮雲跡綠樾堪眠黃精飢可食萬里相追隨獨

有青霄月悄恍見神靈林岩詣幽絕高冥漲澄暉遐攬
飽新得我生何所爲吟遊爲本業歸來夢魂清空翠映
眉曉石室賤燒丹沙門笑業白自諧物外緣詎顧區中
責適興抒歌吟格律焉足說引吭向風鳴時鳥知無別
乘化以待盡流光任奔掣君試訪舊題苔花半侵滅

清明定岩攜同人汎舟章江讌集和韻

拋堦過寒食出郭棹方舟二水澄波合羣峰煖翠浮玉
杯携董子金節駐虔州友以佳辰合時將逸興酬蘭亭
人渺渺裊帖思悠悠遊目情原暢流觴景更幽山川雄
嶺北花柳艷江頭津市叢關塞池隍靜堞樓當年資重
鎮大府借前籌氛祲消蠻徼威聲播海陬天星長炳煜
灕石盡懷柔喬木三春蔚新烟萬戶稠年光催巨麗風
度踰前修名士多龍虎畸人似鷺鷥洲清留汎蟻月白
散行騶剩有滄浪曲相將和楚謳

豐臺小集和韻

樓亭霄漢聳正對鬱孤臺粉堞雙江抱烟巒八境開林
飛紅蔽蔽澗漱碧洄洄廣坐參差列輕衫迤邐來池橋
因昔構竹樹續新栽近圃紛綸劃遙峰衆皴堆縷梳無
限柳錢繡幾重苔幽轉槐柯影清燭石磴埃朋簪閒自
盍風範小看顏塵思松濤滌年光穀雨催兕觥消大戶
魏管動長才便水千盤隔斑衣五色裁華堂親笑舞舊
國夢遲回園闢荆南畔名從薊北隈忠緣移孝作主以

續集卷十五

六

愛賓陪唱和郢中曲洋洋盈耳哉

奉和定岩豐臺詩韻十二首并序

豐臺者署東閒地昔王文成公作思歸軒賦懷海日公
關射圃建觀德亭于其中宋綿津就池上構小橋待魏
和公詩所云使院牆東處士橋也君疊土山結樓亭與
鬱孤臺相對可四眺崆峒五龍嶺通天岩天竺烟翠歷
歷在目濂溪書院側有光孝寺孤塔岑聳勢欲飛來營
此爲迎養太公作登眺地故署曰豐臺蓋豐潤有豐臺
寄土思也嗟然有作調元用依韻謹和
東圃青藤滿架扶回溪皺碧漾菰蘆溁陽詩句姚江賦
情繞南陔德不孤

續集卷十五

七

翠滴樓棚數仞寒飛來明月正團圓謝庭傳說光風轉
奕葉香生玉砌蘭
崆峒雲氣輒霄崢北苑南宮畫不成最是朝烟收未半
一痕螺翠裊空橫

春雨連宵瀑漲初銀瀧珠沫走千渠五龍霞彩侵簷赤
兀突撐空淨掃餘

舊夢蓮峰翠繞門雲岑樓上潛心魂劫來纓濯雙江水
霽月猶看瑩八垠

伶仃洞穴指通天宴坐忘歸思悄然風月盈襟殊灑落
笑他迦葉口頭禪

一瓶一鉢漱江邊天竺開山不記年猶憶清寒龍吻吐

霜髭期鑑石潭前

縹緲春空盡鬢髮鬱孤青繞女牆間樓亭百尺遙相對

合喚江城大小山

濂水澄泓漾碧天經春蓮葉布田田一枝塔卓書堂外

午影欲橫硯席邊

鯨音梵唄中清程撞破江烟忽一聲綵服繡衣春日永

瑞應光孝爲君名

苔皴射圃葺遺亭猶見文成舊典型嗤煞毬場千步築

離披五色墮高青

迤邐牆東數步遙金精高士舊相邀殊慚五岳詩人跡

踏過春溪白板橋

續集卷十五

八

己卯午日

蒲汎雙江水平涵一片光家山遠北渚客鳥下南塘寂
寞人千古飄零酒一觴風塵猶徙倚愧製菱荷裳

輓馮母徐孺人

情似雙江水忽分芳徽綺歲壓笄裙玉臺仙筆拋三管
紗幔神針散五紋漏盡恰沉銀浦月魂歸還送碧空雲
不堪寶鴨衣香冷腸斷橋南老令君

霽日園林二首

梧桐花落井牀陰新沐朝光翠滿林忽見池塘平岸水
却思風雨夜來深

一抹紅霞映曉暉芳林歷亂鳥聲喧可堪草樹蔥蘢裏

梅子青青隔故園

題三星圖

心無一事酒百觚二十四考書中書百二十春杖不扶
元精耿耿明高衢瑞應人間信有諸槃礴潑墨規作圖
星宮之君形模殊問誰題之廣川儒爛然文彩鈞珊瑚
誰其獲之船珍珠我屏寒具讚且吁有德致此良非虛

與友論杜詩幹惟畫肉不畫骨二句蓋反跌語

也豈有早入室之弟子而使驂騑之氣凋喪者

乎因舉杜所作韓幹畫馬讚以解之成一絕

杜公讚韓畫驤裏何清新可見窮殊相毫端信有神

哭盧二兄敬甫五十首

續集卷十五

九

總角親情半百年飛來惡耗耗顛江邊驚呼一慟連珠迸
瀉作橫波下逝川

漫浪西河欲斷魂龍鍾雙袖滿啼痕還悲雞黍村中月

未得歸飛哭寢門

東臯明月省團圓煙水空亭徧倚欄拍手兒童頭盡白

雙先生已影成單

初拈斑管涉風騷二子東城氣頗豪我未成童君未冠

冰絃不與別人操

後喻菴中硯席安桐陰深綠共凭欄瞿曇早逝沙彌老

回首浮生指一彈

東里先生詩思澄由來附熱笑青蠅承家心跡雙清在

烟映壺中一片冰

子與君詠伏裏秋書蒼丈出一絕云
歎蒸未退風先改又見庭梧落樹頭

可信炎涼頻代謝青蠅猶附
不知秋書蒼丈稱東里先生

沒齒難忘柳母賢熊九分給一燈前
通門猶子千行淚

最憶蘭堂雜誦年

曾攜庾信哭徐陵

少時與兄初交餘杭章亭
田其同邑鮑處臯已早逝束髮騷壇

已代興者舊只今

落盡風吹蒿里恨填膺

高臨壇坫少渠翁

馮先生諱景

驚賞招窮賦最工
咄咄玉郎

呼快婿文章先後哭秋風

名士初婚桂魄圓
明霞映水兩重鮮
最傷錦瑟華年促

彈斷秋窗五十絃

幾年舞絮撲簾櫳
雅韻猶傳道韞風
孤鶴吟成聽不得

續集卷十五

十

聲聲哀怨淚霜空

清詠樓中撫玉琴
上頭冠子待君簪
孟光邀倖齊眉在

一睇城南百感深

糧艘來往水雲寒
白玉堂中劫屢殘
不道魂歸楓樹底

嚴冬風竹失平安

嬾雲窩裏石堂偏
風遞清香識妙蓮
臥擁單衾涼到骨

一宵秋雨百重泉

堂開三益月華明
却憶兒時似隔生
料得阮溪溪畔水

謂息都成鳴咽斷腸聲

消渴連旬不下樓
涼蘇病骨入清秋
天開河畔三年客

一度緘書一度愁

絳帷遙隔綠窗紗
江漲橋西望
涯步屨隨君出城外

春風看徧馬塍花

當湖鴉軋櫓聲柔
向晚濕荒洲

北門高城魚鱗閉

月明齊倚弄珠樓

含悽二老立汀洲

杜

遊遊子雙雙向西去

沙河曲曲自東流

東郡城頭暮角哀

文

片片吳雲白

日下秋空首重回

黯黯魂傷草土餘
風前對

雨

縷上交加血

松木場邊西復西
墓田春草碧烟迷
棠梨花落陪君掃

續集卷十五

十

寒食年年杜宇啼

征軺辛苦上京華
吟到河西白月斜
一例打來秋珥隄

從教消受玉川茶

南山春筍北山薇
一笑青門策蹇歸
慚踏軟紅貧徹骨

送君惟有淚沾衣

林居踪跡半南湖
小艇沿河載玉壺
好是姚園秋未老

醉看烟雨翠模糊

春波何處不關情
夕入桐川雨槩橫
清滴小方壺上漏

聯牀欹枕到天明

夢落風波共一舟
商聲聊答舜江謳
無何日飲師犀首

醉倒橋南十笏樓

興盡人間返玉京謂海仙未老解塵纓蓬池閬苑如

相見爲道悲吟太瘦生

呼朋分解杖頭錢花水明湖慣溯沿淒斷西州門外路
便應沉却總宜船

一輛櫻鞋一蓐冠扁舟風雨恣游盤嵐光波色依然在
吟斷湖樓百尺欄

秋老湖山黯澹中露桐滴盡更霜楓可堪孤嶼寒梅發
日到悲泉已不東

曠海樓前爛似霞城東十里盡桃花他時獨訪經行跡
相喚惟餘白項鴉

周巷春流帶市橋綠楊村舍雨瀟瀟東風吹散橫塘影
續集卷十五 士

故國吟魂不可招

東臨滄海哭津夫江哀欲絕

那堪身與月同孤

四賢祠上酒盈杯雪滿湖秋雲向空盡

孤山明月爲誰來

海色江聲滿客舟明州故人青眼遙相待

甬上猶存白雪樓

老鼓焦桐幾賞音自憐微意寓深哀絃彈落平江月

一曲虞歌輓石林謂惺齋

吟殘風月散溪塘一夜秋聲斷楊往助孤兒營沐柳

窮交生死誼何長謂郭又叔

歲暮萍漂白鶴江載歸明月滿蓬窗孤踪不減豪吟興

催斫鱸魚倒玉缸

陸機文賦早能工庾信才名老更雄咳唾飛從九天落
可憐珠玉散飄風

舟菴唱和把新詩便是千秋永訣時畢世心親子桑戶
此中莫逆有誰知

怡悵平橋小立時東西分瀉碧琉璃早知揮手成終古
秋雨秋風悔別離

西陵盤敦續紛紛老輩無因更得聞兒去玉樓先洒掃
待君新賦氣凌雲

商聲浙瀝井桐陰拾得青銅半段簪迸落秋風雨行淚
續集卷十五 士

人間難覓舊同心

舊時明月入江樓照我悲啼剩白頭泉路亦非穹壤外

此生到處見無由

消搖垂及古稀年撒手曾無未了緣聞說輕拋塵塊去

九霄明月尚然圓

幾歲睽離一靚顏羈魂隔斷萬重山冰輪轉入泉臺底

地下清光不可攀

寂寞殘春客未歸殊憐身作斷蓬飛昨年返樞衡門裏

已嘆鄉園舊侶稀

夢裏猶傳治命清青松白水不寒盟柱頭若返遼東鶴

定向南雲叫幾聲

天涯海角信音疎不道騎雲上碧虛無數傷心言不盡
唧哀空報秣陵書

酬張東扶見贈韻

雅愛名山汗漫遊盧敖仙去失朋儔昨秋虛買潮亭醉
何日同探石屋幽築傍雲岩隣野鶴謂丁仙洞行經溪渚狎
沙鷗乘流欲向羅浮去身是人間不繫舟

奉懷定岩往南昌

桂香不共把芳醪獨上豐臺北望勞杰閣重簾捲秋雨
大江孤艇破雲濤洪都詞繼三王麗定國門瞻駟馬高
時方慮四念我蕭騷無意緒當風白首幾回搔

奉懷定岩兼寄姚君

續集卷十五

古

長洲池館俯沙禽書記翩翩酒共斟高迴頻舒南浦眼
平反遘慰北堂心庾樓夢憶秋光冷滕閣吟聯月色深
江雁新來畏消息鬱孤臺畔罷登臨

己卯中秋作

列坐參差桂樹旁頭花開盡二花香相思人在臨江閣
見在身浮卜夜觴家室伶俜猶噩夢關山搖落自殊方
素娥罄展冰輪色好把愁心遠寄將

奉留別定岩及諸君二首

家書速我莫遲歸遂遣雙江早別離細雨寒波衝客艇
明燈綠酒餞書帷烟消梁苑成前劫月照羅浮指後期
最念郎君傳綵筆當筵懷賦送行詩

經年吟眺上豐臺五岳橋邊首重回勸醉頻勞浮琥珀
辭歸無那夢瓊瑰吳田稻缺三秋熟庾嶺梅迎十月開
苦覺羣公情味好扁舟欲發尚遲迴

河口阻淺作

心急東歸水道艱扁舟苦滯淺沙灣逆風作意吹蓬腳
明月多情照客顏三日只行三十里一灘如拔一重山
忘機却羨閒鷗鷺拍拍清波信往還

悼繼家婦王氏

竹筍來歸百事宜全憑宗婦奉宗支捐生爲哭修文父
垂死尤憐斷乳兒此際綰摧乏膠續由來腹痛有身知
曾封馬鬣屏風麓又到臯亭下寔時

續集卷十五

古

己卯歲杪錄別

遼闊度南路匆匆幾日歸春陽殘歲逼朋舊故園稀瘞
天傷心數恤災生事微孤帆發江渚風雪撲裘衣

瑞洪除夕一百二十韻

人生百年內日月驟駛驟况我偕桑榆情事加煩促今
夕歲云除旅泊瑞洪澳溟茫彭蠡湖寒波浸坤軸愁心
亦如許浩浩互洞復糾紛方寸盈長歌聊當哭緬思生
我初父母勤拊畜孩抱嬰夙痾七歲行不子慈闈命與
俱熱淚爲頻沐荷荷學語時殘帙期我讀孝經與論語
父膝爲家塾小樓寒暑局琅琅雜誦熟文辭以意爲尺
度誰忠告同里交玉川切劘偕破屋騰踴出詞壇兩軍

對牙蕭故鄉本姚州省墓薦魚菽侍歸驛亭堰鄰舟仰
儒服親炙餘山門始慙俗學俗顧念二親老謬計養以
祿痛心遽失怙不逮升斗粟踉蹌見星奔皇魚死莫贖
鶴洲同懷子道義聯骨肉扶持哀疚中殘喘脫鬼錄竊
堅內史誓春暉戀林谷轉懷先府君幽潛未炳煜往求
臨川文表阡光照燭四年趨華省違志愧碌碌來諗蒙
詔許感涕迸飛瀑 錫號奉北堂獻壽酌醴醪拮据
昏嫁始六禮薙煩縟俄作雁媒吟勢類抵藩觸直以姻
戚故及爾同顛覆急難洧浦生倖謝泥塗辱淒涼潔殯
晨陔蘭不盈羽吁歎家婦賢天瘞屏風麓兩兒並沉綿
救仲失顧叔藥物絀兼營至今悲且忍送以木皮棺湖

續集卷十五

六

滯衰草宿琴子憶奔波提攜走輦轂雨淚問耶疾天性
一何篤實繁問字徒東臯成小築足備雞豚養哀哀撼
風木椎泣杖屨羸冬枯子母竹恨不黃泉隨裂肝茹荼
毒餘生愴然忍復班行逐詎勉畢娶謀并遺鸞膠續
乳孫聚文祿磽瘠供饘粥平生恥苟得素履自匡勗庶
屏不潔錢安貧淡情慾大梁十載淹閩楚間往復虛聲
擁臯比三千猥著錄豪吟徧五岳喜躡向禽躡隄廢酒
夷嵐好事鑱岩腹得果汗漫遊老狂賞心獨平陂覩家
逆仲媳年命趣活夫沉痾餘管形播芬馥心憐伶俜女
早嫁城南族所嗟薄祿相非關輿脫輻良人去京邸終
歲歸寧數糧艘載分明柴車迎輶輶朝暮共鹽齏長安

慳桂玉牛衣對泣人由來命不淑焜煌綸綍裳詎被安
且煥恒遊過橫門生訣依天屬入地從先姑轂音自不
育故人剩蒿簪幸乞存敝簾簾也嗟予季文學新族族
受知鄂襄勤國士叨品目一聞予病瘴千里奔駭鹿重
爾度關山趨庭時頻顛翻教二豎侵此禍太奇酷彌留
呼所生承塵恨止鵬長號羸博聞廣柳衝炎燭寡婦抱
楸枰血醺紅菽菽微軀事未了擺脫懲溝瀆 恩綸旌
孝勇紫氣亘雲旭亨衢石綽楔經營藉館穀矢不累親
朋并田冀千斛何時山骨確突兀烏頭蠹良知就廣川
賸客高齋肅志秉徵文獻排纂虔州賸中兮綰烏紗書
帷屬課督迎帆壘豐臺借我放遐矚醉歌聯日夕爛斑

續集卷十五

七

對蓉菊情味弟兄如纏綿露欵曲擬封若谷歸凶耗舟
移壑摧傷繼家婦宗子又誰鞠疫癘染盈門桃棘煩巫
祝痼病憫阿鑄惹思葆質樸再娶房仍空伏枕經暑溽
球誦卜三經幽窗空礪鏃鰥居免成瘵便荷容容福催
返章江權消息惴未卜入室環繞麻氣象最慘黷郭外
迤臯亭攢峰迭起伏東橋鎖環龍西寺躡屣山中有小
茅山僻壤遠樵牧魂羣一邱并柳序昭穆留舍未二
旬行裝遂遄逝却顧老病妻三載在牀褥惡狀滿眼前
塞耳叢謗譴死則委楸枰生當救壞局稚孤競牽衣欲
行馬蹉跎丈夫志慨慷那得氣瑟縮振振指常山問關
川陸歲暮行人稀迷津橫舸舳孤蓬映天飛漁唱沿

陔陝賢主昨歌驅來期于我速滕閣隔連程雲沙渺重
複碑砌十八灘石漱松都禿何由插翅奮飛追鴻鵠
南浦綠春波汎汎隨鳬鷺老懷久沉冥何事雙眉蹙
侶後先逝川流馳忽倏上壽焉可期高爵非吾欲霜鬢
人新年已屆六十六燒蠟具盤飧客底親僮僕蒸豚兼
割鮮芳菹羅旨蓄聊用乘化遷年光樽頊順正晞古
賢且汎杯中淥

八日迎寄定岩

此日春生滿路光沿流簫鼓汎舟航相看應候裁金勝
定復題詩憶草堂水驛風高梅已白江隄日暖柳舒黃
寄聲滿貯豐臺酒客到端須累百觴

續集卷十五

大

張甫續集卷十六

錢唐桑謁元

古今體詩

關家村觀龍燈百韻

客舟日落齊停橈連檣收捲風帆飄晚霞綺散天宇遼
蕩摩紫氣空波搖須臾水墨渲生綃沙明洲淨碧滌滌
白月上絃張弓弨部虛清影紛喬天俄聞雲外翻鈞韶
鳴鏐以和笙簫焰焰燃重霄沿村浩洶轟秋潮
紅駕星橋燭龍照昏如朝五綵雜糅爭騰曉
天門跳鸞律赤龍翔南徼烏龍白龍蜷尾燒
雷電煌初看黃龍躍故自超著雍執徐回斗杓

續集卷十六

一

衝天尺木疾且烈燄爛已中央昭太歲閭闔頌科條
令當黃道非宣驕乘凌終氣噓炎歊楊園柘陽烘爲窰
仙人蟠樹烟飄飄龍睛閃閃黃金描龍頭掀舞雙翠翹
羣龍散漫以超遙宛遊藪澤穿岩椒綠幘短僮鬢髮髯
口唱小海行儼佻丁男攀挽聲繁曉老翁一把幢旛招
奔龍攢叩奪錦標左旋右旋颯靈廳甫升忽降何輕趨
歛然迅逝蛻迨迨長隄列炬拖朱標擎雲過市橫招邀
宵樓瓊幄鬱七之而鱗甲捐綺寮青綈縞袂家緯蕭
朱暉照曜顏如苴一年一度樂事饒聚觀出簪笑相要
影纓楚楚佩瓊瑤一帶躡綠緣塘腰千人鼓舞立巨船
助以銅鉦增誼囂光射潛螭驚遊鱗環林鳥雀鳴蟾蜍

析斷懸樺燭三跋銀釵挑回龍輝赫噴赤燦
軍祀不祧子姓聚族蕃椒聊傾倒錯囊出精錄
會糾耕樵初春幾日閑過消轉瞬操犁事裝穠
雨五風調龍神甘澤醺瀟瀟三庚節候沾禾苗
高田下畛免坼縣八方通蜡遵唐堯故鄉三五可憐宵
銀花火樹嬉鬢髮走馬儼若革垂條質衢衝突分揚鏢
秧歌填塞儻天僑沸天鐸章雜聞喧紛陳百戲騁妍妖
長蠱僑如短焦僥軍裝角觝擊斗刁膏油首面鬪嬌嬌
琵琶出塞鬻豐貂偃師工巧費飾雕魚龍曼衍景色撩
遺簪墮珥嗟如媚繁華高內斗金銷野夫閉戶耽寂寥
無術可挽吳俗恍吾衰甚矣猶萍漂未得陋巷安簞瓢

續集卷十六

二

一枝南借飛鷁鵲差池弱羽憐脩脩殊慙老去德彌劬
年傷哀樂顏鬢凋寸心不展猶春蕉流光攝提轉元枵
難與等期王子喬新年雨雪苦瀟瀟纔覩晴原快掣鵬
茂陵老病祛瘍痂今夕寓目舒悵悵村燈古風判淳澆
爲譜昇平歌且謠

峽江龍燈渡水歌

峽江城外江光澄澄江兩岸行龍燈龍王堂在江西岸
羣龍齊赴降復升一龍升一龍降尺水騰天互衝撞江
光天光一正絳江天垂光長于虹光中歛歛回游龍蜿
蜒不定龍處所滿江倒影搖天紅天東勢落裨海外大
九州有羣龍在羣龍在處攢龍燈兩岸龍燈煜相對橫

江跋浪開羣龍自東來龍燈照波光徘徊浪跋橫江噴
急雨升龍軒昂降龍俯吹觥笙擊鼉鼓神魚拊節瘦蛟
舞龍燈懸流照水府龍王堂是龍所都羣龍渡水來奔
趨龍王大會龍燈集龍母升馭斑龍車月墮一顆驪龍
珠龍女弄珠爲嬉娛羣龍波蕩三山沒靈鼉鼉首戴
出鼉隨龍渡駕山來燈海燈山光照日上龍堂朝龍王
龍王指揮羣龍翔李杜文章光焰長昌黎追逐萬丈光
龍燈渡水光燁煌老夫興發成顛狂聊爾作歌情激昂

大風揚帆抵吉水作

峽江開頭風盡絕百丈沿江手牽掣沙崿岩坳路險艱
纒夫作苦腰環環晨興過下午三十里及桐江灣

續集卷十六

三

驀舒噫氣鼓一旗尾南指拽蓬脚危檣滿幅盡高張
一氣奔騰重浪起艤舸大扁行如飛瞥眼已失橫江磯
舟人歡笑且舞疾于躡控馳驟駢大聲蓬蓬聽轉厲
得勢前騁猛銳來縮瑟泊港汊縱思下瀨何由濟
砢礪怒浪船頭迎船若作崩灘聲僅奴栗果意氣盈
信宿欲薄虔州城春燈元宵節恰屆傳柑高譙呼金觥
我聽其言一莞爾事逢稱意須知止人生食宿有定分
疾帆未可儘力使長年三老却老成日暮風狂波更駛
穩持側柁趣收帆已報郵籤到吉水

元夕舟人自窰頭二十里絳赴白嘉村觀燈至
則寂然奉懷定岩在南昌燈事甚盛追去歲虔

署諸君誦賞

卿悲感今茲旅泊奉憶成咏

得一百韻却寄

石

今夕爲何夕維舟古樹
客長漂宕良朋闕晤言年時足怡悵情事厭囂喧繞過
窰頭埤頻沿谷口源宵林烘晚靄濛濛誤朝暾百丈牽
何疾危樞去若奔黃緣走沙礫踰躑躅莎蘋冷埃經延
鷺轟絃罷撥鴟依微環隔岸寂歷閉重門閃閃明僧刹
星星點釣輪何曾燃樺炬那得競鉦管里閑沉宵柝津
亭捲成旛雁行拋玉柱蟾魄挂金盆洲黃烟偏幕山頭
雪尚礬前時登市鎮比戶散雞豚貨物胥充物人家實
庶蕃銀花宜燦爛錦繡想翻反謬以常情度難將舊俗

續集卷十六

四

論因依成索寞來往省煩煩黃帽辜春興烏蓬餉夕殮
雙童虛雀躍三老儼鴟蹲餘辦飄梅塢寒聲度竹墩野
夫耐清醒高詠閱黃昏勝友思新府佳辰值上元熒煌
祠太乙曼衍出黎軒火樹亨衢燭星橋傑閣燉馬盤驕
蹀躞龍降怒蛇蜿蜒爆竹譁闌闌黎花耀隰原琉璃懸
爍齒莖吐焮焮象齒凌空戛鰲身出海翻倩粧眉寫黛
炫服毳如璫戴勝裁金剪流蘇綴繡繡紅騶驪珠勒油
壁輾銅轆簾外鴉頭髻墟邊憤鼻揮蠟攢爭似鳳蛾鬧
簇于廬填道人行蟻排門首盡竄曲彈金捍撥技奏黑
崑崙魚鑰收雄郡麟符啟大藩帷聚臺省纓絛聚鸞
鵲標映芙蓉幕競飛鸚鵡樽豪情效犀首異味薦熊蹯

牛斗光全燭虹霄氣早暄物華霞慣落家學露仍繁池

館搖江影風樨映月痕察廉文德播書記武功存謂姚

卽席虛懷下聯茵款語溫瀏連歷南浦揮酒壓西崑良

會椒盤設雄才綵筆援何人邀御李此事定推袁昨歲

呼蛩驅同懷比弟舅栖遲願依表酣譙苦留髡膠已先

投漆筮尤竝叶頃詞鋒鐔鐔淬墨海瀛瀛吞旅泊孤蓬

駐才思古井咎鴛鴦參駮駮硤質雜瑤琨悵梯襟顏洽

綢繆道義敦敦實筵增繾綣使節趣騰騰正月違酬唱元

宵具炙燂湘醺恣傾倒絳焰互細縕孔雀金屏展狡狴

甲煎噴彈吹響濤沸坐立部雲屯轉拍微囉噴圍場錯

趾跟娛娛喚蒼鶻酸惻聽元猿賡恨長埋玉忘憂枉樹

續集卷十六

五

萱傳柑欣咀噉茹夢泣潺湲羽已安巢屋神非畏音樊
難乾羸博淚徒愛辟疆園嫋嫋搖懸旆冥冥伴合椿德
京遭鬼責行拂歎吾惜皓雪盈雙鬢蒼旻隔九閭亡兒
臥松柏宗婦委蘋蘩卜子寧辭過巫咸不問冤含悲自
稠疊降割奈更番鴟止真如鵬鵬圖莫化鵲呀驚縈噩
夢招復斷殘魂催返西江棹亟封東郭墻身乘單鶴逝
鄰謝隻雞膳式穀慚教子詒謀拙負孫蜚聲冥鴻鵠敗
績棄輓輓不肖情懷黯先君行誼惇童齡抱錯鼎祖廟
誓縶韃孝子追曾閔鄉兵過孟賁貞珉揚考德綽楔荷
皇恩操術輸長策踰八短垣纏腰却揚鶴耕舌抵
吳捷突兀何由見經營心緩率來同野兕瞻取比庭

恒衰邁聲華減恢宏志業尊清溪麋鹿隱廣廈杞桮掄
踪跡嗟遼拓勦庸仰揭掀繡衣臨嶺嶠班服照江臺忠
厚承前緒寬洪裕後昆詩書守鄒魯騷雅挹湘沅苞彩
輝梧竹芬芳長葆蓀交將青眼對獨自素心捫繞匝南
枝鵲飄飄北渚鴛沉埋新日月歸老舊乾坤什襲叨持
石深藏矢韞葶微生隨倚薄陶埴任胚渾

雷公翠庭方丁太夫人憂復喪次子書來具悉
重哀感念亡兒殊啣私痛寄詩奉唁亦以自廣
得三十韻

修短俱由命江郵惡耗駢寧將喪明意併入宅憂年齒
及新悲切腸教舊恨煎鳴咽下惻惻鯉庭前把札

續集卷十六

六

添振觸縈懷引涕漣索居時已久同病最相憐枕由誠
何恃絨書雅省愆信知難順受其奈蹇來連聖室遲鑽
燧齊期迅逝川俄摧瓊樹影正廢蓼莪篇謝傳聞常教
韋經識竝傳英名騰璧沼書種委丹鉛刺眼看凶短椎
胸感溘先微生戾多積大故禍遄延桐竹襟邊血松楸
隴上烟鳳雛輪翮翮烏鵲覩翺翺琴子傷偏早篋兒壯
更捐號過羸博路封傍茂陵阡有美深埋玉何心仰問
天劇傷吾過矣失慟子無然執紼通門隔揚微片石鐫
嗟噫雙表冥漠閉重泉讀禮創原鉅裁詩痛漫纏若
稽洙泗聖亦越考亭賢瘞天都經歷啣哀具節宣西河
太悽愴東野苦連邇老少期前定存亡化倏遷

浩浩神理冀綿綿祖墓應隨葬遺文定附編小祥遙寄
唁不覺溼長箋

赴豐潤留別定岩

京東烟景萬重疑送我飛拈七尺藤下瀨催開三板舸
上元省對九華燈聞詩庭闕西江遠通德門臨北海澄
恒岳游餘緣未了盤山碣石更須登

虔署遇顧君赴南粵時予往豐潤贈別

一夕虔堂倒玉壺明朝相背發檣烏五羊春暖迎仙客
孤竹風清待野夫萬縷垂楊繫鷁首雙江流水繞城隅
十年黯別梁園路賓主重逢盡白鬚

放歌奉贈翟晴江

灝卽留別

續集卷十六

七

吾門朱家濂訪友亟稱程子才縱橫長安閉門究典籍
哦詩陡學蒲牢鳴郊扉十年入我夢去臘客遊睢顏形
衢州城外纜舫艣片時談藝稽江程虛懷以我爲老馬
長途周漢諮經行兩京製作近三百溫厚覩到先民庭
豪吟天縱子杜子熱血洒紙明丹誠脫教刪述魯中叟
定當哀輯爲唐經手搏羆豹拉牙爪身駕星虹搖旆旌
超遙強狠李韓擅如鼎三足誰扛擎老坡負出浩舒上
廣長舌詡青蓮馨彼家唾餘礪礪等何事綈纓呼瓊瑛
吾友昔跨鷲鳥百自喜倖與捐夷庚有時真氣怒盤鬱
直破趙壁衝奇兵黃蜂釀採溜穿柱柔桑蠶食絲纏縈
今看是葉是花藥豈有繭蜜羅盆罌經史子集列四庫

禍首說部標鄂鈴呢言日出騁幻誕輒指故實欺聾盲
後生填衢事裨販堆天闕叢篁青助挽奔輪注經術
昌言苦憶戴石屏嗟子才微歲復老風騷結習含深情
吾師成連渺然去海山海水空窈冥重來春暮花欲零
垂楊有鳥鳴嚶嚶歸舟催發疾于箭空勞欸客提銀瓶
何時聯影剪絳蠟談深白月移疎櫺我今築壇拜大將
推子把鉞軍皆驚草堂有靈屬似續擔荷此事千丁寧
高睨乾坤氣深穩肯與瑣瑣爭時名江邊躑躅攬涕別
嗚呼放歌子其聽

題冀銘鼎元

弟采藥圖時子將赴虔南轉入北

平

續集卷十六

八

兄及弟吾與汝有生伶俜疾病多父母劬勞勤鞠撫小
名只合呼百藥長大幸作宗祊主華年倏去如流星對
看頭髮霜盈盈奔波南北我未息何似居鄉長爪生長
爪生今年六十甚矣吾衰耄將及顏衰難覓紫金丹且
倒離尊衫袖溼三年期約重歸來相將采藥白雲隈松
根茯苓可全煮人間何處非蓬萊

復過衢城贈友

川涂往復一帆飛春岸殘花點客衣微雨吟來陶靖節
澄江留與謝元暉老夫懷古凝眸遠才子含情會面稀
大雅鴻逵平似掌扶輪正待爾全歸

雨舟將抵常山

雨勢連綿酒未休墨雲狼籍暗汀洲大江白日覆鼉橫
夾岸青春草木稠濁浪灘頭渾作惡清聲蓬背迴含愁
明朝擬度常山去竹轡端須慢碧油

董母杜太君輓詩八十韻

川涂得內問驚悼涕沾膺寶婺璇穹暗金精紺岫崩藏
舟移倏忽伏枕仆昏膏內則由來炳微音自昔稱黃圖
宗祊真紫蓋世家興玉鉉開燕邸雕楣耀杜陵六銖飄
婀娜百兩迓軒輅巨闕垂繁露嘉辰迨泮冰芙蓉方淬
瑩駉駉送騰騰仙令符遄剖郎官宿上應長洲花滿戶
茂苑雉連騰清論聯吟珮虛懷待尉丞延釐集神雀布
煖化蒼鷹茅屋人爭頌岩廊自謝陞鳳儀聊寄枳鴻冥

續集卷十六

九

豈嬰矧名父深恩在萊妻雅志承琴彈滄海浦組解白
雲層彭澤隆詩格如臯陋射棚招邀具瀟酒酬唱發吟
增喬梓宏模啓天人碩學升奏名推賈誼對策壓孫宏
鳬鳥層霄下熊輪采軾馮豫川棠蔭屢浙汜麥岐曾層
賀尋常燕程搏九萬鵬磯樓旋倚庾渚閣早臨騰直指
勞巡顧巍標本毓恒脂膏身弗潤水鏡照逾澄教育追
緇魯安全及杞鄩賓筵原抑抑吏治倍蒸蒸咫尺惟持
慎纖毫總去矜平郊遙案堵乳鵲晏巢檜列郡轡車泣
重關列檻凭廉泉滋蕙芷書院掃葵芳浹洽緣籬角豐
臺藝石稜汲瓶噴激灑輦土疊峻嶒借箸借參佐傾盃
接友朋朱英艷榴菊細葉扇荷菱總爲迎帆設非徒踵

事增謝庭瞻尚遠班史續俱騰龍杖揅常穩鷄髮喚輒
磨潘輿扶迤邐陶甃運頻仍煥館蹲薰鴨涼房屏聚蠅
睢鳩離更肅樛木愛忘憎脆笋初捐籜鮮魚乍脫鱗
帷簇斑綵豸府著彪弼等級超容易衷情最戰兢詔
頒螭首陞泥印鵠紋綾壽酒斟鸚鵡歌伶蹴毬毼恩斯
均嫡庶詒厥逮昆祚薊北瑤光映虔南瑞靄凝長途沿
渺渺短羽逐翳翳作賦嗟王粲談經媿戴憑下帷時雒
誦窺圃夙嚴懲禮以通門問堂因拜母登綈袍費刀剪
玳席潔銅甌芳訊貽瑤篴寒閨拜繡膝重遊解懸榻遠
去省擔簦急振衝灘施危持破藤椿柯霞蔚蔚萱色
雪侵凌別恨千回首醫誣三折肱含飴猶撫弄屬續詎

續集卷十六

十

迷情久視終無術回生竟罔徵裳衣輕絳縹喪鼓咽琴
鑿粉壁留遺挂丹砂棄舊秤靡依啼不住失恃痛難勝
苦塊拋茵褥縷麻換錦綳鎔熬一溢米漆點五更燈鬱
行齋鍾郝哀悰恤閔曾村春休相杵社飲廢如澠總帳
捐簾押靈輻駕鄴輶鵠催晚烏免速環絙斜晷偏
栖鵬沈灰莫辨僧祖併排畫髮魂旒旒丹繪悽愴喧笳
管踉蹌雜屨騰當風橫去憶繫日乏長繩二句集義山詩五岳
紅橋委雙江素舸乘狂飈激蒿里疎雨颯松棚椒醕銀
罍瀝蘭肴翠金屑淚襟殷滌瀝旅髯亂鬢髻銘誌誠須
撰寧辭僕未能

用韻贈別友人

畸人三度過炎鄉恰又相逢水石莊祖馬魂車從執紼
郭郎鮑老換登塲心朋仍握管城子首路倒垂金錯囊
臨去觀魚凭壞檻一池零落白蘋香

酬別馮君見送韻

箭激雙江萬里流萍蘋開合暫同游鰥居簾幙頻梅雨
旅食年華又麥秋綠綺催彈新製曲春波憶遠故鄉樓
怯從夜話亭邊坐不盡天涯去住愁

庚辰四月十七日贛州登舟紀程一日一首

微沾晝翳雨如絲夾道無聲涕淚垂素浪潺湲悲似雨
雙江門外送行時

續集卷十六

十

已教淒斷舊行人新廟

碧水瀾漫十八灘連檣下瀨故非難江神不借南風便
咫尺無因到萬安出灘

火雲映日爛朱光白葛單衫汗似漿驀地飛蓬鳴雨過

延津渡口水風涼延津渡

碧草綿芊繞郭長一泓清水似滄浪不妨烟艇遲遲去

爲是廬陵節義鄉廬陵

倦程向背看青山無數悲懷付等閒驟雨強於萬枝弩

勾轟直射章家灣章家灣

牛灣波色碧盈盈彷彿錢江瀉淚聲我自頻年傷逝水

不堪斜月到三更牛灣繼家媳忌辰

市汊于今七往來波聲草色助清哀明朝重上滕王閣

遺墨縱橫認劫灰

市汊

伯道無兒累自輕西河偏覺黯傷情臨江睇子酸風射

老淚乾時欲喪明

南昌饒兒忌辰

高閣曾看曉日臨憶凭江檻和長吟只今畫棟依然在

南浦雲飛黯夕陰

哀響聲聲激坎侯驚聞死孝逝中州河斜月澹無人見

荒忽魂隨楚水流

廿七日定岩逝

金鼓聲含楚些悲龍舟江渚弔湘纍忠臣孝子全蕭瑟

古往今來一涕洟

蕭條旅櫬寄花宮一盞銀燈掄爽紅江上羣靈猶未散

續集卷十六

七

北蘭寺外嘯悲風

廿九日晦

苦滯汀洲傍釣輪且依蕭寺寓吟身總帷燈火軒窗映

形影依然戀故人

五月朔

高樓獨立最悽清一抹西山曉翠橫聞寂空憐風雅地

無人談藝到深更

眼昏字大作家書淡墨迷離涕淚餘行客催封太匆遽

故人未得寄雙魚

生死寧渝夙昔盟一言曾使寸心傾拚將雪白稀疎髮

梳向秋風古北平

蒲綠榴紅滿眼芳空浮湛碧罷傳觴劇憂命斷渾難續

如此端陽最可傷

零落家僮色似灰招魂不上望鄉臺人間最慘惟孤寡

况對碧江哀復哀

香花齋供集方袍刺眼靈帷見汝曹喪事匆忙修佛事

鉦螺如沸雜號咷

江洲其奈鬱蒸何今日風生洶白波一洒滂沱天際雨

較諸悲淚未云多

哀老吾生自有涯羈孤作客類無家主人捨我騎鯨去

恨逐彭湖白浪賒

撩草家書又一封天涯難定水雲踪爲言北去孤飛鶴

無復滄洲白雪容

早防旅病暗生愁忽覺淅淅眩白頭縱在儂家如古寺

續集卷十六

七

連朝伏枕索誰憂

蕭寺先教祖席陳明朝飛旆發江濱鵲舟遠送雙靈去

淚盡南州孺子身

五千里外水雲愁雙鬟魂旛上素舟雨泣洪都諸父老

潺湲添作暮江流

南昌復登舟

順下吳城蠡水通千汎葉葉過鰲幢篙師愛攔沙洲淺

辜負西南送好風

頭汪

暴雨飄風旅舶淹俄看圓月映疎簾水程未得郵籤報

一枕新涼到黑甜

趙店渡

南風已轉北風來曲渚檣帆不可開指顧吳城尚難到

何時纔得傍蘆臺

颯沓連朝鼓朔風攤錢浪裏任篙工空然欲祭湖神去
箕口揚靈勢轉雄

已淹三暮復三朝雲下吳城路匪遙一酌芳尊渚湖口
分風好爲送征橈

五兩風回破浪行大姑眉翠鏡中橫却齋新舊無窮恨
一望匡廬涕濯纓

狂飈欲吸撼江湖重碇危檣泊大孤常日張帆論上下
今朝四面斷行艖

連晨絕類賈胡留恨煞盲風播石尤未得身輕騎白鶴
何緣飄忽上揚州

浙浙凍雨亂跳珠漠漠冷風分散湖移向石鐘山畔宿
續集卷十六

噲咄夜到客舟無

蕭瑟靈旗出大江驚飛風雨打篷窗歸魂冷落過彭澤
猶有官人奠酒缸

峭帆橫驚激風湍黃石磯頭落照殘見說明朝江路好
皖公山色鏡中看

水態雲容澹碧滋扁舟蕩漾戴溝渚今朝散盡平原客
獨想音塵撫繡絲

倦看江南兩岸山誰能心事寄蕭閒憐他帆腹張弓滿
箭擘濤頭失險艱

千里章江瀉恨長蕪湖相接白泱泱冰夷宮裏天難曉
一月游魂去渺茫

龍江城府鬱蒼蒼生死交情總斷腸苦憶故人天際去
欲探消息畏斜陽

潤瀆蛟宮是夜臺悲風吹送素舟來二分愁盡揚州月
八斗摧殘子建才

人間物外判炎涼冰雪多教置我腸纔得高談接焦遂
故知慢世有琴張

嗟我來遲不及春廣陵花事已成塵補吟芍藥新詩句
也算遨頭宴裏人

鈴窗炎暑苦侵人絕少涼風動白蘋消夏灣頭在何所
往從漁父看垂綸

尺三汗脚着靴迎團扇揮殘喘未平不道汝南生怕熱
續集卷十六

偏逢襍穢此間行

暑病龍鍾逸興刪蜀岡空想一躋攀縱饒山水清暉在
何自娛人耳目間

空教老去惜微軀白汗翻漿淚濺珠寄謝湖鄉諸舊雨
浮生我獨集于枯

虔南到此換舟三畏日炎風總不堪夢到湖心亭子上
桃笙臥看雨餘嵐

珍重新詩一起予信知價重百車渠邗江明月東頭上
遷寄撇波雙鯉魚

寶塔灣西滯舳艫懶操七箸飯雕胡何當淮浦秋風動
頓使衰翁病骨蘇

三年一到故人家烟火迢迢又汎槎直把清狂破惆悵
逍遙底用讀南華別石蓮

塔灣日日苦驕陽關外仍難借夕涼此去三千川路遠

江淮滾滾沸如湯出關外

慢向灣頭廿里程經過宿雨暑氛輕雲天永晝職輪淡

沙渚初宵月魄清灣頭

召伯隄衝伏汎狂林廬半在水中央洪波未得消心火

冰簟難教客夢涼召伯鎮

疾風甚雨浪滔天弱纜千鈞一髮懸漫說波濤仗忠信

男兒性命絕堪憐六月十四日四汊港幾覆舟

僮奴猶未定驚魂明月團團憶故園四汊正當新口決

續集卷十六

六

濤聲轟似九河翻

金隄功已奏河渠瓜蔓新流蕩碧虛巽社湖風冷騷屑

村民渾恐化為魚高郵

裏河水緩漾清深草樹千重映碧潯返照橫塘帆影度

依稀雲過半山陰汜水

水閣帆收一幅烟涼曙已到舵樓前舊知悲感餘霜鬢

清淚能無洒白田資應憐懷白田公

螢影高低碎火燃平橋漂泊惜流年當時月映湘簾白

已恨清江客思懸十九日平橋重看螢火惜流年明月清江客思懸遙知玉簫生秋夜盡閑

疎簾人未眠舊歲清涼句

連歲心傷逝水中魂來蕭颯滿旗風更堪日暮山陽笛

吹向飄零白髮翁山陽

我舸大舫集灣隈淮水難濺客思哀却想銀鑪消永晝

涼風吹過柳陰來

五岳峰頭嘯咏歸天風慣灑薜蘿衣獨憐來往清江浦

惹得繁霜滿髻飛清江浦

奔流浩洶鎖重關多少舳舨輟棹閒魂夢殊難洗煩熱

枉教徹夜響潺潺天如三關

上閘艱于灤瀕堆橫牽百丈太迢迢炎天杲日無雲雨

只有砾厓萬壑雷頭關

病暍空懷玉井冰開邊天日倍炎蒸千檣鱗次如河鯉

蟻嶼龍門不可登

續集卷十六

七

百尺澄潭鏡面磨漁娃鑑影寫雙蛾水明殘夜冰蟾吐

一片清光漾素波清河草壩口

白首烟波汎客船金風又見井梧飄新煎苦茗澆吟舌

秋水冷泠燕一顰立秋

秋風一夕透絺衣烏榜猶鄰白板扉清愛濯纓歌孺子

靜看如練咏元暉

今日風帆快疾趨雲奔浪湧過菰蘆故人聞作桃源宰

未遣津頭候老夫桃源泉興集

晚來風順走衝波幾點浪浪撒菽過帆似橫空排大翮

決背便到白洋河白洋河

秋水盈盈浸遠天垂楊垂柳掃輕烟宿遷新草綠隄綠

宛放平江鴨嘴船 七月朔宿遷

風送蒲帆未肯停 姚灣薄晚尚揚舠 梳燈一點高
疑是西流大火星 姚灣口

草舍風來碧樹秋 飄蕭烟景過 迦溝似憐遠去眉痕蹙
新月彎彎替我愁 梁王城

白晝雲昏泊野塘 移舟開畔已殘陽 瞥過雷雨風濤洶
贏得篷窗枕簟涼 侯仙閣

秋旻雨氣未全消 一溜燈光渚面搖 纔把幽宮文章就
颯聞簾外度靈飈 萬年閣

赤山風柳舞僂僂 返照漁梁曬綠簑 猶遣夢魂江浦去
不愁千里阻烟波 赤山

續集卷十六

大

漫叟頻年作漫遊 隨波漂宕白蘋秋 銀河萬古從天落
巧拙都教入海流 七夕利建閣

三年重到濟寧州 往復澄波照白頭 三十六鱗飛入艦
呼童烹取解離愁 濟寧得秋林札

柳絲槐乳碧叢叢 綠岸香茅縛作蓬 月照草橋喧晚市
賣瓜人趁落帆風 草橋

風帆曲折水滌迴 白嘴人家傍埃臺 夜犬村空聲似豹
秋蚊草長殷成雷 白嘴

開口波聲激怒潮 雨餘月色瑩清宵 歸魂猶恐多留滯
還向江南放小招 南莊閣

勞生萍葉汎滄淪 河濟縈紆逆浪頻 今夜順流浮皓月

夢魂飛度向天津 安山閣

漕回巨艦寒川來 下閘時淹北去桅 幸得波隨風噴薄
恣教人與月徘徊 七級

纖絳纔見颺清秋 杲杲當空躍赤毳 怪底白團拋不得
火雲還並火星流 東昌

西風蕭瑟水雲昏 此日椒漿奠一樽 空說上清朝絳節
厭聞下界會蘭盆 七月望梁家淺

明晨定得到臨清 迢遞烟波九十程 水驛津亭勞遠訊
東來風雨帶銘旌 戴家關探騎至

修篁遙悲兩旄丹 龍脣絲結不成彈 冰輪憶挂雙江上
並對清暉至夜闌 臨清秋林遺奠

續集卷十六

尤

從今無開鎖重灣 曠蕩如過百二關 此際雲帆天際引
好乘秋月泝潺湲 夾馬

川路縈紆百折波 張帆忽復卸帆過 坐看闕月生天畔
中夜還成忼慨歌 朱家園

慙媿傳經目老成 猥來書幣採虛聲 却憐携得嵇延祖
不使山濤負九京 七月廿日四柳樹樂源聘使至

拂曉鳴橈且復休 衝風吹浪蹴天浮 相違一舍無多遠
薄暮雲中見堞樓 德州

刀光古水瀉滂洋 秋墅人家草屋涼 萬里寥空暝色至
野雲村樹盡蒼蒼 十五里口

秋風颯颯樹聲哀 鴻雁新從碣石來 鄰舫無心相借問

恰逢鄉管是豐臺磚河

疎槐深柳綠婆娑霞綺輕飛散白波漸近長蘆風景好

却懷椒桴意如何典濟

素舸迎來骨肉親總帷問故共沾巾還憂黯淡桑榆景

痛煞椿庭白首人七月廿五日雙塘

空置生芻莫碧筠清言無復玉人酬淒涼看吐四更月

白汎浪花明柁樓曹家莊

長蘆秋水正溟茫一派飛奔董閣莊超忽回風三百里

雲旂縹緲早還鄉天津

續集卷十六

三

發甫 集卷十六終

發甫續集卷十七

錢唐桑調元



古今體詩

紀程

五色繽紛繪巨航慣衝蛟蜃走溟洋直沽便是扶桑路

恨不乘槎着日傍七月廿八日見洋船

浮屠三宿恐牽情客舫稽留不計程對岸金山樓閣麗

青林朝暮白烟生廿九日晦

丁字沽頭撥桂橈篙工河上罷逍遙前行絕類徒兒浦

早晚剛隨八月潮八月朔鹹水沽

復見蒼頭故國來老人無恙有餘哀最憐五尺童孫慘

續集卷十七

一

拋却書帷血滿縑堂見上

新河如帶土功成恰恰歸艍向此行舟子凌晨看潮長

一齊起柁亂鳴鉦漢沽

涼波倒映白雲衢日對秋光雪練鋪川路六千今已盡

綠陂芳草碾靈輶初四日蘆臺

哀容疋瘠劇堪憐凶服交加血淚鮮須識承家爲最重

門庭萬緒一身肩光益奔至

白馬賓親接跡來明朝執紼面東廻空期緩緩歸車好

無那滔滔逝水哀

涼宵風雨苦淒淒欲挽靈車一尺泥點點泣看慈竹滴

聲聲寒聽孝烏啼

總麻清涕幾人揮宿雨沾沙廣柳歸頭踏流蘇半零落
笳簫咽咽飛飛

王家莊樹著烟籠旅店秋燈挂壁紅不爲故人寧到此
私憐臥病月明中 王蘭庄

三舍程衝兩日泥雨餘深淖沒輪蹄崎嶇董閣庄前去
不唱虞歌亦慘悽 八月初十日董閣庄

離柱揮殘錦瑟絃迷魂漠漠水中天縱然看破生如夢
不那腸從夢裏煎

迢遙河水溜通渠錦鯉中存尺素書憑寄江淮故人去
帆經風浪拍天餘

萬歲聲長祝 聖君蓬萊五色護祥雲京東拜跪瞻
續集卷十七

天近彷彿璇霄廣樂聞 八月十三日
孝稱和嶠與王戎生死情深大略同檻外長江流不盡

何人悲弔沂靈風
相看涕淚滿離筵詎爲陽關客思牽惡說中秋好明月

今宵不用向人圓 中秋餞別
董庄已遠尚餘哀回首秋雲絮作堆沙路高低尋舊迹

却追白馬素車來 王蘭庄
信宿巾車輕輓驅蘆臺沙口復登艫傾來白小盈簷雪

風景宛過鶯脰湖
乘湖輕泛木蘭船搖漾空明水接天此去好將愁眼洗

濟南秋色正澄鮮 三家臺

碍施雙槳撥輕艘淺水搖溶未半篙一片連天却無際
狂風也解作飛濤 陳家溝

復到津門曉色清舟車僕僕總勞生却憐夢繞華不注
一朵芙蓉映日明 天津

無人折柳送津門輪轉平陂古轍痕僮僕愁容纔得散
晚投茅店具芳樽 靜海

車如流水下平阜駿馬蹄輕未覺勞猶管送迎隄畔柳
臨風疎影弄蕭騷 興濟

平沙淺草御輪輶鏘鏘鈴聲駕騶那似石尤風勢惡
橫翻駭浪阻行舟 堡頭

連程行徑繞河隄歷歷檣竿柳外齊安坐車中看風色
續集卷十七

不知川路浪高低 三園
德水烟消遠景澄晚天明麗綺霞蒸欲知風氣青齊好

試向方言辨得登 老鴉陣
明朝問渡過清河轉覺相思一夜多應惜吾衰今已甚

經年萬里涉風波 禹城二十里鋪
千里衝沙始卸車解來懸榻乃吾廬便應報向重闌去

修竹林中客到初 至沛南荻林高齋
萬花谷裏語啾啾稀得歸昌到耳清乍聽丹山雛鳳好

梧桐枝上一聲聲
賓至如歸最適情疎窗白映月華明知子素有林宗癖

酒掃深房分外清

老去端須愛惜身大書贈我感情親斯言信是連城璧

今請還爲趙氏珍

簡秋林

鹿眼籬邊菊藥稠風光倏已入深秋白頭慣被花枝笑

客裏相看歲似流

九月朔

雁足書傳歷下情夢看病骨瘦嶢嶢依人只道淹王粲

賦鵬何期喪賈生

悼陸疎村

催放秋花造榜天棘闌初見月娟娟如珠連貫文昌氣

映徹奎婁動海天

任城一別已三年雪涕秋深把臂前傳說龍鍾人共棄

狂歌激越荷君憐

會秋林

衰遲絕類杜陵翁不那秋來左耳聾歷亂羈愁刪不得

續集卷十七

四

仍驚搖落對西風

微生哀樂總教傷人世原無却老方料理白頭須底物

引年聽說進昌陽

西冷已失白雲夫重對桐川嘯咏徒猶憶簷前一宵雨

滴殘清漏小方壺

桐君錄內播芳聲苗甲懷山憶蔚青此地從來稀藥物

拜嘉還得制頽齡

秋林惠地黃

涉上登高逸興饒羣賢玉佩喜相要西冷詩老無多在

遙憶湖山悵寂寥

久思過嶺愜清遊忽遣雙江返鷁舟似近神山風引去

祇教飛夢到羅浮

讀秋林羅浮游草有感

平生癖性謝繁華况復高春日已斜自愛東籬千遍繞

寂寥相對有黃花

鎮日成陰鶴蓋多西園車馬自駢羅閒身幸起劉楨臥

其奈漳濱應接何

軒車沉愛及漁樵雅列瓊筵折簡招不道畸人愛岑寂

臨風欲棄樹頭瓢

海岱鍾靈有此才那教衣褐走風埃峭華山色邀名士

好向秋亭嘯詠來

懷經德

麟角牛毛總劫灰掃殘兔穎積成堆不教黃土埋光燄

只有凌雲萬丈才

續集卷十七

五

招邀却憶入關年風雨淋漓到醴泉五岳靈風遊早徧

明湖話舊尚無緣

九月十六日寄排山

借來籬落看黃花未是柴桑處士家惟有南山當戶見

悠然相對在天涯

身世難禁作達名由來我輩自鍾情從教飯顆山頭見

不爲耽詩太瘦生

梧桐葉盡夜霜清夢覺天涯已五更怪煞螺窗斜月白

拋人西去寂無聲

澄澹心情迴自如未容佳士便林間只應一振高名後

却入名山共著書

暮年羞悔事雕蟲手把羣經未易窮正似夜行光已闌

惟將炳燭照昏蒙

羣才契托自紛紛壇坫爭看氣似雲誰得真知延曲室
對斟樽酒細論文

壇畔軍聲動地來奔騰敵騎一時摧淮陰詎學孫吳法
自有天生大將才

年來夢想在廬陰几榻圖書翠色深最愛濯纓橋畔立
門前流水激清音

憶扶筇竹上豐臺四面雲峰霽色開天意只教經歲住
啼鵲送客不勝哀

淑問如君實偉然千秋定論祀儒先東南唱道餘山在
名德何慙兩廡賢贈荻林

荒園空曠見南山興在東籬徒倚間採菊人移高館去
續集卷十七

更無蒼翠到重關

衰遲難忍朔風寒暮倚高齋戴鵲冠却憶空亭秋月白
飛拈筇竹上層巒

風前一紙閱鄉書多少英才得意初無那燭溪光黯黯
明堂惆悵失璠璣知靜軒弟失解

九秋蕙落已無餘却值元冥播令初摧迫蟲聲到牀下
中宵不寐意何如立冬

飄零作客此依劉踰月相從賦遠遊明發移居纔咫尺
詎如萬里動離愁十月朔

冠蓋如雲盛禮成賓賓矜佩接諸生遙思繁露承家學
負笈何時到歷城入主樂源書院以上共一百六十四詩如其數

哭定岩二首

烟波浩淼逐三閭直下章江信所如泣血無聲枯孝節
游漸何處勝文魚忍令終古捐予佩恨不中洲攬子祛

天畔空呼臯某復浩然歸去撒蘆廬
淡淡星河欲曉天忽騎鯨背泝通川生依草土經三月
死着齊疏入九泉故國遙揮思子淚夕陽重薦禮魂筵
伯牙悲痛鍾期逝零落金徽委七絃

和人賞木芍藥二首

高會空聞絕艷開生綃留影醉瓊杯飛仙並立瑤臺上
閬苑踏歌歸去來

滿眼多情鬪艷粧自教白髮放清狂却憐潦倒揚州夢
續集卷十七

不遣樊川醺羽觴

六月十三夜月

江浦西頭淮浦東清光潋灩思何窮精靈不逐罡風散
悵望青天碧海中

六月十四日高郵湖大風雨幾覆舟倖免有作
口央難敘沂裏河湖心空闊湧驚波連檣風雨垂傾仄

四汊雲濤互盪摩黃帽哀號乞神鬼白頭呼吸委蛟鼉
多緣師友遺編在留得餘生續嘯歌

病暑二章

我不如翮翮燕飛時向風中見風急掠雕簷風微捎
翠幔我今病握齊紈扇頭涿涿兮苦瞑眩既無宋賦快

哉披又無列御冷然善安得出舞零颯爽清人面

我不如上下鳧汎汎常在水中居水深嘯羣侶水淺引
諸雛我今病取蘄簾鋪汗翻漿兮苦沾濡既無仙露分
金掌又無清冰映玉壺安得臨滄浪洗濯寧吾軀

汜水道中

乍聽蟬聲出樹間漁簖高挂水雲閒沿塘草舍延瓜瓠
時見黃花滿屋山

舟中夜坐

漁火依微曲浦烟坐食涼爽不成眠白雲芳草江南路
青簾疎簾柳下船衝岸鯉鮪喧撥刺傍沙鷗鷺靜聯拳
湖光萬頃皎如雪波底玉蟾飛上天

續集卷十七

八

草壩口渡河

萍泛洪河渤解寬西風掠過髣毛寒章江輟曲拋微軫
碣石孤飛矯羽翰病惜春容餘涕淚老驚世路足波瀾
魚龍偃臥盤渦沸對此茫茫集百端

旅懷

迢遙清濟接清淮暑雨秋風亂客懷蓬梗關河淹歲月
蜉蝣天地寓形骸飛揚跋扈從時輩慷慨悲歌自我儕
河鯉河魴慵下箸旁人錯認太常齋

臥看

颯颯秋風捲柳隄浪花橫濺午烟迷鄉園夢寐頻驚覺
朋舊音書總嬾題簾展涼于玉龍背帆飛疾過紫驢蹄

舟中白日了無緒臥看雨雲吹向西

韓庄

嶧山湖闊白粼粼殘照西風浪似銀帆脚雙飛衝繡羽
槎頭一尺墜金鱗薤歌朝露頻頻涼蓬鬢秋霜故故新
却省游梁十年夢青冥可倚玉樓人

濟寧奉懷近顏

論交初對濟流清洗眼風塵識俊英燕領何堪老殊域
鳶肩空自誤浮名荒寒魍魅天涯色淒斷蛩驢日暮聲
一步河干一悵悵人今衰病歲崢嶸

涉舟大雷雨

湖心魂夢悸高郵安穩徐牽涉水舟一任驚颺雜雷電

續集卷十七

九

匡牀臥聽雨聲秋

七月初十日紀夢

柝響驚從鳥道還涼蟾猶挂柳絲間夢中不識皇蘭路
魂斷千山與萬山

月夜奉懷圖東石蓮

江南江北惜離羣客路秋風不可聞京口會時傷落葉
印溝別後賦停雲一行雁字還須寄兩髯霜華底用耘
斜月忽臨窗檻白渾疑靜夜接夫君

寄秋林書不到志感

騷雅相於古誼多通辭詎待託微波關河催老雙蓬鬢
歲月拋人一擲梭經帳還教傳馬鄭詩筒應遣和羊何

却憐素鯉浮沉處，涕上難隨淺水過。

臨清關

糧艦回櫓尾，接銜出關鷁。首走驚颿，便陽鶴影歸雙旆。
涕上魚書復一函，碧月光浮青玉碗。金風吹冷白蕉衫，
滿川芳草含愁思。南北紛披不可支。

寄圖東

京江三載別，纔得尺書將。鳳穴雛長好，鴿原草遂荒。
却憐羸博路，與莫汨羅觴。病暑龍鍾甚，重浮北去航。

曉起

金盆圓魄落河西，卯色天黏碧草低。百疊高帆催鷁影，
兩行疎柳咽烏啼。殘牙缺齒難勝餅，短髮輕梳未滿篦。

續集卷十七

薊北虔南幾千里，號歸不遣旅魂迷。

再枉荻林札

復得魚書意萬重，遙傷駒隙念龍鍾。相期杳突泉邊水，
一洗漚溪瑣尾容。

川涂連歲

昨歲初冬下石灘，紆回南北走風湍。火輪簾舫禁炎暑，
雪片江湖犯大寒。回首鄉關雲漠漠，經心客枕月團團。
長隄衰柳無窮路，白髮難教意緒寬。

三枉荻林札奉寄

萍漂是處汎烟波，不厭談經鬢已皤。歷下雲山頻入夢，
滄浪書跡幾回過。清風浙浙懷孤竹，秋氣淒淒感女蘿。

計日相從看藥榜，濟南名士向來多。

七月初二夕憶舊

七月廿五日夜泊雙塘，柁樓失火，幸撲滅，有作。
非關赤壁燎鰲鱣，忽訝青簾引祝融。三老嗷呼烟焰裏，
二更驚覺夢魂中。旅人幸脫焚巢厄，上客爭誇爛額功。
若使祖龍行小劫，奇文一炬總成空。

八月初二夕憶舊

追思露坐納涼風，甫到君家別墅中。今夕舲窗看河漢，
渾如夜色映房櫳。

舟駐王家臺水中

荒荒駐棹絕垠黃，遶叢蘆綠汎蘋芳。時序百年如迅矢，
風塵萬里是勞薪。孤嘶海角離羣雁，寒躍波心掉尾鱗。

續集卷十七

四顧寂寥天在水，只留明月伴羈人。

過南皮迎寄荻林

雲山迢遞繫相思，車笠心存夙昔期。此去清樽依北海，
由來高會重南皮。黃花籬畔舒香日，名士亭中發興時。
應及登高搖綵筆，莫教沙路馬行遲。

夢定岩誦我詩

夢君雜誦我新詩，擊節狂稱絕妙辭。豈謂低頭拜東野，
還如流水遇鍾期。當時酬唱提珽管，卽席歡呼倒玉卮。
痛絕重泉終寂寞，天涯尚剩幾心知。

大風

蓬蓬北海大風生，飛撲塵沙客眼驚。天地連朝舒噫氣，

郊原萬樹動秋聲
車逢殊苦掀翻舞
馬足渾難自在行
料得河流尤震宕
拍空濤浪那能平

滄州道中

河隄衰柳尚飏飏
時見移過百尺帆
北地當秋風早冷
邊沙近海水皆鹹
單椒已遺吟魂繞
華髮難同旅思莢
薄晚輪蹄愁未了
天低鵲沒半規銜

東苑

東苑當年感索居
山中無石水無魚
歸舟已失團團月
迎騎曾回緩緩車
朝暮齷齪猶未了
故新繾綣素定何如
那堪唱徹滄州曲
一望糧艘涕滿裾

牛衣

續集卷十七

三

牛衣綸翟總沉灰
猶自緘情向夜臺
黃葉秋飄那復惜
青門生訣最堪哀
拋殘雁柱華年思
零落烏雛遠道回
老子浮生能幾許
更教羈恨疊成堆

哭董定岩 格五十首

不少人間缺陷天
悲君死孝赴重泉
葢棺事了江舟裏
九歲孤兒憶帳前

蒲醕新筍奠一尊
北蘭寺裏最銷魂
花宮不共春燈會
明燭蘭膏照夜昏

連夜殊憐月色昏
夢吟新句倚芳樽
水深已被蛟龍得
猶向楓林接雨魂

聶都新廟祀章源
已見民間賽火繁
髯羅池神颯降

雲旗一片月中翻

自夏徂秋汎艇行
風波暑病可憐生
更堪東寺長廊下
夜半瀟瀟聽雨聲

清霜白雨柳條枯
遠道摧傷子母烏
猶有羈雌寒夜宿
月中常自泣鳴呼

丹旄翩翻近里門
蘆臺百里海雲昏
涼宵飛徧淅淅雨
芳草俱沾涕淚痕

九原松柏望中迷
子母神魂一處栖
白月清霜寒徹夜
慈烏時共孝烏啼

鷓首溢江拜送時
天親從此永分離
只今蕭颯靈風冷
挽斷秋楊萬萬絲

續集卷十七

三

魂斷南雲不可招
柳絲風片莽蕭蕭
傷心埋玉情何已
三尺新墳在板橋

風日階庭色慘悽
客來倚着總帷西
纔教夕奠哀聲歇
又聽寒葢竟夜啼

楚厲迷魂底處招
白袍悵望水迢迢
添將八百孤寒淚
噴薄章江作暮潮

髫髻遺孤未十齡
交加續經拜先靈
携歸便逐重泉去
說與旁人亦涕零

竹花不實冷修修
颯颯梧桐葉落秋
老鳳先歸雛鳳折
采苞零落委丹邱

畱得荒庄舊屋廬
青燈細帙下帷初
凄然手澤開函見

莫遣終年飽蠹魚

夢裏悲哀視藐孤而今只剩一鷓鴣幽栖毛羽摧頽甚
寒雨聲聲滴翠梧

春江萬里聒風濤左蠡揚瀾倍覺豪誰道交情隔生死
魂來魂去不辭勞

夢中情境類飄蓬荒忽郊原聚一叢生怕回風忽吹散
斷魂驚別太匆匆

橫江鉦鼓沸如雷驚見鰲山海上來過眼風燈前劫散
老仙終古隔蓬萊

故巢傳說受驚猜黃口啁啾最可哀叵耐春風太欺得
蕭蕭竹樹半摧頽

續集卷十七

古

魂逐揚瀾入夜臺還聞驚浪播喧呓白頭垂死看黃口
此曲人間信可哀

一輪海月照窗明向午參差竹影橫正是迷離烟水窟
驚回噩夢值三更

分明潮水下津門倏忽蘆臺去路昏莫怪雲庄樓閣失
殘宵無月照迷魂

文章盛事屬千秋百尺方期蠹選樓天遣凋殘風雅伴
清詞麗句孰甄收

天上修文有素心蛾眉班裏好追尋鈞天迴異人間奏
帝所新傳正始音

上築濂溪喜畢工蓮花峰下起雕樅水聲激激書聲和

繞岸夜燈相映紅

滾滾詞源瀑布流紫毫揮洒爛銀鈎青山滿眼留題徧
爭似宣城謝朓樓

芝龕妙曲奏仙臺忠義淋漓具史才寫出前朝亡國恨
銀筆檀板有餘哀

金竹坪前迸籀龍雲看風雨度高峰難禁滄海奔歸勢
未滅浮雲變化踪

砰礧瀑布下岩門一道驚流谷口奔偶坐空亭不知暑
芙渠香裏汎清樽

三疊銀龍捲翠微龍潭白日玉龍歸看君神典真無匹
蹴踏巖巉去似飛

續集卷十七

五

濂溪溪上五峰攢月白峰峰午夜寒愛看亭前溪月轉
夜深同凭玉欄干

江水悠悠趣往還心心待我庾樓間暮年詩賦渾蕭瑟
只有君情愛子山

登樓最憶謝功曹霞散空天粉堞高此段吟情拋不得
廻風吹夢到江皐

元岳歸來會而遲潯陽江口遠如期難忘吟醉蓮峰夕
月滿千山話別時

白登猶憶展重陽北岳歸來道路長遙夢潯江弦月上
雪波九派墮蒼茫

清瀉金波百萬層一宵寒色冷于冰明朝排馬虔南去

愁看曉山低玉繩

黃土塘前洞壑幽輕身直上恣冥搜側穿岩罅飛流過
衣上琮琤濕老秋

清緣未得共登高南北官程歲歲勞八境臺中頻悵望
臨風把酒酌江濤

伶俜客路苦沉綿况復秋波感逝川不有豐臺散情性
那能吟嘯尚年年

堂堂策策百千頭春水湏池浩蕩遊應逐揚靈大江去
流澌紛下勝中洲

杖破秋階碧蘚濃白頭相對兩龍鍾心傷落木三千里
目斷浮雲一萬重

續集卷十七

去

羣從情深只惠連奔波往復頓江邊天涯何處無芳草
今日池塘夢杳然

謂尚

往復詩筒自許昌西江悲繞九回腸頻釀懷舊千行淚
托與回潮遠寄將

庚午渠開水利興平沙千頃闢溝塍當年白雪秋蘆捲
此日黃雲晚稻登

世人交結重黃金行路誰輸一片心古道于今悲盡棄
相知人在九原深

槐花落盡桐葉飛故人入夢情依依似憐秋色匡廬好
攬我薜衣登翠微

天涯淪落舊何哉黯訴離情最不堪也似念家山破後

含悽重唱望江南

謂王僅

暮年膠漆又逢君消息泉臺迴不聞烟雨千聲裴島鶴
風篁一片聖湖雲

謂敬甫

伯牙絃爲子期摧三峽猿聲較更哀料得浮生無久視
班荆只合向泉臺

定岩銘詩

予生愼契托稀疎結佩纓况復遠權勢慵親綬與章曩
爲大梁客四友聯文場磊落馬石蓮峩峩圖東張通家
惟沈氏與君共徊翔把麾金華去悵望天一方予從南
岳返延之坐講堂尋恤篋兒天遠沂頓水長歎治書帷
內吟醉豐臺傍嗚呼君逝矣送櫬還溇鄉維彼三君子

續集卷十七

七

路祭醺椒漿申唁太公前委命于穹蒼矢願課蕝孤琢
玉成珪璋誌銘落吾手泚筆涕沾裳所寶垂令名此外
何所望若斧是君室千秋固且康上從先靈遊下發昆
來祥他年天門上雲旂互飄颺訪君一晤語俯世遺糈
糠

張甫續集卷十七終

張甫續集卷十八

錢唐桑調元

古今體詩

有懷圖爲沈奉宜 大璋貢淮 裴璋題

所欽有令子昆弟情離離不寐懷二人紹厥孝友風愛弟將遠適相對纏離悵憤恨不忍別一念孺慕同鵲鷄顧雙影弱羽催西東一步徘徊戀戀原上踪誰能寫此意遺自瓜田翁瓜田至情人不屑皺毫工

九日秋林招予及諸子登華不注

寰中攬勝隨所遇佳辰登陟不可孤賢主招携涌高興竹林蘭譜聯吾徒眼明先見華不注單椒盡秀名非虛

續集卷十八

十

華陽宮中小憩飛身把杖凌崎嶇嶄嶄紫石劃破碎千瓣攢一金芙蓉當時演漾圍小海芳莖倒插元黃初塵沙蓬勃陵谷變鵲山西沒澄泓湖細麥縱橫繡勝列村農勤動千鴉鋤東頭華泉混一勾小清河水環威紆參差槐柳青扶疎杓杓露甲繁秋蔬齊山橫亘翠簇簇落日照耀南屏舒岩腰祠奉老仙伯素雲繞座顏清腴一童手捧九還訣一童藥貯黃葫蘆長生久視亦底用賢聖委順由鴻臚我生激昂意氣屬萬事只等浮雲徂昨年登高俯八境研旬難石驚濤輪竭來北平苦往復涕飢舊好潛黃壚盤山碣石登未得一身催落齊川隅去住飲啄本前定滌蕩情志拋擲拘焜然名德仰一老

嗟子晏景臨桑榆朝陽乘時上杲杲圖不朽事于遽廬不見閔子逢丑父萬古忠孝寧翳如痴人欲占爽鳩樂牛山涕淚淋衣裾自遣浮塋颺富貴推遷幻化歸空無僧房黃菊放爛漫鮮明掩映紅葉黃今年此會喜健在爛醉徑倒玻璃壺明日之日弗早計詎須當境三踟躕

哭陸疎村 攀堯 五十首

河南漂泊又山東寒影殊憐類轉蓬舍館纔教旬日住大歸曾不待春風

幾度書齋倒泐樽汴州離合捲蓬根開箱重檢瑤華字髣髴啼痕雜墨痕

漂泊重爲涕上游思傳消息解離憂那知添得椎心痛

續集卷十八

二

隔歲先教赴玉樓

處士風流栗里存數傳猶見作詩孫春秋佳日新吟在我欲登高酌酒樽

初白先生起海昌清聲相繼滿江鄉圓珠一串歌喉嚶

只覺泰青韻遠梁

西泠風雅更無人樊榭 周江聲 金久作塵憐汝平生志

刪述辨香特地見情親

古錦囊中檢舊題疎村昌谷大名齊懸知天上差安樂

不似人問足慘悽

宏農依倚老監司吟醉風流作總持酩酊全涵千古意

唱酬留得數篇詩

陳生直振 灑淚寫哀悰 膠漆風騷意並濃 老輩圖東呼

二妙柳吟花醉數過從

傳柑讌裏兩三人 熱注紅椒不計巡 刻燭當筵飛點筆

惟君詩句最清新

客中貧病黯交侵 尚改新詩苦用心 曾冀秋風蘇病骨

封題寄與紫團參

嘔心日夜苦吟哦 其奈支離伏枕何 空望西山童子藥

欲令一笑起沉疴

包裹遼參尺素傳 憐予垂老久沉痾 數莖投几鏗然響

也用清泉活火煎

却思臥病古陳州 煩寄音書解我憂 今日疏麻誰爲折

續集卷十八

三

泉臺信斷海東頭

常苦緘書欲寄難 歸鴻叫斷曉雲寒 撲著人已無消息

青草空生八卦壇

臨漪園內好池臺

睢州湯氏園

乘醉留題掃石苔 苔多少 朝川

吟讌客獨傳裴迺是清才

心折宏農舊使君 從教兀傲氣如雲 當筵搖筆題鸚鵡

處士天才信不羣

舊恨新悲玉折頻 難將缺陷問蒼旻 一生淚盡中州道

風雅原同骨肉親

因風爲寄輓歌來 知汝冰絃急欲摧 不道長才多短命

翻教彈作泣顏回

沈痛西河短景道 老夫涕淚不曾收 鈞天帝所徵文雅

魂氣相將聚一樓

往還鄰下爲停車 夜對頻銷蠟炬花 話到傷心倚閭在

貧無歸計鬢添華

名士曾聞聘淑姬 萍漂尚未結文褱 薦蘿空繫春風影

吹折喬松百尺枝

本生爲後兩慈親 先後星奔血滿巾 平昔千鍾豪飲慣

不將一滴潤焦唇

曾嘲飯顆苦吟賡 更爲居憂太瘦生 多病經年却梁肉

中厨空致五侯鯖

病深猶擁一牀書 生死真成作蠹魚 寂寂寥寥千歲魄

續集卷十八

四

夜臺誰問子雲居

神魂終古傍吟廬 未死曾傳訣別書 重過梨花寒食節

孤墳何處渺愁予

時時覓句把清樽 醉後狂歌獨閉門 志節原如陳正字

分明衣食道尤尊

清標一掃俗塵空 獨立霜毛冷翠中 眼底還逢朱伯厚

一生疾惡也如風

何人載酒草元亭 醉白堂邊醉未醒 文字勳名難着手

只將心事托沉冥

最憶安陽往復還 相將談藝客窗間 停飛鶴蓋西園夕

醉墨淋漓不可刪

緘取瓊琚自遠投清詞麗句待吾酬彈將清瑟朱絃曲
不是蘇州卽柳州

新詩散亂孰收藏雷電天兵下取將幾輩騷壇慙後死
爛煤破楮涕淋漓

當時官閣雅憐才詩興相將動雪梅東陝幾年恩舊在
臨河追送畫船回

氣誼文章意共傾相看感舊有陳生那堪重到梁園夜
雪裏開樽淚濯纓

袍如汀草色青青家世清貧守一經攬筆題成豪士賦
肯迎秋氣怨飄零

漫道官資是茂才清名早已播蒿萊袖中籠得生花筆

續集卷十八

五

曾與梁園唱和來

八咏還親大雅蹤

謂林

明湖花柳不辭從濟南名士紛

無數獨愛雲間陸士龍

秋水明湖漾縠紋攜尊擬細論文雲山蕭索渾無興

名士亭邊不見君

經義聲詩各擅場盛生

世佐

先汝溘淪亡千秋文彩寧

磨滅輝映扶輪舊講堂

悲風千里莽蕭條漂蕩吟魂向次寥一自號呼臯某復

何人收拾舊詩瓢

人世難尋穎士奴十年風雪伴羈孤藥鐙拋後詩筒失

勞送靈旛到海隅

泉上遙思穎石秋重灘恨不遠從遊朔風送盡南飛雁
冷眼長凭白雪樓

塵路年年旅橐空詎邀流俗恤羈窮生涯殊類賃春苦
人熱不因童子鴻

何年歸老在西湖竹嶼梅莊買一區夢裏烟波千頃在
總宜船上失吾徒

隱聖祠須卜築新稽留山畔作東鄰子陵君復全升配
那得携君薦渚蘋

年光夢裏迭推遷影落齊州一點烟冉冉東風輕拂面
還吹悲淚入新年

遺詩幾卷爲開雕詎忍成言忘久要祇恨羣兒輕卜氏

續集卷十八

六

將他抵鵲碎瑛瑤

綠竹青松繞翠岡詩壇合近水仙王他年配享吟翁好

師弟依然聚一堂

滔滔逝水向東傾歸櫬沿緣北固城零落魂從孤艇下

江風吹雨溼銘旌

聲聲楚些與招魂天畔孤雲落照昏他日盡哀知有處

鹽官城外白楊村

得載訖札

名場蹭蹬戰徒麇氣遇艱危倍覺豪惟恨斑駁陸郎逝
遙將雙淚寄江濤

落齒

齒落年年不失期端應軟嚼似牛飼一年落一昌黎叟
猶想殘年兩紀支

題匠門集

駢偶文全豹一斑也須澤潤發爛才名舊說潮生閣
獨注詞波到此間

題陳季立第五岳遊草

陳公身世泛虛舟吟眺曾爲五岳遊萬古霞嵐靈爽在
相逢禽向作音朋儔

讀陳和叔黃中

宋史稿及新舊唐書辨誤書後
生具三長擅史裁可堪垂老隱蒿萊一頭地放廬陵叟
應爲千秋惜此才

續集卷十八

七

全登白雪樓

穹樓突兀俯郊坰拂袖聯升拓采櫺曲調郢中翻白雪
詞波歷下倒滄溟一泓清漱飛泉玉萬疊寒凝滴翠屏
七子才名俱寂寞含悽遙望鮑山青

秋林邀全和叔及子觀釣突泉

樂水沂自出至潔蠲浮塵汎流倏上奮靈源涌若輪拍
要步泉上三竇連齋淪水華皓激雪一色終古新動靜
縈素瀨潛見紆芳津歸滋德不緇會合清河潯飛湍盛
感沸意喜名流親景斜猶澹對離坐瑩心神

全遊張園

入戶挹清暉流泉滌心目疎疎漾舞藻冷泠漱鳴玉溪

橋覆葉乾石徑延苔綠凝烟翳喬樹回巖戛叢竹鵲過
感雕陵魚遊樂濠濮何年愜野興買地鄰湖曲層波繞
空廊半畝規小築馴鶴和在陰逋客來不速未用趣言
旋晤語忘昏旭

全遊羅園

野興浩難盡散步經北園古柏偃蒼蓋小沼瀦清源夕
霞續端綺寒荇赤如璫蘿幌叢蔭薄竹圃宗生薺雪波
灼突涌蘚石華不踣摘序金谷麗坐釣璜溪溫波翻星
月影樹暄鴉鵲言詠歸入書舍唱和鳴筵垣

得家書聞息溟瓜田房仲三老及族子萬年計
家書一紙計頻頻東望滄溟淚滿巾老病驚呀回白首

續集卷十八

八

天星如雨墜蕭晨

對月二首

東海冰輪碾出雲重霄素女掃濃氛蕭疎影寫雙竿竹
忽地明窗見此君

瓊霄催轉爛銀盤又值嘉平臘底寒羈客自憐孤影在
天涯怕見汝團圓

聞雷公翠庭錄計

慈親愛子下重泉嗚咽春風惡耗傳忽復驚聞老成謝
遙天雨淚灑瀛壖

輓翠庭

閭學憑公一力肩餘山緒論契高賢流離全活由封事

密勿匡扶持 講筵 黃屋重迎 行在所白華早續
補亡篇可堪連歲哀稠疊不脫齊疏下九泉

哭盧息溟 壽朋 五十首

前年已失白雲夫南巷重悲落景徂氣散鼉江人竝逝
淒涼天海我身孤
琴尊睽就自成童三友蟬聯破屋中頭白主人先後逝
獨教剩客哭天風
虔灘漣水汎萍蓬經歲鄉關信不通忽報秋江人與盡
杳然天外作冥鴻
早歲光輝席上珍誰知玉價賤于瑤東堂竟屈平生志
白首儒冠誤汝身

續集卷十八

九

春水東園繚碧溪春風衫袂手參携花枝紅出啼鶯谷
菜甲青連舞蝶畦
村家門巷爛蒸霞十里東臯十里花重省春深聯袂處
亂飛紅雨淚交加
菩蔥烟樹數東園敲偏僧家竹裏門曾識當年履基跡
只餘孤月挂黃昏
曠海岩峩聳一樓烏啼日落滿城頭老仙都返蓬山去
塵世雞栖獨我留
迢遞城臯接跡行野烟池水莽縱橫風前歷亂蜻蜓影
月下參差蟋蟀聲
春遊最憶艷陽天全汎明湖上小船出郭入行紅樹底

沿隄鶯喚綠楊前 人行紅樹底鶯喚綠楊前息溟
春遊詩也毛公西河亟賞之

明湖裏外蕩烟暉狼籍春光在袷衣迢遞聯吟新月上
段橋一路踏花歸

輕舸蕩漾水中天萬柄紅攢一色鮮斷送清緣思舊雨
千珠跳盡泛湖年

香盤小堦綻秋花借坐東齋寂不譁鎮日微吟歸去晚
斜陽紅上碧窗紗

富春江上起悲風淚滴山橋嫩穠紅賁恨青衫台背死
龍岡阡表未親礪 尊甫與錦文歿于富陽

陶母殷勤餉客時青燈書舍酒常持薦新了髻持朱果
餽節平頭捧粉糝

續集卷十八

十

潭水深深瀉恨長難教續命向端陽一株安石榴還在
歲歲花開爲斷腸
棠梨花下續新墳鹿挽靈車送少君省拔金釵與沽酒
爲延良友細論文
華年再娶影仍單駕被秋深擁薄寒白玉堂前橫錦瑟
冰絃零亂不成彈
男方憐幼女憐嬌人去粧樓思寂寥滿院繽紛紅片片
春風嗚咽落花朝
伶俜已近及笄年淒斷秋波委逝川雨滴青楓魂魄冷
空教紫玉化成烟
及時簪珥嫁雙鬟楊柳何曾帶小蠻咄然風情太漂宕

自甘魚目夜鰥鰥

袁四因依髻髮體主人貧富絕嫌猜煩苛早去王褒約

騷雅深憐穎士才

絕憐弱息倚王姑撫愛真全掌上珠見說從夫京邸去

龍鍾回顧細君扶

北望魂招李謫仙

謂海門

長安無復酒家眠猶追全哭沙

河路宿草披來二十年

開歲辛盤憶綺筵草堂風景似斜川當時唱和新詩句

說着浮生已惘然

哀樂中年倍覺傷未週甲子鬢全霜竹林都解天驕去

那得重邀醉一場

續集卷十八

七

孤山冰雪白崢嶸梅樹全聯水石盟一夜春風催冷藥

南枝憔悴北枝榮

黯淡榮華萃一門阮家南北詎全論曝衣樓畔覬超曠

又取長竿憤鼻繩

潦倒元亭未逐貧也思杖策走風塵却看骭髒襟顏在

茅宇終藏處士身

細字巾箱疊九經耄年披對眼終青遺書劇喜兒能讀

乾死真看案上螢

五岳歸携舊錦囊蓮華峰下倚書堂賔鴻帶得錢江字

獨有新詩遠寄將

老淚年來湧似波深情苦語感君多絕憐抔土皇亭下

其奈深埋玉樹何

舟菴水木寫新圖邀我留題虎僕濡華屋常聞延二阮

匆匆連歲隙駒徂

動地風號釀雪天傷心欲別偏殘年最憐玉練槌香日

倒囊曾無買醉錢

天寒風緊莽蕭條去住離魂黯共銷恨煞斜陽催判袂

千秋情盡是東橋

人日題詩有報章天涯全繞九回腸柳梅消息春還逗

音信從今斷草堂

五千里外感離居往復殷勤望寄書寒月尚催南去雁

秋江已絕北來魚

續集卷十八

七

春風裙屐故翩翩燕簇烏衣舊巷前王謝門庭相識偏

貽謀誰得似君賢

祁家佳真跡重南金懸購爭傳子墨林滿幅龍蛇勞脫

贈茅齋猶見故人心

霰落春花夜雨深淒淒傷坐放白頭吟惟君憐念飄零客

魂夢相依共一心

詩壇繁敦滿塵寰蕭瑟幽居庾子山自愛清新耽獨咏

時名唾棄動江關

曲室寧忘滌酒卮豆棚花架影離離一從吹散秋風裏

便是浮生示訣時

雙轡曾貽白麝材却叨佳句報瓊瑰空餘跛脚真人想

竟踏烟霄去不迴

兒時朋好並凋殘
剩得靈光魯殿看
石火電光俄又過
空齋誰與共凭闌

風塵青鏡惜衰顏
夢裏新橋熟往還
他日來歸舊鄉井
只應寂寞掩柴關

霜林老葉掃秋風
月地雲階影漸空
尚剩零星三兩友
都非相識自兒童

老去新詩妙入神
鄉園唱和已無人
空期聯袂遵河渚
吟醉梅花度幾春

固漆投膠總角時
陳雷踪跡兩心知
却悲歷下歸來日
無限中情訴與誰

續集卷十八

三

海角天涯映玉蟾
清光直透水晶簾
交情一片皎如雪
白首從無纖芥嫌

人間天上兩茫然
欲寄音書底處傳
白雪樓前一杯酒
空將雙淚洒吳天

奉輓沈房仲心卽追酬其病中得予書原韻

阜亭一別死生分
永憶覃研博且勤
海鶴影歸三島月
塞鴻聲咽萬重雲
義之禊帖情因寄
白也詩篇思不羣
半涕天涯梅樹下
空澆尊酒誦遺文

題春及園二首

村原芳樹碧迢迢
未用深居掩翠寮
慵着浮槎替舟去
坐看春水漲平橋

迎風絲柳散鬢髻
掃盡輕烟午景澄
好趁一宵春雨足
湘湖耕破落花塍

寄董閣莊書後雜感作八首

迢遞燕鴻落遠天
雲中消息未教傳
秣陵書就今纔報
海國春光涕淚邊

孤舟風雨冷淒淒
玉水驚波只向西
悔不當時回短棹
教人遺恨弋陽溪

濟上春燈又一年
紅蓮開到院門前
傳柑會散音塵斷
獨對金釭枕手眠

仙棋一劫頭成空
皓月猶圓照海東
碧落無從問消息
蕭齋深掩落燈風

續集卷十八

古

鏡光憶挂客樓前
漠漠清翻水底天
認得雙江一輪白
飛來歷下向人圓

白草黃雲海畔多
靈風渺渺度關河
漣川不遠千餘里
欲逐回潮奈老何

輕輓柴車一輛還
去年回首白雲間
王蘭莊上重經過
撲面西風損客顏

凌晨書就又開封
墨跡啼痕淡復濃
此去津門魚往復
一緘尺素意千里

送盛柚堂北上

陽月迎寒聚綺寮
春風送煖振金鑣
璣衡獨解占天象
珠璧重逢煥聖朝
黔首所須惟布菽
丹心寧忍遂漁

樵京華舊好如相問爲道滄洲興頗饒

感興題秋林明湖秋汎圖

一片明湖水飄然不繫舟東西自魚戲上下任鳬浮迴
映雲容幻清涵影影秋波濤端可涉忠信復何憂

送和叔歸吳步留別韻兼呈秋林二首

五字清吟擅長編正史傳提携金管一語誅黛眉千拔
脚軟香土洗心幽澗泉殘年省游跡潑潑濟潭鱣
萍散憐春水雲歸愛舊山故人惟魯酒仙老自吳關
鳳翩然出冥鴻不可攀三高惜沉宅會沂具區灣

題秋林得趙忠毅公東方未明之硯詩

珠旒瀆亂侍中貂一片端溪助掃妖太白光教映殘兔

續集卷十八

五

見泉子竟化爲臯雲旗代北迷黃土職御天東上赤霄
謂思陵劫過滄桑八君手撫摩奚翅比瓊瑤

題秋林藏山硯詩

蕉葉何年采老阮由來聲價敵藍瑛菴中法乳流初白
席上儒珍煥六瑩初白老人得自梁藥亭轉贈秋林筆掃秋霜凝玉簡
墨磨曉露滴金莖猶餘經史名山業不羨雙南貯滿簾

重送和叔步韻

茫茫天地影偏孤終戀尊鱸老向吳冰雪情懷元皎潔
水雲踪跡自虛無手操袞鉞耽前史身著章縫厭俗儒
綽綽還看吾進退肯教局趣效駘駒

酬秋林見過樂源書院韻

花竹書堂石徑幽自公軒騎暫教休珠泉趵突新邀賞
玉簡龍威故欲搜述作千秋想陶謝論交四海得融修
一官便爾多羈絆應讓劉伶拜醉侯

秋葉

緣源碧樹未經霜纔變金風幾葉黃不似騷人感秋氣
一時白盡髣髴蒼

題秋林瘦吟圖疊韻

梧竹蕭疎景物幽耽詩癖性那能休晚交高李同推激
早學陰何獨苦搜千古文章非小技一生忠孝踰前修
吟身雖瘦殊孤挺愧煞君家老隱侯

送朱生北上

續集卷十八

六

名士亭邊送玉珂枝頭黃鳥好音多連程芳草萋萋綠
二月春風習習和過向金臺騰赤驥肯耽京兆畫青螺
方新婦好邀宮錦裁斑服兩世孀慈髻早皤

續集卷十八

駿甫續集卷十九

錢唐桑調元

古今體詩

疊韻奉酬秋林題濼源書院須友堂作

斯道傳與行端賴七尺挺一正卓爾立羣邪莫之騁吾
聞諸餘山扶抑聖所警任決溟茫流牢把鴻濛艇大哉
魯中叟宇宙元精耿小大喜從公蒙亦今朝永印須津
弗迷沿沂各清省

辛巳孟夏經德母劉太君節壽六十一矣自書
院歸海豐詩以送之

續集卷十九

手調薑橘故情長猶蹙眉痕桂月凉初度恢良新夏節
重逢辛巳好年光紅螺香汎五加酒黃鵠歌經三十霜
東海詩名數才子斑衣歸舞勝金章

國學有許文正公手植槐乾隆辛未重榮恭紀
附文字

槐古舒新穎成均紀異聞清時宏樂育遺植復榮芬
噪曉曉日龍盤縵縵雲恩膏深醞釀道氣鬱氤事類
壇前檜香連架上芸 慈寧齊拜慶富媪特宣文螭碣
昭宸藻鼂鼓振大昕蔥龍在城闕楓陞接祥氛

奉題裴公香山匡廬夜月圖用太白廬山謠韻
畸人昔落匡山頭乘興踏月升高邱風聲水聲四圍合
秋光漲破雲岑樓一昔披圖翠撲面髣髴熟夢追前遊

甲午
仲夏
錢唐
桑調元

香山老仙來帝傍翩擁玉節森開張迷虛愛披紫府服
冰輪乍湧流清光我欲從之道路長有若渡河河無梁
銀瀧三疊雪九派焉能飛躡雲中望雲中五老肅客立
呼龍淨掃苔痕蒼香爐夜氣赫如赭溪流不斷松陰長
翛然擲拂塵氛間烟霄杖去何時還霓旌翠蓋香莫定
超遙倏徧崑蓬山松間拋留一團月蟾蜍不死澄輝發
千秋自有谷音存萬事只等浮漚沒當時縹緲白雲情
昭琴不鼓無虧成佐扶釐極付厥子驂駕白豹歸瑤京
嗟予五岳吟遊返海頭冷睨江天青

透遲行奉題王荊岩小照

續集卷十九

二

嗟予子揚名彰親本孝經車驅九折無淹停回騶叱馭
各有取要使大義標崢嶸君昔兩度遊南溟吳天却睇
千仞營榕陰僕馬並蹢躅白雲之下懷椿庭椿庭趣抒
匡輔策茫洋淡水光推擇樓船坐嘯屨氣空 詰捧芝
泥何易爽沉吟往事十餘年若堂掩映松楸烟胡來歷
下攬環佩把圖示我神悽然強起重紆腰下組髣鬚新
抽白幾縷雕几時陳鬱鬱馨華堂永斷斑衣舞我因根
觸乍沾巾計偕憶看京華春一名邀倖逐時輩九原倏
忽違嚴親憎騰妖夢河間雪跋躑神昏襟上血風餐樹
靡皇魚泣霜濃月黑啼烏切不是周道透遲四牡轍豈
非錯字壽成六州鐵無益徒悲獻賦身有用還慙濟時

僕入地追從夜窈冥終天悵望秋寥泚此情抵死難消
滅此境餘生尚騷屑嗟呀題就卷還君君乎君乎得不
念之五情熱

和游龍洞韻二首

見說劫泓底神龍窟宅幽春禽紛哺子陰囂怒噴秋林
暝佛燈上谷晴雲氣流靈山記行跡軒騎快同遊
石榻懸知冷杳然無世氛猿啼五更月鶴踏一梯雲
碣繡青字遠湖明練文何當消夏去萬木帶蟬曛

和落成餐秀亭詩韻

芳亭着行省永夏叢青林幽增歷下勝迴諧名士心高
吟雜竽簞于喁振清音伊邇步安雅在昔追來禽嗉然

續集卷十九

三

和公嘯窅冥子春琴我似白雲汎偶度金輿岑就睎風
際髮童頭不施簪

哀歌爲曾孝女 衍綸作

曾孝女何奇哉珊珊骨銀作寒冬灰熊能光烈于夏恢
炎天胡縱虐分煽吳回天彰奇孝分熱烟燭曹娥負父
分浪湧銀山堆曾女抱母分煇發紅玫瑰千秋萬歲分
聲如雷雲之興神之來水驂白黿分橫海喧騰火鞭赤
龍分周天裴徊神倏逝分我心哀

贈萩林入 覲

華班陳事入蓬萊髭映彤雲幾縷醴葵藿傾心向紅日
驂騑戀主繞金臺袞衣先聽東人咏玉節仍瞻北極

來孤影明湖淹釣叟出郊揖別重裴徊

贈攸明府餞亭 萬春

頻煩下里播絃歌聞寂荒齋隱薜蘿孤鶴氈慵起舞
雙鳥縹緲喜來過康莊看騁追風轡遲暮教揮返日戈
志業希文真宰相盡蠲涸劫養冲和

雁來紅夏已吐艷作

雁未來時葉已紅預愁零落向秋風先榮自是應先悴
九夏休誇綠一叢

萩林邀祀坡公子病失赴步徐茶坪韻二首 并序

坡公子宋徽宗辛巳七月二十八日終于常州距今六

續集卷十九

四

百六十年矣萩林於是日懸公像修祀首唱步徐茶坪
韻二首予以小疾未得奉陪勉效作

郊縣峻嶒宰樹枝青山埋骨黯迷離空懷鄉國尋歸楫
誰遣蠻村爛煮葵湖上秋光渺踪跡畫中生氣凜鬚眉
浮埃萬物罡風掃獨剩清名底用悲

儋耳滄溟合似環天容海色照人間心懸月魄千秋白
靈閃雲旗一片殷小劫重逢辛巳歲大峨遙指故鄉山
負病缺奉溪毛薦悵望華泉碧水潺

奉和萩林榆槐竹柏四咏用坡公韻 并序

濟南臬署多榆槐竹栢東坡舊有此四咏作商聲謳萩
林追步其韻和聲鳴盛邀予同作灤源書院亦被此清

懋敬和下句

絕愛陶嘉節星榆布肥綠畫靜轉簷陰起步散局束何

來一小鳥登登頻啄木疏越淡人心勝奏清商曲飄筴

扶寸深乍竄飛颺足涼雲漲前除曉碧埋書屋楊

張王撐空槐飛滴凍雨歇驚蟬咽不嘶翳身抱溼葉幽

居觀大化當檐散積筴倏見洒離礎沒砌鋪黃雪坐感

涼氣深流塵過暑月名心已久忘無夢神清絕槐

皓魄照空階影寫窗前竹已過夕鳥喧時有閒雲觸生

謝北山移免貽此君辱浙浙涼廳回清聲憂秋玉三徑

幸未荒契托松與菊龍孫送地生新添幾梢綠竹

風鳴勁柏枝流響殊蒲葦竿籟置弗聽物役嗟無已空

翠落秋衣端讓林居子崢嶸正直躬盟心對暮齒霜皮

映雪髯主客俱老矣有叟晚節完香堂耀青史柏泉署有柏香堂

輓周季和寄一

生訣高齋未隔旬騎雲超忽去秋旻闌干盤裏官非達

羞澀囊中老益貧夢省蠶叢經地險吟抽虎僕寫天真

齊年此日施行馬應恤銅龍對策人

和秋林九日閒居韻

偶蒞湖亭雪浪春過歸便挂壁閒筇空思龍洞過佳節

獨汎螺杯吸老冬酒萍梗尚浮秋水闊峭華憶踏夕嵐

重河流南徙鯉魚江浦不來書一封

九日登歷下亭疊韻

鄰巷茲晨罷相春是日黃湖亭散步且扶筇氣冥海岳

方懷古壑耶雲莊漸逼冬楓葉晴烘曦景艷葦花寒捲

水波重浮生只狎沙鷗好不羨通侯萬戶封

感舊奉步沈天山廷棟雨中撥悶懷秋林韻呈

秋林兼寄天山

詞壇三沈孰能侔仲氏人琴遽已休千里雁鴻迷斷影

一天風雨送殘秋老梅虛約探河渚大藥何緣乞祖洲

比似依劉差得所應憐王粲尚登樓

和秋林秋杪有懷韻

夢繞丹楓碧渚頭沙禽飛傍草堂幽病身悵望關山月

故國拋殘水竹秋良會西園成雨散高才北海賸風流

那堪滌潦河還徙天畔嗷鴻動遠愁

強酌疊韻

滿砌寒花伴白頭空憐書舍足清幽睡過小院三竿日

坐閱明湖兩度秋烏榜曾衝直沽雨魚書不上濁河流

老來多病還漂泊強飲紅螺一散愁

奉懷天山疊韻

漢陰機息迴難倖早謝風塵萬慮休羨煞優游顏巷日

不教辜負聖湖秋身憐野鶴辭孤嶼影伴雲鴻滯遠洲

準擬明年看紅葉相將把盞凭山樓

疊韻懷沈南雷世傳歸里

胥山也傍曲江頭楓葉芙蓉繞岸幽花管吟隨竹林午
絲衣應類柏堂秋團團 equal 尋常樂標格須爭第一流
酬唱高樓翻白雪來春期散老夫愁

奉懷松莊於懷慶

漁竿鶴髮傍湖頭苦憶青泥石窟幽元暢樓中吟嘯夕
野王城畔寂寥秋漏天不斷傾盆勢壤重難禁倒海流
好定驚魂過到此西窗剪燭話離愁

奉懷和叔卜居石公山

其區上築向灣頭橋柳連村景物幽期我閒身共銷夏
羨君高節獨橫秋洞壑石氣青嵐湧壁蕩湖光白月流
志士峻嶒原有骨摩挲汗簡豁窮愁

續集卷十九

七

奉酬和和叔見懷五章韻兼呈荪林

天時有寒燠榮華倏代謝吾觀結綬徒心事夢亦怕偃
樓趨上官隱忍受呵罵上官騎於苑亦苦不得下何如
我谷叟別號岩蓀軟可藉烟波若散人名竝甫里亞橋
袖霜後黃爛熟墜石罇取之配新醅勸影螺頻瀉冬晴
恣行游何用俟休暇更買幾稜田耕烟種蔗蔗來往灣
頭跟古朴泥虛詐行復吟嬉春可盤入銷夏

獲麟一絕筆紫陽克繼志撰述繁有徒雜亂須黜棄豈
惟求米穢作傳多阿避恨無燭龍睛詎復照大義先生
起操管筆削見規置辣手誅死姦要令生者悸發潛昭
日月光此大事記史裁實空羣不妨伏老驥磊落秉正

直賢聖性所嗜古心勒古簡南董了不媿請自腐遷來
糾謬竟其事破屋穿奇光熊羆袞袞字

君子有心朋世人漫黨附唯肝聲利倚鬼瑣詎沙數軒
輒關車塵雞壇趨若鶩酒闌倏颺散悠悠等行路青松
競指盟誰復傾懷吐惟我素心人賞晰捐塵務矜慎數
晨夕不苟諧巾屨少陵游歷下北海欣聯步清暉狎羣
鷗忘機釋猜懼蟹眼沸茶鑪泉石烹日鑄玉珮謬見邀
當歌清影聚興發雲山吟正聲合咸漢林禽忽催歸悵
別春未暮

洞庭淨三斑跡掃雉虎薑西湖山水圖是處見張賣老
猶倚風塵拊心發深喟今年值滛潦定使吟房壞君歸

續集卷十九

八

依石公羹藜亦足快况有千里尊銀鱸供一噉左神富
烟景多取天不怪脚免插市朝一任筋力懈松花釀家
耐清馨勝玉漉酣適游太元往跡拋纖芥我雖異出山
鶴怨足鑑誠謫當鳴歸橈勇决破天械旅寄明湖頭終
覺近秋隘

河塹漏一蟻火迫彌其闕桃花接瓜蔓防汎戒疎忽三
策自賈讓舊志續詳核萬夫宣房築金隄故肆元比聞
陡南徙鯉鮪隨發發黔首倏已魚蕩掃沙邊骨悲風遠
蕭條羣靈黯懔懔三版竟沈城新石資捷櫪瀾漫曹縣
南汴隄浸一髮河伯何不仁天吳助排突邈迤沛上舟
不獨城武沒自從夏汎橫及秋未衰歇屏翳播滂沱浸

占離畢月叟作導河書議論迴超越誰為薦鴻文姓名
記象笏書成廿年餘肥遯恥干謁感事成報章臨緘三
嘆發

奉送荻林歸田

鑾迎德水喜春溫 詔許優游返竹墩不改班資趨輦
道遄隨扈從傍期門賓追東閣紅椒蓋老戀西湖綠柳
村漫道賜環羣望切閒歌擊壤是壤君恩

哭仲子繩球四首

驚呀倒地哭鳴鳴老淚枯乾一滴無莫怪霜林連墮子
夜來啼煞白頭烏

續集卷十九

九

能無賞恨入溟茫

死持大義報泉局月沒寧教替小星十載鰥居冰簟冷
中宵魚目鎮常醒

垂絕猶遺一紙書殷勤勸我返茅廬侵凌更復憐萱草
翻遺魂飄雪色餘

送俞秉淵思謙北上

竹林豪興疊吟函器業青雲屬阿咸鵲渚浮鷗花澹澹
燕臺走馬柳摻摻喜傳夢綵舒斑管肯把緇塵點碧衫
此地漁竿淹豈久敝廬添葺在西巖

贈送南雷入都

快馬璁瓏入 帝畿未效梅雨點征衣天中節過新蒲

長歷下亭空麗藻稀阿閣逶迤千仞下重溟變化一朝
飛釣魚磯畔秋風起定捲綸竿汎艇歸

疊韻酬徐蓀谿葆孫

見投作道故送別即跋其

尊人括菴所書格言遺冊并序

曩括菴令平泉予約其邑博朱予齋除夕相晤道遇雨
元日薄暝始到即馳告辱持火就訪且曰兩君交好如
是可得參乎予感此語于心終不忘今會公子蓀谿于
濟上出予重至平泉與予齋梅花菴唱和感舊詩示之
叨步韻見投宛覲名家風範尋當歸日下就京兆試持
其前君所書格言遺冊屬為之跋承家令緒固有自來
微特墨寶重于琳瑯也予疊韻道故贈別書其後予齋

續集卷十九

十

曾顏子草堂曰扶輪即押落韻是時白首龍鍾獨子在
益不勝邈若山河之感

梅花菴裏省前因小劫如揚碧海塵才子夢生斑管綵
仙標識是藥珠人關心桂玉長安地浪跡江湖老病身
把卷重增懷舊思壁窠大字記扶輪

蓀谿元配朱孺人輓詩

畢生辛苦對牛衣未見賢雄六翮飛絕少刀圭和大藥
猶餘錦段委殘機江邊月恨團圓沒陌上花虛緩緩歸
行待微之俸錢滿營齋營莫淚頻揮

哭馬石蓮榮祖

興盡人間即便休文光萬丈自長留猶追邗上三停舫

與話湖城獨倚樓書舍小同收帙晚總帷阿鶩挽髮秋
傷心一事增悲感垂老西河涕共流

輓張瓜田

詩情畫意足風流脫略人間萬戶侯
北闕空陳綿竹頌南湖愛汎木蘭舟
茹荼至性無窮慕哭母有茹荼草剪韭微情自此休
昭慶僧房看竹處可堪一別頓千秋

輓朱稼翁

嗣宗謂子子姪仲容賢裴島論交四十年期我探書窮
四庫悲君開歲下重泉劉家夫婦同仙去杜氏詩篇得
祖傳眼見文孫還繼起後先述作照瀛壖

陶母呂太君旌節詩

續集卷十九

上

立後承遺緒零丁恤緯身傷心煨芋栗血指拾荆榛清
鏡鸞留影崇臺燕賀人勳名八州督撫教自先親

輓周貢南于度昆弟

晨星落落舊朋儔先後駒光過隙燈火難忘元夕會
風烟遙隔大同秋雁鴻信斷雲中路華夢香殘水上樓
自少論交稱六逸竹溪經眼淚長流

太白先生終于寶應元年十一月十日今乾隆

壬午恰千祀和秉淵韻

神魂與詩思縹緲碧霄間飛燕空教嫉騎鯨杳莫攀清
醪洽情性白月識容顏光燄同子載寧嘲飯顚山

輓天山

廷懷

一自分湖逝水流素濤悲激曲江頭含輝特重連城壁
舒藻原輕萬戶侯風急空尋桂岩晚露寒孤對菊籬秋
謂秋可堪四五蟾輪缺處士星淪燭九幽

留別阿大中丞

爾泰

炯照丹心夙所尊藹舒青眼有餘溫倚宗人仰雲霄象
櫟樹天留里社根華渚秋光依大府吳山翠色繞衡門
欲知此後長相憶清夢來從水竹村

留別蘇林丁敬身

敬

荒徑遙教別菊花何曾烏帽醉欹斜諸孫婚嫁還須畢
五岳吟遊枉自賒灤水客踪仍汎梗裴家坊事類搏沙
他時幸得同携手卜築葑湖玩物華

續集卷十九

上

留別紹文項文波

豐韻

眼前萬事等空花一抹林梢晚照斜獨念衰遲清興減
並期騰踏壯心賒萍蓬遠道飄秋水鷗鷺離羣叫晚沙
結想烏頭霄漢盡歸看雲日爛光華

渡黃河示沈函宇

肅

波神亦自識吾悲擊汰揚舠詠楚詞此日真成垂老別
何年纔是告休期河魚挾勢謹聲大雲雁呼羣去影遲
眼底解人欣得子論文一倒賞心卮

蘇林敬身舍弟冀銘郭外送別疊韻

出郭鳴榔激水花橫塘竝送艤舟斜江淮滾滾寒波遠
聞井紛紛落木賒晚景照殘楊柳岸秋風吹散鶴鷄沙

料應傾益稀酬接世路何人是子華

歲暮奉寄荻林敬身疊韻

天涯消息逗梅花却憶孤山照水斜鴻雁幾行書並查
關河千里夢猶賒鳥迷江樹雲籠月鷺冷湖灘雪覆沙
又見土牛鞭臘底何緣歸去及春華

答盧名弓步韻

繞磨團團踏舊途浮生萬事總虛無談經勝地慚敷席
聞樂殊方黯向隅老體于今都是病童孫強半並成孤
多君劇念遺簪在一紙書來百感俱

疊韻寄公備舍姪

經那

頽景偏教就遠途憂傷觸緒不能無南歸匆促樹三匝

續集卷十九

三

北望沈寥天一隅信隔江鄉鴻影渺寒深霜夜月輪孤
強斟醺醺舒歌嘯野竹林中孰與俱

坤一枉札以詩代柬疊韻

恒遊尚憶返修途道舊班荆世已無松菊空教別三徑
桑榆那得補東隅殘生故想漁樵狎滿眼殊憐骨肉孤
聞說枉書勞慰藉連宵邸舍夢魂俱

食糜

食糜原自可晚食甚陶然殊享淡中福非希塵外仙充
飢同軟飽待熟且徐煎渾似一瓢飲遠思回也賢

遣懷簡秉淵兼寄經德朱式魯

曾傳

二首

天懷瀉溫厚垂老得潛山騷雅探元本春和動髣髴夢

歸江國裏曲奏水伶間青眼交加好相期百往還

張朱先後至接跡喜成三骨肉情如結文章性所耽海
天雲漠漠雪鳥柳珍珍安得常相見聯吟興共酣

病中作

疾作當中夜嘔心伏枕煩燒燈有新僕侍榻只童孫盡
撥羈栖念長懷罔極恩何由營綽楔突兀眼前蹲
慷慨平生志寧愁肺病牽祇增新歲感遙惹故人憐
夢江天斷鄉心海國懸還添憔悴狀辛苦閱流年

秉淵刻予鎮海樓詩書此貽之

真成羞悔有楊雄虛擬耽佳學杜公百尺穹樓標鎮海
一篇長律是雕蟲汰來瓦礫寧爲寶畫取無鹽猥道工

續集卷十九

古

任播騷壇呼好事老夫莞爾作痴聾

音痴聾

秉淵復欲開雕予台宕集作此志感

天台神秀雁山雄興劇孫公與謝公華頂憑陵插東海
龍湫噴薄洗高空探奇跡徧苔花裏感舊情深淚點中
荷子有心傳藝苑隋珠燕石錯陳同

并欲雕予齋
同遊雁宕詩

哭陳和叔

黃中

川巖正氣毓斯人節義文章迴絕倫竹簡崢嶸揮直筆
茅廬駢聯挺孤身晚爲孟博啣幽憤死比黔婁守賤貧
老淚還須沾葛帳豈惟總帳足悲辛

悶來

悶來取醉一沉吟病入新年百感侵夏鼎曾教圖物象

洋林底事鼓鳴音茶甘如薺安吾命表滄海縉識汝心
拋却糾紛成大快怡延明月照澄襟

乾隆癸未二月一日夜將半牆屋覆壓臥室几

席悉糜爛僕與兩小孫賴架梁橫攔匠簷幸不
卽殞諸生號呼義鄰眾鋪齊舉出諸磚土中僕
僅傷兩足三命幸得保全荷皇天之洪慈也年
來家難頻仍疊遭橫逆感歎成咏情見乎辭

垣傾屋壞夜溟茫地崩雷震寢房義士爬梳塵土畔
諸生號救講帷旁祖孫三命鄰泉壤蚍蜉重生感昊蒼
還嘆人情足反覆驚心是處有巖牆

一見

續集卷十九

五

一見輪蹄動高遷得自怡同心偕主僕異地判親知流
水東西在浮雲變幻爲褒斜孟門道垂老飽嶽欹

船覆

船覆檣傾命不殘扶傷瘞天錯相干故人興盡先歸土
枉渚風生迭起瀾翠石惟求雙表盡繩牀遑覩片時安
浮生萬事由天定坎止流行強自寬

酬和陳君見寄韻

未面先教老眼青情緣騷雅式前型薜衣舊帶霞嵐氣
草榻今蹲土木形海國遙傳伯牙操湖天遲映伍喬
星應憐七十年是旅底邈迤獨抱經

病中作

風塵徙倚歲時深歸到鄉園百病侵畏路頻經太行坂
澄流洞酌聖湖潯詩文小技憑蕪沒巖壑孤光不陸沉
愧作餘山門弟子欲尋墜緒我何任

桐廬徐文學

堯士

廬墓詩二首

并序

孝子母李氏苦節建坊葬訖廬墓十三年卒于墓所
徐家傳篤孝廬墓痛填膺抔土斑斑跡都由淚血凝
鬱鬱松楸樹烏鴉早暮鳴烏鴉自來去依壙度餘生

續集卷十九

六

張甫續集卷十九終

發甫續集卷二十

錢唐桑調元

古今體詩

經始坊祠有作

綽楔崇臺事若何于今特建撥蹉跎鏘如上古青銅繡
壘是當年赤幟摩鵠吻連雲蹲隼帆烏頭映日聳嵯峨
苦心廿載經營就老淚揮殘得笑歌

贈鄭履青

老得全懷子相於意最傾階生書帶草鄉里重康成

歸自涉上經始坊祠世故糾紛老病交作寄莘

田秋林子閩中

續集卷二十

幸建坊祠夙願酬那堪臥病惹煩憂青山悵望虛吟舍
白髮歸來志首邱詩草幾編誰訂正夢魂五岳自行遊
迢迢二老南雲裏嶺雁能傳數字不

蒙莘田枉札奉答寄

蕭騷一紙寄南閩墨點還和淚點新顧我真爲癡獨叟
憑誰料理苦吟身萍漂幾及三千里梅放將交七十春
知己天涯勞問訊可堪同病黯傷神

寄秋林疊韻

重歸形影判吳閩添着盈頭白髮新不了叢叢婚嫁債
難淹兀兀醉眠身荒邱堂谷初封夜故國烟花欲弄春
行憶書齋祀坡老分拈詩筆詒如神

讀莘田詩集奉寄疊韻

藍林詩派肇開閩日月于今更斬新豪吐元龍千丈氣
愁纏磨蝎百年身岩疆旗鼓風騷主翰藻鶯花海嶠春
人厄天窮集如蛸奇思淩雪倍精神

將往歷下久病兩目失光留禾中寓舍靜養疊

韻

匆促封書遞八閩虛教健僕俶裝新拚爲東郡羈愁客
猶滯南湖老病身心怯冰霜剛偏歲眼遮雲霧罷探春
浮生萬事從拋却借得幽居且養神

寄莘田話舊疊韻

濫席當年憶入閩良知滿眼締交新淪亡一研歸耕老

續集卷二十

二

夢想三山嘯咏身東野窮愁時已暮西河離索座無春
殘生安得同攜手遙望南雲重愴神

秋林論明儒學派

韻

餘山統系接濂閩煜煜遺編纂輯新心上經綸稀老輩
海濱鄒魯託閒身塵途甲子惟書亥勝日風光總是春
辨得王門宗旨誤莫教傳習枉勞神

養病禾中奉寄莘田秋林疊韻

驛使迢遙赴浙閩早梅傳得一枝新壇開旗鼓山頭色
宅汎鴛鴦水面身主客竝甘炎海味唱酬爭發管城春
獨憐伏枕無聊甚暮雨寒烟畏損神

聖書兩目失光予頃亦病盲作此寄之

悶絕俛俛一室中釀成此厄是頭風君心明幸離婁似
吾病盲憐子夏同不見寒空飛白雪何緣秋水剪青瞳
敲金憂玉詩空好清聽難邀李浙東

不僅偏盲月蝕同持箋底用告天公厭觀世故甘生膜
悔學文章謝發矇銀海久枯重有恨金匱枉括百無功
童孫何日看成立添取聾癡作阿翁

莘田失子疊韻奉唁

君思浙水我思閩舊恨還教觸撥新才子嶙峋偏短命
老翁骯髒兀長身可能地底回明月從此人間失好春
光燄幸看騰萬丈一開詩卷滌心神

續集卷二十

三

疊韻寄唁敬身失子

同病殊憐遠在閩誰知密邇涕痕新也聞淪喪鳴陰子
添得沉綿汎宅身萱草畏侵風帳雪謂君老母蘭叢子夏露
臺春謂諸郎離羣共抱西河痛難問溟茫造化神

疊韻書恨寄莘田

朋好吾生最念閩別來霜髯更加新故人舊識狂奴態
郎罷今無阿囝身河涕淋漓瀛博淚松楸黯淡若堂春
共知此痛冤何極莫遣巫陽夕降神

除夕疊韻寄秋林

離家咫尺遠如閩與子年俱客舍新守歲難爲千里夢
向晨便是七旬身雙湖自泛蘋萍跡孤影慵斟竹葉春

萬事只須安義命眼前膠擾莫驚神

除夕疊韻寄莘田

遙思好友竝居閩土著萍踪結契新蛩驅因依違老宿
烏鴉鳴噪伴單身不妨興味如僧冷尚有心期與物春
贏得歲朝無剝啄閒房坐臥頗安神

立春日疊韻寄秋林

斷無鸞駕倏投閩坐見東郊淑氣新底用看他雪鴻爪
從教鞭取土牛身三朝客舍催傾釀百里家山失咬春
邀倖韶光經七十好探消息向芒神

立春日疊韻寄莘田

難隨花信一通閩想像南枝萬朵新栩栩榕村蝴蝶夢

續集卷二十

四

浮浮繡水鷺鷥身尊前也賞青陽節鏡裏寧回白髮春
纖月到窗梅影動相思疑對藐姑神

新歲疊韻寄南雷

定知望遠屬杭閩此際光依日月新禁鼓催趨青瑣闥
歌笙難乞白華身夢回潮響千岩夜懶逐燈明九陌春
終把文章標特達休嗟牛斗不能神

將發禾中疊韻寄秋林

今秋聞說欲辭閩共賞葑湖物色新未用悽傷經過事
端應愛惜老來身園花巷柳團團月嚼渚華山冉冉春
怪我龍鍾猶作客頑顏何以謝江神

將往歷下敘舊寄莘田疊韻

襲時客館接度閩疊送鴻音及歲新禮寄除夕豈謂存
亡違老友謂翠庭翻令南北置吾身齋頭香草難聯座
勝底金花又一春夢斷洪山橋畔路趣行江浦賽龍神

却望杭州疊韻寄秋林

過赴齊州却寄閩燈棚故國景應新歡追元夕官齋會
愁犯餘寒客路身沽酒虛臨梅嶼曉題詩辜負草堂春
讀書萬卷成何用漂泊徒憐筆有神

臨發疊韻寄秋林

邀約高雲返自閩傳書恰值歲華新關心炎瘴羈棲地
撲面塵沙出走身疊嶂仙霞限南北一樓烟雨歷冬春
便應振柁渾河去憑仗黃頭捷有神

續集卷二十

五

臨發疊韻寄莘田

連宵往復夢過閩梅柳炎州早覺新衰老何堪貧失子
遠遊還苦病纏身有時振觸松林暮是處搜尋藥草春
妒向嵯峨峰吟唱好如雲態度不無神

又寄秋林疊韻

不學周公著說閩標閩自成海嶠一編新續徵經目覃
研手猶仰班心突元身橋謝洞庭三百顆梅分庾嶺萬
重春滌湖一去萍飄客虛館無聲官谷神

又寄莘田疊韻

文章壇坫萃千閩盤敦時時好會新錯彩詩標光祿隊
摩空賦見鉅公身飽餐香荔楓亭午高譙賓雲竹洞春

應念寂寥臨酌突試烹茗一清神

甲申八月十七日發歷城紀程

初程張夏晚停輶殘暑猶然帶仲秋借問雙泉在何處
從教烹茗潤吟喉

宿夏張

冰輪皎潔照人行廿里村江尚未鳴張夏來尋夏張口
曉山看到晚山橫

宿寧陽

漿翻白汗到寧陽馬糞堆階下客裝僮僕休嫌村店陋
主人原不佩金章

寧陽早發

續集卷二十

六

爭程車馬早奔忙郵館張燈夜未央多謝磁陽馬明府
預先三日候行裝

至濟寧

依錢欲爲辦舟航更與殷勤餽筐篚縱守平生經介志
也應情感使君長龔使君

石佛閣三首

快得沙頭放小舟乘風下閘趁東流蘆花吹作天邊雪
催散歸人萬點愁

門日湖奔吼怒濤橫江鐵鎖未云牢老夫冷晚風中雁
飛去碧天無際高

豪雄聞吏最相輕石佛無情不放行重向城中乞靈去

蒼頭歸報已三更

過棗林園

棗林獨肯放輕舟一葉遊隨濟水流
聽取居民歌纂纂行人不用作商謳

過夏鎮韓莊二首

夏鎮由來足鯉魚腥風一陣過河渠
錦鱗紅鬣今年少莫怪曾無尺素書
韓莊聞外水潺潺幾度經過淚點懸
爲語月輪迴地底煩君傳信到重泉

過臺庄

縱橫溝澮盡消磨阡陌其如早潦何
看到滕行井田處

續集卷二十

七

遺民猶恨楚氛多

泊宿遷二首

一重關似一重山一葉舟橫絕壁間
波面渾憐鷗汎汎忽然飛去又飛還
淺水難教赴急程斜風強爲峭帆行
歸人心緒渾撩亂厭聽楓林百舌鳴

過淮上

金鼎神丹恰九還
祇來雞犬盡登仙
怪他塵土喧鳴吠
不願相隨上九天

過清江浦四首

二十年中幾往來
靈風重拂總帷開
山邱華屋須臾事

此曲沉吟劇可哀

驚心四汊港邊過呼吸遊魂赴汨羅
主僕相看今健在却防平地有風波

門前秋水碧漣漪水面涼風不住吹
野老忘機終日坐往來帆影屋頭移

橫塘芳草正萋萋秋柳垂條一色齊
柳下村翁眉鬢綠坐看隔浦浴鳬鷺

過揚關渡江二首

嚴關鎖鑰似重城大舸戕艣不放行
開口單萍從蕩漾未容漂汎綠波輕

颯颯輕風冷鬢毛江流歸思莽滔滔
拋將萬緒空江裏

續集卷二十

八

且對金焦兩點高

過常州

人重陽湖不世豪詩名畫品兩爭高
寧知孤露成奇節兒子紛紛涕汝曹

過無錫蘇州二首

錫山無錫乃能寧造物何心鎮杳冥
人世爭端從起滅野夫洞酌水泠泠
紅袖當筵唱復斟歌樓酒舫夜深深
只愁歷盡繁華劫錦繡姑蘇便陸沉

九月初一日至禾

川涂無月度秋宵鴨嘴船輕兩槳搖
醒問篙工平望近

不知蚤過畫眉橋

奉先君栗主進祠堂

坊祠進栗主曾無一字詩老病才已盡援筆拙摘辭余
昂霄沈戡璋及趙震朱櫟經營落成之書此示孫子用

當鐫碑

沙屯曉發

東方明星大于丸侵曉挂出青冥端新霜無聲草頭白
瓊帷閉置靴裘寒馬蹄熱踏銀沙路村原不辨猩紅樹
扶桑霞湧金鴉飛火龍燒沸汶水渡

臺庄簡嶧縣許明府

殊慙歲晚涉沙塵猶作秋蓬轉徙身連日未曾拈匕箸

續集卷二十

九

衝風還欲整冠巾添憂更遇童孫病得力難期健僕親
馳告多情許明府肩輿急送鵲湖濱

又一首

寒風颯颯滿天涯偈耳商聲奏暮笳病枕頻教回白首
好音急望接瑤華叢含宿露開秋錦葉醉新霜炫晚霞
思煞嶧山青一朵可堪目斷只雲沙

許明府枉札簡謝

投句原如燕石輕傳來蘭訊比瓊瑛晨風過趣軒車動
疎柳頻捎驛騎行相送荻花秋浩蕩相思桂魄夜澄明
客歸華渚烟光冷憑仗飛鴻寄遠聲

調孟廟

岩岩氣象故依然白首重瞻四十年仁義七篇承道統
見聞一脈衍真傳寒泉澄徹瀦秋井翠柏陰森羃晚天
萬古殊功闡楊墨後來接武考亭賢

卽目

院中歷亂柳條黃修竹青青獨耐霜滿目改柯還易葉
此君端的不尋常

贈楊生

刺船隨我類成連往復音和濕燥絃家自公侯終必復
士知器識洵爲先伶俦老子真無賴疾病童孫更可憐
憑藉風塵相左右幸能到此得安便

到講舍作

續集卷二十

十

却追燈火暫團圓萬緒紛更強自寬忙裏辭家渾似夢
老來行路倍知難童孫更比衰翁悴秋氣還加曉色寒
苦歷風塵重到此鵲鵲倖借一枝安

觀燈二首

一道官街似絳河萬龕朱火簇駢羅鬧於三五春燈夜
歡唱星妃舞月娥

兩行燈火接神都百歲翁曾舐眼無寶馬香車行不得
笙歌一派在雲衢

輓尹母蘇太夫人

勗哉移孝作忠時四牡從教罔顧私孟氏芳鄰三輔仰
曹家女誠六官知紫泥鸞鵲看猶渥青社姬姜失所師

自前龍鍾還到此那堪誅德動深悲

至日二首

至日東溟曙色開紅氛高擁一輪來十年遶拓江湖客
也逐瞻雲上魯臺

雪髮猶憐病婦存草堂謹沸見諸孫天涯此日掛羅酒
遙念吾家老瓦盆

五岳詩侶歌

天麟張聖書目盲心鏡涵射洪古軻駕兩驂夷光隔髻
簪蒿簪映緯張經德膏瑩芙蓉鐔精光夜夜衝斗南
縮紫海瀦淵潭會傳朱式魯破聲發高談通眉晞髮往
而參胸澆五斗吟聲酣思謙俞秉淵仙思飄烟嵐庚星

續集卷二十

士

墮地爲奇男鰲抱白集溫研覃攀陸疎村德比孤竹
堪三十未婚老枯蟬照徹九幽薤琅函家源錢性之蓄
銳堅彌鑽左徒壁壘揮戈鏖魯山吏事詩肩擔昂霄余
和文仁千頃陂潭潭勇敢當仁賁育慙雲山韶濩中和涵
焚章馬初婉祖徠篤在三服勤如子憂如悵三百本元
天性探阿球石生小眠書龕唐捐千金供狼貪營石綽
楔心炯含霜曉金鐘斷簡簡阿篋軒三垂戰藝酣皇天
僵我園客蠶爛楮之壽希彭聃

祖來歌贈馬揭初

宋時石祖來從師泰山隈客來嚴事奉杖履往拜扶掖
登降遵堂階七百年來章邱有馬莢在三之誼全昭回

乾隆癸未二月吉其夕烈風揚沙灰灤源講席我忝主

寢舍歲久柱礎潛欹危劃然牆傾棟折值夜半四大墨

黑鳴轟雷直從噩夢陡驚覺當胸土石填崔嵬賴有南

鄰衆義士甘把春鋪掀塵堆老軀撥取地窖出兩孫亦

幸離沉埋頽垣壓重未易得顛脫猛曳股脚傷筋骸糜

爛血流碗五六剗去腐肉奇痛啣酸哀殘命如絲繫喘

息奴隸嬾惰難差排莢也抹涕任扶侍手和湯藥夙夜

偕問卜細推吉凶體延醫急蹴東西街四壁駒駒鼓鼻

息形影迴對青燈陪三月不遣衣帶解服勤左右無嫌

猜老夫遠愧孫明復焚與守道先後成朋儕石祖來馬

祖來名實相如衆共推千秋風義寧遼哉子視我孫父

續集卷二十

士

視我皇天虔祝弭千災程朱之門亦有叛名教稂莠雜
入禾苗佳足令若輩忸怩不得活三綱九法一齊朗揭
蠲氛靈焚之二親眉壽躋耆台孝哉子騫人言皆山東
罕觀此茂才我起作歌比諸鼎彝勸徧告寰瀛攄老懷
俾采風者收藏金匱與石室終古誦說環蘭臺

長歌贈朱健菴

體元

君自鹽官到歷下名聲掉動豐隆車總髮嗜奇究方術
螺窗箋註軒岐書蟠羅奇咳音出變化乃能神解素問
兼靈樞洞知癥結固在五色診不以飲上池水驚羣愚
強年飄拂鬚鬢顏如璚玉溫且腴昂藏斂却拳雲手
不得丈二前驅及乃兄昔年令張掖短衣結束隨奔趨

軍需旁午咄嗟辦德威佐向甘涼鋪邊風歛吸響簾
極天白草連黃榆鹿皮戰裙蹴沙塞皂鵬條墮金僕姑
祁連山高八月雪錦驄飛騾生馬駒廣場眼不視狐兔
黃虜生擊渴吻濡歸來廟灣地名闔草廬挂壁不復
彎雕弧靜曉龍馬所負出占玩上作庖犧徒陰陽揆度
應天地中有妙理窮根株神人授受迂怪易若參稽
宗聖儒行遊諸侯不家食濟物寧貧善價沽咽門造請
蒙噓枯國工手燃造化爐小孫斷乳便作無母雛縱毀
齒又爲藐孤伶傳挈携詣講舍川陸臥疾啼沾襦今年
曠早盛毒熱飲子通汗投柴胡舉體飢炊溲溺水漿
阻隘局囓嘲沃湯止沸那可得君輒辨色瞿然呼嬰兒

續集卷二十

三

虛寒入骨髓團參桂附殷相需四座舌橋目爲眩君勇
突過賁育夫我時魂悸處絕地背城借一無他圖仗君
煎和趣下嚙劃令閉塞成昭蘇泣臉未乾哆口笑飢腸
立啜糜盈孟彌月沉疴霍然已不數渤海秦與齊淳于
卽今春挽齊魯區躬揚大德良非誣羅酒爲君滿眼酣
衰叟羸童捧玉壺諒哉珠玉不足報贈以永好聯葭
醉作長歌苦力薄聊抽虎僕言其羸君字健菴真健者
厥名體元其姓朱

乘化詩口占

諸君不用色黯悽聽我口占乘化詩自古賢愚並同朽
較量修短寧非痴芸芸萬輩幾羣頤我年今已登古稀

我父生子冀賢哲不靳富貴誇榮施畢生鹿鹿何所爲
沒世無稱固其宜父生遠在舜江涓別子爲祖錢唐棲
孝勇天旌降紫泥烏頭綽楔何巍巍祠堂丹雘瞻文
槐春秋祀典揚光輝強年生我不肖姿弗肯播兮矧肯
穫穰農辜負厥父舊餘山先生爲人師驛亭堰憶初謁
時示我紫陽千載緒骨力柔脆難之聰明誤用顏慙
昵遺書光于日月垂坐待來者聞而知聖朝亦收述
賤士涓埃未報慙恩私眼見夔龍滿臺閣不妨一士林
泉歸域內名山之長列有五攬天崖墜包靈竒一枝柳
標光滑如凝脂彭觥撞破霞嵐堆自署五岳詩人非無
謂審擇所處免使人訶譏秀水朱嵩齡顛危賴扶持余

續集卷二十

南

有不可爲余規總角盧存心締好以膠投漆誰能離張
天麟亦籍秀水文行明白無瑕疵海豐張映緯壯氣可
却千能羅朱曾傳是歷下俊嘔心昌谷比並無參差海
昌俞思謙末至素心賞析魂因依其先陸攀堯埋照天
路前導芙蓉旗朱家濂毓西山秀身後藉汝籌畫無缺
遺同里余昂霄忠赤勤勞營建恩不訾章邱馬莢有至
性徂來名號人交推崑山徐昂東海後才名豈不與之
齊繩球銖積千金資招我歸建坊與祠死被柳跼肢篋
去天地上下豈竟無神祇繩篋十三憂我疾長跪求醫
涕漣漣人言有才馬不羈二子繼天孫離披非是皇天
扼我如不克涼德受罰應如斯岳靈固是舊主客榮迴

白道行不迷天門開時跌蕩蕩詩侶相與招不麾向禽
自屬老先輩同乘霧豹參雲螭只今欲盡便應盡飄飄
便躡清氛馳人間萬物無一戀倏然而逝其庶幾有姪
有姪來自京輦下好收吾骨同昌黎杭嘉至戚兩沈氏
經紀信有終始哉一著論等芻狗千秋萬載寂寞了
不疑千秋萬載寂寞了不疑得歌且歌聊復爲此詞

人日簡蔣公時菴

有信爭傳綠萼芳無因得接令公香重煩問疾過桑戶
勝似題詩寄草堂七日爲人偏伏枕三陽應節阻傳觴
相思落月疑顏色一片清光照屋梁

疊韻有寄

續集卷二十

五

隔歲菲菲覓蕙芳新正馥馥頌椒香正當雪月光交夜
乍喜雲霞色滿堂春日春盤遲送菜一談一笑早飛觴
鶯啼草長江南好應念垂虹百尺梁

別蔣公

翩翩出谷鳥爭飛撥刺乘流鰕正肥盡田園呼布穀
書來朋舊寄當歸從公東海嘯斑斕尤我西湖浣菱衣
他日如臨湖渚曲萬梅叢裏有荆扉

留別疊韻

飢鷹未肯傍人飛驚馬還羞戀豆肥非爲聲名最低去
自緣肺氣不蘇歸嵩山自昔迎軒蓋灤水于今拂褐衣
遙想西泠梅嶼好花鋪煙水隱吟扉

別友疊韻

西山羽誤向城飛飲水餐香也覺肥漢觀梅招王式至
吳門誰送了游歸拋將白雪新翻曲着破青荷舊製衣
千載徒憐浣花叟空存晚計置郊扉

送姪經邦北上

眼底紛紛逐世情吾家喜汝獨崢嶸寒松岩谷千尋節
芳草河隄十日程去住渾憐牽稚子升沉不必問君平
他時幸得重相會共向西溪一濯纓

又疊韻

貧賤分離倍愴情未容詩格論鍾磬劇憐晚歲嬰羈病
忍見春風送去程和藥經冬情最摯折楊此日恨難平

續集卷二十

六

驂騑汗赭乘時奮好振金臺赤紱纓

眼底

眼底浮雲久倦看吾衰甚矣感千端客遊試問有何樂
行路不知如許難卓午朱曦猶帶暑深宵清露乍生寒
由來萬事須安命緬想前賢強自寬

渡黃河

秋水鮮明漾曉霞渾河往復動長嗟二千里外萍蘋轉
七十年來晷景斜人去龍宮消息斷客思鱸膾夢魂賒
茫茫世事多輾轉欲到扶桑一汎槎

訪圖東

知己如星已及晨況逢騷雅倍情親夢攀太室三花樹

秋汎京江一葉蘋老去家山偏寂寞狂來詩膽尚輪囷
浮生會面非容易勞勸金樽不厭頻

過邗上感舊寄馬文雷

春聲

凌雲才氣莽縱橫贏得君王識姓名文頌連珠留炳蔚
蔚泉臺埋玉閼光晶樓頭獨倚成千載邗上重過類隔
生劇喜孤孫能振起小同果見紹康成

聞召弓繼室謝氏計用哭亡女韻輓之

空房燈灺黯音徽新舊難拋設素幃直北簾櫳冷遺挂
天南魂夢斷重闌陸郎才見斑離去道韞曾無雪夜歸
感念前塵若初歿病中驚起淚沾衣

奉送荻林赴肇慶書院

續集卷二十

七

萬事如雲總覺浮正堪乘興作南遊老年交把風前袂
詔景重看嶺外州定見鱣堂典實學豈徒鴻藻獎名流
青花較比沉香貴檢點休令蓋篋收

駕湖樓晴眺

晴日梯登水上樓濛濛煙雨散汀洲六朝風景銷陳迹
千疊雲帆蕩遠流野客支筇天畔立春人攜榼鏡中遊
垂綸不見朱園老欲把椒漿酌古邱

春晚書院登山

扶病起清眺躡磴升松岡輕烟暖芳樹遠水明夕陽久
臥失寓日游詠緬古狂裁一舒情性春將去堂堂

初上山亭

連旬伏枕閉簾櫳纔上山亭四望通雲氣龍盤宮闕上
潮聲雷響海門東鄰家隙地栽蔬綠老子衰顏得酒紅
芳樹文欄成小憩披襟宛受舞雩風

履青枉過山齋

情義何肫篤渾全骨肉親山蹊來往數欲慰我吟呻

山亭晴眺同倪介亭

印元作

坐看遊騎出城闌陸續樓船放遠津習習谷風陰雨散
遲遲春日載陽新菜畦爛漫開方罫草徑眠芊藉軟茵
浩蕩郊原堪極目扶登亭子不論巡

奉宜貢淮迭視我疾

沈氏好兄弟宛如子弟親更番來左右服勤輒連旬藥

續集卷二十

六

鑪藹香氣誰復依牀榻愧荷篤門誼迭輸情性真

示函字

有志由來事竟成文章千古更非輕彩毫妙見敷腴色
佳句寧惟綺靡情詩法須從草堂得才名合與竹垞爭
泝源風雅懷先正自昔立言明且清

示孫書傳

書傳年十四猶未及成童能效康成讀真堪喚小同

張甫續集卷二十終

桑綬甫集八十四卷

浙江巡撫
採進本

國朝桑綬元撰調元有論語說已著錄是集詩十四

卷續集二十卷五嶽詩二十卷文三十卷調元才

鋒踔厲學問亦足以副之故詩文縱橫排弄擺落

蹊徑毅然自爲一家而恃其才學不主故常豪而

失之怒張博而失之曼衍者亦時有之所作鎮海

樓詩至七言長律二百韻古人無是格也其所以

長卽其所以短乎

柳漁詩鈔十二卷

〔清〕張湄撰

中國人民大學圖書館藏清乾隆刻本

附《四庫全書總目·柳漁詩鈔

十二卷》提要

詩三百皆以和平為主風諷也雅正也頌容也其於諷諭誥誡美盛德之形容使人挹之而不盡故風肆好又曰穆如清風而孔子以爲溫柔敦厚詩教也然則先王陳詩聖人刪詩之旨可知也已矣自是以降以楚騷之哀怨而曼聲徐引纏綿往復無志微噍殺之音一變而爲十九首及蘇李之倡和再變而爲魏晉五代雖日趨於工麗而和平之音仍不失也唐之時詩最盛初盛中晚格律稍殊而情詞之婉約音節之雅馴皆不失乎詩人之初旨自宋人矯爲新異以六代三唐爲陳言蘇子美梅聖俞倡爲桀莽險澀之體黃陳踵之又加甚焉乃有所謂江西詩派者以樸拙粗僻爲高而三百篇之遺音蕩然泯然矣晚宋元人頗革其習而氣薄語弱綺靡勝而風骨衰與溫柔敦厚之旨相似而實不同然則欲由漢魏六朝以溯源於三百篇非法唐人不乃今數十年來詩人祧唐祖宋務爲新奇以相矜尙江河日下伊於胡底余雖窮老蹇拙恒思傑魁之士有以振之吾友張子柳漁夙稟異質其爲文別裁僞體而歸之坦途著聲館閣及擢蘭臺侃侃自將爲朝陽鳴鳳

柳漁詩鈔 鄭序

非僅以詩擅名者而其所爲詩馳驟三唐得其英華神韻悠然真有得於其風肆好穆如清風之意當此務爲奇險澀與之時而有此所謂爲於舉世不爲之日者也夫言爲心聲詞僻者心必險張子宅心醇粹故吐詞和平由是矢卷阿之音賡猗那之什蔚然與三代同風豈不休哉余讀張子詩喜詩道之由是大振也不禁拊躍而爲之言乾隆甲子嘉平月四日鄭江序

柳漁詩鈔 鄭序

二

書云詩言志說文云詩者志也詩緯含神霧云詩者持也孔疏以爲持人之行使不失隊古人論詩之最初者莫過於此二言矣迨騷賦五七言遞降緣情體物浮聲切響有加無已而總以合此二言者爲得不然卽剽擬前哲優孟之似於風雅奚當焉近趙秋谷前輩語云詩中須有我在吾鄉張先生柳漁之詩可謂以我法行之而能自言其志者也柳漁爲人冲澹淵默夷險一致生平惟往籍是耽淳蓄宏深而不自矜其才其中耿然不可磨滅者故自有在今讀其詩華潤而不窘於物象春容而不傷於促迫應變不窮而無句鍛月鍊雕肝鍊腎之苦洵平和其聲以鳴國家之盛者若夫崑居野處則雞鳴風雨之思也廻翔木天則孔碩肆好之什也鵠立臺端則仲山補袞之忱也奉使蠻徼則皇華靡及之旨也以是爲持亦可謂能持其行者矣故標舉古人論詩之最初者以爲之序乾隆乙丑秋九月十五日同里學弟厲鶚

柳漁詩鈔 厲序

一

柳漁詩鈔目次

第一卷

于野集古今體詩九十首

第二卷

雞木集古今體詩七十首

第三卷

甄景集上古今體詩七十四首

第四卷

甄景集下古今體詩八十五首

柳漁詩鈔目次

第五卷

滇行集古今體詩一百三十五首

第六卷

癡牀集古今體詩九十二首

第七卷

海槎集上古今體詩一百四首

第八卷

海槎集下古今體詩八十九首

第九卷

帖懷集古今體詩一百二十首

第十卷

皖遊集古今體詩一百三首

第十一卷

鷓鴣風集古今體詩七十二首

第十二卷

鼎恥集古今體詩一百六首

柳漁詩鈔目次

柳漁詩鈔卷一

錢唐張 潛 鷺洲

于野集

○將進酒

將進酒酒光浮今我不飲天地爲秋殘霞隱樹涼月在
樓山色蒼然羣宿啾啾新知風好花飛水流人生幾何
百年蜉蝣俯仰今昔胡德胡尤洗酌引滿一發商譚以
永茲夕以忘我憂

古劍篇

柳漁詩鈔卷一

電光礮礮秋水寒十年匣裏雙龍蟠酒酣把視慘不歡
倚天斫地乾坤翻如何星文濫古繡夜靜莫聞奸血臭
塵埃滿榻書客瘦秃管零編相左右當時鑄此山鬼愁
千金論價無人酬扶風豪士真俊流犀衣錦袴銀兜鍪
一笑佩爲腰下具遮道狂蛇敢輕遇火流武庫劫灰殘
紫氣迴旋不忍去可憐棄置成鉛刀空房鼠嚼七寶韜
我欲攜之渡遠水惟恐怒躍投波濤君不見茂先死後
皆凡目神物沈埋久在獄安能盡化百鍊剛繞指隨人
且鈎曲使爾切蔥如切玉

○採蓮曲

蒹葭風翩翩同上瓜皮船姊妹三四人顏色爭花妍花
開分向背只採並蒂蓮採蓮莫傷藕藕斷絲能牽既愛
蓮根好亦愛蓮葉圓葉圓不忍拆下有雙鴛眠

○烏單逋

烏單逋早夜呼城頭山日暗城外水雲孤風吹柳絲不
肯住條條影落西子湖湖橋宛轉紅闌扶儂家二九身
無夫黃金驕馬過橋去門前秋雨生苔蕪烏單逋早夜
呼女兒未嫁顏色枯

柳漁詩鈔卷一

○促促詞

促促復促促賣絲兼賣穀衣單食盡夜不眠侵曉入城
輪官錢官倉大鼠飽米死耕夫一粒未到齒貴家歌舞
錦纏頭蠶婦採桑血十指誰能風雨過荒村哭聲啾啾
天早昏城裏貴官增秩祿賀筵齊唱豐年曲

○憂從中來

憂從中來酒銷夢回佳人久離別落月空徘徊匣中長
劍蛟龍死素髮飄蕭忽如此百蟲夜泣一燈青淚下儒
衣滴鉛水憂從中來我懷如何秋庭葉滿春階草多世

間那得埋愛地除是甘眠與醉歌

小春遊南屏山

潑眼睛光霜後濃
畫屏曲曲好山容
千林紅相照潭水
滿塢白雲聞寺鐘
野鹿遠過新燒嶺
孤僧閒曳夕陽筇
無因一踐溪山約
暫趁樵風步屐從

次韻荅徐晴峰

霽雪園林弄日暉
孫康漸暖讀書圍
奇窮祇爲添詩骨
至寶誰知在褐衣
半畝貧筥寒雀亂
一灣略約野魚肥
餘杭新酒能賒否
我欲攜琴獨款扉

柳漁詩鈔 卷一

三

于忠肅公墓

白楊參天日影暮
烏鳥啄肉下古樹
行人適從鳳嶺來
淚灑宋宮禾黍路
南渡君臣偷向閭
銅駝九廟淪榛蕪
望斷龍庭生馬角
羈魂欲返無家趨
于公巨眼炯如火
殷鑒難忘靖康禍
手扶日月轉天河
戰勝詎須煩一箭
翠華得見歸南內
不恨臣死非其罪
星隕三台萬象號
溶溶碧血西湖載
英雄前後鬱相望
拱木芳鄰岳鄂王
把臂林間談往事
水聲山色夜蒼涼

○寒夜二首

夜瀾影偏窄寒威次第加
浩歌凌雪片幽夢寄梅花
琴韻渺如水醉鄉良可家
蕭蕭風度竹窗隙一燈斜
知交貧處遠天骨抱孤清
陋巷無停轍荒雞詎惡聲
叢殘三尺卷俯仰百端情
歲杪衡門下徒慚高卧名

○賣花引

賣花聲天午晴東窗紅旭射
枕明欲起未起牽宿醒夢
中愁雨雨逾猛狼藉繁花魂
耿耿酒龍多病人不知反
鎖衡門深巷冷冷巷春歸四
月初年年此際悵離居無
情柳絮漫天雪叫斷賣花叫
鷓鴣

柳漁詩鈔 卷一

四

○春懷和杭二輩蒲

側寒斜照易黃昏
寥落相思灰復溫
自拾怕經桃葉渡
青旗空颺杏花村
五更聽雨同敲枕
二月傷春早閉門
剩有何郎聯句在
東陽日日數腰痕

往與辛蒲聯體詩四十韻

上巳早亭山看桃花作

暖氣濃薰似去年
芳遊還趁養花天
杖穿一徑綺霞散
衣濕四山紅雨鮮
滑笏春波魚子港
夷猶烟柳酒人船
吠蛙未動流鶯在
頻轉清歌鬪麗娟

同高子望沈台銘宿勾莊山家

霜酷熟後數淹雨絕愛茆齋溪上頭落日鷄羣投紫翠
西風木葉戰清秋一星遠火牽脊屋幾杵踈鐘隔水樓
話到宵闌月初上對牀人共候蟲愁

遊五雲山用東坡遊西湖韻

一葦衝曉烟江聲繞山足秋山如染黛遠色先悅目漸
近忽若無但見雲漫谷黃綠香篆中細路出杉竹不辭
千磴危芒屨浸苔淥老樵天半語振策身與逐絕頂憩
寺門俯首數鴻鶴迴颺樹末來嵐氣冷相促潄然幽澗
泉丁丁憂寒玉坐久未知返哀猿雜野哭是時交孟冬

梅漁詩鈔 卷一

五

殊苦短晷速海門駭翔陽轉眼距若木何當結山隣茆
葢三間屋野衲共招邀遊興日暮續清旣泛膏乳紅葉
然窗燭好句世不傳櫛皮石上錄

雪霽湖上獨遊得二絕句

殘雪空堤酒幔搖鴉啼禿柳晚蕭蕭盡研水墨誰能寫
玉鍊橫拖十二橋

漁屋烟踈澹夕陽凌兢驢影立寒塘絕無人作梅花主
處士墳邊幾樹僵

石鴈歌

冥冥天地晝不白怪雨盲風紛鬱積鳥雀啁嘈接翅飛
攪林穿屋羣千百鬼車夜出掠人魂呼號如過無人村
四鄰小兒遭暴殂寡妻哀哭其聲吞我愛蒼鷹骨竦立
殺氣森森不可戢一雙碧眼橫高秋電閃星流光煜熠
錦鞬乍脫縱所如奮威搏擊無畱餘毛血洒空亂風雨
掃清六合惟須臾壯哉斯舉誠豪武詎識藏弓戒自古
訓狐死後蒼鷹因離間竊笑來鸞鳩

西谿橫山草堂雜詠十首

秋雪卷

梅漁詩鈔 卷一

六

風高浦溆明漁菴抱秋水蒹葭寒始花擘月晴雪底雖
非剡溪行積素滿十里

萬玉軒

水月洗香魂梅花潔於玉玲瓏一萬株天然不假琢玄
圃夜浮筠幽人澹無欲

蓄翠泉

密篠不漏日其下含微瀾一灣激雪橋泉飛石齒寒清
極魚可數何況千琅玕

鹿藩

杉檜夾徑森蒼苔不受沅編荆爲短扉飲澗無鹿過祇
有晚來雲依依伴清卧

局岫

秋爍環翠屏缺處老松補畫長惟鳥聲睡起不知午何
人爲啟扇山僧與樵父

竹浪居

疏窗延水光滿地萊竹影遊神瀟湘間草閣暑月冷重
和寒碧詩風漪吹酒醒

香夢窩

柳漁詩鈔 卷一

七

屋角淡春雲梨花兩三樹溶溶月際香追逐夢來去敲
枕看玉人羅幃天乍曙

掛屐寮

一榻橫古琴虛室遠生白想當茶筍時坐滿方袍客斯
寮至今存添我幾緇屐

雲髻軒

好山如避人牆外隱遙秀一番雨過餘螺翠沐新就莫
認時世粧太古兩烟岫

藏山舫

蒼煙相對立中有書畫船孤篷載茶具四面流雲烟嘗
聞仙藕大悅到太華嶺

秋夜江上待潮

痛飲狂歌露氣中嘈嘈絲管雜悲鴻寒蘆吹雪江洲白
遠艇搖烟野火紅目送雲山餘勝槩酣眠草澤亦英雄
秋聲欲起鳴夷怒木葉羣飛萬里風

題春谿漁隱圖

水村遠近烟濛濛垂楊一向梳斜風風前萍絮各生態
宛聽百勞言語工輾浪鴨頭綠殘霞魚尾紅纖塵飛不
到天水相沖融艤舟何人柳影中長竿短笛隨漁童頗
似玄真子得非甫里翁自撰吳歛唱西塞鱸魚破玉歸
垂虹幾家籬屋小釣東悠悠酒旆搖晴空桃花菜花次
第爛野畦井畫僧衣同波明笠有影日暖船無蓬是水
皆可釣遠去嗤韓公畫師意匠矜圓通法古不受古牢
籠曩時錢唐戴文進釣徒服色丹砂烘見譬凡目取姍
笑未由供奉畱深宮棄擲人間賤如土可憐絕藝遭途
窮卽今觀者或嗟賞名傳畫苑其身終此圖奇妙亦進
匹願勿偏示驚羣睞

柳漁詩鈔 卷一

八

晚坐冷泉亭作

洩雲寒未還，眷此一峰翠。明滅亭際暉，延客坐松吹。俯
鏡清瑤流，喜見吾影墜。薜蘿生夕陰，巖鳥呼其類。歸徑
逐樵翁，黃葉滿荷蕢。微聞星鐘佛屋烟，幾穗何時宿。
香界茗椀破，幽睡輒觸妬。羅縣定僧許，叅位夜深泉。
鳴遲月峰頂，出聲寄語方外朋。斯遊老當遂。

秋吟

寥泚天高雁影疎，絺衣不耐肅霜初。遠山艷葉秋迎屐，
孤館吟蟲月映書。得酒渾忘千古恨，藏身只借數椽廬。

柳漁詩鈔 卷一

九

短鏡此日真堪托，花擁籬根手自鉏。

東湖秋泛

漠漠晴烟漾碧漪，水村鼓側刺船遲。松聲當午潮初上，
山色迎秋畫絕奇。睡鳥沙頭窺煮茗，游魚竹底聽彈絲。
釣徒只合浮家去，風月難忘勝一枝。

冬日過桐江

霜清月白七里灘，荒村戍鼓鳴曉寒。是間五月亦無暑，
況復西風槁葉舞。我來欲見羊裘者，一片輕飄健於馬。
不上雲臺上釣臺，竿邊魚鳥休相猜。江水濺濺山蘓蘓。

江山未識劉文叔

岳忠武王墓

長城自墮失奇勳，胡騎中原痛割分。雪窖幾曾歸二帝，
金牌容易撼三軍。祇餘碧水明心血，豈有皇天鑒背文。
南渡諸陵誰復在，西湖烟樹又斜曛。

病夜

涼雨過苔砌，虛檐仍月陰。獨眠無夢館，高枕不絃琴。
絳蠟堆盤淚，青蟲抱樹吟。病餘徒骨立，小飲畏杯深。

追和亡友徐晴峰春日山居韻

柳漁詩鈔 卷一

十

青山早晚入吾廬，細草門前問字車。科斗出游溪水活，
栗留能語柳芽疎。酒邊故態頻看劍，病後閒身懶著書。
記得梨花寒食節，半橋春雪策疲驢。

獻古軒寒夕二首

落日寒無色，昏燈夜不花。撥灰融凍硯，掃雪煮春茶。
詩苦肩逾聳，更長夢亦賒。庭前兩枯樹，槭槭動栖鴉。
小築魚千里，孤斟月一瓢。愁聞寒簟臥，近雪芭蕉髣。
影慚清鏡裏，茸敝黑貂裘。雲甘寂寞不復解，人嘲。

吳山伍公祠下作

振衣上絕頂老樹江風吹胥濤怒未平往來翻靈旗石
闌坐懷古遠酌清酒厄落日重悲愴涕流如縷縻君親
雖一致復警事忍遲霸吳詎初心藉手鞭楚屍惟孝首
百行本撥樹焉滋春秋推至隱於此士大之夫差忘父
讐耳逆忠告辭先以屬饒賜隨復沉鷗夷獨畱官中妖
日日闕蛾眉東門目不瞑驟見來越師梧楨一時秋荒
臺紛走麋到江地已盡四野寒雲披故國那可望草色
連陂池遂令早晚潮萬古長吁噉

河渚觀梅題高莊壁上

柳漁詩鈔 卷一

十一

窈窕仙源境獨清香泥扶屐雨絲輕幽尋肯厭百回過
好景偏無三日晴花底捕魚新水膩雲邊載酒小舸橫
林逋不向西谿住淺近湖山負隱名

西山訪友用孟浩然韻

桑陰連水綠掩映橋外居茆檐習小燕石瀨游輕魚數
峰山林杪蔚然村雨餘靜者便對山翠逼几上書好風
北牖來禽語欣夏初相從契夙心訝嘯皆自如

種菜行

東陵瓜南山豆一籬細雨攜鋤走何堪紗帽苦籠頭那

願金章重繫肘我有荒畦未盈畝擷盡晚菰生早韭三
冬自蓄及時園且勿種花先種蔬黃齋十甕充齋廚飽
餐細較酸鹹殊菜味在胸百事可菜色溢面寧獨我

冬夜觀家石樓作草書賦贈

渴驥驚蛇筆底狂人間直得號顛張英雄半出傭書客
神妙何如舞劍娘愧我生涯虛鐵硯多君風雨下繩牀
賦心同在梅花上題遍冰綃六尺強

夏日湖亭夜集分得清字

追暑湖心寺艤舟夜二更水風荷背白樓月笛聲清醉

柳漁詩鈔 卷一

十二

共跳魚樂吟從宿鷺驚容光看倏好西子不勝情

同張雲津許藻園汪積山祁州介純集湖上爲竟

日之遊

出郭天宇清碧山雨新洗昨朝坐疎窗秀色已盈几今
來踐佳招肯惜兩芒屨風吹殘藕花湖水光瀾瀾舟子
識人熟移我入花底茶具列船頭輕烟衝鷺起是時秋
未中絺衣猶挂體微聞露氣香初桂白如米近樹足淹
畱遙賞亦可喜延緣七尺篷葑塘信所止平波鋪簾紋
游空見魚婢共把青竹竿其釣維魴鯉帘影殿橋灣村

酷薄而有盡醉忘形骸百愁不復理夕暉遲疎鐘烟凝
山變紫酒人攜月還一棹濕銀裏

哭沈台銘

同作高陽嗜酒徒芝焚蕙歎賞音孤蠹餘萬卷書空在
俵盡三聲淚未枯聽雨幽廬曾共榻尋春野店屢提壺
從茲惟向昏燈夜夢看休文病骨臞

久旱得雨書以志感

五十五日天不雲農家閤雨心如焚俯仰桔槔蛇龍骨
縱橫田畝圻龜紋大令不知誰之咎築壇夜夜咒星斗

柳漁詩鈔 卷一

三

四野哀鴻堪繪圖祇今誰是監門手火輪挂樹蟬無聲
枯津斷港昇舟行禾死已充糞下物奈何渴釜黃塵生
丁男悍女未婚嫁且泊豪門活長夏得教半飽承杖箠
猶勝忍飢荷鋤杷玉女一笑擲電鞭墨雲四起雷闐闐
倒翻天瓢三日雨野老呼孳葵蕨拳蕨拳斷盡有菱蒂
斗酒相邀同席地醉來欲出梅陣兵門前立滿催租吏

秋窗卽事 首

朝雲未脫遠峰尖落木門牆秋氣添燕子自知辭社去
不緣陰雨閉湘簾

疎疎籬眼透西風小石藍花晚吐叢蟋蟀傍簷勤促織
可知機杼幾家空

王荆公詩祇向貧家促機杼幾家能有一絢秋

雜詩八首

客從夢中來遺我青錢管爲言須珍重得此腹笥滿當
年紀少瑜抽思若繡纂一朝忽見還寶山徒手返努力
早著書無待神智散我聞心轉悲仰空發長惋文章一
小技能者例連蹇造物賦名高言性畏鐫剗紛紛博物
才身危數隨短何如謝聰明用塞混沌窾

柳漁詩鈔 卷一

十四

齊東周粟西山餐蕨薇枯骨沒寒烟飢魂安適歸我懷
古志士未覺前計非侏儒飽亦死胡爲身代犧不見刀
俎旁骨肉供柔頤

妾家清溪尾松竹掩雙扉春泉沐蓬首秋風吹苧衣經
年不見人自顧生容輝西隣同伴女入宮爲貴妃蛾眉
豈不好衆口無定譏十日束舞腰九日長苦飢

鸚鵡鎖雕籠不知言禍身翡翠投密羅不知文遇屯龜
以靈受灼象以齒致焚大智貴若拙能屈乃爲伸韜光
更匿采恩讐安足論所以古達人可思不可親千載一

相見鳳凰與麒麟

向暮何所之驅車上北邙鬼火閃黑路陰風號白楊斷
碣字磨滅離離宿草長下有永卧人曾與醉夜涼酒闌
各起舞奮袖意激昂願爲百年交風雨時對牀百年不
可期當日空停觴

干將用綴履不如三寸錐驂駟用捕鼠不如一尺狸技
各有短長若性弗可移屈指就時好南轅與北馳行行
莫知止平地生嶮巇歸來早歸來田園蕪不治五斗可
折腰泉明寧復辭

柳漁詩鈔 卷一

五

長年有覆舟造父有銜鑿世鮮不敗功功敗在矜伐陽
精中則傾陰魄滿斯闕天心實惡盈請以觀日月一動
悔吝隨尚慎樞機發蹈冰非川塗履虎豈巖窟勿謂六
合寬其間不容髮

腹誹無由聞面諛是其聲一諾雖至重九疑且前橫古
人結肝膽不假天日盟河山亦云逸默默通精誠如彼
雌雄劍異地遙相鳴神光可終合兩龍躍延平嗟哉甘
醴交誰復以淡成浮雲化蒼狗歛忽變態呈安得風力
健爲我洗太清

遊飛來峰

海上一峰雲縹緲不翼而飛輕似鳥來時那計道里遙
厝處應資鬼神巧嵌空乳竇結靈寶虧蔽陽烏亂昏曉
側身洞底呼老猿毛髮颼颼聲漸杳仰睇微景出哈呀
竹浪松潮互春礪危坡如削雙屨穿怒石欲崩萬藤絞
天風橫吹嵐有無葉葉芙蓉插秋昊山僧與劇羸候糧
牽率連朝恣幽討一回一境態所遷蕩謫迷離看未飽
擬將心眼盡端倪真宰無爲太顛倒

天竺道中

柳漁詩鈔 卷一

六

迷漾春霧細於塵松逕人稀雨墊巾最愛南宮潑墨畫
小驢駛入米家被

石屋頤石菴

先曾王父中憲公讀書處

三間老屋一團蒲茶竈書籤興不孤種得松皮似龍甲
寒清今夜護僧廬

南湖晚歸

斷雲片片歸南屏寺角日斜風滿鈴漁父晒罾集柳舂
僧羅掃葉開松局兩山烟鳥叫羣宿一路野花催醉醒
荷鍾爛遊不知暮隔蘿遙見龕燈青

喜晴

紅日疎櫺夢覺遲
落花成陣罨游絲
人扶宿困還中酒
鳥趁新晴早索詩
石竹數竿浮古淚
雲山一曲寫修眉
尋幽蠟屐閒封起
輸與斑駁年少兒

夏日湖上避暑

水亭涼動藕花風
欸乃無聲瀉碧筒
疎柳淡搖明鏡裏
輕舟閒置畫圖中
汀烟乍破飛孤鷺
山雨潛消亘斷虹
好是斜陽簫鼓寂
寂寞青蓑作枕睡漁翁

遊虎跑泉和東坡韻

柳漁詩鈔 卷一

七

一湖寒雪高峰上
怒湧松風泉勢仰
伊誰童子役於菟
長使溪頭僧抵掌
石房雲靜珠琲流
蘿閣夜深琴筑響
不待風爐試乳花
滌清肌骨空塵想

秋日野步

秋光引客出郊西
貯酒寒匏取次攜
十里稻畦都種蛤
數家村舍不聞雞
丹黃樹擁雲中寺
冷淡烟生雨後谿
弔古詩成誰與和
風吹樵唱暮山低

冬夜由湖南泛舟至昭慶寺

山竅不通月昏湖
滅衆形冷飛船尾
笛斜渡水心亭十

里霧全黑五更燐獨青
扶頭酣宿飲纔向曉風醒

春曉四照亭寫望

竹杪凌虛坐孤亭
濕翠迷烟鐘南北
寺霽柳短長堤水
靜涵天影燕平待
馬蹏初陽纔半嶺
怡怡亂鶯啼

韜光菴

歷磴忽超世棲篁難見天
風傳鐵鳳語水噴石龍涎
帆影度窗缺江光凝樹顛
此間銷永夏多少買山錢

寓昭慶寺雷霞精舍

借宿維摩十笏房
戎戎黃雪正霏香
嫩涼入夜侵湘簟

柳漁詩鈔 卷一

六

小雨經旬病海棠
坐對曉窗峰幾朵
寫殘秋葉字千行
茶烟繞榻同揮塵
時有疎鐘度短牆

九日同顧平江登高

游子英囊重仙翁
丹竈閒鴈沉天外
水楓醉日邊山秋
漚穿林落寒花壓
帽還未辭苔磴滑
乘月叩禪關

晚秋同韋鐵髯冒雨遊寶石峰

新霜未墮木葉丰
數株烏桕魚鰓紅
相約登高步塔頂
吟聲鐸語交橫空
斜陽掩藹忽無色
片雲西來如潑墨
松濤卷地萬壑號
湖水揚塵兩峰匿
有酒不醉興易已

人生佳會類若此期展重陽天所慳贈君一語悲還喜
呼童乞火敲林扉笑看落帽兼落衣坐待涓虹收雨去
滿頭齊插菊花歸

靈隱蒙堂房看紅葉同顧嶠東韋鐵髯仁如上人
分得飲字

梯雲上僧樓別此經幾稔霜女假渥丹山容秋未凜當
窗白鳥行穿破曜喻錦相賞如讀繪佳處妙神品飽看
殊不嫌願與施簪枕十日臥其間清泉香可飲

西湖夜泊

柳漁詩鈔 卷一

九

弁峰隔烟青弢棹煎茶渚連寺明寒燈孤蓬滴碎雨夜
深菱荇香水濶魚龍舞飽聽吳姬歌客夢忘歸去

客吳門聽張千王琴

淦淦川雲繞指來淒其江上楚妃哀憑君領取瀟湘意
更莫行吟八景臺

半規涼月下簾旌沈水香銷篆縷輕小調玲瓏傳賀若
夜深彈出蟹行清

閩廬墓

銀池見雁已無光骨朽銅棺事渺茫百戰未能除鳥噪

九原何處用魚腸鹿遊廢苑增秋草虎臥空山冷夕陽
溪畔採蓮人散後只今惟有粉痕香

廣陵書感

玉簫聲斷畫樓迷水漲雷塘草壓堤故園場來皆夢境
平山聊復續詩題二分月冷垂楊嘶百種春畱蒔藥畦
野鳥未忘歌吹地時時飛傍竹西啼

冬夜泊吳江

犬吠孤村月鷄盤萬樹烟吟瓢都載酒客被未裝棉風
定夜聞笛江空冰刺船吳淞楓葉渡來往易殘年

柳漁詩鈔 卷一

十

鳳凰山懷古

石筍排衙香霧重城荒鳳隱歎遺蹤怒潮捲盡三千弩
王氣銷歸一萬松匹馬南來尋樂土單車北去受私封
紫微閣道無人識日落空傳烟寺鐘

大理石屏歌

雌青黠粉寫尺幅十日五日苦不足游思毫素心早枯
揮手雲烟指齊禿詎識化工兼畫工天然渲染奇無窮
林嵐合沓被雨點雲霧蒼鬱縹龍鬚有時澄空一碧橫
江練渺渺遙帆飛數片有時木末淡霞痕疎杉碎竹歷

落環漁村殊觀層出難可數點蒼山骨秀今古百千畫
格不雷同表裏陰陽宜細剖張之高堂卻炎暑石上精
靈如欲語絕勝滿壁繪滄洲妙奪通神晉三祖我笑荆
關董巨派別何紛然此屏不從繡壘傳

自題桺漁小照

六尺魚竿一卷書釣徒家世更無餘尋盟只在鷗眠處
秋水陂塘好卜居

不襲桐江五月裘直針爲餌亦何投烟波許我歌青笠
尚有蘆中舊釣舟

桺漁詩鈔 卷一

林處士墓

亭空不見人人去山始孤黃昏古月來梅影猶清癯橫
枝交淺水漠漠蒼苔敷其下側殘碑處士魂與俱我從
探遺跡寡鶴亭中呼一呼月滿林再呼香滿湖香月不
自動或恐處士甦

題鄭澹泉畫冊

汀鷗飛絕水磨銅孤榜周遭御晚風日落山腰尋野寺
一聲清磬綠蘿中

高插青冥千丈岫雲濤捲處落松髯冷花濕面晴空雨

人在孤亭看水簾

澹烟一曲浸秋渠略約灣頭小結廬尺許銀魚堪薦網
西風蘆荻弄花初

對雪口號

積雪封廬未易漸晚風重結雨千絲梅存勁骨無妨試
蒼有居人莫太欺酒引紅酣春味薄詩憑白戰夜吟遲
江天清景誰爲主想見漁蓑入畫時

已酉冬日將事北征飲湖樓短歌志別

把杯語青山酒盡吾去汝山葉解畱人對客紛如雨黯
然夕景微西來照風清欲別重徘徊倚欄歌激楚遠行
不可期天涯誰酒所衣上湖水痕千里魂相與

桺漁詩鈔 卷一

三

桺漁詩鈔 卷一

柳漁詩鈔卷二

錢唐張 澹 鷺洲

雞木集

立春日丹徒道中

蓬窗夜靜雁聲多，向曉還聞發櫂歌。
衰樹幾行春未轉，旅愁一片酒難磨。
旗翻古戍烟橫堞，棹入空江雪壓蓑。
屢爲梅花寄幽夢，家山節物近如何。

秦淮

長堤無復柳毵毵，寒鎖秦淮雨一瓢。
今夜小樓紅燭底，

柳漁詩鈔

卷二

一

應知愁客過江南

渡揚子江

霜花零落早推蓬，瓜步潮迴水浸空。
一雁遠衝寒照裏，兩山離立亂流中。
騷木葉傳清梵，歷歷雲帆度疾風。
不得凌高舒望眼，淚隨天塹思何窮。

清河縣早發至桃源行六十里

馬上數殘星旅魂初出夢，黃塵散如烟。
刺面風力重荒荒，雞三號野潤絕羣。
動板橋霜乍凝，草店酒猶凍。
我行日以遠，昏曉不離鞍。
慘爲游子顏，而與童僕共雙髯。

暗消寸腸時復痛，仰天視飛鴻。
苦寒亦南縱，胡爲北征人。
凜冽獨無恐。

趙北口和壁間韻

一鞭村路曉濛濛，人過琉璃水影中。
古岼鼓斜楊柳月，塵途飄泊馬牛風。
寒餘冰澗猶凝白，春到山莊未露紅。
何似段家橋畔路，滿身香雪踏長虹。

春日客都門二首

燕邸春溫試袷衣，三千里外客思歸。
門局白晝猶聲靜，節過清明燕影稀。
酒社新歌聽易倦，金臺舊跡問都非。

柳漁詩鈔

卷二

二

可人昨夜廉纖雨，暫遏車塵百尺飛。

南鴻不帶故鄉書，誰向天涯憶素衣。
衣上酒痕和淚濕，篋中詩卷是焚餘。
餞蕭小甚春聲老，茗碗清齋日脚徐。
寄語西湖諸飲伴，年時蓆帽未曾除。

題余善長乘風破浪圖

天吳奮袂出海底，白浪砰訇地雷起。
帆腹如弓去如駛，瞬息針程過萬里。
丈夫意氣不可羈，肯居尺澤同雌蜺。
背負青天兩怒翼，北溟南溟雲交垂。
翻翻日轂隨波動，擊楫高歌凌溟洞。
笑指扶桑一髮微，龍睛電睨鰲身聳。

畫工筆勢含穉，展圖令我神蕩搖。少日胸懷窄滄海，芥舟今在堂之均。

夏日西苑直廬呈吳靜山史沂少陸漢偉諸前輩
千章夏木擁離宮，翠靄遙添仗外峰。燕蹴荷池香雨細，蟬吟柳院午陰重。篆烟縹緲沉金獸，珂影聯翩度玉龍。擬和岑王舊時句，令人簪筆正從容。

遙哭姜婁江同年三首

十載蘭交臭味真，青雲白首語猶新。臨風忽剪招魂紙，過境徒餘轉腹輪。買駿臺前迴病骨，斷猿塚上結愁麟。

柳漁詩鈔

三

河山杳邈知音絕，零落黃墟舊酒人。

分攜客路勤加餐，衰柳西風正薄寒。幾夕屋梁顏色在，一封鄉信淚痕漫。白駒夢破人俱遠，黃鶴聲吞夜未闌。總帳淒清飛月鏡，空閨猶望藁砧還。

書箴藥裏日紛拏，頭上霜毛蚤着華。絕世文章供賦鵬，半生歲月類驚蛇。蓉城取次更新主，鶴表他時認故家。寂歷墓門誰掛劍，西陵松柏夕陽斜。

秋杪同家晴野舍人遊萬柳堂作

一黃山頭望汝寒，霜天征雁去迢迢。開中風日秋逾澹，

廢後亭臺柳自凋。塔影逐人來舊刹，驢肩攜酒度橫橋。醉餘忽漫增鄉思，十月南屏絳葉飄。

凍足行

西風吼簷紙窗裂，飢鳥不眠啄瓦雪。土牀冷盡三更灰，布被孤橫六尺鐵。淺斟低唱屬誰家，帳暖芙蓉春夢賒。表安僵卧無人舍，腳踏層冰夜夜嗟。廿年漫學邯鄲步，乍入東華沾軟土。金殿何曾曳履聲，先生踵決依如故。別非爲玉贖非兵，朝來蹙蹙病莫興。露葵一葉知自衛，鮑莊之智百無能。騷騷促愧驚蹇徑，寸蟻封太行遠。

柳漁詩鈔

卷二

四

我聞有藥醫手龜，安得神方活足繭。

辛亥除夕二首

伊喔鄰雞午夜啼，疎檣殘雪影淒淒。一年別恨和詩積，兩地愁眉對酒低。照牆青燈虛自語，宜春綵帖爲誰題。當時煖閣團圓坐，手摘椒花課小妻。屠蘇不醉酒無功，劃盡蠹灰凍未融。守歲房櫳春夢絕，朝天禁陌火城紅。生憎老馬頻添齒，敢倚空文可送窮。逐隊長安錦衣客，夜深車脚轉飛蓬。

春燈詞

琉璃殿裏陌西東輕碾香輪逐暖風翠袖不教頻掩笑
恐妨銷褪口脂紅

欽梁燕舞髣髴春剪綵鏤金宮樣新匝地魚龍呈百戲
迴眸只看看燈人

羅綺生香碧憶開靈蛇髻子效慵來紅潮一抹非關酒
初醉栢柳見玉腮

押歲金餘朶朶花與來都付戲沉家太平楮鼓輕於扇
歸去同邀姊妹過

都下歲除競以金銀鏤小錠作梅杏海棠花樣藏之佩
索以扣道名押歲金

東寄王蟬林兼懷鋤月堂中舊友

柳漁詩鈔

卷

五

王郎種梅滿牆東霏霏香雪迎春風舊筇沿堦如列戟
小橋架壑不盈弓我昔攤書過夜午青燈几上光朦朧
一甌露葦破睡思巡檐踏月追芳叢花神出遊聯綺袂
恍然夢入羅浮中當時此境非我獨折柬屢召牟求同
主人逸興復不淺玉缸傾瀉珍珠紅煖寒高會夜作畫
鷗絃羯鼓鳴箏鏗酒酣耳熱劍斫地狂歌激發梁塵空
亦有筆墨擅三絕池頭黑雨翻蛟龍人生百年貴適意
舍此不樂將焉終畫舫那須烟水際糟江堪並菟裘宮
誰今失脚墮塵網鄉心南望輪冥鴻博沙不聚友朋散

故園空復花茸茸北苦寒肉皸裂綈袍百結無人縫
病僕羸驢強爲偶五更趣起聽霜鐘自食太倉幾溢米
孰知我母猶尸囊寓書與君君方醉碧窗敲枕千花籠
堦下蒔花二種曰夾竹桃曰暑月菊各賦一律和

楊孝廉疇甫韻

幾尺檀欒殢曉霞天紅寒碧競鮮華啼殘帝子江頭淚
染就漁郎洞口花丹青何年延鳳喙香蹊一雨長龍牙
無言徙倚臨風立日暮佳人翠袖斜

騷蘭浴罷愛餐英籬下斑斑小雨晴銷夏灣西吟魯望

柳漁詩鈔

卷二

六

迎涼窗北卧淵明應差老圃經霜瘦恰趁圓荷製酒清
一味不因人熱處冷香孤韻自天成

風氏園古松歌

砢砢疊響何處秋濤翻陡然遇諸風氏之故園園荒地
易經幾代蒼龍衙衙爪鬣在蟠空怒攫墨色雲猛雨驚
霆助雄怪旁枝屈鐵餘豎銅灼螺削劣交橫從大者可
懸萬石鐘細者堪就千鈞弓爾松獨無廊廟想遠卻工
師逕荒莽置身才與不才間世所屏棄其天全嗚呼吾
與爾松同歲寒願各卓立瘦骨長保冰霜顏

客枕

客枕無長夢，秋宵類小年。暗蛩吟白草，飢鼠噉青氈。風雨百憂集，乾坤雙淚懸。遠人方待米，書札在燈前。

秋早圓明園道中

啼散城烏歇寺鐘，衝泥老馬識西東。日烘林影山雲薄，雨長溪痕野夢紅。橋外一旗茆店酒，柳邊雙袖釣絲風。江南昨夢依稀在，好語秋田碧糴翁。

那士登孝廉寫野濶雲低樹，江空月近人之句，見贈未答一首題於幀左。

柳漁詩鈔 卷二

七

一段鄉愁雁影邊，清秋孤負采蓴船。仙翁舊識邢和璞，好句無如孟浩然。放浪墨場輸酒地，淹留塵海夢魚天。何當便挂西風席，野濶江空看月圓。

九日西苑同姚巽齋徐鍾海兩舍人作

翫盡園林一慘橫，秋山遙與夕暉明。萍開碧沼窺魚樂，露下青天聽鶴鳴。佳節思鄉情未改，濃花壓帽句先成。故人倘問登高處，身在蓬萊頂上行。

下直疊韻

聯步趨班佩玉橫，乍教休沐出承明。花輕午景佳臣散，

輦路秋風歸馬鳴。野店未妨呼酒入，短塍聊爲看山成。蕭疎楊柳陂塘晚，白鳥前頭導我行。

和楊疇甫九日陶然亭登高

遊子幾時返登高，懷故岑亭空千葉。吼寺古一鐘沉鴻雁橫，秋影蒹葭入暮吟。陶然惟有醉風急，遠城砧。

那士登講太湖景次韻四首

浪白烟清浩淼間，釣徒踪跡夢中山。輕蒲十幅歸何處，鴛鴦湖西笠澤灣。

參差遠樹浮青萍，一抹殘陽兩岬山。好是網收帆落後，

柳漁詩鈔 卷二

八

遂聲叫月滿漁灣。

荻花飛盡野鷗閒，翠削芙蓉面面山。他日浮家來此地，爲添茆舍抱清灣。

平生我亦天隨子，曾踏吳艫望楚山。太息鴟夷人往後，有誰終老五湖灣。

題紫幢主人團瓢書屋四首

瓢飲足滿腹，瓢居堪庇身。此中有天地，勿語鴟籠人。剖瓢爲大樽，負茲五石材。何如置吾膝，盎然坐春臺。幽人寄團瓢，仙人住圓嶠。不受半塵侵，寬隘兩無校。

萬象歸嘯謂太虛在胸次肯爲費長房一壺長掛市

秋夜柴嶼青舍人招飲張水部宅分得在字

前除月未來風露沾衣佩蕭瑟三秋問厄酒幾相對兩
行樺燭香粉壁菊影碎乍醉膽滿軀何處着壘塊往復
論時昔清機發硬喙我本江湖民綈袍酒痕在見獵心
猶喜當筵辨無礙白波顛倒卷鯨魚肆吞滙大戶頗見
推百罰莫吾貸須臾星西南蟾光冷可愛碧天絕浮翳
疎星散珠琲客去夜鴻號空瓶卧牆背

萬壽寺大鐘歌

鐘高三尺餘大彌之表裏鑄全部是藏經明成曆
迄今已毀鐘覆土中

柳漁詩鈔 卷二

九

鐃鐘立號號立武操戈內向豈禦侮幽燕老蛟頭角擲
驅走龍孫落烟渚金川殺氣蔽天關千里江淮血漂杵
袈裟頓易袈裟袍身惟許啼烏朝舊主新京定鼎思銘勲
自貽慙德胡可聞貢金九州鑄大錯強用篆刻輝龍文
衆音條理以鐘始奪倫有戒徒云云紀三平八了無辨
考聲已失官爲君懸之東序懼非位聊假華嚴書梵字
清曉還聞百八撞夢魂醒落毘耶寺乾坤本屬老僧家
白髮來歸誰省視送葬西山塚亦疑數莖瘦骨歸何地
卽今追蠶墮黃塵殿址荒寒草不春北海鯨魚同日死

蒲牢吼絕悲霜晨天雨啾啾聚鬼哭當時空欲諧韶鈞
君不見城門鐵板震千古嗟爾頑銅薶棘榛

病醒枕上疊前韻

半窗落葉榻孤橫醉裏還鄉夢未明習氣破除餘酒癖
生涯冷淡藉詩鳴西風撼屋寒初勁細雨圍燈暈自成
絕異昨宵霜月底接羅倒着踏歌行

懷雲林本上人二首

平生遊釣處有夢繞禪關白雨松林瀑丹霞相葉山岑
樓扶醉上野艇載花還自別蒙堂老三秋客髮斑

柳漁詩鈔 卷二

十

龕燈長不滅終古破昏黃便欲同眞隱應須霜未光磬
聲雲際冷泉乳竹邊香記得談經座峻嶒石一房

紅葉和邢士登

翩翻鷗舅媚清漪相逐楓人著羽飛殘照落江秋客冷
斷霞橫嶺暮僧歸一天霜味濃於酒二月花光忽上衣
欲向山樓重對坐瘦筇何日款荆扉

寒夜疊前韻

烏几青瑣入夜橫星星微火蕪松明霽人月出有遐想
寒鳥林空無好鳴眞見瓦盆傾酒老未忘村逕逐門成

杜陵只欲南山住痛飲長歌去矣行

是夜讀杜集故連及之

寄家書

去鴈來魚莫等閒情多不覺我言煩願教鄉信如花信
歲報平安廿四番

史洞蕤同年招飲丁香花下分韻得重字二首

門掩殘春露氣濃花時不暇睡高春頻來乙鳥依紅幕
乍結丁香簇紫茸舞袖當筵狂故在明瑞弄影醉相逢
江南櫻筍還堪憶只隔春大樹幾重

後雨詩壇續舊蹤天涯萍聚半吳儂塵埋車腳經過熟

柳漁詩鈔卷二

七

酒凸杯心典會濃青髭未須愁晚晚紅牙誰爲唱玲瓏
時時共結飛英社秉燭花前不厭重

春風行贈吳六崑田

春風拂簾花懶客晝長夜短思飄忽酌酒同君話疇昔
六尺青衫裏狂骨眼中吳子其人豪鷺鷥淬出金錯刀
卻敵萬夫血濡縷當時怒氣吞劉曹南屏遠接鳳山麓
紫翠迎人騁遊目惜君不醉舊壚頭辜負桃花香缺缺
我本錢塘一布衣長鑣托命棲幽扉種樹未得養人術
決起每近偷枋飛忽乘欵段千里走到處追隨爾我偶

僦居廡下歲三遷索米長安月五斗下直躉休沐繞牀
共朗吟幽燕老將頭顱白對花不免猶童心勿作詩詩
何補萬舞公庭豈歎所險破鬼膽語過奇巧斲山骨工
徒苦君不見旗亭風日美且都名花壓肩春事徂但欲
高歌和擊筑昔時屠狗今有無

題杜集四首

風雅存王迹干戈走諫曹九天孤鶴唳萬里暮猿號杜
曲桑麻盡未陽冢土高詩魂不寂寞終古樹旌旄
一飯難忘主詞人無此賢憂叢西閣夜慮竭北征篇花

柳漁詩鈔卷二

七

鳥吞聲泣關山趺足前青雲徒有典半落中興年
老病秦州客艱危蜀道行七歌腸自痛諸將願誰成風
雨頻摧屋乾坤未洗兵麻鞋趨謁罷祇拜杜鵑聲
短褐憐兒女深盃托友朋交期泉路永淚向井廬增天
驥攢邊死野狐梁上騰大名齊稷契坎壈竟何曾

題王公衡觀察觀潮圖

長風漸瀝疎林鼓樟亭落日迎酒旗年年理俄江之滸
憑夷暗擊龍宮鼓卯色晴空輓疾雷三山列闕銀爲堆
蛟師失色不敢笑遙見靈胥舞旌旄白鹽擔裏無弩存

海門談蕩羣蛟奔來時一線忽斷亘去時萬壑猶吐吞
我是江頭舊漁父憶昔誅茅近烟浦舴艋輕隨明月搖
荻花蘆葉秋颺颺三載不聞春夜枕眼邊咫尺見驚濤
使君吹馬坐林藪具識雲胸吞八九臨流不作枚乘賦
脫帽先醉孟嘉酒君不見東門櫓樹久成圍水犀千甲
今安歸只須直上吳山頂試問鴟夷何怒爲

答徐舍人鍾海見懷

天涯急景怨羲娥壯歲都成不轉波鈴閣夜涼更幾爆
酒壚春好與誰過縱橫亂帙容高枕蕭瑟閒庭倦撫河

柳漁詩鈔

卷二

七

只有風流徐孝穆珊瑚賦筆向寒呵

既醉行贈畸甫

天生狂骨不可斂安能與俗同酸鹹致身富貴竟何術
摩腸萬卷徒厭厭出門那識東西路寒毛蜩縮無好步
長安雪後酒價高贏得涎流多如雨有時悲嘯振青冥
寡鵠夜出空山亭和君當以漸離筑不則被之桓伊箏
故人竟頭浮琥珀春醕一罇十大白翳翳寒日烘西窗
胸中五嶽起碑瓦雄談驚座非使酒舌在猶能辨當否
驀騎凋喪幾經年一朝肯逐羣牛走嗟乎丈夫歌哭皆

有懷彼昏謂我真乖厓已知獨醒不如醉既醉何妨死
便埋

老屋

老屋不知歲霜颺怒發苦四壁頗搖足昏燈暈寒尖中
有擁被人懔懔如病疔夢去殘迹掃不得須臾淹樹杪
亂羣宿母穀同危帖一柝斷復續風外傳更籤爐火久
已死鐵硯冰花黏夜濶失垠溪鄰家雞口箝凍日難出
海愁視東方黔羊裘敗葉脫僵卧無由矻明朝得卯酒
累觴吾敢廉飲罷十指軟庶可書長縑

柳漁詩鈔

卷二

四

酒酣和畸甫作

一點雄心不作灰酒酣時復舞毬恩貧思知己終爲累
詩到驚人豈易才試問何門堪跋履從教未死莫停杯
遲君馬首吟春去慷慨同登舊吹臺

和畸甫夜坐書懷四首

客憂攻夜枕風力斬寒扉論世頻看劍懷歸未拂衣癡
蠅兼被凍退鷁肯前飛黍透雲門訣芒鞋第一機
懶癖閒中得貧交淡處長湖山遊子夢鮭菜野人腸
老塵侵案牘低月滿匡京華慚旅食顛顛已三霜

鬢雜今秋白袍拖昔日藍繭思抽乙乙松逕冷三三浪
說羣空北誰令道可南腐儒辛苦味甘載卧書蟬

莫踐青山約憑教白眼醺生涯槐國焚詩律桺營軍肉
食紛餘子齋居憶此君揚雄真識字吾且預玄文

十一月望日飲席寶箴同年寓齋次韻

是夜月食

百年共醉有幾夕秉燭焉敢虛過客故衣拂盡車馬塵
惟見淋漓清酒迹家山不念況其餘飲酣愁破歌腸舒
橫吹一遂護寒月完完白壁歸霜廬明朝有句書蜀鴈
虎僕飛索誰能免平生浪許賦詩癖此中空洞無一卷

桺漁詩鈔 卷二

五

君非談天口妙解雕龍文當年稷下徒糾紛機祥識緯
豈有定小儒舌本典妖氛君不見玉川怪辭千載留寥
寥今古何人酬我願但從麟鳳遊醉提彩筆吟十洲

冬至前一日有寄

歲暮愁緣欠酒緡冷官全似在家貧書殘曼倩三千牘
隊逐平原十九人葭管遲呼長日轉草堂虛報小梅新
劇知驢背探春伴風雪還敲白氍毹

狂飈行

狂飈北來天地動羣雞失曉萬牛吼竅我牆屋入我室

掃除黃葉復何有此時牀頭置清酒我能一飲盡八斗
急索老奴爲我沽奴衣露肩冰在鬚嗚呼終風虐人無
賢愚爾曹苦寒我與俱安得春迴氣暖花滿廬縱然干
日不醉情歡娛

上元夕感賦

年年愁過燒燈夜春箭無聲入漏壺酒醒天涯孤燭淚
月寒旅館斷鴻呼黃柑殘處傳佳節紅袖當時倚醉扶
誰與蹋歌追馬去九衢間已徹金吾

盆梅

桺漁詩鈔 卷二

六

紙閣凝清香春風到几席誰遣籬落姿偃然就拳石斑
斑綠蘚痕冷護鐵一尺月落獨巡檐小雪生夜白平生
水竹緣顧影歎際隔羌笛莫教吹人孤花亦客

水仙

幽閒標格小梅同長恨詩人比薤蔥縞袂黃冠殊絕俗
明璫翠羽欲乘風漢臯遺佩朝朝在蘅薄分香欸欸通
才謝陳思無好賦微波相託意何窮

晤任處泉庶常假滿回京有作

三年棲京塵素衣已成緇昨枉驅車過盛論西湖姿蒼

煙結危閣軟陌通清陂宛轉闢靈異游目遂匪夷不知
誰匠巧突過愚公移春花爛熳後荷香沁詩脾新水闌
鴨頭風來碧差差夾岸千芙蓉衝烟兩鷓鴣秋容未蕭
瑟霜前多佳期我昔具遊癖行樂頗及時刺船菰蒲間
解水如吳兒或乘峰頭雲芒鞋踏屣屨自矜黃犢健不
假筇力支一朝謝故山客枕徒相思愛君林下來翠色
留鬚眉爲我談江瑤焉能不朶毳雖有拂衣法苦無買
山貲緬懷孤嶼悔逋翁真吾師

柳漁詩鈔 卷二

七

柳漁詩鈔卷二

柳漁詩鈔卷三

錢唐張 澹 鷺洲

甄景集 上

題春曉讀書圖

養花微雨夜廉纖綠潤牀頭三萬義面面春山渾欲睡
全憑黃鳥喚鈎簾

積雨困林日上遲溪光初動碧流離白茅堂底烏皮几
花亂丹黃入硯池

柳漁詩鈔 卷三

一

併作詩腸鼓吹鳴

紉書珍重山娜嫵露浣舊薇手一編我願化身爲脉望
同餐仙字此中眠

春日有寄

烟水魚竿事已非從教花滿舊苔磯鳴鳩小院春陰重
夢蝶空牀客思飛湖上綠楊誰繫艇馬前黃土苦侵衣
書來未報當歸語三月江南荷鰕肥

題宋伊人年伯桃花書屋圖

香月落春叢四山紅雨霽林深鳥乍醒水澹烟無際先

生手道書花光在朝袂何年此結菲東臯枕佳麗幾疑
奈入源不受世塵泥又若元都觀千株舊留翳我無看
春眼韶華等川逝明霞媚遠邨野夢寄孤柅江南上已
天誰歎事修襖桃花解笑人披圖莫凝睇

書吳梅村先生詩集後

班管詩翁祭酒尊迥然長嘯滿蘇門雲連鐵馬全家別
草沒銅駝舊骨存南部烟花歸野史西山寇盜駭游魂
不堪老去青衫上頻爲琵琶淚痕

土城山房詩爲商蒼雨編修作

土城在會稽相傳越王勾踐教歌處

柳漁詩鈔 卷三

二

山川洗冷習歌舞成飄風鳥噪與蛾眉消息青燐中登
臺眺平楚禾麻影幪幪一曲浣紗水不入吳王宮茂苑
既荒草館娃藏藥踪時昔採香處寂歷聞烟鐘寒蟲泣
井闌屢去長廊空千秋選佛場霸業誰雌雄歸然此土
城獨爲清淑鍾林塘並翬畫雞犬野而丰誅茆結書巢
萬卷填心胸細哦幼婦辭東家效難工石苔綠于髮坐
釣菑溪翁頗餘脂粉香雨漲天桃濃茲景故殊絕人生
類飛鴻玉堂夜清迥好夢相追從莊舄爲越吟惆悵將
無同安得千黃金鑄就陶朱公

題屈東來別駕四景小照

絮軟塵香穀雨時斜陽花外颺鞭絲前身合是樊川輩
細馬行春處處詩

疎雨荷香襲短襟檀欒流影翠森森是間濠濮情多少
魚鳥隨人亦會心

木落亭皋水始波扁舟茶竈興如何與君添著青蓑笠
便似吾家舊志和

凌兢驢影刷袍寒沽酒前村雪未殘我亦探梅野吟客
斷橋孤嶼盡中看

柳漁詩鈔 卷三

三

雨窗聯句

白雨飛箭鏃宋 柳客眠破朝酣前除百川注渭濕爨孤
烟霑簷牙嚼銀竹張 大宗屋角排冰鏤瀑落石犀闕柳
雲崩墨猪愁蟻封疲屢徙渭鳥踰愁常淦軌躅窮巷
大宗 衣簞潤寒縑漏痕殘星羅柳壁勢老嘶貼斑蝥蝕
牀脚渭霏花浣書籤奔雷鼓作氣大宗腥風蛟起潛電
跋人語咽柳漚聚魚頭噉霧鬣振空濶渭森輪盪塵凡
高望等建瓴大宗下決如覆甌積潦懼無禾柳履畝憂
載芟不丁泥沒胫渭漂搖水盈苦果居輪乾鵲大宗蘭

縛效凍蠶祀天亦同戴洛穴誰能探蕭颯感旅髣楠妻

其怯秋衫簾竹橫湘波淵爐薰凝楚嵐澄懷衆慮渺楠

兀坐詩口箱幽田匿餘響大宗華池漱清甘敗垣出菌

耳淵靈潔膏松髯剪韭朋好共楠對牀兄弟兼茶鑄發

蚓竅大宗席舍讐雞談平生屐幾緇淵終日書一龕汲

古持短綆楠託命歌長鏡追涼北窗北大宗結想南山

南遠黛擁螺髻淵明湖開鏡險鄉心托尺素楠夢境隨

授藍田園未就荒叢笠行復擔長嘯散陰翳淵青天挂

涼蟾楠

柳漁詩鈔 卷三

四

夏日苦熱口占示王峰林

暮局拋殘暑屋蒸煩將白拂逐蒼蠅如年長日愁中度

門巷蕭然聽賣冰

窗前櫺萼懸葵軫池上蓮房倒箭韋花滿故園人遠別

黃塵一榻卧京華

次韻答席七寶箴見寄二首

頻年保直侍周廬紅藥吟殘晝漏徐塵影一鞭遲退食

墨痕雙裏慣儲書累觴許我中宵飲片席分君薄板車

宦海萍踪難預測秋來陰雨悵離居

自是蛾眉第一班肯教茆屋老蕭閒飲冰况味酸鹹外

炊黍功名夢醒閒身作寒袍聊共繫心隨倦鳥但知還

蓬壺此去無多路早晚逢君海上山

題沈十郎載花圖

春光九十日風信廿四番歲歲花時破早睡編籬張幕

何憚煩滿地清陰一鋤月餘芬在衣終不減非屋非舟

水石居紅酣白慘愁狼籍沈郎愛花適類余登臨到處

與春俱下枝碎剪隋宮綵一舸輕攜越國姝蘋清風來

香簇簇游蜂癡蝶紛相逐荷令薰爐哀水沈鄂君繡被

柳漁詩鈔 卷三

五

烘晴旭嘔鵲來櫺木蘭舟茶日魚標置兩頭未須刻作

移春檻身在衆香國裏遊

冬日言懷和宋岑山家晴墅兩同年

雨冷風斜戶早扃亂槐響入第三廳官閒莫敢逃詩債

夢短惟應乞酒靈衣上線痕秋葉落牀頭燈影夜蟲青

新知故友都成別淒絕寒天綴數星

送海昌陳相國予告歸里

衮衣釣國老鶴髮杖朝仙早得丹臺秘重尋白社緣史

圖餘勝蹟松菊可忘年三復宜休詠瑤笙徹九天

籍甚文章主悠然湖海身碧山供晚對金粟想前因拂
帽林花發垂竿水鳥馴他時依愛日還許吐車茵

寒號

荒廳寒逾濶烈風暮轉勁吐火絕神秘乘坎有司命環
階敗葉走習樹清冰映夜聞餅盤鳴詩艱齒牙競研水
潛黑蛟松爐燎青鏡小醉顏乍春寸鞅體全病理席秋
蒲零布衾古鐵橫背暄暄溫柔手書諸苦硬僵眠尋夢
緒白戰失吟柄簾疎燈影危檐壓雪意盛靈犀力莫遮
怪鶴語難禁儼非松柏心懼易蕘桂性咸晏音塵隔陽

柳漁詩鈔

卷三

六

咏縫窮婆二首同峯山作

夜來刺技不通神陌上攜筐滿髻塵那識綺羅曾曳地
可憐鍼線只因人客裘既敝金同盡女手能縫俗自貧
歸擁牛衣休太息天涯風色徧懸鶉
達謝深閨織素盤五絲續命乞朝餐當爐續鼻尋常見
綴得天吳顛倒看東郭雪深雙履敗杜陵秋冷故衾殘

禦窮直費婆心苦指上生涯一例難

癸丑除夕

餞歲寂寥館凍雲遺雁聲羈棲五年跡兒女一宵情雪
片隨春至燈花照淚明異鄉誰酒伴相對不知名

峯山爲余題探梅圖賦荅四絕句

強半春銷旅病中寂寥門巷紙鳶風吟懷遠在梅梢上
紅杏無由鬧宋公

一尺蠻牋寫舊游西溪風物類羅浮何詩堪與梅爭骨
只有坡仙韻最遒

若詩用東坡咏梅韻

柳漁詩鈔

卷三

七

擁鼻宵吟蠟淚斑長城字字屹如山若從當代論詩品
應置新城秀水間

南歸欲赴養花天綠水紅橋帆去聲酒船不得與君同入
畫生憎沈宋歎聯翩

峯山將借沈君詞體請意回里故有末句

自題河渚探梅圖次董孚存同年韻

溪山吾故交久別無輟想風吹林畔月突兀落虛幌客
夢追所欣冷香得延賞詰曲抱村流屢浮孤艇往好鳥
啁初晴積雪萬樹則沙頭春淡沱天水寫空像幾人捕
魚還柴扉間相向隔花覓野飲一醉盡俯仰長恐茲遊

後玉骨委荒葬何當躬荷鉏保厥白雲養日暮竹聲寒
倚門見翫憐鄰短杓灣攜我蠟展兩

送少宗伯史慎齋先生予告歸里

四明山色疊林扉優詔從天許拂衣官職里居同賀老
故應早乞鑑湖歸

驪駒乍唱出春明匝地鶯花宿雨晴海國相逢賢少傅

謂海昌陳伯玉定開綠野會耆英

笠屐尋幽証八還松門蓮社最寬閒寄聲鴝鵒休相誚
五十懸車髮未斑

柳漁詩鈔 卷三

八

水東烟景柳披猖竿拂珊瑚坐釣塘若許屏風添畫本
不妨漁父亦紅裳

遊城東王氏園亭四首

乍脫蒙茸服同登轂簾車一年春欲晚昨夜雨催花野
濶空香度山低嫩綠遮閒園數十畝孰肯便移家
時昔傳觴地今無輞水流花陰依斷井樹杪見危樓白
石星榆散輕風天棘游寧衣梯磴上髮鬢驚峰頭
縱酒別高侶相逢不問名虛堂臨射圃返景落蔬枰宛
轉鶯吭熟麗豪賦味生江鄉此時節燒箔過清明

馬首扶殘醉東郊月一鞭茲遊真不厭歸意轉蕭然古
堞栖昏鳥踈鐘殷暮天重來期結夏藤徑紫花纏

送沈嗣愷同年假歸吳興

倚醉分襟酒易空天涯聚散二年中好花祇作將離贈
忍向豐臺折露叢

濃綠村村染客衣江南梅實雨中肥囊餘三紙疲驢券
渾似當年下第歸

柳渾洲邊權白蘋空明苔雪水谿銀扁舟恣載烏程酒
須記京華旅食人

柳漁詩鈔 卷三

九

登樓高咏定情詞錦瑟重膠廿五絲莫更殷勤問鄉里
瘦腰此日儘堪持

次休文詩云還家問鄉里誰堪持作夫嗣愷歸將續妾鼓鼓及之

題棧道圖爲家晴墅

一聲怪鳥啼鈎輦桐葉滿山風色秋疲驢破帽于役子
鞭垂落日生離憂迴顧爾僕去地遠繭足上逐寒雲浮
自非秦關兼蜀道盤空劍棧誰能修蠶叢蛇退路千摺
烟火既絕行未休蕭條木末何代寺孤懸塋影隨奔流
估客帆檣天際泊川涂欲填與棹謳對此茫茫百感集
鳴咽隴水相與愁江南不少佳麗地青山紫馬堪遨遊

湖平如鏡四時好穿花舴艋輕夷猶人生至樂在邱壑
跋涉險遠非吾求衰斜灑澗間者駭畫師慎莫追冥摛
送東河君入道次任進思孝廉韻

水田衣帔菱荷巾繡佛燈前識幻身千樹花深一溪碧
人間無路抵仙津

香縷斜縈栢子團流泉三峽靜中彈棊牀夜落纖纖月
猶作羊家跳脫看

未老黎瓊早學仙容華長駐飯花年明窗自寫黃庭卷
林外迦陵亦解禪

柳漁詩鈔 卷三

十

白雲雞犬路茫茫難了因緣鼠曳腸願得楊枝灑春雨
盡教紅粉洗時妝

醉見行示席七寶箴

大兒十二次九齡耳目混沌骨不靈教誨教狂兩其解
童烏那復知玄經年時墮地賓客喜夜夢五色空中鈴
鳳毛犀角厚相許老嫗亦自誇寧馨今秋積潦盈中庭
晝無剝啄門雙扇癡兒索飯兼索飲噉然對泣鄰人聽
東家美酒來吳舸愛客並忘年與形隔離一呼少長集
渴鯨怒吸空罍瓶歸來爛睡頭觸屏風翻殘帙燈燐燐

不讀父書惟善酒爾曹誓弗爲乾螢

重陽前三日飲汪上湖家藻川寓齋分韻得青字

二首

涼氣蕭騷木葉零歸鷗三五晚天青登山擬借風吹帽
泥飲頻隨月過庭蟋蟀牀頭陳散帙莓苔牆脚卧空餅
顛毛老向秋燈裏悔不磨丹注酒經

小聚天涯幾葉萍南徐北阮盡忘形鄉書進至雁鴻冷
野菊始開風露馨三徑可能追蔣詡二豪時復近劉伶
酒壚別壁思前事愁絕湖山舊旆青

柳漁詩鈔 卷三

十

咏冬齋限韻和上湖

周枳石韭厭常供生計真如賣菜傭翠剗千畦霜後翦
黃金十甕鴈前封鮫來至味酸寒在鳴入飢腸冰雪鎔
貧婦咄嗟成急辦蓄茶聊可禦窮冬

七菹遣製醃人兼試檢經方教漬醃雉尾秋尊同滑笏
貓頭春筍脫魚燂分甘竟徹中邊蜜着水都消黑白鹽
那更吹齋懲往事食鮭三九未傷廉

題周效白編修虞山讀書圖

十笏精廬背郭成圖書堆裏鮮花生朝嵐夕翠非人境

讀罷惟餘孤鶴聲

羅盤松篁被澗阿
黎牀風雨幾來過
若教比似濂溪宅
綠水應添萬柄荷

塔鋒撐破蔚藍天
一半巖光沒澹烟
坐擁風颭無別語
箇中忝透結跏禪

曾借書龕秋雪林
西谿舊隱荻蘆深
六年魂夢浮烟水
君作吳吟我越吟

清明日東席七寶簾

遲日飭簫巷泥深
客過稀書聲沈
老屋酒病抱寒衣
蟄

梅漁詩鈔 卷三

三

燕因雷奮山桃作
雪飛雨峰遙入夢
昨夜踏青歸

牆頭花欲盡誰是
判花人
吠蛤連宵雨騎驢
放食春冷
官辭上考時方京察新火乞東鄰
與爾同長醉寧嫌典褐頻

送姚範治同年歸覲四首

鶯黃着柳未成絲
早向青門贈折枝
三疊驪駒非絕唱
循陔爭錄補亡詩

雪髯倚閣千里夢
春波如駛片帆飛
線痕密密征衫在
添得濃香獸錦衣

坡上浮螺衆岫殊
熙春輿服競攀扶
龍眠書手如相見

更寫晴郊御母圖

南雲一角認家山
屢寄當歸我未還
不忍送君臨極浦
水禽將子在沙灣

送饒鳳軒同年出守南寧二首

仙吏攜呆去橫槎
貫月行文章傳百
粵旌蓋擁專城石

燕滄江雨筠驂曉
郭晴炎洲春最好
橋外海棠明

使君家未遠只隔
海人墟湖上雞聲
應庭開鵲步徐黃

茅開宿瘴綠隄接
新畬知有籌邊略
因風早寄書

春暮遊陶然亭次田平圃家藻川兩同年韻

梅漁詩鈔 卷三

三

雨積村原聚綠全
輕榆還作沈郎錢
藥壺瀉酒當斜景

碁局敲窗破小年
十畝吠蛙春漲後
一林酣燕杏花前

荒邱華屋無窮恨
何待雍門爲拂絃

船花人弄釣魚絲
略約溪頭路委迤
野寺雲歸旆影沒

清陂風過水鱗差
客愁春老來應數
馬惜泥香去亦遲

回首烟蘿閉僧磬
空亭惟有月輪移

同周效白編修席寶箴舍人金慕齋孝廉家藻川

豐臺看芍藥二首

匠匪流泉一脉通
養花村落酒帘風
春藏麥隴蔬畦外

人醉蜂聲蝶影中濃露冷沾新恰白斷霞晴照短籬紅
不須重覓揚州譜沒骨熙茶畫本同

野橋雲水絕纖埃十里狂香逐馬回到處園亭移地主
當時禁省藉詩材采芳莫待將離贈駐景憑教最後開
鵲鳩叫殘花事在江南四月已黃梅

題吳惇園寶射圖

風清雉媒場平蕪剪秋綠無事不廢射況乃嘉耦足燕
幹纏荆筋乃操手逾熟當其算鉢分神妙聚蝨腹一星
流虛空激若電影連飢鳥不得下羣飛遊曲木我非猿

柳漁詩鈔 卷三

西

臂豪囊錐三寸禿循誦采蘋篇士節久瑟縮舊圃青蒙
茸石勢類虎伏何當歸山南短衣試角逐

任處泉編修移居和藻川韻

先生家具不盈車直費辛勤有此廬鏡水屏山徒想像
熏爐茗椀太蕭疎一編冰雪朝吟慣八尺琅玕夏簟舒
巷北巷南顏色近高歌偏側出無鹽

蓬蒿門徑類樵漁清夢年年仲蔚居借榻偶逢窗外岫
避人還讀樹根書青雲事業君先達白眼疎狂我未除
後夜得從文字飲露涼籬落蒔花初

再次藻川韻贈陳徵君句山

荔子榕陰夾深廬天涯歲月幾離居遠憑鳳尾十行札
重束牛腰三尺書燕市酒徒高會在薊門山色晚晴餘
自來傾倒陳驚座況復新詩善起余

青苔連榻不教除幕上泥香燕欲居下直謔吟聯水部

謂同年章谷時官水部

問奇門巷殷雷車彭亨茗鼎新泉熟了烏油窗
夕影虛作賦十年徒取酒漢廷今始識相如

任公罷釣越江魚京雒重來興有餘

謂任處泉編修

雙袖酒痕懷

下若一盃眉彩溢方諸苦鞋許我時恭座斐几邀君共

柳漁詩鈔 卷三

左

著書見說灌枝新雨過籬根都好種林於

食橄欖偶成

嗜甜已成俗盡若僧蜜殊世無知味人而獨效苦茶未
得齒牙利吐棄同糠粃久之回餘甘津嚙生芳腴何異
骨鯁臣審論多齟齬事後思其言旨趣美於醢是用錫
嘉名諫果良不誣寄語顰眉者毋輕視肉膚

王元之詩北人將就酒食之先

獮眉皮肉苦且

雖歷口復難進地氣別南北本性安可淪踰淮化爲枳彼哉

真木奴

四十初度感賦

四十無聞百事遲，夢蟲辛苦寸心知。須髯列戟居然老，
逋負如山豈但詩？穩卧風漪思更懶，平分夏景漏初移。
食牛壯氣銷沈盡，忍說崢嶸墜地時。

城南僦屋亦清幽，何似張融舫上舟。老樹婆娑重厄閨，
涼蟬唧唧獨先秋。兒驕易失貧時學，婦拙難分旅食憂。
黃土眯人勞望遠，空聞西北有高樓。

石邊踈雨長苔痕，三徑猶應蔣晚樽。熟客不來門似水，
酒徒無賴屋爲禪。黃金肯市騏驎骨，白日閒招蛺蝶魂。
辦得元貞舊蓑笠，烟波一舸住漁村。

柳漁詩鈔 卷三

七

清時無稅硯田農，脫帽風前白鬢鬆。遲我廿年甘就木，
早生三日或猶龍。俗呼五月十三爲龍生日行藏且欲謀詹尹，姓字焉能
到景鐘。夢破大槐還獨哂，半窗花影月溶溶。

北閣受卷與諸同年作

高樓角吹夜深開，將老幽燕待策勲。但覺氣衰三鼓後，
誰堪勇敵萬人羣。暗中或有文章主，局外偏能白黑分。
今日重吟辛苦地，依然風幕月云云。

題沈晚叔西溪草堂圖

抱郭寒山淨綠谿，積雪香水西曾問。酒花底有鳴榔五

出新泉乳三生舊，草堂天涯寄幽想。吾豈鐵心腸，
風雪前期在良游。一夢賒寒驢吟客路，孤鶴水仙家清。
月臨扉，白村烟入竹斜早，尋餐玉訣小築就梅花。

送席七舍人假歸虞山

君豈宜休者，言歸忽此時。七年同傳舍，一氣感壘篲。被
酒聊論古，逢花屢乞詩。豐臺春正好，愁絕贈將離。
可憶朝眠醒鄰東，泣衆離短牆燈火亂。老屋薜花數宦，
冷通與僕交深忘。有無異時天末望，寥落曙星孤。
猛氣猶如虎，幽香未化茶。文章規漢史，踪跡寄吳船。白

柳漁詩鈔 卷三

七

葛輕涼路黃梅小，雨天羨君遊汗漫。重結五湖緣，
舌在容清嘯身閒。且拂衣，真龍違衆好，退鷄不孤飛。時年陳白晝，人亦歸嵩。野老長饒興，天親大被圍。玉堂烟水客，只許夢
同歸。

新秋卽事有懷席七

綠槐濃蔭徑三三，習靜虛齋罷塵談。新雨林端禽下上，
晚涼屋角月西南。居鄰木石貧差好，榻有棊書夢亦甘。
同舍仙郎分手去，篷窗吟徹水雲藍。

楊孝子歌 并序

孝子名秉鉉長洲人嘗隨父客青齊間渡河當
急流父失足墮水孝子奮身投水底抱父以出
俱全無恙歲乙卯有司白其事於 朝余爲作

楊孝子歌

楊孝子誰能似令名滿世間豈獨河之渙青齊河水萬
古流此水此人長不死當時湍激疾於駛阿耶隨波去
千里鮮民偷息如無生曷若相從魚腹裏一身鬪狂瀾
噌吰怒未已少焉風水平抱父出清泚馮夷戮力謹護
持孽龍餽蛟伏不起吾聞滅火與反風至孝自來有生

柳漁詩鈔 卷三

九

理桓桓曹女碑屹立上虞水拜誦絕妙辭餘馨動江芷
但教巾幘植人倫丈夫顏甲安可洗君不見楊孝子

題黃完石小照

風陂一以清高柳盡垂縷鱗鱗威微瀾川痕綠如醉飛
花香忘歸游儵紛可數水邊澹蕩人巾衫好姿宇百頃
琉璃潭看君放柔艣吾家西子湖六月不知暑人從鏡
裏行斯景若爲譜終當狎白鷗葦間逐漁父

送同年陳孟仁檢討出守南陽

遶頭紫馬去翩翩形勝中原攬轡前名杜而還懷父母

封胡自昔宅神仙俸餘好養莎聽鶴年少休食菊谷泉
爲政風流如可誌與君書蹟入山川

時余方承乏一統志館修河南志

題董孚存同年畫疊嶂入雲深孤峰去人遠句

青山不遠人人自遠青山馬頭袞袞塵萬斛眼中那復
窺屏顏董君一官冷如水筆墨颯爽來神鬼意欲畫山
偏畫雲羣嶽都落莽烟裏潏然作態海氣蒸林腰中斷
泉崩騰亦有茅茨枕秋麓斜陽不見扶筇僧如此川原
寧暫住嗟余久客忘歸去湖上雙峰等翠屏祇今高插
雲生處雲生處路迷漫老鶴清猿相往還青山去人殊

柳漁詩鈔 卷三

九

未遠我曹何苦不出山

胡靜園檢討惠香珠賦謝

百琲勻圓出海南袖攜花氣露苞含不知明月沈香浦
誰向驪龍頷下探
手種娑羅樹未成繫繫珍寶肖天生忍飢日誦牟尼號
一穗濃薰百八聲

重陽飲周三謙亭寓齋席上拈一物爲韻得雞卵

九秋風日佳不裘客自煖作達推吾徒況當官職散先
期約題糕晨興詎暇嬾適從相公家投刺而發報急驅

敗驢迴幽巷叩扉版席間某在斯戶外轍已滿主人傾
餅糲衆賓挈篋卷一一致南京有如貢物產貴敵五侯
鯖蝦菜兼麥餅几硯極精嚴談嘲任縱誕輕颺入座吹
闌蘭抽直簾累觴意未愜南隣來酒伴重沽燕市醪竟
口中惘歎歸鳥啼啞啞老樹葉纂纂昂首眎高空天色
碧於卵顧談有周郎余敢匿所短幾曲大江東反復嚼
以緩平生塊壘胸得此遠銷削少焉且西墮熱燭更洗
殘拇陣風雷翻醉鄉天地坦明年知健否良會須樂衍
歸來動記事夜午手青管眼花眩殘燈落紙秋蛇縮七

柳漁詩鈔 卷三

星在簾櫳寒光珠一串誰爲苔微吟蛩聲不可斷

上聲

晚秋對菊口占

香含風露澹無塵蝶粉鴉黃幾種新向夕餐英吾欲老
隔牆過酒彼何人青山野圃閒成夢紅燭踈檣對寫真
標格不嫌消瘦甚一秋雅稱冷官身

柳漁詩鈔卷三

柳漁詩鈔卷四

錢唐張 澹

觀景集下

恭送

世宗皇帝梓宮歸 奉陵途次有作

龍岡西接太行靈易水蕭蕭隔仗聽千尺慢城明霽雪
五更騎火亂寒星光熒劍鳥珠爪阜氣肅松楸翠列屏
無復攀髯從碧落淚隨霜葉灑巖扃

奉和

柳漁詩鈔 卷四

聖製十月二十五日得雪

九陌塵空皓影漫蕭晨立騎看層巒、天葩朗照茅簷
隱仙珮清遊玉府寒入畫谿山畱粉本縈窗水月滅羅
紈斷橋曉昔經行地夢裏梅花萬樹攢

洩壤綿區澤森漫蕊珠宮昨擁翠綰波明太液魚龍舞
旭射高樓鵲鵲寒翻水詩成凌郢曲熏香衣薄怯齊紈
爲祥可但豐年玉語笑千門宿麥攢

不夜乾坤一氣漫西山霽後好林樾人從鴻爪悲行跡
天與冰心耐歲寒灑而已如觀急瀑催春何處翦輕紈

會須振策登高頂爛熳親題衆皺橫

冬夜借馮南陔杜曉湘梁望東汪上湖諸同年飲

漆川弟寓舍

敝袍重浣酒痕香月過南榮暮靄蒼樹外邨墟明遠火
樽前兄弟是他鄉三公那及顛毛黑百藥難治宿疾狂
簪華明朝趨朵殿朝參野趣試料量

曉湘漆川兩和再疊前韻

紙條風動蠟泥香昏鳥寒林入莽蒼詩卷生涯冰雪味
梅花魂夢水雲鄉老知愛我無如飲貧且騎人適煩狂

梅漁詩鈔 卷四

咄咄驚才似公等盡傾江海若爲量

和座主任大宗伯南郊陪祀齋宿禮部二首

清嚴南省領祠官暝樹全稀鳥雀謹樺燭生香人假寐
銅壺咽水夜添寒月從琮璧光中滿雲向蕭烟起處看
眞見尙書踐台斗履聲取次繞圓壇

龍蛇挂壁寫蒼官

原詩上有滿
而沙相送蕭公

仙閣容臺絕世謹瑞錦成

窠三夜宿疎鐘度闕九門寒迎長日影曠曉見有喜

天顏咫尺看我們杜陵空獻賦未隨大禮過郊壇

大風

一室僵眠萬竅風亂書塵榻曲吾躬儘看白日馳檐隙
愁聽清冰語盡中痛飲直須無算爵寒號眞類可憐蟲
長安久客裘都敝何處重簾獸火紅

贈齊次風庶常二首

齊幹才名世共傳上清高閣木爲天霞標舊照仙遊夢
芸局新成 御覽篇君有龍泉光斗宿我如馬客老幽
燕長城那許偏師近慙愧同分筆削權

誤擲捷椎博浪中迴思往事哭英雄出山遠志非凡草
曠代清音是幾桐胸滙百家河海合賦陳三殿地天通

梅漁詩鈔 卷四

如何賦錦裁袍日猶爲無衣唱大風

聞杜二曉湘春鴈自蜀抵都鼓贈絕句

殷勤青鳥爲前驅五色雲扶阿母車長憶峨嵋望天半
鏡中山黛近何如

紙閣蘆簾韵事傳殊方豈易測憎憐呵毫欲共題紅袖

吾老初參綺語禪

漢川有紅袖低翻彩半遮之句

滿天雪意畫情惜泥飲從教到夜深不是耶筒遙載酒

臂間須脫一鈞金

賓客回頭歎絕奇杜家驥子好男兒比隣亦有呱呱泣

只似門東索飯癡

次韻荅藻川弟見贈三首

聖朝無用諫書多，閒聽青鸞下直珂。
天際鴻歸沈遠信，樹根日冷照微哦。
驚心兒女催人老，掃跡門牆斷客過。
廿載皆龍生計拙，不曾輕悔學陰何。

一簑殘照滿村書，愛君僦舍接州墟。
榜魁三六符台象，酒債尋常逼歲除。
狎主齊盟真自仲，悲歌燕市豈居諸。
家山此際花如雪，須記吾儕有閨處。

見說功名鏡裏花，冰銜三字老猶賒。
乍回暖谷春無力，

柳漁詩鈔 卷四

四

惡卧寒衾夢有涯，才盡故應還彩筆。
居閒時得捧瑤華，索郎再過橫街飲。
願逐羣兒唱跋遮，

望母行贈胡靜園同年 七解

迢迢古雒州，去京六千里。
嶺梅如白雲，親舍在其底。
北風堅澤腹，南雁滯鄉書。
海國有熙春，無兒捧母輿。
兒衣密密縫，母髮蕭蕭落。
記取臨岐言，在家貧亦樂。
至樂惟天倫，山川爲間之。
人生會面難，道來來且遲。
朝聞林鵲譁，短牆日又斜。
視朱忽成碧，望眼生空花。
天涯歲既晏，春暉到庭除。
想見團圓日，明燈酌屠蘇。

大官一爵年畱以道，阿母緊爾有母遺。
我獨非人後，

題瑞竹圖爲同年齊次風庶常

次風家天台甲寅之歲，兩尊人壽六十，庭下新竹一本，兩岐駢枝，儷葉頗稱靈異。好事者爲繪圖以贈，未幾次風應鴻詞科，選入翰林，竹之爲瑞，誠昭昭也。

過雨莎階清蔭濃，電斑簇簇翠成叢。
雙頭蜿蜒騰霄去，何減劉家兄弟龍。

久擅東南最美材，浮筠今已在蓬萊。
當時諸君三三徑，

柳漁詩鈔 卷四

五

惟有竿求得入來，

五叙松葉九華芝，未及天台瑞竹奇。
我是書工張藻後，恨無雙管寫春枝。

底須錫忿種青棠，玉玦瑤簪儼列行。
報得平安天上信，武都泥濕墨君堂。

丙辰除夕

彈指流光赴壑蛇，年年守歲在天涯。
關河不隔情千里，文字難驅鬼一車。
新舊柝聲分夜漏，短長檠影墜寒花。
清樽白髮圍爐處，應識羈兒夢抵家。

春雪禁體用六一韻

玲瓏萬樹闌華夢客眼一豁窗紙薄黃雞叫醒不月天
達曙寒芒驚作作柴車未碾隻輪過浩衍無痕門巷廓
起呼奴子擁簪前煮入茶鑪火融煖飢腸得此轟春雷
似勝酪漿傾鑿落昨朝私典木棉裘峭寒今日欺狐貉
三錢買筆書硬黃手拍如槌苦難搜雲頭密簸豆楷灰
畫鑲雙扉聽啁啾當年冒雪行西溪梅花林裏泥沒屨
釣艇嘔鴛貫酒歸短簑圓笠看魚樂可憐斯景托夢遊
塵上填胸賴誰淪天公作戲晚更狂蒼影低垂銓烟漠
落我酒盃恣大噱

梅漁詩鈔 卷四

六

早春書寓壁二首

愛此當窗石居隣故相園初陽明雪樹小綠出苔垣酒
病春逾嬾禽言曉最餘跛牀一夢覺閒慢任風翻
八載長騎旅匏瓜天末懸已忘身是客聊假屋爲船香
燼眠金鴨筆寒叫紙爲閉門真上策不復問筵尊

題畫梅爲靜園同年

挂檐白月寒未死夢破江南笛聲起何人傾此一斗墨

漠漠香雲拂十指槎枒骨立燈炮時瘦蛟壁上揚之而
姑射仙人不可卽默存綽約臨風姿空山流水黃茅屋
盡日無人倚修竹畫師能取雪精神古鐵爲心謝刻琢
包舍元氣完其天蕊冷枝疎皆可憐不向西湖自寫影
六橋春水空淪連

贈沈真畦

丈人古東老買書散黃金好學不知老修綆遂汲深骨
碎千仞壁中具松柏心搜奇入靈威禹跡長侵尋草峯
落鞋底海風濤衣襟驚歌和者稀邈若成連琴結屋近

梅漁詩鈔 卷四

七

茶山先春探腴琳平生甘草癖頗亦同書淫陂塘五月
涼箕踞青柯陰樂聽循咳詩才子真嗣音功名一炊黍
髮短辭華簪世有張垂崖空然賦憶霖

感春三首用昌黎詩韻寄懷席七舍人

嬰嬰萬彙欣得所我生孰是埋憂處高天大地側一身
去住蹉跎計終阻春風作態榮敝廬坐對繁花黯無語
紛紅駭綠爾何爲中有髯松獨心許
有意競春非少時朝聞啼鴉情轉悲鏡中旅髻易秋色
急景詎受長繩維山桃乍明三日雪便有犄角狂風吹

故人不來共卮酒此花飄泊將安之昨者遠書出雙鯉
一讀再讀驚且疑滂葩爛熳滿紙發足使梁苑空文辭
胡爲自負琅玕腹厭棄世味猶糟醕亦知衆醉不如醒
未老斷飲寧非癡長安十里春尙好馬蹄遙放惟子宜
紫微閣下花第一珥筆題詩今有誰

我本江湖弄釣人柳塘水暖隨跳鱗延緣鯁子自來去
直鉤那復知貪嗔八年一官半服輒儲貲未勝村居貧
酒龍多病事高卧冠綦散慢思無神經旬不出掩戶寶
實恐誤觸元規塵愛君草堂東海曲門前鷗鳥來相親

柳漁詩鈔 卷四

人

蝦菜尊羹充匕箸吳儂食籍具鮮新何當飛夢過林屋
七條淥水同歌春

寒食日行下窪偶成

蕭條一騎禁烟村吠蛤蒲塘積水渾地自向窪忘故道
雲能成族掩朝暎春衣誰復借歸詠世事都應類乞墻
風弄紙錢聞野哭我來亦有涕潸潸

喜藻川弟自橫街復移寓半截街漫賦長句

弈碁常不定視此長安居三載三移家破籠壓驢車往
復不半里爾僕徒紛挐城南景殊勝喬木秀夏初時鳥

語其曹囑歟新雨餘吾鄉湯小宰

謂西星先生

樹根曾讀書老

屋垂百年壁壘猶周喆君來就涼樾努力事糞除藤牀
共棐几一一排清疎蔣花有隙地願言入荷鋤賴葵傾
朝曦爛熳蜀錦舒簾間攏髻人喜色盈方諸我時質廡
下置膝爪牛盧生涯甘獲落夢境追華胥脩然木石羣
閉戶卽逃虛得君氣不孤有若蚤與驢昨歲宇相望今
茲更踰閭二陸東西頭昔賢謝弗如隔牆見鍾鼎定浮
瓊而蛆酒伴在南陸汝寧轉棄予

丁巳五月七日

柳漁詩鈔 卷四

九

御試 乾清宮賦得薰風自南來十二韻限來字
陽氣絪縕資長養和風濤蕩應恢台已知品彙無藏寶
更助 君王奏阜財琴上清音出太古松間幽吹絕塵
埃低翻簾影文波動細泉爐烟碧縷迴夏木千章交蔭
美水軒四面嚮明開披襟灑散還辭扇着物醇和不假
醅殿角日遲鈴自語花陰人靜漏徐催芙蓉拂沼紅成
錦羅襪連畦翠作堆大塊有情長煦嫗炎官乘令亦栽
培露盈仙掌迎涼瀉雲矗奇峰入仗來共慶堯廚紛薏
脯敢誇楚客集蘭臺穆如句好真堪繼作頌慚非吉甫

才

既試後三日蒙

御賜紗葛筆硯等物紀恩二首

風清秘殿賦長楊玉尺親勞聖主量敢謂文章能報

國故應天地尙包荒陶鎔謬入金三品欽定甲乙凡四等其

被服榮分錦七襄絕異滄波垂釣日烟吟雨卧草爲裳

紅牆銀漢路悠悠賜歡呼聚十洲樓管夢殘花再發

石田耕盡歲初收擎來鳳藻從天下邀得龍寶立案頭

孰使君苗焚舊製陸家才調邇難倚家藏用以第三名進授侍讀故有未句

柳漁詩鈔卷四

十

賦得荷淨納涼時

輕涼生水殿麗景展風荷色共川光瑩香含雨氣多綠

雲先却暑紅粉擅淩波竹外閒襟賞鷗邊蕩槳歌亭亭

標淨植瑟瑟動微羅虹散霞千尺龜游翠一渦傾盤珠

共瀉照盤鏡新磨想見淋池上頻霑帝澤和

綠石硯歌

洮州之石何蔥蒨幽豁古壁苔斑濃一片割來春雨中

畏弘血冷無時鎔蒼玉苦受昆刀攻鱗批骨磔東方龍

昔日漢瓦堅於銅隨風飄墮榛棘叢惟有六六青芙蓉

長與斗宿摩高空匠手力過秦鞭雄萬里驅使猶轉蓬

扶與清淑有特鍾少人多石蠻與戎蠻溪紫英足磨礪

馬肝鳳味絲理融捫虛踏險鑿沖沖媧天補餘肆神工

此石爭秀青海東異產底貢隨羗寶松肪爲質波爲容

仙人夢綠將無同蟾蜍浴罷清虛宮氣含碧落雲烟濛

函以七寶映瑣籠滿池香露承蕉桐老我獲此嗟何功

良川詎合歸畧農輟耕棄未畝未終霜毛禿盡尖頭公

平生嗜墨琴中蟲手所竈煤賦送窮秋螢乾死愁三冬

誰遣夜深藜影從丈夫須學萬人敵不則臂挽兩石弓

柳漁詩鈔卷四

上

安能結爾爲書傭嗚呼安能結爾爲書傭

積雨二首

積雨連旬暑已過牀牀屋漏奈愁何仰空不見龍唧唧

行處都成豕涉波幾樹濕雲濃着墨半扉流水湛如羅

挑燈夜聽丁甌溷椰席凝冰破睡魔

淒其絺絺被香篝挂壁釵痕潤未收人跡久沈三遷草

蟲聲涼喚一籬秋閒身坐對營巢燕拙宦情同逐婦鳩

河溢桑乾嗟遠道車箱欹側陸行舟

詠劉丈其荷

性至孝寡母病數年夜焚香禱天遂復明生平著述頗多絕意仕進

紛紛游子絕裾時大雅扶輪獨在斯白髮淪裙親舍樂
青山苦塊墓門悲爭光二曜天垂鑒托業千秋世未知
今日刊碑傳有道惟君不愧蔡邕辭

家遽若侍御毀魏璫墓碑世既盛稱其事爲賦詩

以紀之

明祖有訓貽子孫首嚴君側刑餘人陰凝振瑾禍始作
轉盼銷燦隨麗座天啟七載厚蘊毒委鬼立朝驅縉紳
太阿倒持主柄墜掖庭戛甲千夫屯內訌外伺互響答
瘴霧白晝移青旻至尊不得保妻妾矧此岌岌東林臣

梅漁詩鈔

卷四

三

爪牙盤踞羽翼橫去聲錦衣緹騎恣狼吞左楊相繼血化
碧一網打盡嗟何存赫哉威焰炙手熱蠅營蟻附勞紛
紜叩頭稱父門下養九千九百嵩呼殷玉質金相盛追
琢鬼戕廟貌安松雲生民未有若孔子春秋要典還等
倫羽蓋飛馳塞畿輔清塵警蹕鹵簿陳豈惟乘輿擅帝
制埜域已設諸官軍築愁樹怨殫土木孝陵寂寞斯邱
新脫非屍磔河間市上公禮偈鼓塗輶恩綸九錫詎有
艾千霄華表鑄龍文誰能更取一杯土不見怒殺煤窯
民幸逢天道知惡盈虞淵光燭升初敷儘教肝腦遍塗

地絕無窰穴藏奸魂窮奇骨敗焉可拾何來歸立西山
墳吾宗侍御好擊賊六丁雷電齊操斤蟒玉衣冠付烈
火穴狐窟鬼狂飛耨長繩拽斷碑十丈土花漫滅龜趺
痕去疾務盡弗少貸良農誅草窮其根一望卽原廓如
洗山靈此際增嶙峋得非東林餘浩氣假茲神貳祛邪
氛潺湲流水不載臭竟須痛飲臨斜照門生宰相彼安
在但聞樵牧來吟呻魑魅含睇深夜泣幾經寒食棠梨
春試從蕭寺問遺跡零落碧雲朝復昏

題家南華前輩畫次任雲書上舍韻

梅漁詩鈔

卷四

三

薊門一雨易成秋滿徑槐花旅舍幽大有溪山供弄墨
不曾寫我落扁舟

漾漾雲氣薄於紈貌得吳天霽後山猛憶年時窗列岫
分明一幀合荆關

中秋三首

開扉延素景今夕月不凡葉明新露下稍覺輕蕉衫故
因共翹首樽酒忍獨銜夜午倚牆陰鄰歌何淪淪
淪淪觸中懷飲薄不成醉虛空見秋毫萬里迥無蔽林
疎獨鳥還石冷小蟲咽彼物良有情吾以破清寐

寐清漏彌永牀頭秋水侵俯念曠昔游遠鐘生悔心此
月經屢照客鬢增蕭森朝來塵事滿且弗厭孤斟

秋杪借李瀛少宋崧山飲同年程禹勤工部寓齋
不問冰銜與水曹西風同感鬢刁騷清砧月底羅衣薄
落木天涯酒價高何處空山堪戲馬一秋快事屬持螯
可能更作黃花主來趁霜籬醉老嬾

題謝梅莊侍御軍中學易圖

朔吹無時休驚沙長在日城濠鐵色冰馬行蛭毛縮日
夕動邊聲淒涼帳下曲窮陰凝不開海氣連雲族春度

梅漁詩鈔卷四

古

玉關西輕裘雜戎服阿那楊柳梢四月見新綠風微拂
悠悠寒帷出瓊屋師中有丈人談經古卻殺手執牀頭
易脫復登高讀馬圖與龜象寸胸萬態足靜得天地心
肫然忘剝復身從千仞嶺噓氣暖寒谷

飲家雪子齋醉後作

江鄉葉落鱸魚鮮悲秋懷土年復年空齋冷雨困黃菊
遠塞冥鴻橫碧天軟語尊前燭有淚單寒篋底衣無棉
一壺入手萬慮盡與爾夢上吳飲船

秋夕聞春聲輒動鄉思隨形於夢覺而有作

生計全輸萬石農一宵幽夢托隣春肥分雞黍田間餉
遠逐牛羊陌上蹤茆屋霜高催急杵水邨月白和疎鐘
此聲莫落羈人枕索米東方意已慵

閏九日與同人約登高不果悵然自課

一年再遇重陽節半醉微吟三徑花已恨歡場多害馬
不堪老樹又歸鴉人情寥落秋偏永山色高寒日易斜
今夜片魂終莫住白雲紅葉認吾家

題家雪蘋叔聽松圖

白雲洋洋石巒巒千歲嶽龍森鐵扎闌空風雨西北來

梅漁詩鈔卷四

五

蒲半一吼衆音遣往時弄潮滄海津科頭放眼無世人
罡颺衣上揚素塵夢之帝所聆天鈞手麾琅琅發官羽
玉羊金鳳相向語人間聾耳不得聞散落松風入琴譜
松分風兮契無言竇然欲造太始前先生坐歛凌蒼烟
萬籟同作鸞笙傳

次風簡討索題其尊甫竹林納涼小照

翠潑衣裾浪拍懷个中風味刷清佳含將漸瀝秋千壑
憂碎玲瓏月一階湘水冷鋪珍簟穩玉聲徐度素琴皆
仙郎夜宿延涼館不及深林踏筍屨

友人餽炭賦此爲謝

重簾不隔風荒廳有宿凍地蟄燕枯枝剪伐勞僕從袖
中十指僞若爲藥龜縫故人德弗涼遠致烏金貢虎頭
獅子面天然異雕翦變相難具陳憐威挾生動幾罹烈
山焚時近酷吏鑿銷燦骨僅存裸柯節誰重歲寒爆竹
喧夜暗流星縱照水溫犀然逆風田牛聞盡掃馬通穢
細和餅臍送柴儿坐溫磨泥窗却烟霜賴茲煨燼餘遂
我團圞共八口鎮相依三冬聊足用熙熙登春臺浩歌
忘屢空牀頭煮茶聲松濤入幽夢火活泉逾清色香別

傅漁詩鈔 卷四

六

界洞雖未厭渴龍宵來飲亦痛鄒公黑太陽遺愛良可
頌作熱肯因人但絕楊家風

字鄒公家冬日居炭內圓範中其法最精既黑太陽事見清興錄又楊國忠家

川風錄

讀晉書漫成二十四首

王公去一階入拜承厥治太保最清達不在能言流
日食破萬錢下箸恒不足未容阮步兵羸病而酒肉
美人樓下身碎落珊瑚後錦幃五十里不如處甕牖
置酒必名山容宿須故土叔子豈醜人一言藥千古
陵谷樹豐碑杜預好名癖魏巍禹稷功不聞自刻石

得一合清寧利口巧逢悅玉人不拚取惜哉襄叔則

堂堂魏舒才領袖百寮上台輔何足爲意在成宅相

弔客作驢鳴聞者皆破涕諸君胡不死乃先死王濟

屋室爲禪衣天地爲字棟多文實累身但示酒德頌

一醉六十日嗣宗意良深嗷嗷窮途哭足配鸞鳳音

阿戎鑒人倫目光爛如電身抱膏肓疾晝夜不曾見

三復養生論字字琴中來無端柳下鍛喪此土木骸

風流玉塵柄與手渾一色安得口中言滅盡雌黃迹

山公日酩酊倒載歸習池不顧襄陽民只愛并州兒

傅漁詩鈔 卷四

七

有意無意問文章見真諦以此讀老莊了不異人意

郭生善玄談謬許懸河口注入蒙莊書一語非其有

書淫皇甫謐帶經兼荷鋤誰云布衣賤能借天子書

荒雞非惡聲起舞獨不遲先珥着一鞭畧見同寢時

一介殷洪喬不爲致書郵厥嗣達空函適以償沈浮

稚志寄東山勲名等敝屣一曲桓伊箏泣下不能止

雪夜剡溪棹訪友不造門看竹亦乘興遑問誰主人

十年賦三都時人呼儉父不得元晏序洛下用覆甃

鄧粲其知言大隱本在我隱志苟弗愆朝市無不可

塵毛落已盡日暮詞轉道欲觀古良史何待著陽秋

程氏姬人守志詩應禹勤工部

中天寶發夜耿耿旁有明星號始影等閒紅線與青衣
手授羣書日如暝豈知小草敢凌霜足比巖松千丈強
飄泊徒成蘭麝土柳枝桃葉亂披猖真珠滿斛售輕骨
名字纔經鸚鵡說製扇難藏對面羞吹篴屢易當筵客
誰似妻其攏髻人大家絡秀是前身戀巢孤繫秋風燕
一夕衾裯畢世因金刀痛截摻摻指記得熏衣侍君子
雨冷香殘繡佛窗妾心古井無波水夢蟲况味訴伊誰

柳漁詩鈔 卷四

太

蒲簾與齊次風胡稚威兩同年同賦

得見曾孫白髮垂絕少姬姜比蕉萃人間底事闢蛾眉
攪林萍刁調檐隙走野馬片席踈地垂虛如無人者平
生緯蕭業冷寄鳬鵲社船窗織水紋輕烟葦間濕有時
隱巖居讀書古蘭若洞口飛瀑懸簾影天所寫誰使嬾
堪身三椽賃廡下蝸牛日負殼局縮歡事寡新婦不出
幃羞見塵沒踝昨宵雪初晴素月粲萬瓦卧起衣有稜
呀然驚豁闢爲謀辟寒具鳥骨無一把况乃黃金犀飾
等妓衣冶置之圭寶間此材詎可假獵獵風蒲乾編成

出霜野稱我屋上茅疎箔映燈地塞向熏鼠穹樂酒今
夕且坐待百五過梨花春雨打

咏睡鴨爐

堆牀三尺水故書飼老蟬坐想芸香幕獸鼎宿火含明
燈倒玉兔執鶴雙童男天假丁緩手攻金恣鐫鐫博山
羅羽毛環視何耽耽浮光入被池圓轉驪珠探而我忍
飢誦室同彌勒龕爐旁噓死灰響苔窗雜談古銅不奮
飛印鵲無此愁號爲兀地奴莫禁中心悵蒲團青蒙茸
稍類故鳴潭願生好煙穗輕蕙水際泊斑紋滿頭綠咳
嗽吞朝嵐暖融墨洛泐恍對喬一盤減足復誰闢呼名
寧自請飲冰得內熱斯理微可叅昔聞噉金鳥萬里來
天南却寒居深宮用佐春宴湛吐屑報飴珠流暉耀翡
簪肯念土屋底永夜吟孫三身作凍鳴蹲火窮雪意酣
豈無炙手勢所實在不貪

戊午二月

皇帝躬耕藉田恭紀三十韻

并序

蓋聞食先八政禮垂祈穀之文春首四時肩重飭
農之典龍旂肅事康昭上帝來牟鳳正分司好洽

下民風雨當土膏之既動吉蠲則令戒先庚值陽
氣之初蒸茂對則躬勤出震所其無逸由來稼穡
維艱彰厥有常幸視 聖神相繼望青郊而履畝
爰布命於諸侯秉黛耜以敦耕遂率由乎羣匹此
日千夫共耦東作肇興他時萬寶咸登西成有慶
香升仁粟報養攸隆道本情田施生普淖小臣職
叨珥筆長依 雲日之光詩比吹蘭竊效菁璫之
奏云爾

柳漁詩鈔 卷四

壬

春龍動夙駕元鳥協春聲土潤蒲芽淺香霏杏樹晴枝
燈融絳蠟貝闕吼華鯨下界祥光動東方曉氣清風雷
爭啟蟄日月會飛旌嶽嶽青壇立灼灼綺陌橫民依先
本計 帝力率深畊仗外稷鋤集星前劍佩迎落花侵
犖道新柳拂帷城禮自三推始 躬爲百辟程子來終
御畝寅亮法天行慈愷遵塗熟朱絃映旭明扇和風翕
習含澤水晶塋燠燠看旁達禾歌取載賡咨諏紆 睿
顧望幸愜輿情千耦田功發雙岐地秀呈豈惟馨黍稷
迄用美坻京化洽羣侯養膏流品物亨隴烟翔雉材村
暖悅鳩鳴伐鼓遙林社吹簫小市陽佳辰過冷節比戶

賜香杭洋溢呼嵩酌慇懃獻曝誠夏箴猶有諺堯德不
容名瑞表金穰異 變迴玉步鏗葩雲追葢遠翠剡傍
輪平禁院行觀刈郊官幾奉盛靈山傳璽現好雨雜珠
傾快慰豚蹄祝潛銷箕舌征苗畝山 寶訓庾廩寄蒼
生共坐春臺上欣隨木向榮

聖駕臨雍禮成恭紀

班麟赤雀天降祥水精之子爲素王九州木鐸聲嗶嗶
日月代燭修夜暘三千七十會冠裳羣川宗泗嶽拱防
筆嚴裘鉞吾道昌要使萬世皆虞唐自有生民誰頡頏

柳漁詩鈔 卷四

壬

綿綿統緒屬 今皇章編漆簡勤表章心法治法源流
長單敷文教暨入荒鵠居鵠飲與偕臧矧茲辟雍宅中
黃東西南北遵路康兩楹數仞屹宮牆彩虹天矯丹翬
翔參霄松檜葱且蒼蟠銅屈鐵森千甍駢羅石鼓來岐
陽奎文 磨藻交煜煌重以金碧琉璃光倚數美富鄰
朝廊大昕警衆擊鼓鐘虞業既設崇牙張鸞旂翠蓋
雲飄揚簫韶鳴入金絲堂莘莘俎豆肅裸將溪毛躬薦
流芳香 一人低徊禮器旁 天容肅穆神齋莊咨爾
左右同奉璋追趨舞宇何軒翥春絃夏羽登峻良緇帷

講肄發竒藏咀含六藝如官商橋門風暖槐露漢子衿
環聽青成行原天稽古晰微茫中和條貫典訓彰禮邁
賄郊樂趨襄受裁奚止東魯狂日躋上理聖敬強化移
疏俗延殊方乾坤軒豁振雷硯獻琛納賚賓蠻羌小臣
際盛沐恩滂咏歌拜手繼皇颺祝君壽考祚無疆

柳漁詩鈔卷四

柳漁詩鈔卷四

三

柳漁詩鈔卷五

錢唐張淸鷺洲

滇行集

戊午五月二日奉使出都夜宿良鄉作

萬里西南第一程紅塵驛騎超裝行籠霄御氣迴頭
近當暑征衫稱體輕信有文章移朴俗肯教顏色著離
情碧雞使者殊堪數我愧王褒共馬卿

涿州早發

一夜潺潺雨淖沱濁水奔麥黃猶覆壟樹密卽成邨山

柳漁詩鈔卷五

氣生涼露蟬聲近早瞰年時飢戶在歷落散雞豚村農數家皆舊飢戶於門側葦去歲發賑時所識也

五日安肅道中

野寺戎葵一丈紅始知佳節值天中不須更酌昌陽酒
日午熏人信好風葛墟舊員外出延齡酒就傳客飲余

過滿城縣方順橋小憩夏氏樂志園和海昌陳相

國壁問韻二首

城市都宜隱仙凡兩不妨環亭清樾滿被沼綠荷香坐
處成邱壑閒中閱海桑征夫聊駐飲前路正茫茫

絳縣人忘老堯衢俗未衰犁鋤終歲業詠咏百家辭愧
我勞行役因君識路岐長驅從此去雨雪有歸期

過真定登龍興寺樓

傑閣梯青冥神飛足屢却層折躋其巔巢危怖梁雀魏
峩西方人大觀示顯若金軀七丈強手眼紛相錯一一
法寶陳毫光動駭矐閱世恒河沙興亡蹟如昨無力關
象教豈非吾道約肅冠爲再拜罡風傍簷掠天低雲容
容決背窮渺漠衆山但俯視安能解恒霍九川一覆杯
塵生日以涸惟有 帝王居紫氣遠迴薄

柳漁詩鈔 卷五

邯鄲縣北十餘里有呂祖祠相傳卽盧生入夢處
余與述齋員外入憩祠下納涼久之遍覽壁間題
詠若諷若愧大率皆夢中說夢也晚投客舍就枕
輒睡去至夜午起戒行李乃成此篇

斜陽古道有前蹤野碓黃梁未罷春滿壁題題徒繡魄
幾人當局易惺忪塵牀暫覓遊仙枕隣寺偏來報曙鐘
還促征輅乘月去夢中我亦興方濃

湯陰縣過鄂王祠

南渡衣冠付劫灰中原廟貌獨崔嵬從教碧樹長依闕

那見黃龍快舉杯百戰祇成三字獄萬夫誰敵一家才
淚流已濕西湖土此地重增過里哀

渡黃河

青天瀉黃流一曲幾千里我從西南隅所渡惟尺咫隔
嘶見漁村蒹葭繁可指是日炎氣蒸舟行火雲底川涂
如掌平風絕波不起游目恣遐賞四顧極涯涘客子歡
生顏榜人愁欲死淠彼萬斛船頃逆憑風使有風葦葉
飄無風山岳止首尾相挽推許許聲震耳中流曳長絙
牽牽走沙磧燥濕剝體膚浮沉戒頂趾嗟哉解水兒謀
生迺若此命繫蛟鼉鄉尙復被鞭箠驚濤非所虞安瀾
詎足喜使者苦行役請視此舟子

柳漁詩鈔 卷五

沮溺墓

稻畦漠漠水粼粼馭馬青林一愴神纔信耦耕難避世
墓傍還有問津人

南陽縣曉行

乍逢白水浣塵顏草草眠餐客路艱烟柳遠翻千頃浪
曙雲初放一稜山蕉衫桐笠輕涼裏馬足雞聲落月間
莫望京華張離索十年前已別鄉關

新野道中雨霽

陂原高下綠禾黍正茂牧犢寒烟外川禽蕭照中危
橋驅馬客短艇荷蓑翁野色歸吟望諸峰出漢東

渡漢江舟次作

一灣曉月照江渚瑟瑟波生風袂舉羣鷺俱息六月涼
此處無塵亦無暑我生澤國依蒹葭清江飽聽迴颿颺
十年入海逐車馬釣徒邨復舟爲家啣命過征一萬
里屈指川涂今有幾忽地扁舟問水濱江深漢廣雲濤
駛東方欲白散蒼烟冥濛柳畔漁燈懸連櫓估客凌晨
發網得槎頭縮項編魚正美酒初熟襄陽人唱銅鞮
曲我亦吟詩繼孟公峴山西望殘碑矗

荆門石橋驛道中

桡碇山行久荆榛雨過餘飢鳥啼廢壘冷翠襲征裾
路遺民少蠻鄉問俗初溪深橋石斷我馬亦踟蹰

荊州懷古

征帆葉葉下黃牛雲雨臺空氣易秋屈宋文章芳草在
孫劉事業大江流八關虎臂連夷道三峽猿啼起暮愁
白帝城邊西日落可堪極目賦登樓

柳漁詩鈔 卷五

四

江陵郭外卽目

匝地水田衣百衲穿林烟岫髻雙丫烏犍白鳥蕭閒甚
一抹殘暉射藕花

桔槔引處碧波澄鼓打花腔衆力興荷蓀歸來天未晚
柳陰風動捕魚簪

大江行

江雲碧嶺峨江水白浩漭中流遇北風片帆去如翰耳
側忽傳雞犬聲層層綠蕖浮沙畔嘶曲沙平密樹屯浪
花影裏見朝曦襟湖帶漢控巫峽雄哉阨塞西南門三

柳漁詩鈔 卷五

五

分割據一條水格鬪英雄怒無已舳艫卽尾旗蔽天戰
血元黃變清泚人心長恨水長流萬古滔滔坤軸徙君
不見朝巴唱暮渝歌寒烟落日猿聲多風雲陣勢千盤
渦卧龍躍馬今如何

宿澧州

三江愁渺渺四牡遠駢駢珮冷沈仙子蘭香憶美人涼
分湘竹雨酒載洞庭春水驛清眠醒中宵戍鼓頻

遊桃源洞

昔人紀遊仙幽思攄靈異放厥荒唐詞用述意所寄境

妙不自尋象外得天地杳然一空蹤雲扇誰復覲念茲
桃花源豈在人間世何年附武陵延袤入輿志遂使無
有鄉突受往來騎阡陌儼交通屋舍殊清閑沿溪飛落
英時見野芳媚家家業捕魚柳陰閒鼓枻黃髮與垂髫
嬉遊逐畜宇猛省靖節言信哉不余戲山川固絕佳人
物皆古致何必論避秦自忘漢後事我來息塵鞅初日
林間翳嵐霧冷衣裳磴曲徑彌遠好鳥悅山光涓泉穿
竹翠削壁聳千尋藤蘿半空墜四顧人跡稀吟成體欲
蛻神仙雖渺茫到此亦孤詣青苔不可刪白雲善深閑

柿源詩鈔 卷五

六

過求洞中緣無乃太凝滯桃花屢悞人流水年年逝慎
勿悵迷津有如劉子驥

沅陵道中

山色曉蒼涼鈴聲度遠岡烟蘿懸月小關隘入雲長纒
汲行輒緩肩輿至此
添用繚繞旗飄野戍荒半程雞未唱何處具朝

糧

渡口絕句

泠泠山澗長溪痕渡口無人略約存霽日乍烘松葉店
陰蟲低叫豈花村

馬底驛示述齋同年

孤村投馬驛幾夕宿牛宮避濕移牀卧驅蚊用火攻述
聖有行牀所至輒命僕布于簾下以避旅
舍穢濕之氣向晚灼青紫煎蚊無文不然
皆為桃襟開修竹底杯引激流中
源近事此樂真無極天涯暫許同

辰陽口號四首

一峯高一峯極目斷飛鳥楚山直叢叢韓公句最好
白雲抱山腰滄然散為霧倏忽不見雲身在雲中度
藥艸齊着花色映潭水清但能辨紅紫不復知其名
山頭萬頃田刻畫作方罫時聞穠穠香隨風出林罅

柿源詩鈔 卷五

七

辰州水樓夜坐

參差城郭背巖阿霽後炊烟罨樹多風遞鶯聲來枕席
水涵燈影倒星河三更客夢月生嶺兩听蟲號秋滿蘿
長憶故人消息斷可憐車馬歲蹉跎

謁馬伏波祠

武溪轉戰斫連營畢志壺頭裹革輕據馬雄風驚襲鑠
跼毒霧慨平生千尋銅柱堪書蹟幾輩雲臺浪得名
今日椒馨豐廟食明珠薏苡謗何成

信宿

信宿臨江閣鳴榔遠近聞蕭騷帆背雨淡淹嶺頭雲
葛迎秋氣幽軒動水紋坐憐沙草軟鳬鷺夕紛紛

渡瀘

西山分大小辰水自東西力疾驅驢馬衝烟過毒溪村
深桐子熟雨暗勃姑啼遠望黃雲陌人家刈稻齊

辰溪書山塘鄰壁

綠畦一綫路盤紆雨漲青林叫鷓鴣急瀨分流橋木斷
陰雲欲暝驛亭孤飽飯夙願親山水微有新詩似畫圖
茆店困投仍不寐黃昏愁聽角鳴鳴

柳漁詩鈔卷五

八

村店戲書所見

雨濕黃茅矮屋炎蒸白木匡牀鼠跡燕泥蟲網雞栖豚
欄牛坊

過水挈餅沽酒移燈掃壁題詩村靜僧鳴遠磬夜深馬
斂殘其

沅州道中

絕磴凌虛覆一亭龍標古道此初經雲浮樹杪分明白
山過黔陽未了青渴馬豈知溪水惡行輅時帶野花馨
老鴉井畔多仙蹟欲訪丹砂洞早扃

迴溪卽目二首

斜日柴門傍水灣脩脩竹樹短籬間風吹笠子秋原曠
牛背村童引犢還

野艇橫溪不渡人千頭魚婢石苔新白鷗底事雙飛去
溪上高田動水輪

芷江縣野望

江天望不極去鳥自成行曲罷青峰在風來白芷香堞
樓依古岬漁網挂斜陽何日空冥裏歸心一草航

宿沅州南寺

柳漁詩鈔卷五

九

言就招提宿塵緣靜可忝牆陰森密篠露氣沁香柑鐸
語因風碎蛩吟入夜酣一燈方丈裏彌勒且同龕

迴龍閣

山迴龍天矯水迴龍蜿蜒山龍水龍互屈盤中有鬼鬼
高閣陡起直上千青天風吹人毛髮墜地石齒人足
趾穿颯如洪濤半空吼森如大劍八面攢而我遠巡閣
下不敢進亂藤怪木樛峒相牽扳有雲朝挂牖有獸暮
常關伊誰施結構怒奪造化慳乃知爭奇在扼要得勢
不恃人功全世間雕甍畫棟千萬落吁嗟但有土木無

山川

往者虞山王長齋夫子經此有句云水流山峙山造物結構扼要須人功不然萬象皆僵槩縱有千變萬化何能雄此詩題于便水驛壁間初不署名余審視筆跡知爲吾師作也篇中故述其意

清溪曉發

馬首天河沒新秋露氣重羣雞隔一水孤炬照千峰涼
樹時吹籟烟難忽漏鐘迴看東嶺曙歷歷繡芙蓉

山清浪闊次鎮遠縣道中作

萬山深處水縱橫不盡寒流競鳴翠壁丹崖都入畫
巖花狂鳥詎能名經時銅鼓迎風擊黔地銅鼓風雨則聞以連夕大雨故云
日簾輿擁轡行拍點路傍雙隻猿憑渠約略記邛程

柳漁詩鈔 卷五

十

偏橋驛

兩崖夾危磴卓礫立萬丈戍樓與雲浮野色互莽蒼烟
中不見人但聞殘柝響行行入夜郎心眼廓奇賞連峰
判晦明小輅疲俯仰山門黍油油菁黑泥塊塊俄馬殷
雷聲絲雨濕羈鞅石鮮恣蔓延馬退不可強漏天少晴
時燠道無平壤斯語風所聞今茲踐疇曩

七夕感賦

烏鵲無慘繞樹頻疎疎雨歇晚涼新星前兒女三更夢
天末關山萬里身湘簾展冰愁逆旅瘴雲凝墨暗佳辰

題詩只在蠻溪上柳柳州非乞巧人

飛雲巖歌

我聞有雲作奇峰五色石爛彌蒼穹歛忽迷離不可狀
披衣變徇行空空一朝上帝鞭游龍噓氣墮地成崆峒
吐吞日月伏光景頓疑天在茲山中洞扉呀然聲如鐘
森梢古柏當其衝欲崩不崩巖萬重呼曰飛雲無由蹤
華蓋輪囷屈柯葉鱗鬣跋扈場霓虹乍如軍門習魚麗
車旗茶火紛交攻又如羣真瑤島會迴翔鸞鶴馳仙童
泰山膚寸焉足數乾竺靈鷲將無同多年乳竇鳴丁冬
氤氳石髮青於松豈但寒光砭人骨磊落頗肖吾心胸
適來坐此一長嘯霹靂怒起追奔洪何當騰身汗漫裏
芒屨踏碎千芙蓉雲兮雲兮任橫縱旱海有龍須相從
風吹不去雨長濤遠離塵劫超鴻濛

柳漁詩鈔 卷五

十一

貴陽道中

山郭纔三里巘巒更復稠山田不待雨木葉稍知秋樵
唱人烟外僧菴天際頭片雲將暝色黯黯叫鉤輻

平壩道中

雨過天逾碧山稀地漸平鳥飛隨葉下人語隔烟耕赤

足采樵女纏頭捧檄兵千村豺虎絕蕃部樂時清

雨發坡貢驛

向曉雨冥冥哀禽不可聽羣山連瀼瀼大壑走雷霆辛
苦泥中馬貼危嶺表亭烟濃秋氣白古洞有龍腥

斗狼箒

山深雲雨驕水溢草木橫去聲晦昧兼蒙茸不復辨表徑

蟻緣一綫坡僕夫亦太病上苦昂其尻下慮倒垂頰失
勢偶一蹶鴻毛抵身命朝來陟屨屨迴視駭汗迸地無
尺寸庸梯空幾萬磴入箒陰迷濛當晝日忽瞑惺風颯

柳漁詩鈔 卷五

三

以寒猿啼慘相應厥名曰斗狼取義何所證斷齧紛噬
人或類貪殘性我馬尙慎旃無與怒牙競

途中見桂

濃芬和露冷近向帽簷侵久識金銀氣會同風月吟驚
山懸別夢蠻土觸鄉心一樹垂垂發相思十載深

余自京西入京

師不觀此花十年於今矣

食菌

箒深秋雨淫枯枿偏生耳土人比樹雞采食矜鮮旨嗟
我腸胃間霧潦日相觸受毒弗可療詩脾無由洗腐敗

之所蒸居然充箸七柳州甘蝦蟇習染頗類此吾聞松

根苓服餌長不死否則竹下筍玉版味殊美蚤韭與晚

菰芳潤足肥齒鮭菜二十七庾郎貧且侈蠶爾諸菌釘

堆盤徒塊壘對此屢嘆興出哇心未已高爇有香乳但

酌一瓢水

香乳泉在晉安州道中

黔中雜咏四絕句

木葉吹殘攸佬邨青山白納摩餘昏劇衰嬖女紗籠首
知是奢香幾代孫

清曉看雲倚石樓九峯濃翠寺門收浴仙池冷高真觀

柳漁詩鈔 卷五

三

坐見三丰碧落遊

關索嶺高四十盤鉞橋一綫絡雲端行入渴劇新開路
孔翠泉香不敢餐

飛越峯頭匹練橫虛疑龍出養龍坑雷轟雪積關前水

沒盡元時十二營

抵平夷縣多羅驛

三月 王程始入滇短衣蕭瑟欲披綿相逢白黑皆羅
鬼不定陰晴總漏天叢桂冷從山路馥片雲低與戍樓
連石虬亭下風初勁候吏勞勞謁馬前

宿白水驛

山徑稍迤坦，颼颼松吹佳。古關臨白水，殘照映紅崖。冷
吠秋田蛤，烟生土屋嵒。不知孤燭夜，客夢與誰偕。

羅雄道中

野花開欲盡，一澗晝孤喧。積霧烏龍箐，荒烟白獾村。水
多啣葉鳥，樹有挂枝猿。淒絕樓欄雨，催人下夕原。

楊林驛

叱犢聲中雨滿犁，西風隴畔冷萋萋。四山減影秋烟白，
聽得鴉鵲隔樹啼。

柳漁詩鈔 卷五

古

中秋夕試院偶成

月府霓裳集大羅，香寒叢桂夜如何。山河瀉影三霄迥，
金碧徵材六詔多。木杪微風傳角吹，關前浩露映簾波。
今宵太史遙占象，應識仙槎傍斗過。

九日張時齋大中丞招飲園亭呈同席諸公

石筍排空翠欲流，五華峰色檻前收。晚雲解駁初過雨，
嘉樹扶疎未覺秋。天末徵歌酬令節，酒闌移燭坐高樓。
西風昨歲陶然處，拂帽緇塵古廠游。

出真

南天秋不霜，九月花氣王。去聲晴軒納暖翠，蔥鬱昆池漲。

揮手別滇雲，寒暄殊狀烟。收山骨枯木，脫天宇曠北。
風迎我前馬，嘶色凋喪雙袖。太凌兢征衣，苦無長仄逕。
逢歸樵斜陽，在嶺上點點暮。邨鴉柴扉寂，相向事去述。
如夢回頭一，怡悵有酒借填胸。聊以支旅況。

題亦資孔驛旅壁

滇風黔雨動經旬，搖落天涯歸思頻。鼓角驚魂宵似歲，
茅柴烘面酒生春。馬過原隰皇華少，人歷星霜素髮新。
敗壁題詩誰見者，一燈几上識勞辛。

柳漁詩鈔 卷五

五

庚戌橋

在貴安州道中兩山夾水橋跨其上朱閣文苑流煥可觀鄂西
林相國制黔時書額以雍正庚戌年建故名

橋頭霜葉艷於花，橋下香泉可瀹茶。但得居人如許渾，
便同丁卯傍詩家。

旅夕有懷家雪子藻川

秋雲淅淅水騷騷，日夕途修涉履勞。虎跡滿村求野宿，
猿聲隔澗作兒號。繩牀月過寒凝水，蠟屋風多夜捲茅。
猶夢樽前兄及弟，霜天明燭對持螯。

永寧州道中

入箐多逢雨，聞猿輒憶鄉。連陰無旦暮，密樹半青黃。客

命依衰僕寒威削故裝蕭條愁歲杪況復在蠻荒

打柴婦

打柴婦打柴向何處赤脚歷層坡蓬頭濕冷霧山花艷
幾叢山葉落幾樹但見物榮枯不知節來去獵獵朔風
襲陰崖水泉泣摧伐及蕭辰血指那足顧霜薪壓頰肩
冰磴窘澗步兒兮啼在襁夫也出無袴少遲寒更嚴積
雪將沒戶日午斷爨烟飢烏待何哺此時蘭閨人斗帳
濃香護獸火正通紅嬌眠怯天曙誰呼醉裏魂來覩打
柴婦

柳漁詩鈔 卷五

夫

平珠洞

古洞黝且深不容道里量一孔透天碧如曜井底光光
中獻所希浮圖九級長石髓紛下垂化為螭龍翔觚稜
弗假甃鱗甲森有芒神工謝雕斲天陰成棟梁一一蓮
花燈懸空瓊瑤張不移物既具奇寶列滿堂過此無復
見惟聞水湯湯黑風刺骨寒草炬寧獨當慮觸千年蛟
急返若望洋我生嗜幽討梁入無淺嘗茲山洵靈異奈
何生峻防安得平尼珠照徹無盡藏

相見坡

危坡曲折凡幾變學字江流無此健前驅既往卻復還

倒挽奔崖令靦面靦面難呼咫尺違相見猶之不相見

人世差池豈在多一室已同千里遠何況山重與水斷

黔江舟行雜詩二十四首

紅日東曦曉霧晴卧聽雙槳剪江行馬頭人老吟現在
纔落蓬窗夢已清

霜岬東處瀨嘈嘈雨點斜飛石上篙日午荒雞出林落

半邨紅葉數閒茅

盈匙白粒伸腰熟帶葉黃柑觸手香一種江鄉好風味

柳漁詩鈔 卷五

七

豈宜獨與刺船郎

月落寒林鳥未譁鷗聲侵曉獨嘔啞人生作客須江上

六尺鯢船穩似家

蒼山臨水寫屏顏夕照西風樹樹斑十日哦詩坐篷底

此身還較白鷗閒

星星鐘響隔烟蘿時近黃昏旅雁多可惜黔陽江月下

無人一爲唱吳歌

石厲波狂過幾灘年來行路慣艱難榜人漫道川涂險

只作平風靜浪看

葦汀一曲晚烟痕殘柝聲中水驛昏今夜客舟何處泊
片帆吹落打魚邨

霜華漸瀝桺條空古岫燈明一寸紅雲外犬聲真似豹
夜寒吠入夢魂中

玉屏嶺下水鎔銀鵲鵲雙雙不避人異日生綃畫橫幅
烏篷紅樹楚江濱

半拓船窗望翠崑誰能秉燭入空嵌松林返景紅將斂
玳瑁天西十幅帆

戍樓遙指識籤程風颭黃旗宿靄清帕首鞞刀看清鳥

柳漁詩鈔卷五

六

太平閒煞水塘兵

曲曲屏風千萬重晴暉日夕麗佳容分明小李將軍筆
赭樹藍山着色濃

菰市魚標夜未收寒星磊落浸江流何當便逐漁兄弟
斗酒高歌醉舵樓

迎風白芷動芳馨流水茫茫下洞庭夜半絕無人鼓瑟
數峰江上爲誰青

江水溶溶鴨頭綠江樹蕭蕭鴨腳黃向夕一樽仰寒月
不知茸帽受新霜

三扇篷低跂腳眠筆牀書卷儘流連酒醒怪道清無夢
一夜灘聲在枕邊

林多敗葉供茶竈水有跳珠濺布簾帆峭榜柔堪想像
錢唐江上早潮添

纖纖眉月落江潭橘柚香中過楚南絕勝板橋霜雪路
罽袍瓊笠叱羸驂

烟中人語出枯蒲來往寒江幾釣徒三尺銀鱗烹劍脊
何須苦憶四腮鱸

遙山澹絕暮雲低處處雲山叫竹雞蘼葉丹砂明似火

柳漁詩鈔卷五

七

篙師說已到辰溪

風打船頭艣力遲寒烟散作雨絲絲一壺真抵千金價
醉到清猿哭罷時

羣魚吹沫白波浮蕭颼空江夜雨稠絕域歸來蓬鬢改
鄉心不爲雨聲愁

山迴水轉碧玲瓏此去桃源路可通夾岫更無花片落
霜林猶學小桃紅

辰州贈別同年何華峰司馬

萬里星槎絕域歸片時萍合各依依江干暮色催黃竹

閣下風流憶紫薇
酉水辰山憑嘯咏
南船北馬忽分飛
懸知官解梅花發
唯有何郎興不違

桐灣晚泊

寥闊江程信泊舟
風吹野燒滿山頭
凌霜幾本青桐樹
隔水誰家黃篴樓
不雨不晴天易暝
半吟半睡客含愁
夢隨故國音書斷
忍見寒空雁字浮

晚晴卽景

白日澹將夕
青山遠更圍
浪花沈塔影
舟尾曝蓑衣
石瘦排沙立
鷹飢側翅飛
騷風葦響野艇賈魚歸

柳漁詩鈔 卷五

壬

題學使鄒小山前輩杏花畫幀

曲江西畔午橋東
物色偏宜出處同
艷憶小牆敲早日
寒從上國試春風
酒邊喜映官袍綠
屏面先邀御筆

紅御製題鄒一桂畫幅十二首載
樂善堂集中其第一章卽咏杏花也
好語新來雙海燕
御香其

悞入雕籠

過大江口作

大江貫中央
五溪錯其外
是爲諸蠻叢
亦云羣盜匯
白波蕩星辰
墨霧滃塵壑
一舟輕如箕
掀簸出層嶺
我行杖忠信
有命寧復巧
濤聲春枕頭
咥勢壓篷背
大笑呼

天吳觴酒爲汝醉
不見諸葛君
幽廬躬草萊
片語許馳驅
勇往無却退
五月入不毛
毒瀘敢爲害
又若王龍標
風流傾異代
子然夜郎遊
琴書萬里載
蠻酋跪乞詩
豪吟氣什倍
脫復老鄉邦
聲銷跡彌晦
事業與文章
吾曹同一概
覲顏謝古人
百年等伯儼
險阻非風波
蛟鱷在流輩
咄咄垂堂戲
願作平居佩
言訖樽屢空
旭日散餘靄
江光曉鏡鋪
照見山染黛

皮葫蘆歌

貴陽張制府馮方伯各以皮葫蘆見遺舟中檢

柳漁詩鈔 卷五

壬

視戲爲作歌

化工造物無定模
方員巨細各自成
精麗藤梢結實瓜
與壺甌風取之
食農夫就中不食者
葫蘆銳頂團尻種
類殊腰痕一線自約束
畧似蜂身中斷續
繫以青絲絛
懸諸紫筇竹橫擔
直負恣取攜
藥裏詩瓢無不足
黔陽藝手欠瓊瓏
范金合土遺法空
楚生有杞梓
衛產多椅桐
借材不肯到隣封
差強人意惟革工
由來制器貴尙象
鞏用黃牛理則當
化剛爲柔其伎倆
敢笑葫蘆但依樣
厥狀雖同製稍別
中間時翕亦時闕
絕勝剖斷五石

瓠頓失全神徒歎惜張公馮公何同心知我引興在山
林千里行廚苦無辨鴟夷載酒長浮沉贈茲一物備百
器七箸觥籌排次第歷數家珍不外求他年泛宅須容
易居然別有天地箇中藏誰料此來奪得壺公秘

舟次桃源縣

沅南多福地山色綠蘿斜綠蘿山名花隱溪邊樾雲歸洞口家
侯封千樹橘仙飯一牀砂聽罷滄浪曲臨流數暮鴉滄浪

二水在龍陽山下屬武陵郡今屬常德府

贈漁父

柳漁詩鈔 卷五

三

幾處臨江屋門前秋作籬古梁橫舴艋斜日放鷓鴣水
落寒沙聚烟疎敗柳垂擬將西塞曲來和濯纓詞

北風吟三首

北風挾浪來夜半驚夢殘初疑是猛雨雨聲無此寒
強飲不成醉起坐愁脉脉一燈光動搖隨風出蓬隙
風定呼解維回頭失泊處未知舟疾遲但見走山樹

暮抵武陵

再入仙源路西風絳葉飛水清魚可數天濶雁無依戍
鼓江心驛禪燈樹杪扉不逢崔姥酒寒夜宿漁磯張虛白詩武陵

溪畔崔漢清天上應無地下有

長至江行書感

雲物他鄉歎沈寥扁舟軟浪驛程遙幾家繡線添新暑
何日黑衣事早朝箭弄江城梅未破帆依曉听柳全凋
絕憐清切金闈彥太乙壇前望炳蕭

常德登听

川涂忽已盡自此逐風塵跋浪魚天遠摩牙虎寨親千
峰將雪候萬里倦遊身卧向籃輿裏蒙頭欲避人

公安早發

柳漁詩鈔 卷五

重

嚴霜被草屋初日照鷓鴣葉葉滿人無跡溪深馬沒散村
烟寒乍起野磬曉孤敲千古孱陵道萊公竹尚苞

荆南絕句

郢中歌曲無人和漢上題襟祇自愁落日黃陵修竹冷
鷓鴣啼處過荆州

西望巫山黛不如寒煙枯樹最蕭疎可憐庾信江關死
後代誰尋宋玉居

古堞紛紛集晚鴉授經臺入法王家楓林一抹疎鐘動
猶似生徒列絳紗

夷陵江水峽門來日夜環流爾雅臺細注蟲魚配山海
郭生嘉落真奇才

襄陽聞喜亭和歐陽公韵示慈容上人

峴首由來多勝士風流太傅逸難攀登高置酒情何極
駐馬看碑客未閒森森烟波空白鳥蕭蕭松櫪自青山
祇餘老衲耽詩癖時向勞人索句還

大堤曲四首

大堤落日黃橋竿比如櫛臨江賣酒樓有人迎估客
向夕小粧束髻子號慵來窗面漢水清是儂明鏡臺

柳漁詩鈔 卷五

五

樓頭釣肥鰻宜城開新釀願郎着接羅同過習池上
月出呼歡飲月黑就歡眠夜夜江樓下長繫樊口船

學歐公韻留別襄樊司馬家東臯兄

一麾出守漢江邊岍嶺風流尚可攀未得鹿門偕隱去
且尋驢背賦詩閒江樓夜火千家郭雪屋寒林幾疊山
此地相逢兼惜別酒盃纔放客孤還

萬山

林疎不着墟烟色鴉亂全空返照痕悵望萬山蒼舊盡
一鞭吟過浩然邨

南陽懷古

戰後關山日易徂魯陽遺蹟半烟蕪真龍定不逢人好
雄雉何知應帝符卧起草廬名士盡飲殘香澗列仙臞
千秋爭績循良傳至竟誰堪父母呼

宛城道中

烟外隱苒苒寒郊日上遲人歸黃落後凍合白河時博
望城何在商於地屢移遙天見漢水五兩北風吹

禹州

昨日遵汝墳今朝次潁尾纖月墮疎林雞聲號未已陽

柳漁詩鈔 卷五

五

翟叢爾區川原清且腴禹績敷九州稱名只一隅一隅
報何喬上德在不德古之成功人無欲名浮實

新鄭縣道中

具茨山獨秀古木帶清暉磧裏雁行遠汝南雞唱稀軒
闔今可在鄆俗昔無譏言念廣成子憑軒眺翠微

滎澤縣

浩浩黃河積重白雪城鴻溝風色黯廣武戰場平天
地終成險英雄偶得名我從狂阮後望古不勝情

渡河紀事

朔風揚沙日色苦朝來數騎臨水滸舟子勸公無渡河
萬里冰凌途已阻須臾風定凍稍融慘澹天光見廣武
蒲幅斜抽試解維千夫同聲唱邪許大冰礪礪山石摧
勢能破舟折篙舫玉龍橫波奮爪牙龍鬣鳳鼎相從舞
中流欲暮進退難長年戰慄色如土吾聞臣道貴致身
古人亦復戒臨履鴻毛一縷爭千秋投之濁流非死所
廻顧僕夫渺何存敗帆零丁落烟浦萍飄梗泊瞬息間
南北分馳不得語吁嗟爾曹皆人子白髮高堂念行旅
我身山險幸再生皇天好仁豈薄汝

柳漁詩鈔 卷五

美

鄴下早發

稀星明月曉蒼蒼愁誦曹公對酒章巖色周遭寒羨里
河流曲折會清漳草埋疑塚英雄絕雲鎖空臺伎樂亡
休向韓陵尋片石北朝人物總堪傷

書臨洛旅壁

趙北燕南大道連歲闌歸客急征鞭夢懸京國一千里
寒犯冰霜三九天迥野雲愁鴻影沒平沙風厲馬毛拳
勞生如夢何人覺行過邯鄲重惘然

真定道中

馬跡寒沙上禽聲禿樹間歸心爭短景驛路接恒山百
日王程緩千村穡事閒西風哀暮角目極井陘關

抵保定府

督亢陂邊路驅車復此經人歸衰草白雁去暮天青一
水英魂聚千金駿骨靈高歌誰擊筑酒盡客還醒

夏五過滿城方順橋題贈樂志園主人詩尾句云

雨雪有歸期今使還重憇此地會天雨雪與前詩

若相證者復成絕句

樹石玲瓏萬玉森右丞圖裏寄情深反裘鼓帽重來日

柳漁詩鈔 卷五

毛

雨雪依期入短吟

安肅野望

一尺風帘村酒舍數株雪樹野人居團團屋背黃茆廩
晶晶橋灣凍水渠新築廣場平似席快乘小犢健於車
此間菜味由來美我欲相從共把鋤

曉次涿鹿

白溝明發析聲催涿鹿邨中靄未開夾道冰漸漫轍跡
穿帷風色死爐灰樓桑帝子誰重問錦水仙人去不迴
獨羨負暄檐下叟陂原都許別雞來

抵都口號二首

記得青驄拂曉行蘆溝月落水無聲鞭絲拍動人烟集

尺五城南望玉京

赤日燒空憶去時幾經雨雪我來思嶺山瘴水探奇偏
只助歸裝一卷詩

柳漁詩鈔卷五

柳漁詩鈔卷五

天

柳漁詩鈔卷六

錢唐張滄鷺洲

癡牀集

早春送張時齋中丞朝覲回滇

柏梁嘉會玉鐙鳴袖染爐香山帝京半壁西南資坐
鎮三春花柳拂行旌暫同使院觀星聚憶向芳籬醉晚
晴舊跡已成鴻踏雪遙天金碧自崢嶸

查星南前輩招飲寓齋大韻

柳漁詩鈔卷六

一

香堅關局耽書具四癡久踈好眉樣實愧西家施方輪
不可膏懶慢復何疑朝來盟初罷乾鵲喧簷茨忽枉折
東招如分取酒貲前輩真風流忘形與古期不惜累百
觴願索寒餓詩三條燭既跋殘柝聲斷時醉可汙車茵
歸拚卧雪泥少年爪拏健得食隨弄辭座上矜作達遑
問禮所宜老將居中堅吾曹亦偏師

方鏡詩和杭董浦編修

色正芒寒劍氣衝秦臺照骨舊盤龍晶簾不動參朝彩
斗室微開納水容頗恨月輪常缺陷深嫌菱格太丰茸

清嚴妙境塵緣絕合爲仙人寫兩瞳

澄洲玉水止淪漣想像瀛壺小有天一寸心胸憑借印
四空色界悅無邊碧山片石差堪礪綠浦新荷那直錢
樂此不知疲屢照琴牀硯匣共年年

銀蟾的皪入疎櫺映徹琉璃四照屏池上糕賓元絕響
殿頭仁壽肯藏形綃懸泉室春冰瑩瓦落銅臺老薜青
相視嶽嵴還一笑端居時與說精靈

此君風骨最清剛清剛後乃論有古鏡號此君百折難回嫉惡腸乍可餘

輝通素壁羞將微意效明璫理文不逐螭碑蝕藻耀應

柳漁詩鈔 卷六

二

隨鵲印翔彷彿吾家錄金鑑一編青竹遠垂光

跋吳丈鑑齋傳後

俗學守章句兀兀窮三餘一字不濟人所讀爲何書達
者好奇服恥與今人居一語不能踐抗言空古初燕石
寧足藏什襲同魯輿有技止屠龍志大術則踈幾敗乃
公事舉世憎豎儒相逢多白眼路鬼交柳榆緬思人中
豪吳生真俊廚長揖公卿聞雷風鼓芳譽片紙活萬人
寸胸灌百渠起尸兼肉骨造化歸抵噓豐碑誌循良羣
歌父母且孰爲借箸謀致此惠澤濡哀鴻得安宅巨壑

脫沮洳永俾果腹民弗復悲其魚朱門厭膏粱軒鶴何
閒徐坐視溝中瘠如彼秦越殊智出精衛下厚福用養
愚詎知命世才不假半通紆韋布擅經綸風徽被粉榆
斯人久未死氣作虹霓舒至今誦遺編再拜歎起余書
以告採風興達承明廡

題因樹樓四首 并序

樓爲廣陵洪子頤齋兄弟讀書處母太夫人嘗手

植杏于樓前以易其志及下世樹萎樓亦漸圯頤

齋兄弟思其母復葺而新之士大夫既頌母之賢

柳漁詩鈔 卷六

且憐洪子之孝爭爲詩以傳焉爰綴短章用附不

朽

紅杏霏香淑景繁上林生意滿幽軒一株照讀春長在

直抵忘憂堂北護

絳幔人空手澤枯落英點點淚模糊斷垣廢井東風裏

無限啼鵲與孝烏

伐木重新結數楹高樓還借樹爲名花陰月魄依稀到

只少和丸弄荻聲

誰爲詩亡憶白華人間臺榭半天邪迷離六代揚州夢

淡粉輕烟競宴花

書李其材夢南詩卷

雨雪遊梁日風花入洛年
鄉心萬里外詩格六朝前
劍有寒光吐囊餘古錦懸
賞音還在世寧獨戰場篇

送陳閨風同年之楚

兄弟分攜醉亦難
條條弱柳不勝攀
橫江鶴夢孤舟月
隔樹猿吟雨斫山
蘭澤生香驛客遠
竹樓過雨爽枰閒
秋風若動尊鱸想
知在槎頭汜口間

夜雨次雪子兄韻

柳漁詩鈔 卷六

四

颯杳夜來雨未秋
生簾波陰連羣木
暗響逐候蟲訛箭
鏃穿窗急斂痕挂
壁多寢驢誰借我
欲出又蹉跎
兀坐蒲團冷聞於
雲水僧鄉愁雙白
髮曙影一青燈社
燕終如客神羊漫
自矜南隣餘酒伴
可許隔籬簷
向曉雨猶注荒荒
街柝孤呻吟兒女
疾汗漫夢魂娛翹
味了無惡燈花常
近誣幾時趁烟水
泛宅入菰蘆
憶昨雨沉發仙天
輦路深怒飛千澗
響愁集五更心高
柳雲端洵零鴉環
畔沈勞生成底事
鹿鹿近蹄泚

題于雲谷茂樹清泉圖

樹吹迴涼颼泉光寫靜淥
坐具移此間六月已無燠
當風一披襟臨流幾濯足
濃雲碧四垂下有萬條玉
泠泠無雜韻虛空奏琴筑
望遠吟自長心幽境逾曲
徇徇誰與偕水禽兼山鹿
斯樂樂未央眉須日增綠
灑然出世塵何處非盤谷
逝將車馬從昌黎詎免俗

哭妻兒四首

期汝意良厚慰吾情不踈
六年依薄宦午夜共殘書
對客眉稜爽臨池腕力餘
雅憐貧父况諱疾日餐蔬

昨歲南征速煩兒爲整裝
疋羸惟骨立離別更神傷
頽

柳漁詩鈔 卷六

五

死書重寄過歸喜欲狂
豈知行萬里終欠淚千行

清渴經春劇勞時伏枕
眠雨寒棹燭暈風涼藥
髓烟語向慈親咽牀
憑弱弟連斯人無死法
含涕問青天

未暇他鄉目難招故里
魂巾箱甯斷簡衣桁歇
餘溫於

邑空澆酒蕭條孰候門
祇須臨旅櫬一慟野雲昏

雨夕悼亡兒

短檠依舊照窗櫺
帙亂芸殘一榻中似有清吟
隨夜雨忍拋白骨伴秋蟲
魂歸那識關河遠老去偏
令涕淚窮十七年間何所
似欻然電影過虛空

圓明園雨中作

苑西墨雲峯朵朵十萬垂楊競婀娜涼螢啼罷鷺交飛
得雨池塘香細瑣翠逼絺衣潤未收水蕙花放野風秋
車篷歷歷出林際宛然綠浦迴輕舟輕舟來往何處好
暑退江湖悅魚鳥昨夜南牀有夢歸滿隄烟靄芙蓉老
都下有花名晚香玉者同年陳元若侍御索賦卽

次其韻戲題二首

一枕濃薰破睡來珊珊仙骨下瑤臺新粧向月情無那
小立臨風影自猜雲母窗虛爐篆冷雪兒歌罷簾文回

柳漁詩鈔

卷六

六

夜深有意看紅玉乞與梨花酒入腮

明河耿耿夜飛來照見星妃落鏡臺懶隨莫教清露洗
麝臍長自逆風猜輕籠紙帳涼初動悄伴銀燈夢欲回
憶到空閨人望遠寶釵斜墜獨支腮

次韻題汪上舍眉洲分綠樓二首

清影過短牆珊然挾風露愛此几席間綠淨無雜樹造
門人跡稀衆鳥自來去張琴向夕暉虛窗澗泉吐
森梢激回颺翠滴衣上露繞廬千百竿先人手種樹把
君瀟碧吟夜夢浮江去舊嶺有樓篁烟霞日吞吐

和傅謹齋侍御新秋詠懷

浙浙西風霽後來小庭殘葉晚蟲催身閒且中賢入酒
面冷偏宜御史臺思滿江湖成獨夢語回天地仗羣才
馬頭眺望新晴好只是浮雲不易開

君從退食種花忙我有詩逋懶未償解豸何須多識字
芝蘭畢竟互憐香歸心萬里秋天濶僦屋三椽夜雨涼
只待功成焚諫草便應相約賦還鄉

題侯若木侍御藕花小照

平鋪一片水雲紅細柳鳴蜩瑟瑟風貌得芙蓉湖上景

柳漁詩鈔

卷六

七

不知身落軟塵中

冰簟胡牀罷弈遲亂翻翠蓋雨來時一竿添我當軒坐
同賦蜻蜓立釣絲

六橋烟月冷青簾野夢長追鏡一墮愛爾水亭香沁骨
逸羣真欲不如髯

秋懷次元若韻

高樓無絃七尺桐亂葦涼月半窗中難馴龍性狂如舊
欲鬪蛾眉老未工南國音塵迷桂管西湖烟景憶荷風
愁懷絕勝陳無已閉戶吟成酒琖空

再次韻答元若兼贈其門生許念盛進士

琴材端合辨枯桐賞意移情水石中真見一臺兼二妙
從欲異曲亦同工清秋院宇陰花夕白亭衣裾落葉風
珍重韓張初會合酒酣搖筆語橫空

寄呈 予告總憲懷寧楊座師二首

三臺師亞相一疏乞閒身烏府冰霜肅龍眠卷畫其初
衣不壞色老圃有餘春幾輩南牀上悠悠魄後塵
憶昨勞行役星輅天末迴青門虛祖餞絳帳失趨陪社
許耆英結堂依秀野開何時親講席重睹舞鱣來

柳漁詩鈔 卷六

八

題謝偉人虎邱歸棹圖

山塘七里盪湖船葦白楓青雨岬烟曾記落帆逢暮靄
最難著墨是秋天人歸鄧尉花初媚曲和吳孃月共圓
偉人方歸要亦欲倩他高士筆鱣鄉寫我對鷗眠

題家南華畫卽次原韻

秋林策策葉初飛向夕鐘聲隔浦微指點亂峰蒼翠裏
瘦筇閒伴一僧歸

傅謹齋侍御遷奉天少尹歌以送行

事君不擇官當官不辭難東西南北惟所使如子竭力

承親歡況復繡戎衣我冠神羊威鳳趨朝端有犯無

隱天地寬遭逢明聖斯爲盛自比頑譏豈恒性吾黨傳
子獨也正觥觥嶽嶽面鐵寒於鏡南臺一歲著直聲直
不在言肝膽明天子動容宰相驚霜凝柏府清風生寸
誠感人無遠邇聞者想風昂首趾古來京兆資名臣汲
黯故應爲內史薊幽連亘形勝雄雲成五采騰飛龍長
江鴨頭綠高山木葉紅衣星射魚樂年豐澤以詩書之
氣禮樂之容萬夫脫劍齊歌風化行真不媿文翁酌爾
酒爲爾歌雪花如掌促鳴珂酒三行歌三疊旆影度關

柳漁詩鈔 卷六

九

搖落日迴首寢牀有故人填孤窻寡知音絕從教宦跡
兩浮萍文飲相於誰再必黃花歸思竟何如
君秋日咏懷有於人擬上陳情出帝鄉之句種竹軒窗清蔭虛遠西萬里夢天末一紙書
去家日以遠浩往奚躊躇丈夫立功在宇宙八荒四海
猶鄉間何況神京福地赫奕與王居

殤女

哭子還殤女潸潸老淚垂爾生何早慧吾行實多虧病
裏衣裯薄貧來藥物遲重泉難自達兄妹好攜持
訂盤遙設祭雨雪冷填村往日牽衣處空堦見履痕他

鄉三尺櫬小伴幾家魂時同卷以瘞殤者甚衆 恍忽聞呼母青燈夢後昏

題馮日虹明府課兒圖

讀書古蔡牀牀穿書未破斯事昔所孰用以志吾過阿符在城南簪龍堪指賀惜哉勸學篇韓公授窮餓經訓爲苗命厥子安肯播強令從朝裾長安塵垢累君家豐角兒崢嶸早驚座點筆向石闌明珠傾咳唾畫永樹交柯風清鶴相和雖足怡心顏何如老農情黃金不滿籬青瑣詎穩坐

仲冬

柳漁詩鈔 卷六

十

聖駕南郊大閱恭紀十六韻
寧盡平原催獵騎風高別苑擁 鑾輿農登萬寶田功畢上樂三驅武力餘步伐共循魚復陣拍麾全出豹韜書崑尤夾穀青霓卷列缺施鞭赤電舒千鏡光熒森組甲衆星環拱護儲胥天狼月兎空中墮野水寒林物外疎競發火燭飛羽翼齊抽霜鏐榮芙蓉露 恩豈獨單醪賜耀德偏宜表帶紵未數漢家歌汗馬還看籀史紀收車日暉開逐金戈轉雲彩閒隨翠蓋徐講藝風存儒

將舊舞干治接遠皇初韻流鼓吹清郊迥影絕機槍碧落虛四海龍影歸宿衛十洲麟鳳在周廬蒿呼雷殷南山麓 宸翰奎明北斗居大禮順時彰軌物 盛朝先事戒衣初從禽載筆微臣願賦擬長楊愧不如

盧孝子詩四章

蚺蚺蚺蚺取供父食得食病差弗得病劇父病兒安曷以視息潮水茫茫寧葬吾骨輪生天地不如蚺蚺有虎有虎在彼林莽 叶高張怒牙啖人如鼠號呼山神行子有父願緩須臾尋見父所子肉不足餐父心則苦

柳漁詩鈔 卷六

上

白刃可攫不可以傷父之生黃金可盡不可以傷父之命戕吾身兮一死已足傷吾父兮百身莫贖嗚呼見力竭兮繼以哭山川爲愁兮風雨爲慙

賊鋒凶尚可逢讒言構胡忍門虎不爾虐親爾警婦人之心毒於獸古來大孝在格親井廩雖厄全天倫全天倫孝乃純孝子慮不爲聖人不慮吾母終身聞

已未除夕

歲盡宵殘念昨非霜颺怒發爆聲微十年夢裏家還在八口燈前影較稀勞去我精神惟醉酒嫌人剝啄亦題

扉寒驅暗馬當堦立慚負熏香豸錦衣

人日立春

青苔牆角土膏勻剪勝裁幡觸眼新子舍光陰虛愛日
辛盤冷落向陳人詩成誰寄草堂客興發獨游花市春
何事道衡歸思切屢聞啼雁只逡巡

謝阮二激園惠蝦蟹

一冬澤腹堅南船膠不動故人千里來輕裝走塵鞍念
我湖海客漁郎相伯仲平生鰕菜腸未受羶酪中贈以
風所快如麇得爬弄壯螯入左手肯放酒盃空更聞水

柳漁詩鈔 卷六

七

母眼異國充贖寶器落忽登梓雙美一朝共多君平等
心有樂願與衆何必秋風鱸始慰張翰夢齒牙利鮮新
大嚼頗豪縱三復鮒議書斯味良可重江鄉生理佳常
蔬木自種得歸老菰蒲家食亦無營

春社齋宿臺中

瑤堊紫氣接宸居拂拂條風啟蟄初六府養民先土穀
千官從祀肅簪裾春生太液蒲芽淺月冷南臺柏影疎
慙媿微名題諫院皂囊猶有未陳書

午枕

午枕得閒夢晴山修遠客簾疎香穗卷雪盡土花濃樂
意吟春鳥生涯帶酒龍駸駸風物美塵外未攜筇

田贈翁遺事紀爲一琴少宰作

至人無畸行時窮乃一見惻惻痛定思拊膺有餘惋竟
貽沒世稱豈曰適我願咄哉古邵攸厥性類豺豸棄子
已不經繫樹事猶誕賊鋒可倖逃父手慘莫竄六字何
其寬畢命在枯幹天道詎難知斬祀自取患不見田夫
子幽光日月煥全家邁履巢恥揖羣醜面含涕視藐孤
九原同繾綣攜抱不兩存義割吾所戀兒生鮮常父飄

柳漁詩鈔 卷六

七

達任流轉一息苟自延不絕或如綫肫然天地心于茲
兼慈斷合浦還明珠良會誰能尊仁者信有後斯理若
操券所以三槐陰到今鬱庭院

咏燈爲二首和梁編修望東

馳光一綫風春輝萬里風前鷄火微落日崦嵫鳥未暝
疎星河漢鵲何依啣珠欲向丹洲度燒尾疑隨赤鯉飛
仰面烟霄人盡見可能排闥照天扉
倦翮都還夜景清月娥秉燭聽調箏青雲直上憑風力
朱鳥由來是火精流影敢徵王屋瑞放光長續佛輪明

最高縱被陽鳥忌絕勝螢燐草際生

齊次風同年移寓賦贈四首次周蘭坡檢討韻

門前車鐸響東東晚食閒吟退自公海燕定巢春過半
庭花流影月方中金門久滯憐飢朔紙閣雙棲喜質鴻
好在城南天尺五光連珠璧德星同

入室清風爲掃塵窺簾黃鳥遞呼春每思隙地種修竹
時復深杯中聖人蠶簡五千雲結篆龍香十二墨成賓
靜觀未覺吾廬小無碍乾坤自在身

雲卧山遊願已垂春衫猶得野風皆吟邊遠岫當窗落

柳漁詩鈔 卷六

南

夢後斜陽向夕佳赤壁千尋誰放展烟波一艇舊名齋

生涯總在虬蟬國日笑槐陰又滿階

十載師門締石交蕭條瓢笠寄僧包微材競入珊瑚網

接翼同登翡翠巢雄筆已成良史業慙章寧許後人鈔

會須款段尋歸路先着輕鞭趁柳梢

學韻贈周蘭坡四首

鴟鵂門巷日瞰瞰照眼花枝繞砌蓀昨夜吠蛙增旅思
何時連騎看溪痕貧來易使韶華賤道合都忘輩行尊
得近醇醪猶不醉天涯落落誰能見

掩徑蓬蒿憶故居平生托業在烟鋤鬢邊白雪頻催老
望裏青山不負余飯舍怕聞喧近枕歎虛容借手鈔書
殘春一事差堪詭百萬榆錢富所儲

纖纖月影下風廊小剎清鐘刻漏長此際簾櫳虛似水
多年圖史暗生香酒疎范老飛英會花冷裴公碎錦坊
不向西窗重剪燭空教鵲鳩妒年芳

出共輕輿入接茵長拋遊釣鏡湖濱瘦狂雅有耽詩癖
冷宦今爲乞火隣越水吳山勢寄想張南周北媿非倫
酒酣誤曲公能顧所地歌翻席上塵

柳漁詩鈔 卷六

五

陳元若侍御移寓賦贈長句

京華旅食逾十載時時課作移居詩移居住來亦何有
半車家具驢肩持巷南巷北同逼仄去此適彼樂不疲
非隣是卜宅是卜乞靈尺地猶貪癡長安故交十數輩
置身不定如奕碁屢遷屢遭僮僕怒散亂書帙翻餅甃
君今僦屋頗清遠古藤葢瓦枝紛披爲問往者孰居此
挈妻奔走官之奇五日京兆席未煖柴車歷碌趣歸期
付君舊巢待棲鳳蘆簾紙閣看青眉青眉久別音問遲
山重水複遠致之卽今相隔八千里夢魂夜夜過湘灘

願君勿爲兒女思此曹催人髣髴絲神羊觸那奮一角
義不反顧何家爲牀頭有酒但醉我興來懷古憶新詞
宣武門東塵湏洞雙扇板百不知藤花戎戎落紫雪
爾飲未痛非吾師

紫藤花歌

昔者韓公賦赤藤着壁瘦杖忽作蛟螭騰一條飛電閃
晝暈照手欲把重凌兢斯物到今吁可怪老鬚刺蒼森
羽蓋曼陀羅華撒滿空雨天十二成色界夜來天孫織
就紺霞裳浣以仙露纓鞋張石家紫絲步障無晶光可

柿浦詩鈔 卷六

去

憐枝枝擊碎珊瑚長此時玉缸坼美酒對君徑須傾八
斗蜂喧鳥咽春莫守蒼龍驚抱驪珠走戰罷東風力尙
支盤擎倔強鱗之而藤分願與花間赤杖長追隨狂香
沁入詩人脾慎毋自矜顏色好君不見粲粲袍綬皆戰
羈

題曹子大碧梧翠竹圖

一笠亭依百尺枝滿堦清樾露苔滋晚涼吟到襄陽句
正是梧桐滴雨時

玉函真秘出神樓水飲仙池最上流解道盛丹須竹節

數莖風篠早修修

庚子山詩盛丹須竹節畫藥用刀圭曹善長故云

贈阮裴園編修兄弟移居三壘前韻

讀書不限屋西東驚座還堪繼孟公
屋爲陳星齋簡計舊寓白眼放
空天地外清心收拾嘯歌中蕭閒門巷無旋馬迢遰鄉
書有便鴻夜雨牀頭兄及弟來游京雒十年同

小軒涼樾絕驚塵棣鄂輝輝四照春野興未忘攜屐地
芳時聊作曬禪人潘家輿服遙將母杜老茶瓜樂薦賓
循彼南陔多好咏退朝齊擁膝前身

跌宕圖書趣未乖疎簾清簟幾人皆西山過雨朝光爽

柿浦詩鈔 卷六

七

北嘯生風夏節佳荷芰江天浮遠夢魚鰕澤國憶荒齋
釣徒只合烟波老長愧隨君白玉階

風流最數竹林交三徑應添簿解包寮倒我方龍病酒
聯翩君更鳳同巢瑤華肯贈難爲報諫草都焚不復鈔
閉戶共謀栽樹法青陰早露出牆梢

題沈心齋獨石山房圖

鑪烟硯雨護崔嵬拳石分明衆皴堆忽憶南屏晴雪後
一峰峭絕入牕來

空青府裏玉縱橫誰似君家太瘦生奇石才人兩相向

依然天半見孤撐

歐陽節女詩

桂嶺高兮我我灘水清兮湛湛山川有時頽且枯卓哉
此發無弛擔一歲爲婦遺此離覆巢風雨號孤雌舅夫
及叔枕藉屍鬼燐夜照深林蝕相從一死何足異誓將
隻手指天地三喪歸葬躬卒瘞未亡之責夫豈徒俯仰
嗷嗷兩待哺白頭老母黃口雛飲藥食茶歷四紀教成
大儒貢天子良人地下聞不聞婦也事夫如事君但知
盡瘁完吾道成敗由來非逆料巾幗何心尺寸功哭聲

柳漁詩鈔卷六

時近黃陵廟嗚呼粵江湛湛山峩峩此發此節長不磨

送金嗣山同年之官慶雲

尺五天邊象應辰簪駢隨路喜迎人雙飛履跡臨無棣
九派河流會鬲津閒玩鷗魚官自樂徧栽花木手成春
蓬萊東望神仙宅散漫何如吏隱真

野黍秋風漠漠香非兮城畔綠雲長吟懷酒典歸琴閣
海色山光落印牀永晝放衙蘿滿逕中田課作露沾裳
臨風時聽循良頌不待三年奏最章

閏六月七夕同劉蘭谷侍御作

玉露金風不後時無端添葉上桐枝秋螢熠燿涼方至
夏簾琅玕畫尙遲人似黃楊逢厄運星從碧漢悵佳期
憑誰爲語雕陵鵲兩度填橋力可支

送齊首風歸天台

涼吹入絺衣庭柯鳴撼撼長安節已秋夢餘歸思迫之
子楚羈旅未若緇塵客棠花鄂不_平新兄弟兩怕憚難
燭手籤編對牀吟雨夕聊持燕市酒川寫離憂積無何
遂言邁驅車循舊跡津門疎柳垂烟空濟遠碧別緒重
徘徊西風餞帆席我懷天台山平生虛諾貴霞標千丈

柳漁詩鈔卷六

九

強石梁跨蘋壁何時採藥游扣君竹林宅

和程鄭渠秋夜靜感四首

完完白玉盤人言此蟾窟挂我古屋梁中夜清光發木
葉忽刁騷秋懷澹於月月落了無心天涯鏡華髮
小步臨苔階幽花綴殘雪涼颺一以吹衣裾晚香徹寥
寥清醒閒孤悵與世隔昨從詹尹卜吾寧自廉潔

野性百不求浮名苦爲累苑枯與升沈誰實主宰是大
冶成千將未堪用補履匣底夜光寒寶茲三尺水
西山屋角青夕暉相與遠何當連袂遊浩歌月中滿溯

上有家山曰歸歸尚緩愛來不能寢方牀徒展轉

題王暈畫

春山橫影入衡門稚柳柔桑綠映村屋角鳴鳩朝雨霽
遠畦烟水乍添痕

渺渺炊烟着樹疎人家半是水雲居小橋宛轉菰蒲岸
風景江南三月初

和杭堇浦編修丁香花下吟

開軒挹露叢春色粲於昔短牆日輝輝一樹矜標格芳
時不暇愁臨觴忘頭白溫然左右風殘英墮昔石舊游

博漁詩鈔 卷六

緬何許主人幾易宅十年復此過花應識來客

辛巳戊同年
史南如中翰

傲居此舍曾邀余共飲花下今忽忽十載矣

寄懷宣城令家晴墅弟

與君長安同逆旅出入相依若蛩驅失意春吟榜後花
有情夜話牀頭雨夜雨春花影自鞞衡衡聞寂斷輪蹄
如何忘我書來少豈不懷歸夢去迷丹鳳池邊聊托足
中書一官頭易禿襍敝更番倖直廬然窗取次攜官燭
微才誰分着鞭先石館瀛臺貯散仙逐影驚看騏驎步
傷心忽廢夢我篇蕭條老屋青山郭歸掩柴荆秋離索

洛涘居隨阿母閒瀧岡表待孤兒作三年雲樹夢兼思

百日京華會復離翹材詎合蓬山老鴻筆堪爲霖雨垂

聖主有懷唯赤子爾不思勤誰怙恃四野謳歌一室

琴風流爲政從茲始我日臨風憶謝公寒烟秋色滿梧
桐北樓詩思清於水知在敬亭雲氣中

秋懷

青天迥月宇衆木含商音蟋蟀傍我檐始知秋氣深攬
衣風葉下羈懷不自今中年易感觸哀樂兩難任況茲
時序衰寒城散清砧離鄉已華髮胡爲久滯淫 明主

博漁詩鈔 卷六

恤不才一枝栖孤禽卷舌默無語緬然思故岑

秋夜同體齋宿諫院

宵分月挂牖蟲語虛齋涼秋氣入古柏其色寒更蒼之
子素心人茲夕同南牀悲秋雖有懷不隨萬物傷一燈
詠清漏嗒焉爾我忘

送鄭筠谷前輩歸里

杪秋木葉黃寒雁盡南度晨飈感歸心翩然從茲去先
生古靜者淵懷百川注振筆蓬萊顛冰玉映清暑養疴
思林泉身退髮未素兩峰遙相望蒼翠空塵慮湖上雪

晴初笠釣野梅嶼萬類同熙娛長吟愜所遇願言操杖
從一叩象外句

送侯若木參議之衡永任

葉滿長安道人辭御史牀春暉明十月綠水汎三湘洞
壑塵氛靜笳簫晚吹長褰帷時望獄爲我弔詩狂
雲海盪胸處高吟韓愈樓疑山爭向背老筆更清適雁
影憑閣數驄嘶緩轡游懷君不可卽七十二峰桐

柳漁詩鈔卷七

錢唐張潛

海槎集上

庚申十二月三日出廣寧門作

朔吹搖行旆翩然出國門豈無離別意殊荷 聖明恩
雪影窮冬樹笳聲落日邨迴頭愁北望八口異方存

晏城旅舍有寄

颯拉酸風破紙條一燈如豆耿長宵莫言揮手忽千里
襟上淚冰寒未消

貧病相依守練荆臨分數語不勝情酒醒乍覺天涯遠
淒絕霜塔馬乾聲


泰安道中

徂徠雪後岫叅差高觀雜鳴碧霧遲東國大風迴海表
長安初日照松枝神房久祕金泥檢天關重探鳥篆碑
杜老一篇凌絕頂千秋無復岱宗詩

崔莊驛壁和姑蘇女子吳淑英韻

荒雞催理綠雲髮冷墮茅櫚月似環馬首琵琶能作語
好憑萬里訴家山

附原題秋紅塵裏小雙鬟萬里憑誰望嗚咽斷東風
聞杜宇一齊酒淚向青山



過羊叔子故里

啁啾村鳥還日夕廢隴古疎林暖微烟雪屋粲三五誰
爲羊祜宅但見採樵侶我懷命世豪聲跡託遐舉宇內
佳山川安往非吾土至今覲首碑歸然漢江渚

立春日鄒城道中

客裏盡殘臘東風來應期短亭傾蓋路喬木間官祠渾
樸山川舊荒涼烟火遲停驂借野老檐隙就紅曦

秦郵舟次

湖波浸空碧五兩風淒淒時見數行雁遠逐寒雲低返

柳漁詩鈔 卷七

二

景在茅屋霜林慘不齊漁舟何處歸歌聲暮綠溪露筋
祠下水未受黃河泥長與甓社珠浮光映虹霓

邗溝夜泊

春水初生瓜步潮戍樓孤角晚寥寥夢魂上下三千里
烟月淒迷廿四橋人到竹西歌吹盡雁迴薊北信音遙
無端又作滄江卧櫂冷燈寒奈此宵

渡揚子江

江千曉月昏濛濛江豚拜罷來狂風碎割駭浪萬里白
地雷倒擊淩虛空千帆倏隨飛鳥絕指顧全焦亦宛然

南朝如夢不堪思天塹長流承淚血終風爲暴怒益豪
龍豈蹴踏天吳驕舟子莫唱公無渡我生合與艱虞遭
人間何地不風浪自涉深淵更誰愴且覆杯酒醉江神
靜看靈旗高下颺

呂城

斜挂蒲帆雨霽行阿蒙城下晚潮生不知今夕是何夕
水曲數家聞爆聲

除夜毘陵舟次

星明水郭吠聲涼除夜孤舟昔未嘗兒女關心惟此夕

柳漁詩鈔 卷七

三

雲山滿目是他鄉寒樽自對青燈黯遠道徒添白髮長
何日椒盤同守歲朝衫熨貼試新香

元日泊錫山下

川上日華新扁舟絕四隣言尋名勝跡雅稱懶朝身清
磬水邊寺野梅籬落春此邗泉味美啜茗度元辰

第二泉和涪翁韻

率衣步麓開雲俱翠巖碑窳名積書謾謾松風聳清聽
石泉怒噴龍髯珠吳興五字秀而腴後賢有過無不如
竟日摩挲坐其下客忘繫艇山前湖

松雪書天下第二泉五字
六下蓋只吾邗包伊河先

生寺里陵屬良常王吏部虛舟作孽真書勒石泉石筆力蒼勁轉覺後來居上

遊秦氏園

入門散浮嵐水石各蕭爽樹杪見鴉巢東巖初日朗樓臺勢欲墜却立凜俯仰飛翬浸方塘春波平似掌石徑窈然深良足謝塵鞅胡爲蕪不治令我發遐想松陰絕無人微聞泉溜響坐久增忘歸孤雲晝來往

泊吳江

帆卸古橋邊長虹截水眠旅情隨曉雁春事到風鷺綠轉松陵樹波通笠澤船吳娃歌欲動眉月斬新懸

柳漁詩鈔 卷七

四

平望驛

望處家猶遠鄉音聽漸同鳥啼修竹外人種薄烟中日腳春帆白川光野寺紅最愁天乍暝殘柝散悲風

石門雨泊

細雨滴篷背吳歎愁夜闌還鄉仍是客對酒不成歡水驛維舟獨風燈照夢殘朝來一長眺烟景失層巒

晚泊北陸邨

一名雙橋

村景晚逾勝汀洲鳬鴨歸斷霞橫浦樹新月照柴扉帆落羣峰見烟空一笛飛他年謀小築漁舍劇堪依

抵塘西鎮

橋燈幾點水雲際戍角一聲春夢餘明發殷勤語津吏歸舟只載讀殘書

相江雨泊

富春江上雨濛濛帆勢依山宛轉通日暮孤村聞牧笛青蘼黃犢柳烟中

釣臺

高臺臨樹杪峭壁擁江聲到此真宜隱嗟余獨近名禽魚畱去客山水屬先生祠下披裘拜春帆帶雨橫

柳漁詩鈔 卷七

五

江郎山

亦名江郎石高聳雲表江山縣以此名

平疇春雨餘彌望淺深綠靜聞琴筑聲一水繞山足樵逕風冷冷畫眉語叢竹徘徊索賦嶺遠翠潑人目雲開見清瞰江郎喜新沐

過仙霞嶺和周櫟園先生韻四首

雄跨南疆第一峰雨消霞暎現芙蓉香霏客袖花餘濕水過僧寮唯自春竹色參天迷野望苔痕蝕雨認前蹤頻年于役勞登陟縱遇名山興亦慵

緣空一綫關危途彳亍芒屨倚石扶豈爲荔支親度嶺

偶依楓樹憶遊吳數之南曰楓嶺北有楓樹岡戊樓隱共雲高下山鳥衝

殘翠有無絕頂迴看嗟我僕松巖浙筍與孤

蛇盤鳥道極天長蟲蟲昇風繪墨張雪噴亂蛙溪浪急

春盈仙井茗芽香月池演漾當虛檻天雨續紛落上方

川底游儻清可數恍然身坐小滄浪

嘲戶溪堂曲折通杉篁漏處景瞻瞻數聲斷角寒烟外

一路清猿疊嶂中掃壁題詩遺蹟冷沿崖剝竹取泉工

蠻音日近鄉音遠海客春秋託燕鴻

浦城道中

柳漁詩鈔卷七

六

覆亭溪上橋春烟護僧宇橋下聽潺湲不辨溪與雨雨

餘山更妍照眼花楚楚山花何所名顏色似好女

清明日建陽道中

碧澗青畦一徑斜勃姑啼罷噪新蛙風風雨雨清明過

客路愁端是落花

縷縷炊烟出樹遲邨深誰問酒家旗秧針一望綠如剪

時有荷蓑牛背兒

延平津一名劍浦

豐城獄戶雌雄吼夜半寒光燭牛斗攜來此地聞驚端

雷霆相薄精銳走翻身飛入水底天星沈海變三千年

雙龍不出雷煥死灘聲嘈嘈何日止

常思嶺在福州府南

行旅常思處鵲啼未殘榕陰昏畫嶺海氣逼春寒土

沃爲農易言殊問俗難僕夫經況瘁勉爾共加餐

晉安道中

見說壺蘭勝山川豁眼明松巖樓鷺影雨際叱牛聲夾

漈餘書舍華胥近市城輶車攜客過晚翠一籃輕

萬安橋歌橋在泉州府東跨洛陽江亦名洛陽橋

柳漁詩鈔卷七

七

長虹之長三百有六十丈蜿蜒蜿蜒卧江上往來潮汐

不敢衝假波息浪白日潛魚龍盡驅海石立砥柱神鳩

鬼築成奇工一誠所至百靈聚古人有爲靡弗舉天生

賢傑不務爲其難灑沈澹菑之責將誰與洛陽風景今

有無森森大川天南隅雲濤蕩蕩滿滅飛鳧萬人於中得

坦途使我到此高瞻濶步忘憂虞易危而安舍舟而徒

吁嗟乎蔡公真丈夫

惠獻貝子功德詩八章寄呈德濟齋制府并序

自昔名垂海宇麟圖表蓋代之殊勲派系天潢龍

種推克家之雋望然而賢親未居極至斯庸展莫
必兼隆衛霍能軍孰是藩屏重寄獻元好古奚堪
鉄錢專征伏惟貝子學博三雍躬嫻九伐振無前
之旅捷若颺飛慰恐後之思望如雨降解衣推食
期甘苦之同膏犯暑凌寒歷險艱而愈勵集哀鴻
於中澤聲溢歌吟斬封豕於長塗勢銷犄角比戶
有更生之慶居然衽席行師元戎當畢志之餘壯
矣山河作氣九重致恤猶嗟禮缺勞還萬姓銜
悲弗啻情深失怙讀諸葛君鞠躬數語如見丹忱

梅漁詩鈔 卷七

八

憶祖士雅擊楫來時能無雪涕蒼山碧水叢祠之
俎豆肅於細柳軍容兩浙八閩下里之詩篇聊當
平淮饒吹云爾

宗臣廟算定嚴疆奕世盟勲帶礪長黃石書精餘枕秘
青油幕遠卽戎行 天家枝幹標英早闢外韜鈴決策
良受 命專征誰得似東山零雨古錡斯

橫海將軍下瀨船輕飛迅度訝從天鯨鯢盡掃波方靜
蔓草難圖勢更延直許奮身先士卒可堪帶甲滿山川
聞聲便慰雲霓望況復 王師出萬全

惠澤仁風卻戰氛恩懷挾績徧三軍梯雲冷闕荆榛路
渡水宵乘驚鷺羣疾苦再三親慰問尊醪取次愛平分
丈人正協師中吉馬首謳歌到處聞

勞瘁年年短後衣營門柳色幾依微嬰城屹立邱山重
傳箭齊驚霹靂飛七省藩籬爭海口三家苞蘖隕霜威
南天夜報平安火大將功成髣髴稀

計日班師頌止戈乘箕忽地白雲窩大星落處光芒在
羣馬悲餘涕泗多但有圖書遺敗橐空煩士女致虞歌
江山不改民完聚忍見蕭然丹旆過

梅漁詩鈔 卷七

九

餐風沐雨竭綢繆掩骼埋胔德意周半壁已成磐石固
一言不及子孫謀 帝深震悼思元佐禮備榮哀答壯
猷曾爲羊公同罷市豐碑積淚峴山頭

巍峩廟貌聳高旻鳥革翬飛藻采陳漠漠雲烟凝粉蠱
九九松栢歷冬春維新競鑄黃金像感舊猶存白髮民
往日柏麾旄鉞處山巔水渙肅迎神

紫泥書札鳳鸞馳 詔予賢良再立祠海國瞻依同怙
冒瑤林鬱積發孫枝香升俎豆丞嘗遠節制東南榮戟
移我亦州民叨履庇詠恩聊繼瓠蒲詩

泊澎湖

大擔門外渡橫洋羣山減影流湯湯天水相交上下碧
中間一葉凌波颺少焉紅溝映霞絕倏忽黑蛟噴怒墨
陸離斑駁異彩騰繪畫乾坤須五色針盤遠指天南交
蒼茫四顧心悄勞直上檣梢索西嶼亞班趨捷如飛猱
澎湖環島三十六歷歷人烟出漁屋未須滄海成桑田
結網臨淵食粗足我來寄泊媽宮灣舳舻屹立疑止山
三夜驚濤春客枕夢魂跌宕雷霆間海翁望雨憂如渴
極目園囿斷餘槩北風可但濟行舟喚起癡龍驅旱魃

柳漁詩鈔 卷七

臺灣雜感四首

高淡天墟括九州微茫一髮認流求臺地舊屬流求國風生鼉背
重漠黑雷奮鯢身巨島浮針路向空難問渡鐵礁拔地
不容舟顏思林道乾皆明幾輩蠅沙沒落日蒼涼赤嵌樓
千頭真聽草雞鳴石上流言識早成廈門僧橋地得古觀上有
諫文曰草雞鳴長耳大
尾千頭風拍水而起年減年上甲更始序小雞鳴太和千紀凡四十字讀者
曰草雞大尾耳即字也于頭衙甲子也謂鄭老龍以天啟甲子起海中為監
至康熙甲子而禁岸
小雞鳴萬年號也七郡連囚尤臂拍三江戰艦劇縱橫火飛
龍頰紅毛盡鄭成功掘得銅墩
曰龍頰無藥之者廳涌羊山白下驚刳運不曾
逾甲子俄看東海腐長鯨成功建臺灣海民思之有詩知讀者云此東
海長鯨也

青油紅旆擁風雲閩外專征兇甲軍窮島降帆爭獻璽

尚方 御錦遠褒勳癸亥靖海侯施琅攻克澎湖傳聞
歸降 聖祖解御衣并製詩賜之乾坤何處存

華髮妾媵偏能伴旅墳大師取澎湖明寧靖王術桂
投縊死妻妾從死者五人金盃不隨淋

雨出一杯蠻土野花薰

牖戶誰懷陰雨思春華忽謝刺桐枝康熙辛丑臺民朱一貴
作亂合郡刺桐不花無

端鴨母狂稱帝直為稀羣怒誓師潮長海壺頻得力癸亥

成陳迹醜酒還登五將祠五忠祠在安平鎮祀陣亡將備計雲等五
人

喜雨有作

柳漁詩鈔 卷七

上

龍潭一勺水散作四郊雨雷聲殷海天馮夷助伐鼓良

苗淳然興生意各栩栩累月憂心焚望雲首恒舉念彼

隴上氓沾塗願作苦赤日灼秧針泣視龜圻土婦子相

睢盱輟畊待官府官不為請命曷以稱眾父飛牒投神

官藉達天帝所步禱初歸來盆翻雨如許甘澍綠盈疇

積水可浮牯我將共番黎歡歌醉其侶

冒雨勸農豐韻

出郭天四垂墨雲挾狂雨勢如萬鏃飛作氣不待鼓彌

望青蔥龍物我同栩栩平畦漾穀紋犁鏵應時舉誰能

甘倚農自貽樂歲苦爲語蚩蚩氓海濱踐王土黃髮與
垂髫願勿入城府熙怡若桃源往來有漁父三時胼胝
煩勤焉豈無所況當膏雨餘霽車滿可許烟林布穀鳴
陌上鞭水粘米家畫圖閒坐覽簞笠侶

長歌送吳山輝還浙

十年遊跡半海內山高澤大目匪夷未知漲海以外更
何物夢飛不到身親之君也豈浪遊吾寧爲餓驅自開
闢以來環瀛絕島居人稀章步未經禹跡所遺蛟龍雲
落於此晦塞而變蜺吾與君奚以駕蜚帆乘鵬風歷水

柳漁詩鈔 卷七

三

程十有一更而南爲卽今海濤長吼秋宵遲枕上滄雷
生客思雖然斯地不霜雪奈何盈顛白髮慘淡偏如絲
朝來手君錄別句羈愁離緒不可支君行有日先我馳
我則誰爲苦繫維日歸不得歸寧袂相咨嗟且復進君
酒酒酣贈以詩重洋四望皆渺瀰慎勿輕潮狎浪矜吳
兒忠信波濤縱易涉願君且待水天如鑑月靜風恬時

九日集郡齋四合亭贈錢道源太守

把酒題糕興未孤仙亭四合譙清娛黃花舊里親朋遠
碧海西風節物殊畫永庭堦秋一鶴年豐歌頌野多稌

登高健足應猶昔醉上榕梁不索扶署中二榕樹橫枝成架名四合仙梁爲東寧縣景

辛酉除夕

庭芳會四時梅菊欣雜置更有小桃萼天然綴階砌風
光與昔殊茲夕情不異海靜宵逾長世遠身若棄吟椒
事如何孤嶼守殘歲燈前兒女樽情况入夢寐

水沙連

在彰化縣東北番境四圍皆山自山口入爲濶廣可七八里肩
二十里中有一嶼名水沙連番語繞嶼以居

團團孤嶼水中央稻熟浮田吠冷涼烟火渡頭移蚌甲
青山環映白波光番架竹木水上藉草承土以種稻謂之浮田蚌甲小舟
名以獨木爲之

劍潭

在淡水大溪泉社

柳漁詩鈔 卷七

三

空明潭影月溶溶向夜寒隨劍氣衝三尺枯蛟抱樹死
祇餘秋水繞加冬樹名高聳蔽天相傳荷蘭植劍樹上樹生皮包劍於
內不可復見

澄臺

在臺南道署內高拱觀臺建清波浩渺島嶼參差悉入望中

澄臺上下樹婆娑滿目殘陽動碧波天水無垠同一氣
風帆如葉島如螺

五妃墓

明寧靖王妃袁氏王氏秀姑梅姑荷葉同殉王死葬於邑之仁
和里

瘞玉埋香骨未塵五妃青塚草長春雲寒孤島魂相聚
直抵田橫五百人

夏日得雨同書楸邨給諫賦

輸粟重洋役汎舟濟時方畧愧前籌萬家聚島如孤旅
三日爲霖解百憂聲振地雷橫出海勢分天漢倒懸流
會須斗酒從田父叱犢村中看綠疇

勸農答贈何尙敏總戎

郊垌小隊逐元戎碧水青疇曲曲通昨夜詩來燈影下
新涼入山雨聲中民依土物原知愛宦跡天涯不易同
笑看君揮羽扇風流猶是舊文雄

和書楸邨勸農韻

雨泥輿騎海城東野磬炊烟竹樹叢一寸遙青山寫影

柳漁詩鈔 卷七

高

千畦淨綠雨爲功扶犁父老沾醇酒比屋雞豚見古風
好待如雲秋稼熟來看高廩共歌豐

遊海會寺次楸邨韻二首

山郭雨初霽招提忽入來寒雲流梵韻濕翠上蓮臺鉢
爲投詩滿扉緣慙客開催耕餘好鳥人靜語林隈
野趣自清曠豐年情不同泉新茶碗碧火宿石罍紅眺
海三層閣栽花半畝宮息心塵外賞遠嶼夕烟空

澄臺小集疊韻

澄臺嘉榭密戎戎醉後憑高四望通島市別開帆影外

天垠純浸水光中迢遙親舍孤雲擁浩渺予懷碧海同
日午南薰方薦爽當風不復辨雌雄

秋海棠和秦蘭谷

闌干幾曲雨苔侵色效川紅苦不禁墜葉罷飛空砌冷
流螢微度古牆陰嬌柔自惜傷秋骨黯淡誰知怯露心
若問斷腸當日事粉痕和淚尙潸潸

七夕范松浦郡守邀飲榕橋下書楸邨給諫卽席
賦絕句余與同人既走筆和之復成一律仍用原

韻

柳漁詩鈔 卷七

圭

莎廳風露灑新秋高跨榕梁豁遠眸綠水不波涼榭美
青雲得路亘虹修天涯樽酒星同聚月地車帷夕共游
三匝巢林餘倦翮無煩鳥鵲到橋頭

臺地自來無鵲載郡志

香烟與蘭谷同賦

寶鴨金猊氣郁紛晚蘭清味靜中聞臨風細做雙鉤篆
伴月濃歔一穗雲旖旎向空橫岫影溫磨餘韻映簾紋
十年畫省依荀座記否朝衫侍女熏

秋夕

向夕生西風一雨洗殘暑橫眠古竹林家遠夢亦阻蕉

影入戶涼秋燈照蛩語

滄波催白頭作客老未慣酒醒海月低庭虛曙星繁夜
夜五更初角聲似孤雁

秋雨吟

秋雨淫淫不可止堦前積潦產蛙子海聲吼入鄉夢中
錯認錢唐夜潮起土花延碧上我牀螢飛深竹寒無光
風生葛衣旅髮白漏鼓不鳴淒永夕挑燈坐聽勿復愁
夏時一滴瓊膏流

積雨書懷

柳漁詩鈔卷七

六

吹浪鯨魚匝地雷門局碧水鮮花堆情緣一雨分憂喜
信隔重溟罷往來蟲韻入窗秋燭冷漏痕侵枕古牆頽
披襟中夜聽殘溜小篆銅爐自撥灰

咏芭蕉

無妨修竹共閒居亞字牆頭午蔭餘白日冷隨磨扇盡
綠天濃映寫經初雨窗攪夢千重響秋館緘愁一束書
多事詩人謂畫本偏宜雪後著蕭疎

病枕

騷屑竹窗雨殘簪依病身魂清餘遠思室靜有微呻土

藥焉知性秋宵不向晨絕憐人境外與僕是吾親

病起邀書楸邨給諫蔣師垣上舍同過海粟軒觀
劇卽次見懷原韻

寥次晴空海外天清齋蘭菊共幽妍身辭故國輸秋燕
病人西風感暮蟬對酒那知蠻曲誤逢場肯厭燭花偏
黃茆屋底宵如歲願廢先生半枕眠

小春紀夢

暖風十月拂蕉衫花底攤書屋似龕絕域光陰輕過客
匡牀魂夢事幽探杳鳴榔戶泉聲古日照山樓木葉酣

柳漁詩鈔卷七

七

省識遊踪猶在世白頭應著舊烟嵐

僧石峰和余遊海會寺詩復呈一律依韻答之

知時好雨灑芳川閒試僧爐洗鉢泉一派海潮空外響
滿懷冰雪句中傳雲生樹杪鐘樓晚鳥步花陰石徑妍
笠屐何當隨野衲秋風歸旆獨悠然

北巡紀行四首

地高風稍勁晨發凜如秋海氣山頭霧番居竹裏樓衣
冠移裸俗耄稚並嬉遊歲晚閒邨落青畦豆葉稠
輶軒臨北鄙問俗首諸羅彩輓迎與舞紅裳蹋臂歌野

芳增髻飾官酒恣顏醅懷葛今何遠淳風此地多

綬餌充庭寶盤匝列馬前雙螺秀花竹半線畫山川

雙螺

半線皆地名月靜吹簫社涼生被氈天嚴更休太急土窟幾家眠

大甲東西路灘聲不忍聽雪濤天際白雨岫晚來青累

卵深谿石編茆遠戍亭誰非行役者辛苦獨番丁

茅港道中

持節番寮往復還海聲溪韻共潺湲紅蕉徑裏居人少

紫蔗田邊牧豎閒小隊駸駸投野宿前旌冉冉渡沙灣

柳漁詩鈔 卷七

六

夕暉澹着倪黃筆一抹平林數尺山

和喝能上人長至韻

六琯飛灰動一陽宵分未減晝陰長叢篁鳥語官齋靜

小榻恭聲佛火香城外遠遊頻改歲鏡中新髻遽成霜

已公茅屋吟詩處早有梅花映水光

楸邨惠鵠卯戲賦短句爲謝

盤寫品丸轉未停弘成吞處石光熒

弘成子人授以文石如鳥卵吞之遂成名儒

如插羽凌風去碧落新晴聽遠鈴

日日開籠放雪衣海天難得寄書歸祇教早脫將雛苦

化作詩腸白鳳飛

祀竈詞

海風刁騷西日暝爆竹滿城獨客警送神何歸云上天

雲車颺馬相騰騰膠牙餚果鵬尾耐飲食媚神術不售

居高聽卑天耳聰竈君有言長落後安用黃羊致暴富

壬戌除夕

一枝殘燭對羈人絕徼山川去國身多歷歲時知已老

強同樽酒孰爲親椒花遠夢紅爐會蕙草閒庭碧海春

天與離懷博詩趣朝衫脫盡六街塵

柳漁詩鈔 卷七

九

癸亥元日試筆

又從海國度王正物態熙榮協氣生隔歲梅花香筆格

先春小雨拂簾旌閉門索句無多事把酒聽鶯第一聲

雨歇蕭閒塵俗外可知懶癖是天成

海濱

海濱槎客舊吟曹領畧春風上繡袍佳色一簾花掩諸

孤踪萬里水周遭未除言語頻焚藁豈有英雄慣捉刀

客裏流年容易度手持漢節尙餘旄

讀蘭相如傳書其後

一堂岳瑟願交陳
拊取樽前血灑塵
廷叱強秦渾不懼
引車時復避同人

等閒嫌怨且全拋
兩虎何堪共怒哮
舉國無心完趙璧
祇疑廉蔣是私交

立春夜記得四首

東風花市遠移輪
十度京華探蚤春
記得城南聞女伴
連宵擗鼓懶比隣

朝雞齊唱二更初
竹影空齋自校書
記得傳柑春燕散
玻璃燈裏看紅魚

柳漁詩鈔 卷七

三

佛桑庭下露盈盈
舊夢難追隔水程
記得踏歌人靜後
油窗坐聽闌牌聲

膽餅清供一枝梅
新月如珪照客杯
記得彩幡頭上卸
粉香輕逐落英來

上元前二夕范松浦太守招飲郡署即席有作

佳節傳柑勝事多
雙榕橋下粲星河
纔逢瑞雨如珠灑
却訝仙槎犯斗過
彩耀銀燐春不夜
光連貝闕海無波
黃堂一夕琴絲動
萬井同賡麥秀歌

次夕劉省齋觀察招集澄臺疊韻

霽後華燈較月多
環臺澄景象銀河
十千酒美難辭醉
三五宵良肯放過
海國魚龍爭曝采
春田雨露盡涵波
藉君閣上青藜燄
來照當筵擊節歌

上元夕同書給諫飲使署再疊韻

雙持使節閱時多
星斗同躔不隔河
飲伴那須離外索
燈輝可但壁間過
吟春好句分紅紙
卜夜深杯卷白波
今夕故園無夢到
天涯隨處有笙歌

十六夜郝郝公方樂只
兩司馬楊御章鄒義章兩
明府復招集郡署三疊前韻

柳漁詩鈔 卷七

三

瓊臺璧月曙光多
彷彿羣真會絳河
客未及瓜姑且住
遊當秉燭願重過
百年喬木西棠蔭
五夜華裾映酒波
要識陽春今有腳
蠻童騎竹唱新歌

二十一夜何尚敏總戎劉省齋觀察暨文武諸君

同集使署四疊前韻

宦轍休誇涉歷多
一經觀海藐江河
陸中有談江
河之險者茫茫大地
東南滿落
落同人旦晚過
花趁暖風春有信
酒盈衰面老迴波
漏遲燭暖他鄉夜
怕聽艱難行路歌

何總戎署讌集五疊前韻

儒將胸中斗宿多洗兵舊雨挽天河高城四面容春入
晚角雙吹喜客過座有麒麟堪寫照川無蛟鱷久恬波
裘輕帶緩風流甚細柳旌門奏雅歌

荅書楸邨病懷六疊前韻

聲浪層巒相間多夢歸不獨阻關河思家念慮勞安頓
習靜工夫易錯過

安頓思家念緒磨習靜功夫詩中語也

蕙葉生烟籠藥鼎梅

花和月落簾波老來陶寫惟絲竹莫負瓊瓏子夜歌

楸邨送蘋果賦謝

重裘筠籠寄海南封聞未減樹頭甘年時最解相如渴

柳漁詩鈔 卷七

三

玉手搓香酒半酣

百果璘璘菜市東蘋婆顏色似唇紅

蘋果色如佛唇見目下舊聞

上方仙

品三年別今夜清芬入夢中

遊彌陀寺贈喝能上人

宦跡重濱外游情半日閒妙香禪室靜古樹烏音蠻種

葉常書偈畱雲早掩關稍聞烹水法容我坐苔斑

何必遠城郭已空車馬塵因心川共逝觸指月如輪客

愧乘槎客僧兼賣卜人此生期再訪幽夢或通津

畱別書楸邨給諫及在臺諸同人卽次原韻

如水臣心到處清圖書歸載海航輕跡畱鴻雪三年過
韻叶墳荒一氣鳴送客自嗟誰不逐離杯入手我先行
白波赤嵌斜陽渡回首蒼茫無限情

柳漁詩鈔 卷七

柳漁詩鈔 卷七

三

柳漁詩鈔卷八

錢唐張 瀟 鷺洲

海槎集下

再泊澎湖

橫風北來阻歸權海水起立魚龍嘯澎湖浮嶼出雲濤
留我重宿來時澳一過再過豈所期人生去住殊難料
六代山川江以南峰堪結屋幾堪釣欲置閒身入畫圖
如箭風帆虛遠眺此處青天淪白波鯨眼搖光日無曜
稀微烟火幾漁家寸樹不生人罕到前年寄碇西嶼頭

柳漁詩鈔卷八

旱氣蟲蟲沙石燥今年復此枕潮聲墨雲頽頽風雨暴
往來行路只艱難我實不德躬自悼萬里君親旅夢殘
水禽格磔啼神廟明朝天意復何若霽月忽從艤際照
屏軀縱便得生還一夜驚愁髮爲皓

海上東寄臺陽諸友

信宿澎湖島新晴趣放船七更針尾路一碧浪中天往
跡俄成夢歸期此尚懸黯然餘別意東望渺雲烟

抵廈門

落日千櫓集鳴鑼入鷺門風微舒旆影听古積潮浪晚

市星辰亂高岳虎豹蹲迴頭歎浩淼吾命偶然存

惠安道中

驛路榕陰翠欲迷山泉雨後盡歸溪虹蜺壓浪四千尺
擺極翻雲十萬畦古塚無人眠續放晴川極目去禽低
多情最有青衿子祖道離樽越海攜

興化口號

壺蘭風景小姑蘆綠淨陂塘幅幅蒲誤認桃花映籬落
黃紅裙影水邊妹

渡烏龍江

亦名陳江

柳漁詩鈔卷八

夕雷峰頭變江光樹際明青時雙羽白遠浦一帆輕雨
漲邇逾冷農忙婦亦耕僧廬聊野飯今夜宿榕城

泊水口驛

才從大海衝風過又向孤篷聽雨愁人命輕於離樹葉
世途強半上灘舟絕無消息通黃犬那得心期託白鷗
鳴榔一枝烟裏急寒溪不斷亂峰稠

黃田驛書事

灘聲喧急雨雨色頽古听我征一月餘淫霖達宵旦水
行篙櫂危陸行橋石斷禾頭儼生耳高下百川灌彌望

波汪洋得勢長葭亂斗米三百錢客舍絕烟爨忍驅菜
色民含饑敝肩胛昨宿水口驛山泉肆漫漶哭聲盈水
中屋瓦隨流散嗟哉魚腹遺餘生復何竄我時心傍徨
廢食仰天歎徒聞古人言吉凶與同患使者愧採風衣
繡顏有汗安得鄭俠圖歷歷繪鴻雁

延平道中

夾岼影蒼蒼蒹葭帶雨涼龍精沈極浦鼉首斷高梁
橋俗名邱墩萬石灘尤險孤舟夜較長醉眠過黯淡我亦
橋全毀於水未焚香前曾過此橋時云云去歲春賦諸後應知廟裏有神仙世間不作吟
心事猶淡澹頭顱何暇

建溪行
三

建溪水怪石更惡水石舂撞森劍鏐疾雷奮地蛟鼉壑
萬馬脫韁奔且躍兩槳筏舟似紙薄小灘纔過大灘閣
長繩共挽走嵯峨榜人殷血迸赤脚隔林絕叫斷雙竿
尺寸未進千丈却前船後船色駭避陰雲頓虧天宇廓
喃喃佛誦齊聲作性命可憐風擺蓀伊余同床夢豈各
未及黃泉差自樂平生家宅水中泊几研圖書儼猶昨
銅斗歌殘一嗚噓從教飛沫濕衣襟彌陀石柱了無着
安用蓮花工刻鑿

甌寧道中

細路蟲聲蒼多年樹腹空石憑荒蘚潤泉向缺畦通邨
遠食常晚暑深衣尙蒙明朝何處宿令節誤天中

五日建陽道中示柴二令聞

溪邊蒲艾綠於苔小摘芳馨近客杯十五年前堪一憶
明湖醉逐水嬉來

七姑村名野店斷春暈簷裏難充角黍香莫笑邨家忘端
午漁童校豎額塗黃

水吉驛早發

四

好風西郭雨初晴款款籃輿入畫行村確自隨谿水動
戍旗時帶嶺雲輕半塘蓮葉蜻蜓宿千尺松巢鷓鴣鳴
尚聽龍牙灘勢怒平洲洲畔未能平

浦城道中書臨江店壁

無石猶名嶺地名石嶺實
平坦無嶺餘溪并作江路岐墟市早人衆

語音厖紺寺烟中磬清波竹外艤行行離閭嶠客使入
鄉邦

過西王嶺有懷書給諫嶺舊名西惶

萬級不到頂半空絕無譁氣應通帝座名轉讓仙霞飛

烏崧俯拾歸雲忽平窪惘惶一長眺庶見東海涯

憇楓嶺作

楓竿雙嶺接閩浙一亭分盈耳但流水濕衣不覺雲層
巒圍遠翠修竹冷斜暝絕頂憑虛坐詩聲下界聞

再題仙霞嶺

千盤石磴薄烟霄黠黠松杉霧未消山隙屢添樓稻畝
雨聲多在度溪橋清泉餉客僧居冷瘦竹扶人鳥道遙
着意微吟補小紀未應慄叟擅風騷

所著詩也

周櫟園過嶺詩四章余平
西嘗次其韻闕小紀櫟園

柳漁詩鈔 卷八

五

江郎山

頃從海上遊神山朝暮見歸來問江郎浮雲障故面詩
語破天慳排空力餘健孤峰初筆卓忽裂天一線對插
雙玉簪碧色漸明荷須臾曲足成太虛卻羣變炯然鏡
開函不假微風扇攬身寥廓上江光曳遠練笑拍三郎
肩一一適我願

自清湖舟行至錢塘途次得八絕句

瑟瑟涼蟬五月風半篙新水靜磨銅山光齊向篷窗入
白布颿依綠樹叢

月出東林暑氣微渡頭燈火雜星稀輕舟偏趁奔湍下
一樣灘聲客思非

雞鳴兩岬見人家水面殘紅幾縷霞可但翠屏宜晚對
朝暉夏木最清華

白鳥羣飛下綠蕪蘭谿郭外水容腴斜陽塔影隨波動
粉壁丹宮着色圖

桐樹垂垂雨乍乾畫眉聲裏過嚴灘水清魚白船頭坐
此際誰能忘釣竿

雲聳雙臺萬古青先生祠下水泠泠狂奴一足干天象

柳漁詩鈔 卷八

六

辛苦乘槎豈客星

村兒日夕浴清波不放烏犍浮鼻過一曲板橋垂柳畔
別開小港養新荷

漁舟箇箇繫枯椿黃篾樓高月滿窗何處笛聲臨水弄
晚潮初會富春江

匝月

匝月淹留未覺長羞將塵面鏡湖光舊時遊釣誰同在
昔日兒童半老蒼冠蓋漫勞趨故里脣霜偏使直親牀
淚珠寫作陳情表莫補蘭陔詩一章

石門舟夜

旅思不可却，況經離別初。
秋容川上月，夜唱枕邊漁。
白葛凝殘淚，青燈夢故廬。
中宵愁輾轉，江驛皂林疎。

虎邱夜月短歌

吳俗重秋山，吳娘愛夜月。
今夕了無絃管聲，月在山塘散清樾。
霸塚銷沈虎情死，老烏啞啞寒哺子。
青壁攙天洞壑陰，烟中石立狼如鬼。
石如鬼，劍長埋千年腐骨化。
蘇苔僧龕火冷，鐘斷讀館娃宮邊野狐哭。

登金山寺

柳漁詩鈔 卷八

七

振策向空際，清秋萬象鮮。
鐘魚沉白浪，城郭散蒼烟。
地拔寒蛟宅，人行古木顛。
我憑觀海日，一覽小江天。

泊邗溝

江柳江花逸態生，雷塘一曲暮烟平。
夢中愁煞揚州客，明月橋南玉笛聲。

秦郵七夕

烟郭夕鴉零，孟湖入杳冥。
涼秋管獨夜，野水耿雙星。
夢繞高樓幌，愁深古驛亭。
瀟瀟風露下，蘆荻不堪聽。

淮南作

帆落淮南正，夕陰板橋風。
色襲涼襟沙，肥紫蠚水痕。
下月暎黃蘆，秋氣深有用。
文章虛七發，無情酬荅重。
千金感時不獨隋，堤柳滿目凋傷楚。
客吟

寶應晚泊

森森射陽湖，金波搖不定。
半規赤日沈，雲容晚逾靚。
坐對思連然，魚鳥適野性。
呖草承露光，秋江人語靜。
孤樽發浩歌，與物澹無競。
月出天水間，虛空碧於鏡。

山陽夜泛

淮流望不極，烏榜御風乘。
客袂秋生早，邨春夜響增。
鴉啼千樹月，水擁一窗燈。
莫聽山陽笛，離人獨寢興。

柳漁詩鈔 卷八

八

清河口二首

本泗水舊屬邗州

渡口喧喧晚，聞開甘羅城。
下水聲哀西，風天際帆千扇。
都載黃河落，照迴

楚歌聲咽濁流中，夜錦無還霸氣終。
忍爲項王求故里，當時父老哭江東。

宿遷道中

清淮濁泗遠分流，百丈橫牽水上游。
露外蒹葭明野呬，燈前蟋蟀入孤舟。
藥扶衰骨親幃冷，詩伴離魂客筆秋。

下相城東對烟景思鄉懷古白人頭

下邳書懷

嶧陽秋望樹依微浙浙西風吹芡衣千里逆流舟獨上
半天殘照鳥孤飛臺前戲馬雄風舊圯上傳書怪事稀
老我江淮稱客使節旄零落不成歸

憶歸

傳舍更暑寒川涂竟南北長征已三年雙鬢成雪色昨
者過里巷私入懼非職病父呻吟牀頭慈母倚門側鳥飛
繞舊巢安能不止息乍歸喜復哀軟語涕難抑別久故

柳漁詩鈔 卷八

九

人稀而生嬌女匿杜陵苦爾曹老境羣相通紉針爲補
裝烹雞與設食一月廢宵眠秋燈話唧唧忽焉襍被行
分攜在頃刻門外就天涯程期杳無極牽裾不得從目
送兩悽惻清夜夢還來關山待同陟

臺莊小泊

銷日漁竿信手拈輕舟坐釣笠垂檐夕陽野舍鳴牛鐸
秋柳長堤動酒帘上下天光千頃碧西南月出一鉤纖
遙空未了青山影歷歷龜蒙魯所瞻

薛城有感

蕞爾田文邑淒涼古墓沈幾人能市義一曲早噉心客
散牛羊集城空草木陰秋風鳴薛水猶似雍門琴

滕南卽目

低徊膝席地久客愧知津山好真如黛花殘不比銀錢

牧翁詩話中

魚鰕成野市鷗鷺近吟身聲嘶荒城柝紅暉散水

濱

南旺分水閘 有龍王廟

南流健於帆北流疾如駛神龍奮爪鬣凌空擘秋水今
宵好揚舠飽飯柁樓底雙棹擊流光齊謳迎月起羣峰

柳漁詩鈔 卷八

十

潑眼來欲泊不可弭直下趨濤沱一瀉足千里迴頭眺
汶陽烟靄亂青紫七十二泉源潄然泰山趾

雨望

日華澹欲歛小雨秋霏微蒲柳映天碧烏鳶迎棹飛水
鄉鮮菜賤村舍緯蕭稀悵悵恨西風路年年游子衣

夜泊東平

城陰秋草逐烟生倚棹河橋數去程孤客有懷皆黯淡
暫歸如夢未分明一川雨黑漁吹火五夜邨虛鳥報更
魯酒不堪成薄醉眼悲殘壘過東平

晨起望梁山

小拓篷窗露氣空汀洲草滿睡鳬翁曉峰一角白雲外
秋夢半牀孤榜中近水村莊多繁姓依山盜賊有遺風
千年浩劫滄桑異合使車塵塞渚宮

次鉅野作

西狩堙前迹清涼洞易迷螭蜺秋露塚薺麥晚風畦大
野山河迥長征歲月磨道窮寧日我千古泣麟兮

東阿晚眺

夜靜關河夢獨勞柳塘風物漸蕭條遠帆如定水雲合
柳漁詩鈔卷八

寒樹欲鳴星月高石隱穀城何處訪山流魚梵幾人遭
建安才子音塵歇苦憶劉王絕世豪

夜過東昌

魯連不復見烟冷射書城羣樹鳥俱息一舟人遠征橋
燈圍雨色戍鼓斷河聲誰信離懷久纔經古博平

秋燕行

舟中見雙燕掠波而飛屢近余舟似相告語者

作秋燕行

秋燕向客語當秋胡不歸誦誦三五聲客淚送秋衣我

亦欲歸歸未得行盡江南又河北燕先秋客憶鄉園客
輸秋燕無羽翼中流一棹日嘔鷗細雨微風幾落花烏
衣舊巷儔侶少飄零肯入尋常家卽今暮景涼於水衰
柳棲鳥啼不止山川如此不知還幕上梁間總愁死燕
燕且勿喧前聽秋客言夢中曾有飛雲軒玳瑁華堂羞
託足紅衿紫領輕翩翩只愁歸去仍作客不逐秋風逐
春日捲簾誤認主人恩飛向重門難得出

泊清陽驛

遠道書難至牢愁酒不勝夜涼依水柵月靜看魚簪柳
柳漁詩鈔卷八

濟陰書感

浪驚千疊峰陰忽幾稜可堪無寐處孤驛鼓聲登
河流幾曲繞高唐望極聊東古戰場落日孤城烏項白

西風廢圃蝶衣黃絃歌閒靜言游邑棟夢飄零崔郎堂
脚扣兩舷乘夜去幽幽秋水關龍狂高唐州有鳴鶴河

武城絕句

琉璃簾竹卧秋冰太白光浮酒數升夜過武城還一笑

絃歌臺下權謳興

清源驛

清源聊弭楫小景逼吳天夜火撈鰕渚風帘賣酒船
虛鴉滿地柳老蜚嘶烟爲愛孤篷好川程滯半年

巡更夫

雨色冥冥藏古岬更夫怕巡荒柝斷水天交黑夜何其
妖蛟潛起吹燈時攪林腥霧已四塞土屋半間隨樹敲
寒呻餓吟抱微影人跡絕無川自永我僕爛睡鼾聲粗
酒醒勿打巡更夫

守閘夫

高岬削鐵石稜稜三版俱沒波洶洶閘夫夜守敢疎冗

柳漁詩鈔 卷八

雨濕蕪堤泣秋葦昏黃一舸何處來水關橫截鎖不開
須臾檣竿似林立牢落天星曙難急雞鳴未放閘夫眠
閘吏起索沽酒錢

次滄州二首

南海人歸北海雲眼枯頭白恨離羣一宵縱飲麻姑酒
何似中山千日醺

中分城下水周環笑指瀛洲杳靄間猶勝秦時小男女
相從采藥不生還

偶閱西湖志有感賦四絕句

玉帶金沙改舊觀丁家山塢萬花攢湖邊居士天涯老
十五年間兩度看

卅幅圖經當卧遊紅橋歇馬柳維舟滿天金粟無人拾
蕉石山房正好秋

當年館局枕山開舉舉江東名俊才我若分毫寫西子
也能粧抹雨晴來

油幢終日駐明湖開府風流近代無太息種花人去後
危亭曲榭半烟蕪

興濟曉發

柳漁詩鈔 卷八

燈明村舍遠露白曙鐘初無事且高枕有情惟故書蹉
跎秋過半憔悴柳同疎抱葉吟蟬靜知時我不如

河間懷古

滾滾黃流入海奔九河故道渺無存柳風冷拂條侯壘
雲氣低垂鉤弋村射策明廷虛帝佐購書華館負天昆
武垣最近沙邱路說著東巡便愴魂

將至京都書寄同人

三年狎海若百怪入吟課視濶步不恒衆吊已獨賀況
復居止好軒窗絕塵澆桐陰覆四隣竹苞粲萬个芳春

無時休綠盛紅未墮叢書几拂閒鳥語每忝座所恨知
已遠高唱寡屬和以此孤月庭乍暝輒就卧泊乎上歸
航龍伯威屢作去聲颶風自北來春天波浪大真茫針路
失舟師急呼佐雖曰仗平生吾氣亦少挫浹旬始抵岬
拔足出坎珂一笑諸僕從勿藥愈噦唾無何苦雨淋橋
斷不可過山水漂禾莖不辨稂與稊衣裳積蠹微徒御
號寒餓復落三版船局縮事跌坐驚灘振如雷一葉恣
掀簸石罅門怒牙布帆嗟半破當時只狂奔境去思轉
悵歷盡千郡籤行跡蟻在磨靜念佳山川宇內數江左

柘漁詩鈔 卷八

左

疾趨若避仇顛倒情何那自昨渡淮泗遠望塵坵堞耳
邊韵當郎古道見鈴馱漸欲背川涂經營到秣莖燈寒
伴壁蜩吳淦歲同磋餘魂繫烟江時或夢振舵作歌告
端公庶幾哀我痺

河屯小景

黃茆臨水屋白荻種花籬雅有雞豚樂何妨兒女癡酒
香新黍熟魚動小竿垂卽此離入境相從學圃遲

次靜海縣

向夕清州路津門野望賒潮平千里月鳥散一天霞邨

樹藏孤驛城烟出斷笳漁巷人影外秋老荻初花

舟夜大風

敗葉蕭蕭下清颼萬樹顛蟲僵寒夜客鵬退北風船燭
影窺孤夢波聲撼醉眠淖沲纔八月已似欲冰天

楊村驛寫望

幾樹婆娑在鴉歸返照明水邨孤犬吠烟隴一人耕草
白沙成岬飽黃屋對衡漁家齊曬網門外小舟橫

復效竹枝體四首

幾家茅屋傍垂楊小集人歸落日涼昨夜豆畦秋雨過

柘漁詩鈔 卷八

去

井牀還聽轆轤忙

土牆宛轉版扉幽古樹敲斜獨繫舟蒲老儘教編作席

滿塘鵝鴨引雛游

荷泥補屋密層層新酒如銀活火蒸馬乳葡萄桃羊角棗

庄家穀核只論升

清秋相約賽神祠林外風高見卓旗村巷忽驚兒女笑

共扶紅袖跨驢遲

丁字沽

雲水縱橫合風帆向背行朝宗來萬派歸使去兼程汗

漫經岐海艱難達上京丁沽還問渡一辨雍奴名

津口見洋船羣集感賦短句二首

烏夷萬國從 王會槎客三年寄海壖親向無諸臺上
望晴空墨點是樓船

篙工自昔取閑馮身手精能歎絕殊烏舌縣蠻吾耳熟
不須馬客唱烏烏

登岬

一鞭荒草岬斜日野壘開驛路川兼陸征夫去復迴
聲啼夜鴈車脚動晴雷且暮離情異西山笑客頌

柳漁詩鈔 卷八

七

入都門

絕島孤臣髯已華重來京國歎無家掛帆永隔三山路
杖節初迴八月槎銀漢紅牆天上景夾城落日晚來笳
長安葉滿秋方老目送南鴻去影斜

中秋對月

海客厭茲夕人孤明月完停觴一撫影愁思來無端秋
風吹使槎歎忽落長安坐見海嶠月萬里同高寒流雲
洗天碧光鑑飛烏翰冥然息聲聞但覺木葉乾葉下地
漸白促我衣裳單有酒不能飲四顧惟寡歡故人在咫

尺無由知眠餐薄帷閣曙景涕出交沈瀾良夜苟如此
何以處月殘不如棲絕島心與天水寬

得楸邨給諫海外書卻寄

汗漫同遊大海濱險夷隨處見天真檣間浪白吟魂定
雨際燈青旅思頻秋信幾番傳颺母市聲一半雜駁人
遙知別後垂簾地手種蕉花照眼新

重九飲董孚存同年寓齋漫賦

野水蒹葭入望微城南九日舊遊稀分君老屋栽叢菊
笑我征塵滿繡衣馬首清佳山影暮燈前磊落蟬螯肥

柳漁詩鈔 卷八

八

三年客裏登高賦半在家園半 帝畿

酬李柳溪比部見示賞菊句

清霜隱朝眠卧起牖常扇籬根樵悴菊與客畱餘馨昨
夕數升酒寒燭流光焚對花哦且飲爛漫隨繁星既恐
佳色盡亦慮頽吾齡君家草堂好秋華滿簾屏開徑日
把玩坐納遙山青新詩不見招我寧甘獨醒

閉門

閉門黃葉響已近朔風天凍雀空堦雪樓鷗古樹烟身
閒因宿醉客散得廿眠詎必離朝市吾車始告懸

聖駕東巡謁 陵禮成恭紀七律四首

滄波白岳映天東鳳翥龍蟠王氣中醇古山川恢禹域

清秋禾稼誦商風 珠丘磊落千星拱 玉輅鏘鳴萬

谷通創業貽謀思 祖德禮隆將享及年豐

松檜蒼蒼夾道羅百年重見 翠華過橋陵劍鳥安

神御沛里風雲壯 帝歌白髮耆農扶杖遠青山獵騎

獻豸多寒帷喜接 慈顏豫霜寒爭春麗景和

鐵嶺關頭立馬看長江鴨綠靜微瀾晴蜺耀野前旌動

秋隼摩空大漠寬樂奏 寢園新氣象 恩分茅土舊

柳漁詩鈔 卷八

无

衣冠南京一日聯歌舞飛下 天章墨未乾

侍從簪毫擁紫微憑將好句織弓衣竟階下斷三雲素

周道如弦 六馭飛草木同欣 天語霽陽和早被土

膏肥小臣謫陋慚無補虛泛靈槎傍日歸

柳漁詩鈔卷八

柳漁詩鈔卷九

錢唐張 潛 鷺洲

帖懷集

癸亥十月奉 使視漕山左夜宿良鄉二首

于京纔兩月啣 命復過征旅榻如相待 君門不告

行時聖駕上 陵有 旨命臣謂不必赴 行任請訓即往濟寧協同河臣辦理挑 鈴聲衝月遠角吹帶霜

清轉幸無家別宵闌客思平

尺五城南望紅雲護 蹕還卻當清晏日重念轉輪艱

野澗飛星騎林疎映雪山東巡方獻頌身已遠朝班

柳漁詩鈔 卷九

一

任邱道中

遠天接平野落日愁暝鴉霜葉脫已盡林間見人家土

屋白烟生老農歸荷枷籬犬寒狺狺風淒淒路斜去城

尚十里河冰斷行車古壘四無人一聲月底笳

過獻縣書旅壁

滿隄落葉滿天霜衰柳鴉啼粉堞荒九派河流埋故道

一朝文物託賢王雪消野屋巖光冷風捲驚沙日色黃

歸老著書須有地清波夾鏡是吾鄉

晚投富莊驛

三尺風中旆一星林外燈塵牀聊稅駕土銼待吹冰客
意勉頽馬吟懷落拓僧屋梁霜月好何處酒盈升

高唐州口號

冰澗霜橋馬跡多
緒黃柳色尚婆娑
臨河欲擬將歸操
今日州人不善歌

將歸操所稱秋水即濟水也在高唐州

宿荏平次壁間韻

倦投村店急如歸
漠漠征塵短後衣
古樹蒼烟昏鳥集
空原欲雪凍雲圍
浮沈客裏爲肩盡
邂逅人間玉貌稀
痛飲茅柴渾未醉
一燈愁絕掩鄰扉

柳漁詩鈔卷九

東阿縣卽目

夕陽明處野烟消
一碧魚山入望遙
空外有誰傳梵響
松林朔吹自寥寥

徐君墓下急鳴湍
季子祠邊古碣殘
過客何須重挂劍
霜華滿樹逼人寒

寓任城古南池步杜少陵韻四首

蕭瑟城闌路冰池
不繫船樓虛昏墮
月樹冷晝無蟬短
景愁催客新詩
擬問天風流叅二老
醉裏席分瓊

此地端宜夏風荷
引釣船汀頭雙宿鷺
柳外幾吟蟬細

雨青苔嘶明霞碧水天移樽隨意坐不用嘆無種

悵悵來何暮河津斷客船影枯霜折葦聲絕晚涼蟬岱

色連殘堞鄉心極遠天拾遺頭白後歸伴廣文瓊

風塵驅轡道雨雪上吳船身似隨陽雁心同蛻羽蟬吟

魂千載碣野夢九重天迴首關河渺寒威迫荷瓊

復集杜句次韻一首

水淨樓陰直依沙宿舸船出塞皆野鶴落樹有驚蟬城
府開清旭江湖眇霽天萋萋露草碧坐客寒無氈

登太白樓集李句

柳漁詩鈔卷九

夫子卽項樹朗然合太清登樓送遠目長嘯羣豪英畏
落日月後旋覺天地輕相思不可見浩蕩寄南征

坐南池望白樓聯李杜句

魯酒不可醉樓孤屬晚晴浮雲連海岱白水繞

東城雁度秋色遠天虛風物清斗斜人更望

萬戶搖衣聲

河干行

河干十月冰萬夫畚鍤興河干一夜雪萬夫肉戰裂火
符絡繹飛大堤吏卒驅夫若驅雞千里百里聲許許爬

沙蟲蟻紛東西泥堅不可掘泥滑不可擔擔輕遭馬蹇
掘重犯龍潭嗟哉老與弱號呼向丁男丁男無衣四體
曲力不兼任仰天哭河身遙長晷景促白日西匿繼以
燭燭光青熒熒匝地流寒星罷工歸去時却鼓逾三更
役死淙淙何日免明年漕船猶道淺

旅夜和新城黃寧拙前輩題壁韻三首

仙樓咫尺不曾登望古空懷詩酒朋可惜任城明月夜
自呼孤影坐寒燈

河冰千里未通舟斷鼓殘笳出戍樓傳舍似家家是夢

柳漁詩鈔 卷九

四

雙眉偏着故鄉愁

啁啾烏雀宿空林雷覆茅檐夜已深秋雨題詩人去遠
更番同數十年心

原詩鄉情客思更番數秋雨聲中午夜燈

孤燭寒甌二首

孤燭憐愁旅空房影不禁飄零同一淚灰冷更何心遠
隔管絃座聊隨風雨吟漏遲休重剪夢杳莫窺尋
茶味靜彌永寒宵慳所須強憑除酒渴誰遣近風爐案
雪清相照瓶花凍亦枯多時慙內熱可當飲冰無

途次聞訃哭 先大人二首

淚灑寒空樹不春一襟殘血走風塵蕭條歲暮遲歸客

局促天涯偷息身祇恨撫牀言別易忍看遺篋手書新
生兒苦望昂霄去泉路何由薦鼎茵

行役匆匆擁傳飛臨分屢問幾時歸寢門目送離愁慘
孤館魂來聲款微火爐中宵危土枕風吹朔雪點麻衣
君親兩負將安贖緩死須臾計總非

雪中再經滕縣

路入滕南廢井畦藍輿盡日渡泥谿天垂野水去鴻杳
雪滿孤邨飢馬嘶倚頂烟雲成悵望河干暮景正淒迷

柳漁詩鈔 卷九

五

鄉心今夜誰堪語一寸殘燈草店雞

宿臨城驛

山川愁似我又見晚烟痕古道少人跡窮冬銷客魂沾
衣千里雪覓食數家邨向夕臨城驛烏啼靜掩門

汶河早發

霜晨日無華紅輪低可指天濶林木疎人烟冷未起孤
鐸鳴丁冬車行已廿里獵獵敝裘輕淒淒風戰衰齒半程
不得餐饑色面如死三嘆顧僕夫爾何從遊子

堰口

無名堰口村居人類太古雞聲在茅茨空林日色午驅
驢過斷橋石上老樵語三日雪初晴溪冰未可谷

古城晚望

平野雲飛揚馬頭大風起楚漢無英雄寒鴉集泗水
月出衰柳村人家閉蘆箔隔河望黃樓遠火夜零落

渡黃河

瞋色愁無際河濱佇望時嚴風危渡馬小艇觸流漸歲
月雪中盡程途歸處遲蒼茫一曲水相聞鬢成絲

曉渡京江感賦二絕句

柳漁詩鈔 卷九

六

絕頂憑欄憶昔遊重來孤負曙雲收江山偏與人心合
兩點金焦相向愁

滿甌香茗試中冷白足僧房石蘚青粥鼓齋鐘聲似昨
匆匆只倚槳牙聽

呂城卽事

潮落雲陽道風帆夜入吳雁聲江月白漁唱野燈孤細
港穿烟篠平沙長雪蕪阿蒙遺壘在醜酒一登艫

舟中望惠山

紫翠峰頭界粉垣九龍晴雪鳥音喧相思第二泉邊路

松竹蕭森寄暢園

泊楓橋和唐人韻

寒星牢落水浮天夜半橋灣傍驛眠鐘響不傳楓葉盡
獨留漁火在江船

別汪大上湖三年於茲矣頃聞入京師與余同日
過維揚雨不相值書此卻寄

我生寡徒侶落落匪斯今得一可不孤何必利斷金論
交苑枯外汪子真素心憐我寄絕島影跡長銷沉致書
東海東萬里猶同岑盟子再拜讀字字瓊瑤音今秋返

柳漁詩鈔 卷九

七

故廬把臂期人林爾爲餞驅去遠夢徒追尋簡書重迫
我馬首行駸駸擬從長安省棠華連詞吟公餘下疎簾
對菊杯共斟南望久延佇木落霜氣森爾未理北裝我
先脫朝簪麻衣急歸來有如舅甥會長塗載雨雪天地
方窮陰幸得近舟楫小憩邗江潯聞爾攜妻孥歲闌此
滯滯咫尺不覩面勞思日以深呼酒問彼天涕泗橫霑
襟不信我與爾出處同商參

烏鎮夜泊

清遠吳興家可浮溪山此處似蘋洲雞鳴兩畝桑枝老

月挂中天增影流水市曲通三泖路雲帆遙下五湖舟
醉風信美兼吾土夜聽機絲冷未休

塘西

臨不移舊鎮風物尙數腴東所廊千步連雲宅數區清
川織舟塲小市聚菱菰望處家山近人歸歡趣無

宿謝村感舊

十里亭前夕照開幾回帆落慘離顏誰能拋得杭州路
況復青山是故關

抵家三首

柳漁詩鈔 卷九

八

初日照短牆城居類村舍靜欵雙闌扉客至寒犬逐庭
無曳杖翁風葉蕭蕭下號呼入影堂清淚如水瀉言歸
歸既晚萬事益忙能有酒不介眉安用澆奠聲
別時論見期牀頭支瘦骨嗟子行役勞江海遠踰越有
懷須入告征鞍難暫歇老人重倚閒使者畢朝謁拚將
九迴腸共對千里月去去勿復顧彼此慎明發
語終涕橫流揮使離寢戶關河秋夜永魂夢相慰撫晨
興眺南山歎忽雲迷帖辟咄遺餘音衰容不再覩何處
勸加餐總帷霜色苦繞牀一昔言渺矣成千古

湖上曉行

微茫一櫂水雲中人哭人歌思不同孤嶼早涼荷葉雨
六橋春盡柳花風無心鷗鳥出深碧轉眼亭臺摧舊紅
只有好山長似畫頻添高塚色葱蘢

次韻答席寶巖舍人見懷二首

難憑寸紙話離愁十載星霜髣已秋瘴水蠻雲天末路
驚濤惡颶海南舟思從痛定猶除疴事賴更多不費謳
別後殘篇盈使橐鮫人淚雜襟人謳

柳漁詩鈔 卷九

九

小鳳初生便絕塵亦有烟波供坐釣却慚家世重埋輪
詩人酒伴都雲散僦屋何年結靜因

題西湖十景畫冊

芳靄杳未散千林拂曙初啗啗眾禽言美人臨綺疏樓
頭鏡色熒橋下水容虛照見白玉聰踰花引輕輿
寒雅稍投林山日明紫翠歸然古雷峰獨影霞暉內杉
逕渺入烟寺屋金破碎清磬隱浮嵐蕭蕭晚葉墜
柳陰際湖波翻翻上下綠春衣受和風緩坐闌干曲耳
悅黃栗畱新音殊砒俗薄暮畫船迴數聲入絲竹

赤闌俯清川游鱗紛可指
吾師適未來落英異香餌
平生濠濮想會心方在此
策策千萬頭忽復潛藻底
水軒雨氣香藕花淡逾好
輕颺退殘暑鳴蟬在柳杪
移艇夕陽灣菱謳聲杳杳
時有紅蜻蛉飛隨釣絲裊
夜澗草籟息明蟾浴水遲
冷涵一片秋妥帖青琉璃
河漢寫清影坐令天倒垂
無人覺魚跳渚花露暗滋
遙空兩孱顏卓立青冥上
風雨幾離合陰晴歛殊狀
就中冷吟啼絕頂秋隼颺
何如無心雲往來恣閒曠
水月共圓光天淵不二性
當空晶鑑懸夜火蘆中盡
浩

漁詩鈔 卷九

上

露洗太清言餘遠曠相賞
淡無言道心一相證
疎韻落烟際山南多斜暉
寺門松蔭寂荷笠僧獨歸
經聲相與遠初月出嶺微
隔水見漁家柳塘燈半扉
湖吹振林落長堤晴雪消
言探孤嶼梅欣此酒旆招
稀烟起漁屋竹樹何蕭條
良勝蹇驢背吟寒過灞橋

湖心亭秋望

迥絕車馬路虛涵荷蓼秋
酒香隨艇過人影共魚游
翠幃山三面雕闌水上頭
未堪窮遠日蜃海久登樓

芳桂吟

吳剛爛睡月不閉秋雲
縣縣香墮地妖墓狡兔
盤清宮碎蹋金莖作兒
戲山寒澗冷顚氣森天
風吹失霓裳音英蕖老
盡蟪蛄死三竺野禪空
獨吟

夏禮谷同年萬字兆前
輩自閩中典試還過武
林余與杭二蓮浦陳大
句山邀集湖舫率賦長
句

參差紅樹白雲隈小駐
征車極望來山到晚晴
皆畫本酒逢良會卽離
杯搜奇海網珊瑚滿引
勝湖船鏡面開後日重
過知不易水西殘照爲
徘徊

湖心亭

漁詩鈔 卷九

上

再把秋風灑灑落木村
空山移日月冷骨待見
孫雨色藏畦徑松根鎖
墓門一坏雖阻絕先後
此中存

湖上木芙蓉

湖上木芙蓉萬株照秋水
弱骨號拒霜愛名不畏
死柳葉飛滿塘鳬鷺懶
將子冷然笠釣翁輕舟
坐花底

採菱詞和吳旣亭

菱花菱葉滿湖顰郎買
輕舟妾自搖隔浦殘霞
一相映儂家容色鏡中
嬌

勸郎種菱莫種蓮濁水
菱肥清水鮮細雨斜風
吹不斷

菱絲強似藕絲牽

西軒二首示兒輩

西軒月早墜酒盡夜無涯
冷枕啼新雁踈籬綴晚花
離喧燈色黯閱世硯痕窪
未覺居貧易當年苦憶家

書韻依風遠庭階敗葉秋
無人知漏永白露在簾鉤
雅爲吟詩瘦都忘落第愁
候蟲床下歇童子睡垂頭

席成叔運副以佛手柑見遺

一樹玲瓏拂篆烟
黃金色相謝雕鐫
蕭齋靜會拈花意
丈室同參禪解脫
香生欣合掌
光明珠滿欲開拳

梅漁詩鈔 卷九

三

人間渴漢任。悟孤負天龍妙法傳

題鄭筠谷前輩探梅小照

杖藜入香海玉骨清無緇
儵然水仙匹心與孤鶴期
萬事不挂眼日月歸希夷
惟此晴雪林時來拘一枝野屋
照明粧昔夢今見之間嘯疎竹
外未防凍羽窺我非鐵
石腸頗懷絕代姿
臨流許追影白襟良可披

林和靖詩中有
山人披白襟

吳旣亭瓶花齋觀趙松雪畫維摩示疾像分得古

字

十笏琉璃龕孤燈照萬古
以我清淨身破彼煩惱苦白

足跌苔牀磊砢龜骨挂間然
語言外獨持象教主法輪
隨手轉衆香積食所有疾勝
無疾居士力如虎微開甘露
門大千澤圓乳何用曼陀花
紛紛散天雨鷗波老王
孫詞客兼畫祖晚聞最上乘
棲心入蓮宇普示諸辨才
斯義無刺語解脫鷄鵲車
虛空誰縛汝

冬日過汪復園城北水房賦贈

城隅野旭靜娟娟閒課畦丁
幾夜田水木蕭疎天未雪
圖書跌宕屋如船我輸名士
柴桑老人愛清詞琬琰鐫
他日紅橋過訪春衣應許柳
絲牽

梅漁詩鈔 卷九

三

城北六分詠得寒潭限韻

一泓寒照骨涼盡見澄潭夜色涼
蟾定冰輝古鏡函輕
魚投翠密老樹落紅酣隔岸風蕭瑟
蘆蘆中有釣菴

歲暮傳玉筍前輩自濟南歸集瓶花齋分韻

著社重邀舊雨來何如六逸隱徂徠
吟從望嶽添豪句
笑共巡檐索古梅翠羽音調春漏洩
華顛典劇酒瓊瑤
肯從獸火圍爐坐還憶寒齋自畫灰

題錢湄園小照

蒹葭枕幽巖白雲宿其下老尋世外盟
松菊秀而野興

來一揮墨寒泉注古瓦歸鳥相與吟山空和未寡謾然
林風清不賴絲竹寫爽氣豁秋天眉須并瀟灑先生何
人傳羲皇以上者賦詩在高酣尚添酒盈把

題趙瀛先看雲圖

何必商顏斷紫芝澗芳谿草盡瓊脂前身定是陶貞白
嶺上雲多只自怡

風入長松響落欒最宜青壁蒼苔齋一枝卽栗穿雲去
如此幽懽我亦諧

二首 集汪氏鵬鴻堂分韻

柳漁詩 卷九

丙

狂思爭 年落梅花下雪盈顛浮嵐近挹當隱岫
小水平鋪洗硯泉日脚半簷迎宿燕風光一線引新鳶
人歸又值粉榆綠白袖閒於入社禪

數文書院玉壺臺春望分得尤韻二首

憑高一瞰水雲稠遠碧輕藍與目謀南渡江山餘麗日
西陵松柏擁荒丘鐘聲半度樓霞嶺塔勢長依望海樓
誰趁花開歌陌上綬歸烟鳥暮啾啾

廿年清夢此山頭風磴重來履跡浮大好亭臺新入畫
虛空浦淑恰翻鷗玉壺明共孤懷映彩筆豪將萬象收

獨我樂樂顛顛甚傷花淚草愧同游

舟過寒山

中流樓古寺短艇載歸僧綠樹一帆影斜陽雙塔稜溪
喧魚斲密社至燕巢興野老知春及誰憐花覆塍

泊胥門作

春雨打篷背春燈照水涯姑蘇城外寺鐘響不到夜深
愁滿懷寒香冉冉來何處客夢悄隨香遠度孤村離落
吹驚危幾樹梅花依古墓明朝刺欲遊西巘漁舟斜挂
六尺帆中 間舞獨速雨來不怕蓑衣需花謝草生
人代徙非 徑吳宮裏五湖浩蕩足浮家我所思兮
鳴夷子

西湖採蓴曲

西湖春水滑於酥蓴絲味美奪秋菰風光纔破二分景
物產不數千里湖湖隄小雨朝蘓蘓輕舸兩漿衝鷗鳬
雉尾新抽露葉剪橫波翠帶何縈紆長牽短櫓身手俱
濕銀堆中玉色腴采采未已山日墜三潭冷浸驪龍鬚
芳香出盃生意殊儂家作羹郎貫醑不須下歧致亦好
勸郎勿憶江東鱸

顧月田招集包家山看桃花分得十蒸一先韻二

首

窈窕藏春塢芳游得未曾明霞千樹爛返景一江澄氣
暖衣先覺蹊香屐可憑最宜花影外小剎訪山僧

鳳隱南山麓鶯喧上巳天餘酣風淡冶雜坐草芊緜軟

陌離塵境圓壇入莽烟花飛隨水去遠誤捕魚船山近宋知境中

有流水舊呼小桃源

夏日集梁設林桐乳草堂咏竹夾膝效溫飛卿體

黃藤白芷青江宇魚浪鄰鄰蝶魂舉楚江雲雨朝暮來

六 柳漁詩集 卷九

八尺風濤女荷筒引醉虛堂深睡美不愁壓臂金

顛倒君懷就郎抱迴身碧玉嗟何心輕颺易生團扇恐

簞卷秋冰響哀葦汗青甯取阿奴名尙憶專房幾夜寵

早秋登鳳凰山尋祖龍學介亭舊址不得分得其

韻

江風海日環天垠晴空細蹙秋雲鱗憑闌遊日飛鳥上

颯然冷翠紛霑巾古蘚斑斑翳蒼石卓礫瘦骨如奇人

排衙拱立幾百歲誰呼袍笏參嶙峋風流太守具介節

遨頭紫馬來班春縹緲峰顛覆一笠檐牙倒影明湖滑

村酤先我發高興草茵雜坐漁樵民醉後凌虛騎鳳去

麗車羽服從羣真波光澹蕩山寂歷欲問遺蹟無居鄰

當時吟嘯孰繼響夕陽野籟畱松筠

秋日集南屏萬峰山房分韻

白石虛樞秋水環黃皮舊塔晚雲闌湖聲冷帶跳珠雨

鐸語遙飛潑墨山鳥逐孤舟投港外人依野衲嘯篁間

絺袍無復京塵泥廿載重來髮就斑

疊前韻

疎籬仄磴環松翠常門靜不關乍可空中流冷磬

七 柳漁詩集 卷九

最宜雨後看山天涵水影三千頃寺護金身五百間

剛有清風入林落畫屏秋色已爛斑

雨宿山家戲作疊韻

苦雨聚古廡界枝欹危籬徑靜暝刺興詩遲時搢願

苜蓿熟復谷鷄鷄搖凋條手酒就壽耆腰飄嘲陶姚

雨殘

雨殘巷柝報更疎仲蔚門閒掩綠蕪花卧短籬秋石瘦

燭搖輕幌曙蛩孤涼襟易納風濤響野夢虛傳笠屐圖

老向湖山謀小隱知渠叢桂肯甯無

中秋後一日登萬松嶺玉壺臺望湖

亭午散林陰高臺獨展眺浮雲與欄平吟身倚秋嶠左
右寒鏡光江湖兩縈抱瑟瑟風徐吹桐笠爲鼓倒輕雷
殷海門數峰自青峭估帆遠浮空明滅帶斜照逾時悵
靈胥仰視一絕叫目迷歸鳥行不知潮暗到

秋陰集復園分韻得五微

凌亂城鷄破曙飛水軒拓處綠林霏半橋冷露荷盤瀉
萬斛濃香桂粟肥天意與人同醞藉山容如夢遠依微
烟波差正一宅擬辦青蓑冒雨歸

柳漁詩錄卷九

晚秋詩以東報國運居諸蘭若分韻

涼雨釀秋容池邊雲片段青幘便初地采入述如窺繞
離鴨腳黃樹老色逾繁渚禽靜不喧翹立枯荷斲三數
澹蕩人佛屋矜來慣夕歸帶餘燈晨到忘櫛盥心參古
香妙日辨殘碣漣漣有然人境絕忽復通里閑粉堞凝微
陰蒨檐有疎疊流傳墨色衣僧臘凡幾換還石共結跌
俯仰發浩歎一聲喧碧孤風吹落葭亂

同人集許繩武雪莊題三絕句

磨銅一水映窗虛雁外天晴讀畫初木脫石青山格瘦

雪莊無雪更蕭疎

楓時同醉夕佳樓寫塢閒雲屋角流白練鳥歌深竹裏
不須重命雪兒謳

蟋蟀堂空徑尚閒秋聲長在野陰間小驢他日探梅到
香雪滿林扉不關

碧山堂橡筆歌爲汪欽俞作

蔡邕飛筆效聖帝王著勁毫呼散阜一枝盈丈鼎可扛
睡翁謂欽俞獨出古無偶攜來佛壁掃秋雲生蛟怒虎搏
風走淋漓三液膏松鬣五字傾翻墨十斗巨靈曲頤不

柳漁詩錄卷九

九

敢爭世上計能掣其肘遠近觀者如堵牆至尊宸遊
垂囑久憑軒宣召中書君湯沐管城寧足授規摹形製
入天府湘東三品眩乎後退鋒成冢日蠟螭犀角象
牙同速朽嗟余早隸硯田豐寸未共鉏耰終畝忝持簪
索趨承明袖中寒斂薑芽手凌雲殿榜了不任禿盡蒙
毛空老醜適從君家駭長杠矛戟森然當戶牖戢業屏
山簾格奇滿堂魄動神抖擻踴門未怕鐵限穿雷霆呵
護子孫守

南屏山房看紅葉分韻得峰字

一燈湖山着色濃霜天無意判春冬笠穿野燒僧歸寺
字帶晴霞雁度峰醉影推顏林外塔吟情駘宕水邊筇
年時記得吳淞路冷戰西風伴驛砵

題五君閒適圖

古貌含古心五君如一格童時所釣遊再來頭共白
結社不假蓮入林有餘竹平分一味閒魚鳥亦吾族
鬚頰拂涼吹於此興不几蒼然泰俗松恥受大夫銜
生天與成佛孰先而孰後五君跡不同所同在離垢

汪約公南山亭歌

柳源詩鈔 卷九

壬

湖南山態可罷從畫屏間落清波中松顛一鐸鳴虛空
萬籟齊蒼如笙鏞朝烟間夕嵐合沓而蔚葳參天宰木
無敢樵竈菴墓舍棲其內冷泉涌太古琴琴臺久閤
成連音摩崖字蹟蟄土六百歲忽焉風搜雨剔飛出虬
龍形洄酌彼大斗以燕我黃耆南山之陲亭始構檐影
輪囷覆春酒既和飲酒詩還補循陔辭樂莫樂於斑綵
嬉悲莫悲於風木思人琴頓往事成昔石上蒼苔甬履
迹片雲冷挂斜陽亭惟見孝鳥日日環杉櫨山自長青
湖自白

十一月二日餅花齋待雪分得南字

未暝烏先宿寒林雪意酣詩翁如旱農仰視愁眈眈天
幕四垂白淒風不自南蕉篁颯欲鳴一室清類龕安排
折脚鑪茶具雜酒甌吟劇無暇嬾誰能效眠蠶明朝拂
曙起半裘披藍髮掃徑喜滿簷高下將策探好續驢背
游千峰看瑤簪

題戾虛上人谿山秋晚圖

秋暉淡欲無峰骨寒更削一溪瀟瀟鳴何人度略約畫
禪雲爲心筆妙向空著我將從之遊矮亭坐殘檠

柳源詩鈔 卷九

壬

瓶花齋咏湯婆分韻

衾鐵多年被澤長夜來還試令昏湯鉛膏肯便盈春面
冰雪無由到熱腸只怪楚雲虛薦寢却疑燕玉是同鄉
何須老近溫磨火一榻融和體未僵

寒日舟過吳江

歲暮事行邁貧中作計疎庖蓬坐卧冷橐敝圖書雪
濕棲禽樹烟迷隔壟鋤蕭條杯酒盡客思老難除

錫山曉發

錫山殘雪在當枕玉玲瓏寒水一條雁遠邨三下鐘星

光澹將滅睡思曉逾慵靜候新泉熱風鱸吼澗松

長至日丹徒道中

高舂排空日上遲嘔啞早聽隻輪馳數行禿樹江山冷
一線新陽兒女知火宿茅柴村裏酒霜圍布被夢餘詩
閒情遠寄梅花屋歸去銅瓶對折枝

雪後渡京江

風微雲四合雪狀寒江介嘔噎向夕峰靜對意亦快空
中孤鶴盤浪底衆豚拜淒緊戍樓笳吹寒戰齒齟破帆
幾摺蒲順流堪一挂配彼獨釣翁漁簑遙入畫我行誰

柳漁詩鈔卷九

三

爲驅臨深屢犯戒矧乃冒嚴威歲晚裘褐敗老辭家室
歡窮負江湖債千里信往復顧影輒自怪吟肩聳山字
歌魯答梵唄瓜步滄疎林邨荒無酒賣

毘陵舟夜

川涂冰磊砢夜柵月蒼茫孤櫂凌寒早悲歛入夢長人
歸當晏序雁去背新霜除夕蕭然夜今來又一嘗

余庚申歲除過

大雪泊虎邱山塘

烟波隱蓑笠粉墨繪林巒寺暝鐘徐動雲深塔最寒挈

瓶山酒店繫艇野鳬灘盡醉從天戲明朝放眼看

花朝風雨集江岷山河干草堂分韻

莓苔繞逕樹環廬風物駸駸趣荷鋤小病未藉中酒後
餘寒猶峭試花初喚回霽景新鳩語倒寫巖光活水渠
一雨灑成春五色先生杖履興何如

許繩武雪莊漁唱題詞四首

裏湖秋接外湖秋物態移情信有尤白鳥滄波天十里
憑君併付一囊收

烟冷啼螳柳影消芙蓉木末晚猶韶幾灣略約西冷路

柳漁詩鈔卷九

三

題作詩人丁卯橋

濯魄冰壺夜境清小船汎月一燈明何時相約漁兄弟
來和中流欸乃聲

身在廬山不識山坡公妙語絕人寰儂家久傍明湖住

欲貌西施苦未嫻

復園新納姬人分韻賦贈

小閣凝香古鏡揩老來重破太常齋藏將媚蝶憐應甚
聽到新鶯語轉佳照水恰宜花韻面繞廊初被雨侵鞦
郎邊幾度迴身就碧玉情多夜有涯

閨上已西湖修禊詩分得十三元二十一箇

山雲散族林雨空痕灑然塵表靜娛鳥言太和翔泳芳
春之門用追陳跡古歡以敦

春條媚霽川新淥不可浣禊堂曲水隈昔倡今則和風
遲節物羸興極視聽大臨流分一觴千載見列坐

穀雨集餅花齋畱別同社諸公得肴字

櫻筍年年野客肴舫舟水宅綠楊郊離筵風日俄成晚
畫本湖山豈易拋萬里總輸鷗浩蕩一鞭愁逐馬蕭梢
此行若問君平卜應識生涯蠱上爻

柳漁詩鈔卷九

詩

柳漁詩鈔卷九

柳漁詩鈔卷十

皖遊集

錢唐張 潛 鷺洲

乙丑四月二日束裝赴皖城暮宿謝邨作

落日望鄉樹杳然蒼靄浮銷魂復此別送客若爲畱麥
隴高翻浪桑林晚醉鳩今宵慈母夢應共入扁舟

立夏日平望舟次書懷示席生正夫

江上銜杯恰別神不成櫻筍送殘春浪游豈爲飢驅我
長日方逢暖困人萬樹綠遮千里夢一川明照兩眉顰

柳漁詩鈔卷十

西軒疇昔論文地泥落空梁乳燕新

吳江舟夜

默坐起離思新月川上橫吳歛入烟杳一舫猶孤鳴白
袷微風吹欲眠無夢成空江斷戍鼓夜色將二更淒淒
遠遊子老餘兒女情俯憶牽裾言泣然雙淚并

山塘題五人墓

豐碑屹立映清渠酌酒松壇落照餘一死藉畱三代直
千官慙讀十年書權移內厰奸威熄氣散東林黨局疎
終古英魂狎金虎要離家昨夜連裾

無錫高橋夜望惠山有懷鄒泰和前輩

人靜笛猶怨水寒烟乍微九峰將月色一桁落船扉夢裏聽松近泉邊步屨稀風流成宿草把卷重歎歎

真州夜泊

暝色漁扉火宵聲水郭龍千櫓叢遠岬片月浸空江北固青山斷西津白鳥雙離心憑痛飲最怕卧鐘撞

燕子磯值雨不得登用阮亭先生韻

大江雨欲來翳空片雲黑雄雷鞭石脚起立含怒色荻簞遠颺颺帆蓬浪中匿昂古非絕頂安從眺城邑冥濛

柳漁詩鈔 卷十

萬里天吳楚雨難識

江行即景三絕句

麥隴風和四月天掠波新燕舞輕便空江雨濤謳鷁過喚起磯頭牧豎眠

擁翠拖藍斷續間舟人指點上三山天然漁屋供垂釣不費詠荂傍水灣

漁人俱住石叢中足藏風日

一箇青螺白浪堆烈山層疊現樓臺憑誰移向京江上穩與金焦鼎足來

烈山在大江中國勢孤立

雨夜泊采石磯望太白樓作

我來采石夜無月疎篷漏雨聲不堪揮杯一醉發孤狂

大叫詩魂山水窟詩魂長與灝氣游仙平肯駐人間樓

牛渚月明网象妬楓林月黑蛟龍愁昨歲吊君讀書處

浮雲海岱連齊樹今夜懷君采石津錦袍烏帽挹鮮新

三山二水餘烟景誦君好句君應省翩然天上跨鯨飛

何似樓頭邀月飲

次日雨霽登樓謁太白再賦一律

江東雲樹暮氤氳三夜頻邀夢裏談蓋代英雄推巨眼驚天詩句出餘酣花濃彩筆春風殷月冷孤帆瘴海潭

柳漁詩鈔 卷十

今日青山降謝朓任君來往憑龍驂

峨眉亭

孤亭突兀翠微顛望裏岷濤遠際天恰好峨眉半輪月晚隨江影到樽前

燃犀亭

朱雀桁南夜燒紅未如犀火燭幽宮九原不起溫忠武

怪物臨江逐庾公

蠓磯

水冷潛蠓落月昏斑斑蘚石雜涎痕夜潮遠隔劉郎浦

愁煞江東列女魂

泊荻港

江靄蒼蒼過雨初，維舟斷港夜何如。
數星澹照寒潮落，一角孤吹水驛虛。
烟火蛇樓遊子飯，荻蘆邨舍釣人居。
赭圻西去川逾濶，無那閒愁對故墟。

過繁昌舊縣門

旭景穿篷窗，天東綺霞紅。
翠峰別陰時，黛色非一靚。
丰茸山凹樹，遠潯浮曲磴。
僧衣下萬畝，白鷺立畦徑。
秧針出水齊，彌望綠且淨。
時有驅犢兒，謳吟互相應。
空江曉

柳漁詩鈔 卷十

四

無風片片帆，帶定塔影倒。
中流滄波若鏡瑩，不知何處寺飛來。
一聲磬，荒烟起，蒹葭雲邊雞犬剽。
泱泱春穀水，吳楚通名勝。
古意滿當前，恨無詩筆稱。

池陽道中二絕句

天門中豁戍旗飄，北望濡須一水遙。
不斷江風吹五兩，紫沙洲畔荻蕭蕭。

層層浦樹集歸鴉，帆落銅陵日已斜。
懶向牧童重問酒，杏花村裏少人家。

杜牧詩杏花村在今池州

烏沙峽晚望

江畔月初昇，玉輪周幾丈。
洗盞坐船尾，對此精魄蕩。
洞見千歲蟾，於中老無恙。
吐爲金色霞，與波相演漾。
漸高影漸殺，天水一加曠。
少焉人語寂，渚鳥引清吭。
颯然長風來，月暗脉拜浪。
剩有葭蘆叢，漁燈半寸亮。

吊余忠宣公祠

余公遺廟皖江濱，橫梁英風凜尚存。
萬里孤城爭保障，一家正氣挂乾坤。
死爲巡遠功河泰，生悅詩書帥自尊。
清水池塘沉劍血，斷碑荒草欲黃昏。

天柱山

柳漁詩鈔 卷十

五

天柱峰頭祀祝融，千秋爭頌武皇功。
潮來蛟浦弦聲在，月冷龍山燿火空。
幾處玄壇眠野鹿，何時絳節下仙童。
左慈高隱都難訪，莫問真源萬壽宮。

喬家粧井

並蒂芙蓉大小喬，井華紅粉暈霞標。
分香不到銅臺上，吳國君臣擅阿嬌。

秋水並蒂開芙蓉，詩題二喬故宅句也。

三孝堂

森森泣竹臺，鼎鼎卧冰地。
游儵時出水，新筍代成枝。
至孝通神明，振古恒如斯。
更聞徐仲源，判股奉親慈。
母生

畏雷鳴掩耳相依隨母歿伏墓門哭告見在茲詒萊白
華軒蹟參王孟奇異世同一仁純風被江嶽長江不斷
流孝子不置施草木含本性蟲魚抱靈知奈何屬毛裏
肥豢供童癡傳語六州民來視三孝祠

過桐城作

六六浮山縱望奢溪田雨足稻開花指園坊裏流風逸
運甓亭前暮景斜荻埠雲帆歸估客樅江水木隱漁家
此身真入龍眠畫粉墨爲圖已浪誇

三祖寺次山谷韻

本樞源詩鈔 卷十

太

摩公舊築松毛宅雲外潮音青嶂隔一枝飛錫龍虎隨
落日荒阡絕樵客石牛精舍畱人間題石山翁去不還
衣染大香醉甘露牧羊仍向金華路

書院夜坐二首

半畝荒宮碧草漫羈棲徒竊腐儒餐燈明紙屋三更讀
雨潤棉裘五月寒將子老鴉憐樹古繞牀飢鼠怨書殘
中天露色誰同賞病骨清臞強倚闌

老去生涯萬事慵青瑣枯坐更無驚蟬蛄啼月夜烟散
瓜蔓壓堦朝露濃家隔大江疎遠信夢回清枕急隣鐘

皖公臺下帆千幅風便其宜振舵從

題涪翁讀書臺

山林何畏佳谷響傳清風哦詩大石旁香爐謁寶公芙
蓉削秋色瀟岳遙撐空往耕芝田草兼擷蟠桃紅於焉
理吾廬華髮期返童山人去已久荒臺滿蒿蓬誰從汗
漫遊龍眠曲三終恍惚聞吟聲涼蟬暝雨中

咏石牛

一林烟雨卧青莎耐可邛童跨春歌知否何年星隕地
悠悠潭水效銀河

本樞源詩鈔 卷十

七

五十初度漫成二首

人生如朝露五十露半晞草木將同腐江湖欲永歸從
添臨盟嶺不悟作詩非白首勞慈母頻縫千里衣
吳楚連江介陰晴雜滯雲病多先懼暑老去尙離羣久
負烟霞癖終虛翰墨勳幾時田二頃植杖事鋤耘

枕帙

枕帙幾回眠棲遲判小年殘花霑礎潤啁雀避茶烟野
夢三高里閒扉衆綠天邊韶惟習懶莫問腹便便

寄內二絕句

去親爲客近何如寒雨江山蔓草廬一味貧辛那可說
逢人羞寄大雷書

耽吟瘦骨鶴支離五十平頭婚嫁遲猶有嬰衣勝華袞
蘭陔歸去盡情嬉

小吏港吊焦仲卿妻

小吏港邊風雨多梧桐松柏交枝柯中有一雙比翼鳥
關關相答鳴聲和行人傳說廬江吏夫婦恩深不忍棄
化作鴛鴦飛塚旁青山夜月魂依依當年大道生別離
車前耳語涕橫頤妾如蒲葦君如石蒲葦堅紉石豈移

柳漁詩鈔 卷十

八

揮手登車自此訣黃泉願見情鳴咽繡裙絲履歸潯淵
夫也追隨命同絕千秋靈匹永綢繆樂府淋漓皆寫愁
試向廬江歌一闋寄來發婦哭孤舟

按仲卿廬江小吏而一統志所載廬州劉女不及焦妻或以潯山現有小吏港遂引仲卿爲潯人但與樂府合葬華山之語不符余終未之信也附記於此以質高明

病起書懷

門局殘雨畫淒淒病枕微吟伴蛸啼香茗空傳梅福嶺
美鱸不到左慈溪狂添白髮冠難整亂覆蒼苔徑欲逃
還憶去年銷夏處荷風醒酒六橋西

哭懷寧令魏樸菴同年

朝來看放雲中鳥日昃驚歸天上樓香裊鳴琴餘韻在

雨荒冷甌舊塵浮吟謠未罷躋堂祝

樸菴數日前四十初度

父老空

成擁道留不忍把君瀟岳草旅窗烟月候鼎愁

君示余潯山課士草

尚未卒讀

梅雨吟

江城梅雨萬繩直樹頭樹底雲潑墨蓬蒿掩徑客不來
蠶蚓喧堦眠未得蒙戎當暑尙寒服辛苦老年仍旅食
側身千里囊劍隨眼見青銅土花蝕空齋蠟淚交泔泔
酒薄不醉離鄉心槐南夢國頗好在可惜無路相攀尋

柳漁詩鈔 卷十

九

屋角久稀落月影牆灣時送殘蕉音夜呼奴子看積潦
恐有竈下魚浮沈

贈史沂少郡守

京洛分攜十度春朝衫猶帶軟紅塵花翻禁省思陪直
鶴步衙齋許結鄰嘉穗千疇迎露冕好風一扇擁斑輪
題名詎止蒼崖石遙識屏間 御墨新

前楹散步口占

小步不半里茶然思杖扶雨庭蝸篆合涼樹鵲巢孤謝
客身餘累言歸病漸蘊隔牆絲竹韻能入絳紗無

亂綠隱環堵雞豚荒似邨燕同愁裏客蝶是睡餘魂
石寒種舊題箴敗榜存經時長卻掃不爲惜苔痕

同席正夫夜坐四首

帶雨閒雲忽蔽空林梢有月亦朦朧他鄉夜半哦詩坐
一盞昏燈集草蟲

平生酒戶此全除對月螺樽久已疎病後心情更無賴
思家還怕得家書

沈沈濕鼓報更遲夜靄如烟復似絲人影伶仃枝影暗
古牆低處走孤狸

柳漁詩鈔 卷十

十

頽然欲就曲肱眠白水匡牀綠鮮連弟子未須嘲我懶
夢醒常在曙雞先

和席正夫遊皖江大觀亭韻

望遠思登樹杪亭病眸無力負江清羣山雨盡來風爽
別浦帆開去鳥明寺古好尋傳鉢祖與三祖寺相近門開那得昇
興生翻然歸計休嫌促雪爪萍踪亦有情

疊韻答馬卯君陳效愚二生見贈

凌風琪樹共亭亭唱入江雲韻更清壺粥十年儒味永
琴書一榻客燈明好山當眼蹉跎過蒼雪盈頭的樂生

他日爲龍逐東野城南聯句肯忘情

大雷半窗題會勝嚴韻

雷韻字半窗閩人負異才縱遊名山始
咏清絕其題會勝嚴詩云已從浮山來

更讀浮山好爲堅築秋雲堆地怪未了遊人無古今天風醉花鳥我欲
煮煙霞呼童拾瑤草詩刻石洞中未有知者竟度鐘惺一見稱快詩由
是知著至八人呼洞爲雷公洞云

入徑松蔭涼稍深巖更好杖藜破烟翠古澗鳴不了江
天一氣澄去帆競高鳥醉倚洞口眠夕風吹藥草

夏夜枕上效放翁體

中宵人靜棗花薰月過牆西乍脫雲兩版故扉無犬守
一窠高樹與禽分茶鐺久收輕雷響薤席橫鋪細浪紋

柳漁詩鈔 卷十

十一

夢去愁來誰得見祇餘撩髻水鄉蟄

再大題會勝嚴韻示馬陳二生

靈巖七十二林壑此尤好石上紅芙蓉不共衆芳了豪
胸盪雲霞健足參猿鳥他年來卜居三間剪茆草

陳生效思見贈芝蘭吟依韻和之兼以畱別

特秀冠衆草倚蘭與靈芝不採伊何傷人自珍惜之南
山有松柏偃蓋青離離數遭霜雪摧骨幹不少移騰茲
王國英結根依巖姿經時共披拂露穎青未晞一朝雖
異岑詎無春雨滋佇種醴泉宮明光應昌期

長夏遣懷

小院孤清境似禪
鳴蜩相答午陰圓
邊韶卧損藏經笥
韓愈窮荒進學篇
披葛藟衣當暑盛
憶鱸魚味及秋先
舊游多在湖亭畔
水碧花深弄釣船

夏日睡起忽忽有憶輒賦短句

琉璃八尺卧風漪
浴罷蘭湯晝景遲
十五鵝鬟初解事
金泥扇子索新詞

高柳疎篁翳恰碧
花紅穗蝶雙雙不
須更到羲皇上

已勝陶家卧北窗

柳漁詩鈔 卷十

三

簾鉤風動玉丁丁
縹色輕紗已字櫺
新汲澗泉嘗露薜
定瓷杯裏一旗青

略約池灣蒲荇開
水軒雨過絕纖埃
冰衫雪帔憑欄坐

多少魚針葉底來

歸思

歸思日飛騰
身如罷講僧
素餐行自愧
黔突竟何曾
水郭繁蟬沸
江船毒暑蒸
乍聞鄉路近
六月飲清冰

江上次滇南學使家存中弟

河梁昨分手
窮窮寒景促
談笑却千羆
精神殊滿腹
自

謂萬里征天末等鄉曲
會收金碧材
璘璣入韞匱
舟行

過荆襄有鳥呼怪鵬賦詩方停毫
一夕飲酒肉皇天喪

斯文後死繼前躅
無兒視飯含羸父
爲請柳叶平生手

著書未知授誰讀
旅櫬寄烟篷
兩岬倏同哭
淒淒中路

魂何以瞑
雙目我從大江來
風雨破帆幅
夜宿板子磯

荻聲洶如竹
夢中見君顏
覺後逢君僕
褰裳急登臚素

旄檣間盡別時河
解冰今纔值暑溽
相違不半年
音容

詎渺逸憑棺一長慟
淚下江水濁

重過其州作

柳漁詩鈔 卷十

三

其州景物懷舟行
合數江南第一程
波浪不興飛燕喜

柳槐多蔭哺牛鳴
人家半爲牽犂客
夢惟因狀勝成

坐久篷窗漸忘暑
冷然風善葛衣清

廣陵舟中讀李嘯村揚州憶小令百首率爾作歌

此地我曾到
惻惻成夢遊
夢中還去尋揚州
二分月色

魂勾畱古墅
花繁歌吹集
平塘草碧輪蹄迴
石埭鳴鐘

水環寺綵甍
賣酒人登樓
煬帝行宮渺何許
但見白

楊花如雪飛
輕毳官娘新
冢墓小杜舊風流
曲殘珠解

串土冷玉斜勾束
關城外川悠悠
紫迴屈折通邦溝
營

年龍舸鳳船偶一至祇今夕陽兩岬逐隊來鳬鴨我歌
李生詞重爲李生愁十年一夢苦未醒不騎鶴背徒爾
騎驢頭勸君勿復憶揚州百篇唱徹誰爲酬子規林畔
聲咿嘯吾亦從茲急歸休吾所不忘者平山堂上千章
夏木好恨未納涼痛飲前後追蘓歐

三汊河

古木散蟬聲斜陽傾塔影一水認瓜洲晴波遙同同擊
汰渡揚子山色青未暝南風足披襟其如逆歸艇

余年來五渡京江非風卽雨天氣澄朗未有如此

柳漁詩鈔 卷十

古

日者喜占一絕

仰窺鸞華俯龜鏡裏揚帆自在過返照一江紅未斂

金山全體落金波

丹徒

往復谷陽道永懷劉季奴古堠高障日貧舍共編蘆水
氣終無夏人聲半近吳六朝殘壘在向夕噪飢鳥

經山塘眺望虎邱不得少泊悵然有作

綠柳紅橋夾一川魚波淦淦燕翩翩香清小圃花盈盞
水暎疎窗酒上船幾部笙歌涼榭底諸天樓閣夕暉前

佳山有約無由踐游目還同歸思懸

平望

平望望家山決皆三百里亂樹青蒙茸樹外天蘸水習
習南風吹五兩搖不止欲前舟屢却愁看來帆喜赤日
當空懸渴蟬號且死江湖銷宿漲倏忽露涯趾桔槔響
中田村農偕婦子晚禾一寸綠四野秧歌起亭午荷蓑
忙豈必烟雨裏歸寫暑耕圖斯景有妙理

二絕句
經旬廢浴熱不可耐見吳兒戲水余亦神往爲拈

柳漁詩鈔 卷十

圭

晚共殘霞浴碧潯魚跳鳬拍信浮沉濯纓濯足吾無分
一水中閒困水淫

察察身含汶汶羞湘蘭徒爲煮湯收解嘲一語君聞否
快意還須萬里流

立秋日排韻咏秋三十首

秋風

火流殘暑退淅瀝動商風木葉知鳴夜江潮欲撼空一
襟消瘦葛四壁感懷蟲容易催頭白天涯砧杵中

秋蓉

聲斷採蓮曲陂塘蕭瑟容故衣風露薄敲蓋水雲重閒
立白鳬影冷飄紅蓼茸名香猶未墜木末攬芙蓉

秋江

一望凝愁思涵空如練江霞洲楓葉步雪艇葦花窗天
濶來鴻小潮生去舫雙悠悠霜外角暮色到漁缸

秋籬

小院藩屏舊疎疎鹿眼籬碧花垂露蔓黃菊粲霜枝傍
砌蛩聲碎禁寒蝶意痴重陽期把酒縛秋謹扶持

秋衣

柳漁詩鈔 卷十

去

絺綌誰無數淒然念授衣燈樓敲夜剪月戶軋寒機嬾
婦應須促征人苦未歸袍殘還戀戀四海故交稀

秋漁

卧起滄江晚生涯舴艋居月高村有笛潦盡水多魚吹
火枯蘆近懸罾敗柳疎西風引張翰歸思五湖漁

秋蕪

遠日悲平楚蒼涼一片蕪堤寬樓落葉團廢下飢鳥暝
色水邊斷烟痕霜際枯牧歸人跡少渺渺杖僧孤

秋畦

溝塍高下錯啁雀滿寒畦露白新菰嫩雲黃晚稻齊僧
衣聊想像鴉背幾提携缺處無須補冷冷度遠溪

秋齋

容膝亦清佳條然似舫齋酒光分艷菊蟹韻和疎槐簟
冷琴書展窗虛風月偕正逢宵漏永難燭寄吟懷

秋苔

幾番涼雨後隨意長莓苔石已經霜瘦花猶藉土開閒
階銷履跡古屋雜塵灰一半青青色埋沈黃葉堆

秋葍

柳漁詩鈔 卷十

七

露葉大於春扁舟暮采葍三潭清月夕千里碧湖津滑
捋龍髯冷香舉雉尾新鱸魚味同美風物感羈人

秋雲

遙空碧如洗漠漠點浮雲擘絮新晴色排鱗薄暮紋閒
宜臨野水淡更暎斜曛一片星河側宵深亂雁羣

秋猿

山川搖落後古道慘聞猿哀嘯臨江畔清吟隔澗源嶺
雲同出沒棧木共攀援旅客腸先斷三聲入夢喧

秋灘

殘霞低一抹清淺水平灘照影蒹葭老呼眠鷗鷺寒柳
根維小艇石罅激驚湍刺有苔磯淨閒來把釣竿

秋山

一嶺天成畫峻嶒淡遠山修眉叢樹外翠髻亂雲間絕
磴樵踪杳層巔鳥道環荆關無此筆誰復寫孱顏

秋蟬

長晝閒繁吹逾時忽暮蟬飲酣多露地嘶斷已涼天古
巷依槐蔭深邨抱柳烟蛩螂無可避遺蛻絕人憐

秋蕉

柳漁詩鈔 卷十

六

滿灣留宿雨驕眉習芭蕉扇暑陰猶大遮天綠半消丁
香愁共結修竹肯相饒此意殊清絕寧須帶雪描

秋匏

霜實依時摘黃團脰繫匏豆條籬落靜菜本野畦交短
脯烘清旭虛檐壓白茅剖樽遙載酒無口莫輕嘲

秋螯

食品團脰貴尤憐兩壯螯从行沙上橫去聲左手酒邊餐
雅具招潮勢偏宜對菊豪雌黃曾不問一醉竭脂膏

秋波

一碧無餘滓新晴澈灩波霞暉兼白鳥夜影合明河徹
底澄堪鑒迴紋細擬韡洛妃神色迥善睐復如何

秋鷄

半天殘照外零亂點寒鴉古堞烟巢冷疎林墨陣斜歸
遲村落月宿罷戍鳴笳莫近檣間噪篷牕客憶家

秋楊

太息撫垂楊婆娑只數行迎風無舊絮拂水有新霜葉
滿青驄陌烟空白草塘津亭橫落照鳴蜩亂人腸

秋更

柳漁詩鈔 卷十

九

重重魚鑰城漏滴醒時明斜月催殘柝孤花墮短檠樓
頭鴻過影巷末犬餘聲記得寒鐘斷蝦蟆續報更

秋螢

弄影自相照輝輝草際螢林深流遠火徑冷度微星著
雨何愁滅臨書作意青黃昏人悄立爲爾歎伶俜

秋燈

中夜煩重剪青燄几上燈虛帷燃好夢別館照愁膺雨
黯光隨斂花繁喜莫憑獨將無盡意畱伴一龕僧

秋籜

新醞滿村菊豐年禾稼收山家春味厚野屋夜香浮對
月開缸面尋花省杖頭鵝黃初脫殼正好約朋儔

秋陰

當空無好月接地見重陰簾幕千家暗風雲一片洗冷
涵山桂氣愁困海棠心還作連旬雨瀟瀟入短襟

秋菴

落葉掃行跡幽人住小菴經聲隨野籜笠影照空潭巖
壑雙扉隱松蘿一逕探白雲歸自晚塔下鶴眠酣

秋宿

柳漁詩鈔卷十

矮矮黃茆屋垂垂青布宿雞聲村店遠驢背客吟添木
杪風微颭河上雨細霑酒香書字大一尺罨寒簷

秋帆

風蒲開十幅無恙挂輕帆舛側雲陰轉天遙日腳銜翩
飛凌逸鳥飽腹掠重巖穩趁東流去篙師興不凡

嘉禾卽景

一棹纔過橋李城餘霞散盡暮冥冥輕涼籬落蓼花艷
淺水陂塘菰葉青笛韻樓頭聞裂石燈光波面動疎星
浮家得傍鴟夷宅何用黃金更鑄形

烟雨樓

鱗差萬瓦照清流無雨無烟獨上樓點點夕鴉疎柳外
片颿衝破水天秋

夜泊石門

風攪皁林響輕舟怯解維二更月未吐三塔路多岐村
犬吠帆影草螢焚水涯近鄉行轉滯夢亦到家遲

抵家

日日江頭待鯉魚五旬未報一緘書入門不暇詢他事
但道書來何太疎

柳漁詩鈔卷十

三

清吟苦似在家日白髮多於臨別時共把一樽開夕語
從前惟有短檠知

柳漁詩鈔卷十

柳漁詩鈔卷十一

錢唐張 潛 鷺洲

鷓鴣集

丙寅首夏別母北征黯然離懷晨夕作惡舟次書

示兒輩

飄蕭白髮淚盈巾垂老生離膝下身泛宅儘教踰故里
絕裾何忍到慈親殘年誰惜桑榆迫至樂爭如菽水真
兒女滿前情莫慰可知剩有向隅人

抵平望作

柳漁詩鈔 卷十一

平望家難望波長綠樹深撩人橋燕語伴母野鳬心槐
國求新夢蘭陔失舊吟眼穿三百里落日向愁沈

夜泊吳門言懷

三公不易老萊衣貧夫鄉間計盡非客夢遙隨雲影亂
兒啼悄與鶯聲微青楓驛畔潮侵枕白髮燈前雨滿闌
兩地淒涼同一淚何時真報遠遊歸

飲惠山泉

數坐泉上亭瀏瀏松風清品泉兼試茶茶聲合松聲聲
銷色逾勝雪乳浮杯瑩名譜亞中泠澄心豈忘競吾家

山水州朝夕恣所求白沙傾瀝珍珠流龍鬚虎跡穿靈
湫大瓢快酌甘涼味負杖雲根吟聲沸別却西湖無數
泉來從客路洗塵胃

再遊泰園

不到名園又五年軒窗重裏煮茶烟松間白日全無暑
石上清琴半是泉隔院鳥衝峰翠下過橋人蹴沼光圓
斜陽塔影如相送倚遍風廊思惘然

奔牛卽事

江風扇夕涼夾听麥須黃飄落崦嵫景雞棲碌碡場疎

柳漁詩鈔 卷十一

燈知近市短笛觸懷鄉小泊奔牛堰隨潮下呂梁

曲阿道中

小辛連杜野百里出丹徒酒憶新豐市塘移舊鑿湖沿
邨香餅餌帶月宿菰蘆南國人才盡漁歌嘆赤烏

京口阻雨

寒鴉叫烟林傍巘船似屋客酒中夜醒殘夢挂心目斜
風吹雨至篷底聽撒菰蘆城更騷騷點滴愁萬斛披衣
覽江天水墨畫稿足真深曉堞外檣竿密於竹濕雲斷
津鼓尙餘角吹續鼃鼃將出遊吾舟敢輕逐涉川不知

危頻年此往復矧攜十口從頭蓬廢櫛沐誰勸公無渡
舟師進哀曲喘息顧妻子且就漁莊宿

昨遊

昨遊如夢費追思湖上風光修禊時冷翠一亭飛酒琤
繁香十里引筇枝中年懷抱殊多感盡日征途但有詩
秀嶂明流總拋卻污人愁近庾元規

渡江口號

大江初日冷飛旆逆風揚人雜楚吳語天分南北疆青
紅浮蜃氣金石撞龍堂老眼重披豁岷海萬里長

柳漁詩鈔 卷十一

三

露筋祠

獵獵風旗晚吹多丹宮流煥出層波妍皮痴骨皆黃土
爾許蟲餘獨不磨

淮城

洪河壓城頭高望波瀾瀾積此幾東薪勢欲障萬里茅
舍濕烟微居人聚釜底託命馮夷官生涯渺於豸區區
旦夕謀百年虛待理斗金爭尺土蛟龍鬱不喜嗟哉淮
海民誰與長孫子皂天寶好生須臾幸無死

端陽前三日清江浦聞競渡聲感賦

荷風吹來鼓逢逢水心亭畔嬉羣龍此情此景渺何許
滿眼青紅小兒女楚南遺俗徧江淮日午篷窗面面開
艾葉菖花爲誰好獨醒之客佗鄉老

天妃廟

萬馬奔一門怒水不可門奮地爲礮礮厥聲大而驟束
以狼石牢積鐵拱左右中央類建瓴直下無旁竇我舟
梯浪入推挽叫助救欲前翻卻行如物掣其後憶昔閩
越游高灘駭龍吼川無半里平船扉相仰覆征衣炙不
乾雪沫日盈袖所賴篙師好趨捷有夙授百丈牽巉巖

柳漁詩鈔 卷十一

四

身手過猱馳足令襟抱開浩歌舳屢扣今此八楫間轉
輪苦畱逗唧尾干舳艫邪許達昏書人力或未良險阻
豈云疚長年前致詞客其試引脰不見黃河流滾滾自
天漚胡乃失料量輕儻山溪陋得無涉歷寡眼界細如
豆余聞嗒無言一笑飲江酎

清河縣

樵山黃泥曲澄川照眼新半抽帆似扇微皺浪成鱗雨
氣疑無夏河壩漸少人初生一線月向夕貼青旻

大雨泊桃源縣卽事二首

河聲挾雨走蒲葦墨色寒雲欲墮空奇絕川原誰貌得
龍跋大筆米南宮

蓬隙無明夜不如丁丁漏點溼殘書兩條樺燭燒將盡
剛及舟人午飯餘

青青水中蒲五章午日宿遷道中作

青青水中蒲吹香盈酒醴不如浴楚蘭可以芳竟體

青青水中蒲迴風紛向背不如戎葵花傾心赤日內

青青水中蒲先秋變榮姿不如長命縷五色垂陸離

青青水中蒲飽露日以長不如箸裏飯作意哀沉湘

柳漁詩鈔 卷十一 五

青青水中蒲似劍無勇敢不如江心鏡鑄成破妖膽

橫風使帆舟中坐卧失穩口占二絕示兒子霽

雲漏日光初解駁水涵天影半陰晴風帆慣作飢鷹勢

又向中流鼓側行

跛腳懸牀枕濶濤

海船中以繩懸揭而卧

昔年航海氣何豪白頭漸

覺愁風水催老征夫是爾曹

聞蟬有感

柴扉不見人斜陽照漁潒波分涼蔭去風柳綠髮髭新

蟬第一聲客心中路感苦憶結夏朋水寺袂重墜坐聽

疎雨餘兼聞香菡萏

由鍾吾驛入邳州境泊魚頭集

迢迢水驛戍烟稀吠蛤平田新漲肥兩畝柳風吹弱纜
半窗波影弄斜暉河魚上市多論斗暑雨連旬未減衣
差喜馬頭塵堞外等閒鷗鳥狎人飛

泖口卽目

柳浪層層村雨足嶧山遠寫修眉綠平蕪浩行漲痕銷
隔葉人家聞叱犢打麥場寬事耦耕茅茨際晚白烟生
天空一鳥急難下樹杪數帆疑不行

柳漁詩鈔 卷十一 六

次夏鎮毒熱得雨喜而有作

昨日驕陽熾於火赤雲西頽峰朵朵村兒習水體全裸
沉滅頂趾投坎坳日中牽挽舟役夥萬斛樓船立淺沲
撼嶽移山勢則那白汗翻漿羣力瘳天心愛人慈勝我
薄暮輕雷殷動輒月方離畢占雨果一夜潺湲活龍甍
曉窺遙岫翠嵐鎖兩畝水蒹花婀娜涼波簟展平帖妥
渚鳥翻來掠余左物態蕭閒意殊可盡拓烟篷宜晏坐
此時大扁借小舸峭帆一去等飛笥

泊南陽鎮

屬魚臺縣

野鎮名多假征旆迹再經鷗天晴日美魚園水風腥榆
柳千章合菱姑一路青夜涼沙口宿燈影動孤螢

過任城望杜甫南池李白樓感舊有作

古意集吟眺登高一慨然圓荷仍傍堞喬木正鳴蟬碣
在懷詩老樽空媿飲仙重來東郡日擬和北征篇

五月十五夜對月

滅燭宵闌坐琉璃世界清十分離海月百轉去鄉情碧
水橫橋影涼颼散笛聲荷花不知處衣上妙香生

夢灘

柳漁詩鈔 卷十一

七

明霞低蘸水悠悠野夢花絲隱睡鷗人影絕無天影澗
風吹紅穗不勝愁

豆畦

露畦成列豆苗青絡緯蕭蕭倚棹聽忽憶小園殘雨霽

一籬涼葉照秋星

南旺道中阻風

衆泉滙汶流森森浩千頃龍脊爲中分就下各自聘我
乘北流去逆風船首打風水雨不謀世途若此梗朝
發未半里一泊遂至瞑恍如遇大敵進怯退彌猛月輪

墮驚湍兼葭離披影嚼吟金鐵響醉魄有餘警願言佳
爲佳斷崖寄孤縋烟柳墨模糊野屋同淒冷檣端燈火
微明滅一星耿四望絕人跡但見天水永

柳林間東偏一水名安居湖中產菱藕香聞數里
頗具幽致

如葢濃陰綠四遮安居湖裏盡漁家分明一幅江南景
白鳥清波颺藕花

暑日舟中有懷吟社諸君

久客疲津梁暑卧不待榻船窗小於竇况乃終日閤荷

柳漁詩鈔 卷十一

八

淨水亦涼暫去誰能納煩襟鬱如焚屈指兩月匪安得
千丈冰使我赤腳踏昨宵片雲垂蘆塘雨颼颼稍覺清
心魂撫枕聽鳴蛤遠夢落虛堂佳朋兼野衲茶瓜索話
長几硯叢書雜夾膝有青奴皮陸句相答

去歲同人集吳氏清
動堂分咏竹夾膝

安山驛晚望二首

層巒雨後黛初勻淄淄魚波動夕鱗花鴨一羣浮水出
始知柳外有居人
縱少漁娃唱夜涼葦青沙白類吳鄉無妨月色遲遲上
要看疎螢度水光

張秋鎮雨泊

雨漲荆門驛灘聲貫短塘村涼雲抱樹寺古土埋鐘乍
失遠峰影偏增翹鷺容油油禾黍外孤笠隱耕農

故城縣

沙洲紆曲出齊河兩兩鱗枝穿綫窩諺云故城縣一窩綫帆帶雲痕

之字走斜曛射窗眩左右望裏青山送復迎弦歌古渡
希人聲白項老烏啼上樹樹何慈翠城何故濁膠痛飲
更呼誰慷慨自餘燕趙悲

德州早發

柳漁詩鈔 卷十一 九

川涂久滯百愁生畱得吳絲着臂盈凌雜杯鐺家具重
蕭騷風雨苦衣輕嗟身似玦何多斷帆腹如弓有幾程
聽盡浮橋殘柝響冷雲一片掩孤城

桑園鎮林木叢茂獨不植桑喟然成句

垂條柳依依結實棗纂纂綠陰若雲屯荆扉靜可款我
求墻下桑蠶婦久習懶名存迹已荒愁視極町疇虛憶
江南村夕陽枝影滿戴勝那復來鳴蜩韻繁管

泊頭鎮夜行口號

泊頭猶未泊何處宿行艫夜黑星光大人稀槿響孤稍

聞邨巷犬纔定堞樓烏徑欲河間去滄州酒可沽

滄州絕句

煜煜清燉若木東人行沙上細於蟲蓬萊遠近都休問
只戴麻姑酒滿筒

天津望海歌

大地不滿天東南水晶圓域空潭潭沐精浴華氣混涵
兩輪出沒無停趺蛟鯨得宮恣饒貪眼光掣電牙撐鐔
未容一髮山拖藍肯教人命逃礮礮可憐祖龍真狂慙
採藥遠遺諸童男十洲三島路莫諦夫不復返憑誰探

柳漁詩鈔 卷十一 十

求仙難大化蟲蚺取笑千古吝喙談我昨建節旄穆穆
重洋飛渡猶駢驛浪高如屋霧似嵐登艫四屬吟方酣
或時縱飲傾雙卮頽然就醉眠懶竄祇今轉念怯且慙
痛定思痛情何堪丁沽一水岐而三東指瀛壖游目眈
扶桑紅日津門含萬里咫尺聲教覃乘槎破浪昔所甘
吾生飄忽波中蕩歌罷野寺鳴鐘鐘緒恍有海濤春枕函

楊村卽目六言四首

白藕花邊舴艋青楊樹下幌幃不作浮家釣叟定爲識
字耕夫

幾點篷聲疎雨一方卯色好天耳悅能言花鴨心隨浮
鼻鳥健

新涼驟歸藤架落日多在酒旗試問黃塵壓帽何如小
築臨池

竿影亭亭佛屋籬垣曲曲人家收帆且依暝樹倚櫂還
數殘鴉

聞笛

嫋嫋風中韻橫空玉一枝清江看月夜獨客倚樓時干
里情同遠三更淚自垂關山無限恨願爾且停吹

抵都言懷即附家書後

林卧三年拍一彈誰教尋夢入邯鄲行天赤日洪爐熾
卷地黃埃苦海寬落落朋交星欲曙蒼蒼老鬢雪初漫
炊珠析桂非今始久識長安居大難

鄉園別後比何如雙鯉迢迢闕報書夾鏡湖光新滌淨
當窗弄色小紅虛雲山有約堪銷夏雞黍無慙慰倚闌
纔出便歸歸亦得不禁猿鶴笑人疎

苦雨東羅方城贊善時與同巷

十口羈棲僦舍初天瓢傾瀉雨盈除牆頭碧草爭齊樹

砌下清流欲種魚日月埋輪愁暝色江湖繞枕夢舟居
無官差幸身閒甚不向東隣借寒驢

咏秋庭雜卉四首

黃葵

淺敷宮額束妝遲初着鵲黃入道時幾輩金仙承宴罷
天風吹得醉冠欹

雞冠

圓寂霜晨腦膊稀何勞絳幘守蓬扉昂然關勝西風裏
知是連句木養肥

牽牛

河漢無聲露氣添明星的的曉窗簾淡紅深碧天孫錦
巧爲牛郎綴笠檐

鳳仙

甲棲幽草別桐花誰惜丹山五色華好女有情充菊婢
年年來傍宛丘家

題松篁讀書圖

結茆向蒼阿松吹涼于水窗虛入晴嵐幽人方隱几琴
韻暗崢嶸寒泉漱石齒

蔚藍四面山修竹補其罅時有瀟湘雨騷屑鳴清夜葛巾許過從此中足銷夏

九月一日出廣渠門外口占二絕

輾轉柴車載遠愁西風衰柳野塘幽何心更賦城南景紅皺黃團空復秋

點點橋烏夕照閒買舟重到潞河灣惡詩不道真成識冀及飄零出便還

昨抵都時有句云棹出便歸歸亦得不禁竊竊笑人疎

宿楊村

了了聞津鼓清秋野驛空夜昏寒澹月古柳獨梳風地

柳漁詩鈔 卷十一

三

迥魂難接天荒恨不終承雁兩行血相映蠟泥紅

歸舟書感

川容蕭瑟鴈聲稀銜恤奔歸何處歸古道無情頻往復高堂回首失瞻依一天冷雁隨波下萬葉霜楓和淚飛密密線痕纔脫手寒來忍理舊棉衣

沈增熙人攜眷同余歸里賦贈二首

清江何慚冰玉諾天教一舸共歸來蘋生舊里香猶遠椒獻新花歲欲回識字君多雌霓辨廢詩我抱匪莪哀練裳遺嫁單寒甚難稱萊衣五色裁

鹿車雙挽比肩人小住京華未染塵謝女簾櫳稀好詠徐郎筆硯總奇珍影流青鏡鴻眉少雛出丹山鳳翮新苔雪溪光如畫尚容釣叟往來頻

途次哭先慈疊韻二首

養就天慵百不諧長塗驅我爲飢來生同弦筭常多別腹轉車輪日幾回老樹搖風千古恨驚烏叫月五更哀人間親舊音塵絕豈有重泉書可裁

造挂淒清待遠人那堪風掃總幃塵膝前猶猶誠何賴身後梧楸柱用珍凍合黃流枯葉盡雪侵委巷濕蕪新

柳漁詩鈔 卷十

丙

從教遊子歸期滯誰復朝昏倚望頻

雪柳

水邨烟斷影婆娑蕭颯林風客渡河小店隔橋飛酒旆孤舟依嶼凍漁蓑平明驢背微吟遠往日蠟聲古道多寒色霏霏經歲晚數株江上奈愁何

揚州宿壽安寺樓

木末飢鴉啄瓦冰疎窗一榻借孤僧照人魂夢清於月彌勒龕中夜半燈

冬日同洪體公汪壽生登平山堂和阮亭先生韻

紅橋柳老葉墜霜巢烏啞啞啼朝陽蜀岡西望疎層構
綠白縈青天一方萬株松翠懸微逕木魚響出林中堂
廬陵題字無恙在蛟龍盤鬱雲烟蒼我來雖逢黃落後
水石明秀堪相羊第五泉亭坐淪茗閒呼野叟談柴桑
江南諸山紛到眼長流天塹鳴湯湯歷劫猶新六朝寺
剝竿森立旗飄揚更倚高樓眺直北遠帆如鳥墮渺茫
眉山淮海久寂寞但有陳跡留篇章纍纍家土隋家塘
悲風颭至振我裳白頭懷舊心苑結安能復關詩力彊
寒凝礪壑日色澹古梅離下枝低昂絕憐無城頗領客

佛漁詩鈔

卷十一

五

歲晏不得停征裝

嘉禾晚泊

放闌歸思已蕭條野日荒荒更易消烟外暝禽啼塔寺
水西寒犬護村橋千林積雪漁扉靜孤樵衝風戍火遙
眼見家山家未到天涯歷盡可憐宵

泣血吟一百二十韻

并序

泣血吟者不孝子淵哭先母沈太安人之所作
也苦次荒迷罔知工拙淚和墨瀋綴雜無倫亦聊
以申孺子之哀號云爾

世有大僂人不孝居其先日余受鞠育養茲肢體全父
兮慮我愚最之習義編經營走四方爲見供粥饘母也
實持門鍼紉生手胼胝脩苦不繼時時質簪鈿青燈夜
如菽風雨同寒璚琤然刀尺聲聲與呶唔連既冠忝遊
庠名厠弟子員三旬惟九食篤志貧且堅踴躍困舉場
蕭帽黯愁顏見悲母相慰泣涕交漣連門巷翳蓬蒿生
涯視爲田禍敝失奇溫鏗冷斷孤惻是時離窮甕骨月
常團圓一自巳酉秋鄉書謬登賢遂判膝下身長驅向
幽燕先期爲治裝掛指頃以繁密密縫衣裾惻惻酸心
肝行子所經歷以夢縈征鞭春闈被放黜無計歸鄉關
竊祿中書堂禿筆潤龍牋羈棲凡三載始預瓊林班東
觀命校文清輝假蔡燃頭銜一條冰玉署不勝寒捷
音聞二人色喜溢眉端喜心翻成憂念子客邸單遠遣
妻與孥執爨來長安親舍掩聞寒雪髣雙垂肩朝莫倚
閨望欲見無因緣泊乎歲在辰今上初改元覃恩
播海宇黎耋咸騰驩瞻瞻老處士勅封如子官阿母
封安人受寵彌歆然馳書示不孝反覆語殷拳謂自歸
汝家奉姑禮缺焉汝其體余衷陳情達九天 馳封

佛漁詩鈔

卷一

去

王父母庶用慰幽泉不孝謹承命獲免忘祖愆兩世荷
恩榮水木崇本源越歲屆大比卿 命遊昆滇嚴程
一萬里取道凌飛鳶暑往雲如燒寒歸雪沒驕使臣車
馬勞慈母心目惛于役方告休旋驚遷諫垣職司在獻
替任重身則孱皂囊隱封事虛戴獬豸冠實恐貽親憂
猥同抱葉蟬時庚申仲冬 天子親臨軒 特詔御史
涓汝往巡臺灣涓聞踴躍甚即日請 訓言驪駒蚤在
路迅若星飛蹊入口寄異鄉不作別離歎豈曰懷壯遊
歸親惟此便溫清久踈曠僂指十二年誠不如羔雛跪

柳漁詩鈔

卷十一

七

哺依尊前今茲抑何幸旌節過里閭親朋出郭迎父母
笑轉轉佳辰值新春綵服捧椒盤斯樂洵非偶平生良
獨慳大海浩無垠地盡天在川鯨鯨不可犯片葉舟楫
翻苟仗忠信行蕩潏寧足患脫復隨波瀾私願亦稍完
無何及瓜期迴槎圖舊歡遠傳府君疾難骨支牀眠匝
月侍湯藥中帶兒自湔沈疴日漸起努力重加餐趣令
急還 朝使節毋遷延兒方離寢門內問道已宣憑几
一昔話音容杳難攀匍匐奔荒廬麻衣血色澣如何忘
我痾賴此堂北萱苦由畱餘生倍增白首憐顧復若孩

提暫出情亦牽春秋肅祀事率婦修蘋蘩霜月鑒空幃
宵深絡緯喧花光紅繞郭迹不到湖壖經爐伴猶佛小
閣濃香煎案少茅容饌長齋屏幃鞦韆練裳勤澣濯縞素
人如仙搜空篋中襦脫盡指上銀仁慈遍臧獲賙恤及
孤鰥稚孫堪抱弄分甘置膝間長者雅好書助以柳氏
丸天倫有真趣歲月等奔湍每稱未亡人此際樂弗諼
祇愁新燧改瞬息喪經捐仕宦催分攜 君親並事難
不孝前致詞母懷願且寬兒能乞終養擬補循陔篇不
然扶板輿盡室居都廩祿米釀春酒朝衫當舞編美豈

柳漁詩鈔

卷十一

六

定吾土幸勿戀故園安人曰否否子言何太頑吾齒逾
古稀夕景薄西山卽未撰筇鳩步履殊蹒跚爾兄辦菽
水爾妹饋壺簞故園聊可娛胡爲跋涉煩服官爾及時
行矣各勉旃嗟嗟不孝子去佳昧所權遲久空低徊卒
就乘風船緬維解袂初簷雨鳴潺湲再三執我手哽咽
出語艱送客盡歎歔晚首不忍看滿期他日歸八袞拜
華筵詎知成永訣一散不更聞相違甫三月言聲盈耳
邊別時所拭淚襟上猶洩瀾欲覩舊慈容歸來但撫棺
痛聞彌兩夕泣下沾枕幘既瞑目復張惺忪視周環兒

孫半隔絕魂向天涯懸號呼今莫逮焉用少長駢追從
地下遊之死胡不過遊死竟何裨靈德懼失傳哀吟告
仁人毋躬禮教姻舍辛兼茹苦蓼味終身纏濡血述梗
槩呈一漏萬千乞予華袞褒世世感不刊

柳漁詩鈔卷十一

柳漁詩鈔 卷十一

九

柳漁詩鈔卷十二

錢唐張 淵 驚洲

疊恥集

上元書感

垂垂籬角數枝新開到梅花未覺春無復華燈娛白髮
不堪冷月照愁身聲傳市海魚龍沸血染衣麻涕淚勻
孤倚北堂經夜午去年羈飲屬何人

誄蒨荏女士

蒨荏女士名氏善文能書尤工琴律歸陳生耳
石七歲而卒年才二十有九

柳漁詩鈔 卷十二

霏霏瓊屑隨風生硬黃手搗逸態橫毫鋒力矯簪花輕
真觀古今恣題評高言時發軔霄吟士也得此稱通明
矧迺側儻而媚姪七年靜好諧琴聲有若求友唐嚶鳴
瞥然奮袂翔天京青鸞前導瑤珞鏗芝田柰圖曇華城
披香侍史登彤閣長叫莫應遠視瞠神傷荀粲難爲情
作歌誌哀涕泗并三生石上期精英

小寒食日湖上賦春水船分得過字

浮家終日水雲窩春入滄洲趣更多一櫂緩歌黃鳥舫
三篙柔漲白鷗波倒窺峰影衝萍去徐轉橋灣拂柳過

可但晴明放船好斜風細雨亦宜蓑

寒食再集湖上用楊鐵崖花遊曲韻

烟籠宿雨朝冥濛金衣栗留雙語風詰屈朱闌綠楊裏
過橋人影漾春水佛屋斜通窈窕門落花泥濺踏青裙
芊絳一徑迷野步破楮錢飛雪覆墓我逢冷節憂紛來
酒爐感舊數停杯但煮石泉浮碧盃試茶小院隨僧板
謳啞艇子水亭西墨帶濃雲爛熳題鳴蛙了不屬官使
爲愛風光美具四部將十色蠻溪牋書滿謝家喜霽篇
上巳日同人攜尊湖上酌碩丈月田墓兼修禊事

仍用花游曲韻

老晴山色收微濛仰面暖承飛絮風年年禪飲湖光裏
品鏡一箇花弄水人歌人哭郭西門田頭縞袂連青袂
腹含深痛過三步把酒還澆宿草墓當時曾共鬪春來
未盡生前激灑杯卽今麥飯徒盈盃寂寂歷幽宮扁兩板
逝水東流不復西茂林修竹見出題婆娑蒼髯巡花使
短策便於長馬門有情莫向天公箋望楸且吟懷舊篇
雨餘登葛嶺憩涵青精舍

疊疊流雲過檻前危樓日極嫩晴天遊人小似沙蟲集

一線長堤萬柳烟

泉通丹井水平池早有青蛙聖得知誰識賈家春雨觀
雜花無賴自離披

城北舟中看菜花限韻

落盡嫣紅花事闌繞畦蜂蝶尙追歡艷陽遍散烟郊暖
黃畝從爭晚稼寬他日藩籬歸旨蓄一春富貴屬園官
野橋流水行人少吠蛤村邊輟棹看

題張半谷小照二首

砂郎洞底得遺篇忽復聲名四海傳爭似竹深荷淨處

涼颿一簟夢游仙

摩頭遠駕指南車秀絕匡山剩故廬苦憶谷簾泉下坐
品茶閒著又新書

君有聰明過管輅我愁骨相類虞翻相逢謾許乘槎客
門巷蓬蒿今正繁

繡谷亭藤花歌分得十一真

瘦龍天矯戰餘春擎空尾鬣驚紛綸電光燁燁刺檐瓦
晴晝不假豐隆神無力蓄薇困避舍婀娜柔骨如纖人
讓君軒昂出頭地博風勢欲凌咽旻我昔京華儼古屋

繁陰廣覆東西鄰豪奢竟奪紫絲障花天月地忘官貧
點竄韓公赤杖句醉呼虎僕傳其具竹爐香起味清絕
紙筆屬珥離游塵放翁詩古盡人間清絕
事其蘇香起竹根蟻今來繡谷觸狂態偈
強猶故安能馴獨慚詩格老逾弱誰信髮白重迴髯憑
仗英蕤落酒殘吞芳嚙露須千巡

題九峰老人燕桂堂課孫圖應周雪舫同年

喬木蒼然妙入圖繞塔芳樹總瓊敷瀟湘何限公孫竹
能向燕山競秀無

授經膝下有餘師清誦琅琅喜可知自是月宮分種異

梅漁詩鈔 卷十二

四

寶家那得數傳枝

茆堂小築衆峰環翠納浮嵐襟袖間風止雨收借少長

高吟嶽麓送雲還

吾家慚媿說楂梨纔免門東索飯啼種樹書成貽要術

呼兒抱甕自澆畦

雪舫齋頭觀萬夫人八分遺墨分體得五言轉韻

畋漁翰墨林棲託文史家一臺兼二妙徐淑匹秦嘉

幾鋪銀光蛟螭出硯匣胸有秦漢碑遂無二王法慘慘

幾柔荑矯若鱗之而工書不識字阿買真疑兒青鸞能

衍戔一去仙路迥墨彩猶騰騫恍覩鏡中影

立夏前一日送舒雲亭明府讀禮北歸即次畱別

韻二首

片雲牽夢思獨鶴伴歸身無復輿將母偏逢酒送春天
涯街恤路湖上別花人愁聽烏雞語麻衣淚色新

醉中分袂去微雨一帆遲佛子初傳頌門人欲廢詩典
闌櫻筍會心與水雲期兩情還重見三年只暫離

城北水房送春分得十二文

括香御史更無勲較綠量紅意獨勤幾處賣花驚巷未

梅漁詩鈔 卷十二

九

何人秉燭坐宵分絮狂未肯泥中定鴛老猶堪醉後聞

婪尾一杯重惜別小荷池館雨絲夢

首夏西山獨游

桑陰疎更密一逕響綠車白石羊羣散清溪燕尾斜野

筇支短竹僧舍春孤花吟斷歸猶晚殘陽滿樹鴉

萬峰山房食筍用東坡詩爲韻分得修如二字限

七絕

春畦未放翠修修犢角穿堦頗碍游飽啖經時誇肉味

任渠風雨鐸龍愁

駢頭一一脫襦初白暫嬰兒玉不如但得老僧勤抱送
餘年何惜日餐蔬

端陽後一日雨中同金江聲葉恒齋遊湖上次韻

二首

向午雨漸微青岑引遐仰湖波如席平縱棹不知往荷
颭野橋風人稀蛤逾響憑闌數游鯨一寄濠上想
樹杪迴修廊梵天清可仰雲從石磴流攝衣僧共往絕
頂鳥不譁新簞含雨響寥然四照亭生我無際想

和恒齋中翰湖上雜興四首

柳漁詩鈔 卷十二

六

林風消宿霽湛湛水紋微白藕花低放紅襟燕數飛
旆指晴柳畔船刺古苔磯望裏峰如沐雙高擁日暉
萃確南屏路行歌客荷樵清鐘來上界破塔自前朝聚
景園林沒褒忠版碣銷只餘龍井水寒繞煮茶寮
碧血成湖草萋萋武穆墳淚飄枝上雨氣薄嶺頭雲鑄
象神姦懼焚香父老羣牛張遺冢在宰木接靈芬
一樽憑話舊勝地共幽尋未遂結茅願每生逃世心石
泉符夢句梅嶼盼仙禽他日能借隱西山深復深
荇觴上人姓魏氏住桐鄉鳳鳴寺以事被羈非其

罪也雲亭舒明府愛其才爲昭雪出諸獄中令還
初服上人感其意卽以舒爲名字曰更生今來武
林出感事詩八章哀思綿邈怨而不怒有風人之
遺丁卯夏五同人集瓶花齋各賦一律贈之分得

十一尤

意樹心花乙乙抽氣除蔬筍語彌道漫勞支遁憐神駿
依舊陶潛共勝遊萬事儘如雲狗變一身不作鉢龍囚
解人何必青蓮舌感激詩成石點頭

吳甌亭從京市重得先人所藏宋刻許丁卯集同

柳漁詩鈔 卷十二

七

人奇其事詩以紀之并和甌亭
遺金盆子恩於世諸冠狗積書明于賢牙籤未觸手二
者清濁殊不學均速朽昌黎勸示見慮墮公卿後惜哉
艷朝裾利祿相傾誘詩家飽經術獨愛杜陵叟青案與
紫囊趣舍了無苟當今夸毗子藏墨不可口叢殘蠹魚
編十篋亡其九善讀名父書目中見吾友點勘傳丹鉛
戢香到蒲柳劉氏無荒莊能創在能守長安塵沒霰紛
逐牛馬走奇器橫道傍頗遭俗眼醜旅舍斷晨炊豪家
傾夜酒貧富居皆難書債所負得售敢論錢棄之若

敝帚遂令閱市人寶玉歸魯有茫茫幾十稔流落向誰
某手澤重摩挲旁觀太息久嗚呼一物耳皇天意甚厚
石鼓會岐陽浦珠還海藪搗訶煩鬼神聚散豈云偶不
見太玄文有時用覆瓿

暑日周雪舫邀同金江聲施子淳丁龍柳吳甌亭

家藻川湖上納涼

吟船泛泛野鷗羣高柳新蟬靜處聞荷氣尚含清曉露
亭陰如覆碧空雲人從世外拋衫履天在湖中絕垢氛
冷卧琉璃能幾尺莫將新竹擬漪紋

柳漁詩鈔

卷十二

八

三伏酷暑用人皆苦炎熱字爲韻錯雜成篇

火龍飛天散顛鱗熾熾畏景連宵晨空思窗戶挂涼草
漸少井泉蘇賜人桐葉離披墮瘦乳玄蟬長號不知苦
誰家酒進碧筩春何處睡甘清簾雨蓬勃游塵十二街
全輪老衲松陰齋雲遮古洞蘚苔合水浴明霞鷗鷺皆
是閒絕無束帶熱項斯詩多因束帶
熱轉想利頭涼恍然坐飲峨眉雪僧牀
肯借半房山何肉周妻從此別洪爐萬國正漚炎嗟我
不如淵魚潛農夫背上生白鹽可堪酷吏逢羅鉗

許生端書惠羽扇藥酒賦謝

竹素裁明月何如縞羽鮮麾軍吾豈慣安衆昔同傳水
檻飄輕鷺林塘對白蓮庾公塵不到風致極翩翩
問字勤攜酒還來好事人清酣中賢聖配合辨君臣色
奪丹霞景功迴白髮春願追河朔興一飲動經旬

六月二十二日毒熱如焚思去年今日 先太安

人中暑疾薦忽忽經年感物愴懷泣賦斷句

小閣疎櫺照赫曦桃笙火出晝遲遲碧花籬下蟲聲歇
倚榻呻吟憶子時

淚漬蕉衫別思牽歎雲蒸夢路三千歸來剩有黃香扇

柳漁詩鈔

卷十二

九

揮暑何由到枕邊

晚庭紅散樹頭霞愛汲清泉自灌花花影不知人在否
依先和月上窗紗

一道烟痕著壁新香爐經卷鎮相親藥王絕少長生法

空乞刀圭救路人

寄巢歌贈杭二輩浦

非屋非舟兩無繫青笠蓋頭風雨避我寄蜉蝣在天地
問君遽廬復何寄城南讀書忽城東如奕不定隨厝置
怒飛已作鴈霄遊息影無妨蚊睫細十洲景物東方記

振筆蓬山日娛戲賸有平生水石緣左花右竹紫人意
三徑未荒重翦薙綠陰池館涼風至堆牀萬軸恣蒐探
快若窮淵賈昧異潘母輿輕好共扶茅容膳熟常親侍
南陔蘭樹北堂護補亡大有新詩思鵬聲鴉軋當窗遞
引得清流種魚婢暑簟琅玕淨木紋小年只合尋眠味
噫嘻諫草焚來人尚識去聲肯教腹秘便便笥我欲從之
叩奇字屢滿門前多好事先生巢成同鶴睡不管松梢
起幽吹笛余亦逐漁翁醉泛宅朝波空世累

七夕愛早

柳漁詩鈔 卷十二

上

曉腹今年一字無曉曉睡漢據哀梧誰能耳盡銀河水
不聞雙星濟萬夫

中庭嘯風渴蟬聲纖月如船屋角橫別淚不成天半雨

怪渠牛女太無情

八月十七夜集吳山延慶道院看月分得有字

天風吹衣坐燂數高處涼多木葉吼銀界三千檻外遙
孤蟾一點離雲走下視樓臺氣莽蒼吾鄉忽入無何有
但聞月底殷晴雷半夜鴟鵂怒尤陡靈颺飛逐浩歌來
海色江光破昏黝松顛老鶴睡未醒露濕石壇青藓厚

酒渴偏宜漱井華隔林童子敲茶臼旭輪欲上東方紅
牢落羣星低挂牖叫動天雞萬戶開明朝塵世空翹首
秋花爛熳壓山椒問渠待得重陽否有約霜前醉野籬
此生肯負持螯手

同人過篁菴訪全謝山分韻

小步入初地翛然衫履閒夕風含磬冷秋葉隔籬殷句
好先呈佛囊空未買山聊憑桑落飲一破旅中顏

哭胡緯昭甥

緯昭爲諸學工文章年二十三補弟子員越一歲丁卯
鄉試案後摩厲以須臨期忽病作不獲入闕憤鬱而卒

香蘭欲茂隕嚴霜皓首青眉哭繞牀蕣玉土中真屈陷

柳漁詩鈔 卷十二

上

撰文天上更荒唐半函遺草虛成集三尺純鈞未試芒
魂逐哀禽呼入夢落霞秋水夜蒼蒼

題鄂筠亭觀察海昌署齋八景

瓊瓏牖影翠森森萬个簷簷一徑深睡起清風受寒玉

日長惟對此君吟

竹南詩屋

混碧接藍海不波晏閒亭上客婆娑春衫屢宛朋支色

知是桃花着雨多

景蘭亭

一羣魚翠共游空飄渺烟花入鏡中青到浮萍三月暮

斜陽澹澹水濛濛

碧泉亭

賦心不讓木玄虛杯水居然滄海如莫笑清池惟一滴

此中大有化鵬魚

滴海池

衆綠成帷入夏寒環堤楊柳更迷漫風來只透黃鸝語

不見漁舟弄釣竿

柳塘

蓮葉東西集戲鱗輕投香餌落花新闌邊不養能言鴨

樂事還勝甫里人

魚戲闌

木末芙蓉好拒霜鵲鵲兩兩浴銀塘不須辨取并州翦

占得吳淞水一方

翦淞壩

宛轉陵巒小有天標奇曾不數平泉故應驅石成梁日

柳漁詩鈔

卷十二

未

未受秦皇海上鞭

平泉一氣

九日同人游城東報國院分得朱子登天湖山韻

寺僻苔荒跡到稀雲間古堞見鴉歸枯荷數本困殘雨

野水一池明落暉佳節未忘花壓髻薄寒殊苦芋爲衣

登高腳力都非舊悵望秋山隔壘微

題博山上人小照

松老不知歲蒼髯具古格冷披兜羅緜雲氣爭水白結

茆嶺之場小有淨名宅晏坐一團蒲目笑世界窄香從

逆風聞石鼎燃紫柏嗒然忘言後溪鳴廣長舌誰能貌

余真山服隨草屐箕踞絕磻旁與師話牛跡

九月晦日同厲樊榭丁龍瀝施竹田吳甌亭湖上

看芙蓉分得紅字

鮮華未落鯉魚風生色屏開粉本工山骨瘦來增夕秀

水容淡處着秋紅宜人暖景新霜後老我閒身野鷺叢

佳約尚須追笠屐僧樓高賞半天楓

月夕對菊食蟹醉後有作

霜浸籬根紫艷收輪圓幾輩縛寒蒲當杯美具色香味

入室清餘風月吾韻險未須詩急就囊慳還漫酒頻沽

柳漁詩鈔

卷十二

五

五湖三徑無差別身落徐熙夢野同

宣和畫譜文會堂詩話

湖上晚歸口號

問菊僧廬野飲長帽檐斜插一枝黃殘陽松樾雜人影

遠水蒹葭低鳥行老病不嫌攜杖早秋懷唯爲看山忙

半城霜月獨歸去夢與茶烟繞石牀

兒子霽計偕北上余送之廣陵書此爲別

目送揚帆去江天雪意中愛寧忘舐犢技不悔雕蟲夙

夜子懷共饑寒爾僕同憑誰寄消息南雁正排空

世路有夷險才人皆苦辛雅音從正始花樣別時新怒

齊青冥翺堅持白玉身無爲念遲暮健飯且甘貧

吳江舟夜

殘星明滅敗蘆碕又是漁村火上時離別易傷惟有醉
江山頻過更無詩艣搖遠夢吳歌靜霜滿寒空朔鴈垂
衰髯不堪添旅況歲闌何事獨歸遲

曉發石門二絕句

穿蓬紅日報新晴路指鄉園但一程驚落霜林鷄似葉
橋灣小艇賣魚聲

夢長夢短不離家船尾風濤亂煮茶愛殺野人離落下

柳漁詩鈔卷十二

綠梅如豆一枝斜

耳疾

三年不聞樂靜耳翻卽聾牀下聞蟻牛一病成衰翁數
煩辟咄詔垂老聽益恭客或手代口吾將視濟聰聾聾
隨方言名殊實則同誰爲求妙藥飛出琴中蟲琴中蛙蟲
名鞠通置

韋有功惟願花前飲時時邀社公

杪冬卽事用放翁歲未盡前數日偶題長句二首

韻

屋有梅花韻不孤膽餅清供對圓清香銷古篆寒猶撥
酒熟隣缸近可斟却埽閉門多歲月蓬頭赤腳幾僮奴
迎新懶捉題扉筆但寫貧家辟鼠符

東風扇動土膏勻簷雨纖纖已浹旬雙髯如絲難諱老
一冬不續蚤偷春枝頭鳥呀新篴脆石面苔痕小綠斂
臘盡莫逢三白兆秦寒周煥總愁人

題沈洲雪先生雲山廬藥圃應勘堂觀察

松鳴絕磴雲四委雲在松腰活於水一雙不借踏層巘
相隨獨有金鷄嘴長鑱託命趣何窮殊異苦親同谷翁

柳漁詩鈔卷十二

樓笠草頭風日好葉香破鼻烟嵐濛濛奇種無人管

洞口花深走白犬魄結脂凝幾百年憑君收拾筠籠滿

采苓采苓山之巔服食身輕骨自仙石髓泉音可勝煮

掘雲喘嶮成瓊田豈知一人天台路桃花流水時多誤

杳然不見荷鉏歸畫裏須眉美如故

元夜集瓶花齋賦武林踏燈詞四首

月波衝瓦眩琉璃曼行魚龍陸海嬉不惜金錢買良夜

錢王功德少人知

春雲熱處燭熏天唱徹秋歌卜稔年誰繼後書吳自牧

繁華細述夢梁編

千梢翠竹環如洞萬顆晶球粲似星脫頂肩與看去遠

依稀髻影露鵝青

醉歸窮巷版扉幽慙說當年豐樂樓入室更無燈照佛

清於坡老住杭州

東坡守杭元夕獨行入僧室了無燈火謂詩有不把琉璃
開照佛之句借用其事清於坡老遊杭市劉後村句也

舟行餘杭道中入西谿同周穆門朱鹿田金江聲

厲樊榭丁龍御梁設林施竹田吳旣亭汪秀峰分

賦

摩遜受數人汎汎水清淺春山左右逢催隨處轉菜

柳漁詩鈔

卷十二

七

陌界桑塍平鋪綠於蘇千釣種魚池潑刺蘋尾展日腳

弄晴妍客衣初卸繭漸進梅花窟茆屋吠幽犬炊烟竹

裏生冷然晚風善

西谿山莊曉起看梅

月澹千林曙烟深兩版局握枝餘睡鳥照水失寒星輒

上花間徑繁香渚上亭有情山共冶隔竹見遙青

泛舟河渚過曲水秋雪諸菴絕句二首

進艇渾迷港幾層妙香佛閣共雲登簷梅但索遊人笑

一樹胭脂未稱僧

魚國周遭水浸天白頭野衲不知年何當衝雪蒹葭里

月潔秋高坐釣船

永興寺訪馮具區先生手植綠萼梅

白雲深塢扶筇走略約一條橫水口潭影清寒藻荇紛

山風颯爽松杉吼懷舊重尋二雪堂我來恰值花開後

祭酒風流不可追仙人萼綠爲君守篁間晴霞雜蒼霞

朗照春空萬瓊玖慙牙傲格頗平生想見月明鋤在手

丈室禪燈眞實居飽嘗清福恨難久哦詩樹下故交稀

繭紙題名識某其雨散星離又百年僧難忘隱絲垂首

柳漁詩鈔

卷十二

七

遺編珍似佛名經快雪主人今未朽

西谿歸行經宋華道十八里

竹隱人家草覆橋秦亭山麓翠迢迢鶯聲互答新莢長

豹尾前驅舊迹銷九鐫洞天虛館寢六飛弦路便漁樵

落花無復隨芝蓋寒逐東風野旆飄

花朝雨中泛湖分韻

最難忘卻是今朝勇赴春期肯待招山色別生含雨態

柳枝徐引弄風條權依冷嶼鷗邊度人共朱闌水裏搖

餘興可容難夜燭更宜蓬背聽瀟瀟

薄暮至湖上宿恒公方丈分韻

珍珍烟柳不勝梳黃篴舟輕信所如僧磬冷飛人靜後
嶺雲橫抹月來初歌臨溪水鷺欄鴨醉任巖城閱鎗魚
茶味花香兩清絕一燈相對話精廬

春湖夜泛歌

兩峰欲暝雲決漭未判陰晴熾樵往奇情那易破天慳
隴月花梢聞雨響雨收月墮蒼烟中明滅蟾光塵鏡蒙
非鬼非仙畫不就傾翻墨汁流虛空不眠待月三更坐
水寺星星寒佛火絕無人處小舸橫睡穩沙鷗懶於我

柳潭詩鈔卷十二

老我看春眼尚青天桃柳柳最關情一宵禪榻愁風雨
多事活東連曙鳴明朝依舊蘇堤霽香擁橋頭曉馬繫
知否重攜卧具來綠波何苦催歸棹

葉恒齋中翰別後追憶前遊復惠一篇依韻奉荅

雅愛雨餘山屏風繪水墨況聞林外鳩相呼迴霽色三
篙綠漲平一握青天關挈舟過精藍冷磬出蘿薜蠟頭
蹶宿雲竹尾聽殘滴老矜腰脚健縱步不假策孤亭一
展眺萬慮俱脫臆謾清飈吹松顛起潮汐飄然遺世
身神仙在姑射故人雲間來高尙逸難匹鄉味眷尊羹

朝衫謝塵跡豈無桃李顏而獨貞松覲物外得素心把

臂兩怡澤林泉錮已深寒餓句堪索芳訊以時通形睽
夢不隔無忝忠節孫共許詩壇伯意氣猶少年但愁須
髣易憶昔中書省最昏同僚直開從藥垞吟倦依雞樹
息交垂二十稔合志等金石嗟我泣血餘眼枯亂朱碧
頻歲倚荒廬覺覺靡所適如彼蛭與蟪曲躬困泥澤賴
君引勝游明湖而翠壁風荷輕翻反清鳥遠浮瀾開襟
勸一觴弗問誰主客斜照入船窗佳處日易夕何當遂
耦耕小築湖上宅

柳潭詩鈔卷十二

雨中廿墩村看桃花用少陵江畔看花七絕句韻
聽徹五更簷際雨雨聲猛絕興逾狂白頭愛結看花伴
清曉先辭夢虵牀

一篙水長東湖濱鴉軋鵲枝攜好春未到桃花最多處

小紅籬落早窺人

着色橫圖倣李家青山如睡墮繁花尋花雨底渾忘雨

返照遙烘水一涯

瀾漫錦浪細疎烟白白朱朱俱可憐添却嬌鶯林外語

恍依紅雪坐歌筵

水挾飛英盡向東未妨醉面受斜風
皋亭一帶春燕路都作秋原野燒紅

無言芳樹下成蹊竟日遊蓬六扇低誰共劉郎憶前度
亂蛙愁傍菜花啼

昏黑城闌首重迴玉壺酒盡暮笳催帽檐不插一枝去
狼籍餘花空復開

病枕口占

夜雨和呻吟聲虛聲不隔清眠樹杪樓人靜感蕭蕭羸
然多病翁支牀骨如腊殘燈翳藥烟孤影一灯窄老法

柳漁詩鈔卷十二

睡思慳獨苦夏之夕雄雞力有餘三號紙窗白

題年武山墓唐六如畫起句即用其語

月明千里故人來淨掃匡牀襪被開憐燭有情生夜蕊
匏尊無算竭春醅高梧覆屋孤村裏臥柳維舟一水隈
佳會底須其把臂披圖我亦興陪瑤

餅花齋題茨虛上人賞雨茆屋圖分韻

瀟瀟空際響隨風入竹梧平生聽雨愁強半緣羈孤倘
交素心人晨夕同清娛蓋頭茅三間澆胸酒百觚寧復
論舊今雨來皆蘇枯蒼翠紛滿眼欣賞良不誣美言冠

詩品旨哉司空圖斯意若爲傳畫禪古倪迂雲容寫初
晴瀑落峭蒨俱吾欲身其間與師並跣趺數椽屋角山
幽鳥遙相呼眠琴向綠陰盡醉傾春壺

復園池上看荷分韻得九佳

瀟照林塘向夕佳藕花香動集吟儕雙飛白鳥依涼榭
一抹紅雲臥水涯卻暑最宜簫泛酒臨流雅借舫名齋
夢魂不到淋池上閒逐輕歌蕩樂娃

十二度月圓吟和吳南莊

星橋粲粲鏤齊開圓魄當頭第一回滿路踟躕聲未斷

柳漁詩鈔卷十二

逐他人影看燈迴

平分漏刻不爭差節勝中秋會百花試咏徐凝春夜句
從來少睡亦儂家徐凝詩大抵一年相似夜中秋未必勝中春不寒不暖
看明月還是從來少睡人

蠟燭宮傳賜火新爭如蟾彩爛於銀飛觴誰共芳園醉

桃李花間卜夜人

朱櫻玉筍薦行廚結夏僧齋風月殊濃綠千山遮不得

清和夜景徹冰壺

片雨新晴醉竹枝海樞然火照常儀青天一鏡光飛動
不減江心龍鑄時

人間絕少清涼國高處應無熱惱天一月千潭看分映

荷塘顆顆曉珠圓

烏鵲投林倦不飛

樓書七月望夜烏鵲集林木不飛

塗塗清露暗侵衣金波

演漾放燈水纔與羣賢修禊歸

丹鉛摘錄右軍蘭亭修禊春禊也魯都賦素秋二七天漢指隅

人省祓禊國子水嬉此謂七月十四日秋禊也

尋常三五亦團圓端正無如此夜看縱被凝雲致微雨

萬家絃管蚤吹乾

雁度南雲清唳長城砧敲斷夜茫茫素娥耐得深秋冷

作意爭妍青女霜

柳漁詩鈔卷十二

水石蕭疎林葉盡風霜高潔月華流雪堂極目江山變

有酒難忘續舊遊

殘雪離礎冰挂檐密梅寫影入重簾寒輝達旦長如歲

不似新陽一綫添

月從雪後皆奇夜

范石湖句

煖燕真香起凍眠竹屋紙窗吟

未足一輪重滿已移年

柳漁詩鈔卷十二

門人汪啟淑

許振端書

圻沈咸熙照人

男齊懷月校

柳漁詩鈔十二卷

浙江巡撫
採進本

國朝張湄撰湄字鷺洲錢塘人雍正癸丑進士官至
給事中是編分子野鷄木輓景溟行癡床海槎帖
懷皖遊鷁風巵耻十集湄與金孝章屬鸚等以詩
相鏃厲故集中與諸人唱和爲多

秋水齋詩十五卷

〔清〕張映斗撰

上海圖書館藏清乾隆張守約等刻本

附《四庫全書總目·秋水齋詩

集十五卷》提要

丁卯初夏 武英殿校十三經二十二史畢余與諸公
閒論近時作者因勸 蘇潭先生當刺其詩行世先生
謙讓久之顧余笑曰舊稿具在子能為我刪之其可既
先生奉 命典蜀試將行過余寓舍曰此行也倘得江
山之助有詩百篇子當作序至九月蜀人來者言先生
病至冬則傳先生卒於渡廐驛館矣嗚呼悲夫先生早
負重名其在翰林詩筆為一時冠嘗自謂生長東南官
在禁近無由歷覽宇內名山大川以發其奇幸得以衡
文出使由晉入秦由秦入蜀所在名山大川一快生平
願遊之志而詩亦遂止於是悲夫初余之識先生也余
方入翰林編一統志於座主溧陽任尚書家先生實與
共事及經史館開並索筆入直 武英綱目館開則又
晨夕商榷明史是故先生有作必以相示今秋水齋集
所列大半嘗諷誦焉惟使星一卷則公子孝廉力民直
夫兩君錄之遺稿余今始得見之因兩君諸序追憶前
歲臨行時言真不覺涕淚之交頤也先生才高學勝德
冠渾然無涯溪其為詩也出入漢魏六朝唐宋不名一
格而各有以見其長所謂取精多用物宏者耶兩君能
讀父書勤於編輯將以付之梓人先生雖沒不朽矣乾
隆戊辰七月館侍天台齊召南拜書

昔新城王先生之論詩曰典曰遠曰諧曰則數十年來海內操觚之士矜與衍則剽掠牙慧紛裂而塗飾之其失也廣窮冥摻則竄易舛排浮漂而踴吸之其失也妄妄得出入大雅之倫與之力追正始甲午秋借樹樓几上置秋水齋詩數葉予偶焉屬目見有清靈之句循詠周覽通卷格律嚴整典雅深秀居然作手心甚愛之越明年吳小蒼持雪子手錄詩一卷見貽視前又添數葉述就正之意予喜其益復老成清曠雅調高張所謂杜詩韓筆無一字無來歷矣古學正聲斯焉有托新城先生而見雪子之詩有以合宗旨而慰平生豈非簫韶嗣響星海導源歟雪子春秋正富母聳聽於嘈囂之音尋源探本障川迴瀾後日相見吾不知其更進何如也遂書之卷端以復雪子康熙乙未九月朔仁和學弟湯右曾書

秋水齋詩序

三

秋水齋詩目次

卷一

或可存集 古今體詩五十五首

卷二

江上集 古今體詩七十一首

卷三

釣磯集 古今體詩七十六首

卷四

雲林集 古今體詩三十一首

卷五

范湖集 古今體詩四十四首

目次

卷六

日下集 古今體詩四十四首

卷七

日下後集 古今體詩四十七首

卷八

水簾集 古今體詩四十三首

卷九

新館集 古今體詩二十九首

卷十

丙舍集 古今體詩四十四首

卷十一

新館後集 古今體詩四十一首

卷十二

舊雨集 古今體詩六十二首

卷十三

清秘集 古今體詩十三首

卷十四

瀛臺集 古今體詩五十九首

卷十五

使星集 古今體詩四十六首

先君子八歲能詩年十四即以詩受知於學使方洲彭公早擅國器之目大江以南凡夫名跡勝場

目錄

二

騷壇廣座過必有詩淋漓揮霍其間或專刺單行或他集引重海內久膾炙焉歲乙巳入京師至癸丑通籍入詞館前後二十餘年簪筆承明之廬啣

命衡才之使自進廢官韻外歲詩不下千首傳抄腕脫率并原稿失之庚申而後

守約守愚相繼

入京先子合新舊稿之僅存者手自芟訂命錄為一本即今所刊者是惟使星一集則從丁卯蜀道

遺篋得之而不肖

守約

等編次者也竊念先君子

著作不名一體而尤耽于詩詩不名一家而詞必已出淵雅醇正集唐宋前賢之大成不肖等學殖

疎淺無從仰測精深伏見先君子遭際

聖明散館試卷

睿賞特置第一其他篇什傳布當世名公巨儒莫不歛手推服則信今者必傳後不肖等不即謀剞劂不特負疚滋甚而當世士大夫之願讀遺編者且有以督責之矣用是舉詩十五卷敬謹校閱先付梓人至其餘各體統俟全集續刊云爾時

乾隆十八年癸酉孟冬月既望男守約守愚謹識

永泰齋

三

秋水齋詩卷一

鳥程 張映斗 雪子

或可存集

遊法華山雷宿偶題

城上青山如屋裏幽居時對山容喜主人意在山水間
一倚春帆十餘里臨湖門去法華寺片刻沿延舟已艤
野槿編籬竹色深長松逶迤濤聲起徐行入寺景迭變
蘚磴重重供徙倚飛泉漱石盡成珠老樹捎雲悉如綺
坡陀更上見震澤昔日紅亭今則圯別穿叢篠坐虛堂
半巖空翠橫窻几石壇高矗香縷微金磬一聲得禪隨
天光雲影兩裴褻風定月高更清美嗟余少小慕閒靜
每到山中只移晷年來年去不雷題愧爾山靈良有以
人生底事塵慮多身世茫茫難脫屣谿山不屬年少場
禪榻鬢絲誰易擬即今襍被聽梵明明日過歸豈得已
惟幸青山長戀人餘歡終向茅簷跂

九曲池

人語四山靜泉聲九派漸針穿珠顆潏坂折玉枝枝沙
輒苔兼潤波清石不縑誰能分枕漱一畝自題詩

遊道場山何山

郭南山色排青蒼天雷文筆居中央白雲漠漠塞幽逕
側峯橫嶺交迴朔試憑兩屐登百級春光與客俱相羊
松聲澗聲弄琴筑和以梵唄清而揚啣花翠鳥下絕壁

釀蜜黃蜂飛半廊風播不動禪意寂鼻觀時時聞妙香
探竒已度翠微閣修篁古木相周章遠看浮玉疑地肺
近披瑤席沾天漿振衣絕頂得小憩盧敖若士爭顛顛
空中帆影動蟬翼樹缺湖流澄練光下視林麓雜車馬
盡魚沙鳥叅微茫劃然長嘯下犖确尤愛萬景圍山岡
菜畦麥隴斜復整如見畫卦逢羲皇徐行步步看不足
奚囊更入何山傍綠茵鋪野錯履烏繁枝傳座催壺觴
高詠沉醉君莫笑好山不怪風花狂

琴石

山骨藏清韻歌橋和水僂有聲隨搏拊無法綴絳絃雷
會工難斷嵇康曲寡傳石鐘遭培擊讓爾得天全

秋水齋詩卷一

二

章子柱天以無題四首見示更索其餘十二律
不獨西崑嗜好偏巫山更想足鴻殘祗應秋葉題佳句
洵有桃花賺少年室邇人遐頻浩歎情長燭短總悵憐
知君亦有江州恨濕盡青衫聽四絃

過人家園林題竹上

行險亦偶然愛此萬竿碧本不問主人主人何避客

水閣示弟四首

一椽蕭寂對荒城綠帶裙腰春草生小水烟消籬落動
虛樓風急紙條鳴還緣定省中門入不愛紛華曉行
潛住祇應鷗鷺覺隔簾吹下讀書聲

東風拂檻斷塵囂先得朝光繼晷膏自少雜賓非閑戶

本無名刺孰生毛塔間鈴語傳清籟床上琴聲伴濁醪
亦若有人含睇視女牆闕處弁峯高

浮名酬酢悞形神剝啄由他客去噴黃石豈須私贈處
青衫長是不緇磷尊前已有三人對肘後還叨四部陳
詩債書傭齊謝却等閒未受墨磨人

舍北精藍小徑連靜參慧業類逃禪鉅公未敢勞車馬
小弟初能弄筆椽樹影拖烟凝紫翠鐘聲帶月落清圓
茅簷大有金莖露若好樓居定是僊

郊行

閒客此閑行高原石虎蹲涼風摧眾草落日淡孤邨溪
靜眠鷗穩坡平古木尊秋光誰解畫宜與郭熙論

西塞舟中

波光連晚照爽氣襲秋衣日落漁歌遠林深樹火微闌
河迷雁陣風水沒魚磯載酒無同調扁舟却櫂歸

書齋四咏

長身管城子亦號中書君寄君掌握中直幹凌風雲永
師十八瓊退豕銘鴻文想其鋒銳日愛護尤慙勲撫帚
悟神技畫荻垂清芬毛錐豈無用五嶽搖天垠一牀類
而聚雙管羣以分無虐尖頭奴有司使將軍

龍文護劍脊清瀟滴珠露洒然落素壁霏烟而結霧由
來客卿貴磨人人不怒潛德發幽光未刊天所賦南朝
重李墨國亡載滿路那知宣和間半珽空餘慕紈綺不

飲汁濫以塗鴉悞翻幸相國墻人天瞻黝壁

裂帛既高價炙竹尤難編惟此白之白能受玄之玄蔡
侯出奇巧魚網桑根連硬黃垂秘閣縹紅授瓊筵可憐
汚俗手百穢窮彫鏤刺藤洵堪弔天閼傷天全染絲猶
有用惡札誰爲漸告爾紙憲人孽戕期可傳

踏天割紫雲落手堅而澤浸潤兼磨礪猗猗吐雲液玉
質遺金聲文壇貴拱壁適逢漱石人摩挲伴日夕鳳唼
固其尤龍尾惡能擲多藏何足誇比德宜珍惜老顛當
殿請猶嫌唾花碧莫令半邊山頓化三火石

書東坡志林後

秋夜填詞留主眷山寺題詩被饒口可憐宋室君與臣

紛紛箋注東坡叟舉問坡公公大笑觸筆成文亦其偶
情生於境我忘我譽本非真毀何有嶺海扁舟來得得
流離來出此邦域不合時宜一肚皮平生只有朝雲識

病目戲贈醫者

過眼紛紛萬事湮湘東西楚定誰賢讀書久厭十行並
報德何須七竅全漫學痴聾忘睚眦還憑青白代言詮
感君技似僧繇筆頓使神從阿堵傳

山房聽琴

五音淡欲無一聲動還靜曲罷篆烟微古垣落松影

坐梅花下

行飯過後圍修籬啼鳥靜白雲時卷舒晴光弄春影霜

根敬怪石玉貌清而靚誰惜汝神寒獨抱孤芳冷幽香
不媚人翩然斜復整微風自東來數點入衣領論交得
清友坐忘春晝永相對見吾真何必誇紅杏

咏史八首

晉水決晉城圖彼晉城利晉城決未盈旋決決者地平
陽動高會仍用三分議哀哉狃利人默默爲飲器智伯
國士異庸衆遭逢始感激智瑤有忠臣矢死無餘戚當
年范中行竟可等踈遜未必人臣模要爲人主惕豫讓
烈士樂殉名洒血恨無地軹里隱狗屠同氣知其意嚴
韓亦等閒姊弟自英異相死慰平生時行垂高義許政
命將論其材爽德亦屏絕苟變負小瑕所失非忠節一

秋水齋詩集卷一

五

戰之爪牙二卵困豪傑安符百行全更奮鷹揚烈荀彧
商石啓秦帝實已足秦亡廢古事殘刻豈能長富強祖
龍距結法積厚遂披猖固知西方慧卽兆屠咸陽街
良馬不戀棧離羣亦徘徊郭生志倣儼一言皇路開英
英樂劇輩並驟黃金臺是人非駿骨卽此爲龍媒郭
括母懼爲將嬰母戒莫王陵母勉事漢偉識均非常王
孫奉母訓矢志登疆場所計非功利千秋尤烈光王孫
論報慘不食平反笑而慶誰云慈母顏悉是生民命赫
赫雋京兆推恩樂所性屠伯彼何人迴車不爲病雋
擊劍母
延平之津波冲融秋高飛起兩白龍攫拏忽入秦龍手

空堂颯沓生雷風初看三尺水流沫漸似一雙九跳脫
前迎後掣低復昂鏗然長吼摩天揚朔雲慘淡雪花急
精精兒走空空泣忽教四海凝清光雙倚崆峒相對立
吾聞莊生說劍劍有三蓬頭突鬢非所堪清時不用萬
人敵聊將壯志付酒酣二項鴻門眞一峽公孫老婢無
足說學書不成便學僂行試長江蛟蜃血

房中詩

微雲蕭蕭秋氣清夫容花插一室明午餘睡起寂無事
簾鉤搖動涼風生小鬟花底進般核紗窗瑩淨移刀尺
久藏斗酒出牀頭與婦飲勝對俗客嬌兒學步繞座前
手持棗栗往復還頗知嚴父不時近喁喁細語謂母賢

秋水齋詩集卷一

六

牽衣攬袂增笑樂餘樽更暖爲重酌牛衣涕泣眞可嗤
斗室風光殊不惡銅餅水趁活火烹簾間明月一半橫
開眉撫掌失愁壘要自不免兒女情年來作事頗輕脫
生計全疎書咄咄君家亦乏鸛鵲裘沽酒何堪釵屢拔
貧士家風苜蓿盤賴汝能爲堂上歡蝸角蠅頭不足計
椎髻布裙洵所安楚相功名眞一夢歸謀之婦言微中
冀缺躬耕我未能好求丹訣同騎鳳

秋感十二首

敗絮擁何遽統扇棄何因萬物各有用非時不見珍男
兒全百行豈無一過人何爲長抱膝所度世與身絕物
固已隘知已倘未眞出處苟輕脫功毀名亦湮榮華安

足惜惜汝志未伸

巍巍峙青山聚聚多白石飄飄出雨雲鬱鬱排松栢我
嘗登自厓濕露阻履跡聞茅願屢虛通曉增歎惜猿鶴
應未知頗怪無高客

閒居頗寂莫故人良可思遣奴走折簡有酒共酌之翩
然入我座談立更賦詩青蔬雖肴核手爲設七匙我酒
君可飲我意君所知

靈物固希有先覩以爲快衆鳥觀鳳皇未必不驚怪腐
鼠亦可誇枳棘亦可邁依依梧與竹所志得非隘鳳皇
垂翅謝嗟余羽尚鍛豈真羽尚鍛冲飛畏機械
士行不可醉伯倫不可醒營營儲竹木豈異謀醲醢丈

卷六 寄詩集卷一

七

夫既入世敢謝勞神形撫時托沉涵心志亦以寧親訓
或當守婦言或莫聽我甘無事飲卧伴雙玉餅

春華光艷艷秋實垂離離華實各呈妙要皆關一時挈
君登泰岱千尺青松枝蛟螭久相護斤斧孰敢施其上
藤蘿古其下琥珀滋俯視衆桃李榮枯每異姿物理固

若此得失君自思

今日天氣好行行過都市傳呼何事喧見是故交士頗
憶風雨心先已紆青紫迴身下車揖握手笑相視感君
區區意古道若爲過願君還自重折節路人恥

我我切雲冠壯心自殊雄舉頭望玉宇遂欲凌秋風浩
然出門去吐氣如長虹奈何塵霧裏足跡猶飄蓬故人

酌酒勸有司非不公有司縱不公毋亦子數窮

茗溪一區屋蕭條傍寒潭屋外促行李屋中謀石擔主
人出兩月凄風披素雨去時秋水漲歸時秋水涵秋水
照故我猶喜影未慚

明月照古劍寒蟄四壁叫幽懷不能寐敲石理茶鉤劍
隱虹霓光鉤鳴蚯蚓窺牀頭屢迴顧形影不相弔冶容
致謠詠山鬼善窮窈窕茫茫中腸煎無言首還掉掉首將
奈何有時翻自笑

茆屋排縹緲古香拂几席讀書無所用不如問阡陌奇
懷隱五岳靈胸吞九澤靜參風月中亦復渙然釋開卷
聊自娛種秫可求益守立客莫嘲余心本純白

卷六 寄詩集卷一

八

有劍何必賣有筆何必投十年磨且讀亦視世所收備
書班定遠偶遂萬里侯不爲典屬國賈傳空復愁君看
濃綠隊搖落條已秋寧必千里駒果異與鷗屈伸自有
有道幽憂何所求不須問詹尹安貞吉有由

客舟偶作二首

橫溪淼淼秋風秋夕陽半掛青楓頭我生二十不得意
聳身欲作鵬鵬遊輕帆柔艣日將暮停舟賞酒荒村路
細雨斜風不勝嗟芳洲愁殺夫容花

酌村酒烹細鱗鷗爲主雁爲賓男兒少小尚奇偉安能
碌碌隨紅塵美人不見托幽素回首山山隔雲樹樽中
餘酒酬江神借我帆風趁飛渡

王雪階鳳岑兄弟攜詩見訪兼以屏箋索書奉酬四首

瑤緘松墨映文窓捧出真同白壁雙獎借應思盈我氣等閒先已見麾幢

頻年牖下理殘書儉腹何能賦子虛縱使漢廷饒狗監相如我正不相如

雪痕鴻爪滯清遊姓字塵封寺壁秋不讀離騷惟使酒可堪一半號名流

古硯翻濤墨繞雲鴉塗未足換鴛羣題詩報入山陰路跳卧終輸王右軍

戲作黃檗酒歌

秋歌齋詩集卷一

九

寒塘日落風撼撼被牽船思大白夜同阮藉尋劉伶遂致一樽餉旅客開餅酌取流霞新未飲先教神意適舟前頗愛鷺兒黃此酒光尤如琥珀一飲心始疑把燭看猶清且澤再飲意倍驚非醴非醇復非醪三杯興轉闌起倚篷窻笑啞啞世間萬事色亂真酒固奇兵多詭策呼童問酒家酒家偏噴噴君其內熱與此酒微寒煩憑釋君其吻燥與此酒微苦生津液其間衆妙不易殫痛飲常醒不相厄前席謝酒家汝言洵多益他時倘遇淳于髡我定買此闢一石不然尋常我已自署米汁饌何須更令參黃檗

村居六首

冷冷霜臯古木尊枯條風吼打衡門夕陽影裏桑麻岸便是詩人黃葉村

問餽儀文儘可刪竹筐攜出發春顏村荒最重園林實綠緞黃團破老慳

草堂過客不嫌頻爾汝情親是率真小坐藤牀試匏酌莊農恰餉一雙鱗

秧苗細織襯匡牀樵彼桑薪夜有光誰道村居寒氣倍早朝犍底更多霜

祝歲豚蹄未可譏畱髡亦肯掃柴扉蒼顏白髮酣歌隊我亦斜簪脫帽歸

問舍求田了不嫌寺橋西去即茅簷莊門儘有閒瓜豆傲殺黃州蘇子瞻

秋歌齋詩集卷一

十

秋水齋詩卷一

後學吳縣沈志祖同校訂
受業震澤周日藻

男
守愚 同編次

孫文璣 校刊
文綬

秋水齋詩卷二

烏程 張映斗 雪子

江上集

桐鄉汪鷗亭中翰瑞芝山房雪集和吳復古處士韵

老梅萼破枝僵立空庭雀啁穿簷入寓公夜坐聳寒肩
唼聲細和風聲急簾捲驚看失小山稜稜爽氣當窗襲
乃知玉戲下長空奇光遂兆豐年粒平原彌望履痕稀
雲霧空濛籠古邑恰遇髯公開雪堂冰花熬液銅餅泣
呵凍頻分錦作箋衝寒或借瓊爲笠兩都人物一爐圍
千里山川三白集主賓各具冰玉懷投契不數厨顧及
竹林煙靄動霏微斗室陽和轉呼吸寒香已洗心脾清
寧更逃禪署米汁郢歌一曲雪復作銀海搖搖不暇給
鶴團鳳舞玉龍翔體物還輸倍展十試將白戰敵天工
橫陳百幅雲烟濕

梅花次復古韻

獨撐霜骨傲豈藉暖風扶艷冷仍留韻神清不厭癯鶴
翎還款客驢背暫停吾處士前村住孤芳殊未孤
慕果軒訪詩僧破顏不值

風過磬聲微旂林獨欵扉雲籠花自散香靜燕交飛童
子閒相問道人殊未歸支願詩句就溪上已斜暉
由太湖泊舟游野却寄錢鳳文時館郡齋

粉榆久相知萍蓬笑相若京江與平江題詩兩齋閣傲
裝君已先弭柁吾還諾如何一片帆不與東風約扁舟
趁巨浪黃頭歌又作目送山色佳回頭失城郭歎開倍
惆悵故人幸安樂傳語非詭詞風利不得泊

陳宿峯太守貌已及張廷傑汪素公爲三友圖

索題

長松滛露濃清泉出山匯冲霄鸞鶴姿結念煙霞隊使
君湖海士高義薄流輩不聞五馬喧却喜三人對江城
政務舉唼嘯何曾廢芳林快盍簪翛然各蘭佩天台老
畫師紙筆冰雪皚辨貌得其心添豪非粉績良朋惟古
歡斯理終不昧誰能詠五君七賢庶追配

答陳伊原

短褐來江上春風慰應求異書分我讀佳句共君搜夜
月濤聲湧朝曦山氣浮漫勞畱榻誼祇是愧南州

溫綸堂牡丹盛開宿峯太守會客觴之卽席分

賦

綴得金鈴簇絳紗洛陽名種儼紅霞醇醪共醉同心友
富貴雙開稱意花艷質不嫌春晚晚濃香恰喜地清嘉
慚予未識臘脂價紙筆差看拂露華

金山用東坡韻

巨鼇鼉冠崔嵬砥柱長江截滄海洞浪排空萬馬奔
浮萍小聚孤峯在梵宮石室紆坡陁天吳出沒翻狂波

我乘一葦快登覽天風颭沓雲煙多俯瞰祖生渡江楫
仰咏冠公華嶽日江流日色磨精光倒影平飛巖壁赤
浮圖級上悸心魄欲問鴻濛天半黑恍惚憑闌縱眼明
劃然長嘯山鳥驚名姓老僧何用識如此江山定何物
山壓長江屋壓山安有閒田容我頑天帝如愁頑不已
請拔山根瀉江水

焦山

金山兀立插雲漢焦山偃卧橫几案山靈意亦羞雷同
壯麗深幽截然判秋風昨夜生秋濤擬挾盧敖游汗漫
落帆携屐蝸牛廬山下丹楓已零亂江聲樹聲雜梵唄
鈞韶間作聞天半龍宮霧氣漫不收鶴表遺書猶可玩
道人長伴折脚鐺爲拾松枝供午爨更上雙峯開竹厨
坐挹鯨波爵無算人生百年如彈指庸庸易逐江煙散
況復頑軀走世塵逝水盍以道自盟白雲如此不能畱
應使焦公一笑粲

月夜聞笛二首

官閣長嘲鼓似雷賞音無復步蒼苔乍聞玉琯風中度
疑按霓裳月底來牽我旅懷增瑟縮照人孤影獨裴裏
隔城最是江流壯定有潛蛟舞浪開
誰倚高樓避目成清音淅耳總關情素鶴千年骨
猶帶梅花三弄聲逸響欲招桓子曲清歌不見郭長生
平陽自是淒涼况作賦何須憶雒京

答姚方起見寄

經夾藤牀客思紛紛對人不敢憾離羣秋殘歸興濃於酒
病起詩情淡若雲物外周旋寧作我尊前談笑甚思君
偏師自覺孱無力壇坫何堪張一軍

過何別峯園林畱贈三首

一笑竟何適窺藩見綠筠吾爲不速客君亦有心人花
藥供閒眼蕭疎隔世塵無須厭城市靜者自全真
平生愛清曠到此合婆娑邱壑堪圖謝山林恰姓何蒼
煙迷曲徑黃葉下高柯懶作潛夫論先聞梁父歌
石路通虛館臨窻望眼明竹深棲鵲喜池靜泛鷗輕商
略有千古雍容拱百城人生能適志真不羨浮名

錫山道中

煙霏霏風索索天濶浮雲低霜濃古木落溪光十里秋
氣清前路賔鴻啼數聲夕陽半挂山樹亂野店旗收日
將晏市舶官舸何爲忙漁舟正醉垂楊岸

虎邱

名區不近人荆榛人定惜不知山有靈安取便遊屐曉
巖此拳石竒窈媚行客匠斲傷天全治遊嫌地窄山庭
作屢市丈室不畱隙夜氣猶未存紅牙催月白金精已
消亡霸業誰能核大力使負趨埋形困鐫我來山後
望空谷感淒拍獨愛雲外峰森然凝遠碧

吳江雪泛

無聲漸覺船頭重有暈難從水面尋回首湖峰七十二
模糊一片白雲深

題歲朝燕飲圖

世事悠悠何所有此中只合飲醇酒一年三百六十場
今日開筵莫辭斗蘭堂列坐四五人辛盤雜進梅花春
願酒如澠長聚飲秀眉映醖波粼粼簷外春雷傳爆竹
指上墨花初馥郁由來嗜酒非其真何况輕容圖面目
駕湖夜泛

澄湖靜無聲明月微有魄輕舸蹴浪紋裁破一天碧漁
家隔遠渚煙樹護阡陌遙辨林中燈莫認溪邊宅孤舟
動孤思孤吟攬虛白何處宿鴛鴦浴波添暮汐矯矯潭

秋木齋詩集卷二

五

中龍抱寶正酣適

春來寓宿峰太守家舊有竹逕艾雜復發叢筍
數日雨後蔚然新篁也作二詩記之

瘦節偏生細細香子猷一日未能忘籟龍不飽清貧守
竹實行堪養鳳皇
斤斧創夷自屈蟠等閒雷雨出森寒從前誰識凌雲勢
只作泥塗斷梗看

與復古伊原會飲醉卧中夜月色照窓披衣獨
步四首

造物不愛寶四海共一輪故將皎皎質照此落落人小
山鬱林木圖畫出清新蕭然踏荇藻一一俱停勻叩門

無坡翁幽悰誰與陳

醉鄉遊已倦睡鄉復遼濶遊將入廣寒還取星斗噉神
仙足官府只恐朝輕脫帶我塵凡問此境亦清越長嘯
動玉繩微風動木末

平階儼水積光搖失凹凸悠然感余懷萬慮淨冰雪色
空已坐忘入境兩清絕殊勝月光童掩關事禪悅任將
瓦礫投終不礙澄澈

玉宇迴浩氣高處良獨寒不知衣五銖何以憑關干余
幼好奇服所憾無羽翰徒聞淮南語雞犬隨劉安烏啼
月半沉愀然動長嘆

僧舍見承中諸子均字韻詩亦和一首

秋木齋詩集卷三

六

寺徑潛通綠漲坳風飄梵磬一聲敲治遊未問湖中景
學業先參世外交素壁有詩龍應護老僧無髮雀難巢
年來我亦無家客竹院啗成月滿梢

桐鄉一經堂度暑四首

蟬聲不斷雨聲兼時有溫風破午炎石徑參差松偃蓋
水窻羃羃柳垂簾櫻桃日給看全墮青李來禽恰半甜
洵美莫言非我土儘容東壁亂芸籤

女牆低亞簇盤陀池館蕭閒雀可羅長日投林如小隱
有時見月亦高歌謀身頗笑蝸延壁涉世聊同鼠飲河
最喜寄居人不識行監容易逐漁蓑

翳然林木畫成陰置得烏皮傍綠潯禿頰中書蕉葉大

新醅小酌菱荷深更無著作充凡目略有襟期寄素心
昨夜雨疎風更驟團成詩夢過遙岑

垂垂石髮長春均老樹槎牙鵝護巢兩部宮商池蛤吠
一天風雨籜龍交閉門便欲辭浮翠對客何須作解嘲
自有不因人熱處由他赤日轉林梢

伊原載酒南湖會者七人以宛在水中央分賦
得水字

軒軒青雀舫溶溶鴨綠水露合秋樹濃雲低畫樓峙洲
渚入淼茫長天若爲過矧此素心人景物復清美朝煙
南湖青暮煙南湖紫南湖閱世久陳迹一彈指感槩醉
時歌人生行樂耳

泊舟吳江題僧寮二首

市舶官舸兩未同蕭然客意對江楓里居姓氏何須問
只在斜風細雨中
心安不作鄉園夢欲寡都忘兒女情若入阿師香火社
在家消得出家名

虎邱遇舊友孟古心縱飲賦詩而別

注目驚呼下玉驄摠衣藉草未忽忽不妨便作旗亭客
却似相逢燕市中虎鼠一流存用舍兎烏三載易西東
多君不作形骸論書劍脩然興頗同
擊碎珊瑚倒巨羅借君樞具醉摩挲逢人無術狂應在
有酒如泉別奈何暮雨蕭蕭吳苑冷秋風嫋嫋洞庭波

壯年易動離居感未挂雲帆且放歌

煙雨樓同人雅集

長日濠梁集酒兵一篙點破碧波平津頭遙辨微雲吐
木末斜拖落照明水檻溫風消暑氣竹爐文火沸秋聲
登樓我愛晴偏好百里鄉關總目成

金明寺中范少伯祠

功成未許戀朝簪烏盡弓藏閱古今君子六十吳苑沼
大夫一去五湖深奇書聊用謀家計長往原無避世心
畱得招提遺貌在何勞烏喙鑄黃金

重至潤齋諸同人皆去虞山儲署秋初姚方起
來出見懷之作因次其韻

秋水齋集卷二

八

駕湖理行楫長江吹細雨悠悠何所思之子真吾侶雲
陽朝霧散旌節遽如許雖知吾友偕無緣接眉宇落帆
古署晚獨唫誰更與惟有急雨鳴依稀憂鐘呂援琴一
再行涼飈簷外舉晝暝亦疑夜秋聲乍消暑蓬窗剪燭
坐陰蟲互荅語忽聞鷓首迴奮袖忘羈旅清篇如清秋
雜誦還延佇空庭握手涼相邀入西堂

遼鶴銘歌

銘爲雷擊沉焦山下陳滄洲太守絕出之覆亭貯
山上余從伊原得其初搨本

山中宰相名在仙人府仙禽相伴江之滸縞衣修翮共
丹臺焚香輒向寥天舞天末聞聲啟玉扉上界真靈招

鶴歸吹殘鐵笛梅花落去作當年丁令威仙侶愴懷三
歎息歎息羽儀委路側爲藏輪翅想橫江不在南山之
南北山北煙雲沙鳥足浪淘鑄詞欲銘青峰高筆花的
樂泣山鬼墨瀟翻飛駕海鼉壁竄連腕神工捩螭擘鳳
泊誰羈紲劇將石髓勒戈鉞竟與江山爭壯麗大文忽
發天爲愁豈堪俗手相推求何年列缺光中迸石痕遂
使蛟龍呵護波濤流天寒水落出片石微露銀鉤與鉄
盡華陽名姓辨未真一二十字矜獨獲姑蘇太守好事
多五馬來遊發浩歌羣賢載酒三冬日峭壁探奇一棹
過蓮花五瓣驚殊絕引來千仞還聯綴更恐精光照斗
牛構亭又以重垣列昔在水今在山正是鶴化千秋還

秋水齋詩集卷三

九

江濤剝蝕神骨全頓令巖頭廣本徒驛顏吾友陳君湖
海士拓墨攜來云贈子使我盟手凝神朝墨皇不帝獲
得蘭亭書繭紙噫嘻世間寶物出入各以時升沉顯晦
天所司但恐焦峰高處六丁六甲常來往寄語山靈好
護持

九日酒盡和鳳文二首

莢囊不繫午窗閒離落蕭蕭野色斑賴有黃花開笑口
可無紅友發春顏霏微暮靄當軒舉冷淡秋光入戶環
曾否白衣中路候先生倦足不容攀
不到龍山朔落帽幸無風雨困重城一庭圍坐誰非客
四海論文洵有情淡處可知人似菊興來剛道酒如兵

夕陽冉冉花應笑不解離邊餐落英

觀何大將軍秋閱四首

將軍建纛曉登壇技勇材官各提鞍宿霧半收龍鼓蒞
霜風初振鐵衣寒

和門飛隊結雲羅五色旂旗擁繡鞞號令一施精采倍
教人深憶李臨淮

天塹長江霸氣收還因形勝重戈矛潮來一片朱旗影
畫出南朝萬古愁

投筆何妨槩便橫清時何處繫長纓座中莫詫儒冠在
身是江東舊酒兵

招隱寺

來齋詩集卷上

十

幽巖鬱佳氣霜風鳴古樹清泉不出山小草萎行路蕭
樓貝葉藏藏案蒼苔苦竹千竿萬竿菴五步十步終南
多捷徑息壤誰復顧俗駕已請回遊觀容暫駐南朝帝
者幸設宴托情素未卽令公隱清芬良可慕請看好林
樾猿鳥自相護當時適客歸不歸嶺上白雲故如故

偕諸子聯騎遊北固山四首

抱城山徑仄木末隱樓臺絕壁浮巒合神京雄戶開海
門紅日近江嶺白雲迴我亦南方客猶能騎馬來
吳蜀論兵處蒼茫塔影低天空消壁壘地古簇招提沙
底沉矛甲濤聲散鼓聲虛傳很石在衰草斷萋迷
把酒酬江水千秋落照中人間無險要天下有英雄鐵

鎖橫波斷金戈捲地空南朝形勝悵惆悵敵艤
駭浪凌飛閣驚沙撲甕城江山留我輩慨慨生平一
水分南北雙峰管送迎憑君歎廣武若個浪成名

歲贈鳳文二首

長揖通侯狎酒徒江間風月亦堪娛閒情大似鴟夷子
買箇扁舟下五湖
雙荷葉困亦何曾撲手詩成鬢未星我句不堪酬一物
免誰收掌付添丁

將歸苔與湘帆話別四首

朔風起江渚旅客生歸思歸帆亦已駕客意何遲遲
我東齋友晨夕敦切悃後期忽無定握別增凄其舫船

秋水齋詩集卷上

上

聊藉手相呼痛飲之與君爲朋友卮酒安足辭

我性無町畦與世頗輕肆狂言信口發過後抱深愧感
君兩載交結契獨真摯母乃鄒魯風亦取狂者志模稜
人謂賢乖厓衆所棄苟非心相知孰不申申誓

朋歡良可念相對日以衍江山亦復佳相畱年可判懷
哉雙倚閭時乎嗟已晏躊躇終決別深意付長歎心存
金石堅跡豈雲煙散月明何處船燈寒何處館

鷄雛須竹實豈能戀稻粱鷄雛寄一枝決起猶回翔君
才洵十倍直節心開張盡此一杯酒明日天各方我倡
子當和勿歌小秦王男兒期努力別離何用傷

吳江寒食喜霽

曉烟初散浪花平路入江南第一程人未斷魂愁落莫
天教破例作清明山容橫翠真如喜柳眼舒青好送行
却憶昔時風雪夜片雲孤棹不勝情

渡太湖

茫茫四萬八千頃玉柱金堂地底通極野盡爲張樂處
輕舟直與監觴同蛾眉濃點東西黛鴉背羣翻上下風
誰使跳珠侵研篋試將詩筆撼龍宮

鳳岑歸自京華書來存問並得其倦遊之意却
寄四首

傲骨嶙峋不受憐塗裝也賦遠遊篇爲君折柳三年矣
使我臨風一惘然冀北征塵倦羽客西湖宿雨養花天

秋水齋詩集卷二

上

相期青草堤前路攜手同登載酒船

雲雨人情過眼新年來我亦困風塵非癡忍斷杯中物
無事姑爲局外人飛絮游絲千里夢春鴻秋燕百年身
珪璋自足珍廊廟待價何傷形與神

不應壯志便消磨且把青荷醉綠蘿劍隱雙龍冲斗柄
查臨八月動星河長卿也遇秋風客學士尤憐春夢婆
聞達只愁君未免東山捉鼻意如何

領畧烟霞共錦囊那堪別緒幾星霜溪山春曉思聯轡
風雨秋宵憶對床玉貌無求消我鄙冰心不熱看誰忙
挑燈緘罷雙魚字清夢先回十景塘

湖上有感二首

十頃澄波映水亭青油艇載碧絲導湖山自古閒無事
閱盡秋風得意人

三歲西湖別意濃故交蹤跡又飄蓬詩成投筆翻然去
猶有當壚識寓公

江上送復古歸秋浦待其尊人子班先生

嗟裝千里朔風侵別酒江干尚盍簪寶劍一雙豪士膽
布帆十幅故園心遙知子舍欣圍座定有清篇和在陰
白也收之苔石古雲山何日許追尋

江城沽酒行

同雲映窗窻半黑瑞雪飄風色逼敝裘不暖敗絮消
塵戰寒威無氣力江城釀酒浮玉蛆看囊撲破毋姑徐

秋水齋詩集卷二

三

十千雖不足三百頗有餘傳語門丁沽一斗戒庖更報
烹枯魚提壺出戶失寒憊滄海平吞何芥蒂先聲奪却
滕六騎雖未得酒意已快小盤爭拭陳航船竹爐文火
生青烟龜手還教食指動紫齒應添饒口涎耳聽目盼
促坐久窻外雪花一尺厚酒壇大敵不須追愁壘奇兵
曾未有窺簾幾度呼奚童得酒不計賢聖中奚童踏雪
問消息門丁爛醉軒門東

丹陽道中書事二首

霜臯壁立烝徒增赤手鋤泥腳踏水水風蕭蕭雲釀雪
邪許無聲如凍蠅下戶親當中戶催枵腹單衣日未暮
履畝新徵廣舊程河上逍遙樂膏蠹挑河挑河工莫悞

貂裘長官方醉怒

叢荻蕭條練湖曲亦有雙隄映波綠銅章墨綬城中來
令爾湖心構華屋此湖正課未取盈箕歛猶足供醉醒
網密偏誇澤未竭心固不勞政豈拙亭上官人洵有情
亭下遊人私歎聲

吳門得家問及同學書札作二首

歸棹滯吳津敲冰得遠鱗看山方著屐漉酒復穿巾霏
雪來今我停雲憶故人比隣應祀竈歸去定爲賓
一千日作客五百里重歸玩世我何敢知音人自稀風
霜詩筆健塵土稻梁微爲報高堂喜陔蘭不再違
舊館除夕時阻漕般不得抵舍漫作排句

秋水齋詩集卷二

四

今宵舊館三更泊明日新春一歲加小戶民皆傳爆竹
大羅天正散瑤華客歸虛擬傳杯近人定猶驚撥棹除
城市遙連山半壁帆檣隔斷路三叉裘裝競逐迴波疊
轉漕方爭泊水涯軍卒僵眠如黠鼠兒童鼓吹似官蛙
欲籌天庾非吾分但倚王程不汝瑕幸有贏糧無瑟縮
重添細菜亦清嘉黃頭勸酒吳歛發縞袂調羹越饌誇
境歷嶮崎增道氣胸懷硯硯發詩芽此間誰念王孫者
是事寧關童子耶意內行藏難可卜眼前通塞又何嗟
底須更指天邊宿正好徐看海上霞客子聞人身心似寄
奚童笑我客爲家尊開北海頻傾座舟使南方可當車
恨不著書消日月長憑流水管年華尋常節序拋陳曆

四十行藏待曉衙堂下遲遲慚拜慶河邊的聽音拏
詫拈栢葉來何暮閒剪椒花靜不詳料得無眠非守歲
小憲兒女雪燈斜

秋水齋詩卷二

受業蒙古夢麟校訂

男

守約 恭錄
守愚

文璣 校刊
文綬

秋水齋詩卷三

烏程 張映斗 雪子

釣磯集

素岑偕友避俗潮音庵不出招余過訪因題其

壁

買山不見棲高士埽室偏宜著酒兵無事靜參魚鳥慧
有時長嘯象龍驚聯牀情話良堪悅隔檻韶光肯浪評
消一卷書香換炷屬三人對醖同傾林疎月向樽前墮
池靜人從鏡裏行岸過黃鸝音宛宛觀如白鶴子丁丁
菜花十里蜂衙鬧茅屋三間蝶夢清我久思之宜偃息
客何爲者獨逢迎子猷應愛長身竹和仲真依折脚鐙

試聽湖山柔艣響可如釵釧隔牆聲

茅庵

不敢不樂處經行半墓田相逢老尊宿重作小留連山
桂翠如潑杜鵑紅欲然已公得禪定茅屋破蒼煙

賦得垂柳拂煙波試體八韻

金嫩鬱飄脩絲絲映畫橋平池橫薄靄夾岬纖輕綃但
見翠痕濕微分綠漲漂腰從雲裏舞眉向鏡中描綽約
三眠足迷離一抹嬌青霄疑可步碧海定非遙鶯語迎
鷗驚風搖動汐潮彈衣知有兆何以慰攀條

蠶月書事呈王順公太守

浴種冬寒日祈蠶春暮天緯蕭蕭曲薄析竹賦長殘縣

裏初停賦城中昨典錢買柴三筭路販葉五湖船食甚
兒童喜提筐婦女虔條桑愁夜雨束葉輟晨煙宅設敲
門禁觴陳利市筵癡心希百箇好語慶三眠上簇添薪
火鏤盆潔水泉東人勞織維南國重絲綿評價低昂後
籌完逋負先一絢千緒繞五綵兩頭纏黼黻朝廷貴元
黃公子憐缺飛看又畫塚出巧還傳幸免徵呼急遑求
襦袴全祇應黃襖子奇暖在雲邊

錢葆雲潘中建試兩邑俱雋各贈以詩

泊然無經營蕭然有書史紛紛流輩中有此素心士吾
嘗觀其文質樸見宗旨想其下筆時氣欲貫犀兕世人
耻閭脩細點矜爪背未嘗窺靈根妄懷咀粉莖操觚貴

秋水齋詩卷三

二

底縕君才良可恃豈因小着鞭方能識驂駟同人多于
郊英妙冠餘子聲價不足侈願言追正始
彼美河陽少清才殊卓犖官衙謀面初相對兩總角維
君了興特已解行文樂春草隔荒城經年手一握瑤光
啟良會角藝共商榷獨持牟尼珠照見水源濁揭來諸
雋彥羨子風神逸誰教寶貴安而抱十年璞一朝邁知
已重席相推推不誇雙射雕行看三奪稍

鐵舟獨坐

水滿秋塘風滿廬小橋步屨路紆徐臨池也試三錢筆
據石還消一卷書偶脫樊籠隨野鶴不殊濠濮論儵魚
碧湖煙月長相憶澹蕩清光幸不疎

夜坐有懷復古

咄魄溶溶半入帷舉杯對影少心知空階露重寒蛩急
小苑風微落葉遲卽壑胸中天與癖煙霞眼底容留詩
西窓剪燭人誰在惆悵空梁月墮時

陳近三試桐鄉既售以客籍被妬束裝歸休寧

試復冠其曹聞其至贈之

健筆能將龍鼎扛曾褰趙幟壁中降青錢入選何妨萬
白璧成文恰有雙一道歡聲歸子舍兩都芳譽重隣邦
聞來過我秋村裏儘有棋枰月半牕

閨中秋二首

頻移銀鏡挹金波月御何關駐魯戈分外團光驚海客

秋水齋詩卷三

三

重逢正西看姮娥仙查縱許乘之再玉宇還愁寒更多
惟有空山無曆日更囊菊酒又經過

羲和迂轡寶輪留半繫長繩皓不收桂子重飄香驚嶺
珠胎倍長輩龍洲清光不負三年閨餘氣仍歸一半秋
我欲乘風猶未得漫隨歌嘯復登樓

病中遣悶五首

邃閣重門永夜開文頤檢藥自疑猜牀頭爛煮黃梁熟
得意何曾入夢來

內熱朝朝厭稻粱刀圭乞得只尋常金丹換骨知何有
已似傳將辟穀方

奔車跋馬悟前非天與閒眠是息機扶病自愁還自遣

九秋贏得出門稀

火暖丹田靜與看也應骨相異清寒如今偃蹇秋風裏
病至方知却病難

安睡何時出睡蛇五龍蟄法漫相誇雄心尚未消磨盡
半夜迴燈看劍花

釣魚

池塘日暖春水生游魚唼喋菱蒲橫小童垂釣忽有得
寸鱗入手如長鯨張皇一綫愁墮落日眩指拘還心驚
攀條貫柳殊未敢埋盆汲水爭逢迎此間澤國足魴鯉
子魚通印蓋鼎鑄銀絲水縷百筵具小鮮何足當大烹
世間萬事貴已出私心愛護皆孩嬰不知漁父閒袖手

秋水齋詩卷三

四

旁睨一笑幾絕纓

擬杜諸將五首

貔貅十萬擬橫行整得凶門豎旆旌天末風雲連殺氣
秦中鼓吹帶邊聲延縣那擊長蛇陣持重終推細柳營
我亦書生最無用沉吟往事一談兵
開門瘦日早霜飛想見寒光照鐵衣持節或堪通絕域
蒸沙未可築長圍歌翻敕勒牛羊見路隔河湟水草微
莫倚健兒身手好謀疎儘有素心違
嚴邊刁斗夜沉沉望斷刀環寄葉砧四壁征笳淒獨旦
九邊烽火接重陰思深帳外饒生氣義激軍中敢死心
遙望莫憂飢色在廟堂久議散瓊林

迢遞關山塞草連長城半壁障風煙漫搖地軸驅三輔

願播天威策萬全落落旄頭宜易盡遼遼窮髮尚相懸
周王薄伐今朝是戎馬何曾歷歲年

從教良算是摧虓犀甲龍旗動地來勝敗亦常須覈實
堅瑕未覩莫遙猜天山有箭將軍貴瀚海無波壯士回
小醜何能施詭計清時應見出羣才

程孟綸指頭畫

黑雲突兀青山壞海水龍驚舞澎湃雲垂水立兩關奇
并入程君指頭畫或森然而殫或礪然而怪或點染沙
蟲或彫鏤鱗介磨墨五斗心手強天機不受臨撫械經
營豈必師古人元氣淋漓亦奇快我生百藝無一優塗

秋水齋詩卷三

五

消暑八首

鴉翻汁張目愁胸中有畫不能作隱然五嶽卑山邱長
公記贊是所憂備員火下還搜求不分十幅供清賞他
日從君乞指頭
連宵苦炎熱今雨微涼入早行庭砌間花底泪痕濕
榴存一二點荷放四五枝佳客期未來風爐茶熟時
枕書味黃嬾幽意因所托小夢不曾濃掌中一卷落
北牕據橫案與酣陳卷軸急雨掃雲煙淋漓三百幅
曬書開畫簾亭午炎威烈試展北風圖更玩我嚼雪
牆東蔭喬木倚石還箕踞我冠喘汗人熱中何處去
晚簷新浴罷耦坐心悠哉攜巾歌白苧水面溫風來

宋輪欲西墜夕陽掛城闕
不須持蘇臺看新月

窪樽亭卽事口占四首

窪樽亭在石埭縣東南之紅樓山頂上其地極高望遠無雙

巢居穴處任人猜
說鬼談天笑口開
多少鴟夷誇國器
石樽何日出山來

不愁天巧傷斤斧
且與人間貯醪醖
坐我方亭傾一石
還留餘滌醉山靈

三百年來誰逸民
亭前風月自爲鄰
在山消得清泉注
也勝尋常飽米春

邱壑容身寄酒卮
狂吟痛飲更何疑
笑他侯喜劉師服
愁絕枯喉石鼎詩

歲暮雜咏八首

秋風來幾時

六

霜風來幾時三
連淒已厲荒廚釜
欲米柴闌白日閉
晨興縣胥至官倉
急會計粉版定程
期租藏那能替緩
頰謝縣胥知汝洵
勞勩甌中有贏糧
先汝催科例

經畝耕不熟抱膝
殘編未辦稂莠性
猶有桑麻田家
人哀我愚爲戒白
板船草堂存故里
歲晚愜所便羊裘

猶未敗皂帽宜青
氈衝寒載書去逸
興還軒然

行行復行行薄暮
來荒村父老見我
至笑語顏色溫東

鄰餽乾鰕西鄰致
瓦盆香粳田父惠
菜把地主恩厚意

愧所報謂我筆硯
存爲君小祝歲絕
倒淳于甕

阿咸納稼蚤餉我
五斗秫析薪汲井
泉釀碧芳香溢瓶

異幸不耻隙地芹
芽茁往還田舍翁
時還得芋栗拭我

烏皮几開我黃絲
室低頭斟小瓷俯
仰適容膝隨分此
自佳笑彼營三窟

榜舟太湖畔水堅
不可渡形雲下密
雪聒耳朔風怒匝
岸銀布堤沿厓玉
交樹寒餓氣愈豪
亦復得奇趣人生

衣食累理難免窘
步屐爾蘆中人天
與常逋賦

爆竹聲何繁村農
惟電媚寓居驚臘
辰默然有餘喟鄰
翁具斗酒苦邀不
得避謹呼傳壺觴
欲起仍把臂感此

樸茂風潦倒每沉
醉番覺文字飲彫
鐫失真意

青鞵村東西來往
不記次倉箱雖不
多亦復盈車置酒
食庶可謀納稅畢
公事懷哉曷不歸
霜雪缺庭侍言辭

諸父老新年各恣
肆春城吹春風望
爾蒼顏至

年華三歎息又報
迎青陽我生竟何
事碌碌謀稻粱青

衫浣塵土采筆徒
光芒固不愛微逐
迂拙亦自量書生
未免俗除夕陳壺
觴祭詩捐窮鬼文
告終披張酹酒紙

茗溪權歌十首

芳洲淼淼水平流
兩岸斜陽四野幽
多少茗溪溪上女

淥波如鏡照梳頭

茗溪新漲碧粼粼
網得溪魚抵錯珍
雨後駱駝橋下過

白魚入市艷於銀

茗醞烏程價最廉
聽鶯只合帶雙柑
停舟隨處堪留飲

幾樹垂楊一酒帘

春船擺渡嵌簾櫳載酒看山不繫篷傍晚碧湖簫鼓開
滿艙齊插映山紅

十里苕溪港脉斜滿灘芳草沸私悲秋來澄浪靴紋細
遙映白蘋紅蓼花

曲欄矮屋水鷗迎畜牧沿流亦有情日暮苕溪吹細雨
能言門鴨自呼名

牆陰桑柘養低枝初夏蠶工已後時歡喜今年征賦緩
不曾二月賣新絲

村邨布穀勸春耕澤國每憂水埂平昨夜扁舟城外泊
三更猶聽結樓聲

南北嵐光映畫樓雲藍圖出翠眉愁深閨只學山爲黛
秋水齋詩卷三

八

山寺何曾結伴遊
輕舟水面簇紋羅小漿漁娃樂事多最憶苕溪好風景
采蓮歌罷采菱歌

桐嶼山房訪翁白不遇留二絕句

湖上聞聲度碧谿下帷猶被白雲迷此中可是丹山路
五畝桐花合鳳棲

雜誦清篇一座驚竹林繁露掇菁英我來曾未論賓主
筆底雲煙自送迎

和松南先生集少陵秋興八首原字

江東日薄更西風秋入寒暉萬象中孤坐惟看楓樹落
清思還繞菊花叢虛傳帝闕三峯在安望仙槎一水通

黃鵠高飛輕啄粒棲遲直似信天翁

蕭蕭斜月映藤蘿鷗鳥還驚一曲歌天上暮雲三峽動
人間佳氣五陵多燕飛故國遠青瑣鱗伏滄江湧碧波
蓮子沉時菰米老秋風歲事兩隨他

宵宮百尺露高梧更奉金莖問小巫黃石素書開爽奕
黑旗朱斗望瞿瞿每依古堞思千里省識輕舟泛五湖
自疏苦心干紫府名香夜夜點金爐

少賤依劉異地長聽猿京口卧牙檣朝煙洲上吟鸚鵡
晚日機間織鳳皇青眼主人皆寂寞白頭故老已凋傷
微聞同學功名侶還自侯家入御房

昔昔曾經水苑秋長千一碧繞南州雉頭翠尾蓬萊宅
秋水齋詩卷三

九

玉樹瑤華金粉樓綵扇吟餘傳故事繡函書冷隱新愁
圍棋經夾春唐下心事逶迤不繫舟

夔龍柱石鼓承平浪靜長鯨八極清聞道秦關飛甲馬
請看漢使接降旌羽書振武催王國千舞同文望聖明
回首昆池車下宿苦思班筆事遄征

郭北匡居第幾年抗顏驚起御雲煙塞翁還馬來相問
飛鳥依人實可憐蘆荻洲悲陵下女芙蓉城有世間儂
砧聲兼接笳聲急清淚漂絲墜枕前

園林森樹碧陰移稻滿魚肥勝漢陂畫閣垂簾低翠萼
漁舟繫纜拾紅枝金刀子母人衡直錦里衣冠吾所思
白水清山吟望處少陵一老不同時

別蔣湘帆三年矣遇於胥江賓次時同汪青渠

將之越中訪友二首

入座狂呼洵有神牽衣再拜拂征塵風流文采吾全廢
歷落嶽峙子愈真杯引千巡身突兀墨磨五斗膽輪囷
旅亭快續三年夢猶是雄談縱酒人

千里郵筒寄遠心爲言白髮不勝簪恰逢舊雨聯今雨
待聽吳吟和越吟文室襟懷空結習名山事業未侵尋
遙思萬壑千岩路一道題名映碧林

寄方文翰先生二首

十年私淑想風流夢繞皆山百尺樓見說龍頭垂釣去
那知湖上跨驢遊南州下榻勞相問笠三爲余言先生時復見問

秋水齋詩集

十

海知名愧未酬落拓爲公懷一刺墨痕雖漫不他投

曾經相訪暮秋時烏巷欣瞻玉樹枝壁記尚留狂士號
先生書余姓氏風規真與古人期湖山正好添文藻壇
坵依然屬主持倘許不才分半席也思枯朽發華滋

程鴻儀載酒招遊道場山遇雨

船放朝霞飲興濃一餉間岸膝蘇子履煙雨米家山空
谷人誰在孤蓬客自閒春光厭煩刺乘興未應還

贈禹巖二首

廿載馳文譽風流衆所推世猶存我道天或老其材陶
鑄多佳士交遊愧不才飛霞君獨佩誰與頤頤來

小閣三間屋人稱揚子居圖書散金石文字足收漁玉

貌道心靜蘭言豪氣除清門多貴士得失不關渠

嘉禾集陳伊原清鑑堂

江上曾依百尺樓相思遂放五湖舟重尋煙雨三年夢
只少金焦兩點浮詩筆尚存吾自笑禽魚無恙子何求
梁園賓客今誰在漫對清樽話昔遊

孟綸得馬湖守見招不及赴賦送二首

布衣昆弟十年前千騎歸來萬口傳漫說聽猿過白帝
正如騎鶴上青天琴臺酒市煙中句枯木寒厓畫裏禪
壯歲遨頭多逸興還應增貴薛濤牋

傅家清節久書紳要使蠶叢識鳳麟敢以驪歌煩壯士
試將鹽語龍勞臣愧無籌畫從知已剩有揶揄慣送人

秋水齋詩集

士

願得官聲如雪水吳流遙挹蜀江春

韓自爲丈攜詩過訪酒間占贈四首

僻室希投贈楚然喜足音開門迎道貌得句下遙岑坐
論兩朝蹟逃名一寸心槃飡正荒絕高咏助低斟

燭跋還開卷牀頭白雨翻虛懷真若谷得意欲忘言世
漫誇中盛人誰繼宋元流連清夜永太息溯淵源

食德蘭滋晚無慚共已田眼中皆戲劇身外只詩編著
舊百年盡典型五世傳聞君論風雅也復采時賢

俗學日以下臣今時復中清狂真不免商略與誰同願
亦輕流輩終須讓此翁明朝應笑我醉語吐長虹

受業陸城毛輝祖校訂

秋水齋詩卷三

秋水齋詩卷三

主

男

孫

守約 編次
守愚
文璿 校刊
文璿

秋水齋詩卷四

烏程 張映斗 雪子

雲林集

遊吳山憇紫陽洞

名都山外山繞郭千里控何期關關復此蒼巒貢朝
來挹爽氣著殿捫山松陂陀接長岡犖确絕飛鞚竹逗
盤蛟蛇石梁橫蟠螭排籤列古祠未要山庭空巫音雜
鼓歌神絃劇咽哄小店挿酒旗裊裊風中弄茗淪紅泥
墟盤釘青茨糗山翁坐邀客欲飲嫌未痛振衣登絕巘
遠碧天爲幪江煙失晶淼海氣迷瀕洞盪胸層雲生極
目歸鴻送俯視九遠狹螽富市一閭更尋幽異處石路

秋水齋詩卷四

一

澌如凍松巢接屋十笏盡華棟予下空巖餘訝見
陰峒詎其巧匠斲或出鬼工礪山膚鏡諸天荒怪聳愚
曹王池上生肥潤擾神所恫小試弄泉手汲綆得廢甕
丁仙不可招遶鶴遶鷺鳳惟有兩厓石落翮如秦仲剔
蘇讀殘碑清言覺哀惻邱壑我亦耽徘徊輒心動亂山
響笙竿彷彿聞孤諷欲求餐霞侶便可避庸衆空谷無
女蘿颺爾微涼中野禽解送客踏枝發幽弄環山數百
步塵鞅已倥偬回首白雲遊嗒然若清夢

聞後汪子方岳邀同朱丈澹若金子湘碧避暑

雲林古永福庵舟中先寄契遠上人

春郊過眼風雲瞥人意冷時天始熱胸中絹綵不易除

擬向空山濯冰雪山中禪老附書到報道松風滿巖穴
宵來幽夢入雲林芳草靈均正拜節先生便便筭五經
弟子姻婭最親切邱壑由來我素安圖畫之間任排列
山人自古不住山山外閒人盟可結只愁載去五車書
未必甘心塞山缺東風藹藹蒲帆張遐矚湖峯半明滅
計程最遠冷泉亭不借軍持雙手挈遙知上人茅屋低
驅使百靈為點綴洞仙笑捲白霏微山鬼睇含青坑嶼
雷催玉版抵叅禪雨長靈泉佐消渴折鐺從此屬東
坡石髓還應供王烈援儒入釋誰所為自撤藩籬表絲
絕強賓壓主異宗門各具欄翻廣長舌萬竹雲梢五丈
旗準備詩豪破禪悅

庵中曉起

朝瞰起木杪瑣碎搖金碧面面青夫容清蔭覆几席凌
晨啟牖牖挂頰看山色蕭然展孤雲無言得真適英英
二三子高咏窮日夕獨我類懶殘忽忽自拋擲平生尚
奇偉落拓岸巾憤象外寄冥搜乃欲廢紉繹志大才頗
疎學渺神未釋端愛景物偏彌恐見聞窄空山草木長
露濕無屢迹此境固難忘此日尤可惜

晚步山逕至冷泉亭

懶惰已成癖清風若良醫飄然下禪榻起廢不自知我
來山中住未訪山中師山中故無暑而况薄暮時庵前
七百步步流水漸空亭得佳憩倒浸芙蓉安石髮寫

清淺風鱗作之而我耳無可洗我貌聊可窺長吟動林
樾宿鳥驚高枝時聞琴筑響琅琅蒼清詞月出樹逾靜
煙橫山更奇上方落鐘磬清露涼生肌歸路碧雲合遙
見青瑠璃

由石佛庵步至韜光寺

靈山辭竺國地厭黃金布清風掃石龕佳處隔雲樹盤
陀不可識澗聲導前路乍乘朝瞰來倏若瞋色赴環山
青琅玕縈密不知數時聞竹雞啼仄見松鼯怒真人詎
逃禪朗吟愁日暮不作飛仙遊來與定僧住高崑挿青
冥虛樓盪煙霧平臨雲水光蒼翠有餘蒸禪心擬韜藏
還秀愈呈露端由位置高自得空明趣千峯千娉婷一

秋水齋詩卷四

三

步一回顧欲和白公詩無人共豪素

曉堂上人索題顏斗山梅花冊子

逋仙仙去綵花孤絲絲桃李無足奴清氣裊裊天地間
不容凡手爭形模虎頭公子顏侶戰只愛寒香寂與劇
胸中兀冪腕底遺落紙能追冰雪魄小橋茅屋春風酣
腰笛嘗作清弄三玉妃欲下碧雲合遙空忽墮瓊瑤夢
是時顏生羅筆硯八幅橫陳窺半面玉顏回首失吳姝
風流不用全身現中間一盆尤宛孌白石青苔闕深院
正如碧玉小時年坐惜春光羞自薦最後一枝微著丹
傍人欲贈青琅玕檀心半吐猶頻頻日暮不知翠袖寒
春去春來易飄忽歲歲空山蘊玉骨孰居無事得天全

畫裏孤村長挂月白衣老僧鶴樣癯前身疑伴梅花妻
手持此冊正愁絕卻要張子留新題顧顙作畫間且靜
張子滑稽亦清省試將綺語問情禪收拾春光付疎影

三生石

鬱律雲根坐結盟淨緣千載說三生孤踪却伴還成伴
遜客無情定有情牛背月明人異代雪痕鴻爪石留名
隔塵但使心常在歌罷何妨並轡行

呼猿洞

石髮蒙茸古洞開雙猿去後嶺雲迴空留黑白資談柄
誰歷幽奇拂卧苔聯臂已忘千載木分齋虛有一層臺
叢林經偈無堪聽讓與王孫闢草萊

秋水齋詩卷四

山樓觀雨

礎潤連朝暑氣收黑龍蜚起飲沈洲一聲雷破雲生樹
四壁潮鳴風滿樓未許青霓窺渴井遙知翠浪動新疇
山房枕簟涼如水卧聽靈泉徹夜流

登兩峯歸坐山齋情懷悵然有作

千雲未遂且棲遲山北山南任所之有酒宜陪紅葉飲
無才欠補白華詩幾看落日還成悴但到臨風易作悲
天與壯年筋力健只容崑谷問靈奇

山中得潘子禹巖書以長句寄之

世上榮名無我寶無聊却入荒山道山中四顧不見人
萬木陰陰跡如掃鯉魚風起自河陽尺素傳來帶芳藻

苦道今年暑倍常赤日燒空苗則槁炎官不欲近冷泉
長侶新秋司少皞手提天下力未能獨住崑崙愧夙抱
連時暑困塵土中恨不買山讀書早茲攜簡策入山來
又如放鳥歸雲島終朝弄水足若萍破曉穿林頭侶葆
采得夫容更遺誰惟有思君令人老君家高齋陰喬木
磅礴解衣事幽討不因人熱是清涼冰雪心腸能自澡
笑我禪牀落拓過十指懸槌稀削菓歸時要待秋氣深
篋底翻君消夏草問我所得竟何如一味誇張山水好

湖上獨酌懷金子汝白

蕭然一笠趁漁舟索醉重登舊酒樓之子不來我又去

湖天煙靄各成愁

秋水齋詩卷四

蓮花峯頂看紅葉

靈山茂樹老岷嶺不與凡卉爭春陽秋來染作古錦色
孕含萬象成詩藁借秋閣上愜幽賞目送俊鶻摩天颺
試登山脊出雲背木根落葉微有霜牽蘿附葛上絕巖
珊瑚碧樹交琳琅忽見帖地紅羅綸怪石羅拜况孫行
侶展將軍著色畫丹霞遙觀雲水光又如追隨赤松子
紫煙夾嶺相迴翔平生頗笑顏延之詩以藻續誇穠芳
獨有天工工點綴自然綠筆含清蒼佳山未是車馬路
坐愛曷若升崇岡時人豈識楓林好只說蓮花侶六郎
偕汝白蒼霖上人度龍井山至雲共庵贈智輪
長老庵故熊魚山先生流寓處也

四山互青冥，崑崙托深峭。風聲與水聲，和答成絕調。遊人自厓返，誰能越危嶠。客從何處來，歎開得一笑。蒼苔繡石齒，翠篠迸山竅。小構不必多，却掃皆佳妙。仄聞葉庵老，逃禪隱真曜。至今間底鱗，清絕不受釣。霖公故解人，幽賞賴相詔。智公癯若仙，爲客理茶鉢。金子亦雋彥，秀語饒可療。我雖疎放人，不敢輒長嘯。茲來愧遲莫，去去復回眺。聊題一簡書，留與佛燈照。

獅子林留贈蒼霖

我本無心來，師亦無心遇。無心獲素心，達往遂佳趣。獅峯下龍井，岵嶸裊煙霧。不問客何人，乃肯導前路。躡彼登雲梯，如假凌風羽。蕭然宿宇間，奕奕含秀句。旣探山

秋水齋詩卷四

六

南庵還指山，北樹欲留山。外客夕向山，中住我雖不能。留良感高情，寓破曉待重過。啖我灰中芋。

白衲庵小閣

絕構虛無地，平臨小有天。山人故衣白，方外偶談玄。入戶松雲重，敲牕竹露圓。遙看林缺處，一抹是湖煙。

石筍峯

礪硯撐山腹，嶽然氣吐豪。鯨飛牙不拔，龍蛻角還牢。匹練江雲淼，懸鉦海日高。便須低首揖，假寐笑吾曹。

寧峯庵

禪戶牽蘿補，梅邊覓路遲。僧歸別院老，山門兩峯奇。金粟香無隱，珠林風不訾。裴裊重回首，塵暗故人詩。

上永福院

上界垂清派，朝朝到寓廬。姓名師未識，水石我相於。靈運出家久，淵明與世疎。無心話禪喜，泉味定何如。

偶珣竹上二首

碧澗學人語，白雲如我閑。行行殊不覺，又上一重山。煙樹森何極，秋風又一時。孤吟易惆悵，不必有相思。

翁蘿軒先生築白雲山房於蓮花峯下，先生未來，余與同人觴咏樂之。秋深旣至，湖莊將入山。

賦呈四律

偷然鶴髮裏烏巾，鴛鴦班中早乞身。壑谷不聞塵世事，神仙終讓急流人。山林經濟會心遠，雲水文章得句新。

秋水齋詩卷四

七

清福儘消天，所賦好教郊。數見祥麇。

花竹扶疎綠野居，輜名真欲混樵漁。不勞朱紱臨幽境，只許青山對結廬。瘦石如拳新位置，平湖似鏡舊相於。

故人京雒能存問，爲道林居樂有餘。

書幄然伴佛，鐙檠每愛松。軒夜不局老，袖無言頭半白。遙峯相見眼，常青良宵月。落心誰溯前輩風，流耳熟聽我亦耐閒思。種菜可堪充去作園丁。

聞說行厨清且娛，筍與已度小山孤。從教勝地添良會，試看蒼顏入畫圖。開筵不辭隨杖屨，隔籬應怪雜歌呼。題詩爲報雲庵底，銜錢門關得過無。

送汝白歸禾隴

盤桓幽谷底歲晚覺情深臨別無多語相期有寸心月
寒孤鶴警風急老猿吟送爾布帆去雲山不可尋

山霧

夜來欲雪還未雪曉起游塵貫牕缺淋漓海氣從東來
千山萬山俱浸滅騰騰兀兀五里浮剛風不發天爲愁
無聲但覺奔野馬雲將正逐鴻濛遊素練千層生對面
中有魚龍矜百變下方鐘磬隱沉沉便是釣天張樂宴
蚩尤作法巧遜形軒轅雷車駕曜靈朱輪髣髴抱黃珪
精光磨澱玻璃屏此時霧態更奇絕萬頃爛銀炙手熱
迴風塵戰未肯降倒峽崩雲成一決松林漸露草木馨
高樓還我青山青飛揚翕忽杳如夢空留微濕沾疎櫺

秋水齋詩卷四

八

題壁留別曉堂契遠四首

世間萬事如雲散只有青山長不換山中玄豹亦何爲
縱備文章豈堪玩書生乍見消百憂還憂空谷難久留
捲却霧市天應雪明日不雪歸去休

半載逃虛塾角巾居然猿鶴自相親山僧莫怪羈棲客
我亦蒲團結夏人

契老留賓笑語稠曉師能說舊風流不須更問鉞鋒偈
博得靈山自點頭

竹間攜手借枯藤得句新題有髮僧湖上連峯三十里
峯峰曾與客同登

未斷塵根守一編此來先訂淨因緣青山倘許盟言在

待我功成二十年

受業漢陽孫 漢校訂

男

守約 編次

守愚

孫

文毅 校刊
文燾

秋水齋詩卷四

秋水齋詩卷四

九

秋水齋詩集卷五

烏程 張映斗 雪子

范湖集

倦圃二十咏

叢筠逕

濃陰逕通幽步屨若爲礙二仲期未來風敲竹聲碎

積翠池

平地宿霧收岸竹森如束春深荇帶齊搖映鴨頭綠

浮嵐

一點碧波心小冠如玉蕊但見翠煙浮伊人隔秋水

范湖草堂

秋水齋詩集卷五

問訊鴟夷子扁舟何日閒草堂無恙在煙雨損朱顏

靜春菴

孤花映前簷小鳥集深樹幽巷不知春春風自來去

圓谷

聲確行逕微谷口藤欒古自有白雲封不用牽蘿補

芳樹亭

秋樹香凝碧山林靜不譁我來亭北坐微雨糝桐花

真意軒

谿山絕逢迎苔痕護瑤草倚檻復支頤適然寄懷抱

容與橋

小橋扶杖過石髮垂清冷蘋末起微風飄飄見衣影

漱研泉

箋成秋水篇餘墨灑清露龍尾劈泉香飛魚入雲霧

潛山

崑阿新卜居築牒邁乾九著書歸潛藏名山得未有

錦淙洞

寒光穿石髓曲折動溪煙我意托流水何須問響泉

采山樓

面面雲生石奇峰入榭多無心問山鬼長嘯動煙蘿

狷谿

癖性自踴涼滄浪興頗長貪泉笑吳隱無乃太清狂

金陀別館

秋水齋詩集卷五

龍火澗明滅幽香閣小院夜深簾月低曾照是翁倦

聽香齋

遶砌植繁卉零亂紗窻月小雨夢聞香遙辨簷花發

橘田

朱橘秋霜飽離離屋角垂劈香逢二叟可著世間棋

留真館

何物當奇懷鴻寶羅前後日夕三摩挲古香拂衣袖

澄懷閣

披襟高閣上木末亘湖光借問孤颿客浮生何爲忙

春水宅

春水誰生汝柴關日漸添東風楊柳色借作小筠簾

西溪

遠山螺髻青迴溪鴨頭綠卉木得氣新樓臺臨水簇肩
輿下柳岸命權蔣芽曲有主歸自閒有客來不速是時
春寒減園林雨初足玉梅翩若雲叢篠森如束山僧共
茶話笑指谿邊谷日暮更寒裏前村中可漉及聞泖海
賢清門半朱穀投老有餘情紆迴成小築我從山水窟
慣赴齋廚粥可憎萬卷書不抵千畝竹良朋邀勝踐槐
黃何局促歸夢落雲林終當縛茅屋

東莊古梅歌

梅壽不知其幾也鮮蝕苔侵風雨打中空自足貯陽和
貌古猶能弄瀟灑東鄰拍點爲余言曾是清河公子園

秋水齋詩集卷五

三

幾回月底携紅袖幾度花前揀絳旛盡管來往多文譽
受伴橫斜留不去迴首梅邊百尺樓便是諸公讀書處
誰誇桃李十分春漫遣瑤華逐後塵試尋壞壁看詞句
想見梅花舊主人從今十里空村冷廢井頽垣圍斷梗
花著依然無醜枝夕陽慘澹春風影勝地由來要主持
年時培養見於斯孤芳寂寞應無恨樵牧還愁不可知
隔岸新看三百樹樹樹凝香泣珠露梅婢娉婷玉砌環
梅妻婢約凋闌護惆悵尊前芳草坡手除榛莽一摩挲
世間遭遇每如此鐵幹稜稜奈爾何

再和題壁之作

挂月村曾貯五車新來池館又他家空留詞客峰青句

誰伴仙人萼綠華小鳥似憐春色早寒驢又背夕陽斜
短牆乞與東風護綃帳還勝籠碧紗

宋拓多寶塔碑銘歌爲汝白賦無寄壽門

鍾王而下楷法更不由篆籀徒縱橫唐人臨摹具本色
筆力獨讓顏真卿公之忠義塞天地大節不以書自名
要其天性莊且勁透紙自令千夫驚余少好書乏指授
點畫意造無章程年來稍觀百氏帖手不能到目漸明
書家結習總未免取妍驚險來紛爭公書結構悉正法
豈徒新意誇自成廟碑壇記卽古隸塔碑儼雅誰抗行
近見拓本頗肥重元如壯士無歌傾秋鷹筋骨竟何似
口不敢議心怛怛冬心居士富碑版數間破屋騰光精

秋水齋詩集卷五

四

朝來携示舊拓本一見令我雙目眩蘭煤麝粉古香散
神寒骨重肌理清稜藏頓挫取執穩穎脫宛轉派標擗
昆刀切玉美無精暗紋飄眉朱絲纓時人亦慕公筆法
魄駭往往圖猙獰偶見索駝謂馬腫縱爲剖說空不平
從來書法在心法心無柔媚力自呈憑將麤膽放雄駿
相遠豈特筵與楹偉人舉止絕纖巧自然風格健淨紫
正如堂堂忠義士魁奇靈秀相合并刊碑意在形象外
少所見者徒硜硜茲帖當是宋初拓摩挲十日心如醒
卽有墨蹟應莫尚但誇鑿字無乃倉海陽金子亦好古
入手欲輕千瓊英楚人失弓楚人得金箇出以金匱盛
園林館宇幸不遠畫肚輒叩爪豆棚與君言論頗契合

墨妙共證石上盟臨池不厭百回看洗研好作三年耕
勿示書家田舍漢免渠流汗雙頰頰

戲題

撒手丹砂不值錢可知狡獪是神仙蘇經大有誇張事
新得方平背上鞭

次韻陳子山民二首

未能辟穀學輕身一卷陰符發篋頻搔首不看新面具
橫眉寧作老頭巾尺書久謝游揚客寸墨偏磨倔強人
雙鳥不鳴孤鶴去破牕風雨自爲鄰

倚壁高吟不假思偶憑石鼎與聯詩問雲自赴空山約
寒谷何勞暖律吹海外九州饒汗設胸中五嶽出靈奇

秋夜齋詩集卷五

五

平生不作漁陽弄眼應誰爲大小兒

疊前韻二首

繩牀堆卷卧閒身帝奏鈞天入夢頻應笑投珠遭按劍
何妨瀝酒便穿巾此生無用固無匹天下有心猶有人
借得隱君詩數紙燈前覺與古爲鄰

舉頭天外屬遐思此意何關愛作詩閒倚短檠呼濁酒
試遞長笛按清吹聲成金石貧非病語絕酸寒窮更奇
江海近來嫌霸氣向人休歎景升兒

借復古南湖剝護有鍾氏以酒肴相餉小飲分

賦

秀州之岡阜靈氣鍾碧水水中折角蘆萬頃弄清泚危

樓纔漁艇聚錢向村市風物憶蘇城傾筐我先喜白衣
何爲者小榼薦嘉旨冰檠戰膏粱一杯兵可弭吳公舌
有蓮牙齒出宮徵春來偶食筍妙語得山髓詩人窮更
饕飽還矜爪觫未要張水嬉便須破詩壘是後有何好
濯濯拔泥滓外雖芒角多其中實清美樂哉魚稻鄉浮
家良有恃貴人幸未知勿佈魚蠻子

中秋對月次復古韻六首

自古今宵月無眠感者深同心千里共爽氣十分侵野
濶清無際更闌影未沉疎林隨鶴步屋角字明金

此月雖云滿月中人自孤容華憐汝好光采爲誰娛雲
捲玉屏障星飛金僕姑仙官猶有劉丹桂研曾無

秋夜齋詩集卷五

六

海龍疑得寶天女謾飾金擲杖無渠術銜杯且自斟三
年三處別一見一回吟亦欲懷中寘梯雲不可尋

清光騰蕩大遍照只三分能使物皆徹何須宵自焚翻
空天籟靜弄影妙香聞祇是蒼涼甚無堪負獻君

地上千家玩天公使眼嚴吞和琥珀醞味入水晶鹽露
滴皎人泪霜生松叟髯誰能探月窟拔兔製豪尖

也說乘風便其如路阻修斲輪誇月正清涼書因人
謂光還照我思魄易流憑闌且歡喜不必問春秋

九日過真如寺二首

空中金碧一秋毫揀菊來登也自高玉不遊山嶽秀
浮圖容易占名高

客身長健有餘情龍象還陪福地行却笑頑仙無意智
捉將雞犬替桓生

是夕飲益齋方岳有詩索和

晚秋留此節天與飲杯長醇酒有清德寒花無媚香捲
波猶布陣醉墨不成行坐惜茱萸佩明朝棄曉霜

宿虎邱玉蘭僧舍因憶去歲雲林風景髣髴似
之曉起琬一詩竹上而去

虎邱山後飛廊畔蘭若曾聞古木蘭孤客慣尋禪榻夢
新詩又向佛燈看四更月吐知山近萬木風饕覺夜寒
勝地恨無三宿暇殺青空記小檀藥

滄浪亭次廬陵韻

秋水齋詩集卷五

七

詩人八九吞楚澤作者獨讓漁父篇長江大河飽興廢
滄浪世外應翛然當時歌聲杳無路此間小水如玦環
我州長史一見愛綠淨謂敵湘波妍傾囊買得構亭榭
四圍花石珍禽喧想其興來輒獨往吟聲破此空中煙
醉翁詩成恨未到東望與結文字緣後來衡山震川筆
頓頽千載飛霞仙商邱中丞頗好事修禊往往臨水邊
感茲荒廢復料理不使勝蹟湮平田至今豐碑覆老屋
濟祠照耀清且漣主賓文酒又陳蹟風雨已壞陸地船
勝場從古待賢哲豈少四萬青銅錢多金未得學韻舉
請回俗駕劇可憐君不見吳宮繞水數萬頃滄波渺渺
連秋天錦帆犀甲勿復道重此尋丈清冷淵是中誰敢

濯乃足風鱗疑觸蛟龍眠詩壇霸業更長久文采獨占
六百年煙中有人呼或出滄浪遺韻松風傳

清明日出西郊野眺次汝白韻二首

雨絲不濕酒村花蘭若輕煙入蒯麻黃鳥避風藏密樹
白鷗趁暖睡晴沙攜樽野聚皆新冢輸稅人歸又晚衙
誰似老僧安淨業石泉槐火碾春茶

雲樹東來碧幾層刺空牽堵倦同登盜猶餘粒鳥應樂
楮卽堪錢鬼漫憎乞食乍聞齋後偈勘書長記佛前燈
行踪却羨春歸燕認得茅簷薜荔藤

寺僧索和壁間詩

宰官能說法四壁滿雲煙爲有山林興應無車馬喧紗

秋水齋詩集卷五

八

龍大手筆玉帶小乘禪買菜方求益哀詩洵自賢

歸荅上卽日解纜

湖山真我土夢到亦輕颺身事風中絮鄉情陌上桑歸
與元似客此去定何忙蘋葉吾憐汝依汀弄晚香

秋水齋詩集卷五

受業靜海勵守謙校訂

子壻

金忠澤

編次

男

守約

孫

文瓚校刊

秋水齋詩集卷六

烏程 張映斗 雪子

日下集

止遊留別禾中同學四首

煙雨初消驛柳齊無端一笑亦成西
心懸獄頂天梯近夢越江開客路迷
橫絕曉風追旅鴈催開曙色聽荒鷄
清時坐惜空山老未信長橋便可題

旅食頻年筆硯閒故交風誼篤邀攀多情豈敢言分袂
寡合難期覓抱關東郭只攜雙履故南陽殊少一巾綸
春風漁笛駕湖路輪與諸公共往還

有緼休題惜別詞出門孤劍記年時故人虛擬風雲氣

秋水齋詩集卷六

一

集

遊子偏增霜露悲詩裏白華迷竹簡夢中黃土認松枝
可憐旅館開箱夜汨裏征衫斷續絲

日下風光且莫論不知誰與共清尊旗亭或可同題壁
輦路何妨獨掩門從此美人隔南國重煩公子叙西園

帝京亦有停雲侶此外蕭蕭不足言

泊舟惠山致泉十斛淪龍井茶賦呈諸子

雲根養靈液春氣敷山顏壬女一區碧梳出千翠鬢眷
茲風味豈第二枕石而漱清且聞前者中冷後虎山誰
實著之季孟間此泉不爭名品藻百不闕在山自契酒
德頌出山不貳狂濤艱開我月團裹拭我花瓷斑此茶
此水固雙絕重以公輩相追攀笑爾江心真水厄使人

自遠母乃慳

京口感舊二首

幕府曾經滯馬蹄銀灣翠嶽壓簾旌
雍容車騎春如海跌宕樽檠醉似泥
一曲離歌朝雨外三年遊興夕陽西
酒徒散盡江山在那可重來認舊題

十載朋儕皆落寞五更風雨且淹留
名山北顧仍青眼豪士南來尚黑頭
作客無經傳故業如兵有酒破新愁
淚頭照慣青衫影只恐江神笑不休

方苦冒雨訪竹林招隱拜濂溪和靖兩先生祠

復候其姑母至木末樓一日而徧諸勝歸舟有

詩因次其韻

秋水齋詩集卷六

二

江船催客涉風雨半思怨頗愁還勝難
還遂留願蓬窓聽蕭瑟客子起長嘆
勾人好處阿而面橫几案十年題詩處
又隔瀾漫編昔多酒龍文字亦炳煥
蕭樓戴室間到處爵無算惟有理學祠
角巾不敢岸醉後傍荒池亦足理清盟
將子獨衝煙一一足把玩得意領其深
寧計來何安所嗟山頭風未稱環珮館
骨月相過從江山亦縱繚好景如好書
誰能盡其萬到眼不輕放乃獲一笑聚
愛子竟日遊翦燭弄柔翰何當長安花
一日亦遍看

阻風登江上小閣

沙嘴牽船住終朝浪拍空舊遊如夢寐
小閣自簾櫳入

世心彌下懷人酒復中誰能攜鐵板高唱大江東
排炮觀遠勢隱几念微躬三老我憐汝長江雨又風白
鷗仍浩蕩青雀且攢叢未濟聊堪卜雲霄路不窮

揚州

溼雲將夢草將愁載得茶煙傍酒樓明月不來春又去
一鞭風雨過揚州

露筋廟

最慘女郎祠深宵行路悲公磨何至此志節定無疑社
曲吹慈葉村醪薦藕絲長淮無屈子誰續九歌辭

順和集遇雨戲作

荒原雨過頭如沐腸中鳴和車轉轂主人不前客不速

秋水齋詩集卷六

三

窮猿投林執擇木茅舍一間亟寬伏襪被雨衣同一束
飽食酣眠萬事足三脚木牀如蜩縮雨師翁忽重追逐
敗壁窺天地成潰欲起仍愁打頭目牆上蝸牛解傲人
誰似渠行常戴屋

黃河

濁流分九派一折一飛翻不信從天下長教突地渾濤
頭鳴鼓角脾口薦雞豚縱欲然犀照蛟龍宅自尊
雲雷方頃洞風雨更喧逐振舵看奇景防川仰俊才魚
梁空舊蹟龍竈有餘哀莫唱公無渡狂夫白首來

題壁

小雨停客驂投床萬緣寂夜半隔牆聲鄉音間滴瀝急

須問誰何月黑天如幕曉訪間無人殘燈在空壁

沂州道中作

十日征車千里塵浴沂天氣又無旬重沾白水如鄉味
高揖青山是故人引馬私龍喧鼓吹排衙官柳長精神
那堪驢背開顏處無麥方悲瘠土民

羊流店戲同行生墜鞍

未是華山翁無端一笑同似希羊叔子折臂便三公

望岱

五嶽尤尊青帝壇金泥玉檢碧雲端 聖朝謙讓東封
事只許書生立馬看

嶽廟

秋水齋詩集卷六

四

千雉騰輦逼翠輦靈官肅穆斗城寬濤聲直度松杉老
書壁橫飛霧雨寒青社分芽開繡甸碧霞扶日上瑤壇
由來望秩三公禮別蘇重尋古字看

題王師曾行樂

黃金臺畔行復行紅塵十丈爲逢迎英雄住久不得意
甯然化作兒女情情多夢落桃花水若有人兮清且美
無雙自古愛成雙三生重認王郎子新桐雛鳳花鳥鮮
家山似此小有天凝思不記歸來日但覺燕婉春無邊
林下風光相對觀此處安能別離去誰要鳴雞喚客醒
仍在紅塵最深處回頭佳夢不可收此時新愁續舊愁
無聊倩得宛邱華蕭條孤館供凝眸王郎王郎我語汝

意氣如雲莫消沮細臨洛水十三行豈爲驚鴻動延佇
歸與洵樂佳亦娛天涯佳興無時無應知閉閣春愁日
又要風雲萬里圖

汪千波比部黃山采藥圖四首

喬嶽襟懷夙所聞要看晚翠拔天垠高情誰似平陽老
不愛紅雲愛白雲

黃帝仙壇絕頂開芒鞋據石亦悠哉家山認取山人樣
已向山頭穩下來

翻觴正好仍行地紙鼎何須亟上天大藥只宜餐半劑
還分後輩作神仙

高峰三十六嶙峋歸擁峰峯碧篆文好作幔亭千席宴

秋水齋詩集卷六

五

曾孫齊拜武煥君

次韻答韓紳垂二首

猶幸蓬蹤逐後塵同心那得不同津開頭自算三千路
僂指君爲一個人古帖臨池仍乞米高文入室已傳薪

旅居况比鄉園近情話追攀意倍親

偶然局外底須爭天許驚人試一鳴濁酒且留滕達道
清詩直擬並雲卿人皆得得誇先得我本平平敢不平

相視共存孤注在臬廬旋轉有時贏

次韻章柱天四首

久隨楊子畔半愁也學靈均賦遠遊祇是 皇居容放
眼但聞鄉語便回頭塵中門巷難銷夏客裏襟懷易感

秋賴有故人詩句好夜涼清諷答更籌

下士聲名蟻蝨輕韜鋒庶免詈申申那堪才俊交馳地
也著歎崎可笑人坐對雲山思奮羽卧聞風雨欲攀鱗
誰能不厭清狂客故國貧交本自親

如網恢張已可憐那堪雷決湧苔錢閒看鳥鵲還三市
坐擁青氈亦屢遷閱世老槐無翠蔭得時小草有紅媽
書生未愈幽憂疾只合關門養寸田

摩泥一串濁源珠被褐何心下澤驅材朽便須蒸出菌
技窮已少盪吹竽愁他撲滿身猶障守我鴟夷腹未癯
願得賤天乞晴日新豐一醉抵粉榆

菊集同柱天維涓方岳以人澹如菊爲韻分賦

秋水齋詩集卷六

六

得菊詩

野人寄京雜通心在林麓就茲半畝官偕蔭得嘉木空
庭感霜氣雜藹無餘韻黃花艷不邪脩然慰幽獨東華
森甲第誰當叩茅屋明月挈素心翩翩雙不速紫萼薦
鄉味白墮致新澆酒盡亦復佳良夜正須卜清談互矯
厲瘦辭更往復一客輒褰然柱天稍重聽戲及之三子各捧腹落
英既可食醉語亦堪錄珠露入豪端期以潤芳菊

醉王隆川進士墓

出自西郭門傷心把舊杜繞郭何紛紛斯人竟黃土憶
昔快論交江風入尊俎久要持寸心雲山成錯迕高才
初得第不受圭與組收身雁塔前遂作夫容主猗嗟一

杯覆白楊猶未樹破屋集野鴉荒畦竄田鼠天南六尺
孤象勺未勝舞年年上家人猶是題襟侶一言感晴昔
車過心相許宿草有餘哀淚灑清明雨

報罷自述四首

燒殘絳蠟獨凄其別是人間九日期一夜星辰紆眼角
五更鐘鼓撼心脾馬蹄特特風聲迴鴉尾搖搖曙色移
報道深宵曾中酒儘蒙敗絮對朝曦

誰將兀者號神全屈曲心腸敢放顛九奏釣天成噩夢
一聲河滿是哀絃當空皓月猶相顧此日黃花最可憐
卧聽子規啼正切不隨飛去路三千

雌伏雄飛兩不成夢來秋水欵柴荆白頭有望悲長缺

秋水齋詩集卷六

七

黃口無依棄短檠幾累縫衣思遠道也曾炊爨勸孤行
遙憐曉院晨光好猶卜枝頭乾鵲聲
熱腸最好是冰寒顧我時時慘不歡知己一言如挾藏
故人幾輩又彈冠不愁世路炎涼改轉念門庭去住難
爲羨蘭成賦蕭索早經射策動長安

題餽二十四韻

日下遘重九光景何其道饗人陳節物粉餌惟時羞客
居頗近市尊食不自謀朝來警枕畔曼聲疑清謳茅檐
白紙飾土銍紅泥醃傾珠輝精菜屑玉紛乾饌山翁罷
急確爨婦工輕揉乍看鋪細細漸覺蒸浮浮員形抵盃
鏡方罍開枰楸出甌炙手熟飢盤繞指柔甜從中邊微

固若膠漆投驚黃僭色澤熊白滋膏油橙香翠羽析栗
熟金丸收胡麻綴既密酥犀編復稠發羃見蒼壁析俎
分黃蚪來與粥鼓會去逐錫簫遊饒饒迴不及拒救安
足伴咀含得細膩吐屬還風流刺齒去沾滯紙掌增稠
繆老饕食指動下士張目愁奇字六經略新詩一筆勾
固哉彼墨守率爾茲冥搜窮人例寒餓小飢成吟嚶一
笑風落帽劉郎差點頭

小翁編修累雪成山嵌空玲瓏具有體勢同人
集而觴之分韻得佳字

崑崙積辟不可懷我裁撐拄連陰岨天公欲試餐玉法
大磨使服垂龍垂西妃小女嬌且稱雲容不貴瓊瑤釵

秋水齋詩集卷六

八

因風振袂作迴舞盡飄玉屑盈天街是時瑤林暗無色
俯視下界思無涯蓬萊上仙獨好事招來白鳳羣仙借
要將皎潔出磊落不徒細膩工鋪排搏之既就築之固
指揮如意模棱佳壺中九華透虛白仇池小有消陰羅
已有肌膚映姑射未容鍛鍊勞皇媽命儔嘯侶作高會
手斟沆瀣心和諧仙山浮玉已到眼但恨未得窮青鞋
就中狂生最落魄羽衣偏袒登階翻杯一吸香雪盡
下傾餘瀝添長淮羣仙頗不嘲輕脫自將醉眼雙手揩
忽然夢到此山上拔地萬丈離咬哇玄冥諸軍動大獵
親邀上客同鞞鞞彎弧射得玉獅子長圍盡殪熊虎豺
風生耳後火出鼻解鞍割炙焚枯柴攝身獨上最高頂

一望皓白遺形骸似覺天上無此樂不妨冷處容我儕
乍聞陽春驚夢醒起來清氣盤高齋

桑子佐卽日南歸夜過別我歌以送之

意囂囂鬱陶長安夜雪風颺颺坐聞有客叩門急傳言
別我歸江皋倒屣令心驚執手今辨聲相知相賞日相
憶視之果是長桑君我生今逼仄知音今難得忽與子
今逢迎忽與子今離別子來登自王國賓人望不啻雙
南金一朝跋馬浩然去我偏寄跡誠何心將子今玉貌
掩關今避淖有親今當娛有子今當教賢婦牀頭斗酒
儲且湏浮白讀異書噫嘻噫讀書良有以風雪打頭子
行矣

秋水齋詩集卷六

九

贈蔣師淵蔣書法最工本師王若林掌科吾友
湘帆其從兄也

退筆年年入甕藏顏頰千載兩歐陽金蕉露洒銀毫潤
石鼓文摹王軸裝風格不殊懷素字典型有自見良常
坐中小隱吾先識袖底斑斑古墨香

述懷上余田生少京兆

抱瑟向風塵孤彈不成調知音試高坐一聽思歸操賤
子生菰蘆湖山閨貞曜傳家一束書世世勤弋釣八歲
事文翰十歲知繡校十三著青衫意氣頗騰踴同時多
括匠進往譽英妙俯首竊自疑浮名非意料寒膈更折
節沉思求道要時捨西家書或藉東鄰照體制辨文心

秋水齋詩集卷六

十

源流涉詩教珮無青珊瑚簪餘紅玳瑁刻骨嗜雄奇澄
心賤竊剽談笑得齊梁雍容追典故不怕窮始工真若
飢可療睨視著作場寸長差得効彈指二十年桓褐在
泥淖微尚與俗殊安知避河譙家貧道轉孤仰屋空長
嘯偶櫻京雒塵遂隔滄江棹鎖關隨例入握管首先掉
規模花樣新塗抹黛眉肖小好怯大慚一拙爭百巧棄
置慣曾經坦率付高笑便須覓吳艘歸去理茶銚逢公
名德儒古心兼古貌隔簾動賞音撒棘呼請造相見意
轉深嘉歎離慰勞遂得一知己敬謝諸年少天街日趨
侍一見一傾倒論事絕町畦談玄窮奧我公素磊落
賤子頗兀冢寥寥契寸心不愧晚聞道所以冠蓋場仍
寄都稍樂賣文供糊口游戲非我好我實固自存持
空爲耀昨聞故鄉雨荒畬不可燒草堂倚閨人夢寐見
凝眺逝將徒步歸種菜學荷蓀安能曳長裾塵埃霾七
竅所嗟懷感激厚意何由報拊手撥朱絃餘音亦已嘒
男兒負志氣屈曲增傷悼公如苦愛才借我追風驃

冬夜集諸子偶作

小集當歲寒促膝惟舊侶開門霜無垠隔巷酒有真虛
憲美暝色寂寞感羈旅倒囊出青蚨聊復具雞黍惟時
月正滿空庭怯延佇孤光薄重簾落葉相寒杵爐深聊
可圍觴行那忍拒誰云非我土此室儘容與自我來京
國愁霖接炎暑相逢庚蟀遷冥列遠如許謀身類搏沙

托業同刻楮幸與故人偕終始慕蛩驅小言鏤塵埃大
叩發鐘呂未能變軒昂庶可破淒楚容居得良會迅掃
千離緒燭跋小詩成朝霞又軒舉

雪後過玉河橋

旭日皇州雪未消蓬壺面面襯瓊瑤毫粉本開丹地
螺髻銀盤插絳霄白鳳飛來棲正穩玉龍舞罷卧還驕
笑他鄭五清寒甚詩思徒能說灞橋

秋水齋詩集卷六

士

受業福清林瑞泉

三原李洹

太原李凌雲

長洲宋巨源校訂

子壻

汪璉

男

守愚編次

孫

文綬校刊

秋水齋詩卷六

秋水齋詩集卷七

烏程 張映斗 雪子

日下後集

論文十首 丁未

雲垂水立走鸚鵡豪氣爲文萬象吞要識飛泉隨地湧
也須泛棹看崑崙

豪端鈎棘叩殘叢漁獵安知醞釀工迅掃門庭裁僞體
欺人終是不英雄

儼葉駢枝自有真裁紅暈碧不無神花鬢細數成何用
慧眼宜知浩蕩春

目送飛鴻落手輕最精神處得和平朱絃疏越遺音在
不是極譚泛指聲

作者聲名各擅場蹈來窠臼只尋常莫將村社寒灰出
供奉前賢一瓣香

不用虛玄門辯才不因摹擬蔽靈臺深知理窟無傍選
撒手何妨獨往來

雨餘溝澮變蹶淖一笑驚才失壯心閒讀蘇家海外集
始知夫子道根深

陸機文賦誇才力劉勰文心辨體裁何似昌黎早開道
六經精旨是胚胎

文章等要除麗雜嗜好何妨各性情若向百家窺壺奧
不將門戶肆譏評

前輩誰能躍後塵嗜奇振古自天真三倉盡貯飛霞佩
乞與才人作學人

苦熱行

羈人無事苦晝長渴睡不戒日轉廊朝來煩懣不安枕
當窻一望天微黃須臾日出扶桑陌漸挂簷牙射簾額
四圍烘濕氣騰騰萬里無雲光赫赫掩關已覺頭如沐
出門便有飛塵逐開軒挹爽畏蠅營面壁修真防蠱毒
書淫傳癖掉首面空腸對食了不饒豈無冰酪潤喉吻
其如嗜好殊酸鹹人間熱惱何從避欲向天關叩秋帝
高處瓊樓未敢干也須著我清涼地綠章草就方屏營
仰天一笑忽絕縷書生尚畏人間熱君不見天上羲和

傍日行

秋水齋詩集卷七

二

雨夜宿維涓齋

最多豪興是無聊索醉何須折簡招上國秋槐非昨夢
長安夜雨又今宵良朋似酒還清潤獨客如雲轉次寥
卧聽瀟瀟吹荻慢分明同上木蘭船

久雨

秋雨如繩送客愁紙牕宿霧浩難收常疑日御膏騰醉
轉笑雲將汗漫遊聒耳私竈喧井底關心野草上牆頭
如何瓜蔓無窮水不作長江萬里流

靜香齋小集次維涓韻二首

地偏誰小築閑戶足清遊雅會徵同調雄談壓衆流徘徊

徊還卜夜蕭散恰宜秋鱗菜鄉風在吳吟莫道愁
薄寒生旅思抱膝與天遊淡月窺燈牕行雲學水流客
經三度暑時過一分秋莫捲風簾看芳華各自愁

贈宗室默幢先生二首

曾讀王孫集因思一笑同到門綠舊雨叩閣誦清風石
鼎秋聲沸筠簾露氣通賞音知有托極目送歸鴻
守器猶龍鼎開門自雀羅有時忘鹽櫛無處看笙歌得
意新題好懷人故紙多姬宗真盛絕方駕到繁阿

元日作家信偶成

戊申

旭日將春到筆牀數杯暖手容心長履穿朔雪人三載
簾捲東風鴈一行夢去重聞遲拜慶倘來五斗費商量

秋水齋詩集卷七

三

紅腹不作朱門刺且報平安到草堂

踏燈八首

絳燭迢迢敞畫屏碧天如水夜雲停何人解按鈞天樂
幻出魚龍舞洞庭

解裘沽酒去忽忽燕九梅花半未紅一種春寒餘料峭
旁人爭說試燈風

白索光中皓月明漁陽小隊各縱橫笑他腰鼓無多大
學得冰車鐵馬聲

護索聲高檀板催兒童得意笑如雷北人未解南枝好
那要行歌惜落梅

帝里風光歲歲新嬉春爭赴馬蹄塵誰知蕭寺焚香客

也作隨行逐隊人

點綴豐年興莫違終看勤儉寄民依清時豈待倡優拙
轉覺天街醉客稀

昨夜詞臣侍五雲改塗二典配三墳歸來袖底爐煙滿
大勝傳柑遺細君

連宵豪飲漏頻移戲喝星光轉酒旗燈燼不嫌風露冷
且須堅坐看朝曦

嵩齋讀書圖

遙峰匝匝淡翠屏碧梧下蔭芙蓉汀戍家小園秋不扁
看畫若聞風露聲就中有人修眉青三十未足二十零
鷹揚健翮摩青冥綠沉湘管對大廷蘭綺下直轡未停

秋水齋詩集卷七

四

閒翻繡錦梳鶴翎論書說劍如建瓴巧藝不數公孫丁
渥洼騰躍羞在垠誰能守智如挈餅仲華勲伐遺典型
雲臺第一圖儀形封侯家法自壯齡吾子正復新發矟
時清宜以德自銘無徒燕坐惜晦膜敝裘有容跡未寧
盡披四部增聽聽瑤席無術堪乞靈是須借與陰符經

病榻口占

倦客逢秋病深宵百感生涼風吹夢斷殘月照心清
落誠無謂歌呼亦寡情更籌當戶轉聽到馬蹄聲
歎枕膏騰裏鄉思不可刪某邱無某水飛去又飛還
雪仙人藥黃金壯士顏長安居不易一夕鬢毛斑
微逐原非好交親自可娛愁經千日醉病覺一身孤簾

提心猶悸余重骨未蘇劇憐童僕意又手勤朝餉

腸角縈如帶刀圭不易攻全身比洩渤微命托芎藭是
疾何緣得相憐竟有同謂閨從今發深省莫倚靜時功

七夕四首

雙星今夜度一歲一回看切莫窮天巧教君會合難

金盤瓜果冷得巧定誰多踈地蛛絲裊應工織網羅

駢女嫁痕牛星槎不可浮天河風浪濶靈鵲爾何求

鵲尾雖顛顚宵來自宿枝不知鳩有婦一拙係予思

攬鏡二首

簾帽遮頭懶不搔此身何補一秋毫多情冰鏡看流轉

也積年勞見二毛

秋水齋詩集卷七

五

土木形骸久自憎從來皮相任諸卿祇今病起詩情減
遮莫人嘲太瘦生

鄉人餉豉菜

鹽豉蒸蔬出故園裹來青藕小瓶尊天涯欠點薄羹美

地主重逢菜把恩細碎正堪浮粥而芳香可滌牙根

平生嗜好酸醃外負腹從君一笑論

東王斗巖二首

湖海論交未笑狂相逢便作舞淋浪郎堪楚路三句共
不及寒更一夜長去歲與斗巖飲香樹齋談承竟夕而別伏枕獨慚違舊

雨彈冠應喜趁新涼遙知高會星辰爛繞屋天風助激

昂

杯傳河朔值攀邀佳節還過鵲度橋病似頽雲吹不散
客如明月挂偏遙西隣解賦驚搖落南國音書歎寂寥
若遣秦青歌一曲尚堪堅坐對秋宵

送閻林南還二首

日邊良燕會共此蠟燈紅不分聯牀雨翻成擘岫風遲
遲緣去國咄咄罷書空別夢今宵始河灣有路通
無心雲出岫舒卷雨悠哉行矣勿復道時乎或再來白
華宜點饌黃菊待浮杯飽看湖山景他年首重廻

和脩亭斗蠟韻再送閻林二首

玉堂君故物決策未全疎得失何須問去來猶自如風
帆塵漲外水枕夢回初釣石經年別應憐巨口魚

秋水齋詩集卷七

六

上苑花何許秋蘭正滿陔心依紅日近人與白雲迴良
會真難得鴛鴦愧不才吳山先有約蔬筍定追陪

戲咏玉鈞

似出拳然手分明月未規雙街應比鳳一足最憐夢寐
意迴環好花紋宛特宜無心歌碧玉只賦佩觿詩

陶然亭小集

尺五城南路風光只此亭雲山非浩蕩邱壑自精靈野
色連孤寺秋聲落晚汀登高還挂額不負遠峰青

題方岳金陀別墅圖

汪子手持園林圖今我爲作園林歌紅塵袞袞眯雙眼
我共如此園林何昨朝卧遊屢夢到起来一日三摩挲

園林舊事我能說長卷不灑理則那是園傳自南宋代
經始粵惟岳氏珂勸農歸來理筆硯考槃樂此軸與藹
至今名山留著述兩編粹續標金陀滄桑閱人几幾世

秋水齋詩集卷七

七

司農曹氏披榛莎主賓文酒刺勝事丹青廿韻聯吟哦
月如歸去竹垞老珠盤壇坫空嘉禾老樹幾經斤斧厄
清篇半逐雲烟過君家卜居因戚屬乞墅亦似東山阿
重梳嘉禾剔奇石更覽碧沼拔青蘿牀上積書連棟宇
亭前載酒盈觴舸清門四世延步屨付君兄弟恣騰挪
我昔相與共遊賞飽看雪篠兼風荷巾角分開紅羅歷
屐齒印偏青嵯峨夢醒每因香入鼻詩成半在顏微醺
豈惟佳景供眼座亦資清氣適心窩自從放浪共京國
展圖悵望無秋艤清華池館渺何許但見日月如飛梭
好山好水貯箱篋胸中邱壑無乃說近聞園中有新構
長廊曲徑爭遙遙老梅也過五十本翠竹應添三萬葉
園林較前應更好我儕事業惟何囉世間妙境在靈府
寸田尺宅含春和桴腸挂腹要文字包羅岱岳傾江河
勝場從古數人傑萬間五畝無偏頗朝川自爲重摩詰
雪堂亦是園東坡臨流陟巖巖動深省安知水石無漸摩
君看金陀閱人久五百餘載終不磨倦翁忠孝固莫尚
司農文彩亦足多其餘豈乏濯園主姓名雖在誰蒐羅
君家蓄畬真可恃滋蘭樹蕙培菁莪既見喬梓括根本
行看華萼交枝柯窺園未是我黨禁種菜豈被英雄訶

此出山非小章不求聞達登其功成百年歸綠野
畫本寫入雙髯端此時風流孰與從扁舟我亦披漁簑
還君此圖三歎息圖中春水方微波



原缺第一葉前半葉

櫓響疑是茗溪深停舟親貰酒不覺操吳音
木門倉琅根龍蹕銜燕尾百貨轉東南包匭貢筐篚遙
望滄海連吳越航一葦何爲屈曲行盤盤若磨蟻王闕
崇設險倚此真宰偉舟行限中外至計良爲渠非惟風
濤艱內地實瑰璋畏此經由熱往往構姦匪君看太平
世習流屢宸扆願言謚黃圖卉服伺若鬼
叩關第一重關吏知余狀走報驪大夫相邀具供帳托
分在文字誰能堅辭讓况將遲我友主客正副倡昨聞
海上艘驚風破巨浪大夫解索金窮骸慰懷懷嗟公有
善政歌榜從風颺目擊遂以書詩成不以上平生閔仲
叔不受豬肝餉再拜菊花惠應我輕舟放

直沽當渤海一運洩尾閘水道失經理貽禍於田廬朔
方本沙磧土脉固已疏零雨捲膏液去作河中淤樹藝
各有性稔黍不並居捍田師浙法此議然非歟禹貢則
三壤萬古爲權輿墳墟與塗填制別良非虛幾東既疆
理新禽近何如虞生雖碩畫顧此增躊躇

榜舟臨清牖日薄鐘聲殘喧聞日高起津吏寢尚安亭
午牖方啟連檣千舸攢前牖方得啟次牖石尚攔一日
過兩牖不及五里寬漕舟有禁忌那不問私官雖逢秋
潦盛尚恐河路乾男兒鼓豪氣心期托羽翰縱然經險
阻雖馬空千盤不違守牖吏安知行路難

臨清有汪子結交吾弟昆停舟便相訪一見顏色溫磨

秋水齋詩集卷八

二

刀向猪羊置酒盈瓶尊未暮先下榻茶熟香溫磨舟中
有數客契濶素見存况有任薛齒族誼古所敦喧呼供
雅具勝集忘朝昏客意樂復樂主人方留覓何妨十日
飲前途開斗壘出門笑相謂聚散萍無根今何不前日
逆風吹江豚

迢迢會通河聲自金源開引汶更絕濟汨汨湖泉來上
流屬通惠下流安山隈轉漕制旱溢厥功良懋哉江身
貴翁受崩岸多摧頽水底憚濬治高岸安用培秋原被
淫雨四野波濤洄回頭望渤海隔斷浮雲堆江河有靈
性豈便飛黃埃止流舍禹跡此論人所咍

泛舟苦潔折意行隨所至忽逢貞定公茅屋頗佳歟叩

門乞杯水循牆忽周視見我舊題箋一笑惜所自老翁
顧我語含情如睍眴移床延行客踉蹌走童稚貧家無
供具賓社有蠲餼相逢幸少坐舟來尚須遲感此不能
却情意殊真摯試問翁所業翁故不識字誰謂樸儉人
無閑風雅事

浮波失水道夜纜知何處宵氛動綠林驚呼奈何許我
行愧空裝欲取無可與連舟三百指鎮靜足以禦念此
災黎耳無家托浦激我亦飢驅人何能遽戕汝非惟重
生命亦恐滋繁緒童僕方邀功約束通耳語停揮白羽
扇居然托九拒天明羣盜散我心憂以瘳

木竿繫五兩上有萬里風夢遊遍五岳醒後推孤篋行

秋水齋詩集卷八

三

年將四十強半途路中歸舟待杳迅偏滯蘆花叢載得
滄州酒欲飲心恍恍五紵徒在手目斷歸飛鴻將心托
閭閻涼颼偏自東方看旗脚轉前路猶空濛

今朝風力便一路開艤艫兩岸水聲駛鼙鼓聞逢黃
頭攤錢坐系勝安船中船頭青未了談笑過齊東宵來
索酒食爲犒兼程豐行遲非汝罪行速由汝功貪天爲
己力持論何不公黃頭何足較此意世所同但傷來舟
機彼豈遜汝工

舟行絕供頓充庖牛魚鮮何來雉子斑獸人適在野難
披五色錦餉我脩三雅南烹芼青葱風味絕瀟灑扣舷
成薄醉豪氣難傾寫舟行滯于車老牛任鞭打吾幸非

官人閑置何爲者時過豺祭獸野火明如諸何當焚筆
硯射獵南山下

風定水波寒連舟機沙磧上有樹葉黃下有霜月白忽
聞羌笛聲清商動淒拍驚起一林鴉繞樹飛磳磳京華
壯鷄鼓傳杯錯履蜀阿蒙不好伎避邀苦不獲水天殊
荒涼何緣吹石裂感我非山陽亦覺愁脉脉關山方在
望魚龍起潛澤休吹塞上聲余亦沙場客

青山界齊魯決滄迷水道高原俱壞墻下隰猶沉竈野
田遺敗余枯楊挂破帽浮沙汨露鬚驚觸時一到經過
乍問訊災黎方下埽夏秋逢淫霖懷裏忽難導庭龍扶
雨勢忽見滄溟倒三百里人家沿流赴飛瀑卽今水歸

秋水齋詩集卷八

四

壑瀾盈止遺潦哀哉尸陀林觸目增傷悼不聞人哭聲
但聞鳥鵲噪玄冥何不仁此厄寧云報死者長已矣生
者當誰告

噉雲空中升嶺風入林杪呀然萬竅號沙石亂清眺水
官起颶母靈旗互縹緲船岸相擊撞喧雷電繞當腮
欲語難脫口散雲表瘦日無精光穹波斷白鳥猶渴沸
湫漩下有鋸尾掉餘皇失巨軀東去落滌森深宵添椽
弋陰火雜明潦欹枕聽濤春茫茫失昏曉

水府排珠宮滄波挂其脊衝風決土囊中分溜如壁上
流快朝宗下流沛膏澤懸空激飛濤兩界震滿漭蛟龍
神變化精爽其窟宅化爲百歲翁皓首聳如戟至今廟

貌嚴經始自指畫不煩分水犀安必準水尺神功寄所
宣地勢誰能核舟行無兩利客子震且兢長年心自知
有順必有逆

方州南北衝任城鞏屏扞百貨轉三都津口舟車半沙
梯接市塵霧市連祠觀戢戢萃千帆檣鳥及高岸故人
宦遊去胡王未屑誰何館魚蟹不論錢聊爲蓬廬爨酒
酣舞獨速嘯逐風中散黃帽有吳音高歌亦申旦

轉漕大艚舸縛纜沉如鐵戕我兩岸水舟行一線劣黃
流忽挂舵倏倏若魚鉤振冰山倒上流風勢佐橫截廉利
萬鋸鏃勢割舳艫裂瞬息冰奪填豈止頂爲滅號呼莫
懸鮮大纜不容掣努力出倉皇舵根奮一挾舟撼天地

秋水齋詩集卷八

五

轉中流恣一瞥幸喜身命全安計篙櫓折坐地收驚魂
始覺十指血停舟呼梓匠紛綸綴敗缺載米陶家軍徐
來收木屑爾曹吾何恨出險轉淒絕安得二頃田往來
惟井暇

風定覺夜寒蒙頭濕額泚晨興開中艚河天成霧市瀾
漫入船罅潯潤到冠屐茫茫絮作堆雲波互屬委千艘
篙櫓聲對面錯肘趾蛇行傍百丈相語不相視觀茲心
悵快隱囊聊從倚回頭觀諸子擁余睡正美涵虛得罔
象弄筆寫奇詭海日方東升諸子可以起

水天作重陰銀燄集一雲聯翩萬蝶隨漸覺船頭壓黃
頭凍如蠅把纜險出峽耗罷廬朔風攪簷覆白恰幸甚

宛城近魯酒差可呷川原出時玉煎液亦一軟曠觀得
奇景空闊勝清雪緬懷蔡州城夜半弓刀棟乘雪收奇
功露布凌晨押我儕走江河負書不堪甲愧叨七箸須
頗復喧鵝鴨

黃河出清口懸流百道匯一牕鎖中間蟻封障奔潰長
風卷波瀾陰雲亂霽風聲雜水聲洶湧合明珠天妃
鼓靈鼉灑落萬珠珮富賈最慘財封羊不敢廢敲鉦集
衆役一絙互向背繞經箭括門機發力難拔狂蛟血人
牙腥風濺水噴勢逼千丈強春濤掣急雄迢迢一線天
命藏針孔內舟中色如土出險猶惶憤逆流雖則艱未
進可以退順流不自持一觸全舟碎

秋水齋詩集卷八

六

清江引淮泗合縱千里迴東萊葦雨堤金椎震溟津河
身鮮疏淪纒長培畦町極目皆綠蕭蟻封植極建浮珠
掘玉地水府光含炯瑞物發天藏人家住泥濘萬竈頤
隱臍一黃肩高頂懸知彼樓居簷牙挂漁艇其魚抱隱
憂誰能敵玄冥感格慶安瀾禹功真可並
今朝風日好渡江響柔翰金焦破曉煙已覺雨看熈陽
候波不驕拊手浪花吐嘯傲共魚蠻已達江之許少年
舊遊處入境憶三五塵土愧山僧竟去甘傍父難忘京
口酒一醉倒瓶甕頗聞煙中人憑闌歌秋杜
江河飽風浪今晨過許墅經行兩海朔又隔秋冬序停
舟入葯房寒花錦盆貯一點早梅春孤芳真我與忽忽

人引去小立若延佇解葉負入船晚涇起洲渚菊花錢
我來更與伴羈旅軟脚豈無娛問花花應許狂花熏土
窟飄飄竟何處莫言空山寒天共或玉汝

濟寧登太白樓二絕

仙才遺蹟女牆隈弔古憑闌暮景催海上青蓮呼不起
月明空棹酒船迴

三曲清平興有神寄家珍重謫仙人孤城落日休回首
料得時無賀季真

京口至金陵江行偶作六首 辛亥

揚子津頭樹三年四度過乍逢菱女唱又聽榜人歌鼓
柁從漁父焚香拜浪婆追隨簫鼓路慚愧話煙波

秋水齋詩集卷八

七

南遊仍北渡西去溯東流橋燕留人住江豚送客愁沈
酣幾失日風雨適逢秋坐惜淮南近無因見桂幽
雨日江頭坐凌朝已挂蓬下遊逢放溜上瀨巧乘風屋
氣連山白鯨波蕩日紅浩歌鷗莫避我亦信天翁
平分風水便來去兩無違長嘯江天景高吟星月暉遠
帆黏浪住獨樹背船飛繞岸雲山過煩君數釣磯
候騎依亭障仍呼白版艘老翁雙打槳少婦獨當鰓野
色沈孤岸鶯聲咽大江何來青篛笠故傍碧油幢
昨朝京口渡今夕秣陵春空闊非無際蒼茫覺有神漁
燈平照浦戌火曲通津安穩帆開落長年洵可人

黃天蕩

趙家汴閣成榛莽金人又逐吳山想一夜江濤捲北風
笳聲吹斷黃天蕩何人颯沓開江雲轅門卧虎韓將軍
將軍忠義冠劉岳手提河漢盤龍孤軍扼險橫江浦
鯨魚跳跋天吳舞夫人城上鼓如雷太子軍中色如土
玉帶紅袍映日暎忽然伏發金山根騰身墜馬僵且走
膽裂不信頭顱存將軍爲虎敵爲鼠稽首哀號帖雙耳
冲天穴地雨無能一聽征鏡一回死長江勢濶稀防頓
江上烏聲報宵遯要歸二帝復中原片語空懸千古恨
豈謂天存北國雄事機一去隨飄風從茲懲創避天塹
南渡要是新王功時平巨浸生洲渚弔古蒼茫我聊爾
正植西湖桂子秋騎驢羨作閑居士

秋水齋詩集卷八

金陵二首

形勝龍蟠拱麗譙翠巒玉樹木全凋山川合作清談助
人物終隨王氣銷荒店蒼苔前第宅壞墻留句舊漁樵
平生詩筆無金粉懶與山僧話六朝
千仞臨流試濯纓沉吟往事奈愁生劉兒贏得門堪守
燕子飛來壘又更勝地泥人雙屐齒霸圖終古一棋枰
繁華容易成消歇如此江山太寡情

燕子磯

王謝堂空燕侶孤多情化石蟄江沱風高不作山頭舞
潮落猶疑水面梭萬里波濤橋語咽六朝兵燹墓巢過
流年閱盡春秋社共閒輕身奈爾何

過白洋河間古古先生舊寓 壬子

百尺高樓彼一時憑陵湖海想雄姿藏人複壁孫賓石
赴難孤城太史慈獨柳搖風迷舊巷壞垣潰雨沒殘詩
初餘猿鶴尋常事問向沙蟲那得知

試後往保定途中偶占四首 癸丑

蘆溝春尚淺沙月曉空濛未是鷗鵬水由他牛馬風
枳籬開野店上下百蟲攢豪鷹時一擊首鼠懷兩端
鴈肉由來美潛夫可待嘗背毛兼腹毳捲地盡文章
鐵現琅玕筆銀鑿鳩鵲弓相逢不相問俱是可憐蟲

贈陳素宇

素宇江南人流寓清苑善章草飛白落魄嗜酒頗

秋水齋詩集卷八

九

爲其婦所詬余偶過極索贈詩率口戲占素宇書
筆自書便以挂壁更掀髯得意也

赤手據橫案秃筆大如帚周身非我力驅使蛟龍走張
眸墨海容受只五斗餘勇作飛白雙枝拉生朽堵牆
共擊壤小歇更敲肘機材都不遺得錢且沽酒來朝無
朝食醉卧聽獅吼

偶得射獵圖知爲天啟中某侍御戲題其上

奄寺鴟張日臺端薦觸宜驚鳳各凋喪應夫劇獨故姓
氏科官隱容顏畫史貽都亭輪自在且去問狐狸

秋水齋詩集卷八

受業武州郭成峻校次
男 守愚

秋水齋詩集卷九

新館集

烏程 張映斗 雪子

旭日昇扶桑

二曜立乾坤陽光為主宰碧海湧金輪凌虛騰霄靄周
天三百六十五度四分度之一貫出三十五萬里地九
州之外大瀛海羲和凌空整轡銜六龍飲水沐光采鬱
儀一駕飛入雲炎精照耀鎮常在守元上士家住蓬萊
峯列班近接東王公天清地寧海波晏乘颺快觀東溟
東金沙豆瑤圃中有扶桑樹斜枝千丈強玉葉萬重布
蟠木未為雄星榆更無數僊山夜氣寥且清海鯨不動

秋水齋詩集卷九

天雞鳴滄濤千疊紫瀾起金霞百道丹霄明耳中鈞天
奏眼底洞庭舞雲垂水立唐精光旗盤正挂扶桑浦從
此黃人踞捧到中天四方萬國盡向堯衢樂歌鼓仰惟
聖天子宵衣闢天關當茲海日昇騰際應是臨軒辨色
間三千大千世界皆為日光所普被一日二日萬幾正
與元運相循環擊壤歌天保頌日出日升今古共何似
昇平大業翠苞桑航海梯山咸入貢臣欲竟此曲此曲
悠且長 盛世不言祥瑞事戴冠抱珥休鋪張惟幸日
光五色照遍五色筆拜手稽首長同葵藿傾朝陽

次韻柱天四首

廿年衫袖酒痕深味外醇醪共此心小別每存天際想

相思長向夢中尋才追作者偏宜古論少卑之直到今

折得一枝誰最勝算來飛宿總微禽

生涯從古黑如磐我以無心心暫安築室返畊虛子反

循城勵氣愧田單傾身自障原無麓作戲逢場尚有竿

閒與春光共駘宕未應冷眼笑炎官

偶然得失漫相猜似此原非溺後天月地有人稱巧匠

秋期將子待良媒九京可作風猶勁隻手如存波未顏

我竇自存千古業那容眼界入塵來

不乏穉膏可轉輪危車應惜不費身大乘何必聲聞果

小住還留文字因縱酒且謀今日醉藏錐莫說去年貧

雲羅正開非常格待爾褒衣入紫宸

秋水齋詩集卷九

特賜官第為庶吉士肄業之所月給供饌感 恩勵志

恭述十二韻

適館英賢禮餐錢貴仕資何當厠新進重與沐鴻慈

聖德隆文治人才貢有司引來鸚鵡隊遂入鳳凰池士

氣清華振 天恩稠疊施儒風承藝苑皇路翊明時夏

屋經掄選冬官載整治羣書標錦暉眾麗列紺帷彩棟

通黃道朱提下赤輝星羅分廣座月計定成規誦讀原

臣分鈞陶仰 帝熙綢繆思籌旅食奕世頌昌期

題翼庭石湖草堂二首

家在吳根水石間虹梁落月浸煙鬟東華一枕鄉園夢

滿眼澄波釣艇閒

讀書已滿三間屋調鶴須營二頃田他日招邀好兄弟
鳴榔不隔兩重煙

送徐子端之黔陽中丞幕府四首

無計相留住驪歌咽素纜未酬鴻鵠志真作稻粱謀故
國雙蓬騁天涯一廟縱壯遊須懷慨莫上仲宣樓
十載傾心素相看各二毛君維慈母緣我著故人袍客
味略能說長途應更勞販陶聊可賦絲筆漫孤高
小住遺鴻不遠歸亦轉蓬倚問方款款打樵又匆匆
水那易辨蠻蠻或見功若逢論米價端合念江東
黔地雖荒僻時平氣象新文書稀入手竿木且隨身薦
士非無路憐才合有人似聞公論在翹首盼車塵

秋禾齋詩集卷九

三

周倣白編修虞麓讀書圖

連峰謁若浮沙逕不可唾春城雄雉堞間正復遠塵堞伊
人讀書處煙景絳入座松篁答朗吟清韻劇流播諒哉
逍遙遊養成雲翮大高舉傍朝陽歸夢如何作是中足
佳趣我亦經由過登臨恨獨謠枉踏苔痕破相嘲山外
人今雨分燈坐偕觀囊底書猶有嶽雲泥把圖掃虛室
嘉游良可卧欲開眾山響君撫我當和

韻

錢主敬宮庶招集山桃花下次用昌黎山石詩
北牕夜春風力微隔牆初見蝴蝶飛遙知山桃花正發
嫩白相間輕紅肥先生退朝多著作時聞洛誦聲依稀

餐錢給得耻獨飽不與客共如調飲與我花下集
追陪褻展開雙扉繁葩正作香雨散清談並似玉雪霏
平生詩腹本寒儉便便愧此帶十圍惟餘結習未除淨
惱花竟被花沾衣風流前輩連邸舍步履不煩振轡
牆頭一壺尚能辦等閒不放春光歸

主敬宮庶割宅以益余寓再次前韻東謝

唧泥燕子羽翮微定巢還向烏巷飛豈無珣龍挂珠樹
孤棲獨臥何緣肥平津東閣今廡庫僦居割宅古亦稀
先生高誼薄雲漢誓與朋友共渴飢數椽新拓藉親串
許邀井汲同戶扉傍檐樹色占清陰隔牆花氣分煙霏
急呼巧鋸具灑埽屏風已展六曲圍客來喜得小位置

秋禾齋詩集卷九

四

便須磅礴同解衣微生落拓偶通籍塞衡亦復施鞭撻
鑿開東壁吾豈敢餘光或趁金蓮歸

鷺洲湖渚探梅圖

伊人家近西溪渡尋詩踏遍溪橋路春來忽被柳彈衣
梅花不肯畱君住華林珍樹一萬重何曾湖上追芳踪
憐君有意托幽素故園已覺寒雲封試問梅花有何好
神清貌冷何嘗老惟有我儕入軟紅縹緲易化春衫縞
空山無人水繞村疎星落月愁黃昏舊遊如夢那能說
淡墨微渲似有痕浩蕩春光誰管領翡翠咽啾空弄影
縱負東風第一枝胸中冰雪原清省文憲渠几得靜觀
天葩的的生豪端風流標格君真似鐵石心腸我亦安

孤山孤絕多暮寒畫圖雖好難盤桓南來若問梅花信
應待粧成額上看

主敬學士招對建蘭卽席分韻得凝字

妙香拂幽檻鼻觀久未曾窺我同心友遠別聲忽應此
花產南土采采登中陵吳船通閩海一剪消煩蒸靈根
具高格抱質雅自矜縱聞花戶好未肯居馬厓相思未
敢言極目江波澄誰禁幽人佩共此秋堂燈芳蕤抽碧
幹縹帶浮青稜風塵幾千里蔚然山翠凝主人雖軒冕
樂事心所憑培沙沃若汁清課添晨興閒宵得珍餉置
酒分溪藤微風醒醉句落香曹騰名花不容敷燕賞
同蘭徵願言滋九畹長締君子朋

秋林詩集卷九

五

月夜懷宋丹林同年

三日層城隔非關會面難如何長止酒猶是不加餐雅
尚胸無滓清詞筆有瀾祇疑今夜月未必捲簾看

中秋四首

此月靈流共清樽可奈何故人天各一小醉意偏多舊
說銀潢路新翻水調歌捲簾酬寐未敢笑嬌娥
雲淨光猶斂飛空絕點埃玉繩留海客金粟伴如來對
影我忘我攀花才不才白毫三萬大祇爲長珠胎
晃朗侵人寐中宵更倚闌低徊千里共消受一分寒風
露寧惟入星河隔座看客牕逢幾度憐汝別團圓
夜氣爲丹汞心清乃玉壺事事終是遠皎皎不勝孤婉

筆波濃澹窺簾意有無祇應除瓦礫隨地結跏趺

重九前三日同年汪杼懷家星指寓卽席分韻
得約字

霜月延穩宜夜酌隔巷嘉招堅宿約探支佳節作重陽
一翦金飈動簾幙高齋新闢得二妙敦盤雅會時交錯
笑看同是擁寒衾誰貼么荷鑊紅萸鳴藎所鱸情無聲
絡繹芳厨和芍藥豐有未覺冷官貧美酒還教中戶廊
藏鈞發覆避目成失箸驚雷憤手搏森嚴觴政巧致師
查陣更番互騰搜但欣促坐盡吳音逞計深更警秋柝
孟公座上多酒龍餅壘未耻客自作諸君不放玉山頽
真宰應愁溟海涸我亦年來頗止酒怯飲常遭嘆客惡

秋林詩集卷九

六

東宋西莊吏部二首

歡情惜此夜迢迢舊限寧辭力充拓歸途人靜燈影稀
醉眼方當眩螢燭更將強韻習屏夫未說扶頭先步却
綆汲欣同卷經過識面頻舊交元孔李雅會亦荀陳耳
熟逢人說心知久自親蕭辰感搖落宋玉在西隣
江左春如海梁園雪滿天不知風雅事猶有幾人傳靜
想詩家社間開圖秀編題牋小摩壘旌旆定依然

持螯六十韻

清秋食指動中厨聞郭索傾筐色璘璒挂壁光煜燿羅
列未要煩招邀不暇諾彼己先流涎我其怒大嚼蓋鳴
西蜀芽桂漬淮南萼螭頭髧正開魚服湯初淪入釜殊

青蒼登梓儵丹臙揣其身等夷權以手約略踣腹微三
壬努目失七鑿肝膽本中空骨鯁頗外作狀貌雖獐獐
膏油豈膠削抵掌撒七匙破殼間杯杓何心擇尖團便
欲把螯脚官商要齒牙銚銳闢齟齬黃紙通開燉白
除隔膜噬臍刺雕鏤削膚逞揮霍掌肌五采倫剔髓一
分薄細理過銀鱗多脂勝黃雀行行解八簋緩緩進三
爵回眸覲再登攘臂快先搜填膺折戈手哆口碎輪郭
解系影亦愁相如夢還噩善嗽良可誇老饕寧云作饒
叔既屬震盪沃始盤礴是物最凌競經雷轉豁壑鬼背
埼岸翻利背原田掠長爪恣搏拈老拳騰嬰鏢虛名解
輪芒俗說可辟瘧藏六不如龜屈尺那及蜩種類繁有

秋水齋詩集卷九

七

徒爬沙進無邦安知蘆中人已度谿邊徇延緣携簞燈
才于踏芒屨珍如驅夜珠捷若振秋穽無腸空輪囷帶
甲終落度多足還白僂橫行竟遭縛難劍難為雄招潮
究何託乍離河伯居遂赴醯醢約竊敢損禾苗理宜償
鼎鑊最憶吳田稔正逢秋渚涸腥風披柳斷駭水濕葦
箔籠蓋出漁莊新鮮駕海錯情同長鯨給幸免生蠶所
釘盤踞糖霜入鹽醃糟粕踣躄領鮓菜瑣細賦羹臠每
年滋菊英應候釀桑落三秋錄介蟲一飽謝海若渡江
客乍嘲懸戶鬼猶愕方當念陂湖豈意逢京洛木門近
黃圖筠籃裏青筠物美價廉平天京人癖莫正空左手
持準擬合錢醜顏讀爾雅熟不伴監州惡良朋聚自今

清俸頒從昨誰能見鄉味還與保慳索刊除岐亭戒管
領鯛陽樂筆可注蟲魚文非吮鯨鰐微寒定易蠲小毒
熱爲虐本草漫緝尋食單差充拓常調足豐腴清言資
盟囑稽典存齋胥伊余聊善誌

題畫四首

夾岸春蒲水漫流權歌無伴自夷猶斜陽斷處歸鴉急
一抹遠山生暮愁
鷓鴣呼雨動春耕犂确新畬燒未平記得弁峯峰下路
松風長和桔槔聲
小築斜臨煙樹津此中魚鳥足相親碧簪山色青羅水
輸與茹亭晏坐人

秋水齋詩集卷九

八

犁雨初過散犢牛牧童腰笛返滄洲畫圖試問陶貞白
水草何殊金絡頭

受業溧陽狄 寬校訂

男 守約 編次

守愚

孫 文綬 校刊

文彞

秋水齋詩集卷九

秋水齋詩卷十

烏程 張映斗 雪子

丙舍集

山家見白杜鵑花康熙間曾以此花命題試詞
臣感而有賦

閨苑竒葩第一枝
皚然林鶴舞參差
招來明月仍同夢
修到梅花已後時
望帝不沾啼處血
殷仙猶認劫前姿
唐宮乞藥多紅艷
畱取水容映玉墀

贈莊秀才瞻堂二首

綠鬢烏衣絕點埃
笑攜經夾片帆來
金堂玉柱窺靈秘
白鶴朱霞擬上才
調露新篇騰藻水
臨風佳色動蘭陔

秋水齋詩卷十

幽居情話良堪喜
况接毫鋒墨滿苔

雨餘節序入槐黃
剪燭遲遲語夜涼
月湧太清無滓穢
星臨秋漢有光芒
妙年最抱風雲氣
盛事終歸書傳香
瀛島爾家原故物
待看春水浴鸞凰

松雪齋遺址

柳塘古甃土花斑
承旨遺踪若可攀
緬想軒窓風四面
橫飛翰墨屋三間
乍尋松雪青蘿石
正傍荷泉碧玉環
文采不隨齊館盡
勝他宮址鳳凰山

聞方岳計二首

方岳於五月十七日來荅對
松雪論徹夜而別至六月中旬信來則沒矣
松雪作詩

怪事傳來噩夢驚
縈縈如淚向天傾
三千里隔封書密

二十年交撥棹輕
小別未周生死魄
大招遂罪古今情
紙牕殘蠟依然在
曾照前宵夜語聲

暑雨盲風送去舟
自言百里少朋儔
倚廬歎粥我方共
發篋陳書君未休
造物幾曾憐志氣
多生何用解牢愁
千金敝帚應猶在
知是流傳有待不

禾中感舊

空谷維舟續淚彈
哀吟遥和塔鈴酸
旌心白水盟猶在
飛翮天門夢已闌
月裏風霜催病鶴
鏡中金翠誤驚鷹
從今放棹騰騰去
野水寒蘆不忍看

得溪夜泊欲會董大扶搖不得二首

秋水齋詩卷十

昔昔心常在
停撓薄醉餘
本慚千里駕
長望數行書
佳句窮人業
清門處士廬
延緣聊問訊
乘燭意何如
縱有三年艾
應無十畝桑
病貧猶未老
歌嘯定能狂
且釋胸中事
閒看眼底忙
相思到無語
解纜轉蒼茫

老圃一首戲學山谷演雅體

黃麻挂屋緣長繩
紫茄結實彌溝塍
絲瓜細象苦瓜小
各以附麗從高升
亦有冬瓜最鉅偉
腰腹委地空摩稜
青缸解作裙帶結
白藕已充藥籠登
北方種稷連百頃
此間獨立翻超騰
異哉粟竊觀音號
禪味孰辨大小乘
蹲鴟既已誤書客
樓魚那不愁山僧
頗怪百合蚯蚓化
豈意芹葉蛟龍憑
乍穿脩籬見金荔
更支小架看紅燈

蘆葦生兒最脆美，蘆牙抱母恣憑陵。野蔬脫葉自然煮，腐才出菌誰薰蒸。蘆拔大本洵磊落，蔥添細爪偏凌兢。青蒨萸合配松韭，小回香亦宜菠菱。狂花並纏棲鳳竹，野蔓盡學藏蛇藤。不須買菜更求益，便容拾芥還自矜。若尋長柄葫蘆種，依稀描摹吾亦能。

庭柱

青桂茁南榮，蓓蕾苞初脫。今朝風日好，芳意欲排闥。叢叢辟寒金，露滋釵梁活。化為黃雪飛，正色弄青越。巡簷方壓帽，瑣碎到芽枿。快哉常軒揚，使我襟懷豁。憶昔手植時，枝枝親翦剔。檀藥不盈尺，常虞傷天闕。棄汝入京雒，此愛誰能割。徒聞盛吳榜，聲流喝捆載。致侯家

秋水齋詩集卷上

三

一翦袖私撥，還愁香無隱。往往遭豪奪，西風驚旅夢。小山樹，轉輶十年重聚首。三喚問何濶，攀條爾許長。逼人良咄咄，共誇花正繁。毋使本先撥，從今禮金粟。蕭灑振短褐，鼻觀抵叅禪。餘歡供批抹，連宵風雨惡。纖手薄言，將何當。金枝室已遣一囊括，霏霏酒而浮。點點茶乳潑，笑伴紫芽萼。歲晚老愈辣。

小飲

有月卽中秋，有菊卽重九。今宵兩得之，莫空傳盃手。十年寄京華，昏昏失卯酉。歸來百事懶，負腹腹亦負。秋瘵困羸弱，面壁柳生肘。檢藥向爐煙，佳節夫何有。出門厭輪蹄，入門繁井臼。今昨孰是非，流年枉回首。茲辰對寥

廓試此掃愁帚，豈能置適意富貴。指誰某平生，耻干謁欲語。慚其口所堪，慰乞求惟應。謀諸婦，殷勤螢花檠。宴笑濃於酒，聊須徵故事。一醉東坡叟。

親桑文侯年伯

早年侍病父，雪涕承盤匱。壯年保鄉井，斥堠誰能覓。中年學扁鵲，種德尤神奇。制行老彌篤，白璧靡瑕疢。潛光固必發，逝者多留貽。傳家儒學昌，公實培其基。煌煌金石例，舉大細可遺。緬茲孝且惠，傳史長昭垂。我少敬誅，長千里馳清詩。雖慚中郎筆，庶幾無媿辭。

嚴海珊見過荒齋河間話舊卽送微車北上并
訓雅唱二首

秋水齋詩集卷上

四

萬軸連車寄宦情，歸來高笑魯諸生。不同文豹山中變，競惜祥麟地上行。黃氣暫聞新薦牘，青雲足下舊香名。草堂何幸邀金奏，驚破階前蟋蟀鳴。閒從小劫話瀛洲，正值金風灝氣浮。朝雨輕塵辭故國，夜珠明月上高樓。一杯小餞荒城晚，六轡長驅古驛秋。他日柯亭欣接席，祇愁詩句迥難酬。

贈使相嵇公四首

門才世德冠羣公，使相尊嚴帝眷隆。自昔丹青徵國事，共知忠孝是家風。蕊珠直接沙堤路，蓮蠟新開玉樹叢。要使靈山驚挂莫，日華元近海雲東。芒芒禹蹟水回瀾，一德元臣早建旌。大地淮黃歸掌運，

全家冰月照神清枕中已得威靈簡河上長調帝女笙
十載知公心力瘁今看萬舳壓波平

潮聲吳楚兩相望星漢真成一葦航煮海騰流銀液白
滌場霖壓稻雲黃移旌乍駐千波偃伐石重安萬杵將
大抵神工元不宰獨憑誠信格旻蒼

三朝耆舊著功勳犀鎮重煩自勒銘就鎖支祁安地軸
歸垣台斗應天星漸稱玉筍隨龍尾喜倚瓊枝刷鳳翎
此日東溟望雲物足知仙賸有餘青

汪荇洲廷尉話舊二首

曾辱孫陽顧當階剪拂優九衢還捧袂十載又平頭每
憶吟風座經過聽雨樓淵源重有托鄉國轉悠悠

秋水齋詩集卷十

五

公望猶卿月回翔宦味甘保障真不啻珠桂竟何堪乍
喜水歸壑休吹雪上簪金堤行且就櫪馬舞驂驪

題劉伶荷鍾圖

大醉何如死便安更無負荷得天全奚童若解形骸累
一鍾先須當酒錢

海寧相公園

海上沙堤落漲痕黃花翠竹接松門三朝耆舊看人
瑞五夜淒涼話主恩一葉浮波魚有勝九臯零露鶴
生孫蓬山隔岸清春雪開戶真成獨樂園

次韻茅渠美見贈二首早春曾枉顧余正解維
東去前篇及之

并雪風光款素交綠沈湘管艷蘭若拋殘花絮鶯留樹
擘破樊籠鶴在霄飛蓋君能存舊雨牽船我亦溯寒潮
荒園翦韭虛前夕夢裏春帆百里遙

此地聯牀憶往年相逢重話海棠顛新詩未敢齊銅扣
陳跡聊堪踴磨旋仙露憑將班管潤名香留待夜燈然
休緣風雨凋花色愁絕清吟沈下賢

徐南臺大尹藏書圖

奇文拓金石大扣發鐘呂偶然被牽絲七載困齟齬清
溪一鶴舟寧云藏雀鼠吾道終不非公論委士女平生
三萬卷字古不堪煮置鄰得冰銜歸帆侍春渚傳經既
有屬著書久心許誰作守門人名山吾語汝

秋水齋詩集卷十

六

小閣聯起

東風放顛雜晦明坐忘不遯腰脚輕曲肱自覺聞鼙聲
扶頭已遣覺盃隻發簪猶存二三策寂寞無心歌主客
輕雷小碾百蟄興忽喧萬瓦驚帶騰彷彿江湖夜雨燈

答陸生蘭皋即送北上二首

憶從空谷接雙音剪燭山牕夜話深乍剖雙魚傳尺素
重逢六馬聽鳴琴桃花鉢子三層浪漫理龍文百鍊金
却笑揚雄方竄竄冥劇談猶記酒爲箴

風塵真鑒亦何求冷眼誰當第一流此去若能先吐氣
向來我亦未工愁十年浪跡添慚筆三字冰銜有敝裘
若問伏波銅馬式康莊原不辨驂騑

支硎山

竊與趨暄風清遊動高寄松泉瀟野田撲面挹翠遠
遠編竹槿懸磴跨古寺丹霞著露皺綠霧入香膩緯縑
當山庭霜砌錯天瑞橫踞蒼龍腰側墮雲鵬翅支公繁
神駿剗石受剗記乾薛摹連錢長藤學飛轡一徑通屈
屨明窓發幽邃片石皆有名野花俱得地幽人埋蛻處
遺迹擅清閑啄木鳥盡符食葉蟲書宇當軒峙一髮千
葩顛釵珥路轉失雲峯餘青猶決背松門扣虛牝珍木
半顛顛蕭蕭惟隄風解竹騰孤吹陰厓轟礧磊剗磴走
魑魅遙空挂天紳鏘鳴千珮璫一濯沁骨涼再漱心爲
醉三顛覺身輕空中復振臂高瞰玉斧開峻坂銅九利

秋木齋詩集卷十

七

林密鉤輈鳴草深扑朔避舉頭窺天閣迴身牽薜荔經
行一折旋捫壁互抗墜緬首寒山子法喜妻同侍香林
檜栢叢小立文字幟誰爲處士牙劇作山中吏所得良
已多人生貴適志流觀欽共風登頓執云勘盡發澀壑
奇無得盆盎意日落山容蒼宿鳥呼其類尚惜千娉婷
待裏十日精

贈哲先小師

靈山小師宇哲先金刀落髮今幾年當時一見石頭滑
徐行端視何翩翩叢林白衲歷世事頗將客慧疑才賢
紅藤扶我再相見扣之以語方卓然熟精文選及莊列
更誦逸句傳波仙朝來示我四十字如聞法磬清而圓

談諧吐屬帶風格得非舌本舒青蓮金鱗那易透世網
鵬鷁竟欲排蒼天癡人但誇千偈韓荒唐之語非幽玄
若將文字作三昧全身已入蹄與筌若將雅好言結習
是學非學禪非禪天空萬籟不容寂性情有托忘言詮
前身應是賈島佛惜無韓子能成全長安落葉要人賦
亟須束縛冠其顛

郊外二首

老樹藤陰護白沙松籬缺處道人東風捲地春無迹
一勺野泉浮落花
女牆黃土背蘿深雲物全歸祇樹林小坐詩成攜不去
但憑風竹寫聲音

秋木齋詩集卷十

八

舜陶吟詩造興圖

偉哉造物無盡藏風霆水火爭雷礧詩人得之爲興會
藝林鼓吹垂筆黃輒儒拘牽說六義蟲魚細碎風花狂
豈知真意自靈府驅遣萬象非俯仰張睪書卷足漱滌
如峽出水波騰瀾方塘曲沼各有態海天一碧恣汪洋
吾友胸中絕畦町長篇短韻合清若脩然眉宇入圖畫
詩意已作秋雲翔世間萬事固乘興興到不獨詩其昌
槐根白露濕君袂期君飛珮觀扶桑

題茅洞客垂釣圖

西塞煙波一葦航高情未許卜行藏投綸彷彿我元真子
俗態磻溪釣玉璫

釣竿詩卷兩相於七尺珊瑚未要渠明月一雙光不蝕
憑君碧海掣鯨魚

潘文禹巖研朱點易圖

文林學海漁且畋繩牀隱隱雙趺穿靜中漱滌胸釋然
妙解乃得文字先連山歸藏久不傳行年五十攻章編
九師紛綸劫燼煙守門王弼兼瑕堅丹砂出鼎輝筆椽
是白非白玄非玄齋心揖讓古聖賢象文奇偶俱蹄筌
著書留賞五百年更無蟲篆供刻鐫醬翁篋叟休喧闐

遣筆六首

傍舍牆三坂沿池地兩弓不嫌蒿沒膝長放月當空理
筆從鄰叟澆花課野童故人誰見訪闔戶有清風

秋水齋詩集卷一

九

閨歷粗聞道將心不待安償名如博局觀物是蒲團止
酒存清氣懸琴寄古歡猶慚有干請長日借書看
且住爲佳耳曾遊亦偶然逢迎舊賓主燕賞好林泉北
郭題詩去南潯載酒還已除湖海氣祇是不求田
暑雨騰騰過蕭齋百事宜無仇休說劍有劫罷論棋靜
悟石成泐懶看雲出奇飛蚊從繞鬢一枕自希夷
似同僧記荊不戒客飛觴雅謔狂猶在孤眠意自長詞
堅金粉筆夢穩白雲鄉聽徹家家曲憑君笑木腸
薄奉親仍喜長貧婦未愁掃苔安藥臼敲石理茶甌乍
釋雲翳眼真期雪滿頭素冠吾自愛懶答寄書郵

呂生

呂生出遊日神馬聯尻與采鼎戰沙虎拾橡廬山狙三
周華不注獨上醫巫閭大藥賦天子長嘯歸田廬

新菴感舊

悲業曾參祇樹林重遊始覺歲年深空懷鶯嶺聯詩句
無復魚山寫梵音宰堵尚招風月我利那誰辨去來今
塵中世外俱增感難盡連峰碧玉簪

秋水齋詩卷十

十

受業華陽敬華南校訂

男

守約

守愚編次

孫

文璣

文璿校刊

秋水齋詩卷十

秋水齋詩卷十一

烏程 張映斗 雪子

新館後集

屏槎歌為吳眉菴少司馬賦丁巳

文犀一角騎麟友吸月通天戴星斗千年蛻向海山隅
碧眼胡僧負而走良工面勢精刻治規作航船壓尊首
開窗發幕列瓊筵瑰寶熒煌驚戶牖仰如老蜃吐雲霧
覆如大貝潛林數皺如巨核堪入懷滑如仙壺宜佩肘
斑如蠟珠綴蛛蛤細如龍文散蚪蚪黃中通理帶微頰
紫氣干霄雜純熟東海揚帆日流麗枯查不枿何曾朽
紅欄夾舵碧濤回萬情隨波藏蚬螺吳公以此飲上客

秋水齋詩卷十一

洗真東極親指拇當從觀縷湖流傳故鄉故閩東林叟
綸扉貴什歷中外長物惟茲寶瓊玖風流前輩丈人行
曾以授余余未受後來哲嗣承先志千里緘遺意孔厚
閏辰取出三摩挲唯當敬養尊黃耆恭鞠脰憶當年
式仰清風應無負惜哉遠作定國工考鏡無由識誰某
比似銀槎朱碧山今采品格差瓦爾煩君為我作新篇
今日無辭飲此酒我聞兜龍制最古龍以船名尚象久
紅螺翠螭碧鸚鵡數見堆盤我無取奇章尊勺皆精金
僅同大賈誇財阜亦有韓公雙玉杯僅觸而毀同擊拊
何如此槎櫟且溫清堅雅貴真無偶此屏貯酒更良遇
技巧應無慚斷剖辟塵分水作銀錢賦粉汚脂遺妾婦

況將熟火照江渚眼底徒然驚醜何如此槎伴敦盤
洗剔親承掃愁帚竊疑天巧非人工月匠程功修月後
公家吳剛授以斧磨濯天河淨無垢瑤臺醉後執翻觴
遺向人間傍螭紐平生久貯星漢槎洵有扁舟入我手
不須傳報炙牛心正宜無事學犀首但向蘭陵沽十千
儘容雲夢吞八九百分一棹卷波不煩公澆我談天口
是時高秋月在西牽牛在左天孫右銀潢屈注酒海浮
天風又作長鯨吼乘槎欲去姑少留槎尾仙人坐而守
拏舟便擬月並擎扣角何妨舫共扣此酒酬詩客共謹
此槎載德誰能有更造門生致酒村放歌起舞為公壽

謝梅莊侍御軍中學易圖

秋水齋詩卷十一

二

水天鍊真骨正氣護煦容枕易聽邊聲思屬鴻鈞始六
陽戰陰勝月卦兆兵弭盾畢不須磨研朱亦可已陳搏
豈勝漢種放本貞士想其寄窮山陽和在圖裏荒陬生
意動懸崖堪陟趾首夏無懷台沙蟲都未起憑眺萬里
遙舉手拍天咫儲胥布象父奇偶總如矢平臨魚復陣
細析龜文理四聖列嶽坐請益得微旨一點胸默存寒
暑雨不淖無煩泰谷琯自納圮橋復疾雷非所驚遇險
得坎止我聞擒蚩尤頗藉廣成子

張臨川公子柳谿垂釣圖

絲履締衫坐綠茵金塘移柳照青春投竿漫學江湖手
別有珊瑚上釣綸

魚口頻分書案墨釣絲仍拂偃波文憑將學海千尋綆
盡掣珠宮碧篆雲

吳冠山編修靜觀園

飛仙日直金鑿殿故里翻傳畫稿新父老爭誇天上客
湖山偏戀景中人竹蓮水繞資清氣蓬島花深養道真
二者由來無等別靜觀長占十分春

題家雪煩叔聽松園

神斤剖元氣六合多繁聲鑿空出天籟麗物成敲鏗真
人薄几響欲氣還神明獨忠耳太聰牛蟻同一爭攝身
低微頂片石堪尋盟心寄遐曠寥寥宇宙清靈颯颯
然作壑谷傳嘈吟松琴和水樂埽埽韶鈞鳴臨風寫為

林本齋詩卷十一

三

調調古無能名岡歸松石意可以移我情笑問昌黎子
此聲誰不平

齊省齋年伯竹林納涼園

散釋成陰障火雲小年長日對幽芬先生獨坐清涼園
高掛山南抱節君

荷淨竹深雲釀句水邊林下石閒臥渭川但使封千戶

大勝蓮華博士衙

虛中直幹自成林婦盡炎氣共此心省識仲翔如竹箭

莫將腥穢比南金

蠹簡披蒐恆古歡新詩仍寫碧團圓不須更說能銷夏

歲晚尋盟定不寒

酬徐亮直前輩

長安城中秋未老紙格蓬樞日杲杲小童忽報客到門
驚起投床鄉夢繞風流前輩我所敬不似時人工窈窕
清談娓娓及詩意賞音問我雲林草雲林舊草十五年
風物雲霞真縹渺頃間幽夢得髣髴醒過君言腸復挽
平生獨有山水盟憶昔登臨歲在卯友朋緣便挈同遊
半載山間遊歷飽當時所過便題詩自覺清光抒未了
剎那陳跡一彈指此情何處容探討偶然片語落人間
風輒吹還遺物表至今林樹寫遺聲姑射山頭真乃藐
去秋因緣一便到故人山笛哀絃杳如此襟懷如此山
豈容但送歸鴻矯長安城中偶一來來同遊者憶孤抱

林本齋詩卷十一

四

促柱繁絃未許彈遺音的的存飛鳥飛鳥誰為鷺鶴羣
黃鸝惟能矜背爪回首霜天一雁飛野渚黃蘆真自好
君心湖海身廊廟十丈塵中眸子瞭我今亦復何所求
無才庶亦能潦倒君苗有現猶未焚魏相多門終未掃
面上誰無十斛塵竿端差破一重錦書生窮相餓不死
爛把毛錐偏執拗味將山水在胸中欲廢浮詞得真葆
因君撥動掛壁琴更作調言使君惱牀頭斷我一欠伸
座上資君屢絕倒詩成燒向白雲天飛灰或隨雲林杪

蔣恒軒學士畫蘭二首

幽香一翦動巖扁苔墨猶沾石氣青可是槐根春露潤
微風吹度第三廳

松雪齋頭滋九畹吳綾寫貌出煙蘿而今誰譜猗蘭操
樂府新翻學士波

杭堇浦編修松吹書堂圖

南山舊識青松樹吹落雲濤三逕中應笑無聲聞草木
虛叨二十四番風
松聲久與吟聲對聳壑昂霄兩絕羣畫稿不須溫昔夢
且將真果證聲聞

林晴江前輩南浦歸舟圖

擊音傍筆蕭延緣出沙觥科頭坐何人疑是天隨子平
生抱真性萬事等脫屣永懷明主恩帆整楫復弭泖湖
釣遊處煙月渺無溪幽夢不能裁圖成笑相視吾聞濟
川才長風激萬里剡舟通路窮下澤何足比先生固有
道流行亦坎止惟應濯素波顧影差堪喜宦海無回瀾
旌心如白水勇退非神仙且住為佳耳

虞山王夫人壽燕詩四十韻

十載安昌座從容握紫鉛師門稱晚進母德稔先傳韞
秀琅琅胃來歸虞海賢階前方燕喜堂上正鶯遷玉節
中庭出金泥上第連羽儀騰貴仕翟弟暎芳年秋月冰
壺鑑春星寶婺躔齊心培厚德密意證清禪速捧瑤盤
侍爰謀繡幃旋自言居里好相訪服官專子姓團圞集
親朋禮數先宦途君子遂京邸淑姬度奕奕膺華牒迨
迨托靜便深閨存道眼斗室悟情緣庇士千間厦操家

秋水齋詩卷十一

五

梅村詩卷十一

六

二頃田霜晨憐皂帽寒夜念青氈溫火烹芝朮香燈理
誦絃早年辭粉黛中歲却腥羶膠木恩彌永鴉鵲嗟豈
偏賑災捐珮璫周急罄金錢好語人人悅勞心處處懸
由來耽布素未改織紵紵八座齊眉慶連珠繞膝妍
筭披蓋篋刀尺間芸編曾蓄三年父新傳一日痊神方
元不秘佛力更無違本性為靈藥全身現妙蓮膚腴瞻
玉貌紺碧返華顛終驛迴驛話翩翩舞鶴筵三危飄瑞
露五岳亘祥烟昔有青雲客同賡白雪篇掃門援我入
懷筆到公前讚歎芬流頰因依拍及肩篇章罕裴迪絲
竹引彭宣後閣容逃醉頭茶許特煎芳規知遠寄厚意
切深鐫問訊身康健思維德渾圓無由持翠竿輒用賦
魚腹瀾氣乘秋半慈雲遍大千遙知將進酒花雨滿諸
天

題梅花冊子四絕句

蚤逢驛使下南州楚客無書說遠遊明月不知江嶺潤
又牽清夢到羅浮
花信年時走鈿車紅塵空話淡相於素衣千載君知否
家在江南水竹居
屋屋牽蘿久未刪隔林翠羽啄瑤瑤情知不是牆頭杏
聊為東君一破顏
蓓蕾初生緼火催豐宜巧匠送春來道人一枕江南夢
流水空山也會開

晴江前輩探梅圖四首

倚徧華林玉樹高
悠然清興托江皋
十年袖底爐烟細
偏憶寒香裏蜀袍

鐵石心腸冰雪姿
更無艷想競繁枝
牙銀點留真賞
還笑師雄夢裏癡

挂月村前舊有盟
瞥然相見眼能明
不須更說高人伴
一樣冰銜太瘦生

湖上山亭跡未賒
橫枝還拂海東霞
多生別有清華福
便著梅花作世家

十二月十六日立春吳眉菴少司馬招同沈萬
師編修暨今弟頴菴學士以迎春東郊為韻分

得春字

頻開綠蜡簇紅麟
又見彤盤試五辛
凍解東風催暖律

星回南國逗芳辰
南詔以十二月十六日為星期四節
粉榆誼重看前輩

締繡辭工愧後塵
報道大蘇生日近
好移燕九祝長春

是月十九日少司馬生日與大蘇同

題吳少司馬所藏瀛海州學瑞柏圖 戊午

頻宮我戕天留瑞柏二紀潛英精藏其宅龍蟄蟠根厚
文貫節剴角平鱗養風虐雪輜軒戾止摩挲高格執發
其光崇朝龍碧葉颺靈颺枝迎聖日淑氣氤氳清陰蒙
密小大聚觀咨嗟動色歸笑使者良材實植使者曰否
人子文德惠我儒林瑞應不忒瀛海恩波東山教澤柏

固有松柏固正直爰殖爰封爰闢爰墨輜軒之輜以實
竹筴

聖主臨雍禮成恭紀五言排律四十韻 乾隆三年二月進呈

聖治尊師表天庥發道光 臨軒長念典 視學早求

章萬國車書轅千秋俎豆芳禮成超紀載化洽富廣颺

舜孝承基厚堯文翊運昌先時修 廟宇稽古重膠庠

闕殿加黃屋彫門象黼房冬官方告竣春祭已 親將

太史譚時日容臺飭紀綱大昕齊赴鼓隆禮載承筐翠

葆凌晨度鸞旗拂曙揚五雲垂範翕萬乘響雷破止輦

觀車服升階獻酒漿衣明藻火祔室見羹牆濟濟工

操縵峨戟士奉璋十光羅羽籥六藝振笙簧八百躬桓

列三千珮紱行橫經逢掖士脫劍羽林郎胄子觀光喜

行人乘傳忙甚其皆振驚文采並儀鸛槐市濡天澤芹

池挾御香九衢霞綢繡四表日熒煌講席陳陳籤帙經函

放素綰天門懸木鐸 帝座引珠囊性命傳精蘊欽明

聲表彰講中庸中庸同橋瞻色笑薄海慶型坊駐蹕龍蟠舞

回鑒鳳翽翔奎雲縈棟宇宸翰燦堂皇士懋三年學天

開萬世祥寶文崇棟架璇館共聯牀 聖德先登岸儒

修迥望洋齋心羣玉府勵志五經堂首善規模大 熙

朝制作詳生徒三舍廣庠祿萬緡強風雨馳文教丹青

示典常金絲披魯殿石鼓攬陳倉率土雲雷動中天日

月長苞符同洛水蒐狩邁岐陽統合 君師脩賢興道

藝民昌期欣際會億載仰垂裳

嘉定兩孝子詩

割股非庸行其如父病深一臂猶托體寸鐵自知心創

巨終當已方神香莫尋鼻魚沈痛語千載有遺音沈孝子

彼美稱文學天彝亦性成循陔惟善養永日有歡聲風

雨茅容宅樵蘇展李塋塾師能教孝猶自說莊生莊孝子

聖主躬耕藉田詩謹序 乾隆三年二月

聖天子承乾御宇德洋恩溥遍洽寰瀛宵旰勤求尤以

民依為念誠以重農力穡民樂康年俗厚風淳

太和召福天人感應之理脩是也乾隆三年春

詔舉藉田先期 命王公卿尹暨羣有司董事

秋水齋詩卷十一

九

甸人既敬既戒諏日莅事二月辛亥 躬耕於

南郊時則甘雨宵零林光朝霽祥颺瑞靄披拂

紺轅縹輓之間迨乎禮成旋蹕四野涵濡早占

九穀之登大慰三農之望莫不抃舞康衢萬呼

志慶小臣忝附詞垣職葉文字仰見

聖人舉禮順時格於上下洵乎民力普存而天庥滋至

也用竭愚陋協律作詩比於土鼓華簫之奏云

爾

金根捧日駕蒼龍 聖主親耕脩禮容王業開基尊后

稷天田秩祀重先農青旂載道晨光麗黻陌連騰淑氣

濃一仰洪厯登萬寶早開耕鑿遍齊封

夾鐘應律日辰良芳甸初開繡錯長花拂 鑾輿迎黛

輶春浮種種出青箱旌旗互轉需雲合歌嘯頻催兌澤

漢 帝恤民依神貺厚應時甘雨贊農祥

觀耕臺上赭袍明千畝遙連九野平繞岸綠楊聞士女

聯班紅紉紉公卿鋤雲農具隨行耦觀日耕夫拜寵榮

太寢何煩重錫宴已蒸和氣作歡聲

康田自古啟鴻模元氣真須 御手扶豈獨民生關

帝力由來髦士即農夫先春已舉祈年禮午夜猶觀無

逸圖三十六禾齊合穎從今歲歲紀苞符

留院長庶母郭太君撫孤詩

苦節固不易立孤良獨難丈夫尚靡靡女子誰能安賢

秋水齋詩卷十一

十

媛洵任只中閨佐區禁小心事正嫡大義垂巾聲譽木

忽零落玉芽存芝蘭一諾已相許力盡心腹殫名才奉

家訓高步登金鑾人倫樹圭臬忠孝乎朝端潛光堂北

發門巷烏頭攢始信桃李姿不及松柏寒古人重慈母

恩義兩不刊如何非已出或作行路看壺內得嬰曰義

重節亦完褒綸屬薄俗持此宜興觀

沈椒園招同駕師前輩暨令兄查李二子草橋

秋眺分韻得草字

遠峯凌睥睨林影薄晴昊竭來雲水間倍覺秋光好嘉

遊緬昔賢陳跡已如掃略約猶前橫二水供幽討班荆

就葦蕭微波動文藻槐柳未全凋芟荷先已老我有下

澤車利用觀魚稻長此故園心謀身苦不早同人宜于
郊薄醉懷抱何當結團瓢相期種瑶草

伍逸園年伯清秋讀易遺照

天根月窟無終窮三十六宮元氣同誰乘商顯布秋令
此理欲問先天翁先生便便五經笥未曾五十已學易
閉戶端居安樂窩笑遣守門王輔嗣霜林葉落秋氣清
均調晝夜心和平韋編出袖驗消息闕觀未覺陰陽爭
有道襟期淡無累居士琴書成六位龍見龍潛各一時
竟傳龍禁希夷睡寂寞雲亭昔草玄不知太乙有藜然
研朱滴露遺芬在騎鶴人今飛上天

沈椒園西谿草堂圖四首

秋水齋詩卷十一

土

錢唐西畔石樓東十里梅花不負公今日披圖還索笑

冰銜長對玉玲瓏

水鏡山屏面面張酒壚茶竈帶寒香此中亦有閒田地

只怪先生少鶴糧

閒將秃筆賦梅花曾踏溪橋日轉斜最憶東莊橫碧樹
無人支上玉鴉叉溪東綠萼梅數百年物甲辰春余過賞近不知尚存否

却月凌風自在開漫勞何遜賦官梅西谿泉水清如舊

留待冰容照影來

受業金堂高 辰校訂

男 守約編次

孫 文瑞校刊

秋水齋詩卷十二

烏程 張映斗 雪子

舊雨集

方鏡次韻二首 已未

匠巧鎔成水一方凜然正月對寒芒非關鑄錯空嗟影
却似磨磚也發光照澈寸田歸丈室挽回銀漢注金塘
桑生尺面曾窺否鐵硯陪君自主張
久餐丹鼎轉瞳方誰信祥金透紫芒照膽稜稜清不滓
修容嶽嶽爛生光菱花半減參差角玉水周流上下塘
簾捲更邀山影入橫添一幅畫圖張

夜雨遣筆四首

秋水齋詩卷十二

一

驟雨中西集遙天卷逝波颼颼簾影濕溜響析聲訛潛
蟄興何晚河魚落幾多吳田宜種秫計日已蹉跎
不寐思陳事無能學定僧故山千里夢孤枕十年燈風
雨何人共魚龍莽自矜敲憲頻命酒童子未曾應
忽欲凌風雨援毫興未孤故余知冷暖殘燭共悲愉幽
意自相賞古人良不誣心安審容膝已似穩菰蘆
雨歇林風舉燈昏砌水深可無端正月能照妙明心赴
壑聲猶急鳴簷響已沈平生自蕭瑟終不慕蹄涔

次韻答汝白見懷

輕颺未散濕雲屯出郭渾同水繞村阻我尋秋拖屐屐
思君嚮晚步松門谿山坐隱添詩版風雨離羣惜酒尊

會待西軒朝爽入重搗塵尾拂苔痕

于雲谷小照

先生昔署白雲亭袖握椒蘭浥露馨自脫衣冠掛神武
便攜瓢笠對清泠林間抱甕無機事河上開籤有道經
祇是書名藏不得墨池風雨帶龍腥

飲光寺

齧齧山坡石苔碎瀑水沿洄作之字只愛長林一抹烟
不知更有煙中寺閒門深鎖日遲遲舍衛遊行乞食時
城中飯有燖中水老爛頭陀知不知

清溪草堂圖

湖山匝連江渚千樹江楓弄清泚幽人賸跡托沈冥

秋水齋詩卷十二

二

素髮丹顏長隱几平生望古動遙集恥被時稱天下士
堆牀金簡伴閒身靈威丈人無乃是世緣俗慮百不關
南面百城差可擬獨愛城東雲水鄉風月四時隨杖履
誰能好事為園瓢且喜家駒日千里長安爭擬客孟公
會起山樓奉甘旨吾家散仙畫有詩小筆通靈劇清美
尺幅圖來靜者居白雲片片依蘭圮吾聞清溪清不滓
盥道旌心端賴此層樓何必慕華陽甘谷方當壽伯始
公亦行年七十耳齒德應齊周柱史豈獨千編授孫子
他時請謁畫圖中煩公更釀清溪水

送謝偉人孝廉還吳就婚四首

吳根重訪舊山川側帽丰儀正少年斟酌橋邊帆影集

故家爭問孝廉船

烏衣門巷行吳閭問舊匆匆撥棹忙不用鄉音矜細唾
看山獨佩紫羅囊

湖天煙月帶金庭羅綺光中敞翠屏七十二峯春正嫵
重翻京兆黛眉青

鄉情到處絆吳儂郭繞寒山貰酒濃百八鯨鯨催客枕
踏花重聽景陽鐘

題行看子

絕碣疎林下行吟日幾回無心整巾屐信手剔莓苔秋
色忽已晚故人殊未來詩情誰見和飛瀑轉相催

吳少司馬得墨紗蕉幅張之齋牖因名曰蕉窓

秋水齋詩卷十二

三

即席次韻二首

嵌空安淨綠虛室自為天大葉延秋影輕容障午眠墨
飛疑是雨風定覺非煙領取蕭然意龕燈晚更懸
鳳尾含清響銀鬚護薄寒綠衣元自幻翠竹豈相干代
紙留飛白傾杯映渥丹當年焚秘稿心跡此中看

送倪嶧堂前輩暫假南旋

玉署高寒挹露濃絳河清淺似吳淞家臨春水歌桃葉
人向秋風憶桂叢畫舫記程添手簡雲帆追喜到眉峯
平生自惜飛騰意獨有琅琊邵曼容

小住承明一載餘蜀牋攜貯碧山人稱天馬難羈絀
自愛雲龍或卷舒撫仕豈關曾耐久暫歸翻喜未還除

雲溪亦有魚羹飯灑落行踪我不如

吳淪峰孝廉雲泉松石行樂二首

斯何靈境秀可餐流虹飛翠恣清歡
真獨尚稱玉貌和身湧出凌霜紈
雲根激瀑二千尺松勢攫拏十八盤
脩然獨立者之子欲往相從愁暮寒

弁山山逕青松枝追憶昔遊夢見之
冰炭不掛我胸臆煙霞正在君鬚眉
行雲流水性所恆聳壑昂霄天與奇
且陪列仙噉風實山澤臞儒豈等夷

送少儀歸吳

曾經萬里賦登樓幾踏東華只小留
照乘才名騰綺歲望雲歸思及清秋
青樽紅燭探新喜時將玉柱金庭續

林本齋詩卷十二

四

舊遊他夜月明聞朔鴈思君江海獨夷猶

秋杪同篙師前輩海珊徵君集吳少司馬東井

書屋即席次少司馬韻

春藏院柳綠差差

庭中垂柳一株經秋更濃綠可愛主人與諸公俱有詩翻訝黃

花暎酒卮有客三人常不速向來一飯荷相思
纔才放膽誇豪舉調語拳拳類講師自記河此態怕干司馬法

看公紀律在新詩

送傅嘉言盛京丞

昌言不謀衆不朽存簡端直臣竟登用捫舌慚其冠
我栽柱下史登疏披心肝至尊改容誦朝士拊手歎旁
觀或疑信謂恐餘疵癥一朝寵命下萬口同笑歡陪京

本旺地淳樸猶未列名臣出典學亮節孰敢干文章乃

舊職案牘亦未繁懿哉承德選究此一寸丹謹言固不
易任事良獨難誰云汲黯慙偏勝內史官男兒具鋒銳
詎要試錯盤隨地與之稱斯才乃大觀仰瞻止獄峻俯
視東海寬中和養內美不畏冰雪寒勿念鄉井遠勿言
徒侶單會看東巡狩風俗登三韓

方蘇臺奉檄江南

烏帽紅塵裏因依托管城低心思宦味長揖謝書名吳
苑秋風晚胥江春水生好騎官馬去只當看山行

聖駕南苑大閱恭紀七言律四首乾隆四年十一月進呈

昇平海宇慶同文講武仍開審慮殷大閱久垂司馬

林本齋詩卷十二

五

法中朝特重羽林軍三冬日暖宜蒐乘七萃雲屯貯策

勳閭外乍傳天子詔已瞻華蓋應霄雲

南苑清冰湛玉壺虹梁霽景歷平蕪四山拱翠連軍幄

六出飛花入陣圖午夜神光通甲觀周廬燎火接星衢

皇威豈待臨戎見萬騎無聲絕廟謨

犀渠組練燦成堆鶴列平分八陳開赤羽千雲盤繡谷

昔龍捧日上金臺排空鼓角從天下照海旌旗捲地迴

忽聽鳴弦連破的君王親射錦標來

祥開八纛定策中千里行師運掌同一統規模思祖

德百年休養荷天功時平更喜軍容威士飽仍叨帝

賚豐振旅已成瞻廣藻萬方歌舞囑皇風

洗兒辭四首為鄂休如侍讀作

充閭佳氣一番新
列戟門開笑語頻
薄暮火城蓮炬近
已傳天送石麒麟

屏錢玉果布重重
浴出蘭芽香霧濃
正是少陽初入律
試啼聲已應黃鐘

忠孝傳家奕世昌
要看砥德似圭璋
桑蓬故事何須設
故矢彤弓久在堂

頗笑難逢手共携
休如頗笑余不肯
過從而意甚諒介也
饒湯餅試新題
明年看取彫盤會印綬千戈左右提

書熊孝眼先生傳後

雙丸跳天天睛開
是大父母含胚胎
我生自有法眼藏

林水詩卷十二

木

敬念此身來處來
世間倏忽鑿混沌
七鑿相攘樹戈盾
鼠目無端白晝呼
此輩寧識儒者儒
滿城方期脫虎口
東家輒欲編虎鬚
須臾青犢破牆版
孝子依依几杖撰
眼中有親不有身
身固不顧何獨眼
代親齒劬親幸全
便當瞑目親闕前
光鋒破腦扶眼出
眼明復活寧非天
人言孝感乃有此
不知精已消亡矣
勞生傷重值親喪
此身畢竟為親死
嗚呼我聞先生殊
行特以孝眼稱又
聞先生眼高四海
續學恣憑陵鄉評
物論動天鑒替
宗秩祀宜升登嗚
呼先生具眼識得
忠孝兩字足千古
其餘縱使渾身是
眼何足數

庚申正月六日查雲在前輩招同群集余以他

約未獲追陪仍荷大作記錄敬依元限燈字韻
賦謝

寒蟲比鳳凰
僵凍猶癡蠅
冷官聞劇飲
脫繮如豪鷹
平生百不諾
命酒輒復應
但願折簡招
大勝安車徵
風流老前輩
慈惠多恭承
先庚受期約
澆酒如淮澠
張儀早掉舌
存中連衡會雲蒸馮謹舍崩絃載廣車過聲句砢
宋祁托同舍
丹林史筆收
囊勝走也方
結襪飛步思
超凌出門逢
使者將命從
延陵比鄰更
客邇但召俱
頻仍餐心實
蕪愛兩可同
庠校誓恭米
汁佛北秀猶
南能自顧雖
戶小清酒能
三升或重戴
憑席更擔簋
卿登豈期逢
大敵孟竿遂
勿勝坐來已
濡首歸去宜
曲肱還視宋
公室虛辟銜
青燈勞髣髴
僕語南巷方
誰騰篋翁適
至止香樹前輩
酒海如龍興
解頤盡匡鼎
絕倒皆王澄
此時賈餘勇
正在濡溪藤
聞風思命駕
塞衛真凌兢
寒衾裏醉骨
拳斷繩牀繩
雖鼓小人腹
大負君子朋
失期當薄責
敢恨軍吏丞
朝來簡書至
繭紙如吳綾
披讀得嚙嚙
了不聞嫌憎
率然入詩律
中與首尾應
走雖供談柄
矢義多含和甚
愧長者意不
對心自懲報
章豈能答庶
幾與屢乘春
風正駘宕
凌室皆藏冰
但當儲酒價
兕觥長可稱
酒功雖莫贊
補過尚可憑
為公持酒旆
登臥以先登
再用前韻訓雲在前輩

川原發春氣草木都薰蒸
枯腸得酒澆藏府消結癥
避

酒緣避詩嗜啞同羊僧更將強韻壓勿聽師輩巫丈人
詩壇將豪鋒托神憑追道轉戰急登陣每先登首篇常
山蛇遠勢包邛陵次篇張兩翼溟海翔雲鵬失期亦偶
爾便下徵書徵歸過在早卧雅意勸且懲輸攻雖九道
墨守猶連膝彌縫當偵伏得閒欣可乘我非渴睡漢夜
坐神還疑臣冠起自掛月照頭鬚髯每轉輟難得
金烏昇扶床摸盤甕釋甲而執冰因緣得一醉蟲飛任
薨薨醉來猶未卧此事聊或曾不醉遂早卧此事百不
能醉鄉通睡鄉無勞繁行滕不為假途入隅絕千峻增
周公戒崇欲待旦靡寢興宣尼但飲水假寐惟曲肱我
逢徽伯召百諾無不應誰能學萬萬見酒還競競昨招

秋水齋詩卷十二

八

赴近便非怕街鼓鼓過門而不入於理實應憎既醉輒
歸卧戶小難驕矜終焉謝不敏醉語猶膏騰從今聽呼
召嘉命無不承雖然定要約恥被戎車轍為盟在城下
何異屑微繩會當索敵賦隨從郭莒滕荒廬無供具淪
水分滄澗不愁蓋無貳但期尊有朋長瓶傾五斗季雅
容三升瓦甕倒餘漚灌頂流順膺相期投轄飲不設毛
氈從余詩胆烈豎義高雲層公如能勿卧願侍長明
燈

古詩

硬語不足學正聲彌虛空胸中無鳳律誰辨黃鐘宮
聲各有寄萬籟分天工伶倫具真聽哉竹十二簫

具古法拊手心忡忡暮然與神會自覺心神融子唱我

復和此樂無終窮牙絃終未絕與子聽天風

明窗散書帙一壺置當中胸中無醞釀醉醒將無同子

有淋漓筆我有浩蕩胸攤書復飲酒僕寐僊屏風劃然

發清嘯詞慳理則豐小盤陳旨蓄春韭殊秋菰藝文各

異好切磋誰見功蒲牢一聲吼驚破千秋蟲

石鼎自堅確良金貴陶鎔靈根任皮相裏骨仍丰容舉

頭出天外霞思凌孤峰不知方寸地已被頑雲封將子

擅清氣書卷適所從噉然吐逸響金石鳴琤琮英風激

頽靡豈能更疎慵誰與繼韓孟長此追雲龍

海山三萬疊往來皆仙踪相逢各自得不問君所從相

秋水齋詩卷十二

九

將采芝木唱和隨于喁臭味固有托安知渠非儂靈丹
不足餌石髓不足供欲為長不死世味何其濃絳宮非
我舍空鎖十二重蘊真有五岳吐氣成雲峰我為山頭
草子為岱頂鐘寸莛試小扣傾耳聽春容

題杭堇浦秋堂聽雨圖

山堂會客誰主人誰今誰舊誰洗塵誰其後至墊角巾
酒行三五飯之半急雨鳴簷雲卷幔合沓詩成不容贊
雨餘始覺秋氣清熱客到來休款荆但聞丁丁落子聲

題春帆歸省圖送姚十五範治二首

辛酉

十年慈線護香芸高格凌霄迴不羣珂里舊聲延宅相
玉堂新製煥星文關心愛日當春日跣脚紅雲望白雲

好是潞河水乍泮一帆風月接榆粉

龍眠山下水灣環畫錦歸來戲舞斑紫閣丹臺紅霧外
絳華朱萼翠微間潘與日永槃匝御姜被春溫綬綬間
自為茅容雞黍局知君花底不開關

跋王滄洲先輩聞賦

上番官紙紅絲格竟幅長於全匹帛春繇食盡蟻戰酣
氣勢還如龍虎擲寒宵坐對豆火青恍惚身親場屋仄
首從印篆識姓名依稀得記文章伯拊揣几案次第觀
意愜心開舌本昨豈如陽春發花葩瀏如清風振几席
矯如靈鶴出九淵捷如冥鵬翥六翮讀書細意經術深
二十三篇同一脈駢珠儷玉清且新對策瀾翻更精核

秋禾齋詩卷十二

十

全才入彀已拔羣不知何者能踰額想君一笑已高舉
雪泥空印雲鴻跡何當又遇海南生重向枯桐里搜騁
幕底相逢荆樹枝箇中重返連城壁至今身後尚流傳
永惟貽穀綿先澤國門懸處借摩挲始知年歲騰駒隙
我年十五入棘闈棹鞅摩照如觀劇脫身難覓城旦書
俯首仍携兔園冊憶昔昭陽大荒落 仁皇萬壽賢開
闢秉鑑西吳屬老成我亦彎弧思弋獲此時君正構此
卷左運神斤右拔戟想見文成氣吐虹就中何處蜂房
隔壯年心事却大慙十載常蒙小鑄責得失從來命與
時劣有今我豈勝昔君雖不過文不磨照徹窮塵光有
赫觀雷觀火耀文明天亦收聲地藏魄人生知己良獨難

公好何嘗愁刻數此卷曾經萬里行此心應證三生石
官曹激賞士林傳洵非人窮乃天厄文芒鬱勃後乃昌
還企先型增嘆惜歎惜我尤根觸深從前我亦沙場客
題汪希趙農部所藏吳野亭山水兼示哲嗣楚

金

望郎昔領司會籌處胥不潤猶清修朝回彈琴張畫幅
欲聽山響當卧遊故鄉本在水窟吳生妙筆還通幽
觀之不足更大悟掛冠神武歸林邱田園荒蕪那復問
惟就清景為神謀忽然搜身入天際錦囊一軸存牀頭
不教妻子與將去未知開看得飽否丈人清德此昭示
有佳子弟能藏收裝潢什襲走京雒隨身不翅種與餽

秋禾齋詩卷十二

土

良朋適館共賞翫墨光飛動青緩浮想見當時共清對
至今不浣寒具油傳家一物見負荷足使尺幅如琳瑯
庸人宦達作家計身未必享神先愁即有嗜好托雅具
惟臧與穀同一流君不見永寧里第愛書畫鑿垣穴壁
防閑偷恩權隆赫一朝替別殘籤軸委道周煙雲過眼
等聚散但見青簡叢愆尤斯人獨有斯長物素風奕世
長貽留還君此畫起太息不勞賞鑒瞻雙眸

表忠詩為趙忠愍公 作題同年傅嘉言侍御

所上劄子後

社屋由兵戈孤忠溯溟海堂堂天水公臨難死靡悔身
隨國運往遺事傳記載易名十九人而何公不逮傳侯

秉直道讀史究功罪端簡表遺忠多冠竦而待崇朝
思命下黃墟賁天采梓里多朝紳相將真醢醢吁嗟板
蕩餘蟲鶴同一壘碧血幾時埋神遊不其餒斯人已百
年重見豐碑冤曠世感丹誠此心即其宰君看磐石蒼
香燈結雲雷過客捫鞭稍忠魂斯焉在

戒平先生靜觀圖二首

歎席沿芳藻巡簷豁素襟日長書味永宮冷道根深觀
物各自得會心時獨吟海濤收筆底葆德自惜惜
憶昔隨函丈程書半日功風花閒道晚雲月寄心同一
室藏虛白三臺謝軟紅何當追溟津雀躍問鴻蒙

周效白太守郡閣即席

秋永齋詩卷十二

士

七年雲樹意相關秋舫能追郡閣閒遙客樽盤簾外雨
逗人詩句屋頭山不辭痛飲紆良會尚有狂言發笑顏
他日蘭亭鐫石墨短章藍尾不須刪

渡江

落日橫吳艤帆開得大江潮平風力緊溜急語音厖某
禱默自省天游氣未降黃頭能出險高枕聽濤春

揚州

渡江乍喜布帆通北望偏驚海若雄裁錦過堤皆退鷁
緯蕭當路半哀鴻一聲長笛風吹斷百尺高樓水映空
我欲倚闌呼酒伴二分明月正朦朧

甓社湖

買得長魚既釜醵醉看巨浸亦蹄涔垂楊拖藻侵船尾
明月浮珠落水心却望孟城三板露平窺隣屋一篙深
詩情已被風吹却卧聽鳴榔空外音

舟中即事同潘四照庭

攤飯舵樓底風開面面牕石門催下帚茅屋辨高春兩
脚乍蕭散濤頭還擊撞潘郎方注目水鳥自雙雙

淮上偶作俳體

黃水入清淮家家兩部蛙樓臺歸壘斷葭葦積官階關
吏能供職篙工巧門差魚蝦堪佐酒寂寞倦登厓

黃河口號

莫恨年華等逝波長河猶似歷陂陀青楊西岸人家少

秋永齋詩卷十二

士

黃土堆堤官舫多但見葦端巢燕雀不聞水底伐蛟鼉
可應津吏曹騰醉擁柁誰為激楚歌

過河再用前韻

搖手呼公無渡河北方高阜半盤渦彤廷不惜儲麟螭
澤國無如雨潦多精衛枉思填巨海支祁未肯達洪波
明年我欲携家返春水桃花奈若何

清江浦別內姪戴子

將子何干住清風邸舍寒長途紆問訊八口喜平安送
我自厓返思前行路難時客係定劇憐醇謹意差慰腐
儒酸

九日次照庭韻

戲馬臺空落日斜
喜無風雨傍河涯
莫囊雖缺良辰供
桂酒猶含鄉味嘉
客路關心黃葉墮
故園回首白雲遐
重陽會補蘇公例
秋老豐宜菊有花

代東寄戴植三滋陽學博

人海題襟共酒卮
十年聞望慰相思
桂輪秋駕才無敵
藻水春融道在斯
芳訊近從難弟得
孤踪還報故人知
籃輿若肯分符竹
把手東華定不遲

觀照庭舟次作書

長爪兩眉清
臨流仿道經
家難真可愛
小筆欲通靈
水檻懸星燦
風帆帶墨馨
好登雲閣去
海口勒新銘

決口

秋水齋詩卷十二

十四

障水今新決
橫流捲秋蘆
天紳承委珮
河鼓合鳴柁
汨汨然來矣
悠悠其濟乎
艱虞增百感
不為泣窮途

戴卯君前輩郵示歲暮五古次韻以酬

卧雪恒閉閣
檢書忘歲暮
剝啄來緘封
戚好存我故
開緘光鬱勃
朶朶雲蟠互
書外意有餘
清篇美無度
伊人雄駿姿
欽退絕馳騁
擬身著作林
傾心在時務
兩都秉憲章
節鉞才亦裕
我君渴求賢
公卿方吐哺
懷棖悉舉陳
梁棟寧能錯
神州重觀察
妙選非遭妬
還乎達者心
乘間斐然賦
人生得官緣
超騰莽雲霧
一氣挾翰輪
誰遑勤屢顧
天將玉以成
鋒車或小駐
審此游亨衢
獨立何憂懼
我有一卷書
相伴斟枯瓠
卷中多偉人所重

非榮遇欲將持贈君
銜袖猶餘慕
東風消雪泥
旌旆飛不住
努力振冠纓
陽和已先路

受業長白國 桂校訂

男 守約

守愚 編次

孫 文璣 校刊

文綬

秋水齋詩卷十一

五

秋水齋詩卷十三

烏程 張映斗 雪子

清秘集

錢香樹前輩屬題太夫人夜紡授經圖 癸亥

金萱堂北風日和翩然珠樹交枝柯令子飛騰侍香案
春明門外輕軒過輕軒來往人爭企擅場畫手知微懿
不寫朝衣視膳榮偏國紡室傳經事半邇邨中冰雪居
絳紗為幔簡為輿謝家早詠三冬絮蔡女長携萬卷書
書堂課罷更籌動牽帷扇枕來三鳳親將治臬佐溫經
蕭蕭響答琅琅誦讀學原為黼黻資也應紬繹似機絲
清音自許比鄰聽緒論何須壺外知只今階下尊朝彥

秋水齋詩卷十三

一

杭州學圃掘得表忠觀碑為作五字古詩寄余
蘿村博士

春風首宿園時花平培塿忽見青芙蓉突作蛟龍吼認
是表忠碑再索而得偶沈淪土花斑蝕蠹墨光燬文字
半沒腰筆法全運肘講堂會稽裾畫肚勞拍按好事競
流傳珍重逾蚪蚪緬昔五季時婆留起販負隻手漳東
南生民致寧阜天水真人出絡繹授符紐累傳異姓王
納土觀元后當時斌翰輩力戰清九有此獨免兵戈孽

乳到雞狗子孫冠朝列奕奕綰華綬詎意元豐間荒墳
絕祠守趙公拜表前蘇公濡筆後奉詔樹宵碑鴻文燦
星斗滄桑變陵谷理難解擊楫伐石重鈎摹依然壓螭
首至今歲遺民錢王時在口吾思物精靈誰如金石壽
嶧碑竟遭焚岐鼓或作臼潛光豈有待埋照差可久斯
文終不磨端幸托林藪錢氏世忠勲宋政亦忠厚文忠
偉詞翰囊括三不朽湖山懷久別厚澤未親手更恐翹
關人夜半負而走奇懷愜幽討盛事歸我友請編集古
錄為繼六一叟

春夜同萬字兆編修陳欽瀾宮詹朱補園洗馬
集孫端人宮允齋即席分得山字

秋水齋詩卷十三

二

先生滇南奉使還買書千卷無剩錢枕經薛史作者証
蒐討欲窮第二酉山平生愛書無愛客待錢沽酒頻追攀
風流前輩共蘭臭提携亦不遺蒯管高齋小集互商榷
恭譚駱驛敲銅鐻行觴進饌聚樽簋兼有珍味米百蠻
雲芝小摘玉盤淨風實特薦花瓷班主人興高客蘊藉
撮食亦不笑我頑青芻白針到僕馬井中投轄誰防閑
是日春風送微暖積雪尚壓青孱顏酒酣移坐鼓餘勇
不覺弦月窺彎環共言此間廊榭好綺疏綠繞朱斑欄
當茲勝踐合觴咏何勞畫壁追雙鬟我曹劇飲有故事
酩酊不離文字間叉手待抽思乙乙垂頭但記車班班
人間良會歲有幾境由人造非天慳况值春光正駘宕

古藤漸欲施華髮門生酒材倘能致定客花底頻開闌

上已後一日同孫約亭宮允集錢香樹少司寇
齋分得樹字

九衢疎造請幽巷愜行屨言循春泥乾適與暝煙赴主
人盛文章能解車馬駐長嘯采蘇門近局足良晤新詩
侑舊酒爛熳見情懷更喜接慈明謂令子恭耕勤禮數
緬懷疇昔意卜鄰容小住祭竈承招邀亦供雞黍具巡
簷撫卉木連理增于故軒冕從兩忘相思存雅素丹厓
鳳盤雲駕雖刷其羽倘許賦鷓鴣還來就嘉樹

寄朱丈杞懷

夙聞陽羨具區東蒼雲迴波面西通雋壑昂霄皆國龍

秋木齋詩卷十三

三

急流勇退自家風紅泥小瓊携茶具翠箬輕帆繫酒筒
七十二峰秋正好從公細數碧玲瓏

朱浯村同年南歸贈之素帕

霧鬢風鬟織作遲等量尺幅纈千絲有情堪結幽人佩
不染難摹幼婦辭舒作白雲勞遠夢裏來紅豆寄相思
東風感悅驚尤吠只似西家未嫁時

題柳潔夫三湘泛權圖

子長浮沅湘史筆已驚衆子美下巴巫萬象供嘲弄美
君賦遠遊羽翩刷丹鳳蘭畹發羣芳藉手包茅貢雨餘
湘水濶淺碧顏黎凍香草拂船頭風篴度幽弄美人渺
何許滄江正瀕洞快哉仙侶同得句無孤颯奇懷足寬

討帆轉如飛輕一櫓抹松煙九面雲波動湘中吾未到
自許談言中讀畫結遙情鴻歸目猶送騷人定名士得
酒飲宜痛伴直甚思君吐氣蒸雲夢

題陳夫人墨蘭

妙香以靜聞起形得神釋臭味雅自同寫貌非脂澤嬉
春閨士女百卉遭刻畫惟此蘭蕙心不近丹青格是花
原非花花房為寄客灑雪轉光風仍依君子席玉沙清
且寒顧影情脉脉本為幽谷芳詎恨窮泉夕煙懨發舊
香林下猶疑昔公子悄無言徘徊楚天碧

十年前曾識倪明府思誠近日屢於約亭補齋

案頭見其詩稿聞云莫與僕看戲題其後

秋木齋詩卷十三

四

久識倪寬是老成那容儒術掩詩名十年出處如雲岫
半面寒溫又鳳城木落清吟含道氣月明長嘯帶邊聲
何須新與臣昭看可道孫郎帳下兵

補齋招同約亭暨祝二方壺陸大心齋就荒邸

小集即送思誠明府之官秦中分韻得聞字兼

寄迂四耕石

春光麗九十茲日纔平分好詩消永晝鵲若春空雲之
子曾半面舊雨俱同羣因緣集斗室蘭佩何續紛窺奇
發海藏道古搜皇墳羣公布疊陣我亦張我軍詰朝笑
相視坦率忘所云誰能對氣類拱默徒聞閭方期十日
飲更挾三霄雲官程何太促馬首當斜曛秦中經宦轍

再過情彌殷猶恐騎竹隊臨風斷知聞此邦有人在暮
府羅元纁將子亦夙好藉手通慇懃時平報橫草翰墨
無奇勲努力效分陝棠泰傳清芬隨陸不能武絳灌何
須文名都與戰壘恍慨遇所欣公餘理筆硯茶熟香甌
盃拈詩如憶舊七子非五君

寒食前二日集飲舊雨齋效昌黎會合聯句並

用其韻

微微春雨霏蔚蔚春烟重戴永樓 嘯侶共追歡團詞輒
鼓勇孫人龍 香濃酒面浮吟苦詩肩聳蘇澤 綿邈思風
飛滂沛言泉湧祝喬齡 通耳聆奇音恆心去宿壅倪一
齊遠懷當世愛高接古人踵補紅 芳已滿林綠麥未盈

林森詩集卷十三

五

龍約 願得翻盆甘無虞失筋恐蘇 原田看每每髮慰
種種方老就從事賢閒愛僕射元一半世窺皇墳平生
茅曾塚補 含毫時孤興得意忽矜寵約 神工運鑪錘意
象合樂拱蘇 談笑相與諧襟抱各無拘方 壺觴憶舊持
筆硯誇新奉一萬里海濱蒙 十年博雅補 昆池數壯
遊秘館慙虛擁約 頗同北郭溫謬學西家捧蘇 窺奇夜
觀象抱冷秋鳴琴方手憐塞外龜足苦江邊一 出處
執各殊朋知久猶補 徒嫌長卿慢誰識馬遷約 冥
搜騁雄快傳觀通歡悚蘇 洗滌雲霞鮮方 夷蕭艾茸
鏗如憂金石爛若集球珙一 後出喜披沙先強欣得隴
補險遲漸盤紆驚闌猶洵溶約 仙臚洞藏結天城脫桎

萃蘇 爭騁蹀躞步直踞崢嶸家方 羣公展翼鵬獨我抽
絲蛹一罐吹忽爾狂嗷能無瑀補 燭跋頻微盤衣寒
乍思亂約 爛熳倒尊巵拍浮傾斗甬蘇 宵深可以還城
關鼓聲洵方

聖駕謁

陵禮成恭紀

聖皇孝治洽萬方紹庭嗣服行慶長懋昭禮樂象功德
世守典謨揚烈光猗歟 祖陵肇坤極兆從天作鍾庥
祥 橋山弓劍百神護 原廟衣冠千古藏當年 聖
祖三祇謁 憲皇繼序永不忘觀天察地據典禮及時
清暇年豐稷太常宗伯已藏事首途制帛永龍香鉤陳

林森詩集卷十三

六

羽衛奉 聖母千乘萬騎俱騰驤是時新秋暑初退雨
師灑道無汙潢詰朝祭報契 天眷風清暑暖晴暉揚
豐隆挾輔列缺御雲山百疊如康莊順時獨犇作乾豆
三驅已過收圍場問閭井汲靜不擾幸來羣后朝明堂
遠見神皋環紫翠忽瞻瑞霭蘇 蒼我 皇夙興展大
禮王侯將相交趨踰巍蘇 饗殿薦牲醴千林彤蜚非
烟翔優閒愜見儼陟降通微合漢彌周詳禮成傳 詔
須渥澤諸藩列辟齊捧觴此行展禮兼問俗序式在位
咨戎行名山大川具昭格咸秩勲佐書旂常文經武緯
百度協時瞻 睿藻垂琳瑯歸途從臣如挾纊不覺馬
首飛青霜臣 聞拜陵紀建武緬懷創業如羹牆共仰在

天降對越允宜灌地昭曩章 聖朝龍興自遼左渾淪
元氣苞洪荒山高水深土肥美風俗淳厚多敦良十三
戎甲本天授坐收九鼎安瑤閭緬茲櫛沐艱締造愈思
保又修封疆恭逢 大孝廣錫類邁古巡狩恢天綱禪
梁登泰無足詡願繼雅頌歌 皇王

今夜偕同館諸子集約亭寓得魚字

陳編怕歷新除書快逢同館蚤驅驢主人會客每及余
攜手不用簿策車三年抱經領石渠堆牀故紙未掃除
壺觴既進始含諸胸中書傳借小櫬細碎乃欲追虞初
分番射覆疾不徐舉手欲下然非與得鉤得酒兩可居
長餅已倒容再酌但恐月落參橫虛叩門催書來小脊

秋水齋詩卷十三

七

受業宜賓周潛修校訂

男

守約 編次

守愚

孫

文躋 校刊

文綴

秋水齋詩卷十四

烏程 張映斗 雪子

瀛臺集

芍藥餅八首 有序 甲子

約亭宮允邛齋設食有芍藥餅風格既殊煎熬
入妙恕齋侍御因言往年同郊君憲使輩共賦
此題囑余繼聲走筆遂成八首和訓進食僕愧
未能庶幾猶能唱渭城耳

花剪明霞麥翦雲竹厨桐甌溢清芬香沾玉屑千層裏
紅綻瑤肌十字文風物宜時招楚客芳華入錄采桐君
從知野外饒供給不到幽棲未遣聞

秋水齋詩卷十四

一

朝披夕振搃瑤華好事登盤屬內家製就玉函藏寶鑑
規來明月伴丹霞風流正合闌湘席脆美何須刺齒牙
却憶道人清更甚只和殘雪嚼梅花

秋練春綿舉似工那知箇裏有芳叢重臺未褪三分白

百味真輸一點紅携榼餞春殊草草當壚唱曲太匆匆

老饕噉罷還相謔留取枝條貯藥籠

沃膏煎黍八珍須和入瓊蕤風味殊老眼忽驚緩餅餠

前身真稱玉盤盂長疑畫史工調粉未許厨娘學點酥

從此花稍珍蘭栗不將鵝鴨報蒸壺

櫻筍厨開薦百盤劇憐俊味勸加餐匪求大嚼過花市

為惜餘春議食單摘得紅心元是草粒成素面不留瘢

當時昔曾相見倩作何郎傅粉看

粉蕊釵華幾護持中厨豈意見細枝和調自合尊花相
佳麗何緣戀餅師首面膏油齊臭味中邊蜜餅發華滋
鍊珍堂有新方法后稷神農兩未知

小園松韭逐時新更喜芳華接席頻榆莢與謀他日醉
木蘭猶認此花身難消結習諸天雨善養陽和滿座春
稚子亦知名品否莫隨粧妝闕比鄰

撲面紅塵千騎遊豐宜門外勝楊州奇芳豈屑殘膏潤
名種休同買菜求花落正須留客住盤空始覺替春愁
題牋尚有香痕染不是桓家寒具油

新葺翰林院落成

秋水齋詩卷十四

二

聖駕臨幸送兩掌院大學士進署

賜宴賦詩又做栢梁體聯句恭紀五言律四首

壁府恢華構鑒與慶落成鼎新昭盛業情獲引牽

英碧樹沙堤葦紅墻銀漢清隔花行漏轉喜氣溢蓬瀛

馳道東華近恩光北闕浮璇題騰寶翰珠絡護天

球大叩聲為律和廣韻欲流番番黃髮老前席拜鴻

床

王詔頌恩宴天厨及早移雍容趨廣廈性樂應昌期

承露三漿暖調羹六膳宜蕭韶方合樂都作鳳來儀

輦駐槐廳麗籌傳棘院開從知臺閣選特重棟梁材經

術升賢路文思仰睿裁憑高瞻象緯雲日正昭回

恭和

御製駕幸翰林院賜宴分韻聯句後復得七言律詩四
首并示諸臣元韻

三霄長借玉堂春靈育羣才擬國珍光映台階連壁府
頌申聖主得賢臣鈞衡翊贊人惟舊戶牖咸銘德又
新咫尺蓬瀛邀玉軼崇文式化邁時巡

梧桐棲鳳竹樓鸞拜舞循牆共整冠法曲便從天上聽
寶書長向月中看龍鱗偃水雲流影燕絲飛花錦作
團湛露均沾恩澤厚總歸聖海拓文瀾

帝歌先引韻分聯孔思周情仰睿篇契合薪傳文載
道埽除稗學士希賢雲開黃幄調珠露日麗彤墀

秋水齋詩卷十四

三

起玉煙式讌禮成頒賜渥璘璘十賚軼真仙

康衢歌鼓迎春融保泰勤倦切聖衷官進三臺增壯

嚴禮隆一德備優崇天家雨露儲才廣國計綱緲

作室同獨愧小臣無補報葵忱惟慶日方中

恭和

御製翰林院宴畢

駕幸貢院七律四首元韻

蓬池魚藻樂嘉辰載幸文闈近綺闌臺笠四周騰氣

象鑒與一顧念艱辛青雲納履非無路白首懷鉛大

有人簾月燈風湫隘地宸光煦照即陽春

席帽隨身志鼎台幾經磨礪感年才心追作者良難耳

論少卑之曷尚哉織錦每誇新樣改裁花休問故園開
龍門誰悵秋濤冷瀛海 恩波汨汨來

鵬鴉俱從雲路搏禮羅豈屑雉媒干明珠十斛平量易

寶劍雙精鑒識難三策天人光漢詔九年選造重周官

法宮正鼓雲和瑟肯使焦桐燬下殘

海天魚鳥各飛沉叨與看花馬上吟昔夢尚驚三榜發

新篇載紀五雲深并平潤色歸經術大雅扶輪廣學林

玉尺金衡 天賜子儒臣長合天冰心

送徐東田戶曹假歸四首

忽忽惜別又銅街且喜秋風體氣佳傳語青門停祖餞

故園招客酒如淮

秋水齋詩卷十四

四

珥筆含香與不孤朝回一柳酒錢囊莫言宦索無長物

龍袖新添翡翠爐

南都烟月足歡愉恭縞還應燕樂俱更愛鄰前多問事

阿翁安用鐏髭鬚

中年那得便抽簪出處惟應雨不慚我輩何曾希令僕

長安風月要清談

南山有喬木為錢唐孝子莫仁祉作

南山有喬木止山有翔鳥烏翔悅嘉樹結巢為將雛離

成鳥已卒反哺供所須雌雄累孽育本性終不渝吳山

老農顧而指謂若東鄰莫孝子兩世以孝聞婦女亦相

似之子純心更濟美負米力葵奉甘旨讀書不為紆青

歎平生百行修名動鄉黨實更浮靈鳥感應神貺優龍
章更表雙鳥頭牖民風世惟孝求君不見王謝堂中燕
教得離飛飛不見

弔高處士 承

昔懷高常侍漁樵孟諸野功名得晚成竟老風塵下文

孫邁前修真意托瀟灑自將下澤車靡愛追風馬讀書

敦本行力葵手不假眸色感義形身外皆可捨所思惟

古歡他無當意者著作祇自娛情摯語尤雅大科徵書

及顏變色如赭走向阿母前投懷托瘕瘕平生頗能飲

親喪絕杯筭終焉守墓廬沒齒依松楸古稱獨行人斯

今乃有且雖則歎人琴遺音尚可寫從來鄉先生沒可

秋水齋詩卷十四

五

祭于社誰能發潛光新祠蓋鱗瓦我非蔡中郎愧辭差

云寡回首明湖春香蘋欲盈把

傳九如封公九十壽

南離旺氣浮瞳眈昆池脈與銀河通臨安大郡控交廣

巨縣珠斗巢仙翁仙翁本應箕尾宿三十六度包璇宮

豫章移根世喬木文明有耀光祝融天資孝友勇為善

睦嫺任郎周孤窮千金屢散濟民病鑿山飛練梁飛虹

居人銘德路人感傳公姓勒蒼玲瓏行人謂是古名蹟

不知公在居人叢傳家獨有書萬卷手教孫子從童蒙

聯翩四世擢科第文通武達俱豪雄家孫聲名動柱下

清卿振珮當天中重闡綱登拜朱誥行看渭獵占非熊

公方通然坐茅屋布衣草帶仍儒風行年九十倍受樂
日持一卷舒雙瞳長筵已啓輒不許母寧淡泊壽乃公
我從蘭譜仰耆碩遙瞻南極飛詩筒萬生獄降固有自
以德獲福天無功賓筵秩秩不敢請請以老學頌替膝
南園十景為同年李繩甫刺史賦園其尊甫封
公娛老處也

紅亭夕照

獨坐紅亭裏南園日又曛晚霞明一色如對玉華君

葛棚夜雨

引葛裁重頂牽蘿補半牆卧聞風灑雨初覺夜堂涼

桃塢曉春

秋水齋詩卷十四

六

小塢桃花發山山紅欲然春風莫相笑一日三千年

層巖積雪

層巖斂空翠凍合萬瑤琨賴有靈根在丹泉到底溫

方塘荷露

綠波千娉婷紅衣隔方廣不聞香苞坼但聞露葉響

石橋秋月

陂池橫略約石髮明秋毫鏡水不流影坐看山月高

槐市新蟬

夏木濃陰合蟬聲聒午眠煩襟終可滌鑽火淪山泉

竹園迎風

蒼就蒼筤竹檀園出粉牆晚來風力緊箇箇舞鸞凰

梅嶼流香

孤花伴孤嶼消息驗春回寂寞冬心在香從來處來

柏洞浮烟

空谷無凡聲石鼎有泉沸采采柏子仁此中有禪味

章容谷虞部深柳讀書堂行看子四首

家在汀洲曲水邊青春長愛讀書天自從柳汁彈衣後
烟鎖池塘又幾年

翩翩出谷有新鶯

含香執簡正忽忙桃李門牆適錦囊好事若如廉孟子

重開萬柳作書堂

秋水齋詩卷十四

七

萬卷胸中醞釀餘向來緝柳尚聯車如君也復思還讀
可有司空城旦書

王湧輪助教觀潮圖

乙丑

水浮天地東南坼與月盈虧作潮汐枚乘援筆賦神奇

雖誦瑰辭已舌咋昔我觀濤傍曲江桑田負郭沙痕白

布席方親鷗鷺羣翻杯欲探蛟龍宅濤頭一線排空來

千檣倒載波騰瀉放眼何妨側足留但恨喧卑日將夕

琅琊先生海嶽姿氣壓江神伏河伯秋宵獨踞吳山巔

正值遙空湧水魄天難未唱聞潮聲月窟真機震來就

估客方當噩夢驚山僧已入梵音譯先生道爾自橫襟

坐對空明覺神釋携將東絹繪成圖元氣淋漓寄高格

我聞山隘激潮鳴形感崢嶸俱是客何如朗月為慧珠
孕入靈胃養靈液先生本是學海龍古心更比中流石
乾坤浩蕩無險夷坎止流行隨所適便從人海躍天關
鴻筆為霖彌九澤

翟和園上舍松泉把卷行看子

仙人家住青瑤岑讀書每就青瑤林天風海濤動巖戶
會心譜入無絃琴興來高舉騎黃鶴軟紅不染人如玉
競說中郎得異書書中猶卷松雲綠

同年王侯巖編修夫人哀辭

并序

龐德公未返山居妻能設饌蘇子瞻乍遊江館
婦出藏樽久傳林下清風况是閨中益友王母

秋水齋詩卷十四

八

汪夫人素蘊蘭心溫侔玉質粧臺品目奎樓分
寶鏡之光書樞宣文彤管合金壺之潤夫子既
蓬山注籍碩人宜閨苑聯裾何文福之難齊詎
韶華之遞謝披衣玉女采雲長是不歸入月霜
娥靈藥由來多悞閨宜安仁之恁悻奉倩之神
傷者矣門牆誅德方報後堂絲竹之音宣室受
釐正期前席鬼神之問拭奩中之故鏡未曾並
照牛衣撫琴上之新絃惟合兼調鳳子用裁蕪
句載慰哀悰雖未完乎達情庶無乖於見道云

爾

王郎青春怨春徂承明下直招神巫風環月珮不可攀

夢中香澤猶蕪蕪遊神馭氣空清都流年逝水良難圖
君家比肩瑤與瑜結褵廿載多歡愉乘雲亦著宮錦襦
東鄰寒女嫁迂儒夕春朝汲夜辟繡十指斂瘵無完膚
眉恨不舒歸黃墟生前空道夫壻殊大地缺陷無處無
君且不用悲羈孤風雲搏鳳際岡梧念舊倍惜雙鴛鴦

許霍齋戶曹移居索和元韻二首

丁字斜通巷聯居風雪邊定巢隨燕語卜樹待鶯遷着
屐來鏗爾携琴去灑然移書賀南阮姑汝得鄰賢
尚書遺舊第僦住兩三家躍馬尋常路分蜂早晚衙臣
心清似水家具少於車望裏青楊近心知不我遐

吳 上舍重客京師故主人摹唐子畏畫意

秋水齋詩卷十四

九

贈之即用于畏起句

月明千里故人來埽逕何須闢野萊良會恰逢新釀熟
小園初報雜花開市南煙雨三生夢江左風流一代才
呼起昔賢同翰墨不知清景幾重臺市南別業其主人故將軍觀客美九

處
瀛臺侍宴恭和

御製元韻

禁掖風清肅珮珂千官承 詔慶時和上林久植恒春
樹下里全收合額禾碧海移將仙島近紫瀾開處御舩
過頻年宵旰憂勤切際此寧成式燕歌

龍旂翠葆隔河稠紫氣東來霽景浮巒影巧隨朱閣轉

泉聲遙和白雲流松柯迥出仙人掌蓮葉低藏太乙舟
郊藪風麟知幾許迎鑾都集水西頭

紅牆修竹秀便娟翠映宮廚起瑞煙妙舞清歌盈綺榭
珍殺玉果遍瓊筵良辰曲宴因時舉喬水親臣有世傳
共說浮河觀洛事重開甲子到今年

帝歌風動過雲留特許羣工次第酬龍挾九光騰曉日
鳳銜六律振清秋濃香染翰沾衣袂渥賜盈懷緩帶鉤
大地春臺民共樂小臣尤幸傍仙洲

傳嘉言少京兆寓齋即事次韻無和劉蘭谷黃
門五首

金門足大隱何必慕幽寂偶然得閒靜且復適其適園

秋水齋詩卷十四

十

書容膝寬文字撐腸窄崇情惟古歡相與乎麗澤新詩
可以興我亦期三益

喬松一千尺天風振寥廓松風兩相入雲鶴還棲托萬
籟無正聲獨契有真樂遇合靡撓寧求之恐履錯至人
幾在目安知身落度孤行自矜慎究竟歸沙漠大地非
樊籠此生定誰縛

神龍布雲雨鱗爪無端倪有時眠海底抱寶終無虧委
形由大造萬物入于機心精獨自照皎皎含清輝清輝
亦何盡掬之則在斯無須遊汗漫且與盧敖解

鑽火出竒木煮字不能飽狂思飲墨汁曠古事幽討適
來同心侶唱和也自好盆魚蔭嘉樹慙懷抱誠知

子非魚魚亦隱文藻

泥塗積潦水管麻不可漚無功滋潤物轉轂空復愁有
酒姑酌我我車能少留惜陰期砥德安用悲清秋

王萊堂侍御鵬盟圖

編蒲依曲渚緯蕭居中洲子豈與鷗狎鷗自與子遊自
從陟臺省蓬翼鸞鳳儔回視雲水鄉知子思悠悠昨朝
對便殿良顯嘉謨猷傳噉今在陞詎待形旁求何人為
此圖得非顧虎頭寔子邱壑中心謀非目謀將子舍道
氣天地為虛舟無機更無忘神契跡焉留古人江湖上
亦懷廊廟憂胸中雖浩蕩眼底誰閒鷗

讀周石帆學士齊次風侍讀共筆詩因出笥中

秋水齋詩卷十四

士

所帶純毫各贈三管有詩見謝次韻以訓

素筆虛叨綰半通愧無犀玉比湘東一臺二妙龍文互
六琯雙調鳳律同曾與午牕書練白可宜春帖試牋紅
毛錐躍就非吾贈脫穎囊中欲破空

廟堂赤管判除遷可惜中書正盛年此日平原猶乞米
當時諸葛不論錢磨崖大勝揮金簡飛潛還應漲玉泉
祇恐如椽驚世眼更須小筆餉龍眠

受業定遠王清遠校訂

男

孫

守約編次
文彙校刊

秋水齋詩卷十五

使星集

烏程 張昉斗 雪子

偕獎學研學士典蜀試首途次韻 丁卯

宗伯傳宣拜 主恩封題紅紙旋當門暫收館閣丹鉛
筆待埽峨嶺翠黛痕我愧三廳齊月旦人占二使動星
垣不辭暑雨官程促馬踏槐黃跡已繁

良鄉道中見秋禾正盛即口占二首

青林障日暑全消多稼如雲入望遠嘉植淳興由雨露
懷新今已見良苗

乾曉今年二麥枯原田再熟重秋禾試看綠樹涼陰下

飽喫紅梁水飯多

自井陘縣至平定州道中作

平臨犖嶠上林邱且喜泉聲與耳謀背水有碑標戰壘
湧雲無客問詩樓湧雲樓趙東文所建也在平定州連岡八陘千盤谷

駭浪三重一釣舟我欲題詩徵古蹟怕飛墨瀟長溝頭

井陘舊關

盤險縈幽隱劍鋒雲根鱗甲似盤龍亂山疊作蒼痕鎖
滾石平添足繭重入棧懸車茲小試過關列騎本難容
且留一夜燉城宿夕照當窓翠靄濃

片泉驛

山縣如盂路屈盤出山泉水濁流灘野人那有片茅獻

直到青泥坊底看

壽陽縣

土瘠山荒石輾輪不居龕佛與叢神青腰上架觚稜直
黃土平莽斧劈皺赤日燒空稀小憇清泉夾道隔通津
道傍喜見新榆柳會見濃陰拂路塵新哉

同戈驛唐公起兵處

晉陽龍起動風雷爭樹蟠根楊自推東海客徒腰劍去
太原公子褐裘來宮人侍寢謀先定詔使徵兵信又催
想見義旗初舉日江南正是錦帆開

韓淮陰侯廟

已教劉項判興亡更破全齊鎮假王鐘室不須悲走狗

那生無罪為誰殃

驛館與學研學士夜話

連朝並轡走炎蒸卧起常看隔院燈身是已印持節使
情如雲水打包僧牀聯上下都非主路指西南果得朋
更喜今宵明月共清心齊照玉壺冰

靈石縣山行

兩山相互抱沔水在中行歷馬黃雲重翻鴉綠霧輕迴
眸驚磴道聒耳厭灘聲峭壁三千尺藤蘿不敢生
山空都辟立人跡自延緣才下蟻封疊盤紆牛磨旋半
途臨水住一逗受風偏犖確行良苦遙峯我尚憐

月夜山行大霧

赤日燒山奔絕絢中宵喜見山月印呼起僕夫早戒途
乘此清涼陟崇峻攬衣霓靴循陂陀狎怡清踰巖石潤
賞心不覺同驕高矯首更覺星河近須臾山氣忽鬱蒸
天半空濛月添暈高低樹石總潛形中有萬千支豹隱
又如身入萬濤頭與波上下非登頓戍火迢遙叫莫聞
那得松明資束緼攬衣欲止且徘徊草露沾衣風掠髻
怪石如人立道傍半足凌空揖我進山風歛起霧痕收
咫尺蠟阿始可認乃知置我山岩中險墮懸厓只分寸
紆徐出谷釋迴惶漸見朝鴉飛作陣起看山逕只尋常
不緣好事何由困雖然坐困亦一奇題詩為釋僕夫愠
只算宵來噩夢驚鼠穴乘車我不論

山行

炎官火傘正當空列嶂如屏赤土烘多謝南山通一面
綠楊低度過來風

韓侯嶺

在靈石縣山中有廟廟後有墓相傳漢
高征代還至此呂后送其元高祖葬之

此嶺邑
載祀典

執手陳穉事豈然史家曲筆已神傳漢皇相待終然厚
死後猶蒙喜且憐

英雄自古不謀身一片寒山俎豆存若使淮陰垂釣死
誰將麥飯奠王孫

山店早發

宵來山店羅輕煙曉踏平沙一逕穿我與雲根同止宿

雲飛先到石樓巔

臨汾道中遇雨

山雨平飛急行人道路中也愁泥滑滑且喜黍稷荒豈
止分牛脊何妨滴馬駛僕夫前路住為爾慶年豐

安邑境中書感

時萬泉安邑
民開殺始結

停車弘芝驛東望汾陰市雨色乍不靖相去數舍耳蒲
圻古靈治風俗宜淳美福急詎性生輒弄潢池水丁賦
果不平父老宜陳理縱使忤上官未遂污刀几嗟哉一
朝忿亂我城門執 聖主雖寬仁大法豈容翫天開提
於隼鳥合魄已被上相操便宜片時分死徙刑徒不食
新安論壓夫里倖生為亂民即死為愚鬼

秋暮集羣五

四

牧民重循良道在相孚早定變貴有權一着便可了羣
愚已煽動怙惡事非小首當示形勢諄告庶無藐彼狂
我方急豈容口舌掉脫使膏克鋒豈為風節矯邦君作
孤注從者跡如掃勢絀更依違身名兩難保鉛刀能一
割持柄為我寶未能師聖人蓋亦從黃老

潼關

蒲坂黃埃逐馬來陂陀歷盡轉崔嵬方驚一逕懸車入
忽見重關觀面開地底風雷排浪出空中雄堞攔雲回
中流且喜方舟穩覽古無勞枉費才

夜宿黃河上

斜陽送我陟陂陀候火星星照渡河漫說行廚無杞菊

且欣客館有煙蘿月高山靄窻前墮夜靜河聲枕上過
却憶少年心力健不堪重唱木蘭歌

華陰郭汾陽里

中興肅代豈由天尚父忠勲日月懸書法特超綱目例
畫圖猶作錦屏傳一童侍燕權臣泣匹馬尋盟虜騎還
華嶽靈竒天下少爲公一洩又千年

前過介休文潞公里未曾作詩因汾陽及之

秦晉從來號兩雄特生耆德與元功何當置酒中條頂
左拍汾陽右潞公

望華山

晴雲破空驚清颺千巖捧出雲中姿長途憑軾忽叫絕

秋水齋詩集卷五

五

昔聞華山今見之明人王生傳畫稿分峯寫景何淋漓
俯觀尚覺食秀色到此那不忘調飢橫看側看總蘊藉
不矜險怪矜靈竒高峰去天只一握山根直下無磷緇
空中紫翠自浮動無分岩壑平鋪施皎如春霞貼海日
暈如鵬背迴天池燦如金屏張孔翠鬱如菡萏浮花瓷
高低俯仰各有態千盤百折鱗之而撐天鉅麗轉清絕
不與列岫爭妍媸衰哀四面連跼注馬爲躑躅行遲遲
惜哉不得探幽邃欲借海鶴凌風騎自昔名山重西嶽
蘊真毓秀開昌期長安從古作都會西京風雅承幽岐
國家定鼎在燕薊山靈亦覺東北馳此山的的擅絕特
世間岡嶺非孫兒胡僧初見但禮拜希夷歸與誰能縻

韓公便欲別家去未能決絕心狐疑口不能贊乃慟絕

俗人不解言其癡我今望見得形似長風往往如聲詩

敢言忠信撥雲霧天公憐我王程羈流觀三日始下筆

山靈與結長相思華山始見真面目那有片壁從風吹

扶輿結秀但一氣四十大幅徒爾爲當年看畫時夢到

今日見山夢更迷王生匠心良自苦不信華山即本師

浴驪山溫泉

停驂隨例試泉溫雲水何關艷想存欲向長林晞髮住
已過玉女洗頭盆

咸陽

河山百二西南抱終南山色開堂與西周豐鎬沒戎塵

秋水齋詩集卷五

六

秦得咸陽廓新造當時一劍掃六雄焚秦圖書絕蒐討

鞭笞四海震匈奴皇功帝德彌穹吳秦皇便合億萬年

世數何煩子孫保可憐一夕鮑魚腥東海神仙來不早

中原逐鹿莽狐蛇孺子居然出軹道咸陽宮殿久榛蕪

豈待今時跡如埽千秋馳鑑示興王仁義從來爲國寶

楚人一炬有傳薪至今付與咸陽草

馬嵬

天寶繁華托比肩霓裳一曲至今傳宮花自愛引農寶

塞酒何勞軋犂羶一自錦綉承玉果旋看羅襪換金錢

可憐墳土貽殘粉不及明妃塚草鮮

寶雞山中

陳倉道中飛霧白布野泉流散百脉衝雲撥霧溯泉根
劈面峯巒阻轉軌凝眸乍疑路已窮捫壁蛇行得餘隙
迷離草樹披藤蘿但有山禽飛格磔金天玉女千娉婷
東皇不妬與多碧雲鬟我我宮樣粧一色羅裙疊千縷
上循石級連陂陀屋疑有真仙宅青霞決肯入望遙
回頭忽見驚波濤懸崖直下千尺強只留一綫容人跡
諦觀始覺斧鑿痕山不迫人人相迫眼中奇賞形忘勞
設色難摹徒指畫新險平生見未曾我亦南人非北客

鳳嶺下

鳳嶺西岡破曉行翠枝紅萼亦多情筍輿拂處匆匆過
未與山花問小名

秋八行詩卷之三

棧道水

蜀山常積太古雪凍裂山膚入山穴靈砂真烝化金精
處處紅泉飲雌蜺大者懸流匯江漢劈破蒼崖氣融洩
小者散瀑作澗池環繞山根作漱刷餘泉流播馬蹄前
行旅操瓢供瓶挈誰遣山腰迸細泉濺沫飛濡濕凹凸
觸石憑崖便作聲似向行人訴淒切前山虎狼牙欲血
後山蟄龍飢欲齧上方峭壁隨驚猿下山斷崖落跛驚
叨叨絮絮聒耳根令我鬱陶心不悅我能戒險足無失
安能聽爾語嗚咽

棧道雲

連山蒨鬱草木薰陰風刮石多濃雲初看柳花出林表

漸見披絮團天垠豐隆揚旗屏騎走蛟螭圍繞雲中
須臾漫山飛凍雨牧童失笛樵亡斤行人策蹇無處避
猝不暇著青油裙須臾雲散日杲杲山頂枯木仍如焚
下山亦不見雨脚但覺濁水添河漬雲乎雲乎爾能釀
雨到地良苗新母徒山半愁羈人

棧道石

蜀棧巖巒插天漢蜀山天斷白石爛瑰琦瘦秀各自呈
蒼翠從人橫側看豈無穉劣礙行人火煨鉗敲醺以灌
拾片資修棧道平餘棄猶堪甃崖岸山泉漱石閱歲年
世道較輕利為圓推排雖自善旋轉輪蹄往往遭顛連
爾石摩稜豈真性安得無用稱天全沉思此石良不便

秋八行詩卷之三

八

欲入陶甄質難變立馬躊躇正長嘆石且能言一笑笑
我不摩稜亦遭煨

棧道樹

晴雲展岫舒青蔥千林嘉植多丰容宛如千鬟綰蟬翼
翡翠共戲蘭苔中獨思蜀山多巨木板楠杞梓檜柏松
連解結筏出湘漢千年木枋浮江東茲山不見輪囷樹
見者拱把迷煙叢明堂清廟已鞏固百年之計終踈慵
蒼茫獨立還倚徙竭來樵父陳雲踪後山礧谷樹萬挺
兼人合抱蟠虬龍蒼皮黛色二千尺半身已受古雪封
生來礧穴不知歲輪囷鬱律無遭逢前山雜樹人所見
一年一伐條肆豐或收臃腫作奇古強將木瘿分雌雄

我聞樵父語刺促牙髯勃心煩冲翁今獲見此奇木
曷不輦歸作棟隆翁聞我言听然笑此語激烈非名通
百圍大木豈易致重如磐石堅如銅古米般爾亦闢巧
匠石亦止攻木工平鱗剝角尚駭目真花片片須磨礱
縱迴萬牛出豁谷豈堪窈窕施房櫳出山終當委途路
曷若偃卧墳山空我今腰斧歷年久負薪抵得買萊傭
青錢數出易為用歸去穩卧蓬蒿宮大木豈與天喬同
止應正直酬天功樵父竟去無與語回首夕陽山樹紅

棧道僧

西來大意從金天蜀山合有香燈禪南能授衣通絕嶺
蜀山合有風掃影王子耀居雪沒腰道人樹底雀巢頂

卷五

元

清淨身高山險低廣長舌震溪聲靜天下名山僧占多
如何獨少茅菴整曠觀極目他心通為縹流去幽屏
山高磴遠城市遙財施法施誰復省縱然種就趙州茶
如何得飽雲門餅餅頭關前鳳嶺尾祇樹從山六百里
猶有團瓢相對峙我亦無心問禪喜行人小憩為佳耳
山僧寺院止於此山僧之情可知矣

棧道鳥

岐鳳不到西周西荒原埋沒陳倉雞泰山落盡大小翻
蜀枝多聞羣鳥啼暑雨已知春去了割麥插禾苦不早
行人莫嫌婆餅焦得過且過恣一飽壚頭開紅姑不惡
棧葫蘆近郭筒杳不如歸去歸路遙羣感愁看畫眉鳥

蜀州鬼亦在南天行不得哥莫憐况復前山沉滑滑
脫却布袴慈與皇徒開鳳凰不如我望置車中有何好
蜀山群鳥皆能言釣軒傑格聒耳煩鴉也鴉傳總無用
喚起催歸長自宣遷喬出谷爭為舉誰肯低頭拜杜宇
貴人只愛養鸚鵡哥翠襟紅爪聰明語

觀音塢

名聞王城木剎費山名

危峰壓帽簷峭石闢屢出雲根一線延下臨絕壑水誰
揚摩天刀所斷遙望驪龍吐銀牙流沫腥以駛奇鬼
欲下投石絆方攔指側足昂其頭忽然顛有泚僕夫簇
短轆肩轉側肘趾陡然身掛空努力越山背俯得小
憩片石聊徙倚谷口慈雲迴陰風猶不止塢中號奇險

卷五

十

屢刻尚如此凝神觀自在吾果由身耳

下灘頭閣

路轉嚴關下連山露遠眉川原迴曠雲物拓清夷谷
口高人跡郵亭夢裡詩平生多古意立馬欲行遲

諸葛武侯祠

名聞王城木剎費山名

絕世經綸冠世勲儒風道氣鬱清芬茅出處傳高格
魚水遭逢過古制滅魏有謀才十倍興劉無命國三分
低徊欲采香蘋薦溪水東流日又曛

五丁峽

懸崖一千仞巖巒奔奔湊凌空猿鳥絕風霆激寒溜據
鞍涉磧水石驚龍象用上下托垂絙劣得循牆走梁州

原缺

秋水齋詩集十五卷

浙江巡撫
採進本

國朝張映斗撰映斗字雪子烏程人雍正癸丑進士
官翰林院編修是編凡十四集首曰或可存集次
江上集次釣磯集次雲林集次范湖集次曰下集
次水籤集次新館集次內舍集次新館後集次舊
雨集次清祕集次灑臺集次使星集皆其子守約
守愚所編前有湯右曾序作於康熙乙未蓋其早
年卽爲右曾所賞識也



ZW

21101000582875